

**APOPHTHEGMATA,**  
**EX PROBATIS GRÆCÆ**  
**LATINÆQVE LINGVÆ**  
**SCRIPTORIBVS**

**A** CONRADO LYCOSTHENE collecta, & per  
locos communes, iuxta Alphabeti  
seriem, digesta.

*Postremâ hac editione diligenter recognita, & undecim  
Apothegmatum centuriis aucta.*

Accesserunt Parabolæ, siue similitudines, ab ERASMO  
ex Plutarcho & aliis olim excerptæ, deinde per  
LYCOSTHENEM dispositæ, ac nunc primum  
aliquot centuriis auctiores editæ.

**EDITIO ALTERA**



*Joheſ Johnson? eſt mihi vñs.*  
Excudebat Ioann. Iackſonus. *Preſ. 26-68.*

**M. D. XCVI.**



APR 19 1964

EXHIBIT 100-1

5404.12 5405.12 5406.12

27 1949

А. С. Савин

1920-1921

2005

1922

SECRET

2nd. The ...

10-31-25

THE UNIVERSITY OF CHICAGO

02/03/2005

100

5



# TYPOGRAPHVS CANDIDO

LECTORI SALVTEM,



**Q**UID nouâ hac nostra apophthegmatum, à Conrado Lycosthene, viro de literis & literatis optimè merito, olim per locos ordine alphabeti digestorum, editione sit præstitum, paucis indicare necessarium duximus.

Primum, quàm diligenter fieri potuit errata quæ in prioribus editionibus, præcipuè verò ab ipsius Lycosthenis obitu (sæpius enim iteratę sunt) irrepsērāt, sunt emendata: & si non diffitemur quædā inter excudendum nobis excidisse, quę pro tua æquitate & industria condonabis ac facile corriges.

Apophthegmata frequentius posita, superflua, abstulimus: extra suos locos posita ad classes conuenientes reduximus: quæ apophthegmatum nomine, aut lectione indigna erant, aut obscena, & ethnicam impietatem vel spurcitiem nimium redolentia deleuimus: vt operis titulo materia responderet vndique, nec quicquam occurreret quo pudici oculi vel purgata aures offenderentur.

Deinde titulos seu locos quosdam omissos restituiimus, & multis apophthegmatum (asterisco signatorum) centuriis nostram editionem ornauiimus.

Postremò, sacra quædam (sed rarò) scitè dicta profanis adiunximus, vt veræ pietatis aliqua recordatione inter legendum affectus, ab Ethnicorum schola, equidem erudita, ad sinceram illam & cœlestem in sacro Dei verbo apertam, velut manu ducereris.

Porro in hoc opere promouendo perficiendòq; suam nobis operam commodauit amicus quidam noster, Anonymus, bonarum literarum amans, & eruditorum omnium discipulus: qui iam pridem apophthegmatum sacrorum vberrium thesaurum tibi colligit, quem (Deo annuente) breui in lucem emitter. His Lycosthenicis interea vttere fruiere, faue vobis, & vale. Ex typographiea nostra, **V I I I. Idus Augusti, anno Redemptionis nostrę C I O. I O. X C I.**



## DE APOPHTHEGMATVM SIVE SENTENTIARVM, NEC NON

etiam Similitudinum selectissimarum,  
utilitate atque usu.



**P**rimo enim, & humaniorum Studiorum ac  
civilis conuersationis studioso homini, quam maxime  
necessarios esse locos hosce communes apophthegma-  
tum siue sententiarum, ac etiam similitudinum ex op-  
timis viriusque linguae scriptoribus selectarum, hinc  
facile constare potest, quod qui in munere seu publico  
& civili, seu privato & domestico versantur, si apposite & cum gratia  
quadam loqui & scribere essent, vita hominum non vita sed ferinus  
& cecus quidam cecus videri possit. Philosophis igitur, oratoribus,  
Imperatoribus, regibus, principibus, ducibus, atque privatis omnibus  
hominibus ad communia obcunda huius vitae munera, studiisque exor-  
nanda, suppellex hic offertur locupletissima, non solum ad bene dicen-  
dum, sed etiam, quod longe praestantius est, ad bene agendum: utrius-  
que enim hinc exempla peti possunt illustria, eorum qui inter homi-  
nes eruditionis & sapientiae laude excelluerunt. Privatorum enim  
hominum unumquemque primum admonet Socrates, ut virtutis de-  
siderio non minus quam patriae semper teneatur: propterea etiam ab-  
stinatissimam vitam agat, & voluptates omnes, veluti Sirenes, fu-  
giat. Beatus, inquit Bias, est, non qui dives est & concupitis potitur,  
sed qui nihil concupiscit. Hoc autem privatum quemque dicere, at-  
que etiam duces maximos, facile constat ex admonitione Aristidis ad  
Themistocle: nam cum Themistocles summam boni ducis laudem de-  
finiret, scire ac praescire hostium consilia. Et istud, inquit, o Themisto-  
cles, faciendum est, sed imprimis oportet habere manus continentis:  
hic enim egregij ducis praecipua laus est, ut videlicet etiam & ipse

nihil concupiscat, præcipueque manibus, lingueque & ventris temperet, atque pudendis. Ad Imperatores vero etiam extat admonitio Democriti: nam, inquit, imperator inuictus & fortis est, non hostium, sed voluptatum victor. Ad priuatum vero spectare potest admonitio Epicuri, qua docet, hac arte discere quosque facile, non si presentibus alia adiocerint, sed si vsum atque necessitatem præmissam sibi circunciderint. Hæc per pauca admonitionis exempla hic proposita volui, ut quanta sit operis utilitas, magis innotescat: nam non solum principibus & cuique priuatorum exhibet admonitiones accommodatissimas, sed & actionum regulas constituit in omnibus, & dum sani sumus, & diu egrotamus, siue etiam cum amicis, siue cum hostibus agimus, vel serio vel iocose. Præterea sui officij sapius admonet indices, milites, monarchas, nobiles, & priuatos quosque, torpentes excitat, languentes fouet, tristes solatur, imperitos rerum arguit, stultos castigat, eruditos miris modis afficit, adolescentes docet, adultos à prauis affectibus dehortatur, viros confirmat, senes fulcit, & ad supremam illam metam festinantes gratis acclamationibus impellit. Pseudochristiani autem ethnicorum tot sapienter dicta & gesta ruborem incutiunt, impios & iniustos homines ad celeste & tremendum illud tribunal vel inuitos petrahunt, de tot blasphemis, obscænis, nefandis dictis & factis rationem reddituros. Studiosis bonarum literarum, seu declamationibus seu mutuis colloquiis, seu epistolarum ad familiares scriptione ingenia sua velit (ut decet) exercere, materiam suppeditat, qua instructi ornate & copiose differere queant. At hic meminerint, velim, apophthegmata, ut & proverbia & similitudines, esse instar salis & condimentorum, quorum vsus non ita frequens, sed apertus esse debeat. Quia in re prudentia & exercitatione, temporis filia, opus est. Porro, ad apophthegmatis definitionem accedendum est. Sûntque apophthegmata cum adagiis ipsis comparanda: quod apophthegmata cum adagiis non parum conueniant, immo affinitatem maximam inter se habeant. Nam cum sit adagium, teste Varrone, quasi circummagium & celebre dictum, per ora hominum obambulans, & scita quapiam nouitate insigne, ut inquit Erasmus: nulli dubium est quod & apophthegma sit celebre dictum, scita quapiam nouitate insigne, quamuis non sit vulgò iactatum, nec passim per ora hominum obambulet, ut adagium. Equidem optime consultum esset



hominum vita, si magis essent trita celebria dicta: nam bene & sapienter dicendo, tandem homines bene agerent & sapientiores essent. Ad rem autem redeuntes, inter alia quæ adagiis confinia ponuntur, etiam Erasmo teste sunt apophthegmata, quæ nec alio modo differunt ab adagiis quàm sententia. Inter sententiam autem & adagium siue prouerbum, quod Græcè paræmia dicitur, hoc est discriminis, quod utrumque cum altero coniungi potest, & utrumque rursus ab altero seiungi, non aliter quàm album ab homine. Et veluti non omne album est homo, nec etiam homo est omne quod album est: tamen nihil vetat id album esse, quod homo est. ita etiam non rarò fit, ut sententia paræmiam siue prouerbum complectatur. Nam omne tamen quod paræmia est, idem est & sententia, nec e contra. Exempli gratia, sententia est hac non adagium nec prouerbum, Pascitur in viuis litior post fata quiescit. Prouerbum verò est hoc, non tamen sententia, Ego in portu nauigo. Sententia verò simul & prouerbum est hoc, Ne puero gladium. similiter etiam aliqua sunt apophthegmata, quæ simul etiam sunt prouerbia & apophthegmata, ut est responsum Simonidis ad quendam in conuiuio tacentem. nam, inquit, siquidem stultus es, sapientem rem facis: si verò sapiens, stultam. Apophthegma verò est, non autem prouerbum, si dicas, oportet Cæsaris uxorem, non solum crimine, verum etiam criminis suspitione vacare. Quoniam igitur quadam sunt ex adagiis, ex quibus confici possunt apophthegmata, quæ transire possunt in adagia, non inutile est horum inter se affinitatem demonstrasse: nam hinc constat apophthegmata ad omnia ea utilia fere esse, ad quæ sunt & adagia: & ubi aliquid inter huiusmodi apophthegmata desideratur, id posse ab adagiis facile mutuari. pro apophthegmate enim ex adagiis usurpari potest, si quis respondeat, iniusta petenti, se usque ad aras esse amicum. Et sic etiam multa hac ratione formari possunt, & passim ex omnibus adagiis possunt apophthegmata commodè formari: ubi breuitas simul adsit, & sententia, & quod scitè dici possit: nam scitum appellamus quod antiquitate pariter & eruditione commendatur. Nunc videamus quid sit apophthegmatum proprium, & unde id eis contingat. Ipsius enim tradita definitione, & similitudine atque differentia ab adagiis, si quid proprium est apophthegmatis in memoriam

rursus renocabimus, & facile etiam inde apparebit quo pacto & ad quot utilis sit apophthegmatum cognitio. Apophthegmatis proprium est quod est sententia proprium, hoc est ut eruditione & antiquitate commendetur, sitque scita quapiam novitate insigne & celebratum, quod etiam maxime adagio convenit, immo ex hoc fit ut ad quacunque utilia sint proverbia, ad eadem conferant & apophthegmata. Conducit igitur apophthegmatum cognitio cum ad alia permulta, tum potissimum ad philosophiam, ad persuadendum, ad decus, & ad gratiam orationis, atque etiam ad intelligendos optimos quosque autores. Et primum quidem conducit ad philosophiae scientiam comparandam: quoniam scite dictis quicquid est philosophiae scientiaeque & sapientia in homine facile comprehenditur. Non segniter ergo nec oscitanter, sed pressius & penitus inspicienda erunt & relegenda haec apophthegmata: subsunt enim in hisce scite dictis, & sententiis veluti quidam igniculi ingentis sapientiae: suntque huiusmodi apophthegmata simillima sacrorum mysteriis in quibus maxima quapiam res ac divina minutulis & in speciem pene ridiculis ceremoniis significari solent. his enim brevis dictis per inuolucrum quoddam eadem innuuntur, quae philosophia principes tot voluminibus tradiderunt, immo tantum honoris habitum est eis olim, ut non ab homine profecta, sed caelitus delapsa, viderentur. nam è calo, inquit Iuuenalis, descendit γῶδι σκαυῶν, id est nosce teipsum: & perinde etiam pro foribus templorum, veluti digna diis, inscribebantur, passimque columnis & marmoribus insculpta viscebantur tanquam immortalis digna memoria. sed hoc adhuc longè magis manifestum est, si quis memoria repetat Socraticum illud, quod in apologia Socratis responsum habetur, ubi pluribus rationibus Socrates docet, magis obediendum esse Deo quàm hominibus. Hoc enim dogmate nullum unquam proditum est à philosophis vel ad rectè instituendam vitam salubrius, vel Christiana religioni nostra vicinius: & nihilominus rem tantam breue hoc apophthegma paucis complectitur. Felicitatis enim humanae summa eo comprehensa est. immo hoc si mortalibus persuaderi queat, ilicò faceissent è medio bellum, invidia, fraus, atque uniuersum malorū agm. Ex hoc igitur vno solo apophthegmate satis patet quantum philosophiae brevis sententia nobis aperiat. Sed videamus quo pacto etiam ad persuadendum apophthegmata

conducant. unica autem hac ratione, ut ceteras breuitati causas e-  
mittam, hoc facile constat, quod apophthegmata sine sententia, qua  
vulgo recepta sunt, hoc ipso, quod incertum auctorem habent, velut  
omnium sunt, & vim maximam ad persuadendum habent. neque  
enim durassent hoc in aeternum, inquit Fabius, nisi vera omnibus vi-  
derentur. Ad intelligendos autem optimos quosque autores etiam con-  
dacere, & potissimum etiam ad intelligentiam eorumque dicuntur col-  
loquendo, hinc facile constat, quod mutilatim haec quandoque efferun-  
tur, ut cum dicimus, Principiis obsta. Ceterum non est quod hac de  
re pluribus agamus. Utilitas enim in promptu legenti erit, & potissi-  
mum si legantur ut mores instituantur, & sermones emendentur, nam  
si corrumpunt bonos mores colloquia praua, facile instaurabuntur opti-  
mi ex dictis & sententiis Sapientum.

## THOMAS NAOGEOGVVS

LECTORIBVS.

Dicta olim veterum mixtim collegit ERASMVS,  
Vnde ingens studiis prodiit utilitas.  
Olim in ea CONRADVS nidis communibus apte  
Disposuit, cuius auxit & illa suis.  
Vnde sacrum maius facies studiosa iuuentus,  
Quod certo inuenies condita quaque loco.  
Scilicet ut prodest apte digesta supellex,  
Quam citius quicquid flagitat vsus adest:  
Sic habet in studiis, quum facta argutaque dicta  
In classes retines quaque redacta suas.  
Ergo, LYCOSTHENEI dignas persoluito grates,  
Cuius ita assidua rite iuuaris ope.

# CAPITVM SIVE LOCO RVM COMMVNIVM INDEX.



|   |       |
|---|-------|
| <i>Abſtinentia</i>                              | I     |
| <i>Abuſus rerum pernicioſus</i>                 | 4     |
| <i>Accuſatio</i>                                | 5     |
| <i>Admonitio</i>                                | ibid. |
| <i>Adulatio &amp; Aſſentatio</i>                | ibid. |
| <i>Adulatores non adminendi</i>                 | 10    |
| <i>Adulantiũ liberat</i>                        | 11    |
| <i>Adulterium</i>                               | 12    |
| <i>Aegrotatio</i>                               | 13    |
| <i>Aemulatio</i>                                | 14    |
| <i>Aenigmata</i>                                | 15    |
| <i>AEqualitas</i>                               | ibid. |
| <i>Aerarium &amp; ſiſcus</i>                    | 17    |
| <i>Affabilitas</i>                              | ibid. |
| <i>de Affabilitate neglecta</i>                 | ibid. |
| <i>Affectatio verborum</i>                      | 18    |
| <i>Affectus humani</i>                          | 19    |
| <i>Affectus privati</i>                         | ibid. |
| <i>Affectus noſtri, qui in aliis probantur</i>  | 20    |
| <i>Affectus frenandi</i>                        | ibid. |
| <i>Afflictiones</i>                             | 21    |
| <i>Agricultura</i>                              | 22    |
| <i>Alca</i>                                     | 24    |
| <i>Ambiguè dicta</i>                            | ibid. |
| <i>Ambitio</i>                                  | 28    |
| <i>Ambitio ex ſordibus</i>                      | 31    |
| <i>Amicitia, atque amicus bonus</i>             | 33    |
| <i>Amicitia regum &amp; principum</i>           | 38    |
| <i>Amicitia neglecta, aut violata</i>           | ibid. |
| <i>Amicitia falſa, que in aduerſis pateſcit</i> | 39    |
| <i>Amicorum electio</i>                         | 41    |
| <i>Amicus caſtigatior</i>                       | 42    |
| <i>Amicorum res communes</i>                    | ibid. |
| <i>Amor inſupidiuſ</i>                          | 43    |
| <i>Amoris partium honeſti remedia</i>           | 44    |
| <i>Amantiorum &amp; odium</i>                   | ibid. |
| <i>Amor honeſtus</i>                            | 45    |
| <i>Amor ſui, quem Græci φιλανθρωπία vocant</i>  | ib.   |

|  |       |
|--|-------|
| <i>Amari à ſubditis melius quam mori</i>   | 3     |
| <i>Anima immortalitas</i>                  | ibid. |
| <i>Animi bona ac culus</i>                 | ibid. |
| <i>Animiſe dicta</i>                       | ibid. |
| <i>Aqua luſtralis</i>                      | ibid. |
| <i>Aræana non temere effundenda</i>        | 56    |
| <i>Arguè dicta</i>                         | ibid. |
| <i>Arrogantia</i>                          | 63    |
| <i>Artium atque diſciplinarum vtilitas</i> | 64    |
| <i>Aræſ ſupermacane &amp; inuiles</i>      | 65    |
| <i>Artium contemptus</i>                   | ibid. |
| <i>Ar, quam quilibet nouis, exercenda</i>  | 66    |
| <i>Aſpectus incauſus</i>                   | ibid. |
| <i>Aſſentatio</i>                          | ibid. |
| <i>Aſſiduitas</i>                          | 67    |
| <i>Aſſuetudo</i>                           | ibid. |
| <i>Aſtologia &amp; Aſtronomia</i>          | ibid. |
| <i>Aſtuſia</i>                             | 68    |
| <i>Aſſentio</i>                            | 69    |
| <i>Auaritia</i>                            | ibid. |
| <i>Audacia</i>                             | 77    |
| <i>Auditus &amp; auditores</i>             | 79    |
| <i>Auguria</i>                             | ibid. |
| <i>Aulica vita</i>                         | 80    |
| <i>Authoritas</i>                          | 81    |

## B

|   |       |
|---|-------|
| <i>B Alneum</i>                                       | 83    |
| <i>de Barba</i>                                       | ibid. |
| <i>Barbaria</i>                                       | 84    |
| <i>de Beatiſtudine</i>                                | ibid. |
| <i>Beatus nemo indicandus ante mortem</i>             | 86    |
| <i>Belli ſtudium</i>                                  | 87    |
| <i>Belli pernicies</i>                                | 89    |
| <i>Bellici ſumptua</i>                                | 90    |
| <i>Beneficentia</i>                                   | ibid. |
| <i>Beneficium dignis collatum, &amp; à dignis ac-</i> |       |
| <i>ciplendum</i>                                      | 93    |
| <i>Beneficium indignis collatum</i>                   | 94    |

Benigno-



# I N D E X

|  |              |                               |     |
|--|--------------|-------------------------------|-----|
| <i>Beneuolentia</i>                            | <i>ibid.</i> | <i>Consolatio</i>             | 134 |
| <i>Bonitas uel benignitas, &amp; bonus uir</i> | 95           | <i>Constantia</i>             | 135 |
| <i>Breuiquencia</i>                            | 96           | <i>Constantia in re uirgi</i> | 137 |

## C

|  |                |  |              |
|--|----------------|--|--------------|
| <b>C</b> <i>AEcitas</i>                        | 98             | <i>Contemptus &amp; irrisio</i>            | <i>ibid.</i> |
| <i>Callide dicta</i>                           | 99             | <i>Continentia</i>                         | 139          |
| <i>Calumnia</i>                                | <i>ibid.</i>   | <i>Contumacia</i>                          | 141          |
| <i>Canices</i>                                 | 101            | <i>Contumelia</i>                          | <i>ibid.</i> |
| <i>Castigatio, correctio &amp; reprehensio</i> | <i>ibid.</i>   | <i>Conuictus &amp; conuersatio</i>         | <i>ibid.</i> |
| <i>Castigatio modesta</i>                      | 102            | <i>Conuictus malorum non semper obest</i>  | 142          |
| <i>Castigatio libera</i>                       | 103            | <i>Conuicia</i>                            | <i>ibid.</i> |
| <i>Castigatio dura</i>                         | <i>ibid.</i>   | <i>Conuicia</i>                            | 143          |
| <i>Castigatio iniquo animo lata</i>            | 104            | <i>Conuicia in ipsam auctorem rectoria</i> | 145          |
| <i>Castitas</i>                                | <i>ibid.</i>   | <i>Correctio</i>                           | 152          |
| <i>Celeritas atque uelocitas in agendo</i>     | 105            | <i>Crudelitas</i>                          | <i>ibid.</i> |
| <i>Charitas</i>                                | 106            | <i>Cunctatio in rebus agendis</i>          | 155          |
| <i>Ciuilitas</i>                               | <i>ibid.</i>   | <i>Curiositas</i>                          | 156          |
| <i>Claudicatio</i>                             | 108            |  |              |
| <i>Clementia</i>                               | <i>ibid.</i>   |  |              |
| <i>Cognitio sui</i>                            | 116            |  |              |
| <i>Collega inutilis</i>                        | 117            |  |              |
| <i>Coitus &amp; uenus</i>                      | 118            |  |              |
| <i>Comitas</i>                                 | <i>ibid.</i>   |  |              |
| <i>Commendatio</i>                             | 119            |  |              |
| <i>Comediae libertas</i>                       | <i>ibid.</i>   |  |              |
| <i>Compassio seu condolentia</i>               | 120            |  |              |
| <i>Concordia</i>                               | <i>ibid.</i>   |  |              |
| <i>Confessio</i>                               | 123            |  |              |
| <i>Coniugium</i>                               | <i>ibid.</i>   |  |              |
| <i>Coniugalus amor</i>                         | 125            |  |              |
| <i>Coniugij molestie</i>                       | <i>ibid.</i>   |  |              |
| <i>Coniugium iteratum</i>                      | 126            |  |              |
| <i>Conscientia bona</i>                        | 127            |  |              |
| <i>Conscientia mala</i>                        | 128            |  |              |
| <i>Consilium bonum</i>                         | 129            |  |              |
| <i>Consilium secretum</i>                      | 130            |  |              |
| <i>Consilium precipitatum</i>                  | <i>ibid.</i>   |  |              |
| <i>Consilium senile</i>                        | 131            |  |              |
| <i>Consilium bonum, sed contemptum</i>         | <i>ibid.</i>   |  |              |
| <i>Consilium parum honestum</i>                | 132            |  |              |
| <i>Consilium in melius mutatum</i>             | <i>ibid.</i>   |  |              |
| <i>Consilium malum, ac consultori pessimum</i> | <i>ibidem.</i> |  |              |
| <i>Consiliarij regum ac principum</i>          | 133            |  |              |

## D

|  |              |
|--|--------------|
| <b>D</b> <i>Annus acceptum</i>                 | 157          |
| <i>Deambulatio</i>                             | <i>ibid.</i> |
| <i>Debitorum soluendi</i>                      | <i>ibid.</i> |
| <i>Decorum ubique omnibus obseruandum</i>      |              |
| <i>pag.</i>                                    | 158          |
| <i>Defensio</i>                                | 160          |
| <i>Deditio</i>                                 | <i>ibid.</i> |
| <i>Dediscendi difficultas</i>                  | 161          |
| <i>Degeneratio</i>                             | <i>ibid.</i> |
| <i>Delatio</i>                                 | 163          |
| <i>Democratia</i>                              | <i>ibid.</i> |
| <i>Desperatio</i>                              | <i>ibid.</i> |
| <i>Deposuitum</i>                              | <i>ibid.</i> |
| <i>Deus</i>                                    | 164          |
| <i>Deus aternus</i>                            | 165          |
| <i>Deus immutabilis</i>                        | <i>ibid.</i> |
| <i>Deus semper colendus</i>                    | 166          |
| <i>Deus, dona sua inaequaliter distribuens</i> |              |
| <i>ibidem.</i>                                 |              |
| <i>Dialectica</i>                              | 167          |
| <i>Diffidentia</i>                             | 168          |
| <i>Diligentia</i>                              | 169          |
| <i>Diligentia nimia</i>                        | <i>ibid.</i> |
| <i>Discendi cupiditas</i>                      | 170          |

*Discipulus*

# I N D E X.

|   |       |
|---|-------|
| Discipulus docilis                                  | 171   |
| Discipulus indocilis                                | 172.  |
| Discipulorum erga præceptores pietas                | 173   |
| Discipulorum infrequentia, & numerus<br>exiguus     | ibid. |
| Discordia   | ibid. |
| Disputationes, aus quæstiones inutiles              | ibid. |
| Dissidium   | 175   |
| Dissimulatio  | ibid. |
| Diminatio   | ibid. |
| Dimissæ ac opes                                     | 177   |
| Diminutionum usus                                   | 181   |
| Diminutionum abusus                                 | 182   |
| Dives indoctus                                      | 183   |
| Diminutionum atque opum contemptus                  | ibid. |
| Docilias  | 186   |
| Doctrina & eruditio                                 | ibid. |
| Doctrina & eruditio in pretio habita                | 191   |
| Doctrina factis dissensanea                         | 193   |
| Dolus & fraus                                       | 194   |
| Dolor   | ibid. |
| Domini præsentia                                    | 195   |
| Domus structura & ornatus                           | ibid. |
| Donum & munera                                      | ibid. |
| Dos   | 196   |
| Dux belli   | ibid. |
| Dux externus  | 197   |
| Dux senex   | 198   |
| Dux prudentia & vigilantia                          | ibid. |
| Ducis præsentia, multum conferens ad vi-<br>ctoriam | 199   |
| Dux strenuus & solers                               | ibid. |
| Dux, qui viæ suæ non debet esse prodigus<br>pag.    | 200   |
| Ducis pietas erga milites                           | 201   |
| Dux bonus non facile musandus                       | 202   |
| Dux ignavus   | ibid. |

**E**

|                                 |       |
|---------------------------------|-------|
| <b>E</b> Brietas                | ibid. |
| Ebrietas effectus varij         | 206   |
| Educatio & instructio liberorum | 207   |
| Educatio filiorum neglecta      | 211   |
| Eleemosyna                      | ibid. |
| Electio                         | 212   |

|                                  |              |
|----------------------------------|--------------|
| <i>Eloquentia</i>                | 213          |
| <i>Error &amp; lapsus</i>        | 214          |
| <i>Exactiones &amp; tributa</i>  | 215          |
| <i>Exercitatio ingenij</i>       | <i>ibid.</i> |
| <i>Exercitatio corporis</i>      | 216          |
| <i>Exilium</i>                   | <i>ibid.</i> |
| <i>Exilium fortiter ferendum</i> | 217          |
| <i>Experientia rerum</i>         | 218          |
| <i>Exprobratio</i>               | 219          |

**F**

|  |              |
|--|--------------|
| <b>F</b> <i>Acetè &amp; iocose dicta</i>       | <i>ibid.</i> |
| <i>Fama bona</i>                               | 232          |
| <i>Fama &amp; rumor falsus</i>                 | <i>ibid.</i> |
| <i>Fames &amp; sitis</i>                       | 233          |
| <i>Familiaritas</i>                            | 234          |
| <i>Faslius</i>                                 | <i>ibid.</i> |
| <i>Fatum</i>                                   | 235          |
| <i>Favor</i>                                   | <i>ibid.</i> |
| <i>Favor arte &amp; largitionibus captatus</i> | 236          |
| <i>Feræ &amp; dies festi</i>                   | <i>ibid.</i> |
| <i>Fides seruanda</i>                          | <i>ibid.</i> |
| <i>Fiducia sui</i>                             | 238          |
| <i>Fiducia artis</i>                           | 239          |
| <i>Fiducia potestatis</i>                      | <i>ibid.</i> |
| <i>Fiducia meritum</i>                         | 240          |
| <i>Filij sine liberi</i>                       | <i>ibid.</i> |
| <i>Filiorum pietas in parente</i>              | 241          |
| <i>Filiorum impietas in parentes</i>           | 242          |
| <i>Filiorum abdicatio</i>                      | 243          |
| <i>Finis ubique spectandus</i>                 | <i>ibid.</i> |
| <i>Felicitas</i>                               | 244          |
| <i>Fœnus</i>                                   | 245          |
| <i>Forma &amp; pulchritudo corporis</i>        | <i>ibid.</i> |
| <i>Fortitudo domestica</i>                     | 247          |
| <i>Fortitudo heroica &amp; militaris</i>       | 252          |
| <i>Fortuna</i>                                 | 262          |
| <i>Fortune inconstantia &amp; mutatio</i>      | 263          |
| <i>Fortuna aduersa æquo animo ferenda</i>      | 266          |
| <i>Fratres</i>                                 | <i>ibid.</i> |
| <i>Frugalitas</i>                              | 267          |
| <i>Fucus</i>                                   | 273          |
| <i>Fuga</i>                                    | 274          |
| <i>Fuga excusata</i>                           | 275          |
| <i>Furium &amp; fures</i>                      | 276          |

**Garrulias**

# I N D E X

|   |       |                                      |       |
|---|-------|--------------------------------------|-------|
| <b>G</b>                                  |       |                                      |       |
| Arrulitas & loquacitas                    | 277   | Imperitia                            | ibid. |
| Generositas dicta                         | 279   | Impietas                             | 317   |
| Gesticulatio                              | 280   | Imprudencia                          | ibid. |
| Geometria                                 | 281   | Impudentia                           | ibid. |
| Gladus gladiatores atque arma             | ibid. | Impudicitia                          | ibid. |
| Gloria & eius amor                        | ibid. | Impunitas                            | 318   |
| Gloria contemptus                         | 283   | Incessus                             | ibid. |
| de Grandine                               | 284   | Inconstantia & lenitas               | ibid. |
| Gratitudo in Deum                         | 285   | Incontinentia & libidositas          | 319   |
| Graviter dicta                            | ibid. | Indocilis                            | ibid. |
| Gubernatio                                | 290   | Indoles excelsa                      | ibid. |
| Gula                                      | ibid. | Industria                            | 320   |
| <b>H</b>                                  |       | Infamia                              | ibid. |
| Aeretici fugiendi                         | 291   | Infernus                             | 321   |
| Hilaritas                                 | ibid. | Infelicitas                          | ibid. |
| Historia                                  | ibid. | Ingenium                             | ibid. |
| Hypocrisis                                | 292   | Ingratitudo                          | 322   |
| Homo                                      | ibid. | Initiatio                            | 324   |
| Homines suum officium non facientes       | 293   | Iniuria                              | 325   |
| Hominiis miseria & fragilitas             | 294   | Iniustitia                           | ibid. |
| Honestas                                  | 297   | Impotentia                           | 326   |
| Honor virtutis primum                     | ibid. | Inscitia                             | 328   |
| Honor artibus & eruditioni exhibitus      | 298   | Integritas vita                      | ibid. |
| Honor negatus                             | 299   | Intemperantia                        | 329   |
| Honor ex necessitate oblatus              | ibid. | Interrogatio absurda & inepta        | 330   |
| Honor momentaneus                         | ibid. | Invidia felicitatis & virtutis umbra | 331   |
| Honoris primatio                          | 300   | Iocose dicta                         | 335   |
| Honor absque utilitate                    | ibid. | Ira                                  | 339   |
| Honoris contemptus                        | ibid. | Iracundia cohibenda                  | 340   |
| Hospitalitates                            | 303   | Irrisio                              | 343   |
| Hostes & inimici                          | ibid. | Iudex bonus & incorruptus            | 344   |
| Hostes fraude, astu, ac dolo vincendi     | 304   | Iudex malus & corruptus              | 346   |
| Hostes contempti                          | ibid. | Iudex incantus                       | 347   |
| Hostes non crudeliter tractandi           | 305   | Iudicium nimis exactum               | ibid. |
| Humanitas                                 | 307   | Iudicium iustum non temere mutandum  | ibid. |
| Humilitas                                 | 308   | Iudicium in re ignota non ferendum   | 348   |
| <b>I</b>                                  |       | Iuramentum vel iusiurandum           | 349   |
| Actantia                                  | ibid. | Iurisprudencia                       | 351   |
| Ignavia                                   | 309   | Iustitia                             | ibid. |
| Ignobilitas & obscuritas generis          | 310   | Iuvenes & iuventus                   | 356   |
| Ignoscencia                               | ibid. | <b>L</b>                             |       |
| Imitatio                                  | 311   | Abor                                 | 357   |
| Imperator, & eius officium, item imperium | ibid. | Lasivitas                            | 361   |
| Imperij administratio difficilis          | 316   | Latrocinium                          | ibid. |
|   |       | Lapsus, & simulacrum                 | ibid. |
|   |       | Laudis cupiditas                     | 362   |
|   |       | Laudis                               | ibid. |

# I N D E X.

|  |              |  |              |
|--|--------------|--|--------------|
| <i>Laudis contemptus</i>                         | 363          | <i>Medicina</i>                          | <i>ibid.</i> |
| <i>Laud a bonis viris profecta</i>               | 364          | <i>Medicina contempta</i>                | 441          |
| <i>Laud a malis hominibus profecta</i>           | <i>ibid.</i> | <i>Mediocritas</i>                       | 443          |
| <i>Laud ab inimico &amp; hoste profecta</i>      | 365          | <i>Memoria</i>                           | <i>ibid.</i> |
| <i>Laud a seipso profecta</i>                    | <i>ibid.</i> | <i>Mendacium</i>                         | 444          |
| <i>Laud propter utilitatem</i>                   | 366          | <i>Mendacitas urbana excusatum</i>       | 446          |
| <i>Lauditia</i>                                  | 367          | <i>Mendicitas &amp; mendicantes</i>      | <i>ibid.</i> |
| <i>Electiois delectus</i>                        | <i>ibid.</i> | <i>Mens</i>                              | 447          |
| <i>Legatio &amp; legati</i>                      | 372          | <i>Mercedis cupiditas</i>                | 448          |
| <i>Leges</i>                                     | 373          | <i>Metus &amp; timor, vel timiditas</i>  | 449          |
| <i>Legum auctoritas &amp; observatio</i>         | 374          | <i>Militia &amp; milites</i>             | 451          |
| <i>Legum neglectus</i>                           | 379          | <i>Militum in vadis agendis ignavia</i>  | 452          |
| <i>Legum renovatio &amp; abrogatio</i>           | <i>ibid.</i> | <i>Militaris disciplina</i>              | 453          |
| <i>Lepide dicta</i>                              | 380          | <i>Misericordia</i>                      | 457          |
| <i>Liberalitas</i>                               | 381          | <i>Mina</i>                              | <i>ibid.</i> |
| <i>Libere dicta loquendi libertas</i>            | 385          | <i>Moderatio animi</i>                   | 458          |
| <i>Libertas</i>                                  | 398          | <i>Modestia</i>                          | 462          |
| <i>Libertas nimia</i>                            | 401          | <i>Modeste dicta</i>                     | 463          |
| <i>Libido fada</i>                               | <i>ibid.</i> | <i>Modus &amp; mediocritas</i>           | 464          |
| <i>Librorum fiducia &amp; multitudo</i>          | 402          | <i>Molestia</i>                          | <i>ibid.</i> |
| <i>Licentia</i>                                  | <i>ibid.</i> | <i>Mollities</i>                         | 465          |
| <i>Lingua, garrulitas &amp; loquacitas nimia</i> | 403          | <i>Monarchia</i>                         | 466          |
| <i>Lit &amp; consensio</i>                       | 409          | <i>Morbi animi</i>                       | <i>ibid.</i> |
| <i>Ligare, contendere, aus ludere cum poten-</i> |              | <i>Morbi corporis</i>                    | 467          |
| <i>tiorebus, periculosum</i>                     | 410          | <i>Mores.</i>                            | <i>ibid.</i> |
| <i>Locatio in honorum distributione</i>          | 411          | <i>Morum diversitas</i>                  | 468          |
| <i>Lucrum</i>                                    | 412          | <i>Mores in melius mutati</i>            | <i>ibid.</i> |
| <i>Lusus</i>                                     | 413          | <i>Mores mutati in peius</i>             | 469          |
| <i>Lusus</i>                                     | 414          | <i>Moriones ac stultitia</i>             | <i>ibid.</i> |
| <i>Luxuria &amp; luxus</i>                       | <i>ibid.</i> | <i>Mors</i>                              | 470          |
| <b>M</b>   |              | <i>Mora contemnenda</i>                  | 474          |
| <i>Magistratus &amp; gubernatio Reipubli-</i>    |              | <i>Mortem suam monita &amp; doctrina</i> | 483          |
| <i>ce</i>  | 423          | <i>Mortis &amp; somni cognatio</i>       | 485          |
| <i>Magistratum electio</i>                       | 426          | <i>Mors generosa</i>                     | <i>ibid.</i> |
| <i>Magistratum sollicitudo</i>                   | 427          | <i>Mors generosa non despectenda</i>     | <i>ibid.</i> |
| <i>Magistratus incomparatio</i>                  | 428          | <i>Mors suam a quo animo ferenda</i>     | 488          |
| <i>Magnanimitas</i>                              | <i>ibid.</i> | <i>Mors non ledendi</i>                  | <i>ibid.</i> |
| <i>Magnificentia</i>                             | 429          | <i>Mulierum natura &amp; mores</i>       | 489          |
| <i>Maledictio, ac mordacitas</i>                 | 430          | <i>Munus exiguum non contemnendum</i>    | 491          |
| <i>Malignitas maledica</i>                       | 434          | <i>Munus corruptela</i>                  | 492          |
| <i>Malignitas</i>                                | 438          | <i>Munus contemptus</i>                  | 493          |
| <i>Malum &amp; malum</i>                         | <i>ibid.</i> | <i>Mundus</i>                            | 497          |
| <i>Mancipia</i>                                  | 439          | <i>Musica</i>                            | 498          |
| <i>Mansuetudo</i>                                | <i>ibid.</i> | <i>Musica contempta &amp; irrisa</i>     | 499          |
| <i>Masibetis</i>                                 | 440          | <i>Mutationes</i>                        | 502          |
| <i>Matrimonium</i>                               | <i>ibid.</i> | <i>Mutuum</i>                            | 503          |
|  |              | <i>Natandi</i>                           |              |



# I N D E X.

| N   |       | P                                    |       |
|---|-------|--------------------------------------|-------|
| <b>N</b> Asandi perissia                  | 503   | <b>P</b> Ar                          | ibid. |
| Natusitas omnibus hominibus com-          | ibid. | Pallor                               | 528   |
| munis                                     | ibid. | Parentum amor in filios              | 529   |
| Natura                                    | 504   | Parentum severitas in filios         | 530   |
| Nauigationis periculum                    | ibid. | Par pari relatum                     | 531   |
| Necessitas                                | 505   | Parricidium                          | 533   |
| Negotiorum multitudo, qua in diuersa di-  |       | Parfymonia                           | ibid. |
| strahitur homo                            | 506   | Parva probe custodienda              | 535   |
| Nobilitas generis                         | ibid. | Pasientia doloris                    | ibid. |
| Nobilitas vera                            | 507   | Pasientia iniuria                    | 537   |
| Nominum varia interpretatio & muta-       |       | Patrie obscuritas                    | 539   |
| tio                                       | 509   | Patria forti viro est ubique         | ibid. |
| Nominis immortalitas                      | 510   | Patrie amor                          | 540   |
| Nox                                       | 511   | Patria forsiter propugnanda          | 541   |
| Nuntij                                    | ibid. | Patrie neglectus                     | 544   |
| Nuptiae                                   | ibid. | Patrie contemptus impius             | 545   |
| Nuptiae secundae                          | 512   | Patrie impietas in suos              | ibid. |
|   |       | Patroni                              | ibid. |
| <b>O</b> Bedientia                        | ibid. | Paupertas                            | 546   |
| Obesi, vel pinguedo                       | 513   | Peculatus                            | 548   |
| Obiurgatio                                | 514   | Pecunia                              | 550   |
| Oblivio                                   | ibid. | Peregrinationes                      | ibid. |
| Occasio non negligenda                    | ibid. | Perfectio                            | 551   |
| Ocium honestum                            | 515   | Perfidia                             | ibid. |
| Ocium inhon. fugiendum                    | 516   | Periculum vitandum                   | 552   |
| Odium                                     | 518   | Perseuerantia                        | ibid. |
| Oeconomia                                 | ibid. | Perseuerantia & constantia piorum in |       |
| Officium bene collocandum                 | 519   | cruce                                | ibid. |
| Omina                                     | ibid. | Persuasio                            | 555   |
| Opinio                                    | 520   | Pertinacia                           | ibid. |
| Oracula                                   | ibid. | Petitiones honestae                  | ibid. |
| Orationis vehemensia                      | 521   | Petitiones laudatae & illaudatae     | ibid. |
| Oratio elaborata                          | ibid. | Philosophiae vsus & utilitas         | 559   |
| Oratio incompasita                        | 522   | Philosophi                           | 565   |
| Oratio inepta                             | 523   | Physiognomia                         | 566   |
| Oratio aliena                             | ibid. | Pictura & pictores                   | 567   |
| Oratio extemporales                       | 524   | Pigritia, ignauia, atque desidia     | 568   |
| Orationis habitus, pro re & tempore vari- |       | Podagra                              | ibid. |
| andus                                     | ibid. | Pena malis infligenda                | 570   |
| Oratores                                  | 525   | Pena mitigata                        | 571   |
| Ordo                                      | 526   | Panitentia                           | 572   |
| Ornatus                                   | ibid. | Poesis                               | ibid. |
| Osculum                                   | ibid. | Poesica fictio                       | 573   |
| Ostentatio                                | ibid. | Populus                              | 574   |
| Ostentia                                  | 527   | Potestas & potentia                  | ibid. |
|   |       | Pote-                                |       |

# I N D E X

|  |       |  |       |
|--|-------|--|-------|
| <i>Potestas brevis</i>   | 575   | <i>Religio seruata</i>                                   | 617   |
| <i>Præceptor bonus ac fidelis</i>                                | ibid. | <i>Religio neglecta</i>                                  | 616   |
| <i>Præceptores mali &amp; indocti</i>                            | 576   | <i>Reprehensio</i>                                       | 617   |
| <i>Præcones laudum</i>   | ibid. | <i>Respublica</i>  | ibid. |
| <i>Præda militaris</i>   | 577   | <i>Repulsa</i>   | 618   |
| <i>Premium virtutis</i>  | ibid. | <i>Responsum durum &amp; absurdum</i>                    | ibid. |
| <i>Præfagia</i>  | 579   | <i>Responsum repentinum</i>                              | ibid. |
| <i>Precatio, siue oratio hominis ad Deum</i>                     | ibid. | <i>Reuerentia</i>  | ibid. |
| <i>Princeps bonus, ac eius in regni administratione officium</i> | 580   | <i>Rhetorica</i>   | 619   |
| <i>Princeps malus</i>  | 588   | <i>Risus</i>   | ibid. |
| <i>Principium rerum agendarum durum</i>                          | 589   | <i>Robur corporis</i>                                    | 620   |
| <i>Probitas</i>  | ibid. | <i>Rubor</i>   | ibid. |
| <i>Probitas damnata</i>  | 590   | <b>S</b>   |       |
| <i>Prodigalitas, profusio &amp; largitio</i>                     | ibid. | <i>Sacrificia</i>  | 621   |
| <i>Proditio</i>  | 591   | <i>Sacrilegium</i>                                       | ibid. |
| <i>Promissiones</i>  | 593   | <i>Sagittandi peritia</i>                                | 622   |
| <i>Pronuntiatio</i>  | 594   | <i>Salus dicta</i>                                       | ibid. |
| <i>Prosperitas</i>   | ibid. | <i>Salutatio</i>   | 628   |
| <i>Providentia Dei</i>   | 595   | <i>Sanitas &amp; valetudo bona</i>                       | 630   |
| <i>Providentia hominum in rebus agendis</i>                      | ibid. | <i>Sapientia</i>   | ibid. |
| <i>Prudentia</i>   | 596   | <i>Sapiens dicta</i>                                     | 632   |
| <i>Prudentia dicta</i>   | 598   | <i>Satellitium principum</i>                             | 637   |
| <i>Publica negotia priuatis anteponenda ibidem.</i>              |       | <i>Scortationis detestatio</i>                           | 638   |
| <i>Pudicitia</i>   | 599   | <i>Securitas</i>   | 639   |
| <i>Pudicitia coniugalis</i>                                      | 600   | <i>Seditio</i>   | ibid. |
| <i>Pudor &amp; verecundia</i>                                    | 601   | <i>Senectus</i>  | 640   |
| <i>Pudor præposterus</i>   | 602   | <i>Senectus virida &amp; animosa</i>                     | 642   |
| <i>Pudor inutilis</i>  | ibid. | <i>Senectus imbecilla</i>                                | 643   |
| <i>Pueritia insignis</i>   | ibid. | <i>Senectus honoranda</i>                                | 644   |
| <i>Pulchritudo</i>   | 603   | <i>Senectus fiducia</i>                                  | ibid. |
| <i>Quies</i>   | ibid. | <i>Seppultura</i>  | 645   |
| <b>R</b>   |       | <i>Seria negotia in violentis committi non tractanda</i> | 647   |
| <i>Rapacitas</i>   | 604   | <i>Sermo, animi speculum ac index</i>                    | ibid. |
| <i>Ratio</i>   | ibid. | <i>Serui ac famuli</i>                                   | 649   |
| <i>Ratio reddenda</i>  | 605   | <i>Servus fidelis</i>                                    | 650   |
| <i>Reconciliatio</i>   | ibid. | <i>Servorum multitudo &amp; turba</i>                    | 651   |
| <i>Recreatio, vel Relaxatio</i>                                  | ibid. | <i>Servorum ministerium</i>                              | 652   |
| <i>Regnum &amp; Reges</i>  | 606   | <i>Senectas</i>  | ibid. |
| <i>Regnandi libido</i>   | 608   | <i>Serere dicta</i>                                      | 653   |
| <i>Regnum virtute parandum</i>                                   | 612   | <i>Sexus</i>   | ibid. |
| <i>Responsum ab inexpectato</i>                                  | ibid. | <i>Silentium</i>   | ibid. |
| <i>Regnum virtute stabilendum</i>                                | 614   | <i>Similitudo forma</i>                                  | 657   |
|  |       | <i>Simulatio &amp; dissimulatio</i>                      | 658   |
|  |       | <i>Simultas Reip. pernicies</i>                          | 659   |
|  |       | <i>Sobrietas</i>   | 661   |
|  |       | <i>Solus</i>   |       |

# I N D E X

|  |              |  |              |
|--|--------------|--|--------------|
| <i>Veritas</i>                                     | 662          | <i>Veritas odium parit</i>                         | <i>ibid.</i> |
| <i>Vestitus</i>                                    | 663          | <i>Vestitus</i>                                    | 696          |
| <i>Vetula</i>                                      | <i>ibid.</i> | <i>Vetula</i>                                      | 699          |
| <i>Vicarius</i>                                    | 664          | <i>Vicarius</i>                                    | 700          |
| <i>Vitium</i>                                      | <i>ibid.</i> | <i>Vitium</i>                                      | <i>ibid.</i> |
| <i>Victoria</i>                                    | 665          | <i>Victoria</i>                                    | 701          |
| <i>Victoria non est aut infelix, sed variata</i>   | 666          | <i>Victoria non est aut infelix, sed variata</i>   | 702          |
| <i>Victoria paranda</i>                            | 668          | <i>Victoria paranda</i>                            | 704          |
| <i>Victoria incruentia</i>                         | <i>ibid.</i> | <i>Victoria incruentia</i>                         | 705          |
| <i>Victoria non ex multitudine militum</i>         | <i>ibid.</i> | <i>Victoria non ex multitudine militum</i>         | 706          |
| <i>Victoria</i>                                    | 669          | <i>Victoria</i>                                    | 709          |
| <i>Victoria simulacra &amp; g. imagines deorum</i> | 670          | <i>Victoria simulacra &amp; g. imagines deorum</i> | <i>ibid.</i> |
| <i>Victoria vanitas &amp; contemptus</i>           | 671          | <i>Victoria vanitas &amp; contemptus</i>           | 710          |
| <i>Vigilantia</i>                                  | <i>ibid.</i> | <i>Vigilantia</i>                                  | <i>ibid.</i> |
| <i>Vinum &amp; Violentia</i>                       | 673          | <i>Vinum &amp; Violentia</i>                       | 714          |
| <i>Virtus</i>                                      | 674          | <i>Virtus</i>                                      | 715          |
| <i>Virtus in actione consistit</i>                 | 677          | <i>Virtus in actione consistit</i>                 | <i>ibid.</i> |
| <i>Vix vel Violentia</i>                           | <i>ibid.</i> | <i>Vix vel Violentia</i>                           | 716          |
| <i>Vixus, aspectus &amp; oculi</i>                 | 680          | <i>Vixus, aspectus &amp; oculi</i>                 | 718          |
| <i>Vita humana</i>                                 | <i>ibid.</i> | <i>Vita humana</i>                                 | <i>ibid.</i> |
| <i>Vita contemptus</i>                             | 681          | <i>Vita contemptus</i>                             | 719          |
| <i>Vita capitiata</i>                              | 682          | <i>Vita capitiata</i>                              | <i>ibid.</i> |
| <i>Vitia</i>                                       | 683          | <i>Vitia</i>                                       | 721          |
| <i>Vituperatio</i>                                 | <i>ibid.</i> | <i>Vituperatio</i>                                 | 729          |
| <i>Vltio &amp; vindicta</i>                        | 685          | <i>Vltio &amp; vindicta</i>                        | 730          |
| <i>Vltio &amp; vindicta negligenda</i>             | <i>ibid.</i> | <i>Vltio &amp; vindicta negligenda</i>             | 731          |
| <i>Vnguenta</i>                                    | <i>ibid.</i> | <i>Vnguenta</i>                                    | 732          |
| <i>Vox atque clamor</i>                            | 686          | <i>Vox atque clamor</i>                            | <i>ibid.</i> |
| <i>Voracitas</i>                                   | 687          | <i>Voracitas</i>                                   | 733          |
| <i>Vota</i>  | <i>ibid.</i> | <i>Vota</i>  | 734          |
| <i>Vrbalitas</i>                                   | 688          | <i>Vrbalitas</i>                                   | 735          |
| <i>Vrbium munitiones</i>                           | <i>ibid.</i> | <i>Vrbium munitiones</i>                           | 737          |
| <i>Vsura &amp; sanus</i>                           | 689          | <i>Vsura &amp; sanus</i>                           | <i>ibid.</i> |
| <i>Vtilitas</i>                                    | <i>ibid.</i> | <i>Vtilitas</i>                                    | 738          |
| <i>Vulgi natura, mores &amp; iudicium</i>          | 691          | <i>Vulgi natura, mores &amp; iudicium</i>          | 739          |
| <i>Vulnus &amp; cicatrix</i>                       | 692          | <i>Vulnus &amp; cicatrix</i>                       | <i>ibid.</i> |
| <i>Vxor</i>  | 693          | <i>Vxor</i>  | 741          |
| <i>Vxor eligenda</i>                               | <i>ibid.</i> | <i>Vxor eligenda</i>                               | 743          |
| <i>Vxor ducenda</i>                                | 694          | <i>Vxor ducenda</i>                                |              |
| <i>Vxor non ducenda</i>                            | <i>ibid.</i> | <i>Vxor non ducenda</i>                            |              |
| <i>Vxor morosa, impetiosa ac molesta</i>           | 695          | <i>Vxor morosa, impetiosa ac molesta</i>           |              |
| <i>Zelotypia</i>                                   |              | <i>Zelotypia</i>                                   |              |

APOPH.

# A P O P H T H E G M A T V M L O C I C O M M V N E S.

CONRADO LYCOSTHENE  
COLLECTORE.

De Abſtinentia.

S O C R A T E S.



VM qui virtutem,  
tanquam patriam,  
intueri deſiderabat,  
admonebar, vt ab-  
ſtinentiſſimam vi-  
tam agens, volup-  
tates omnes, veluti  
Sirenes, fugeret. Stob. Serm. 15.

*Idem.*

\* Quosdam hospites ſuos quum  
ſatis tenui cœna excepiſſet, cuidam  
quærenti, reſpōdit: Si boni ſunt, equa-  
nimiter ferent: ſi mali, non eſt curan-  
dum. Laertius.

*Idem.*

\* Suadere ſolitus erat illos cibos  
potuſve vitandos, qui vltra ſim fa-  
mēmque vitandam producunt appe-  
tentiam. Xen. Macrob. Saturnal. libr.  
7. cap. 4.

*Plato.*

\* Extat præclara epiſtola Platonis  
ad Dionis propinquos, in qua ſcriptū  
eſt, his ſerè verbis: Nullo modo pla-  
cuit bis in die ſaturum fieri. Cic. lib.  
vlt. Tuſc. quæſt.

*Bias Prieneus.*

Beatum quidem eum eſſe dicebat,  
qui & diues eſſet, & cupitis potiretur.  
Sed cum qui nihil concupiſceret, lon-

gè beatiorem fore. Maximus ſer. 3. de  
Caſtitate.

*Ariſtides.*

Quum Græcis tributa indixiſſet,  
tanto pauperior rediit, quantum ab-  
ſumpſerat in peregrinatione. Atqui in  
tali genere functionis ſolent alij meſ-  
ſem opimam metere. Eo magis ille ca-  
uer, ne quid ſuſpicionis eiſmodi con-  
flaret ſibi, proinde ſuis impendiis rem  
geſſit. Plutar. in Græc. apoph.

*Idem.*

Quum Themistoſcles irriſiſſet Ari-  
ſtidis conſilium, hoc agentis vt cen-  
ſus eſſet in tuto, dicens eam laudem  
non eſſe viri, ſed ſcrinij tuto ſeruantis  
aurum: deinde ſummam boni ducis  
laudem deſineret, ſcire ac præſcire  
hoſtium conſilia: Et iſtuc, inquit,  
d Themistoſcles faciendum eſt: ſed  
in primis oportet habere manus ab-  
ſtinentes, atque hæc egregij ducis præ-  
cipua laus eſt. Hoc ſermone notauit  
Themistoſcles rapacitatem, & oſten-  
dit à publico bono abſtinendum eſſe  
omnibus. Plut. in vita Ariſtidis.

*Anachariſis.*

Eius ſtatuis atque imaginibus in-  
ſcribebatur, γλῶσσῃ, γαστρί, αἰσθήσιν  
μετριῖν, id eſt, linguæ, ventri, puden-  
dis temperandum. Quodd maximorū  
malorū cauſa ſit lingua effrenis, luxu

B nil



nil turpius, libido pecudem ex homine reddat. Laer. lib. 1. cap. 9.

*Zeno Cistiensis.*

Ne per morbum quidem cibo magis delizioso fruendum opinatus est. Igitur medico columbinum pullum consulente, ipse consilij impatiens, non secus quam Manem seruulum, si ægrotaret, curari se iussit. Nimirum volebat, non se mollius tractandum quam ægrum aliquem seruum. Si enim absque preciosis alimentis recuperare sanitatem serui possunt, quid idem nobis futurum prohiberet? Sanè indignum est, virum bonum villo se seruo molliorem præstare. Musonius, in lib. de Alimentis.

*Aristippus.*

\* Moderatur voluptati, non qui penitus abstinet, sed qui hoc modo vitatur, ut non abripiatur cum ipsa: ut navi & equo imperat haud qui non veitur, sed qui, quò libuerit ducit. Stobæus.

*Democritus.*

Dicere solebat: Fortis est, non tantum hostium, sed & voluptatum victor. Stobæus ser. 7.

*Idem.*

Quemadmodum vnctio non quæ suavis est, aut longa, bona est, sed quæ sanat: sic cibus, non qui suavis, aut multus, bonus est, sed qui valetudinem tuetur. Max. monach. ser. 27.

*Idem.*

In capiendo cibo omnis celeritas abstinet: hoc enim caninū est, bestiāmq; magis quam hominem decet. Max. ser. 27.

*Epictetus.*

\* Solitus est dicere, duo esse vitia omnium terribissima ac grauissima, intolerantiam & incontinentiam: cum aut iniurias, quæ sunt ferendæ, non toleramus, neque ferimus: aut à quibus rebus voluptatibusq; nos tenere debemus, non tenemus. Itaque, inquit, si quis hæc duo verba cordi habeat, ea-

que sibi imperando atque obseruando curret, is erit pleraque impecabilis, vitamque viuet tranquillissimam. Verba duo hæc dicebat, αἰσχρὸν καὶ ἀνίσχυρον, id est, Sustine & abstine. A. Gellius lib. 17. cap. 19.

*Epictetus.*

Interrogatus, qua quis arte ditiessceret: Non si præsentibus adiecerit, respondit, sed vsum ac necessitatem sibi persuasam circunciderit. Stobæus ser. 17. Non augendæ sunt opes, sed minuendæ cupiditates.

*Demosthenes.*

Dicebat, hoc esse perpetuum sapientis institutum, ut rationem cupiditatum dominam cōstituatur. Stob. ser. 17.

*Cyrus Persarum rex.*

Hi qui repentinis abstinent voluptatibus, non id agunt ut lætentur nunquam, sed ut per hanc incontinentiam multo maiore in posterum tempus lætitia afficiantur. Brusonius lib. 1. cap. 9. ex Xenophonte.

*Darius.*

\* Fugatus ab Alexandro, cum aqua turbidam & cadaueribus inquinatam bibisset, negavit se vnquam bibisse iucundius. Nunquam videlicet sitiens biberat. Cicero Tuscul. quæst. vltim. lib.

*Alexander Macedo.*

Ob aquarum defectum in itinere siti laborabat: igitur cum fortè oblata esset galea aqua plena, ubi galeam in manus accepit, circumspectans quos circa se habebat equites demisso capite & fixis in potum oculis, ingustatam reddidit aquam, probatisque viris dixit: Si solus bibero, hos mæror instigabit. Brus. libro 1. cap. 9. ex Q. Curtio.

*Cato maior.*

Quamuis complures vrbes cæpisset, nihilominus tamen dicebat, hisce diebus quos in castris fuisset, nihilominus accepisse, quam quæ ex hostium agris comedisset ac bibisset. Plutare.

*Idem.*

*Idem.*

Neque, inquit, mihi ædificatio, neque vas, neque vestimentum ullum in manu pretiosum, neque pretiosus seruus, neque ancilla. Si quid est quo utar, utar: si non est, ego sum, quo cuique per me uti atque frui licet. Brufon. lib. 1. cap. 9.

*Tiberius Cæsar.*

\* Ab amicis interrogatus, Cur non tam facili magistratus & præfecturas suas mutaret? respondit se data opera hoc fecisse semper. Naturâ enim omnes qui administrationi præsent pecuniæ esse cupidos, plurimumque studij ad rem magis magisque augendam eos collocare. Cæterum si diutius in magistratu versentur, segniores ad quæstum faciendum fieri. Muscas enim, si longius corporum vlceribus infideant, minus graues & molestas fieri, quippe sanie vlcerum ad satietatem usque refertas: & cum qui vlcibus scateat durius acceptum afflictumque iri, si saturis iam repulsis, famelicâs alias ad vulnera admittere velit. Nicephor. eccle. histor. li. 1. ca. 17.

*Julianus Imperator.*

Eunuchos, coquos, tonsores, eiecit è palatio. Rogatus quam ob causam: negauit sibi esse opus eunuchis cum vxor decessisset: nec opus esse coquis quod simplicissimis cibis vesceretur. De tonsoribus dixit, vnum multis sufficere. Erasim. lib. 8. apoph.

*Alexander Seneus.*

Cursor nuncquam utebatur, nisi seruo suo, dicens: Ingenuum currere nisi in sacro certamine non debere. Cocos item, piscatores, fullones, & balneatores non habuit nisi seruos suos: nolens quenquam ingenuum sordidis ministeriis dehonestare. Aelius Lamprid.

*Boethius.*

\* Paucis minimisque natura contenta est, cuius satietatem si superfluis ve-

lis vergere, aut iniucundum fiet quod infuderis, aut noxium. lib. 2. prosa 5. de philosoph. consol.

*Rodolphus Imperator.*

Quum in bello, quod contra Ottacarum Bohemæ regem gessit, potu laboraret cum toto exercitu, ferunt rustico (qui messoribus potum ferret) ablatam hydriam sicera plenam, atque imperatori oblatam. Quam cum ille vidisset, reddite, inquit, homini vasculum suum: nam ego exercitui, non mihi stiebam. Sicque sua abstinencia partim exercitum eo potu refocillauit, partim ad sitis patientiam inuiraui suo exemplo. Aeneas Syluius lib. 3. commentariorum in res gestas Alphonsi.

*Alphonsus rex.*

Quum fugato Iacobi Caudolæ exercitu, sine tentoriis ac è ommeatu (siquid ex insperato aduenerat) pernoctare sub dio cogeretur, & Ioannes Efernitanus Alphonsi studiosus raphanum vnum, in tam magna militum inopia, & panem vnum cum dimidio caseoli Balcarici, regi misisset, recusauit: Non decere, inquiens, imperatori remieiuno exercitu mandere. Panor. mira. lib. 3. de rebus gestis Alphonsi.

*Pyrrhniculus Vasco.*

Is peregrè iter faciens, cum ad meritariam tabernam venisset, & apposta esset cœna omni ex parte olitoria, cum vino dilutissimo, omniâque ministrarentur quam parcissimè, finita cœna iussit ad se vocari medicum, ad mercedem capiendam. Igitur caupo cum respondisset: Ecquid, malum, in vinculo maximè agresti medicum requiris? Ibi ille: Num, ô bone, te ipsum ignoras? quo sit igitur merces operæ suæ par, medici pretium accipe, non cauponis. Sensit autem, frugalitatem sobrietatēque optimam hominis esse medicinam. Adrianus Barlandus.

*D. Ambrosius.*

\* Abstinentia ciborum sola nō sufficit, nisi opera ei bona etiam adiungantur. Polyantha.

*D. Gregorius.*

\* Abstinentes & arrogantes per abstinentiam quidem corpus afficiunt: sed per desiderium vanæ gloriæ viuunt. Polyantha.

*Isidorus.*

\* Sicut omnes cupiditates carnales abstinentia refecantur: ita omnes animæ virtutes edacitatis vitio destruantur. Neque quisquam potest virtutem perfectionis attingere, nisi prius edomuerit ventris ingluuiem.

*Vide Apophthegmata de Castitate, & Continentia, Frugalitate, & Temperantia.*

## De abusu rerum pernicioso.

*Aristippus.*

**D**ELECTATVS aliquando insigni vnguento: Malè sit: inquit, malis cinedis, qui rem tam bellam infamarunt: sentiens, multa per se bona, reiciit culpa vntentiū malè. Laer. lib. 2.

*Theodorus Athen.*

Obiicientibus quodd doctrina ipsius multi redderentur deteriores respondit, id aliorum vitio accidere qui doctrinam ipsius sinistra exciperent, quū ipse dextra porrigeret. Plutarchus, libello de Animi tranquillitate.

*Diogenes.*

Aliquando Platonis occurrit, caricas edens, eique offerens dixit: Licet participem esse, quum acceptas edisset, Participem esse dixi, inquit, non deuorare, *ματαχέεις εἶπες, ἢ καταφαγεῖς*. Hic iocus ad rem seriam potest accōmodari, videlicet in eos, qui principis, præceptoris, aut parentum permisso abutuntur ad inconcessa. Veluti si quis admonitus, non esse inutile degustare

dialecticam, totam vitam ei impendat studio. Dictum ita refertur à Laertio, vt dubites vter alteri obtulerit caricas. Laert. lib. 6.

*Epictetus.*

Conspiciens quendam impuris moribus audacem, confidenti lingua, improbo tamen studio philosophiæ disciplinas contrectare, inclamabat deum atque hominum fidem, his verbis increpans hominem: O homo, vide quod mittas, num purgatum sit vas. Nā si ad arrogantiam ista immiseris, interierint: si computruerint, in vrinam aut in acetum vertentur, aut si quid his deterius. Sensit eruitionem esse perniciosam, si in animum inciderit prauis affectibus corruptum: & quod quæque disciplina sanctior, hoc sit perniciosior, si contigerit improbo. Velut bono theologo nihil melius, malo nihil pestilentius. Eras. libro septimo apoph. ex Gellij 17. cap. 19.

*Prometheus.*

Quum ignem è cœlis in terras deportasset, eumque primum visum Satyrus completi veller, & exosculari, Heus, inquit, ni caues hirce, profecto dolebit tibi mentum. Admonens, etiam quæ natura pulcherrima sunt maximeque non necessaria, tamen fieri perniciofa, nisi rectè vtaris. Erasmus 3. apoph. ex Plutarcho.

*D. Cyprianus.*

\* Duodecim sunt abusus seculi: sapiens sine operibus, senex sine religione, adolescens sine obedientia, diues sine eleemosyna, mulier sine pudicitia, dominus sine potestate, Christianus contētiosus, pauper superbus, rex iniquus, episcopus negligēs, plebs sine disciplina, populus sine lege tract. de 12. abusu.

*D. Bernardus.*

\* Magnus abusus est, vt corpus induatur, & suis vestibus anima nuda deferatur. In Apologia.

## De accusatione.

*Demosthenes.*

**I**ustus ab Atheniensibus, ut quendam accusaret, recusauit: sed facta in eum populi acclamatione, surgens dixit, Vos me, viri Athenienses, consultorem habebitis etiam inuiti: calumniatorē verò, ne si velitis quidē. Brus. lib. i. c. 16.

*Cicero.*

In Caelium melius differentem ac accusantem, quam defendentem crimina, vrbaniſimè bonam dextram, malam verò Caelium sinistram habere dicebat. Brus. lib. i. c. 16.

*M. Crassus.*

Cum leui de causa nunc accusator, nunc patronus in vna eadēq; causa esset, Sicinius homo mordacissimus interrogatus, cur Crassum non ob id reprehenderet? Non facio, inquit, quandoquidem scenum in cornu habet. Brus. lib. i. c. 16. ex Plutarcho.

## De admonitione.

*Thales.*

**R**ogatus, quid esset facile? Alterum, Rait, admonere. Omnes enim cum valemus, recta consilia egrotis damus. Eras. lib. 7. apoph. ex Laert. i.

*Zeno Citiensis.*

Quodam in conuiuio immoderatus vorante obsonia neque quicquam aliis reliquum faciente piscem ingentē, qui apponebatur, ē patina sustulit, quasi solus illum deuoraturus. Quum alter intuens Zenonem, significaret se mirari impudentiam: Quid, inquit, putas cū iustioribus tuis accidere quotidie, si meam opophagiam ferre non potes? Laert. lib. 7. cap. i.

*Idem.*

Quidam in conuiuio accumbens

Zenoni, cum qui sub ipso sedebat, pulsabat pede. Zeno autem vicissim pulsabat illius genua, & ad ipsum conuersus: Quid (inquit) putas hunc pati, qui infra te accumbit? Ita multi offenduntur quamuis leui incommodo, quum alios ipsi maioribus afficiant, nec sentiant, Laert. lib. 7. cap. i.

*Diogenes.*

Quidam in publico gestans longam trabem, per imprudentiam percusserrat Diogenem, mōxq; ex more dixit, Caue. At Diogenes: Num inquit, me vis iterum percutere? Alii sic narrant: Dicenti caue, baculum impegit in caput: & post ictum adiecit, Caue: par pari referens. nam ante lēſionem dicendum erat, Caue. Laert. lib. 6.

*Leo Byzantius.*

Quum Philippus adornaret bellum aduersus Byzantios, Leo adit illum, percontans hunc in modum: Quid, inquit, accidit tibi Philippe, ut bellum instituas? Vt inquit, tua patria, ciuitatum pulcherrima: huc adducatur, ut intelligat se à me diligere, eoque ad fores amasiorum meorū venio. Ad hæc Leo: At qui redamari cupiunt: haud quam cum gladiis venire solent ad fores amasiorum. Amantes enim non egent bellicis instrumentis sed ciuilibus. Hoc dicto in diuersum flexo regis animo, patriā suam liberauit. Philostr.

## De adulatione & assentatione.

*Pythagoras.*

**P**ythagoras potius gaudendum re-darguentibus, quam assentationibus dicebat, quos etiam hostibus deterioribus iudicabat. Stobæus serm. 12.

*Socrates.*

\* Adulationem panopliz pictę similem esse dicebat, quæ delectationem quidē præstat, sed nullum vsum. Item,



ut timidus miles videns hostes appropinquantes de adornanda fuga cogitat: sic (inquit) adulator videns imminere periculum iis quorum opibus vivebat, statim retro cedit. Stob. ibid.

*Aristides.*

Ita est (inquit) ingenium hominum, ut facile admittant eos, qui sciunt obsequi ac inseruire studiis cuiusque. Hi enim soli iam benigni, ac verè viri æstimantur. At contrà videre est, quàm rigidi putentur, qui ab omni assentandi studio alieni, modestiam inducere moluntur. Stobæus.

*Aristippus.*

Cùm malè audisset à Diogene, quòd Dionysium coleret: Si Diogenes, inquit, sciret uti regibus, non vesteretur crudis in dies oleribus. Idem.

*Antisthenes.*

Satius esse dicebat, incidere in corruptos, quàm in parasitos. Hi enim viventis animum corrumpunt: illi solùm mortui corpus. Laert. lib. 6. c. 1. Brul. lib. 1, cap. 7. Hoc alij Diogeni adscribunt.

*Idem.*

Ut meretrices bona omnia præter mentem & prudentiam suis amatoribus imprecantur, eodem modo adulatores iis quibus cum agunt. Stobæus.

*Democritus.*

Dicere solebat, rectè quidem facta laudare honestum esse: mala verò laudibus vehere, adulterini esse animi, & impostoris. Idem.

*Crates.*

Parasitos οὐκ ἐταίστοις ποτε appella-  
bat (quasi quis Latine conuepulones  
dixerit) quòd omnium dictis facilè in-  
ter epulas annuant. Stobæus.

*Idem.*

Ad opulentum adolescentem, quem parasitorum comitabatur turba: Adolescens, ait, miseret me tuæ solitudinis. Stob.

*Idem.*

Eos qui cum adulatoribus viuerent,

aliebat esse desertos, non aliter, quàm vituli sunt inter lupos. Neque enim illos adesse quos oportet: neque cum iis qui adsunt habere societatem quum sint insidiatores. Laert. lib. 6. cap. 5.

*Clearchus Solensis.*

\* Adulatorum mores dicebat humiles esse atq; serviles: breui tempore artem eorum durare, nemo enim parasitum canum amat. Materia quoque fingendi tempore confescebat. Athenæus.

*Anaxilaus.*

\* Adulatores assimilabat vermibus, qui triticum nacti non discedunt, donec vacuum reddiderint: sic illi diuitiù substantià rodunt. Athen. ex Theoph.

*Bion.*

Eos qui auscultarent adulatoribus, dicebat esse similes amphoris, quæ auribus circumaguntur. Eras. apoph. ex Plutarcho.

*Idem.*

Interrogatus, quòd esset animal omnium maximè noxium? Si de feris, inquit, percunstaris, tyrannus: si de mitibus, adulator. Laert. lib. 1. ca. 6. Plutare.

*Diogenes.*

Oratores, qui in summo pretio apud Athenienses habebantur, vocabat turba ministros: quòd ad gratiam loqui cogerentur, ac seruiliter adulari stolidæ multitudini. Laert. lib. 6.

*Idem.*

Orationem blandam, non ex anima proficiscentem, sed ad gratiam compositam, vocare solebat melleum lacqueum, quòd blandè amplectens hominè iugulet. Laert. lib. 6.

*Idem.*

Aiebat, in assentatione, veluti sepulchro aut statua quapiam, nomè solum amicitie inscriptum esse. Stobæus.

*Idem.*

Interrogatus quænam bestia morsum haberet omnium nocentissimum, respondit, Si de feris interrogas, est obrectator:

rectator: si de mansuetis, est adulator. Nam obrectator quidem præ se fert odium, adulator autem sub amici persona multo lædit grauius. Laert. lib. 9. Stobæus & Brus. lib. 1.

*Idem.*

Græci, si cui precantur exitium, iubent adire ad coruos *αἰς κόρακας*. At Diogenes dicere solebat, multis periculosius esse incidere in assentatores, quàm in coruos. Dicti iucunditas perit nobis, quæ est in Græcarum vocationum asinitate. Nam illi *κόρακας* appellat coruos, & vnica literula mutata *κόλακας*, adulatores. Hoc dictum tribuitur & Antistheni. Laert. Eras.

*Idem.*

Interrogatus, ob quæ facta canis nomen vulgo sortitus esset. Quoniã dantibus blandior, inquit, nõ dantibus oblatro, malos etiam mordeo. Laert. li. 6.

*Idem.*

Aristippum philosophum & Socratis discipulum vocabat regium canem, quod Dionysio Siciliæ tyranno adularetur. Est enim canis animal ad adulationem & assentationem promptissimum. Laert. lib. 2. cap. 8.

*Epiſtetus.*

Audiens quendam adulatoribus fauile suas aures præbentem: corui, ait mortuorum cadaueribus oculos euclunt neque id iniuria. nullus enim vita functo luminis vsus est. At adulatores viuentium animos corrumpentes, omnem illis visum adimunt. Stob. Antonius in Melissa part. 1. 52. Maxi. ser. 52.

*Themistius.*

Quum videret louiani Romanorum Imperatoris aulam assentatoribus refertam esse, perfacete atque luculenter illos irridens ex moribus deprehendi ait, purpurâ ipsos magis, quàm Deum colere neque aliqua re ab Euripo differre, nunc huc, nunc illuc, atque in contrarium a deo momentum re-

fluente. Nicephorus Callistus libr. 10. cap. 42. hist. Eccles.

*Sotion.*

\* Dicebat, sicut qui amicos peregrè abeuntes dum via plana est deducunt, dum asperior esse incipit recedunt: ita adulatores comitantur diuites & luxu diffuentes viros, at sumptus cum deficit, statim referunt pedem. Stobæus Serm. 12. & Maxim. Serm. 11. ex Sotionis, lib. de ira.

*Phauroinus.*

\* Acteon ab aluminis suis canibus interijt: parasiri eos à quibus aluntur pessundant. Stob. ibid.

*Plato.*

Quum Diogenem offendisset olera lauantes, dixit illi: Si Dionysio morem gessisses, profectò non lauares olera. Diogenes vicissim Platonem, Si tu lauares olera, Dionysio non inferuisses. Laert. l. 6.

*Demosibenes.*

Adulatorem in hoc differre dicebat à coruo, quod hic mortuos, ille viuos deuoraret. Apud Græcos autem septida paronomasia est inter *κόραξ* & *κόλαξ*. Simile est ei quod de Epicteto iam retulimus. Antonius in Melissa par. i. ser. 52. Max. ser. 11.

*Isocrates.*

Adulatores, vt impostores, odio esse habendos suadebat. Creditores enim virique in re quauis sibi credita fallunt. Stob. Max. ser. 11.

*Philo.*

Philo dicere solebat fraudulentos adulatorum sermones aduersandos esse, qui cum animæ rationem non habeant, veritatem in rebus perspicere non sinant. Aut enim laudant vituperanda, aut vituperant sape quæ omnem laudem excellunt. Anton. in Meliss. 52. Max. ser. 11.

*Apollonius.*

Rogatus à rege Babylonio, qua ratione

rione quietè imperio frui potest? respondit, Si paucis credideris. Bruson. lib.3.c.13.

*Crispius Passenus.*

Dicebat, adulationi non esse claudendum ostium, sed aperiendum, verum ut solent amicæ: quæ si impulit, grata est: gravior, si effregit. Sensit, non probandos eos, qui prorsus non ferunt ullam adulationem: quam ut affectare turpe est, ita ingentem se non oportet omnino repellere. Prodest enim in hoc, ut homo perspiciat qualis esse debeat. Erasmi lib.8. apoph.

*Phocion.*

Antipatro petenti ut in gratiam suam faceret quiddam, quod cum iustitia non conveniret: Non potes, inquit, ô Antipater, Phocione simul amico & adulatore uti. amicus enim non ad quidvis obsequitur, adulator autem in omnibus obsecundat. Plur. in Græcorum apoph. Anto. in Melis. Maxim. ser. 11.

*Aristonymus.*

Sæpenumero dicere solebat: Lignum dum augent ignem, consumi ab ipso: Opes dum alunt adulatores, ab eis ipsis perire. Stobæus.

*Demaratus.*

Postquam cum ipso colloquium Orontes habuisset asperius, cuidam dicenti, Asperius tecum egit Orontes, ô Demarate: nihil, inquit, in me peccavit. Siquidem qui ad gratiam colloquuntur, hilædunt: non qui durius cumque malevolentia verba faciunt, Plur. in Laconicis.

*Parysatis.*

Præcipere solebat, ut qui regem conveniret, cum alloquuturus, verbis byssinis uteretur: hoc est, mollibus, talis enim à regibus expetitur oratio, non austera & ad vium refecâs. Pl. in apoph.

*Clisophus.*

Philippo iacenti in ipsum scom-

mata & admodum hilari. Ergo post hac, inquit, te non aliam. Lepide inuens rem, nam reges in hoc alunt parasitos, ut illorum dictis exhalarentur. Quod si ipsi reges inter se norint ludere, & in alios ridicula dicere, nihil opus sit parasitis, quum ipsi norint parasitos agere, alioqui parasiti magis alunt reges, quam reges parasitos. Quanquam Plutarchus in Sympoticis ita refert, *ἐκ τῶν σιγητῶν*, id est, non ego te alo: notans regem, quod versa rerum vice pro rege ageret morione: Tu me alis, ut ridiculis dictis te exhalarem, non ego te. Eras. 6. apoph.

*Eudæmonicus.*

Alexander habebat Eudæmonicum philosophum, sed quovis parasito adlantio-rem. Hic cum aliquando tonaret vehementer, adeo ut omnes expauescerent, dixit Alexandro, Quin tu tale quippiam facis, Alexander, fili Iouis? At ille non ferens tam abiecti philosophi vocem, ridens ait: Nolo enim formidabilis esse, quemadmodum tu me doces, qui satraparum ac regum capita me iubens super cœnam apponere. Sic Athenæus. Plutarchus in vita eius secus aliquanto: Quid mihi succenses quod pisces apponam in conuivio, ac non potius satraparum capita? Eras. lib.6. apoph. thegm.

*Alexander Macedo.*

Quum in Hammonis templum venisset, sacerdos grandævus illum salutavit, Salve fili, & hanc salutationem à Deo habeas. Tum Alexander: Lubens ô pater excipiam eam salutationem, & posthac lubens tuus ero filius, si mihi totius orbis imperium concesseris. Sacerdos autem cum se intro recepisset, quasi Deum consulturus, respondit, Iovem id promittere quod petiisset. Iterum ab eodem scire cupiebat Alexander num eorum aliqui superessent, qui patrem Philippum interfecissent?

terfecissent? ad quæ sacerdos ait: interfectores iamdudû dignas dederunt pœnas, qui Philippum occiderunt, sed patri tuo nemo mortalium potest tendere insidias. Tales sunt hodie adulatōres qui sub prætextu pietatis, blandiloquio principes terrarum seducunt, dum eos quasi Deos extollunt, & mira adulatione ad quidvis tentandum extimulant, nullam aliam ob causam, quàm ut ita principibus placeant, ut tamen nihil de dignitate, potestate, & auctoritate illis decedat. Vide Plut. in vita Alex. & Q. Curtium.

*Anaxarchus.*

Quum Alexandrum se ob Cliti necem discredulantem videret, Nescis, inquit, ius & fas addidere Ioui, ut quicquid rex facit, id iustum fasque sit? Laërt. lib. 9. cap. 10. Plutarch in Alexandro.

*Calius.*

\* Cliens quidam cum Cælio oratori omnia in sermone concederet, ille iam longa assentatione euocatus, dic, ait, cōtra: ut duo videamur. Seneca.

*Cicero.*

Quum Crassus dixisset, Neminem Crassorum Romæ dixisse diutius annis sexaginta, deinde pœnitens eius sermonis adderet, Quid mihi accidit ut hoc dicerem? M. Tullius, Sciebas, inquit, Romanos hoc libenter audituros, & ista via venisti ad Remp. gubernandam: duo significās & Crassorum nomen inuisum esse Romanis, & illum non virtute, sed blandiendo prouectum ad honores. Eras. 4. apoph.

*Seneca.*

\* Alexander quum in obsidione cuiusdam urbis circuisset muros, istu sagittæ percussus, cum represso sanguine sicci vulneris dolor cresceret, & crus obstupuisset, coactus abstinere: Omnes, inquit, iurant me Iouis esse filium, sed vulnus hoc hominem me esse clamat. Idem nos faciamus; dicamus,

vos quidem dicitis me esse prudentem, ego autem video quod multa inutilia cōcupiscam, nocitura optem. Epist. 60. ad Lucil.

*D. Hieronymus.*

\* Naturali ducimur malo, & adulatoribus nostris libenter fauemus, ac quanquam respondeamus nos esse indignos, & calidus rubor ora perfundat, tamen ad laudem suam anima intrinsecus laudatur. Epist. ad Sabin.

*D. Ambrosius.*

Emolliri adulationibus non solum fortitudinis non est, sed etiam ignauie tribui debet. Item, non est vera amicitia, ubi fallax est adulatio. l. 3. de Offic.

*D. Gregorius.*

\* Adulator scorpion est, qui palpando incedit, sed cauda ferit. in Exech. lib. 1. cap. 9.

*Constantinus Imp.*

Spadonum atque assentatorum in principum aulis tantus erat hostis, ut eos tineas atque sorices palatii appellare crebro sit solitus. Nicephori interpretes & Scholiastes, l. 8. c. 5. Eccl. hist.

*Sigismundus Imperator.*

Assentatores se veluti pestes odisse cum diceret, Brunenius Neronensis respondit: Tamen nullum genus hominum magis amas, quam adulatōres. Tum Sigismundus: Vincis sanè, inquit. Ita enim natura comparatum est, ut cum vitandos esse adulatōres dicimus, tum maximè illis hæreamus. Nam nec tu mœcum tam diu fuisses, nisi meis moribus blandiri assueuisses. Æneas Syluius de dictis Sigismundi & Friderici Imp.

*Idem.*

Quum adulatōres odio haberet, cuiusdam supra modum cum laudanti, & Diis similem esse dicenti, alapas dedit: dicenti que illi, Cur me cædis Imperator? Cur me, inquit Sigismundus, mordes, adulator? Æneas Syl. lib. 1.

Comment.



Comment. de rebus gestis Alphonfi.

*Alphonfus Rex.*

Adulatores lupis haud absimiles esse dicebat. Nam quemadmodum lupi titillando & scalpendo afinos vorare soliti essent: ita adulatores ad perniciem principum blanditiis simul ac mendaciis intendere. Ant. Panormit. de rebus gestis Alphonfi. lib. 3. & Æn. Syl. de eius dictis.

*Idem.*

Ex Sicilia nauigans cum vidisset garrias aues triridem circumuolantes, attentasque si quis bolus è triremi decideret, certatim illum arripere: quæq; arripuisset, celeriter illam aufugere: conuersus ad suos, dixisse fertur: Per similes sunt his garris purpurati & curiales aliquot mei. Simul ac enim aliquod munus aut beneficium dimicantes inuicem à me acceperint, profugunt. Notauit autem elegantissime assentatorum mores, qui vbique præstò sunt, dum quod accipiant, habemus in promptu: quo ablato, refugiunt, nunquam nisi virgente necessitate redituri. Panor. lib. 1. de rebus gestis Alphonfi.

*Balthasar Cossa.*

Is pontificatum adeptus maximum Ioannes tertius & vicesimus dictus, sæpenumero supra modum laudatus, inquit: Quamuis ficta de me dici sentiam, tamen iis quæ præclare de me prædicantur, plurimum oblector. Vnde sunt qui putant non probandos esse, qui prorsus non ferunt vllam adulationem, quòd in hoc profit, vt intelligat laudatus, qualis esse debeat. Æneas Syl. lib. 1. de dictis & factis Alphonfi.

### De adulatoribus non admittendis.

*Timon philosophus.*

Cum vidisset Arcesilaum, inter assentatores euntem: Quid tu, in-

quit, venisti huc, vbi sumus nos, qui liberti sumus? Sensit vir prudentissimus, libertati nihil magis ob stare, quàm assentatores. Refert Laert. lib. 9. cap. 12.

*Antigonus.*

Hermodorus Antigonum in carmine scripserat Iouis filium. Is hoc legens, Istius inquit, rei nequaquam mihi cõfiscius fuit Lasanophorus ille. per quàm faceret ridens poeticam adulationem, pariq; modestia sui generis humilitatem agnoscens. Lasanum autem matula fistilis est, Quod si Iouis erat filius, ea res haftenus sefellerat & seruum matulam in cubiculo ferre solitum, & Antigonum filium. Plut. in Apoph.

*Alexander.*

Aristobulus historicus librum conscripserat de rebus ab Alexandro Macedone gestis, in quo multa supra viri fidè adulatissime affinxerat, cum quàm illi in navigatione recitasset, Alexander arreptum è manibus librum, in fluuium Hydaspem demersit, & ad Aristobulum conuersus: Tu inquit, dignior eras, vt eodem præcipitareris, qui solus me sic pugnamentum facis, vt vel vno iaculo interficiam elephantes. Eras. lib. 8. Apoph.

*Idem.*

Validissima quadam rûpe capta, quum amici dicerent, illum egregiis gestis Herculem superasse: At ego, inquit, meas res gestas in imperio ne verbo quidè cum his quæ gessit Hercules arbitror conferendas. Adulabatur illi, sed huius animo nulla satisfaciebat adulatio. Plutarch. in apoph. reg. & imp.

*Cicero.*

Cuidam nuncianti, Cæsaris amicos esse tristes: Hoc dicis, inquit illos Cæsari malè cogitare? Irrisit adulantem nuncium, quasi Cæsariani rebus suis diffiderent, metuerentq; Pompeium. Plut. in Rom. apoph.

*Idem.*

*Idem.*

\* Nolo, inquit, esse laudator, ne videar adulator. Et habet adulatio principia iucunda, sed exitus amarissimos adfert. Item, cuius aures claustrum veritatis sunt, ut ab amico verum audire nequeat, huius salus desperanda est. Rhetoric. lib. 1. & lib. de amicitia.

*Augustus.*

Augustus Romanorum imp. Tarraconensibus pro luto ostento ei nuntiatis, quod in eius ara palma esset enata. Apparet, inquit, quam frequenter accedatis. Quod illi diis tribui volebant, ille tribuit illorum negligentiae, qui nunquam in ara Caesaris adolerent incensum. Eras. 4. apoph. ex Suetonio.

*Furnius.*

Furnius Antonij partes sequutus fuerat. At posteaquam victoria cessit Augustus, metuens sibi, subornauit filium, qui a victore veniam peteret. Petiit, & impetrauit. Tum Furnius his verbis gratias Caesari egit: Hæc vna ò Caesar abs te mihi facta est iniuria, effecisti ut mihi & viuendum & moriendum sit ingrato: significans, tantam esse eius beneficii magnitudinem, ut nulla ex parte par esset referendæ gratiæ. Reprehensionis colore blâditus est principi. Eras. 8. Apoph.

*Sfortia.*

Quum quidam apud Sfortiam, ut eius sibi gratiam compararet. Tartaliam accusaret, quod in conuiuio quodam eius famam criminosè lacerasset: Sfortia animaduertens adulatoris improbitatem, Non opus est inquit, ut hac in re multum persuadendo me labores, quum Tartalia omnibus maledicat. Peracutè delatorem auertens, simul & sua vitia Tartaliæ obiectans. Paulus Iouius de rebus gest. Sfortiæ, cap. 85.

## De adulantium libertate.

*Arcadion.*

IS odio Philippi Macedonis spontè deseruerat patriam. Euenit autem, ut Philippo Delphis agente, & ipse adesset. Eum ergo rex accessitum rogauit, Quousq; fugies Arcadion? Donec, inquit, peruenero, ubi nemo norit Philippum. Quis non miretur eam libertatem in adulatore? Sed hac libertate delectatus rex, vocauit illum ad cœnâ. itaq; cum eo in gratiam rediit. Quamquam libertati suberat adulatio: subindicans Philippum nusquam non esse celebrem. Eras. lib. 6. apoph.

*Agis Arginus.*

Agis Arginus adulator, videns Alexandrum ingentia munera dedisse cuidam ridiculo, exclamauit: O rem vehementer absurdam. Quum Alexander hac voce excitatus, dixisset, Quid tu ais? Fateor, inquit Agis, me pati non posse, quum videam vos è Ioue prognatos omnes pariter assentatoribus delectari. Siquidem & Iupiter Vulcanum habet pro morione: & Hercules Cercopibus, & Bacchus Silenis delectari consuevit. Tales videmus & apud te magni fieri. Pestilentissimum adulationis genus, sub libertatis imagine blandiri. Eras. 6. apoph.

*Anonymus.*

Tiberio senatum ingrediente, surgens adulator quidam, exclamauit, esse liberè loquendum, nec reticenda quæ ad Rempublicam attinerent. Erectionis ad hanc vocem omnibus, ipso etiam Tiberio attento: Audi, inquit, Caesar, in quo te reprehendimus omnes, licet nullus audeat palam fateri. Impendis te ipsum nobis corpus tuum diurnis nocturnisque laboribus & curis pro Republicâ conficiens. Huiusmodi multa

multa quā diceret, sub libertatis prætextu turpiter adulans C. Seuerus subieciſſe fertur: Iſta tanta libertas hunc hominem dabit exitio. Eraſ. l. 6. apoph. Bruſon. l. 3. c. 16. ex Suetonio & Tacito.

*Tiberius.*

\* Adelanti ſtudiū in primariis Reipub. Romanæ viris deteſtatus & indignè ferens, quantumuis tyrannidis amicus, quoties è Senatu egrediebatur, apud ſe exclamabar, ò homines ad ſeruitutem paratos. Tacitus.

## De adulterio.

*Thales.*

**T**H A T H S Milesius adultero ſciſcitātī, an abiuraturus eſſet adulterium? Non eſt, inquit, periurium adulterio peius. Significans, illum ſtultè dubitare de peierando, qui facinus periurio par non dubitaſſet committere. Eòque in atrocibus ſceleribus nihil ponderis habet iuſurandum. Quiſquis enim audet dare venenum, audebit & cum periurio inſiciari. Laërt. lib. 1. Bruſ. lib. 1. cap. 4.

*Socrates.*

\* Adulatores perinde facere dicebat, ac ſi qui nolint ex aqua ſupernè profluente bibere: ſed ex illa quæ in fundo ſubſedit ac deterior eſt. Stob. ſerm. 6.

*Vide apoph. de Libidine & Scortatione.*

*Diogenes.*

Quum quidam Diogeni referrent, Didymonem mœchum comprehenſum: Dignus eſt, inquit, ex ipſo nomine ſuspendi. Porro didymi Græcis teſticulti dicuntur: ab his igitur, vnde nomen habebat, & quibus peccauerat, voluit enim ſuspendi. Laërt. lib. 6.

*Idem.*

\* Eos irridebat, qui cellas promptuariis obſerant veſtibulis, & ſeris & ſigna-

culis: corpus autem ſuum multis fenestris & ianuis aperiunt, per os, pudenda, aures & oculos. Stob. ſerm. 6.

*Periſtyonè Pythagorica.*

\* Quæ leſtos alienos amat, omnia domeſtica odit, tum liberos, tū ſamilos. Huiuſmodi mulier dolos fingit apud maritum, & mendacia in omnes ei narrat, vt ſola videatur ipſi maximè beneuola eſſe, & familiam regat. Hæc ocium amat: ab hac exitium rebus omnibus naſcitur, quas & ipſa & maritus communes habent. Lib. de mulieris concinnit. apud Stob. ſerm. 83.

*Demosthenes.*

Demadi oratori dicenti, Sus Mineruam, per ſcommā inſcitiam Demostheni exprobrans: At iſta Minerva (inquit) nuper in adulterio deprehenſa eſt. Bruſon. lib. 1. cap. 4. ex Plutarcho.

*Geradas.*

Lycurgi temporibus tanta erat apud omnes vxorum pudicitia, ac tam longè aberant ab ea turpitudine quæ poſtea inualuit, vt prius eſſet incredibile, adulterij crimen apud Spartanos inueniri. ferturque dictum cuiuſdam vetuſſimi Spartani Geradæ, qui rogatus ab hospite quodam, quid pœnarum darent apud Spartanos adulteri? neque enim videret ſe quicquam ſuper hac re ſancitum à Lycurgo: Nullus, inquit, ò amice apud nos adulter eſt. Quum ille ſubieciffet, Quid igitur, ſi exiſtat, Dabit, inquit, bouem tantum, vt porrecto vltra Taygetum montem collo, bibat ex Eurota. Cūque ille ridens dixiſſet, Fieri non poteſt vt tantus bos inueniatur: Et quo pacto, inquit Geradas, Spartæ exiſtat adulter, in qua diuitiæ, deliciæ, & corporis acititius cultus probro habentur: contra verecundia, modeſtia, ac obediætiæ magiſtratibus debitz obſeruatō, decori laudisq; dantur? Prudenter intellexit Geradas, ibi non poſſe naſci vitia,

vicia, vbi non admittuntur vitiorum  
seminaria : acque vbique iacere, qui-  
bus pro honore tribuitur ignominia.  
Atque hæc est clementissima ratio  
medendi prauis moribus, excitandique  
virtutis studium. Plut. in Lacon.  
apoph. & in Lycurgo.

*Dionysius Senior.*

Quum intellexisset filium, cui prin-  
cipatum relicturus erat, ingenui viri  
coniugem adulterasse, iratus interro-  
gauit, an vnquam tale quicquã in pa-  
tre comperisset? Hic adolescens: Tu,  
inquit, non habebas patrem regem,  
Nec tu, subiecit Dionysius, filiũ regem  
habiturus es, ni talia perpetrare desi-  
nas. Tyrannus in filio dignum ex hæ-  
redatione crimen iudicabat adulteri-  
um, qui hodie magnatum ludus est.  
Plutar. in reg. & imp. apoph.

*Alexander.*

Quum puella mulra nocte ad Alex-  
andrum ducta esset, cum eo dormitu-  
ra, rogauit, rex, vbi fuisset tamdiu? illa  
respondente, se expectasse donec ma-  
ritus illet cubitum : ministros accitos  
acriter obiurgauit, ac, Reducite, in-  
quit, hanc: parum enim absuit, quin  
vestra culpa fuerim factus adulter.  
Egregium castitatis exemplum, tum  
in iuvene, tũ in rege. Nam apud illos  
simplex stuprũ pro nullo crimine ha-  
bebatur. Apparet autẽ tum fuisse mo-  
rem qui adhuc durat in Italia, vt vx-  
ores se cubarent à viris, nisi si quando  
vocarentur. Plut. in reg. & imp. apoph.

*Pontidius.*

Pontidius interrogatus à quodam,  
qualem existimaret eum qui in adul-  
terio deprehenderetur: Festiuẽ, Tar-  
dum respondit. Brufon. l. i. c. 4. Respon-  
deamus nos, Turpissimum & impium  
nebulonem.

*Sylla.*

Syllæ libertus, cui Fausti nomen  
erat, cum intellexisset sororem eodem

tempore duos mœchos habere Fuluiũ  
Fullonem videlicet, & Pomponium  
cognomento Maculam: notans per  
ridiculum eius adulterium: Miror, in-  
quit, sororem meam habere maculam,  
cũ fullonem habeat. Brufon. l. i. c. 4.  
Ita ludunt probrosi & ad obscœna quæ-  
que admittenda & patranda nati ho-  
mines, sed potius monstra hominum.

*S. Augustinus.*

\* Indignantur, inquit, mariti, si au-  
diant adulteros viros pendere similes  
adulteris sceminis pœnas: quum tan-  
tò grauius eos puniri oportuerit, quã-  
to magis ad eos pertinet, & virtute  
vincere, & exemplo regere sceminas.  
Lib. de adult. coniugiis.

*Idem.*

\* Sicut satius est fame mori quàm  
vesci idolothyris: ita præstat mori sine  
liberis, quàm ex illicito concubitu stir-  
pem quærere. Lib. de bono coniugali.

*S. Ambrosius.*

\* Nemo, inquit, sibi blandiatur de  
legibus hominum. Omne stuprum ad-  
ulterium est: nec viro licet quod mu-  
lieri non licet. Eadem à viro, quæ ab  
vxore, debetur castimonia. Quicquid  
in ea, quæ non sit legitima vxor com-  
missum fuerit, adulterij crimine dam-  
natur. lib. de Patriarchis.

## De egrotatione.

*Socrates.*

STULTI, inquit curari nequeunt,  
quando sinistram fortunam expe-  
riuntur: nec ægrotantes sanari pos-  
sunt, si voluptatibus operam dederint.  
Stob. serm. 2.

*Antigonus.*

A graui morbo postquam conua-  
luerat: Nihil ~~grauius~~ est, inquit, (siqui-  
dem hic morbus submonuit nos) ne  
animo efferamur, quum simus mortales.



les. Quis docuerat Ethnicum regem, philosophiam Christiano dignam animo? Deplorabant amici ceu magnum malum, quod tam grauius ægrotasset: ille interpretatus est, ex morbo plus accessisse boni quam mali. Corpus extenuarat, sed animum reddidit modestiorem: corporis robori non nihil detraxerat, sed animo detraxit insolentiam, morbum longè periculosissimum. Proinde non pessimè res habet, quum leuior morbus arceat pellitve maiorem. Plutar. in apoph. regum, & Erasim. verum hoc idem dictum alij etiam Alexandro adscribunt.

*Ion Sophista.*

Dicere solebar, rem morosam esse ægrotationem. Nam ægrotis vxor molesto est, & medicum incusant, & lectulum molestè ferunt. Ex amicis etiam si quis accedit, grauis est: & qui discedit, molestus. Philostratus, & Brusson. l. 4. & c. 20. ex Plut. libr. de animi tranquilo.

*Itamus.*

Quum apud Antigonum militaret, corporis aduersa valetudine laborans, rogatus à rege palloris causam, egritudinem incognitam causatus est. Rex verò animi magnificentia ductus, iubet remedia adhiberi ad eum sanandum. Restitutus igitur sanitati miles, postea omnia mortis pericula vitabat. Rogatus verò à rege mutationis causam ait: ô rex, tu me minus audacem fecisti, quod iis malis me vindicasti, quibus vita à me mea contemptui habeatur. Sensit miles, ægritudinem hominibus in eo prodesse, vt omnia fortunæ bona, & ipsam etiam vitam miseram & ærumnosam contemnant, quacum sani sumus, in nostrâ perniciem abutimur. Brusson. l. 4. c. 15. ex Plut.

*Anaxarchus.*

Ridebat Alexandrum, quod seipsum Deum faceret. Cùm autem ali-

quando in morbum incidisset Alexander, & ei medicus sorbitionem imperaret fieri, ridens Anaxarchus, inquit: At nostro Deo spes omnis in sorbitione patellæ posita est. Irridet philosophus Alexandrum regem, qui ob fortunam propitiam, & res tam feliciter gestas, Deum se esse putabat. At ostendunt humanæ vitæ miseræ, & incommoda quæ in dies nos circunueniunt, nos homines esse fragiles: quo fit, vt admoneamur subinde, ne ex hominibus nos deos esse fingamus, nullis malis obnoxios. Alian. l. 9. de Var. hist.

*Seneca.*

\* Nihil æquè ægrum reficit atq; adiuuat, quàm amicorum affectus. Epi. 76.

*Theodoricus episcopus.*

Theodoricus Colonienfis ecclesiæ pontifex, prudentia & autoritate inter electores imperij facillè princeps, quærenti Sigismundo Cæsari, quoniam pacto felicitatem consequi posset? Inter mortales, ait, frustra requiris. Petenti rursus, ad cælestem illam quo itinere pergeret? Rectâ, inquit. Instanti tertio, quid agens rectâ vaderet? Si vitam tuam ita institueris, dixerisque, inquit, vt faciendum te promissisti, dum calculus, aut podagra, siue alia valetudo aduersa acrius te oppressit. Docuit autem morbum monere nos ad capeffendam meliorem vitam. Aeneas Syluius libro 2. commentariorum de rebus gestis Alphonfi.

*Vide Apoph. de Morbis, Sanitate, & bona Valetudine.*

## De emulatione.

*Eschocles Lacedæmonius.*

DICEBAT, duos Lylandros Spartam ferre non posse. Et Arcestratus Athenienfis, duos Alcibiades in

in ciuitate Atheniensium tolerari non posse. Adeò, tametsi diuersi & contrarij, tamen erant intolerabiles. Ælianus lib. 11. de Varia hist. Plutarch. in Lysandro & Alcibiade.

*Aristoteles.*

Quum Xenocratis æmulatione aperiisset scholam hoc carmen vsurpauit.

Αἰσῶς σιωπᾶν, Ξενοκράτους δ' ἐνὶ λήξει.  
id est, Silere turpe, ac Xenocratem pati loqui. Alij pro Xenocrate, ponunt Isocratem. Laër. l. 5. c. 1.

*Alexander.*

Quum ei datum esset scriniolum, quo nihil inter opes Darij pretiosius pulchriusue reperiuntur, & quereretur in quem usum destinandum esset: alius aliud suadentibus dixit, Huic optimè seruandus dabitur Homerus: sentiens, nullum esse thesaurum illo pretiosorem. Ita visum est iuueni, qui se totum ad exemplar Achillis componebat. Plut. in Alexand.

*Plutarchus.*

\* Ut non est verus amor qui caret zelotypia: ita nemo amat vehementer virtutem, nisi qui ardet æmulatione rectè factorum ab alijs. In moralibus.

*Vide apoph. de Imitatione.*

## De Aenigmatibus.

*Cicero.*

**H**ORTENSIVS orator defensionis mercedem à Verre acceperat Sphingem argenteam. is quum M. Tullio obliquius quiddam & inuolutius loquuto dixisset, Non didici soluere ænigmata: Atqui, inquit Cicero, Sphingem habes domi. Nota est fabula de monstro Sphinge, quæ præmijs propositis edebat ænigmata: non soluentibus autem, mors erat præmium. Plut. in Romanor. apoph.

*Idem.*

Idem orator ænigmate lusit in matrem Pletorij, qui Fonteium accusabat, dicens eam, dum viueret, ludum, mortuam magistros habuisse: notans, quòd dum viueret, infames ad eam scemina commeari solebant: post mortem verò bona eius venibant. Sermo videtur & absurdus, & præposterus. Nam qui ludos habent ipsi magistri sunt, & discipulos habent. Magistri autem dicuntur non solum qui docent, verum etiam qui regunt. Erasim. lib. 4. apoph.

*Plutarchus.*

\* Si quis huiusmodi ænigma componat, Quid sit quod oderit simul & amet, fugiat & persequatur, minetur & supplicet, irascatur & misereatur, desinere velit ac nolit, eadem re maxime tum gaudeat, tum tristetur? Hic sanè scirpus ægrè solui & conciliari posset. Porro sphingis ænigma per multa quoque conficta habet. Non enim reuera tripes est senex, si baculo innitatur: neque infans est quadrupes, quia gressus molles & infirmos manibus fulcit. Amantium autem affectus veri sunt: amant, oderunt, eundem absentem desiderant, præsentem metuunt, adulantur, conuitia ducunt, &c. Stobæus, serm. 62.

*Vide infra, Argutias Dialecticas,  
& Sophismata.*

## De æqualitate.

*Themistocles.*

**I**S facilitate morum multos ciuium sibi conciliarat, atque hinc popularem potestatem est adeptus. Itaque cuidam ipsum admonenti, Bene principatum geris Athenis, si cunctis æqualis & cõmunis esse voles: respondit, Nunquam ei sellæ infederim, vnde nihilo plus à me ferrèt amici quàm alieni. Plut.

*Diogenes.*

*Diogenes.*

Pecuniis si quando egeret, eas ab amicis accipiebat. At cum à quibusdam ob id suggillaretur, quod præter philosophi dignitatem, mendicorum more peteret: Imò, inquit, non peto, sed repeto. Repetimus autem mutuum, aut depositum. Amicus autem egenti amico dant, non donat, sed reddit potius id quod amico debet: quoniam amicorum omnia debent esse communia. Laert. lib. 6.

*Epicurus.*

Is mirum in modum Pythagoræ institutum improbabat: qui cum doceret, iubebat ut discipuli, quod quisque habebat, deponerent in commune, dicens id esse diffidentium verius quam amicorum. Nam si quis verus est amicus, nihilominus habeo pro meis, quæ ille possidet, quam si deposuisset. Qui diffidit autem, aut non est verus amicus, aut dubitat de animo alterius. Erasmi lib. 8. Apoph.

*Plato.*

Felicem & beatam esse eam civitatem inquit, in qua istæ voces, Meum & Non meum, proferri non audiantur: eo quod communibus, quoad fieri potest, rebus, quæ quidem alicuius æstimationis sunt, uti ciues debeant. Sed multo magis huiusmodi vox è connubio eximenda est. Plutarch. in nuptialibus præceptis, & Stob. serm. 72.

*Idem.*

\* Serui & domini, inquit, amici nunquam erunt. Nec probi nec improbi, etiam si æqualibus afficiantur honoribus. In æqualibus etiam æqualia in æqualia sunt, nisi mensuram accipiant. Nam propter hæc utraque seditionibus replentur Respublicæ. Verus enim priscus ille sermo, ab æqualitate amicitiam procreari, &c. lib. 6. de legib. Stob. serm. 42.

*Leo.*

Leon Furycratidis filius interrogatus, in qua tandem vrbe aliquis possit tuto vitam agere: In ea, inquit, quam qui incolunt, neque plus possident, neque minus: & ubi iustitia viger, iniustitia imbecillis est. Graviter admonuit, æqualitatem esse pacis & tranquillitatis altricem, inæqualitatem seditionis esse feminarium: nec ibi locum esse iustitiæ, ubi ut quisque potentior est, ira licentius opprimit imbecillio rem. Plut. in Laconicis apoph.

*Lycurgus.*

Interrogatus, quomodo liceret hostium insultum effugere, Si, inquit, nec alius alio plus requirat. Quo dicto docuit, tutiores esse eos ab hostium incursu, inter quos est æqualitas, & ex inæqualitate concordia. Plutarch. in loco apoph.

*Idem.*

Quoniam intelligebat æqualitatem & ad frugalitatem, & ad concordiam in primis conducere, fecerat novam agrorum partitionem, & in singulos ciues æquam portionem distribuerat. Fertur itaque, cum dein ex peregrinatione rediens iter faceret peragrum recens demissum, conspiceretque manipulorum acervos ordine positos & æquales, delectatus eo spectaculo, cum risu dixisse comitibus: Ut tota Lacedæmon videretur multorum esse fratrum, qui nuper inter se diuiserint hæreditatem. Bono principi nihil iucundius est civium concordia, rursus tyranno nihil formidabilius. Plut. in Lycurgo.

*Idem.*

Quum statuisset inuadere delicias, luxumque, & in his quoque tollere diuitiarum admirationem, instituit systitia, hoc est conuiuia publica. Percontanti verò cur ea constituisset, sic, ut in singulis conuiujs pauci cum armis discumberent:

discumberent: Vt, inquit, expediti sint ad parendum imperatis: & si quid tumultus inciderit, penes paucos sit delictum, sitque inter omnes potus ac cibi æqua portio. Denique non solum in esculentis & poculentis, verum ne in strato quidem aut vasis, aut alia re quacunque plus haberet diues quam pauper. Plut. in Lacon.

*Curios.*

†

Deuictis Sabinis, cum ex Senatus-consulto ei ampliaretur agri modus, quem consummati milites accipere solent, recusauit, & gregalium portione contentus fuit, dicens: esse malum ciuem, cui non esset satis, id quod cæteris esset satis. Plinius Iunior cap. 33. de viris illust.

*Plura pete ex apoph. Amicorum.  
omnia communia.*

## De ærario & fisco.

*Traianus Imp.*

Fiscum, lienem vocare solebat, quod eo crescente reliqui artus omnes tabescerent. Langus in Nicephori annotationibus.

*Constantinus Imp.*

Discere solebat, opes publicas melius priuatis pluribus haberi, quam in ædium principis claustrum reseruare. Eutrop.

## De affabilitate.

*Demonax.*

Vidam sciscitanti, quomodo delegatam sibi prouinciam administrare commode posset, respondit: Si minimum loquens, plurima audies. Hoc dicto princeps iubetur, & equa & iniqua audire. Erasmus lib. 8. apophthegm.

*Hortensius.*

Ob cultum mundiorum, ac gestulationes in dicendo molliores crebro male audiebat, in ipsis etiam iudiciis. Sed quum L. Torquatus, homo subagrestibus moribus, dum apud consilium de causa Syllæ quæretur, non iam histriionem illum diceret, sed gesticulatricem, Dionysiamque, notissimæ saltatriculæ nomine compellaret, tum voce molli demissaque Hortensius, Dionysia (inquit) Dionysia malim equidem esse, quam quod tu Torquate, *apoph.* id est, inelegans, agrestis, aditu difficilis. Periculosè maledicir alteri, cui vel idem, vel simile, vel diuersum, sed deterius vitium potest obici. Erasmus lib. 6. apoph.

*Titus Vespasianus.*

Admonitus ab amicis, quod plura polliceretur interpellantibus quam præstare posset: respondit, Non oportet quenquam à Cæsaris colloquio tristem discedere. Sueton. in eius vita.

*Hadrianus Imp.*

In colloquiis etiam humiliorum mixtè civilis erat: eosque detestari solebat, qui hanc humanitatis voluptatem ipsi inuiderent, hoc prætextu quod dicerent principis maiestatem vbique seruandam. Dion.

## De affabilitate neglecta.

*Aristippus.*

Quum aliquando Dionysium interpellaret pro amico, nec ille preces admitteret, prostratus corpore amplecti pedes regis, & impetrauit. Id factum quum quidam velut abiectius, quam vt philosophum deceret, reprehenderet: Non ego, inquit, sum in culpa, sed Dionysius, qui aures habet in pedibus. Ingenium iuxta promptum, & ad faciendum, & ad excusandum

C

quidlibet.



quidlibet. Laert. lib. 2. cap. 8.

*Legasi Laced.*

Venerunt aliquando Lacedæmonij ad Lygdamin tyrannum, legatione fungentes: sed quum ille variis excusationibus frequenter distulisset colloquendi copiam, tandem post omnes excusationes dictum est, illum parum firma esse valetudine, sed languere nonnihil. Legati responderunt: Per Iouem, non venimus huc cum illo luctaturi, sed colloquuturi. Plur. in Lacon.

*Græca mulier.*

Anni cuidam pauperculæ Philippum appellanti, vt causam ipsius cognosceret, cum hac flagitatione frequenter obstreperet illi, respondit, sibi non esse orium. Cùmque anus inelamasset, Proinde ne rex quidem esse velis: Philippus admiratus aniculæ liberam vocem, non illi solum præbuit aures, verum etiam alios audiuit. Hoc idem Latini tribuunt Adriano imperatori: sed Philippo Macedoniæ regi tribuit. Plur. in apoph. regum & imperator.

## De affectatione verborum.

*Anicula.*

**A** Nicula Theophrasto licitanti quiddam, idque admodum Atticè: Hospes, inquit, non vendo tanti: Notans illum, quasi non esset Atticus natura, qui supra modum affectaret atticissimum. Id enim solent hospites, dum in aliena lingua volant videri disertum. Eras. 6 apoph.

*Fauorinus.*

Ad adolescentem priscarum & iam obsoletarum vocum affectatorem: Curtius, inquit, & Fabricius dilucidè cum suis fabulati sunt: neque Aruncorum, Sicanorum, aut Pelasgorum, qui prius Italiam incoluisse leguntur, sed ætatis suæ verbis locuti sunt: tu verò

perinde quasi cum matre Euandri nati loquaris, verbis iam olim desitis viris. Quod si intelligi non vis quæ loqueris, non hoc abundè consequeris tacens? Eras. Rox. lib. 6. apoph.

*Melanthius.*

Melanthus interrogatus quid sentiret de tragœdia Diogenis: Non vidi, inquit. Notauit affectationem Diogenis in scribendo, quæ sæpè numero non minima obscuritatis causa est. Plutar. in libro *mei & alex.*

*Pacatus.*

Oscus Rhetor quidam clarissimus, cum ad eum loquendo scriberet & scribendo affectaret, vt nil abique schemate proferret, Pacatus obuiam ei veniens dixit: Poteram dicere. Aue Osce. Iste sit hominem affectatorem, salutatione affectata. Vfus est enim occupatone affectata, præter omnem necessitatem. Eras. lib. 8. apoph.

*Plato.*

Polus sophista cum daret operam vt nimis affectatè loqueretur, atque hinc immodicè gloriaretur, Plato hominem sic taxauit: O Pole, vt te tu alloquor modo. Polus autem Græci sonat pullum equinum. Voluit autem taxare hominis affectatè loquentis arrogantiam. Laert. lib. 3.

*Demonax.*

Quum interrogasset quendam, quæ is verbis nequaquam vulgariter respondisset: Ego, inquit, amice, nunc interrogo: at tu perinde respondes, quasi videret adhuc Agamemnon. Eras. lib. 8. apoph.

*Idem.*

Quendam Rhetorem audiens in loquentem, Hora nimium iaculans adueniens regionem herbis defectam reddidit: Non defines, ait, mecum cum turba agere: Notauit autem in verbis, sermonem hominis plus affectatum. Plur. in Roman. apoph.

*Idem.*

*Idem.*

Phaenonini dictionem ut nimium compositam solebat arguere ridiculè, quòd cum ille zgrè tulisset, ait: ut philosophum vestis neglectior, ita oratio decet in affectata. Eras. l. 8. apophr.

*Augustus Cæsar.*

Meccenas cum verbis affectatis scribere soleret, ab Augusto hac valedictione derisus est: Vale mel gentium, melcule ebur ex Hetruria, laser Aretinum, adamas Supernas, Tiberinum margaritum, Cilneorum smaragde, Iaspis sculorum, Berylle Porlennæ, &c. M. Tob. lib. 2. cap. 4.

*Cicero.*

M. Lepidus cum Romæ in senatu dixisset, Patribus conscriptis, ne dicam circumscriptis: Ego, ait Cicero, non tanti fecissem *apophthegmatorum*. Affectant autem Lepidus schema vocum similiter desinentium. At satius erat schema perdere, quàm Senatum offendere. Eras. lib. 4. Apophtheg. \*

## De affectibus humanis.

*Thales.*

Hales Milesius interrogatus, quis nam felix dicendus esset? Qui corpore, inquit, sanus est: animo verò. Sensit vir sapientissimus, affectu animi morbos. Laert.

*Aristonimus.*

Gubernatores se ventorum mutationibus accommodant, & viri sapientes animi affectibus. Stobæus.

*Antoninus Pius.*

Quum M. Antoninus fieret educatorem suum mortuum, & adolescens ab amicis ministris reuocaretur à declaratione pietatis erga nutricium: Permittite, inquit Antoninus Pius. Illi ut homo sit: neque enim vel philosophia, vel imperium tollit affectus. Eras. lib. 6. apoph.

*M. Antoninus Verus.*

Iam iam moritutus, cum suis ad grabbatum stare, dolere, atque angere videtur: Humanum est, inquit humania casibus ingemiscere: multoque magis, misericordiam prouocare, quæ oculis usurpantur. Sensit autem hominem non lignum aut lapidem esse, qui nullis rebus afficiatur, sed animal, quod affectibus misericordiae tangatur, & compatiatur etiam. Herodianus. lib. 1.

*Philo.*

\* Vis ignis absument obiectam materiam, & affectus exandescens abligurit corruptique quicquid inuenit obuium. lib. de cognitione querenda erudit.

## De affectibus priuatis.

*Themistocles.*

Themistocles Atheniensis, filium suum, quem mater adamabat, atque in deliciis habebat plurimum omnium Græcorum posse, colligebat hunc in modum: Athenienses, inquit, dominantur Græcis, ego Atheniensibus, mihi mater, matri filius. Plur. in Græc. apoph.

*Pyrro.*

Quum Pyrrhoni Eliensi philosopho obiurganti sororem Philistam, quidam obiceret, quòd oblitus esset suæ professionis (docebat enim, omnia esse indifferentia) sic elusit: Non enim inquit, in muliercula declarabitur indifferentia. Laert. lib. 6. cap. 11.

*Cleon.*

Cleon, quum reipub. administrationem capessere destinasset, restatus est, se iam omnium amicitiarum vincula velle soluere, quòd amici plerumque obstarent, ne liceret ubique rectum tenere clauum. Eras. lib. 6. apoph. hic. ex Plutarch.

## De affectibus nostris qui in aliis probantur.

*Anonymus.*

**A**lexandro Macedonum regi pirata quidam captus & ad ipsum adductus, rogatusque quare auderet infesta reddere maria, paucis respondit: Ego cum vnica nauicula pirata nominor, tu cum idem facias magna classe, rex appellaris. Quo dicto Alexander motus, ipsum statim dimisit. Plur. in vita Alexandri.

*Alexander.*

Quum peritum quendam ex Indis sagittarium cepisset in fuga, qui per annulum sagittam mittere diceretur, voluit vt artis suæ specimen ederet. Recusantem autem iratus occidi iussit. Verum cum iam duceretur ad mortem, dixit sagittarius, se multis iam annis non exercuisse artem suam, eoque timuisse ne erraret. Id vbi delatum est ad regem, quod ignominie metu recusasset, ad iratus ingenium ambitiosum, dimisit illum donatum: eo quod mortem appetere maluisset, quam fama sua videri indignus. Apparet autem ex hac historia nos affectus nostros etiam amare in aliis. Alexander enim cum semper ambitiosus & glorie appetens fuerit, similem affectum in sagittario probauit. Vide Plutar. in regum & imp. apoph.

## De affectibus frenandis.

*Socrates.*

**Q**uam post sudorem è palestra collectum videret alios ad potum contugere, vt sitim explerent, ipse bibere solus noluit. Verum interrogatus, cur bibere nolle: Ne consuescam

inquit, obsequi affectibus. Laert. in eius vita.

*Diogenes.*

Iactanti se cuidam, ac dicenti, Viro supero in Pythiis. Ego, inquit, viros, tu verò mancipia. Lusit rursus astringere vocum, quæ est inter *ειρηνος* & *ειρηνιστης*. Mancipia autem appellabat, quicunq; seruirent cupiditatibus. hos philosophia vincere pulchrius est, quàm in Pithiis ludis vincere viros. Laert. lib. 6. Eras. lib. 3. apoph.

*Demofihenes.*

Sapientis esse dicere, nunquam animo conuiuere, neq; affectibus quoquo modo licetius indulgere, ne effrenati, rationis imperium deserant. Stob.

*Agefilau.*

Illud sibi cum primis gloriæ ducem solebat, quod rex cum esset, ceteris que consilio prospiceret, nihilosecundum in laboribus obeundis nemini cederet: quodque sibi imperaret, siquidem ita loquar) rex esset, id pulchrius esse iudicabat, quàm quod regnum obtineret in alios. Plur. in apoph. Laconici.

*Demonax.*

Cuidam seruum suum virgis cedentem, Desine, inquit, te seruo tuo simile ostendere. Seruus enim est, qui in affectibus & cupiditatibus imperari non potest. Eras. 8. apoph.

*Megabates.*

Quum Agefilaum adisser aliquando salutandi gratia, ac iuxta Persarum morem osculum offerret. Agefila auertit vultum, ac refugiens osculatus, Præstantius duco, vt quis sibi seruet suam libertatem, quàm vt alius libertatem adimat. Intellexit nimirum vir continentissimus neminem esse, cui cupiditatibus seruiret: nihil enim imperium esse tam speciosum, quàm si quis animo suo posset imperare. Plutarchus in apophtheg. Laconici. Eras. lib. 1. apoph.

*Plutarchus.*

*Plutarchus.*

\* In magno fluctu non sistitur natura nisi pondus anchorarum retineat alto infixæ vado: Sic ni magnis rerum procellis summa ratio debet animum cohibere ne ab affectibus auferatur. In Ethicis.

*Seneca.*

\* Ut nullum, inquit animal, nec mite, nec ferum, paret ratione, quia ratio ne caret: sic nullus affectus. l. 3. de ira.

*Cato maior.*

Dicebat cum optimum & laude dignum esse imperatorem, qui propriis suis affectibus imperare possit. Plutarch. in Rom. apoph.

*Alphonsus.*

Alphonsus Aragonum rex aiebat, si sibi contigisset nasci temporibus quibus Romana Respublica florebat, se constructurum fuisse contra curiam templum Ioui Positorio, in quo priusquam venirent in senatum patres conscripti, odium, amorem, ac priuatos affectus omnes deponerent. Allusit ad priscorum morem, qui Iouem multis cognominibus insigniebant, nunc Statorem, nunc Gamelion, nunc Genethlion, nunc Philium, nunc Xenion appellantes. Ac si tam multa possit Iupiter, illud in primis præstandum erat, ut in synodis, in iudiciis, in senatibus, in quibus de Repub. consultatur, nihil haberent momenti affectus priuati. Nam hi sunt qui frequenter & ciuitates & regna bellis committunt, ac pessundabunt denique. Panorm. lib. 3. de dictis & factis Alphonsi.

*Idem.*

Nil inconuenientius esse dicebat, quam si quis aliis imperaret, qui suis affectibus propriis imperare prius non posset. Sentiens, nil perniciosius esse Reipubl. quam si is qui prauos aliorum affectus coercere debet pena adhibita, à propriis ipse affectibus vincatur,

Panon. lib. 2. de rebus gestis Alphonsi.

*A. Polissianus.*

\* Dicebat, sicut Tarquinius papaue: rum summa capita, dum in hortu ambularet, baculo decussit, sic semper in animo validioribus affectibus atque potentioribus potissimum esse resistendum. lib. de ira.

## De afflictionibus.

*Nazianzenus.*

\* Sol nubibus obiectus Ictius postea splendet, & ver post hiemis tristitiam est acceptius, iucundior tranquillitas blanda, & mare quietum post seditiones ventorum & perturbationes aquarum littoribus alluens: sic post afflictiones nobis vita tranquillior. In orat. de Cypriano.

*D. Augustus.*

\* Boni laborant, quia flagellantur ut filij: mali exultant, quia damnantur ut alieni. In Psal. 93.

*Idem.*

\* Dicebat, Sicut in vno igne aurum rutilat & palea fumar, sub eademque tribula stipulæ comminuuntur, frumenta purgantur, nec ideo cum oleo amurca confunditur quia eodem præli pondere exprimitur: ita vna eademque vis irruens bonos probat, purificat, eliquat, malos damnat, vastat & exterminat. Vnde in eadem afflictione mali Deum detestantur atque blasphemant, boni autem precantur & laudant. Tantum interest non qualia, sed qualis quisque patiat. Non pari modo exagitatum & exhalat horribiliter cœnum, & suauiter fragrat vnguentum. De ciuit. Dei, lib. 1. cap. 8.

*Cyprianus.*

\* Nisi, inquit, præcesserit pugna, non potest esse victoria, quæ fuerit in pugna congressione, victoria tunc datur vincentibus & corona. Nam gubernator



tor in tempestate dignoscitur, in acie miles probatur. Delicata iactatio est cum periculum non est: conflictatio in aduersis, probatio est veritatis. Arbor quæ alta radice fundata est, ventis intumbentibus non mouetur: & navis quæ forti compage solidata est, pulsatur fluctibus, nec frangitur, &c. Sermon de mortalitate.

## De agricultura.

*Aristippi.*

**A**ristippus, cum ei quidam obsecraret: Tua culpa interiiit ager, Atqui melius est, inquit, agrum propter me, quam me propter agrum perire. Stob. serm. 55.

*Zeno.*

Zeno Stoicus philosophus, cum videret familiarem quendam ex agri laboribus incursum & circumflexum: Nisi tu agrum perdidideris, inquit, ipse te perderet. Stob. ser. 55.

*Lycargus.*

Sciens quantum utilitatis humanæ vitæ agriculturæ suppeditaret studium, agros omnes ciuibus suis diuisit colendos: ut cõcordes inter se omnes similitudinem ac prauos affectus deponerent, & simili labore omnes victum quærerent. Plur. in regum apoph.

*Lysander.*

Quum ad Cyrum minorem, Persarum regem venisset, in hortum ductus, admiratus & proceritatis arborum, & directos in quincuncem ordines, & humum subactam, Cyrum interrogatur, à quo essent arbores plantatæ, & cuius solertia tam aptæ dimensæ? Cui respondens Cyrus, ait: Atqui ego ipse sum ista dimensus, mei sunt ordines, mea descriptio, mea enim manu sunt factæ. Tum Lysander purpuram ornatumque Persicum multo auro intuens,

dixisse fertur: Rectè Cyre te beatum ferant homines, quoniam virtuti tuæ fortuna coniuncta est. Cic. in Cato.

*Artaxerxes.*

Mises Artaxerxi Persarum regi multum punicum cum in vanno obcellisset, Rex magnitudinem eius admiratus, interrogauit, è quonam hortu promptum hoc donum afferret? Ille verò respondente, domo sua & ex suis agris, gaudius rex supra modum, missis regis muneribus virum ornauit, & Per solem, inquit (ita enim Persæ iurare solebant) iste homo tali curatione & agriculturæ diligentia, poterit etiam ciuitatem (meo quidem iudicio) ex parua ampliorem reddere. Videtur autem innuere, non tantum agros, sed omnes res, cura & sufficienti opera, & indefesso labore, contra naturam etiam meliores & præstantiores effici posse. Alian. l. 1. de Var. hist.

*Gelo Syracusanus.*

Suos ad agriculturæ studium hortabatur, partim, ut agri ad vsu hominum meliores redderentur, partim, ne orio torpescerent. Plutarch. in regum & imperatorum apoph.

*Myson.*

Osteus, quum Mysonem Cheneus se sapientiore conueniret, eum reperit æstate suam aratro aprantem. Dicenti autem eo, non esse tempus arandi: Satis, ait Myson, tempestiuum est, ad parandum nobis victum. Brufon. lib. 1. cap. 8.

*Faraotes.*

Faraotes Indorum rex, Apolloni de eius victu sciscitanti: Ego, ait, palmarum fructibus aut oleribus pascor, aut quæ præbent mihi arbores, quæ ego his manibus colo. Brufon. li. 1. cap. 8.

*Socrates.*

\* Amaltheæ cornu interpretatus est ad huiusmodi similitudines accommodando. Amaltheam quidem significare

scare illum qui minimè *μολδον*, id est dissolutus, sed gnanus & operarius esset, bona omnia consequuturum. Per cornu verò bouis, quod animal est laboriosissimum, virum operarisi innui. Botros autem & similia in cornu esse, quoniam omnia quorum egemus, in agricultura insunt: quamobré gestantes ipsum bonus genius bonaque fortuna introducuntur. Stob. serm. 54.

*Anonymus.*

\* Pulchrè ille quidem, qui agriculturam aliarum artium parentem atque nutricem appellauit: qua bene habente cætera valeant: neglecta verò, terra marique iacent omnia. Xenophon. in œconom. Stob. serm. 54.

*Asilius Regulus.*

Is aiebat, neque fecundissimis locis agrum insalubrem parandum, neque effœtis saluberrimum. Frustra salubris est locus, ubi peritur fame: & frustra fertilis est, ubi non licet viuere. Erasmus. lib. 6. apoph. ex Liuiio.

*Scipio Nasica.*

Candidatus in ædilitatis petitione cum adolescentulo competitore descendere: cuius quum manum rustico opere duratam tetigisset, interrogauit, Num manibus ambulare consueisset? Id vt populo cognitum est, repulsam petitionis passus est, eo quòd hominem agricolam spreuisse videtur. Brusi. l. 1. c. 8.

*Cato maior.*

Dicebat, fortissimos viros ac strenuissimos milites, ex agricolis gigni minimèque malè cogitantes. Plutarc. & Eras. lib. 5. apoph.

*Idem.*

Dicere solebat ad rusticos, in re rustica opere parcendum, in agro autè cædèdo minimè, quod enim malè empuum est, semper poeniret. Eras. l. 5. apop.

*Idem.*

Dicere solebat, pecuniam pedibus

compensari: sentiens nimirum, satis sumptuosum esse, ad villam procul disutà crebrò proficisci: sed hoc impendij pedibus compèfari, si dominus impiger inuisat fundum suum. Cicero in orat. pro Flacco.

*Idem.*

Interrogatus, quis esset certissimus agricolæ quæstus? respondit: Si bene pascat. quis proximus? si mediocritèr pascat. quid tertium? si bene vestiatur. quid quartum? respondit, Arare, & terram bene vertere. Eras. l. 5. apoph.

*Curius Dentari.*

Manius Curius, qui Dentatus cognominatus est, nonnullis arguentibus, quòd ex agris bello partis partem exiguum vnicuique militum distribuisset, magnam verò Reipub. oprauit à Diis, ne quando existeret quisquam Romanorum, cui ager exiguus videretur, qui posset alere dominum. Sentiens, hominem planè ignauum esse, qui ex hac agri portione non tantum laboribus se exerceret, vt inde viuere posset. Plinius cap. 33. de viris illustribus.

*Cicero.*

\* Omnium rerum ex quibus aliquid acquiritur, nihil est agricultura melius, nihil vberius, nihil dulcius, nihil libero homine dignius. lib. 1. de offic.

*Idem.*

\* Voluptatibus agricolarum ego incredibiliter delector, quæ nec vlla impediuntur senectute, & mihi ad sapientis vitam proximè videntur accedere. Habent enim rationem cum terra, quæ nunquam recusat imperium, nec vnquam sine vsura reddit quod accipit, licet alias minore, plerunque maiore cum scœnore. lib. de Senectute, ubi plura in agriculturæ laudem.

*Domitianus.*

Domitianus imperator iussit excidi vineas: quòd studio colendi vineæ, negligenter arua. Sueton.

C 4

*Diocletianus.*

*Diocletianus.*

Quum se imperio abdicasset, atque priuatam vitam in villa sua instituisset, ab Herculo atque Galerio ad recipiendum imperium rogatus, tanquam pestem aliquam derelictus, respondit: Vtinam Salonæ possetis visere olera nostris manibus instituta, profecto illuc tentandum nunquam iudicaretis. Fuit autem Diocletiani villa haud procul à Solonæ, vbi priuatus consuevit, Eutropius, & Cuspinianus.

*Vitruuius.*

\* Natus infans sine nutricis lacte non potest alii, neq; ad vitæ crescentis gradus perducii: sic ciuitas sine agris & eorum fructibus in moenibus affluentibus non potest crescere: nec sine abundantia cibi frequentiam habere, populûmque sine copia tueri. lib. 2. de architect.

## De alea.

*Plato.*

**A**dolecentem, quoddam lusisset alea, agrauius increpuit, qui quum dixisset, Sic obiurgas ob rem parua? At paruum non est, inquit, assuescere. Laert. lib. 3.

*Alexander.*

Quosdam ex amicis multauit, quoddam in ludo aleæ sensisset eos non ludere. Siquidem multi sunt qui in hoc ludo velut in re maximè seria versantur, nō enim ludent qui fortunas suas omnes, interdū & liberos, aleæ permittunt arbitrio. Plut. in reg. & imp. apop.

*Manius Curius.*

Manium Curium accusator eius ad concitandam inuidiam in sipario (id est velaminis genus) pinxerat omnibus locis, aut in neruo nudum, aut ab amicis redemptum ex alea: hoc agens, vt omnibus persuaderet, quā is esset

perditū deditus aleæ. Hoc crimen videntē infictus est Manius: Ego, inquit, nunquam vici. Alter intelligi volebat, Curium assidue lusisse alea, Curius eo corsit, quasi infelicitas esset opprobriata. Non est verisimile, qui frequenter ludit tesseriis, nunquam vincere. Refert Fabius.

*Cicero.*

Memmo cuidam viruperanti Catonem Uticensem, dicentique quoddam noctes ebrius esset: At illud, inquit Cicero, non addis. cum totos dies alea ludere: ciuilitate excusans Catonem, qui totum diem reipub. negotiis dabat operam nocturnas aliquot horas sumebat laxando animo. Eras. 4. apoph.

*Huc refert apoph. de Ludo & Recreatione.*

## De ambigūe dictis.

*Diogenes.*

**S**eruum quendam fugitiuum videns ad puteum sedentem, Vide, inquit, adolescens, ne excidas: ambiguo verbo ludens. Nam excidit, qui in puteum decidit, & *enuratus*, id est, excidit, qui de loco pellitur. Laert. lib. 6. cap. 2.

*Idem.*

Interrogatus, quamobrem athletæ nihil sentirent? Quoniam, inquit, suis ac bubulis carnibus educati sunt. Nam athletæ crassioribus cibis enutriuntur, qui corpori quidem robur conferunt, sed mentis acumen heberant. Vocis autem ambiguitas dedit ioco locum. Nam vt Græcis *αἰδολοῦν*, ita Latinis sentire, tam ad animum quā ad corpus pertinet. At percontator ille quærebat, quid esset causæ, cur athletæ veluti sensu carentes, non offenderentur plagis: Diogenes animorum stuporem notare maluit. Laert. lib. 6.

*Idem.*

Quum mentio fieret de puero stuprato,

prato, Diogenes, interrogatus cuias esset, iussit ex ambiguo dicens, Tegeates: nam Tegea ciuitas est Arcadiæ, Tegos autem interdum idem est quod lupanar. Ibidem.

*Ischomachus.*

Quum mendica quædam ventris tormina pateretur, ac medicus percontaretur, num haberet in ventre? Quis potest, inquit, quum triduo nihil comederit? Et huius dicti festiuitas iucundior est Græcis, quibus in ventre habere dicitur, quæ fert vterum. Nam id medicus percontabatur, an esset grauida. Eras. lib. 6. apoph.

*Stratonicius musicus.*

Quendam qui malè cecinerat rogauit, cuius esset cantio? quum ille respondisset, Carcini: multò magis, inquit, quàm hominis. Carcinus enim Græcè cancrum sonat. Est autem eadem vox cantoris cuiusdam nomen, quem norant Græcorum prouerbia. Eras. lib. 6. apoph.

*Idem.*

Quum trabes delapsa quosdam è cœuiuis occidisset, dixit, *αὐτὸς πρὸς τοὺς εἰσὶν ὅτι, εἰς τὴν γὰρ εἰσὶν ὁ δὲ εἰς.* Id Latine reddi non potest: iocus est ex amphibologia. *δὲ* sonat trabi, si subscribas *iota*: & si nē hāc, sonat opinor: Viri, opinor dii sunt, quod si non sunt, trabi sunt. Nisi fortè *δὲ* legendum, acuto accentu, ut intelligas trabes sunt. Eras. 6. apoph.

*Idem.*

Quum Satyrum accepiisset apud Ilium peregrinari, festiuit in illum torstillus prouerbio iactatū. In Ilio semper mala: ludens ex ambiguo vocis. Aliter enim mala dicuntur, quæ misera tristiaque sunt, aliter homines mali. Eras. 6. apoph.

*Idem.*

Polyidæ glorianti, quod discipulus ipsius Philopas canendo vicisset Timotheum: Miror, inquit, si ignoras,

quod discipulus tuus condidit decreta, Timotheus autem leges. Iocum captans ex ambiguo vocis. Nomos enim Græcis & legem sonat, & modulor cantionis. Eras. ex Athenæo.

*Philoxenus.*

Philoxenus, cui cognomen Pternocopis, patria Corinthius, orto sermone quod turdi magno venderentur, quum fortè adesset Coridus, qui malè audiebat, quod corpus suum ad quæstum prostituisset: Atqui ego, inquit, memini fuisse tempus, quo Coridus obolo parabatur: ludens ex ambiguo, nam corydus etiam auiculæ nomen est. Eras. 6. apoph.

*Demonax.*

Demonax in Herminum Peripateticum qui semper in ore habebat decem Aristotelis Categorias, ita iussit: Equidem arbitror Hermine, te non indignum decem Categoriis. Iocus est ex ambiguo vocis Categoriz Græcis vel prædicamenta dicuntur, vel accusationes. Eras. lib. 8. apoph.

*Idem.*

Quum Athenis quidam Romanus senator filium ad Demonastem adduxisset, eleganti forma, vestitu delicato, ac deliciis effœminatum, diceretque, Salutat te, ô Demonax, filius meus: Pulcher est, inquit, & te dignus, & matri non absimilis. Vtrumque autem poterat dici in laudem. Nunc autem patrem notauit ex filij effœminatis moribus, & matri similem dixit mollem & deliciis euiratum. Ibid.

*Lau Corinbia.*

Cuidam amatori, qui misso sigillo iubebat illam venire: Non possum, inquit, lutum est. Olim terræ genera signabant, at illa lutum esse dixit, quasi oblitum viarum non posset accedere. Luteum sigillum nihil morabatur, argentum quærebat. Eras. 6. apoph.

*Philip.*



*Philippus Macedo.*

In acie vulneratus circa clauiculam eum decumberet lecto, & medicus à quo curabatur, subinde præmium efflagitare: Sume, inquit rex, ipsemer, habes enim clauem in tua potestate: ludens ancipiti voce: *avis* enim Græcè & clauem sonat, qua aperitur cista, vel ianua domus: & cômmissuram quoque humeri cum pectore. Plutarc. in apoph. regum & imp.

*Clitophus.*

A Philippo donatus equo saucio, vendidit: & ab eo post interrogatus, ubi nam esset equus? Ex vulnere, inquit, illo confectus est. Ludens ex ambiguo, nam *utrumque* sonat venditus est, & confectus est. Eras. 6. apoph.

*Afer orator.*

In quendam patronum imperitum, sed splendido vestitu se venditantem litigatoribus, lepidè dixit: Homo in agendis causis bene vestitus. Lusi ab inexpectato: nam auditor pro vestitus expectabat, instructus, aut exercitatus. Eras. 6. apoph.

*Philippus orator.*

In maleolentem, Video, inquit, me à te circumueniri, sentiens, se malo odore vndique oppleri. quum circumuenire dicatur, qui dolo fallit. Eras. 6. apoph.

*Idem.*

Causam agens, quum pusillus testis prodisset, Licetne, inquit, rogare? Quà quæstio properans dixisset, Licet, modò breuiter: hic Philippus, Non accusabis, per pusillum rogabo. Primū in testem risus oboreus est, sed mox in iudicem Lucium aurificem conuersus, qui sedebat ipso teste breuior. Eras. 6. apoph.

*Curtius.*

Curtius eques Romanus delitiis defluens, quum apud Cæsarem cœnaret, macrum turdum sustulit è patina?

eumque tenens interrogauit Cæsarem, liceretne mittere? eumque is respondisset: Quid nî liceat? ille protinus auum misit per fenestram, iocum arripiens ex ambiguitate verbi. Nam cibus è cōuiuio dono mittitur amicis, quod apud Romanos erat solenne: & mittitur, quod abiicitur. Eras. lib. 4. apoph.

*Cicero.*

Quum Cicero in Pompeij castra venisset, dicentibus, Serò venisti. Minimè, inquit, serò, nam nihil hîc adhuc parati video. Allusit ad eos, qui serò veniunt ad conuiuium. locus est ex ambiguo. Serò venit qui tardè venit: & serò, qui post tempus. Plutarc. in Rom. apoph.

*Idem.*

Quum Faustus Syllæ filius ob æris alieni magnitudinem suppellestem suam proscriptisset: Hanc, inquit, proscriptionem magis approbo, quàm paternam. Lusi ambiguo verbo. Proscribitur res, quæ in auctione venum exponitur & proscribuntur homines, a quouis iugulandi, quo crudelissimo genere Sylla quamplurimos ciues proscripterat. Plut. in Rom. apoph.

*Idem.*

In Isauricum ita lusi: Miror quid sit, quòd pater tuus, homo constantissimus, te nobis varium reliquerit. locus ex ambiguo vocis. Nam varius dicitur, parum animo constans, varius item, qui vestigiis plagarū notatus est. Vulgatum autem erat, hunc Isauricum aliquando à patre casum loris. Inde illud M. Cælij prætoris non dictum, sed factum: cuius quum sellam curulem consul Isauricus fregisset, alteram posuit loris intentam, tacitè minitans illi, atque exprobrans, quod à patre loris casus esset. Eras. 4. apoph.

*Idem.*

C. Cæsari in senatu enixè defendenti causam filij Nicomedis, beneficiisque regis

regis in se commemoranti: Remoue, inquit Cicero, isthæc oro: quoniam morum est quid ille tibi, quid tu illi deris, locus est ex ambiguo verbi. Nam dat, qui confert beneficium: & dat mulier quæ sui facit copiam. Vnde illud Martialis,

Vis dare, nec dare vis.

Malè audiebat Cæsar, quodd in Bithynia Nicomedi regis fuisset obsequentior, quam pudicitiz leges postulant. Eras. 4. apoph.

*Idem.*

Quum mater M. Bruti Seruilia pretiosum ære paruo fundum abstulisset à Cæsare, qui bona ciuium subiiciebat hastæ, ita iocatus est Cicero: Et quidè, inquit, quo melius empru sciatis, emit hunc fundum Seruilia, tertia deducta. Seruiliæ autem filia dicebatur Iunia Tertia, eadèmq; C. Confidij vxor, lasciuiente dictatore tam in matrè quàm in filiam. Ex ambiguo iocatus est Cicero: potuit enim intelligi, tertia pars pretij detracta. Deducitur autem vxor aut scortum. Eras. libro 4. apophthegm.

*Idem.*

Vatinium inimicum, & alioqui sceleratum, M. Tullius audierat obiisse diem: post, quum rursus audisset illu viuere, Malè pereat, inquit, qui malè mentitus est, significans, Vatinium indignum qui diutius viveret. Omne mendacium malum: sed hoc mendacium his erat malum, quis bonos viros in falsum gaudium coniecerat. Dictu tamen erat ambiguum, quod dici poterat & de illo quem mori nolles. Plur. in Rom. apoph.

*Crassus.*

Quum Brutus iunior fundos ædèsq; paternas luxu prodegisset, & in his etiam thermos, & in sermone quodam diceret se frustra sudare, Non mirum, inquit Crassus, nuper enim existi è

balneis. Luser ex ambiguo. Exit è balneo, qui lauit: & exit, qui vendidit, alterique cedit. Eras. lib. 6. apoph.

*L. Galba.*

L. Galba scurra, cuidam pilam negligenter petenti: Petis, inquit, tanquam Cæsaris candidatus. Huius competitores negligentius ambiebant, vel qui metuebant Cæsarem repulsæ impatientem, vel quia desperabant se assequuturos tali competitori, vel quia sic illi blandiebantur. locus est ex ambiguo, petitur pila, quæ repercutitur: & petitur magistratus. Eras. 6. apoph.

*M. Cincius.*

Quo die legem de donis ac muneribus tulit, C. Centoni prodeanti, ac satis corumeliosè interroganti. Quid fers Cincio? Vt emas, inquit, si uti velis. notans illum, quodd donatis & commendatitiis rebus vti gauderet. Alludit autem ad illud decantatum in primis. Emere malo quàm rogare. Ad hæc amphibologia est in verbo, Ferre. fert enim qui promulgat legem: & fert qui portat aliquid venale. Eras. 6. apoph.

*Plancus.*

Plancus in iudicio amici, cum molestum testem destruere vellet, interrogauit suturem quendam, quo se artificio tueretur? ille urbane respondit Gallam subigo. Habetur autem hoc sutorium instrumentum, quodd non infacetè in adulterij exprobrationem ambiguitate conuertit. Nam Plancus in Mevia Galba nupta malè audiebat. Macrob. lib. 2. esp. 2. Saturn.

*Vespa Terentius.*

Titius quidam studiosè pila ludere solebat, sed idem noctu signa sacra frangere putabatur. Hunc quum gregales in campo desiderarèt, Vespa Terentius hoc colore excusauit, vt diceret illum fregisse brachium. Nam diuorum imaginex brachiis gestabant donaria.

donaria. Huc allufus Vesp. Erasmi lib. 6. apoph.

*Procleius.*

Quærebatur de filio, quod expectaret mortem patris: quumque filius respondisset, Ego verò non expecto: Imò, inquit, rogo vt expectes. Detorsit verbum in contrarium sensum. Expectat mortem patris, qui inhiat: & expectat, qui non accelerat mortem patris, Fab. lib. 9.

*Aug. Cæs.*

Olim erat magna sepulchrorum religio, eaque pars agri quæ sepulchro erat dicata, non proscindebatur aratro. Vectius itaque quum nihil hac religione deteritus patris monumentum exarasset, Augustus facetè iocatus est, Hoc inquiens, est verè patris monumentum colere. Rursus ludit ancipiti verbo. Colimus ea quæ veneramur, & colitur ager aut aliud simile. Gemina fuisset amphibologia, si pto monumento dixisset memoriam, quodd ab illo dictum arbitror. Si quidem eorum memoria nobis sacrosancta dicitur, quo vita defunctos veneramur: & memorias, ad Græcorum imitationem, vocamus defunctorum monumenta. Erasmi libro. 4. apophth. ex Suetonio Tranquillo.

*Idem.*

Quum plerique rei quos Seuerus Cassius accusabat, absoluerentur, & is cui Cæsar forum extruendum locaret, diu traheret illum operis expectatione: Vellem, inquit Cæsar Augustus, vt Cassius & forum meum accusasset. Locatus est ambiguo verbo, nam absoluitur, quod perficitur, & absoluitur, qui à causa liberatur, absoluit opus architectus, & rerum iudex absoluit. Erasmi lib. 4. apoph.

*Romani.*

Quum ex oratione Neronis, qua in Vindicem perorabat, recitaretur in

senatu, daturus poenas sceleratos, se breui dignum exitium facturos: exclamatum est ab vniuersis, Tu facies, Auguste. Quæ vox bifariam potest accipi: Tu facies vt dent poenas aut tu dabis poenas. Suetonius in Nerone.

## De ambitione.

*Plato.*

Dicitur ter nauigasse in Siciliam, nec sine periculo, nec sine cauillis obrestantium. Molon itaque, qui gerebat hostilem in Platonem animum, negabat non esse mirum si Dionysius esset Corinthi, sed si Plato in Sicilia. Nam tyrannum expulerat necessitas. Platonem inuitabat ambitio, vt vulgus quidem interpretabatur. Et tamen Dionysium esse Corinthi aded mirabantur omnes, vt iam abierit in proverbium de re inexpectata & incredibili. Laert. lib. 3.

*Idem.*

\* Ciuitas in qua ciues ad expetendos magistratus minimè ambiciosi sunt, optimè & procul à seditionibus permanet: contra verò quæ aliter affectos habet ciues. lib. 7. de legibus.

*Phanorinus.*

Homines partim esse ridiculos, partim odiosos, partim miserabiles dixit: Ridiculos quidem, qui ambiciosè ad maiora aspirant. Odiosos, qui ea consequuntur. Miserabiles autem, qui spe falluntur. Stob. serm. 2.

*Theages.*

\* Contentio honorum, seu ambitio, oriuntur ex vi irascibili: quæ cum in excessu fuerit, gignit feritatem. Stob. serm. 1.

*Thucydides.*

\* Non solum ambitio & gloriæ studium expers est senectutis, sed magis (quod populare & ciuile est quale formicis

micis etiam & apibus) ad finem vsque vite perdurat. *Plutarch. Stob. ferm. 43.*

*Aristoteles.*

\* Plurimę seditiones in ciuitatibus, ambitionis culpa oriuntur: de honoribus enim nō quilibet, sed potentissimi quique contendunt. *Stob. ferm. 43.*

*Themistocles.*

Cū aliquando theatrum peteret, interroganti cuidā cuius vocem esset libentissimē auditurus? Eius, inquit, a quo artis meę quā optime canerentur. Ingenue fassus est, se magno glorię studio teneri. Solebant enim olim Musici, in publico virorum illustrium laudes canere. *Plutarch. in eius vita.*

*Idem.*

Themistoclem ferunt virtutum stimulis agitatam, & ob id noctes inquietas exigentem, quærentibus, quid ita eo tempore in publico versaretur, respondisse, Quia me trophæa Miltiadis de somno excitant. Marathonimirum animum eius, & Arthemisium, & Salanis, navalis glorię ferilia nomina illustranda tacitus facibus incrabant. *Plutarch. in Themistocle. Valer. Max. lib. 8. cap. 13.*

*Timon.*

Timon, qui cognomine Misanthropos dictus est, elementa malorum vocabat Auaritiam & Ambitionem: eo quod ex horum vitiorum fonte, cetera vitia omnia prouenire ac manare viderentur. Timonis dictum recitat *Stob. ferm. de Iniustitia.*

*Socrates.*

\* Timidus patriam, ambitiosus verò substantiam paternam deserit. *Stob. ferm. 4.*

*Epaminondas.*

Lacedæmoniis bellō victis, ac multo sanguine fuso iam fugatis, eū audire, illos eius belli calamitatem extenuare, ut palam fieret omnibus quanta strages edita esset, non quibuslibet

permisit cadauera interfectorum tollere, sed ut quæque ciuitas sua auferret, & ita factum est, ut appareret plusquam 1000. Lacedæmonios interiisse. *Plutarch. in apoph.*

*Alexander.*

\* Anaxarchus philosophus ex auctoritate Democriti præceptoris innumerabiles mundos esse referens: Heu, me miserum, inquit Alexander, quod ne vno quidem adhuc potius sum! Angusta homini possessio glorię fuit, quæ deorum omnium domicilio sufficit. *Iuuenal. satyr. 10. Plut. de tranquill. anim. Valer. Max. lib. 8. c. 13.*

*Hipponicus.*

Statuam ponere, sacrosanctum patrię donarium, in animo habebat. Cū autem quidam ei consuleret, ut a Polycleto fingendam imaginem curaret: respondit, Non se eiusmodi donarium positurum, cuius gloria non ad consecratorem, sed ad factorem esset reditura. Etenim liquere, spectatores in ea statua magis artem & industriam Polycleti, quā suam liberalitatem & munificentiam admiraturos esse. *Ælian. lib. 14. de Var. hist.*

*Damis.*

Cū Alexander Magnus per literas petiisset, ut Lacedæmoniorum decreto decernerentur ipsi diuini honores, & in deorum numero referrentur: Age, inquit, concedamus Alexandrō, si velit appellari Deus. Despectam risit stultam principis ambitionem, qui putaret ab iis posse creari deos, qui ipsi nihil aliud essent quā homines: aut si hoc non putauit, insigni stultitia falsi nominis umbra gloriaretur. *Plut. in apoph.*

*Theopompus.*

Cum Pylij decretum edidissent, quo Theopompo tribuebantur summi honores, rescripsit: Mediocres honores ipsum tempus auger, immodicos abolet.



abolet. Hôc animo quid excellentius? quod alij sibi aut vendicant arroganter, aut ambiunt ineptè, hoc vltro delatum reiecit, simul & suam declarans modestiam, & amicos admonens, in omni re modum esse optimum. Quin & illud acutè perspexit quæ subitò crescunt in altum, non esse diuturna, quod genus sunt betæ & cucurbitæ: cæterum quæ paulatim augescunt, ea facere ætatem, veluti quercum & buxum. Plut. in Lacon.

*Julius Cæsar.*

\* Narrant eum, quum Alpes iam transisset & præter oppidulum quoddam barbaricum paucis & miseris habitatum hominibus iter faceret, amicis per iocum ex ipso quærentibus, an & hîc de magistratibus essent contentiones, ac de principatu certamina, & potentium æmulationes, serio respondisse, Malle se hîc primum, quam Romæ secundum esse. Rursus cùm in Hispania per ocium res Alexandri gestas legeret, diu cogitabundum ad extremum illacrymasse, & amicis causam quærentibus dixisse, An non dolentem vobis videtur, me cùm id ætatis sim, qua Alexander tot nationibus imperauit, nihil dum memoratu dignum gessisse? Plut. in Cæsar.

*Agrippa.*

Agrippa familiaribus suis dicere solebat, hunc esse morem principum, vt nolint habere quenquam se poriorum. Nam ea quidem, quæ facilem & exploratam victoriam esse videntur habitura, ipsi gerere statuunt: pessima verò quæq; & difficillima aliis committunt. Quod si eueniat vt opportuna negotia aliis mandare cogantur, grauitè ferunt, propter laudem & gloriam eorum qui ea gesserunt, sed sibi ipsi serum bene gestarum gloriam libenter ascribunt. Xiphilinus in Augusto.

*Agrippina.*

\* Nero, cùm primum natus esset, quidam astrologus prædixit eum regnaturum esse & matrem necaturum. Quod cùm Agrippina mater intellexisset, subitò exclamare cepit: occidat, dum regnet. Præfatio votòque respondit euentus. Sueton.

*C. Caninius.*

Rutilius & Scaurus cùm competitorum res essent in consulari, Rutilius tandem Scauro cessit. Sed Scaurus ambitus Rutilium accusabat, quoniam in tabulis Rutilianis scriptum esset, A.F. P.R. arque interpretaretur Scaurus, Actum fide Publij Rutilij: quasi suffragia Rutilius corrupisset, nec potuisset fieri cõsul Scaurus, nisi ex renuntiatione Rutilij: Rutilius rursus interpretabatur, Ante factum postea relatum: Tum C. Caninius eques Romanus, quum Russo adesset, exclamauit, neutrum illis literis declarari. Id enim significare Æmylius fecit, plectitur Rutilius: id est, Æmylius Scaurus corruptie populum, Rutilius passus est repulsam. Brufonius lib. 1. cap. 15.

*C. Cotta.*

Caius Cotta in ambitione artifex, dicere solebat, se operam suam, quod non contra officium rogaretur, polliceri solere omnibus, impartire autem iis apud quos optimè poni arbitraretur. Bruf. lib. 1. cap. 15.

*Horatius.*

Quum rediret ad suos, trium Curia-tiorum fratrum quos occiderat spolia gestans, quorum vni desponsa fuerat Horatij soror virgo, illa autem agnoscens sponsi paludamentum, quod ipsa manibus suis consecerat, solueret crines, ac fletu sponsum mortuum in-clamaret: Horatius sororem gladio transfigit, dicens, Abi hinc cum tuo præpostero amore, oblita fratrum mortuorum, viuèque, oblita patris.

Tantum

Tantum valuit amor laudis, & patrie gloria. *Liuius, & Plin. de vir ill.*

*Afer.*

Afer Didio Gallo qui prouinciam ambitiosissimè petierat, deinde imperata re, tanquam coactus, quærebatur, urbanè, Age, inquit, Didi, aliquid & reipubl. causâ labora. *Brus. libr. 1. cap. 17.*

*Cicero.*

Coci cuiusdam filius ambitiosissimus, cum candidatus in campum descendisset, ac à Cicerone petiisset suffragium, Tullius coquum agnoscens, ait, Ego quoque tibi fauebo. Respexit autem Cicero ad officium hominis, cui ideo fauere cuperet, ne sale perderet offam. *Bruson. libr. 1. cap. 15.*

*Idem.*

\* Miserrima, inquit, est omnino ambitio, honorumque contentio. Item. Facillimè impellitur ad res iniustas qui gloriæ cupidus est. Item. Difficile est potestatem cupienti, seruare æquitatem. *lib. 1. de Offic.*

*Cato Vicensis.*

Quum M. Octavius, duas habens legiones haud procul ab Utica, à Catone postularer, ut inter ipsos de imperio statueretur, Cato legatis nihil respondit, verum ad amicos conuersus, Quis iam miretur, inquit, rem malè gestam esse, quum in ipsa morte in nostris videatis dominandi cupiditatem? Significans, ambitione ducum bellum infelicitè cessisse. *Plutarch.*

*Alphonfus rex.*

Dehortantibus amicis, ne ob imminetia pericula bellum pro Ioanna Neapolitanorum regina, contra Martinum pontificem, qui regno eam spoliaret, susciperet: Non abhorreo, inquit, periculum, cum sine labore & periculo nemo vnquam gloriam consecutus sit. *Panormit. de rebus gestis Alphonfi. libr. 1. cap. 2.*

*S. Augustinus.*

\* Non ferè quisquam est qui careat amore dominandi, & humanam non appetat gloriam. Item. Quoties hominibus præesse desidero, toties Deo meo præire contendo. *Comment. in Psalmos.*

*Idem.*

\* Diabolus ruit, quia elegit potius præesse, quàm subesse. *lib. 14. de ciuitate Dei, cap. 11.*

*S. Ambrosius.*

\* Hoc ipso perniciosior ambitio, quod blanda est consolatrix dignitatum, & sæpè, quos vira nulla delectat, quos nulla potuit mouere luxuria, nulla auaritia subruere, facit ambitio criminosos. habet enim forensē gratiam, domesticum periculum, & (ut dominetur aliis) prius seruit, curuatur obsequio, ut honore donetur, & dum vult esse sublimior, fit remissior. *Commentar. in Lucam, lib. 3.*

*Chrysostomus.*

\* Quicumque desiderauerit primum in terra, inueniet confusionem in celo. Nec inter seruos Christi computatur, qui de primatu tractauerit. *Homil. 25. in Matth.*

*S. Bernardus.*

\* O ambitio, ambientium crux, quomodo omnes, torquens omnibus places? Nil acrius cruciat, nil molestius inquietat, nil tamen apud miseros mortales celebrius negotiis eius. *lib. 3. de consideratione.*

*Plura pete ex apoph. de Gloria & Laudis cupiditate, atque Regnandi libidine.*

## De ambitione exfordibus.

*Socrates.*

**A** Nimaduertens Antisthenem ambitiosus ostentare vestem lacera-

ram

ram & detritam, faceret hominem increpauit, & *παιδων*, inquit, *αγαθων ανδρων*, id est, non desines te nobis comere? Significans, eiusdem esse ambitionis utilitatem amictus ostentare, & delicato cultu sese venditare. Eras. lib. 8. apoph.

*Idem.*

Alcibiades cum Socrati magnifica misisset munera, & Socrates respuere videretur, Xantippe auida dissuasit, & donum magnificum ac indignum ut non acciperetur esse dixit. Tum Socrates: Alcibiades, inquit, hæc mittit ambitiosè, & nobis nostra est ambitio. Alij namque videri & laudari cupiunt, dum alios ornant muneribus: alij vero ex eo laudem sibi parare student, quod propter communem consuetudinem omnia contemnant: & sic omnibus sua innata est ambitio. Eras. lib. 8. apoph.

*Idem.*

Quum Antisthenes Cynicus pallium haberet pertusum, idq; obuertens fissuram omnibus daret inspiciendam: Per fissuram (inquit Socrates) pallij tui, video tuam inanitatem. eleganter notans, turpiorem esse ambitionem ex utilitate cultus, quam ex amictu splendido. Atque utinam inter Christianos non sint multi Antisthenes, qui sub ueste fusca, vili, sordidaque, plus celent gloriæ, quam alij diuites habent in holosericeis ac byssinis. Eras. lib. 3. apoph.

*Diogenes.*

Quum aliquando perfusus esset aqua, statetque toto distillans corpore, circumstantes aliquot, ut sit, commiserabantur hominem indigna passum. Quibus Plato (nam & is forte tum aderat:) Si vultis, inquit, commiserari Diogenem, abire: notans in philosopho gloriæ cupiditatem. Hoc igitur spectaculo quoniam delectabatur, se-

lix erat potius quam miserandus: at si nullo teste perfusus fuisset, tum verè fuisset miserabilis. Laert. lib. 6.

*Idem.*

Rhodos quosdam adolescentes elegantiore cultu conspiciens, dixit, *τις ποτ' εστιν*, id est, hic factus est. Rursum, quum vidisset Lacedæmonios substricta tunica parèe sordidèque cultos, *αλλος* inquit, *ουτος τις ποτ' εστιν*, id est, hic alius factus est. Significans, non minus peccare eos qui ad ostentationem sordidè vestiuntur, quam qui splendido vestitu sese iactant. Vnde scitum est illud diui Hieronymi, Pullas æquè ut candidas deuira, Eras. libro 8. apoph.

*Plato.*

Plato frugalis quidem erat, sed tamen amans mundicie: contra Diogenes, sordidus. Itaque calcans Platonis culcitram, præsentibus aliquot Dionysij amicis, quos Plato inuitarat ad conuiuium, dixit, Calco Platonis ambitionem. Mox Plato: At quanta superbia tumes ipse Diogenes, dum alienam superbiam te calcare putas? Hoc ipsum ab aliis narratur lepidius, Diogeni dicenti, Calco fastum Platonis: Calcas inquit Plato, sed alio fastu. Nam hoc ipsum fastus erat, quod iactabat mundicie contemptum: & qui sordibus gloriantur, non minus ambiciosi sunt quam qui splendide vestiuntur, sed aliter: Turpior est autem ambitio, ex fucis virtutis laudem captans. Socion tamen hoc non ascribit Diogeni, sed Platoni Cynico. Laert. lib. 6.

*Diogenes.*

De seipso dicere solitus est, se implere & ferre tragicas execrationes. Nam erronem se esse, domo & patria carere, mendicium agere, tenui vestitu uti, & in diem viuere. Nihilominus tamen in his non sibi minus placebat, quam

quàm Alexander in terrarum orbis imperio cum subactis Indis Babylo- nem reuerteretur. *Alianus libro tertio de Varia historia.*

## De amicitia, atque ami- co bono.

*Thales.*

**T**Hales Milesius philosophus dice-  
bat, amicorum absentium eque ac  
presentium oportere meminisse. Ami-  
citia enim est animorum coniunctio,  
quos non dirimit locus. Multi non a-  
mant, nisi tantisper dum vident. Dio-  
genes Laert. lib. 1. cap. 1.

*Democritus.*

\* Probum amicum (dicebat) gaudi-  
is quidem vocatum adesse decet: ad-  
uersis autem casibus sua sponte. Item.  
Veri amici tum suaves amicitias frui-  
tione communi, tum calamitates par-  
ticipatione sua reddunt leuiore. Item.  
Non posse opitulari amicis, inopie est:  
nolle autem, malitiae est signum. Max.  
serm. de amicitia.

*Chilo Spartanus.*

Quendam praedicantem se nullos  
habere inimicos, interrogauit, num  
vllum haberet amicum? Sentiens, a-  
micitias, & inimicitias inuicem se co-  
sequi: nec fieri posse, quin qui multos  
haberet amicos, complures habeat &  
inimicos. Plut. in apoph.

*Pittacus.*

\* Erga amicos, inquit, esto constans:  
erga inimicos munitus & cautus.  
Maxim. serm. de amicitia.

*Critias.*

\* Qui cum amicis versatur omnia ad  
gratiam & voluntatem illorum faci-  
ens, ex presenti voluptate inimicitiam  
facit in posterum. Max. serm. de ami-  
citia.

*Socrates.*

\* Dicere solitus est, nullam esse pos-  
sionem pretiosiore vero bonoque  
amico. nec aliunde plus fructus aut vo-  
luptatis capi. Itaque praeposterè face-  
re multos, qui pecuniae dispendium  
gravius ferunt quàm amici iacturam:  
quique se beneficium perdidisse cla-  
mant gratis collocatum. quum eo sibi  
conciliarint amicum quouis lucro po-  
tiores. Eras. lib. 3. apoph.

*Idem.*

Cræso interrogato, quid esset maxi-  
mum & pretiosissimum ex regno con-  
secutus? Cum ille respondisset, ut ho-  
stes vlcisceretur, & amicos beneficio  
afficeret: Multo, inquit, melius fecis-  
ses, si illos tibi amicos asciuiisses. Max.  
serm. 6.

*Idem.*

\* Dicebat qui fratribus praeteritis  
alios sibi amicos acquirunt, iis esse si-  
miles, qui agro suo relicto colunt alien-  
um. Ibid.

*Plutarchus.*

\* Vasa quidem (inquit) meliora sunt  
nova: sed amicitia praestat, quod vetu-  
stior. Item, Equi bonitatem in bello,  
amici verò fidem in calamitate iudi-  
camus. Maxim. serm. de amicitia.

*Isocrates.*

\* Amicos probabis ex calamitate in  
vita, & communicatione periculorum.  
Aurum enim igne probamus, amicos  
in aduersa fortuna cognoscimus. Itē.  
Vera amicitia tria requirit maximè:  
virtutē tanquam honestam, & famili-  
aritatem ut iucundam, & vsum tanquā  
necessarium: nam ubi iudicaris, recipe-  
re debes, & congressu lætari, & uti si  
egeas. Max. serm. de amicitia. Plura vi-  
de apud Isocratem ipsum admonit. ad  
Nicolem.

*Dion Philosophus.*

\* Quot amicos pararis, tot oculos  
haves, quibus quæ velis videas: tor au-  
res,

D

res,



res, quibus quæ decet audias: tot consilia, quibus de iis quæ conducunt consultare & prospicere possis. Non enim aliter se habet plurium amicitia, quam si cui Deus vnū corpus habenti multas daret animas, quæ omnes illi provide-rēt & cōsulerent. Max. ser. de amicitia.

*Pisonianus Dion.*

\* Quæ calamitas extra amicitiam non intolerabilis? quæ prosperitas, remota amicitia, nō iniucunda est? Item. Eum iustè miserrimum iudico, qui in miseris & calamitatibus multos habet qui lætentur: in rebus autem secundis qui delesteretur neminem. Max. eod. serm.

*Zeno Citiensis.*

Interrogatus, quid reuera esset amicus? respondit, Alter ego. Laertius. lib. 7. cap. 1.

*Diogenes.*

Admonitus à quodam, ab amicis illi tendi insidias, vt caueret. Quid facias, inquit, sic & cum amicis & cum inimicis habere consuetudinem? Ab inimicis nobis cauemus, amicis fidimus. Quod si pariter ab vtrisque nobis cauebimus, non est suaue viuere. Laert. lib. 6.

*Pericles.*

Amico roganti, vt pro se falsum diceret testimonium: Se quidem amicum esse dixit, sed ad aras vsque. Sensit vir prudentissimus, eatenus benefaciendum esse amicis, quatenus iustitia, æquitas, & in Deum pias permittit. Plur. in apoph. Gellius lib. 1. ca. 3. Brus. lib. 1. cap. 3.

*Xenocrates.*

Quum Platon Dionysius diceret. Aliquis auferet tibi caput: Xenocrates, qui tum præceptor aderat. Non prius, inquit, quam hoc: suum ostendens caput. Laert. lib. 4. cap. 2.

*Aristoteles.*

Rogatus quo pacto amici tractandi

essent? Non aliter, inquit, quam nos ab illis tractari cuperemus. Laert. lib. 5. cap. 1. Brus. lib. 1. cap. 3.

*Sextus Philosophus.*

\* Amicum (dicebat) non diligas vtilitatis gratia. Nam talis amicitia breuis & instabilis est. Item. Amicum ne parato, cui non credis omnia. Maxim. serm. de amicitia.

*Dion Syracusanus.*

Admonitus vt caueret sibi ab Heracleide & Calippo, quorum fidei plurimum credebat: respondit, se malle vitæ excedere, quam in metu violentæ mortis amicos inimicōsque iuxta ponere. Brus. lib. 1. cap. 3. ex Plutarcho.

*Phocion.*

Nicocli petenti, vt sibi ante Phocionem venenum haurire liceret. Tamen. si durum hoc, inquit Phocion, tamen concedendum est ei, cui nihil vnquam in vita negaui. Phocionem Nicocles inter amicos fidissimum vnice adamarat, eique molestum erat videre illum morientem. Eam molestiam vt vitaret petiit vt ipse prior biberet. Et hac in re Phocion commodauit amico. Plur. in Græc. apoph. & in Phoc.

*Epaminondas.*

Dicere solebat, non prius interdum discedendum è foro esse, quam si noui aliquem amicum ad veteres adiecisset. Ælianus lib. 14. de Var. hist.

*Anytus.*

Amicum Alcibiadem quum ad cenam rogasset, ille recusauit: sed domi bene potus, cum famulis paulo post irrupit, stansque ad ostium cœnaculi, iussit famulos vasa diripere, & ad suas ædes deferre: qui ferè dimidium asportarunt. aliis conuiuiis autem Alcibiadis violentam superbiam criminantibus, Anytus, dixit, illum humaniter egisse, cui quum totum auferre liceret, dimidium ipsi reliquisset. Erasmi. 6. apoph. ex Plur.

*Antalcidas.*

Interrogatus, quo pacto quis amicos sibi facere posset? respondit, Si loquatur illis iucundissima, præstet autem vtilissima. Quo dicto innuit, in parandis amicis adhibendum esse primò sermonis comitatem, in officiis autem præstandis vtilitatem. Plut. in Laonicis apoph.

*Anonymus.*

Quidam ambientes amicitiaæ fœdus inire cum Lacone, volebant se quocunque vellet vinculo astringere. quo certius esset amicitiam fore sinceram. Quibus ille: Vna est, inquit de amicitia certitudo, si etiam volentes lædere non possint: nam reliquæ omnes prorsus infirmæ sunt. Conuenit cum illo Chilonis. Sic habendum amicum, vt cogites illum posse fieri inimicum. Eras. lib. 8. apoph. ex Plut.

*Cyrus.*

\* Quum quidam ad eum misisset ornamenta multa, ea distribuit amicis, interrogatus autem cur sibi nihil reliquisset? Quia, inquit, corpus meum his omnibus ornari non potest: amicos autem his ipsis ornatos intuens, maximum mihi ipsi ornatum aptatum esse putabo. Maximus, serm. de amicitia.

*Darius.*

Darius rex quum aperuisset prægrande malum punicum, & quidam ab eo sciscitaretur, cuius rei tantum numerum habere optaret, quantus illic inesset granorum? respondit, Zopyrorum is erat vir bonus ac Dario fidus amicus. Significans, regi nihil prius aut clarius esse debere probis ac fidis amicis. Plut. in apoph.

*Alexander.*

Darij matrem, vxorem, & sorores captiuas inuisens, vnâ eum Hephæstione, hunc, quoddam esset eodem ornatu quo rex, corpore etiâ maior. Syfigam-

bis Darij mater pro rege adorauit. Eadem ex nutibus adstantium intelligens errorem, perturbata denudò salutauit Alexandrum. Tum Alexander: Nihil est, ô mater, quoddam turberis: nam & hic Alexander est. Sentiens, amicū esse alterum ipsum. Plut. in Alex.

*Idem.*

\* Interrogatus à quopiam vbi thesauros haberet, amicos ostendens, In his, inquit. Maxim. serm. de amicitia.

*Idem.*

Idem, inter amicos quos habebat præcipuos ac potentissimos, omnium maximè videbatur honorare Craterum, sed omnium maximè diligere Hephæstionem. Craterus enim, inquit, amat regem, Hephæstion amat Alexandrum. Id Græcè iucundius dicitur, φιλοκρατός & φιλαλέξανδρος. Sentiens, Craterum in his quæ ad regiam dignitatem attinebant, præstare fidum amicum: Hephæstionem, priuato quodam affectu diligere Alexandrum: Pariter itaque licet dissimiliter amantibus, diuersa ratione persoluit præmium. Craterum præuauit dignitate: Hephæstionem ad intimam admisit familiaritatem. Plutarch. in apophtheg. regum.

*Idem.*

Ilium profectus, Achilles statuam coronans, O te felicem, inquit Achilles, cui viuotalis amicus contigit. loquebatur autem de Patroclo, qui fidiſſimus Achilli fuit amicus. Plut. in vita Alexandri.

*Legati Scytharum.*

\* Extat sapientissima Scytharum legatorum oratio ad Alexandrum, lib. 2. hist. Q. Curtij dehortatoria à bello. Inter alia autem egregiè dicta & illud occurrit. Quibus bellum non intuleris, bonis amicis poteris vti. Nam & firmissima est inter pares amicitia: & videntur pares qui non fecerunt

D a inter

inter se periculum virium. Quos vice-  
ris, amicos tibi esse caue credas. Inter  
Dominū & feruum nulla amicitia. &c.

*Demonax.*

\* Pauciora (inquit) mala contingunt  
homibz ab inimicis, quā amicis.  
Inimicos enim quum metuant, ab eis  
cauent: amicis verò aperti sunt, vnde  
periculis exponuntur & insidijs ipso-  
rum facillē capiuntur. Anton. serm. de  
amicis improbis.

*Idem.*

\* Arcanum in amicitia auditum ini-  
micus postea factus ne efferas: lade-  
res enim non tam ipsum amicū quā  
amicitiā. ibid.

*Philistio.*

\* Ne propter iram amici arcana ef-  
futias. Quin speres, inquit, ipsum de-  
nud amicū tibi fore. Sepe iucundior fit  
amicitia quæ deposita similitate ad  
concordiam rediit. Fugientē sunt ma-  
lorū amicitie, & bonorū inimicie. Ibi.

*Demetrius.*

In somnis Antigonus aliquando vi-  
derat Mithridatem auream metentē  
messē: eoque struebat illi insidias, vt  
tolleret ē medio. Idque quum indicaf-  
set Demetrio filio, iureiurando adegit,  
vt siceret. Is verò iuncto sibi Mithrida-  
te, deambulabat in littore maris, & in-  
fima hastē parte inscripsit harenē. Fu-  
ge Mithridates. Is intellecta re, profu-  
git in Pontum, atque illic regnavit.  
Plut. in apoph.

*Isocrates.*

\* Nullum, inquit, tibi amicū su-  
mas, priusquam inquisueris, quomodo  
se cum prioribus amicis gesserit. Ex-  
pectabis enim talem erga te futurum,  
qualis fuit erga illos. Ibidem.

*Scipio minor.*

Negabat yllam vocem inimicio-  
rem amicitie potuisse reperiri, quam  
eius qui dixisset. Ita amare oportere, vt  
aliquando esses osurus, nec verò se ad-

duci posse, vt hoc (quemadmodum  
putaretur) Biantis esse dictum crede-  
ret, qui sapiens habitus esset, vnus a  
septem, sed impuri cuiusdam, & ambi-  
tiosi aut omnia ad suam potentiam re-  
uocantis, esse sententiam. Quoniam  
enim modo quisquam amicus ei esse  
poterit, cuius se putabit inimicū esse  
posse? Cicero in Lælio.

*Idem.*

\* Sapienter monebat non paran-  
dum esse amicū, cui non ausis per  
omnia credere. Ibidem.

*Idem.*

Dicere solebat, nihil difficilius esse,  
quā amicitiam vsque ad extremum  
diem permanere. Mutantur enim mo-  
res sæpe, aliās aduersis rebus, aliās in-  
grauescēte ætate: aut dirimuntur  
contentione vel luxuriæ conditione,  
vel commodo alicuius, quod idem ad-  
pisci vterque possit. Ibidem.

*Idem.*

Frequenter dicebat, in omnibus re-  
bus diligentiores esse homines, vt ca-  
pras & oues quot quisque haberet, di-  
cere posset: amicos quot haberet, non  
posset. in illis quidem parandis curam  
adhibent, in amicis elegendis sunt  
negligentes. Ibid.

*Pompeius.*

Cato cum prædiceret, Pompeij po-  
tentiam crescentem nulli bono fore  
populari ciuitatis gubernationi, sed  
multò magis ad tyrannidem tendere:  
Pompeius ita respondit, Tua, (inquit)  
Cato magis accedunt ad diuinauo-  
nem, mea autem accommodata sunt  
amicitiæ. Quo dicto indicat, Catonem  
de rebus loqui planè incertis, se verò  
ea præcipue secutum esse, quæ tum  
temporis amicitia, quæ sibi cum Cæ-  
sare intercedebat, postulabat. De ami-  
co autem multò humanius est bene  
sperare, quam quasi per somnium di-  
uinare peiora. Plut. in apoph.

*P. Rutilius*

*P. Rutilius.*

Amico iniusta petenti quum pernegasset suum officium, isque indignabundus diceret : Quid ergo opus est mihi tua amicitia, si quæ ab te peto, non accipio ? Imò, ait Rutilius, Quid tua mihi opus est amicitia, si quid inhonestæ rei propter te facturus sum ? Val. Max. lib. 6. cap. 4. & Eras.

*Cicero.*

\* Solem è mundo tollere videntur, qui amicitiam è vita tollunt. Cui potest esse vita vitalis, qui non in amicitia beneuolentia cõquiescat ? Verus amicus est alter idem. Qui ex amicitia tollit verecundiam, maximum eius tollit ornamentum. Sine virtute nec amicitiam, nec vllam rem expetendam consequi possumus. Odium est venenum amicitie. Nulla est amicitia, cum alter audire verum non vult, alter ad mentiendum paratus est. Nulla est excusatio peccati, si amici causa peccaueris. Ab amicis honesta petamus, & amicorum causa honesta faciamus. Certus amicus in re incerta cernitur. lib. de amicitia, vbi plura leges.

*Idem.*

\* Ea est iucundissima amicitia quam similitudo morum coniugauit. Plurimæ delectationes sunt in amicitia. Omnium rerum quas ad beatè viuendum sapientiâ comparauit, nihil est maius amicitia, nihil vberius, nihil iucundius. Me ipsum ames oportet, non mea, si veri amici futuri sumus, Amicitia, res sanctissima. Qui amicitie fidem lædit, is oppugnat omnium commune præsidium, & quantum in ipso est disturbat vitæ societatem. lib. de Offic. de finibus bonorum & malorum, orat. pro Roscio Amerino, & alibi.

*Micipsa rex.*

\* Non exercitus, inquit, Iugurtham alloquens, neque thesauri prædiorum regni sunt, verum amici: quos

neque armis cogere, neque auro parare queas : officio & fide parantur, Sallust. hist. de bel. Iugurth.

*Volumnius.*

M. Lucillum, quod Bruti & Cassij partes sequutus esset, M. Antonius occidit. Huius mortem quum Volumnius, qui viuum familiariter coluerat, line sine deploraret, ad Antonium pertractus ait, lube me protinus ad Lucilli corpus ductum occidi. Neque enim illi extincto superesse debeo, quum ei infelicis militiæ autor extiterim. Eras. 6. apoph.

*M. Antonius.*

Lucillius Bruti familiaris, quum Barbaros in Brutum obnixè ruentes cerneret, Brutum se esse assimilauit: captusque, & ductus nimis auidè ad Antoniũ, quum in Antoni j esset aspectu, ait: M. Brutum, ô Antoni, nemo cæpit, absitque vt ipsum quisquam capiat hostis. Exterritis his qui adduxerant, Credo, ait Antonius, vos commilitones, hunc errorem grauitè ferre: sed scitote vos meliorem prædam adeptos, dum enim hostem quæritis, amicum mihi adducitis. Viuo quidem Bruto ignoro per deos quæ in re vtereris: his amicis vtinam magis quàm hostibus potiar. Plut. in Bruto, & Brut. lib. 1. ca. 3.

*Augustus Cæsar.*

Cum Alexandriam vi cepisset ciuibz omnibus & ciuitati se parcere dixit propter Arrium ciuem Alexandrinum, & olim sibi summa familiaritate coniunctum. Raræ profectò clementie fuit Cæsar, qui propter vnicum amicum eam ciuitatem diripere noluit, quæ tam diu pertinacissimè rebellarat. Plut. in apoph.

*Hecaton.*

\* Ego tibi monstrabo, ait, amatorium sine medicamento, sine herba, sine vilius veneficæ carmine. Si vis amari, ama. Senec. Epist. 9.



*Attalus philosoph.*

\*Dicere solebat iucundius esse amicū facere quā habere: quomodo artificij iucundius est pingere quā pinxisse. *Ibidem.*

*Alphonſus rex.*

Neapolitani cū in honorem & æternam Alphonſi regis clarissimi memoriam arcum triumphalem ædificare vellent, & quo ſatis ſpatij haberent, Nicolai Mariæ Buzuti magnanimi & ſtrenui equitis domum diruere conarentur: rex ſtultum ciuium facinus inculcavit, dicens, non tanti ſe facere ædificia ventis & tempeſtatibus expoſita, vt ob id veteris amici (cuius operam ſtrenuam non ſemel in bello expertus eſſet) domum deſtruere cuperet. Pluris autem fecit rex prudentiſſimus amicū, quā nominis ſui perpetuum monumentum. *Panormitan. lib. 1. de geſt. Alphonſi.*

### De amicitia regum & principum.

*Solon.*

**T**yrannorum amicos dicebat calculis ſupputatoriis eſſe ſimillimos: qui vt arbitrio ſupputantis ponuntur, interdum valent multa millia, interdum minimum, interdum nihil. *Laert. lib. 1. cap. 3.*

*Aratus.*

Philippus Aratō venenū dandum curarat, quod non repente occideret, ſed lenta rabe consumeret. Id vbi ſenſit Aratus, nec inueniretur remedium, diſſimulauit: & ingreſſus cubiculum, vni tantum ex familiaribus dixit: O Cephale, hæc ſunt præmia regis amicitie. Non ſemper tutum regibus dare optima conſilia. *Eraſt. lib. 6. apoph.*

*Anſipater.*

Quum didiciſſet Parmenionem ab Alexandro interfectum, dixit: Si Parmenio ſtruxit inſidias Alexandro, cui ſidendū eſt? Si non ſtruxit, quid agendum? Erat Parmenio velut alter Alexander, in rebus miliariis. Si tantus amicus ſeſellit, non eſt tutum cuiquam amico fidere: ſi Alexander, nihil com meritum ſuſtulit, præſtat à regum negotiis abſtinere. *Plutarch. in apoph.*

*Omilius.*

Omilius ſenator Romanus, Traiani imperatori dicere ſolebat, Maiori utilitatis ratione malum principem optari poſſe, qui permultos bonos haberet amicos, quā bonū qui malorum multorum amicitias vteretur. Si quidē facilius fore, à multis bonis vnum malum ad bonitatem deduci, quā ab vno bono malos multos à malitia auerti. *Fulgoſ. lib. 7. cap. 2.*

### De amicitia neglecta, aut violata.

*Bion.*

**D**icebat, amicos, quales quales eſſent, retinendos eſſe: ne videamur aut malos recepiſſe in familiaritatem, aut bonos reieciſſe. *Laert. lib. 4. cap. 7.*

*Socrates.*

Cuius promptum eſſe dicebat, ſi quid rerum inſignium haberet, proloqui: quum diſſicillimum eſſet nominare quos poſſideret amicos, quum hac poſſeſſione nulla ſit charior. Hoc dicto taxabat præpoſterum vulgi di rebus iudicium, qui hoc negligentiffimè haberet, quod omnium plurimi faciendum erat. Ditior ſibi videtur cui pecuniæ non nihil obligit, & damnum deplorat cui periit: at qui ſibi parauit bonum

bonum amicum, non videtur sibi factus beator, nec iacturam deflet qui perdidit. Eras. lib. 3. apoph.

*Idem.*

Eos qui amicitiam violarent, etiam si iniuria affectorum supplicia effugerent. Dei ultionem tamen nequaquam euasuros dicebat. Sensit autem vir sapientissimus, eos diuina ultione merito puniri, qui amicitiam humanæ societatis vinculum disrumperent. Max. serm. 6.

*Simonides.*

Interrogatus, quam ob rem, quum esset extremæ senectutis, tamen attentus esset ad rem: Quoniam, inquit, malim moriens inimicis relinquere, quam carere amicis, taxans instabiles hominum amicitias, qui consequuti quod volunt, negligunt amicum: eadem, dum sperant, obseruiunt. Eras. lib. 6. apoph.

*Diogenes.*

Rogatus, quemadmodum amicis vteretur Dionysius? Ut vasculis, ait: dum plena sunt, euacuat, & vacua abicit. Brus. l. 1. c. 3.

*Anaxagoras.*

Anaxagoras philosophus Periclis præceptor fuisse legitur, cui in administranda republica magno fuit vsui. Verum cum Pericles negotiis intentus desisset agere curam Anaxagoræ, iam ad decrepitam prouecti senectutem, constituit inedia finire vitam. Id simul ut renuntiatum est Pericli, anxius accurrit, & argumentis, precibus & lacrymis conatus est hominem à spontaneæ mortis proposito reuocare: idque magis sua ipsius causa quam philosophi. Cui Anaxagoras, reiecta facie iam moribundus, nihil aliud respondit quam hæc, O Pericles, & quibus lucerna est opus, infundunt oleum, exprobrans illi neglectum amicum, vnde tantam capere poterat vilitatem. Lu-

cerna curatur ob vsum vulgarem, & talis consiliarius neglectus periit. Laert. lib. 2. cap. 3.

*Pisistratus.*

Pisistratus Atheniensium tyrannus, quum aliquot amici, qui ab ipso defecerant, Phylon occupassent, venit ad illos stragulas in sarcinam colligatas ipse portans. Cæterum illis quid sibi vellet percontantibus: Ut, inquit, si persuasero, reducam vos: si non persuasero, maneam vobiscum: ob hoc enim veni cum sarcinis. Egregius animus, qui nollet sine amicis nec regnare, nec viuere. Plut. in apoph.

*Cato maior.*

Audiens grauissimam de colenda amicitia disputationem, ait: Amicitia quæ non placent, dissuendæ magis quam discindendæ sunt. Cicero in Catone.

## De amicitia falsa, quæ in aduersis patetfit.

*Chilon.*

**D**icere solebat, Promptius ad amicorum aduersam fortunam, quam ad res secundas accurrendum. Rebus prosperis aduolant quilibet, etiam minus amici: qui adsunt resistente fortuna, hi verè sunt amici. Laert. l. 1. c. 4.

*Socrates.*

Importunè amare, nihil aliud esse quam odio prosequi, dicebat. Is enim qui se amicum esse simulat, quid aliud agit, quam ut porrigens vna manu panem, se amicum dicat, post tergum altera manu lapidem proiciat? Maxim. serm. 6.

*Demetrius Phaleræus.*

Aiebat, veros amicos in rebus lætis adesse vocatos, in aduersis inuocatos & ultros. At vulgò fit secus. Laertius lib. 5. cap. 5.

D 4

*Anonymus.*

*Anonymus.*

Lacon quidam pridie ab hospite declinatus, postridie lectis stratisque conductis liberaliter exceptus, strata ipsa conscendit ac conculcare cepit, dicens: Propter hæcheri ne in palea quidam dormiui. Plut. in Lacon.

*Namertes.*

Legatione fungens, quum à quodam eius generis, ad quam erat missus, beatus prædicaretur, eo quod multos haberet amicos: interrogauit, quomodo qui multos haberet amicos, periculum faceret an amicum haberet sincerum ac probum? Id quum alter fassus se nescire cuperet discere: Per aduersam, inquit, fortunam. Plut. in Lacon.

*Psammenitus.*

Psammenitus Egyptiorum rex à Cambyse regno pulsus est. Eius filiam ancillari veste indutam, cum aliquot nobilium virginibus, Cambyses mitti iusserat ad hauriendam aquam, ut hoc spectaculo parentum captiuorum animos discruciat. Cæteris indignè ferentibus, solus Psammeticus demisit oculos. Mox iussit duci filium illius, cum aliis plurimis eiusdem ætatis, victis ceruicibus, & ore frænato. Atque hoc etiam spectaculo solus Psammenitus ad lachrymas commotus non est. Idem quum vidisset familiarem quendam exutum opibus, mendicantem obambulare, hoc spectaculo adeò commotus est, ut ingenti fletu hominem amicum compellans, caput suum barbarico more caderet. Ea re cognita, quum Cambyses per nuntium causam sciscitaretur, cur in liberorum calamitate tacitus, vnus seniculi calamitatem tam impotenter ferret? respondit: Fili, domestica mala grauiora sunt, quam ut lachrymas recipiant: at amicus deplorandus erat, qui è multis opibus

ad summam inopiam redactus est, id. que in extremo senectutis limine. Eras. 6. apoph.

*Xenocrates.*

Lycurgus Rhetor cum fortè Xenocrati obuiam factus esset, qui à Telone oborto collo pertrahebatur in metæcium, quo in loco carcer erat Athenis: fustem impexit in caput Telonæ, ac Xenocratem liberauit. Telonem verò tanquã indigna patrantem in carcerem coniecit. Id Lycurgi factum cum ab omnibus probaretur, post aliquot dies Xenocrates obuiã factus Lycurgi filiis: Citò, ait retuli gratiam patri tuo, qui vulgò laudatur, quod mihi amico, in re tam periculosa & difficili tulerit auxilium. Eras. l. 8. apoph.

*Antigonus.*

\* Hic Diis sacrificans precabatur ut se à simulatis seruarent amicis: cumque percunctaretur quispiam, quamobrem tale quid à Diis optaret: Quia, inquit, hostes cum cognosco, caueo. Maxim. ser. de amicitia.

*Dionysius Senior.*

Admiratus egregiam fidem Damonis & Pythiæ, Rogo, inquit, ut me quoque in vestram amicitiam recipiatis. Alteri tyrannus destinarat diem necis, quumque is pauculos dies petiisset rerum domesticarum ordinandarum gratia, hac lege impetrauit, ut alter vas amici fieret, ea conditione, ut si ille non rediisset ad diem præscriptum, hic plecteretur. Rediit autem ad diem, mori malens, quam amicū fallere. Ita seruatus est vterque, ac regis amicitia decoratus. Tantum valet egregia virtus apud tyrannos etiam. Eras. s. apoph.

*Tarquinius Superbus.*

Iam exul factus, dixisse fertur: Scitum denique cognouisse quos habuisset amicos fidos, quos infidos, cum neutris gratiam referre posset. Qui commodi

commodi gratia sunt amici, sublata  
commodi spe deserunt amicitiam: sed  
amicos secundæ res parant, aduersæ  
probant. Eras. 6. apoph.

*Alphonſus rex.*

Ex Sicilia nauigans, videns aues  
marinas circunuolantes tritemem, &  
expectantes cibum à nauigantibus, ef-  
cam in mare proiecit. Verùm cum vi-  
deret à volatilibus certatim rapi, quæ  
deinde cum præda aduolabant, ad suos  
conuerſus ait: Perſimiles ſunt his gar-  
riis purpurati & curiales aliquot mei.  
Simulac enim aliquot officium aut  
beneficium hiantes & dimicantes in-  
uicem à me acceperunt, auſugiunt, nec  
reuertuntur, donec neceſſitate pre-  
mantur, plura petentes. Antonius  
Panormit. de rebus geſtis Alphonſi, &  
Æneas Sylu. de eius dictis.

## De amicorum electione.

*Aristophanes.*

**I**llud cum primis damnabat in ho-  
minum moribus, quòd in auſtioni-  
bus vaſa diligenter inſpicerent, priuſ-  
quam emerent: vitam eorum non in-  
ſpicerent, quos ſibi in amicitiam ad-  
iungerent. At maior utilitas eſt à fidis  
amicis, quàm à vaſis: & plus damni  
eſt, niſi deligas. Laert. lib. 2. cap. 8.

*Solon.*

Solon Salaminius ſummopere ſuos  
admonere ſolebat, ne citò quoſlibet  
amicos ſibi pararent: quos autem ſe-  
mel parauiſſent, ne facile reiicerent.  
Reſertur ex Apollodoro apud Laert.  
& Eras. in prouerbio, Ne cuius dex-  
tram inieceris.

*Aristoteles.*

Illud frequenter habebat in ore,  
ὅτι οἱ φίλοι ἄλλοι φίλοι, Sentiens, multos eſſe  
amicos nomine, pauciſſimos aut nul-  
los re. Laert. lib. 5. cap. 1.

*Anacharſis.*

Præſtare dicebat, vnicum habere  
amicum multì pretij, quàm multos  
nullius. Græca ſonant iucundius, ὁ  
φίλος ἕστιν πολλὸν ἀξίον, ἢ πολλὰς πουνδίας  
ἀξίου Laert. lib. 1.

*Iſocrates.*

\* Amicos tibi compara, non omnes  
qui id cupiunt, ſed eos qui ingenio  
tuo digni ſunt: neque quibus cum iu-  
cundiſſimè viuas, ſed cum quibus op-  
timè ciuitatem adminiſtres. Stobæus  
ſerm. 46.

*Euripides.*

Amicos qui nihil tibi verbis indul-  
geant comparato. Qui verò vt com-  
placeant & delectent te verba faci-  
unt, eos tanquam miales ex foribus  
excludito. Stob. ſer. 14.

*Darius.*

Zopyrus ſibi nares & aures præci-  
dit: itaque diſſimulans quis eſſet, ad  
Babylonios tranſfugit, fingens ſe à  
Dario crudeliſſimè tractatum. Baby-  
lonij perſuaſi, commiſerunt illi præfe-  
cturam. Ille naſtus ocaſionem, Dario  
ciuitatem tradidit. Poſtea Darius ſæ-  
penumero dicere ſolebat, ſe malle  
vnum Zopyrum integrum, quàm cen-  
tum Babylonas capere. Erat opulen-  
tiſſima ciuitas Babylon, tamen vnum  
amicum centum Babylonibus ante-  
poſuit. Ab hoc animo quantum abſunt  
principes quidam qui Sannionem, aut  
equum, aut canem pluris faciunt,  
quàm probum, fidelem ac doctum a-  
micum? Plut. in apoph.

*Scipio minor.*

Polybij ſequens præcepta, dabat  
operam ne quando è foro rediret do-  
mum, priuſquam ſibi quocunque mo-  
do quempiam eorum in quos inci-  
diſſet, familiarem, & amicum reddi-  
diſſet: ſentiens, nullam eſſe homini  
poſſeſſionem meliorem. Plutarch. in  
apoph.

*Alphonſus*



*Alphonſus rex.*

Quum dubitaret, vtrum Franciscum Sforciam, an Nicolaum Picinum in amicitiam & societatem admissurus esset: (erat autem alterum duntaxat, propter illorum inter se similitates, admissurus) Matriciensibus legatis regem adeuntibus, & interrogantibus vtrum Sforcie an Picino gratulari deberent: Vtrosque tanquam amicos habendos esse, item ab utrisque tanquam inimicis cauendum esse respondit. Antonius Panormit. de rebus gestis Alphonſi, & Æneas Syluius de eius dictis.

### De amico castigatore.

*Diogenes.*

**A**D salutem opus esse dicebat, aut fidis amicis, aut acerbis inimicis: eo quod illi monent, hi redarguunt, & reprehendunt. Laert. lib. 6. Plut. de utilitate ab inimicis capienda.

*Phocion.*

Antipatro petenti, vt in gratiam suam faceret quiddam pugnans cum iustitia: Non potes, inquit, ô Antipater, Phocione simul & amico & adulatore uti. Amicus obsecundat quousque patitur æquum & honestum. Nec enim amicus ab amico quod iniustum est perere debet. Adulator autē, ad quiduis obsequitur. Plut. in apoph.

*Philippus.*

Quum multi bello capti venderentur, Philippus Macedonum rex in auctione sedens, parum decenter vestitus erat. Quidam igitur eorum, qui vendebantur exclamauit: Parce mihi, Philippe, à patre enim sum tibi amicus. Philippus interrogauit, Vnde nam hæc amicitia conſtata eſſet? Tum ille: Volo, inquit, proprius accedens dicere, qui quum admissus eſſet, quasi

arcani quippiam dicturus: Dimitte, inquit, chlamydem aliquantulum: nam ad istum modum indecenter sedes. Mox Philippus, Hunc, inquit, dimitte liberum: nesciebam enim prius illum mihi verum amicum esse donec melioribus institutus sum ab ipſo. Senſit vir prudentissimus, eos præcipuos amicos esse, qui probè nos instituunt. Plut. in apoph.

*Cobares, Medus.*

\* Natura mortalium hoc quoque nomine praua & sinistra dici potest (inquit ad Bessum) quod in suo quisque negotio hebetior est quàm in alieno. Turbida sunt consilia eorum qui sibi suadent. Obstat aliis metus, aliis cupiditas, nonnunquam naturalis eorum quæ cogitaueris amor. Expertus es, vnumquemque quod ipse reperir, aut solum aut optimum decere. Curt. lib. 7.

*Cato.*

Intelligens quendam animum ab amico reprehensore alienasse, Noli, inquit, indignari amico: apem enim propter aculeum non odisti, sed foues & tueris propter fructum. Cur igitur amici obiurgationem fers aded iniquè, quam propter beneuolentiam plurimum amare debes? Maximus serm. 6.

### De amicorum rebus communibus.

*Epicurus.*

**I**Mprobat institutum Pythagoræ, qui quum doceret amicorum communia esse omnia, iubebat vt discipuli, quod quisque habebat, deponerent in commune: dicens, id esse diffidentium verius quàm amicorum. Etenim si quis mihi verè sit amicus. nihilominus

minus habeo pro meis quæ illis possider, quàm si deposuisset. Porro qui diffidit, aut non est ipse verus amicus, aut de alterius animo dubitat. Erasmi. libro 8. apoph.

*Anytus.*

Anytus amicorum Alcibiades vnus, eum ad cœnam rogarat. Ille recusauit: sed domi bene potus, cum famulis comessabundus irrupit, & stans ad ostium cœnaculi, iussit famulos vasa diripere, & ad suas aedes deferre, qui ferè dimidium asportarunt. Aliis autem conuiuiis Alcibiadis violentiam accusantibus: Anytus respondit, illum bene egisse, cui cum totum auferre licuerit, dimidiam tamen adhuc partem ipsi reliquisset. Sensit vir prudentissimus, amicorum meritis omnia communia esse debere. Erasmi. lib. 6. apophth.

*Plura vide supra de AEqualitate.*

## De amore impudico.

*Diogenes.*

**A** Morem dixit otiosorum esse negotium, quod hic affectus potissimum occupet otio deditos. Ita fit, vt dum otio vacant, in rem negotiosissimam incidant, nec interim tamen quicquam bonæ rei agant, Laert. l. 6.

*Plato.*

Omnes qui perditè amarent, dicebat in alieno viuere corpore, in suo verò ac proprio planè mortuos esse. Fulgosius libro 7. cap. 2.

*Idem.*

Conditiones amatoris cum ostendere veller, Animus est, dicebat, in suo quidem corpore moriens, in alieno verò viuens. Brusonius lib. 1. cap. 2.

*Aristoteles Cyrenæus.*

Ab amico quodam percontatus, an amor coitus gratia fieret? Neque eius

gratia, neque sine eo respondit. Stob. ser. 61.

*Panetius.*

Adolescentulo quærenti, an sapiens amaturus esset? De sapiente, inquit, videbimus. Mihi & tibi, qui à sapiente longè absumus, non est committendum, vt incidamus in rem commoram, impotentem, alteri emancipatam, vilem sibi. Brusi. lib. 1. cap. 2.

*Theophrastus.*

Interrogatus, quid esset amor? respondit, animæ otiosæ affectus. Stob. serm. 52.

*Prodicus.*

Aiebar, cupiditatem geminatam, amorem esse: amorem verò geminatum, insaniam fieri. Stob. ser. 62.

*Alexander.*

Quum è Macedonum numero ad mare remitteret & valetudinarios, & mutilos debilesque, productus est quidam qui se inter ægrotos adscripserat, quum non ægrotaret. Is ad Alexandri conspectum adductus & examinatus, falsusque se morbum prætexuisse ob amorè Teleppæ, quæ ad mare fuerat profecta. Alexander, cui negotium retrahendæ ad exercitum Teleppæ delegaretur vt cognouit eam esse liberam: Persuadeamus, inquit, δ Antigones, Teleppæ, vt nobiscum maneat, nam vim ad mouere liberæ, non est nostrum. Sic indulsit amoris strenui militis, quem in exercitu retinere cupiebat, vt ingenuam mulierem redire nolle nisi persuasam. Plut.

*Apollonius.*

Eunuchus quidam quum deprehensus esset cum pellice regis Babylo-niæ, præsentem Apollonium rex interrogat, quid de eunucho faciendum iudicaret? at ille: Quid, nisi vt uiuat? Admiranti autem regi subiecit, Omne supplicium, si uiuet, ob amorem patietur Brusoni. lib. 1. cap. 2.

*Polity.*

*Polixys rex Thracie.*

Troiani belli tempore, cū Troiani pariter & Græci legationem ad ipsum misissent, auditis vtrisque pronuntiavit, ut Alexander redderet Helenā, & à se pro vna duas formosas abduceret vxores. Sapiuisset Paris, si hoc fecisset. Nam vna satis fructus, habuisset duas nouas, & patriæ cōsuluisset. Quis autem non miretur Græcorum humanitatem, quibus sat erat futurum, si tantum redderetur, quæ cum adultero tam diu dormierat? Plutarchus in apophthegm.

*Cato Maior.*

Amantis animum dicebat in alieno corpore viuere: quod hodie quoque celebratur, Animam illic potius esse ubi amat, quàm ubi animat. Plutarch. in eius vita.

*Idem.*

Affirmabat, insanos prudentibus longè vtiliores esse, quàm insanis sapientes. Quippe qui sapientes, cū stultorum errata inspicerent, ob id in melius vitam mutare solerent. At amantes, quum discendi capaces non sint, ex sapientum benefactis fructum percipere nullum possunt. Fulgosi lib. 7. cap. 2.

*Populia.*

Populia Marci filia, miranti cuiusdam quid esset, quapropter aliæ bestię nunquam marem desiderarent, nisi cum pręgnantes vellent fieri: respondit, Quia bestię sunt. Macrobi. lib. 2. cap. 5. Saturn.

*Iulia Augusti.*

Iulia Cæsaris Augusti filia, cū conscij flagitiorum admiraretur, quomodo similes Agrippæ filios procrearet, quæ tam frequenter vulgo porositatem corporis sui faceret? respondit: Quia nunquam nisi naue plena vectorem tollo. Macrobi. lib. 2. cap. 5. Saturn.

*Anonyma.*

Mulier quædam dixerat se deperire amore Vespasiani, ei perductæ quum pro concubitu festertia quadraginta donasset, roganti dispensatori, quo titulo vellet eam summam rationibus referri, dixit, Vespasiano adamato. Suetonius.

*Vide apophthegmata de Coitu, Incontinentia, Libidine facta: & Coitu immoderato.*

## De amoris parum honesti remediis.

*Crates.*

**A** More laborantibus ostendit remedia: Amori, inquit, medetur fames: sin aliter, tempus: quod si nec his vti possis, laqueus. luxus ferè aliter amorem: tempus omnia aut tollit, aut certè mitigat. Hæc remedia si nihil prosunt, superest laqueus, ut morbus finiatur suspendio. Laert. lib. 6. c. 5.

## De amantium ira & odio.

*Agathon.*

**A**gathonem poetam amabat Pausanias figulus, qui cū aliquando venissent ad Archelaum, qui non minus amoris quàm literarum erat studiosus, & contentiones orirentur inter amatorem & amatum: interrogauit Agathonem Archelaus, quid sibi vellet, quod frequenter simulrantes exercebat cum eo à quo summopere amaretur? At ille: Huius rei (inquit) ò rex ego rationem tibi reddam. Neque enim ei sum infestus, neque rustica quadam morositate id facio. Quod, siquid ego quoque de moribus intelligo, cū ex aliis, tum ex arte poetica, iucundissimum amantibus esse reperio, si ex contentione & litibus cum amatis

amassis in gratiam redeant. Et sanè mihi videtur nihil illis delectabilius accidere. Huius ego voluptatis persæpe cum participem facio, frequenter litigando. Gaudium enim capit si continuam cum eo contentionem dissoluam, & reconciliem. Si verò æqualiter & consueto more cum eo semper agam, non experiretur dissidium. *Ælianus l. 2. de Var. hist.*

## De amore honesto.

*Antisthenes.*

**I**llud frequenter in ore habuisse dicitur, *Ἀγαπᾷς ὁ ἀγαθός*: id est, Dignus amari quisquis bonus est. Non enim verus & sincerus amor est, nisi quem conciliat virtus. *Laert. l. 6. c. 1.*

*Socrates.*

Docuit animorum formam magis amandam, quàm corporum: eamque voluptatem quam in nobis gignit cōspecta formosa facies, ad longè pulchriorem, sed latentem animi speciem esse transferendam. verùm ut hanc videamus, philosophicis oculis opus esse. Notabat, *φιλῶντων* Græcam vocem ancipitem esse, ad osculandum, & amandum: quorum prius est corpus amantium, alterum mentem. *Erasm. lib. 3. apoph.*

*Idem.*

Eos qui corpus tantum amarent, similes esse aiebat mendicis qui semper egerent, semper instarent, aliquid flagitantes: rursus qui amici essent potius quàm amatores, similes esse his qui proprium fundum possiderent, quem semper student reddere meliorem. Amator suam quærit explere voluptatem: amicus haud quaquam ad se spectans, hoc se putat ditioiorem, quo meliorem reddiderit amicum. *Erasm. lib. 3. apoph.*

*Zeno.*

Formoso dicenti, sibi non videri futurum ut sapiens amaret: Nihil, inquit, esset vobis formosis infelicius. Quisquis enim docet, admonet, instituitque ad virtutem adolescentes, utique amat. Atq; is demum verus est amor. Nam qui vulgò dicuntur amare, suum venantur commodum cum incommodo adamati. *Laert. l. 7. c. 1.*

*Th. Pontanus.*

Thomas Pontanus, vir prudentia ac sapientiâ clarissimus, assiduè dicere solebat, Amorem nunquam fecisse stipendium. Ea quippe est amoris vis, ut vbiuis terrarum facilè locum inueniat, etiam sine pecunia. *Iac. Spieg. in lib. 2. Æneæ Syl. de dictis ac factis Alphonsi cap. 43.*

*Idem.*

Sæpenumero dixisse fertur, Amorem incremem quidem incedere, dormire tamen loricatum. Norat autem, amorem subditorum erga suos principes tanti fieri, ut princeps, cui benevolentia suorum satis perspecta est, non sibi timeat, etsi solus interdiu ambulet. Noctu tamen semper adhiberi corporis custodes. *Ibidem.*

## De amore sui quem Græci

*φιλῶντας* vocant.

*Socrates.*

**D**icebat, Neminem in seipso sua cernere vitia, alterius autem apertissimè. *Antonius in Melissa, parte 1. serm. 75.*

*Idem.*

Si quis, inquit, in theatro coriarios surgere iuberet, eos solum surrecturos: similiter si fabros ærarios, textores, aut alios generatim. Si verò prudentes aut iustos hîc omnes exurrecturos fore. Est enim hoc in primis in vita damnosum,



nosum, quodd cum hominum pars maxima stulta sit, sapere tamen sibi videatur. Stob. serm. 21.

*Diogenes.*

Interrogatus, quinam in tota rerum natura existeret difficillimum: Nosse seipsum, inquit. Multa enim propter amorem sui sibi quenque sumere solitum. Antonius in Meliss. par. 2. ser. 75.

*Idem.*

Hominum dicebat aliquos opportuna loquentes non intelligere seipsos, sicuti lyra egregie resonantes non sentiunt, Stobæus serm. 21. Antonius serm. 75. parte 2. Melissæ, & Maximus serm. 7.

*Plato.*

Iubebat, ut cum aliquos irrisimus, conuertamur ad nosmetipsos, & videamus, ne ipsi eisdem vitiis laboremus. Stob. serm. 21. Anton. in Melissa. Amor enim sui multa celat, & circumoperit in illo qui magis irridere solet alios. Stob. serm. 21. Anton. in Melissa serm. 75.

*Idem.*

\* Omnium maximum, inquebat, quoddam malum in multorum animis est innatum: cuius quidem, quum facile sibi ignoscant, nullum remedium excogitant. Est autem hoc quod dicere solent, naturâ sibi quisque esse amicum. Sed re vera nimius in seipsum amor omnium peccatorum omnibus semper est causa. Occæcatur quippe circa occæcatum, qui amat. Quapropter qui se amat, cum seipsum magis quam veritatem honorandum putet, quid iustum, bonum, & pulchrum sit, malè iudicat. lib. 5. de Legib. Stobæus serm. 24.

*Æsopius.*

Vnumquemque nostrum duas ferre aiebat peras, alteram ante nos, alteram à tergo. Et in anteriorem quidem alienos errores condere, in posticam

verò nostros: idèoque non videri à nobis. Stob. serm. 21.

*Demosthenes.*

Omnium facillimum esse dicebat, seipsum decipere, quod enim unusquisque cupit, id etiam in animum inducit, & sibi persuadet. Res autem ipse frequenter non ita se habent. Ibid.

*Apollonius.*

Dicere solebat, quam plurimos esse, qui semetipsos præter vllum decorum amantes, propria peccata defenderet, accusarent autem aliena. Ibidem.

De eo quodd à subditis amari  
melius sit quam  
metui.

*Chilo.*

Optimum regem esse dixit, qui non operam dat ut metuatur. Stobæus serm. 46.

*Pittacus.*

Eum laude dignum imperatorem dicebat, qui ita se erga suos gerat, ut non eum, sed ei ciues timerent. Stobæus, serm. 46.

*Pythagoras.*

Potius elige, inquit, qui versentur tecum, te venerentur & ament, quam timeant. Amorem enim reuerentia & obseruantia, timorem odium sequitur. Phauorinus apud Stob.

*Polydorus Alcamenis F.*

Cuidam percontanti cur Spartani in bello fortiter sese periculis obicerent? Quoniam, inquit, duces reuereri didicerunt, potius quam timere. Reuerentia cum amore coniuncta est: metuimus autem illos maximè quos odimus. Rectius autem suo fungitur officio, qui ex animo facit, quam qui metu mali. Plut. in Laconicis apoph.

*Constantinus*

*Constantinus Chlorus.*

Amicis admonentibus, quòd in augendo fisco videretur indigentior, respondit: Publicas opes rectius à priuatis haberi, quàm intra vnum claustrum referuari. Bonus princeps, qui magis à suis diligitur, quàm timetur, habes quicquid ciues possident. Eras. lib. 8. apoph.

*Sigismundus imperator.*

Audiens à quibusdam disputari, num melius esset amari, an timeri à subditis? respondit: Quemadmodum superi amari & timeri volunt, ita & reges. Neque enim bene ames, nisi etiam timeas. Timor enim reuerentiam arguit, quæ regibus maximè debetur. Certè qui non timet, contemnere videtur. At in regibus quoque situm est, vt & amentur, & timeantur: si ita moderentur vitam, vt nec inferioribus sint terrori, nec superioribus despectui. Æneas Syluius lib. 4. commentariorum in res gestas Alphonfi.

*Alphonfus rex.*

Interrogatus, quos è popularibus suis percharos habet? Illos, inquit, qui non magis eum, quàm pro eo metuant. Sensit autem, illos esse ex animo amicos, qui principem magis amant, quàm metuunt. Panorm. lib. 4.

*Plura vide infra de Benewolensia, Clementia, Humanitate, atque imperio vel regno bene administrando.*

## De animæ immortalitate.

*Phocylides.*

\* Anima immortalis est, inquit, viuítque perpetuò, nec senescit vnquam. In præceptis suis.

*Epicharmus.*

\* Si animâ bonus es, mors nocere tibi non potest: viuét spiritus tuus in celobeatús, &c. Apud Clement. Alex.

*Pythagoras.*

\* Aurigam animam optimam si corpori constitueris: vbi derelicto corpori ad liberum æthera perueneris, eris immortalis, &c. In aureis versibus.

*Socrates.*

Hominem ipsum animum esse dicebar, corpus autem nihil aliud quàm animi organum, vel domicilium, aut vt verius dicam sepulcrum, ac carcerem: vnde cum emergeris, tum demum sui iuris esse, multòq; quàm antea felicius viuere. Eras. in Declamat. de Morte.

*Idem.*

Quum hora mortis ei immineret, rogatus à Critone, quo modo vellet sepeliri: Multam, inquit, ò amici, operam frustra consumpsi. Critoni enim nostro nondum persuasi, me hinc auolaturum, neque quicquam mei relicturum. Veruntamen, ò Crito, si me assequi poteris, aut sicubi nactus eris, vtcunque tibi videtur sepelito. Sed mihi crede, nemo me vestrum, quum hic excessero, consequetur. Sensit Socrates, animum esse hominem: corpus nihil aliud esse quàm animi vel organum, vel domicilium. Eòque stultè facere illos, qui solliciti sunt quomodo spoliantur. Bruson. lib. 4. cap. 10.

*Idem.*

Iam damnatus, iudicibus dicebat: Anytus quidem & Melitus (accusatores enim eius fuerant) interficere me possunt, sed incommodo aut detrimento minimè afficere. Pia hominis ethnici sententia, sentientis tyrannos pro suo quidem arbitrio in corpora hominum scire posse, ast in animam, quæ immortalis est, nullam omnino potestatem habere. Brus. l. 4. c. 10.

*Anaxarchus.*

A Nicocreonte Cypri tyranno captus, & malleis ferreis in saxo excauato contusus: Tunde, inquit, tunde probè Anaxarchi carnes & ossa, siue  
(vt

(vt alij) follem: Anaxarchum nequaquam lædes. Sensit autem philosophus clarissimus. tyrannum quidem potestatem habere vt pro arbitrio crudelitatem suam exerceat in corpora hominum, animam tamen immortalem semper fore, extra omne tyrannorum imperiũ. Philo Iudæus in libro, Quod omnis probus liber. & Bruson. lib. 2. c. 1. ex Plutarcho.

*Cercidas Megalopolis.*

Quum in morbum periculosissimũ incidisset, interrogatus num libenter mori vellet? Quidni? ait. Videbo enim post mortem viros in omni scientiarũ genere doctissimos, ex philosophis Pythagoram, ex historicis Hecatæum, ex poetis Homerum, ex musicis Olympum, qui suis literarum monumentis nomen sibi immortale pepererunt. Ælianus lib. 13. de Varia historia.

*Philistio.*

\* Anima sapientis ( inquit ) Deo coniungitur. Animam non mors, sed mala vita perdit. Anton. & Maximus serm. de anima.

*Aegyptius monachus.*

Quum nuntius venisset, qui patris mortem annuntiaret, respondisse fertur, Desine blasphemare, & impiè loqui: Pater enim meus immortalis est. Nicephorus libro 11. cap. 45. Eccles. histor. ex Euagrio.

*Cyrus.*

Moriens filiis suis ait, Nullo modo filij hoc vnquam mihi persuasi, vt animus viuat, donec fuerit in corpore mortali: quum verò ab hoc solutus fuerit, moriatur. Cicero in Catone Maiore ex Xenoph.

*Thraseas.*

Quum non tantum in alios, sed in matrem etiam, quam occidi fraude curauerat, crudelissimè sæuieret, P. Thraseas Petus, Romanorum fortissimus dicere solebat: Nero quidam me

occidere potest, perdere autẽ nequaquam, innuens quidem, Neronem tyrannum cruentissimum potestatem habere grassandi in corpora suorum, animam autem ( quæ immortalis est ) nequaquam lædi à quouis homine posse. Xiphilinus in Nerone.

*Cicero.*

\* Animorum, inquit, in terris nulla origo inueniri potest: nihil est enim in animis mistum, atque concretum, aut quod ex terra natum atque factum esse videatur, aut quod humidum, aut stabile, aut igneum. His enim nulla vis inest memoriæ, intellectus, cogitationis, quæ præterita retineat, præuideat futura, præsentia comprehendat, quæ quidem omnia diuina sunt. lib. 1. Tusc. quæst. & in consol.

*Idem.*

\* Cogita te mortalem non esse, non hoc corpus. Non enim is es quem forma ostendit, sed mens cuiusque ipse est, non hæc moles quam digito indicare possumus. Item. Sicuti Deus caducum hunc mundum regit & mouet, ita & spiritus immortalis, fragile corpus. in Somn. Scipionis.

*Seneca.*

\* Animus, si propriam eius originem aspexeris, non ex terreno & graui concretus corpore ex illo cœlesti spiritu descendit, nec est ratio aliud quàm in corpore pars diuini spiritus mersa. Et quemadmodum radij solis cõtingunt quidem terram, sed ibi sunt vnde mittuntur, sic animus magnus ac facer, & in hoc demissus, vt propius diuina noscamus, conuersatur quidem nobiscum, sed hæret origini suæ. Item. Hæc quæ vides ossa circum nobis, neruos & obductam cutem, vultumque & ministras manus, & cætera quibus inuoluti sumus, vincula animorum tenebræque sunt. Obruitur his animus, sugatur, arceatur aduersis, omne illi cum hac

hac carne graue certamen est. Ne abstrahatur & findatur, nititur illo vnde demissus est: ibi illum æterna requies manet. Item. Mox quam pertimescimus intermittit vitam, non eripit: veniet iterum qui nos in lucem reponat dies. lib. ad Gallionem, Martiam, de breuit. vitæ, ad Lucillum, & alibi, vbi multa de animæ humanæ præstantia & dignitate.

*Alphonfus rex.*

Maximum argumentum immortalitatis sibi videri dicebat, quod corpora in hac vita decrefcere, ac per omnia membra suos quasi fines & terminos habere videret: animos verò, quanto ad annos accederent, tanto magis intelligentia, virtute & sapientia crescere. Parnomitanus libro 4. de Alphonfi rebus gestis.

*Fridericus imperas.*

In Austria cùm obiiisset vnus ex primoribus, annos natus tres & nonaginta, qui vitam inter voluprates illecebræque nulla vnquam valetudine offensam duxisset, ignotæque illi omnis calamitas, omnis mœstitia fuisset, idque Friderico Cæsari narraretur: Et hinc, inquit ille, immortales animas censere licet. Namque si Deus est, qui hunc mundum gubernat (vt philosophi & Theologi docent) cùmque iustum esse nemo negat: profectò alia loca sunt, ad quæ post mortem animæ migrant, ibique pro factis aut mercedem, aut pœnam accipiunt. Nam hæc nec bonis sua præmia, neque malis sua supplicia reddi videmus. Aeneas Syluius.

## De animi bonis ac cultu.

*Bion.*

**D**icere solebat, formam & venustatem bonum esse alienum. Senti-

chs nimirum, animi bona reuera esse nostra, cætera verò omnia fluxa, & paruo duratura tempore. Laërt. l. 4. c. 7.

*Bias.*

Quum patriam eius Prienen hostes inuasissent, omnibus quos sauitia belli incolumes abire passa fuerat, prætiosarum rerum pondere onustis, fugientibus: interrogatus, Quid ita nihil ex bonis suis secum ferret? Ego verò, inquit, omnia bona mecum porto. Pectore enim illa gestabar, non humeris, non oculis visenda, sed æstimanda animo: quæ domicilio mentis inclusa, nec mortalium nec deorum manibus labefactari queunt: & vt manentibus præstò sunt, ita fugientes nõ deserunt. Cicero in Paradoxis. Valer. Maxim. lib. 7. cap. 2. Verùm Seneca li. c. 5. de Tranquillitate, & epist. 9. Stilponi hoc ascribit.

*Thales.*

Dicebat, non esse fucandam faciem, sed animum honestis studiis exornandum: quodd hæc forma veros conciliet ac perpetuos amicos. Diogen. Laërt. lib. 1. cap. 1.

*Antisthenes.*

Admonebat ea esse paranda viatica quæ simul cum naufrago enatarent. Sentiens, bonas artes vbique esse in pretio, nec posse à fortuna eripi. Idem ascribitur Aristippo. Laërt. lib. 6. cap. 1.

*Idem.*

Quidam adolescens curarat sese ex ære sculpendum, & ad eam imaginem sese conformabat. Huic Antisthenes: Si æs posset vocem edere, qua de re potissimum gloriaretur? De pulchritudine, inquit adolescens. Non igitur, inquit, erubescis, qui non de animo gloriaris? significans, magis glorandum de bonis animi, quàm de forma, quam haberet cum statua communem. Laërt. lib. 6. cap. 1.

*E*

*Ariston.*



*Ariston.*

\*Vulgus hominum Laërti comparabat, qui cum reliqua ruri diligenter omnia curaret, seipsum negligebat: sic & illos studiosissimos quidem esse circa possessiones, animum autem feris obrutum affectibus non excolere aiebat. Stob. serm. 4.

*Aristippus.*

Nauigans cum ciuibus suis, & naufragio quodam eiectus, venit Rhodum, vbi summa cum humanitate & reuerentia exceptus & tractatus est, etiam ab ignotis illis hominibus. Tandem verò, quum hi qui cum Aristippo naufragium passi erant, pararent reditum in patriam, rogarentque illum, Ecquid vellet ciuibus suis renuntiari? Nil aliud, inquit, quàm vt studeant sibi huiusmodi parare opes, quæ naufragio non pereant, sed simul cum possidente enotent. Sensit vir sapientissimus, hominem non fortunæ, sed animi bonis muniendum, vt vbiuis terrarum victum sibi compareret, & apud homines magno sit in pretio. Vitruuius libr. 6. de Architectura. Fulgos. libr. 7. cap. 2.

*Democritus.*

Dicebat, potius animæ quàm corporis curam esse habendam. Siquidem anima perfectissima corporis vitia leuat: robur autem corporis, absque ratione, nihilo meliorem reddit animam. Stob. serm. 1.

*Diogenes.*

Conspicatus adolescentem philosophiæ dantem operam: Euge, inquit, corporeæ formæ spectatores ad animi pulchritudinem auocas. Sentiens, illum hoc agentem, vt animū virtutibus & honestis disciplinis exornaret, hoc consequuturū, vt longè meliores amicos esset habiturus. Laërt. lib. 6. cap. 2.

*Idem.*

Dicebat, homines summa cura quæ

faciunt ad viuendum perquirere: sed quæ ad bene viuendum conducant, nihili pendere & negligere. Stob.

*Pythagoras.*

Magis animi vires quàm corporis optandas esse asserbat. Animi enim bona veræ sunt possessiones, cætera omnia instabilia & incerta. Diuitiz enim aliæque eius generis bona, fortunæ temeritati subiacent: virtus autem stabilis, perpetuæque habetur. Stob. serm. 1.

*Socrates.*

\*Nihil aliud, inquit, ages circumeo, quàm suadens iunioribus senioribusque, vestrum, neque corporum neque pecuniarum, neque aliarum rerum omnino curam prius vehementiusque, quàm animi habendam esse, vt quàm optimus sit: docens, non ex pecuniis virtutem, sed ex virtute pecunias, aliæque bona omnia & priuatim & publicè hominibus prouenire. Plato in apolog. Socratis. Stob. serm. 5.

*Idem.*

\*Neque, inquit, Achillis arma Theriiti, neque animi bona homini stulto conueniunt. Stob. serm. 5.

*Idem.*

Quum taxaret vnguentis delibutos, & Charondas, siue (vt aliis placet) Phædon, percontaretur, quis esset ille vnguentis delibutus? Ego, inquit Aristippus, infelix, & me infelicior Persarum Rex. At vide, inquit, vt quem admodum hac parte nullo cæterorum animalium est superior, ita nec hominum villo præstantior. Sensit, externis bonis hominem nihilo fieri meliorem: cum & equus balsamo oblitus, idem oleret quod rex: & mendicus vnguento simili delibutus, non minus bene olet quàm summus pontifex. Laërt. lib. 2.

*Isocrates.*

Videns ex discipulis quendam apri

fui colendi studiosum, ceterum in exornandis moribus desidem: Vide, inquit, ne agrum mitiorem cultior emq; faciens, tu incultus animo atque agrestis prorsus euadas. Stob.

*Plato.*

Dicere solebat, eos qui corpora exercebant, & animum negligenter, nihil aliud facere, quam imperantem relinquere, & imperatum curare. Stob. ser. 1.

*Idem.*

\* Quæ dominantur, inquit, præ illis quæ seruiunt semper sunt honoranda. Quapropter merito post dominantes deos, eosque qui illos sequuntur, animum nostrum colendum, secundoque loco habendum iubeo. Nemo autem rectè animum suum honorat, nisi qui vitiis fugatis pietatem & iustitiam colit. Stob. serm. 41.

*Aristoteles.*

Illud amicis ac discipulis inter disferendum frequenter solebatingere: Visum accipere lumen à circumfuso aëre, animum autem à disciplinis liberalibus. Sentiens, ingenium adolescentum disciplinis acui, & ad reliqua philosophiæ mysteria reddi perspicax. Laërt. lib. 5. cap. 1.

*Socrates.*

Xenophontem in angiportu quoddam habuit obuium: quumque videret adolescentem rara indole, porrecto baculo vetuit ne præteriret vbi cōstitisset, rogauit, vbi fierent venderenturque varix merces, quibus vulgò vtuntur homines? ad id quum promptè respōdisset Xenophon, percontatus est vbi homines fieret boni? cum adolescens respondisset, se id nescire: Me igitur sequere, inquit, vt hoc discas. Ex eo Xenophon cepit esse Socratis auditor. Absurdū est, scire vbi parare quæ honestam vestem, aut poculū: & ignorare, vnde tibi comparare possis animum cultum. Eras. l. 3. apoph.

*Silpo.*

Interrogatus, Quid esset statua fortius? respondit, Homo stupidus, & animi cultum negligens. Stob. serm. 2.

*Iamblichus.*

Dicere solebat, cum anima viuamus, eiusdem virtute quoque nos viuere dicendum esse: perinde vt oculis cum cernamus, ipsorum quoque virtute bene cernimus. Stob. ser. 1.

*Dionysius sophista.*

In Heliodorum, quem Adrianus Cæsar vnicè amabat, corripit hoc dictū: Cæsar potest honorem ac pecunias largiri, rhetorem facere non potest. Cæsar enim Heliodorum, studio virtutis quam iudicio, fecerat magistrum epistolarum. Dion. in Hadriano.

*Pausanias.*

Quibusdam in spoliis barbarorum demirantibus pretiosas vestes: Præstiterat, inquit, ipsos esse multi pretij, quam possidere pretiosa. Corripit suorum admirationem, eosque ad veterum bonorum admirationem reuocauit. Plut. in Lacon.

*Leontychidas.*

Rogatus à quodam, Quo pacto quis bona quæ adsunt tueri valeat? Si non omnia, inquit, fortunæ crediderit. In animi bona nullum ius habet fortuna. Tum externa bona reddemus nobis stabiliora, si quædam seposuerimus. Nec fortunæ volubili commiserimus. At sunt principes, qui proferendæ ditionis studio semet in periculum coniiciunt, ne hoc ipsum quod habent imperium amittant: multi item diuites, augendæ rei studio, quicquid habent, totum committunt nauibus. Plutarch.

*Demonax.*

Vehementer eos coarguebat, qui corpora summo studio curarent, atque sese omnino negligenter. Haud dissimiles eos ratus, iis quorum omnis

E 2 sollicitudo

solicitude in extruendis ædificiis ver-  
faretur: & hominū, qui ædes habita-  
rent, nullā penitus haberent rationē.

*Stilpo.*

Demetrius Antigoni filius cū Me-  
garam occupasset, Stilponem philoso-  
phum accersitum rogauit, num quis  
militum aliquid rerum abstulisset?  
Nullus, inquit: neminem enim vidi,  
qui scientiam & eruditionem raperet.  
Sentiens, animi bona non esse bello-  
rum violentiæ obnoxia. Plutar. in De-  
metrio. Seneca.

*Agésilau.*

Quum Græci, qui Asiam incole-  
bant, Persarum regem ex more Mag-  
num appellarent: Qua, inquit, Age-  
silau, re ille me maior est, nisi sit iusti-  
or, ac temperantior: Contempsit vir  
egregius externa bona: quæ vulgus  
præcipuè suspicit, ac hominis felici-  
tatē animi bonis metiebatur. Ea sen-  
tentia philosophus esse consuevit in  
ore, sed hanc bellator expressit affec-  
tu. Plutarch.

*Dionysius senior.*

Quum intra regiam sacrum ex mo-  
re perageretur, præcōq; sicuti assueue-  
rat, precaretur, vt per multa tempora  
inconcussum duraret imperium: Non  
tu desines, inquit rex, abominanda no-  
bis imprecari? Sentiens, potius op-  
randam bonam mentem: quā ea  
quæ nihil conferunt ad hominis feli-  
citatem: quandoquidem animi bona  
fortunæ bonis semper præferenda  
sint. Erasmi lib. 5. apoph.

*Milo Cratoniates.*

Factus iam senex, quum vidisset  
athletas alios in curriculo sese exer-  
centes, fertur inspexisse lacertos suos,  
lacrymansque dixisse: At hi iam mor-  
tui sunt. Merito fleuit, qui felicitatem  
corporis viribus metiebatur. Animi  
vigor serius senescit, si tamen senescit  
vnquam. Erasmi lib. 6. apoph.

*Huc pertinet apoph. de Doctrina, Erudi-  
tione, & Virtutibus.*

## De animosè dictis.

*Anaxagoras.*

Q Vum ab Atheniensibus esset  
damnatus exilio, cuidam dicen-  
ti, Priuatus es Atheniensibus: Imò, il-  
li (inquit) me. Sentiens, Atheniensibus  
magis opus esse Anaxagora, quā  
contrā. Laert. lib. 2. cap. 3.

*Xenocrates.*

A Dione discipulis lacessitus, non  
sum, inquit, tibi responsurus: neque  
enim tragœdia à comœdia taxata  
dignatur eam responso. Laert. l. 4. c. 2.

*Pericles.*

Subito oborto solis defectu, cū vi-  
deret alios multos, sed præcipuè clas-  
sis gubernatorem, vehementer per-  
turbatos, chlamyde sua texit gubernato-  
ribus faciem, interrogauitque, nun-  
quid hoc horrendum ostentum existi-  
maret? illo negante, Quid interest,  
inquit, nisi quod chlamyde maius est  
id quod nunc tenebras inducit? Plut.  
in Græc. apoph.

*Agis Archidami F.*

Quum Ephori ei dicerent, Prohi-  
ciscere, iuuentutem tecum ducens, ad  
huius (proditorum quendam osten-  
dentes) patriam: nam is ipse te perdu-  
cet in arcem: Et quī conuenit, inquit,  
tor iuuenes ei credere, qui patriam  
prodidit? Plut. in apoph.

*Idem.*

Idem dixisse fertur, Lacedæmoni-  
os non oportere percontari quot sint  
hostes: sed vbi sint. significans, non à  
militum numero pendere victoriam,  
sed à rei gerendæ celeritate. Erasmi lib. 1.  
apoph. ex Plut.

*Idem.*

Idem apud Mantinzam, quibuldam  
dissuadentibus,

diffuadentibus, ne cum hostibus, quòd numero plures essent, conflingeret: Cum multis, inquit, pugnet oportet, qui multis imperare velit. Plutarch. in apoph.

*Cleomenes.*

Quum ab augure admoneretur, ne exercitum educeret ad urbem Argiuorum, alioqui reditum illinc fore turpem: posteaquam admonisset ciuitati copias, ac portas videret clausas, & mulieres in mœnibus: Hic, inquit, reditus tibi turpis videtur, in quo viris mortuis vxores occlusere portas? Fortis animus si cum æquo bonoque fuisset coniunctus. Plut. in Lacon. apoph.

*Callicratidas.*

Quum venisset ad Cyrum regem, petiturus pecunias rei nauali necessaria, vidit regem largius bibentem. Expectauit igitur, donec bibisset. Vidit enim non dari copiam, vt regem conuenire posset. Postero verò die cum iterum audiuisset illum bibere, nec se admitti ad colloquium, dixit: Ita curam habendam esse pecuniarum, vt ne quid tamen committeretur Sparta indignum, & mox inderecessit. Ephesum, multa imprecans mala iis, qui primi à barbaris fuissent ludibrio habitæ, eoque sua patientia docuissent illos fiducia diuitiarum aliis illudere. Plut. in apoph. Lacon.

*Leonidas.*

Cum ad Leonidam Alexandridæ filium quidam militum dixisset, Hostes sunt prope nos: Et nos, inquit, prope illos. Significans, ob id non minus imminere discriminis hosti, quàm ipsæ. Plut. in apoph. Lacon.

*Agésilæus.*

Quum in Lydia Tissaphernem fugasset ac multis interfectis in agros regiones incursionem fecisset: Rex Persarum per legatos magnifica illi munera obtulit, vt à bello desisteret. Ag-

filæus autem respondit: Pacis quidem tempore Reipub. vigere auctoritatem, vt ius habeat decernendi, quod ad tuendam ciuitatis tranquillitatem censerit conducere: belli autem tempore non item. Vox excellentis animi, qui non aliud virtutis præmium ambiret quàm gloriam, nec pacem hosti venderet fraudato, milite in apophth. Lacon.

*Idem.*

Quum transmissio Hellesponto iter faceret per Thraciam, nulli barbarorum supplex fuit vt transitus daretur: sed missis ad singulos nuntiis, rogabat, Vtrum per hostium an amicorum regionem iret? Plutarch.

*Idem.*

Quum Græci qui Asiam incolebant, Persarum regem pro more Magnum appellarent: Quare, inquit Agésilæus, ille me maior est, nisi sit iustior, aut temperantior? Idem.

*Lacæna.*

Lacæna quædam cum audiuisset filium incolumen, sed fugisse ex clade, scripsit filio hunc in modum: Malus rumor de te sparsus est: aut hunc, dilue, aut ne sis. Præstabilis putabat filium mori, quàm cum infamia viuere. Plut. in apoph. Lacænarum.

*Lacæna.*

Alia quædam cum audiret à filio, quàm generosè frater in prælio occubisset. An non turpe est, inquit, te non fuisse in re tam honesta & laudabili comitem? Ibidem.

*Pelopidas.*

Quum ex militibus quispiam, qui viderat Lacedæmonios per angustias montium aduentare, dixisset Pelopidæ, Incidimus in hostes: Quin potius nos in illos, inquit, quàm in nos illi. Plut. in apoph.

*Lacones.*

Quum quidam fortè obuiam facti

E 3 Laconibus



Laconibus dixissent: Fortunati estis, ô Lacones, nam modò hinc abiçre latrones: Non nos, inquit, per Enyalaum: (sic enim Martem vocant) sed illi porius fortunati sunt, qui in nos non inciderunt. Plut. in Laconi.

*Anonymus:* Quis non

Pirata quidam ad Alexandrum Magnum deductus & rogatus ut auderet infestare maris: compendio respondit: Ego, inquit, quoniam id unica nauicula facio pirata nominor: cù tu, Alexander, idem facias magna classe, rex appellaris. Alexander hominis animum tam intrepidum admiratus, donauit illum vitam. Plut. in Alexand.

*Leonidas.*

Xerxis cùm scripisset ad Leonidã, Mitte arma: rescripsit Leonidas, Veni & cape: Maluit armatus mori, quàm traditis armis turpiter de vita cum hoste pacisci. Ibidem.

*Cyrus.*

Cyro iuniore conflikturo cum hoste, loco qui dicitur Cunax, Clearchus fuisset, ut se post Macedones conficeret, nec se in belli discrimen coniiiceret. Quid ais, inquit, Clearche: lubesne, ut quũ regnum appetam, regno me indignum ostendã? Plut. in apoph.

*Alexander.*

Darius rex Persarum, quum numerosissimum exercitum instruxisset aduersus Alexandrum, admonitus Alexander ut considerate contra tantum hostium impetum omnia ageret, nil aliud respondit quàm Magna animi molestia me Darius liberauit, qui vires suas omnes in vnum contraxit, ut liceat vno die de summa rerum decernere. Plut. in apoph.

*Cypria mulieris.*

Cypri cùm aduersus Astyagem Medorum regem infelicitèr pugnasent, mulieres obuiam ierunt, & nudatis ventribus, Quò, inquiunt, igna-

uissimi ruitis? an nescitis vos huc iterũ intrare non posse, vnde semel naturæ lege egressi fuistis? Eras. lib. 6. apoph.

*Demetrius Phalereus.*

Quum audiuisset Athenienses destruxisse statuas quas illi posuerant: At virtutem, inquit, non euerterunt, cuius gratia illas posuerunt prius. Laert. lib. 5. cap. 5.

*Zenobia.*

Ab Aureliano capta, & in conspectum illius ducta, quũ is dixisset, Quid, ô Zenobia, ausa es nobis insultare, Romanis imperatoribus? Imperatorem, inquit, te agnosco qui viceris: Galienum, Aureolum, reliquosque, principes non putaui. Trebell. Pollio.

*Lucullus.*

Archelao, qui iterum à Mithridate defecerat, asseueranti, si in Ponto Lucullus conspiceretur, fore ut omnia subderentur imperio Romano, respondit Lucullus: Non cedo Archelae venatoribus audacia, ut relictis feris, ad vacua illorum lustra progrediar. Iam enim Mithridates Pontum reliquerat. Plutarch.

*Q. Fabius.*

Quum à Romanis missus esset legatus ad Carthaginenses, ut exploraret eum Saguutus contra foedus à Pœnis oppugnata esset: sinu ex toga facto, En (inquit) vobis bellum & pacem apportamus, vitum igitur placet sumite: Cùm Pœni ferocius clamarent, daret vitrum vellet: Fabius effuso sinu, Bellum (inquit) damus. Eras. lib. 6. apoph.

*Anonymus.*

Quum naui, qua Granius, praetorius quaestor, vehabatur, in Scipionis Metelli potestatem venisset: Scipioque cæteris direptis, quaestori salutem polliceretur, quaestor respondit: Cæsaris milites salutem dare, non accipere solent. Eras. lib. 6. apoph.

*Sylla.*

*Sylla.*

Apud Orchomenum, cum milites longius euagarentur, ex equo defiliens, arrepto vexillo in hostem conuolat, ita vociferans: Mihi quidem, ô Romani milites, hîc pulchrum est mori. Vos interrogati, quo loco ducem vestrum amiseritis? meminere dicere, apud Orchomenum. Pl. in Sylla.

*Popilius.*

Missus erat ad Antiochum regem ferens epistolam à senatu, qua iubebatur, ut exercitum ex Ægypto abduceret, nec Ptolemæi filios orphanos regno spoliaret. Quum verò rex illum per medium exercitum, ad se accedentem, procul humaniter salutasset, non resalutato rege, literas reddidit: quibus lectis quum Antiochus diceret, se consultaturum, daturumque responsum: Popilius Lenas, virga, quam tenebat, ducta linea, cinxit regem dicens: Hîc igitur stans consulta, & responde. Omnibus viri spiritum admirantibus, posteaquam Antiochus spondidisset se facturum, quæ Romanis viderentur: ita demum salutauit illû, & amplexus est Popilius. Plutarch. in Rom. apoph.

*Cato.*

Rebus deploratis cum amici hortarentur Catonem, ut ad Cæsaris elementum confugeret, respondit, Victorum esse, & eorum qui deliquissent, supplicare: Catonem nec victum nec captum esse, qui se per omnem vitam inuictum præstitisset. Plutarch. in vita Catonis.

*Pompeius.*

Audiens quosdam esse, qui inuiderent concessum sibi triumphum, Se, citius omisurum triumphum, ait, quam militibus blanditurum, simulq; laureatus, fasces abiecit, ut illinc inciperent direptionem. Plutarchus in apoph.

*Julius Cæsar.*

Post attritos Tigurinos, ad urbem quandam sociorum proficiscens, quî audiisset Heluetios in itinere occurrere, in locum quendam munitum se recepit: ibique copiis congregatis, & equo, cui insidere solebat, adducto: Hoc inquit, post victoriam utar in persequendis hostibus, & pedes aggressus est Heluetios. Eras. lib. 4. apoph.

*Alphonfus rex.*

Virgiliana lectione cum præcipue delectaretur, & terra fortè (quum in quarto Æneidos libro legeret de morte Didonis) moueretur, obstupescens aliis ex re tam improvisa & periculosa, Alphonfus dixisse fertur: An mirum vobis videtur, si in morte tam celebris reginæ (cuius mortem apud Virgilium diuus Aurelius Augustinus nunquam sine lachrymis legisse fertur) terra intremescit? Panorm. lib. 1. de rebus gestis Alphonfi.

*Cum his confer apoph. de Fortiter dictis, & fortitudine militari.*

## De aqua lustrali.

*Diogenes.*

Quum videret quendam se religionis causa aspergentem aquis fluuiialibus, hoc enim ritu prisco solebant purificari, si quid piaculi commissum crederent: Infelix, inquit, nultum erras in Grammatica, non absolueris aspersus, multo inius aspersio te liberabit à vitæ criminibus. Laërt. li. 6.

*Valentinianus.*

Nondum imperator, templum Fortunæ ingrediens cum Iuliano, hinc atque hinc stantibus ædituis, qui aquam introeuntibus aspergerent, vbi vidit in chlamyde purpurea guttam aquæ, pugno percussit ædituum. Hoc, inquit, nō est purificare, sed inquinare.

E 4 Napa

Nam illi tales aspersiunculas appellabant purificationes. Erasmus libro 8. apophthegm.

## De arcanis non temerè effutiendis.

*Thales.*

**T**Hales frequenter dicere solebat: Vide ne te in ius vocet sermo contra coniunctos tibi ac socios dictus. Sensit vir sapientissimus, amicis non adeò fidendum esse, ut committamus eis arcana, ut inde effutiant magna nostra infamia & ignominia. Laert. lib. 1. cap. 1.

*Socrates.*

\* Dicebat carbonem ignitum facilius in lingua contineri posse, quam sermonem arcanum. Stob. serm. 39.

*Anaxandrides.*

\* Qui commissum sibi instar depositi sermonem euulgar, aut iniustus est, aut admodum incontinens. Iniustus quidem, si lucri causa id faciat: sui absque lucro, incontinens. Ibidem.

*Aristoteles.*

\* Interrogatus, quidnam in vita difficillimum esset, Tacere, inquit, quæ dicenda non sunt. Ibidem.

*Aristo.*

Dicere solebat, ut ij ventis sunt nobis molestissimi qui abstrahunt pallia. Ita grauius me legunt amici, qui expiscantur arcana. Eras. lib. 6. apoph.

*Isocrates.*

\* Sermonum deposita, inquit, fidelius quam pecuniarum custoditores. lib. ad Damonium.

*Euripides.*

Quum malè audiret ab hominibus per oris graue olentiam: Multa, inquit, in illo oculta computruerunt. Innue- re soluit vir grauiissimus, se posse reti-

nere arcana: contra aliorum consue- tudinem, qui omnia temerè effutiant. Solent autem res in occulto congestæ computrescere. Erasmus Rot. libro 8. apoph. ex Stobzo.

*Philippides Comicus.*

Lyfimacho cum primis charus fuit, & familiaris: cui cum Lyfimachus offerret liberalitatem suam, ac frequen- ter diceret, Quid vis tibi impertiam rerum mearum? Quodcunque voles, inquit, modò ne arcani quippiam. Sig- nificans, esse periculosum nosse mag- natum arcana: quorum siquid effuti- as, actum est de capite. Bruson. libro 6. cap. 10. ex Plutarcho.

*Vide infra plura sub iis, Taciturni- tatis & Silentij.*

## De argutè dictis.

*Thales.*

**C**um diceret, mortem æquè saluta- rem esse ac vitam: audiuit à quo- dam, Cur igitur nò morireris? Argutè respondit, ob hoc ipsum, quia nihil re- fert. Potius enim haberetur, quod accer- situr. Laert. lib. 1. cap. 1.

*Socrates.*

Admonitus ab amico, quòd excep- turus hospites admodum tenuè fecis- sent apparatus. Si boni sunt, inquit, satis erit: sin minus, plus satis. Laert. in eius vita.

*Aristippus.*

Platoni obiurganti, quòd multos pisces emisser, respondit, Se illos emis- se obolo: quumq; Plato dixisset, Tanti & ipse empturus eram. Vides, inquit, igitur ò Plato me non esse obsonio- rum auidum, sed te pecuniæ amantem, Ibidem.

*Idem.*

Quum aliquando perdicem quio- quaginta drachmis iussisset emi, cui- dam

dam detestanti luxum in philosopho: Et tu, inquit Aristippus, si obolo venalis es, non emeris? Quum is respondisset, se empturum: Et mihi, inquit, tanti sunt quinquaginta drachmæ. Quod ille luxus nomine damnabat, hic detorsit in contemptu pecuniæ laudem. Laert. lib. 2. cap. 8.

*Idem.*

Quum quidam illi probro daret, quod lautè nimisque splendide viveret: Id, inquit, si vitium esset, in deorum celebratibus non fieret. In his enim magnificè vestiri, & lautissime epulari solent. Ibid.

*Antisiphentes.*

Quum salsamenta per forum gestaret, quibusdam admirantibus, quod philosophus officio tam sordido fungeretur, idque in publico, ac non potius seruo id delegasset: Quid, inquit, admiramini? hæc mihi porto, non aliis. Sentiens nullum esse sordidum obsequium, quod sibi quis impenderet. Deinde non esse indecorum, cum portare salsamenta, qui salsamentis vesceretur. Laert. lib. 6. cap. 1.

*Diogenes.*

Narrant, Alexandrum Magnum astantem Diogeni Cynico, quæsisse ab eo, Num ipsum metueret? Tum ille, Quid es? bonum, an malum: Alexander respondit, Bonum. Quis igitur, inquit Diogenes, timet bonum? Conuicit, regem non esse metuendum nisi se malum esse profiteretur. Laert. l. 6. c. 2.

*Aristippus.*

Polyenus sophista ingressus in ædes Aristippi, cœpit magnificè iam paratum conuiuium reprehendere. Verùm Aristippus dissimulata obiurgatione, cum paulò post hominem ad conuiuium inuitaret, nec renueret: Cur quæso, ait, meam incusas mensam cuius iam inuitatus particeps esse cupis? Videris mihi non lautio rem mensam,

sed impendium tantum reprehendere. Ibidem.

*Secundus sophista.*

Quum tale declamationis argumentum esset propositum: Qui seditionem mouerit, moriatur: qui sedauerit, præmium ferat. Quidam & mouerat & sedauerat, petitque præmium. Hanc quæstionem paucis absoluit Secundus sophista. Quod est prius, mouisse: quod posterius, sedasse. Itaque prius da pœnas motæ seditionis, ac deinde (si potes) accipe præmium rectè factorum. Philostratus in sophist.

*Proculus.*

Filium habebat intemperantem, gallis gallinaceis, coturnicibus, catellis & equis alendis indulgentem: quæ pater adeò non increpabat, ut vnà cū illo potius luderet. Quo nomine cum ab amicis obiurgaretur: Citius, inquit, desinet, cum senibus colludens, quam cum æqualibus. Philostratus.

*Sphærus sophista.*

Quum diceret opinionem non cadere in virum sapientem, rex Ptolemæus cupiens hoc paradoxum ipsa re confutare, curauit mala Punica, veris simillima, sed ex cera confecta, apponi in conuiuio. Ad quæ cum Sphærus deceptus porrigeret manus, rex exclamauit, illum falsi specie fuisse assensum. Ad id dextrè Sphærus: Non sic, inquit, assensus sum, ut crederem esse mala Punica: sed probabile putaram, esse mala Punica. Laert. l. 7. c. 2.

*Philoxenus.*

Interrogatus, quam ob causam in tragædiis induceret mulieres malas, cum Sophocles eas induceret bonas? argutissime respondit, Quoniam ille (inquit) tales inducit, quales esse deberent: ego verò, quales sunt. Erasmus lib. 6. apoph.

*Stilphon.*

Habebat filiam parum secundæ famæ.



maz. Cuidam igitur dicenti, de decorat  
re filia: Nihil magis, inquit, quam ego  
illam decoro. Sentiens, neminem alie-  
nis factis dehonestari, sed suis quen-  
que moribus æstimandum esse. Plutar.  
lib. de Tranquillitate, & Laertius lib. 2.  
cap. 12.

*Theopompus.*

Theopompus hospiti cuidam iac-  
tanti, quod apud Theopompi ciues  
Philocaon, hoc est, Laconum amans  
diceretur: Præstaret, inquit, si philoca-  
on id est, ciuium amans dicereris po-  
tius, quam Laconum. Notauit autem  
hominem, qui alienæ ciuitatis studio-  
sus haberi mallet, quam suæ. Porro  
quisquis alienam Rempub. vehemen-  
ter adamat, suam quodammodo vitu-  
perare videtur. Plut. in Lacon.

*Anonymus.*

Huic simile est illud, Quum legatus  
ab Helide missus, diceret sibi ob id à  
ciuibz legationem commissam, quod  
vnus Laconicam vitam admiraretur:  
quidam rogauit hominem, vtrum me-  
liorem duceret vitam aliorum ciuium,  
an suam ipsius? Quum is respondisset,  
suam ipsius: Qui igitur potest, inquit,  
ista ciuitas seruari, in qua quum multi  
sint, vnus tantum bonus est? Argutè  
taxauit oratoris impudentiam, qui La-  
cedæmonios ac sese laudaret, cum suo-  
rum ciuium vituperio nō vulgari. Pro-  
babat quippe Lacedæmoniorum mo-  
res, sed solus Elidensium: restabat igitur,  
vt apud Elidenses non esset nisi  
vnus vir bonus. Plut. in Lacon.

*Leonidas Anaxandride F.*

Ephoris dicentibus, quod ad Ter-  
mophylas proficiscens, paucos secum  
educeret: Nimirum, ad hoc, inquit, ne-  
gotium, ad quod proficiscimur, satis  
est. Indicans satis multos educi ad  
moriendum in bello. Satiuse enim esse  
perire paucos quam multos. Plutarch.  
in apoph. Lacon.

*Cleomenes.*

Diuitino morbo vexatus, quum ex-  
piatoribus ac diuinis auscultarer, antè  
non solitus idem facere quodam id  
admirante: Quid miraris? inquit. Non  
enim idem sum nunc, qui tunc eram.  
Cum autem nunc non sim idem, non  
probo eadem. Plut. in Lacon.

*Agefilau.*

A medico pharmacum accipiens, vt  
simul & semel hauriret: per Geminos,  
inquit, sumam quæ præferibis: si mihi  
prorsus est in fatis vt moriar, quamuis  
non omnia sumpsero. Plut. in apoph.  
Lacon.

*Idem.*

Quum quidam apud Agefilaum re-  
gem magnificeret regis Persarum fe-  
licitatem, quod admodum iuuenis es-  
set: Ne Priamus quidem, inquit, quum  
huius esset ætatis, erat infelix. Sensit  
vir clarissimus, veram felicitatem non  
ex annis & iuuentute metiendam esse.  
Ibidem.

*Agefipolis Cleombrosi F.*

Quum è Sparta iussisset mitti catu-  
los, ac respondisset aliquis, non expor-  
tari apud Lacedæmonios catulos: Ne  
viros quidem, inquit, antea: atqui nunc  
fieri cœpit. Festiuiter autem indicare  
voluit, in bene instituta republica om-  
nia proficere in melius. Plut. in apoph.  
Lacon.

*Eudemidas Archidami F.*

Ab Argiua quodam audiens, Lacedæ-  
monios peregrinationibus reddi  
deteriores, quod interim degenera-  
rent à maiorum suorum decretis & le-  
gibus: At vos, inquit, quum Spartam  
venitis, non deteriores, sed meliores  
euaditis. Plut. in Lacon. apoph.

*Idem.*

Audiens Xenocratem iam senem  
de Academia cum amicis disputan-  
tem, percontatus est, Quisnam esset  
senex ille? Vbi verò respondisset ali-  
quis,

quis, illum esse virum sapientem, & ex eorum numero qui virtutem quaererent. Et quando, inquit, es virus est, si adhuc quaerit? Plutar. in apoph. Lacon.

*Idem.*

Quum quidam, commemorando laudem ac trophæa quæ Lacedæmonij ex rebus cum Persis præclare gestis retulissent, hortaretur ad bellum cum Macedonibus suscipiendum: Ignorare mihi videris, inquit, istuc idem esse, ac si quis deuictis mille ouibus pugnaret cum quinquaginta lupis. Significans, Persas vt deliciis effæminatos, & ob id imbelles, non fuisse difficile vincere: sed aliud esse cum Macedonibus bellicissimis rem habere. Ibid.

*Anaxandridas Leonis F.*

Percontanti quidam, cur Lacedæmonij Helotibus (sic autem apud illos dicebantur, quorum conditio media erat inter seruos & ingenuos) committerent colendos agros, ac non ipsi potius eos colerent? Quoniam, inquit, non ipsorum causa, sed nostra, Helotas nobis comparamus. Taxauit autem hoc dicto eorum stultitiam, qui potius ad ostentationem, quàm ad laborem & vsum, mancipia habent. Plut. in apoph. Lacon.

*Agis Archidami F.*

Cuidam sciscitanri, quot essent Lacedæmonij? Quot satis sunt, inquit, ad propulsandos malos. Ostendens multum referre quàm bonos & fortes viros habeat ciuitas, non quàm multos. Ibidem.

*Idem.*

Cuidam consulenti, vt hostibus fugientibus daret transitum: Et quomodo, inquit, pugnabimus cum his, qui ob fortitudinem manent, si non pugnamus cum fugientibus? Existimabat vir clarissimus, aduersus hostem nullâ prætereundam esse occasionem. Ibid.

*Pausanias Cleombroti F.*

Quum Delij de insula cum Atheniensibus haberent cōtroversiam, atq; inter cætera dicerent, quod ex more regionis, neque mulieres in insula parent, neque mortui sepelirentur: Quomodo, inquit, hæc insula erit vobis patria, in qua neque fuit quisquam vestrum, nec futurus est? Notauit autem argutè ineptiam Deliorum consuetudinem, qui suos in patria neque nasci sinerent viuos, nec sepeliri mortuos. Ibid.

*Idem.*

Cuidam percontanti cur Tyræum poetam Spartæ ciuem fecissent? Ne quis, inquit, externus nobis dux esse videatur. Ibid.

*Lycurgus.*

Quum Thebani consulerent Lycurgum de luctu & sacrificio, quem illi Leucotheæ solent facere: Si, inquit, deam esse creditis, ne lugeatis: sin hominem, ne vt deæ rem diuinam faciatis. Taxauit autem Thebanorum consuetudinem. Non enim cōuenit simul lugere & sacrificare, hoc est ab ea petere opem, quæ ipsa sit in calamitate, ac lugenda. Ibid.

*Idem.*

Cuidâ postulanti vt in ciuitate pro Aristocratiâ, id est pro optimatum gubernatione, constitueret Democratiâ, hoc est popularem gubernationem: Tu fac, inquit, prius domi tuæ Democratiâ instituas. Docuit autem argutè, eam Reipub. speciem non esse vtilem ciuitati, quam nemo vellet esse in sua familia. Ciuitas autem nihil aliud est quàm magna domus. Ibid.

*Anonymus.*

Metapontinus quidam Laconi obiciienti ignauiam: Atqui, inquit, non parum alienæ regionis possidemus; Ergo, inquit Lacon, non solum ignaui estis; verum etiam iniusti. Significans,

cans, non posse fieri, ut quis meticulo-  
sus & imbellis multum teneat alienæ  
ditionis, nisi fraude partum. Ibid.

*Idem.*

Alius quidam, quum videret Dio-  
genem cognomento Canem, in vehe-  
menti frigore statuum æream ample-  
ctentem, rogavit, num friges? illo ne-  
gante, Quid igitur, inquit, Lacon mag-  
ni facis? Philosophus hoc ipsum exi-  
stimabat magnificum, quod sic ha-  
beret corpus ad omnes iniurias dura-  
tum: id Laconi ridiculum videbatur,  
cum magno eius incommodo fieret,  
nec utilitas inde promanaret ad ali-  
os. Ibid.

*Idem.*

Argiuo quodā dicente, multa Spar-  
tanorum sepulchra apud nos sunt: La-  
con excipiens, Atqui Argiuorum, ait,  
apud nos nullum est sepulchrum. In-  
nuens, quod Spartani semper inuasif-  
sent Argiuos: illi autem Spartanos  
nunquā. Et sic quā acutissimē, quod  
ille dixerat in gentis suæ laudem, re-  
torfit in ignominiam. Ibid.

*Lacones.*

Atheniensibus, quum tradita civita-  
te postularent, ut Samum tantum ip-  
sis reliquerent, ita responderunt Laco-  
nes: Hoc tempore, quo vestri non estis,  
alios habere postulatis. Vnde natum  
est proverb. Qui semetipsum non ha-  
bet, Samum petit. Eras.

*Anonymus.*

Cuidam Lampem Æginetam effe-  
renti, ac felicem prædicanti, quod præ-  
dius videbatur, multorum nauigiorū  
dominus, Lacon. Nihil (inquit) moror  
felicitatem de finibus pendentem.  
Sensit autem, non in manu nostra ef-  
se, quæ in fortunæ sunt imperio, & ea  
præsertim quæ navibus committun-  
tur. Plut. in Lacon.

*Idem.*

Mendicus quidem petit aliquid à

Lacone: at ille, Si quid, inquit, dederō  
tibi, magis es futurus mendicus. Ve-  
rū istius probrosæ vitæ fuit author,  
qui tibi primus dedit, & quæ fecit iner-  
tem. Ibid.

*Idem.*

In luctandi genere, quod illi Chi-  
rapsiam vocant, quum is qui collum  
alterius vrgebat frustra, præterque le-  
gem palæstræ pulsaret vndique & in  
terram detraheret, posteaquam cor-  
poris viribus destitueretur, qui inha-  
renti cedere cogebatur, brachium vi-  
gentis momordit. Cūque alter dice-  
ret, Mordes, ô Lacon, sceminarum mo-  
re: Non, inquit, sed more leonum. Et  
sic obiectam ignaviam detorsit in lau-  
dem fortitudinis. iure autem se moris  
liberauit, qui præter ius certaminis vr-  
gebatur à victo. Ibid.

*Phanidas.*

Quum essent Lacedæmonij in pug-  
na Leuctrica Mattis aleam experturi,  
cuidam dicenti, Hic dies declarabit  
virum bonum: Præclarus, inquit, dies,  
qui possit declarare virum bonum in-  
columem. Præfagiens, in eo prælio plu-  
rimos egregios viros fortiter occubi-  
turos, quos ipse patriæ maluisset esse  
incolumes. Ibid.

*Anonymus.*

Quidam Laconi in Olympico cer-  
tamine superato dixit: Aduersarius tu-  
us ô Lacon te fuit potentior. Imò, in-  
quit, ad deiiciendum accommodati-  
or, quoniam certamen magis erat ar-  
tis, quā virtutis. Ibid.

*Idem.*

Quidam cum laudibus immodicis  
commendasset bellatores optimos:  
Lacon, Bene, inquit, sed apud Troiam,  
significans, tales olim fuisse, sed hoc  
genus hominum iam olim defuisse in-  
ueniri. Ibid.

*Idem.*

Quidam Lacon seruo, qui dum  
puni-

puniretur dicebat, Non volens erravi: Non volens igitur, inquit, poenas dato. Ibidem.

*Idem.*

Spartanus interrogatus num tutum esset ad Spartanos iter? Refert, inquit, qualis eò decedas nam leones illic euntes plorant, lepores autem in umbraculis venantur. Significauit autem, nec ferocibus ac violentis esse tutum proficisci Spartam, nec mollibus & effeminatis, delicatos enim homines in tenebris lasciuire non sinunt. Ibid.

*Ariston.*

Quum Atheniensis quidam recitaret funebrem orationem, conscripam in laudem eorum qui fuerant à Lacedæmoniis in bello cæsi: Quales, inquit aristo, nostros esse putas, qui istos vicerunt? Ostendit, recitatore magis illustrare virtutem Lacedæmoniorum, quàm Atheniensium. Ibid.

*Anonymus.*

Quidam eum ad Laconem dixisset, Mentiris: ille contrà, Nimirum (ait) liberi sumus, alij verò, nisi vera dixerint, vapulant. Taxauit autem reprehendentem, quòd Lacedæmonio peior esset. Ibid.

*Lampis.*

Interrogatus, quomodo sibi parasset diuitias? Magnas, inquit, haud difficulter: exiguas verò, cum labore ac tardè. Sentiens, initid paulatim magnaque vigilantia corradì pecuniam: caterum parata iam ingenti sorte, facillè esse amplis lucris ditescere. Plut. in libello, An seni sit capeienda Res publica.

*Antiochus Ephorus.*

Quum audiuisset, Philippum Messeniis agros dedisse, percontabatur, nū viros quoque dedisset, per quos aduersus pugnantes pro agris tueri possent quod datum erat? Plut. in apoph.

*Pittacus.*

\* In conuiuio quodam, eum de bestiis esset sermo, ad Myrtium ioco dixit, teterrimum inter feras tyrannum, inter placidas esse adulatorem. Plut. in conuiuio.

*Diocles.*

\* Is philosophus habitus est ἰσοπέπῳ Cuidam interroganti, vter piscis esset melior, congrus, an Labrax seu Lupus? Alter, inquit, elixus, alter assus. Erasim adagiis.

*Anonymus.*

\* Thessalus quidam rogatus, qui Thessalorum forent placidissimi? Qui bello (inquit) defuncti sunt. Plutar. de insit. lib.

*Melanthius.*

\* Is erat Alexandri Pherzi tyranni parasitus. Rogantibus autem quemadmodum necatus esset Alexander? per latus, inquit, in ventrem meum. Plutarchi. de dignosc. adulter.

*Leo Byzantius.*

\* Irrisus à gibboso, qui oculorum eius imbecillitatem fuerat cauillatus: humanum (inquit) affectionem obliuiscis, quum in tergo feras ipse Nemescia. Plut.

*Cacilius Metellus.*

In loco munito dum cogitaret collocare exercitum, ac centurio dixisset ipsi, Si decem tantum hominum iacturam facere velis, capies locum: interrogauit eum, num ipse de numero istorum vnus esse vellet? Plut. in Romanorum apoph.

*Cato maior.*

Belligerans cum his qui Bætium fluuium accolunt, quum in discrimen adductus esset, propter hostium multitudinem, & Celtibeti offerrent suppetias, si darentur talenta ducenta, Romani verò non sinerent illum mercede pacisci cum barbaris, dixit errare Romanos,



Romanos, eo quod si vicissent, reddiduri essent non de suo, sed de bonis hostium, si victi fuissent, iam non fore, nec à quibus peterentur nec qui paterentur. *Ibid.*

*Cicero.*

Quum quendam audiret, dicere se à Cæsare ad Pompeium transfugisse, relicto ex festinatione equo, ait: Melius igitur de equo quam de teipso statuisti. Sentiens, longè rectius facturum fuisse, si vnà cum equo apud Cæsarem mansisset. *Ibid.*

*Messala.*

Messala vir exactissimi iudicii, ac Romanæ linguæ exactissimus censor, quum audisset M. Portium latronem declamantem dixit, Sua lingua disertus est. Desiderans in eo Latini sermonis maiorem elegantiam, quum ingenium contigisset tam felix. *Eras. Rot. lib. 8. apoph.*

*Procleius.*

Querebatur de filio quod expectaret mortem patris, quumque filius respondisset, Ego verò non expecto, Imo rogo, inquit ille, vt expectes. Detorsit verbum in sensum contrarium. Expectat quippe mortem patris, qui ex animo desiderat eius bona post mortem: & expectat, qui diu viuentem videt inuitus. *Quint. lib. 6.*

*Anonimus.*

\* Prouincialis quidam intrauerat Romam simillimus Cæsari, & in se ora omnium conuerterat. Augustus hominem ad se perductum, dic mihi, inquit, adolescens, fuit aliquando mater tua Romæ? Negauit ille, & argutè adiecit, sed pater meus sæpe. *Macrob. lib. 2. cap. 4. Saturnal.*

*Musonius.*

\* Rutilius quum aliquando Romæ adisset Musonium philosophum, rogauit, Dic mihi, Musoni, Iupiter seruator, quem tu imitaris, dum scene-

ratur. Notans illius inopiam, qui interdum cogereur accipere nimium. Ad hoc arridens Musonius: At, inquit, ne scenerat quidem, Rutili Turpius est ad scenus dare quam accipere. Rutilius cū imple faceret quoddam grauius est, obiecit illi quod erat leuius. *Erasm. lib. 6. apoph.*

*Tollio.*

\* Temporibus triumuiralibus quum Fescenninos Angustus in eum scipsisset, ait: At ego taceo. non est enim facile in eum scribere, qui potest proscribere. *Macrob. lib. 2. cap. 4. Saturn.*

*Hyrcanus.*

\* Ad cœnam à Ptolemæo Ægypti rege inuitatus, & omnibus qui accumbebant carnes edentibus, ossa verò ante Hyrcanum cumulatis. Trypho scurra regis, vides (inquit) Domine ossa ante Hyrcanum collecta? Hinc collige patrem eius Syriam omnem ita nudasse, vt hic ossa nudauit carnibus. Quum rex risisset, & Hyrcanum rogaret, cur tot ossa ante eum iaceret? Non immeritò, inquit, Domine, nam canes ossa vnà cum canibus deuorant, vt isti, ceteros conuiuas innuens, quod nulla ante eos sita essent ossa, homines verò carnes edunt, ossa abiiciunt. Itaque & ego comedi vt homo. Solers responsum admiratus rex, omnes iussit applaudere. *Suidas ex Iosepho.*

*Aridices.*

\* Quum Antigoni regis libertus ad nouas nuptias nuper euectus, philosophos ad conuiuium congregasset: & irridendo eorum minutulas quæstiones, scire se velle dixissent, cur ex nigra & alba faba pulmentum vnius coloris efficiatur? Aridices Philosophus indignè ferens, Tu nobis, inquit, absolute, cur de albis & nigris loris similes maculæ gignantur. *Macrob. lib. 7. Saturn. cap. 3.*

*Sisinnius.*

*Sifinnius.*

\* Is Nouatianorum episcopus, victu non tenui, sed in summa continentia sumptuoso utebatur, & candida veste nitidus, quotidie bis in publicis balneis lauari solebat: quamobrem rogatus, cur episcopus quum esset, bis in die lauaret? quia, inquit, temporis excludor angustis, ne ter lauem. Suidas.

*Anonymus.*

\* Libanius sophista, summus Iuliani Apostatae fautor, cum interrogasset Antiochæ ludi magistrum quendam, virum bonum atque pium: Quid nunc fabri filius (Christum per contumeliam intelligens) rerum ageret? respondit, Non otiaur, ô sophista, quem tu fabri filium appellas: parat enim Iuliano loculum. Intellexit vir optimus Iulianum ob insignem impietatem non diu superstitum fore. Et quidem paulo post Iulianus in Persia interfectus est. Tripart. hist. lib. 6. cap. 44.

*Idem.*

\* Querenti cuidam, quid ante mundum conditum Deus faceret, pius quidam pater respondit, Curiosos parabat inferos. Profanam audaciam graui dicto compescens. Hist. Ecclesiast.

*Sannazarius.*

\* Aëtius Sincerus Sannazarius rari vir ingenij, magnæque nobilitatis, cum in conspectu Federici regis esset quæstio, quid præcipue conferret oculorum perspicuitati, & medicis varia remedia proponentibus: at ego inquit, Inuidiam oculorum perspicuitati plurimum conferre aio. Subridentibus omnibus, Annon inuidia (subiecit) maiora & pleniora omnia videre facit. Quid autem oculis magis præsentaneum, quam ut vis ipsa aspiciendi maior reddatur, atque vegetior? protulitque statim Ouidianos illos ver-

sus, Fertior seges est alienis semper in agris, Vicinumque pecus grandius vber habet. Pont. & Ant. Panormir.

*Pomponius Laeta.*

\* Romæ incarcerationis est, quasi cum Callimacho & Platina contra Paulum pontificem max. coniurasset, & in quæstione accusatus quod sibi & per multis adolescentibus literarum studiosis nomen immutasset: nam pro Petro Pomponij nomen sumplerat, antiquitatis stulto amore. Quo nomine appellatus à Viancio antistite, qui quæstioni præsidebat, Quid, inquit, tibi & Paulo pontifici, si mihi sceniculi nomen indidissem? Sabellicus, in eius vita.

## De arrogantia.

*Bion.*

**A**rrogantiam dicebat esse profectus obstaculum. Indocilis enim est, qui mauult doctus videri, quam esse. Laert. lib. 4. cap. 7.

*Diogenes.*

\* In arrogantia, quemadmodum in armis deauratis, non similia sunt interiora exterioribus. Item. Arrogantia tanquam pastor quoquo libet vulgus hominum ducit. Sto. serm. 22.

*Xenophon.*

\* Arrogantis nomen conuenire mihi rectè videtur iis qui se simulant esse ditiores, doctiores & fortiores quam sint: & ea se facturos promittunt quæ præstare nequeunt: idque manifestò facere videntur, accipiendo quippiam & lucrandi gratia. Stob. ibidem.

*Agesilaus.*

Vt ipse singulari modestia præditus erat, ita non tulit in aliis arrogantiam. Menecrates enim medicus quum

quum desperatæ quædam curationes ipsi feliciter cessissent, populari adulatione dictus est Iupiter. Hoc cognomento vir arrogantis ingenij delectatus, insolentius vsus est eo titulo. Tandem quum & Agesilao scriberet, nec veritus esset hac uti salutatione, Menecrates Iupiter Agesilao regi salutem: rex eo offensus procerum, præterea nihil dignatus est legere, sed rescripsit in hunc modum, Rex Agesilaus Menecrati *ὕψιστος* i. bene valere. ac si dixisset, sanam mentem tibi precor. *χαίρειν* Græci dicunt: quibus bene precantur. *ὕψιστος*, ambiguum verbum, ferè in malum sonat. quo significamus abesse sanitatem mentis.

*Archidamus Agesilai f.*

Post confictum apud Chæroneam cum à Philippo rege Macedonum litteras accepisset acerbius scriptas, hunc in modum rescripsit: Si metiaris umbram tuam, haud quamquam reperies illam factam maiorem quam erat ante victoriam. Graviter admonens, non esse prudentis ob fortunæ successum intumescere, quum ipse sit nihilo maior. Equum autem est, ut homo se suis & propriis bonis metiatur potius quam externis, quæ fortuna cum libet dat, cum visum est eripit, Plutar. in Laconicis.

*Vide apoph. de Fastu & Superbia.*

*Demonax.*

Ad Agathoelem Peripateticum arroganter iactantem, sese & solum & primum esse dialecticorum: Si solus, inquit, es, qui primus esse potes? si primus, qui solus? Eras. lib. 8. apoph.

*Idem.*

Cynico cuidam arroganter iactanti pallium, peram & baculum, ac subinde vociferanti, se Antisthenis, Cratetis ac Diogenis sectatorem esse. Impudenter, inquit mentiris, quum sis Hyperidæ discipulus. Alludit ad vocem

*ὕψιστος*, quod est per arrogantiam despicere. Est autem & rhetoris nomen Hyperides. Eras. lib. 8. apoph.

*M. Drusus.*

Non contentus L. Philippum consulem præcipitasse in carcerem, quod se loquentem ausus esset interpellare, quum senatus ad eum misisset, ut veniret in curiam, Cur non potius, inquit, senatus ad me venit in Hostiliam rostris propinquam? Quid consecutum? Tribunus senatus auctoritatem despexit, senatus tribuni verbis paruit. Erasmus Rotrod. lib. 6. apoph. thegmat.

*Vide apophth. de Superbia.*

## De artium atque disciplinarum utilitate.

*Aristoteles.*

\* **V**isus accipit lumen suum à circumfuso aere: animus etiam lumen recipit ex disciplinis liberalibus, ut ad reliqua philosophiæ mysteria reddatur perspicax. Lactius lib. 5. cap. 1.

*Nero.*

A Mathematicis audierat fore aliquando deiiceretur imperio, eoque Græcum Iambicum dimetrum identidem vsurpabar,

*Ἡ τῆς γῆς, ὡς αὐτὴν ἡ γῆς: Id est,*

*Terra quævis artem alit.*

Putans, se tantum profecisse bonis literis, ut etiam si ab imperio detruderetur, quavis regione, ob insignem scientiam posset haberi in pretio. Recitat Suetonius in eius vita.

*Plura pæte ex apophth. de Doctrina, Eruditione, Philosophia, item de Antimi bonis, &c.*

**De artibus superuacaneis & inutilibus.**

**C** Vidam adolescentiū, iustum quendam amatorium eleganter in balneis exhibenti, quod Græci vocant *balneum*. Quo melius, inquit, hoc detestus, damnans improbitatem artis, qualis est alea: cuius quo quisque est artifex melior, hoc vit est deterior. *Laert. lib. 6.*

*Idem.* Euclidis scholam, quod arguta quidem, sed ad recte viuendum inutilia docere videretur, id est bilem ac molestiam appellabat, quum schola Græcis sonet otium: & Platonis *gymnasium*, id est exercitationē *καταβολή*, id est contritionem voce deprauata vocabat, quod à communi vita semotus, disputationibus infensceceret, quum Diogenes in publico viuens, mallet philosophicē viuere, quā disputare. *Laert. lib. sexto. cap. 1.*

*Plato.* Annicris quidam Cyrenæus, aurigandi peritia insignis, & vt egregius artifex, ita gloriosus artis ostentator, venit in Academiam Platonis, atque illic rationes omnes procurrendi, stecenti curram, & per easdem interdum orbis redeundi ostentabat. Admirantibus igitur aliis, solus Plato negabat sibi videri probabile, eum virum, qui totum animum inutili studio dedisset, ad vllam rem grauem ac frugiferam esse idoneum. *Ælianus lib. 3. de Var. hist.*

*Anonymus.* Hospes quidam apud Lacedæmonios, quum ipsi stanti interim altero pede, ctepidā in alterum indueretur, dixit cuidam: Non arbitror te, Lacedæmon, tantum temporis vni pedi posse

insistere, quantum ego possum. Lacedæmonius extiplens, Fateor, inquit: attamen nullus est anserum qui istud non possit. Iure derisi hominem, qui longo vsu didicisset artem, quæ nihil vtilitatis adfert reipub. Huiusmodi sūt artes prestigiatorum, funambulorum, & similia. *Plat. in Lacon.*

*Huc referuntur actiones inutiles & consentiosas, item quæstiones infringiferas, Sophismata, &c.*

**De artium contemptu.**

*Lacedæmonij.*

**L** Acedæmonij quoniam seueriores erant, ac moribus incorruptioribus, bellique gloriam potissimum spectabant, contemnebant omnes artes quæ ciuium animos videbantur emasculare, & à vera virtute ad otiosam ostentationem traducere. Nam & Roma cum adhuc spiraret Germanam illam austeritatem, Græculos professores vrbe exegit. Hoc genus studiis nulla Græcæ pars corruptior erat, quam Atrica, vbi Gorgias, Lyfias, Isocrates, Prodicus, aliique innumeri sophistæ magno cum applausu populi, nec mediocri mercede garriebant. *Plut. Eras. lib. 1. apoph.*

*Anonymus.*

Lacedæmonius quidam petronanti, quid ipsi videretur Tyrteus poeta? Bonus, inquit, ad deprauandos iuuenum animos. *Plut. in Laco. apoph.*

*Philippus.*

Quum audisset filium suum quodam in loco scite cecinisse, obiturgauit, dicens: Non te tui puder, qui noris tam bene canere? *Plut. in apoph.*

*Pyrrhus.*

Interrogatus, vter melior tibicen videretur, Pythonne an Charifus? Polyperchon, inquit. Is erat egregius

F dux



dux exercitus. Contempnit omnes artes, quæ cum re militari nil habent commune.

*Similia dicta leges infra applo-  
de diuina contemptu*

## De Arte, quam quisque nouit exercenda.

*Archidamus Zenxidami F.*

Videns Periandrum, qui arte medica excellentissimus fuerat, infelicia carmina scribentem: Quid (ait) tibi accidit, mi Periander, ut pro insigni medico, malus poeta vocari concupiscas? Notauit hominis stultitiam, ut qui se in ea re exercere cuperet, in qua nihil omnino valebat, nec natura, nec ingenio. Plur. in Lacon.

*Alcibiades.*

Zopyrus Physiognomon cum profiteretur se hominum mores naturalique ex corpore, oculis, vultuque cognoscere: conspectum Socratem, stupidum tardumque esse dixit: quod cum audisset Alcibiades, irridens hominem, ait, Scilicet, rem acu tetigisti. Bruson. lib. 1, cap. 10.

*Pyrrhus.*

Audiens quendam promittentem, se traditurum ei aciei instruendæ artificium, qui tamen in acie nunquam fuerat: dixit, non opus esse sibi imperatore, vel belli duce, cuius aures tubæ sonus nunquam circumierit. Stob. serm. 52.

*Hannibal.*

Quum ad Antiochum exul Ephesum venisset, ab hospitibus inuitatus est ad audiendum Phormionem Peripatericum: qui cum copiosius aliquot horas de imperatoris officio loquutus esset, atque de re etiam militari multa differuisset, delectati vehementer

qui audierant, ab Hannibale quæsierunt, Quidam de Phormione iudicare: ibi respondisse fertur, Multos se deliros senes sepe vidisse: sed qui magis quam Phormio deliraret, se vidisse neminem. Brus. l. 1, c. 10.

*Gallus.*

Gallus iurisperitus, si quis negotium ad ipsum detulisset, in quo de fauto quærebatur, dicere solebat: Nihil hoc ad ius, ad Ciceronem ito. Sensit Gallus, aliud esse officium iurisconsulti, aliud oratoris. Nec esse necesse, de his quæ ad alienam professionem pertinent, respondere. Tul. in Topicis ad Trebat.

*Apollodorus.*

Apollodorus insignis architectus, cum Romæ præclara aliquot ædificia erigeret, reprehensus ab Hadriano nondum imperatore, quasi nescio quæ in re peccasset, respondit: Abi potius, & cucurbitas pinge, nam tu quidem ædificandi artem planè ignoras. Dion. Nicæus, & Xiphilin in vita Hadriani. Vide iudicium de re aliena atque ignota.

## De aspectu incauto.

*Alexander.*

Darij filias dum haberet captiuas demissis oculis salutabar, idque raro: sibi metuens ab illarum insigni forma. Apud familiares autem dicere solebar, Dolores oculorum sunt Persicæ puellæ. Plur. in eius vita.

*Vide plura de Visu, infra.*

## De assentatione.

*Diogenes.*

\* In assentatione, inquit, veluti sepulchro quopiâ, solum amicitia nomen inscriptum est. Stob. ser. 14.

*Socrati.*

*Socrates.*

\* Lupi cum sunt canibus similes, assentatores amicis, diuersa tamen studia sequuntur. Stob. ibidem.

*Theophrastus.*

\* Assentationem rectè quis turpe colloquium, & obsequium quoddam assentatorum utilitati gratia institutum esse arbitretur. Stobæus ibidem.

*Vide apoph. de Adulatione.*

## De assiduitate.

*Menander.*

\* SI vel modicum modico coniunxeris, idque frequenter feceris, statim fiet hoc quoque magnum. Omnia enim assiduitate conficiuntur negotia. Stob. ser. 29.

*Democritus.*

\* Vt assiduitatem in opere persequendo commendaret, dicebat perpetuam cunctationem reddere actiones imperfectas: & laborem continuum consuetudine fieri seipso leuiorem. Stob. ibidem.

*Vide apoph. de Diligencia, Industria & Labore.*

## De assuetudine.

*Aniſſibenes.*

Rogatus, Quæ disciplina cum primis esset necessaria, respondit, Dediscere mali: Id enim non modo primum est, vt mala assuetudine nobis infixa abiciamus penitus, verum est longè etiam difficillimum. Laertius lib. 6. cap. 1.

*Anonymus.*

Puer quidam apud Platonem educatus, quum ad patrem ex interuallo redisset, eumque vidisset effusus ridentem admiratus dixit: Se tale nihil

vnquam apud Platonem vidisse. Tanta res est, inde à teneris virtuti assuescere. Eras. lib. 6. apoph.

*Polemon Sophista.*

Quum laboret morbo articulari, Pergami in templo obdormiit, cui apparuit Æsculapius iubens vt à frigido potu abstineret. ad quem Polemon: Præclarè, inquit, quid autem si bouem curares? subindicans, iam diu assuetum duris, frustra vocari ad delicias. Philostr. in Sophistis.

*Plato.*

Adolescens quod lusisset alea, grauiter increpuit. qui quum dixisset, Sic obiurgas ob rem paruam? At parum non est, inquit, assuescere. Laertius lib. 3.

*Herodes sophista.*

Quum subinde à Proteo Cynico conuiciis aspergeretur, Consenuimus, inquit, tu maledicendo, ego verò malè audiendo. Quo dicto ostendere voluit, immedicabile malum esse, cui ille tam diu assueuerat. Philostr. in Sophistis.

*Socrates.*

Socrates Alcibiadi admiranti, quod Xantippen supra modum rixosam domi ferret: Ego, inquit, etiam pridem his sic assueui, vt non magis offendar, quàm si rotæ, quæ aquam educit, stridorem audiam. Nam is stridor molestissimus est insuetis: eundem qui quotidie audit, adeo molestè non fert, vt se audire nesciat. Laer. in vita Socr.

## De Astrologia & Astro- nomia.

*Bion.*

Alebat, maximè ridiculos esse Astronomos, vt quum non videant pisces iuxta se nantes in littore, illos

qui in cælo sunt se videre dicant. Stob. serm. 78.

*Diogenes.*

Astrologus quidam in foro stellas in tabella quadam depictas cum demonstraret, atque diceret, En tibi hæc stellas errantes audiens hoc Diogenes, Ne mentiaris, inquit, bone vir: stellæ enim non errant, sed illi ostensis qui assidebant. Stob. serm. 78.

*Anonyma.*

Thaletem, dum cælum contemplantur, in fossam illapsum, ancilla eius, iurè id cum pati dixit, qui cum iuxta pedes posita ignoraret, cælestia intuebatur. Stob. ibidem.

*Ariston.*

Dicebat, eorum quæ philosophi scrutantur, alia ad nos pertinere, alia nihil, quædā supra nos esse. Sensit autem, disciplinam morum spectare ad nos, Sophisticam nihil ad nos pertinere: eo quod ad vitæ emendationem non tantum non proffit, sed rixas etiam & contentiones progeneret. Astronomiam autem, Astrologiam, & supra nos esse omnino. Stob. serm. 78.

*Pindarus.*

Naturæ speculationibus vacantes imperfectum sapientiæ fructum capere dicebat. Stob. ibid.

*Anaxagoras.*

Quum cælum intueretur, astrorumque mirabilem cursum admiraretur, cuidam sciscitanti, cur ita libenter ferret subdualia peruigilia? respondit, ut cæli aspectu fruar cursum & reclusum siderum in orbem redeuntes subindicans. Philo Iud. in libro, Quod mundus sit incorruptibilis.

*Phaenonius.*

\* Scito dilemmate astrologos iudicarios perstringere solitus est. Aut aduersa, inquit euentura dicunt, aut prospera. Si dicunt prospera, & fallunt, miser fies frustra expectando. Si aduersa

dicunt, & mentiuntur: miser fies frustra timendo. Si vera respondent, eaque sunt non prospera: iam inde ex animo miser fies, antequam è fato fias. Si felicia promittunt, eaque euentura sunt, tum planè duo erunt incommoda: & expectatio te spei suspensum fatigabit, & futurum gaudij fructum spei tibi iam deflorauerit. Nullo igitur pacto vtendum est istiusmodi hominibus res futuras præfagientibus. A. Gellius, lib. 14. cap. 1.

*Accius poeta.*

\* Nihil, inquit, credo auguribus, qui aures verbis diuitant alienas, suas ut auro locupletent domos. A. Gellius, ibidem.

*Anonymus.*

Inter nonnullos quæsitum est, quum in omne hominum genus Alphonius liberalem ac munificum sese ostendisset, cur solos astrologos præteriret? neque enim huius scientiæ præceptores, sicut aliarum disciplinarum magistri, in eius curia visi sunt. Vnus, qui magis scire videbatur, Sidera, inquit, stultos regunt, impelluntque, sapientes astris imperant. Stultos ergo principes honorare astrologos cōsequens est, non sapientes: inter quos nomen suū Alphonius obtinet. Æneas Sylvius li. 4. commentariorum de rebus gestis Alphonfi.

## De astutia.

*Lysander.*

Quum probro ei daretur, quod pleræque astutia, dolo simul ac fraude gereret, non palam virtute conficeret, hac parte Hercule generis auctore indignus: ridens dixit: Vbi quod vellet non assequeretur leonis exuium, ibi vulpinum applicandum esse, sentiens, quod honestis rationibus

has non posset effici, id fraude dolisque perficiendum. Plutarch. in Lacon. Brus. lib. 2. cap. 9.

*Cleomenes Anaxand. F.*

Septem dierum inducias cum hoste pactus, captata opportunitate, tertiam noctem dormientes inuadit, multos interficit, alios in seruitutem redigit. Obiurgatus verò, quod foederis fidem non seruasset: Ad iurandum ait, noctes non additas fuisse. Sed is tandem furiosus factus, ac talis se usque ad virilia membra lanauit, ridensque & lætabyndus animum exhalauit. Brus. lib. 3. cap. 20.

*Vide apoph. de ambiguis & argutis dictis.*

## De attentione.

*Cleanthes.*

**D**ifferens, adolescenti cuidam, quem videbat parum attentum, rogauit, Sentirétne? Illo affirmante, se sentire: Cur igitur ego, inquit, non sentio te sentire? Solent enim qui intelligunt, oculis ac gestu, interdum & verbis significare, se quæ dicuntur intelligere. Laert. lib. 7. cap. 2.

*Zeno Cissius.*

Iis quæ rectè dicerentur, negabat esse relinquendum locum, velut præclaris artificibus, ad spectandum. Contrà, auditores dicebat ad eò debere esse attentos ad ea quæ differuntur, vt non vacet dare signum approbationis. Dum enim applauditur & acclamatur, perit aliquis audiendi fructus. Laert. l. 7. c. 1.

*Aristoteles.*

Quendam vana loquacitate præter modum garrientem quum aliquandiu audiuiſſet, demum aliud cogitans, eodem transiit loco. Verum finita oratione, cum is qui peroraret, eum interrogasset, num hæc placuiſſent quæ dixisset? Hercule inquit, ti-

bi animum non intendi. Bruson. lib. 3. cap. 25.

*M. Antonius.*

Alexander sophista legatione fungens pro Seleucia apud M. Antonium, vidensque illum minus attentum, clariore voce dixit: Ausculta me, Cæsar, Antonius autem acerbitate confidentiæque vocis exasperatus: Ausculto, inquit, intelligoque te. Tu enim es ille qui colis comam, qui dentes candidas, qui polis ungues, qui semper oles vnguentum. Philost.

*Cicero.*

Quum orante M. Tullio, quidam creditus Afer genere, diceret, Non audio: hoc sermone negans se probare quod dicebatur: Atqui, inquit Cicero, aurem habes perforatam. Solebat enim ea gens habere perforatas aures, vt inde suspenderet annulos ac gemmas, quæ nunc collo digitisque gestamus. Plut. in Rom. apoph.

## De avaritia.

*Bion.*

**A**varitiam dicebat omnis improbitatis esse metropolim. Stobæus serm. 10.

*Idem.*

Diuites sordidos dicebat ita facultatum suarum curam habere, quasi essent propriæ: rursus, ex eisdem nihil capere vtilitatis, quasi essent alienæ. Laert. lib. 4. cap. 7.

*Idem.*

In diuitem quendam sordidum ita loquutus est: Hic facultates suas non possidet, sed ipsum possident facultates. Laert. l. 4. c. 7.

*Idem.*

Eos deridendos putabat, qui eius generis diuitiis præter modum studeant, quas fortuna largitur, illiberali-



tas seruat, benignitas aufert. Maxim. serm. 12.

*Chilon.*

Dicere solebat, hominum bonitatem ita auro probari, quemadmodum aurum Lydio lapido. Ostendens permultos, qui aliis vitiis diu resisterint, opum auiditate persæpe à virtute deduci. Et qui aduersus opes constans fuerit, cum de cæteris vitiis facilius victoriam reportaturum. Fulg. lib. 7. cap. 2.

*Aristides.*

Auarus quidam & prædiues quum paupertatem ei exprobraret: Mihi, inquit, paupertas nihil mali videndū præbebit, tibi autem diuitiæ par fas nefasque paratæ turbas non paucas. Maxim. serm. 12.

*Anacharsis.*

Quum rogasset quendam, quanta esset spissitudo nauium? respondit, Quatuor digitorum. Tantillum, ait Anacharsis, à morte sunt, qui auaritia & lucri cupiditate irritati, pernauigant maria, incerti de reditu. Laertius lib. 1. cap. 9.

*Aristippus.*

A Dionysio pecunia donatus, Plato libris atque ob id à quoquam reprehensus, quasi ad rem attentior esset quam Plato: Quid refert, inquit, mihi pecuniis erat opus, Platoni libris. sentiens, neutrum accusandum. Laert. 1. 2.

*Idem.*

Platoni obiurganti, quod multos pisces emisset, respondit, se illos emisse obolo, quumque Plato dixisset, Tanti & ipse empturus eram. Vides, inquit, igitur, ô Plato, me non esse obsoniorum auidum, sed te pecuniæ amantem. Laert. 1. 2. c. 8.

*Simonides.*

Simonides interrogatus, cur in extrema senectute avarus esset? Quoniam respondit, malim defunctus opes

inimicis relinquere, quam viuis amicis egere. Stob. serm. 10.

*Democritus.*

Dicebat, diuitiū multos esse procuratores, non autem pecuniarū dominos. Auarus enim non suas possidet diuitias, sed possidetur à diuitiis: quarum non tantum seruus, sed mancipiū meritò dici potest. Max. serm. 12.

*Idem.*

Vna (dicebat) cupiditas mortalium extimulat animos, ut opes assequantur. Atqui videmus, iisdem congestis, discruciari nihilominus cogitationes, Tum illis amissis, relinqui tristitiam, luctumque perpetuum. Stobæus.

*Idem.*

Cupiditas plurium, inquit, amittit præsentia, sicut æsopicus ille canis. Stob. serm. 10.

*Idem.*

Pecuniarum cupiditatem, nisi terminetur aliqua satietate, multò miseriores iudicabat extrema paupertate. Maiores enim cupiditates indigentias quoque maiores faciunt. Stob. serm. 10.

*Diogenes.*

Auaro obiurgabar, quod pecuniam verbis vituperarent, quum eam animo plurimi facerent. Est autè hoc auaris peculiare quod nulli magis detestantur auaritiam, quam ipsi. Laert. lib. 8.

*Idem.*

Interrogatus quid esset in vita optimum? Libertas, inquit. At verè liber non est qui seruit vitiis: nec liber esse potest qui multis eget: plurimis autem eget avarus, ambitiosus, ac delictis deditus. Laert. 1. 6.

*Idem.*

Dicere solebat, cupiditatē esse malorū omnium arcem ac *μακροπολις*: quod dictum est etiam à Bione & aliis. Ibid.

*Idem.*

Interrogatus, quænam essent feræ pessimæ? Respondit, in montibus viti &



*Idem.*

Nec à mortuo, inquit, petendam colloquium, nec ab avaro beneficium. Nam mortui aut non respondent, aut ledunt: ita avarus, aut non est quod rogetur, aut infeliciter cedit accipienti, quod datur animo inimico. *Erasm. lib. 8. apoph.*

*Plato.*

Ad quempiam accumulanda pecunia semper incumbentem, o improbe dixit, ne possessioni augenda studeas, sed minuenda cupiditati. *Stobaeus, serm. 10.*

*Idem.*

Dicere solebat, eos qui corpus carerent, non rem, quidem suam, sed se ipsos carere: qui autem pecunias, neque se ipsos, neque sua, sed quam languissimè à suis abesse. *Maxim. serm. 12.*

*Aristoteles.*

Dicebat quosdam homines adeo tenaces esse, quasi nunquam essent mortui: & alios etiam esse, qui ita sua profunderent bona, ac si ita morituri essent. *Laert. l. 9. c. 1.*

*Timon.*

Demosthenes cum animadverteret, avarum quendam ad sepulchrum efferrisse, inquit, cum vitam non vitam vixerit, aliis vitam reliquit. Bios autem Graecis & vitam & victum significat. *Maxim. serm. 12. Stobaeus.*

*Idem.*

Quibusdam arbitrantibus Demadem iam desuisse malum esse: at erim, inquit Demosthenes, saturum videtis, veluti leones. Erat pecuniarum avidus Demades, leones autem initiores sunt saturi. *Erasm. lib. 4. apoph.*

*Idem.*

Timon ille cognomento Misanthropos, id est, hominum exosor, elementa malorum esse dixit Avaritiam & Ambitionem: quemadmodum enim ex primis illis & secundis princi-

plis generantur unda talia quaevis, & ex avaritia & ambitione omnia vitia progenerantur. *Erasm. lib. 6. apoph.*

*Hadrianus Sophista.*

Hadrianus sophista miserat quidam pisces in disco argenteo: at ille dolus, & scelus, non remissus, tantum circumferat, respondit, Bene facit, quod etiam piscis: quasi dicitur esse donum missus, piscis autem non quiritur gratia additi. Quidam autem dixerunt ioco factum, ut ostendat discipuli vitium, qui sordidior esse dicebatur: nam eo admonito, discunt reddidit. Quum esset apud Coloniam Agrippinae, senatus honoraria gratia missum in eam hauris testaceis, nec eos recipere nos est. Id admiratus, rogavi causam. Respondum est, olim vinum solere mitti cantharis argenteis: hoc honoris quum esset habitum cuidam ex eorum numero, qui magnam nobilitatis parvam existimant: septem tunc, postmodum octo profectus est cum argenteis cantharis. Re ea temptata, missa ad illum senatus, qui cantharos non posset. *Anille. Vltro, inquit, dono dedistis, & ego gratias egi. Hoc casu admoniti, mutarunt consuetudinem.* Verba sunt *Erasm. in apoph.*

*Cleomenes Anaxand.*

Dicente quodam illi, delicatus es. At melius est, inquit, quam inebriatum esse. Tu vero pecuniam sortitus multam, non dum contentus es: sed subinde cogitas, qua ratione cumulas iicias. *Brul. l. 1. c. 1.*

*Lycurgus.*

Quicquid erat rerum superuacuarum, è civitate eiiciendum curavit: aded ut nec negotiator, nec sophista, nec vates, nec circulator, nec laticiarum artifex Spartam ingrederetur. Neque enim passus est illis esse pecuniam talibus vilem, tantum ferream moneram.

monetam eudie, quæ pondere Ægine-  
ticam: quæbat minam, valore æreos  
quæuor. His remediis expugnauit  
auaritiā. Plut. in Lacon.

*Demonax.*

Quosdam esse dicebat, qui non in  
hæc præsepi vita uiuerent, sed magno  
studio se præpararent, quasi alteram  
vitam sint acturi, non hanc presentem.  
Notauit autem insatiabile eorum ho-  
minum auaritiā, quibus nihil suffi-  
cis: quasi post mortem etiam vsui sint  
nobis per fraudem comparatæ diuitiæ.  
Max. sermo.

*Lacedæmonij.*

Quum pecuniæ essent in Lacedæ-  
moniorum regionem conuectæ, qui  
eas importarant, morte dampnati sunt.  
Siquidem Alcameni ac Theopompo  
regibus hoc oraculum erat redditum.  
Pecuniarum amor. Spartam perdet.  
Nihilō secius tamen Lysander, deu-  
is Atheniensibus, magnam auri ar-  
gentique vim inuexit: nec solum pec-  
unias receperunt, verum etiam ipsi  
viro honos est habitus. Proinde Spar-  
ta, donec Lycurgi legibus vteretur,  
nec à iurēiurando recederet, sexcentis  
annis in Græcia primas tenuit & le-  
gum æquitate, & gloria. Cæterum quū  
ab his paulatim defluerent, incundaret-  
que obiter diuitiarum amor, & auari-  
tiæ malum, non solum ob hæc decre-  
uit illorum potentia, verum etiam qui-  
bus antea sociis & amicis in bello fue-  
rant vsi eos inimicos habere cœpe-  
runt. Porro quum ita se gererent, ta-  
men post Philippi Macedonis in Che-  
ronea victoria quanquam Græci cæ-  
teri omnes illum imperatorem terra  
pariter ac mari declarassent, ac post  
hunc Alexandrum filium euerfis The-  
banis, soli Lacedæmonij, tametsi ciui-  
tatem haberent nullis cinctam muris,  
assensque non modò per pauci propter  
aliqua bella, sed multo quàm antea

imbecilliores, capti faciles essent fa-  
cti, quoniam adhuc seruabant admo-  
dum exiguas quasdam Lycurgicarum  
legum scintillas: non se præbuerunt  
belli socios, neque cæteris Græcis, ne-  
que post Macedonicis regibus, neque  
in commune cum illis concilium ve-  
nerunt, neque tributum pendere co-  
acti sunt: donec per omnia contemp-  
tis Lycurgi legibus, à propriis ciuibz  
tyrannide oppressi sunt, ita vt nihil  
iam reliquum esset patriæ institutio-  
nis: sed reliquorum similes effecti, &  
gloria, & libertate, quàm prius obti-  
nuerat, exuti sunt, & in seruitutem tra-  
ducti, ac nunc, quemadmodum cæteri,  
sub Romanorum viuunt imperio. Gra-  
ue documentum vniuersis, imperia  
virtute parari, auaritia, luxu, delictisq;  
vel perire, vel verti in tyrannidem.  
Plut. in Lacon.

*Vxor Pythij.*

Pythius, natione Lydus, in vrbe  
Phrygiæ Calenis (nam ibi regnabat,  
homo prædiues, sed auri studio præter  
modum deditus) coram ferè ciuitatem  
in fodiendis metallis occupatam te-  
nebat, vt iam vix quicquam aliud ibi  
ageretur. Huius morbo vxor solerti re-  
medio medicata est. Absente enim  
marito curat & mensam & omnem  
mensæ suppellectilem adfabrè ex auro  
conficere denique & cibariis effigies,  
quibus nouerat maritum præcipuè  
delectari. Reuerso, cum conuiuij tem-  
pus esset, apponitur mensa aurea, cum  
reliquo vasorum apparatu. Atque hoc  
sanè spectaculo diues aliquandiu pa-  
uit oculos, tandem quum interpella-  
ret stomachus, iubet apponi cibos. Ap-  
ponuntur illi aurea ciborū simulachra  
spectanda, non edenda. Hic cum in-  
candesceret ira Pythius, flagitans ap-  
poni quod edi posset, iam dudum spe-  
taculorum esse satis: Tum vxor, An-  
non sentis (inquit) Pythi, dum nihil  
aliud



aliud quæris quam aurum, agricultura-  
tionem deferri, & ciues tuos ad famem  
vocari, breui perituros si quæ cœpisti  
pergas? Hoc ciuili commento corda-  
ta mulier maritum ab immodico auri  
studio reuocauit. Eraslib.8. apoph.ex  
Plutarch.

*Hieron.*

Viruperatus, quod cum multos rhe-  
toricari docuisset, ipse egeret: Atqui,  
inquit, non docui eos ditescere, neque  
studere pecuniæ. Max. serm. 12.

*Aspasia.*

Aspasia Xenophontis vxor cum ef-  
set (vt muliebre ingenium est) rerum  
alienarum appetens, atque inuida, in-  
terrogata, Si vicina tua melius quam  
tu aurum habeat, vtrumne illius an  
tuum malis? Illius, inquit. Quid si ve-  
stes, cœterarumque ornatum muliebrem  
pretij maioris habeat, quam tu, tuum-  
ne an illius malis? Respondit, Illius,  
Agessis, si maiorem quam tu habeat vi-  
rum, vtrumne tuum malis, an illius?  
Erubuit mulier. Bruson. lib. 1. cap. 1.

*Semiramis.*

Monumento quod sibi pararat in-  
scripsit, Quisquis rex pecuniis egerit,  
aperto monumento quantum volue-  
rit, capiat. Darius potius ea ciuitate,  
titulo credens, saxum ingens quo clau-  
debatur, monumentum vix amolitus,  
nihil quidem inuenit pecuniarum, sed  
ex altero saxi latere hoc inscriptum  
reperit: Ni vir malus esses, & pecunia  
inexplebilis, haudquaquam mortuo-  
rum loculos moueres. Plut. in apoph.  
Stob. serm. 8.

*Amigonius.*

In extorquendis pecuniis acer erat ac  
rigidus. Cuidā itaq; dicenti, At non ta-  
lis fuit Alexander: Merito, inquit, nam  
ille metebat Asiam, ego culmos lego.  
Sentiens, opulentissimam Asiam prius  
ab illo spoliata, sibi à spoliatis corra-  
dendum quod posset. Plut. in apoph.

*C. Fabricius.*

P. Cornelium, hominem (vt putaba-  
tur) auarum & furacem, sed egregiè  
fortem ac bonum imperatorem, sua  
suffragio fecerat consulem. Huic quæ  
Cornelius ex more gratias ageret,  
quod immemor simultatis, ipsum fecis-  
set consulem, bello præsertim magna  
& graui: Nihil est, inquit, quod mihi  
gratias agas, si malui compilari quam  
venire. Compilamur furto, venimus  
bello capti. Proinde inimico fauit, cu-  
ius dexteritate sperabat fore, ne Ro-  
mani venirent in manus hostium. E-  
rasm. lib. 6. apoph.

*Scenola.*

Septimelio Anagnino (quem Plu-  
tarchus & Plinius Septimuleium vo-  
cant) cui pro C. Gracchi capite erat  
aurum repensum, roganti, vt se in Asi-  
am præfectum duceret: Quid tibi vi-  
detur, inquit, insane? tanta malorum est multi-  
tudo ciuium, vt tibi hoc confirmem, si  
Romæ manseris, te paucis annis ad  
maximas pecunias esse venturum. Ci-  
cero lib. 2. de Oratore.

*Deiotarus.*

M. Crassus ad Parthicum bellū pro-  
ficiscens, quum in itinere Deiotarum  
Galatarum regem, extremo iam senio  
confectum, nouam urbem ædifican-  
tem offendisset: O rex, inquit, quidnam  
negotij hoc est? Quid, quum iam duo-  
decima diei hora tibi adsit, nouam ur-  
bem condere incipis? Ad hæc subri-  
dens Deiotarus, Crassique auariti-  
am subcarpens, Tu verò, inquit, impe-  
rator, quum sis, haudquaquam (vt  
videre videor) maturinus (erat enim  
sexagenarius) in Parthos cum exer-  
citu festinas, prædam amplissimam  
rapturus. Bruson. l. 1. c. 1. ex Plut.

*Cicero.*

Quum apud Damasippum cenares,  
& ille mediocri vino apposito diceret,  
Bibe Falernum hoc annorum quadra-  
ginta:

ginta: subtrahens Cicero hominis avaritiam, Benevolentiam fert, mi Damasppe, ait: Veniamque dedit vino, unde gloriam Damasppe aucupabatur. Brufon. lib. 1.

*Idem.*

Crasso dicente, Stoicorum esse dogma virum bonum esse divitem. Vide, inquit Cicero, ne magis hoc sentiant, sapientis esse omnia: recte norans Crassi avaritiam, cui nihil esset satis. Eras. 4. apoph.

*Idem.*

\* Ut quidam morbo aliquo & sensu stupore suavitatem tibi non sentiunt: sic avari & facinorosi verè laudis gustum (inquit) minimè sentiunt. Philip. 2.

*Iugurtha.*

Iugurtha cum pecunia Romanos exagitasset, iussuque tandem esset à senatu paucis diebus Italia decedere: Postquam Roma egressus est fertur saepe tacitus respexisse, & postremò dixisse, O urbem venalem, & mox perituram, si emptorem inuenerit, Quod paulo post evenit. Romani quippe, antea cum iniuncti essent, sola avaritia victi sunt, & antiquum nominis decus planè amiserunt. Brufonius lib. 1. ca. 1. ex Salustio.

*Nero.*

\* Nunquam cuiquam munus publicum delegavit, quin hæc adiiceret: scis quibus mihi est opus: & hoc agamus, ne quis quid habeat. Vox prædone quæ principe dignior. Sueton. & Dion.

*Seneca.*

\* Nulla avaritia, inquit, sine poena est, quamvis satis sit ipsa poenarum. O quantum lacrymarum, & quantum laborum exigit! quàm misera desideratis, quàm misera partis est? Adice quotidianas sollicitudines, quæ pro modo habendi quemque discruciant. Maiore tormento pecunia possidetur, quàm quæritur. Epist. 115. ad Lucillum.

*Idem.*

\* Multò concitior est avaritia in magnarum opum congesta collocata: ut flammæ infinitò acrior vis est, quæ ex maiore incendio emicuit. lib. 3. de Benef. cap. 27.

*Idem.*

\* Irrupit in res opumè positas avaritia: & dum seducere aliquid cupit, atque in suum vertere, omnia fecit aliena, & in angustum ex immenso redacta paupertatem intulit, ut multa concupiscondo omnia amisit. Epist. 90. ad Lucillum.

*Idem.*

\* Aurum & argentum, & propter ista nunquam pacem agens ferrum, quasi malè nobis committerentur natura abscondit. Nos in lucem propter quæ pugnaremus, extulimus. Nos & causas periculorum nostrorum & instrumenta, dissecto terrarum pondere eruiimus. Nos fortunæ mala nostra tradidimus: nec erubescimus summa apud nos haberi, quæ fuerant ima terrarum. Vis scire quàm fallus oculos tuos decipit fulgor? Nihil est istis, quæ diu mersa & inuoluta ceno suo iacent, foedius, nihil obscurius, quid ni, quando pro longissimorum cuniculorum tenebras extrahuntur. Nihil est illis dum sunt, & à fece sua separantur, informius. Denique ipsos opifices intueri, per quorum manus sterile terræ genus & informe perpurgatur: videbis quanta fulgine oblinantur. Atqui ista magis inquinant animos quàm corpora: & in possessore eorum quàm in artifice plus est sordium. Epist. 94. ad Lucillum.

*Idem.*

\* Desunt inopiz multa, avaritiæ omnia. In nullum avarus bonus est, in se pessimus. Epist. 108. ad Lucil.

*Idem.*

\* Quæ tanta necessitas hominè ad sidera

ludera erectum incurrauit, & defodit, & in fundum telluris intima merfit, vt erueret aurum, non minore periculo possidendum quàm querendum? Natural. quæst. lib. 5. cap. 15.

*Vespasianus.*

Instituerat vestigal è lotio. Super hoc à filio monitus dissimulauit, donec prima pensio esset soluta. Eam pecuniam admouit ad filij nares, sciscitans, num odore offenderetur? Negante illo. Atqui hæc, inquit, è lotio est. Sueton. & Bruson. lib. cap. 1.

*Idem.*

Legatis nunciantibus, decretam illi publicè non mediocris summæ statutam, iussit vt eam continuò ponerent, & cauam ostendens manum. Ecce (inquit) parata basis. Significans, vt eam pecuniam, quam in statutam decreuissent impendere mortuo, viuò darent in manum. Sueton. in Vespasian.

*Idem.*

In itinere quodam mulio defiliit, quasi calceaturus mulas: sed re vera, vt a defudi litigatori spatium moramque præberet. At Cæsar dolum suspicatus, interrogauit mulionem, quanti calceasset? pactusque est lucri partem. Hoc si fecit vt suos corrigeret, ciuilitas fuit: fin vt eo emolumento fieret ditior, sordidum erat. Sueton. in Vespas.

*Idem.*

Quidam è charis ipsius ministris apud ipsum pro quodam, quem fratrem suum esse simulabat, intercedebat, vt illi procuratio committeretur. Id sentiens Cæsar candidatum solum ad se vocauit, exegitque pecuniam quam ille suffragatori suo pepigerat: ea accepta, mox ordinauit. Huius rei ignarus minister, rursus interpellauit pro fratre, cui Vespasianus: Alium, inquit, tibi fratrem quære. hic quem tuum putas, meus est. Suetonius in Vespasian.

*Anonymous.*

Rusticus quidam, quoniam, gratuitam libertatem suppliciter petens à Cæsare Vespasiano, repulsus est, non est veritus clarè dicere: Vulpes pilos mutat, non mores, exprobrans illi naturæ rapacitatem: quasi mercede data concessus fuisset, quod gratuitè negabat. Suetonius & Brusonius lib. 1. cap. 1.

*Caligula.*

In auctione Apronius quidam, in prætorius dormitans capitis notu nutabat. Id animaduertens Caligula, præconem admonuit, ne illum sibi tantem præteriret: nec hoc monere desit, donec ignoranti tredecim gladiatores festertium nonagies addicerentur. Eras. lib. 6. apoph.

*I. Bassus.*

Quærente Domitia Passiani, quod taxans eius sordes, calceos eam veteres diceret vendere consueuisse: Non, me hercule, inquit, hoc vnquam dixi, sed dixi emere te solere. Bruson. lib. cap. 1.

*Alexander Severus.*

Vetronium Thurinum, familiarem, quod his, qui petebant aliquid à Cæsare, vendidisset suum patrociniū, mentiens interim multa, conuincendum curauit, & cōuictum damnatumque ad stipitem alligari iussit, supposito igne ex humida materia, præconem clamante: Fumo punitur, qui fumos vendidit. Elius Lamprid.

*D. Hieronymus.*

Et dicere & scribere solebar, avaro tam illa quæ habet, quàm quæ non habet deesse. Ostendens, hominem auarum semper esse egenum, etiam amplissimas diuitias possideat. Fulgos. lib. 7. cap. 1.

*Alphonsus rex.*

Dicere solebat, ab diis olim, Ioue, Neptuno, Plutone, omnia trifariam partita

partita fuisse, & sua quæque sorte par-  
teq; contentum agere. At hominibus  
hodie, neque quod satis, neque quod  
minus esset, satis esse. Notat, avaritiæ  
& habendi desiderium omnibus inna-  
tum; quæ pauci enim sunt, qui sua  
sorte contenti vivere cupiant. Panor.  
lib. 4. de Alphon. reb. gest.

*Idem.*

Quum audiret, Harpyias rapacissi-  
mas aves (quas Vergilius in *Æneide*  
elegantè describit) nescio quas inha-  
bitare insulas: ad suos conuersus, ait,  
Ex his insulis in curiam Romanam  
commigrasse Harpyias compertum est,  
ibique iam domicilium constituisse.  
Notauit autem tacite Romanæ curiæ  
ingluuiem, avaritiæ, & detestandam  
rapacitatem. Panormit. lib. 1. de rebus  
gestis Alphonfi, cap. 8.

## De audacia.

*Chilo.*

**D**icere solebat, Non esse tentanda  
quæ fieri non possunt. Quædam  
honestæ sunt ac magnificæ: sed mag-  
no reipublicæ malo tentantur: si ne-  
queas perficere. Atque hæc est præ-  
cipua pars boni consulti, dispice-  
re non solum quid per se optimum sit,  
sed quid pro temporum ratione possit  
obtineri.

*Isocrates.*

Inter amicos dicere solitus est, se  
quidem docere decem minis: cæte-  
rum qui ipsum docuisset audaciæ,  
mercedis loco daturum decem milia.  
Nam animi timiditas reddebat Iso-  
cratem ad dicendum inutilem. Eras-  
m. Rot. lib. 8. apoph.

*Epaminondas.*

Imminente aduersus Lacedæmo-  
nios pugna, cum sella in qua sedebat  
succubisset, videretque milites hoc

prodigio exturbatos: Imò, inquit, se-  
dere prohibemur, militumq; animos  
restituit. Plutarch.

*Leonidas.*

Obiurgatus à quodam, quod paucis  
militibus stipatus, cum multis pugna-  
re tentaret: audacter respondit, si ex  
multis constat victoria non tota suffi-  
ceret Græcia: si in audacia horum,  
numerus sufficit. Plur. in Lacon.

*Archidamus.*

Conspiciens filium suum cum Atheni-  
ensibus iuueniliter ac temerè con-  
gredientem: Aur viribus, inquit, adde,  
aut animis adime, docens, periculo-  
sam esse audaciæ, si vires non suppe-  
rant spiritibus. Plur. in Lacon. Stobæus  
serm. 71. Bruns. lib. 2. cap. 43.

*Agis Archidami F.*

Audiens quosdam abhorrere ab ho-  
stium multitudine, ait, non percon-  
tandum esse quot sint hostes, sed ubi  
sint, ut audacter aggrediantur. Plutar-  
ch. in Lacon.

*Idem.*

Quum apud Mantinensem pugnare  
cum hostibus numero longè superio-  
ribus prohiberetur: Fortiter pugnan-  
dum est, inquit: cum multis enim pu-  
gnare necesse est, qui mulatorum do-  
minus esse cupit. Bruns. lib. 7. cap. 2.

*Idem.*

Interrogatus quot haberet milites:  
Quot sufficiunt, inquit, ad fugandos  
hostes. Plur. in Lacon.

*Agefilæus.*

Ad Macedonum regem nuntios mi-  
sit Agefilæus rex, rogans, utrum per  
hostium solum irent, an amicorum?  
Cum ille respondisset, se consultatu-  
rum: Fiat, inquit, igitur consultatio:  
nos tamen interim iter faciemus. Rex  
admiratus hominis audaciæ, sibi quæ  
metuens, satius esse censuit, illum ut  
amicum suscipere. Plutarch. in Lacon.  
apoph.

*Idem.*



*Idem.*

Admonitus à suis, ne cum Thebanis, qui numero præstabant, manus confereret: respondit. Qui multis vult imperare, non debet multorum timere congressum. Plut.

*Pedareus.*

Quum à quopiam audiret, magnum hostium esse exercitum, audacissimè respondit: Eo maior erit & gloriosior nostra victoria. Plut. in Lacon.

*Cleomenes.*

Pirata quidam populabundus discurrerat per agros Lacedæmoniorum. Is ut captus est, rogatus cur id ausus esset? Quoniam inquit, deerat mihi commectus, quem militibus præberem, ad eos veni, qui & habebant, nec sponte dabant, vi crepturus. Ad id Cleomenes: Compendiosa, inquit, malitia. Dereatus prædonis nefarium scelus, probavit tamen orationis expeditam breuitatem. Plut. in Lacon. apoph.

*Epaminondas.*

Alexander Phæzus, hostis Thebanorum, Atheniensibus à quibus in amicitiam societatemque ascitus fuerat, polliceri se quum dixisset eis carnes, quæ mina prius vendebantur, semibolo præbiturum audiente Epaminonda: At nos, inquit, Thebanis liberaliores erimus, quippe qui ligna ad hæc carnes coquendas gratis exhibebimus, eorum enim agrum excindemus. Brut. lib. 1. cap. 6. ex Plut.

*Xenocrates.*

Lycurgus Rhetor fortè fortunæ obuiam factus Xenocrati, qui à Telone obtorto collo in carcerem ducebatur, occurrès fustem impegit in caput Telonæ, Xenocratemque liberauit, & Telonem in carcerem coniecit. Quod Lycurgi factum cum ab omnibus probaretur, Xenocrates post aliquot dies obuiam factus Lycurgi filio: Reuli,

inquit, gratiam patri tuo, qui ob tam audax facinus meritò ab omnibus laudatur. Eras.

*Arasus.*

Laudante quopiam virum desperatum & audacem, ac idcirco in bellis eximium: Differre dixit magni facere virtutem, & vitam nihili facere. Stob. serm. 51.

*Alexander.*

Audiens Darium, inuicissimum Persarum regem, multas parare militum myriades: respondit, Unus lupus non multas timet oues. Antonius in Melissa serm. 37. par. 1. & Maximus serm. 71.

*Diphilus tragicus.*

Quum in ludis Apollinaribus ad eum versiculum venisset, Miseria nostra magnus est, directis in Pompeium Magnum manibus, pronuntiauit. Actio in tantum placuit populo, ut aliquoties fuerit reuocatus: nec histrio veritus est iterare simili gestu. Dubites, utrum potius mirari conueniat actoris audaciam, an populi. Simili audacia usus est in eadem fabula, quum ventum esset ad eum versiculum: Virtutem istam veniet tempus quo grauitè gemas. Tamen mihi videtur carmen esse mutilum. Suspitor addendum, Serua virtutem istam, aut aliud simile verbum, ut sit versus Trochaicus. Eras. Rot. libr. 3. apoph.

*Julius Cæsar.*

Facinora, quæ & periculo obnoxia sunt, & magna, gerenda esse dicebat de his non cōsultandum, quod adhuc perficienda plurimū habeat momenti celeritas: expensio verò periculi reuocat hominum audaciam. Plut.

Huc refer ea quæ sunt infra sub titulo Temeritatis. Videtur enim temeritas non minimam cum audacia habere affinitatem & cognationem.

## De auditu, & auditoribus.

*Thales.*

**A** B amico quodam rogatus, quantum veritas distaret à mendacio? Quantum, inquit, oculi distant ab auribus. Sensit vir sapientissimus, non ea certa esse illico, quæ auribus percipimus ab aliis, qui mendaciter de rebus pugnantur: sed ea demum, quæ coram oculis cernimus. Max. serm. 35.

*Xenocrates.*

Dicebat, pueris potius aures esse muniendas follibus quam athletis: quod plus sit periculi, ne puerorum aures occupentur prauis sermonibus, quam ne athletarum aures pateant adictus. Maxima, inquit Satyricus, debetur puero reuerentia. Laert. lib. 4. cap. 2. Plur.

*Stratocles.*

Quum audiuisset parram esse ab hostibus victoriam, rem protinus populo patefecit, & vt publica supplicatio in laudem deorum institueretur persuasit. Verum quum paulo post ex alio nuntio intellexisset, suos non victores, sed fugatos fuisse: vana spe lusus, Ecquis (inquit) vestrum quicquam damni accepit, quod torum hoc triduum mea opera hilares lætisque fuistis? Erasmi. lib. 6. apoph. ex Plur.

*Pindarus.*

Apud Thebanos, in contentione imperitis auditoribus vsus, superatus est à Cotinna quinquies. Redarguens verò ruditatem ipsorum Pindarus, vocauit Catinnam. Ælianus libr. 13. de Varia historia.

*Straton.*

Cum Stratoni physico quidam obiecerit, quod Menedemus plures haberet auditores: Quid mirum, in-

quit, si plures reperiuntur qui lauari cupiunt, quam vngi? Nil autem aliud his verbis indicare voluit, quam Menedemi philosophiam esse dilutam: & quam plurimos inueniri, qui audiam quidem de rebus disputantes, sed paucos qui virtutem excernerent. Eras. Rot. lib. 7. apoph.

*Vide apoph. de Attentione.*

## De auguriis.

*Misonianus.*

**Q**Uum expectantem & stantem æqui tum turmam inspiceret, in qua ipse cum Romanis, militibus erat & morè causam intelligeret esse, quod augur prius inspicere vellet quid augurij capiendum esset ab aue, quam fortè in via offenderat? Misonianus aliud à se agi fingens, arcum tetendit, primaque sagitta confossam auem in terram deiecit. atq; ridens ad comites conuersus dixit, Parum consilij atque opis ab irrationalibus animatis posse quenquā sperare. posteaquam pateat, ea nescire, quæ ad se ipsa pertineant. Ere & verbo auguria vana esse, stulteq; eis credi, ostendens. Fulgos. lib. 7. cap. 2.

*Augustus Cæsar.*

Quum sublimis ex Actiaca victoria reuerteretur, occurrit inter gratulantes quidam coruum tenens, doctum hæc verba sonare, Aue Cæsar victor. Hac salutatione delectatus Augustus, auem sex millibus nummum emit. Socius opificis, ad quem nihil ex ea liberalitate peruenerat, indicauit Cæsari eundem & alium habere coruum, quem vt auferre cogeretur, rogauit allatus, verba quæ didicerat expressit, Aue victor imperator Antoni. Augustus nihil exasperatus, tantum iussit, vt munus cum delatore partiretur. Brul. li. 2. cap. 3. Macro. lib. 2. cap. 4. Saturn.

*Idem.*

*Idem.*

Salutatus similiter à pſitraco, & hunc emi iuſſit. Idem miratus in pica, & hanc mercatus eſt. Hoc exemplum tenuem quendam ſurorem ſolicitaui, vt coruum inſtitueret ad huiusmodi ſalutationem. Qui quum impendio exhauriretur, ſubinde ad auem non reſpondentem dicere ſolebat, Opera & impenſa periit. Tandem peruicax aſſiduitate, vt coruus ſonaret dictatam ſalutationem. Eâ quum Auguſtum prætereuntem ſalutaſſet, Cæſar: Satis, inquit, iſtiusmodi ſalutatorum habeo domi. Tum coruus, memor & illorum verborum quæ toties audierat, ſubtexuit, Opera & impenſa periit. Ad hoc aridens Auguſtus, iuſſit emi, quâti nullam adhuc emerat. Macrobius lib. 2. cap. 4. Saturn.

### De aulica vita.

*Diogenes.*

**C**Alliſthenem quum quiſpiam audiente Diogene Cynico beatam dixiſſet, quodd Alexandri aulicus eſſet: At, inquit, Diogenes, infelix eſt, qui cum prændet ac cœnat, cum Alexandro videtur. Bruſi lib. 1. cap. 5.

*Dionyſius.*

Quum Polyxenus dialecticus Dionyſio diceret, Ego te conuincō: Nimirum verbis, inquit: at ego te reipſa conuincō, qui tuis relictis, me meâque colas. Significans, illum à ſchola ad aulam, à philoſophis ad tyrannum tranſiſſe: non facturum, mihi hanc vitam illa iudicaſſet beatiorem. Plutarchus in apophth.

*Omilius.*

Indicabat ad regni adminiſtrationem potius admittendum eum qui per ſe malos bonos haberet aulicos amicos: quàm bonum principem ma-

los aulicos habentem. Putans facilius vnum malum à multis bonis, quàm malos innumeros ab vnicō bono; malitia ac erroribus pernicioſis auerti poſſe. Fulgoſus lib. 7. cap. 2.

*Agrippa.*

Agrippa rerum geſtarum gloria ſub Octauiano Auguſto in primis clarus, ſæpe cohortabatur eos qui ſalutis & incolumis eſſe vellent darent operam vt principes liberarentur omniū rerum difficultate & moleſtia: ſed tamen eis rerum geſtarum gloriam reſeruarent, nequaquam ſibi. Xiphilius, Dionis abbreviator, in Auguſto.

*Conſtantiuus Imperator.*

Conſtantiuus Romanorum imperator cum principum aulas ubique ſpectandum atque aulicorum improbitatem reſertas videret, eorum non tantum vehemens domitor fuit, ſed tineaſ etiam atque ſorices Palatii appellare ſolitus eſt. Nicephori interpres & ſcholiaſtes. l. 8. c. 14. Eccleſiaſtiſtor.

*Alexander Seuerus.*

Alexander Seuerus negabat ſe poſſurum, vt ipſius diſpoſitiones ab aulicis ſuis venderentur: id quod fieri ſolet ab aliorum principum libertis & enunchis. Eoque nunquam illum ſellit quod propoſuerat. Aelius Lampridius in Al. Severo.

*Idem.*

Idem, & urbem, & prouincias, & aulam ſuam purgauit hominibus non neceſſariis dicens: Malum pupillum eſt imperatorem, qui ex viſceribus prouincialium homines non neceſſarios, nec Reipubl. viles aleret. Ibidem.

*Anonymus.*

Aulicus quidam iniuriarum Palatii patientiſſimus, cum à quodam rogaretur, quomodo rariſſimam rem in aula conſequutus eſſet? Inſiſtas, inquit, accipiendo, & gratias agendo. Bruſon. lib. 1. cap. 5.

*Sigifmundus*

*Sigismund Imp.*

Reges ac principes in terris beatos esse aiebat, si exclusis superbis mansuetudinis humanitatisque cultores in curiam asciscerent. Æneas Syluius lib. 3. commentariorum de rebus gestis Alphonfi.

*Syluester episcop.*

Aulicos qui otij gratia curiam sequerentur, semper in negotio futuros aiebat, nisi se tandē vel cum periculo capitis inde admoerent. Innuit autem, quā difficulter ab aula diuelli possint qui nihil aliud quā otium & luxum sectantur. Æneas Syluius lib. eodem.

*Alphonfus rex.*

Quum ex Sicilia nauigaret, vidit garrias aues tiremen circunuolantes & bolos à nauigantibus proiectos statim abripientes ac auolantes. Has cum amicis secum nauigantibus digito ostendisset: Per similes sunt his garriis inquit, aulici aliquot mei, qui simul ac concertantes beneficium à me accipiunt, statim aufugiunt. Notauit autem aulicorū ferē omnium mores, qui sidos se seruos principibus præstant, dū prædam, luxum, munera, &c. hiātes expectant: & voti compotes facti à principum cōspectu ad priuatos fugiunt. Panor. l. 1. de reb. ab Alphō. gest.

*Æneas Syluius.*

Eos sibi aulicos plurimū sapere videri dicere solebat, qui accepto aliquo beneficio, vel mediocri, curiæ valedicerent. Ostendūt enim animum suum expletum esse & periculo se subtrahūt, in quod curiales frequenter incidunt: qui veluti sues, ubi saginati sunt, in cœnam domini mactantur. Ceterū qui opes adepti magnas, apud reges persequerant, non quidem id agunt vt gratias referant, sed vt multo ditiores principum liberalitate ac munificentia reddantur. Æneas Syluius lib. 3. comment. de reb. gestis Alphonfi.

## De authoritate.

*Pericles.*

**A** Populo frequenter vocatus, *αὐτοκρατὴς εἶμι*, inquit, sentiens, se non esse cogendum in ordinem, nec pro quolibet ē media plebe habēdum. Plut. in Græc. apoph.

*Idem.*

\* Quum in comitiis accusaretur ob res malē gestas, grauiter respondit, scilicet, mihi quidem vos irascimini, ei viro qui nemini vestrū cedo vel peritia rerum, vel elocutione intellectarum, vel amore patriæ, vel pecuniæ despicientia. Non crimen modō arrogantiz, vanitatis, ambitionis effugit tunc, magnificē de se loquendo: sed & altitudinem animi, & virtutis declarauit magnitudinem, eo ipso inuidiam opprimentis, quod deiici se & frangi non est passa. Plut. lib. Qua ratione quis citra inuidiam seipsum laudare possit.

*Epaminondas.*

\* Pelopidam à principibus Reipublicæ accusatum, quod exacto Bœotarchiæ tempore non statim domum rediisset, sed bellum feliciter continuasset, submittentem se & deprecantem Thebani ægrē absoluerunt. At contrā Epaminondam, qui eius tum fuerat collega, multa de rebus suis gestis magnificē prædicantem ac dicentem, Paratus sum mori, si fateri velitis, o ciues, me vobis inuitis Laconiā vastasse, Messenem instaurasse, & Arcades in vnum corpus cōduxisse: non sustinuerunt iidē ire in suffragia, sed admiratione viri gaudio simul risūque oborto discesserunt. Plut. eodem lib.

*Scipio Afric.*

\* Romani ægrē tulerunt Ciceronē crebro res suas contra Catilinam ge-



istas prædicantem : iidem tamen Scipionem dicentem, Non debetis vos sententiam de Scipione ferre, qui vobis potestatem decernendi de omnibus hominibus parauit, coronati in Capitolium deduxerunt, sacrificioque eius interfuerunt. Plutarch.

*Lycurgus Atheniensis.*

\* Quum ei publicè exprobraretur, quoddam argento dato calumniatorem placasset, & qualis tandem, inquit, vobis videor ciuis, qui apud vos tanto tempore rem gerens publicam, dare potius quàm accipere iniuste deprehensus sim? Plut.

*M. Scaurus.*

Pro rostris accusatus, quoddam rege Mithridate ad prodendam Rempublicam pecuniam accepisset, ita causam suam egit: Iniquum est, Quirites, quum inter alios vixerim, apud alios me rationem vitæ reddere. Sed tamen audebo vos interrogare: Varius Suro-nensis ait, M. Æmilius Scaurus mercede corruptum, populum prodidisse: A. Æmilius Scaurus huic culpæ se as-finem esse negat: vtri creditis? Nominato tantum auctore & reo, populus accusationem repulit. Eras. lib. 6. apophthegm. ex Plin. cap. 72. de viris illustribus.

*Cato Uticensis.*

In forum veniens cum Thermo, ac conspicatus Castoris templum armatis occupatum, omnesque fori aditus à gladiatoribus obsideri, ipsumque Metellum vnà cum Cæsare: O timidum, inquit hominem, qui aduersus vnum tantam armauit multitudinem. Plut. in eius vita.

*Augustus.*

Augustus indignè ferebat, aliquid de se componi nisi serio, & à præstantissimis: admonebátque prætores, ne paterentur nomen suum commissionibus mimorum aut histrionum obso-

lesieri: hac quidem in parte Alexandrum Magnum referens. Decet enim, vbique principis auctoritatem sacram testam præstare. Eras. lib. 4. apoph. ex Sueton.

*Idem.*

Quum iuuenes nobiles ac dignitatem claros inter se tumultuantes vellet compescere, nec auscultarent illi, sed tumultuari pergerent: Audite, inquit, iuuenes senem, quem iuuenes senes audierunt. Augustus enim adulescens ad Rempub. admotus est, summaque fuit auctoritate: hac sola vocellos coercuit, nec aliud supplicium ob concitatum tumultum exegit. Plut. Rom. apoph.

*Cicero.*

\* Metello obiciendi, plures ipsorum stimonium contra eos dicente damnatos, quàm defendente absolutos esse: Quis verò, inquit, non hoc dixit plus in me fidei esse quàm eloquentie? Plut.

*Seuerus.*

Quum milites Bassianum Seueri filium (qui post Antoninus Caracalla dictus est) Augustum consalutassent, eo quoddam pater pedibus ægerbulum moraretur: iussit se deferri ad tribunal, simulque adesse omnes tribunos, centuriones, duces & cohortes, quibus autoribus hoc acciderat, fisti inde & filium, qui Augusti nomen non recusarat. Hic quum in omnes eius facti autores iussisset animaduerti, cepto filio, omnesque ante tribunal prostrati rogarent veniam: Seuerus manu caput contingens, Tandem (inquit) sentitis caput imperare, non pedes. Ælian. Sparr.



# DE BALNEO.

DIAGENES.



**L**ACON quidam senex interrogatus, cur barbam gestaret syluosam ac promissam. Vt inquit, inuens canos pilos, nihil committam illis indignum. Vir bonus undique venatur stimulos ad virtutem. Plut. in Lacon.

*Siratonius.*

Quum videret facellum, malo, sordidoque balneo vicinum, anathematibus pulchrè exornatum, posteaquàm balneo exiit male lotus, Non miror, inquit, multas pendere tabulas. Quisquis enim hic lauit, illic suspendit tabulam, veluti seruatus Indicans, magnum esse, si quis è tali balneo exisset inecolumis. Athenæus.

*Idem.*

Quum in Arcadia malam terram ac salam aquam balneator exhiberet, vocatus est se terra marique obsideri. Apparet in balneis terræ fuisse vsum, quia nunc est fullonibus. Erasmi lib. 6. apophr.

## De barba.

*Aristippus.*

**D**IONYSII quæstor, nomine Simus, natione Phryx ostendit Aristippus aedes vndique splendidas, cum pavimento pretiosis tessellis cõtrato. Itaque omnibus circumspèctis Aristippus sputum oris reiecit in barbam Simi, & ob id indignanti, hoc colore se excusauit quod in tota domo nihil videret ad excipiendum oris recrementum opportunius. Innuens in domo nihil esse scedius, aut im-

mundius, barbari facie, cum esset homini, puerum oportuerit esse mundissimam. Quamquam hoc dictum magis quadraginta in Cynicum aliquem, quam in Aristippum, videntur illi ascribitur. Lacon lib. 2, cap. 8.

*Anonymus.*

Lacon quidam senex interrogatus, cur barbam gestaret syluosam ac promissam. Vt inquit, inuens canos pilos, nihil committam illis indignum. Vir bonus undique venatur stimulos ad virtutem. Plut. in Lacon.

*Lycurgus.*

Spartanis studio est alere comam, & super eo quoque re narrant Lycurgum roddidisse rationem: Quoniam, inquit, coma formosis addit decorem, deformes verò reddit hostibus terribiliores. Vt enim decet coma speciosos, ita minus felici specie præditis horrorem ac ferinum quiddam cõciliat. Capillicium naturalis est ornatus, minimòq; constans, hoc genus non damnavit Lycurgus: vt quod nec operosis artibus constaret, nec pro frugalitate luxum induceret. Adscititium cultum, magnòque paranda lenocinia, non probauit. Quo magis detestanda est quorundam præpostera cura cui corporis eas partes vellunt raduntque, quibus natura pilos dedit non tantum ad decorem aut verecundiam, verum etiam ad tuendam valetudinem: contra illic eliciunt tylosum artificio, vbi natura voluit esse glabriciem. Plut. in Lacon.

*Nicander Spartanus.*

Percontanti, quare Lacedæmonij barbam alerent: Quoniam, ait, hic ornatus cum sit homini omnium pulcherrimus ac proprius, nullo omnino constat impendio. Plut. in apoph. Lac.

*Demonax.*

Cuidam percontanti, quàm philosophiæ sectam potissimè amplecterer

reitur? Quis, inquit, tibi medicum me esse philosophum? Monitus reba-  
ter secum ridens, abiit. Interrogatus  
quid videret? An non in opere  
disculum, inquit, si tu me tu barba  
dicas philosophum, ipse barbam non  
habet? Erasmi lib. 8. apoph.

*Dionysius.*

Epidauri, Æsculapio auream de-  
traxit barbam: quod negaret deo-  
rum patrem Apollinem imberbem, ip-  
sum verò tam horrida barba vestitum  
conspici. Æsculapio fingitur Apolli-  
nis filius: Apollinem autem Temper  
imberbem finxit Theologia poetica,  
per Æsculapium barbatus, signifi-  
cans, multarum rerum vsum & experi-  
entiam in medico considerari. Me-  
minit Valer. Max. lib. 1. cap. 1.

*Alexander.*

Quodam tempore cum omnibus  
ad prælium paratis interrogaretur,  
Nunquid aliud præter hæc fieri vel-  
let? Nihil, inquit, nisi ut Macedonum  
barbæ radantur. Hoc dictum quid sibi  
vellet, admirante Parmenone: An ne-  
scis, inquit in prælio nullam ansam  
meliores esse, quàm barbæ. significa-  
bat, cominus esse pugnandum: in quo  
genere certaminis barbæ officiant:  
quod his milites facillimè possunt ap-  
prehendi. Plut.

*Hieronymus Rhetor.*

Is, Gymnasij Basilienfis ante pau-  
cos annos professor, interrogatus, cur  
tam promissam aleret barbam? re-  
spondit, ut intuens hos capillos me nō  
mulierem, sed virum esse intelligam.  
Barba enim ornat virum: & admonet,  
ut virilia, quòque facinora fortius ag-  
grediamur. Lycosth.

## De barbarie.

*Anacharsis.*

Vidam obiiicienti, quod esset bar-  
barus: Certe, inquit, apud Athe-

nienfes, sed vicissim, Athenienses bar-  
bari sunt apud Scythas. Græci, sed  
improbi Attici (quoniam apud ipsos  
florebant discipline liberales, ac leges  
politice) reliquas nationes contuma-  
lie causa nominabant barbaras: cum  
barbarum dicatur, quicquid est per-  
grinum atque inusitatum. Laertius  
lib. 1. cap. 9.

*Stratoniceus.*

Interrogatus, utri essent barbari-  
ores, Bæoti, an Thessali? nominavit  
Elæos, significans, hos utrisque barbari-  
ores, cum illi haberentur barbaris.  
mi. Hoc erat lepidius: si ab Eleo fuisse  
propositum, ut fortè fuit. Erasmi  
apoph.

*Smea.*

\* Cum barbarorum animos spectus  
iniuriæ perculit, aguntur statim:  
qua dolor traxit, ruinæ modo, regio-  
bus incidunt incompotiti, intermi-  
cauti, pericula appetentes sua: gaudet  
feriri, & instare ferro, & tela corpori  
urgere, & per suum vulnus exire. Lili-  
de ira, cap. 3.

## De beatitudine.

*Chilon.*

Interrogatus, qua re docti præce-  
rent indocto? Bona, inquit, spe. Do-  
ctos autem appellabat, honestis legibus  
ac moribus institutos, & iuxta rectam  
institutionem vitam agentes. Hi  
rebus pares, hoc vno superant  
improbos, quod post hanc vitam  
erant rectè factorum præmia. Nam  
cones existimabant egregios viros  
post obitum in vitam beatam transi-  
tos, fieri diuos. Diogenes Laertius

*Socrus.*

Interrogatus de Archelao Pen-  
tæ filio, qui tum fortissimus habebatur,  
num cum beato iudicaret?

hie, inquit: nunquam enim cum eo collocatur sum. Subiicimus. Eadem opes de rege Persarum dubitare potuerunt beatum? Quidni, inquit, cum eadem quam sit doctus, aut quam vir bonus. Socrates hominibus beatum nem feris animi bonis moriebatur. Cicer. lib. Tuscul. quæst. 3. ex Gorgia Platonis.

*Diogenes.* Athenienses hortabantur Diogenem, ut mysteriis initiaretur: addentes quoddam initiati apud inferos principum tuerent. Ad quæ Diogenes, Perquam ridiculus es, inquit, si Agesilaus & Epaminondas in cæno degunt: & Patetion fur ac vilissimusque homines, quod initiati sint, in Beatorum iussus erunt. Graniter exauit sacrificulorum errores, qui quæstus gratia blandiebantur hominibus imperitorum superstitioni, persubdantes; initiationem conferre felicitatem post hanc vitam. Erasmi. lib. 3. apoph. ex Diogenis Laertij lib. 6.

*Amphilochus.* Quum Orphicis mysteriis initiaretur, ac sacerdos diceret, illum bonis plurimis fruturum apud inferos, post hanc vitam: Cur, inquit, ergo tu non abumpis vitam? Erasmi. Roter. lib. 7. apoph. Laert. lib. 6. cap. 1.

*Plato.* Eum demum beatum in vita pronuntiat dicit, cui in senectute contigit, ut sapientiam verasque opiniones assequi possit. Cicer. lib. de Finibus 3.

*Aristoteles.* Existimandum est, inquit, beatitudinem non in diuitiarum possessione consistere, sed in bono statu animæ. Bonum neque corpus ornatum veste splendida beatum aliquis dixerit: sed quod sanitate fruius, & bene se habet, & nihil ex prædictis ei adsit. Eodem modo si anima sit bene instituta

ipsam & hominem huiusmodi felicem appellare conueniat: non illum vero, cui ornatus foris magnificus nitet, cum ipse nullius sit pretij. Quoniam ne equum quidem, licet phaleris ornatus, & reliquo apparatu precioso ornatur, magnificimus, si natura malus sit. At illum qui natura sit generosus, impensus, laudatus. Quemadmodum enim illa ridiculus fuerit, qui seruis suis deterior est, ita non minus habendi sunt miseri, quorum diuitiæ maioris sunt pretij, quam ingenium proprium. Stob. serm. 3.

*Anaxagoras.* Interrogatori quidam, quisnam esset beatus? Nemo, inquit, ex iis quos tu felices existimas: sed eum in eo numero reperies, qui à te ex miseriis constate creditur. Non eris ille diuitis & honoribus abundans, sed aut exiguaria, aut non ambrosiosa doctrina fidelis ac peritæ cultor, in secessu quam fronte beator. Val. Maxim. lib. 4. cap. Bruson. l. 1. c. 36.

*Seneca.* Beatum viri causa & firmamentum est, ubi fidere. Hoc autem contingere non potest, nisi contemptus est labor, & inter ceteros habitus, quæ neque bona sunt, neque mala. Epist. ad Lucillum. Idem. 2. Beatitudinis non est, quæ vulgus appellat, ad quem pecunia magna confluit: sed ille, cui bonum omne in animo est, cretus, excelsus, & mirabilis calcans: qui neminem videt cum quo se commutat vellet: qui hominem ea sola parte estimat, qua homo est: qui natura magistra vitatur, ad illius leges componitur, sic vivit ut illa prescripserit: cui bona sua nulla vis excutit: qui mala in bonum vertit, certus iudicii, inconcussus, intrepidus: quem aliqua vis mouet, nulla perturbat: quæ fortuna, cum in eum quod habuit te-





quam ei vita omnino transacta & finita fuerit. Etenim exiguo tempore, ubi se fortuna mutat, & diis ita videtur, diuitiæ omnes euanescent. Stob. ibidem.

## De belli studio.

*Themistocles.*

**I**N Eretrienses ita cauillari solebat, ut diceret eos similes piscium, qui gladioli vocantur: quippe qui gladii quidem haberent, cor autem non haberent. Notans illorum ignauiam, quod armatis non esset animus. Plutarch.

*Epaminondas.*

**Q**uam ei quidam dixisset, Athenienses habere nouum instructum exercitum: Quid inquit? num igitur gemit Antigenidas, si Tellia nouus habet tibias? Tellia autem erat tibicen pessimus, Antigenidas autem optimus. Significabat, Athenienses frustra esse nouis armis instructos, quam his nescirent uti. Plut. in apoph.

*Idem.*

**Magno & instructo exercitu conspecto, sed sine duce: Quanta bellum aluit, sed absque capite. Stob.**

*Xenophon.*

**Victoria in bello nec multitudine, neque fortitudine paratur: sed qui diuino auxilio freti fortioribus animis hostes inuaserint, ut plurimum ab aduersariis non sustinentur. Stob. ser. 49.**

*Brasidas.*

**Existimate tria esse bellum rectè gerendi capita, velle, dedecus timere, obedire ducibus. Thucydi. libro 5. Stob. serm. 52.**

*Antigonus.*

**Olim hostibus ingruentibus cedens, dixit se non fugere, sed utilitatem retro suam persequi. Stob. ser. 52.**

*Lamachus.*

**Præfectum quandam manipuli peccantem reprehendebat: & cum ille diceret, posthac se nunquam similiter peccaturum: Non licet, inquit, in bello bis delinquere. Plut. & Stob.**

*Antigonus.*

**Interrogatus, quomodo hostes aggreddiendi essent, respondit, aut dolo, aut vi, aut aperte, aut per insidias. Stob.**

*Ephori.*

**Quam Lacedæmoniorum rex polliceretur se funditus euersurum quandam ciuitatem, quæ sæpenumero Lacedæmoniis exhibuerat negotium: non permiserunt Ephori, dicentes, Nequaquam abolebis, neque subuerteris iuuenum cotem. Urbem infestam appellabant cotem iuuentutis, quod per eam iuuentus acueretur ad bellandi peritiam. Plut. in Lacon. Brut. l. 3. c. 15.**

*Eudamidas.*

**Cum quidam commemorando laudem ac trophæa quæ Lacedæmonij ex rebus cum Persis præclarè gestis retulisset, hortaretur ad bellum cum Macedonibus suscipiendum: Ignorare mihi videris, inquit Eudamidas, istuc idem esse ac si quis deuictis mille ouibus, pugnaret cum quinquaginta lupis: significans Persas, ut delicias effeminatos, & ob id imbelles, non fuisse difficile vincere: sed aliud esse cum Macedonibus, bellacissima gente, rem habere. Proinde qui ob victorias à Persis reportatas censeret cum Macedonibus bellum irem suscipiendum, nihilo probabilius diceret, quam si quis ei qui vicisset mille oues, diceret, Aude cum quinquaginta lupis congregi, qui tot oues deuiceris. Plut. in Lacon. apoph.**

*Idem.*

**Cuidam percontanti, cur ciuibus bellum aduersus Macedones suscipere volentibus, ipse autor esset quiescendi?**

G 4

Quo.

Quoniam, inquit, nolo illos mendacii arguere. Tecte significans, Spartanose gloriose magis quam serio bellum poscere. Eos prodidisset Eudamidas, si ipse quoque bellum approbasset. Tum enim fore putabar, ut ciues bellum detrectarent. Nunc effecit, ut per ipsum sterisse videretur, quo minus bellum susceptum esset, ac ciuibz fortitudinis gloriam reliquit integrā quasi promptos haberent ad bellandum animos. Plutarch. in Lacon.

*Idem.*

Percontanti cuidam, quamobrem omnium deorum statuae apud Lacedaemonios ponerentur armatae? Ne, inquit, probra quae ob ignauiam iaciuntur in homines, ad deos referamus, ne uenientes, nisi armati, deos comparentur. Eo commento ciuium animis hanc opinionem infundere studebat, diis gratam esse fortitudinem, inuisam ignauiam: simulque iuuentutem armis ferendis debere assuescere, quo simul & minus indulgerent delictis, & utiliores bello euaderent, sine religionis quidem causa fas esset arma ponere, cuius obtentu ferē solet otium & luxur in ciuitates irrepere. Plut. in Lacon.

*Archidamus Zenxidami F.*

Cum in bello uidisset iaculum, catapultam mittendum eo tempore primum ex Sicilia aduectū, exclamasse dicitur, Hercules, perit viri virtus. Quo dicto innuere voluit, fortem virum vix ab ignauo in strage posse dignosci, si tormentis bellicis non manu regitur. Plutarch. in Lacon. apoph. Stob. serm. 49.

*Lacones.*

Venerem, quam vocant *μυρτὰ* armaram colunt, quin omnes etiam deos deasque hac figura fingunt ut lanceam teneant: hac imagine significantes, omnes esse bellica virtute praeditos.

Quoniam nihil ducebant turpius ignauia, nihil bellica virtute pulchrius, tali specie proponebant deos suos, quales cupiebant esse ciues. At ceterorum Graecorum theologia faciebat deos otiosos & quietos, eosque fingebat gestu recumbentium. Porro quum archetypus omnis honesti petendus sit à numine, periculosum est Reipublicae facere deos, quales si quis imitetur, inutilis aut perniciosus sit Reipublicae futurus. Plut. in Lacon.

*Darius.*

\* Ferro bella geruntur, non auro viris, non urbium testis: omnia sequuntur armatos. Q. Curt. l. 5.

*Teres.*

Teres Sitalci pater dicere consuevit. Quoties esset in otio, nec militum exerceretur, se nihilo meliorem de equis omnibus. Plut. in apoph.

*Demosibenes.*

\* Bellum honestum turpi paci praestandum est. Stob. serm. 49.

*Thucydides.*

\* Quam temerarii & repentinis belli casus, priusquam ingrediamini, considerate. Solet enim eius motus diuturnior in diuersam plerumque fortunam abire. lib. 1. histor. & Stob. serm. 49.

*Idem.*

\* Bellum minime certum aut praescriptum aliquid habet: sed ipsum potest se multa machinatur pro re nata: quod id leniter & facile fert tutior est: incundus autem nihilo minus peccat. Ibidem.

*Iul. Caesar.*

\* Expectare cum hostium copiae augentur, summa dementia est. Comment. lib. 4.

*Idem.*

\* Errant qui in bello omnes secundos rerum euentus expectant. Comment. lib. 7.

*Alphonsus.*

*Alphonſus rex.*

Aliquot ei ciuitates quum ab Eugenio pontifice oblatæ eſſent dono, eo quodd Picenum armis ſuis ſedi Romanæ recuperatum eſſet, Alphonſus cum hæſ repudiaſſet, reſpondit, ſe nequaquam quæſtus aut prædæ, ſed eccleſiæ gratia hanc expeditionem ſuſcepſiſſe. Innuīt autem, non aliam ob cauſam quàm pro aris & focis, hoc eſt, pro ſalutē patriæ & religione conſeruanda, bellandum eſſe. Panorm. li. 3. de rebus geſtis Alphonſi.

*Vide apoph. de Miſiſia.*

## De belli pernicio.

*Aniſthenes.*

Qum quidam dixiſſet, pauperes interire in bello: Imò plures tum ſunt, reſpondit. Stob. ſerm. 48.

*Diogenes.*

Philippo cum Græcis pugnaturo, Diogenes in eius caſtra peruenit. perductus igitur ad Philippum, ac rogatus num ſpeculator eſſet? Stultitiæ, inquit Diogenes, vanitatisque tuæ ſum verus ſpeculator, qui cogente nullo, de vitæ & de regno velut ad caſum alexæ periclitaturus venis. Utinam hodie audirent Diogenem ita loquentem, terrarum principes: qui ſæpenumero nulla virgente neceſſitate propriis ſtimulati affectibus, bella cruentiſſima & pluſquam ciuilia ſuſcipiunt, in magnam ſuorum perniciem. Bruſonius libro 3. cap. 15.

*Antigonus.*

Sophiſtæ cuidam librum de iuſtitia conſcripſum porrigenti: Deſipis, inquit, qui cum me videas alienas vrbes armis vexantem, tamen. apud me de iuſtitia diſſeritis. Senſit, eos qui ditionis ampliandæ, gloriæ ve cauſa bellum inferunt alienis ciuitatibus, non

poſſe tueri iuſtitie leges. Eraſm. lib. 4. apoph. ex Plutar.

*C. Marius.*

Mille Camerinos, qui ſe in bello aduerſus Cimbros, ſtrenuos viros præſtitiffent, honore Romanis æquaſuit, idque præter omne ius. Ad eos verò qui factum hoc reprehendebant, reſpondit, ſe ob armorum ſtrepitum, legum vocem non potuiſſe exaudire. Nihil aliud nimirum innuit, quàm leges ſemper ſilere inter arma. Plutar. in Rom. apoph.

*C. Caſar.*

Metello obſiſtenti, ne pecunias ab ærario tolleret, ac leges id fieri vetantes proferenti: Non idem, inquit, armorum & legum tempus eſt. Quod ſi hæc pati non potes, nunc quidem hinc abſcede: ac poſteaſquam peractis fœderibus arma depoſuerimus, tunc ſi videbitur, & plebis patronum age. Plutar. in Rom. apoph.

*C. Tacitus.*

\* Vbi bellum ingruit, innocentes & noxii iuxta cadunt. lib. 1. hiſt.

*S. Auguſtinus.*

\* Qui culpatur in bello? An quia moriuntur quandoque morituri, vt dominantur in pace victuri? hoc reprehendis. Sed timidorum eſt, non religioſorum. Nocendi cupiditas, vlcifcendi crudelitas, impacatus, atque implacabilis animus, feritas rebellandi, libido dominandi, &c. hæc ſunt quę in bellis iure culpantur. Aduerſus Manichæos.

*Idem.*

\* Militare non eſt delictum, ſed propter prædam militare peccatum eſt: nec Rempublicā adminiſtrare criminofum eſt, ſed ided agere rempublicam vt diuitias augeas, videtur eſſe damnable. Propterea enim quadam protudentia militantiſus ſunt ſtipendia conſtituta ne dum ſumptus quæritur,



ritur, prædograssetur. De verbis Dom.  
tract. 19.

*Vide apoph. de Miliia.*

## De bellicis sumptibus.

*Archidamus.*

**I**N bello Peloponnesiaco sociis rogantibus, quanta pecunia futura esset satis? ac postulantibus; ut tributum certum modum præscriberet: Bellum, inquit, non quærit definita: significans, eos qui bellum susceperunt, oportere per omnia seruire belli necessitatibus, quarum nullus est certus modus, quod variz sint bellorum præter expectationem occasiones. Plutar. in apoph.

*Tausanias.*

Post victoriam à Medis apud Plateas reportatam, præcepit suis, ut apponerent cenam Persicam, quam sibi barbari prius apparauerant. Ea cum esset opipara ac sumptuosa: Lurco, inquit, eras, ô Persa, qui quum tantas haberes delicias, ad nostram veneris mazam. id erat panis genus contemptum ac vulgare. Admonuit, stultissimum esse, locupletes pugnare cum his, quibus non multum est quod eripiat. Etenim si feliciter cadat Martis ales, exile lucrum est: sin secus, ingens est damnum. Eras. l. 4. apoph.

*Q. Flaminius.*

In Philopœmenem Achæorum ducem qui multos haberet equites & pedites armatos, sed pecuniarum indigus, Q. Flaminius ita iudebat: Philopœmen, inquit, manus habet & crura, ventrem non habet. Ac tali quidem specie corporis erat Philopœmen. Quintius autem, equites ac pedites armatos, manus & crura ducis appellabat: sed quoniam non habebat quod aleret militem, negabat illum habere ventrem. Plut. in Rom. apoph.

## De beneficentia.

*Chilon.*

**D**icere solebat, Dati beneficij decere obliuisci, accepti autem meminisse. Quo vituperauit eorum hominum insaniam, qui beneficia in amicos collata non solum exprobrant priuatim, sed publicè etiam coram omnibus. Laert. lib. 1. cap. 5.

*Democritus.*

Homo (inquit) ad largiendum, quam promittendum, promptior esse debet. Donum enim licet exiguum, prodest egenti, verba autem, ac magnifica promissa, nulli sunt vtilia. Stob.

*Idem.*

Si benè, inquit, mereri de aliquo volēs, citissimè aliquid in illum beneficij conferas. Mora enim ingratum redditur, & parum amabile, quicquid dederis. Stob.

*Pythagoras.*

Interrogatus, qua ratione homines diis similes haberi possent? Respondit, Si veritatem amplecterentur, & cunctis benefacerent. Aelius lib. 12. de Var. hist.

*Alexander.*

\* Urbem dono dedit cuidam, qui se ipsum mensus, tanti muneris inuidiam refugiens, dicebat illud non conuenire fortunæ suæ. Non quæro, inquit, quid te accipere deceat, sed quid mædare. Seneca lib. 2. de benef. cap. 16.

*Socratus.*

\* Archelao regi roganti ut ad se veniret, respondit, Nolle se ad eum venire, à quo acciperet beneficia, cum reddere illi paria non posset. Timuit fortasse ne cogeretur accipere quæ noller. Negotium enim illi erat cum rege omnia sua magno æstimari volente. Senec. lib. 3. de benef. c. 6.

*Aristoteles.*

*Aristoteles Cyrenaeus.*

Dicebat, non oportere beneficium oblarum à quoquā recipere. Aut enim vituperare possit, molestias habiturum: aut si non referat, ingratiitudinis reprehensionem incursurum. *Ælianus libro. de Varia hist.*

*Thyrophrastus.*

Interrogatus, quidnam virani conservaret humanam? respondit, Beneficentia. *Stob. ser. 41.*

*Heraclicus Physicus.*

Opportuna beneficentia, inquit, quasi cibus fami conveniens, animi indigentiam sanat. *Anton. & Max. serm. de beneficentia.*

*Anacreon.*

Quum auri talentum à Polycrate tyranno accepisset, aliis id distribuit, inquit, Odi nuptis quod vigilare cogit. *Ibidem.*

*Lacedæmonij.*

Quum Smyrnezis egentibus comitatum misissent, atque illi beneficii verbis attollerent, Lacedæmonij sermonem interrompentes, Nil magni est, inquit, Hæc enim collegimus, vnius diei prandio nobis & iumentis detracto. Gratius est beneficium, quod extinguitur ab eo qui confert. Nam qui quod largiuntur exaggerant (qui plenisque mos est) bonam gratiæ partem amittunt. *Plut. in Lacon.*

*Epaminondas.*

Citadani egeno mandavit, ut à quodā ex amicis ipsius talentum peteret, petiit, & accepit. Amico percontanti cur id iussisset? Quoniam, inquit, illè cum vir sit probus, inopia premittitur: tu verò dives es, multa de publico depeculatus. *Epaminondas ipse pauper hac ratione subuenit egenti. Bonorum enim probum est, virum probum egere necessariis. Eras. lib. 5. apoph.*

*Agellus.*

Ille qui clanculum aduersarentur,

palam quidem non exhibebit negotium, sed efficiebat ut ipsum in militiam sequerentur, atque ex his nonnullos duces exercitus ac magistratus factos enebat: qui cum se in magistratu improbè & avarè gessissent, eoque in ius vocati periclitarentur: rursus Agellus illis patrocinabatur, & ab ipsis stabat, atque hac arte reddebat eos ex clanculariis hostibus amicos, & ad se revocabat. Quibus rebus factum est, ut tandem neminem haberet aduersarium. Quid hac prudentia civilius, qua mederi malevolis maluit, quàm vlcisci? *Plut. in Lacon.*

*Anaxilaus.*

Interrogatus, quid esset in regno beatissimum? respondit, nunquam vinci beneficiis. *Phaenonius.*

*Ariaxerxes.*

Quum sibi malum punicum insignis magnitudinis à paupere datum esset: Per solem, inquit, civitatem ex parte magnam quàm celerrimè facere possit, si eius fidei credatur. Laudavit autem hominis beneficentiam: qui pro fortunæ conditione obtulit regi quod habebat, & gratum putabat. *Brutonium lib. 3. cap. 13.*

*Philippus.*

Quum Thebis obses esset, Philonis Thebani hospitio usus est, multisque insuper ab eo beneficiis affectus. Is quum vicissim à Philippo nihil muneris vellet accipere, Ne me, inquit Philippus, beneficentia superatum hac laude spoliés, quod hæcenus à nemine beneficiis victus fuerim. O animum imperio dignum. Pulchrius existimavit, benefaciendo, quàm potentia vincere. *Plut. in apoph.*

*Alexander.*

Taxiles, vnus è numero regum Indiz, occurrens Alexandro, sic illum affatus est, Prouoco te, inquit, non ad pugnam, neque ad bellum, sed ad aliud certaminis

certaminis genus. Si inferior es, a nobis accipe beneficium: si superior, nobis benefacito. Cui Alexander: Atqui, inquit, ob hoc ipsum inter nos certandum est, uter benefaciendo superet alterum. Et humanissime complexus illum non solum non spoliavit ditione, sed auxit etiam. Plur. in apoph.

*Diogenes.*

\* A quodam rogatus, quam ob causam homines mendicis darent, philosophis verò nihil largirentur: Quia, inquit, se claudos & cecos fore sperare possunt, philosophos autem minime. Anton. & Max. serm. de beneficentia.

*Idem.*

\* Quum discum offibus refertum Alexander ei dono misisset, Est quidē, inquit, cibus cynicus, sed donum minime regium. Ibid.

*Idem.*

\* Dicebat in eodem ponendum vitio dare indignis, & dignis non dare, Eodem. serm.

*Fabritius.*

Quum bellaret contra Pyrrhum regem, medicus Pyrrhi scriptis ad Fabricium, se regem veneno necaturum, id autem ne fieret, admonuit Pyrrhum ut sibi caueret. Pyrrhus, ne frustra hoc beneficium accepisse videretur, Fabricij captiuos gratis remisit, Fabricius gratis recipere noluit, sed parem captiuorum numerum etiam dedit, ne mercedem proditi veneni accipere diceretur. Plur. in Rom. apoph.

*Crispus Passenus.*

Dicere solebat, se quorundam hominum iudicium malle quàm beneficium: quorundam libentius admittere beneficium quàm iudicium: quo dicto Seneca asseruit, nihil se subtilius atque insignius, in distinguendis maximè & curandis vitiis cognouisse. Quis enim bonorum virorum iudicio & consilio Rare malit, quàm malorum cadere bo-

neficiis? E regione quis malorum hominū bono iudicio fidere malit, quàm bonorum beneficiis, ex quibus periculum tibi imminere possit? Seneca, de Beneficiis, lib. 1. cap. 15.

*Fl. Vespasianus.*

Admonitus ab amicis, ut caueret Metio Pomposiano, quoddam de hoc rumor increbuerat, fore ut aliquando regnaret: non solum sibi non metuit ab illo, sed & consulem fecit. Id admirantibus amicis: Erir, inquit, olim memoranti beneficij. Eras. lib. 8. apoph.

*T. Vespasianus.*

Dicebat, non licere quenquam a vultu imperatoris tristem discedere. Brus. lib. 3. cap. 13.

*Idem.*

Inter cœnandum aliquo die recordatus, quoddam quicquam prestitisset, memorandam illam vocem edidit, Amici, diem perdidit. Laudanda sanè principis beneficentia tam peculiaris, qui omne tempus se perdidisse putabat quo amicis benemeritis suum non prestitisset officium. Suet.

*Alexander Severus.*

Descriptum habebat, quid cui prestitisset, qui nihil aut minimum petissent, eos appellabat, dicens: Quid est cur nihil petis? an me tibi vis fieri debitorum? pete, ne priuatus de me queraris. Agnoscebat, principem debere rectè suo fungentibus officio: ne æquum iudicabat, ut probè suo deserviens officio, priuatus egeret: Eius Lampridius.

*Idem.*

Rogatus quis esset rex optimus? Qui, inquit, amicos, muneribus reteret, & inimicos beneficiis ambit & sibi conciliat. Max. ser. 9. de Magistratu.

*Alphonsus rex.*

Audiens ab amicis, frustra in Aluarum, hominem parum gratum, tam infinita beneficia collata esse: dixisse fertur,

ferretur, Ingenti beneficio non nisi ingenti ingratitudine satisfieri, & propterea plures quidem esse qui darent: sed qui dare scirent, esse per paucos. At non ob id pigrius dandum, aut beneficiendum esse. Panor. lib. 2. de rebus gestis Alphonfi.

*Idem.*

Quum intellexisset quosdam esse qui acceptis beneficiis planè ingrati essent, inquit: ingratos nequaquam effecturos, quo minus ipse & humanus & beneficus perstaret. Innuit autem, nequaquam prudentis esse, ira moueri malorum ingratitudine, ut in bonos nil beneficiorum porro conferat. Panor. lib. 1. de Alphon. rebus gestis.

*Idem.*

Suppliciter à Ioannæ Neapolitano- rum reginæ, omni ope destitutæ, oratoribus ut contra Martinum V. pontificem (qui eam indignam, quæ regnum ecclesiæ Romanæ feudatarium tene- ret, iudicaret, & Ludonicum Andega- uensem Siciliæ regem declarauerat) auxilium ferret, rogatus, dissuadenti- bus consiliariis, ut qui durum & per- quam anceps fore bellum dicitarent: respondit, Herculem etiam non roga- tum laborantibus subuenire consue- uisse. dignum igitur esse, ut ipse quoque feminæ affligeret, & tantopere rogan- ti, opem ferret. Panorm. lib. 1. de rebus gestis. Alphon.

*Vide apoph. de Liberalitate & Magnificencia.*

### De beneficio dignis col- lato, & à dignis ac- cipiendo.

*Socrates.*

**Q**uodam tempore foro reuersus inter amicos dixit: Emissem pal-

lium, si nummos habuissem. Nihil postulauit, tantum verecundè admo- nuir egestatis. Mox inter amicos am- bitus erat, à quo Socrates acciperet. Et tamen post eam vocem quisquis properauit, ut ait, Seneca (lib. 7. de be- nef. cap. 24.) serò dedit.

*Idem.*

\* Ei cum multa multi offerrent, Æschines pauper auditor, Nihil, in- quit, te dignum quod dare tibi possim inuenio, & hoc modo pauperem me esse sentio. Itaq; dono tibi quod vnum habeo, Me ipsum. Hoc munus rogo, qualecunq; est, boni consulas, cognēs- que alios cum multum tibi darēt, plus sibi reliquisse. Cui Socrates, Quid ai- tu, inquit, mihi magnum munus dede- ris, nisi fortè parū te estimas. Habebo itaq; curę, ut te meliorem tibi reddam quàm accepi. Sen. lib. 1. de benef. cap. 8.

*Idem.*

Dicebat eum qui diuiti largitur nihil ab illo differre, qui aquā in mare pro- fundit. Anton. & Max. ser. de benef.

*Diogenes.*

Quibusdam prædicantibus eius be- nignitatem, qui Diogeni quiddam do- narat: Quin & me, inquit Diogenes, laudatis, qui accipere merui? Plus enim est meruisse beneficium, quàm dedisse, iuxta illud Publij Mimi. Bene- ficium dando accepit, qui digno dedit. Laert. lib. 6.

*Archelaus.*

Ab Archelao in conuino familiaris quidam, sed parum humanus, petiit si- bi dari poculum. Archelaus autem ili- co mandauit puero, ut hoc poculum daret Euripidi. Id factum admiranti postulatori: Tu quidem, inquit, dig- nus eras, qui peteres, nec acciperes: at hic dignus erat qui acciperet, vel non petens. Significans, alteri hoc tribuisse regiam familiaritatē, ut auderet quid- uis petere: at Euripidis boni viri pūde- rem



tem hoc mereri, ut vltro ei daretur ali-  
quid. Plut. in apoph.

*Antigonus.*

Thrafillo Cynico drachmam peten-  
ti: Non est, inquit, munus regium. Cy-  
nico subiciente, Talentum igitur da:  
At non est, inquit, idem, Antigonus,  
Cynicum, si tale munus accipias. Quo  
dicto, vtroque cornu postulatoris im-  
probitatem repulit: & docuit intetum,  
dignis tantum beneficium esse prae-  
standum. Plut. in apoph.

*Cato maior.*

Præclaras actiones aiebat præcla-  
ris verbis occupandas, ne à gloria de-  
fluant. Argutius est quod verit Phil-  
lelphus, aliud, ut opinor, exemplar se-  
quutus: Honestas actiones honestis  
actionibus occupandas, hoc est be-  
nefacta benefactis addenda, ne si de-  
sinamus benefacere, obsolescat prio-  
rum benefactorum memoria. Plutar-  
chus in apoph.

*Gracianus Iulius.*

\* Is cum ab amicis conferentibus  
ad impensam ludorum pecunias ac-  
ciperet, magnam pecuniam à Fabio  
Persico missam non accepit. Et ob-  
iurgantibus his, qui non aestimabant  
mittentem, sed missa, quod repudias-  
set: Ego, inquit, ab eo beneficium ac-  
cipiam à quo propinationem accep-  
turus non sum? Cumque illi Rebilus  
Consularis, homo eiusdem infamiz,  
maiores summas misisset, instaretque  
ut acciperet: Rogo, inquit, ignoscas:  
& à Persico non accepi. Senec. lib. 2. de  
benef. cap. 21.

*Crates.*

\* Non ab omnibus quæ dantur ac-  
cipienda sunt. Non decet enim virtu-  
tem ab improbitate nutriri. Anton. &  
Max. serm. de beneficentia.

## De beneficio indignis collato.

*Demetrius.*

Quum animaduertisset, quendam  
quibuslibet promptè largientem,  
& temerè suppeditantem: Malè, in-  
quit, perens, qui gratias virgines me-  
retrices effecisset. Max. ser. 8.

*Alexander.*

Regium esse affirmabat, à quibus  
malè audias, in eos & sæpe & multum  
conferre. Quo innuere voluit, liberali-  
tatem aliquando etiam erga indignos  
exercendam esse. Pontan. cap. 30. de  
Liberalitate, ex Plutarcho.

*Fredericus Cæsar.*

Sæpenumero dicere solebar, se ex  
iis quos extulisset, quàm paucissimos  
gratos vidisse: idque ex muneribus su-  
is datum esse, ut ex fidelibus infideles  
fierent. Aeneas Sylvius lib. 2. commen-  
de rebus gestis Alphonsi.

*Photius.*

\* Qui largiuntur indignis ea quæ  
dignis conferri debebant, tria com-  
mittunt absurda, nam & ipsi iacturam  
faciunt, & in bonos contumeliosi sunt,  
& malos roborant, materia veterum  
suppeditata. Anton. ex Max. serm. de  
beneficentia.

*Alphonfus rex.*

Oblatrantibus canibus & rebellan-  
tibus, offulam obiciendam dicebat.  
Intelligens, maleuolos homines bene-  
ficiis vincendos esse. Pontan. ca. 30. de  
liberalitate.

## De beneuolentia.

*Antigonus.*

A Micis suadentibus, ut si Athenas  
caperet, validis illam præditiis  
continueret.

communiret, ne quando deficeret: respondit, se semper in ea fuisse opinione, ut crederet nullum esse regni præsidium firmitus, quam ciuium beneuolentiam. Eras. 4. apoph.

*Alexander.*

Quum beneuolentiam ciuium sibi conciliare cuperet, largitionibus eos corrupit. Verum cum hoc audiret pater Philippus: Quæ te, inquit, ratio in istam spem induxit, fili, ut eos putes tibi fore fideles, quos tibi coemis pecunia? Plut. in apoph.

*Plutarchus.*

\* Mansuetudine potius & beneficentia, quam timore elicienda est beneuolentia. Epi. de amicitia. apud Stob. serm. 46.

*Socrates.*

\* Vestis (inquit) corporis inconcinnitatem, beneuolentia verò peccatum obtegit. Stob.

*Alphonfus rex.*

Quum argueretur, quod pro more nullis stipatus armis, solus obambulet, regis maiestatis immemor? respondit, non opus esse ut is sibi timeat, qui ciuium suorum beneuolentiam satis perspectam habeat. Panor. lib. 2. de Alphonfi rebus gestis.

*Vide apoph. de Clementia, Humanitate, & regno beneuolentia stabiliendo.*

## De bonitate vel benignitate, & bono viro.

*Pittacus.*

**P**erdifficile (inquit) est bonum esse. Dicente autem Phocatio, querendum esse studiosum ac frugi virum. Etiam, inquit, si valde quæsieris, non inuenies. Brul. lib. 1. cap. 18.

*Solon.*

\* Probitatem morum habere debes, quæ plus fidei mereatur quam iusurandum. Stob. serm. 35.

*Socrates.*

\* Dicebat, ad gloriam compendiarie via peruenire posse eos, qui tales essent, quales videri vellent. Brul. lib. 1. cap. 18.

*Anaxilbenes.*

Dicebat satius esse cum paucis bonis pugnare aduersus omnes malos, quam cum multis malis aduersus paucos bonos. Præstat enim de numero bonorum esse, quorum ubique raritas est, quam de grege malorum, quorum ubiq; plena sunt omnia. Laert. li. 6. ca. 1.

*Idem.*

Dicere solebat, Bonum virum molestam esse sarcinam. Nam sicut insipientia bene fertur, & leuiter: sic prudentia grauius incumbens, premit vehementer suo pondere, nec facile potest excuti. Philo ludæus libro, Quod omnis probus liber.

*Diogenes.*

Bonos viros dicebat esse deorum simulachra. Deorum, quum sint optimi natura proprium est bene facere omnibus, nocere nemini. Hæc imago melius relucet in sapientibus ac bonis viris, quam in statuis, cum dii sint incorporati. Laert. lib. 6.

*Idem.*

Cuidam percontanti in qua parte Græciæ vidisset bonos viros? Viros ait nusquam, sed Lacedæmone vidi pueros. Notans totius Græciæ corruptissimos mores, aded ut apud Lacedæmonios gentem incorruptissimam tantum in pueris resideret prisca integritas. Simul illud innuit, in reliqua Græcia ne pueros quidem esse bonos, tum & illud, viros esse pueris deteriores, quum ab his oporteat pueros ad probitatem institui. Diogenes Laert. li. 6. Brul. lib. 1. cap. 18.

*Idem.*

Peregrinum quendam conspicens, sese studiosè ad festum diem componentem,

mentem: Quid facis, inquit? An non quilibet dies viro bono festus est? Sedit vir prudentissimus, hunc mundum esse phanum Deo dignum, in quo vir bonus constitutus, semper bene honeste & pie, quasi in conspectu numinis, vivit. Laert. lib. 6. Plur.

*Aristippus.*

Interrogatus, quid esset admirandum in vita? Vir probus (respondit) & moderatus: quoniam etsi inter multos improbos agat, non tamen pervertitur. Stob. serm. 35.

*Themistocles.*

Prædium vendens, præconem divulgare iussit, quod vicinum quoque bonum haberet. Non parum enim refert quàm bonum virum tibi vicinum habeas. Stob. serm. 35.

*Phocion.*

Centum talenta Alexander quum ei dono misisset, adferentes interrogavit. Quam ob rem ex tanto Atheniensium numero sibi soli ea mittere? Illi responderunt: Quoniam solum ipsum rex existimaret bonum esse virum. Quin igitur, dixit, me posthac quoque bonum esse permittat, & pecuniam remisit. Sensit autem non boni viri esse subire famæ periculum ob accepta munera. Stob. ser. 35.

*Lycurgus.*

Dicebat, dignitatem quidem istam, qua monemur ad facilius murum dandum aliquid, in opibus hominū sitam esse. Illam verò, quæ nos ad facilius fidem habendam inducit in minoribus. Vir enim bonus ubique novit quid debeat, quidque expediat, quid utile, quid sit honestum. Stob. serm. 35.

*Aristoteles.*

\* Rogatus à quodam improbo, aliquid pecuniæ ei dedit: propter quod reprehensus à quodam, ut qui homini nequam dedisset: non homini dixit, sed humanitati. Stob. ibid.

*Anonymous.*

Scurra quidam cum vidisset principum indigna & nefanda facinora, dixit: In vno anulo bonos principes omnes sculpi posse. Sentiens esse quidem magnum imperatorum numerum, sed in his perpaucos esse bonos. Recitatur Vopiscus in Aurelio.

*Pedareus.*

Pedareus Lacon, vir bonus, cum in numerum trecentorum non esset electus, abiit fronte serena, Diis agens gratias hunc in modum: Gratiarum habeo vobis dii, quod tot homines meliores me huic civitati dedistis. Brul. lib. 1. cap. 18. ex Plur.

*Possidippus.*

\* Quorū mores, inquit, sunt bene constituti, eorum vita quoque simul moderata est. Ant. & Max. ser. de bonitate.

*Demosthenes.*

\* Non tam verba quàm boni mores persuadere possunt. Ibid.

*Iamblichus.*

Eum demum hominem bonum existimandum putabat, qui perfectissimam actionem iuxta mentem separabilem conservat, & participationem intelligibilis pulchritudinis suscipit, ac essentia potentiaque Dei particeps est. Stob. serm. 35.

*Apollonius Tyaneus.*

Quū in iudicium ad Domitianū adduceretur, apud quē accusatus fuisset, nec esset facilis à viro crudeli elapsus, tantum vir bonus virtuti confidebat, et cum ductori dixisset, Quò duceret? At dicente illo, ad iudicium? Contra quem (subiecit) dicturus sum? Brul. lib. 1. c. 18.

## De breuiloquentia.

*Pythagoras.*

\* NE multis, inquit, verbis paucam comprehendas, sed paucis multa. Stob. serm. 33.

*Zeno Cissius.*

Ad quandam dicentem, breues esse philosophorum sententias: Vera prædicas, inquit, oportet enim & syllabas illorum, si fieri possit esse breues. Veritas multis verbis non eget: & firmiter tenemus quæ paucis verbis comprehensa sunt. Laert. lib. cap. i.

*Epictetus.*

Philosophiæ summam Epictetus duobus verbis comprehendere solitus est, ἀνταρ καὶ ἀνταρ: id est, sustine & abstine, quorum prius admonet, ut mala quæ incurrunt, æquo animo toleremus: posterius, ut à volupratibus temperemus. Ita enim fiet, ut nec aduersis deiiciamur, nec prosperis corrumparamur. Refert Gellius lib. 17. c. 19.

*Idem.*

In omni negotio, inquit, nihil adeò prospicere debes, quàm ut tutum securumque sit quod agas. Est autem tutius tacere quam loqui, &c. In Enchiridio.

*Plato.*

Antisthenem, qui differendo fuerat prolixior, sic admonuit, ignoras quod orationis modus sit, non penes dicentem, sed penes audientem. Laert. l. 3.

*Isæus.*

Pythonis proditoris accusationem Isæus sophista tribus dictis absoluit: Coarguam Pythonem, inquit, prodicionis: oraculo à Deo reddito, populo qui vinxit, Philippo qui dimisit. Neque enim Deus pronuntiasset oraculo nisi talis esset: nec populus vinxisset, nisi talis fuisset: neque rex abiisset, nisi eum cuius gratia venerat non reperisset, aut rex è castris illum non dimi-  
sisset. Philostratus in sophistis.

*Phocion.*

In concione sedens seorsim, accessit quidam qui diceret, Videris cogitabundus, ô Phocion: Rectè quidem coniectas, respondit: Cogito enim, si

quid queam detrudere his quæ dicturus sum apud Athenienses. Alij solliciti sunt, ut quàm plurima dicant, quo videantur eloquentes esse, atque discreti. Illi diuersa erat cura, nimirum ut quæ ad rem faciebant, verbis quàm paucissimis cõplecteretur. Plut. in apophr.

*Demosthenes.*

De Phocione, quoties in concione dicturus assurgeret ad amicos proximos dicere solebat Demosthenes, rationum ipsius securim surgere, Nam Phocion erat in dicendo brevis, sed acutus. Solebat autem ferè à Demosthene dissentire. Plut. in Demost.

*Apollodorus.*

Dicebat optimos homines in dicendo breuissimos esse: linguaces autem, si tantum molestiæ caperent, quanta reliquos afficiunt, haud sanè longos sermones habituros esse. Stobæus. serm. 34.

*Epaminondas.*

In Spartanos, qui multa magnaque crimina Thebanis obiiciebant: Hi nimirum fecerunt, inquit, ut breuiloquentia uti destiteritis. Solebant Lacedæmonij de breuiloquentia gloriari, sed à Thebanis multis affecti calamitatibus, multa dicere coacti sunt, de illis conquerentes. Plut. in apoph.

*Archidamus.*

Cum irrupisset Archidamus in Arcadiam, audito quòd hostibus Elei ferrent auxilium, scripsit illis in hunc modum: Archidamus Eleis, Quies bona. Nò potuit breuius & suadere, quod erat illis commodum: & minari malum, si quid perperam aggrederentur. Decet hæc breuiloquentia & ducem, & Laconem. Plut.

*Cleomenes.*

Pirata quidam cum prædam per Lacedæmoniorum regionem fecisset, captus, & interrogatus cur id fecisset? Quoniam, ait, decrat mihi vnde

H viuerem,



viuerem, & aliis quoque darem, ad eos venire coactus sum, qui habent: quæ nec sponte dabant, vi erepturus. Cui Cleomenes ait: compendiosa tibi inest malitia. Eoque dicto detestabatur hominis improbitatem, & laudabat expeditam orationis breuitatem. Plutarch. in Lacon.

*Leo Eurycratidis F.*

Cuidam de rebus haud quaquam inutilibus intempestiuè loquenti, O hospes, inquit, re opportuna non opportunè vteris. Nihil oratione melius, si parce promas linguæ thesaurum. Plut. in Lacon.

*Lycurgus.*

Interroganti, quamobrem Lacedæmonij breuiloquium vsurparent? Quoniam silentio est finitimus, inquit. Stobæus ser. 33. Anton. in Melissa, parte 1. ferm. 73. Max. ferm. 20.

*Lacedæmonij.*

\* Factis magis quam eloquentia polluerunt. Ideo breuiloquentia, *λακωνικὸς*, id est, Lacedæmoniorum seu Spartanorum sermo, dicta est: quod Lacones seu Lacedæmonij in apophthegmatis præcipuè valerent. Horum autem Lepos in eo præcipuè consistit, ut paucissimis verbis plurimum sententiæ complectantur. Cuiusmodi sunt illa *εἴς*, i. Si, responsum prolixæ orationi legati: & *ὅς*, i. non, totam occupans epistolam & *ἡ τὰν ἡ πᾶς*, i. aut hunc, aut super hunc. Eras. in adag. Plut. in apophth. vbi innumera extant breuiloquentiæ Laconicæ exempla, ad suos locos hoc apoph. opera relata.

*I. Cæsar.*

Quum in bello ciuili Pharnacem primo congressu vicisset, Laconica breuitate ad suos scripsit: Veni, vidi, vici, Plut. in apophth.

*Augustus Cæsar.*

In Sicilia pro Theodoro Arium præfectum instituit. sed cum Cæsari

quidam libellum porrexisset, in quo scriptum erat, Caluus Theodorus Tarsensis fur est, quid tibi videtur? lecto eo, nihil aliud subscript quam videtur. Plut. in apoph.



## DE CÆCITATE

TIMON NICAËVS.



N quendam omnia mirantem, ita lufit: Quin & illud miraris, quod cum tres simus, quatuor habemus oculos? Timon enim luscus erat, vnde & Cyclops dictus est: & discipulum habebat luscum, Dioscoridem. Memini huius & Socrates alicubi apud Platonem. Laert. lib. 9. cap. 12.

*Asclepiades.*

Cuidam interroganti, Quid incommodi cæcitas ipsi attulisset? Vno, inquit, puero ambulem comitator. Significans sibi minimè molestant cæcitatem corporis, cum animo cerneret. Eras. l. 8. apoph.

*Aristoteles.*

Percontanti, qui fieret, ut cum scemosis diutius ac lubentius confabularem? respondit, eam percontationem esse cæci. Cæcus enim non sentit formæ illecebram, nibilo magis quam colorum gratiam. Laert. l. 5. c. 5.

*Antipater Cyrenaicus.*

Muliereculis quibusdam cæcitate ipsius deplorantibus: Quid agitis? inquit, an vobis nulla videtur voluptas nocturna? Nocte omnes cæci sumus, nec tamen lamentamur. Habet animus quo se delectet, etiam oclusis sensibus. Responsum Antipatri conueniebat sceminis, omnia voluptate metatibus. Eras. l. 1. apoph.

*Inquit.*

*Isidrius.*

Is erat Chalcedonenſis epiſcopus, qui ſenio iam conſectus, & iam viſu plane careret, Conſtanti- nopolim habi- tans, impiè à Iuliano imperatore & apoſtata deriſus eſt: qui ſubinde mo- nebat, vt Galilæum ſuum (ita enim vir impius Chriſtum Saluatorem nomi- nare ſolitus erat) oraret, vt viſum ſibi reſtitueret. Cui epiſcopus reſpondit: Gratias ago Deo, qui viſum mihi ade- git, ne te hominem tam impium vi- dere cogerer. Fulg. l. 6. c. 2. ex hiſt. Eccl.

*Antonius Eremita.*

Audiens Didymum grauiter ferre oculorum cæcitatem: Nil, inquit, te offendat, mi Didyme, quòd carnali- bus tibi oculis videris orbatus. Deſunt enim tibi oculi, quos mures & muſcæ & læcetræ habent. Sed lætare, quia ha- bes oculos quos angeli habent, quibus Deus videtur, pro quo tibi magnum ſcientiæ lumen accenditur. hiſt. Eccl.

## De callidè dictis.

*Simonides.*

Simonides interrogatus, quam ob rem, cum eſſet iam homo ſenex, & morti proximus: tamen aded eſſet attentus ad rem? Quoniam, inquit, malum moriens inimicis relinquere, quàm viuus carere amicis. Callidè autem taxauit hominum mores, qui dum ſperant bona ſe olim conſequu- turos, obſeruiunt: non ſecuri, negli- gunt. Erat. Rot. l. 6.

*Phryne.*

Praxitelem, à quo deamabatur, ro- gauit, vt ex operibus quod haberet pulcherrimum, ſibi donaret. Promiſit quidem amans: ſed illa intellexit arti- ficem diſſimulare, quod eſſet domi ſuæ optimum. Clam igitur ſubornauit ſeruum, qui Praxitelem in foro ſua ven-

denti diceret, domum ſuam maximo flagrare incendio, & pleraque iam in- cendio conſumpta eſſe. Praxiteles igitur ſtatim interrogat, an Satyrus & Cupido ſuper eſſet? Quod cum mere- trix audiuiſſet, ait, ſalua eſſe omnia, & Cupidinem ſibi dari iuſſit.

*Demoſthenes.*

Ancilla quædam depoſiti nomine pecuniam acceperat à duobus hoſpi- tibus, ea tamen conditione, vt eam vtriſque ſimul, redderet. Horum alter poſt tempus aliquod lugubri veſte & ſqualidus, ſocij mortem ſimulans, de- cepta muliere pecuniam abſtulit. Poſt mēſes aliquot venit demum alter, de- poſitum efflagitans. Verùm cum ferè iam desperaret de luſa muliercula De- moſthenes ei patronus adſuit, qui cum in aduocationem veniſſet, ſic ne- gotium abſoluit: Parata eſt mulier, vt fidem depoſiti ſoluat: non tamen fieri id poterit, niſi ſocius quoq; adductus fuerit quoniam ab ipſo modò audiui- mus, hanc legem dictam eſſe, Ne de- poſita pecunia alteri ſine altero nu- meretur. Et hæc calliditate ſeruauit mulierculam, & eluſit nebulonum de- poſitum improbè efflagitantium con- ſpirationem. Plut. in Demoſt.

*Vide ſuprà apoph. de Aſtute dictis.*

## De calumnia.

*Hippias.*

Graviſſimam rem calumniam eſſe dicebat, eo quòd nulla pœna lege ſancita ſit calumniatoribus, vt ſutibus, quamuis amicitiam (quæ optima eſt poſſeſſio) furentur. Quamobrem cõ- tumelia licet malefica ſit, iuſtior tamẽ eſt quàm calumnia: quæ, quia latet, nocentior eſt. Stob. ſer. 40. ex Plut.

*Democritus.*

\* Gladius quidem ſecat, calumnia

H 2 ante

autem separat amicos. Anton. & Max. ser. de vituperatione.

*Idem.*

\* Dicebat calumnias esse vitandas: multi enim (inquit) veritatem ignorant, existimationis & opinionis rationem tantum habent. Anton. ser. de obloquentibus.

*Cleanthes.*

Nihil ferè tam malignum esse dicebat, quàm calumniam. Hæc enim ubi elàm aliquem à se persuasum decipit, odium excitat aduersus eum qui nihil est commertitus. Stob. serm. 40.

*Socrates.*

Calumniatorem nequaquàm admittendū esse suadebat. non enim ex benevolentia tecum, sed malevolentia loquitur. Et quemadmodum aliorum arcana tibi detexit, similiter etiam quæ tu dixeris exponet aliis. Antonius in Melissa, par. 1. ser. 53. Max. ser. 10.

*Diogenes.*

\* Audiens aliquando hominem moribus peruerfis, calumniis inceslere Platonem, Ohe desine, inquit: neque enim tu malè de illo dicendo fidem merebere, neque in te laudando. Stob.

*Aristoteles.*

Quum iudiciorum metu Athenis profugisset, interroganti cuidam, qualis esset ciuitas Atheniensium? respondit, Pulcherrima: sed in ea pyrus super pyrum, & ficus super ficum consenscit. Quo dictorio notauit Atheniensium lycophantas & calumniatores, perniciosissimos bonis viris. Ælian. l. 3. de Var. hist.

*Idem.*

In his vocatus, quod Hermiam mulierem, quam amabat, hymno quâdam celebrasset, calumniæ molestiam Homericò versu testatus est, in ipso statim defensionis initio:

ἔχην ἢν ἔχην ἡμετέρας: σὺν αὐτῇ δ' ἔστι σὺν αὐτῇ.  
Laert. lib. 5. cap. 1.

*Theariddi.*

Quum gladium core acueret, rogatus à quopiam, num esset acutus? Magis acutus, inquit, quàm est calumniarum grauitèr innuens, rem omnium rerum nocentissimam esse calumniam. Plut. in Lacon.

*Rheginus.*

\* Dicebat multos plus mali per calumnias quàm per hostes accepisse: multisq; maiora illata esse dāna propter aurium infirmitatem quam per inimicorum insidias. Stob. ser. 40.

*Demosthenes.*

Calumniam aliquantisper quidem audientium opinionem confirmare, progressu verò temporis nihil ipsa inbecillius esse dicebat. Stob. ser. 40.

*Idem.*

Quidam eum calumnianti, respondit, non descendo in certamen, in quo victus victore superior est. Anton. & Max. ser. de calumnia.

*Simonides.*

\* Dicenti cuidam, Multi te apud me deferunt, respondit, Ecquando rutundem defines me auribus calumniarum? Stob. ser. de malitia.

*Pelopidas.*

\* Quum fortis quidam miles per calumniam apud ipsum deferretur, qui ei conuitiatus esset: quidem dicitur facta eius respicio, verba autem non audiui. Stob. ser. 40.

*Medius.*

Is ex Alexandri parasitis vnus solebat alios adhortari, ne metuerent quoduis crimen in quemuis intendere. Adiecit scelerato præcepto causam appositam: Vt maximè, inquit, tenet vulnus qui delatus est, manet cicatrix. Non arbitror (inquit Erasmi.) quemquam esse diabolum tam impium, qui rem magis nefariam possit suggerere. Et quo scēdus est crimen, hoc tenacius hæret apud multos criminis

criminis suspicio, vel innocentissimum. Audiui ducem quendam his verbis adhortantem suos milites nauicos, ad quiduis prædandi temeritatem: Rapite quicquid potestis, siue merces sint amicorum, siue hostium: nam vt qui spoliati sunt, sic agat apud principem, vt compellamur restituere. semper tamen aliqua prædæ portio remanet apud nos. Eras. l. 8. apoph.

*S. Basilus.*

\* Tribus (inquit) damnosus est calumniator: illi quem traducit, audientibus eum, & ipse sibi. Anton. & Max. de vitup.

*Phocius.*

Dicere solebat, eos qui facile alienas calumnias admitterent, ne ipsos quidem similibus factis abstinere. Ipsa enim calumniantium admissio, innocentem quoque qui admittit in societatem trahere solet. Anton. in Melissa, par. 1. ferm. 53.

*Vide apoph. de Consumelia, conuiciis de uastatione, maledicentia & visuperatione.*

## De canitie.

*Anonymus.*

L Acon quidam senex, percontatus cur barbam gestaret tam prolixam: Vt, inquit, virum me esse sciam, canos intuens capillos: nihilque committam illis indignum. Plut. in Lacon.

*Augustus Cæsar.*

Iulia eius filia maturè canos habere cœperat. Subitus autem Cæsaris interuentus oppressit comitricem, filia canos sublegentes, deprehensis super vestes earum pilis, quos euulsant. Id dissimulauit Augustus, & aliis sermonibus extracto tempore, tandem induxit ætatis mentionem. Hac occasione rogauit filiam, vtrum post aliquot annos cana esse mallet, an

calua? Quumque illa respondisset, Ego, pater, cana esse malletm. Cur ergo, inquit, istæ te caluam ante tempus student facere? Eras. lib. 4. apophth. ex Macrobi. lib. 12. cap. 5. Satur.

## De castigatione, correctione. & reprehensione.

*Diogenes.*

D Icere solebat, non tantum fidis amicis, sed acerbis etiam inimicis opus esse: eo quod illi nos admonerent, hi verò nostros errores, vitæque nostræ flagitia reprehendant atque castigent. Laert. lib. 6.

*Zeno Citiens.*

Celebratissimam Hesiodi sententiam inuertere solebat. Ille quippe cum primas tribuat ei qui per se sapiat, secundas qui rectè admonenti obtemperet: Zeno è contrario pronuntiabat: Optimus ille quidem, qui pareret recta monenti. Laert. l. 7. c. 1.

*Idem.*

Quendam dicentem sibi in multis displicere Antisthenem, abusus Sophoclis dicto Zeno Citiens, rogauit, num aliqua haberet Antisthenes quæ placerent: ille respondit, se nescire. Hic Zeno: Et non te pudet, inquit, si quid ab Antisthene perperam dictum est, excerpere ac meminisse: si quid rectè dictum, id ne animaduertere quidem, nec tenere? Idem morbus nunc habet plurimos, qui in libris aliorum tantum ea veniunt quæ carpant, bene dictorum nulla neque gratia neque memoria. Laert. l. 7. c. 1.

*Hieron.*

Xenophani Colophonio de paupertate sua querenti, quod ægrè duos aleret famulos: At Homerus, inquit, quem tu carpis, etiam mortuus alit plusquam



plusquam decem hominum milia. Er-  
tu qui vis illo videri doctior, vnus non  
alis dups? Erant illis quoque tempo-  
ribus, qui carpendis illustrium virorū  
operibus gloriam aucuparentur. Plur.  
in Regum apoph.

*Lacedæmonij.*

Apud Lacedæmonios si puer à præ-  
ceptore vel alio castigatus obcōmis-  
sum delictum, querelam ad patrē de-  
tulisset: turpe erat patri si hoc audito,  
non iterum filium emendasset. Siqui-  
dem ex institutione maiorum habebant  
hanc de se mutuò fiduciam, vt  
crederent, neminem esse, qui cūius-  
quam liberis, quos quisquam pro suis  
habebat, quicquam imperaret inho-  
nestum. Plur. in apoph. Lacon.

*Demonax.*

Frequenter dicere solitus est, non  
remerè irascendum esse hominibus, si  
delinquerent: sed corrigenda esse vi-  
tia medicorum exemplo; qui non in-  
dignantur eegrotis, sed medentur mor-  
bo. Eraslib. 8. apoph.

*Anonymus.*

Quum multi bello capti venderen-  
tur, Philippus Macedo in auctione se-  
debat, veste sublata parum decorè.  
Quidam igitur eorum qui vendeban-  
tur, exclamauit: Parce mihi Philippe,  
à patre. n. tibi sum amicus. Philippo  
verò interrogante. Quo pacto, & vn-  
dè, ô homo, conflata hæc est amicitia?  
Tum ille, Volo, inquit, propius, acce-  
dens dicere. Admissus, quasi arcani  
quippiam dicturus: Demitte, inquit,  
chlamydem aliquantulum: nam ad  
istum modum indecenter sedes. Mox  
Philippus, Hunc, inquit, sinite abire,  
liberum: nesciebam enim, illum mihi  
verè beneuolum & amicum esse. Non  
offensus est rex tantus, nec simulatio-  
ne, nec admonitione ignoti hominis:  
sed simul & simulatione mutua simu-  
lationem texit, & tantillum officium

magnio libertatis præmio pensauit.  
Plur.

*Pauson.*

Receperat à quodam equum pi-  
gendum specie volutantis sese, & pin-  
xit currentem. Indignante eo qui con-  
duxerat, Pauson ridens: Inuertere, in-  
quit, tabulam: eo facto, iam non cur-  
rere, sed volutari videbatur. Ita qua-  
dam errata, quæ videntur maxima mi-  
nimo negotio corriguntur, si quis cō-  
modè interpretetur. Refert Plutar-  
chus in libello, Cur Pythia vates des-  
isset carmine reddere oraculo.

## De castigatione modesta.

*Zeno Cisticus.*

R<sup>E</sup>gem Antigonum, cui familiarissi-  
mus erat, nimie ebrietati deditum  
videns, hoc amici vitium amica ad-  
monitione castigare conatus est. An-  
tigonus igitur vino iam repletus, cum  
Zenonem oscularetur is orauit vt die-  
tis suis iam obediret. Cui cum Antigo-  
nus respondisset, libenter se hoc fac-  
tum, iuramento sententiam conti-  
mans: Abi, inquit, Zeno & vinum im-  
modicè sumptum euome. Graui & le-  
pienti reprehensione simul temulentia  
amicius taxans, simulque cauens, ni-  
nimia poratio ei nocumentum adde-  
ret. Elian. lib. 9. de Var. hist.

*Socrates.*

In conuiuio videns adolescentem  
audius vescentem obsonio, ac subin-  
de panem in ius immergentem, ô con-  
uiuæ, inquit, quis vestrum pane vi-  
tur pro obsonio, obsonio pro pane?  
Hinc orta inter conuiuas disputatio-  
ne: sensit iuuenis, & erubuit, capiti-  
que moderatius obsonio vesci. Eras-  
lib. 3. apoph.

*Geminus.*

Antonius triumphat cum in Asia de-  
geret.

geret, atq; vna esset Cleopatra Ægypti regina, cuius nutu Antonius, eius amoribus nimium victus, regebatur, per id tempus graues inter ipsum atque Octauio controuersie exarserant. Amici igitur ab vrbe Roma ad Antonium in Asiam Geminiū miserunt, vt omnia tentarentur, per quæ cum Octauio redintegrari communis amicitia posset, atque in mutuam concordiam rediretur. Cū autē Geminium Antonius conuiuio excepisset, præsente Cleopatra mōnuit vt mandata quæ habebat exponeret. Ad quem Geminus: quæ tibi dicere missus sum Antoni, cū sobrio & alio loco quā vbi nunc sumus, tractanda sunt. Sed vt cunque, rem tuam vel ebrius dicere mihi posse videor: scilicet, res tuas bene successuras, si Cleopatram in Ægyptum dimiseris. Et sic quā paucissimis verbis Antonij ebrietatem, & eius in Cleopatram immodicum amorem sapienter carpsit. Plut. in vita Anton.

## De castigatione libera.

*Diogenes.*

**I**N Stoicorum Gymnasio retrorsum incedens ridentibus nonnullis, Non vos, inquit, pudet viuendi iter facere retrogradum, mihi verò deambulando tantum id facienti vitio dare? Stobæus serm. 2.

*Demades.*

Quum vidisset Philippum regem largius potum cum amicis saltasse per mediam captiuorum turbam, eisque petulanter exprobrare suam calamitatem, liberè dixit: quum, ô rex, fortuna tibi Agamemnonis personam imposuerit, non pudet te factis agere Thersten? Ea vox totum regem in diuersum vitæ genus immutauit. Eras. lib. 6. apoph.

*Philippus.*

Diffidium habens cum Olympiade vxore, cūque Alexandro filio, Demaratum Corinthium ad se venientem percontatus est, quomodo inter Græcos inuicem conueniret? Hic Demaratus, scilicet, inquit, magnopere tibi curæ est Græcorum concordia, cū qui tibi sunt coniunctissimi huiusmodi in te sint animo. Quid hîc expectas, nisi vt rex offensus Demarati libertate, iubeat illum ab oculis suis abduci? Imò quoniam Demarati sermo ab ira ad saniora consilia vocabat, rex sese ad eius obiurgationem composuit, positræque ira rediit cum suis in gratiam. Plut. in apoph.

*Subrius Flavius.*

Quum de coniuratis agerentur questiones, Subrius Flavius tribunus interrogatus à Nerone, quibus causis adductus ad obliuionem sacramentis processisset? Oderam te, inquit, nec quisquam tibi fidelior militum fuit dum amari meruisti: odisse cœpi, postquam parricida matris & vxoris, auriga & histrio & incendiarius extitisti. Negant in ea coniuratione quicquam accidisse Neroni grauius, qui vt ad patranda facinora promptus erat, ira audiendi quæ patraret insolens. Suetonius in vita Neronis.

*Huc referri possunt apoph. de Correctione & Libertate.*

## De castigatione dura.

*Socrates.*

**Q**uendam acrius castigantem seruum, quam obrem ita sæuiret roganti: quoniam, inquit, quum sic obsoniorum voracissimus, tamen ignauissimus est: quūque sit auidissimus, tamen desidiosissimus est. Tum Socrates, Nunquāme, inquit, considerasti,

utrum vestrum pluribus egeat verberibus, tunc an famulus? Utinā sibi quisque dicat quod illi Socrates, quoties hoc in aliis reprehendit, punitq; idem quod sibi ignoscit: aut si non idem, crebro deterius. Eras. lib. 3. apoph.

*Lacedæmonij.*

Apud Lacedæmonios si quis in peccato deprehensus fuisset, cogeatur aram quandam, quæ erat in vrbe, circumire, ac vituperationem interim in ipsum compositam canere: quod nihil aliud erat, quàm seipsum sua voce obiurgare. Ingenui, pudore & laudis amore melius ducuntur ad honestum: virgis aut flagris cædi seruile est. Plut. in Lacon.

*Isidorus Cynicus.*

Neronem imper. transeuntē in publico clara voce corripuit, quoddam Nauplij mala bene cantaret, sua bona male disponderet, Nauplius erat Palamedis pater, qui filij præter meritum damnati necem magno Græcorum exitio est vltus. Solebat autem Nero tragedias cantare. Suet.

## De castigatione iniquo animo excepta.

*Diogenes.*

**I**mprobum quendam cum castigasset, interrogatus à quodam, quid faceret? Æthiopem, inquit, abstergo, ut difficulter candidum reddam. Anton. in Meliss. par. 2. serm. 32.

*Theodorus Athen.*

Dicere solitus est, se doctrinam auditoribus dextra porrigere, sed illos sinistra accipere. Sentiens, illos bene dicta in malam accommodare partem. Eras. 6. apoph. ex Plutarcho.

*Cambyses.*

Praxaspes Cambysem regem admonuit, ut parcius vino indulgeret. Turpē

enim esse in rege ebrietatem, in quem vnum omnium essent coniecti oculi, cui rex: Ut scias, inquit, quàm mihi nunquam excidam, approbabo, etiam post vinum, & oculos & manus in officio esse. Bibit deinde solito largius: iamque vinolentus iubet obiurgatoris filium produci, alleuatque supra caput sinistra manu stare: tunc in cor adolescentis figit sagittam, nam, id dixerat se petiturum: rescisōque pectore, iaculum cordi infixum ostendit patri, rogans num satis certā haberet manum? At ille negavit Apollinē potuisse certius mittere. Herodot.

## De castitate.

*Isocrates.*

**C**onspiciens Sophoclem tragediarum scriptorem sequi puerum quendam, forma illius caprum: Oportet, inquit, & Sophocles hominem non manus tantum apud se continere, verum & oculos. Eras. 8. apoph. thegeti Cicerone.

*Alexander.*

Quum Philoxenus classis præfectorus Alexandro scripssisset, Tarentinum quendam Theodorum esse apud se, pueros habentem insigni forma venales, si veller emere: indignē tulit, apud æquales subinde clamitans, Quid in me Philoxenus tam obscenum animaduertit, ut mihi tantum probri ciliaret? Plut. in Alexandro.

*Cyrus.*

Cyrus abstinere à conspectu Pantheæ: & Araspo dicenti, mulierem esse insigni forma, dignam regis oculis, Ob isthuc ipsum, inquit, magis est illa abstinentum. Etenim si nunc tuo obteperans consilio illam adiero, quum vacat fortassis illa mihi persuasura est, ut ad ipsam frequenter eam, etiam quum

quum non vacabit, ei que affideam, neglectis seriis negotiis. Scitè retrorsit argumentum, regie functionis memor. Eras. lib. 5. apoph.

*Alexander.*

Cum puella, excubia iam nocte, venisset cum eo dormitura, rogauit rex, cur tam serò venisset? Illa respondente, se expectasse, donec maritus cubitum isset, Alexander ministros accitos acriter obiurgauit, quòd aditum dedissent. Reducite, inquit, hanc, ne adulterij ansam mihi præbeat. Egregium sanè castitatis exemplum, tum in iuvene, tum in rege. Plut. in apoph.

*Antigonus.*

Quòd filius eius adolescens institisset, ut hospitium nancisceretur apud viduam treis habentem forma decente filias, hospitii designadis præfecto: Non expelles, inquit, filium meum ex loci angustia? Non prodidit adolescentis affectum, quem sciebat captare quod amaret: sed excusauit ædium angustiam, in quibus vidua cum tribus filiabus ageret. Plut. in apoph.

*Antiochus tertius.*

Quum Dianæ sacerdotem vidisset supra modum eleganti forma, continuo soluit Epheso: veritus, ne vis amoris aliquid ipsum facere compelleret, quod fas non esset. Immane quantum absunt ab huius ethnici principis religione Christiani milites, qui Deo dicatas virgines constuprare pro ludo ducunt. Plut. in apoph.

*Liuius.*

Liuius Augusti Cæsaris vxor, cum nudos homines, qui sibi facti erant obuiam, qui eam ob turpitudinem damnabantur, vidisset, dixit, eos, matronis quidem honestis & continentibus, nihil a statuis differre. Cor enim hominis pudicum, rerum impudicarum aspectu nequaquam malis cogitationibus tangitur. Dion in Tiberio.

*Scipio.*

Scipio posteaquam Carthaginem nouam, quæ erat Hispanorum, armis coeperat, milites quidam virginem eleganti forma captam adduxerunt, eique tradiderunt. Hic ille, libenter acciperem, inquit, si priuatus essem, non imperator. Iuuenis insigni puellæ formæ corrumpi non potuit, quo minus meminisset, quid decet imperatorem. At multi sunt hodie qui ob hoc ipsum sibi credunt tum licere, tum decora esse omnia, quòd sunt imperatores. Plut. in Rom. apoph.

*Anonymus.*

\* Castitas amittitur, & rebus quatuor (dicebat quidam vir pius olim) scortatio excitatur: cibi & potionis expletionem, somni satietate, otio & lusu inanique garrulitate, & vestitus exornatione. Anton. & Maxim. serm. de Castitate & temperantia.

*Huc spectant apoph. de Continentia, Pudicitia & visu.*

## De celeritate atque velocitate in agendo.

*Socrates.*

Quod si fructus præcoces magno emerent, eos aiebat desperare, quòd ad tempus maturitatis essent peruenturæ. Alioqui multum est, & pluris & deterius emere, quum paulò post liceat & minoris, & meliores. Ita nusquam non reuocabat hominum cupiditates rationis expertes, ad sobrium iudiciũ. Eras. lib. 3. apoph.

*Apelles.*

Pictori imperito de celeritate gloriant, & ostensa tabula dicenti, Hanc modò pinxi: etiam si tacuisses, inquit Apelles, res ipsa loquitur, quòd eam ex tempore subito pinxeris. Eras. lib. 6. apoph.

*Agathas.*



*Agatharchus.*

Is sese iactabat de pingendi celeritate, quum Zeuxis diutius immoraretur operi. At Zeuxis respondit, ea quæ citò fiunt, citò perire: cōtrā, quæ paulatim exacta cura absoluerentur, ætatem ferre. Iuxta Valerium ita respondit: Diu pingo, quia pingo æternitati. Citò nata, citò pereunt: diu elaborata, ferunt ætatem. Beta citò nascitur, buxus paulatim. Eras. lib. 6. apoph.

*Augustus.*

Augustus Cæsar dicere solebat, nihil minus in perfectum ducem cōuenire, quàm festinationem ac temeritatem, crebròq; illud iactabat, *αὐτὸς βραδύτως ἀποφάσις ἢ δὲ ἰσὶν αἰμεινὸν ἢ θεοῦς σπουδαιότερος*. Suetonius. Vide præterea prouerbium apud Eras. Festina lentè.

*Iul. Cæsar.*

Ea facinora quæ periculo obnoxia sunt, & magna, gerenda esse dicebat: at de his non consultandum, eo quod ad hæc perficienda plurimum habeat momenti celeritas. Plut. in apoph.

*Idem.*

Quum Pharnacem primo congressu vicisset, amicis scripsit, Veni, vidi, vici, summam rei bene gestæ celeritatem indicans. Plut. in apoph.

## De charitate.

*Firmius.*

**I**N cæteris rebus laudatur modus: in charitate verò qui maiore partem habet, gravior est Deo. Anton. ser. de charitate.

*Basilii Magni.*

\* Deus non omnium Deus est, sed illorum quos ei charitas conciliauerit. Ibid.

*Chrysostomus.*

\* Opifex omnium virtutum est charitas, cuius natura facietatem nescit,

sed dum semper fruitur dilectis, magis magisque inflammatur. Ibid.

*Photius.*

\* Diligere eos qui nos oderunt virtutis opus est & diuinum: diligentes diligere humanum & vulgare: cæterum odisse etiam diligentes, ne bellum quidem conuenit. Ibid.

*Gr. Nyssenus.*

\* Omnis malorum turba charitatis affectione exterminatur. Ibid.

*Clemens Alexandr.*

\* Multis modis charitas intelligitur, clementis, suauitatis, patientiæ, inuidentiæ & æmulationis vacuitate, & iniuriarum obliuione. Ibid.

## De ciuilitate.

*Pericles.*

**A**Riphroni volenti publico præconio quæri Alcibiadem, qui adolescens, clam domo egressus ad amicam Democratem se contulerat, obstitit, dicens: Si fortè nobis insciis periret, præconio nil aliud ageretur, quàm vt vno tantum die citius manifestum fiat, illum interiisse: Sin saluus, ne per omnem quidem vitam saluus esse poterit. Ciuilitè exclusit Pericles adolescentis infamiam, quam nunquam potuisset eluere. Plut. in Græc. apoph.

*Æschines.*

Cum Rhodi recitasset orationem suam contra Demosthenem, Rhodij admirati sunt, quod tali oratione defendi non potuisset. At desineretis admirari inquit, Æschines, si audissetis quæ ad hæc respondit Demosthenes. Mira ciuilitate se exemit à crimine, & iudices excusauit, damnationis iniustæ causam reiiciens in orationem Demosthenicam. Eras. Rot. lib. 8. apoph.

*Aristoteles.*

Cum iam natus annos 62. adeò laboraret,

boraret, vt nulla planè spes virg super-  
esset, conuenerunt ad eum discipuli,  
rogantes vt ex ipsis successorem eli-  
geret. Erant autem duo inter audito-  
res præcipui, Theophrastus Lesbicus, &  
Menedemus Rhodius. Iussit igitur A-  
ristor. vinum exoticum sibi, Rhodium  
scilicet & Lesbium adferri, vt extre-  
mum biberet Vale, & gustato vino pri-  
mum Rhodio, dixit, Firmum herclè  
vinum, & iucundum. Mox gustato Les-  
bio, Vtrumque, inquit, egregiè bonum,  
sed Lesbium suauius est. Id vbi dixit,  
nulli dubium fuit, quin ciuilitè Theo-  
phrastum Lesbium successorem sibi  
fecerit. Laert. lib. 5. cap. 1.

*Alexander.*

In hyeme quum duceret exercitum,  
assidens igni, recognoscere prætere-  
vntes copias cæpit. Cùmque videret  
militem quandam horrentem frigore,  
& ad ignem stantem, considere lo-  
co suo iussit, dicens: Si in Perside na-  
tus esses, in regia sella sedere tibi capi-  
tale foret, in Macedonia nato conce-  
ditur. Q. Curtius.

*Archelaus.*

Euripides quum in conuiuio Aga-  
thonem deoscularetur, Archelaus a-  
micis dixit, Ne miremini: nam pul-  
chrorum etià autumnus pulcher est.  
Ciuiliter excusauit amicum apud a-  
micos. Eras. Rot. lib. 5. apoph.

*Eudamidas.*

Die quodam cum Xenocrates ar-  
gumentum quod tractabat, differendo  
absoluisset, iamq; finem dicendi fecis-  
set, superuenit Eudamidas, cui cùm  
comitum quispiam dixisset, Postea-  
quam nos adsumus, tum ille desit di-  
cere: Rectè, inquit, siquidem ea dixit  
quæ voluit, rursus altero dicente, Bo-  
num erat audire, putans fore vt sua  
causa iuberet Xenocratem eadem de  
integro differere: Quid, inquit Euda-  
midas, si venissemus ad te iam cœna-

tum, num postularemus vt cœnares  
iterum? Ciuilitas erat, quòd philoso-  
phum ad iterandam disputationem  
perpellere noluit, quòd cares non ca-  
ruisset radio dicentis. Laconicæ vir-  
tutis erat, quòd magis admirabatur  
præclara facinora designantes, quàm  
de virtute differentes. Plut. in Lacon.

*Alexander Maced.*

Cùm è Macedonũ numero ad ma-  
re remitteret valetudinarios, mutilos  
& debiles, productus est quidam qui se  
ægrotare finxerat. Is cùm ad regem  
duceretur, vt ostenderet, cuius rei gra-  
tia morbum simulasset: fassus est, hoc  
factum esse ob amorem Telestippæ,  
quæ ad mare fuerat profecta. Verùm  
cùm sciret eam virginem esse liberam,  
ait: Persuadeamus Telestippæ, vt ad  
nos veniat sua sponte, nam manus li-  
beræ virgini admouere nequaquam  
debet. Et sic ciuilitè indulgit amorì  
strenui militis, quem in exercitu reti-  
nere cupiebat: & ingenuam tamen  
virginem non vi adegit, vt adesset  
sponso futuro. Plut. in apoph.

*Cato.*

Multis Publij Scipionis ingrati-  
tudinem inculantibus, quòd Caroni de  
se optimè merito opposuisset compe-  
titorum: Cato sic excusauit: dicens  
minimè mirandum, si quod quis maxi-  
mum bonum duceret, id alteri nollet  
concedere. Plut. in Cato.

*Augustus Cæs.*

Cùm nulli ferè ad conuiuium inui-  
tanti suũ degeneraret officium, exce-  
ptus à quodam cœna perparca, ac pe-  
nè quotidiana, cùm à coniuratore di-  
mitteretur, hoc illi tantum insusurra-  
uit: Non putabam me tibi tam fami-  
liarem esse. Alius tam ieiunum appa-  
ratum contumeliam fuisset interpre-  
tatus, ille ciuilitè etiam pudori cõsu-  
luit: inuitatoris familiaritati tribuens,  
sedque in aurem, ne cæteri putarent  
expro-

exprobratam parsimoniam. Plutar. in apoph.

## De claudicatione.

*Demonax.*

**I**N Ruffinum quendam claudum, multo tempore familiarem Peripateticis, dixit, nihil esse turpius Peripatetico claudo. Alludit huc, quod Peripatetici dicuntur ab inambulatione, quæ non conuenit claudo. Eras. Rot. l. 8. apoph.

*Androclidas.*

Is claudicans, cum se in ordinem bellantium coniecisset, malè audiuit à quibusdam, quod pede læsus in aciem proruisset, pugnaturus contra sanos ac agiles, quibus respondit: Non fugientem, sed manentem cum hostibus, pugnare oportet. Quod vitio dabatur, ad animi fortitudinem retorfit. Plutar. in Lacon.

*Anonymus.*

Alius quidam Lacon claudus ad bellum proficiscens, cum ab aliis militibus derideretur, Non opus est inquit, fugientibus, sed qui subsistant, & ictus hostium fortiter propellant. Plutar. in Lacon.

*Lacæna.*

Lacæna quædam filium claudum in aciem proficiscentem: Fili, inquit, fac ut singulo quoque gradu virtutis memineris. Aliis claudicationis virium solet formidinem incutere. Ac hæc monuit, ut ex ipso vitio sumeret animos ad rem fortiter gerendam, ita cogitans, nihil esse in fuga præsidij claudum, aut vincendum, aut moriendum est. Plut. in apoph. Lacænarum.

*Antianira.*

Antianira Amazonum regina, demirantibus, quod nupsisset viro claudum, satis Cynecè respōdit, *ἄνεκα χρόλος αἰρεῖ*: id est, Claudus optimè virum agit. Sensit maritum adhibendum non ob

oculorum oblectamenta, sed ad vsum coniugij. Feruntur autem claudi salaciores esse cæteris, & ob id ad gignendam prolem magis accommodi. Eras. Rot. lib. 8. apoph.

*Alexander.*

Philippus à Triballis in prælio vulneratus est, femore lancea traiecto, iamque opera chirurgi liberatus periculo mortis, dolebat claudicationis deformitatem contractam manere. Cui Alexander: Ne verearis, inquit, in publicum prodire: sed gradum mouens, virtutis tuæ potius memineris. Plut. in vita Alex.

*Anonymus.*

De Caluino Glaucia claudicante dixit quidam, Non claudicat, sed clodicat. Veteres Clodium dixere pro Claudio. Hinc iocus in eum qui Clodio fauebat. Eras. lib. 6. apoph.

*Caruili mater.*

Spurio Caruilio grauius claudicante, ex vulnere ob rempub. accepto, & ob claudicationis vitium in publicum prodire verecundanti: mater dixit: Quin prodis mi Spuri, & quotiescunq; gradu facis, toties tibi tuarum virtutum venit in mentē? Eras. Rot. lib. 6. apoph.

*Seuerus imper.*

Cum ob claudicationem podagra laborans, ad imperium inutilis iudicaretur, contemptores suos in ius vocauit, atque capite damnauit, qui cum veniam delecti à Cæsare petiissent. Nō feci vobis iniuriam, inquit, lata sententia. Nunc enim sentietis, non pedes, sed caput imperare in homines sceleratos. Dion Nicæus, & Xiphilius, in vita Seueri.

## De clementia.

*Pittacus Mytilen.*

**T**Yrrhenum Pittaci filium, Cumis inonstrina sedentem, faber quidam

dam ærarius impacta securi occidit. Cumani homicidam vinctum miserūt ad Pittacum, vt de eo supplicium sumeret. At ille cognita causa, dimisit hominem dicens, Ignoscentiam esse potiore penitentia. Sentiens, vtilius esse condonare quàm meminisse iniuriæ, & vlcisci. Sunt qui referant, homicidam ab Alcæo fuisse demissum cum hoc elogio, Melius est ignoscere, quàm punire. Laert. lib. 1.

*Socrates.*

Cuidam percontanti cur Xantipem morosissimam vxorem domi aleret, dicebat, sic cum eius notæ vxoribus habendam cōsuetudinem, quemadmodum qui se ad stadium equestre exercent, parant equos ingenij ferocioris: quos si subegerint, cæteris vtuntur commodius. Laert. in eius vita.

*Diogenes.*

Quum Plato laudasset quendam qui erga omnes lenissimus & mansuetissimus esset, Diogenes respondit, nil quicquam huic homini tribuendum esse, qui homines dolore, si res postularer, non afficeret. Sensit vir prudentissimus, lenitatem & mansuetudinem nimiam plurimū in republic. obesse. Laert. lib. 6.

*Quirinus Sophista.*

Ab Asianis castigatus, quodd in accusando mitior ac lenior esset, quàm ipsi docerent: Multo, ait, melius est, vt vos meam sentiat lenitatē, quàm ego vestram crudelitatem. Philostr. in Soph.

*Dion Syracus.*

Dion Syracusanus extimulatus assiduus à militibus vociferationibus, vt Heraclidem factionū autorem, & in Syracusanos conspirantem, è medio tolleretur: respondit, Si ob inuidiam Heraclides perfidus nefariusq; est, haud propterea opus est, vt Dion neglecta virtute, iræ obtemperet, vitæq; corruptat. Bruf. lib. 3. cap. 4. ex Plut.

*Demaratus.*

Perfa quidam à rege defecerat, in suasu Demarati mutatus, quum reuertisset ad suos, tentaretque cum rex interficere: Turpe, inquit, fuerit, o rex, si cum hostis fuerit, non potius ab eo defectionis pœnas sumere, nunc amicum factū velis occidere. Hoc prudentissimo dicto & regis indignationem temperauit, & eius, cui reditum persuaserat, incolumitati consuluit. Vtrique consultor vtilis, alteri ne quid indignum regia mansuetudine committeret, alteri ne pœniteret ab errore reuocanti paruisset. Plut. in Lacon. apoph.

*Agessipolis Cleambrosii F.*

Quidam quum apud ipsum ceu rem magnificam prædicaret, quodd Philip-pus Macedonum rex intra pauculos dies subuertisset Olynthum: Atqui per Deos, inquit, talem ciuitatem longè maiore temporis spatio non extructurus est. Significans, multo melius esse singulari clemētia seruare ciuitates, quàm cōditas excindere, Plut. in Lac.

*Cleomenes.*

Quum ex quodam audisset, bonum magistratum omnino erga omnes mitem & placidum esse oportere respondit. Bene quidem, ita tamen ne sit contemptui. Significans clementiam nimiam perniciosam esse ciuitati. Plut. in Lacon. apoph. Bruf. lib. 1. cap. 13.

*Demonax.*

Dicebat, nequaquam hominibus irascendum esse si delinquerent, sed corrigenda vitia: nimirum exemplo medicorum, qui non indignantur ægrotis, sed morbo medentur. Nam hominis est peccare: Dei verò, aut hominis Deo proximi, emendare peccata. Eras. lib. 8. apoph.

*Pisistratus.*

Comessatores quidam in Pisistrati vxorem inciderant, multaque lasciuie in illam tum fecerant, tum dixerant. Postero



Postero verò diè, iam decocta temulentia, Pisistratum adierunt cum lachrymis, orantes veniam. Tum Pisistratus: Vos quidem in posterum date operam vt sitis sobrij: vxor verò mea heri nequaquam vsque prodiit ex edibus. Humanitatis erat, quod ignouit adolescentibus: pietatis quòd vxoris honori consuluit, negans tale quicquam in illam factum esse. Plutarch. in Græc. apoph.

*Darius Xerxis pater.*

Quum tributum indixisset subditis, accersitos prouinciarum præfectos, percontatus est, cum aliis de rebus, tum etiam an graua essent populo tributa. Quum illi respondissent, esse mediocria: iussit, vt singuli dimidiam tantum partem exigerent, qua beneuolentia & clementia admodum conciliauit sibi subditorum animos, vt merito ab omnibus diligeretur. Plut. in apoph.

*Agessilaus.*

Feliciter pugnatum erat ab Agessilaio rege apud Corinthum: in eo prælio quamquam accepisse, Spartanorum admodum paucos desideratos, cæterum è Corinthiis & Atheniensibus aliisque sociis ingentem numerum interuisse, adeò non gauisus est, nec elatus ex victoria vt grauitè ingemiscēs deploraret Græciæ vicem: Heu, inquit, Græciam, quæ tot viros intestino bello perdidit, quod vniuersis barbaris debellandis satis esse poterant. Viro magnanimo victoria erat optabilis, sed charior erat sociorum incolumitas. Quo animo tulisset ille, si plurimorum ciuium interiui fuisset emptæ victoria? Non parum laudis promeretur hic affectus in duce Lacedæmonio, tum natura bellaci tum Ethnico: at Christiano principi nulla non debet esse lugubris victoria, quæ plurimorum etiam hostium exitio contigit.

Plutarch. in Lacon. apoph.

*Antigonus.*

Antigonus rex Macedonum amicis suadentibus, vt si Athenas caperet, validis illam præfidiis communiret, ne quando deficerent: respondit, se semper in ea fuisse sententia, vt crederet, clementiam plus posse, quàm violentiam. Plut. in apoph.

*Idem.*

Quum ab initio regni durior esset, senex iam factus, clementer & placidè regnum administrauit. Hanc morum mutationem quum mirarentur subditi: respondit: Prius opus erat regno, nunc gloria & beneuolentia, qua regnū recuperatum seruatur. Plut. in apoph.

*Anonymus.*

Ptolemæus Lagi filius, quum Grammaticum notasset inscitia, quærens ab eo quis esset Pelei pater? vicissimque audisset, Dic tu prius quis sit Lagi pater? amicis inuitantibus ad tantæ improbitatis vindictam? Si regium est, inquit, non pativè à quoquam dicto attingatur: nec illud regium est, quentquam dicto laceffere. Iniquè petit vindictam, qui prior laceffiuit, cuiuscunq; dignitatis fuerit. Nec suæ dignitatis meminisse debet qui refertur, quum eius prærogatiuam laceffendo deposuerit. Eras. Rot. lib. apophthegmat. et Plut.

*Philippus.*

Athenienses legationem ad Philip-pum miserant. Ea benignè audita, vt humaniter dimitteret, iussit illos dicere, qua in re gratum facere posset Atheniensibus. hic Demochares excipiens, Si te ipsum, inquit, suspendas, is Demochares vnus fuit è legatorum numero ob linguæ procaciam dictus Parresialtes. Ob tam in humanum responsum indignantibus regis amicis, Philippus compescuit eos, iussitque vt Therstem illum incolumem dimitterent.

rent. Tum ad ceteros legatos conuersus, Renuntiate, inquit. Atheniensibus multò superbiores esse qui ista dicunt, quàm qui impunè dicta audiunt. Tales demum animi regno sunt. Plut. in apoph.

*Idem.*

Indignantibus Philippi amicis, quòd Peloponnesij in Olympiacis ipsum sibilis deriderent, præsertim beneficiis à rege affecti, hoc sermone Philippum extimulantibus ad vindictam: Quid igitur, inquit, futurum est si quid illis faciamus mali? Vrbaniissimè amicorum argumentum vertit in diuersum: Si tam prauo ingenio sunt, vt eos irideant, qui de ipsis bene meriti sunt: grauius nocebunt, si quis illos malefactis prouocet. Hoc non solum moderationis & clementiæ, verumetiam eximæ cuiusdam magnanimitatis documentum fuit, ingratorum sibilos regem negligere. Plut. in apoph.

*Idem.*

Quibusdam Philippo Maced. consulentibus vt cum Atheniensibus asperius ageret: respondit, illos absurdè facere, qui homini cuncta ad gloriam tum agenti, tum patienti suaderent, vt gloriæ suæ theatrum abiiceret: significans, sese hoc agere, non vt Athenas euerteret, sed vt ciuitati celeberrimæ doctissimorum virorum copia florenti suas virtutes probaret. Plutarch. in apoph.

*Alexander.*

Alexander cum Poro Indorum regi victo obtulisset, se daturum quicquid peteret, & Porus vt regaliter tractaretur petiisset, subridens Alexander. Faciam hoc, ait, non tua, sed mea causa, Non ignorauit autem rex bellicosissimus, nil adeo decere ac ornare principem quàm si clementia vtatur erga eos etiam quos nouit hostes fuisse atrocissimos. Brul. lib. 3. cap. 13.

*Darius.*

Idem Alexander tantæ fuit clementiæ, vt Darius precaretur à Diis, vt aut superare posset clementia Alexandrū, aut si is regno spoliaretur, solus Alexander in Persarū regno imperaret. Brul. lib. 3. cap. 13. ex Plut. Q. Curtio & aliis.

*Porfena.*

Demiratus egregium animum Mutij Scæuolæ, qui iratus dextræ suæ, quod in stringendo ferro errasset, foculo impositam eam exuri passus est, dixit illi: Reuertere ad tuos Muri, eisque refer, te cum vitam meam petieris à me vita donatum. Liuius.

*M. Liuius.*

Fuso Hasdrubale, nonnullis suadentibus vt hostes ad internecionem insequeretur: Aliqui, inquit, & super sint, qui de victoria nostra nuntium hostibus perferant. Eras. 6. apoph.

*Scipio maior.*

Dicere solebat, hosti non solum dandam viam fugiendi, verumetiam muniendam. Docens nequaquam fruendū esse in eos, qui ferre arma destitissent. Eras. Rot. lib. 5. apoph. ex Plut.

*M. Bibulus.*

Quum in Syria duos egregiæ indolis filios amisisset, à Gabinianis militibus occisos, & horum interfectores Cleopatra ad illum victos misisset: vt in filiorum interfectores pro arbitratu suo animaduerneret, ille protinus intactos remisit ad Cleopatram. Eras. l. 6. apoph.

*M. Brutus.*

Quum inter coniuratos deliberatur, an vnà cum Cæsare occidendus esset Antonius, dissuasit dicens, Hoc negotium quod pro legibus ac iure susciperetur, oportet omni carere iniuria. Noluit vir optimus eadem in plureis proferri. Plut. in Bruto.

*Cato maior.*

Admonebat eos qui potentes essent, vt parcè vterentur sua potestate, quòd semper

semper uti possent. sentiens, potentiam clementia & comitate fieri diuturnam, ferocia breuem. Plut. in apoph.

*Cicero.*

Cum Cæsar rerum potitus Pompeij statuas deiectas honorificè reposuisset: Cæsar, inquit Cicero, dum Pompeij statuas reponit, suas stabilir. sentiens illum hoc non in Pompeij gratiam facere, sed ut sibi clementiæ simulatione fauorem apud ciues conciliaret, atque hoc pacto suum regnum cōstabiliret. Plur. in apoph.

*Iulius Cæsar.*

Tanta clementia erga hostes & rebelles vsus est, ut Marius non semel dixerit: Cæsar, qui apud te audent dicere, magnitudinem tuam ignorant: qui non audent, humanitatem & clementiam. Brus. lib. 3. cap. 13.

*Augustus Cæsar.*

Timagenes historiarum scriptor, multa petulanter in Cæsarem, multa in uxorem, multa in totam illius domum dixerat. Cæsar illum admonuit, ut moderatius lingua vteretur. Cum perseveraret malè loqui, nihil aliud quàm domo sua illi interdixit. Timagenes autem libros quos scripserat acta Cæsar's continentis, recitauit; & combussit in odium Cæsar's, quasi rerum ab illo gestarum memoriam abolere cupiens. Hunc tamen palàm & pertinaciter inimicitias exercentem cum Cæsare, nemo ciuium Romanorū ab ædibus suis exclusit: nam in domo Pollionis Afinijs consenuit: Nunquam tamen Augustus cum hospite inimici exposulauit, nisi quòd quodam tempore illi dixit, *ὄνητορ ἦν*: i. alis bestiam siue viperam. Mox Pollionem parantem excusare se interpellauit, dicens, Fruere mi Pollio, frui: At cum Pollio nondum securus diceret, Si iubes Cæsar, proxinus illi interdicā domo mea. An istud, inquit, Augustus,

me facturum putas, qui vos redegerim in gratiam? Fuerat antea Timageni iratus Pollio, nec aliam habebat defendendi causam: nisi quòd illi Cæsar irasci cœperat. Vtriusque maleuolentiam boni consuluit principis clementia. Eras. lib. 4. apoph. ex Sueton.

*Idem.*

Lex erat, ut qui patrem occidisset, culeo insueretur: nec hæc pœna sumebatur, nisi de confesso. Ab huius pœne atrocitate Cæsar ut liberaret manifesti parricidij reum, sic interrogauit, Certè patrem tuum non occidisti: ansam porrigens inficiandi. Tanta erat principis in iudicando lenitas. Eras. 4. apoph. ex Suetonio.

*Iul. Cæsar.*

Quidam è turba statuar Cæsar's coronam lauream imposuerat, candida fascia præligaram: at quum tribuni detracta fascia hominem in vincula duci iussissent, Cæsar grauiter increpatos, eos potestate priuauit: idque, ne regnum affectare videretur, causatus est, per illos sibi recusandi gloriam fuisse ademptam. Eras. lib. 4. apoph.

*Augustus Cæsar.*

Quum populus Atheniensium videretur deliquisse quiddam, scripsit ex vrbe Ægina: Non arbitror vos latere, quòd vobis irascor, neq; enim Æginæ sum hybernatus. Nec aliud illis neque dixit, neque fecit: satis habens, illis comminatum esse nisi desisterent. Plutarch. in apoph.

*Idem.*

Quum quispiam ex Eulcidis accufatoribus affatim & ad satietatem vsq; dicendi libertate vtens, eò tandem profectus esset, ut tale quiddam diceret, Hæc si tibi non videntur magna, iube ut mihi reddat septimum Thucydidis librum. His offensus Cæsar iussit illum duci, cæterum ut audiuit illum ex Brasidæ posteris reliquum esse, ad se

se venire iussit, ac moderatè correptum dimisit. Eod. lib.

*Idem.*

Alexandrinam urbem munitissimam quum vi cepisset, suggestum ascendit, & adiuncto sibi Ario Alexandrino, ad ciues desperantes dixit, se ciuitati parcere, primùm propter ipsius magnitudinem, deinde propter Alexandrum magnum conditorem eius urbis, deinde propter Arium amicum optimum cuius hæc patria esset. Raræ profectò clementiæ fuit, non diripere ciuitatem, quæ tam pertinaciter rebellarat. Eras. in apoph.

*Idem.*

In villa quadam inquietas noctes agebat, interrumpente somnos ipsius nocturæ cantu. Miles aucupij peritus curauit apprehendendâ noctuam: spæque ingentis præmij ad Augustum pertulit, laudato Imperator mille nûmum dari iussit, ille autem ausus est dicere, Malo viuat: auemque dimisit. Quis non miretur hanc contumaciam impunè cessisse militi? Erasmus. 4. spophr. ex Suetonio.

*Idem.*

Augustus quum iam quadragesimum excessisset annum agerétque in Gallia, delatum est ad illum L. Cinnâ adolescentem nobilem, ac Pompeij nepotem, insidias illi struere: dictum est vbi, quando, & quomodo aggredi veller. Decreuerat enim sacrificantem interficere. Dictabatur proscriptionis sententia, sed Augusto interim varias edente voces, ingressa Liuiæ vxor: Fac, inquit, quod medici solent, qui vbi vilitata remedia non procedunt, tentant contraria. seueritate nihil adhuc profecisti ignosce. Cinna deprehensus vitæ tuæ nocere non potest, famæ tuæ prodesse potest. Protinus iussit accersiri solum ad colloquium: venienti alteram cathedram poni iussit.

Hoc, inquit, Cinna primum abs te peto, ne me loquentem interpellas: dabitur tibi loquendi tempus. His commemoratis pluribus in Cinnam beneficiis, quoddam seruasset repertum in castris hostium, quoddam patrimonium omne concessisset, quoddam insuper ornasset sacerdotio: rogauit, quare putasset ipsum occidendum? perturbato Cinna, sic finiit obiurgationem: Vitam tibi Cinna iterum do, prius hosti, nunc insidiatori ac parricidæ. Ex hodierno die inter nos incipiat amicitia: contendamus, vtrum ego meliori fide vitam tibi dederim, an tu mihi debeas. Et consulatum obtulit. Vis exitum? Cinna habuit perpetuò amicissimum, solus ille fuit hæres, nullis amplius insidiis ab illo petitus est. Suetonius in eius vita.

*Idem.*

Æmylius Ælianus cùm accusatus esset quoddam malè loqueretur de Cæsare, Augustus respondit nil aliud quam, Si malè loquitur, sciat me quoque linguam habere, plura enim loquar de eo vicissim. Mira Cæsaris clementia, quî maledicum pro suo iure immaniter tractare potuisset. Eras. lib. 4. apophth. ex Sueton.

*Idem.*

Tiberius cùm ad eum scripssisset, quàm malè à quibusdam hominibus lingua insectaretur, respondit: Satis est, si hoc habemus, modò ne malefaciant nobis. Eras. ibid. ex Suet.

*Nero.*

Quum ex amore cuiusdam capite damnati causæ subscripturus esset Sextus Nero: Vtinam, inquit, literas nescirem. Vox parsimoniam humani sanguinis promittens, si ex animo prodisset. Senec. l. 2. de clemen.

*Traianus.*

Quum sua clementia & humanitate antecessores suos omnes superaret,

I

amicis



amicis aliquando culpantibus, quòd nimis clemens erga suos esset: respondit, Talem se imperatorem esse priuatis, quales esse sibi imperator priuatos optaret. *Brus. lib. 3. cap. 4.*

*T. Vespasianus.*

Fratrem Domitianum insidias molientem, non est ultus, sed his verbis admonuit: Quid opus te parricidio petere, quod me volente obuenturum est, imò quod iam habes, imperij particeps? In Christiano vix reperias tantum mansuetudinis. *Eras. l. 8. apoph.*

*Antoninus Pius.*

Cassium senatorium virum occidi passus est, non iussit occidi, post etiam extinctum doluit, dicens, Voluisse se sine senatorio sanguine imperium trāsfigere. Mira clementia in affectorem imperij. *Iulius Capit.*

*Hadrianus.*

Adeò contempsit inimicos, vt vni quem habuerat capitalem, fortè obuiò dixerit, Euasisti. Principibus in priuatis offensis debet esse satis, potuisse vlscisci. *Dion.*

*Theodosius iunior.*

Rogatus, cur neminem eorum à quibus lædebat, supplicio capitis afficeret? respondit, Vtinam mihi liceret & mortuos ad vitam reuocare. *Spieg. in lib. 2. c. 47. Panor. de reb. gest. Alphonsi. Eras. l. 8. apoph.*

*Idem.*

Quum in Amphitheatro Constantinopoleos sederet spectator, & populus damnatus esflagrans clamaret, Crudeli bestię artifex obiectus pugnet: compescuit immitem turbę vocem, dicens, Nescitis, inquit, quòd nos consueuimus clementer spectare, inuens, vbicunque adest princeps, illic oportere omnia mitius geri. *Eras. l. 8. apoph.*

*Aurelianus Cæsar.*

Quum Tyanam venisset, eamque

occlusam reperisset, iratis dixit, Canem in hoc oppido non relinquam. Hac voce milites erecti sunt in spem prædę. Vrbe autem capta, militibúsq; ex Cæsaris promisso direptionem oppidi flagitantibus respondit, Agite, canem me negaui relicturum, canes omnes occidite. Et sic promissis satis fecit, & clementer hostes suos tractauit, *Flauius Vopiscus.*

*Galienus.*

Quidam vxori Galieni iunioris gemmas vitreas pio veris vendiderat: re comperta mulier flagitauit vindictam. Cæsar iussit hominem corripì, quasi leoni obiecturus. Dein in caueam, dum impostor & populus expectat terribilem leonem, prosiliiit capus. Cunctis rem tam ridiculam mirantibus, per curionem dici iussit: Imposturam fecit & passus est. Eadem opera fefellit impostorem, & irrisit vxorem. *Trebell. Pollio.*

*Alexander Seuerus.*

Amici eius improbantes humanitatem & clementiam, Mammea mater, vxórque Memmia, sæpe dicerent, Molliorem tibi potestatem & còtempnibilem imperij fecisti: respondit, Sed securiorem & diuturniorem. *Brus. lib. 3. cap. 13.*

*Idem.*

Quinius Camillus antiquę familię senator, cùm rebellionem moliretur, & tyrannidem affectaret, hominis fraude intellecta, ad se vocari iussit, & egit gratias, quòd Reip. curā sua sponte suscipere tenraret. Mox ad senatum processit, ac tanti sceleris conscientia trepidum, consortem imperij appellauit, in palatium recepit, ornamentis imperialibus & melioribus quàm vtebatur ipse, decorauit, profectionisque comitem adhibuit. Quumque imperator ipse pedibus iter faceret, inuitauit Ouinium, & equo sedere iussit: de-

nique mori paratum dimisit. *Ælius Lampridius.*

*Rodolphus Imperator.*

Quum post morum mutationem clementior suis fuisset, quàm ab initio imperij, obiurgatus ob id Seuerum, inquit, & immitem fuisse me aliquando pœnituit, lenem & placabilem nunquam. *Æneas Sylu. l. 2. commentario- rum de rebus gestis Alphonfi.*

*Sigismundus Cæs.*

Eos reges demùm in terris beatos esse dicere solebat, qui electis ex aula sua hominib. superbis, viros mansuetudinis & misericordiæ cultores in curia assessores haberent. *Æneas Syluius de dictis Sigismundi imperat.*

*Alphonfus rex.*

Cùm argueretur aliquando, quòd nimis mitis ac lenis esset erga suos, vt qui nōnunquam etiam iis qui vel grauiter in ipsum deliquissent, ignosceret: Malo, inquit, multos mea clementia & mansuetudine seruare, quàm paucos mea seueritate perdere. *Panorm. lib. 2. de Alphonfi rebus gestis.*

*Idem.*

Cuidam dicenti, caue ne tua hæc clementia ac lenitudo in perniciem cedat: Imò verò respondit, multa mihi perferenda sunt, ne in inuidiam cadā. *Pan. l. 2. de reb. gest. Alphonf. regis.*

*Idem.*

Dicere solebat, Qui nimis lenem & mansuetum principem quererentur, expectandum iis esse, vt vrsi, ac leones quandoq; regnarēt. Hominis sanè clementiam esse: belluarni autem, feritatem. *Pan. l. 1. de reb. gest. Alphonfi.*

*Idem.*

Ab amico admonitus, ne malis & facinorosis hominibus aded mitis esset: Malos beneuolentia & clementia interdum citius quàm seueritate in vitam virtutis reuocari posse respondit. Cogitandum tamen, ad priuatas in-

iurias principem facilem ad ignoscendum, in iis autem quæ lædunt Remp. seuerum esse oportere: ita tamen, vt non hominem, sed crimen ipsum insectari ac punire videatur. *Pan. de rebus gestis Alphonfi.*

*Idem.*

Interrogatus verò, cur erga omnes etiam malè meritos tam humanus ac mansuetus esset: respondit, se quidem iusticia bonis gratum esse, malis autem clementia. *Panorm. l. 2. de rebus gestis Alphonfi.*

*Idem.*

Frequenter etiam dicebat, nihil magis aduersariorum animos flectere, quàm placibilitatis & mansuetudinis nomen. *Pan. lib. 3. de rebus gestis Alphonfi.*

*Infrà de hostibus non crudeliter tractandis.*

*Idem.*

Quum in obsidione Caietæ, susceptis impuberibus, senibus, omnique sexu bellis haud quaquam vtili, quos Caietani ob annonæ penuriam ciuitate expulerant: quidam Alphonso regi dixisset, si tu hos nō admisisses. Caietani paucis post diebus sese dedissent. At ego, respondit rex, pluris facio eorum vitas, quàm Caietas centum. Facinus profectò regium & memorabile, ac Deo in primis gratum, acceptumque. Quum enim urbem per id tēpus quadraginta fermè millium conatu capere nequisset, postea soluta ac diu deserta iam obsidione, sine vi, sine armis, ea gratitudine inditionem rediit. *Pan. l. 1. de reb. gest. Alphonfi.*

*Idem.*

Quum verò contra Venetos ac Florentinos, potentissimos Italiæ populos, haud equidem iniuria bellum suscepisset, & iam Neapoli aduersus eos magna animi fiducia contendisset: Florentini primùm, mox Venetī

1 2 oratores

oratores in agro Pelignensium obuiam facti sunt, pacem ab armato perhumiliter postulantibus, cuius conditiones cum audire cuperent Alphonfus dixisse fertur: Se nullum aliud pacis datæ pretium existimasse, quam hostes genibus aduolutos ad se, pacem dedisse. O clementiam omnibus principibus imitandam, & nostro hoc seculo inter potentes rarissimam. Pan. lib. 1. de reb. gest. Alphonfi.

*Hu cognata p̄se ex apophtheg. de Humanitate, Mansuetudine, atque Patientia iniuriæ.*

## De cognitione sui.

*Thales.*

**C**Vidam percontanti quid esset difficile: Scipsum, inquit, nosse. Atqui hoc vulgus putat esse facillimum. Aliena rectius perspicimus quam nostra, & sibi quisque adulator est. Laertius. lib. 1.

*Idem.*

\* Difficile est se nosse, inquit: sed beatum. Et hæc est secundum naturam vita. Anton. & Max. ser. de cognit. sui.

*Chilon.*

Dicere solitus est, Caue tibi ipsi, siue a teipso, siue obserua teipsum. Nam Græcè est *φύλακτεν ἑαυτὸν*: vt admoneat, sibi quenq; debere suspectum esse. Omnes sibi cauent ab aliis at frequenter, nemo magis hostis est homini, quam homo sibi, dum libidinem, dum iram, dum ambitionem aliâsque cupiditates adhibet in consilium. Laertius lib. 1. c. 4. Stob. ser. 19. Max. ser. 56.

*Idem.*

Volebat, Nosse seipsum quenque debere: atque idcirco Apollini aureis literis sacratum eius dictum fuit. Nā qui se rectè nosset, animam atque corpus vt æquum est diligeret: neq; quod vni est impartendum, alteri præbe-

ret. Quod cum plerique perperam faciant, id nullius alterius culpæ est ascribendum, nisi quod nos ipsos, id est, humanam compactionem agnoscere nolumus. Fulg. 1. 4. c. 2.

*Bias.*

Vt homines ad sui cognitionem duceret, iubebat vt in speculo vnusquisque suas actiones contemplaretur, vt honestas magis ornaret, turpes verò emendaret. Stob. ser. 21.

*Heraclitus.*

Iuuenis adhuc omnium sapientissimus esse inde iudicabatur, quod rogatus quid sciret, respondisset, Sat scio quod nihil scio. Ex Aristonymi scriptis recitat. Stob. ser. 21. Anton. in Melissa, par. 1. ser. 59. Max. ser. 56.

*Diogenes.*

Interrogatus quoniam modo quis suimet præceptor fieri posset? respondit, se seipsum eis, quibus alios increpat, increpauerit. Stob. ser. 1.

*Simonides.*

Conuiuio quodam exceptus, in quo Pausanias etiam erat, iussus aliquid de sapientiæ præceptis depromere, statim dixisse ad Pausaniam fertur: Memento te hominem esse. Id autem Pausanias tunc temporis non magnopere curauit, captus iam superbia, eo quod ad Medorum partes sese applicuisset, & elatus ob hospitij ius, quod ei cum rege intercedebat: forsitan etiam vino depulsus à sede rectæ rationis. Cū verò iam esset Chalcæco, & cum fame luctaretur, iamq; calamitosissimam omnium mortem ob oculos cerneret: tunc in mentem ei venit Simonides, & magna voce exclamauit: O Cee hospes, magnum quiddam in tuo sermone inerat. Ego verò inani persuasionem adductus, vt cum nullius momenti putarem. Ælian. 1. 9. de Var. hist.

*Theocrismus.*

Cuidam querenti quare libros non scriberet,

scriberet, respondit: Quoniam, ut liber, non possum: ut verò possum, non liber. Stob. ser. 21. ex Aristonymo.

*Socrates.*

Dicebat, sese nihil scire præter hoc vnicum, quod nihil sciret: reliquos verò ne hoc quidem scire. Antonius in Meliss. par. 1. ser. 59.

*Idem.*

Roganti cur nihil scriptum ederet, respondit: Quia video chartam multò pretiosiore, quàm ea quæ scribenda forent. Stob.

*Plato.*

\* Qui nihil, inquit, propemodum scimus, arbitramur nos omnia scire: non permittentes autem alios, quæ ipsi nescimus, agere, peccare cogimur ipsi cum agimus. Anton. & Max. serm. de cognit. sui ipsius.

*Philemon.*

Philemon dicere solebat, homo cum sis, id fac semper intelligas, & semper eris homo. Anton. & Max. ser. de cognit. sui.

*Demonax.*

\* Interrogatus, quando cœpisset philosophari, tum dixit cum cognoscere me ipsum incœpi. Stob. ser. 21.

*Philippus Maced.*

Cum ad Chæroneam Athenienses vicisset, animum elatum ratione compescuit: & ne quid posthac per contumeliam & fastum committeret, hoc instituit, ut quoridie mane excitaretur è somno, his verbis: Surge rex, & hominem te esse cogita. Stob. serm. 21. ex Eliano.

*Alexander.*

Alexander posteaquam ex diuturno morbo conualuit, nihilo se deterius affectum dixit. Admonuit enim nos (inquit) ægritudo, nec altum sapere, utpote mortales. Stob. ser. 21.

*Placilla.*

Placilla Theodosij imperatoris vxor

pietissima, subinde maritum admodum solebat, iam in Cæsarem euectum, ut se olim priuatum hominem fuisse cogitaret. Quem putabat præ cæteris ad Romanæ reipublicæ gubernacula assumptum, non ut ferocius superbi-  
ret, atque iam Deum se factum existimaret, ut alij: sed ut hominem se esse cogitans, variis cum subditis fragilitatibus obnoxium, ritè gubernaret imperium, tanquam Dei seruus. Niceph. Callistus lib. 12. cap. 42.

*Basilium.*

\* Memor, inquit, naturæ, nunquam superbies. Memor autem eris ipsius, si te ipsum obserues. Anton. & Maxim. ser. de cognit. sui.

*Idem.*

\* Accurata cognitio tui ipsius, sufficienter te veluti manu deducet ad notionem & contemplationem Dei. Ibidem.

*Didymus.*

\* Nosse, inquit, ignarum se esse, sapientiæ est: & scire se iniustitiam fecisse, iustitiæ. Ibid.

*Chrysostomus.*

\* Is maximè se nouit, qui se nihil esse putat. Ibid.

## De collega inutili.

*Scipio AEmilianus.*

**C** Reatus censor, addito collega Mummio, viro magnæ quidem nobilitatis, sed vitæ dissolutioris, pro rostris dixit, se ex maiestate Reipublicæ omnia gesturum, siue ciues sibi dedissent collegam, siue non dedissent: innuens, satius fuisse non habere collegam censuræ, quàm talem collegam. Valerius Maxim. lib. 6. ca. 4. Plinius de Viris illustrib. 58. & Brusonius lib. 4. cap. 5.



## De coitu &amp; venere.

*Pythagoras.*

**R**ogatus à quodam quando esset congregiendū cum fœmina? Cūm voles, inquit, teipso fieri debilior. Multa Venus enervat hominē. Laert. l. 8. c. 1.

*Idem.*

Idem dicere solebat, Ne sæpe homo ab homine. Hoc ænigmate, frequente venereorum vſu interdicens. Stobæus ferm. 15.

*Aristoteles Cyrenæus.*

Interrogatus, an amor coitus gratia fieret? Neque eius gratia, dixit, neque sine eo. Stob. ferm. 61.

*Lycurgus.*

Quodam admirantur quamobrem: vetuisset sponſum cum ſponſa ſimul dormire ſed ſtatiſſet, vt vterque cum ſuis æqualibus maximam dici partem verſaretur, cūmq; his totas noctes quieſceret, cum ſponſa verò furtim ac verecundē cōgrederetur. Primū, inquit, quod vt corporibus eſſent validi, ſi nō vterentur congressu ad ſatietatem: deinde, vt illis amor mutuus ſemper maneret recens ac vigenſ: denique, vt fœtus ederent robuſtiores. Plut. in Lac.

*Alexander.*

Duabus potiſſimū rebus, cūm Deus à multis prædicaretur, ſe quod mortalis eſſet deprehendere dicebat, ſomno & coitu: quod hæc præcipuè proderent, humani corporis imbecillitatem. Somnus enim mortis imago eſt, & coitus ſpecies eſt morbi comitalis. Plutarchus in Alexandro.

*Hiſ cognata ſunt, quæ in apoph. de Amore, Incontinentia, Libidine, &c. reperies.*

## De comitate,

*Diogenes.*

**S**olitus eſt dicere, manus non eſſe porrigendas amicis, complicatis

digitis. Innuens, non ſatis eſſe, ſi comes nos præbeamus amicis: ſed comitati comitem adiungendam benevolentiam, & benignitatem. Laert. l. 6. & Eraſt. lib. 3. apoph.

*Socrates.*

Æſchines eūm cuperet eſſe ex numero diſcipulorum Socratis, ſuamque apud præceptorem excuſaret paupertatem, moleſtè ferens, quā alij Socratis amici multa ſubinde largirentur, ſe ſolum nihil poſſe: An non intelligis, inquit Socrates, quā magnū munus mihi dederis, niſi fortè teipſum parui æſtimas? Comitèr ſuſcepit diſcipulum egenū, & nihil mercedis poſtulauit ab eo, quem pauperē eſſe nouerat. Laert.

*Antalcidas.*

Rogatus à quodam, quo pacto quis maximè placere poſſit hominibus? Si inquit, loquatur illis iucundiſſima, præſtet autem viliſſima. Plut. in apoph. Lacon.

*Telecrus.*

Fratri ſuo quærenti, quod ciues erga ſe non perinde afficerentur, atque erga illum: ſed inhumanius tractarent, quod nondum ab illis eſſet creatus, Ephorus: Tu (inquit) extra omnem comitatem poſitus, iniuriā ferre necis, ego autem ſeio. Senſit, comitatem plurimum poſſe ad conciliandum cū illis fauorem. Plut. in Lacon.

*Anonymus.*

Quidam cauſam detulit ad oratorem: is negauit, ac detulit ad alterum qui recepit. At is qui detulerat, dicere ſolebat, ſibi gratiorem fuiſſe orationē eius qui negarat, quam eius qui recepit: Quod ille comiter reuſaſſet, hic grauiter & inamœno vultu recepiſſet. Eraſt. lib. 8. apoph.

*C. Costa.*

Dicebat ſe operam ſuam, in eo quod non contra officium peteretur. ſolere polliceri omnibus: ſed imper-

tire illis tantum, apud quos optime poni arbitraretur. Cic. ad Quint. fratrem, de petitione consulatus.

*Traianus Imp.*

Amicis inculantibus, quod parum memor imperatoris maiestatis, nimium esset omnibus expositus, respondit: Talem praeabo me imperatorem privatis, qualem optarem ipse privatus. Erasmi. Roter. libr. 8. apoph. Brusl. 1. 3. c. 4.

## De commendatione.

*Agessilaus.*

**Q**uidam petit ab Agessilo, ut se scriptis ad hospites & amicos suos Asiaticos literis commendaret, quo apud illos ius suum consequeretur, respondit: Nihil esse opus literis commendationis. Nam mei, inquit, hospites sua sponte quae iusta sunt faciunt, etiam si illis non scripsero. Apud bonos & in bona causa superuacua est commendatio, quum ipsa res impetret quod precibus exoraretur. Plut. in Lacon. apoph.

*Augustus Caesar.*

Augustus filios suos nunquam populo commendavit, nisi cum hac exceptione: Si merebuntur. Honorem non auctoritati, sed meritis tribui volens. Erasmi. 1. 4. apoph. ex Suet.

*Antonius Pius.*

Rogatus cui filium commendaret, vobis, inquit, si promeretur, & diis immortalibus. Favorem noluit suae auctoritati tribui, sed filij meritis. Iulius Capitolinus.

## De comoediae libertate.

*Crates.*

**C**rates Thebanus cum filium Pasiclem in meretricis domum per-

duxisset, dixit; Hoc tibi est patrum coniugium. Nam mœchi Tragicæ præmia referunt exilia ac cædes: Comici autem scortatores ex luxu & temulentia lucrifaciunt insaniam. Sensit homo ethnicus, quasi tragicam esse rem adulterium: propterea quod plerumque crudelis sit eius exitus. Scortari autem esse comicum, scortatio enim non mortis damnatur supplicio: nihilominus tamen, qui depereunt in meretricem, in comœdiis inducuntur (ut sunt re vera) insanis similes. Læcius lib. 6. cap. 5.

*Socrates.*

Quum in Aristophanis comœdia, cui titulus Nebulae, multis & acerbis conviciis proscinderetur, & adstantium quidam diceret, Non hæc in quo fers animo Socrates? Non per Iovem, inquit, ægrè ferò, si in theatro, perinde ut in magno convivio, salibus morder. Mos hic etiamnum durat apud quosdam Germanos, ut in celebribus conviviis adhibeatur dicax aliquis, qui in conviviis iaciat scommata: quibus commoveri, vehementer iniuvile habetur. Erasmi. lib. 3. apoph.

*Xenocrates.*

A Bione dictis lacesitus, Non sum, inquit, tibi responsurus. neque enim tragœdia, quum à comœdia taxatur, dignatur eam responso. Nota est veteris comœdiæ licentia, in qua multa scommata iaciuntur & in ipsos poetas, & fabularum personas: at tragœdia non dignatur vicissim humiles personas attingere. Laerti. 1. 4. c. 2.

*Lacones.*

Comœdias & tragœdias non audiebant, ut nec seriò nec ioco quicquam audirent repugnans legibus. Leges enim prohibent stupra, incestum & adulteria: prohibent dolos, iniuriam, furta, cæteraque flagitia: at in fabulis talia poetæ diis assignunt.

Nec placuit illis quorundam excusatio, fabulas ad voluptatem fingi, non ad fidem veri. Voluptas ea corrumpit imbecillum animos. Hanc ob causam Archilochū poetam cum venisset Lacedæmonem, eadem hora expulerunt, quod intellexerant ab illo scriptum, satius esse abijcere arma quàm mori. Plut. in apoph.

## De compassione seu condolentia.

*Socrates.*

**D**icebat medicos ægrois, amicos infortunatis consulere debere. Stobæus.

*Antonius Verus.*

Dicere solebat inhumanum planè esse, humanis casibus & calamitatibus non ingemiscere. Innuens eos ab hominum natura alienissimos esse, qui aliorum miseriis non afficiuntur, ac iustar lapidum in aduersis amici rebus stant immoti. Capitolinus.

*Anonymus.*

Quidam deciderat in puteum profundum, eum quum vidisset quispiam, commiserans hominem, dixit: Miser, quomodo in puteum decidisti? Tum ille, Quid refert, quomodo inciderim: hoc potius age, vt hinc possim educi. Refertur à diuo Augustino.

## De concordia.

*Antisthenes.*

**F**ratrum inter se concordiam dixit Antisthenes quouis muro firmitus munimentum. Id dictum & ad ciuium concordiam accommodari potest. Lærtius lib. 6. cap. 1.

*Musonius.*

\* Dicebat, nullas nuptias sine con-

cordia esse honestas: nec vllam societatem vtilem. Improbos verò inter se concordiam alere non posse. Stuti lignum rectum cum curuo, aut duo ligna curua inter se conuenire nequeunt. Stob. serm. 78.

*Melanthus.*

Quum Gorgias sophista recitaret in Olympiacis ludis apud Græcos orationem de concordia, Melanthus quidam, Hic, inquit, de concordia totius Græciæ differit, qui sibi vxori, & ancillæ, tribus duntaxat, vt concorditer viuant nondum persuasit. Erasmi. 6. apoph.

*Leo Byzantius.*

Leo Byzantius sophista venit Athenas, populo dissidiis tumultuanti concordiam suaturus, vbi prodisset in suggestum, corpore admodum pusillo, omnium risus obortus est. Ille fortunam occasione vertens in procemium: Quid, inquit, ò viri Athenienses, si cōspiceretis vxorem meam? quæ tam pusilla est vt vix pertingat ad genua mea. Ad hanc vocem quum maioretiam populi risus sublatus esset, subiecit, At nos tam pusillos si quando dissidemus, vix ciuitas Byzantium capere potest. Ita fermè Plutarchus in præceptis politicis. Sed eandem fabulam multò aliter narrat Philostratus in Sophistis. Nempe quum prodisset ad populum, dicturus de concordia ipsa statim specie risum mouit populo, quod obesus esset, ac ventre prægrandi. At ille nihil turbatus risu multitudinis. Quid, inquit, rideris viri Athenienses? Vxor mihi est me multo obesior, & tamen concordēs vnus capit lectulus, discordēs ne tota quidem domus. Quod refert Philostratus, & probabilius est & festiuus.

*Isæus sophista.*

Lacedæmonij cum periclitarentur, ac de ciuitate mœnibus cingenda cōsultarent,

sultarent, Homericum carmen recitavit Iſæus ſophiſta.

*Scutum hæſiſ ſcuſo, galea galea, atque viro vir.*

Et adiecit, Sic mihi ſtate Lacedæmonij, & muris cincti ſumus. Philoſtratus in ſophiſtis.

*Archidamus.*

A duobus inter ſe diſſidentibus delectus arbiter, ambos duxit in lucum Mineræ, cognomento Chalcicæ ſacrū, ibi exegit ab illis iuſurandum, vt ſtarent arbitri iudicio. id vbi iuraſſent: Pronuntio, inquit, ne prius hunc locum exeatis, quàm quod inter vos eſt diſſidij ponatur, & inuicem reconciliemini. Reperit vir ingenioſus, quo pacto fieret, vt nec ambos offenderet reſuſo arbitrio: nec alterum è duobus alienaret, ſi pro altero contra alterum tuliffet ſententiam. Apud Lacedæmonios autem nefas erat fallere, quicquid Mineræ templo promiſſum eſſet. Plut. in Lacon.

*Ageſilaus.*

A quodam percontatus quam ob cauſam Sparta mœnibus non cingeretur? oſtendit ciues armatos & vnanimis: Hi, inquit, ſunt Spartæ ciuitatis mœnia. ſignificans, Reſp. nullo munimento tutiores eſſe quàm virtute ciuium conſentientium. Plut. in apoph. Lacon. Eraſ. lib. 1. apoph.

*Idem.*

Similiter cū alius quidam interrogaffet hoc ipſum: Ciuitatem non ſaxis ligniſve, ſed pro vallis ac mœnibus, incolentium virtute muniri oportere, ait: quos ſi iungit, concordia, nullus poteſt eſſe murus inexpugnabilior. Plut. in Lacon. apoph.

*Callicratidas.*

Quum ad Cyrum regem mitteretur, vt pecunias belli exigeret, & ter à rege bibulo non admitteretur, diſceſſit, iurauitque, apud comites, vt primum

Spartam rediiſſet, nihil non facturum, vt Græcos inter ſe conciliaret, quo barbaris fierent magis formidabiles, deſinerentque illius regis viribus inter ſe pugnantes egere. Singularis profeſſo fuit prudentiæ vir, quod perſpexit, Græcos non alia magis ratione poſſe reddi barbaris formidabiles, quàm ſi depositis inteſtinis ſimulatibus, mutuum inter ſe concordiam ſancirent. Plut. in Lacon. apoph.

*Ageſipolis Pausaniæ F.*

Quum Athenienſes querimoniariū, quas cum ipſo mutuas habebant, arbitram delegiſſent Megarenſium ciuitatem, quæ controuerſiam inter eos componeret: Turpe, inquit, ſi Megarenſes melius norunt quid iuſtum ſit, quàm hi qui ſe Græcorum duces ac rectores præſtitiffent. Megarenſes apud Græcos malè audiebant, de quibus iactatum eſt, quod neque primi eſſent, neque ſecundi, neque tertij, neque quarti, neque vllō in numero: cum Athenienſes pleræque Græciæ imperarent. Ab ipſis igitur quibus cum litem habebat: rex nolebat finiri diſſidium: ſimul declarans, & quam ſuæ fideret cauſæ, & quàm aduerſariis non diſſideret: malens clariffimæ ciuitatis iudicio vinci, quàm Megarenſium arbitrio vincere. Plut. in Lacon. apoph.

*Lycurgus.*

Quum agros inter ciues diuiſiſſet, & poſt longum tempus ex peregrinatione veniens, in agris Lacedæmoniorum fortè manipulorum aceruos in meſſe conſpexiſſet ordine poſitos: ridens ad eos qui aderant, dixiſſe fertur: vt tota Lacedæmon videretur multorum eſſe fratrum, qui nuper inter ſe diuiſerunt hæreditatem. Bono principi nil iucundius erat, quàm ſuorum ciuium concordia. Plut. in Lacon. apoph.

*Idem.*



*Idem.*

Ad ciues suos qui scripserant, quo pacto hostium impetum repellere possent: Si pauperes, ait, manseritis, & cōtentiones mutuas deposueritis. Complexus est autem vnico quasi verbo, vir sapientissimus, quid ciuitatibus exitiū potissimum pariat: immodicæ videlicet diuitiæ, ac omnis concordie neglectus. Brus. lib. 2. cap. 4.

*Demetrius.*

Cum aliquando à venatione rediret ad patrem legationem iam audientem, succinctus vt erat telis, accessit, eumque osculatus confedit: Hæc, inquiens, concordia regni nostri tutissimum erit præsidium. Discendentibus itaque legatis, Renunciate, inquit Antigonus, o viri, talem amorem, animique pietatem, qualem vidistis. Bruson. lib. 2. cap. 4. ex Plutarco.

*Scilurus.*

Scilurus octoginta liberos masculos habens, cum esset moriturus, fasciculum iaculorum singulis porrexit, iussitque rumpere. Id cum singuli reculassent, eò quod videretur impossibile, ipse singula iacula exemit, atque ita facile confregit omnia, filios admonens his verbis: Si concordetis eritis, validi inuictique manebitis: contrà, si dissidiis & seditione distrahemini imbecilles eritis, & expugnati faciles. Non potuit Scythia magis Scythicè rem ob oculos ponere. Plutarchus in apophthegm. Stob. ferm. 82.

*Themistocles.*

Cum Xerxes expugnatis Thermopylis crudeliter tractasset Astum, & hac fama perterriti classarij cogitarent de repetenda domo, idque plerique suaderent: solus Themistocles obstitit, dicens eos vniuersos hostibus fore pares, dispersos verò perituros. Æmylius Probus.

*Anonymus.*

Chij aliquando cum grauissimo seditionis morbo laborantes, tumultum inter se excitarent: quidam inter illos homo natura ciuilis & pacis amans, ad eos qui omnes amicorum suorum aduersarios ex vrbe volebant eiicere: Nequaquam, inquit, sed cum victoriam obtinuerimus, relinquamus aliquos, ne procedente tempore non habentes aduersarios, nobis ipsis bellum inferamus. Atque hoc dicto persuasit, vnitatem & concordiam in Repub. retinendam esse. Ælianus lib. 14. de Variis historia. Plut.

*Tyresius.*

Scipio Africanus quum Numantinos sæpe victores iam fregisset, obsecrosque tandem expugnasset: Tyresium principem Celticum rogauit, qua de causa Numantia aut prius inuicta, aut post euerfa fuisset? respondit Tyresius, Concordia victoriam, discordia exitium præbuit. Brus. lib. 2. cap. 4.

*Mycipsa.*

Mycipsa rex iam iam moriturus, filios suos paterno monet affectu, vt concordet sint, aureis semper literis scribendam sententiam addens: Concordia parue res crescunt, discordia autem maximæ dilabuntur. Sallust. de bello Iugurthino.

*Senerus imp.*

In grauissimum morbum incidens, posteaquam vitæ suæ finem instare animaduertit, ad se vocauit Marcum Antonium & Geram filios, à quibus quid vellent percunctatus: Facite, inquit, vt conueniat inter vos, locupletate milites, cæteros omnes contemnite. Sciebat enim, filios regni cupidissimos post mortem de successione disceptaturos: & nisi militum animos pecunia flecterent, penitus interituros esse. Dion Nicæus, & Xiphilinus in vita Seueri.

*Zenianus*

*Ionianus Imp.*

Cum sollicitaretur ut responsum daret Macedonianis supplicatibus, Odi, respondit, omne contentionis genus: concordiam autem vnicè amplector & amo. Nicephorus Callistus libr. 10. c. 40. Eccles. hist.

## De confessione.

*Pythagoras.*

**D**icebat peccata non esse verbis tegenda, sed tentandū ut reprehensionibus curarentur. Anr. & Max. ser. de iniust. peccato, & confess.

*Aristoteles.*

\* Non multum ab impeccabili discedere dicebat, qui peccatum ut decet fateretur. Ibidem.

*Lyfander.*

In Samothracia oraculum petens, iussus est à sacerdote dicere, quid deterrimum in vita egisset. Ipse quoque sacerdotem rogavit, utrum iussu suo, an deorum, id facere oporteret? At illo dicente, deorum. Tu igitur, inquit, mihi concede, ut illis, si percontentur, dicam. Brufon. lib. 2. cap. 13. ex Plut. in Laconicis.

*Antalcidas.*

Interrogatus à sacrorum ministro, quibus rebus per omnem ætatem operam dedisset? Non opus est, inquit, ut tibi hoc dicam: sed si quid malè egi, Diis nequaquam incognitum est. Plut. in Lacon.

*Anonymus.*

Sacerdos quidam Laconem initiaturus, rogabat in quibus ab ineunte ætate potissimum peccasset? At ille: Hoc, inquit, Deos nequaquam latet. Verum cum magis virgeret responsū, Lacon rogavit etiam, Num hoc sacerdoti vel Diis ipsis dicendum esset? Quum respondisset, Diis: Tu igitur

secede parum, inquit, ne audias, Diis dicturus eram. Plut. in Lacon.

*Seheca.*

\* Quare vitia sua nemo confitetur? quia etiam nunc in illis est. Somnium narrare, vigilantis est: & vitia sua confiteri, sanitatis est indicium. Ex pergis- camur ergo, ut errores nostros coarguere possimus. Epist. 54. ad Lucill.

## De coniugio.

*Crates.*

**H**ipparchia Metroclis soror admauit Cratetem apud parentes minitans se sibi consecuturam necem, nisi philosopho nuberet. Ab hoc affectu quum nec parentum verbis, nec Cratetis adamati suasu reuocari posset: Crates surgens, detracto pallio nudavit tergum gibbo deformatum: Ne quis circumueniatur, inquit, hic est sponsus: & proiecto baculo & pera, Hæc, inquit, dos est. Super his delibera, neque enim mihi coniunx esse poterit: nisi cui placeat idem institutum. Quum accepisset conditionem puella, mox substrato pallio cum illa congressus est, parentibus adstantibus. Itaque consummatum est Cynicū matrimonium. Laert. l. 6. c. 7.

*Pittacus.*

\* Interrogabat quendam, quum nobrem uxorem ducere noller? qui cum respondisset, Quoniam si formosam duxero, habiturus sum communem, sin deformem, pœnam: haudquaquã, dixit Pittacus. Sed si pulchram duxeris, non erit tibi pœna: sin deformem, non habebis communem. Stobæus, serm. 65.

*Antisthenes.*

Quidam censebat sapienti non esse ducendam uxorem, sed Antisthenes contrà, censebat ducendam esse:

at

at non voluptatis, sed liberorum gratia. Debetur hoc nature, & patriæ. Sed cum optima indole præditis congregietur, ut ex bonis nascatur boni. Quin & amabit maritus uxorem, non vulgari more, sed iudicio, is enim verè & cōstanter amat, qui iudicio amat. At sapiens optimè diiudicabit, quæ sint amore dignæ: aduersus eos qui uxores se iactant habere pro matulis. Recitat Eras. Rot. lib. 7. apoph. ex Lact. lib. 6. cap. 1.

*Charilaus.*

Charilaus percontanti quamobrem Lacedæmonij virgines nudas producerent in publicum, uxores verò rectas: Quoniam, inquit, virginibus mariti sunt inueniendi, uxores verò seruanda iis qui eas nati sunt. Huc spectabat ea consuetudo, ut nec puellis deessent mariti, nec contaminarentur matrimonia præter aliarum gentium consuetudinem, ubi virgines videri nefas est, uxores oculis hominum exponuntur. Plut.

*Anonymus.*

Ciues qui à nuptiis abhorrent, cœlibesque viuere mallet, à spectaculis quibus nudi pueri incedebant, arcebat Lycurgus, aliàsque addebat ignominias, hac arte prouidens diligenter, ut ciues creandis liberis operam darent. Quum enim mos esset apud Lacedæmonios, ut iuniores senioribus multum honorem cultumque præstarent, hoc honoris ademit iis, qui coniugibus ductis nollent augere ciuium numerum. Vnde nec illud in Dercillidam dictum reprehendit quisquam, quoniam tamen belli dux esset probatissimus. Cum enim aduenienti iuuenis quidam non assurgeret, atque ille diceret, Non mihi assurgens cessisti? Nec tu, inquit, mihi cessurum genuisti. Tam procax iuuenis dictum in seniore, et umque bellica

laude celebrem, nunquam tulisset populus Spartanus, nisi pro pessimis ciuibus habuisset eos, qui sponte steriles esse statuissent, nec agnoscere quid patriæ deberent. Nam rem propius intuentibus, non ita magnum discrimen est inter eum qui ciuem occidit, & qui ciuem Reipublicæ dare quum possit recusat. Plutarch, in Lacon.

*Lycurgus.*

Quum certum tempus præscripsisset quo puellæ nubere, iuuenes ducere deberent: interrogatus cur id statuendum putasset? Ut, inquit, soboles et adultis perfectæque ætatis parentibus nata, valida sit & uegera. Et coitu præpropero non solum læduntur corpora gignentium, verum etiam proles nascitur imbecilla. Tum qui ante tempus dant operam liberis, carent apud illos autoritate, quam ætas conciliat: rursus qui vergente iam ætate, nec fruntur liberis suis, nec eos possunt ad perfectam institutionem perducere: morte senioque præuenti. Plutarch. in Lacon.

*Leonidas.*

Leonidas Anaxandridæ filius, & Cleomenis frater, cum ad bellum contra Persas proficisceretur, Gorgoni uxori suæ interroganti, quidnam mandare vellet: Nihil aliud quam ut nuberet, inquit: & bonos liberos parias. Quo dicto primùm ostendit, in eo prælo se periturum: deinde suadet uxori ne vidua maneat, sed nuberet, filios educes Reip. Plut. in Lac. apoph.

*Demosthenes.*

\* Dicebat homines sui seculi meretrices habere, ad voluptatem explendam, cōcubinas ad quotidianam corporis curam: uxores verò (subiiciebat) ducendæ sunt, ut liberos legitimos gignamus, & familiæ fidam custodem præciamus. Stob. ser. 65.

*Antianira.*

Antianira Amazonum regina, de-  
mirantibus quod nupsisset claudio: satis,  
Cynecè respondit, *δεῖτα γὰρ ἄνδρι*, id  
est, claudus optime virum agit. Sensit,  
maritum adhibendum non ad oculo-  
rum oblectamenta, sed ad vsum coniugij.  
Feruntur autem claudi salaciores  
esse cæteris, & ob id ad gignendâ pro-  
lem magis accommodi. Eras. li. 9. apoph.

*Huc refer apoph. de Vxore ducenda, &  
non ducenda.*

## De coniugali amore.

*Thesæ.*

**E**A fuit Dionysij soror, nupta Poly-  
xeno, quæ postquam maritus metu  
tyranni profugisset, & rex sororem ac-  
cusaret, quod conscia fugæ mariti non  
indicasset: Adeónē, inquit, Dionysi,  
me vilem abiectique animi fœminam  
iudicas, ut si sensissem illum moliri fu-  
gam, non me illi nauigationis & om-  
nium fortunarum comitem additura  
fuerim? Eras. 5. apoph. ex Plut.

*Portia.*

Bruti vxor Portia, Catonis filia, po-  
steaquam sensit conspiratum de Cæ-  
sare interficiendo, ea nocte quæ præ-  
cessit diem in quo Cæsar occisus est,  
egresso cubiculum Bruto cultellū ton-  
sorium velut vnguium resecandorum  
gratia poposcit, eoque quasi fortè de  
manibus elapso, seipsam grauitè vul-  
nerauit. Mox Brutus clamore ancilla-  
rum in cubiculum reuocatus, obiurga-  
re eam cœpit, quòd tonsoris præripuis-  
set officium. Hic illa clam marito:  
Non hoc, inquit, temerè feci: nam ex-  
petiri volui, si quod constitutum est,  
parum cesserit ex sententia, quàm æ-  
quo animo me ferro sim peremptura.  
Plut. in Brut.

*Iulius Cæsar.*

Pompeiam vxorem, quòd sinistra

fama laboraret, quasi cum Clodio rem  
habuisset, repudiavit quidem. Cæte-  
rùm cum Clodius hoc nomine reus  
perageretur, Cæsar citatus testis nihil  
mali de vxore dixit. At cum accusator  
diceret, Cur igitur cum illa fecisti di-  
uortium? Quoniam oportet, inquit,  
Cæsaris vxorem etiam a calumnia pu-  
ram esse. Præter argutiâ responsi, lau-  
dari potest & ciuilitas? quòd repudia-  
tæ coniugis famæ pepercit. Plut. in  
Ro. apoph.

*De coniugali pudicitia, consule sive  
librum de Pudicitia.*

## De coniugii molestiis.

*Pittacus.*

**E**Xpertus dicebat Æqualem ducitor:  
Equum ipse domi haberet opulenti-  
orem, ac proinde morosam & imperi-  
osam. id latius explicat in Chiliadi-  
bus. Eras.

*Antisthenes.*

Antisthenes adolescenti consulenti,  
cuiusmodi vxorem ducere expediret?  
si formosam duxeris, inquit, habebis  
communem: si deformem, habebis  
pœnam. Suasit, ducendam esse vxorē,  
quæ nec fastidium viro moueret. ob  
deformitatem: nec ob insignem for-  
mam peteretur ab adulteris. Tribuit  
autem Gellius hoc dictum Bianti, sed  
Laert. lib. 6. cap. 1. Antistheni.

*Demonax.*

Epicteto Cynico, suadenti, ut vxore  
ducta daret operam liberis: neq; enim  
id indignum esse philosopho: Da mi-  
hi, inquit, igitur vnam è filiabus tuis.  
Notans illum ineptè suadere alteri,  
quod ipse non faceret. Eras. li. 8. apoph.

*Cato.*

Narratur illud Catonis dictum, Si  
sine vxoribus mundus esse possit, vita  
nostra non esset absque diis. Sensit  
felicissimam



felicissimam hominum vitam fore si datum esset à coniugio liberos viuere. Sed, vt idem ait apud A. Gellium, cum illis incommodè viuatur, sed sinè illis omnino viuatur, vt meritò dici possit vxor necessarium malum. Eras. lib. 8. apoph. At celestis veritas, vxorem bonum necessarium esse asserit.

*Alphonsus.*

Dicere solebar, ita demum matrimonium tranquillè, citràq; querimonias exigi posse, si maritus furdus fiat, vxor cæca, innuens, opinor, fœmineû genus obnoxium esse zelotypiæ, atque hinc oriri rixas & querimonias: rursum maritis permolestam esse vxorum garrulitatem: qua molestia cariturus sit, si fiat furdus: nec illa vexabitur adulterij suspicione, si careat oculis. Eras. lib. 8. apoph.

*Vide apoph. hegm. de Vxore non ducenda.*

## De coniugio iterato.

*P. Syrus.*

**E**vm improbè Neptunum accusare dicebat, qui semel ex naufragio liberatus, iterum mari se credit. Transfertur autem ad eum, qui secundam duxit vxorem. Brus. lib. 4. cap. 25.

*Dionysius.*

Matri suæ præter ætatem nubere cupienti, Ciuilis, inquit, ð mater, iura violari possunt, naturæ ius nequaquam. Significans, contra naturam esse, si vetuta, quæ iam parere non potest, nubat. At hodie nubunt septuagenariæ. Plut. in Reg. apoph. & Brus. lib. 4. cap. 1.

*Annia.*

Ab amicis adhortata, vt post defunctum priorem maritum, alteri nubere, cum ætas esset & integra, & forma præstantissima adhuc: quorum alterum præberet spem prolis, alterum

promitteret amorem mutuum: nullo inquit, pacto hoc factura sum: si enim bono viro nupsero, nolo posthac uimere ne amittam: sin verò malo, quæ me caperet demetia, vt post optimum talem admitterem? Eras. lib. 8. apoph.

*Valeria.*

A quodam rogata quam ob rem defuncto Seruio marito, nulli posthac nubere vellet? Ideo, inquit, hoc facio, quia Seruius meus, licet aliis defunctus sit, apud me viuatur, viuétque semper. Eras. lib. 8. apoph.

*Martia Casonis F.*

Interrogata, quam ob causam post mariti mortem, alio se copulare viro renueret? Respondit, Quia non virum facilè inuenero, qui me magis velit, quàm mea. Noluit probare castissima matrona hoc coniugium, quod mutuo careret amore. Quæ dotis enim causa nubit viro, concubinum verius quàm maritum habebit. Eras. 8. apoph.

*Portia.*

Cum laudaretur apud eam mulier quædam vt bene morata, quæ tamen iterarat matrimonium: Felix, inquit, ac pudica matrona non nubit nisi semel. Non passa est illam inter bene moratas numerari, quæ citra necessitatem ascisceret alterum virum. Nam multas huc cogit egestas. Porro coitus gratia nubere, est non verè pudicari. Eoque dixit, Felix, excusans necessitatem. Eras. lib. 8. apoph.

*Eadem.*

Quum diutius lugeret maritum, rogata quem esset habitura diem luctus vltimum: respondit, Quem & vitæ. Sic illa Ethnica, magnosane cum dolore plurimarum Christianarum, quæ viro nondum elato iam nupserunt. Idem.

*Barbara Imperatrix.*

Erat Sigismundi Cæsaris vxor, quæ fatis functo vidua superstixit, ei autem diceret aliquis, imitandum turriti exem-

exemplum, quæ mortuo marito, perpetuam castitatem seruaret : Si me, inquit, ratione carentes imitari volucres iubes, cur non columbas potius passerésq; proponis? *Æn. Syl. de dictis Sigismundi & Friderici imperatoris.*

*Vide apoph. de secundis nuptiis.*

## De conscientia bona.

*Chilon.*

**I**Am grandæuus dicebat, se sibi nullius facti conscius esse, cuius pœniteret, vno excepto: quod cum esset ascitus arbiter, vt inter duos amicos fineret controuersiam, nec quicquam vellet aduersus leges facere, persuasit alteri amico, vt ad alios deferret arbitrium. Hoc pacto & legem seruauit, & amicum. Hic scrupulus non nihil mouebat senis amicū, quod perfectæ virtutis fuisset, nullo metu à regula legū desistere: nec illius amicitiam magnificere, qui ob sententiam secundum leges, non secundum ipsum datam, desineret amicus esse. Quid illa sanctius anima, quæ per omnem vitam, quæ illi longa contigit, hoc tantum criminis admisit? *Laert.*

*Bias.*

Interrogatus, quænam res in vita metu careret? Bona conscientia respondit. *Stob. serm. 24. Antonius in Melissa, part. 1, ser. 66. Max. serm. 24.*

*Periander.*

Percontatus, quid in minimo esset maximum? Respondit. Bona mens in corpore humano. *Stobæus. ser. 1. de Prudentia.*

*Idem.*

Interrogatus, quid esset libertas? Recta conscientia, dixit. *Stobæus serm. 24.*

*Socrates.*

Rogatus, quinam tranquillè viu-

rent? Illi, inquit, qui nullius absurditatis sibi conscij sunt. *Stob. ser. 24. Anton. in Meliss. part. 2. serm. 77.*

*Pericles.*

Moriturus hoc nomine sibi gratulabatur qui ipsius causa nullus Atheniensium pullam vestem induisset: significans, se nulli causam mortis fuisse, nec vlls diē ab ipso capitis dictū. Pullati sunt, qui mortuum lugent: & olim capitis rerum amici pullati pullatum comitabantur. *Plut. in Græc. apoph.*

*Isocrates.*

Dicebat, omnino non sperandum esse, si quid turpe feceris, te latiturum. Quamuis enim lateas alios, tute tamē tibi malè conscius eris. *Stob. serm. 24.*

*Idem.*

Dicebat, nihil celandum esse prorsus illorum, quæ quis possidet, aut facit, aut facturus est. Siquidem circa res latentes necessariò multum timoris & metus contingit. *Stob. serm. 24.*

*Idem.*

\* *Æmulemini* (inquirebat) non opulentiſſimos, sed de nullo crimine sibi conscios. Cum hac enim fortuna suauissimè quis vitam agere possit. *Ibid.*

*Agis.*

Ab Ephoro interrogatus, num etiam pœniteret eorum quæ gessisset? impauide respondit, Nequaquam pœnitet: cum sciam, me prudentiam cum honestate semper coniunxisse, nullam enim aliam ob causam, nunc ad supplicium mortis ducor. Quo dicto ostendere voluit suam innocentiam, & benefacti conscientiam: etiam in ipsa morte. *Plut. in Lacon. apoph.*

*Idem.*

Cum captus & damnatus ab Ephoris, duceretur ad mortis supplicium, vidit quendam misericordia motum eius fortunam flere, cui ait: Noli flere propter me, quia præterius & æquum ad dirum hoc supplicium ducor, meliorque

meliorque sum iis qui ad mortem me damnarunt. Quo dicto ostendit, eos bene mori, & honeste, qui contra fas & omne ius suppliciis afficiuntur. Plut. in Lacon. apoph.

*Epictetus.*

\* Parentes (inquebat) pueros nos pædago tradiderant, qui ubique obseruaret, ne læderemur. Deus autem iam viros insitæ conscientia custodiendos tradit. quæ quidem custodia & conseruatio nequaquam contemnenda est: quoniam & Deo displiceret, & conscientia ipsi nostræ hostes essemus. Stob. serm. de conscientia.

*Seneca.*

\* Bona conscientia prodire vult & conspici. Epist. 97. ad Lucil.

*Julius Drusus.*

Eius ædes pluribus ex partibus patebant vicinorum prospectui. Hoc incommodum faber se quinque talentis correcturum pollicebatur, effecturumque ne pars aliqua esset obnoxia prospectui. Tum Drusus, Decem, inquit, dabo, si talem reddas domum meam, ut undique pateat omnium oculis, quo non vicini tantum, sed omnes ciues perspicere possint, quomodo domus mea viuatur. Eras. lib. 6. apoph.

*Pertinax Imperat.*

Ab amicis admonitus, ut prætorianorum militum insidias effugeret, qui iam conabantur imperatorem de vita tollere. Respondit, se nequaquam male sibi conscius esse, ideòque non opus esse, ut contra imperatoriam maiestatem, atque antea actam vitam, latebris aut fuga consuleret vitæ suæ. Herodia. lib. 2.

*Virgilius.*

Cluuius historiographus sic affatus est Virginiu, cuius res gestas attigerat: Scis Virgini, quæ fides historiarum debeat. Proinde si quid in historiis meis aliter legis ac velles, rogo ignoscas.

Ad hæc Virgilius: At, ô Clui, tamen ignoras ideo me fecisse quod feci, ut esset liberum vobis scribere quæ libuisset? Vox excelsi animi testis, & rectæ factorum conscientia contenti. Eras. lib. 8. apoph.

*Anonymus.*

\* Nihil est quod sic nos delectare soleat, ut conscientia pura & spes bona. Item. Conscientia læta & exultans, sibi etiam vultum hilarem reddit, ac genas rigat animi bona valerudo. Nec sine causa dictum est à sapiente, læti cordis ois florescit. Anton. serm. de puro corde.

## De conscientia mala.

*Chilon.*

Sæpenumero in ore habebat, damnatum turpi lucro semper præferendum esse. Illud enim semel dolere, hoc semper. Res amissa exiguo tempore dolet, sceleris autem conscientia semper cruciat animum. Laert. li. 1. cap. 4.

*Bion.*

Frequenter dicere solebat, Impiitatem malam esse contubernalem ducis, & adiecit versiculum Euripidi, *Seruum facis, quamuis feroculum virum.* Sensit vir sapientissimus, ibi libertatem non habere locum, ubi mala & inquieta sit conscientia: nec eum hominem frui animi tranquillitate, qui scit sibi iratum & insensum esse numen diuinum. Laert. lib. 4. cap. 7.

*Diogenes.*

Neminem à timiditate liberum & reuera animosum esse dicebat, quam illum, qui nullius mali sibi conscius esset. Stob. serm. 24.

*Pythagoras.*

Neminem tam audacem esse dicebat, quem mala conscientia non faceret timidissimum. Non quiescit enim animus

animus male conscius, sed ab omni etiam vento abhorret. Stob. ser. 24.

*Idem.*

Dicere solebat, virum iniquum plus mali pati, afflictum conscientia, quam eum qui corpore castigatur, & ceditur: multo quippe grauiorē sunt animi male sani, quam corporis morbi. Stob. serm. 24.

*Plutarchus.*

\* Facinorosa conscientia, instar vlceris in corpore, poenitentiam relinquit in anima lancinantem iugiter ac peruellentem, &c. Libro de animi tranquillitate.

*Anonymus.*

Pythagoricus quidam philosophus cōmens sibi à sutore calceos, non promptam habens pecuniam, orat ut in crastinum expectet diem: quod cum venisset, satisfaturus, audit sutorem iam iam defunctum esse. Non faciens igitur mentionem pecuniæ, nummos non inuita manu domum, gratulabundus de facto iam lucro retulit. Verum cum sceleris conscientia subinde torqueretur, arrepta pecunia ad sutoris tabernam regreditur, & pecuniam in sutoris domum prōiciens, ait: Tibi vituit, aliis qui defunctus est, ac sic animū à conscientia facti liberauit. Recitat Eras. lib. 6. apoph. ex Seneca.

*Seneca.*

\* Facinora mala flagellantur à conscientia, cui plurimum tormentorum est, eo quod perpetuè illam sollicitudo urget ac verberat, quod sponsoribus securitatis suæ non potest credere. Ep. 97. ad Lucill.

*Idem.*

\* Conscientia aliud agere non patitur, ac subinde respicere ad se cogit. Dat poenas quisquis expectat: quisquis autem metuit, expectat. Turum aliqua res in mala conscientia præstat nulla securum. Epist. 105.

## De consilio bono.

*Lacones.*

**L**acones si quando stratagemate, hoc est, callido consilio superassent hostem, Marti bouē immolabant: sin aperto prælio gallum: hoc pacto consuefacientes belli duces, ut non solum fortes essent, ad prælium, verum etiam callidis consiliis aduersus hostem instructi. Præclarius enim existimabant, hostem ingenio citra sanguinem deicere, quam pugna plerunque vtrinque cruenta. Plut. in Lacon.

*Bias.*

\* Interrogatus, quis esset optimus consiliarius? Tempus, inquit. Stob.

*Solon.*

\* Consule (inquirebat) non quæ iucundissima, sed quæ sunt optima. Idē.

*Antigonus.*

Zenone defuncto, quem vnum ex philosophis maximè suspiciebat, dicere solebat, gestorū suorum theatrum esse sublatum, quod ad illius viri iudicium potissimum componeret suas actiones, quem vnum pro multis hominum milibus habebat. Plutarc. in apoph.

*Scipio.*

Qui Scipionis gloriæ inuidebant, dicere solebant, illum esse egregiorum facinorum histrionem, Lælium verò collegam illius gestorem. Alludentes huc, quod alius est actor fabulæ, alius author. Sentiebant, Scipionem præclaras res gerere, sed Lælij consiliis. Eras. lib. 6. apoph.

*Choricij.*

\* Sine bono consilio nihil efficit robur: prudentia verò quamuis robur nō assumpsit, multa multoties excogitat. Item. Prudens consultatio manuū multitudinem vincit: imperitia  
K verò



verò cūm hominum turba deterior est. Anton. fer. de consilio.

*Antonius Pius.*

Nihil solitus est agere in bellicis negotiis, aut in ciuilibus, de quo non prius conferret cum grauib. viris: dicens. Equius est vt ego tot taliumque amicorum consilium sequar, quā vt tot talēsque amici meam vnus sequatur voluntatem. Iul. Capitol.

*Euripides.*

Euripidis dictum memorabile celebratur, Vnicum consilium rectum magnam militum manum vincere. Quo prudenter admonuit, non perinde referre, quā numerosum educas exercitum, sed quantum belli rectores polleant consilio. In bello siquidem plus haberet momenti prudens consilium, & solertia, quā vires consilij expertes. Eras. l. i. apophr.

### De consilio secreto.

*Antigonus.*

**F**ilio Philippo multis presentibus percontanti, ac dicenti, Quando castra mouebimus? Quid, inquit? nū metuis, ne solus tubam non audias? Notans adolescentis imperitiam, qui hoc patrem multis presentibus interrogaret, quum in bello celanda sint principum consilia: sed quoties castra mouenda sunt, omnibus tuba dat signū. Plut. in apoph. Cēl. Rhod. l. 13. c. 5.

*Metellus Macedonicus.*

Simile ferè dictum legimus Metelli Macedonici, qui cūm omnia proprio & subito consilio ageret: amico cuidam roganti, quidnam acturus esset? Tunicam, inquit, meam exuerem, si eam consilium meum scire existimarem. Plin. c. 65. de viris illustr.

*Vide apoph. de Silentio, Secretis non ef-  
fusiendis, & Taciturnitate.*

### De consilio præcipitato.

*Chilon.*

**F**ertur hoc Chilonis nomine, In via non properandum. Exinceps colligitur animus: præceps arguit præcipitem, nimium lentus ignauum. Decet autem in publico compositum esse moribus. Fortasse deterruit à præcipitati consilio. Laërt.

*Phocion.*

Athenienses cūm aduersus Alexandrū feliciter pugnassent, ac diis iam gratias agerent, rogatus Phocion, hæc ita gesta noller? Hæc quidem, inquit, gesta vellem, sed illa decreta. Scitens, etiam inconsulta consilia nunquam feliciter cedere. id quoties accidit gratulandum quidē esse reip. non tamen ideo non semper vtendum optimis consiliis. Fortassis & illud sensit Phocion, non esse protinus fidendū primis successibus, sed totius negotij euentum declaraturum, quale fuisset ipsius consilium. Plut. in apophr.

*Idem.*

Rumor incerto auctore obortus erat de morte Alexandri, moxq; thotores profilierunt, hortantes, ne contarentur, sed illicò bellum susciperent. Phocion expectare iussit, donec certius aliquid cognosceretur. Nam si, inquit, hodie mortuus est, & cras & postmodum mortuus erit. Grauitè oratorum præcipitem temeritatē coercuit. Ibidem.

*Arsabani.*

Xerxi expeditionem in Græciam paranti, ait, iterum atq; iterū, dum tibi videbitur, re apud teipsum probè considerata, edicto quod optimum arbitraberis. Bene enim & præmeditatē consultare, comperio maximum esse lucrum. Nam etsi quid è contrariis euenturum

essenturum est, nihil tamen minus bene consultum est, superauitque fortuna consilium. Brusi lib. 2. c. 14.

*Democritus Aetolus.*

Nullam rem esse tam inimicam consiliis dicebat, quam celeritatem. Praecipitata enim consilia si intransuersum agantur, nulla reuocari poenitentia possunt in melius. Brusi lib. 1. c. 15; ex Lirio.

*Iul. Caesar.*

Ea facinora plurimum probare solus erat quae sine longo consilio & consultatione proluxa gererentur. Plur. in apoph.

*Augustus Cae.*

Dicebat, se Romanis cum imperij successorem relicturum, qui nunquam eadem de rebus consultasset: de Tiberio loquens, quem consiliis plurimum valuisse praesentibus ferunt. Plur. in apoph.

## De consilio senili.

*Agefilaus.*

**C**um vita defunctus esset Lysander, Agefilaus numerosam sodalitatem aggregatam comperit, quam ille ex Asia domum reuersus, statim aduersus Agefilaum instituerat: id indigne ferens Agefilaus, destinabat omnibus palam facere, cuiusmodi ciuis fuisset Lysander dum viueret, ac praelecta quadam oratione, quam Lysander in libro descriptam reliquerat, compositam quidem à Creonte Halicarnasseo, sed in hoc ut hanc Lysander edidisset, atque apud popularem multitudinem recitaret (tractabat autem oratio de notandis rebus, deque mutando reip. statu) hanc, quoniam arguebat Lysandrum fuisse ciuem perniciosum, ac seditionis auidum, Agefilaus voluit euulgare. Ceterum ubi senex

quidam Ephorus orationem perlegisset, metuens dictionis grauitatem ac uehementiam, ne lecta alios quoque multos ad rerum nouarum studium excitaret: consuluit Agefilao, ne Lysandrum sepultum refoderet, sed orationem premeret. Senis consilio paruit, & à caeptis conquieuit Agefilaus: doctus non solum obtemperare publicis legibus ac magistratui, verum etiam priuato senioris consilio. Vir excelsi animi, plus apud se valere voluit publicam utilitatem, quam priuatum odium, simulque perpexit, indecorum esse, simultatem exercere cum sepulchro. Hac moderatione usus est aduersus manifestum inimicum. Plur.

*Paulus Aemilius.*

Saepe numero dicebat imperatorem, si minus aetate, certe moribus senem esse oportere: sentiens, non esse praecipitanda consilia, quod solent iuuenes, sed moribus utendi senilibus. Er.

*Sertorius.*

Cum Pompeij milites dispersos superasset, multis occisis, audissetque aduentare Metellum cum aliis copiis, diremit praelium, reuocatisque suis dixit: Ego puerum hunc, nisi superuenisset anus illa, verberibus castigatum, domum remissem. Pompeium pueri nomine signans, Metellum vetulae anus. Plur. in Sertorio.

## De consilio bono, sed contempto.

*Phocion.*

**A**thenienses cum inuito Phorion bellum cum Antipatro suscepissent, eumque Athenas irrumpentem audissent, Phocioni derulerunt ut pacem cum Antipatro exposculet. At Phocion: Tunc, ait, quum otiosis vobis consulebam, si mihi creditum esset, aut nunc profecto tumultuantes con-

scilicet & sulceretis,

suleritis, cui potissimum vos vestraque credere deberetis. Brul. libr. 2. ca. 33, ex Plutarcho.

*Scipio Africanus.*

Turpe esse aiebat, in remilitari dicere, Non putabam. Videlicet quia explorato & excusso consilio, quæ ferro aguntur, administrari oportere arbitrabatur summa ratione. Valer. Max. lib. 7. cap. 2.

## De consilio parum honesto.

*Demosthenes.*

**D**emosthenes summus orator, Atheniensibus flagitantibus ut cōsuleret obstitit, dicens, *ἢ οὐκ ἔστιν αἰσχύνη*: id est, Non sum coactus in ordinem, Significans, se non seruire populi affectibus, sed suo arbitratu facere quod faciendum iudicasset. Eras. 4. apoph.

*Idem.*

Populus Atheniensium à Demosthene flagitabat, ut quendam accusaret: id cum recusaret, cepit populus in illum, ut solet vociferare. Tum surgens: Vos me, viri Athenienses consultorem habetis vel inuiti: calumniatorem autem non habebitis, etiam si velitis. Plut.

*Themistocles.*

In concione dixit, se reperisse consilium, quod summopere pertineret ad dignitatem Atheniensium: sed id eius esse generis, ut proferri non expediret. populus censuit, ut vni Aristidi indicaret: si is probaret, probaturos omnes. Cum igitur Themistocles indicasset Aristidi, se de incendienda Græcorum nauali statione cogitare (sic enim fore ut Athenienses toti Græciæ dominarentur) Aristides ad populum progrediens, dixit Themistoclis consilio nihil esse vilius, sed eorum nihil inhonestius. Hac audita voce, populus veruit, ne super ea re in posterum verba faceret

Themistocles. Hic certe populum quiddam philosophicum præstitit, repudiens utilitatem cum turpitudine coniunctam: simulque declarauit, quanta sit spectatæ virtutis auctoritas, qui non dubitarit Reip. fortunam vnius iudicio committere. Plutarchus in Aristide.

*Linus Salinator.*

In consilio primus rogatus sententiam, neminem fidelius dare posse consilium dixit, quam eum qui id aliorum suaderet, quod ipse, si in eodē loco esset, facturum fuerit. Liu. l. 7. Decad. 4.

## De consilio in melius mutato.

*Diogenes.*

**P**robabat eos qui vxores ducere non ducerent, qui nauigari non nauigarent: qui pueros alituri, non alerent: qui ad rempub. accessuri, non accederent: qui se ad conuiuendum præpotentibus componerent, nec tamen accederent. significans, ab his omnibus abstinendum: eoque prædictes videri, qui ad ea sollicitati, tempus vertissent sententiam: quod semel aggressis, non sit integrum mutare consilium, etiam si pœniteat institui. Qui duxit vxorem, iam sui iuris non est: qui se mari commisit, ventorum arbitrio feratur oportet, qui semel accessit ad remp. scenæ seruiat oportet: & ut cupiat, tutum non est ad priuatam redire vitam. Laërt. lib. 6.

## De consilio malo, ac consilii pessimo.

*Lycurgus.*

**R**ogatus aliquando, quam ob rem veruisset frequenter aduersus eundem expeditiones agere; Ne, inquit,

dum crebro sese defendunt, bellandi peritiam vsu colligant. Vnde & Agefilaus grauitur accusatus est, quod crebris in Bæotia expeditionibus ac bellis. Thebanos Lacedæmoniorum hostes ad repugnandum induxisset. Nā cum Antalcidas vidisset illum fauicem, exprobrauit quod Thebanos preliandi artem docuisset, cum ante nec scirent bellare, nec vellent. Præclarum, inquit, doctrinæ tuæ mercedem habes, qui Thebanos nec animatos ad bellandū, nec exercitatos, vel inuitos consuefeceris, docuerisque bellum gerere. Hoc stratagemata latius etiam patet, videlicet ne sapius cum iisdem ligemus aut contendamus, ne tandem affueri vel contemnant nos, vel superent. Plut. in Lacon.

## De consiliariis regum ac principum.

*Homilius.*

**O**ptare solebat potius malum principem, qui bonos haberet consiliarios ac amicos: quā bonum, qui malos haberet, quibus rerum administrationem committeret. Putabat enim facilius fore, ut à multis bonis malus ad saniora duceretur, quā ab vno bono multi à miltia auerterentur. Fulg. lib. 7. cap. 2.

*Idem.*

Cum à Troiano Romanorum imperatore audiuisset, Domitianum pessimum fuisse imperatorem, amicos tam optimos habuisse: atque illum magis odio fuisse, qui Rempublicam peioris vitæ hominibus commendasset: dixisse fertur, Melius erat vnum malum pati quā multos. Multi enim mali non possunt ab vno, quamuis bono, vlla ratione superari. Plus Lamprid. in Alexandro.

*Marius Maximus.*

Meliorem esse rempub. & propè rutiorem referebat, in qua princeps malus esset, quā in qua amici principis prauis existerent. Quandoquidem vnus malus possit à pluribus bonis corrigi, multi autem ab vno nequaquam. Cuspinianus in Consulibus.

*Fridericus Cæsar.*

Consiliariis suis in curiam vocatis, Vtinam, inquit, consilij mei in palatij vestibulo duas res deponerent. Sic enim & ipsi rectè consulerent, & mihi etiam inter consilia diiudicare facillimum esset. Interrogatus autem, quænam res illæ essent, Simulatio, & dissimulatio, respondit. Docuit autem, principes commodis publicis rectè consulere posse, propter consiliariorum priuos affectus. Æneas Syluius lib. 3. comment. de reb. gest. Alphon. regis.

*Idem.*

Ladislauum Hungariæ ac Bohemiæ regem adhuc puerum, cum educaret, sanguine sibi coniunctum, non desuevit ex consiliariis, qui puerum etiam perdendum Cæsari persuaderent, cuius mors opes maximas, plurimæque regna ætatura esset. At imperator. Quis sit (inquit) quod me diutempotius quā pium erga meos esse cupitis? Ego sanè diuitias non ita amo, ut impiis consiliis persuasus, propter eas indignum facinus perpetrare velim. Quo dicto docere voluit, consilium pessimum, cumque crudelitate coniunctum, à principibus resiciendum esse: nihilque consiliariorum persuasionem faciendum, quod principis maiestatem lædere, cuiusque nomen bonæque famæ obscurare apud subditos possit. Æneas Syl. lib. 3. comment. de rebus gestis Alphon. regis.

*Alphonfus.*

Cum senex quidam, & natura &



etate audacior, ex patrum numero, eum argueret, quod contra patrum ferè omnes sententias bellum capesseret: Respondit, Regum consiliarios ut reges esse, aut regum animos habere oportere. Plurima enim interdum consiliariis & priuatis conuenire, quæ regem non decerent. Sic pecuniam cudere Parmenoni licuit, Alexandro verò non licuit. Anton. Panor. lib. 1. de reb. Alphon. & Æn. Syluius de eius dictis.

*Idem.*

Interrogatus, quibus consiliariis maxime delectaretur? Libris respondit: à quibus sine metu, sine gratia, quæ nosse cuperet, fideliter audiret. Panorm. lib. 3. de rebus gestis. Alphon.

*Idem.*

Per absurdum sibi videri dicebat, reges ab aliis regi, & duces ab aliis duci. Notauit autem principes & magnates, qui quum imperij & principatus titulos sibi vendicent, alienò tamen consilio regantur, etiam nolentes, quo fit, ut sæpenumero cum magno reipublicæ incommodo alienis oculis videant, alienis auribus audiant, alienis linguis loquantur. Et sic nihil minus sunt quàm imperatores, qui à consiliariorū arbitrio ita pendent, ut planè horum sint mancipia. Panor. lib. 3. de rebus gestis Alphon.

*Idem.*

Cathalanis optimum factu fore censentibus, si Alphonso adhuc adolescentulo septem viri ad gubernandas respublicas adiungerentur, qui Deum timerent, iustitiam colerent, cupiditates tenerent sub freno, neque donis, neque muneribus rangerentur: Alphonsum laudasse consilium, atque ita respondisse ferunt: Si horum non dico septem, sed vnum tantum dederitis, continuò illi & regimen & regnum ipse facillè concessero. Pulchrè

autem inquit, paucos bonos regum esse consiliarios. Ibid.

## De consolatione.

*Amasis.*

**A**D quendam filio priuatum dixit: Si non tristatus es, cum nondum esset in mundo, ne nunc quidem dolere debes, cum non amplius est, scilicet in hac vita. Stob.

*Socrates.*

\* Iis quæres aduersas & amicum mortem egrè ferebant dicere solebat, Alex. ludo similem esse vitam, & quicquid euenit veluti quendam tesseram disponere oportere. Nec enim (inquiebat) denuo iacere licet, neque tesseram aliter ponere. Idem.

*Diogenes.*

Antisthenem morbo decumbentem inuisens dixit, Nunquid amico estopus? Significans, in rebus afflictis potissimum fidis amicis utendum, qui vel re opulentur, vel consolando molestiam mitigent. Laer. lib. 6. apoph.

*Idem.*

Dicere solitus est, sæpius in vita perandum, quàm respondid est, sermonem quàm laqueum. Qui desponderunt animum, ad laqueum confugiunt: cum ad consolatorium sermonem potius sit confugiendum, nam animo agitante medicus est oratio. Laer. lib. sexto.

*Demetrius Phalerim.*

Quum apud Thebanos exul, gloriøs & humilis viueret, & intellexisset, Cratem philosophum se visendi gratia aduentasse, ad se vocauit, quem ut de fortiter & moderatè ferendo exilio disputantem audiuisset. Malè sit, inquit, omnibus negotiis & occupationibus, per quas hactenus talem virum non licuit cognoscere.

scere. Ostendit hoc dicto, multum æ-  
gritudinis ex philosophi disputatione  
ablatum esse. Laert. lib. 5. cap. 4.

## De constantia.

*Zeno.*

**D**icere solebat, facilius esse virem  
inflatum mergere, quam quem-  
vis probum virum inuitum ad aliquid  
agendum cogere. Nam inuictus ani-  
mus rationis rectæ placitis confirma-  
tus, cedit nemini. Philo Iudæus libr.  
Quod omnis probus liber.

*Anaxarchus.*

Cum à Nicocreonte Cypri tyranno  
in saxo concauo tunderetur, philoso-  
phus animo infractus: Tunde tunde  
Anaxarchi vasculum, ait, Anaxarchi  
constantiam non teris. Brufon. libr. 2.  
cap. 1. ex Plut.

*Xantippe.*

De Socrate marito prædicare sole-  
bat, quod semper vidisset illum eodem  
vultu reuertentem domum, quo exie-  
rat. Argumentum verè constantis ani-  
mi: cum alij domo egressi, siquid acci-  
dit triste, redeant turbidi: si quid læti,  
gaudentes. Erasim lib. 8. apoph.

*Philoxenus.*

Quum Dionysij tyranni poemata,  
in pote indocta, vna litura excluderet,  
in lapidicinas detrusus est: sed inde a-  
micorum precibus reuocatus, vbi de-  
num Dionysium sua carmina recitan-  
tem audiuit, surrexit, & rogatus à Dio-  
nyso, quid ita fecisset, constantissimè  
respondit; Sarius suauisq; esse in  
lapidicinis vitam agere, quam eius  
audire poemata. Brufonius lib. 2. cap. 1.  
ex Plutarch.

*Theodorus.*

Lyfimachò Macedoni mortem eru-  
delissimam minitanti, respondisse fer-  
re: Minitare hæc purpuratis tuis:

Theodori quidem nihil interest, humi-  
ne an sublimè in cruce putrescat. Ci-  
cero lib. 1. Tusculanarum. Brufon. lib. 2.  
cap. 1.

*Aristides.*

Quum se vnam è filiabus Dionysio  
tyranno matrimonio copulasse indo-  
leret, dixissetque, se potius mortè filia  
imprecari, quam à tyranno eam deti-  
neri: re intellecta Dionysius, illum  
morti destinat. Sed interrogatus ab  
illo, num de filia collocatione, quem-  
admodum prius, ita nunc sentiret?  
Respondit rerum à se gestarum mœsti-  
tia affici quidem, dictorum autem nul-  
la pœnitentia detineri. Bruf. l. 2. c. 1.

*Pelopidas.*

Ab Alexandro Phæreo captus, ty-  
ranno nuntiauit, absurdum esse, mise-  
ros ciues (Phæreos autè intelligebat)  
infantes occidi, quotidie, sibi autem  
soli parci: quem si seruet, cognoscat  
vlturum. Admirans igitur Alexander  
constantiam capti, Quid, inquit, mor-  
tem accelerat Pelopidas? Tu autem  
diis inuisus, inquit ille, perquam cele-  
riter optes. Bruf. l. 2. c. 1. ex Plutar.

*Agis.*

Quum in carcere rogaretur ab E-  
phoro, num pœniteret eorum quæ ges-  
sisset? impavidè respondit: Se nulla tan-  
gi pœnitentia consilij cum prudentia  
honestòq; coniuncti: tamen si non ig-  
noraret, se mortem præmij loco rela-  
turum: sciens ipsam virtutem abundè  
magnum esse sui præmium, quicunque  
sequatur euenus. Plut. & Bruf. 2. 1.

*Socrates.*

\* Solitus est dicere, vt statua in sua  
basi, virum virtutis studiosum bono  
proposito nixum, immotum esse debe-  
re. Stob. ser. 1.

*Idem.*

\* Morti adiudicatus propter philo-  
sophiæ sinceram professionem, ad iu-  
dices conuersus ait, Equidè vos omnes  
singulari

singulari quadam beneuolentia complector: parendū tamen & potius ducō Deo immortalī quā vobis. Itaq; quādinū & spirabo, & potero, nunquā philosophiæ curam abiciam, nec vestri admonendi, morēque ac modo meo adhortandi ad virtutem, quēcūque fuero ex vobis nactus. Plato in Apol.

*Diogenes.*

\* Cuidam monenti vt iam senex quiesceret à laboribus: Quid, inquit, si in stadio currerem, vtrum oporteret iam metæ vicinū cursū remittere, an magis intendere? Rectē sensit, virtutis studiū hoc magis & constanter intendendum, quo minus superest vitæ: quod turpe sit, tum ab honesto instituto refrigescere. Laert. lib. 6.

*Eteocles.*

Antipater quum à Lacedæmoniis obsides quinquaginta peteret, Eteocles Ephorus, vir omnium constantissimus, respondit, se pueros quidem non daturum, ne paterna priuati educatione malis moribus imbuerentur, qua carentes, ne ciues quidem essent: sed senes mulierēsq; duplo, si velit, plures daturum. Ille verò cū multo grauius, nisi obsides acciperet, minitaretur, respondit Eteocles: Non curamus minas, nam si grauiora morte nobis imperas, facilius moriemur. Bruf. lib. 2. cap. 1. ex Plur.

*Manlius.*

Quum oblatum à Quiritibus consularum aduersæ oculorum valetudinis excusatione denegaret, instantibus cunctis, immobili animo ac vultu: Alium (inquit) Quirites querite, ad quem hunc transferatis honorem: nam ego vestros mores nec ferre possum, nec vos meum imperium perpeti poteritis. Liuius lib. 6. Decad. 1. Valerius Maximus libro 6. capite 4. Plinius Iunior de Viris illustribus, capite 28.

*Cyreniensis.*

Decius Brutus, Marci Bruti patris, quum contra Antonium in Hispaniam exercitum duxisset, totāque Lusitaniam subegisset, excepta Cyrenia vrbe, quæ magna constantia arma retinebat, redemptionē tentauit. Sed ciues vrbs omnes vno ore Bruti legatis constantissimē responderunt; se parentibus ferrum bellicāque instrumenta accepisse, quibus vrbe muerentur: non aurum, vel quicquam aliud, quo libertatem ab aliis emerent. Bruf. lib. 2. cap. 1.

*Cato Vicensis.*

Quum deploratis rebus amici hortarentur Catonem, vt ad Cæsaris clementiam confugeret: respondit, Victorum esse, & eorum qui deliquissent, supplicare: Catonem nec victum nec captum esse, qui se per omnem vitam inuictum præstitisset, ac Cæsarem honestate iustitiæque longè superasset. Cæsarem potius victum captūque esse, qui bellum, quod diu negasset moliri aduersus patriam, nunc id esse se conuictus esset. Proinde pro se Cæsarem orarent, qui vellēt, pro Catone neminem orare debere. Plut. in Cat.

*Idem.*

Quum in domo Drusi auunculi, tribuni tunc plebis, educaretur, ad eūque Drusum Latini de ciuitate impetranda conuenissent: à Q. Popedio Latinorum principe rogatus, vt sociis apud auunculum adiunxerit constanti vultu, Non facturum se, respondit. Iterum deinde sepiusque interpellatus, in proposito, vultu eodem, perstitit. Tunc Popedius, in excelsam ædium partem eleuatū, abiecturum se eum inde, nisi precibus obtemperaret, minatus est. Nec hac re Caro puer ab incepto moueri potuit. Expressa est igitur illa vox hominū: Gratulemur Latini nobis hunc esse tam paruum, quo senator,

ne sperare quidem ciuitatem licuisset. Plut. in Catone, vbi Pompeium Sylo- nem, non Popedium vocat. Brus. lib. 2. cap. 1. ex. Plut.

*C. Manius.*

Augusti centurio, captus, & ad An- conium perductus, quum interrogaretur, Quid de se statui iuberet? Iugulari me, inquit, iube: quia non salutis be- neficio, nec mortis supplicio adduci possum, vt aut Caesaris miles esse desi- nam, aut tuus esse incipiam. Brus. lib. 2. cap. 1. ex hist. Rom.

*T. Vespasianus.*

Cum deprehendisset eos qui in ip- sum conspirauerant, deduxit illos in spectaculum, atque inter illos medius consedit: ac peritis de industria mir- millonum gladiis, velut exploraturus aciem, vnum vni, & alterum alteri com- misit, tanquam prouocans ad id quod moliebantur. Verum his perculsis: Vi- derisne (inquit) principatum fato da- ri, frustra que tentari facinus potiundi spe? Eras. lib. 8. apoph.

*Ludouicus Bavarus.*

Ludouicum seniore Bavariz ducem Stephani ducis filium, cum captiuum haberet Albertus Marchio Brandem- burgensis, non pauca ab eo petiit, quæ cum ille negasset, tradere eum in ma- nus duri & inimicissimi sibi principis minabatur. Tum Ludouicus, Quæ po- teris ex me, inquit, libero impetrare, eam modò ex capto petito. Si quid amplius voles, corpus meum in tua po- testate, animum mihi, non tibi obnox- ium inuenies. Æn. Syl. lib. 3. comment. in res gestas Alphonsi.

*Huc refer apoph. de Perseuerantia.*

## De constantia in re turpi.

*Agessilaus.*

Q Vum audisset maleficum quen- dam hominem, ac scelerosum,

summa constantia se in omnibus tor- mentis opposuisse, ac forti animo do- lorem omnem pertulisse: Quam miser, inquit, homo est, qui constantiam in res tam flagitiosas ac turpes collocat? Dolebat egregio duci, tantum animi robur ac naturæ vim in re turpi con- sumptam esse: quam si ad res honestas tulisset, magno vsui poterat esse Recip. Plut. in Lacon. Eras. lib. 1.

## De consuetudine.

*Anisibhenis.*

D Icere solebat, omnia mala haben- da pro peregrinis. Vulgus homi- num ea tantum probat, quibus assue- uit: ab exoticis abhorret, non quia per se mala sint, sed quia peregrina. At sa- pienti nihil peregrinum esse debet, nisi quod cum vitio coniunctum, neque enim ideo remulencia detestanda, quod alicubi non sit in vsu, sed quod per se turpis. Nunc ex vsu regionum de rebus iudicat populus. Laert. libri 6. capite primo.

*Polyenus.*

\* Consuetudinem dicebat initium exiguum capere, neglectam autem vi- res maximas sumere. Anton. & Max. serm. de consuet.

*Chrysostomus.*

Dicebat, Nihil tam firmum est in rebus humanis, quam veteris consue- tudinis tyrannis: Item, Ethnici, con- suetudinem alteram naturam esse di- xerunt. Item, Mirè efficax, est consue- tudo ad se retinendam, quæ non pati- tur vt ad pristinum virtutis habitum aliquis reuertatur. Ibidem.

*Philo.*

\* Non rus (inquirebat) improbos, non vrbs bonos efficit: sed similitum congressus & consuetudo. Antonius serm. 22.

*Vide apoph. de Affuetudine.*

De



## De consuetudine loquendi.

*M. Pomponius Marcellus.*

**C**um ex oratione Tiberij Cæsaris quiddam reprehendisset, contra affirmante Arteio Capitone id esse Latinum, & si non esset, futurum certe: Iam inde, inquit, mentitur Capito. Tu enim Cæsar ciuitatem dare potes hominibus, verbis non potes. Hominibus datur ciuitas, quo recipiuntur in ius ciuium, verbis datur ciuitas, qui recipiuntur in consuetudinem sermonis Romani. Quemadmodum multæ voces non Græcæ tantum, sed & Britannicæ, & Gallicæ, & Persicæ ciuitate Romana donatæ sunt. Id publicus usus potest, Cæsar non potest. Eras. 8. apoph.

## De contentione.

*Democritus.*

**O**mniem contentione imprudentem esse dicebat: dum enim hostem quo pascenda respicit, propriam negligit utilitatem. Stob. ser. 20.

*Epictetus.*

\* Contendere, inquebar, cum ubique indecorum est, tum inter pocula maximè. Nam neque ebrius aliquis docere sobrium potest, neque sobrius ab ebrio persuaderi. Vbiunque igitur non adfuerit sobrietas, tandem neque quicquam te contendisse apparebit. In enchiridio.

*Anonymus.*

\* Contendere intempestiue cum amicis, & in disputationibus, prudens cauebo: ne contra quam sentio, studio vincendi, contentionem foueam amplexusque: ne quando cum iactura veritatis, etiam secus quam ipse cre-

do, falsa argumentatione contra disputantes decipiam, aut saltem ad contendendum extimulet. Stob. serm. 2.

*Eusebius philosophus.*

\* Dicebat homines multa potius scire videri cupere, quam vera dicere studio teneri: Proinde multos dum contrarias veteribus opiniones probant, veri cognitione de rebus maximè necessariis dubiam efficere. Stob. ser. 4.

*Idem.*

\* Multi homines, inquit, disputando de rebus, haud secus quam animantia bruta pugnando, solam sibi victoriam proponunt: ac veritatis amore & studio relicto, nihil præter suam utilitatem curant. Eodem serm.

*Idem.*

\* Gratiæ sunt (dicebat) contentiones hominibus, & contradicendo quacunque re proposita vincendi desiderium præter omnem rationem inextinguibile. Itaque multi intempestiue, præter decorum, in rebus grauissimis, in quibus deteriorem sententiâ superare non conuenit, victoriam Cadmeam, ut dici meretur, auferunt. Stob. libid.

## De contemptu & irrisione.

*Diogenes.*

**Q**uidam gloriosum titulum inscripserat ædibus suis, Iouis filius Callinicus Hercules hic habitat ne quid introeat mali. Diogenes ex inscriptione stultitiâ hominis deprehendens, adiecit *ὁ πόλεμος ἡ συμμαχία*: id est, Post bellum auxilium. indicans, se ram esse malorum omnium deprecationem, postquam talis immigrasset. Colebatur enim Hercules ἀντιστάτης, malorum depulsor. Eum oportuit in ædes immigrare, priusquam immigrasset dominus ædium, qui ipse erat magnum malum. Laert. lib. 6.

*Hannibal.*

*Hannibal.*

Cum adesset dies quo primam pensionem exigebant à Pœnis Romani, torus populus ad tributum mentionem ingemit: at Hannibal interim effusè risit. Ea de re increpatus ab Hasdrubale Hedo, negavit eum risum fuisse gaudentis, sed aliorum seras & inanes lachrymas deridentis, quæ nunc in leuiore malo manerent, cum antea potius manare debuerint, quo tempore Romani classes, arma & amplissimarum victoriarum spolia Pœnis detraherent, ac leges victis imponerent. Plut.

*Nero.*

Cum desperatis rebus iam mortem sibi ipsi inferret, destitutus omni auxilio: ingressus ad eum Centurio, feminam reperit, itaque penula ad vulnus apposita, simulans se venisse in auxilium, nihil aliud respondit quam, Serro: & Hæc est fides. Sermo ambiguus est: potest enim intelligi, Serò venisse, qui iam ad morientem venerat: & serò venit, qui in hoc venit ut viuum attraheret. Item, hæc est fides, potest esse expostulantis de fide amicorum. At Nero sensit, se nihil illius verbis credere, eiusque rei argumentum esse vulnus in iugulo lethale. Suetonius & Erasmi.

## De continentia.

*Pythagoras.*

Dicebat, nihil egregium comparari, quod non continentie labor præcederet. Stob. serm. de continentia.

*Idem.*

\* Admonebat, Ne sæpe homo ab homine: hoc enigmate, frequente venereorum usu interdicens. Eod. serm.

*Idem.*

\* Iubebat ut unusquisque continentiam sibi tanquam robur ingens operiret. Eod. serm.

*Apollonius.*

\* Commendabat frugalitatem & continentiam: non quod (inquit) tantæ res viles ac minimè sumptuosas faciamus, sed ut hoc pacto animi magnitudinem augeamus. Ibid.

*Socrates.*

\* In festo quodam Athenis, ostendendi causa, Alcibiades multa dona Socrati transmisit. Admirata Xanthippe donorum magnificentiam, maritum ut acciperet, rogavit. Ad quam ille: Imò detrectando munera, cum ambitiosa, inquit, viri ambitione certabimus. Tanta fuit huius viri continentia. Eod. serm.

*Idem.*

\* Rogatus, quoniam à cæteris hominibus differret, respondit: Alij quidem viuunt, ut edant: ego edo, ut viuum. Eod. serm.

*Idem.*

\* Interrogatus, quo quis pacto opulentus euaderet? Si continens inquit, & cupiditatum fuerit inops. Eod. serm.

*Democritus.*

\* Dicebat bene compositum esse animum, qui de rebus absentibus non tristatur, præsentibus autè lætatur. Ibid.

*Pericles.*

Collegam sortitus Sophoclem poetam, cum simul nauigarent, ac Sophocles conspecto formoso puero dixisset, En quàm speciosus puer! Decet, inquit ille, ô Sophocles, prætorem non modò manus, sed & linguam habere continentem. Plut. in apoph.

*Zeno.*

Zeno simul & Cleanthes assidebant Chæremondæ, cumque sentiret affectum amoris, surrexit. Hoc admirante Cleanthe: Etiam à bonis, inquit, medicis audio, aduersus inflationes optimum esse remedium quietem. Subdixit se vir integerrimus imminente periculo. Laert. lib. 6. cap. 1.

*Anacharsis.*

*Anacharsis.*

Statuis atque imaginibus suis inscribi iussit, linguæ, ventri, & pudendis temperandum. Quodd maximorum malorum causa sit lingua effrenis, luxu nil turpius, lidido pecudem ex homine reddat. *Lacrr. lib. 1. cap. 9.*

*Isæus sophista.*

A quodam, qui formosissimam ostendebat mulierem, interrogatus, Num formosa videtur *πρότυπον*, inquit *ἡ πόρνη*: id est, desij laborare ab oculis. *Philost. in sophist.*

*Archidamus.*

Ei cum quis promississet suavissimum vini genus: Quorsum, inquit, opus est: quandoquidem quo melius est, eo plus absumeretur: & quæ fortes decent viros, ea reddent inutiliora. Overè masculum animum, & omnium deliciarum contemptorem. *Plu. in Lacon.*

*Agefilans.*

Admonitus vt aliquid de vitæ rigore remitteret, quodd (quæ vitæ est volubilitas) euenire posset, vt tempus ipsam exigeret aliam viuendi rationem: Atego, inquit, me consuefacio, vt quæcunque inciderit fortunæ mutatio, ne quæram ipse mutationem. Mira animi continentia, qui nec in austriore vita delicias requireret: nec inter delicias agens, ab illis corrumpi posset. *Plut. in apoph. Lac. & Eras. lib. 1. apoph.*

*Idem.*

Quodam die cum castra tumultuosius essent mouenda, adolescentem, cuius amore tenebatur, relinquebat ægrotum, cumque is in blandis precibus & lachrymis illum remorari conaretur, versus ad suos, Quàm difficile est (inquit) simul & misereri & sapere: malens sequi quod id temporis expediebat, quàm quod dictabat in amicum affectus. His animi dotibus cæte-

ris præcellebat Agefilans. *Plut. in Lac.*

*Alcamenes.*

Cum quidam Alcameni Telecri filio obiecisset, cur tam sordidè viueres, cū tamen amplas possideret opes? Decet, inquit, eum qui multa possidet, pro ratione, non pro libidine viuere. Significans, perniciosas esse opes, nisi adu animus ipsis superior. *Plut. in Lacon.*

*Alexander.*

Inuitatus, vt Darij filias inuideret (prædicabantur enim puellæ admirabili esse forma) noluit ire dicens: Sibi non committendum, vt cum viros viciisset, à mulieribus vinceretur. *Eras. lib. 8. apoph. Max. ser. 3.*

*Idem.*

Apud Antipatrum cœnans formosa psalteria inducta, Alexander aspectu motus in illâ exarsit. Mox rogauit Antipatrum, nunquid ipse mulieris amore teneretur? Illo consentiente, O scelestus, inquit, non tu protinus abduces è cœuiui mulierem? Quantum ille animus aberat à constupranda aliena viore, qui tantopere sibi metuit ab amica hospitis! *Plut. in apoph.*

*Idem.*

Cum Cassander Pythonē Euij tibi- cinis amasium per vim osculari veller, idque Euium ægrè ferentem sensisset Alexander, iratus exiliit in Cassandrum, clamans: Itâne per nos ne amare quidem quicquam licebit? Non satis erat regi, si seipsum præstaret cōtinentem, nisi & præfectos haberet sui similes. Quādo autem passus fuisset à suis per vim constuprari filiam aut uxorem honesti ciuis, qui tibi- cini suos amores etiam ab osculo voluit esse intuiolatos? Denique quodd duces peccarent, arbitratus est ad se pertinere. *Plut. in apoph.*

*Idem.*

Cum in Illyricos peruenisset, ac in Iouis ara animaduertisset mulierem forma præstantem, pulchritudinem admi-

admiratus, diu spectauit, cumque He-  
phæstion diceret, Æquum esse ut ipse  
amatam caperet: An non, inquit, hoc  
indignissimum esset, ut qui in aliorum  
incontinentiam animaduertere veli-  
mus, ipsi incontinentiæ seruire ab ex-  
teris deprehendamus? Max. ser. 3.

*Menedamus.*

Adolescente quodam dicente, mag-  
num esse si quisque concupiscat asse-  
queretur: Multò, inquit, maius est, ni-  
hil eorum quæ non decet, concupisce-  
re. Max. ser. 3.

*Basilus.*

\* Verè còtinens est, (inquit) qui om-  
ni perturbatione superior est, & nullū  
voluptatis irritamentum admittit: sed  
animo sobrio & nusquam cedente ad  
omnem fruitionem noxiam afficitur.  
Anton. serm. de ieiunio & continentia.

*Philo.*

\* Continentiæ (inquit) proprium  
est sanitas & robur: incontinentiæ au-  
tem imbecillitas & ægritudo morti  
vicina. Eod. serm.

*Vide apoph. de Castitate, Ieiunio, Tempe-  
rantia: & suprà de Abstinencia. Item apoph.  
de vitiis quæ his virtutibus opponuntur.*

## De contumacia.

*Plato.*

**D**ionem, ob formam & rerum ge-  
starum magnitudinem quum plu-  
rimi fieret ab omnibus, admonuit, ca-  
ueret metueretque contumaciam, cui  
comes esset solitudo. Insolenter enim  
virentem rebus prosperis, amici desti-  
tuunt. Laert. 3.

## De contumelia.

*Diogenes.*

\* Caluo cuidam contumeliis eum  
cassificante respondit. Tibi con-

tumeliam non dico, sed capillos tuos  
laudo quod malam effugerint caluam.  
Ant. & Max. ser. de vituper.

*Aristippus.*

Contumelia à quodam affectus se-  
cedebat: maledico autem persequen-  
te, ac dicente, fugis? Etiam, inquit  
nam tu malè dicendi potestatem ha-  
bes, ego verò non audiendi. Eod. ser.

*Spartani.*

Chij quondam Spartæ peregrinan-  
tes, à cœna vomuerant in Ephorum  
curia: dein etiam in sedes, in quibus  
sedere solebant Ephori, ventris onus  
deiecerant. Ac primum quidem acris  
inquisitio facta est, quinam hoc desig-  
nassent, ne fortè ciues essent. Ut verò  
compertum est fuisse Chios, edixe-  
runt, se Chiis permittere, ut agerent  
intemperantius. Excellentium virorū  
est negligere contumeliam, quæ à pa-  
lam improbis proficiscitur, à quibus  
etiam laudari turpe est. Plut. in Lac.

*Scipio Aemilianus.*

Apud Numantiam iratus C. Metel-  
lo, dixit: si quintum pareret mater e-  
ius asinum fuisse parituram. Tarditatē  
mentis, ac deformitatem corporis illi  
fratribusque eius exprobrans. Erasmus.  
lib. 6. apoph.

## De conuictu & conuer- satione.

*Diogenes.*

**A**dolecenti formoso ad conuiui-  
um eunti: Deterior, inquit, redi-  
bis. Reuersus verò à conuiuio adoles-  
cens, cum Diogeni dixisset: Iui, nec  
redij deterior: inquit, Deterior igitur.  
indicans, fieri non posse, ut adolescens  
ex conuictu improborum non fiat de-  
terior. Laert. lib. 6.

*Epictetus.*

Hominem, cum quo conuersamur,  
tribus



tribus modis considerandum esse suadebat: nempe ut præstantiorem nobis, aut inferiorem aut æqualem. Præstantiori quidem auscultare & obtemperare conuenit, minorem modestè persuadere, æquali autem consentire. Et hoc sanè modo in conuersatione hominum nunquam in contentionem incidet. Stob. ser. 3. de Temperantia.

*Agessilaus.*

Argiuo cuidam dicenti, Lacedæmonios peregrinationibus reddi deteriores, quòd interim degenerent à maiorum legibus & institutis: At vos, inquit, cum Spartam venitis, non deteriores, sed meliores euaditis. Dictum retorfit in Argium. Nam hoc dicens, magis suam gentè vituperauit, quàm Lacedæmoniorum: simul indicauit, quantum oportet ambulare, cum quibus conspectus non mutes colorem. Docuit, ex improbis conuictoribus nihil capi fructus nisi probrum & ignomini, am. Plur. in Lacon. apoph.

*Hippocradites.*

Ei quum aliquando fuisset obuius adolescens, quem amator sequebatur, erubescenti adolescentulo: Cum his inquit oportet ambulare, cum quibus conspectus non mutes colorem. Docuit, ex improbis conuictoribus nihil capi fructus nisi probrum & ignomini, am. Plur. in Lacon. apoph.

*Iulia Augusti.*

In spectaculo gradiatorum conuerterant in se populi oculos Liuia & Iulia, comitatus dissimilitudine. Liuiam cingebant viri graues. Iuliam iuuenes luxuriosi comitabantur. Pater itaque Augustus Iuliam admonuit scripto, videret quantum inter duas principes fœminas interesset? Illa rescripsit: Et hi mecum senes fient. Hoc commodè interpretanti, lepidè: incommodè proteraciter dictum videri potest. Eras. li. 4. apoph. ex Sueton.

*S. Ioannes Apostolus.*

Ioannes Apostolus & discipulus Iesu Christi, lauandi gratia balneum in-

gressus, cum vidisset ibi Cerinthus, continuè exiliens, non lotus digessit, dicens: Fugiamus hinc, ne & ipsæ balnearum corrumpantur, in quibus Cerinthus lauat. Quo dicto, & ipso etiam facto ostendit, malorum consortium ubique esse fugiendum. erat enim Cerinthus, ut non solum simpliciter malus, sed apertus veritatis atq; omnium priorum hostis. Euseb. lib. 4. Eccles. hist. cap. 4.

## De eo quòd conuictus malorum non semper oblit.

*Antisthenes.*

**C** Vidam opprobranti, quòd interdum cum improbis haberet consuetudinem: & medici, inquit cum ægrotis versantur: nec tamen ægrotant ipsi. Sentiens, philosophum ideo versari cum improbis, ut eos reddat meliores. Laert. lib. 6. cap. 1.

*Romulus.*

Ei crimine vertebatur, quòd cum improbis versaretur: Et medici, inquit, cum ægrotis, non tamen morbo inficiuntur. Max. ser. 6.

*Demosthenes.*

Accusatus, quòd improborum vertetur contubernio: Optimus, inquit, is est medicus, qui sanos relinquit & bene habentes: ægrotos & penitus deploratos suscipit curandos. Stobæus & Max. serm. 6.

## De conuiuuiis.

*Diogenes.*

**A**dolescenti formoso ad conuiuium eunti: Deteriori, inquit redibis. Reuersus à conuiuio adolescens, quum Diogeni dixisset, Iul, nec redij deterior: inquit, *ἡ ἐξ ἐμοῦ μὲν ἵ. deterior* igitur

igitur, indicans fieri non posse, quin adolescens è luxurioso remulentoque conuiuio redeat deterior. Laert. lib. 6.

*Idem.*

Rogatus, quānam hora prandere oporteret? si diues, inquit, est, quando vult: si pauper, quum potest. Laert. in eius vita. Brus. lib. 2. cap. 14.

*Idem.*

Inuitatas apud Platonem, oleas ex omni apparatu tantum gustantem: Quid, inquit, sapiens vir in Siciliā huiusmodi mensarum gratia profectus, appositis modò non frueris? Ibid.

*Athenodorus.*

Dicebat, ne ad cœnam quidem se iturum ad eum, qui sibi per hoc debiturus sit. Brus. lib. 2. cap. 14.

*Zeno.*

Rogatus cur in conuiuio tam hilaris esset, qui alioqui se uerior videbatur: vrbanius respondit, Lupini (inquit) quam sint amari, persusi tamen aqua dulcescunt. Brus. lib. cap. 2. ex Plut.

*Aristarchus.*

Vocatus ad cœnam, non prius venturum se pollicitus est, quān nomenclaturam eorum, qui simul vocati erāt didicisset. Dicebat. n. Cui nauigandum est, aut in expeditione militandum, contubernium vtrūq; ferat commorantium necesse est: cæterum citra delectum sese potatorum turbæ immiscere, hominis est imprudentis, & parum cordati. Stob.

*Aristides.*

Semper suo vnus præsidio fretus Rempub. administrabat, à sodalitatibus abhorrebat, velut ab amicorum potentia, quæ ad iniuriam aliis inferendam adderet animum. Quantum ille vir abhorruit ab omni factione, qui non ob aliud virabat amicitias, quān ne per illas adigeretur ad aliquid faciendum, quod iustum non esset, aut cogeretur abstinere ab eo quod iudi-

casset Reipub. conducere. Nunc mundus vndique plenus est sodalitatibus, sed titulus plausibilis, ac religionis lenocinio commendatis. Nec his fortasse dedisse nomen expedit viris insigni virtute præditis, eò quòd maior pars, quæ ferè deterior est, sæpetogit facere quod nolent, aut abstinere ab eo quod erat factu optimum. Eras.

*Paulus Aemilius.*

Cum deuictio Perseo epulum exhiberet victorale, admirantibus Græcis, quòd in magno splendidoque apparatu curiosus esset dicere solebat, Eiusdem esse animi, & aciem & conuiuium bene struere: Illam quidem, vt formidolosus hostibus: hoc, vt amicis gratus esset. Plutar. in Rom. apoph. & Brus. lib. 2. cap. 2.

*Sertorius.*

Admonere solebat suos, ne quid in cœuiuio præter decorum vel fieret, vel diceretur: præsertim, à iurgiis & obscenitate tēperaretur. Nec ipse quicquam tale sustinebat vel audire, vel videre. Plut.

## De conuiitiis.

*Demofihenes.*

**A** Quodam conuiitiis lacessitus, Comittor, inquit, in certamen, in quo qui superior euaserit, inferior est: & qui vicerit, victus est. Eras. Rot. lib. 4. apoph.

*Chrysippus.*

\* A quodam improbo multis affectus conuiitiis: Optimè, inquit, fecisti, quòd nihil eorum quæ in te sunt præterieris. Ant. & Max. ser. de vitup.

*Idem.*

\* Audiens quosdam ipsi conuiitari & obloqui: atqui ego, inquit, Sic vitam degam, vt illis nemo sit crediturus. Eod. serm.

*Cleobulus.*

*Cleobulus.*

\* Dicebat conuitorum reprehensionem illos non attingere, qui secundum virtutem viuunt. *Ibid.*

*Plato.*

\* Quum reprehenderis conuitiese, inquit, vide num quid à te conuicio dignum designatum sit: si nihil tale actum est, fumum esse illud conuictum existimato. *Ant. ser. de obloquit.*

*Anonymus.*

\* Sapienti cuidam quum aliquis diceret, me presente tibi à certo quodā conuictum factum est: tum ille, Nisi tu, inquit, libenter audiuiisses, nunquam ille mihi esset conuiciatus. Eodem *serm.*

*Scopeliamus.*

Eos qui conuiciis agerent, existimantes sese hoc pacto declarare animi magnitudinem, aliculas appellare solebat, non tantum ebrias, sed & rabidas. *Philostatus.*

*Idem.*

Psaltz cuidā molestius obstreptenti, *Idem* is *id est* dixit, pro *Idem* is *id est* abi ad coruos: ludens vnus literę mutatione. *Athenæus apud Erasim. lib. 6. apoph.*

*Demades.*

Tibiis similes esse dicebat Athenienses, quod adempta lingua nihil refiduz rationis haberent. *Stob. serm. de Imprudentia.*

*Anonyma.*

Philippus Macedonum rex, cum iudicaret vino madidus, & perperam sententiam contra mulierem tulisset: illa intelligens errorem esse vini, non regis: Prouoco, inquit, ad Philippum, sed sobrium. *Eras. lib. 8. apoph.*

*Philippus.*

Athenienses comparabat statuis quibusdam, quæ nihil aliud quam os haberent, & magna pudenda. *Stob. serm. de Imprudentia.*

*Idem.*

\* Eum conuitiis afficiebat quidam effreni lingua præditus: cumque amici hortarentur ut conuiuiatorem persequeretur: Absit, inquit ille ne amplius affectus & implicatus plura in nos iaceat maledicta. *Anton. serm. de contumelia.*

*Idem.*

\* Dicebat se suis conuicatoribus gratiam habere, quod ab iis melior redderetur. Ego enim inquit, Student illos mendacij conuincere, si quid improbè fecerint, muto consilium, & penitentiā factum emendo. *Ibid.*

*Diogenes.*

\* Cuidam conuictatori, At nec mihi (inquit) credit quisquam te laudanti, nec tibi me vituperanti. *Ibid.*

*Cicero.*

Cum Pompeius, Gallum quendam, qui ad se à Cæsare transfugerat, ciuitate Romana donasset: O hominem (inquit Cicero) bellum, qui Gallis ciuitatem promittit alienam, cum nostram nobis non possit reddere. *Plut.*

*Idem.*

Adolescens quidam accusatus, quod patrem placenta venenata sustulisset, cum stomachabundus minaretur se probris laceraturum Ciceronem: Hoc, inquit ille, malim quam placentam, ancipiti dicto parricidium illi obiciens. *Eras. lib. 4. apoph. ex Plut.*

*C. Memmius.*

Cum accusaret Bestiam reum, cui patronus erat Scaurus, ac fortè furtum quoddam duceretur: Vide (inquit) Scaure, mortuus rapitur, si potes esse possessor, notans Scaurum, qui male audiebat, quod Phrygionis Pompei bona sine testamento possideret. *Eras. 6. apoph.*

*Hæc refert apoph. de Detractione, Libellus diffis, Maledicentia, &c.*

De conuiciis in ipsum authorem retortis.

*Anacharsis.*

**E**Xprobranti cuidam Attico, quòd Enatus esset in Scythia : Mihi, inquit, probro est patria, tu patriæ. Laer. lib.1. cap.6.

*Diogenes.*

Aristippus philosophus, & Socratis discipulus, cum vidisset Diogenem olera lauantem, accessit: Si Diogenes, inquiens, sciret vti regibus, non vesceretur crudis oleribus. Contrà Diogenes: Si Aristippus didicisset esse contentus oleribus, non esset canis regius: hoc est, non adularetur Dionysio regi, vt cibum ex aula eius caperet. Laert. lib.2. cap.8.

*Idem.*

Diogenem quidam amentem vocabat, cui ille: Amens quidem non sum, non tamen eandem quam vos mentē habeo. Stob. serm. de Prudentia.

*Idem.*

Cuidam probri gratia obiicienti egestatem, quum ipse esset homo sceleratissimus: Ob rerum egestatem, inquit, neminem vidi torqueri, ob malitiam autem quàm plurimos. Eras. li.3. apoph. in fine.

*Idem.*

Platone de quibusdam differente, Diogenes præsens, non attentè animaduertebat. Quamobrem indignatione commotus Plato: Quin, inquit, diligenter sermones meos auscultas, canis? Qui nihil perturbatus: At ego, inquit, nunquam eò sum reuersus, unde veni, quod canes solent. Obscurè taxans ipsius in Siciliam profectiōē. Alian. lib.14. de Varia hist.

*Idem.*

Quidam ei obiiciebat, quòd olim

falsam monetam signasset: Fateor, inquit Diogenes, fuisse tempus quo talis eram, qualis tu nunc es: qualis autem ego nunc sum, tu profectò futurus es nunquam. Laert. lib.6.

*Idem.*

Philosophi vulgò hoc nomine malè audiebant, quòd deos aut non crederent esse, aut contemnerent. Hoc innuens Lysias, interrogabat Diogenem crederetne esse deos? Cui Diogenes: Quis conuenit, inquit, vt non credam, quum persuasum habeam, te diis inuisum esse? Hoc dictum quidam attribuunt Theodoro. Non respondit ad quæstionem, sed in contumeliosè interrogatē retorsit sermonem. Laertius lib.6.

*Socrates.*

Acriùs obiurganti familiarē quempiam in conuiuio, Plato dixit, Nonne satius erat hæc illi dixisse seorsum: Cui Socrates: Et an non tu quoque rectius fecisses, si hæc mihi seorsum dixisses? Eras. lib.3. apoph. ex Plut.

*Plato.*

\* Quidam ei retulit esse nonnullos, qui ipsum conuiciis & maledictis insectarentur. At ego, inquit, ita mores componam, vt illis fides nulla habeatur. Anton. serm. de contumelia.

*Demosthenes.*

Pytheas Demostheni obiecit, quòd ipseus entymemata lucernā olerent: significans illum non nisi de scripto, & ad lucernā elucubrata dicere. Quod dictum ita retorsit Demosthenes, vt diceret, Non eodem pretio sibi & illi constare lucernam. notans, quòd ille nocturnis conuiujs indulgeret, plus impendens luxui, quàm ipse studio. Plut. in Demosth.

*Idem.*

Aduersus Demadem clamantem, Demosthenes me corrigere vult, sus Mincruam: At ista (inquit Demosthenes)

L

sthenes)



sthenes) Minerua anno superiore in adulterio deprehensa fuit. Adulterium obiecit Demadi, quum Mineruam poetæ faciant virginem. Era. 4. apoph. & in Prouerb. Sus Mineruam. Ex Plutarcho.

*Idem.*

Aduersus quendam Phæreum nomine, de stupro suspectum, quum Phæreus Demostheni vigilas lucubrationesque obiiceret: Scio, inquit, tibi molestum fuisse, quod lucernam per noctem habuerim. Brus. lib. 1. cap. 4.

*Anonymus.*

\* Quum cuidam multis verbis quidam nugator ut probum obiiceret, quod est potentibus ignobilibus prognatus esset: Mihi, inquit, dedecori sunt parentes, tu verò parentibus. Anton. serm. de contumelia.

*Antagoras.*

\* Antagoram poetam in tentorio congrum coquentem, atque patellam versantem deprehendit Antigonus à tergo stans, eique dixit: Putasne o Antagora, Homerum, quum Agamemnonis res gestas scriberet, coxisse congrum? Contra hæc Antagoras: Et tu rex, putasne Agamemnonem, quum illas res gereret, fuisse curiosum, si quis in exercitu congrum coqueret? Plut. in apophr.

*Archelaus.*

Timotheus citharædus quum ingens præmium ab Archelao sperasset, ac minus sperato recepisset, palam illum inculpabat, canens, Tu verò terræ filium argentum laudas? nutu regem denotans, at Archelaus succinuit: Tu verò petis? in Græcis verbis plus est gratiæ, ob vocum affinitatem, *αἰνέεις*, id est, laudas, petis. Turpiter perit, qui non probat quod petit. Plutarc. & Erasmus.

*Leo Byzantius.*

Pisadi obiciienti lippitudinem ocu-

lorum: Corporis, inquit, vitium exprobras, haud videns filium tuum Nemesium humeris baiulantem. Erat enim Pisadi filius contractis humeris. Nemesium autem dixit redargutionem insolentiae, quam veteres fingebant esse deam. Impudenter aliqui in alterum torqueret conuictum, si in promptu sit quod ipsi vicissim obiciatur. Philostratus.

*Quirinus sophista.*

Quum ab Asiatis reprehenderetur, quod in accusando mitior ac lenior esset quam ipsi docerent: Multo, inquit, satius est, ut vos meam accipitis lenitatem, quam ego vestram crudelitatem. Tuebant Asiatici rhetores & immodicis delectabantur. Philost. in sophistis.

*Niceses Smyræus.*

Telonæ cuidam in iudicio vehementius incandescenti, dicentique, Desine latrare in me: admodum salaciter respondit, Si tu desinas mordere: nam utrumque canum est. Philost. in sophist.

*Polemo.*

Timocrati philosopho apud Polemonem dicenti. Fauorinum esse loquacem: Et omnis, inquit ille, anus. Notans in Fauorino corporis habitum, quod esset eunuchus. Visus est excusare vitium, sed re vera conduplicauit. Philostratus.

*Chabrias.*

\* Improbo cuidam cum multis conuictis afficiente, respondit: Bene fecisti quod nihil eorum quæ in te insunt prætermisisti. Ant. ser. de contr.

*Anonymus.*

Libanus sophista, summus Italiani Apostatae fautor, cum interrogasset Antiochiæ ludimagistrum quendam virum bonum atque piæ, Quid nunc fabri filius (Christum per contumeliam intelligens) ageret? respondit. Nō otiatur o sophista, quem fabri filium appellas:

appellas: parat enim Iuliano loculum. Intellexit autem vir optimus, Iulianū ob insignem impietatem & crudelitatem non diu superstitem fore, & diuinam ultionem præ foribus esse: paucos enim post dies Iulianus est interfectus. Tripart. hist. lib. 6. cap. 44.

*Epaminondas.*

Quum Argiui Thebanorum essent, socij, Atheniensium oratores, in Acadiam missi, vituperarunt utranque gentem, & Callistratus rhetor Orestem & Oedipodem ciuitatibus exprobrabat, nam Orestes Argiuus fuit, Oedipus Thebanus. Interim surgens Epaminondas: Fatemur, inquit, apud nos fuisse qui patrem occiderit, apud Argiuos qui matrem necarit: sed eos qui hæc patrarunt nos expulimus, Athenienses receperunt. Tanto compendio conuicium retorfit in authores. Plut. in apoph.

*Idem.*

Pelopidæ increpanti, quod nullos tolleret liberos, malè in hoc consulens patriæ: Vide, inquit, ne tu peius cōsulas, qui talem patriæ filium relicturus sis. Habebat enim Pelopidas filium improbum & infamem. Mihi, inquit, Leuctrica pugna pro liberis erit, nunquam interitura. In hoc enim suscipiatur liberi, ne pereat nostra memoria. At hoc melius præstant egregia facinora, nam liberi frequenter offuscant parentum gloriam. Eras. l. 5. apoph.

*Stilpo.*

Quum olim omnium hominum oculi in solum Stilponem, coniecti essent, quidam ad Stilponē, Isti (inquit) omnes te admirantur ut beluam: Nequaquā, ait, sed ut verum hominem admirantur me bestia. Laert. l. 2. c. 12.

*Gnathana.*

Reprehenfa à Stilpone philosopho, quod adolescentes corrumperet: Tu, inquit, egōq; Stilpon in eodem hære-

mus crimine, qui adolescentes tecum versantes iniutilia quædam & amatoria sophismata doces, ut nihil referat cum philosopho versentur, an cum meretrice. Eras. lib. 6. apoph.

*Phocion.*

Athenienses Demadem præponentes Phocioni, belli ducem constituerunt. Qui cū ambitu superasset Phocionem, summè animum extulit, & accedens Phocionem: Accommoda, inquit, mihi sordentem istam chlamydē, quam gestare solitus es in tuo belli principatu. Cui respondens Phocion Nunquam, inquit quicquam tibi sordens deerit, dum talis fueris. Æliani, lib. 14. de Varia hist.

*Idem.*

Demostheni rhetori dicenti, Occident te, & Phocion, Athenienses, si quando cœperint insanire, hunc in modum respondit: Me quidem, si insanire occeperint: at te, si ad sanam mentē redierint. Demosthenes enim pleraque ad gratiam apud populum loquebatur, & blanda potius quàm salubria consulebat. Plut. in apoph.

*Themistocles.*

Seriphio cuidam obiciienti, quod non ex sese, sed ob vrbis probilitatem celebris esset: Vera, inquit Themistocles, prædicas. Neque enim ego si Seriphuis essem, clarus essem, neque tu si Atheniensis. Non inficiatus est vrbis celebritatem nonnihil facere ad illustre nomen: sed illum esse tam ignauum, ut etiam si fuisset natus Athenis, nihilo minus fuisset obscurus futurus. Plut. in apoph.

*Adimantus.*

Adimantus abhorrens à pugna naturali, ad Themistoclem, qui Græcos hortaretur incitarēque, ita loquutus est: O Themistocles, eos qui in certaminibus ante alios profiliunt, mos est flagris cedere. Cui Themistocles:

L 2

Sic

Sic est Adimante, ut dicis: sed nec eos qui se subducunt, coronat quisquā. Adimantus notauit in Themistocle precipitem audaciam, ille vicissim illum insinulauit formidinis, qui cum opportunitas inuitaret, detrectaret pugnam. Plut. in Themist.

*Cleomenes.*

Cleomenem quidam per conuiuium dixerat deliciis deditum. At hoc, inquit, satius est, quam iniustum esse. Tu verò pecuniarum amore teneris, quū quod satis est possideas. Arguē significauit, neminem esse posse iustitiz tenacem, qui supra quā satis est congerendi studio tenetur: ad hæc stultum esse, qui alteri leuius exprobrat vitium, quū in ipsum illico grauius crimen possit retorqueri. Plut. in Lacon.

*Pausanias Pliftonacis F.*

E patria profugus, quum Tegez laudaret Lacedæmonios, cuidam dicenti: Quin igitur mansisti Spartæ, sed fugere maluisti? Quoniam, inquit, nec medici apud sanos, sed apud ægrotos versari solent. Salissimè conuiuium exilij retorfit in Tegeaten, quod eius gentis corrupti mores egerent Spartana disciplina. Plut. in Lacon.

*Anonymus.*

Quum Thebani deuictis apud Leuctra Lacedæmoniis, ad ipsum venisset Eurotam, & quidam gloriabundus dixisset, Vbi nunc Lacones? Spartanus quidam ab illis captus, Non adsunt, inquit, alioqui vos huc non venissetis. Ne victus quidem & captius potuit obliuisci indolis Laconicæ, nec tulit victoris iactantiam. Plut. in Lacon.

*Idem.*

Argiuo quodam dicente, multa Spartanorum sepulcra apud nos sunt: Lacon excipiens, Atqui Argiuorum apud nos nullum est sepulcrum, innuens, quod Spartani semper inuasissent Argiuos, Argiui verò Spartanos nun-

quam. Solertèr Lacon, quod ille dixerat in gentis suæ laudem retorfit in ignominiam. Plut. in Lacon.

*Idem.*

Quidam cum Laconi dixisset, Mentiris, ille contrā, Nimirum (inquit) liberi sumus, alij verò, nisi vera dixerint, vapulant. Quo dicto se liberum esse demonstrat, à seruo notatum: qui si fallat mendacio, loris punitur. Plut. in Lacon.

*Plifonax.*

Cum rhetor quidam Atticus Lacedæmonios dixisset indoctos: Nos enim, inquit, Græcorum soli nihil à vobis didicimus mali. Lacedæmonij malum existimabant, quicquid non faceret ad efficiendam ciuitatem meliorem. Plut. in Lacon.

*Demetrius.*

Lyfimacho Demetrium impetente conuiuiis, dicentēque, Lamiam sibi visam meretricem de scena tragica prodeuntem (hæc erat amica Demetrii magnificè culta) Demetrius respondit, meretricem Lamiam esse modestiorem, meliusque moratam, quā ipsius Penelopen, coniugem illius notans. Plut. in Demetrio.

*Idem.*

Quum alteram uxorem ducere statuisset, liberis ipsum percontantibus, nunquid in ipsis haberet de quo quereretur? Nequaquam, inquit, imò ob id potiùs alteram ducō, quod collaudem vos, cupiāmque mihi & alios istiusmodi liberos nasci. Erasmus lib. 1. apophr. Illud etiam de Pisistrato & M. Catone refertur.

*C. Marius.*

In bello ciuili cum fossa cinctus obfideretur, continuit sese, opportunum expectans tempus rei gerendæ. Popedio autem Siloni dicenti, Si magnus es imperator, ô Mari, descende in conflictum: Imò tu, inquit, si magnus es imperator,

Imperator, ego me nolentem ad certamen venire. Plut. in apoph.

*Galba.*

Libo, cum ei dixisset, quando tandem Galba exhibis de triclinio tuo? mox ait, Cum tu de cubiculo alieno Libo notauit Galbam, quod L. Scribonius tribunus plebis iudices ferret familiares suos, & conuiuuiis corruptos. Galba vicissim illum notauit adulterij. Erasmi. lib. 6. apoph.

*Heluius Mancius.*

L. Libonem apud Pompeium accusabat: in quo certamine Pompeius, Liboni fauēs, Helio & generis humilitatem & senium exprobrans, dixit, illum ab inferis remissum, ut claros viros accusarer. Hoc conuitium is constanter retorfit hoc modo: Non mentiris, inquit, Pompei: planē ab inferis reuersus sum. Sed dum illic moror, vidi Cn. Domitium Ænobarbum deplorantem, quod summo genere natus, vitæ inculpatissimæ, patriæ amantissimus, in ipso iuuentutis flore tuo iussu esset occisus. Vidi pari claritate conspicium Brutum, ferro laceratū, querentem id sibi prius perfidia, deinde etiam crudelitate tua accidisse. Vidi Cn. Carbonem, acerrimum pueritiæ tuæ, bonorūq; patris tui defensorem cum tertium consul esset, catenis, quas tu illi iniici iusseras, victum, obstantē te, aduersus omne fas & nefas, cum in summo esset imperio, à te equite Romano trucidatum. Vidi eodem habitu & quiritatu, prætorium virum Perpernam, scuitiam tuam execrantem: atque hos omnes eadem voce indignantes, quod indemnati sub te adolescensculo carnifice cecidissent. Has Mancie voces, fortassis aliquis temeritatem appellet citius quàm libertatem. Scitum est, quod subnebat Valerius: Eo tempore & fortissimum erat Pompeio maledicere, & tutissimum. Fortissi-

imum, ob summam potentiam: tutissimum, ob reuocatam veterum facinorum inuidiam. Erasmi. lib. 8. apoph. ex Valer. Max. lib. 6. cap. 2.

*Ægilius.*

Qu. Opimius consularis in adolescentia malè audiuit. Is Ægilio homini festiuo, qui videbatur mollior, nec erat, sic exprobrauit molliciem: Quid tu Ægilia mea, quando ad me venies cum tua lana & colu? Lepidè retorfit Ægilius: Nō Pol, inquit, audeo: nam me ad famosas vetuit mater accedere. Alter simulabat orationem velut ad fœminam, alter accepta persona simulationem vertit in irrisionem. Erasmi. lib. 6. apoph.

*Philippus orator.*

Catulus Philippo oratori dicenti, Quid latras? respondit, Furem video. conuicium latrandi in ipsum retorquens, notauit hominis rapacitatem. Bruti. lib. 2. cap. 40.

*Catulus.*

Cum audiret quosdam ex iudicibus quos pecunia Clodius corruerat præsidium petentes, ac si in periculo forent constituti: perstringens istorum prædonum auaritiam. Quid vos (inquit) à nobis præsidium postulabatis? an, ne nummi vobis eriperentur, timebatis? Cic. ad Att. lib. 1. Plur.

*M. Crassus.*

Cn. Domitius L. Crasso collegæ exprobrauit, quod censor tanti habitaret, eo quod in porticu domus haberet columnas Hymetias, pro domo eius millia nummum identidè promittens. Crassus erat presenti ac festiuo ingenio; rogauitq; collegam. Quanti ipsedomum suam æstimaret. Is respondit, Sexagies sestertium. Rursum Crassus: Quanto igitur, inquit, eam minoris æstimas, si decem arbusculas succidero? Ex fuerunt loti, patula ramorum opacitate lasciuæ. cum Domitius re-



spondisset, tricies sestertium. Vter, inquit Crassus, nostrum luxuriosior? egone, qui decem columnas centum millibus nummum emi; an tu, qui decem arbuscularum umbram tricies sestertium aestimas? Ita est ingenium hominum, ad aliena vitia perspicax, ad sua cæcum. Eras. lib. 6. apoph.

*Deiotarus.*

M. Crassus in Parthos proficiscens, cum Deiotarum extremæ iam senectutis, nouam urbem condere videret: Quid est, inquit, ô rex, hoc rei, quod cum hora dici iam adsit duodecima, nouam urbem extruere institueris? Ad hæc arridens Deiotarus: Imò quid tibi in mentem venit, Imperator, ut cum haud quaquam sis (ut videtur) maturus, tamen in Parthos cum exercitu properas? Nam id temporis Crassus sexagesimum agebat annum. Hora quæ nobis duodecima est in meridie, olim erat extrema diei. Plutarch. in M. Crasso,

*L. Crassus.*

L. Crassus censor Cn. Domitio collegæ exprobranti, quod ob murenam in viuario mortuo lachrymasset: At tu, inquit, cum vxores tres extuleris, nullam emisisti lachrymam. Scire rector sit conuitrium. Notauit illum, quasi non curasset vxorum mortem. Et alioqui turpius est in vxoris funere non flere, quam ob murenam emittere lachrymas. Eras. lib. 6. apoph. ex Plutarcho.

*Domitius Afer.*

Longus Sulpitius insigniter ipse scedus, cum contra quem in iudicio aderat, dixit ne faciem quidem habere liberi hominis. Cui respondens Domitius Afer: Ne tu ex animi mei sententia, Longe. Qui malam faciem habet, liber non est. Si ideo liber non erat cuius agebatur causa, quod deformis esset: nec ipse Sulpitius habendus erat

pro libero, cum esset scedissimus. Eras. lib. 9. apoph.

*Cato.*

Cum quidam Caroni dixisset, Eamus deambulare: & adolescens quidam interpellasset dicens, Quid opus erat de? Imò inquit Cato, quid opus erat te? Vna literula mutata, significauit ipsum potius esse superuacaneum in vita, quam de in verbo. Eras. lib. 5. apoph.

*C. Lælius.*

Ei quidam obscuro genere natus dicebat, Indignus es tuis maioribus, respondit: At tu hercule tuis satis dignus es. Cic. lib. 2. de Oratore, & in Lælio.

*Cicero.*

Cum ad Pompeium venisset, ac venisse pœniteret, rogatus ubi Pisonem generum reliquisset? Apud tuum inquit, socerum: Cæsarem designans. Perinde quasi notatus esset Cicero, quod à genero suo disunctus esset, perstrinxit illum quod ipse cum socero bellum gereret. Plut. in apoph.

*Idem.*

Metello percontanti, quis ipsius esset pater, nimirum ignobilitatem exprobrans: At istam, inquit, percontationem ut respondere sit difficilius, mater effecit tua, nam Metelli mater audiebat parum pudica. Quin & ipse Metellus matrem referens, leuior erat & inconstans, & affectibus seruens. Cicero coniucium à patre ad matrem transtulit. Tum enim incertus est pater cum mater non cum vno consuetudinem habet. Plut. in Rom. apoph.

*Idem.*

Verres, qui filium habebat parum pudicè flore ætatis vtentem, Cicero nem ut parum virum ac cinædum incessabat conuiciis. At Cicero, Ignoras, inquit, quod liberis intra fores ita conuiciandum sit. Significans hoc conuicium non in ipsum competere, sed in conuiciatoris filium. Parentum est autem

autem obiurgare liberos, sed intra domesticos parietes, nec turpia conuicia sunt eliminanda. Eliminat autem, qui aliis impingit, quod ipsius domi committunt liberi. Plut. in Rom. apoph.

*Anonymus.*

Plancus cum in causa quadam ad-esseret amico, vellétque testem molestum perturbare, interrogauit, quo se artificio tueretur. Sciebat enim illum esse sutorem. At ille lepidè retorquens in Plancum: Gallam, inquit, subiugo. Id quidem sutorium habetur instrumentum: sed rectè exprobrabat illi adulterium cum Mæuia Galla, quo nomine Plancus malè audiebat. Eras. Rot. 6. apoph.

*Antigenidas.*

Cum quidam eiusdem artis æmulus ira commotus contumelia affecisset, dicerétque, Abi, emam te pro mancipio, respòdit, Bene facies, tum enim ego te docebo tibiis canere. Philo Iud. lib. Quod omnis probus liber.

*Cassius.*

Julio Cæsare iam per insidias infecto, sedatòque tumultu populi, cum Brutus ad Lepidum propinquum suum, Crassus verò ad Antonium profisceretur, inter cœnandum cum sermonem (ut sit) de multis rebus haberent: cum verò Cassium Antonius interrogauit, An nunc etiam (inquit) pugionem sub axilla geris reconditum? Certè, inquit, longè maximum: siquidem tu quoque regnum affectabis. Xiphil. Dion abbreviator, in Julio.

*Anonymus.*

Cæsar Augustus cum vidisset adolefcentem oris similitudine sibi similem, interrogauit, num aliquando mater eius Romæ fuisset, Negauit ille: sed sentiens conuicium, statim retorfit in auctorem, adiciens, Sed pater meus sæpe Romæ fuit. Augustus ludens, suspicionem intendebat in matrem ado-

lescentis, velut ab ipso stupratam: & adolefcentem protinus eam suspicionem retorfit in matrem Cæsaris, aur in fororem. Nam oris similitudo non magis arguebat illum esse Cæsaris filium, quam fratrem aut nepotem. Eras. lib. 4. apoph. ex Sueton.

*Sfortia Cotignola.*

Ei Duci clarissimo, quum à Sergiano magno Senescalco, ad exprobandam generis nouitatem, lignonis fabula obiektaretur: In hoc, inquit, vt videro, stirpis origine, pares sumus, quum Adamus, mortalium primus, terram & ipse foderit. Sed ego certè, quòd iure diffiteri non potes, illo meo ligone multo nobiliore uasi, quàm tu tuo pene & penna. Quo scommate lepidè admodum hominem transfixit, quum in eo tanta cum inuidia dignitatem stupro quæsitam, & patrè eius ad prætoris tribunal, ignobilem scribam, adulteratòque testamento falsi damnatum, scitissimè notasset. Paulus Iouius in vita Iacobi Mutij, cap. 84.

*Queraldus.*

Is Petri Aragoniæ regis senator, missus aliquando legatus ad regem Africæ, fuit ab illo in cœnam adhibitus, quam rex ipse apparari iusserat editioribus in scamnis. Afri enim in solo super tapetis discumbunt. Cœnitaue-  
runt plures simul. Rex autem ipse clam iuber ossa colligi, eaque ad pedes Queraldi illo nesciente conijci. Finita igitur cœna, cum aulæ magistri iussu mensæ essent sublatae, apparerétque ossium cumulus: tum quispiam à rege submissus, Quid hic (inquit) ossium video, lupus profeò hic cœnitaui, non homo. Tum Queraldus ad regem conuersus: Mihi, inquit, ô rex, cum lupis fuit negotium, cum lupo-  
rum sit & carnem & ossa simul arrodere, quòd comessatores isti tui fecere. Ego verò, vt homo ac conuiua co-

mis, carnes absumpsi, ossa in humum abieci, in canum pastum atque oblectamentum. Pontanus.

*Ignatius episcopus.*

Ignatius Calcedonenſis episcopus, cum iam Constantinopoli habitans, ob senectutis incommoda visu orbatuſ eſſet, atque à Iuliano apoſtata ob id vexaretur, Galilæu (ira enim Chriſtum per contemptum vir impiuſ nominare ſolebat) viſum non reſtituturum ei dicens: reſpondit, Lubens quidem oculis carere volo, ne tam impiuſ tyrannuſ te Iulianuſ videre cogar. Fulgoſiuſ li.6. capite 2. ex hiſtoria Eccleſiaſt.

*Biracus.*

Patriarcha Hieroſolymitanuſ, qui totam cancellariam pontificiam regibat, conuocatiſ aliquando certam ob cauſam diſcutiendam aduocatiſ nonnulliſ, quendam verbis acriter caſtigauit. Huic cum vnus præ cæteriſ Thomas Biracuſ liberiuſ reſponſiſſet, verſuſ in eum patriarcha, inquit: Maluſ caput habes. At ille, vt erat homo promptuſ: Rectè, inquit, ac verè loqueriſ. Nam ſi bonuſ caput haberem, ſaciſ meliori loco reſ noſtrę eſſent, neque opuſ eſſet hac noſtra controuerſia. Te igitur ipſuſ culpaſ, ait patriarcha. Tum ille: Non me, inquit, ſed caput reprehendo: ita ipſuſ, qui aduocatiſ omnibuſ præerat, Patriarcham accuſanſ, qui duro pauluſ capite erat. Poggiuſ Florentinuſ.

## De correctione.

*Zeno.*

**C**Vidam dicenti, Cur me vnuſ omnium non corrigiſ? Non enim, inquit, tibi credo. Subindicantiſ, ſibi non eſſe ſpem, illuſ, ſi corripereſ, fore meliorem. Lacrt. lib.7. cap.1.

*Galluſ.*

Quum Galluſ, qui teſtimoniũ ſeſ rebat contra Piſonem, dixiſſet, Innumeraſ pecuniã Magio præſectu datã, idque Scauruſ tenuitate Magij redargueret: Erraſ, inquit, Scaure. Ego enim Magiuſ non conſeruãſſe dico, ſed tanquam nuduſ nuceſ legeret, in ventrem abſtuliffe. Correxerit ſermonem ſuũ Galluſ, ſed ita, vt crimini corruptelę crimen adderet laxuſ. Eraſ. lib.6. apoph.

*Vide apoph. de Caſtigatiõne & Reprehenſiõne.*

## De credulitate.

*Timon.*

**C**VM Alcibiadem adhuc pueruſ Cobuiã habuiſſet, & deoſculatuſ ei plurimuſ blandireſ, rogantiſ quibuſdam, quę inſuetaruſ blanditiaruſ cauſa eſſet? Reſpondit, amare ſe eum pueruſ, quod præuideret ipſuſ quandoque Athenienſibuſ magnoruſ maloruſ cauſã fore, qua ſpe ſola fruebatur. Etenim propter immanem naturã id ei placebat, quod aliij iure omneſ abominabantur. Fulgoſiuſ lib.9. cap.11.

*Alexander Thereuſ.*

Alexander Pherenſiuſ tyrannuſ, maximè truculentuſ ſæuiſque eſſe videbatur. Theodoro verò tragico poeta, cum acri animoruſ affectu & commiſeratione Æropem agente lachrymaſ profudit, ſurgẽſque de theatro reſceſſit. Verũ purganſ & excuſanſ ſe apud Theodoruſ, affirmauit ſe non idcirco abuſſe, quod illuſ aut aſpernari aut contumelia afficere voluiſſet; ſed quod puduiſſet ipſuſ hiſtrioniſ incommodiſ & affectionibuſ miſericordem videri, ſuiſ verò ciuibuſ & ſubdiſiſ non item. Ælianuſ lib.14. de Varia hiſtoria.

*Vxor Hannibalis.*

Hannibalis Pœni scelerata atque atrox aimis vxor, inspecta humani sanguinis fossa, pulchrum in ea esse spectaculum dixit. Fulg. lib. 9. cap. 11.

*C. Fimbria.*

Procurarat, vt Scæuola in funebre C. Marij iugularetur, quem vt cognouit ex vulnere recreatum, apud populum deferre instituit. Rogantibus, quid optimo innocentissimoque viro esset obiecturus? Obiiciam, inquit, quod parcus corpore rebum recepit, quasi hoc ipsum crimen esset, non peruisse. Eras. lib. 6. apoph. Brus. lib. 2. cap. 9.

*Q. Catulus.*

Cum Syllana crudelitas magna licentia sciret in capita ciuium (nam occisi feruntur supra nouem millia) percussoribus liberè per urbem vagantibus, ac cæteris metu attonitis. Qu. Catulus palam ausus est dicere Syllæ: Cum quibus tandem victuri sumus, si in bello armatos, in pace inermes occidimus? Eutrop.

*Sylla.*

Septem millia Romanorum occidi iussit: ac cum in vicino ad ædem Bellonæ sedens exaudisset exclamationem tot millium sub gladio gementium, exterrito senatu: Hoc agamus, inquit, P. C. seditiosi pauculi meo iussu occiduntur. Brusonius lib. 2. cap. 9. ex Plutarcho.

*P. Telesinus.*

Pontius Telesinus cum in eo bello, quod Sylla contra patriam gessit, magno Reipublicæ Romanæ detrimento ad portam Collinam parum prosperè pugnasset, ac vociferaretur erendam delendamque urbem: adiecit, Eriam nunquam defuturos Italicæ libertati lupos, nisi sylua, in quam refugere solerent, penitus esset excisa. Vel. leius Paterculus, & Cuspinianus in Consulibus.

*L. Catilina.*

Obiicienti Ciceroni, incendium à se excitatum: Sentio quidem (ait) verum si aqua illud non potero, ruina extinguam. Brus. lib. 2. cap. 9.

*Augustus Cæsar.*

Audiens inter pueros, quos in Syria Herodes crudelissimus Iudæorum rex interfici mandauerat, filium quoque eius interfectum, dixisse fertur: Se malle suum, quàm filium Herodis esse. Inter Iudæos enim cum versaretur à suilla carne prohibita abstinebat, iuxta legem. Macro. lib. 2. cap. 4. Sat.

*Idem.*

Cenabat apud Atedium, sue Vedium Pollionem, ibi fregerat quidam è seruulis vas crystallinum: qui ilico iussus est ab Atedio rapi, & murenis obiici. Puer ad Cæsaris pedes confugit, nihil aliud petiturus, quàm vt aliter periret. Cæsar motus nouitate crudelitatis, & puerum dimitti & crystallina omnia ante se frangi iussit, & compleri piscinam. Amicum autem grauius increpauit: Et conuiuio, inquiens, rapi homines imperas, & noui generis pœna lacerari? Si calix tuus fractus est, viscera hominis distrahentur? Tatumne tibi placebis, vt tibi aliquem duci iubeas, vbi Cæsar est? Eras. lib. 4. apoph. ex Suetonio & Sen.

*Theodorus Gadareus.*

Is Tiberij Cæsaris in Rhetoricis præceptor, animaduertens in puero sanguinarium ingenium, sub specie lenitatis & clementiæ latitans, subinde inter obiurgandum appellabat illum, lutum sanguine maceratum. Ab initio quippe sui imperij miram lenitatem præ se tulit, sed in progressu ad immanem crudelitatem prolapsus est, vt Suetonius testis est in eius vita.

*Tiberius.*

Cum custodias recognoscentē eum quidam rogaret vt supplicij mutaret, respon-



respondit, Nódum redij tecum in gratiam. Humanitatis officium esse putauit, si damnatum citò occidisset. Suet.

*Idem.*

C. Caligulæ ideo imperium reliquisse dicitur, quo memoriam scelerum suorum maioribus Caij sceleribus obrueret: vtque maxima atque nobilissima pars senatus post mortem suam necaretur. Sæpè enim dictum illud vetus fertur vsurpasse: Me mortuo, terra cum igni misceatur. Dion Nicæus in eius vita.

*Nero.*

Post multa nefanda facinora quum urbem atque imperium viuus perdere funditus optaret: Priamum mirum in modum beatum fuisse dicebat, quòd patriam simul cum regno perditam vidisset. Xiphilinus in Nerone.

*Idem.*

Quum amitam ex duritie alui cubantem visitaret, & illa tractans lanuginem eius (vt assolet iam grandioribus natu) per blanditias fortè dixisset, Simul hanc excepero, mori volo: conuerfus ad proximos, confestim se positurum (velut irridens) ait, præcepitque medicis, vt largius purgarent ægram, quo citius efflaret animam. Brunsinius lib. 2. cap. 9.

*Idem.*

Quodam in colloquio proferente Græcum versiculum,

ὁ μὲν θανὼντος γαῖα μὴ θείτω τυγί:

id est,

*Me mortuo terra misceatur incendio:*

Subiecit, Ἰμὸς ὁ μὲν ζῶντος, id est, me etiam viuo. Quibus portentis aliquando committitur Respub. Eras. 6. apoph.

*Idem.*

Columnis statuarum eiusdem illud adscriptum erat, Galli cantando me excitarunt. Indignissimè tulerat Galliarum defectionem: proinde decreuerat, Gallos omnes Romæ agentes

contrucidare, prouinciámque exercitui diripiendam tradere. Suet.

*Agrippina.*

Quí iussu Neronis occideretur, ac Centurio ferrum in eum stringeret, ventrem ostendens clamabat: Hunc percutite, hic est ferro fodiendus, qui portentum illud genuit. Suet.

*Nero.*

Vestinus consul, quí eodem die omnia munia consularia obisset, è conuiuiuo repente ad supplicium raptus est. Conuiuique nihil aliud quàm exitum expectabant. Horum pauorem irridens Nero, dixit illos satis supplicij luisse pro epulis consularibus. Dicas hoc à clemente dictum, si cætera Neronis facinora spectes. Sueton. in Nerone.

*Caligula.*

Is, vt alia omni in re, ita verbis quoque sceleratus fuit. per sæpe repetens, Oderint dum metuât. Oprabat etiam populum Rom. vnâ habere tantum ceruicem, vt vno ictu omnes interficere simul posset. Fulgos. lib. 3. cap. 11. ex Suetonio.

*Idem.*

Vir quidam prætorius valetudinis causa secesserat in Antityram, petro à Caligula Cæsare comœatu. Is quí sæpius peteret prorogari comœatum, mandauit interfici, & adiecit, necessariam sanguinis esse missionem, cui tã diu non profuisset helleborum. Solent enim medici, in morbis validioribus venarum incisione vri. Et in Anticyram nauigabât, quibus opus erat purgatione. Eras. 6. apoph.

*Idem.*

Quum destinasset interficere fratrem suum, eúmque suspicaretur, sese medicamentis præmunire, ita locutus est: Antidotum aduersus Cæsare? Timebat ille venenum, quasi Cæsar nò posset alio quouis modo trucidare, quem vellet extinctum. Eras. lib. 6. apoph.

*Vitellius.*

*Vitellius.*

Postquam occisum Othonē in campo Bebriaci cognouit, eoque venisset, abhorrentibus quibusdam cadauerum tabem detestabili voce confirmare ausus est: Optimē olere occisum hostem, & melius ciuem. Sed hic tandem religatis post tergum manibus, iniectione uicibus laqueo, veste discissa, seminudus in forum tractus est inter ludibria, per totum vitæ Sacra Iparium. reducta coma, ceu noxij solent, quibusdam etiam cæno stercorēq; incessantibus. Tandem apud Gemonias munitissimis ictibus excarnificatus, confectusque est, indeque vincto in Tyberim tractus, Bruson libr. 2. cap. 9. & Fulgos. lib. 9. cap. 11. ex Tacito.

*Antoninus Caracalla.*

Cum direptis ciuium bonis atque omnibus exhaustis ærariis, sua crudelitate ingentem corrasisset pecuniam, eamque indifferenter nefariis hominibus distribueret: obiurgatus à Iulia matre, ut pecuniis aliqua ex parte parceret, atque prædæ optimæ partem in alium usum sibi reseruaret, strictum gladium ostentans matri, respondit, Læta sis animo, quam diu hunc habebimus, nulla nobis deerit pecunia. Ostendens, nullam pecuniam apud subditos adeo reconditam esse, quam sua crudelitate extorquere non posset. Dion Nicæus, & Xiphilinus in vita Antonini.

*Vide apoph. de Tyrannide.*

## De cunctatione in rebus agendis.

*Diogenes.*

**P**rosecbar aliquid ab homine auaro: quem cum videret contantem, ac negaturo similem, ô homo, inquit, ad

cibum te posulo, non ad cyppum: ut qua licet, Græcarum vocum affinitatē reddam. Græcis enim τροφή cibis est, τάφος, sepultura. Erasmi. lib. 3. apoph. ex vita Diogenis apud Laert.

*Socrates.*

Hoc dictum plurimum in ore habuisse dicitur: Dimidium operis peractum ei, qui iam esset aggressus. Sunt enim qui cunctando ac deliberando vitam omnem absumant. Est autem hemistichium Hesiodium. Ἀργὸν ἡδὲ τοῦ πρῶτου. Laertius in vita Socratis.

*Fabius Max.*

Quoniam cum Hannibale pugnare detestabatur, mora copias illius & pecuniarum & commeatus egentes attenuabat. Ob quod cum malè audiret, nihil tamen commotus, pergebat in suo instituto & Hannibalem cunctatione fregit, quem alij magno militum exercitu vincere nūquam potuerunt. Plut. in eius vita.

*Julius Cæsar.*

Quum Pompeius instructam aciem apud Pharsalum inibi consistere, & hostem operiri iussisset, Cæsar dixit illum errasse, qui vim, impetum, ac diuinum afflatum animorum ad incursionem paratorum, mora relaxasset. Aded Cæsari nō modò certamen erat cum Pompeio de fortuna belli, verum etiam de bellandi peritia. Plutarch. in Rom. apoph.

*Augustus Cæsar.*

Illud semper citò factum posse dici aiebat, quod cum factū esset, bene haberet. Tarditatē enim, quæ tuta esset, celeritati anteponebat cui periculum esset coniunctum. Fulgos. lib. 7. cap. 2.

*Julianus.*

Quum in frequenti turba quidam ipsum his verbis appellaret aduersus aduersarium suum: Thalassius inimicus pietatis tuæ nostra per vim eripuit. Agnosco, inquit, ab illo me fuisse læsum,

læsum, proinde dic illi, ut mihi potiori inimico prius satisfaciatur, mandauitque præfecto, ne prius cognoscere-  
tur illorum negotium, quàm ipse cum Thalassio rediret in gratiam. Quod alter adduxerat ad maturandam vin-  
dictam, Cæsar torfit in cunctationem. Eras. lib. 8. apoph.

## De curiositate.

*Anonymous.*

**T**halerem in cælum suspicientem, & lapsum in barathrum; ancilla conspicata, meritò id illi accidisse dicebat: qui cum quæ ante pedes essent ignoraret, cælum contempleretur, ut cognosceret. Antonius in Melissa. par. 2. ser. 77. & Max. ser. 21. Brus. li. 2. ca. 27.

*Aristippus.*

Quum quidam obiiceret Aristippo, ac diceret, Propter te ager perit, An, inquit, melius est, me propter agrum, quàm propter me agrum perire? Ant. ser. 77. part. 2. Melissæ.

*Xenocrates.*

Nihil referre dicebat, utrùm pedes an oculos inferas in ædes alienas, videlicet deterrens ab omni curiositate rerum ad nos nihil attinentium. Laer. lib. 4. cap. 2.

*Zeno Cissius.*

Adolescens curiosus quiddam quàm pro ætate sciscitantem, adduxit ad speculum, utque se contempleretur admonuit. Mox rogauit, an videretur tali vultui conuenire quæstiones eiusmodi proponere? Laer. lib. 7. cap. 1.

*Socrates.*

Interrogatus à quodam, quid ageretur apud inferos? Deridens hominis curiositatem, respondit: Nec ego, inquit, vnquam iui, nec cum quoquam illinc reuerso sum collocutus. Maxim. ferm. 36.

*Idem.*

Illud Homeri semper in ore habere solitus erat,

*ὅτι τοι ἐς μεγίστην καλῶν τ' ἀγασσῶν τίμωμαι.* id est,

*Aedibus in nostris, quæ praua ans recte gerantur.*

Eo non solum reuocans auditores à curiositate rerum alienarum, verum etiam à disciplinis non necessariis: velut ab exacta cognitione Astrologiæ, aut Geometriæ, aut causarum naturalium, aut rerum ultra mundanarum, ad cognitionem Ethices, cuius scientia præstat, ut nobis ipsi noti simus, utque rem domesticam aut publica vili-  
ter administremus. Stob. Laert.

*Idem.*

Eodem spectat & illud quod illi ad-  
scribitur, & in primis celebratur: Quæ supra nos, nihil ad nos. Sic enim re-  
spondere solebat admirantibus, quod de moribus semper de astris, deque meteorologis nunquam disputaret. Gel. & Laert.

*Aristoteles.*

Eos qui res euidentes demonstrare conarentur, similiter facere dicebat, ut si quis solem per lucernam ostenderet conetur. Max. ser. 21.

*Demosthenes.*

Quum quidam diceret eum agrum negligere, ipsum autem se curare: Ea (inquit) curo, propter quæ agrum cõparau. Antonius in Melissa, parte 2. ser. 77. & Max. ser. 21.

*Euclides Philosophus.*

Rogatus à quodam, quales essent dii quæque re potissimum gauderent? Cætera quidem ignoro, inquit, at curiosos illis odio esse certò scio. Max. ser. 21.

*Demonax.*

Cum quidam exquireret, an mundus esset animatus? & rursus, an globosus? Vos inquit Demonax de mundo solliciti estis, & vestram ipsorum immun-

immundiciem non curatis. Antoninus  
in Melissa. par. 2. ser. 77. & Max. ser. 21.

*Anonymus.*

*Aegyptius* baiulus gestans quiddam  
velo opertum, cuidam sciscitanti quid  
portaret? Ideo, inquit, obuclatum est,  
ne scires: tu verò cur curiosè vestigas,  
quod occultum est? Solent vestigali-  
um redemptores explorare sarcinas.  
*Aegyptij* autè dicti sunt *εχθροί*. *Eraf.*  
*lib. 6. apoph. ex Plut.*

*Seneca.*

\* Non vis esse iracundus? inquit: ne  
sis curiosus. Qui inquit quid in se di-  
ctum sit, qui malignos sermones etiam  
si secretò habiti sint, eruit, se ipse in-  
quietat. *lib. 3. de Ira. cap. 11.*

*Vespasianus.*

A consulari viro Menstruo Floro  
monitus, plaustra potius quàm plostra  
dicenda, postridie illū pro Floro Flau-  
rum salutavit: civiliter alludens ad il-  
lius curiosam admonitionem. Veteres  
in quibusdam pro diphthongo sona-  
bant o, vt Clodius pro Claudius. Su-  
eton.

*Anonymus.*

Cuidam vxor sua per literas expo-  
brarat, quòd lauacris ac volupratibus  
detentus, ad se redire nollet. Id per  
frumentarios rescuerat imperator.  
Itaque commeatum perenti, expo-  
brauit & lauacra & voluprates. Tum  
ille: Num & tibi ò Cæsar scripsit vxor  
mea, quod mihi? Notans curiosita-  
tem principe indignam. Dion in vita  
Hadriani.

*Huc spectans apoph. de Disputationibus  
rerum frivolarum.*



## DE DAMNO accepto.

*CHILON.*



AMNUM dicebat turpi lu-  
cro semper præferendum  
esse: illud enim semel dole-  
re, hoc autem semper. *La-  
ert. lib. 1. cap. 4. Stob. ser. 1.*

*Anaxagoras.*

Post diutinam peregrinationem do-  
mum reuersus, cum reperiret patriam  
possessionesque suas desertas: Nisi, in-  
quit ista petissent, ego saluus non es-  
sem, quòd calamitas illum adegisset  
ad philosophiam: rebus autem inte-  
gris, mansisset intra penates suos. Ita  
sæpenumero prospera sunt homini,  
quæ videntur aduersa: & quod dam-  
num putatur ingens, lucrum est maxi-  
mum. *Laert. lib. 2. cap. 3.*

## De deambulatione.

*Socrates.*

QVum ad vesperam vsque deam-  
bulasset strenuè, interrogatus cur  
id faceret? Respondit: Quo melius  
cœnem. Ostendit vir sapientissimus, &  
vsum deambulationis, qua agitantur  
homines vt eo melius cibum capiant,  
& deinde ambulatione consumant.  
*Cic. lib. 5. Tusc. quæstio.*

## De debitoribus soluendis.

*Anonymus.*

PHilosophus quidam Pythagoricus  
cùm à calceatore sibi emisset phe-  
cassa (est autem calceamētū id genus)  
non habuit pecuniam qua solueret in  
promptu.



promptu. Verum cum paulò post rediret ad tabernam ut solueret futores, audit eundem iam iam defunctum esse. Gratulabundus igitur philosophus de lucro, pecuniam domum retulit. Postea cum se colligeret, videt se male fecisse, arrepta igitur pecunia, ait: Tibi viuit calceator, aliis mortuus & accedens eius tabernam, nummos in eam projecit, ne videretur homini etiam defuncto denegare id quod æquo debebat iure. Eras. lib. 6. apoph. ex Senec. lib. 7. de benef.

*Phocion.*

Cum Athenienses olim sacrificia instituisent, peterentque à ciuibus, ut unusquisque aliquid de suo ad complenda sacrificia adderet: Phocion Atheniensis efflagitatori respondisse dicitur: Puderet, si vobis adderent: ac huic, (debitore digito ostendens) cui debeo iure, nihil redderem. Sunt qui putent se Deo facere rem gratam, si ad cultum idolorum multos conferant nummos. At Phocion vir sapientissimus, sensit Deo multo gratius esse, si satisfacias iis quibus debes. Eius autem distichium leges apud Plut. in Græc. apoph.

*Lycurgus.*

Affiduum esse, dignumque cui debitum credas, inopibus: at fide dignum, in moribus situm esse dicebat. Maxim. serm. 1. de Virtute.

*Persæ.*

Dicebant, duo esse peccata inter homines turpia: quorum primum est, debitorem esse: alterum, mentiri. Coniunxerunt autem hæc duo, ideo nimirum, quod vnum rarè sit sine altero, qui enim ære alieno obstricti sunt, pollicentur in dies se satisfacturos, nec tamen præstant quod promissum est semel atque iterum. Herodot.

*Augustus Cæs.*

Equite Romano quodam defuncto, compertum est illum tantum habuisse

æris alieni, ut summam ducenties nummum excederet: idque, dum viueret, celauerat. Cum igitur res illius auctioni subiicerentur, ut ex pecunia creditoribus satisfaceret, Augustus iussit sibi emi culcitram illius cibicularem: ac mirantibus hoc præceptum. Habenda est (inquit) ad somnum mihi conciliandum illa culcitra, in qua ille tanto ære alieno obstrictus, somnum capere potuit. Nam Augustus ob ingentes curas sæpe maximam noctis partem ducebat in somnem. Macrobius libro 1. cap. 4. Sat.

*Plutarchus.*

\* Pedem & manum, si computruerit, dicebat nos refecare, & quidem data mercede: ita domum & famulitium subiiciebat abiiciendum esse, ut ab ære alieno liberemur, hoc est, ut liberi simus. In moralibus.

De decoro ubique ac in omnibus obseruando.

*Thales.*

UT bonum histriionem, inquit bar, quamcumque ei poeta dederit personam, eius decorum seruare decet: ita bonum virum, quancumque fortuna dederit. Nam & ipsa veluti poetria, nunc primi, nunc ultimi actoris locum nobis tribuit, aliàs regis, aliàs medici personam. Stob. serm. de prudentia.

*Diogenes.*

Cum vidisset sceminam diis procumbentem, ita curuato corpore ut à tergo quædam apparent quæ nudari non decet oculis hominum, adiit illam dicens: Non veteris mulier, ne stante post tergum tuum Deo (nam illius plena sunt omnia) parum decenter te geras? Idem Æsculapio percussorem consecrassè dicitur, qui accurrens procidentes in faciem contereret, hoc figmento

mento deterrens homines a superstitione, qui credunt deos non audituros, nisi ipsis indecoro corporis gestu supplicent. Laert. lib. 6.

*Socrates.*

Cum Socrati Lyfias orationem, quam in eius defensionem composuerat, recitasset, Præclara, inquit, & elegans oratio est, sed non conuenit Socrati. Erat enim forenfi instituto aptior, quàm philosopho, ac tali philosopho. Rursus Lyfias percontanti, cur si bonam iudicaret orationem, putaret sibi non conuenire? Nonne, inquit, fieri potest, ut amictus aut calceus elegans sit, ac pulcher, qui tamen alicui non conueniat? Hoc ipsum Val. Maximus narrat, minus Socraticè, sic enim Lyfias respondisse memorat: Ausfer quæso istam, nam ego si adduci possem ut eam in vltima Scythiæ solitudine perorarem, tum me ipsum morte multandum concederem. Eras. lib. 3. apoph.

*Plato.*

Si quando fortè incidisset Plato in eos qui præter decorum quippiam agerent, digressus consuevit dicere, Nuncubi ego talis? Nemo suam turpitudinem perspicit, sed sibi quisque assentator est. Ex aliis igitur discendum, quàm indecora sint quæ præter honestatem gerunt. Laert. lib. 3.

*Isocrates.*

In cõuiuio Nicoeontis Samiorum tyranni, cum à conuiuijs iuberetur dicere: His, inquit, in quibus ego valeo: nunc non est tempus, in his verò quæ hoc tempus requirit, ego non valeo. Recusauit inter pocula dicere, qui apud sobrios de rebus serijs differere consueuerat. Eras. lib. 8. apoph.

*Pylades.*

Cum saltans Herculem furentem, nonnullis incessum hisfrioni conuenientem minus seruare videretur, de-

posita persona ridentes increpuit, dicens, *μωγε, μωγε ἰσχυρὸν ὄρχησθαι*: id est, Stulti, furentem salto. Significans, hoc ipsum quod videbatur indecorum maximè decorum esse. Eras. 6. apoph.

*Stratoniceus.*

Ptolemæo rege de musica cum ipso contentiosus differente: Aliud est, inquit, ὁ rex sceptrum, aliud plectrum. Significans, non esse regiū, de musica cum musico disputare. Eras. 6. apoph.

*Callicratidas.*

Cum à Lylandri amicis sollicitaretur, ut permitteret ipsis accepta pecunia quendam ex hostibus occidere: haud cōcessit. Cui cum Cleander dixisset, Accepissem profectò pecuniam, si ego Callicratidas fuissem: Et ego, inquit, si fuissem Cleander: Quo dicto monuit, in omni actione spectandum esse personæ decorum. Plut. in Lacon.

*Leotychidas.*

Cuidam obiiicienti quòd facilè mutaretur: Mutor, inquit, sed pro temporum ratione, non, ut vos, proprio morbo. Prudentis est, pro re nata nouare cōsilia: ac sine causa subinde aliū fieri, inconstantiz vitium est. Plut. in Lac.

*Archidamus.*

Cuidam qui vitio vertebat Hecateo rhetori omnium clarissimo, quòd adhibitus ad ipsorum conuiuium nihil dixisset: Videris, inquit, mihi nescire, quòd is qui dicendi nouit artem, etiam dicendi norit opportunitatem. In senatu, in foro, in concionibus, in legationibus, alijsque reipub. negotijs locus est oratori: in conuiuijs temulentis maiore cū laude taceret eruditus, quàm loquitur. Sic periti bellatoris est, non minus scire retrocedendi artē quā pugnādi. Plut. in Lac.

*Idem.*

Idem ad Græcos, qui pacta rescindere nolebant, dicere solitus erat: Ouis semper eandem edidit vocem, ceterum homo

homo multas ac varias emittit. Quo admonuit, pro tempore, proque re nata variandum esse sermonis habitum. Est enim ubi loquendum sit seuerius, est ubi blandius, ubi magnificentius, ubi submissius, id si sit citra perfidiam, magna est prudentia. Porro ouiles mores dicuntur habere, qui sese nesciunt rebus ac personis accommodare. Plutar. in Lacon.

*Pedareus.*

Conspetto quodam qui natura mollis, tamen ob humanitatem laudabatur à ciuibus, dixit: nec viros, qui mulierum similes sint oportere laudari, nec mulieres, quæ virorum sint similes, nisi si qua mulierem vergeat necessitas. Sensit, aliud decere bonum virum, aliud bonam mulierem, ac pro muliere in virum transfigurata accepit necessitatis excusationem: in viro degenerante in mulierem, nullam recepit excusationem. Ita non eadem laus decora principi est, quæ plebeio, non eadem magistratui, quæ priuato. Plutar. in Lacon.

*C. Publicius.*

Solitus est dicere, P. Mummius, cuius tempori hominem esse, Sentiens, illum dexteritate facilitatēque ad omnem vitæ statum esse accommodatum. Eodem sensu Pollionem Asinium omnium horarum fuisse hominem legimus. Et Tiberius Cæsar duos familiaris ab ipso dilectos, omnium horarum amicos vocare solebat. Erasmi. libro. 6. apoph. De Aristippo dicitur, Omnis Aristippum decuit color, & status, & res.

*Bibulus.*

Cum in senatu, variantibus sententiis, Caro censeret perpetuam dictaturam, ut tyrannicam potentiam, è Rep. tollendam: Bibulus, Pompeio inimicus, primus in senatu rogationem tulit, ut vnicus consul Pompeius decer-

neretur. Aut enim, inquit, Respub. ab imminente procella per illum liberabitur, aut optimo parendum erit, Egregius animus, qui priuatam simultatem posthabuit Reipub. commodis. Eam sententiam Cato dixit se ab alio dictam comprobare, licet ab ipso non debuerit proficisci. Erasmi. 6. apoph. ex Plut.

*Metellus.*

Caius Iulius Cæsar, Metello obstitenti, ne pecunias ab ærario tolleretur, ne peccaret in leges: Nō idem, inquit, armorum ac legum tempus est. Abscede igitur, ac postea quā facta pace, arma deposuerimus, tunc, si videbitur, plebis patronum age. Erasmi. lib. 4. apoph. ex Plutarch.

## De defensione.

*Antisthenes.*

**A**lebat, homines virtute præditos, eos sibi parare propugnatores, qui & fortes sint, & iusti. Nolunt enim defendi, si quid iniusti admittant. Improbis contra fortes defensores quærunt, iustos nolunt. Laerti. lib. 6. cap. 1.

*Cicero.*

M. Cælium melius obiiicientem crimina quā defendentem bonam dextram, malam sinistram habere dixit: huc alludens, quod in pugna dextra gladium tenemus, sinistra clypeum gladio ferimus, clypeo defendimus. Erasmi. lib. 4. apoph.

## De deditioe.

*Demosthenes.*

**Q**uam Alexander pacem hac lege deferret Atheniensibus, si ciues octo sibi dederent, inter quos erat Demosthenes: Demosthenes apologum retulit de lupo, qui hac lege pacem

cem obtulit ouibus, si canes dederent. Lupi nomine significans Alexandrū: canum, eos qui tum populi rem curabant: ouium, plebem Atheniensium. Addidit & illud: Vt mercatores, inquit, exiguum frumenti in paropside specimen deferunt, per hoc ingentes aceruos vendere cupientes: ira vos: si traditis ciues octo qui deposcuntur, populum vniuersum traditis. Plur.

### De dediscendi difficultate.

*Socrates.*

**I**nterrogatus, quænam optima esset disciplina? dediscere mala, respondit. Max. ferm. 17.

*Antisthenes.*

Rogatus, quæ disciplina cum primis esset necessaria? Mala, inquit, dediscere. Id enim non modò primum est, verum etiam difficillimum. Laert. lib. 6. cap. 1. Brus. lib. 2. cap. 23.

*Idem.*

A quodam percontratus, quid sibi faciendum suaderet, vt bonus vir & honestus euaderet? Si mala, inquit, quæ tibi ad sunt, ab his qui nouerunt, didiceris esse fugienda. Sensit, virtutis caput esse caruisse vitiiis. Id non à quolibet discendum, sed ab his duntaxat, qui norunt quæ sint vera mala, quæ vera bona. Ibid.

*Timotheus Musicus.*

Aduentantem discipulum interrogauit, an sub alio etiam præceptore Musicæ operam dedisset: qui cum sub alio militasse etiam affirmasset, Duplicem igitur dabis mercedem, ait, quoniam duplex mihi labor subeundus est: dediscendi videlicet vetera, & docendi noua. Brus. lib. 2. cap. 23.

*Vide apoph. de Assuetudine.*

### De iis qui degenerant.

*Aristippus.*

**C**um degeneres filios ad eò negligeret, quasi ex ipso nati non essent: accusatus à quodam, qui seueritatem eius improbabat: An non, inquit, & pituitam & pediculos è nobis natos, velut inutiles, procul à nobis abiicimus? Sensit philosophus, eos nequaquam habendos pro filiis, qui à parentum & maiorum suorum laude dignis virtutibus turpiter degenerarent. Laertius lib. 2.

*Diogenes.*

Videns adolescentem cultu gestuq; parum virili: Non te pudet, inquit, quicquid tibi velis quàm ipsa natura voluerit. Siquidem illa te virum fecit, tu te ipsum refingis in foeminam. Laert. lib. 6.

*Stilpon.*

Habebat filiam sinistrae famæ, cuiusdam itaq; dicenti, Dedecorat te filia, Nihil magis, inquit, quàm ego illam decoro. Sentiens, neminem alienis factis de honestari, sed suis quæque moribus æstimandum esse. Neque enim illa fuisset honestior ob patris celebritatem, nisi paternas virtutes fuisset imitata. Plur. in lib. de Tranquillitate, pluribus verbis hoc idem enarrat. Nam Metrocli obiicienti, quòd filiam haberet impudicam: Vtrum, inquit, hoc meum peccatum est, an filia? Quum Metrocles respondisset, illius peccatum, sed tuum infortunium: hunc in modum excepit Stilpo, Quid ais? an non quæ peccata sunt, eadem sunt lapsus? Annuit Metrocles. At lapsus inquit Stilpo, quorum sunt, eorundem sunt & frustrationis. Et hoc confesso Metrocle: Porro quorum sunt frustrationes, horum sunt & infortunia. Ita placido prudentiq; sermone demonstrauit, filia duntaxat esse infortunium, cuius esset peccatum: ac Cynici

M

conul-



conuicium nihil aliud esse quàm canis latratum. Laërt. lib. 2. cap. 12.

*Menedemus.*

Dicebat, plurimos nauigare Athenas studiorum gratia qui primùm essent sapientes: deinde fierent philosophi, hoc est, sapientiae amantes, dein rhetores: denique progressu temporis euaderent idiotæ. Multum profecit, qui didicit se nihil scire. Et infelicitè proficit, qui semper vergit in deterius. Erasmi ex Plutarcho.

*Archidamus.*

Periandro, qui cùm esset medendi celebris, & in primis laudatus, carmina scriberet infelicia: Quid, inquit, tibi accidit Periander, vt pro eleganti medico malus poëta vocari appetas? Notauit hominum mores, qui res honestas aggressi, degenerant ad sordidiora: cùm consultum sit, vnumquēque in ea se arte exercere, in qua valet plurimùm. Plur.

*Damatria.*

Cùm intelligeret filium in bello planè inutilem esse, domum, redeuntem propria manu interfecit. inhonestissimum enim esse putabat, ex tam præclaris parentibus natum filium, ad eò degenerem aspicere. Plutarch. in apophth. Lacænarum.

*Telesia.*

Audiens filium à paternis moribus degenerantem, & nescio quibus rebus parum honestis operam dantem, eum admonuit, vt aut melius viveret, aut apud externos maneret. Imò mortem ipsam minata est filio, ni mores in melius corrigeret. Plut. in Lacon.

*Nicostratus.*

Quum ab Archidamo sollicitareretur, tum ingenti promissa pecunia, tum cuiuscunque vellet Lacænz coniugio, vt Cromium traderet, respondit: Archidamum non ducere genus ab Hercule, quòd Hercules obiens orbem, so-

leret improbos afficere supplicio, ipsa contrà ex probis faceret improbos. Lacæmonij verò hoc nomine potissimum gloriabantur, quòd originem ducerent ab Hercule. Plutarchus in apophth.

*M. Cato.*

In inimicum quendam probrosæ vires: Huius, inquit, mater quum deos orat, vt sibi filius sit superstes: nō precatur, sed imprecatur. sentiens, illam & sibi & reipublic. precari magnum malum. Erasmi lib. 5. apophth. ex Plut.

*Idem.*

Hortabatur iuuenes, vt qui virtute & æquitate ad dignitatem peruenissent, ne turpiter ad deteriora degenerarent, sed ad meliorem frugem se referrent: ita futurum, vt & gloriam augerent, & benefactis maculam abolerent. Erasmi lib. 5. apophth.

*C. Lælius.*

Cuidam malo genere nato, obliuienti sibi, quòd indignus esset suis maioribus: At herclè, inquit, tu tuus dignus es. Id si dicas bono viro ex bonis prognato, laus est: sin malo, ex malo prognato, graue conuicium est. Erasmi lib. 6. apophth.

*Julia Augusti.*

Cùm ob vestitus nimiam licentiam ab amico quodam admoneretur, at adhortaretur, vt se ad paternæ frugalitatis exemplar componeret, respondit: Pater meus obliuiscitur se Cæsarem Romanum esse, at ego memini me Cæsaris esse filiam. Macrobi. lib. 1. cap. 5. Saturn.

*Traianus.*

Solitus est dicere, Principes omnes multum abesse à Neronis quinquennio. Nam Domitius Nero primis annis quinque, summa cum laude gessit imperium priusquam ad Caligulæ auunculi sui crudelitatem appelleret animum. Erasmi lib. 8. apophth.

## De delatione.

*Caligula.*

**C**ommentarios ad matris fratrumque suorum calumnias pertinentes, ne cui postmodum delatori testive maneret ullus metus, conuectos in forum, & ante clarè testatus deos, neque legisse se, neque attigisse quicquam, concremauit: Quin & libellum de sua salute oblatum non recepit: contendens sibi nihil admissum, cur cuiquam iniustus esset. Negauit se delatoribus aures habere. Hæc boni principis videri poterant, nisi fingeretur. *Erasm. lib. 6. apophtheg.*

*Hic adiunge apophth. de Calumnia, De delatione, Maledicentia, &c.*

## De democratia.

*Solon.*

**D**icere solebat, cum principem sibi maximè gloriosū videri, qui Democratiam ex Monarchia ciuibus faceret. *Phauorinus, & Stob. ser. 46.*

*Lycurgus.*

Cuidam postulanti, vt in ciuitate pro Aristocratia, hoc est, optimatum gubernatione, constitueret Democratiam, hoc est, popularem gubernationem: Tu fac, inquit, prius domi tuæ Democratiam instituas. Compendio docuit, eam Keipubl. speciem non esse vtilem ciuitati, quam nemo vellet esse in sua familia. Ciuitas autem nihil aliud est, quā magna domus. *Plut. in Lacon. & Stob. ser. 83.*

## De deposito.

*Pittacus.*

**D**ictum eius celebratur: Depositum quod acceperis, iustè reddito. *Stob. ser. 9. de iustitia.*

*Demosthenes.*

Ancilla quædam depositi nomine pecuniam acceperat à duobus hospitibus, hac conditione, vt eam vtrisque simul redderet. Horum alter post tempus aliquod lugubri veste & squalidus socij mortem simulās, decepta muliere nummos abstulit. Eo facto superuenit alter, & depositum repetere cepit. Cū mulier anxia de laqueo cogitaret, Demosthenes ei patronus adfuit, qui vt in aduocationem venit, sic aggreßus est petiorem: Mulier, inquit, parata est depositi fidem soluere, sed nisi socium adduxeris, id facere non potest: quoniam vt ipse prædicas, hæc dicta lex est, ne pecunia alteri sine altero numeretur. Hoc ingenio seruauit miseram: elusitque nebulonum conspirationem, qui hoc egerant, vt eandem pecuniam bis acciperent. *Valer. Max. lib. 7. cap. 3.*

## De desperatione.

*Leonidas.*

**E**phoris dicentibus ad Leonidam, quod ad Thermopylas proficiscēs, paucos secum educeret: Nimirum ad hoc, inquit, negotium, ad quod proficiscimur. Indicans satis multos educi ad moriendum in bello: satius enim perire paucos, quā multos. *Plut.*

*Anonymus.*

Cuidam, qui laborans ab oculis exierat in bellum, cū nonnulli dicerent, Quod vadis ad istum affectus modum, aut quid facturus? Vt nihil, inquit, aliud, certè hostis gladium hebetabo. *Plutarchus.*

*Pompeius.*

Rebus infelicitè gestis aduersus Cæsarem, & ad summam desperationem reductus, in tentorium venit attonito similis, nec aliam vocem emisit quā hanc, *ἀκούω εἰς παρακλήσιν*, Ergo in  
M 2      castra,

castra, sumptūq; veste præsentī fortunæ accommodata, clam profugit. Plut.

rem. Si corrigas vniū vocis numerū, nihil dici potest Christianius. Rotod. lib. 3. apoph.

## De Deo.

*Thales.*

**P**ercontatus, Quid esset Deus? Quod principio & fine carer, respondit. Laert. in eius vita.

*Zaleucus.*

\* Proœmio legum quas scripsit Lorensibus, hæc verba præfixit. Omnes qui urbem ac regionem inhabitant, persuasos esse oportet, existimarēque deos esse: quodd manifestum sit ex cœli & totius mundi inspectione, rerūque in ipsis dispositione pulcherrima, & ordine. Haud enim fortuita aut humana eiusmodi opera putare conuenit. Stob. ser. 42.

*Anonymus.*

Alius idem interrogatus, respondit: Quod est in triremi gubernator, in curia rector, præcātor in choris, dux in urbe, imperator in exercitu, hoc est in mundo Deus. Apuleius de Mundo. Id auctori libri de mundo inter Aristotelis opera collocari tribuitur.

*Simonides.*

Interrogatus olim ab Hierone tyranno, Quidnam esset Deus? Deliberandi sibi vnum diem postulauit. cum idem ex eo postredie quæreretur, biduum petiit, ac cum ita sæpius duplicaret numerum, admiratūque Hiero tyrannus, qui rogauerat, efflagitaret, cur ita faceret? Quia, inquit, quanto diutius considero, tanto mihi res videtur obscurior. Cicer. de Natura deorum. Brufon. lib. 2. cap. 26.

*Socrates.*

Socrates dicebat, deos omnium optimos ac felicitissimos: ad horū similitudinem quo quisque propius accederet, hoc & meliorem esse, & beatio-

*Plato.*

\* Dicebat, Deum nullo vspiam modo iniustum esse, sed planè iustissimū. Nec ei, inquit, similis inueniri potest quicquam, quā qui inter nos iustissimus fuerit. In Theæreto.

*Eusebius Philosophus.*

\* Dicebat non quærendum an dii sint, sed protinus esse credendum. Nā quæstione, inquit, proposita, etiam ille qui impiissimam opinionem defendit, nempe deos non esse, superare conatur. Stob. ser. 78.

*Callicratidas Pythagoricus.*

\* Mundus (inquebat) Græcè κόσμος appellatur, vt qui per communem omnium diacosmeum, id est, decoram administrationem, ad vnum optimum, dirigitur. Est verò illud vnum optimū, Deus ipse, qui secundum cogitationem existit, viuens cœleste, incorruptibile, principium & causa dispensationis omnium rerum. Stob. ser. 83.

*Alexander.*

In Iouis Ammonis templo cum à vate dictus esset Iouis filius? Nihil, inquit, mirum, nā Iupiter omnium quidē natura pater est, sed ex his optimos quosque peculiariter suos facit. Modestissimè interpretatus est oraculum: nam vates per adulationem dixit, illū filium Iouis: quasi sic è Ioue prognatus esset, quemadmodum Hercules creditus est esse Iouis filius. Alexander falsus est, Iouem natura autorem ac parentem esse omnium: sed eos deum peculiariter pro suis filiis agnoscere, qui virtute ac præclare gestis proximè ad diuinam naturam accederent. Ea est, omnibus benefacere. Plut. in apoph.

*Euagrius.*

Euagrius quum longa orationis so-

rie audiuiſſet de Deo atque trinitate diſputantes, Diuinitatem nequaquam definiendam eſſe reſpondit. Omnes enim alias propoſitiones habere genus quod prædicetur, aut ſpeciem, aut differentiam, aut proprium, aut acci- dens, aut ex his compoſitam orationem. Sed nihil in ſancta trinitate horum quæ dicta ſunt, poſſe comprehendere. Ideoque quod ineffabile eſt, ſilentij tantum oratione eſſe adorandum. So- crat. l. 6. Tripart. hiſt. c. 21.

*Aſtalus martyr.*

A tyranno per contemptum inter- rogatus, Quod nomen Deus haberet? Qui plures ſunt reſpondit, nominibus diſcernuntur. Qui autem vnus eſt, nõ indiget nomine. Euſt. l. 6. Eccl. hiſt. c. 3.

## De Deo æterno.

*Thales.*

**I**nterrogatus olim, quidnam in tota rerum natura eſſet vetuiſtiſſimum? reſpondit, Deus. Quid ita? *ὁ ἀρχαῖος*, hoc eſt, nunquam eſſe cœpit. Eraſt. l. 7. apoph. ex. Laert. 1.

## De Deo immutabili.

*Ageſilaus.*

**M**oturus bellum aduerſus Perſarum regem, quo Græcos Aſiam incolentes libertati reſtitueret, Iouis Dodonæi conſuluit oraculũ: is iuſſit, vt pro ſuo arbitratu bellum inſtrueret. verum cum Ephori ad Delphicũ quoque oraculum conſulendum miſiſſent, hoc pacto propoſuit conſultationem: Num, Apollo, idem tibi videtur quod patri? Iouis ſe oraculum omnino probare, reſpondit. Quo dicto oſtendere voluit, deorum omnium concordiam: qui ſi inter ſe diſſentiant, non profeſſo re vera ſunt dii. Plut. in Lacon.

## De Deo & omnipoten- te, & vidente omnia.

*Thales.*

**D**icebat, homines exiſtimare oportere deos omnia cernere deorumque omnia eſſe plena, & tunc fore omnes caſtiores. Cic. l. 2, de Legib.

*Idem.*

Percunſtatus, An facta hominum deos fallerent? Ne cogitata, inquit, vt non ſolũ manus, ſed etiam mentes puras habere vellemus, cum ſecretis cogitationibus noſtris cœleſte numen aſſe credimus. Laert. in eius vita, & Valer. Max. lib. 7. c. 2.

*Zeno.*

Cum ex Zenone Stoico quidam quæreret, An Deum latere poſſit iniuriam faciens? Imò, inquit, ne cogitans quidem. Maxim. ſerm. 15.

*Diogenes.*

Videns mulierem ad aras deorum tam incuruato corpore procumbentem, vt obſcena quædam apparerent: Non vereris, inquit, mulier, ne ſtante poſt tergum Deo (cuncta enim plena deorum ſunt) inhoneſtè te habeas. Laert. lib. 6.

*Athenodorus.*

Dicere prudenter ſolebat: ita nos cum hominibus homines viuere debere, ac ſi Deus retributor bonorum, malorumque ultor, omni loco ac tempore actiones noſtras intueretur, conſpicereturque humanis noſtris oculis. Fulgoſus lib. 7. cap. 2.

*Idem.*

\* Tunc ſcito, inquit, eſſe te omnibus cupiditatibus ſolutum, cum eo peruenieris, vt nihil Deum roges, niſi quod rogare poſſis palam. Nunc enim quanta dementia eſt hominum? Turpiſſima vota diis inſufurrant: Si quis ad-

M 3 mouerit



Si quis admouerit cōticefcēt, & quod scire hominem nolunt, Deo narrant. Vide ergo ne hoc præcipi salubriter possit: Sic viuę cum hominibus, tanquam Deus videat: sic loquere cum Deo, tanquam homines audiant. Senec. epist. 10.

*Iamblichus.*

\* Sicut (inquebat) oriente sole, tenebrę eius præsentiam sustinere non possunt, sed subito subterfugiunt, nihil solem impediētes: sic vndique refulgēte potestate diuina, quę replet omnia bonis, perturbatio omnis nullum habet locum, sed repente disperditur. lib. de mysteriis.

*Demonax.*

Quā admoneretur ab amico quodā, vt secum in Æsculapij templum irer, Dominūmq; pro salute filij oraret: Adēone, inquit, surdastum existimas Deum, vt nos nisi in templo non sit auditurus? Recitat Eras. lib. 8. apoph.

*Antalcidas.*

Quum in Samothracia initiaretur, rogatus à sacerdote, quid egregiū patraffer in vita? Si quid, inquit, mihi tale peractum est, sciunt ipsi dii. Existimans, ineptum commemoratione suorum gestorum se diis cōmendare: qui, siue prædicaret, siue sileret, nihilominus nouerant. Nam apud sacerdotem poterat etiam falsa narrare. Plut. in Lacon. Idem de Lyfandro effectur.

*Anonymus.*

Quidam sacris initiaturus Laconem, rogauit, quid sibi consciret maxime impię factum per omnem vitam? At ille: Hoc, inquit, dii sciunt. Quum initiator magis vrgeret, diceretque, Omnino proferas necesse est. Lacon vicissim rogauit: Vtrum, inquit, oportet me tibi dicere, an Deo? quum ille respondisset, Deo: Tu ergo, inquit, hinc secede, vt illi dicam. Plut. in Laconicis.

## De Deo semper colendo.

*Xenophon.*

**D**icebat tum maximē colendos esse deos, quum homini res sunt secundę: vt quum inciderit necessitas, confidenter illos imploremus, vtpote beneuolos iam & amicos. Rectē Xenophon. Sed vulgus hominum contrā facit, in felicitate profunda est Dei obliuio: ūm vrget calamitas, tum demum vtunque & perfunctoriē ad illam cōfugimus. Eras. lib. 7. apoph.

*Philo.*

Cum aliis Iudęis apud C. Caligulam accusatus ab Appione, quod Cæsari diuinos honores non tribueret, eiectus ex aula, sociis Iudęis respōdit, Bono animo nos esse oportet, quibus iratus est Caius: quia necesse est ad esse diuinum, vbi humanū cessat auxiliū. Euseb. lib. 2. Eccles. hist. cap. 5.

## De Deo, dona sua æqualiter distribuente.

*Crates.*

**C**um deformi esset corpore, in certaminibus tamen corpus suū denudare pro more pugnantium, non erubuit. Verū à spectātoribus ob id derisus: De oculis, inquit, ô Crates, & reliquo corpore bono esto animo, mox enim videbis eos qui corpus tuum deforme, modò turpiter derident, morbo contrahi, & omnibus viribus destitui, & tum te beatum esse sentient, deformem quidem, sed sanum, robustū, & laboris patientem. Sensit homo ethnicus, quā variē Deus sua dona hominibus distribuat, aliū ornat forma & sanitate, aliū sapientia: hūc virtutibus, illum corporis robore:

ita

ira ramen, vt non vni & soli omnia cōueniant. Laertius lib. 6. cap. 5.

*Stratonicum.*

Inuitatus aliquando, vt audiret citharædum canentem, postquā audierat, recitauit illum verficulum Homericum, τοῦδ' ἄνθρωπος ὑπὸ ἰδοῦκα πατέρη, ἄνθρωπος δὲ ἀνέκων. id est, Huic dedit hoc pater altitonans, verū abnuī illud. Cuidam roganti, Quo pacto? exposuit, malē cithara canere dedit, bene canere negauit. Eraſt. lib. 6. apoph.

*Dercillidas.*

Missus orator ad Pyrrhum, qui iam exercitum induxerat in terram Spartanorum, vt cognosceret quid sibi vellet: cū Pyrrhus præscriberet vt regem suum Cleonymum reciperent, alioqui futurum vt intelligerent se nihilo ceteris esse fortiores, hunc in modum respondit: Si Deus est Cleonymus, non metuimus eum, quippe qui nihil sceleris commisimus: sin homo est, nihilo est nobis præstantior. Hoc dilemmate perstrinxit superbas regum minas. Dij, qui quos velint, possunt lædere, nec à quodam lædi vicissim, non nocent, nisi improbis: homines hominibus ex æquo metuendi sunt. Plutar. in Lacon.

*Caso Vicensis.*

Quum Pompeio res infelicitè cederent, & ad Cæsarem inclinaret victoria, Cato dicebat, in rebus diuinis multum esse caliginis: quodd Pompeio præter ius agentis fuissent omnia prospera, causam reipub. tuenti nihil succederet. Plutarch. in Catone.

## De dialectica.

*Anisibhenes.*

Dicere solebar, Contradictentē doceri oportere, non contrā dicendo compescere. Dialectica igitur, si do-

cendi ratio est, artis fines transgrediuntur qui tantum rixantur. Nam neq; infano, si vicissim infans, aliquis medebitur. Stob. serm. 80.

*Diogenes.*

Quicquid per se turpe non esset, id ne in publico quidem dicebat esse turpe. Hunc igitur in modum ratiocinabatur: Si prandere malum non est, nec in foro prandere malum est: sed prandere nihil mali est, ergo nec in foro prandere malum est. Haftenus tolerari poterat Cynicus syllogismus, verū quis ferat similiter colligentem, exonerare ventrem, aut reddere lotium, aut habere rem cum vxore, aut exuere vestes, malum non est: ergo in publico malum non est? Probis viris vbique placet verecundia. Laert. lib. 6.

*Zeno.*

Dialecticorum artes iustis mensuris cōparabat, quæ non triticum, nec aliud quidpiam alicuius pretij, sed paleas & stercora metiuntur. Stob. serm. 80.

*Idem.*

Rhetoricam palmæ, Dialecticam autem pugno similem esse dicebat, eod quodd latius loqueretur Rhetores, Dialectici autem compressius. Cicero lib. 2. de Finibus: & in Oratore ad Brutū. Quint. lib. 2. cap. 21.

*Idem.*

Quum iam in artibus non vulgaret profecisset, attramen in Dialecticis plurimum exercere seipsum præcipuè voluit. Verū cū pecunia, vt satisfaceret præceptori Dialectices, deesset, clam per posticum in auditorium Polemonis professoris eius artis irrepsit, vt legentem audiret, quem dum Polemon fortè vidisset: Sat video, inquit, te furari ea dogmata, vt aliis postea mercede vendas. Laudandum est Zenonis ardens ad Dialecticæ studium, in qua adeo profecit, vt multa etiam arti adiecerit. Vide Laert. lib. 7. cap. 1.

M 4

*Idem.*

*Idem.*

Quum illi Dialecticus quidā in sermone, quem illi *Diogenes*, id est metentem appellat, ostendisset septem species Dialecticas: rogauit, quantum peteret mercedis à discipulis? poscenti centum nūmos dedit ducentos. Tanta erat in homine discendi Dialecticē cupiditas. *Laert. lib. 4. cap. 1.*

*Chrysippus.*

Ad Dialecticum quendam, Cleanthi multis ac prolixis sophismatibus obstrepentem: Desine, inquit, senem à magis ad rem pertinentibus auocare, sed nobis iunioribus ista proponito. Docuit vir sapientissimus, Dialecticæ studium magis spectare ad iuuenes exercitatione indigentes, quàm senes grauioribus rebus occupatos. *Laertius lib. 7. cap. 3.*

*Arcefilaus.*

Dialecticos aiebat similes esse ludentibus alea, qui non sine delectatione decipiuntur. *Stob. serm. 80.*

*Carneades.*

Dialecticā inquebat polypo similem esse. Vri enim polypus cyrros suos auctos deuorat: ita dialecticos iam peritiores factos, suas quoque opiniones refutare. *Stob. serm. 82.*

*Ariston.*

Dialecticorum sermones aranearū telis conferebat, ut quæ subtiles admodum, sed inutiles essent. *Stob. serm. 80.*

*Idem.*

Dialecticam aiebat luto viarum similem esse. Nam ut lutum inutile cum sit, transeuntes prostermit: sic Dialectica parum cum profit hominibus, imponit etiam. *Stob. serm. 80.*

*Idem.*

Eos qui Dialecticæ studium profundè rimantur, caneros edentibus similes esse dicebat: qui propter exiguum alimentum circa crustas plurimas occupantur. *Stob. serm. 80.*

*Cleanthes.*

Interrogatus, cur inter veteres, cum non multi philosophati essent, plures tamen quàm nunc clari euasissent? Quoniam, respondit, tunc quidem res ipsa exercebatur, nunc autem de verbis est disceptatio. *Stob. serm. 80.*

*Clitomachus.*

Dialecticam lunæ comparabat quæ similiter augeri & decrescere non cessaret. *Ibidem.*

*Theocritus.*

Ad Dialecticum quendam, acriter & contentiosè ei respondentem istud Homeri repetiit:

*Lis uinam pereat inter hominē &que deosque.* *Ibidem.*

*Demonax.*

Ad Agathoclem peripateticum, instantem sese & solum & primum esse Dialecticorum: Si solus, inquit, es, qui primus esse potes? si primus, qui solus? *Eras. lib. 8. apoph.*

## De dissidentia.

*Phocion.*

Cum Byzantiis irascerentur Athenienses, quod Charetem, qui cum exercitu in subsidium suæ ciuitatis missus esset aduersus Philippum, non uisissent recipere: ac Phocion dixisset, non esse irascendum sociis dissidentibus, sed ducibus quibus fides non habetur: ipse dux electus est, atque ipsi dissidentibus Byzantiis effecit, ut Philippus re infecta discederet. Dissidētiā Byzantium in Charetem ducem reiecit, qui talis erat ut non videretur tutum sese illius fidei committere. Prudentiæ est, infido dissidere: at Phocioni probatæ opinionis viro, non dubitarunt sese credere. *Plutarch. in Græcorum apoph.*

*Romani.*

Populus Romanus, Carbone pollicente

cente quippiam, & addente iusiurandum cum execratione, populus vicissim iurauit, se illi non credere. Probis viris & iniuratis habenda est fides: leuibus autem, ne iuratis quidem. Eras. lib. 6. apoph.

## De diligentia.

*Zeno.*

**D**icebat τὸ ἐν ὁσίοις παρὰ μικρὸν ἢ μὲν μικρὸν εἶναι, i. ut aliquid fiat bene, nasci quidem paulatim, sed tamen non esse paulum. Illud dictum quidam adscribunt Socrati. Laert. lib. 7. cap. 1.

*Antisthenes.*

Cum multi philosophorum disputassent de virtutis difficultate. Antisthenes proficiens, virtutem assidue & studio disci posse affirmavit. Non ignorauit sane vir sapientissimus, nil esse tam arduum, quin studij assiduitate inuestigari possit. Laert. lib. 6. cap. 1.

*Isocrates.*

\* Dicebat, sicut in aliis negotiis curandisq; feris cura & diligentia plurimum habet momenti: sic etiam ad virtutem adipiscendam permagnas vires habere. Proem. orat. ad Nicoclem.

*Vide apoph. de Assiduitate, Industria, labore & studio immmodico.*

## De diligentia nimia, aut inutili.

*Demosthenes Mytilenæus.*

**P**ulsara ianua hominis musicæ ac citharæ dediti, cum is audito pulsu iussisset illum introire, faciam, inquit, si prius alligaris citharam. Subnotans, illum nil aliud quam cithara canere. Eras. lib. 8. apoph.

*Antalcidas.*

Perfarum rex coronam ex rosis con-

sertam ille uit vnguento, misitque Antalcidæ, de pace legationem obeunti. At ille: Suscipio quidem, inquit, donum, atque animi promptitudinem laudo: sed rosarum odorem naturæq; flagrantiam artis adulteratione perdidisti. Ælianus lib. 14. de Varia histor. Idem dici posset de nimia diligentia, qua multoties res magis obscuratur, quam ornatur.

*Apelles.*

Protegenes Pictor toto septennio in pingendo Ialysso consumpto, tandem summam manum imposuit. Eum cum cerneret Apelles, primū substitit mutus, & stupefactus inopinata atque admirabili contemplatione. Deinde respiciens: Labor quidem, inquit, magnus est, & item artifex excellens, verū operi gratia non inest: quam si homo consecutus esset, labor eius cælum attingeret. Laudauit quidem insignem picturam Apelles, sed nimiam diligentiam & industriam vituperauit, quæ operi gratiam omnem adimebat. Ælianus lib. 12. de Varia hist.

*Pollio.*

Dicebat, Commode agendo factum est, ut sæpè agerem: sed sæpè agendo factum est, ut minus commodè quia scilicet assiduitate nimia facilitas magis quam facultas, nec fiducia, sed temeritas paratur. Quod accuratè factum velimus, rarò faciendum est. Hac ratione duci videntur Itali quidam eruditi, qui licet pulchrè calleant Latine, tamè vix vnquam adduci possunt, ut in familiari congressu Latine loquantur. At si quando compellit necessitas, dicunt exactè, quasi de scripto. Eras. lib. 8. apoph.

*Scipio Africanus.*

Centurionem, qui pugnae non adfuerat, cum increparer, atque ille diceret, se in castris custodiæ gratia remansisse: Non amo, inquit, nimium dili-



diligentes. Bruson. ex Cicrone libr. 2.  
de Oratore.

## De discendi cupiditate.

*Solon.*

**C**um eius nepos ex fratre inter pocula carmen quoddam Sapphus cecinisset, delectatus est illa cantilena : & iussit adolescentem, ut eam se doceret. Cum autem quidam interrogasset, quam ob causam hoc desideraret? respondit: Ut postquam ipsam didicero, moriar. Voluit autem ostendere, quam avidus disciplinæ fuerit: ut qui morti iam proximus, ab aliis doceri non erubuerit. *Ælian. de Var. hist.*

*Idem.*

Gloriari solebat, se aliquid quotidie addiscentem, senem fieri. Tanta enim homini sapientissimo inerat discendi cupiditas, ut senio iam grauatius, non minus philosophiæ incumbere, quam cum adolescens ac iuuenis fuisset. sciebat enim hæc studia magnum senectutis solatium esse. *Cicer. in Catone maiore.*

*Antisthenes.*

Antisthenis placita non indigna sunt, quæ commemorantur, dicebat τὴν ἀπὸ τῆς εὐχρησίας, id est, virtutem disci posse. Aduersus eos, qui putant nasci cum homine, aut naturæ affectus studio vinci non posse. *Laert. lib. 6.*

*Zeno.*

Dicitur consuluisse oraculum, quo pacto possit vitam optimè instituere respondit vates, εἰ οὐ γὰρ ἐστὶν ἄλλο τὸ πρῶτον, id est, si concolor fieret mortuis. Ille sentiens, se vocari ad lectionem veterum, contulit sese ad philosophiam. Dicitur autem Zeno natura fuisse colore fusco. Studium ac victus parsimonia maciem & pallorem conciliat homini. *Laert. lib. 7. cap. 1.*

*Polemon.*

Idem Zeno, licet iam profecerat, tamen modestiæ gratia commeabat ad Polemonem, apud quem in dialecticis exercebatur. Vnde Polemon solitus est dicere: Non me clam est Zeno, te per posticum irrepere, furarique dogmata, quibus Phœnicum more indutus es. Notans, illum furtim discere gratis, quæ alius esset venditurus. *Laert. lib. 7. cap. 1.*

*Diogenes.*

Diogenes Athenas profectus ad Antisthenem se contulit: à quo sæpe repulsus (nullum enim discipulum recipiebat Antisthenes) non destitit tamen hæreret: adeo ut quum aliquando baculum intentaret Antisthenes, ultro baculo caput subiecerit, dicens, Cæde si vis: at nullum inuenies baculum tam durum, quo me abs te abigas dum aliquid dixeris. Insigne exemplum admatæ sapientiæ. *Laert. lib. 6. c. 2. Ælian. lib. 10. de Varia historia.*

*Democritus.*

Arrodens cucumerem, sensit humorem esse mellei saporis, rogauitque famulam, vnde emisset? Illa nominauit hortum. Surrexit Democritus: Et duc me, inquit, eod, ad locum iudica. Demirante muliercula quid sibi vellet? Ut, inquit, dulcedinis causam inueniam: inuenturus, si locum inspexero. Hæc muliercula ridens: Quiesce inquit, bone. nam ego imprudens cucumerem immiseram in ollam mellitam. At ille offensus: Molestus es, inquit, ego tamen incumbam, quæramque causam: quasi cucumeri peculiaris sit ac genuina dulcedo. Sit hoc exemplum studij indefatigabilis. *Laert. lib. 9. cap. 7.*

*Cleanthes.*

Antigono discipulo roganti, cur fordidam operam præstaret hauriendo aquam ex puteo, vnde per iocum pro Cleanthe dictus ὀπίστανος, ita respondit:

dit: Num haurio tantum? an non & fodio, & rigo hortum, denique nihil non facio philosophiæ causa? Alius negasset factum: philosophus auxit quod obiciebatur, gloriæ sibi ducens: quod ille verbebat probro. Laert. lib. 7. cap. 2.

*Metrocles.*

Dicebat res alienas emi pecunia, ut domum, vestem, & alia: disciplinas autem liberales emi tempore. Requirit enim diuturnum studium & inde festam diligentiam. Laert. lib. 6. cap. 6.

*Socrates.*

\* Ei in senectute citharam pulsanti & aberranti dixit quidem, Tu ne adeo senex cithara ludis? respondit ille, Atqui præstat sero quam nunquam discere. Stob. serm. de assiduitate.

*Isocrates.*

\* Apis, inquit omnibus floribus infidet, à singulis, quod utile est accipiens. Ita doctrinæ cupidus nihil non attingit, & vndique quæ sunt utilia colligit. Max. ser. 17.

*Demosthenes.*

Interrogatus, Quo pacto sibi oratoriam facultatem comparasset? Plus olei, inquit, quam vini mihi consumptum est. Stob. ser. 27.

*Idem.*

Tanta diligentia versatus est in oratoria, ut nullam aliam ob causam magis se dolere dixerit, quam si quando opificum anteculana victus esset industria. Cic. lib. 4. Tuscul. quæst.

*Marcus Imp.*

Lucius, quum Romam venisset, obuiam factus Imperatori Marco, percontatus est illū quod irer, & cuius rei gratia? cui Imperator, Honestum est & seni dicere: eo ad Sextum philosophū, ut discam quæ nondum scio. Hic Lucius sublatis in cælum manibus. O Iupiter, inquit, iam senex tabellam gestans puerorum more comæat in ludum,

quum noster rex Alexander triginta duos annos natus vita defunctus sit. Hic citius probarim Cæsaris & studium & moderationem, quam Lucij libertatem. Philostratus.

*Salvius Iulianus.*

Is tum eximia iuris cognitione, tum multorum principum amicitia clarus, solitus est dicere: Et si alterum pedem in sepulchro haberem, adhuc addiscere vellem. Refertur Pandect. libro 4. titul. de Fidei commissis. l. apud Iulianum. Hæc sententia optimo iure placuit laudatissimis viris. Sed hodie passim audimus has voces, Iam adultus sum, serum est discere. Imò hoc turpius est, nescire quæ cognitu digna sunt, quòd adultus es.

*Alphonfus rex.*

Cum aliquando de iactura rerum pretiosarum sermo haberetur, persanctè affirmasse dicitur, Malle se gemas, vniones, margaritas suas, quæ quidem essent in orbem omnem terrarum diffamatisimæ, quam libros qualescunq; perditum iri. Panor. lib. 4. de rebus gestis Alphonfi.

*Plura pene ex apoph. de Industria.*

## De discipulo docili.

*Antisthenes.*

Quum adolescens quidam Ponticus genere, se in numerum discipulorum illius recipi cuperet, patri quærenti, quibus rebus esset opus? Libro (inquit) nouo, stylo nouo, nouaque tabella significans, animum à vitiis vacuum, studium vigil, & memoriam fidelem. Solent autem adolescentes volupratibus ac deliciis occupatam, mentem ad præceptorem adferre, quæ res ferè in causa est ut minus proficiant. At philosophia totum animum sibi postulat. Laert. lib. 6. cap. 1.

*Aristoteles.*

*Aristoteles.*

Aristoteles Stagiritæ interrogatus, quo pacto fieret, ut discipuli quâplurimum proficerent: Si, inquit, præcedentes gnauiter insequantur, sequentes non morentur. Laert. lib. 5. capite 1. Brus. lib. 2. cap. 23.

*Vide apoph. de docilitate.*

## De discipulo indocili.

*Bion.*

**A** Rrogantiam dicebat esse profectus obstaculum. Indocilis enim est, qui mauult doctus videri, quàm esse. Laert. lib. 4. cap. 7.

*Idem.*

Cuidam obiicienti quoddam adolescentem quendam ad se non pellexisset: Tenellus, inquit Bion, cascus non attrahitur hamo. Significans, pueros delicatos non esse studiis accommodos. Laert. lib. 4. capite 7.

*Zeno.*

Quum quendam ex discipulis inflatum turgidumque esse nosset, sed eisdem ac ignauum, percutiens dicebat: Non si magnus fueris, bonus & eruditus eris: sed si bonus & eruditus, tum demum reuera magnus eris. Brus. lib. 21. cap. 23.

*Diogenes.*

Adolescenti cuidam, qui apud illum volebat philosophari, pernam dedit deferendam, ac sequi iussit. At ille disciplinæ impatiens, abiecta, quam ferebat perna, abcessit. Sed post aliquântulum temporis occurrens, illi Diogenes: Tuam & meam, inquit, amicitiam perna dissoluit. Sensit autem obiter philosophus clarissimus, cum nequaquam bonum fore discipulum, qui præceptoris moribus se non accommodaret, ac in licitis & honestis suum denegaret præceptoris officium. Brus. lib. 1. 2. cap. 23.

*Theodorus.*

Dicere solebat, Protagoram, præceptorem omnium fidissimum; dextra manu porrigere auditoribus suis scientiam, illos verò sinistra accipere. Brus. lib. 6. cap. 2.

*Isocrates.*

Ephorum Cumanum, qui scholam ipsius reliquit nullo profectu, atque ob id à patre Demophilo denuò missus est, ut ab integro data mercede discipulum ageret, *dispej* appellabat. Diphros enim Græcis dicitur curus, quoddam ferat: pugnantem & aurigam. Isocrates autem ex vocis etymologia captauit iocum in stupidum discipulum, qui bis attulerit mercedem, *dispej* enim dici videtur *dispej* id est, à bis ferendo. Eras. lib. 8. apoph.

*Idem.*

Cùm diuersis moribus & ingenis haberet discipulos, Ephorum sciit, & Theopompum: Se calcaribus in Ephoro, contra aurem in Theopompo frenis uti solere dicebat. Cicero ad Atticū, & de Claris oratoribus. Quintilian. lib. 10. cap. 1. Brus. lib. 1. capite 23.

*Anonymus.*

Philosophus quidam quum duos haberet discipulos: alterum quidem laboriosum, sed hebetis ingenij, alterum ingeniosum, sed ignauum: Ambo, dicebat, pereatis: quoniam tu cùm velis, non potes: tu verò cùm possis, non vis. Antonius in Melissa, par. 1. serm. 5. & Max. ser. 17.

*Stratoniceus.*

Quum doceret Macedonem quendam, nec ille quicquam proficeret, exasperatus in discipulum: In Macedoniam, inquit, pro eo quod alij dicunt, *eis παραγελαι*, si cui precantur exitium. Obiter notauit & Macedonicæ gentis barbariem.

*M. Agrippa.*

Dicere solebat, multum se huic sententiae debere: Concordia paruae res crescunt, discordia maximae dilabuntur. Senec. in epist. lib. 14.

*Leontius episcopus.*

In grauissima illa apud Antiochenos de fidei negotio dissensione, timens seditionem, sententiam suam aperte proferre non audebat, & aliquando caput suum canis florens manu demulcens, dixisse fertur: Nivem eam solutam lutum multum subsecuturum esse. Aenigmate eo obscurius indicans, dissonantiam eam aliquando in seditionem euasuram, neque eos qui factionis suae essent, cum reliqua multitudine consensuros. Nicephor. lib. 9. cap. 24. Eccl. hist.

*Alphonsus.*

Sapenumero dicere solitus est, Si Romanis temporibus vixisset, se constructurum fuisse templum Ioui Positorio, ut de rebus acturi, in eo prius convenirent, & contentionem omnem deponerent. Innuit autem, nihil & quae Reipublicae esse perniciosum, ac si plebis cum patribus crebrae contentiones oriantur. Panor. lib. 3. de rebus gestis Alphonsi.

*Vide apoph. de Concordia.*

## De discipulorum erga praecceptores pietate.

*Xenocrates.*

Dionysius, cum Platoni diceret, Aliquis auferet tibi caput: Xenocrates, qui tum praecceptor aderat. Non prius, inquit, quam hoc: suum ostendens caput. Laert. lib. 4. cap. 2.

*Alexander.*

Cum interrogaretur, Vtrum magis desideraret patrem Philippum, an Aristotelem praecceptorem? Magistrum, inquit. Ille enim ut essem, hic autem ut praeclare institutus essem, author fuit. Anton. in Meliss. part. 2. ser. 11. & Max. ferm. 23.

## De discipulorum infrequentia, & exiguo numero.

*Stratonicus.*

In ludo suo quum haberet pictas Musas Nouem, Apollinem vnum, discipulos autem tantum haberet duos, rogatus a quodam. Quot haberet discipulos? Cum diis, inquit, duodecim. Eras. lib. 6. apoph. ex Athenæo, & Bruso. lib. 5. cap. 2.

## De discordia.

*Demetrius.*

A Philippo Macedonum rege hospitio susceptus, qui ob novas Cleopatrae nuptias a se Olympiadem Alexandrumque auocauerat, dicenti Philippo, quo pacto Graeci inter se mutuum agerent concordiam, respondit: Tua minimum interest, Philippe, Graeciae curam suscipere, qui tot discordiis ac calamitatibus propriam cumultu regiam. Br. J. l. c. 20. ex Plut. apoph.

## De disputationibus, aut quaestionibus friuolis atque inutilibus.

*Aristippus.*

Cvidam qui proposuerat aenigma, vehementer instanti ut solueret: Quid o stolidè, inquit, vis soluam, quod nobis etiam ligatum exhibet negotium? Lust ex ambiguo. Soluitur enim quaestio, & soluitur homo aut belua vincita. Stultum autem fit furiosum homi-



hominem aut noxium animal solvere, magis nociturum. Laert. libro 2. capite octauo.

*Idem.*

Confutatus in disputatione à quodam homine audaci, sed furioso ac stolido, quum illum videret gestientem, inflatumque victoriæ: Ego quidem, inquit, redargutus ab eo: sed suauius dormiturus te, qui redarguisti. Laert. l. 2.

*Diogenes.*

Orante aliquando Anaximene, Diogenes prætendens pernam, auditores in se conuertit: ob id indignatus Anaximenes, obtruncuit ab auditorio destitutus. Tum Diogenes, Anaximenes, inquit, disputationem oboli pretium dissoluit, significans, illum de rebus friuolis differuisse, quæ non admodum attentos haberet auditores. Laert. lib. 6.

*Plato & Diogenes.*

Platonis ideas, id est formas, risit & Aristotelis. Quodam igitur tempore quum Plato multa de ideis differeret, & rem confictam confictis vocabulis explicare conaretur, subinde in ore habens, menseitates & cyathitates, per quas voces intelligebat species mensæ & cyathi: Diogenes irridens subtiles nugas, Mensam, inquit, ac cyathum video, menseitatem & cyathitatem non video. Tamen sunt & hodie qui sorteitatus & ecceitatus sibi videntur acuti. At Plato regessit dictum: Nec mirum inquit, nam oculos habes quibus cernuntur cyathi ac mensæ, mentem verò nō habes quæ cernuntur menseitates ac cyathitates. Laert. lib. 6.

*Ariston.*

\* Veratrū, inquit, crassiusculè sump- tum purgat, Polihonem verò læuigatum suffocat, sic & nimis anxia subtilis- que in philosophia disputatio. Stob. serm. 8.

*Gorgias.*

Gorgiæ sophistæ palam exhibent se ad respondendum, quod cutque li- buisset proponere, Xenophon non ille Socraticus, sed alius quidam inuides, adiit illum, atque hanc proposuit quæ- stionem: Dic mihi, Gorgia quamob- rem fabæ ventrem inflent, quum ig- nem non inflent? Ad quem placide Gorgias, Istud quidem dispiciendum relinquo: ceterum illud iam olim cog- nitum habeo terram aduersus istius- modi homines producere ferulas. Phi- lostratus.

*Idem.*

Quum audiuisset physicum quen- dam de antipodibus arguere differen- tem, ostensis in puteo hominum um- bris, interrogauit, num illos antipo- des putaret. Irrisit inutilem quæstio- nem philosophorum, qui interdum de iis rebus disputant, quæ non sunt, licet ex certis demonstrationibus hodie probari possit, reuera antipodas esse. Eras. lib. 8. apoph.

*Idem.*

Cum conspiceret duos philosophos, vtrosque pariter indoctos, inter sese disceptantes, & alterum quidem ridi- culas quasdam quæstiones proponen- tem, alterum item aliena, neque quic- quam ad rem facientia respondentem: Quid, inquit, amici, an non horum al- ter hircum mulgere videtur, alter cri- bium supponere? Lucianus in vita Demonactis. At refertur à Diogenia- no his verbis: Vtrum stultior qui mul- get hircum, an qui cribrum supponit? Eras. lib. 8. apoph.

*Idem.*

Idem aliis curiosa indagine disqui- rentibus, an mūdus rationis exois sit, aut anima præditus, & sphaeræ ni- hilominus figuram teneat? Vos, in- quit, plus æquo de mundo solliciti, vestrā ipsorum immunditiem interea, parum

parum prouida consideratione pensulatis. Stob.

*Zeu xidamus.*

Cuidam percontanti, quam ob causam Lacedæmonij leges de fortitudine citra scriptum seruarent, ac non potius descriptas traderent iuuenibus legendas? Quoniam, inquit, assuefaciendi sunt, vt præclaris gestis potius quam scriptis intendant. Inertix genus est, de fortitudine philosophorum more disputare: sed protinus factis exercenda virtus, quæ paucis dogmatibus tradi potest. Plut. in Lacon.

*Eudamidas Archidami F.*

Quum audisset Xenocratem iam senem in Academia cum amicis disputantem, percontatus est, quis esset ille senex? vbi respondisset aliquis illum esse virum sapientem, & ex eorum numero qui virtutem quærent: Et quando, inquit, ea vsurus est, si adhuc querit? Visum est Laconi ineptum, per omnem vitam de virtute disputare, veluti de re controuersa: quum oporteat à prima statim adolescentia habere certissima decreta de honesto, impressa animo, & secundum virtutem exerceri: non quære, quemadmodum faciunt philosophi, qui magna contentione inter ipsos de summo bono ac malo digladiantur, ne in hoc quidem satis consentientes quid sit virtus aut beatitudo. Plutarch. in Laconic.

*Panholidas.*

In Academia philosophos audiens multa de virtute differentes, interrogatus cuiusmodi viderentur eiusmodi sermones? Quid aliud, inquit, quam probi: sed prorsus inutiles vobis, qui illis non vtimini. Salsè retigii mores Atheniensium, qui virtutem habent in labris, non in factis. Plut. in Lacon.

*As. Pollis.*

Dicebat, in causa verecunda nun-

quam tentari debere improbam quæstionem. Notauit rhetores, qui in declamando mouerent quæstiones nihil ad causam facientes. Eras. lib. 8 apoph.

## De diffidio.

*Plinius.*

\* **E**Os qui mutuis diffidiis sese conficiunt, similes dicit esse Gallis sæpius in pugna commorientibus. lib. 2. natur. hist. cap. 21.

*Vide apoph. de Discordia, Odio, Seditione.*

## De dissimulatione.

*Plinius.*

\* **V**itro pellucido quod nihil celat voluit eos assimilare qui nihil dissimulare norunt, sed quicquid in animo est, prorinus palam efferunt, lib. 10. cap. 62.

*Vide apoph. de Libere ase in dicendo, & Simulatione.*

## De diuinatione.

*Chilon.*

**D**icebat, diuinationem non esse detestandam: quòd hanc deorum munus esse crederet, quæ ratione percipi posset ab homine insigni virtute prædito. Nam ipse prædixisse fertur, futurum vt ex insula Cythera summum malum oriretur Lacedæmoniis, cuius situm naturamque cum didicisset: Vtinam, inquit, hæc aut nunquam fuisset, aut simul vt nata fuit, euerfa fuisset. Nam Demaratus Lacedæmone profugus, Xerxi suasis, vt in ea insula classem haberet: ac planè Græciâ subegisset Xerxes, si Demarati consilium fuisset sequutus. Post, Nicias ea potius, statuit illic præsidium Atheni-

Atheniensium, & Lacedæmonios multis cladibus afflixit. Laert. lib. I. cap. 2.

*Diogenes.*

Dicere solebat, Si vlla disciplina id præstare posset, vt præsciremus quæ ferenda sunt, atque eadem amoliri à nobis certa ratione valeremus, egregium sanè illud esset, & longè optimum artificium. Sed si ordine inuiolabili, ac lege inconcussa quippiam tolerandum est, ad quid attinet tale malum prænoscerè? Strob.

*Idem.*

Videns hominum diuersas actiones, ac audiens somniorum esse interpretes & coniectores, dicebat, nullum animal homine esse stultius. Laert. lib. 6.

*Socrates.*

Quum in somnis quidam Socrati visus esset dicere,

ἡ γὰρ ἰσὺ τελευτῶν ἐδίω ἰεζεωλον ἱκατο:

Ad Phthiam venias simulac lux tertia surges, Æschini dixit, Tertio die moriar: versu Homericum pro oraculo interpretans id euenit. Phthia erat patria Achillis: & amici conati sunt persuadere Socrati, vt in Thessaliam fugeret, quod illic haberet fidos amicos. Eras. 3. apoph.

*Demonax.*

Conspicatus augurem quendam in publico vaticinia sua vendentem: Si potes, inquit, ea quæ Parca statuerunt arte tua depellere, exiguam mercedē postulas: si quæ fati decreta sunt omnino sunt euentura, quid tua prodest diuination? Bis miser esse cupit, qui mala quæ vitari non possunt, amat præscire. Eras. 8. apoph.

*Demetrius.*

Quum Philippus locum quendam Ithomatam, non minus munitum, si præsidium imponeretur, quàm erat Acrocorinthus, occupasset, & sacrificio peracto per vatem ad ipsum exta essent delata, accepta Arato ac De-

metrio Phalereo demonstrauit: & ipsi animi dubius rogabat eos, qui exta portenderent? vtrum Messenias locum redderet, an retineret? Hic Demetrius arridens: Si animum, inquit, vatis geris, locum dimittes: sin regis, vtroque cornu bouem retinebis. Peloponnesum bouis ænigmate signans, quàm faciliè retineret, si duas arces præsidio tueretur. Eras. l. apo. 6. ex Plut.

*Anaxarchus.*

In conuiuio quum Anaxarchus Alexandro propinaret, offenso calice prædixit fore vt vulnus acciperet, abutens ad id versu, quem recitat. Laert. lib. 9. cap. 1.

βελήσεται τις σταν βροτῆτα χεῖρα. Id est,

Ferietur aliquis mox deum humana manu, Eras. m.

*Calanus Indus.*

Ad mortem proficiscens, quum conscenderet rogam ardentem, O præclarum, inquit, discessum è vita, quum vt Herculi contigit, mortali corpore cremato, animus in lucem excesserit. Hunc quum Alexander admoneret, dicere si quid veller? Optimè, inquit, propediem te videbo. Idq; euenit, nam Alexander paucis post diebus mortuus est. Cic. lib. 1. de Diuinatione.

*Larcas Indus.*

Apollonius Tyaneus quum ad Indorum sapientes, qui Brachmanes dicuntur, habens Larontis Indiæ regis literas commendatitias, accederet vt venit ad illos, Larcas illorum princeps salutauit Apollonium, statimque petiit regis literas. Admirante Apollonio, ac dicente, Vnde sciret? Quo magis (inquit Larcas) mireris, scito D. vnum in epistola deesse: atque ita esse, palmam omnibus ostendit. Bruson. lib. 7. cap. 20.

*Indas Effesus.*

Nunquam diuinando mentitus est, is quū prædixisset, in Stratonis pyrgo, Anti-

Antigonum regem eo die occubiturū: viso Antigono, Nunc mihi pulchrum est mori, inquit, quum mendax fuerim (distabat enim Stratonis pyrgus sexcentis stadiis) sollicitaque mente secum hoc repetebat. Sed paulò post tamen interfectus est Antigonus, in loco subterraneo, qui Stratonis pyrgus dicebatur. Brus. lib. 7. cap. 20.

*M. Cato.*

Aiebat se demirari, quòd non rideret aruspex, quoties aspiceret aruspicem. sentiens, totum hoc diuinationum genus imposturam esse, qua populo fiebat fucus. Id quum non fugeret eius artis peritum, mirabatur quòd aruspex aruspicem posset videre absque risu. Solent enim impostores inter se ridere multitudinis stultitiam. Cicero lib. 2. de Diuin.

*Pompeius.*

Catoni acerbius insectanti Pompeium, quòd quum ipse sæpius prædixisset potentiam Cæsaris indies crescentem nulli bono fore populari ciuitatis gubernationi, sed potius ad tyrannidem tendere: Pompeius ita respondit, tua (inquit) Cato, magis accedunt ad diuinationem, at mea magis accommoda sunt amicitiae. Sentiens, Catonem incerta loqui, quòd nemo possit rerum humanarum exitum liquido præscire: se verò ea sequutum, quæ tum temporis amicitia, quæ sibi cum Cæsare intercedebat, postulabat. Certum erat quid debebatur amico, incertum erat, an amicus illi futurus esset inimicus. De amico verò humanius est bene sperare, quàm malè diuinare. Plut. in apoph.

*Spurina aruspex.*

Spurina aruspex admonuit C. Cæsarem, vt caueret discrimen ingens, quod vltra Calendas Martias nò proferretur. Eo die quum irer in senatum, Spurinae fortè obuio: Quid ais, inquit,

nónne venire Calendæ Martiæ? Venere, inquit, sed nondum præteriere. Eodem die cæsus est Cæsar. Brus. lib. 7. cap. 20. ex Plut.

*Anonymus.*

Seuerus imperator cum è Britannia rediret non solum victor, sed etiam in æternum pace fundata: scurra quidam obuiam factus, futura illi hunc in modum vaticinatus est: Fuisti Cæsar, totum vicisti, iam Deus esto victor, cuius diuinatione licet iocus esse videbatur, constat nihilominus tamen Cæsarem paulo post periisse. Erasmus lib. 6. apoph.

*Athanasius episcopus.*

Ab Arianis & Græcis præstigiator dictus, atque ob diuinationis peritiam diu multumque derisus, cum urbem Alexandriam ingrederetur, cornix in aere volitans crocitabat. Græcorum igitur turba hæc audiens, scommate cum veluti impostorem persequens, quidnam cornix diceret, interrogauit. Ille autem perquam vrbane & suauiter ridens: Cras, inquit. Portendit namque, crastinum diem nobis non bene cessurum. Mandatum enim ab imperatore veniens, festum diem vestrum inhibebit, & magnificentia vestra iniucunda vobis erit. Porro id Athanasij dictum, exitum suum habuit, ab imperatore enim literæ venere, quibus magistratus iuebatur, de cetero Græcos prohibere, ne ad templa accederent, & more superstitionis suæ dies festos peragerent. Et celebritas ea quæ iam aderat, & ab illis plurimi fiebat, venerationeq; maxima colebatur, tū penitus abrogata est. Niceph. l. 9. c. 35.

## De diuitibus ac opibus.

*Chilon.*

\* Percontatus, quid essent diuitiæ? respondit, Thesaurus malorum, N calami-



calamitatis viaticum, improbitatis suppeditatio. Ant. ser. De diuit.

*Bion.*

Dicebat, diuitiis operam dantes ridiculos esse, cum eas porrigat fortuna, illiberalitas seruet, benignitas auferat. Stob. ser. 91.

*Idem.*

\* Quemadmodum, inquit, vilia maris lupis, & si nullius pretij fuerint, tantum tamen aestimantur, quantum in se numismatis continent: ita diuites etiam homines vani & nihili, bonorum quae possident aestimatione ac pretio fruuntur. Stob. ser. 87.

*Idem.*

Dicere solebat, non minus molestum esse caluis, quam comatis, pilos velli. Ostendere autem hoc dicto voluit, paria pauperum diuitumque tormenta esse. Brusl. l. 2. c. 26.

*Bias.*

Beatum esse dicebat, ex vulgi opinione, qui opes ex animi sententia assequeretur. Verum multo beatior, qui ne desideraret quidem. Stob.

*Chilon.*

Dicebat, Quod Lydii lapis est auro, id aurum esse homini. Lapis enim index affricu prodit quale sit aurum, ipsum autem aurum arguit quale hominis ingenium: iuxta illud, Magistratus virum arguit. Laert. in eius vita.

*Pythagoras.*

Neque equum sine freno, neque diuitias sine prudentia quinquā gubernare posse, dicere solebat. Stob. ser. 92.

*Hypsaus.*

\* Ut aurum, inquit, trementi manui impositum, tremat: sic & diuitiae ab animo metu curisque detento accumulatae, una concutiuntur, & eodem modo afficiuntur. Stob. ser. 90.

*Antisthenes.*

Neque symposium sine colloquio & societate, neque diuitias sine virtu-

te, voluptatem habere affirmabat. Stob. ser. 1.

*Democritus.*

Audiens de diuitiis variè disputantes, omnibus hominibus perpetuam quandam diuitiarum cupiditatem inesse dixit, quae si non acquisitae fuerint, vexant: si erunt acquisitae, sollicitudine & cura torquent, Amissae verò, dolores etiam adferunt haud mediocres. Max. ser. 12.

*Idem.*

Nequaquam diuitem, sed diuitiis bene vtentem, beatum iudicandum dicebat. Max. ser. 12.

*Idem.*

Neminem vnquam ob diuitias, & gloriam beatum esse existimandum dicebat. Talia enim omnia incertiora sunt, minorque fide deuincta, quae bona cenferi debeant. Max. ser. 12.

*Idem.*

Interrogatus, quomodo quis diues fieri posset? Si, inquit, cupiditatem pauper erit. Max. ser. 12.

*Idem.*

Dicere solebat, Quantum ad naturam attineret, omnes homines diuites esse: sed quantum est in nobis, omnes pauperes videri. Max. ser. 12.

*Idem.*

Eos etiam qui naturalibus diuitiis contenti essent, multo ditiores esse ita dicebat, qui cum multa possideant, plura tamen concupiscunt, illis enim nihil deest, his plura quam possident. Eod. ser.

*Democritus.*

Pecuniarum vsum cum prudentia, vtilem quidem esse ad exercendam liberalitatem, & ad iuuandum alios: cum stultitia verò, communem largitionem esse dicebat. Stob. ser. 92.

*Idem.*

\* Quemadmodum, inquit, inter cetera pessimus est affectus phagede-

ne: ita in diuitiis animus non contentus, & sibi inæqualis. Stob. ser. 90.

*Idem.*

Diuitias comparare non inutile esse, sed iniuste corradere, turpissimum esse dicebat. Eod. ser. 92.

*Idem.*

Si diuitias, inquit, non expectes pauca tibi multa videbuntur praua enim appetentia ex inopia diuites facit, Stob.

*Idem.*

Interrogatus quæ via esset facile discendi, respondit: Si quis inops fuerit desiderio. Stob.

*Zeno.*

Cum sæpe dixisset, diuitias esse indifferentes: Antigonus falso ei nunciari fecit, prædia illius ab hostibus esse direpta: & cum tristior effectus esset, Vides, inquit, diuitias non esse indifferentes? Brul. l. 2. c. 26. ex Laert.

*Idem.*

Dicere solebat, non magis prodesse, quàm nocere opes ad sanitatē. Ex eod.

*Anaxagoras.*

Magno cum negotio pecunias comparari, sed multo maiori opera conservari & custodiri dicebat. Innuit autem, ita comparatum esse, ut omnes pecuniam quarant, ac opes amplissimas, quas cum iam parauerunt, multo curiosius ac attentius seruant, ne statim euanescent. Quemadmodum enim echinum, sic etiam nummos, facilius est capere quàm diu retinere. *Ælianus l. 4. de Var. hist.*

*Epicurus.*

Scribens ad Pyrocleam, Si vis, inquit, te diuitem facere, non pecuniæ addiendum, sed cupiditatibus detrahendum est. *Seneca.*

*Simonides.*

Interrogatus, utra res esset optabilior, diuitiæ an sapientia? Dubito, inquit, ut qui videam sapientes frequen-

tare diuitum fores, innuens, philosophos verbis quidem contemnere diuitias, sed re tamen eas captare. *Eras. 6. apoph. ex Stobæo.*

*Cleanthes.*

Querenti quomodo quis diues euadere posset: respondit, si cupiditatum fuerit inops. Stob. ser. 92. *Idem & ad Democ. referri, paulò antè diximus.*

*Epicteus.*

Percontatus, quis esset inter homines diues? Cui, inquit, satis est quod habet. Stob.

*Idem.*

Audiens quendam sibi ipsi ob amplas diuitias placentem, ait: Examina te ipsum prius, utrum discere malis, an beari. Quod si diuitias velis, rem neque bonam esse scias, nec omnino in te sitam. Si verò beari, id & bonum est, & penes te. Opes enim fortuna ad tempus commodatò dat: Beatitudo autem à nostra voluntate procedit. Stob. sermone de temperantia.

*Idem.*

\* Nec equus, inquit, ob præsepe, phaleras, rapetes, nec avis ob floccos ad nidum suum effertur & gloriatur, sed utrumque animal ob celeritatē, hoc quidem alarum, illud verò pennarum. Quare tu quoque ob externas diuitias ne superbito, sed ob probitatem & beneficentiam. Stob. eod. ser.

*Socrates.*

Diuitias ex usu metiri iubeat. Nō enim immensas possessiones diuitias vocabat, sed tantum, quantum requiritur ad vsum decentem. Stob. sermone de Temperantia.

*Idem.*

Magnificiendas esse diuitias dixit, si lætitiā sibi coniunctā haberent: nunc autē, inquit, plurimum dissident. Nam si diuites suis opibus frui velint, præ nimia voluptate corrumpentur: si custodire, curis: si verò acquirere,

N 2 nimio

nimio desiderio pessum ibunt. Stob. ser.91.

*Idem.*

Interroganti, Quisnam videretur sibi ditissimus? respondit, Qui paucissimis contentus est. Anton. in Melissa par.1.ser.37.Stob.ser.5.

*Idem.*

\* Diuitias auarorum Soli occidenti comparabat: neminem enim viuentium illas iuuare dicebat. Max. serm. de diuitiis.

*Idem.*

Satius esse dicebat, se in paucis facultatibus continentem hilariter agere, quam in magnis infelicitate. Anton. in Meliss. par.1.cap.37.

*Idem.*

Cum videret Alcibiadem ob diuitias elatum & propter agrorum spatiosos limites superbire, adduxit ad locum in quo tabula quædam ambitum terræ complectens suspensa erat, & eum rogauit, vt Atticam ibi requireret. Quam cum inuenisset suos fundos eum iussit ostendere, & eum responderet, Nusquam ibi pictos esse: Horum (inquit Socrates) possessione te effers, qui nulla pars sunt terræ. Illudens hoc dictorio Alcibiadis stultitiam, qui superbiebat in iis rebus quæ fluxæ sunt, & cum mundo interire solent. Ælian. l.3. de Var. hist.

*Plato.*

Interrogatus, quantas opes habere conueniret: dixit, Quantæ possidenti neq; insidias pariunt, neque rerum necessarium inopiâ. Stob. ser.92.

*Diogenes.*

Aiebat, neque in ciuitate, neque in domo opulenta habitandi locum esse virtuti. Stob. ser.91.

*Idem.*

Exprimere volens quid essent diuitiæ, Fortunæ vomitum eas appellauit. Stob. ser.91.

*Idem.*

Anaximenis seruos conspicatus multa vasa ferentes, cuius ea essent interrogauit? Cum autem illi, Anaximenis esse respondissent: An non pudet eum, inquit, tam multa habere, qui seipsum non habet? Sensit autem philosophus, eum non in sua ipsius potestate esse, qui captus diuitiis sibi iam mortuus est. Max. ser.12.

*Idem.*

Physicus quidam interrogauit eum, quam ob causam aurum palleret? Quoniam, inquit, plurimos habet sibi insidiantes. Pallent autem, qui metuunt. Laert. lib.6. & Max. serm.12.

*Possidonius.*

Diuitias causas esse malorum dicebat, non quod ipsæ facerent, sed quod facturos irritarent. Senec. lib.3. epist.

*Isocrates.*

\* Dicebat illos contemni debere, qui nimium operam dant diuitiis, presentibus autem vt nequeunt. Nam isti (inquit) non secus afficiuntur, quam qui bonum equum possidens equitandi artem ignorat. lib. ad Dæmonicum.

*Idem.*

\* Diuitias non tam honestati quam improbitati seruire dicebat, dum discordiæ hominum licentiam parant, & iuuenes instigant ad voluptates. Eodem lib.

*Democritus.*

\* Vt vestes talares corpora, ita diuitias immensas, animas impedire dicebat. Stob. serm.91.

*Anonymus.*

Cuidam Lampen Æginetam effrenti, ac felicem prædicanti, quod prædiues videretur, multorum nauigiorum dominus: Lacon, nihil (inquit) moror sclicitatem de funibus pendente. Quam omnes diuitiæ sunt in manu fortunæ, tum ex præcipue quas negotiatores commiserent nauibus.

nauibus. ruptis enim funibus sequitur naufragium, & hinc mercium omnium interitus. Plut. in Lacon. apoph.

*Lampis.*

Interrogatus quomodo sibi parasset diuitias? Magnas, inquit, haud difficulter, exiguas verò cum labore ac tardè. Sentiens, initio paulatim magnas; vigilantia corrasam pecuniam. Cæterum parata iam ingenti sorte, facile est amplis lucris ditescere. Plut. in libello, An seni sit capeffenda respub.

*Pheraulas.*

Is diues, à Saca felix nuncupatus ob diuitias, quas pauper acquisuerat: Num, ait, ita existimas Saca, me nunc ed iucundius viuere, quò plura possideo? An ignoras, me & esse & bibere, & dormire, nullo modo mihi iucundius, quàm tunc quum eram pauper? Certum quippe est, eum qui pecuniis ac diuitiis oblectatur, si sumptum vel dispendium faciat, vehementer contristari. Brut. lib. 2. cap. 26

*Plutarchus.*

\* Dicebat, vt equus generosus non ex apparatu precioso iudicatur, sed qui natura sit egregius: neque vir honestus, censetur qui magni pretij possidet opes, sed qui animo sit generoso. Anton. serm. de diuit.

*M. Crassus.*

Dicebat, neminem diuitem esse dicendum, nisi eum qui redditu annuo legionem tueri posset. Plin. lib. 33. Cicero autem in Officiis libr. 1. paulò aliter recitat, qui ait, Crassum neminem diuitem iudicasse, nisi qui prius facultatibus exercitum alere posset.

*Sigismundus Cæs.*

Sigismundo Cæsari allata erant ex Hungaria aureorù quadraginta millia. Cum autem aduersperasset, eaque in thalamo regio recondita fuissent in cubiculum veniens Cæsar, dum cogitabat in quènam usum eam pecuniam

conuertat. somnus eum destituit. Tum ille excitatis cubiculariis: Ite (inquit) ocyus, consiliarios ducésque omnes militum huc accersite. Vocati proceres media nocte trepidi (timebāt enim ne quid aduersi accidisset) Imperatorem celeriter adeunt, & quæ causa sit tam repentinæ vocationis inquirunt. Imperator confestim aperta arca, inter eos qui aduenerant pecunia distributa: Ite, inquit, securè tranquilleq; nobis dormire liceat. Nam quòd mihi somnum ademerat iam procul aberit à cubiculo. Æneas Syluius lib. 4. commentariorum in res gestas Alphonfi.

*Maximilianus Cæs.*

Nullum non pecuniarum aceruum concupiuit: & quanuis non rarò ad eum ingens pecuniarum summa afferretur, tamen penes se eam nunquam retinuit, sed ad quæstores referri iussit, dieens, se regendis hominibus præpositum, nec auri sibi custodiam demandatam: quo si quis semel capiat, mox è rege seruum futurum. Iacobus Spieg. in Ænez commentaria de rebus gestis Alphonfi.

*Vide apoph. de Pecunia.*

## De diuitiarum vsu.

*Socrates.*

\* Dicebat diuitias pro moribus possidentium variare, vt vinum mutatur cum vasis. Stob. ser. 92.

*Idem.*

\* Sudor, inquit, exercitiis prouocatur decentior est: sic etiam diuitiæ propriis laborib. acquiruntur. Eod. ser.

*Idem.*

\* Diuitias (inquit) veluti amicum liberalem ac promptum, ad honestas actiones assumere oportet. Ibid.

*Socrates.*

\* Adolescens ipsum interrogabat, quomodo



quomodo diuitias malum & bonum esse putaret? Tum ille, Non secus quā tu nunc honestis quidem bonis que hominibus bonas esse iudicas: item scientibus quo loco pecuniis vtendum sit, iis commodæ sunt: improbis verò & imperitis, male, &c. Plat.in Eryxia, aut de diuitiis.

*Ariston.*

\* Vt ab eodem vino alij contumeliosi, alij benigniores fiunt: sic (inquirebat) à diuitiis alij aliter afficiuntur. Eod. serm.

*Aristoteles.*

\* Melius est, inquit, ad felicitatem pauciora possidere, quā multa cum inuidia. Nam ista vita laudabilior & suauior est. Ibid.

*Bion.*

Diuitias dicebat esse neruos actio num, quodd sine his nihil agatur. Laerr. libr. 4. cap. 7. Alius dixit diuitias esse belli neruos.

*Aristippus.*

Reprehensus quodd pecunias acciperet ab amicis, respondit, se non ideo accipere, vt vteretur ipse, sed vt illi discerent, ad quas res vtendum sit pecuniis. Vulgus enim diuitum aut in equos, aut in operosas structuras, aut in luxum perdit pecuniam, quum ea bonis viris, si egeant, sit eroganda. Quin & aliter intelligas licebit. Aristippus non nisi ad vitæ necessaria pecuniis vtebatur: ideoque à diuitibus accipiebat, vt eis demonstraret bene vtendi rationem: id non poterat, nisi illi materiam subministrassent. Veluti qui cupit artem scribendi discere, chartā & calamus porrigit docturo. Laerr. lib. 2. cap. 8.

*Idem.*

\* Quemadmodum, inquit, calceus maior ineptus est ad vsum, ita & possessio copiosior. Calcei enim magnitudo superflua vtentem impedit: opibus

autem vel vniuersis vel ex parte aliqua suo tempore vti licet. Stob. ser. 93.

*Alcarnenes Telecri F.*

A quodam obiurgatus, quodd tam parcè frugalitèrque viueret, cum tamen amplissimas possideret diuitias: Diceret, inquit, cum qui multa possidet, pro ratione, non pro libidine viuere, significans perniciosas esse diuitias, nisi adsit animus diuitiis superior, qui possit earum vsum non ex copia sed ex necessitate moderari. Plut. in Lac.

*Phaurotinus.*

\* Nemo (inquit) adeo diues est, qui non pauciora habeat quā desideret. At illum qui animo futurus est tranquillo & bene composito, oportet in læta fortuna alios respicere, qui pauciora bona possident: in sinistra autem, infeliciores. Stob. ser. 92.

*Idem.*

\* Diuitiis vtendum est, tanquam materia quadam, non ad res omnes similiter. Eod. ser.

*Dionysius senior.*

Quum audisset quendam è ciuibus aurum habere domi defossum, id ad se deferri iussit. Verum posteaquam is suffuratus auri paululum, in aliam urbem commigrasset, ibique mercatus esset agrum, reuocato Dionysius totū aurum reddit, vt qui iam diuitiis vti cœpisset, desinissetque rem vtilem inutilem reddere. Satis declarauit, se non aurum alienum appetisse, sed hominis morbum sanare voluisse: simul vsum auri legitimum demonstrauit, si in agricolatōe impendas potius quā in vsuram. Plut. in apoph.

## De diuitiarum abusu.

*Salon.*

Dicebat, opulentiam esse matrem saturitatis, saturitatem ferociae

ne violentiæ. Diuitias comitatur luxus, luxus exit in tyrannidē, dum fœnum migrat in cornua. Laer. lib. 1. c. 3.

*Diogenes.*

Diuitias nil aliud esse quàm velamenta malitiæ dicebat. Diuites enim cum alijs nihilō sint meliores tamen peccant licentiùs. Laer. lib. 6.

*Idem.*

\*Plerōsq; diuites dicebat esse similes arboribus & vitibus, quæ in locis inijs ac præruptis nascuntur: quod istarum fructus non vsui sint hominibus, sed coruis & eiusmodi auibus cōsumantur: Diuites etiam non ad honestas res diuitijs uti, sed adulatoribus, meretricibus, turpissimis voluptatibus, vanissimæque gloriæ præbere pecunias. Stob. serm. 90. Idem apoph. de Cratere Thebano refertur, & de Socrate.

*Democritus.*

\*Dicebat diuitias malis artibus cōparatas infamiæ nota inter homines insigniri. Stob. serm. 90.

*Socrates.*

\*Ut ægrotum, inquit, lectus aureus nihil iuuat, sic neque stolidū diuitiæ. Stob. ser. 92.

*Eucritus.*

Cuidam quærenti ex eo, vter esse maller, Cræsus, an Socrates? Respondit, viuens malle esse Cræsus, è vita autem decedens Socrates. Indicauit autem beatam esse philosophorum post hanc vitam conditionem. Diuites autē licet bonis omnibus in præsentī vita abundant, post mortem tamen ob iniquè paratas opes, ac malè collocatas, cruciandos dæmonibus dari. Stobæus.

*Lycurgus.*

Interrogatus cur hostium intersectorum cadauera spoliare prohibuisset? Ne milites, inquit, ditescant, & dum prædæ incumbunt, pugnam negligant. Metuit vir prudentissimus,

ne diuitiis amplis corrumperetur milites quæ plerunque insolentiores & minus fortes reddunt homines. Plur. in Lacon.

*Anonymus.*

Quidam imperatorem incūsauit, quod illius insidijs, otio & somno fuisset priuatus: videlicet quòd illius benignitate è paupere factus esset diues, Plur in Symposiaci.

## De diuite indocto.

*Socrates.*

**C**onspicatus hominem prædiuitem & arrogantem, sed nulla virtute præditum: Hic, inquit, equus est argento circumtectus. Solent enim equi stragulis, phaleris ac bullis argenteis exornari, quum interim ramē nihil aliud sint quàm equi. Stob.

*Idem.*

Ad prædiuitem quendam, sed indoctum: Ecce, inquit, aureum mancipium. Indoctus, seruus est & cupiditatum, & eorum quæ possidet. Era li. apoph.

## De diuitiarum atque opum contemptu.

*Pythagoras.*

**Q**uibus, inquit, à corpore solutus non egebis, illa omnia contemne: & quibus etiam defuncto erit opus, illis tibi vacante deos adiutores aduoca precibus. Stob. serm. 5.

*Diogenes.*

Quum murem forte conspiceret in Megarico discurrentem, qui neque cauum quærerit, neque turbis terreretur neque cibum appeteret: Bellum, inquit, libertatis exemplum. mōxque contemptis omnibus, cœpit in doliō habitare. Laer. lib. 6.

N 4

*Idem.*

*Idem.*

Demirantibus quòd nullas haberet ædículas ubi cibum capere posset, ostendit Iouis porticum, aitque: Athenienses ipsi magnificam extruxisse aulam, ubi vesceretur. Quod publicum erat, sibi quoque paratum interpretabatur. Neque potuit optare cœnationem splendidiorem. *Ibid.*

*Idem.*

Alexander Magnus inuisens Diogenem, reperit eum in cranio sedentem pro dolio, ac laceras schelas glutino cūmittentem. Posteaquam rex multa cum illo collocutus, pararet abire, diceretque, Cogita Diogenes quid à me velis petere, nam quicquid optaris, feres: Mox, inquit, de aliis interam secede paulisper cū rex secessisset, putans illum velle deliberare, diutius silenti repertiit: Pete quod vis Diogenes. Hoc, inquit, volebam. nam prius arcebas mihi solem, ad id quod ago necessarium. Alij narrant illum dixisse, Ne mihi feceris umbram: quod vellet apricari. *Laert. lib. 6. Cic. lib. 5. Tusc. quæst.*

*Idem.*

Diuitias oblatas recusans, subiunxit Indignum se nouerit canis nomine, qui ab opibus & deliciis se cohibere non potest. *Stob.*

*Aristippus.*

Quodam tempore nauigans, ut intellexit nauim esse piraticam, deprøpsit aurum, ac numerare cœpit, moxque abiecit in mare, & grauiter ingemuit, fingens sibi imprudenti & inuito excidisse. Hoc ingenio vitæ suæ consuluit adempta piratis occidendi vincendive materia. Sunt qui narrent, illum & hæc dixisse: Satius est ut hæc per Aristippum, quàm propter hæc pereat Aristippus. *Laert. lib. 4. cap. 8.*

*Idem.*

Cum prædium amœnissimū perdidisset, cuidam deploranti tam misera-

bilem illius casum: Quid, inquit, an nescis tibi vnicum esse prædium, mihi verò tres agros superesse? Cum annuisset alter, Quin igitur tuam potius vicem deploramus? sentiens, insipientis esse, dolere amissis potius quàm gaudere relictis. *Laert. lib. 2. cap. 8.*

*Idem.*

Cum vidisset famulum quendam in itinere pecuniam ferentem, onere prem. Abice, inquit, quod nimium est, & fer quantum potes. *Laert. lib. 2. cap. 8. Eras. lib. 3. apoph.*

*Idem.*

Præterea cum aliquando perdicem quinquaginta drachmis iussisset emi cuidam detestanti luxū in philosopho: Et tu, inquit Aristippus, si obolo venalis esset, nō emerēs? Cum is respondisset, se empturum: Et mihi inquit, tanti sunt quinquaginta drachmæ. Quod ille luxus nomine damnabat, hic detorsit ad laudem contempti pecuniz. Siquidem qui pretij magnitudine deterreretur ab emendo, is non contemnit cibum, sed pluri is facit pecuniam. At philosopho nihilò pluri æstimabatur quinquaginta drachmæ, quàm illi obolus. Aristippus itaque obsonij cupiditate par, superior erat despectu nummorum. *Laert. lib. 2. cap. 8.*

*Cleanthes.*

Pecuniam, quā collegerat aliquando coram familiaribus abiecit, dicens, Cleanthes alterum Cleanthem alere possit, si veller. *Laert. lib. 7. cap. 2.*

*Philoxenus.*

In Sicilia fundum ac domum opulentam nactus & animaduertens illius gentis luxum ac delicias: Per deos, inquit, hæc bona me non perdent, sed ego potius illa. Moxque cessit aliis hæreditatem, & è Sicilia abnauigauit. *Eras. lib. 8. apoph.*

*Anacreon.*

\* Quinq; talentis à Polycrate ty-ranno

ranno Samio donatus, cum per duas noctes pro ipsis sollicitus fuisset, reddidit ea, inquit, Non tanti esse quanta ipsorum nomine cura laboraret: vel; Odi munus, quod vigilare cogit. Stob. serm. 91.

*Pelopidas.*

In præfectura rei militaris Epaminonda erat collega: cumq; amici dicerent, illi rei necessaria, videlicet colligendi pecunias nullam esse curam: Ita per Iouem, inquit, necessaria, sed huic Nicomedi: ostendens hominem claudum ac mancum, Sensit, fortibus viris nihil esse opus pecunia. Plut. in apoph.

*Epaminondas.*

Iason Thessalus venerat Thebas belli socius futurus. Is cum Epaminonda vehementer egenti aureorum duo millia misisset, aurum non recepit, sed ipsum Iasonem intuitus: Iniustus, inquit, imperas, ipse deterior. Ipse verò quinquaginta drachmis à ciue quodā acceptis mutuò pro viatico exercitus inuasit Peloponnesum. Sentiebat, iniquas esse diuitias, quæ possessorem reddunt deteriore: at viri fortes gloria virtutis præmio, contenti sunt. Plut. in apoph.

*Idem.*

\* Legati venerunt à rege ferentes aurum, ut eum corrumperent. Inuitati sunt igitur ad prandium ab eo qui intelligebat qua gratia appulissent. A prandio iussit ut causam aduentus explicarent. Apposita fuerat mensa vilis, biberant vinum acidum. Quum quid dicerent non haberent, ille subridens, Abite, inquit, & domino vestro mea prandia narrate, ut intelligat iis me contentum non faciliè ad prodicionem allici posse. Stob. serm. 5.

*Themistocles.*

Cum inter decambulandum torquem aureum humi iacentem vidisset, vocans ad se ex pueris quendam dixisse

fertur: Quin hoc tollis ò puer, inuentum huiusmodi? non enim tu es Themistocles. Ostendit autem, homines plerumq; diuitiarum cupidissimos esse, quarum ipse adeò contemptor esset, ut inuentos fortè humi thesauros non acciperet. Ælian. lib. 13. de Varia hist. Plut. in apoph.

*Anonymus.*

Mos erat apud Lacedæmonios, ut quum rex hostes aggrediretur, præcedebat eum miles coronatus qui in certamine victor aliquando tulisset coronam. Quum igitur Lacon quidam in Olympiis magnam pecuniæ vim respuisset, & multo cum sudore deiccto aduersario coronam tulisset: cuidam dicenti, quid emolumenti tibi adfert victoria, ò Lacon? ille ridens & alacer respondit: Ante regem, inquit, coronatus incedens, pugnabo cum hostibus: Generosæ mentis est, laudis honore teneri potius quàm pecuniæ. Plutarch. in Lacon.

*Scipio.*

Quum Numantini viderentur inexpugnabiles, ut qui multos Romanorū duces superassent, populus Scipionem iterum consulem fecit, ad suscipiendum hoc bellum. Cæterum quum multi gestirent exire in militiam, idque senatus fieri vetuisset, quasi Italia futura esset deserta: ac ne pecunias quidē ex ærario sumere passus est, sed vestigales prouentus, quorum tempus nondum excesserat, assignauit. Scipio pecuniis quidem sese negauit egere, suas enim & amicorum satis futuras. Plut. in apoph.

*M. Coriolanus.*

Quum ob bene nauatā operam ante prædæ diuisionem è singulis rebus, equis & captiuis, denos sibi eligere iuberetur, insuper & equo pulcherrimo donatus à consule: Lætor, inquit, à consule laudari, equumq; fortitudinis præmium



præmium lubens accipio, cætera non tam decora, quàm mercedem, non accipiam, fuitque communi reliquorum forte contentus. Nec aliud extra ordinem petiit, quàm vt Volsus quidam vir probus & æquus, quo hospite & amico fuerat vsus, non venderetur captiuus, sed suæ libertati relinqueretur. Huic animo contemptori pecuniæ, & hospitis memori, magis applausum est quàm victoriæ. Plut. in Coriolano.

*Anonymus.*

T. Labienus cùm equiti strenuo de præda Gallica aurum offerret, omne donum renuens, aurum ad pedes Labieni abiecit. Eras. lib. 6. apoph.

*S. Taddæus Apostolus.*

Abgaro regi Edesseno, sibi aurum & munera offerenti pro doctrina & miraculis, iisdem recusatis, respondisse fertur: Si nostra relinquimus, quomodo accipiemus aliena? Eusebius lib. 1. Eccles. hist. cap. 15.

*Basilus Magnus.*

Præfectus Cæsareæ Basilio blandiens suadebat, vt in gratiam imperatoris fidem negaret, promittens ei imperatorium amicitiam & opes. Cui Basilius: Hæc enim homini Christiano, inquit, non conueniunt, sed adolescentibus, & illorum similibus qui talia promissa respiciunt. Tripartitar. historiarum libro 7. cap. 36.

*Anonymus.*

Fertur de quodam è priscis, quodd cùm spectasset pompam sumptuosissimam, ad familiares versus, dixit. Vide te amici, quàm multis rebus opus non habeo. Philo Iudæus in lib. Quod Deus sit immutabilis. Plutarchus idem de Socrate asserit in Moralib.

*Plura vide infra apophtheg. de Munerum contemptu & de Paupertate.*

## De docilitate.

*Xenocrates.*

**A**D quendam nec geometriæ, nec musices, nec astrologiæ peritum, ad scholam tamen ipsius commean-tem: Abi, inquit, ansam philosophiæ non habes, hoc est, non es ad philosophiam docilis, nullis instructus disciplinis. Alij ferunt illum ita loquutum, πῶς ἔμοι πάρος ἐν ἀνδρίῳ, id est, apud me vellus non maceratur. Lana rudis non statim traditur vestiario, sed ful- loni. Laert. lib. 4. cap. 2.

*Antisthenes.*

Adolescens quidam cum se in numerum discipulorum ab Antisthene recipi cuperet, patri quærenti quibus rebus esset opus? Libro inquit Antisthenes, nouo stylo, nouaque tabella. Significans, animū ab omnibus vitiis vacuum, studium vigil memoriæ fidelem esse debere, vt doceri probe posset discipulus. Laert. lib. 6. cap. 1.

## De doctrina & eruditione.

*Thales.*

**D**Icere solebat, faciem componere non præclarum esse: sed bonarum artium studiis animum excolere, longè esse præclarior. Laert. lib. 1. c. 1.

*Idem.*

Interrogatus, Quisnam esset felix? Qui corpore, inquit, sanus est, animo verò eruditus. Ibidem.

*Solon.*

Ei cùm obiceretur, quodd in foro conduxisset oratorem: Atqui dixit, cùm habeo conuiuium, coquū conduco. Ant. par. 1. ser. 50. Mel. Max. ser. 17.

*Socrates.*

Interroganti, quoddnā esset pulcherrimū animal, dixit: Homo doctrina ornatus. Anton. in Meliss. part. 1. ser. 50.

*Idem.*

*Idem.*

Cum ei sermo barbarus exprobraretur; Ego quidem, dixit, barbarus sum verbis, vos autem moribus. Anton. ser. 50. par. 1. Melissæ.

*Idem.*

Scientiam dicebat vnicum esse bonum, contrà vnicum malum, ignorantiam: quòd quicumq; committunt rem iniustam, hoc peccant, quòd ignorant quid cuique sit tribuendum: & qui fortes sunt, non alia re fortes sunt: nisi quòd ex ea expetunt quæ vulgus existimat horrenda: & qui intemperantes sunt, hoc errant, quòd ea putant suauius aut decora, quæ minimè sunt. Summum igitur bonum esse dicebat, scientiam rerum expetendarum ac refugendarum. Eras. lib. 3. apoph.

*Idem.*

Videns hominem prædiuitem, sed planè rudem & indoctum: Hic, ait, equus est argento ornatus. Solent enim frugulis, frenis ac auro argentòque insigniter exornari, cum tamen reuera nihil aliud sint quàm equi. Eras. lib. 8. apoph.

*Idem.*

Cum vidisset prædiuitem quendam, sed indoctum: Ecce, inquit, aureum mancipium. Indoctus, seruus est & cupiditatum, & eorum quæ possidet. Eras. lib. 8. apoph.

*Idem.*

Interrogatus, quid in vita suauiissimum esset? respondit: Disciplina & virtus, & rerum incognitarum historia. Antonius in Melissæ, part. 1. serm. 50. Max. ser. 17.

*Idem.*

Quendam ex discipulis suis animaduertens, agri quidem esse studiosissimum, sed actionis negligentem. Heu tu vide, inquit, ne dum agrum circumare vis, animum tuum efferrari sinas. Max. ser. 1.

*Bion.*

Quum intellexisset, quendam ex familiaribus suis studiosè curantem, vt imago ipsius similis fierit: Tu, inquit, vt tibi similis lapis fieret, curasti: at ipse ne lapidis similis fias, non curas. Purabat autem sapientissimus vitæ eos lapidibus haud absimiles esse, qui literis animum non exornarent. Max. serm. 1.

*Idem.*

Interrogatus, cuiatè se esse diceret, Cosmopolitam se dixit, totius enim mundi incolam & ciuem posse cum arbitrabatur esse, qui omnimodo eruditionis secum reportaret thesaurum. Cicero lib. 5. Tuscul. quæst.

*Democritus.*

Dicere solebat, disciplinam & eruditionem fortunatis quidem ornamentum esse, infortunatis autem refugium. Antonius par. 1. serm. 50. Melissæ, Max. serm. 17.

*Idem.*

Audiens quendam contumeliosius quàm par est, de literis loquentem: Ignoras, ait, quid dicas. Literæ enim diuitibus addunt nonnihil honestamenti, inopia laborantibus sunt asylum, & vnicum existunt vitæ præsidium. Stob.

*Idem.*

Dicere solebat, eruditionis radices esse quidem satis amaras, fructum autem dulcissimum. Hoc dictum alijs ad Socratem referunt, sed Luscinius Democrito adscribit. Laertius autè Platonem.

*Idem.*

Dicebat, eruditionem & doctrinam non aliter quàm aurum, vbiuis terrarum in maximo solere esse pretio. Stob.

*Idem.*

Cum ignotus venisset Athenas, colloquio de philosophia cum Socrate habito, dixit: Hic philosophus similis est

est pentathlo: quod calleret naturalia, moralia, mathematica, ad hæc disciplinas quas *ἑρῶν* vocat, deniq; omnium artium peritiam. Laert. l. 9. ca. 7.

*Aristippus.*

Dicebat, satius esse fieri mendicum quam indoctum: quod ille tantum pecuniis egeat, hic humanitate. Nihilominus homo est, cui deest pecunia: at homo non est, cui deest eruditio. Et tamen cui deest pecunia, petit ab obuiis: cui deest sapientia, nullum sollicitat ut accipiat. Laert. lib. 2. cap. 8.

*Idem.*

Interrogatus, in quo differrent docti ab indoctis? Quo inquit, equi domiti ab indomitis. Quemadmodum enim equus indomitus ad omnem usum incommodus est, ita quoque homo, nisi eruditione & artium studio emolliatur. Laert. lib. 1. cap. 8.

*Idem.*

Quodam tempore cum ciuibus aliquot suis nauigans naufragio eiectus est. Quumq; in littore vidisset figuras mathematicas in arena depictas: Salua, inquit, res est, amici, hominum vestigia conspicio, & ingressus ciuitatem proximam, inuestigauit quinam essent illic disciplinarum studiosi. Cumq; his ubi congressus est, summa cum humanitate tractarunt, non ipsum modò, verum & comites illius, atque etiam viaticum ad reditum subministrarunt. Tandem quum hi qui cum Aristippo venerant, pararent reditum in patriam, rogarentq; illum, ecquid vellent suis ciuibus renunciari? Ut inquit, studeant, sibi huiusmodi parare opes, quæ naufragio non pereunt, sed simul cum possidente enatant. Refert idem. Vitruuius de Architectura lib. 6. addens, Aristippum tunc venisse Rhodum. Laert. lib. 2. Max. ser. 17.

*Idem.*

Percontanti qua re differret sapiens

ab indocto: Mitte, inquit, ambos nudos ad homines ignotos, & videbis. Significauit, sapientem secum in pectore circumferre, quo se commendet quibuslibet. Ibid.

*Idem.*

Cuidam percontanti qua re esset melior euasurus filius, si cum curaret literis erudiendum: ut nihil aliud, inquit, certè in theatro non sedebit lapis super lapidem. Amphitheatra gradus habebant marmoreos, in quibus sedens populus spectabat. Lapidem autem vulgò dicebant, hominem indoctum & elinguem. Laert. lib. 3. capite 8. Brus. lib. 3. cap. 9.

*Idem.*

Cum Aristippus ab eo qui sibi filium commendarat, quingentas petisset drachmas: ac is dixisset, se tanti mancipium coemere posse: Eme, inquit, & habebis duo. Sensit autem hominem rudem & literarum ignarum nil esse nisi perpetuum vitorum & rusticitatis mancipium. Plut.

*Aristophanes.*

Interrogatus, quam ob rem diuites non irent ad sapientes & eruditos viros, sed hi ad illos? respondit, quoniam eruditi sciunt quæ ad vitam sint necessaria, illi verò nesciunt: secus enim, sapientie potius quam pecunie studerent. Ant. in Mel. part. 1. serm. 50.

*Idem.*

Rogatus, quidnam utilitatis ex philosophia hausisset studio? Ut mecum, inquit, loqui, siue viuere possim. Sensit vir prudentissimus, doctum & eruditum hominem nunquam esse solum, qui etiam in solitudine habet quod animo voluat, quod legat, & quasi secum loquatur. Laert. lib. 6. cap. 1.

*Diogenes.*

Diogenes rogatus, quod onus terra grauiissimum sustineret? Indoctum hominem, respondit. Max. ser. 17.

*Plato.*

*Plato.*

Interrogatus, quidnam inter peritum & imperitum interesset? Quod inter medicum, ait, atque ægrotum. Bruf. lib. 3. cap. 9. ex Strob.

*Aristoteles.*

Aristoteles interrogatus, qua re differrent docti ab indoctis? Qua viui, inquit à mortuis. Sentiens, hominem absque literis statuâ esse verius quam hominem. Laert. lib. 5. cap. 1.

*Idem.*

Illud amicis & discipulis inter differendum frequenter sollicitus estingere: Visum accipere lumen à circumfuso aëre, animam autem à disciplinis liberalibus. Laert. lib. 5. cap. 1.

*Idem.*

Rogatus quid ex philosophia lucratus esset, Hoc, inquit, ut iniussus ea faciam, quæ plerique per legum metum operantur. Cic. lib. 5. Tusc. quæst.

*Theophrastus.*

Dicere solebat, virû eruditione præclarum vbique inuenire patriam, & in alienis locis nunquam peregrinum esse. Eruditio enim cum in omni vitæ genere plurimum emolumenti adferat, non potest non vbique maximo esse in pretio. Bruf. lib. 3. cap. 31.

*Idem.*

Idem moriens accusasse naturam dicitur, quod ceruis & cornicibus vitam diuturnam, quorum id nihil interesset, hominibus verò, quorum maximè interesset, exiguam dedisset: quorum ætas si potuisset esse longinquior, futurum fuisse, ut omnibus perfectis artibus, omni doctrina, hominum vita erudiretur. Cic. li. 3. Tusc. quæst.

*Glycon.*

Doctrinam & eruditionem sacrum asylum, ad quod omnis generis homines cõcurrerent, esse dixit. Max. ser. 17.

*Metrocles.*

Dicebat, res alienas pecunia com-

parari, ut domum vestemque: sed disciplinas liberales emi tempore. Requirit enim diuturnum studium, quâ pecunia data statim suas possessor fundi. Laert. lib. 6. cap. 6.

*Cleanthes.*

Dicebat, homines imperitos sola forma differre à bestiis. Ant. in Meliss. part. 1. ser. 50. & Max. ser. 17.

*Stilpon philosophus.*

"Rogatus quid statua durius esset? homo doctrinæ expertus & stolidus, dixit. Strob. ser. 4.

*Themistocles.*

Expletis centum & septem annis, in ipso mortis agone dixisse fertur se omnes ætatis dies literarum honestissimo ac philosophiæ sacratissimo studio cõsumpsisse, ad hominum vsum: verum se dolere, quod tunc egrederetur de vita, quando ex literarum studio sapere cõpisset. Bruf. lib. 3. cap. 31.

*Demades.*

Dicere solebat, doctos ab indoctis tantum differre, quantum dij ab hominibus. Ant. ser. 50. parte. 1. Melissæ.

*Antipater Cyrenaicus.*

Cum ex assiduo literarum studio oculorum aciem amisisset, & suam cecitatem à mulierculis deseri audiisset. Quid agitis, inquit, an vobis nulla videtur voluptas nocturna? Br. l. 3. c. 31.

*Hieron.*

Interrogatus, quid esset à philosophia adiutus? respondit, Ut libenter & iniussus faciam, quæ cæteri legum metu faciunt. Max. ser. 17.

*Alexander.*

Aristotelis philosophi discipulus, tanti fecit bonarum & laudatissimarum artium studium, ut apertè pronuntiare ausus sit, se malle doctrina anteire alios, quàm opibus & dignitate. Bruf. lib. 3. cap. 31.

*Cornificia.*

Regnante Octauiano Cæsare illustris,



stris, dicere solita est, solam doctrinam liberam esse, in qua fortuna tela sua figere non posset. Guido Bituricensis, titulo de Memoria.

*C. Caesar.*

Iunium Syllanum, proneporem Augusti, quia seghis ingenioque minimè acuto esset, pecudem auream appellabat. Cor. Tacit. lib. 13.

*Theodosius.*

Cùm Arsenio viro doctissimo filios in disciplinam tradidisset, sempiterna memoria dignum & verè imperiale illud verbum proloquutus est: Si tales se præbituri essent, ut mores vitæque suam ad disciplinam & leges Dei componerent, propensum se fore, ut eis imperium in manus tradat, ad civium & subditorum commodum & utilitatem accommodatum: sin minus, conducibilius esse, ut sic privati vitam agerent, quàm doctrina nulla cum periculo imperarent. Nicephorus Callistus lib. 12. cap. 23. Eccl. hist.

*Carolus quartus.*

In scholam Pragensen aliquando ingressus, cum disputantes liberalium artium magistros per horas quatuor audiivisset, idque purpurati molestè ferrent, ac cœnæ tempus adesse dicerent: mihi, inquit, tempus est minimè, nam cœna mea hæc est. Prætulit autem imperator potentissimus philosophicas disputationes, conuiuia etiam delicatissimis. Æn. Syl. lib. 4. comment in res gest. Alphonſi.

*Sigismundus imperat.*

Cùm a principibus, qui literas oderant, reprehenderetur, quod homines obscuros genere natos ob literarum commendationem foueret: Quid ni, inquit, amem eos, quos natura cæteris antecellere voluit? Alij plurimum tribuunt generis nobilitati. At Cæsar, vir prudens, intellexit, in eruditis esse quiddam stemmatis præstantius. illi ha-

bent adium parietes clypeis & imaginibus depictos, hi animum optimis disciplinis exornatum. Porro ut natura animus præstantior est corpore, ita ornamenta ingenij longè pulchriora sunt externis bonis. Iacob. Spieg. in Æneam Syluium.

*Ladislaus.*

Quamvis adhuc puer cum eo tempore quo Fridericus imperialibus insulis à Nicolao quinto Pont. Max. cingeretur, Romæ esset, non videri sibi homines esse dicebat, qui bonas literas ignorarent. Sensit autem, hominè demum à brutis animalibus differre, si animus honestis artibus liberalibusque disciplinis excoluerit. Æn. Syl. lib. 3. comm. de Alph. reb. gest.

*Alphonſus rex.*

Optimos consiliarios esse mortuos dicebat, libros videlicet designans, à quibus sine metu, sine gratia, quæ nos se cuperet, fideliter audiret. Panorm. lib. 3. de reb. gest. Alphonſi.

*Idem.*

Cùm audisset nonnullos Europæ reges ad Basiliense concilium destinasse oratores potentes, & progenie illustres, magna cum equorum & comitantium pompa, Haud decere, aiebat, quum de iure humano & diuino disceptandum esset, nobilitatem potentiæve iactare, sed doctrinam & sententiam. Pan. l. 2. de reb. gest. Alph.

*Idem.*

Tantopere amauit bonarum artium studia, ut persanctè affirmaret, se male perdere quæ possidebat, omnia, quæ tantillum eruditioni decederet suæ. Ant. Panorm. lib. 1. de rebus Alphonſi, & Æneas Syl. de eius dictis.

*Idem.*

Aliquando interrogatus, utrumne armis an libris maiorem gratiam deberet? respondit, ex libris se arma & armorum iura didicisse. Indicans, se libris

bris acceptum referre, quæ sciret omnia. Panor. lib. 4. de rebus gestis Alph.

*Idem.*

Cum eruditissimus esset, tanti faciebatur bonarum artium studia, ut diuitem sine cultu literarum aureum vellus appellare solitus sit. Idem Panorm. libro 3.

*Idem.*

Audiens, quendam Hispaniæ regem dixisse, non decere principes viros scire literas: exclamauit, eam vocem bovis esse non hominis. Non enim ignorauit quantum proficiat imperantibus artibus liberalibus & philosophiæ studiis probè esse instructum. Erasmi. lib. 8. apoph.

*Julianus Cardinalis.*

Juliano Cardinali, qui Basiliensi consilio interfuit, in bibliotheca lectitanti, cum Ottho quidam dixisset, Quid hic inter mortuos solus latitas? cur non potius exis ad nos, qui suauiter viuimus? Imò, Iulianus inquit, hi fama viuunt: tu verò neque nomine, neque re viuus. Sensit autem cum Diogene vitam sine literis mortem esse. Æn. Syl. lib. 3. commen. de reb. gest. Alphonfi.

*Sigismundus Imp.*

Georgius Fiscellus cum esset L. I. doctor, à Sigismundo Cæsare equestris militiæ insignia suscepit. Exin, cum Basiliensem synodum adisset, consultante de rebus arduis Sigismundo, dubius erat, legumne doctoribus in vnum locum coniunctis, an equitibus, item in alium separatis, sese coniungeret. Cumq; tandem ad equites inclinaret: Stultè agis, inquit Sigismundus, qui literis militiam præfers. Nam ego milites mille vna die fecerim, doctorem vnum mille annis non fecerim. Doctrinam militiæ prætulit imperator, quod ut ipse linguarum ac literarum peritiam amauit, ita viros eruditione præstantes semper ornare &

prouehere studuit. Æneas Syl. lib. 4. comment. in res gestas Alphonfi.

## De doctrina & eruditione in pretio habita.

*Aristippus.*

**N**aufragio ciecus ad Rhodiensium litus, in gymnasium venit, deque philosophia disputauit, & plurimis muneribus donatus est. Dicentibus verò comitibus qui de reditu in patriam cogitabant, Num quid suis nuntiari vellet? iussit dicere, eiusmodi possessiones & viatica liberis oportere parari, quæ etiam cum naufragio possent vnâ enatare. Vitru. lib. 5. sed Laert. ad Antisthenem refert.

*Antisthenes.*

Admonebat ea esse paranda viatica, quæ simul cum naufragio enatarent. Sentiens, bonas artes vbiuis gentium fore in magno pretio, nec posse vlla fortunæ tempestate eripi. Laert. lib. 6. cap. 1. Max. serm. 17.

*Diogenes.*

Eruditionem omnibus hoc sermone commendabat, quod diceret eam iuuenibus adferre sobrietatem, senibus solatium, pauperibus diuitias, diuitibus ornamentum: propterea quod ætatem, suapte sponte lubricam, coerceat ab intemperantia, senectutis incommoda honesto solatio mitiget, pauperibus sit pro viatico (non enim egent eruditi) diuitum fortunas ornet. Laert. lib. 3. cap. 31.

*Idem.*

Cum ei capto latrones malignè cibum præberent, nec præsentī fortuna, nec illorum immanitate deterrius, dixit, iniquissimum esse, cum procelli agnisque venales saginentur diligentius, hominem præstantissimū animal inedia macerari, quasi hoc pacto non

non redderetur vilior. Itaque accepto quantum sat erat, cum iam esset vendendus inter ceteros sedit, & prandebat bono animo, impariendi etiam proximis. Cumque vnus ex his valde moestus, cunctanter sumeret: Desine, inquit, tristari, & vtere presentibus:

*Nec formosa cibum Niobe non sumpsit,  
& eius.*

*Pignora sub testis letho bis senu iacebat,  
Sex nata solidemq; pubens corpore nati.*  
Philo Iudæus libr. Quod omnis probus liber.

*Idem.*

Captus à latronibus & iam vendendus, interrogabatur à licitatoribus cuius conditionis homo esset? & quid sciret præ ceteris? respondit: philosophus sum, & hominibus præesse scio. Qua voce prodebat ingenium generosum, verèq; regium animum. \* Quum verò iussus esset surgere, vt de corporis statura emptor rectius iudicare posset: Quid? inquit, si piscem emeris: num eum iuberes manere erectum? Plut. & Philo libro supra citato.

*Aristoteles.*

Dicebat, eruditionem in prosperis esse ornamentum: in aduersis refugium. Laert. lib. 5. cap. 1.

*Suipho.*

\* Hic capta patria, amissis liberis, amissa vxore, cum ex publico incendio solus, & tamen beatus exiret, interroganti Demetrio, cui cognomen ab exilio vrbium Poliarctes fuit, numquid perdidisset? Omnia, inquit, bona mea mecum sunt. Ecce vir fortis ac strenuus, ipsam hostis sui victoriam vicit, &c. Senec. epist. 9. ad Lucil.

*Epicurus.*

\* Si cui (inquirebat) sua non videntur amplissima, licet totius mundi sit Dominus, tamen miser est. Sen. ead. epist.

*Dionysius inuior.*

Pulsus à tyrannide, & rogatus quid

illi Plato & philosophiæ studium profuisset? Vt tanquam, inquit, fortunæ mutationem æquo animo feram. Plut.

*Hieron.*

Cum Xenophanes Colophonius poëta Homerum vituperaret, quot famulos haberet interrogauit, cumq; is se duos habere respondisset, eosq; vix alere posset: tum Hieron, Non te pudet, inquit, Homerum vituperare, qui defunctus etiam amplius quam decem millia nutrit? Max. ser. 17.)

*Sigismundus imper.*

Cum alijs multis nominibus, tum illo præcipue commendabilis fuit, quod vt ipse linguarum, ac literarum peritiam amauit, ita viros eruditione præstantes semper ornare ac prouehere studuit. Quo nomine quum à Germanis principibus, qui Latinas literas oderant, reprehenderetur, quod homines obscuro genere natos ob literarum commendationem foueret: Quid ni, inquit, eos amē, quos natura ceteris antecellere voluit? Germani plurimum tribuunt generis nobilitati: at vir prudens intellexit, in eruditis esse quiddam stemmatis præstantius. Illi habent ædium parietes clypeis & imaginibus depictos, hi animum optimis disciplinis exornatum. Porro vt natura animus præstantior est corpore, ita ornamenta ingenij longè pulchriora sunt externæ nobilitatis insignibus. Qui nihil aliud habet quam maiorum imagines, opinione nobilis est verius quam re. At qui virtute præditus est, vnde manat etiam illa vulgaris nobilitas, germanicam ac nativam habet nobilitatem, Erasmi. libr. 8. apoph.

*Alphonsus rex.*

Cum aliquando tibicines obrepent, Ciceronis lucubrationes accipiens, Abite, inquit, musici, abite: ad est enim, qui dulciora nobiscum loquatur,

quatur, Cicero Romanę fons eloquentię. Panorm. & Ēn. Syl.

*Vide apoph. de Animi bonis, ac culis, de Artium utilitate, & de Philosophis.*

## De doctrina factis dif- sentanea.

*Diogenes.*

**E**Os qui de virtute loquerentur, nec rectę viuerent, citharę dicebat similes, quę sono prodesset aliis, ipsa nec sentiret nec audiret quicquam. Hoc dictum non multum abluir à dicto beati Pauli, de cymbalo tinniente. Laert. lib. 6.

*Pansthoidas.*

Cum in Atheniensium Academia philosophos multa de virtute differentes audiuisset, interrogatus, quales ei videretur eiusmodi sermones? Quid aliud, inquit, quàm probi, sed proflus inutiles vobis, qui illis non utimini. Castigauit autem mores Atheniensium, qui virtutem quidem ore prædicabant, factis exprimebant contrarium. Plut. in Lacon.

*Anonymus.*

Quidam Atheniensis indifertus, sed factis strenuus, & artis peritior, quum alius oratione facunda meditatęque multa præclare polliceretur, Viri, inquit, Athenienses, quę iste magnificę differuit, ego re faciam. Eras. l. 6. apoph. ex Plutarcho.

*Agefilaus.*

Interrogatus, qua ratione quis maximę apud homines probaretur? Si dicat, inquit, optima, & faciat honestissima. Plut.

*Nestor.*

Ab Aiace iurgis laceffitus: Non inculso, inquit, quod rectę agis, sed quod perperam loquaris. Sophocles.

*Ioan. Capocius.*

Diffidentibus inter se Othone 4. & Friderico secundo imperatoribus, cum Innocentius tertius pontifex apertę fauisset Othoni primò, deinde post aliquod tempus ad Fridericum studia sua conuertisset, & per Quadragesimę tempus de more conciones haberet mirantibus omnibus eius in dicendo facundiam, Ioannes Capocius ciuis Romanus Othoni deditissimus: Verba tua, inquit, pater sancte, Dei sunt: ceterum facta, quę verbis longę contraria sunt, diaboli videntur esse. Fulgos. lib. 6. cap. 2.

*Diogenes.*

Videns cantorem quendam vecordem, ac moribus incompōitis, aptare, psalterium: Non te tui pudet, inquit, qui sonos ligno aptare noris, vitam verò ad rectam rationem componere nescis? Laert. lib. 6.

*Idem.*

Cum in Stoicorum gymnasium retrorsum incederet, ridentibus nonnullis: Non vos, inquit, pudet viuendi iter facere retrogradum, mihi verò deambulando tantum id facienti vitio dare? Stob. serm. de Imprud.

*Cleanthes.*

Peripateticis dicebat idem accidere quod lyris, quę cum aliis bene sonent, seipsas non audiunt. Sentiens nimium, illos, licet aliis verbis, idem docere quod Stoicos, & tamen ipsos id non animaduertere. Potest & ita interpretari, Peripateticos præclare docere, sed eorum vitam à doctrina diffidere. Laert. lib. 7. cap. 2.

*Idem.*

Quum quidam Arcesilaum reprehendisset, quod officia vitę tolleret: Cleanthes Assius assistens, Desine (inquit) hominem vituperare. Nam ille licet dictis tollat officia, tamen factis commendat. Notauit hoc dicto philosophus.

O

sophus



sophus & turpissimum esse philosopho iudicauit; secus docere quam viuere. Si vita proba est, cur docet diuersa? si doctrina sana est, cur secus viuendo eam refellit? Laert. 1.7. c.2.

*Cleomenes.*

Audiens quendam de fortitudine disputantem, interrogatus. Quidnam de disputante iudicaret? Ineptum est, inquit, quæquam de fortitudine magnificis uti verbis, qui ipse nihil fortiter gessit vnquam. Plut. in Lacon.

*Anonymus.*

Quum apud Athenienses ageretur panathenæa, Attici senē ludibrio habuere, inuitantes tanquam admisuri: cæterum vbivenisset, non admittentes. Verū iam perambularis ferē omnibus, tandem ad Lacedæmonios senatores quū venisset, omnes ē sedilibus assurgentes, locum illi cesserunt. Eo facto delectatus populus, plausu, multaque gestuum significatione comprobauit. Inter hæc ē Spartanis quidam dixit, Per Geminos, norūt Athenienses quæ sint honesta, at ea non faciunt. Apud Athenienses maximè florebat philosophia, quæ docet, quid turpe, quid honestum. Spartani non recipiebant eiusmodi disciplinas, sed ex institutione maiorum, virtutem factis ac moribus præstabant. Ita factum est, ut apud Athenienses essent verba philosophiæ, apud Lacones ipsa res. Admonet apophthegma, turpissimum esse scire quid deceat, & tamen diuersa sequi. Plutarchus in Lacon.

## De dolo & fraude.

*Lysander.*

Quum quidam ei probro daret, quòd pleraque dolo & fraude gereret ridens dixisse fertur, Vbi quis quod veller non assequeretur, leonis

exuuiò vulpinum applicandum esse. Sentiens, quod honestis rationibus nō possit effici, id fraude efficiendum esse. Plut. in Lacon.

*Annibal.*

Quum Fabius simili arte recepisset Tarentum, quali Annibal cœperat; Et Roma (inquit Annibal) suum habet Annibalem. Plut. in Annibale.

## De dolore.

*Chrysippus.*

Dicebat quidem sapientem dolere, sed non torqueri, seu cruciari, aut demisso reddi animo. Stob. ser. De fortitudine.

*Archytas Pythagoreus.*

Inspientum dolores dicebat carere ratione: sapientum verò non ultra progredi quàm ratio de rebus componendis sollicita permittit. libr. de doctrina morali apud Stobæum.

*Themistius.*

Dolorem proprium esse homini afferebat, quod narratione lepida confirmauit. Lutum enim (aiebat) Prometheus ex quo hominem effinxit, nō maceravit aqua, sed lachrymis. Libr. de affect. moderatione apud Stob.

*Euphrantes Syrus.*

Is amissa vxore dicebat, O philosophia, tyrannica sunt præcepta tua: amare iubes, & si quis amiserit quod amabat, dolore prohibes. Stob. serm. 97. de tristitia.

*Cleantes.*

Percontatus, quid esset dolor? animæ, inquit, resolutio. Stob. ser. 106.

*Democritus.*

Dolorem immorigerum animæ torpentis ratione expellendum esse dicebat. Ibid.

*Chilon.*

Cuidam propter sua mala dolenti dixit, Si aliorum omnia mala perpendis,

penderis, minus ægrè feres tua. Stob. ibidem.

*Anonymus.*

\* Sotion, lib. de ira dicit suo tempore celebratum fuisse dictum mulieris cuiusdam, dolorem apud illos libenter manere, à quibus alitur & augetur. Stob. cod. ser.

*Epiſtetus.*

\* Interrogatus, quomodo quis hosti dolorem excitare posset, dixit, si quis ita comparet seipsum, ut quā optimè viuat. Anton. & Max. ser. de dolore.

*Idem.*

\* Quomodo expellendus esset dolor, rogatus, respondit, quæ futura sūt sic æstima, ac si iam accidissent. Deinde addebat. Fac dolore vaces, non ut omnino affectibus carens, brutorum more, nec ut rationis expertus velut insipientes, sed tanquam virtutis cultor rationem habe pro doloris remedio.

## De Domini præsentia.

*Antigonus.*

P Vgnaturus aduersus Ptolemæi milites, gubernator eum admonuit, plures esse naues hostiū: Pro quor, inquit, nauibus supputas, qui hīc pressosum? Sentiens, ad victoriam plurimum haberi momenti, si strenuus imperator præsens regat exercitum. Ptolemæus autem tum suis nō aderat. Plut. in regum & imper. apoph.

*Anonymus.*

Cū quidam corpulentus ac nitidus equum haberet macilentum ac strigosum, rogatus quid esset in causa: respondit, mirum non debere videri, si equo suo esset habitior: quandoquidem ipse se pasceret, equum autem curaret seruus. Gellius, & Eras. in Proverb. Frons occipitio prior.

*Anonymus.*

Quidam interrogatus, quæ res po-

tissimum saginaret equum: respondit, Oculus domini. Alter rogatus, quod stercus esset optimum? Domini vestigia, inquit. Vtræque autem significauit, domini præsentiam plurimum habere momenti ad rem bene gerendā. Eras. loco iam citato.

## De Domus structura & ornatu.

*Epiſtetus.*

\* Si domum cupis, inquit, ut decet extruere, imitare Lycurgū Spartanum. Sicut enim ille non muris urbem muniuit, sed virtute ciues instruxit, & urbem, perpetuò liberam conseruauit: ita tu quoque nō magnum vestibulū circunda, nec turres altas erige, sed potius inhabitatores benivolentia, fide & amicitia confirmes: tum nihil noxiū domum ingreditur, ne si vniuersa quidem malitiæ turba restiterit. Ne tabulis & picturis domum tuam circunda, sed temperantiam ipsam depinge. Illud enim alienum est, & oculorum modo iucunda præstigiatio. Hoc verò, indelibellis æternūque domui ornatus existit. Stob. sermone de temperantia.

*Vide apoph. de Ducis præsentia*

## De dono & muneribus.

*Diogenes.*

C Vidam pallium à Diogene repenti, lepidissimè respondit Diogenes: Si donasti, habeo: si commodasti, vtor: significans sibi nō esse in animo reddere, siue dono, siue commodato accepisset. Turpe est repostere quod dono dederis: & inhumanū est eripere, quo vtenti est opus. Laert. l. 6.

*Vide apoph. de Munerum corruptela, &c.*

## De dote.

*Chilon.*

**D**icere solebat, Vxorem humilem modico apparatu ducendam esse, ne pro coniuge dominam in domum accerfas: sat enim dotata venit puella, quæ pudicitiam & honestos mores secum adfert. Propterea hoc erat vnum ex Laconicis institutis, ut virgines sine dote nuptum irent. Laertius lib. I. cap. 4.

*Lycurgus.*

Interrogatus, cur lege cauisset, ut absque vlla dote virgines elocarentur? Ut, inquit, neque propter inopiam vllæ relinquerentur innuptæ, neque ob diuitias expeterentur. Plut. in Lacon. apoph.

*Ephori.*

Lyfander pulchras habebat filias, quarum nuptias quum quidam viuentē adhuc Lyfandro peterent, eo defūcto, filiarum nuptias recusabant. iis Ephori dixere multam, eod quod quæ diuitem esse credentes coluerant, eundem iustum ac probum ex paupertate agnitum contemnerēt. Hoc ut apophthegma non est, ita salubre est exemplum seueritatis, quod admoneat, in consiliandis matrimoniis magis spectandam virtutem, quam sensum, eosque perfidos & inconstantes esse amicos, qui amicitiam commoda metiuntur, cuius spe adempta, protinus recedunt ab amicitia. Quin & illud nos admonet, honestius esse fama quam pecunia ditescere. Plut. in Lacon.

*Lacæna.*

Lacæna quædam virgo paupercula, rogata quam sponso dorem esset allatura? Pudicitiam, inquit, à maioribus traditam. Generosè professæ est, eam esse pulchrè dotatā, quæ mo-

res incorruptos adferret ad nuptias, Plut. in apoph. Lacænarum.

*Themistocles.*

Quum ex procis filix virum probū diuiti prætulisset, quibusdam hoc admirantibus: Malo, inquit, virum absque pecunia, quam pecuniam absque viro. Vir strenuus facilè parabit pecuniam, ignauo pecunia inutilis est. Plut. in Themist. & apoph.

*Hermocrates.*

Antipater Hieropolites quum duciturus esset Seueri Cæsaris filiam, forma parum felici: & familiarum quispian interrogaret, quando laturus esset tā ἀγκυλιπτήρια (sic appellabantur munera, quæ sponsæ amici deferrebant sponso, tertio die quo sponsa debebat exhiberi spectanda) Hermocrates lepidissimè respondit, ἐγκυλιπτήρια μὴ τοιαῦτα λαβόν: id est, Encalypteria potius, quum talem ducat. ἀγκυλιπτήριον est retego, ἐγκυλιπτήριον te go. Quod deformē est, tegi magis oportet quam retigi. Philostrat. in Sophistis.

*M. Antoninus.*

Eius vxor Faustina malè audiebat vulgò. Itaque hortantibus amicis, ut eam repudiaret, si nollet occidere: vxorem, inquit, si dimittimus, reddamus & dotem. Dotis nomine signans imperium, quod ab socero, volēte Adriano, adoptatus acceperat. Iulius Capitol.

## De bono belli duce.

*Polydorus.*

**C**Um Argiui post illam trecentorū pugnam rursus essent prælio superati, socij Polydorum adhortabantur, ne eam opportunitatem præteriret, sed aggressus hostium muros, ciuitatem illorum caperet. Id enim factum fore facillimum, quum interfectis viris, solæ mulieres essent reliquæ. His in

in hunc respondit modum Polydorus: Mihi pari Martis alea rebellantes devincere honestum est. Cæterum quæ pro agris pugnarem, urbem velle capere non arbitror esse iustum. Siquidem huc veni agros recepturus, non urbem occupaturus. Vir excellentis animi, necum hostibus quidem putavit agendum secus quam postulabat æquitas: quum hominum vulgus sibi in hostem putet licere omnia, in tantum, ut si de frigido oppidulo fuerit cœcertatio, victor existimet sibi ius esse, regnum universum victi occupare. Ille etiã turpe sibi iudicabat, bellare cum his quibus deerant paria ad bellum præsidia. Talis enim victoria, nullam habet virtutis laudem, sed crudelitatis crimen. Plut. in Lacon.

*Agæfilæus.*

Percontatus quid ducem belli præcipue exornaret? Respondit, aduersus hostes audacia, & in oblata opportunitate ratio & consiliũ. Stob. ser. 52.

*Lysimachus.*

Lysimachus dicere solebat, Imperatores, vel belli duces, nulla venia dignos esse, qui in bello errarent. Vbi, si quid offenditur perperã, temeritate, vel in scitia, emendari nõ potest. Alex. ab Alex. l. 2. c. 13. Genial. dierum.

*Iphicrates.*

Oratori cuidam pro concione hunc in modum ipsum interroganti: Quis es, ut tam sublimes geras spiritus? num eques, aut sagittarius, aut scutatus, aut pedes? Nihil horum, inquit, sed qui his omnibus imperare didici. Sentiens, pulchrius esse bonum præstare ducem, quam quemuis militem. Plutarchus in apophr.

*Idem.*

\* In sociorum agro castrametatus, cum vallum extrueret & fossam pararet obiciienti, quid est quod metumus? dixit, Nulla imperatoris vox de-

terior esse potest, quam Non putabam. Plut. & Stob.

*Chabrias.*

Frequenter dicere solebat, eos dum ducis munere quam optimè fungi, quires hostium quam maximè cognititas & perspectas haberent. Plut. in apoph.

*Pausanias Tlistonastu. F.*

Percontanti quo pacto possent debellari Thraces? Si inquit, qui vir optimus est cum belli ducem delegerimus. Admonens, plurimum ad victoriam momenti, esse in imperatore. Quemadmodum in omni negotio magni refert, quales sint quibus gerendæ rei creditur autoritas. Plut.

*Albertus Austrius.*

In bello quod contra Bohemos prius quam Romanis imperaret, diutissimè gessit, interrogatus, quem copiis præficere statuisset? Si alium, inquit, quam me, ductorem exercitus petitis, frustra me Austriæ ducem appellatis. Dux enim re vera est, qui exercitum ducit, & quem acriter pugnantes exercitus sequitur. Æneas Syluius libr. 3. comment. de rebus Alphonfi.

*Vide apoph. de Principe & Imperatore bono.*

## De duce externo.

*Pausanias.*

Percontanti cur Tyrtaum poetam Spartæ ciuem fecissent? Ne quis, inquit, Pausanias, externus nobis dux fuisse videatur. Poetæ apud Lacedæmonios non erant in pretio nec hoc nomine Tyrtaus meruit apud illos honorem: sed quoniam strenuum ducem in bello præstiterat, putarunt eam laudem patriæ vindicandam. Plut. in Lacon.



## De duce sene.

*Sertorius.*

**C**um Pompeij milites variè dispersos superasset, multis occisis, audissetque aduentare Metellum senem cum aliis copiis, diremit prælium: reuocatisque suis dixit, Ego puerum hunc, nisi superuenisset anus illa verberibus castigatum, domum remissem. Vnde liquet, quantum duces senes, experientia rerum edocti, iunioribus & rerum imperitis sint anteponendi. Plutarch. in Sertorij vita.

## De ducis prudentia &amp; vigilantia.

*Chabrias.*

**I**llud frequenter dicere solebat, Formidabiliorem esse ceruorum exercitum duce leone, quam leonum duce ceruo. Sentiens, totam belli fortunam pendere à virtute & prudentia ducis, Plutarch. in apoph.

*Iphicrates.*

Iphicrates, quod futore patre natus existimaretur erat cõtemptui, ac tum primùm famam sibi parauit, postea-quàm ipse saucius, hostem vnà cum armis correptum, viuum in tricem suam deportauit. Is cum in amicorum ac sociorum agris haberet exercitum, ac nihilò minus & vallum iaceret, & fossam foderet accuratè, cuidam dicenti, Quid metuiamus? ait, Pessimam esse ducis vocem, Haudquaquam putaram. Significans in tranquillissimis rebus interdum existere periculum, quod nullus expectasset. Hoc Latini transferunt ad Scipionem Africanum. Plutarchus in Græcorum apoph.

*Timotheus.*

Quum oratores Charetem commendarent à mole & proceritate cor-

poris, cõsentes talem creari debere Atheniensium ducem: Non ducem, inquit, Timotheus, sed qui dusti suas stragulas portet. Dux autem esto qui tum ea quæ ante ipsum, tum quæ à tergo sunt prospiciat. Existimabat vir prudentissimus ducis virtutes non in corporis proceritate, sed potius in animi magnitudine, solertia, & prudentia positas esse. Plut. in apoph. & Stob. ser. de Imperat. &c.

*Philippus.*

Quum in exercitu multo tempore dormisset, experrectus: Turò, inquit, dormiui, vigilauit enim Antipater. Subindicans, non est regium indulgere somno præsertim in bello: sed tamen hoc interdum absque periculo fieri, si rex habeat fidum ac vigilantem præfectum. Ita cum laude amici suam excusauit somnolentiam. Plutarch. in apoph.

*Anonymus.*

Numantini cum à Scipione in fugam essent versi, à senioribus castigati, quia quos toties fugassent, fugerent, quendam è iunioribus dixisse ferunt, peccora quidem etiamnum eadem sunt, sed mutatus est pastor. Plut. in apoph.

*C. Fabricius.*

Quum audisset Romanos à Pyrrho deuictos, ad Labienum versus: Pyrrhus, inquit, non Epirotæ vicerunt Romanos. Sentiens, vnus ducis ingenio victoriam acceptam ferri oportere, non virtuti militum. Hoc pacto Romani nominis ignominiam eleuauit, qui quum Epirotis essent virtute superiores, hoc solo erant inferiores, quod non haberent ducem Pyrrho similem. Plut. in Rom. apoph.

*Julius Cæsar.*

Iturus in Afranium, se ire dixit in exercitum sine duce: in Pompeium verò, ad ducem sine exercitu. Bruto. lib. 3, cap. 33.

De ducis præsentia, quæ  
multum confert ad  
victoriam.

*Denzades.*

**V**Ita defuncto Alexandro dixit, se  
videre exercitum Macedonum,  
principe orbatum, Cyclopi similem,  
sentiens turbam militum, nisi adsit dux  
cordatus ac vigilans, nulli esse vsui.  
Quemadmodum Polyphemus adēp-  
to oculo, frustra vastum corpus ac vi-  
res habebat immanes. Eras. lib. 6. a-  
poph. ex Plutarcho.

*Epaninondas.*

Conspetto magno exercitu, qui bo-  
no & prudente imparatore carebat:  
Quanta bellua, dixit, absque capite?  
Stobæus sermone 52.

*Idem.*

In nouissima pugna apud Man-  
neam sauciatus, delatusq; in tentoriū,  
vocaui ad se Daiphantum, postque  
illū lollidam: at ubi audiuit, eos viros  
interisse, iussit omitti bellum cum ho-  
stibus: quandoquidem iam exercitus  
duces non habebat, ac verbis ipsa res  
testimonium præbuit, quod Epami-  
nondas vera dixisset. Plut. in apoph.

*Antigonus.*

Suprà, de Domini præsentia.

De duce strenuo &  
solerte.

*Agri.*

**V**lcerat Argiuos prælio Agis, qui  
post redintegratis viribus rursus  
ferociores illi occurrebant. Agis ita-  
que conspicatus multos è socijs turba-  
ri: Scitis, inquit, bono animo viri cum  
enim nos, qui vicimus, trepidamus,  
quid facere cēseris eos qui a nobis vi-  
cti sunt? Eo dicto, ducis, solertia proti-

nus reddidit animum suis. Plut. in La-  
con. apoph.

*Lysander.*

Cum ad Corinthiorum qui defece-  
rant muros peruenisset, videns Lace-  
dæmonios conantes aggredi, ac fortē  
accidisset, vt lepus conspiceretur ex-  
ciratus transilire fossam: Non puderet,  
inquit, & Spartani huiusmodi formi-  
dare hostes, quorum mœnibus ob ip-  
sorum ignauiam lepores indormiunt?  
Casum fortuitum solertia ducis torfit  
ad animum addendum militibus. Plut.  
in Lacon.

*Brasidas.*

Egressus ad bellum, hunc in mo-  
dum scripsit Ephoris: Quicquid erit  
malorum in bello, aut profligabo, aut  
moriar: testatus animum fortissimo  
duce dignum. Nam euentus hominis  
non in manu. Eras. in apoph.

*Epaninondas.*

Cum copias ad mouere castris ho-  
stium, conitru facto, militibus percon-  
tantibus, quid putaret portedere De-  
um? Attonitos, inquit, esse hostes, quod  
cum tales agros haberent in propin-  
quo, in talibus castra metarentur. So-  
lertia ducis non solum terrorem exe-  
mit animis militum, verum etiam cō-  
moda interpretatione addidit alacrit-  
tatem. Plut. in Græcorum apoph.

*Iphicrates.*

Exercitum constituendum esse di-  
cebat, ceu vnum corpus: ita vt loco  
thoracis phalangem habeat, manuum  
socios, pedum equites, capitis autem  
loco optimum ducem & imperatorem.  
Stob. ser. 52.

*Philippus.*

Aiebat præstantiorem esse ceruorū  
exercitum imperante leone, quam le-  
onum ductore ceruo. Sensit autē pru-  
dentiā & fortitudinem ducis multum  
conferre ad recuperandam victoriam.  
Stob. ser. 52.

O 4

*Alexander.*

*Alexander.*

Si quando in colloquiis aut conuiuiis incidisset contentio de carminibus Homeri, aliis alia præferentibus, hoc semper prædicauit Alexander, quod scriptum est Iliad. 7.

*Dux bonus, atque idem validus pugnator in armis.*

Plutarchus in vita Alexandri.

*Idem.*

Hortante Parmenone, ut noctu hostem adoriretur, alioqui summum fore discrimen, si palam cum tanta multitudinem Martem experiretur, siquidem ex fragore procul, velut è pelago resonante, coniectabant immensum esse numerum: Non furor, inquit, victoriam, recusans tenebrarum præsidio vincere. Plutarch. in vita Alex. & Q. Curtius.

*Idem.*

Idem Nisam expugnaturus, cum videret milites deterreri fluminis quod ciuitatem præterlabitur profunditate, exiliit: O me omnium deterrimum, exclamans, qui natæ non didicerim, moxque clypeo pro subere innixus, primus tranauit. Plutarch. & Curtius in vita Alexan.

*Pyrrhus.*

Ad quandam, promittentem se traditurum ei aciem instruendi artificium, qui tamen in acie nunquam fuerat, dixit: Non opus esse sibi imperatore, cuius aures tubæ sonus nunquam circumferit. Stob. serm. 52.

*Idem.*

Quibusdam inter pocula quærentibus vtrum Antigenidas aut Satyrus melior esset tibicen? Mihi sanè, dixit præstare videtur dux, qui multos incitat. Stob. serm. 52.

*Hannibal.*

Cum audisset Stoici cuiusdam argumenta, quibus probabat solum sapientem imperatorem esse, risit, existi-

mans fieri non posse, ut militaris scientia pareretur sine usu & experientia in rebus ipsis. Stob. serm. 52.

*Pompeius.*

Romæ mos erat, ut equites qui legitimum tempus militassent, equum in forum deducerent, ad duumuiros, quos censores appellant, & commemoratis expeditionibus ac ducibus sub quibus meruissent, pro meritis aut collaudarentur, aut vituperarentur: Itaque Pompeius cum esset consul, ipse equum ad censores Gallium ac Lentulum deduxit, quibus ex more percontantibus, an omnia militaria munia obisset? Omnia, inquit, sub me ipso imperatore, Significans, se sic gessisse ducem, ut nihilò secius omnes militis partes grauius præstaret. Idem & imperator bonus, & miles strenuus: qua laude nulla principi potest maior contingere. Plutarch. in apoph.

## De duce, qui vitæ suæ non debet esse prodigus.

*Theophrastus.*

**T**heophrastus dicere solebat, eum qui imperat, non gregarij militis, aut gladiatoris in arena, sed fortissimi ducis mortem obire oportere. Innuit autem vir clarissimus, Regem fortem esse oportere, non audacem ferocemve, & quasi vitæ suæ prodigum ac contemptorem. Vbi enim imperatoris periculum ipsa rerum necessitas & Reipublicæ salus postulat, illic forti animo pugnandum est: sin secus, abstinendum ab armis. Gladiatores enim honestè quidem cadunt, si viritum certantes, fortiter se contra singulos hostes gerant: Imperator verò pro toto exercitu pugnat. Franciscus Patricius Senensis, de institutione regis, lib. 2. cap. 1.

*Timon.*

*Timotheus.*

Cuidam ostendenti Atheniensibus cicatrices quas in bello propatria imperator accepisset, ridēs, inquit: Equidem valde erubescō, quōd cum Samū obsiderem, iuxta me sagitta fortē cecidit: qua exanimatus, non quasi dux tanti exercitus, sed quasi ignauus tyro cecidissē. Franciscus Patr. Senensis lib. 2. cap. 1. de Regis instit. ex Plut.

*Scipio Africanus.*

Cū quidam obiiceret illum parū esse pugnacem: respondit, Bene quidem dicis: Mater enim mea me imperatorem non autem bellatorem peperit. Quo dicto ostendere voluit, ducis non esse, temerē se obiicere periculis, miles enim gregarius si cadit habet statim qui sibi succedens contra hostem præterea pugnet. Dux autem si interfectus fuerit, prosternitur totus exercitus. Ibidem.

## De ducis pietate in suos milites.

*Phocion.*

**A**Dhuc florente Leosthene interrogatus ab oratoribus, quid ipse boni fecisset Reip. Nihil aliud, inquit, nisi quōd, donec ego vobis fui dux, nulli dicta est oratio funebris, sed omnes vita defūcti in maiorum monumentis sepulti sunt. Alij iactabant cruentas victorias: Phocion existimabat egregij ducis esse, sic administrare rem militarem, vt nulli, aut quā paucissimi ciues pereant. Mos autem erat Athenis, eos qui in acie cecidissent, apud populum laudare, ac eis cenotaphia erigere. Plu. in Phocione.

*Pelopidas.*

Vxori quæ ipsum ad bellum proficiscentem rogabat muliebriter, vt seruaret seipsum: Alij, inquit, vt istuc

faciant monendi sunt. Nam princeps ac dux hortandus est potius, vt feri et ciues. Vox imperatore digna: cuius est, ciuium multorū salutem suæ vnus incolumitati anteponere. Plut. in apoph.

*Scipio Africanus.*

Dicere solebat se malle vnum ex ciuibus suis feruare, quā mille hostes perdere. Bruf. lib. 2. cap. 24. ex Plut.

*Q. Minutius.*

Hortante filio vt locum idoneum paucorum iactura caperet, Vīne, inquit, tu ex illis paucis esse? Admonens, non esse boni ducis, vllius militis incolumitatem contemnere. Eras. 6. apoph. Idem de Scipione ad centurionem dicitur. Vide Plutarch. in apoph.

*Lucullus.*

Ad direptionem incitantibus, dixit, se malle vnum militem Romanum ex hostium manibus eripere, quā vniuersas hostium fortunas sibi vindicare. Plut. in Lucullo.

*M. Cato.*

Cum cuidam militū argenti libram distribuisset, ait, Satius esse multos habentes argentum, quā paucos habentes aurum, ē militia domum redire. Nam duces non alia re quā gloria auctos ē prouinciis redire oportere. Sensit, rem sat feliciter gestā, si tanta militū multitudo redeat incolumis, vt ex distributis manubiis exigua portio ad singulos redeat: potius quā si multis desideratis, pauci redeant ex præda locupletiores. Quoniam autem rerum præposterē gestarum gloria redit ad duces, hac portione par est illos esse contentos siue multum sit prædæ, siue parum. Plut. in apoph.

*Julius Cæsar.*

Cessantibus copiis, quas subsequi iusserat, frustra sæpe accersitis, noctu clam paruulum nauigium ingressus, vt ad relictum properaret exercitum, gubernator cum à ventorum tempestate abhor-



abhorreret: Solue, inquit, solue nomen, Cæsarem enim vehis de salute suorum sollicitum. Brus. lib. 3. cap. 13.

*Alexander Seuerus.*

Militibus diligenter prospexit de com meatu, dicens, se magis seruare milites quàm seipsum, quòd in his sita publica salus esset. Facilius est enim inuenire nouum imperatorem, quàm nouum & exercitatum militem. Ælius Lampridius.

### De bono duce non facilè mutando.

*Philippus Maced.*

**D**icere solebat Athenienses sibi magnopere beatos videri, qui quotannis inuenirent ducem quos belli duces crearent: quum ipse multis annis vnum duntaxat belli ducem reperisset, Parmenionem. Significans, inutile esse reipub. subinde mutare duces: sed satius esse, quem idoneum ac fidum nactus sis, eum non mutare. Tum in bello non referre quàm multi sint duces, sed quàm bello gerendo accommodi. Plutarch. in apoph.

### De duce ignauo.

*Agessipolis Pausaniæ F.*

**C**vidam dicenti ipsum, cum rex esset, cum æqualibus suis fuisse obsidem: non liberos, aut uxores eorum: Et quidem non iniuria, inquit. Par enim est, vt & nos nostra errata feramus. Indicans, si quid calamitatis in bello accideret, plerunque ducum insolentia fieri. Parigitur est vt delicti pœnas etiam dent præ cæteris. Plut. in Lacon. apoph.

*Anonymus.*

Antigonus milites quosdam videns thoracibus & galeis indutos sphaera

ludere, delectatus est hoc spectaculo ac duces illos accersi iubet, vt eos coram illis laudaret: verum vbi guntiatum esset duces bibere, præfecturas illorum militibus dedit, qui sphaera luserant armati: simul & ducum ignauiam puniens, & militum strenuitatem honorans. P. iur. in apoph.

*Vide apoph. de Imperatoris officio, & de imperio rectè administrando.*



### DE EBRIETATE.

*Pistacus.*



**L**E GEM tulit, vt qui per temulentiam sceleris aliquid commisissent, duplo plecterentur. Solet enim vulgus hominum ebrietatis obtentu crimen extenuare. Ideò factum ferunt, vt insula vino abundaret. Laert. lib. 1. cap. 5.

*Solon.*

\* Legem tulit, inter alias, cuius verba eiusmodi erant: princeps, si deprehendatur ebrius, morte multetur. Fr. Patric. lib. 6. de regno tit. 26. ex Laert.

*Pythagoras.*

Ebrietatem dicere solebat insaniz meditationem esse. Stob. ser. 18. Max. serm. 30.

*Idem.*

\* Consultus, quinquam vinosus ebrietatem defereret? respondit, Si quæ per ebrietatem facit, frequens animo voluat. Stob. ser. 18.

*Heraclitus.*

\* Ruditatem celare non ita facilè esse dicebat, præcipuè in vino. Stob.

*Democritus.*

\* Pro sanitate vota (inquebat) dñs homines efferunt, inscij penes seipsam esse: contraria autem per luxuriam facientes,

facientes, suis libidinibus ipsam amittunt. Stob.

*Idem.*

Dicere solebat, In vitâ tres nasci bo-  
tros, quorum primus esset voluptatis,  
secundus ebrietatis, tertius iniuriæ.  
Anton. in Melissa, par. I. serm. 39. & 41.  
Max. serm. 30. Epicteto attribuit.

*Anacharsis.*

Anacharsis Scythia idem de tribus  
botris dixisse fertur, nisi quod tertio  
attribuit molestiam. Sentiens, parcum  
vini usum esse iucundum, quia sedat  
sitim, largiorem, gignere temulentiam,  
largissimum, parere rixas, cedes ac  
morbos. Laertius lib. I. cap. 9. Stob.  
ser. 16. Anton. in Melissa, part. I. ser. 41.  
Max. serm. 30.

*Idem.*

Admirabatur illud, quod Græci ini-  
tio conuiuij ciathis pusillis vterentur,  
saturni maioribus. Sentiens, potum non  
in aliud adhibendum nisi ad sedandâ  
sitim. Absurdum igitur esse, tum plus  
bibere, quum iam sitis esset sedata. La-  
ertius lib. I.

*Idem.*

\* Dicere solebat, quicumque sobrius  
fieri vult, turpes ebriorum mores in-  
tueatur. Plut. Stob.

*Plato.*

Negabat oportere inebriari præter-  
quam infestis, in quibus ipse Deus vi-  
num porrigit. Festos dies decet hilari-  
tas, ebrietas semper fœda est. Laert. I. 3.

*Idem.*

Discipulos suos admonebat, vt se e-  
brios in speculo contemplarentur. Sic  
enim fore, vt dum faciem suam furi-  
bundam & phrenetico similem intue-  
rentur, in posterum ab ebrietatis vitio  
adhorrerent. Fulgos. lib. 7. cap. 1.

*Idem.*

\* Dicebat animi mores in vino ap-  
parere, ac gubernatorem ebriosum,  
& quemuis quicumque rei præfectum

omnia subuertere, siue nauigium, siue  
currum, siue exercitum, siue quam-  
cunque rem fidei suę commissam. Sto-  
bæus serm. 18.

*Idem.*

Manifestum esse dicebat, non mo-  
dò senem bis puerum fieri, sed inebria-  
tum quoque. Eod. serm.

*Diogenes.*

Videns hominis vino deditissimi æ-  
des venales esse, ex ianuz inscriptione:  
Minimè dubitabam, inquit, quòd  
vini crapula excussa faciliè domum  
euomeret. Brus. lib. I. cap. 19.

*Idem.*

Vinum plurimum in conuiuio quo-  
dam dono acceptum effudit. quod  
quum quidam indignè ferrent: Si, in-  
quit, vinum omne ebiberem, non tam  
liquorem quàm me ipsum quoque per-  
derem. Stob.

*Idem.*

Adolescens stupidum mero, &  
prorsus decipientem intuitus: Ado-  
lescentule, ait, temulento satus es pa-  
tre. Stobæus.

*Zeno Cistiens.*

Summa verecundia colebat, in præ-  
tiorum habebat rex Antigonus. Acci-  
dit igitur, vt aliquando vino supra mo-  
dum impletus, obuiam Zenoni fieret:  
quem osculatus est, atque amplexus,  
vt temulentus, petiitque vt sibi quid  
iuberet. Et interposito temerè sacra-  
mento, confirmauit se præstiturum  
quicquid postulasset. Tū ille dixit ei:  
Abi, & euome. Graui sapientique re-  
prehensione simul temulentiam eius  
taxans, simul verò cauens ne nimia  
comessatio potatioque ei nocumen-  
tum adferret. Ælian. lib. 9. de Var. hist.

*Sophocles.*

\* Vitio vortebat Æschylo, quòd e-  
brius scriberet: Nam & si bene scribit,  
inquebat, nesciens tamen id facit.  
Stobæus serm. 18.

*Cleostratus.*

*Cleostratus.*

\* Cuidam ei dicenti, Non te pudet, ebrium fieri? respondit, Te verò non pudet ebrium monere? Ant. & Maxim. ser. de ebrietate.

*Leontychidas.*

Percontanti cuidam, cur parçè biberent Spartiatæ? Ne, inquit, pro nobis alij consulrent. Sensit autem vir clarissimus, eum nequaquam salubriter de rebus consultare posse cui sanum iudicium à vino ablatum sit. Bruslib. I. ca. 19. ex Plut. in Lacon.

*Aristippus.*

Iactanti cuidam, quòd multum bibere posset, nec inebriaretur: Quid inquit, magni narras, quum idem faciat quoque mulus? Laert. lib. 2. cap. 8.

*Anonymus.*

Quidam Lacon, quum audisset quosdam à cœna cogi ad bibendum: Num, inquit, coguntur etiam ad edendum? Notauit Græcorum morem, in conuiujs compellentium ad certum cyathorum modum, quum id reuera nihilo absurdius sit, quàm hominem qui non esurit, ad certum escarum modum compellerere, nisi quòd alterius absurditatem eleuæ consuetudo. Plut. in Lacon.

*Agessilaus.*

Cum in compotatione quadam fortibus ex more ductis factus esset princeps conuiuij (huius autem partes erant, præscribere quantum quisque biberet) rogatus à pincerna quantum cuique vini deberet apponere? Si multum, inquit, vini paratum est, dato cuique quantum possit: sin parum cunctis ex æquo diuidito. Hac dexteritate mire prospexit, ne vel parata vini copia deesser, quibus placeret largior potatio: vel ad bibendum cogerentur, quibus placeret sobrietas. Rursus in maligniore vini copia, per æqualitatem exclusit occasionem murmuris. Ete-

nim cum singulis æqua vini portio distribueretur, nihil deerat his qui bibe-  
bant moderatius: & qui largius fuerant bibituri, quum haberent quod naturæ satis esset, queri non poterant si deerat libidini, eo quòd nemo omnium plus aut minus haberet ceteris. Itaq; æquis animis se illi quoque ad moderationem componebant, quibus alioqui placebat luxus. Plut. in Lacon. apoph.

*Crates.*

\* Conspicatus adolescentem athleticum ebrietate & gula corpulentiorē fieri: Omiser, exclamauit, desine aduersus te metipsum carcerem munire, Ant. & Max. ser. de incontinentia circa mensam.

*Demosthenes.*

Philocrates & Æschines Atheniensium legati ad Philippum Macedoniæ regem cum alijs missi, cum domum redirent, regemq; eo nomine laudarent quòd strenuè bibisset: respondit Demosthenes, Habet hanc virtutem cum spongia communem. Sensit vir prudentissimus, regum virtutes non in euacuandis poculis sitas esse. Plutar. in Demosth.

*Cyrus.*

Astiares cum rogasset Cyrum regē, quamobrem vinum non absorbuisset? Quod metueram (inquit) medius fidi-  
us, ne in cratere mixta venena forent. Etenim quum tu in natalicijs amicos adhibuisti, perspicuè didici te eis venena infudisse. Et quo pacto, inquit ille, ò fili hoc dignouisti? Quod videbam vos, respondit, neq; corporis esse neq; mentis compotes. Bruslib. I. ca. 19. Xenophon in Pædia Cyri.

*Idem.*

Sparamizas Metrodoti cum per ebrietatem Cyri mortem aperuisset: Rectè, inquit, se habet illud, quod crebrò vsurpatur à Græcis, Veritatem in vino esse. Bruslib. I. ca. 19.

*Anars-*

*Androclides.*

Ad Alexandrum regem vino plus satis deditum, dixisse fertur: Vinum potaturus, rex, memento bibere terræ sanguinem. cicuta homini venenum, cicuta vinum. *Bruf. lib. 1. ca. 19. ex Plin.*

*Stratonicus.*

Is citharædus natione Athenienfis, non minus festiuis dictis quàm arte musica celebris, ad quietem iturus, assiduè iubebar puerum sibi infundere vinum: Non quodd sitiam, inquit, sed ne sitiam. Athen.

*Plutarchus.*

\* Dicebat Mundum igne & aqua corrupti, luxuriosorum autem opus amore & ebrietate. *Ant. & Maxim. ser. de ebrietate.*

*T. Quintius.*

Democrates cum temulentus, finito conuiuium muliebri habitu saltasset, postero die venit ad T. Quintium, petès subsidium contra Messenos, quos ad defectionem ab Achæorum imperio pellicere conabatur. Cui Titus ait: Miror te hominem vinolentum, meròq; enervatum, huiusmodi res moliri, quæ virorum non mulierum sunt. *Bruf. lib. 1. cap. 29. ex Plur.*

*Cicero.*

Ei in foro ambulanti cū ad bibendū aqua oblata esset, vidit fortè L. Cottam censorem, hominem vino deditissimum, non procul astantem, cūque aquam Cicero accepisset iam hausturus, vocatis amicis: Circumtegite me, inquit, ne censor me aquam bibere videat, & pro suo iure rationeque officij senatu amoveat. Notauit autem Cottæ censoris vinolentiam, quam in alijs non reprehendere, verum etiam grauius punire debebat. *Brufon. lib. 1. capite 10.*

*Augustus Cæsar.*

Vidense quidem in spectaculis bibentem, misit qui illi suis verbis dice-

ret: Ego si prandere volo, domum eo. Respondit eques: Tu enim non times, ne perdas locum. Augustus sensit, indecorum esse, illic in publico bibere. Eques per iocum sic interpretatus est, Cæsarem sine damno posse discedere è theatro, quodd locus ipsi seruetur, equiti non item. *Eras. lib. 6. apoph.*

*Tiberius imp.*

Quoniam tyro in castris auidius bibebat vinum, militari ioco, pro Tiberio Claudio Nerone, dictus est, Biberitus Claudius Nero. *Eras. lib. 6. apoph.*

*Firmus imp.*

Vini patientissimus fuisse legitur, citra tamen ebrietatem. Quodam autem à barbaro vexillario ad bibendum prouocatus, duas vini situlas hausit, & postea toto conuiuium sobrius fuit. Cum verò barbarus diceret, Cur non & facem ebibisti? Stulte, inquit, terra non bibitur. *Eras. Rot. lib. 6. apoph. ex Vopisco.*

*Aurelianus.*

Bonofus, qui imperator postea factus est, cum tantum biberet, quantum hominum, nemo: Aurelianus vt planissimè dicebat, Non vt viuat, sed vt bibat, natus est. *Bruf. lib. 1. ca. 19. ex Vopisco.*

*Vib. Crispus.*

Is summus Vitellij imperatoris amicus, cum ob nocturnas commestationes atque compotationes luxuriosissimas in grauissimum incidisset morbum, & ita quidem vexaretur, vt Vitellianis conuiuiis interesse amplius nequireret, postquam paululum conualuisset, ad amicos dixisse fertur: se omnino fuisse periturum, nisi tam grauius laborasset. Xiphilinus in vita Vitellij.

*Anonymus.*

Bonofus imperator vir extremæ gulæ & ebrietatis, cum se suspèdio suffocasset, interrogatus quidam qui eius mores & vinolentiam nouerat quis-

nam



nam esset suspensus? respondit, non hominem esse, sed amphoram. Vopis.

*Anonymus.*

Cum celebrarentur à Ferdinando rege, Hyppolytæ nurus atq; Alphonfi filij nuptiæ, apparatu spendidissimo (erat enim dies decursionis hastatæ, flagrabântq; sub sole cuncta: conuenerant autem mortales omnis generis ad spectandum) cumq; plurimi ludorum essent laudatores, vel pleriq; omnes admiratores potius in media laudantius frequentia & plausu exclamauit Germanus quidam: O Valeant ludi, quibus nemo bibit. Pontan.

*Basilii magnus.*

\* Quid esset ebrietas, rogatus respondit. Ebrietas dæmon est, sponte admissus in animos per voluptatem. Mater est malitiæ, impugnatio virtutis, ex forti timidum facit, ex modesto lasciuum, iustitiam ignorat, prudentiam abolet. Et sicut aqua pugnat igni, sic immoderatio vini mentem sobriam extinguit. Item, ut fumus fugat apes, ebrietas pellit spiritalia dona. Anton. & Max. serm. de ebrietate.

*Chrysostomus.*

\* Dicebat ebrietatē esse rectæ mentis alienationem, & delirium, & secundum animam sanitatis perditio. Ibid.

## De ebrietatis variis effectibus.

*Anacharsis.*

**A**d adolescente in conuiuio pulsatus: Adolescens, inquit, si nunc vinum non fers, ubi senueris, aquam feres. Nam qui bibunt intemperantiùs vinum, ea præsertim ætate cui magis conuenit aqua, ij frequenter senes ob inopiam coguntur aquam bibere. Lact. lib. 1. cap. 9.

*Idem.*

Quidam in conuiuio videns uxorem Anacharsidis, uxorem, inquit, dixisti satis deformem. Cui Anacharsis, Prorsus ita mihi videtur: sed heus puer, infunde mihi largius, ut reddā eam formosam. Indicare voluit vir sapientissimus, vinum immoderatus potatum adimere homini rectum iudicium. Athen. lib. 9.

*Idem.*

Interrogatus, num in Scythia essent tibicinæ? Respondit, Ne vites quidem, Significans saltationes, reliquasq; eius generis voluptates ē vinolentia nasci, Lact. lib. 1. cap. 9.

*Evasthenes.*

Dicebat, vinum igni æquale habere robur, quod cum virum inuaserit, eum veluti boreas vel notus mare Lybicum turbat & confundit: occulta, & quæ profunda mente gerit, aperit, & ostendit, virorumque totam mentem excutit. Phauorinus.

*Æschines.*

Dicere solebat, Speculum formæ esse æs, vinum autem animi. Voluit autem indicare vir sapientissimus, nihil tam secretum est animo nostro in sculptum, quod homo ebrius non effutire audeat. Max. ser. 30. & Strob.

*Æschylus.*

Ebrietatem tanquam pestem fugiendam suadebat, qui enim potus mensuram transgreditur, non amplius metis & linguæ compos est, sed sine pudore turpia & indecentia loquitur, ex viro factus puer. Phauorinus. Verum hoc alij etiam ad Theognidem referunt.

*Anonyma.*

Quum Philippus Macedonum rex cognitionem exerceret parum sobrius, ac perperam aduersus mulierem quandam tulisset sententiam: illa sentiens errorem esse vini non regis, exclamauit:

clamauit: Prouocarem, inquit, ad Philippum, sed sobrium. Excussit regi muliebres conuicia temulentiam, adegitque, ut expergefactus causam eandem animo presentiore cognosceret. Eras. l. 8. apoph. Val. Max. li. 1, ca. 2.

*Anonymus.*

Milites aliquot Tarentini inter cœnandum multa liberiùs dixerant, in Pyrrhum regem. Res ad eum delata est. acciti sunt iuuenes, ac periclitabantur omnes, quum factum nec negari posset, nec defendi. Tum vnus illorum deterioris ingenij: Imò, inquit, rex, & ista diximus, & longè acerbiora dicturi fuëramus, nisi nos lagena defecisset: linguæ petulantiam in temulentiam reiciens. Itaq; mox ira principis in risum versa dimissi sunt. Eras. 6. apoph. ex Plur.

*Claudius imp.*

Claudius Cæsar nunquam adedò animi sui secreta protulit, atq; olim dum multo vino madidus esset: vbi dixit, Sibi fatale esse, ut coniugium flagitia ferret, deinde puniret. Quæ vox terrorem non mediocrem iniecit Agrippinæ. Ex Suet.

*Vide apophthegmata de Gula, Incontinentia circa mensam, Intemperantia & vino.*

## De educatione & institutione liberorum.

*Socrates.*

Dicebat optimè natis, ingenuisque potissimum, adhibendam rectam institutionem. Idem enim in his vsu uenire quod in equis, in quibus qui feroces sunt ac generosæ indolis, si statim à primis annis rectè instituuntur, egregij & ad omnem vsum accommodati euadūt, sin minus efferati, intractabiles, & ad nihil vtilis. Eoque fit, ut felicissima quæque ingenia corrumpantur

in scitia instituentium, qui mox equos vertunt in asinos, quod erectis ac liberis imperare nesciant. Eras. 3. apoph.

*Idem.*

Dicebat, Muliebrem sexum virili non minus esse docilem & ad disciplinas, & ad omnem virtutem, etiam fortitudinem ( quæ tanquam viris propria, Græcis à viro dicitur *andria* ) si diligenter instituantur. Id colligit ex puella saltatrix, quæ induta in cœuiuium, mira arte trochos duodecim in altum proiectos excipiebat, ita temperato altitudinis spatio, numerisque pedum, ut nunquam falleret: eadèaque inter acutissimos gladios, non sine horrore spectantium, impauida saltaret. Eras. 3. apoph.

*Idem.*

Interrogatus etiam quam ob rem ipse non administraret Remp. quum administrandi rationem optimè sciret? respondit, Eum vtiliorem esse ciuitati, qui multos efficeret idoneos gubernandæ Reipub. quàm qui ipse rectè gubernaret.

*Idem.*

Adhortabatur iuuenes, ut se subinde ad speculum conuerterentur: quod si essent egregia corporis forma, cauerent ne quid ea indignum committerent: sin minus, quod corpori deesset, id ingenij cultu morumque honestate pensarent. Adedò vir ille vnde cunque rapiebat occasionem ad virtutis studium adhortandi. Eras. lib. 3. apoph. ex Laert.

*Anonymus.*

Puer quidam apud Platonem educatus, quum ad patrem ex interuallo redisset, eumque vidisset effusius ridentem, admiratus dixit, Se tale nihil vnquam apud Platonem vidisse. Tanta res est, iam inde à teneris virtuti assuescere. Eras. l. 6. apoph.

*Aristoteles.*

*Aristoteles.*

Aristoteles Stagiritasiebat, parentes qui rectè liberos suos instituissent, multo honorabiliores esse iis qui tantum genuissent: quod ab his contigisset vivere, ab illis bene vivere. Laert. lib. 5. cap. 1.

*Aristippus.*

Aristippus percontanti, quæ potissimum adolescentibus essent discenda: Quæ viris, inquit, vsui futura sunt. Hoc dictum & aliis adscribitur. Optima statim discenda sunt, nec rudis ætas, quæ maximè docilis est, superuacaneis est occupanda. Laert. lib. 2. cap. 8.

*Idem.*

Quidam cum Aristippo agebat, vt filium suum susciperet erudiendum, sed quum philosophus pro mercede peteret quingentas drachmas, ille deterritus magnitudine pretij, Minoris, inquit, emerem mancipium. At hic, inquit, habebis duo. Lepidè taxauit vulgi iudicium, qui nusquam parciore est quam rectè instituendis liberis, pluresque sumptus impendit curandis equis quam filiis. Ibid.

*Diogenes.*

Quum captus venderetur in Creta, præconi roganti quid sciret, & quo titulo eum commendaret emptori? Dic, inquit, te vendere hominem, qui sciat imperare liberis. Quidam Xenia des Corinthius admiratus præconij nouitatem, adiit Diogenem, percontatus num sciret quod profiteretur? vbi ex sermone hominis comperit esse sapientem ac doctum, mercatus duxit domum, eiq; suos liberos erudiendos tradidit, quos ille susceptos liberaliter instituit, primùmque tradidit artes liberales, mox docuit equitare, arcum tēdere, fundam rotare, iaculari telum. In palæstra verò non permittebat, vt paedotriba illos grauioribus laboribus in morem athletarum exerceret, sed

hætenus, quantum ad ruborem, bonamq; corporis valetudinem conducere. Curauit etiam, vt ex poetis aliisque scriptoribus optima quæque addiscerent: quod ea modò sciamus, quæ memoria tenemus. Breuiter, totius philosophiæ summam illis redegit in compendium, quo & citius perciperent, & fidelius memoria complederentur. Eisdem instituit domi ministrare parentibus, cibo leui vilique & aquæ potu contentos esse: cumque cæteri casariam alant ad formæ commendationem, ille iussit illos radere comam, & si quando prodeundum esset in publicum, incomptos producebat absque tunicis incalceatos ac tacitos. Quin & ad venatum illos instituebat, Lacedæmonios imitatus. His rebus factum est, vt à pueris obseruaretur, perq; illos parenti commendaretur. Alij narrant, præconem Diogenis iussu ita prædicasse, Estne quispiam qui velit emere dominum? Laert. lib. sexto.

*Lycurgus.*

Lycurgus is qui Lacedæmoniis leges condidit, quum conaretur ciues suos à moribus præsentibus ad temperatiorem viuendi rationem traducere, eosque virtutis & honesti studiosos reddere (nam erant corrupti deliciis) duos educauit catulos, eodem patre eadēque matre progenitos: quorum alterum passus est domi lautioribus vesci cibis, alterum eductum venatibus exercuit. Dein quum ambos produxisset in forum apud multitudinem, posuit illic spinas, simul & escas aliquas deliciores: mox emisit leporem, quum vterque raperetur ad assuetam, alter ad escas, alter leporem inuaderet. Annon videtis, inquit, ciues duos catulos, quum eiusdem sint generis, tamen ob diuersam educationem admodum dissimiles inter se

se euasisse, plúsq; ad honestatem momenti habere exercitationem quam naturam? Proinde ne nobis quidem, ô ciues, nobilitas, quam miratur vulgus hominum, ductumque ab Hercule genus profuerit, nisi ea gesserimus, per quæ ille mortalium omnium clarissimus ac generosissimus exitit, ac per omnem vitam quæ honestæ sunt & discamus & exerceamus. Reperit vir ingeniosus viam, quæ multitudini philosophicis rationibus non satis idoneæ, virtutis imaginem ob oculos poneret. magis enim mouent ac penetrant in animos, quæ cernuntur, quam quæ audiuntur. Res quidem efficax est natura, sed potentior est institutio, quæ malam naturam corrigit, & vertit in bonam. Quales nascantur liberi, nulli in manu est: at vt recta institutione euadant boni, nostræ potestatis est. Eras. lib. 1. apoph. ex. Plut. in Lacon. & Bruson. lib. 2. cap. 38.

*Idem.*

Idem obicientibus, quodd eloquentiæ studio rhetoribus daret mercedem: Si quis, inquit, proficereat se filios meos mihi reddiditum meliores, non mille drachmas, sed omnium facultatum dimidium effunderem. Plurimum ab hominum vulgo discrepans, qui periisse existimant, quod liberis instituendis impenditur. Eras. Rot. libr. 8. apophthegm.

*Eteocles.*

Post Agin bello superatum Antipatro postulanti obides pueros quinquaginta Eteocles, qui tum Ephorum agebat, respondit: Se pueros non daturum, ne si licenter vixissent, fierent indociles patriæ disciplinæ, itaque ne ciues quidem essent: cæterum senes ac mulieres se duplo numero daturum. Verum Antipatro dira minitanti, ni acciperet postulata, populus vna voce respondit: Si imperas acerbiora

morte, facilius moriemur. Hunc animum in vno alterove ciuium reperire, fortasse non ita magni miraculi esse videatur: in vniuerso populo tantum esse consensum, prodigiosum est. Hoc exemplo simul admonemur, quanta sollicitudo debeat ætati teneræ ad probitatem educandæ, quando licenter educatos iuuenes illi non putarunt habendos pro ciuib; perinde quasi mater abdicet filium ex se natum, nisi probitate morum maioribus suis respondeat. Plut. in Lacon.

*Agasicles.*

Cuidam dicenti, admirari sese quodd cum esset audius discendi, non adiungeret sibi Philophanem, sophistam eo tempore clarissimum: respondit prudenter, Eorum se velle discipulum esse, quorum simul esset filius. Significans, non minus interesse quos nactus sis parentes, quam quos asciscas vt bonis moribus formeris. Plut. Eras. lib. 1.

*Agasilaus.*

Eum rogabat quidam, in quibus precipue rebus pueri institui deberent? Iis, inquit, rebus quibus vsuri sint, quæ ad virilem peruenerint ætatem. Recte censuit, non friuolis artibus instituendos liberos, quæ nec grandibus decori futuræ sunt, nec ad seria vocatis vtilis. Plut. in Lacon. apoph.

*Leorychidas.*

Interrogatus, quid potissimum oporteret pueros ingenuos discere: Quæ illis, inquit, vbi ad virilem ætatem peruenerint, vsui sunt futura. Plutarchus in Lacon.

*Leonidas.*

Cum proficisceretur in bellum contra Persas, vxori Gorgoni roganti, si quid ipsi mandaret? Nihil, inquit, aliud tibi mando, quam vt nubas, & bonos filios parias. Plut. in Lac. apoph.

*Hippomachus.*

Quâ aliquando videret adolescenter,

P

tes,



tes, quos exercebat, è foro carnes afferentes, dicebat, se procul agnoscere suos esse discipulos: quod institutio reluceat in omnibus dictis ac factis hominis. Eras. 6. apoph. ex Plut.

*Anonyma.*

Quum mulier quædam Ionica de texto quodam suo ut pretioso gloriaretur, Lacæna ostensis quatuor filiis quos habebat, moribus compositissimis, Huiusmodi, inquit, decet esse honestæ probæque mulieris opera, deque his tollere animos, & gloriari. Iones operosis texturis vacant, quæ varia picturarum habent argumenta. At Spartana docuit, nullum opus esse præclarior, quàm si filios honestis moribus instituatur. His enim melius ornari patriam, quàm aulæis aut vestibus. Plut. in apoph. Lacænarum.

*Themistocles.*

Quoniam adolescens feroci mutabilique ingenio videbatur, mirantibus mutatos mores dicere solebat, Asperos & indomitos pullos in optimos equos euadere, si quis illis adhibeat disciplinam, rectamque institutionem. Plut. in eius vita,

*Anonymus.*

Themistocli prædagogus dicere solebat, Nihil medioere futurus es ô puer: nam aut magnū bonum eris reip. aut magnum malū. Generosa indoles, si accedat recta institutio, magno bono est patriæ: sin ad vitia degeneret, ingens adfert malū. Plut. in Themist.

*Demetrius Phaleræus.*

Adolescentum fastuosorum sublimitatem dicebat in educatione amputandam esse: sed relinquendam sobrietatem Docuit vir sapientissimus, hæc ingenia non esse desperanda: sed quod redundat, institutione recidendum esse. Laert. lib. 5. cap. 5.

*Philippus.*

Alexander etiamnum adolescens,

videns patrem Philippum equum præferocem, nec vllum sessorem tergo patientem, voluit inutilem abiectum iret. Qualem, inquit equum isti perdunt, dum illo per imperitiam ac molliorem uti nesciunt? Cùmque mira arte sine verberibus tractasset equum, tandem consensum ad cursum admisisset, tū calcibus usus est: ac mollior flexis habenis quum equum reduxisset, descendens caput exosculatus pater: Aliud, inquit, ô fili, tibi per regnum quære, quando iam te non capit Macedonia. Præfagit vir prudens, tam excellæ indoli non suffecturam paternam ditionem. Sed equus ille nos admonet, multa bene nata ingenia perire vitio instituentium, qui fere nesciunt imperare, nisi ex equis generosis reddiderint asinos. Eras. lib. 4. apophth. ex vita Alex. apud Plut.

*Cornelia Gracchi mater.*

Quum Campana mulier illius hospitio utens, ornamenta sua, quibus illud seculum nihil habebat pulchrius, ipsi ostenderet: traxit eam sermone, donec liberi redirent è schola. tum, Et hæc (inquit) ornamenta mea sunt. Sentiens, matronæ nihil esse pulchrius, neque pretiosius, quàm liberos rectè educatos. Eras. 6. apoph. ex Plut.

*Anonymus.*

Quidam accusatus quòd patrem pulsauit, hoc modo defendit impium facinus: Et ille, inquit, patrem suum verberauit, & hic (ostenso filio) me verberabit, posteaquam adoleuerit, ad eò nobis hoc gentilitium est. Videmus hoc ferè vulgo euenire, ut qualis quisque fuerit in parentes, tales experietur in se liberos. Eras. in lib. apoph.

*Anonymus.*

Quidam quum à filia pertraheretur, ventumque esset ad domus limen, Desine (inquit) fili: nam & ego patrem huc vsque. Agnouit se commercuisse, qui

qui sic à filio tractaretur: tantum postulauit, vt esset æqua retaliatio. Eras. ibidem.

*Vide apoph. de Doctrina & Eruditione.*

## De educatione filiorum neglecta.

*Diogenes.*

**R**eprehendebat homines, quòd lucta, aliisque ludis semet sedulò exerceant, nullos autem in hoc incumbere, vt probi & honesti reddantur. Laert. lib. 6. apoph.

*Idem.*

Dicebat, plurimos insanire præter digitum. Nam si quis assiduè medium digicum intendat vice indicis, vulgò habetur insanus: si quis indicem, sanus videtur. At plurimi sunt homines qui grauius insaniunt in rebus seriis, quàm si digitum pro digito porrigant, & tamen hi vulgò non habentur insani. Quemadmodum & hodie parentes in liberis pro graui peccato castigant, filiaua pro sinistra vtantur: atqui non iidem castigant eos, cum turpia pro honestis eligunt. Laert. lib. 6.

*Idem.*

Multis verbis in inertiam & inscitiam Megarensium, pecora sollicitè curantium, iuuentutem minimè ( vt quæ ibi luxu & otio diffliueret ) inuichebatur: dicebátque se Megarenses alicuius arietem esse malle, quàm filium. Elian. l. 12. de var. hist.

*Demonax.*

Quum Athenis quidam Romanus senator filium ad Demonaxem adduxisset, eleganti forma, vestitu delictato, ac deliciis effœminatum, diceretque, Salutat te, ô Demonax, filius meus. Pulcher est, inquit Demonax, &

te dignus, & matri non ab similis, vtrūque poterat dici in laudem. Nunc patrem notauit ex filij moribus, & matri similem dixit mollem & cuiratum deliciis. Eras. Ror. lib. 8. apoph.

*Pericles.*

Pericles Atheniensis dicebat, non oportere in vrbe nutrirì leonem: si autem sit alitus, obsequi ei conuenire. Monuit autem vt præcipuè nobilitatis & concitati ingenij iuuenes refrenentur, nimio verò fauore ac profusa indulgentia pasti, quo minus potentiam obtineant, ne impediatur. Quod stultum sit & inutile, eas obrectare vires, quas ipse foueris. Est autem hoc de Alcibiade dictum, vt refert Aristophanes, & Plut. in eius vita, & Valer. Max. lib. 7. cap. 1.

*Proclus.*

Filium habebat intemperantem, gallis gallinaceis, coturnicibus, catellis, & equis alendis indulgentem, què pater adeò non increpabat, vt vnà cū illo potius lasciuiret. Quo nomine quum ab amicis obiurgaretur, Citius, inquit, desinet, cum senibus colludens, quàm cum æqualibus. Philan Sophist. & Volat. lib. 18. comment.

## De eleemosyna.

*Democritus.*

**P**eregrinis & egëtibus alimoniam ministrandam esse dicebat, Equidem quisquis indigenti victum negat, is neque ab alio quicquam accipiet, dum eguerit. Stob.

*Idem.*

Dicebat, beneficium pro tempore exile, ingens reddi iis qui illud in extrema necessitate acciperent. Stob.

*Idem.*

Audiens quendam magnificis verbis multa cuidam promittentem, sed mendaciter

P 2

adaciteri

daciter: Coneris, inquit, ad exigua largiendum, quàm ad plurima promittendum, esse propensior. Nam penuria laborantibus donum, vel per exiguum, prodest, verba autem & magnificę pollicitationes nulli sunt utiles. Stobæus.

*Idem.*

Dicere solebat, Si bene mereri de aliquo voles, citissimè da. Mora enim ingratum redditur, & parum amabile quicquid dederis. Stob.

*Aristoteles.*

Cum nefario cuidam homini elemosynam dedisset, & ob id castigaretur à quodam: Non mores, inquit, sed hominem commiseratus sum. Docuit vir sapientissimus, etià malis & indignis elemosynam dandam esse in summa rerum necessitate, ne penuria suadente agant quod dedecus est coram Deo & hominib. Laert. lib. 5. c. 1.

*Idem.*

Reprehensus à quodam, quodd elemosynam dedisset improbo: Non homini, inquit, dedi, sed humanę sorti. Laert. lib. 5. cap. 1.

*Demosthenes.*

Dicere solebat, æquum esse ut pauperes piè foueantur, cum delectu tamen: ita ut dimissis improbis, illorum ratio potissimum habeatur, qui præter culpam egestate premuntur. Stob.

*Amedæus Sabaudie dux.*

Rogatus à quibusdam oratoribus qui aderant, an etiam haberet canes venaticos? annuit, ut postera die redirent. Cum verò iam adessent, Amedæus è pergula à latere ædium ingentem mendicorum multitudinem eis ostendit vnà discumbentium. Atq; hi sunt, inquit, canes mei, quos alo quotidie, quibusque cælestem gloriam me spero venaturum. Munsterus lib. 2. Cosmographiæ, vbi de Allobrogum vel Sabaudię ducibus.

*Placilla.*

Theodosij Romanorum Imp. vxor pientissima, cum reprehenderetur à suis, quodd ægrotos visitaret, atq; pauperibus etiam liberaliter facultates suas elargiretur, respondit: Imperatori conuenire, ut aurum id largiatur: se autem manuum opus pro imperio ipso, ei qui id semel contulit offerre. Nicephorus Callistus l. 12. c. 42.

*Vide apoph. de Beneficentia, Liberalitate & Mendicitate.*

## De electione.

*Aristippus.*

**Q**Uum Dionysius tres venustas puellas obtulisset, admonens, ut ex his quam vellet eligeret, omnes apprehendit, dicens: Ne Paridi quidem fuisse tutum, vnam cæteris prætulisse, ac puellas deduxit ad aulæ vestibulū, dimisitque: non minus in contemnendo facilis, quàm in amplectendo. Laert. l. 1. c. 8. Bruf. l. 2. c. 31.

*M. Cato.*

Hispaniam sortitus, cum hostium audisset miram copiam esse ad bellum paratam, ob idque decreuisset Celtiberorum ope uti, petentibus illis ducta talenta subsidij gratia, atq; negantibus aliis conditionem dicentibus, Turpe esse populo Rom. auxilia mercede conducere: vrbane scitæque Cato, nō esse graue, respondit. nam si vicissent, hostium manubiis se satisfacturum illis: si victi essent, nec eos qui peterent, nec à quibus repeti deberet superstites fore. Bruf. l. 2. c. 31.

*Aristoteles.*

Aristoteles quum iam natus annos ferè sexaginta duos, aded laboraret, ut admodum tenuis vitæ spes superesset, conuenerunt ad illum discipuli rogantes ut ex ipsis aliquem deligeret, qui in locum eius succederet. Inter auditores

auditores erant duo præcipui, Theophrastus Lesbicus, & Menedemus Rhodius. Aristoteles respondit, se quod petebatur facturum, ubi daretur opportunitas. Paulò post, quum rursus ad eum eadem de causa conuenissent, dixit, vinum quod biberet sibi parum esse commodum, ac quæri iussit exoricum, vel Rhodium, vel Lesbium. Id simulatq; curatum est, gustato Rhodio dixit: Firmum hercle vinum, & iucundum. Mox gustato Lesbio: Vtrunque, inquit, egregie bonum, sed Lesbium suauius est. Id ubi dixit, nulli dubium fuit quin lepidè simul & verecundè successorem sibi ea voce, non vinum delegisset: probauit vtrunque, nec ramen auditoribus eligendi ius ademir. Laert. lib. 5. cap. 1.

*Lyfander.*

Lyfander Laced. quum aliquando Dionysius ipsi misisset stolas duas, iubens vt vtram elegisset, eam mitteret filix: Ipsa, inquit, rectius eligit. Atq; accipit ambas, abiit. In hoc exemplo nihil esse imitandum, nec viro Lacedæmonio dignum, nec aliud ab hoc duce expectandum ferè, præter malitiosam ingenij vafriaciem. Plut. in Læconicis apoph.

*Scipio AEmilianus.*

Quum Seruius Sulpitius Galba & Aurelius consules in senatu contenderent, vter aduersus Viriatum in Hispaniam mitteretur: ac magna inter P. C. dissentio esset, omnibus quoniam eius sententia inclinaret expectantibus: Neutrum inquit, mihi mitti placet. alter enim nihil habet: alteri autem etiam quod habet nequaquam satis est. Equè malam imperij magistrum iudicans paupertatem, atq; insatiabilem habendi cupiditatem. Quo dicto obrinuit, vt neuter in prouinciam mitteretur. Valerius Maximus lib. 6. cap. 4.

*C. Fabricius.*

Cornelius Ruffinus, vir rapax & auarus, cæterum in bello animo ingès, manuq; promptus, quum bellum immineret in consulatu obtinendo C. Fabricij opera adiutus est, qui ob prauam tamen vitam Ruffino semper infensus fuerat: verum eo tempore ob belli suspensionem, cum ignauos desideratq; ipsius competitores videret sententiam mutauerat. Quam ob rem Ruffinus miratus, cum Fabricio impè se gratias egisset. Fabricius dixisse fertur: Noli mirari Ruffine: rapinis enim imminui malo, quàm vendi. Quo dicto taxauit Ruffini rapacitatem, & competitorum perniciosam ignauiam. Ostenditque, satius se ducere, avaro consule, eodèmq; gnauo homine, & in rebus agendis idoneo rapinis vexari: quàm iis ad consulatum euectis, qui per ignauiam reipub. prodituri essent, victum ab hoste venundari. ex duobus enim his malis optimum eligendum erat. Fulg. l. 6. c. 2.

## De eloquentia.

*Demosthenes.*

Immodicum eloquentiæ studium obliuientibus, ita respondit: Eloquentiæ studium declarare hominè popularem: contrà negligere studium eloquentiæ, esse eorum qui dominari populo quærerent vt qui hoc agerent, non vt persuaderent dicendo, sed vrvì cogerent. Plut. in Demosth.

*Idem.*

Æschines & Philocrates Atheniensium legati, cum Philippi Macedonis eloquentiam plurimum laudassent & cõmendassent, Demosthenes ait: Si eloquens est Philippus, habet hoc cū multis sophistis commune. Sensus vir prudentissimus, regis virtutes



nequaquam in eloquētia positas esse. Plutarch. in vita Demosth.

*Æschines.*

Quum Rhodj exul recitaret orationem suam aduersus Demosthenem, Rhodij demirati sunt, quod tali oratione fuisset damnatus ab Atheniensibus. At desineretis, inquit, admirari, si audissetis, quæ ad hæc respondit Demosthenes, damnationis causam reiiciens in violentiam eloquentiæ Demosthenicæ. Philostratus, & Brus. lib. 4. cap. 31.

*Iphicrates.*

Iphicrates in causa obrutus eloquētia patroni, qui Aristophontem defendebat: Aduersariorum, inquit, melior est histrio, sed mea fabula melior. Vt fabula nonnunquam exploditur vitio histrionis, ita sæpè melior causa vincitur à peiore, patroni infamia, stultitiæ ue. Eras. lib. 5. apoph.

*Thucydides.*

Thucydides ab Archidamo Lacedæmoniorum rege interrogatus, vter esset in palæstra superior, ipse an Pericles: Posteaquam, inquit, ego hominē pugnando deiici, ille se negat cecidisse: itaque vincit & spectatores à sua sententia deiicit. sentiens, se bonis rationibus esse superiorem, sed Periclē eloquentia vincere, & quocunque vellet agere multitudinem. Nam Thucydides vir præpotens, diu in administranda Repub. aduersus est Periclē. Eam contentionem Archidamus palæstram appellauit. Eras. 6. apoph.

*Messala.*

Suprà de Argutē dictis.

*M. Antonius.*

Marcus Antonius, cui vel primas eloquentiæ patrum tribuebat ætas, vir natura præacutus & prudens. Disertos dicebat se vidisse multos, eloquentem omnino neminem. Insidebat videlicet in eius mente species eloquen-

tiz, quam cernebat animo, sed re tamen ipsa non videbat. Cicero in Oratione ad Brutum.

*Vide apoph. de Oratoribus & Rhetorica.*

## De errore & lapsu.

*Diogenes.*

C Vidam obiicienti, quod aliquando falsò signasset monetam (nam hanc ob rem iussus est exulare.) Fateor, inquit, fuisse tēpus, quo talis eram, qualis tu nunc es: qualis autem ego nunc sum, tu nunquam futurus es. Notabat eos, qui iuuentutis errores in aliis reprehendunt, quum ipsi ne in senectute quidem corrigant suos. Laert. lib. 6.

*Idem.*

Quodam idem obiiciente Diogeni, & exilium ob facinus illud ei per periculum exprobrante, respondit Diogenes: Tum temporis celerius etiam iuuenis reddebam lorium, nunc nō item Cynica circuitione notauit iuuenilem ætatem, quæ facilis reddit humorem vesicæ, quum senibus molesta sit dysuria. Laert. lib. 6.

*Anonymus.*

Cuidam seruo, qui dum puniretur dicebat, Non volens erraui: Non volens, igitur (inquit) pœnas dato. Vulgaris quidem, sed frigida excusatio est, Insciens feci. Vigilandum erat, ne quid cōmitteret imprudens. Plin. in Lat.

*Munatius.*

Munatius facti pœnitens, quoddam Fabium insimulasset à quo postea esset adiutus: Ad commilitones, Boni (ait) sapientisque viri est, si errauerit, in reliquum tempus doctorem se sibi adsciscere. Brus. lib. 5. cap. 13.

*Scipio Afr.*

Turpe esse aiebat, in re militari dicere, Non putaram. Videlicet quia explorato

plorato & excusso consilio, quæ ferro aguntur administrari oportere, summa ratione arbitrabatur. Val. Maxim. libro 7. cap. 2.

## De exactionibus & tributis.

*Callicratidas.*

Cum ad pecunias petendas ad Cyrum iuniorum mitteretur, ad bellum usum: bis regis aulam accessit, & comperationibus cum indulgentem audiuit. Tertio vero cum audisset, & iterum bibere eum, nec se ad colloquium admitti intellexisset, dixisse fertur: Ita curam habendam pecuniarum, ut ne quid tamen committeretur Sparta indignum. Quo dicto docuit, ita ab hominibus exigendam esse pecuniam debitam, ne quid nostræ dignitati & existimationi decedat. Plut. in Lacon.

*Dionysius sen.*

Exegerat pecunias à Syracusanis, deinde quum videret illos lamentantes, obsecrantes, ac negantes se habere quod darent, indixit alteram exactionem, idque iterum ac tertio fecit. At postquam, ubi maiorem summam imperasset, audiret illos in foro ambulantes ridere, & scommata in regem iacere, iussit præfectos ab exigendo quiescere. Iam enim, inquit, nihil habent, quandoquidem nos contemnunt. Plut. in apoph.

*Tiberius.*

Cum deprehendisset Æmylium Rectum, quem à Egypto præfecerat, nimium à populo exegisse, super ea re iratus, rescripsit: se tonderi velle suas oves, non deglubere. Solent autem principes deglubere oves, cum grauiiores exactiones subditis imponunt, quam villo pacto ferre possint. Dion Nicæus in Tiberio.

*Anthoninus Caracalla.*

A Iulia matre grauius obiurgatus, quod ingentem illam pecuniam, quæ per fas & nefas à subditis vi exegerat, profunderet: gladium euaginatam ostendens, Bono (inquit) animo esto mater: Nobis, quandiu hunc habebimus nulla vnquam decrit pecunia. Dion Nicæus, & Xiphilinus in eius vita.

## De exercitatione ingenii.

*Diogenes.*

Dicebat, usum atque exercitationem quemadmodum in actionibus extrahis, ita & in actionibus virtutis & animi, tum celeritatem quandam, tum facilitatem parere. Laert. lib. 6.

*Aristoteles.*

Frequenter dicere solebat ad parandam sapientiam tria potissimum necessaria esse: Naturam, doctrinam, & exercitationem. Exercitatio enim nisi naturæ & doctrinæ accedat, nil solidæ eruditionis hauries. Laert. li. 5. ca. 1.

*Demonax.*

Quendam infelicitate declamantem admonuit, ut sese diligenter exerceret: cumque is respondisset, Nunquam apud me non declamo: Nihil igitur mirum, inquit, si dicis ineptè, qui hactenus semper stulto auditore solitus sis uti. Eras. lib. 8. apoph.

*Cicero.*

Cum M. Crassum pro rostris magno populi applausu laudasset, & eundem postea ex eodem loco acerbis conuijs incesseret: Quid, ait, Crassus, an non me nuper ex hoc ipso loco laudasti? Laudavi, inquit, sed exercendi gratia argumentum infame declamans. Solent enim Rhetores tractare materias aduersas, velut cum laudant Busyridem, aut febrem quartanæ aut ingratitudinem. Eras. li. 4. apoph.

## De exercitatione corporis.

*Socrates.*

**D**icere solitus est, saltatione mouenti corpus spatiosa domo opus esse ad exercendum sese: at qui cantu aut oratione sese exerceat, huic vel stanti, vel accumbenti quemuis locum sufficere. Hoc dicto probabat moderatas exercitationes, præsertim à cibo sumpto turbulentiores improbat. Eras.lib.3.apoph.

*Idem.*

Cùm ad vesperam vsque deambulasset strenuè, interrogatus cur id faceret? respondit, Quo melius cœnem, Ostendit vir sapientissimus, exercitationem corporis multum prodesse sanitati. Cic.lib.1. Tusc.quæst.

*Plato.*

Solebat admonere, vt neque corpus sine animo exerceamus, neq; animum sine corpore, vt pariter vtriusque curam habeamus. Nam alterum athletarum est, alterum inertium. Laer.l.3.

*Lycurgus.*

Ex certaminibus ea sola concesserat exercere, in quibus manus non tenderentur in altum. Eius constitutionis causam percontanti: Ne quis, inquit, illorum laborando consuescat defatigari. Siquidem exercitia ad confirmandum corporis robur adhibentur, non ad exhauriendas vires. Qui verò subinde delassantur in exercitamentis quoniam imbecilliores veniunt ad labores necessarios facilius deficiunt. Plut.

*Anonymus.*

Quoniam apud Lacedæmonios in summo pretio erat ius, quod illi nigrū appellat, adeò vt seniores hoc contenti non desiderarent carnes, sed eas iuuenibus cederent: Dionysius Sici-

liæ tyrannus dicitur huius gratia coquum misisse Laconicum, eique mandasse, vt sibi hoc ius appararet, nullis parcens impendiis. Quod vbi rex gustasset, ac displicuisset, expuit. Tum coquus, Hoc (inquit) ius, ô rex, sumendum est: postquam te Laconum more exercueris, & in Eurota laueris. Plut. in Lacon.

*Vide apoph.de Labore.*

## De exilio.

*Hercules.*

**I**nterrogatus, Argiuus-ne esset, an Thebanus? respondit, Non vnam curo patriam iactare: omnis Græcia mihi patria est. Plut.lib.de exilio.

*Democritus.*

\* Dicebat peregrinationem & exilium vitæ frugalitatem docere: offa quippe, & thorus herbaceus, famis ac laboris sunt medelæ dulcissimæ. Stob. serm.38.

*Idem.*

\* Quamlibet terram homini sapienti dicebat esse peruiam: quum fortis animæ mûdus vniuersus patria sit. Eodem serm.

*Demaratus.*

Ad eum qui apud regem Persarum parasitū agebat, ac subinde in Demarati exilium disertiis ludebat: Non, inquit, amice tecum pugnaturus sum, nam vitæ aciem absumpsi. Ludens ex ambiguitate vocis. τῶς enim Græcè tum ordinem sonat, tum aciem. Nullus autem ad pugnam instructus est, cui nulla superest acies: & ordinem vitæ assumpsit qui ex rege factus est exul. Plut. in Lacon.

*Eudamidas.*

Cùm Alexander in Olympis præconio ius fecisset omnibus exulibus, in suam cuique patriam redeundi, præterquam Thebanis: Infortunatū quidem,

dem, inquit Eudamidas, præconium, sed vobis ô Thebani, gloriosum. Solos enim vos metuit Alexander. Ad consolandos Thebanos sic interpretatus est vir animi solertis. Etenim qui permittit exulibus reditum in suam patriam, non metuit ne moliantur vindictam. A Thebanis igitur solis metuebat. Plut. in Lacon. apoph.

*Cato.*

Cùm impetrata esset restitutio Achaëorum exulum, Polybius & hoc è senatu petiit, vt restitutis apud suos pristini honores ac magistratus redderentur. Hic Cato rogatus sententiam dixit, Polybius idem facere videtur quod fecit Vlysses, qui Cyclopi speluncam repetere voluit, quo pileum & cingulum, quæ illic per obliuionem reliquerat, reciperet. Significans, abundè multum esse, quod exulibus datus esset in patriam reditus: esseque periculum, ne dum pristinos honores repetunt, etiam à reditu excludantur. Eras. Rot. lib. 5. apoph.

*Theodorus philosophus.*

Offensus libertate Theodori, dixit illi, Quoniam istis eras moribus patria te eiecit. Sanè, inquit, quod me vt Semele Bacchum ferre non posset. Sentiens, se maiorem esse, quàm vt à malis ferri posset, à quibus tamen non tam suo, quàm ipsorum malo pulsus esset. Plut. in apoph.

*Stratonius Musicus.*

Seriphi agens, hospitem suum percontatus est, ob quam causam illic homines iuberentur vertere solum? cùm ille respondisset, flagitiosos apud Seriphios exilio multari: Quin tu quoque, inquit, aliquid flagitij committis, vt ex his locorum angustiis emigres? Notans regionem esse incommodam, & oppidum frigidum. Eras. l. 6. apoph. ex Plutarch.

## De exilio fortiter ferendo.

*Aristides.*

**A**B amico quodam rogatus, quam ob causam exilium ei tum molestum fuisset? respondit, propter ignominiam patriæ, à qua iniuste in exilium missus esset, & ob eam iniustitiam vbique malè & ab omnibus audiret. Stob. ex Serino, ser. 37.

*Anaxagoras.*

Ab Atheniensibus damnatus exilio, & cuidam dicenti, priuatus es Atheniensibus: Imò, illi, inquit, me. Sentiens, Atheniensibus magis opus esse Anaxagora, quàm contrà. Laert. lib. 2. cap. 3.

*Stilpo.*

\* Quidam noxium esse exiliū affirmanti, respondisse fertur. Quibus tandem & qualibus bonis priuat exilium, animi ne an corporis, an fortunæ? An iudicandi agendiq; dexteritatem aut felicitatem aufert? haud sanè. An fortitudine, iustitia, aut alia quapiam virtute priuat. Ne id quidem. Sed nec vllò fraudat corporis bono. An non æquè licet in aliena terra bene valere, viribus pollere, acutum cernere, & audire acutè, interdum verò multò magis, quàm si in sua terra quis maneat, fortunæ verò bonis exilium neminem exuit. An non visum est multos, tum demum cùm exules sunt facti, potitos fortunæ bonis splendidiorebus? vt Phœnix, Themistocles, &c. Stob. ser. 38.

*Diogenes.*

Cuidam per conuicium dicenti, Si nopenes te exilio damnarunt: At ego, inquit, illos mansione: significans, se quod solum vertere iuberetur, nihilo infeliciorem esse his qui in patria manerent, nec exilium æquo animo pati possent. Tam enim miserum est manere coactum, quàm exulare coactum. Philosophus, cui quæuis terra patria est, si iubeatur ire exulatum vnus tan-

tum



tum ciuitatis exul est. At qui nusquam potest viuere nisi in patria, plurimarum regionum exul est. Hoc ita refert Plutarchus in libello de exilio: Te Sinopenfes Ponto exulem esse iusserūt: at ego, inquit, illos hac damno pœna, vt in Ponto extremisque Euxini littoribus inclusi perpetuò maneant. Diogenes mutaræ patriam, sed melius: exulabant potius, qui infelici regioni erant adscripti. Laert. lib. 6.

*Idem.*

Cuidam illi probro obiiicienti, quod exularet à patria: Miser, inquit, istius rei causa philosophatus sum. Siue quòd exilium compulisset. Diogenem ad philosophandum: siue quòd ideo didicisset philosophiam, vt exilium similemque casus æquo animo perpeti posset. Laert. lib. 6.

*Demetrius Phalereus.*

Cùm exularet, ac apud Thebanos inglorius humilisque uiueret, audissetque Craterem philosophum, qui ipsum inuiseret, multa placide prudenterque de ferendo exilio disputantem. Malè, inquit, sit negotiis & occupationibus, per quas hætenus talem virum cognoscere non licuit. Laertius libr. 5. cap. 5.

*Anaxandrides.*

Cuidam exilium acerbè ferenti, respondisse dicitur, Ne horrescas exulare ciuitate. A iustitia enim exulare miserum est. Quo responso sensit, eos nequaquam miseros esse, qui præter meritum, vel peculiare quædam animi dotes, ab imperitis in exilium mittuntur, quibus innocentia semper consolatrix assistit. Plut. in Lacon.

*Themistocles.*

Quum pulsus primum Athenis, & mox tota Græcia, venisset ad Persarum regem, ditissimus ab eo factus est. Porro, Magnifica dona, quibus à rege honoratus erat, intuens, dixit: O pue-

ri, perieramus, nisi periissemus. Perire autem videtur, qui cogitur exulare: at Themistocli feliciter cesserat exilium. Plut. in apoph.

*Temer.*

Rediens ex Troiana expeditione, quum ob Aiæis fratris mortem Telamoni patri esset inuisus, atque ab eo exilio multaretur, ad socios conuersus, ait: Patria est, vbicunque bene est. Cic. in Tusc. quæst.

*Rutilius.*

Consolanti eum cuidam, ac dicenti, instare bella ciuilia, & ob id breui futurum vt omnes exules reuerterentur: Quid tibi, inquit, malè feci, vt mihi peiorem reditum quàm exitum optares. Malo vt patria exilio meo erubescat, quàm reditu mereat. Senec. de benef. lib. 6. cap. 37.

## De experientia rerum.

*Endamidas.*

**A**Vdito philosopho, qui disseruerat, solum sapientem esse bonum belli ducem: Sermo, inquit, mirificus est, at qui eum dicit, fide caret, eo quòd illum nunquam circumsonuit tuba. Probauit sententiam: sed indicauit, neminem cum fide loqui de re quam nullo modo sit expertus. Plut. in Lacon.

*Demades.*

Rogatus, quo præceptore esset usus? Tribunali, respondit, Atheniensium. Insinuans, quòd in ipsis negotiis experientia quauis institutione sophistarum melior sit. Stob. ser. 27.

*Antigonus.*

Interrogatus, Quem è suæ ætatis ducebis præstantissimum iudicaret? respondit Pyrrhum si senesceret. Non pronuntiauit optimum: sed optimum fore, si rerum experientiam ætas adiungeret. Plut. in vita Pyrrhi.

*Tassus.*

*Tassus.*

Interrogatus, Quidnam sapientius esset præ cæteris? Experientia, dixit. Stob. ser. 27.

*Paulus AEmilius.*

Quum per loca prærupta irrupisset in Macedoniam, vidissetque instructam hostium aciem, exhortante Nasica ut protinus inuaderet hostem: Facerem, inquit, si tuæ essem ætatis: sed multarum rerum experientia prohibet, ne ex itinere statim cum instructa acie congrediar. Plut. in apoph.

## De exprobratione.

*L. Volumnius.*

**A**ppius populo Romano exprobrabat, sibi acceptum ferri debere, quod ex mutuo & elingui facundum haberet consulem? de L. Volumnio collega sentiens. Ibi L. Volumnius: Quam malle, inquit, tu à me strenuè facere, quam ego abs te scitè loqui didicissem. Eras. 6. apoph.

*Ser. Galba.*

C. Iulium consummatis victoriis in foro ius dicentem, huiusmodi dictis ausus est interpellare. C. Iul. Cæsar pro Cn. Pompeio Magno quondam genero tuo in tertio eius consulatu pecuniam spondendi, quo nomine nunc appellor: quid agam? num dependam? Hac voce palam illi exprobrans, quod Pompeij bona vendidisset, cui fuerat affinitate iunctus. Aequum autem videbatur, ut qui bona generi vendiderat, ea dependeret, quæ nondum orto inter illos bello fuissent contracta. Cæsar hac invidia commotus, æs alienum Pompeij è fisco resoluti iussit. Eras. l. 8. apoph.

*Licinius.*

Is Cæsar's libertus, solebat patrono, nouum aliquod opus inchoanti, magnas cõferre pecunias. Quem mo-

rem sequutus Licinius, nouum opus aggressuro centies promisit per libellum: in quo post expressam pecuniarum summam, quæ virgula superducta signabatur, spatium erat vacuum. Hac occasione Cæsar vsus, priori summæ, quam scripserat libertus, alterum centies adiecit, sua quidem manu spatium quod vacabat diligenter expleto, sed affectata literarum similitudine. Itaque duplum accepit pecuniarum, dissimulante liberto. Cæterum ubi Cæsar rursus nouum opus inchoaret, libertus hoc factum illi leuiter obiecit, dato tali libello: Conserto tibi domine, ad noui operis impensam, quod videbitur. Non expressit summam modum, ut illi liberum esset scribere quantum vellet, quandoquidem priorem summam duplicasset. Sueton.

*Turonius.*

Augustus delectatus inter cœnam fuerat symphoniacis Turonij Flacci mangonis, eosque frumento donarat, quum alios auditos soleret largiter donare nummis. Eosdem quum postea Cæsar inter cœnam requireret, Turonius sic excusauit: Ad molas, inquit, sunt. exprobrans illi frumētarium manus. Et hoc impunè tulit, quod dixerat non miles, sed mango. Sueton.

*Huc referri possunt etiam quedam liberè dicta.*



## DE FACETE ET

IOCOSE DICTIS.

*Crates.*



MAGISTRATV oburgatus, quod contra leges & consuetudinem Atheniensium sindone vestiretur, ait: Quid si Theophrastum vobis ostendam

ostendam si donec amictum? Adduxit igitur eos in constrinam, ostenditque Theophrastum, qui tum fortè tondébatur, linteo amictum, quod Græci à contegendis humeris *ἐμπίδν* vocant, submonens faceto responso, omnibus ad usum vti licere. Turpe enim ac inhonestum si esset vti linteis, ne in constrina quidem usus esset. Laert. l. 6. c. 5.

*Aristippus.*

Aristippo philosopho cum probrosè obiiiceretur à quodam, quòd haberet Laidem meretricem. Quid tum, ait, si modò non habeor à Laide? Cic.

*Socrates.*

Cuidam dicenti, Antisthenem philosophum matre Threicia natum esse, patre autem non tam barbaro, sed Atheniensi: Quid, inquit, an tu putas virum adeò præclarum ex utroque parente Atheniensi nasci potuisse? Facetè vir sapientissimus noravit corruptos Atheniensium mores, indicans potiùs è Thrace, Scythàve nasci posse virum bonum ac præclarum quàm ex Atheniensi: & hoc igitur quod habebat virtutis Antisthenes, matri Hybridi potius ascribendum, quàm parenti. Laert. in eius vita. Eras. l. 3. apoph.

*Idem.*

Alcibiades Socrati miserat munus præclarum. Id quum Socrates videtur recusare, Xantippe dissuasit. asseuerans donum esse magnificum, & indignù quòd respueretur. Tum Socrates: Alcibiades, inquit, hæc mittit ambitiosè, & nobis nostra est ambitio. Sentiens, interdum esse magnificentius magna contemnere, quàm magna largiri. Eras. lib. apoph.

*Anonymus.*

Quum Alcibiadi Atheniensi balneator plurimum ministraret aquæ, Lacon id videns: Quid hoc rei est, inquit? plus aquæ infundit quasi non puro, sed vehemèter sordido. Hoc scom-

mate noravit Alcibiadis vitam, multa infamia contaminatam. Plut. in Lac.

*Pericles.*

Subito oborto solis defectu, cum Pericles Atheniensis videret alios multos, sed præcipuè classis gubernatorem, vehementer perturbatos, chlamyde sua texit gubernatoris faciem, interrogauitque, Nunquid hoc horrendum ostentum existimaret? Illo negante: Quid interest, inquit, igitur, nisi quòd chlamyde maius est id quod nunc tenebras inducit? Sensit vir prudens, interuentu lunæ nobis abscondi solem, quemadmodum opposita chlamys impedièbat aliorum aspectum, nullum autem esse ostentum, quod natura sit. Eras. lib. 5. apoph. Plut. in Græc. apoph.

*Pytho.*

Cum sororem Philistam vehementer obiurgasset, malè audiuit eam ob causam, quòd oblitus esset suæ professionis (docebat enim omnia esse indifferentia.) Verùm maledicentium improbitatem sic elusit, cum diceret. In muliercula non declarari indifferentia. Laert. l. 9. c. 11.

*Diogenes.*

Ad puerum Spurium, ex meretrice natum, lapillos iacentem in populù: Caue, inquit Diogenes, ne patrem ferias. Erat enim è scorto natus, atq; ob id incerto patre. Laert. li. 6. cap. 2.

*Idem.*

Cum furem purpuræ comprehensum vidisset, carmen Homericum in eum detorsit *ἰλαξέ* inquit, *πορφύρεο* *δαίμονος* *ἢ μοῖρα* *καὶ ἐκ τούτου*, id est,

*Te mors purpurea apprehendit, violentè que Parca.* Laert.

*Idem.*

Aliquando stipem poscens, ita *ἐκ τούτου* *χρῶ*, id est, eum qui stipi erogandè erat præfectus. Homericò carmine compellauit:

*Τὸς ἀπορρητῶν, ὅτι δ' ἔκρυπτο ὁ χρῆμα: id est,*

*Despolia reliquos, teneas sed ab Hectore dextram.*

Dicti autem huius festiuitas in hoc est, quod pro *ἡμεῖς* dixit *ἐμεῖς*: quorum prius est, da stipem: alterum, armis spolia. sc. Hectoris nomine signās. Spoliatur autem, qui munus denegat pauperi & egenti. Et solet hoc hominum genus esse furax. Ibid.

*Idem.*

Cum hominem qui in Olympiacis certaminibus subinde pugnare solitus erat, inuenisset oues pascētem: Quam celeriter, inquit, vir fortissime, ab Olympiis ad Nemea te contulisti? Allusit autem quam facetissime ad vocum affinitatem. *νίμω* quippe certamina à loco dicuntur, ut Olympia, *Νίμω* verò Græcis pascō sonat, & *νίμω* pascua. Lact. lib. 6. cap. 2.

*Idem.*

Corintho vendendus, interrogante præcone quidnam calleret? respondit, Hominibus imperare. Risit præco, & Magnum (dixit) artificem vendo, si quis sibi dominum velit emere. Stob. serm. x. de Prudentia.

*Idem.*

Videns vetulam quandam nimis comptè incedere: Si, inquit, ad viuos properas, falsa es: si ad mortuos, ne cunctare. Ant. part. 2. serm. 18. Melissæ. Max. ser. 41.

*Alexander.*

Senem quandam capillos inficiens intuitus, Noli, inquit, capillos tingere, sed genua hæc incurua potius, ut facilius & promptius eas. Max. ser. 41.

*Agésilauus.*

Quidam aspiciens Lacedæmonium quandam claudum ad bellum exeuntem, cum ei equum veluti debili necessarium quæreret: Non intelligis, inquit Agésilauus, in bello opus esse non

qui fugiant, sed qui loco maneant. Plut. in Lacon.

*Idem.*

Iam senex, perſæpe sine calceis & tunica prodibat in publicum, cum lacera veste, idque matutino tempore hyemis. Cum autem quidam cum obiurgaret, quod puerilius ageret, quam ætatem deceret, respondit, Iuniores ciuium, si vestem virilem induam, omnes oculos in me coniiciunt. Ælianus l. 7. de Var. hist.

*Idem.*

Ex Asia discedens, aiebat se triginta sagittariorum millibus à rege Asia depelli, tot enim Daricorum aureorum millibus (Persarum autem hi nummi aurei sagittarium habebant in sculptum) Athenas ac Thebas deportatis, ac in plebis moderatores distributis, Timocrates effecerat, ut populus hostilem animum aduersus milites susciperet. Plut. in Lacon.

*Idem.*

Menecrates quidam medicus cum fortè ægrotantes aliquot liberasset à morbis, sibi Iouis nomen inde adscribi passus est. Tandem verò epistolam ad Agésilauum regem scribens, eam sic exorsus est: Menecrates Iupiter, Agésilao regi salutem. Verum rex cum hominis stultitiam esset admiratus, hunc in modum rescripsit: Rex Agésilauus Menecrati sanitatem. Facere admonuit hominem, cui mentis sanitatem planè deesse putabat, qui homo cum esset, Deorum nomen sibi ascriberet. Plut. in Lacon.

*Demonax.*

Rogatus, an philosophus etiam placens videretur? Quid, inquit, num putas apes stultis tantum mellificare? Placentæ melle condiebantur, saccari vsu nondum reperto. Erasl. 8. apoph.

*Idem.*

\* Quum videret Athenienses hoc agere,



agere, vt Barbarorum exemplo gladiatorum spectacula in urbem inducerent: nolite, inquit, o canes, istam crudelitatem prius admittere in ciuitatem vestram, quam Misericordiae aram fristis demoliti. Significans non conuenire, in ea ciuitate in qua Misericordia pro Dea coleretur, spectari plusquam ferinam crudelitatem. Erasmi. lib. 8. apoph.

*Cleomenes.*

Arguis profitentibus se prioris cōfictus fortunam, in qua victi fuerant, iterato praelio sarcire velle: Demiror, inquit, si duarum syllabarum accessione facti estis meliores, quam eratis prius. Verum huius dicti argutia Latine reddi non potest. Graecis enim μάχης pugnare est, ἀντιμάχης verò redintegrare pugnam. Plut. in Lacon.

*Anonymus.*

Lacon quidam Gymnasiarcham ligna *ἀγρία* exhibentem, facetissimo ioco incusauit, dicens, quod per eum ne lachrymas quidem illic effundere daretur. Fumus quippe mouet lachrymas. Acapna autem ligna inde dicta sunt, quod fumo careant. Erasmi. lib. 8. apo.

*Idem.*

Lacon quidam quotidie conuiuientem quendam, plagiarium ac tyrannū vocauit, per quem ipse tot annis nunquam vidisset mensam suam. loci autem lepos est in faceta fictione. plagiarium appellauit, quod liberalitate sua homines sibi redderet obnoxios: tyrannum verò, quod per illum non liceret cuiquam conuiuiarum domi suae viuere. Erasmi. lib. 8. apoph.

*Idem.*

Alius quidam, quum homines defunctos in sellis sedentes videret: Absit, inquit, vt hic sedeam, vnde seniori assurgere fas non est, ostendit autem facetissimo dictorio mortem horrorem incutere hominibus, vitam au-

tem omnibus esse dulcissimam. Bras. lib. 4. cap. 10.

*Idem.*

Quidam iratus Agasoni, volebat eum percutere, quumque is clamaret, Atheniensis sum: ad asinum versus, At tu (inquit) Atheniensis non es, ei que multas plagas inflixit. Plut. de Cohibenda iracundia.

*Idem.*

Suprà, de Beneficio in indignos colato.

*Philopamen.*

Diuertere volebat ad hospitium veteris amici. Quo cognito, iussit hospes apparari quae necessaria essent alia ab uxore, dum interim ipse obsonia appararet. Inter hæc Philopæmen solus (vires ipsa ferebat) ad hospitium properat. quem venientem, vt solum, vt deformem, vt qui nihil ornatus haberet eximij arbitrabatur mulier ex ministris esse aliquem, qui herum praeueniret: cumque esset de aduentu Philopæmenis minime sollicita, etiam blandiendo rogauit eum, se vt adiuuaret ad dominum comiter excipiendum. Tum Philopæmen, vt erat perhumanus, cognito mulieris errore, cōfessim securi accepta, & cuneo, cepit ligna findere, ad coquendam cœnam. hospes interim domū ingressus, cum animaduertisset Philopæmenem findēdis lignis malleo incumbere: Pro Iupiter, inquit, quid hoc Philopæmen? quid agis? dux maxime? Ad ea Philopæmen: pro deformitate, inquit, oris, rotiusque corporis pœnas luo. Voluit ipse mer praeberē de se hospiti & sibi ipsi risum, Res sanè festiuo ac faceto homine digna, quæque quod rarior, eodē etiam fuerit lepidiore. Pont. ex Plut.

*Stratonicus.*

Stratonicus musicus cum in Pontum nauigans, ad regem Berisadem venisset, diu apud eum moratus, voluit

Iuit illinc in Græciam adornare fugam. Verum cum id rex non videretur passurus: Bene, inquit Stratonicus, cogitas, ô rex, qui statueris hic manere. Quo dicto, faceret suam indicabat fugam & regis interim consilium probabat, quasi ille de migrando cogitasset, & ipse, non nisi gravibus causis commotus, pararet abitum. Athenæus.

*Idem.*

Se vehementer de mirari aiebat Satyrus sophistæ matrem, quæ illi decem menses tulisset, quem nulla ciuitas decem dies ferre posset. Eras. li. 6. apoph.

*Idem.*

\* In sacrificio tibias inflaturo inscito quodam tibiçine, Bona omnia me oportet, inquit: libemus iam, atq; deos precemur. Athen. lib. 8.

*Idem.*

\* Cleon citharædus, cognomine hos, nec rectè pulsabat lyram & voce plurimum dissonabat ab eius fidibus: cum cum audiuisset Stratonicus. Asinus (inquit) ad lyram, adagium olim fuit: nunc autem dicendum, Bos ad lyram. Athen. eod. lib.

*Idem.*

\* Quodam sciscitante, quænam essent tutissima navigia: rotunda, an longa? respondit, quæ in terram subducta sunt. \* Rhodi cum artis specimè exhiberet, applaudente nullo abiit, theatro relicto, ac dixit, Quandoquidem id vox non præstatis, quod nullus est impendij, quomodo à vobis sperare munus aliquod viritum possum?

\* Minnaco calceatio de musica pertinacius cum ipso altercanti, animum se non advertere dixit, propterea quod supra pedis malleolum loqueretur. Affine huic dictum est Apellis, ne sutor ultra crepidam. Athen. eod. lib.

*Idem.*

\* Ignarum medicum dicebar, ægros quos tractaret, vno die ad inferos

migrarent, efficere. \* In agri Milelij oppido quodam cum variarum nationum miscellanei homines habitarent, omnia sepulchra peregrinorum esse ac conuenarum intuitus, facessamus hinc, inquit, puer: soli mori videntur hic alienigenæ, ciues autem nulli.

\* Maroneæ, quæ ciuitas erat luxui ac computationibus diffuens, cum quibuldam potans, si per ciuitatem oculis testis duceretur, quo in loco ciuitatis esset, cogniturum se dixit. Operis deductus oculis, inter rogantibus vbi esset, in caupona, respondit: tanquam caupona foret tota ciuitas. \* Victis Sicyonis qui aduersus illum cerrauerant, in Æsculapij delubro trophæum erexit, inscriptionemque hanc addidit, Stratonicus de iis qui citharam malè pulsant. \* Cuidam ipsum laudanti ut non nihil numeris auferret, maiorem se mendicum esse dixit. \* Pellæ ad puteum accedens, an esset potu salubris aqua sciscitatus est: respondentibus qui hauriebant, illam se bibere: est igitur insalubris, ait, quia luridi essent incolæ, & pallentes. Athen. lib. 8. vbi alia extant eiusdem Stratonici iocose dicta, quæ suis locis hoc opere continentur.

*De iis tibiçen.*

\* In Cypro cum apud Nicocreonem cœnaret, ac poculum quodpiam impensius laudaret, si voles, idem artifex, tibi alterum fabricabitur, ait Nicocreon. Tum ille, tibi potius mihi verò hoc dato. \* Tempestatem descriptam à Timotheo quodam cum irrideret, inferuente carabo illa se vidisse dixit vehementiorem. \* In conuiuio claudicantis pedis deforme soleam quum amisset, furi nihil (inquit) grauius imprecabor, quam ut eius pedi calceus meus conueniat. Ath.

*Theocritus Chius.*

\* Defuncta vxore Dioclis helluonis parato

parato eius causa silicernio, cum maritus simul & fleret & obsoniis se ingurgitaret, Plorare, inquit, ô miser, define: nihil hœlluonatu proficies. \* Idem Diocles cum alienati agri prœrium in cœmendis obsoniis dissipasset, seruētē piscem mādēns, exutum sibi <sup>spolū</sup> (hæc vocula & palatum significat, & cœlum) quærebat: tunc, Id tibi reliquum est, inquit Theocricus, mare ut ebibas: sic maxima tria (nempe terram, cœlum & mare) è conspectu sustuleris. Athen. eod. lib. 8.

*Alexis poeta.*

\* Eum locutuleiis quibusdā ob edacitatem arguentibus, ac sciscitantibus quidnam libentissimè comederet, Spermologos, inquit, tostos. Spermologus & auem significat, & blateronem ac vaniloquum. Athen.

*Stratonicius.*

\* Aspecto Propide citharœdo Rhodio proceræ staturæ viro, artis indocto, inepti paucique sermonis, interrogatus qualem esse illum existimaret, dixit, nullus, magnus, piscis, malus. obscurè significans, primū quod esset homo nihili, deinde ampla quidem mole corporis, sed ob infantiā piscis, & prauis moribus. \* Idem Mylassam urbem cum appulisset, de lubra multa, homines paucos autem intuitus, in medio foro stans: clamabat, Audite templa. Athen. eod. lib.

*Anacharsis.*

\* Accitus in conuiuium edoctis ad risum mouendum hominibus, solus omnium non risit: post autem adducta simia in risum solutus dixit, natura quidem animal illud esse ridiculum, homines autem arte & studio. Athen. lib. 14.

*Pauson.*

\* Quum equum volutantem se pingendum cōduxisset, pinxit currentem. Stomachante locatore, ridēs Pauson,

tabulam inuerse, dixit. Hic quæ supra sunt infra cernes, & non currere sed volutari videbitur equus. Plutar. lib. de Pythiæ oraculi.

*Publius Syrus.*

\* Quum puer ad patronum domum esset adductus, promeruit cum non minus salibus & ingenio quàm doctrina. Nam fortè cum ille seruū suū hydropicum iacentem in area vidisset, increpuissetque, quid in sole faceret? respondit Publius, Aquam calefacit. \* Ioculari deinde super cœnam exorta quæstione, Quodnam esset molestum otium? aliud alio opinante, Publius, Podagrici pedes dixit. Ob hæc & alia manumissus, & maiore cura eruditus, mimos componere cœpit. L. Gyraldus.

*Bias.*

\* Conseruis demisso vultu merentibus, eo quod iam à latronibus capti essent, animaduertens quandā ex aspectu plus satis effeminatum esse accedens inquit, Tu me emito: viro enim opus habere videtis. Ille cauillo pudescens, in turbam se abdedit. Philo. li. quod probus liber.

*Diogenes.*

\* Dum venundaretur, in præconem humi iacens iocabatur, ne ad præceptum eius exurgere animum induxit, sed ei inultus, Quid si piscem, inquit, auctionareris? Plut. de tranq. animi.

*Philippus Macedo.*

\* Index sedens duorum facinorosorum: vnus, inquit, fugiat ex Macedonia, alter eum insectetur. Plut. in apop.

*Aristippus.*

\* Petiit talentum à Dionysio, quumque rex redarguendi occasionem nactus diceret, nōne tu prædicabas, Philosophum non egere? Da, inquit, & postea de hoc disputabimus. Cum accepisset pecuniam: An non, inquit, rectè dixi, philosophum non egere?

Non

Non eget, qui quum opus est, habet unde accipiat. *Lact. lib. 2. cap. 8.*

*Diogenes.*

\* Hoc adagio, scopum attingere, fecerit vsus est in puerum saxa in patibulum iaculantem: Euge, inquit, continges tandem aliquando scopum. *Eras. in Adag.*

*Idem.*

Festiuè suam Corinthio Athenas, ac denuo Corinthum Athenis migrationem, contulit regi Persarum, verè Summe, hyeme Babylone, æstare apud Medos commorationibus. *Plut. de virtutis profectu.*

*Democritus orator.*

\* Ascendens in pulpitu in concione Atheniensium, dixit, Ego & Athenienses, magnopere inflati, parū possumus. *Plut. in politicis.*

*Hadrianus philosophus.*

Suprà, de Auaritia.

*Ismenias.*

Canebat in sacrificiis, quūmq; non litaretur, is qui conductus fuerat arreptis tibiis canebat ridiculè: & hoc canente, litatum est. Incessantib. autē is qui aderant, Diuinitus, inquit, contingit venustè canere. Hic Ismenias ridens: At me, inquit, canente Dii volupratè capri, me morabantur, te verò festinante illos abigere, arripere hostiam. *Plut. lib. 2. Symposiaca.*

*Philoxenus.*

Cenans apud Dionysium, quum animaduerteter regi appositum piscem nullum insigni magnitudine, quum ipsi appositus esset perpusillus, pisciculum auribus admouit. Id factum admiranti Dionysio, causamque percontanti: In manibus, inquit, est Galatea, de qua volebam ex hoc quædam percontari: Verū negat se per ætatem quicquam adhuc scire, sed ait prouum suum istic esse in tuo disco: qui multa posset commemorare: si liceat

colloqui. Quo dicto rex facerem admonitionem intelligens, misit illi sum nullum. *Eras. Rot. l. 8. apoph.*

*Polemon.*

Proconsul quidam torquebat prædonem: quūque dubitaret, quidd supplicij genus esset de illo sumpturus. Polemon fortè superueniens: lube, inquit, illum ediscere veterum scripta. *Philostatus.*

*Anonymus.*

Quum legatis navigaturus in Asiam, nauem conscendisset, & à quodam interrogaretur, Num metuerer, an naufragio eiectus à piscibus deuoreretur? Quid inquit, metuum à piscibus, qui tot pisces deuorant? *Rot. l. 8. apoph.*

*Fabius Max.*

Cum Tarantum Hannibalis præsidio firmatum expugnasset, Scribe percontanti in directione vrbis, quid de templorum simulachris statuisset? Relinquamus, inquit, Tarentinis iratos deos. *Plut.*

*P. Licinius Varus.*

Africano illi maiori coronam sibi in contuitu ad caput accommodanti, cum ea sæpius rumperetur: Noli, mirari, inquit, si non conuenit, caput enim magnum est. *Cic. lib. 2. de Oratore.*

*Cicero.*

Suprà, de Ebrietate.

*Mallius.*

Serpilius Geminus cenans apud Lucium Mallium, qui Romæ pictor insignis habebatur, quum videret filios illius deformes. Haud similiter, inquit, Malli fingis, & pingis. & Mallius: Non mirum, inquit: in tenebris enim fingo, luce pingo. *Eras. lib. 6. apoph.*

*Fanflus Sylle F.*

Cum soror eius eodè tempore duos mæchos haberet. Fuluium Fullonis filium, & Pompeium cognomine Maculam: Miror, inquit, sororem meam habere



habere Maculam, cum Fullonem habeat. Macrobl. l. 2. c. 2. Satur.

*Cicero.*

Caninius Rebulus consul in Fabij Maximi demortui locum à C. Iulio Cæsare substitutus, cum per vnus diei spatium fuisset consul: Cicero iocundus dixisse fertur, Vigilantem sanè habuimus consulem, qui in consulari suo somnum nunquam vidit. Macrobl. lib. 2. Saturnal.

*Idem.*

Præterea cum hunc consulem congratulandi gratia accederent multi ex amicis, idem dixisse fertur: Maturemus, maturemus, inquam, vt ad hominem ante finem sui consularatus perueniamus. Plutarchus.

*Idem.*

\* Verrem Romani castrarum percipum vocant. Cum autem Cæcilius quidam, Iudæorum superstitioni adherens, Verri adhereret, faceret Cicero in eum iocatus dixit, Quid Iudæo cum Verre? Plut.

*Hannibal.*

Quum Minutius Hannibal is insidiis sepius in summo esset periculo, ne cum suis copiis periret Fabius Maximus eius collega è monte mouens exercitum, venit illi auxilio, multisque trucidatis hostibus ipsum eripuit. Quo facto, Hannibal Pœnorum dux ad suos dixisse fertur facetissimè, Nónne vobis sæpenumero prædixi, futurum vt illa montana nubes nobis aliquando tempestatem immitteret? Plut.

*Anonymus.*

\* Thessalus quidam interrogatus, Qui Thessalorum essent placidissimi? Qui bello, inquit, defuncti sunt. Plut. de liber. inst.

*M. Lollius.*

Videns Galbam eloquentissimum oratorem, omni corporis habitu carentem: Prò dolor, inquit, quàm malè ha-

bitat Galbæ ingenium. Macrobl. lib. 2. cap. 6. Satur.

*Galba Parasitus.*

Cum reprehenderetur, quòd otiose viveret: Nemo, inquit, cogitur vt sui orij reddat rationem, sed laboris tantum transacti. Facetè innuit, nullorutius ac quietius viuere posse, quàm otio deditos: eo quòd facti ratio ab his nulla exigatur. Era Cl. lib. 8. apoph.

*Lucullus.*

Cn. Pompeius non probabat in Tusculano ædificatam à Lucullo villam, quod ea æstiuè quidem in habitationi accommodissima cum esset, hybernæ tamen parù omnino prospectum foisset. Ad quæ iucundissimè magnâque festiuitate Lucullus: Num tibi, inquit, Pompei, minus habere cordis videor, quàm græces, quàm ciconiz, qui nesciant pro temporibus habitationem mutare? Pontanus.

*Cassellus Iurisc.*

\* Mercatori quemadmodum cum socio nauem diuideret interroganti, respondit, Nauem si diuidis, nec nec socius habebitis. Macrobl. lib. 1. Saturn. cap. 6.

*Idem.*

\* Vatinius, cum gladiatorum munus ederet, obtinuerat vt Ædiles edicerent ne quis in arenam nisi pomum misisse vellet. Tunc Cassellus consultus, An nux pinea pomum esset? respondit, Si in vatinum misurus es, pomum est. Macrobl. ibid.

*M. Crassus Orator.*

\* Cum testis quidam compellatus instaret, Dic ergo, Crasse, qualem mereris? Talem, inquit, ostendens intabula, pictum infacetissimè Gallum excrecentem linguam. Plin. l. 35. c. 4.

*Vatinius.*

Cum audisset Ciceronem gloriantem, se humeris reip. de exilio reportatum: Vnde ergo, inquit, tibi varices?

rites? Macrobi. lib. 2. cap. 3. Saturn.

*Cicero.*

Infrà de Honore momentaneo.

*Idem.*

Quærenti de In Vatinio, quod gratatus esset, domum ad se infirmantem venire: respondit, Veli in consulatu tuo venire, sed nox me comprehendit. Macrobi.

*Idem.*

\* Vatinius collo strumoso ad Tribunal quidpiam petebat à Cicerone pretore. Quo non concedente, sed diu consulente: Equidem, inquit, si pretor sim non dubitarem: tum conuersus, Atqui ego, inquit Cicero, non habeo tantum collum. Plut. in Cicer.

*Idem.*

\* Voconio occurrens, qui secum ducebat tres insigniter deformes filias, submisit ad amicos dixit, Inuito Apolline seminauit liberos. Plutarch. in apophr.

*Idem.*

\* Quum in ea prouincia quæ Quintus frater rexerat, vidisset clypeatam fratris imaginem, ingentibus lineamentis vsque ad pectus pictam (erat autem Quintus ipse staturæ exiguæ) ait, frater meus dimidius est maior quam totus. Macrobi. lib. 2. Saturn.

*Idem.*

\* Lentulum generum suum, exiguæ staturæ hominem oblongo gladio ac cinctum videns, Quis, inquit, generum meum ad gladium alligauit? Macrobi. ibidem.

*Idem.*

Cœnans apud Damasippum & ille mediocri vino posito diceret: Bibire salernum hoc, annorum quadraginta est: Bene, inquit Cicero, ætatem fert: iocosè delusoris verba & imposturas taxans. Macrobi. lib. 2. c. 3. Satur.

*Idem.*

Cum ei testem in iudicio Verris ro-

ganti dixisset Hortensius, Non intelligo hæc ænigmata: Atqui debet, inquit, cum Sphingem domi habeas. Acceperat autem ille à Verre Sphingem æneam magnæ pecuniæ. Plutar, in apoph.

*Anonymus.*

\* Post Mutinensem fugam, quæretibus quid Antonius ageret, familiaris eiua respondit: Quod canis in Ægypto, bibit & fugit. Quoniam in illis regionibus constat, canes metu crocodilorum exterritos, currere & bibere. Macrobius lib. 2. Saturnal. cap. 2. vide Adagium, vt canis à Nilo.

*Mun Plancus.*

Infrà de mortuis non lædendis.

*Anonymus.*

Plancus cum in iudicio quodam molestum sibi testem destruere veller, interrogat sutorem quædam qui astabat, quonam artificij se tueretur. Qui vrbane respondit, Gallam subigo. Est autem galla sutorium instrumentum, quod non infacere in adulterij exprobrationem, quamquam obscure, conuertit. Nam Plancus in Mæuia Galla nupra male audiebat. Macrobius lib. 2. cap. 2. Saturn.

*Orbilius.*

Orbilius Grammaticus insignis cum prodiiisset in rerum testis, interrogatus à Galba mōstruoso, quasi eius professionem ignoraret: Quidnam artis exerceret? Respondit facerissimè, In sole gibbos fricare soleo. Idem lib. 2. cap. 6.

*L. Cælius.*

Cum C. Cæsar alii qui secum pilæ lustrabant, centena sestertia, illi autem vni quinquaginta dari iussisset: Quid ego, inquit, vna tantum manu ludo: & non duabus, vt plus habere possim? Ibidem.

*Augustus Cæs.*

Cum inter Virgilium Maronem  
Q 2 qui

qui ubique suspirabundus observatus est, & Flaccum Horatium, qui oculorum lippitudine plurimum laboravit, consedisset, rogatus à quodam amicorum, quidnam ageret? Sedeo, inquit, inter suspiria & lachrymas. Sabellicus.

*Idem.*

Videns multos à Cassio Seuero accusatos absolui, cum Architectus fori Augusti expectationem operis diu traheret: vellē, inquit, Cassius & meum forū accusasset. Macr. l. 2. c. 4. Satur.

*Idem.*

Vetius cum monumentum patris exarasset, ait Augustus, Hoc est verē monumentum patris colere. ibid.

*Idem.*

Audiens, inter pueros quos in Syria Herodes rex Iudæorum intra bimatium iussit interfici, filium quoque eius occisum, ait: Melius est Herodis portum esse quam filium. Alludebat autē ad legem Iudæorum quibus suilla caro prohibita erat. Macrobius eodem loco.

*Idem.*

Excepit à quodam cœna satis parca, & quasi quotidiana, cum cœna finita valedicens discederet, hoc infusuravit: Non putabam me tibi familiarē ibidem.

*Idem.*

Vatinio in prima sua ætate eleganter etiam insultavit. Conuulsus enim ille podagra, volebat ramen videri discussisse vitium, & mille passus ambulare se gloriabatur. Cui Cæsar: Non miror, inquit, dies enim aliquādo sunt longiores. Macrobius eodem loco. Verum hoc dictum Fabius Ciceroni tribuit.

*Idem.*

Relata ad Augustum æris alieni magnitudine, quam quidā eques Romanus, dum vixit, excedentem ducenis H. S. celauerat, culcitram emi cubi-

cularem in eius auctione sibi iussit. Præceptum autem admirantibus, respondit: Habenda est ad somnum culcitra, in qua ille, cum tantum debere, dormire potuit. Macrobius lib. 2. c. 4. Satur.

*Julia Augusti F.*

Cum in gladiatorum spectaculo iuuenibus quibusdam circumdaretur, reprehensa ob id à patre Augusto, iocosè respondit: Et hi mecum senes fient. Macrobius lib. 2. cap. 5. Satur.

*Eadem.*

Cum grauem amicum audisset Iulia, suadentem, se melius facturā, si se cōposuisset ad exemplar paternæ frugalitatis, ait: Ille obliuiscitur Cæsarem se esse: ego verò memini me Cæsaris esse filiam. Macrobius eodem loco.

*Neron.*

Audiens Claudum imperatorem (qui in deorum numerum ab adulteribus relatus erat) boleto è medio sublatus esse: dixisse fertur, hæcenus ignoravi, bolatum deorum esse cibum. Dion Nicæus, & Xiphilinus in vita Claudij.

*Vespasianus.*

Cum paulò ante obitum suum comeram visum audiret, atque animaduertisset, quosdam esse qui mortis præsagium interpretarentur: Non mihi, inquit, sed regi Parthorum mortem portendit, ille enim comatus est, ego caluus sum. Xiphilinus.

*Idem.*

Reprehendenti filio Tiro, quoddam vrinę vestigal commentus esset, pecuniam ex prima pensione admoovit ad naves, sciscitans, Num odore offenderetur: & illo negante: Atqui, inquit, è lotio est. Sueton.

*Antoninus Pius.*

Antoninus Pius Romanorum imperator, cum Apollonium, quem Chalcide acciuerat, ad Tiberinā domum,

in qua habitabat, vocasset, vt ei M. Antoninum traderet, atque ille dixisset: Non magister ad discipulum debet venire, sed discipulus ad magistrum: risit eum, dicens: Facilius fuit Apollonio philosopho è Chalcide Romam venire, quàm è domo sua in Palatium. Capitolinus, & Cuspinianus in Consulibus.

*M. Antoninus.*

Sentiens sibi venenum à medicis in Commodi gratiam clam propinatum, Tribuno militum signum postulanti, quàm facetissimè respondisse fertur: Abi in orientem, ego enim iam ad occasum commeo. Xiphilinus.

*Vibius Crispus.*

Is fuit Vitellij luxuriosissimi imperatoris familiaris, cum autem ob nocturnas comestationes atq; computationes in tam grauem morbum incidisset, vt ad tempus Vitellianis conuiuiis interesse nequireret, postquam parumper conualuisset, ad amicos facetè dixisse fertur: se omnino fuisse periturum, si hoc tempore tam grauiter non laborasset. Xiphil. in Vitellio.

*Idem.*

\* Rogatus, ecquis esset cum Cæsare in conclau? respondit, Ne mulca quidem. Ancipiti ioco Domitiani cōsuetudinem notans, cui mos erat quotidie sibi secretum horarium captare, nec interim aliud ferè nihil ageret, nisi quod mulcas captas stilo configeret. Erat in adag.

*Hadrianus.*

Cionium Commodum, iam adoptatum, cum prætura honorasset, eundemque bis cōsulem designasset, videns hominem minus sanum esse, sapissimè dictitasse fertur: Bone Deus, in quàm caducū parietem inclinaui- mus! Spart. & Cusp. in Consulibus.

*Iulius Gallus.*

Iulius Gallus, Senecæ frater, cum

vidisset Agrippinam atque Neronem Claudij Cæsaris mortem (cuius ipsius authores, tamen dolosi, fuerant) simulatè desistere, Claudijq; laudes decantare, dixisse fertur: Alios necatos in carcere, trahi à carnificibus in forum magnis quibusdam vncis, & deinde in fluuium proiici: Claudium verò in cœlum vsque vncō à suis interfecto- ribus tractum esse. Xiphilinus in Clau- dio.

*Satellius Quadratus.*

\* Caluio Sabino de seruatorum multitudine multa pecunia à se com- pta glorianti dixit, Minori præcio totidem scriinia emisles. Idem Sabinum vt luctaretur orabat: cūque ille diceret, Quomodo luctabor homo æger ac debilis, & vix viuere valēs? Noli quæso, inquit Quadratus, hoc dice- re: aspice quot seruos habes robustis- simos. Seneca. epist. 27.

*Fridericus imp.*

Friderico Romanor. imperatori Amedæus dux subaudiæ (quem cle- rus Basilie congregatus, Eugenio quarto à summo pontificatu deposito, in illius locū suffecerat, Felicemq; pa- pam quintum vocauerat) filiam, quā domi habebat viduam, iuuenē & forma præstantem, in matrimonium ob- tulit, simulq; dotis nomine auri num- mū ducenta millia, si Eugenio relic- to, Petri successorem appellaret. Cæsar autem ad suos conuersus: Vende- re, inquit, alij pontificalia solent: hic libenter emat, si reperiatur venditorem. Æneas Syluius lib. 2. commentario- rum de rebus gestis Alphonfi.

*Marianus.*

Is Nouatianus episcopus, cum Sab- batium Iudæum Christianorum sac- ris initiasset, hominēque nihilomi- nus Iudaicis deliramentis inhzere deprenderet, quàm facetè dixisse fertur: Se multo melius fecisse si spi-



nis, quàm Sabbatio, manū imposuisset  
Niceph. Callist. l. 12. Eccles. hist. ca. 37.

*Basilus magnus.*

\* Valens imperator vt eum à constantia & orthodoxæ fidei professione reuocaret, misit Demosthenem quendam hominem furibundum & audacem, qui cū blasphemias in Basilium debaccharetur, barbarismo quodam fortè lapsus est. Ad quod Basilus risu exclamauit, vidimus & nos Demosthenem sine literis. At cū importunius oblatrantem ita obliurgauit, Tū est de pulmentariis cogitare, & nō diuina dogmata decoquere. Soz. l. 6. c. 16.

*Leontius.*

Is episcopus Antiochenus, cū videret ecclesiam in doctrina dissentire, tangens caput suum iam canum, fertur dixisse: Hac niue soluta, lutum cogetur immensum. Per hoc ostendens, quod ipso defuncto, illa discordia populo generaret seditionem. Tripartit. hist. lib. 4. cap. 35.

*Sisinius.*

Nouatianorum episcopus, interrogatus à quodam, cur episcopus iam factus, bis in die lauaret? faceret respondit, Quia ter non possum. Niceph. Cal. lib. 12. Eccles. hist. cap. 12.

*Idem.*

\* Leontius eum asperis verbis excipiens, dicebat, Vos Nouatiani templū habere non deberis, cū pœnitentiam tollatis: Atqui, respondit Sisinius, neminem ita pœnitet vt me. Illo, cuius rei? sciscitante: Quod te viderim, inquit. Suidas Sozomen.

*Idem.*

A quodam percontatus, cur candidam vestem gestaret, quæ episcopum vt aliena minus deceret? Respondit: Tibi ostendendum potius est, vbinam scriptum sit, quod episcopum pulla veste vt oporteat. Idem Niceph. lib. 12. cap. 12. Eccles. hist.

*Anonyma.*

Anus quædam cū vidisset Iouianū imperatorem forma quidem conspectuum, sed proceritate atque crassitudine corporis excellentem, atque aliquantulum mente etiam captum, dixisse fertur: O dii immortales, quam corpulenta est stultitia! Nice. Callist. lib. 10. cap. vlt.

*Ephraim Syrus.*

Quum aliquando dies multos pro consuetudine sua ieiunio transegisset, & minister tempore cibum ei adferret accidit vt in ollam frangeret. Ephraim verò pudore iuxta & timore correptū illum videns: Bonp, inquit, esto animo. Quandoquidem enim obsonium ad nos venire renuit, nos age ad id accedamus: & ad ollæ fragmenta concedens, comedit. Niceph. Callist. lib. 9. cap. 16. Eccles. hist.

*Ludouicus Crossus Fr. rex.*

\* In prælio contra Anglorum regem Henricum, ab equite quodam vrgebatur. Eques apprehenso fræno equi regij captum esse regē exclamabat. Ludouicus exerto gladio equitem obrucavit, dicens, At ne in latrunculorum quidem ludo rex solus capitur. Cortozettus, de dictis & factis memorab.

*Nicolaus V. Pons Rom.*

Cū ei renuntiatum esset quosdam esse Romæ, qui bonos versus facerent negauit bonos esse. Cur enim, inquit, ad me non veniunt, qui etiam poetis malis pareo? Molestè tulit homo sapiens in vrbe sua sese, qui literas scient, & nesciretur. Hermolaus Barbarus in præfatione Castigationum suarum in Plinium.

*Alphonfus.*

Venationi admodum deditus cū percontaretur Antonium Panormitam, quānam Neapoli nobiles essent viri venandi studiosi, an item scriptores de natura canum aliquid prodissent?

ferre? Quum tu, inquit, Panormir. ad  
latus habeas rex, rerum harum omniū  
prudētissimum virum, ne aliunde que-  
rites, quippe qui annos supra quadra-  
ginta cum hoc genere animarium sit  
ita conuersatus, vt noctes quoque ip-  
sas cum canicula cubitauerit: hic tibi  
& capum naturas describet, & illorum  
instituendorum artes tradere potest.  
Erat autem is eques Neapolitanus,  
quem honoris gratia non nominaue-  
rim. Cūq; his dictis subriisset: Anto-  
nius indicauit, sub caniculo nomine v-  
xorem illius significari, mulierem om-  
nium clamosissimam, pariter & rabio-  
sissimam. Pontanus.

*Idem.*

Dicebat sibi videri eos maximē in-  
sanire, qui vxorem fugitiuam perqui-  
rerent. Significans, magnæ felicitatis  
esse ab improba muliere liberari. Eraſ.  
lib. 8. apoph.

*Idem.*

Cū audisset, Senenses, qui à bello  
Italico medij exstitissent, in naturam  
partium inclinantes, postea sedato  
bello diuisorum militum prædā esse,  
dixisse fertur, Senensibus euenisse,  
quod his solet qui mediam domum  
incolunt, vt ab inferioribus fumo, à  
superne habitantibus vrina vexentur.  
Panormir. libro 4. de reb. gest. Alphonſi.

*Idem.*

Cū à Iacobo Alamano, homine  
quidem Christiano, sed Iudæis paren-  
tibus nato, diui Iohannis aureum si-  
mulachrum venale exhiberetur, quin-  
gentorum aureorū pretio cōmendū.  
Nō tu sanē ineprus es, inquit, & maio-  
rum tuorum longē dissimilis, discipuli  
& serui imaginem tanti æstimans,  
cū illi Iohānis ipsius magistrum & do-  
minum, & regem Iudæorum triginta  
non amplius denarijs vendiderint? Pa-  
nor. lib. 1. de reb. gest. Alphonſi.

*Idem.*

De improbo efflagitatore qui nul-  
lum petendi finem faceret: Vereor: in-  
quit ne vxorem etiam demum meam  
petiturus sit. Ibidem.

*Idem.*

Iocabundus quispiam, vel tentabun-  
dus potius, cū dixisset, ad Alphon-  
sum (de somnijs autē erat disputatio)  
nocte præterita somniasse, dono se ab  
rege accepisse sacculum aureis graui-  
dum. Alphonſus facetè respondit: An  
ignoras nullam esse Christiano homi-  
ni fidem somnijs habendam? Pont.

*Idem.*

Cū audiret Trisponium iuriscon-  
sultum, qui deformosissimam habebat  
vxorem, trecentos aureos furto amissi-  
se, ad amicos dixisse fertur: Trisponio  
melius esset, si fures vxorem quā pe-  
cuniam abstulissent. Panor. de rebus  
gestis Alphonſi. lib. 1.

*Anonymus.*

Coloniz Agrippinz pictor quidam  
insignis, sed prodigus ac piger, & ama-  
tor vini, quam plures Christi imagines  
cauponibus pignori dedit, easque hoc  
pacto perdere quam vendere maluit.  
Interrogatus autem, cur non potius  
venderet? Ergo, inquit, me Iudæum  
quā Christianum esse mauultis. Æn.  
Syll. 1. comment. de reb. gest. Alphon.

*Anonymus.*

Alexander, qui ex ducibus Maro-  
uiz erat, egregius bibulus, cū mor-  
tem obuisset Viennæ, diēque illi (vt  
vocat) tricesimum in templo diui  
Stephani, cui præfuerat, canonici mul-  
tiq; viri nobiles celebrarent, sacerdos  
quidam, qui sitibundus cellam vinari-  
am Præposituræ intrauerat, vidisse se  
inter dolia deambulantem asseruit, &  
ecclesiā reuerſus, cū orantes adhuc  
compresbyteros inuenisset, Quid hic  
Alexandro inferias (inquit) agitis? Il-  
le in suo templo lætus agit bibitque,

vos autem siti arefcitis. *Æn. Syl. lib. I.*  
*comment. de reb. gest. Alphonsi.*

*Anonymous.*

Quidam cum in tabernam venisset, ibidemque hospitii uxorem cum ancillis plus satis rixantem, in prandio ferre nequirit, hospes conuersus ad hominem. *Ecqua, inquit, hæc est tua impatiencia? duos ego & triginta nunc annos huius clamores & insaniam die noctesq; pertuli, tu verò ne horam quidem eam ferre potes? Quo dicto & hominis impatienciam leniit, & uxorem ab ira in risum commouit. Adrian. Barlandus.*

*Ludovicus undecimus Gall. rex.*

\* Audiens indoctum quendam instructissimam habere bibliothecam, dixit, Eum similem esse gibbo, qui molem in dorso portans eam nunquā aspiceret. Corrozetus, de dictis & factis mem.

## De fama bona.

*Socrates.*

**R**Ogatus, quo pacto quis posset honestam assequi famam? Si talis, inquit, esse studeas, qualis haberi velis. Veluti si quis bonus tibicen haberi cupiat, ea præstet oportet, quæ à probatis tibicinibus fieri viderit. Quemadmodum qui medendi est imperitus, non ideo medicus est, quod pro medico ascitus est, & vulgo medicus appellatur, ita non statim princeps est, aut magistratus, qui populi suffragiis declaratus sit, nisi sciat artem gubernandæ ciuitatis. *Eras. lib. 3. apoph.*

*Idem.*

\* Pulchritudinem famæ dicebat citò marcescere ex inuidia, ceu morbo quodam. *Stob. ser. 38.*

*Epictetus.*

Interrogatus, quo pacto quis honestam famam assequi posset? respondit,

Si benè audire, discito bene loqui, & cum bene loqui didiceris, rectè facere conator, & hoc modo bonam famam acquires. *Stob. ser. 3. de Temper.*

*Idem.*

\* Si cupis, inquit, bene audire, discere bene dicere. Doctus autè bene loqui, da operam ut rectè agas: atque sic perfrueris bona fama. *Stob. ser. de virtute.*

*I. Socrates.*

\* Plus tibi curæ sit ut honestam famam, quàm diuitias ingentes liberis relinquant. Nam hæc mortales sunt, illa verò immortalis. *Stob. ser. 46.*

*Agellius.*

Interrogatus, qua ratione potissimum quis assequi posset, ut apud hominès honestam haberet famam? Si loquatur, inquit, quæ sunt optima, & faciat quæ sunt honestissima. Quid dici poterat breuius? ac rursus quid absolutius? Siquidem fucis parta gloria, ut non est vera gloria, ita nec diuturna est. *Plut. in Lacon. apoph.*

## De fama & rumore falso.

*Thales.*

**I**nterrogatus ab amico quodam, quantum veritas abesset à mendacio? Quantum, respondit oculi distant ab auribus. Voluit significare, ea non semper certa esse, quæ communi fama sparguntur in hominem caterua. Fama quippe (ut Maro ait) mobilitate viger, virèque acquirit eundo. quo fit, ut falsa multoties veritati adiungantur. Veriora igitur sunt ea quæ præsentibus oculis intuemur, quàm quæ ab aliis falsè relata audimus. *Eras. lib. 8. apoph.*

*Stratocles.*

Quum de parva quadam victoris nuntium accepisset, protinus ad populum retulit: utique supplicatio diis immortalibus decerneretur persuasit. Aliquantò

liquanto potest, quum certior nuntius adferretur acceptæ cladis, populo indignante quod delusus esset: Ecquis, inquit, vestrum quicumque damni accepit, quod totum hoc triduum mea opera hilares letique fuistis? Eras. l. 6. apoph. Fulgosi. l. 4. cap. 18. ex Plur.

*Phocion.*

Rumor cum incerto autore obortus esset de morte Alexandri Magni, moxque Rhetores prosilirent, hortantes Athenienses ut statim bellum susciperent: Phocion expectare iussit, donec certius aliquid cognosceretur. Nam si, inquit, hodie mortuus est, cras & perendie etiam mortuus erit. Grauius admonens, ne incertis rumoribus fiderent, & se temere in summum periculum precipitarent. Plut. in apoph.

## De fame & siti.

*Socrati.*

**D**icere solebat, Cōdimentum esse famem, potionis sitim. Cic. lib. 5. Tusc. quæst.

*Idem.*

\* Arbitrari se dicebat, idcirco suos homines effectos à Circe, quod famis & sitis impatientes, vario cibo, & potu nutriuisset. Vlysses autem partim Mercurij consilio, partim abstinencia sua, hoc periculo se exemisse. Xenoph. lib. 1. de dict. & fact. Socratis.

*Diogenes.*

In foro manibus operans, Vtinam, inquit, liceret sic perficere ventre non esurire. Brus. l. 2. c. 41.

*Anonymus.*

Apud Laconas ius, quod nigrum vocabant, cum maximè celebraretur, fertur Dionysius tyrannus, iuris ipsius gratia Laconicum emisse seruum. Et iussisse id sibi preparari, nulla impense habita ratione, sed quum gustasset, indignabundus expuisse dicitur. Tum

verò coquus, ô rex, inquit, hoc ius tibi sumendum est, cum te Laconicè exercueris, in Eurotâque laueris. Brus. l. 2. cap. 41. ex Cic. lib. 5. Tusc. quæst.

*Antiphones.*

\* Dicebat famem omnia dulcia reddere præter seipsam: & paupertatem morum esse magistratam. Stob. ser. 93. vide apoph. de Paupertate.

*Darius.*

In fuga cum aquam turbidam, & cadaveribus inquinatam bibisset, negavit unquam se bibisse iucundius. Nunquam autem, vel perraro sitiens biberat. Cic. lib. 3. Tusc. quæst.

*Artaxerxes.*

Artaxerxes quum in fuga quadam direpto illius commeatu, aridis ficis & hordaceo pane vesceretur: Dijoñi, inquit, cuiusmodi voluptatis hætenus expertus fui? Plutarchus in Reg. & imp. apoph.

*Idem.*

Artaxerxi iam siti deficienti, Peribarzanes Eunuchus, quum aliud non liceret, à rustico quopiam sordidum utrem detulit, putris aque cotilas octo continentem, eam aquam cum rex ebibisset, se nunquam vinum potasse iucundius, nec ullam aquam quamuis purissimam sibi visam suauiore, confessus est. Eras. lib. 5. apoph.

*Lyfimachus.*

Lyfimachus superatus à Dromiche in Thracia, quum seipsum totumque exercitum propter sitim tradidisset. Postquam captiuus bibisset: O dij, inquit, quam parum voluptatis causa me ipsum ex rege seruum effeci. Brus. lib. 7. cap. 6. ex Plut.

*Ptolemæus Legi F.*

Quum peragranti Ægyptum, comitibus non consequentis, cibarius in casa panis datus esset, negavit ullum cibum unquam sibi visum suauiorē. Aderat enim optimum cōdimentum; fames.



fames. Erasmi lib. 6. apoph. Cicer. lib. 5. Tusc. quæst.

*Syratonicus.*

Ad quietem iturus, assidue iubeat puerum sibi infundere vinum: Non quod sitiam, inquit, sed ne sitiam. Athenæus.

*C. Marius.*

Quum castra metatus esset aduersus Teutonas, in loco qui minimum habebat aquæ, militibus dicentibus se sitire, ostendit illis flumen proximè hostium vallum lambens, Illinc inquit, nobis porus sanguine venalis est. At illi iusserunt, ut se quod vellet duceret, donec liquidum haberent sanguinem, nec totus adhuc præ siti diriguisset. Plur. in Rom. apoph.

*M. Cato.*

In oratione quam habuit ad populum tumultuantem de frumento diuidendo, ait. Perdifficile esse, ad carentem, auribus ventrem verba facere. Venter quippe cibi audis, præcepta non audit. Plur. in Catone.

*Julius Cæsar.*

Dicere solitus est, sibi idem esse consilium aduersus hostem, quod plebisque medicis contra morbos corporum, fame potius, quam ferro superandi. Nam medici non nisi tentatis omnibus, ad sectionem descendunt. Hic mos & hodie manet apud Italos: aduersus omne morbi genus iudicant in ediam. Huic simile est, quod dicere solebat Domitius Corbulo, hostes dolabra, id est, sensim esse vincendum. Securis statim incidit, dolabra paulatim idem efficit. Erasmi lib. 4. apoph.

*Alphonfus.*

Videns rusticum quandam humi prostratum vvas comedentem auidè, ad suos conuersus: Vtinam mihi, inquit, isto otio comedere Dij dedissent. Panormi. libro. 2. de rebus gestis Alphonfi.

## De familiaritate.

*Lacides.*

**A**ccersitus ab Attaloro rege, respondit, imagines eminus esse spectandas. Innuens, arctam assiduamque familiaritatem sæpe minuire virtutis admirationem. Laert. lib. 4. c. 8.

*Cato Vicensis.*

Munatio quærenti, quod in Cypri Catonem adiens, parum civiliter repulsus esset, quum nihil esset negotii, sed intus cum Canidio fabularetur, sic se purgavit Cato, ut diceret, Seuereri, ne iuxta Theophrasti sententiam, nimia amicitia causam aliquando daret odio. Erasmi lib. 5. apoph.

## De fastu.

*Diogenes.*

**F**astus (inquit) tanquam pastor quoquo libet vulgus hominum ducit. Stob. ser. 22.

*Antisthenes.*

Inuisens Platonem aduersa valetudine laborantem, ac visa pelui in qua vomuerat: Bilem, inquit, Platonis video, fastum non video. Solebat enim quemadmodum Diogenes, Platonis arrogantiam notare. Itaque quum in pompa quadam equestri, quidam equus crebro hinnitu ferociamque spiritus excelsos testaretur, eoque vehementer à Platone laudaretur, versus ad Platonem: Videris, inquit, & tu bonus equus futurus. Laert. l. 6. c. 1.

*Plato.*

\* Dicebat, sicut aerem ex vtribus quippiam infusuri exigunt: sic exhauriendam ex animis iuuenum falsam opinionem & fastum. secus enim fasti turgent, nihil boni aut solidi admittunt. Stob.

*Demetrius Phalereus.*

Hominum fastuosorum sublimitatè dicebat

dicebat ampurandam, & relinquendā sobrietatem. Talia enim ingenia non sunt desperanda, sed quod redundat, recidendum est. Laert. l. 5. c. 5.

*Vide apoph. de Arrogantia & Superbia.*

## De fato.

*Thales.*

**I**nterrogatus, quid in totā rerum natura esset robustissimum? respondit, Fatum cuncta enim superat. Laertius lib. 1. cap. 1.

*Solon.*

\* Dicebat, statum mortalibus adducere mortalibus mala simul & bona. Stob. ferm. 9. Sacra autem philosophia asserit, mala ex peccato, bona ex Dei gratia oriri.

*T. Vespasianus.*

Quum à duobus clarissimi ordinis esset in ipsum coniuratum, ac facinus eò processisset, ut iam inficiari non possent, deduxit illos in spectaculum, atque inter illos medius confedit, ac petitis de industria mirmillonum gladiis, velut exploraturus aciem, vnum vni, & alterum alteri commisit, tanquam provocans ad id quod moliebatur. Illis autem percussis, & animi presentiam admirantibus, Viderisne, inquit, principatum fato dari, frustra que tentari facinus poriundi spe, vel amittendi metu? Eras. lib. 8. apoph.

*Asclepiario.*

Asclepiario mathematicus à Domitiano imperatore interrogatus, quis exitus vitæ ipsum expectaret? firmavit, fore ut brevi laceraretur à canib. Domitianus igitur è vestigio interfici illum imperat, atque accuratissime sepeliri, ad artis derisionem. Sed repentina tempestate deiecto funere, semivivum cadauer canes discerperunt. Bras. lib. 2. cap. 38.

*Cosmus Flor. dux.*

Alphonso Arragonum regi malè pacatus, vir, alioqui magnus & illustris, cum Alphonso dono mitteret Titi Liuij libros utique præclaros, reclamatum est à medicis, qui aderant, ne per immortales deos librum attraheret, ab hoste missum, veneni suspectum. Rex prima facie visus est medicis assentiri, illis animò illudens. Nam cum Liuius in medio constitutus esset, illum manibus accepit legit & euoluit. Subinde medicos, qui continuè aduersarentur, rogans, ut desinerent ineptire. Regum quidem animas non priuatorum libidini subiectas esse, sed sub Dei cura & tutela, sacras lætāsque agere, inquires. Panormit. lib. 1. de rebus gestis Alphonfi.

## De fauore.

*Oromes.*

**A**rtaxerxis regis gener, quum ab irato rege reiectus, & condemnatus esset: Quemadmodum, inquit, supputatorum digiti nunc infinitum numerum, nunc vnum tantum possunt ponere: sic regum amici nunc quiduis pollent, nunc quàm minimum. Olim digitis subducebatur ratio quemadmodum nunc calculis. Plutarch. in apoph. Regum.

*Solon.*

Suprà titulo de Amicitia regum & principum.

*Julius Caesar.*

Postquam Publius Mimus in scena superasset omnes, & in his Laberium, ita pronuntiavit: Fauente tibi Cæsare victus es Laberi à Syro. Publius enim conditione seruus, natione Syrus erat. Longè à tergo relinquitur, qui fauente iudice superatur. Eras. lib. apoph.

## De fauore, arte &amp; largitionibus captato.

*Dionysius iunior.*

**S**E multos quidem alere liberalium artium doctores dicebat, non quod illos admiraretur, sed quia per illos ipse aliis admirationi esse vellet. Sciebat, populum, de illis, tanquam de viris ornatis, magnifice sentire, & hac persuasione callide abutebatur ad conciliandum sibi multitudinis fauorem. Simili arte hodie fortassis principes quidam alunt in palatiis suis viros eruditionis & sanctitatis opinione venerabiles, ut populus arbitretur horum consiliis geri pleraque. Eras. l. 5. apoph. ex reg. & imp. apoph.

*Darius.*

Suprà de Clementia, & infra de regno virtute stabiliendo.

*Philippus.*

Alexander Magnus cum fauorem suorum ciuium sibi conciliare cuperet, largitionibus eos corrupit. Verum cum hæc fama ad Philippum parentem delata esset, filium illico accersit, & grauiter his verbis obiurgauit: Quare, malum, & fili, ratio in istam spem induxit, ut eos putes tibi fauere, quos pecunia tibi deuinxisti? Plut. in apoph.

*Glaucia & Libo.*

Celebratur Glauciae dictum in Metellum, Villam habes in Tiburte, cortem in palatio. At cors villæ solere esse contigua. Notauit autem illum, quod multos sibi cibo largitionibusque deuinceret. Idem aliis verbis Libo obiecit Galbæ. In corte aluntur animalia domestica. Eras. lib. 6. apoph.

*Anonymus.*

Quidam dixit, eum qui primus populo Romano dedit epulum & congiarium, exitij causam illi fuisse. Vnde Cæsar Augustus cogitauit aliquando

de tollendis huiusmodi largitionibus. Infincerus fauor est, qui donis emitur: quæ si minuas, ingens murmur? si tollas, seditio grauis oritur. Eras. l. 6. apoph.

*Consule apoph. de Benignitate, & Beneuolentia, Humanitate, &c.*

## De feriis &amp; diebus festis.

*Diogenes.*

**L**acedæmone peregrinum quendam conspiciens sese studiose ad festum diem componentem: Quid facis, inquit? An non quilibet dies viro bono festus est? Sensit, hunc mundum esse phanum Deo dignum, in quo constitutus homo semper honestè, velut in conspectu numinis omnia cernentis, versari deberet. Detorsit huc prouerbium quo dicitur, Pigris semper esse festum. Laert. l. 6.

*Antifibenes.*

Interrogatus, quid esset dies festus? Gulæ irritamentum, & luxuriæ occasionem esse dixit. Stob. & Max. ser. 27. Ant. in Melissa, part. 1. ser. 39.

## De fide seruanda.

*Anaxarchus.*

**C**um à Nicocreonte grauiter torqueretur, ut conscios proderet, post multa in tyrannum conuitia linguam sibi ipsi dentibus abscidit, comaducatam in tyranni faciem expuit, his prius verbis emissis: Non erit hæc corporis pars tuæ ditionis. Volo ut constantissimus, potius sibi ipsi amputare linguam, & perire penitus, quam non seruare silentij fidem. Laert. lib. 9. capite 10.

*Zeno Eleates.*

Accusatus quod in perniciem Nearchi tyranni coniurasset, ductus ad tormenta ut coniuratos proderet, indicauit eos qui tyranno omnium amicissimi

mi erant, neglectis consiliis: qui postquam pœnas dedissent, interrogatus à tyranno, num quis præterea occidendus superesset? Tu solus, inquit, Reip. pernicies superes, quibus dictis, dentibus linguam abscondit, & in tyranni faciem expuit. Maluit enim mori quàm indicare eos qui occiso tyranno salutem cuperent esse rempublicam. Laer. lib. 9. cap. 5.

*Emyrcasidas.*

Percontanti cur Euphori per singulos dies de conuentis & contractibus ius dicerent? Vt inter hostes etiam, inquit, mutuat fidem inueniamus. Maiore Reipublicæ discrimine pacta violentur in bellis: sed illic quoque violentur ab his, qui domi consueuerint fallere. Plut. in Lacon. apoph.

*Alexander.*

Quidam cum rupem teneret inexpugnabilem, ut putabatur, semet Alexandro dedit: at Alexander non solum eius ditionis principem esse iussit, verum etiam addidit, dicens: Hic homo mihi videtur sapere, qui se maluit bono viro, quàm loco munito credere. Ex sic fidem hosti sanctissimè seruare voluit. Plut. in apoph.

*Hanno & Ro. Coff.*

Amissa nauium classe prope Siciliam insulam omnium fertilissimam, Carthaginenses de pace cum Romanis incunda consultabant. Hamilcar cum negaret se iturum esse ad consules Romanos, timens ne idem accideret ipsi à populo Romano, quod Pœni fecerant Cornelio Africæ consuli Romano (qui contra ius gentium catenis vincitus est) Hanno fidem Romanorum considerans, profectus est in urbem ut pacem impetraret, qui dum liberius legationis suæ rationes exposuisset, à tribuno audiuit: illi posse accidere, quod accidisset Cornelio consuli. Verum cum vterque consul tribunal

compescuisset, responderunt: isto metu Hanno te fides nostræ ciuitatis liberat. Eras. l. 6. apoph.

*Fabricius.*

Pugnaturus contra Pyrrhum regem, à medico regis epistolam accipit, qua promittebat se regem veneno necaturum esse, si iuberet. Verum eam epistolam misit Fabricius ad hostem crudelissimum, & admonuit ut sibi caueret ab insidiis potius amicorum quàm hostium. Quis non admiraretur Fabricij erga hostem immanissimum fidem, quem amicum monuit ut ruit periculum euitaret? Secus faciunt hodie duces, qui clam insidias hostibus struunt, contra iustitiam, fidem & omnem æquitatem, ut victores etiam ex coempta victoria domum gloriabundi redeant. Valerius Maximus.

*Cicero.*

Dicente illi Metello, plures testimonio peremisti, quàm patrocinio seruasti: Nempe, inquit Cicero, plus est mihi fidei quàm eloquentiæ. Plutarch.

*Pontius Centurio.*

Captus à Pompeij socero Scipione, cum isto modo ei salus daretur, si se futurum Cn. Pompeij militem affirmasset, ita respondit: Tibi quidem Scipio gratias ago, sed mihi iniusta conditione vitæ non est opus. Maluit autem Pontius mori, quàm fidem Cæsari datam frangere. Brut. lib. 2. cap. 35.

*Alphonsus.*

Sæpenumero dicere solitus est: Tantum valere ad fidem debere principum verbum simplex, quantum priuatorum hominum iniurandum. Turpissimum enim est fidem fallere, in regibus vero longè turpius. Pan. lib. 1. de Alphonsi reb. gest.



## De fiducia sui.

*Themistocles.*

**C**Um Eurybiades baculum sustulisset in Themistoclem obstrepentem: Percute, inquit, sed tamen audi. Præsens animus, & suo fidens consilio. Plut. in Græc. apoph.

*Epaminondas.*

Postquam Alexandrum Pheræorum tyrannum Thebanis insensum, Athenienses sibi fecissent amicum ac socium, isque polliceretur illis, se perfecturum ut minam carniū emerent semiobolo: videlicet significans, se immensum numerum pecudum ac iumentorum adducturum ē præda: Epaminondas, At, nos, inquit, Atheniensibus ad coquendas istas carnes ligna gratis suppeditabimus. Nam sylvas ipsorum succidemus, si se plus satis admisceant nostris negotiis. Plut. in apoph.

*Xerxes.*

Cum importarentur ad eum Articæ eariz venales, negavit se illas esurum, donec regione potius esset, quæ illas ferrer. Tam ingens erat excelsi pectoris fiducia. Plut. in apoph.

*Fabricius.*

Pyrro hortanti ut apud se ageret, imperij socius futurus: Ne tibi quidem illuc expedierit, inquit. Nam si Epirotæ nostrum utrunque pernorint, mihi regi quàm tibi parere mallerent. Plut. in apoph.

*Scipio maior.*

Cum obsideret oppidum humili loco situm, prominente illinc Veneris templo, iussit illuc profiteri vadimonia, tanquam tertio post die ius ibi redditurus. Et quod se facturum prædixit, fecit urbe captâ, tanta erat fiducia victoriz. Plut. in apoph.

*Sylla.*

Cum ad sociale bellum magnis eum copiis missus esset circa Limernam, ē

vaslo terræ hiatu magnus ignis emicuit, cuius flamma ad cælum perueniens constitit. Id vates interpretati sunt, quod vir bonus, aspectu eximius & admirandus principatum adeptus, presentibus turbis civitatem liberaturus esset. Hoc audito Sylla, ille, inquit, ego sum. Nam illi erat peculiare, comam habere auream, ignisque concolorem: nec se ait suæ virtutis pudere, qui restam multas, tamq; præclaras gessisset. Plut. in Sylla.

*Idem.*

Cum Athenienses ad eum duos tresve misissent de pace acturos, atque illi nihil adferrent quod ad incolumitatem civitatis faceret, sed Thescum, Eumolpum, & res adversus Medos gestas verbis inanibus iactarent: Abite inquit, ô beati, istasq; orationes vobiscum referte, non enim discendi cupidus huc missus sum à populo Romano sed ut rebelles subvertam. Plu. in Syl.

*M. Crassus, & Parth. legati.*

Cum Parthi denuntiassent Crasso per legatos, ut suæ ætati consulens, à bello abstineret, iam sexagenarius, respondit: In Seleucia istis mandatis responsum dabimus. Hic Agidis legatorum ynus, sublata manu mediam palmam ostendens: Prius, inquit, in hæc manu nascentur setæ, quàm tibi Seleuciam conspiciendi sit futura potestas. Plut. in Cras.

*Inl. Cesar.*

Cum Romæ maximi pontificis dignitatem ambiret, competitore Q. Catulo, primæ apud Romanos dignitatis ac potentiz viro, matri ipsum ad fores deducendi: Hodie, inquit, ô mater, aut pontificem maximum habebis filium, aut exulem. Excelsa indoles, omnisque repulsæ impatiens. Plut. in Roman. apoph.

*Pompeius.*

Quibuldam se videre negantibus quô-

quomodo posset Cæsaris impetum sustinere, hilari vultu versus illos hac de re esse sollicitos. Nam simulac, inquit, solum lealix pede puluauero, exilient affatim equestres pedestresque copie. Præsens quidem animus, si fortuna respondisset. Plur.

*Anonymus.*

Maximus quum nimium fideret corporis viribus, quidam in theatro ipso præsentē Græcos versus recitauit, quorum hæc est sententia:

*Elephas grandis est, & occiditur.*

*Leo fortis est, & occiditur.*

*Tigris fortis est, & occiditur.*

*Cave multos, si singulos non times.*

Qui ab vno non potest occidi, à multis occiditur. Capitolinus.

## De fiducia artis.

*Antigenidas.*

Cum scire canens populo minus probaretur: Mihi, inquit, cano & Musis. admonens, proflus esse cōtemnendum imperitæ multitudinis iudicium, quum artis abunde magnum premium sit ipsa conscientia. Eras. lib. 6. apoph.

*Anacharsis.*

Cum ex patria Athenas idēd profectus esset, ut apud Solonem philosophiæ studiis animum excoleret: reuersus in patriam, leges Scytharum iuxta consuetudines Græcorum formare voluit, ob quam causam à fratre in Venatione occisus est. Verum cum iam moreretur, in hæc verba prorupit: Ego ob eruditionem meam incolumis è Græcia dimissus sum, & nunc per inuidiam, in propria mea patria trucidor miser. Laert. lib. 1. ca. 9.

*Enripides.*

Quum populus Atheniensis tumultuaretur, offensus sententia quadam in illius tragœdia, quæ tum agebatur

& authorem efflagitaret ut eam mutaret, progressus in scenam dixit, Se ut populum doceret, non ut ab eo disceret, fabulas solere componere. Eruditio sibi conscia contempsit multitudinis iudicium. Eras. lib. 6. apoph.

*Idem.*

Apud Alcestidem tragœdiarū scriptorem aliquando questus est, quod summo tradui labore adnixus, nō potuisset nisi tres versus absolvere. Contrā Alcestidi gloriāti, quod ipse perscile centum absoluisset vno die: At tui, inquit, ad triduum modō mei in omne æuum duraturi sunt. Eras. lib. 6. apoph.

*Collige quædam huc spectantia, de Eruditionis fructu.*

## De fiducia & abusu Potestatis.

*Dionysius.*

Cum obiurgaret filium, quod ciuiscuiusdam Syracusani vxorem stuprasset, cum hoc tam indignum facinus à parente suo nunquam vel vidisset, vel audiuisset etiam ab alijs: respondit filius: Verum est pater, hoc abs te nunquam audiui: sed id accidit, quod nunquam patrem regem habuisti. Ad quem pater: Nec tu quidem mi fili, nisi hæc facere desinas, vnquam habebis filium regem. Quod mox contigit. Nam cum Dionysio seniori filius successisset, haud multo post ob indigna facinora Syracusis pulsus est. Fulgosus lib. 7. cap. 2.

*Antoninus imp.*

Cum pecuniam multam partim à plebe, partim etiam à senatoribus minis atque vi extortam profudisset, obiurgatus à matre, quæ aliquam pecuniarum partem in alium vsum conferre conabatur: Desine, inquit, sollicita esse de pecunia, & ostendens gladium nudatū: Quandiu hunc habebimus, nihil decrit

deceat nobis. Pretus enim sua potentia, nihil in toto imperio esse sibi ipsi persuadebat, quodd armata manu rapere non posset. Dion Nicæus, & Xiphilinus in Ant.

*Idem.*

Idem quum propter nefaria quoddam facinora se à senatu contemni animaduerteter: Certò, inquit, scio vos rebus à me gestis minime contemnos fore: propterea in armis sum, habeoque apud me milites, ut possim rumores, qui sparguntur de me, contempere. Dion. & Xiphilinus.

*De senatus fiducia, vide apophtheg. de Senectute.*

### De fiducia meritum.

*Socrates.*

**Q**uam iudices inter se discreparent, qua pena dignus esset Socrates: Ego, inquit, ob ea quæ feci dignum me cenfeo, qui ex publico alar in Prytaneo. Nam hoc honoris habere solebant, qui præclarè de Republica fuissent meriti. Cic. lib. i. de Oratore.

*Epaminondas.*

Quum Lacedæmone reuersus, cum suis comillitionibus capitis postularetur, quodd præter legem Bæoticæ præfecturæ menses quatuor addidisset, iussit, ut duces in ipsum reiicerent crimen, tanquam vi compulsi. Ipse autem pro se dixit, non habere se sermones factis meliores. Sentiens, ipsas res gestas reo patto cinari debere. Quod si, inquit, omnino aliquid dicendum est apud iudices, peto ut cum me occiderint, columnæ damnationis titulum ascribant, quo Græci videant, quodd Epaminondas Thebanos nolentes coegerit, Laconicæ, quæ per quingentos annos capi non poterat ac Messenam incoluerat, annis 230. igni

ferroque populari: tum Arcades inter se conciliare resque illorum componere: denique Græcos libertati restituere: Hæc enim omnia sub ipso gesta erant. His auditis, discesserunt iudices, & calculos de illo ferre non potuerunt. Plut. in apoph.

*Scipio maior.*

Scipio Senatus decreuerat, ut pecunias sumeret ex arario, at quum quæstores ararij negarent se eo die aperturos, ipse (inquit Scipio) aperiam, quando mea causa clauditur, qui tanta pecuniarum vi repleuerim ararium. Vacua non clauduntur, ideo Scipio per iocum dicebat, sibi hoc laboris suscipiendum, ut aperirer, qui fuisset in causa ut tam diligenter clauderetur, ut quæstores diei spatium quærent ad recludendum. Exemplum ingentis fiducia meritis quæsitæ. Plut. in apoph.

*Idem.*

Quum à Petilio & Quinto tribuno pleb. multis nominibus accusaretur apud populum Romanum, nihil ad crimina respondit. tantum hoc dixit: Hæc die Quirites Hannibalem & Carthaginem deuici, proinde ascendendo in Capitolium loci opt. max. sacrificaturus. Si quis de me suffragium ferre velit, ferat. Hæc loquutus, ascendebat ad Capitolium, relictis accusatoribus, nondum perorata causa. Tantum vallet egregiorum in rempublicam meritum fiducia, ut repente iudicii vigor versus sit in orationem, & reus pro supplice egerit triumphantem. Plut. in apophth. & Plin. iunior de Viris illustribus.

### De filiis, siue liberis.

*Agessilaus.*

**C**um miro esset affectu erga liberos suos, dicitur aliquando arundine pro equo consensa, unâ cum pueris

pateris iussisse domi. Id ex amicis illius quodam vidente, rogauit, ne cui hoc quod viderat diceret, priusquam ipse quoque liberorum parens factus esset. Festiue subindicans, eum iusum nequaquam leuitatis, sed amoris fuisse. Plur. in Lacon. apoph.

*Cræsus.*

Quæ Cambyses se cum patre Cyro conferret, amicis illum patre præstantiorem affirmantibus: Cræsus respondit, illum nondum patri æquandum, qui nondum reliquisset filium. Sentiens, & hoc esse non infimum erga rem publicam meritum, si non solum ipse te præstiteris egregium virum, sed aliquem tui similem gignas, educésque patriæ. Eras. lib. 6. apoph.

*Cæsar.*

Quum Romæ videret peregrinos quosdam locupletes, canum ac simiarum catulos in gremio circumferentes, eosque habere in deliciis, percontatus est. Num apud illos feminæ parerent liberos. Sentiens, nullos catulos esse iucundiores infantibus. Plutarch. in vita Periclis, tametsi non indicat, cuius Cæsaris hoc dictum sit: suspicor esse Augusti.

*Antonius Pius.*

Biduo priusquam moreretur, admisit amicis, aperuit sententiam suam de filio, eandem quam Philippus de Alexandro, dicens: Se æquo animo mori, cum filium relinqueret. Capitulinus.

## De filiorum pietate in parentes.

*Thales.*

Filios subinde admonebar, ut parentibus bene faceret, his verbis: Quale præmium rependeris parentibus tuis, tale à liberis tuis expectato. Laert. lib. 1. cap. 1.

*Pittacus.*

Filium admonens, ne cum patre in iudicio litigaret, his verbis usus est, Si patre iniquiora dixeris: damnaberis: sin æquiora, vel ob istud damnari dignus es. Stob. ser. 177.

*Telecrus.*

Cuidam nuntiant, patrem de te malè loqui: Nisi inquit, illi dicendum esset, haudquaquam diceret, Maluit in se transferre culpam, quam committere ut pater quicquam temerè loqui videretur. Habes & pietatis simul & modestiæ exemplum. Plutarchus in Lacon.

*Idem.*

Percontanti quare mos esset apud Spartanos, ut iuuenes assurgant senioribus: Ut, inquit, assueti honorem habere nulla propinquitat iunctis, magis honorent parentes. Optima ratio consuefaciendi ad debitum officium, si ultra quam debetur doceamur præstandum. Veluti si quis assuescat cum vxore verè castèque conuiuere, multò minus improbus erit apud alienas. Plut. in Lacon.

*Agis.*

Agidem vltimum regem Laconum huius nominis, cum rogassent parentes, ut sibi in re quapiam iniuste adesset, recusauit illis aliquandiu. Verum cum instarent, hunc in modum respondit: Donec esse apud vos, nullam omnino tenebam iustitiæ scientiam. Verum ubi me patriæ tradidistis, patriæque legibus, conabor huic magis obtemperare quam vobis. Plut. in Lacon. apoph.

*Scythæ.*

Dario totius regni viribus subinde impetum faciente. Scythæ paulatim cedentes, ad vltimas solitudines peruenierant. Interrogati tandem ab eo, quem fugiendi finem essent facturi? responderunt se nec ægros, nec villas,

R

nec



nec vrbes, pro quibus dimicarent, habere: ceterum cum ad parentum suorum monumenta peruentum esset, tum denique sciturum Darium, quomodo Scythæ solerent præliari. Eras. 6. apoph.

*Alexander.*

Cum sibi multa de matre scripsisset Antipater: Ignorat, inquit, Antipater matris vnicam lachrymam multarum calumniarum epistolas delaturum esse. Plut.

*Demetrius Phalereus.*

Admonebat adolescentes, ut in solitudine seipsos, in via obuios, & domiparentes diligenter reuererentur. Laert. lib. 5. cap. 5.

*Epaminondas.*

Ex omnibus quæ præclarè & honestè gessisset in vita illud sibi dicebat esse iucundissimum, quod utroque parente viuo Leuctrica pugna vicisset Lacedæmonios. Vir pius non tam sibi gratulatus est eam obtigisse gloriam, quam hanc voluptatem ex se contigisse his, quibus vitam suam acceptam ferebat. Plut. in apoph.

*M. Cato.*

Adolescens quidam patris vita defuncti, inimicum mox in ius vocauit, ultusque est. quem Cato obuium comiter amplexus, Sic oportet, inquit, non agnis hædisve, sed è malorum lachrymis ac damnationibus parentum exequias celebrare. Eras. l. 5. apoph.

*Coriolanus.*

Cum meritis iratus ingrato populo Romano, exitium vrbi moliretur, nec à legatis, nec à sacerdotibus exorari posset: Veturia mater vnà cum vxore filij ac liberis in castra venit. In cuius complexum quum accederet Coriolanus: Sine, inquit illa, prius sciam, vtrum ad hostem an ad filium venerim, & vtrum captiuus an mater in castris tuis sim. Hæc aliæque quum dixisset,

matrem complexus: Expugnasti, inquit, & vicisti iram meam. Patria te, quamuis mihi merito inuisam, huius precibus dono. Liuius.

*Anton. Geta.*

Quum Antonini Getae pater Seuerus destinasset omnes diuersarum partium occidere, inter suos dicere solitus est: Hostes vobis eripio aded consentiente Bassiano, ut liberos etiam illorum suaderet necari, Geta puer interrogauit, quantus esset occidendorum numerus? eum quum pater edidisset, rogauit, num isti haberent parentes ac propinquos? quum responsum esset, Habere, & quidem multos plures ergo, inquit, in ciuitate tristes futuri sunt, quam læti, quod vicimus. Valuisset cordatum pueri dictum, nisi quorundam crudelitas obstinisset. Aelius Spart.

## De filiorum impietate in parentes.

*Solon.*

Interrogatus, cur nullas leges aduersus eos qui parentes verberassent constituisset: Quod nullos, inquit, tales existuros existimabam. Anton. in Melissa, parte 2. ser. 11. Max. serm. 23.

*Diogenes.*

Ad eum qui patrem despiciebat: Non te pudet, inquit, eum contemnere, cui debes hoc ipsum quod tibi placeat? Digni gratia sita est in allusione contrariorum. Pugnant inter sese despectui esse, & sibi placere. Laert. l. 6.

*Plato.*

Videns quendam erga patrem suum fastuosius agere: Non desines, inquit, adolescens illum contemnere, cuius gratia altum sapere vis? Stob. serm. 77. & Max. ser. 33.

De filiorum abdicatione.

*Aristippus.*

**I**ncusante quodam, quodd filium sic abiiceret, negligeretque, quasi ex ipso natus non esset: An non, inquit, & pituitam & pediculos è nobis natos, velut inutiles, procul à nobis abiicimus? Sensit, eos non habendos pro filiis, qui nihil haberent aliocui, quo se parentum affectui commendent, nisi quodd ab ipsis progeniti sint. Ita senex in comœdia: Tantisper te volo meum, dum id quod te dignum est, facis. *Laert. lib. 2.*

*Anonyma.*

Lacæna quædam, filium qui profectus in militiam, in acie loco fugerat nõ tantum vt ignauum & inobedientem abdicauit, sed occidit penitus. De qua hoc extat apud Plur. in Lacænarum apophth. epigramma.

*Germi iners abeas ad tartara, teque perofus.*

*Eurotus, cernis nec des aquam timidus.*

*Ignauus casulus, mala fors, hinc vade laborum.*

*I Sparta indignus, quem nec ego peperì.*

*Damastria.*

Cum filium haberet, qui se in bello non strenuè gessisset, domum redeuntem non abdicauit tantum, sed occidit etiam: dicens, Nequaquam conuenire, vt ex fortissimis parentibus natus filius, ignauus superstes esset. Plur. in Lacænarum apoph.

*Teleutia.*

Quum Chij exules venissent Spartam, quàm plurimi multis nominibus inculabant Pædaretum. Eos mater Teleutia ad se accersit. ex his vbi cognouisset, quæ filio obiicerent, videturque filius in culpa esse, scripsit illi in hunc modum: Mater Pædaro. Aut melius viue, aut illic mane. Virago mortem minata est filio, ni mores

corrigeret suos. Plutarchus in apoph. Lacænarum.

*Alexander.*

Reprehensus ab vxore, quodd filium inutilem abdicasset, diceretque ex eo esse, cum expuisset in terram, Et hoc, inquit, ex me est, at non vtile. *Max. serm. 23.*

*Augustus Cæsar.*

Iuliam filiam ac neptem relegerat: deinde Agrippam, prius adoptatum, post ob sordidum ac ferox ingenium abdicatum. Ad omnem horum mentionem solebat exclamare versu Homérico:

*αἶψ' ἔπειλον ὕμῃσιν τὴν πόλιν, ἄγχιος τ'*

*ἑπὶ λείδου, id est,*

*O Vtinam caelebs vixissem orbisq; perissem.*

Nec aliter illos appellabat, quàm tres vomicas, seu tria carcinomata sua. Suorum enim mortem leuius ferebat, quàm dedecora. Quin & testamento cauit, ne si quid accidisset Iulix filix & nepti, sepulchro suo inferrentur. *Erasm. lib. 4. apophthegm. ex Suetonij Augusto.*

De fine vbique spectando.

*Agessilaus.*

**A**Vdiens quendam Persarum regis adhuc iuuenis admirari felicitatem, respondit: Nondum vitæ finis adest, vir optime. Nam ne Priamus quidem quum eius esset ætatis erat infelix, qui tamen miserè iam senex in Troiano incendio extremum clausit diem. Plur. in apoph.

*Epaminondas.*

Interrogatus, quem arbitraretur ducem præstantissimum: seipsûmne, an Chabriam, an Iphicratem? Id inquit, iudicatu perdifficile est, donec viuimus. Alludit ad Solonis dictum,

qui finem hominis ubique spectabat. Quam diu enim viuit homo, potest ad meliora proficere, & ad deteriora degenerare. Plur. in apoph.

*Fridericus Imperas.*

Percontatus aliquando quid homini optimum possit contingere? respondit, Bonus in hac vita exitus. Aeneas Syluius lib. 4. commentariorum in Alphonfres gestas.

### De foelicitate.

*Thales.*

**C** Vidam quærenti quis esset foelix? Qui corpore, inquit, sanus est, animo eruditus, siue castigatus. Cupiditates enim animorum morbi sunt. Laert. lib. 1. cap. 1.

*Anaxagoras.*

Ab homine quodam malè sano interrogatus, quinam foelices essent? respondit, Nemo sanè ex iis quos tu foelices existimas, sed is quem tu miserū credis. Val. Max. lib. 7. cap. 2.

*Diogenes.*

Vnicam foelicitatem esse existimabat, qua fieret vt reuera lætemur, nec vnquam tristemur, quocunque in loco aut tempore. Stob. ser. 101.

*Idem.*

Veram foelicitatem esse dicebar, quæ faceret vt mens & anima in perpetua tranquillitate hilaritatēque collocentur. Stob. serm. 101.

*Ariston.*

\* Vt nihil iuuet (inquit) ægrum lectus quem pedes aurei fulciunt? sic neque stultum foelicitas externa. Stob. serm. 101.

*Democritus.*

Eum foelicem esse dicebar, qui cum exiguis pecuniis hilaris esset. Infelicem autem, qui inter magnas opes tristaretur. Stob. serm. 101.

*Socrates.*

Interrogatus quid esset foelicitas? Voluptas, dixit, quam pœnitudo nulla sequitur. Stob. 101.

*Idem.*

Interrogantibus quinam essent foelices? respondit: Illi qui mentem bonam & rationē possidēt. Stob. ser. eod.

*Idem.*

\* Polus quidam ab eo sciscitabatur, vtrum magnus Persarum rex foelix esset? Nescio inquit, an eruditione & iustitia sit instructus. In hoc enim hominis foelicitas consistit. Et miser homo est, si iniustus. Plato. in Gorgia.

*Plato.*

Rogatus à Cyrenensibus vt ipsis leges scriberet, ac Reipub. statum componeret, recusauit dicens. Perdifficile esse condere leges tam foelicibus: indicans, eos non faciliè parere salubribus monitis, qui successu rerum elati, sibi foelices viderentur. Laert. l. 3.

*Antisthenes.*

Rogatus quid esset mortalibus beatissimum? Foelicem, inquit, mori. Hæ sententia consensit cum illa Solonis: Qui foelicer absoluit vitam, huic nihil sinistri potest accidere, quod foelicitatem ægritudine aliqua contamineat. At quibus res sunt secundæ, ij nihil magis oprant quàm diurnam vitam. Laert. lib. 6. cap. 1.

*Solon.*

Cræsus Lydius rex omnium ditissimus, accitum ad se Solonem, in congressu rogauit, An quis esset se foelicior? Cui Solon, Tellum ciuem suum foeliciorem, qui filios habuerit probatissimos, & pro patria fortiter occubisset, dixit. Cræsus autem, putans Solonem omniū vrbaniū expertem, iterum contendit: Num post Tellum, alium beatiorē nosset? Cleobæ dixit, & Bitonem, Argiuos, qui mirifico inter se amore, tum summa in matrem obseruantia

seruantia se feliciores esse ostenderant. At Cæsus iratus, interrogauit etiam, an in beatorum numerum non meritò reponeretur? Solon respondit: Nondum te felicem prædicamus, adhuc es in fortunæ & affectuû potestate. Quam primùm autem mortuus fueris, tum demum videbimus quam felix fueris. Plut. in Solone.

*Demetrius Cynicus.*

Dicere solebat, nihil sibi videri infelicius eo, cui nihil in vita accidisset aduersi. Non licuit enim illi se experiri vt ex voto illi fluxerint omnia vt ante votum: male tamen de illo dii iudicauerunt. Indignusque visus est, à quo vinceretur aliquando fortuna quæ ignauissimum quemque refugit. Senec. li. quare bonis mala accidunt.

*Iamblichus.*

\* Felicem eum esse dicebat, qui Deo quatenus fieri potest, similis fuerit, perfectus, simplex, purus, & se paratus ab humana vita. Stob. ser. 101.

*Sylla.*

Sylla cognomento Felix, inter felicitates suas, duas præcipuas ducebat: alteram, quod Pium Metellum haberet amicum: alteram, quod urbem Athenarum nõ subuertisset. Plur. in Rom. apophr.

*Vide apoph. de Beatitudine vera, & Fortuna.*

## De fœnore.

*Pittacus.*

\* Quæsitum ubiq; lucrum inexplabile esse dicebat. Stob. ser. 10.

*Periander.*

\* Dicebat quæsitum turpem esse grauem thesaurum. Eod. ser.

*Socrates.*

\* Interrogatus, quinam auari esset? qui turpia venantur, inquit: & necessarios amicorum negligunt. Eod. ser.

*Polianus.*

\* Fœneratores pecunias habere & non habere dicebat. Nam dum omnia ad vsuram trahunt, nihil habent, & quod habent alius habet. Ibid.

*Vide apoph. de Avaritia, Iniustitia, Lucro & Vsura.*

## De forma & pulchritudine corporis.

*Bion.*

Formam dicebat esse bonum alienum. Sentiens, extra hominem esse, quod ipse sibi nec dare potest, nec tueri datum. Animi bona verè nostra sunt. Laetius. lib. 4. cap. 7.

*Zeno Cistiæus.*

Formam aiebat esse vocis florem: aut contrà, quemadmodum ab aliis refertur, Vocem esse formæ florem. Nam loquentis orationem commendat forma, & rursus oratio composita gratiam addit formæ. Laer. l. 7. c. 1.

*Idem.*

Dicenti formoso cuidam, non videri sibi amaturum sapientem: Nihil ait, vobis formosis est infelicius. Brufonius lib. 2. cap. 44.

*Socrates.*

Vocabat formam modici temporis tyrannidem. Brufon. l. 2. c. 44.

*Plato.*

Cùm exprimere tentaret, quidnam forma hominis esset? Naturæ priuilegium, vocauit. Brufon. l. 2. c. 44.

*Diogenes.*

Formosum adolescentem formæ causa amari conspicatus dixit: Quin operam das adolescens, vt corporis amatores ad animam transferas? Antonius in Melissa, serm. 60. par. 1. Hoc autem Stob. ad Æsopum refert.

*Idem.*

Conspecto adolescente mollius compto, dixit: Si viris quidem te ornas in-

R 3 felix



foelix es: siq mulieribus iniustus. Ant. in Melissa, part. 1. ser. 60.

*Idem.*

Speciosa scorta reginas appellabat, multos enim facere, quæ perceiverint. Stob. ser. 63.

*Aristoteles.*

Aristoteles cum adolescentem se comere vidisset: Non erubescis, quod cum natura te virum fecerit, tu ipsum effeminas? Ant. in Melissa. par. 1. ser. 69.

*Idem.*

Cum iuuenis quidam facie formosus; sed moribus petulans, inter alia cōiuria ei diceret: Si tam exosus essem ciuibus, ut tu es, laqueo vitam finirem, respondit: Ego verò laqueum mihi inferrem, si ita me ciues amarent ut te. Notauit autem adolescentis petulantiam Aristoteles, cui ostēdebat, quā turpiter ob tam insignē corporis formam à ciuibus adamaretur. Anton. in Melissa, par. 1. ser. 60.

*Idem.*

Percontanti qui fieret, ut cum formosis diutius ac lubentius confabulemur? respondit, eam percontationem esse cæci. Cæcus enim non sentit forme illecebram, nihilo magis quā corum gratiam. Laert. lib. 5. cap. 1.

*Idem.*

Pulchritudinem dicebat quauis epistola efficacior ad commendationem. Sunt qui hoc ascribant Diogeni. Aristotelem verò, forma solitum appellare donum, quia gratis contigit à natura. Eandem Socrates appellauit exigui temporis tyrannidem, quod formæ gratia mox deflorescat: Plato naturæ prærogatiuum, quod paucis contingat. Laert. l. 5. c. 1. Sto. ser. 63. Bru. lib. 2. cap. 44.

*Isocrates.*

Eos qui pulchrum habent corpus animam autem malam, dicebat, opti-

nam habere nauim, gubernatorem autem malum. Ant. in Melissa, part. 1. ser. 60.

*Agefilaur.*

Interrogatus cur aleret comam? Quoniam inter ornamenta, respondit, minimo constat. Stob. ser. 63.

*Carneades.*

Sciscitatus, quid forma hominis esset? Regnum sine satellitio, respondit: quoniam formosi impetrant quicquid volunt, nullam vi adhibita. Laert. Stob.

*Theophrastus.*

Pulchritudinem nihil aliud esse dicebat, quā tacitam deceptionem, aut silentem fraudem, quod absq; verbis persuadeat. Laert.

*Demosthenes.*

Æschinem & Philocratem, ex decē illis legatis haud postremi nominis, ab Atheniensibus ad Philippum Macedoniæ regem missis & formam Philippi regis plurimum laudantes irrisit Demosthenes, dicens, Quod in Philippo admodum formam laudatis, id habet cum aliis mulieribus commune. Sensit vir prudentissimus, regis boni virtutes nequaquam in forma corporis positas esse, sed in animo rectè composito. Plur.

*Æsopus.*

Æsopus ei qui corporis forma malè utebatur: Pulchra veste (inquit) indutus, malè eam exuis. Max. ser. 44.

*Idem.*

Idem cum per conuicium, facie deformi esse, ac turpi notaretur, ad eum à quo contemnebatur: Iniquus plane censor es, inquit, qui de forma mea pronuntiaturus, vultum damnas, animi autem speciem non intueris. Stob. Ant. & Max.

*Antisthenes.*

Quidam adolescens curarat sese ex ære sculpendum, & ad eam imaginem sese conformabat. Huic Antisthenes:

Si

Si æs posset vocem edere, qua de re potissimum gloriaretur? De pulchritudine, inquit adolescens. Non inquit, igitur erubescis, qui cū in animo gloriaris? Voluit autē significare, de forma non gloriandum esse, quæ facile varijs casib. ac morbis gratiam amittit. Lact. l. 6. c. 1.

*Theocritus.*

Theocritus cū diu multūmq; cogitasset, quo pacto ostendere hominibus posset quidnā pulchritudo corporisq; venustas esset: Demum eburneum detrimentum esse pronuntiavit: quod grata quidem sit aspectui, sed multorum incommodorū causa. Stobæus.

*Philopœmen.*

In Philopœmenem cum iocaretur Titus Flaminius, deformitati corporis eius illudens, decerētque vultu quam maximē iocoso & hilari: Quid hoc Philopœmen, cum pulchras manus, crura etiam perquā pulchra habear, quod ventrem ipso nō habeas? Ad ea Philopœmen: Quid, ò Romanorum imperator eximie, cum egregios pedites, strenuos maximē equites habear, quod pecuniam minimē habeas? Nam & Flaminius per sepe inopia rei pecuniariæ laborabat, quemadmodum Philopœmen tenuitate ventris, ac medijs corporis gracilitate. Pontanus ex Plutarcho.

*Domicus.*

Nec quicquam gratius hominib. esse dicebat, forma & decore: nec quicquam etiam brevius. Bruns. l. 2. c. 44.

*L. Crassus.*

Apud perpennam iudicem defendebat Aculeonem, quem accusabat L. Ælius Lamia, homo deformis. Is quum interpellaret odiosē: Audiamus, inquit, crassus pulchellum puerum. Huic dicto quum esset. arrisum: Ingenium, inquit Ælius, ipse mihi sin-

gere potui, formam non potui. Tum Crassus: Audiamus igitur, inquit, disertum. Multo arrisum est vehementius. Cic. l. 2. de Orat.

*M. Lælius.*

In Galbam oratorem eloquentia clarum, sed gibbo deformem, ita lussit M. Lælius, vt diceret, ingenium Galbæ malè habitare. Nam animi domicilium est corpus. Eras. l. 6. apoph.

*Cicero.*

Cicero cū Voconium fortè obitum haberet cum filiabus tribus. insigniter deformibus, tacitè ad amicos dixit versiculum Græcum,

*ἡσέο μοι ἡ ἰατρὸς ἰσπερ σίμω.*

id est.

*Phæbo aus sinente hic seminans liberos.*

Sentiens, illum inuito Appolline liberis operam dedisse: siue quod Appollo pulcher à poetis fingitur, siue quod oriente sole foetus existiment concipi feliciores. Plut. in Rom. apoph.

*Barth. Capranus.*

Bartholomæus Capranus, Mediolanensis ecclesiæ antistes, idcirco se ministros forma præstantes quæsisse dicebat: quoniam turpes animi torpia corpora incohererent. Improbiter autē in egregia forma petrarò compertam esse. Æneas Syl. lib. 2. comment. reb. gest. Alphonsi. constat tamen Aspasio Rauēnati, magistro epistolarum imperatori, Alexandri Mammeæ F. hoc etiam distichum adscribi.

*Vide apoph. de Corporis forma & pulchritudine.*

## De fortitudine domestica.

*Zeno.*

**A**ccusatus, quod coniurasset in perniciē Nearchi tyrāni, cū in eculeo iuberetur edere nomina coniuratorum, nominauit plerosque illi amicissimos. De his sumpto supplicio,

R 4

rogatus

rogatus à tyrāno, num quis superesset etiam: Tu solus, inquit, Reip. pernices. Tandem & linguam dentibus simplicatam in os tyranni, quod ob iracundiam hiabat, expuit. Laert. lib. 9. c. 5.

*Bion.*

Frequenter dicere solebat, Senum esse, valere prudentia: iuuenum verò, fortitudine. Laert. lib. 4. cap. 7.

*Coriscus.*

\* Ille admodum senex, cum à quodam gravi morbo conualuisset: Apage, inquit, quam inuitus reuersus sum, iam magnam partem itineris emensus, quod absoluerè omnino decet. Et sanè fortitudinis pars melior in moderato mortis contemptu consistit. Stob. serm. 7.

*Bias.*

Cresus rex cum contemptum atque minaciter Biantem alloquutus esset, hominem in aduersis rebus infractum, iussit eum cepas edere, fletum ciuilitè indicans, quandoquidem harum esus ciet lachrymas. Ad eò sapientes arbitrabantur nihil esse æquè regium, ac virtutem, cuius instituta per totam vitam fortiter atque infracto animo sequuntur, nec imperatis aliorum terrentur. Philo Iudæus lib. Quod omnis probus liber.

*Idem.*

Conseruis demisso vultu mœrentibus, eo quod iam à latronibus capti essent, animaduertens quendam aspectu plus satis effœminatū esse, accedens inquit: Tu me emitto, viro enim opus habere videris. Sic ille pufectus cauillo, quod non esse vanum erat sibi conscius, in turbam se abdidit: cæteris audacem coniectorem, sed veridicum stupentibus. Philo Iudæus eod. lib.

*Socrates.*

\* Interrogatus, quid esset fortitudo & robur, dixit, Notus animæ cum corpore. Stob. ser. 7. de fortitud.

*Democritus.*

\* Quid efficeret fortitudo, sciscitatus: dispendia minuit, inquit. Item, fortis est, non qui hostes modò superat, sed & qui voluptatibus superior existit. Nam licet aliqui ciuitatib. imperent, mulieribus seruiunt. Eod. ser.

*Theodorus Philos.*

\* Minabatur ei tyrannus mortem, & quidem insepultū. Habes, inquit Theodorus, cur tibi placeas: hemina sanguinis in tuo potestate est. nam quod ad sepulturam pertinet, & te ineptum, si putas interesse, supra terram an infra putrescam. Senec. l. de tranquill. animi.

*Plato.*

\* Interrogatus, quomodo affectum esse conueniat aduersas calamitates: ita (dixit) vt prouidens aliquis non incidat in eas: si tamen inciderit, condemnatione etiam sui non curet. Stobæus serm. 7.

*Aristoteles.*

\* Quid esset fortitudo, sciscitatus, Est (inquit) virtus animosi, per quam non facile mortis metus ingruit.

*Lacones.*

Apud Lacones erat orationis genus simplex & affectatum, nihil habens molle ac delicatum: nec in aliis versabatur argumentis, quàm vel in laudibus eorum qui fortiter ac generosè vitam exegissent, quique pro Sparta occubissent, & ob id ab omnibus vt beati celebrabantur: vel in vituperandis his qui metu periculorum nihilegregij gessissent, & qui ob ignauiam à morte cruciabilem infelicemq; vitam viuerent, vel in pollicitatione, per gloriæ studium accedente animos ad virtutem, ad cuiusque ætatem accommodatæ. Itaq; tres erant apud illos chori, iuxta triplex ætatum discrimen: quibus in festis simul constitutis, senum chorus incipiens canebat,

*Nos fuimus olim strenui iuuenuli.*

Secundus,

Secundus, in quo etiam viri robustæ ætatis, ita respondebat :

*At nos sumus : si vis, facito periculum.*

Porro tertius, qui erat puerorum, ita canebat :

*Præstantiores nos fusi olim sumus.*

Plut. in Lacon. apoph. & Lycurgo.

*Anonymus.*

Lacon quidam noctu præteriens monumentum, quò videret spectrum, accurrit lancea traiecturus, & in hoc nitens : Quò me fugis, inquit, bis moritura ? Plut. in Lacon.

*Cleomenes.*

Cùm sophistam quendam de fortitudine differentem non admodum attentis auribus audiret, & ob id à quodam reprehenderetur : Ineptum est, inquit, quenquam de fortitudine magnificis uti verbis, qui ipse nil fortiter gessit unquam. Plut. in Lacon.

*Alexander Macedo.*

\* In Illo sacra facienti Alexandro, sacerdos dixit, se ostensurum Paridis Lyram. at ille, Imò Achilles (ait) habes ostende, ac ante Lyram potius hastâ. Stob. serm. 7.

*Socrates.*

\* Morti adiudicatus, & proximus quidâ Apollodorus eum accedens, ait, At istud, ô Socrates, ægerrimè fero, quod te iniuste damnatû video. Tunc Socrates, An tu (respondit) malle me iuste quàm iniuste dânatum ? Simûlq; risisse dicitur. Cùm autê Anytum falsum testem prætereuntem videret, dixit, Vir ille triumphat, quasi facinus magnum & præclarum egerit, me ita occiso. Sed quàm stultus & improbus est ? ignoras enim vter nostrum in omne ævum utilior & melior extiterit. Xen. in Apol. pro Socrate.

*Agésilao.*

Fortitudinis in rebus aduersis insignem dedit specimen Conon & Pharnabazus per classem regiam mari potiti,

obsidebant maritimas Lacedæmoniorum regiones, quum interim Atheniensium ciuitas mœnibus esset cincta. Itaque Lacedæmonij Pharnabazo donante pecuniam, pacè ineunt cum rege : mittuntque ciuem Antalcidam ad Tiribazum, Græcos Asiaticos, pro quibus bellum gesserat Agésilao, tradentes regi. vnde euenit, vt huius ignominia portio recideret in Agésilao. Antalcidas enim inimicus erat Agésilao : idèd pacem quacunque occasione confecit, inuidens illius gloriæ, quum videbat bello crescere, redidique maximum, ac maximè celebrè. Nec tamen hæc infelicitas deiecit illius animum, quin etiam cuidam dicenti, quòd Lacedæmonij Medisfarent, ita respondit, imò Medi potius Laconissant : significans indolem suæ gentis corrupti fortuna non posse. Plut. in Lacon. apoph.

*Idem.*

Sciscitatus, vtra virtus esset præstâtior, fortitudo an iustitia ? grauitè respondit : Fortitudinis nullum esse vsum nisi ad sit iustitia. Quod si omnes essent iusti, nihil opus foret fortitudine. En animum summo dignum duce, qui nihil præter æquum iudicavit faciendum : rectèque perspexerit, plurimum interesse inter audaciam & fortitudinem. Plut. in apoph. Lacon.

*Zenxidamus.*

Suprà tit. de Disputationibus, aut quæstionibus friuolis, atq; inutilibus.

*Alexander Mammæ F.*

Cùm audisset Artaxerxem Persarum regem magno militem exercitu Romanum inuasurum imperium : Fortes, inquit, viros atque moderatos decet optima quidem optare, sed ferre etiam quæcunq; accidunt contra animi votum. Fortitudinis quippe est, rebus prosperis non extolli, infansis nequaquam deiici animo. Herodian. l. 6.

*Anaxar.*



*Anaxarchus.*

\* Dicente ei Alexandro, suspendam te: Minare his, inquit, è vulgo: mea autem nihil interest, super terramne, an infra computrescam. Stob. ser. 7.

*Idem.*

Alexandro mortuo, quum Anaxarchus tempestate esset delatus in Cyprum, Niocreon memor contumeliæ philosophum arreptum in mortarium coniecit, ac ferreis pistillis contundi iussit. Hic illam vulgò celebratam vocem emisit: *πῶς τὸν ἀναρχοῦ δεῖλαι: ἀρχαρχὸν δ' ἀρχήεις*, id est, Tunde Anaxarchi manticam, nam Anaxarchū non percutis. Sentiens, corpus non esse partem hominis, sed animi domicilium tantum. Animus autem non potest tundi. Laert. lib. 9. c. 10.

*Demetrius Cynicus.*

Graui calamitate affectus dixit, Hoc vnum dij immortales queri possum, quòd non antehac mihi voluntatem vestram notam fecistis. Prior enim ad ista venissem, ad quæ nunc vocatus adsum. Vultis liberos sumere? illos vobis sustulij, vultis aliquam corporis partem? sumite. Non magnam rem promitto: citò totum relinquam. Vultis spiritum? quidni? nullam moram faciam, quo minus recipiatis quod dedistis. A volente feretis, quicquid petieritis. Quid ergo est? Maluissem offerre quàm tradere. Vide reliqua apud Senec. lib. de providentia, seu quare bonis viris mala accidunt.

*Paulus Aemilius.*

Cn. Cornelius Lentulus in clade Cannensi tribunus militū, quum equi Paulo Aemilio in saxo sedenti, cruoreque oppleto adduceret: Tu quidem, ait Paulus, macte virtute Corneli esto: sed caue, ne frustra miserando, exiguum tempus è manibus hostium euadendi absumas. Plutar. & Liu.

*M. Cato.*

Quibusdam efferentibus hominem inconsultè audacem, & in rebus bellicis strenuum, ait plurimum referre, vtrum quis virtutem magno æstimet, an vitam non magni faciat. Sentiens, non eos statim esse fortes, qui quouis modo vitam cōtemnunt, sed qui tanti faciunt virtutem, vt huius gratia vitā alioqui charam negligant. Nam semet in vitæ discrimen conicere, aut infelicitium est, & quos vitæ iam tæderet: aut immanium, & belluis similitum. Eras. lib. 5. apoph. ex Plut.

*M. Crassus.*

Quum Publius, Crassi filius fortissimè in bello & pugnasset, & cecidisset, hostes caput iuuenis hastæ impositum gestantes, proximè ad Romanos accedebant, insultantes, rogantesque quo genere iuuenis ille fuisset ortus, neque enim fieri posse, vt ex patre tam ignauo & imbelli talis filius nasci posset. Hoc tam tristi spectaculo nihil commotus Crassus, per omnes ordines concionatus est, clamans, Meus hic priuatus dolor est Romani mea hæc calamitas, meus hic peculiaris luctus: cæterum publica ciuitatis salus & gloria in vestra incolumitate vestraque virtute fixa est. Plutarch. in M. Crasso.

*Scipio.*

Scipio Pompeij socer quum nauem suam teneri ab hostibus vidisset, ferro se transuerberauit, & quaerentibus vbi Imperator esset? Imperator, inquit, bene se habet. Bruson. lib. 2. cap. 1. ex Appiano.

*Caninus Iulus.*

\* Cum Caio Cesare diu altercatus, postquā abeunti Caius dixit, Ne fortè tibi inepta spe blandiaris, duci (ad supplicium) te iussi. Gratiæ (inquit) ago, optimè princeps. Dum autem supplicium illud Caninus moratur, verisimile non

non est quæ vir ille dixerit, quæ fecerit, quàm in tranquillo fuerit. Ludebat latrunculis, cùm Centurio agmen periturorum trahens, & illum quoque citari iubet. Vocatus numeravit calculos, & sodali suo, Vide, inquit, ne post mortem meam mentiaris te vicisse. Tum annuens centurioni: Testis (inquit) eris, me vno antecedere. Amicis autem tristitia affectis dixit, Quid inæsti estis? Vos quæritis an immortales animæ sint? Ego iam sciam. Ad supplicii locum peruentus, à philosopho quodam percõtatus, quid cogitaret, respondit, obseruare (inquit) velocissimo illo mortis momento, an sensurus sit animus, exire se, promissæque si quid explorasset, circumiturum amicos, & indicaturum quis esset animarum status. Senec. lib. de tranquill. animi.

*P. Thraseas Patruus.*

Cùm post multa crudelia Neronis facinora, atq; Agrippinæ mortẽ, in senatu Romano de Neronis rebus ageretur, cui mirum in modum senatores assentabantur, dicere solebat: Si me tantùm Nero interfecturus esset, magnam haberem adulatorib. eius gratiã: sed si eos à quibus maxime laudabatur, sustulit, sublaturusq; est, cur oportet frustra turpiter & seruiliter mori, cùm munus naturæ explere liceat, re-tenta libertate? De me, enim, inquit, aliquis sermo habebitur in posterum, de iis nullus, nisi tantummodo eos interfectos fuisse. Xiphil. in Nerone.

*Idem.*

Dicere solebat, Nero pro innata sua crudelitate occidere me potest, lædere autem non potest. Innuens, corpus quidem hominum crudelitati expositum esse, animum autem nequaquam. Xiphil. in Nerone.

*Agrippinus.*

Quondam ei iamiam pransuro, su-

peruenit qui diceret, Nero te proscribit: tunc illic, Ergo, inquit, in Aricia prandiũ sumemus. Stob. ex Epicteto.

*Perinax Imp.*

*Suprà apoph. de Conscientia bona, & infra iis. de morte consemnenda.*

*Philo Iudæus.*

Cùm aliis Iudæis ex aula C. Caligulæ eiectus, eo quoddã Cæsari diuinos tribuere honores recusasset, ad suos conuersus dixisse fertur: Bono animo estote viri, non deerit nobis auxilium: vbi autem humanum cessat, diuino non destituemur. Euseb. lib. 2. Eccles. hist. cap. 5.

*Athanasius.*

Quum ei indiceretur à Iuliano imperatore exilium, mœrentibus cunctis qui discessum eius grauitè ferebant, inque ipsum oculis coniectis: Bono estote animo filiioli, inquit, nubecula est, quæ breui euanesceret. Nicephor. Callist. lib. 10. Eccles. hist. cap. 19.

*D. Ambrosius.*

Postquam aduersus Arianos & Iustinam Augustã in templo multa disputasset, atq; orthodoxam fidem contra aliorum blasphemias fortiter defendisset, à Valentiniano Iuniore iussus templum exire, respondit: Lubens id quidem non fecero, neque enim lupis ouium caulam prodam, neque blasphemis templum diuinum concedam. Quod si necare me vis, in ipsa ecclesia in me ense aut cuspidem stringe, perlibenter enim cedem eam tulero. Theod. lib. 5. cap. 13. & Niceph. scholiastes lib. 12. cap. 19. Eccles. hist.

*Achmenides.*

Achmenides, qui & Hormidas appellatus est, cùm in Persia Christianam religionem in maxima piorum persecutione profiteretur, vocatus à Tarane rege, & obiurgatus ob fidei confessionem, quam in homine extinguere minis conabatur: respondit.

*Impia*

Impia atque difficilia à me petis rex, qui vniuersitatis Deum nequaquam abiuro, vt tuæ maiestatis fiam amicus. Maius enim est crimē, diuinam quàm regiam lædere maiestatem. Niceph. l. 14. c. 20. Eccl. hist.

*Idem.*

Vestimentis quibusdam donatus à rege qui cum beneficiis vincere conabatur, excandescens, tunicam conscissam abiecit, & voce magna exclamauit: Si huius, inquit, gratia me religionem longè optimam mutaturum putas, en munus tuum vna cum impietate habe. Rex autem tam forti illum animo esse cernens, nudum regia exegit. Niceph. eod. loco.

*Ad domesticam fortitudinem spectant ea quæ sunt sub apoph. de Patientia, Iniuria ferenda, Animi moderatione, Doloris patientia, Mortis contemptu, &c.*

## De fortitudine heroica & militari.

*Antisthenes.*

**D**icere solebat, hostibus à diis omnibus aptanda esse bona, excepta fortitudine: quod illa omnia aliquando futura sint eorum qui fortitudine præcellerent, non eorum qui possiderent, quòd ob ignauiam ea tueri non possint. Sensit, frustra parari bona, si quis parauit, tueri nesciat. Laert. l. 6.

*Idem.*

Si quam vidisset mulierem egregiè cultam, adibat ædes illius, iubebatque virum proferre arma & equum: quæ si placuissent, patiebatur mulierem indulgere deliciis, quòd esset qui defenderet: sin minus suadebat vt eum ornatum deponeret, ne præda fieret aliis. Laert. l. 6. c. 7.

*Diogenes.*

\* Cernens Megareses longos muros educere, O homines nihili, inquit,

non molem murorum curate, sed eos qui super muris collocabuntur. Stob. serm. 7.

*Musonius.*

\* Dicebat mortem honestam dum licet, arripiendam esse: ne (inquit) paulò post mori quidem tibi necesse sit, at honestè non ampliùs liceat. Eod. serm.

*Symidas.*

Ante pugnam Leuetricā quibusdam dicentibus illam ipsam diem ostensuram fortem virum: Multi faciendam, vrbane inquit, diem esse, quæ virum fortem monstrare posset. Plut.

*Anonymus.*

Lacon quidam adhuc impubes capitus clamabat. Pugnās quidem capitus sum seruire nolo. Verùm cum paulò post iuberetur seruii fungi ministerio, elisum parieti caput rupit. Sen. epi. 11. Plut. autem, se è recto præcipitem disse ait.

*Idem.*

Alius ægro corpore in aciem progrediebatur, cum autem quidam eum, quorsum ita affecto corpore proficisceretur, interrogarent, respondit: Ad moriendum pro Reipub. nostræ salutē. Max. ser. 4.

*Idem.*

Alius claudus ad militiam proficiens, quum ab aliis rideretur: Nō opus est fuga, sed virib. inquit, quibus milites subsistant, locumque in acie tutantur. Plut. in Lacon. Max. ser. 4.

*Lacones.*

Quum quidam fortè obuij Laconibus dixissent, Fortunati estis, ô Lacones: nam modò hinc latrones abiit: Non nos, inquit, per Enyalum (sic enim illi Martem vocant) sed illi potius fortunati sunt, qui in nos non inciderunt. Adcò gens ea gerebat animos ad omnia impavidos, quæ vulgus hominum formidar. Plut. in Lacon.

*Anonymus*

*Anonymus.*

Quum ex Atheniensium sociis quidam contumeliæ causa rogasset captivum Laconem, num qui in prælio occubuisse, fuissent strenui viri? Magni profecto, inquit Lacon, faciendum fulum (sagittam intelligens) si strenui ignauique discrimen nosset. Significans illie, ubi res sagittis aut saxis agitur, nullum esse fortis & ignavi discrimen: sed ubi cominus res geritur, ibi demum apparet, qui sint viri, qui non. Erasmi. 6. apoph.

*Idem.*

Lacon quidam oculorum morbo laborans, ad bellum proficiscebatur, sed quibusdam dicentibus, quo abis sic affectus? aut quid facturus? Si aliud, inquit, nihil egero, hostis saltem gladium heberabo. Plur.

*Idem.*

\* Philippus ante Spartæ muros castrametatus, misit nuntios, multa & dira minitans, ni facerent imperata. Quidam autem ex Lacedæmoniis, minis auditis, gratiam, inquit, habemus Philippo, quod non prohibeat, id quod in pugnantium potestate situm est, mori. Stob. ser. 7.

*Ariston.*

Cum Atheniensis quidam apud Aristonem recitaret funebrem orationem conscriptam in laudem eorum qui fuerant à Lacedæmoniis in bello cæsi: Quales igitur, inquit, nostros esse putas, qui istos vicerunt. Plut. in Lac.

*Anonymus.*

Miles quidam Lacedæmonius, in pugna prostratus hostem eius tergo insidentem, rogavit ut se verteret, & in pectus potius stringeret ensen, rogatus, Quid ita? Ne amarius, inquit, meus erubescat, si viderit auersus confossum vulneribus. Plut. in Lacon.

*Androclidas.*

Ad eum qui quærebat, cur breui-

bus Spartiarum pugionibus in bello vterentur? Quia cum hostibus, inquit, cominus dimicamus. Plur.

*Archileonida.*

Hæ Brasidas mater, filium in prælio occubuisse audiens, nil prius interrogavit, quam an filius honestè occubisset? Thracibus illius virtutem collaudantibus, dicentibusque, Non esse apud Lacedæmonios alium illi parem: Ignoratis, inquit hospites, quales sint Lacedæmonij. Erat quidem vir bonus Brasidas, ceterum Sparta multos habet illo præstantiores. Vtrum in hac scemina magis admirari convenit? an in e genere sitratè, quæ de filij morte quod obtigisset honesta, gloriandum etiam putaret, tantum abest ut muliebriter desceuerit: an modestiam, & in patriam affectum, quæ non passa sit ita filium prædicari, ut reliquorum Spartanorum gloriæ decederet aliquid. Plut. in Lacon apoph.

*Pædaretus.*

Pædaretus cuidam dicenti, magni esse numerum hostium: Tanta, inquit, plus gloriæ referemus, quoniam plures interficiemus. Quod alter adferebat ad persuadendam ignaviam, ille vertit in calcar fortius agendi. Eodem telo repelli possunt, quicunque difficultatis causatione dehortantur ab honesto. Plut. in Lacon.

*Anonyma.*

Lacæna filium claudum in aciem proficiscentem deducens: Fili, inquit, singulo quoque gradu fac virtutis memineris. Aliis claudicationis vitium solet formidinem incutere: at hæc monuit, ut ex ipso vitio sumeret amicum ad rem fortiter gerendam: ita cogitans, nihil est in fuga præsidij claudis: aut vincendum est, aut moriendum. Plut. in apoph. Lacænarum.

*Alia.*

Lacæna clypeum imponens filio,  
sic



sic illum adhortata est: Fili, aut hunc, aut super hunc. Laconica breuitate sentiens, sic rem gerendam in bello, vt aut victor clypeum referret, aut mortuus in clypeo domum reportaretur. Plut. in apoph. Lacænatum. Stot. tribuit dictum illud Gorgoni, Leonidaæ vxori. ser. 7.

*Alia.*

Alia rursus filio ad bellum proficiscenti, clypeum imponēs, Hunc, inquit, tibi pater semper seruauit, proinde tu fac serues eundem, aut ne sis. Ibid.

*Alia.*

Alia filio dicenti, quod breuem haberet gladium: Tu, inquit, adde gradum, significans, nihil obsuturam gladij breuitatem, si propius ad hostem accederet. Ibid.

*Alia.*

Lacedæmonius quidam sic in bello vulneratus, vt ingredi non posset, sed quadrupedum more ambularet, quū ob id derisus erubesceret, à matre reprehensus est his verbis: Quanto præstabat fili de fortitudine gaudere, quā de stulto risu pudefcere? Simile narrat Cicero de matre Sp. Claud. Plutarc. in apoph. Lacæn.

*Anonymus.*

Lacon quidam in clypeo pro insigni gerens muscam, eamq; non maiorem vera: quibusdam iridentibus, decentibusque quod in studio fecisset quod latēret: Imò, inquit, vt sim conspicuus. Tam enim propè accedo ad hostes, vt ab ipsis insigne cuiusmodi sit, videri possit. Salsissimè conuicium ignauiz vertit in argumentum fortitudinis. Plut. in Lacon.

*Aniochus.*

Suprà de Argutè dictis.

*Leonidas.*

Contra Persas propugnaturus, percontatus, quid facere statuisset? Nil aliud, ait, facturus sum, quàm reuera

pro Græcis moriturus pugnando. Plut. in Lacon. apoph.

*Idem.*

Vbi peruenisset Thermopylas, sic commilitones affatus est: Aiunt barbaros in propinquo esse, nos autem tempus terimus. Nunc enim peruenimus ad barbaros, quos aut vincamus oportet, aut victi moriamur. Plut. in Lacon.

*Idem.*

Quodam ita dicente, Præ iaculia barbarorum nec solem videre licebit: An non, inquit, lepidum fuerit, si cum illis sub vmbra pugnaturi sumus? Quid hoc animo fortius? Ad mortem eunti, etiam iocari libuit: sed ludens intorim, metum exemit suorum animis. Hoc apophthegma refert M. Tull. Tuscul. quæst. lib. I. velut de ignoto: E quibus (inquit) vnus, quum Perfes hostis in colloquio dixisset glorians, Solem præ iaculorum multitudine & sagittarum vmbra non videbitis: In vmbra igitur, inquit, pugnabimus. Plutar.

*Idem.*

Cum alius quidam milicum de hostib. dixisset. Sunt prope nos: Et nos inquit, prope illos, significans, ob id non minus imminere discriminis hosti, quàm ipsis. Plut.

*Idem.*

Cuidam dicenti, Sic ne cum paucis aduersus multos belli fortunam expecturus huc venisti? Si putatis, inquit, me multitudine fretum huc venisse, ne Græcia quidem omnis satis sit: siquidem ea ad barbarorum multitudinem collata, exigua portio est: sin virtute, & hic numerus suffecerit. In bello indicauit plus habere momenti quales ducas milites, quàm multos. Plut.

*Idem.*

Quum ei Xerxes scripssisset, Mitte arma: rescripsit, Veni & cape. Maluit armis

armis mori, quam traditis armis turpiter de vita cum hoste pacisci. Plut. in Lacon.

*Agis Archidami F.*

Dixisse fertur, Lacedæmonios non oportere percontari quot sint hostes, sed ubi sint, significans, non à militum numero pendere victoriam, sed à fortitudine. Plut. in Lacon. apoph.

*Idem.*

Infrà de Urbium munitionibus.

*Idem.*

Cuidam sciscitanti, quot essent Lacedæmonij? Quot satis sunt, inquit, ad propulsandos malos: ostendens, referre quàm fortes viros habeat ciuitas, non quàm multos. Plut.

*Idem.*

Fortiter & illud dixisse fertur, Lacedæmonios non oportere percontari quot sint hostes, sed ubi sint, significans, non à militum numero pendere victoriam, sed à fortitudine, reisque gerenda celeritate. Sratim enim congregi vult, qui quærit ubi sint hostes. Plut. in Lacon.

*Idem.*

Paratum cum hoste configere, belliciduces admonuerūt, expectaret reliquos socios: Num adsunt, inquit, qui pugnaturi sunt? An nestitis, eos solos cum hostibus pugnare, qui reges ventur ac metuunt? Non putauit eos expectandos, qui ad præscriptum ab Imperatore tempus non adessent: reliquos, etiam si adsint, nō pugnare. Ibi.

*Idem.*

Milites sic adhortatus est: Ita prandete commilitones mei: tanquam apud inferos cœnaturi. Hæc vox ignabulus ademisset animum ac viris fortibus addidit, admonens, ne cibo vinoque graues venirent ad prælium, aut certe pro patria fortiter occumberet. Plut. in Lacon. Id etiam Leonidæ tribuitur.

*Idem.*

Damadi dicenti, quoddenses Lacedæmonici ob breuitatem à circulatoribus deuorarentur: Atqui his, inquit, ensibus Lacedæmonij assequuntur hostes longioribus armatos gladiis, declarans, non referre quo quid apparatu fiat, sed quantum efficiatur. Siquidem hoc speciosior victoris gloria, quo minus habet præsidij præter virtutem. Plut. in Lacon. apoph.

*Cleomenes.*

Percontanti cuidam, quam ob causam Spartiatæ non dicarent diis spolia ab hostibus detracta: Quoniam, inquit Cleomenes, à timidis venerunt. Porro quæ parta sunt ab his qui ob timiditatem capti sunt, nec decet intueri iuuenes, nec diis consecrata reponi. Sensit, in bello aut vincendum, aut fortiter occumbendum: adeoque rem ignominiosam iudicabat metum mortis, ut alienæ quoq; timiditatis monumenta putaret ab iuuenum oculis submouenda. Plut. in Lacon.

*Idem.*

Quidam ei pollicitus est dono gallos qui pugnando interirent, tum urbane respondit: Non ego istis, sed iis qui dum alios pugnando conficiunt, superstites ipsi maneant. Plut. in apoph.

*Idem.*

Augure illum dehortante, ne exercitum educeret ad verbum Argiuorū, alioqui reditum illinc fore turpem: postquam admonuisset ciuitati copias, ac portas videret clausas, & mulieres in mœnibus: Hic, inquit, reditus tibi turpis videtur, in quo viris mortuis vxores occlusere portas? Fortis animus, si cum æquo bonoq; fuisset coniunctus. Plut. in Lacon.

*Agésilæus.*

Quum apud Mantineam pugnaretur fortissimè, admonuit Lacedæmonios, ut cæteris omisiss omnibus in vnum

vnum Epaminondam intenderet vim praelij, dicent, Solos cordatos esse viros fortes, hosque solos esse auctores victoriz. Itaque si hunc, inquit, ceperimus facile ceteros in potestatem vestram redigemus, utpote vecordes, nulliusque pretij, quod & euenit. Nam inclinante ad Epaminondam victoria quum nonnullorum fuga fieret, adhortanti illi suos, & a fuga reuocanti, Lacedæmonius quispiam lethale vulnus infixit. Eo prostrato, qui erant cū Agefilao, a fuga reuersi, iam ancipiti Marte cum hoste depugnarunt, sic tamen, ut multo inferiores Thebani, multo præstantiores Lacedæmonij viderentur. Hac arte prudentia duris consiliis in eorum, qui fuerat haud dubie perituri: simul illud docuit, in bello plus habere momenti vñ verè prudentem & cordatum, quàm turbam imprudentium. Plut. in Lac. apoph.

*Idem.*

Cum transmissis Hellesponto iter faceret per Thraciam, nulli quidem barbarorum supplex fuit, ut daretur transitus: sed missis ad singulos nuntiis rogabat, utrum per hostium amicorum regionem iret, ac ceteri quidem illum amicè recipiebant venientem, ac discedentem deducebant. Ceterum qui Troadenses appellantur, à quibus, ut fertur, Xerxes datis muneribus transiendi copiam emerat, transitus mercedem postulabant ab Agefilao, centum argentitalenta, toridèmq; feminas. Atis irridens eos, rogauit, cur non protinus venissent, accepturi quod postulabant? Admonuit exercitum, & congressus cum his qui se obiter collocauerant in acie, omnes vertit in fugam, compluribus trucidatis. Itaque sibi ferro viam aperuit. Plut. in Lacon. apoph.

*Idem.*

Cum hostes Agefilai exercitum fossa cingerent, id quod facillè poterant ob multitudinem, ac Nectabius, cui suppetias ferebat, censeret erumpendum, & cum hoste conferendas manus, ne institutum perficerent: ille negabat impediendos hostes, qui pares hostibus esse studerent, non superiores. Siquidem fossa vrisque adimebat configendi copiam. Porro cum parum abesset quin fossa coirer, per hoc angustum interuallum instructis reliquis militibus, ac inter pares commissa pugna, vertit illos in fugam, hostiumque ingentem stragem edidit paucis militibus, quos secum habebat, atque ex præda magnam pecuniarum vim misit Spartam. Plutarchus in Agefilao.

*Epaminondas.*

Cum esset sibi nunciatum, exercitum ab Atheniensibus nouis ornatum armis in se missum: Quid igitur, inquit, Antigenidas gemit, cum Tellen, nouas tibias habeat? Hic enim malus, ille optimus erat tibicen. Plut.

*Idem.*

Cuidam obliuienti, quod Agamemnonia gloria æmularetur. Falleris, inquit, nam ille, totius Græciæ præsidij vsus, decem annis vix vnam cepit urbem: ego vnus huius urbis præsidij, vno die profligatis Lacedæmoniis, totam Græciam liberaui. Eras. 5. apoph. ex Plut.

*Idem.*

In Mantinea pugna lethaliter vulneratus, nò prius fertur edixit, quàm audisset Thebanos vicisse: tum, Satie, inquit, vixi, inuictus enim morior: & educto ferro protinus efflauit animam. Val. Max.

*Idem.*

Quæsiuit, an clypeus esset saluum? ut audiuit saluum, rogauit, an hostes essent

essent deuicti? Audiens penes Thebanos esse victoriam, ita loquutus est militibus: Non finis (cōmilitonēs) vitæ meę, sed melius & altius initium aduenit. Nunc enim vester Epaminondas nascitur, quia sic moritur. Valer. Max.

*Idem.*

Pugnaturi cum Lacedæmonlis cūm sella succubuit, militibus rem malè o-minantibus: Imò, inquit ille, federe prohibemur, animòsque militum restituit. Brus. lib. 2. cap. 43.

*Dercyllidas.*

\* Pyrrho exercitum ducente contra Lacedæmonios, & multa minitante, Dercyllidas, vnus ex senioribus, exurgens in concione dixit: Siquidem Deus est qui minatur, non timeamus, nihil enim iniuste egimus: sin homo, norit quod viris minetur. Stob. serm. de fortitudine.

*Archidamus.*

Vbi vidisset iaculum catapulta mittendum, id temporis primū ex Sicilia aduectum, exclamans, inquit: Hercules, periit viri virtus. Quoties enim instrumentis bellum geritur, quę misso telo sax òve procul feriunt, minimum interest inter fortem virum & igna-uum: verūm vbi cominus res geritur, tum apparet qui viri sint, qui non. Plutarch. in Lacon.

*Idem.*

Cuidam quærenti quā spatiofam regionem obtinerent Spartiata: Quā-tam, inquit, hasta possunt assequi. Al-lusum est autem ad mensores agro-rum, qui decempedis aruorum spacia metiuntur. Plur. in Lacon.

*Idem.*

In bello quod gerebatur cum Phi-lippo quibusdam suadentibus vt pro-cul à patria pugnaretur: Haud istud spectandum est, inquit Archidamus, sed bene pugnantes hostibus erimus superiores: significans, non perinde re-

ferre vbi configas cum hoste, vt, quā strenuè se gerat dux aut miles in bel-lo. Plur. in Lacon.

*Pelopidas.*

Domo egrediens lachrymante vxore, ac dicente vt seipsum saluum red-deret: ò mulier, inquit, priuatorum est hæc admonere, ducum autem & imperatorum alios saluos facere. Plur. in. apoph.

*Brasidas.*

Cūm bellum adue-sus Ephoros sus-ciperet, hostibus prius scripsit hunc in modum: Quicquid malorum vspiam erit, profligabo, aut moriar. Verūm cūm in instituto suo pe-gere & iam Græcos Thraciam incolentes libera-ter, fortiter pugnādo occubuit. Plur. in Lacon. apoph.

*Callicrates.*

Aduersus Mardonium Xerxis du-cem pugnaturus, sagitta percussus ac propemodum exanimatus: Ego, in-quit, mortem nihil lugeo, seu quòd do-mo proficiscens vt pro Græcia morerer, huc venerim, sed angor animo, quòd nec strenuè, nec fortiter dimicans op-pero. Plur.

*Agefilaus Atheniensis.*

\* Is ad exercitum Persicum explo-randum missus, comprehensus est & ad Xerxem perductus. Cūmquē is im-molaturus esset bouem super aram so-lis, Agefilaus dextram iniecit manum: & cūm sine gemitu pertulisset angustiam illorum tormentorum, dixit, Ta-les sumus omnes Athenienses: sin fi-dem non habes, etiam sinistram im-mittam. Stob. ser. 7. de fortitudine. Ea-dem refert Liuius & Plutarch. de Mutio Scæuola Romano.

*Antigonus.*

Cūm circa Andium nauale institue-ret prælium, dicente quodam, multo plures esse hostium naues: Me autem, inquit, aduersus quot oppones? Plut.

S

Potius.



*Porus.*

Porus Indorum rex, inuadente Indiam Alexandro, suadentibusq; amicis, vt societatem cum regibus finitimis iniret ad propulsandum Alexandri impetum: Si mihi, inquit, tantæ vires non sunt, vt sine sociis saluus esse non possum, melius profecto est omnino nō regnare, & fortiter mortem optetere pro salute meorum. Curtius & Arrianus.

*Idem.*

Idem suadentibus amicis, vt faceret rem diuinam, nec Alexandro, postea transitum per flumen concederet: Non est, inquit, arma tentantium supplicare. Ex iisd.

*Idem.*

Dicentibus amicis, si supplex Alexandro cecisisses, non esses victus: respondit, si Alexandro supplex cecissem, futurum erat vt ipse me ignauum seruū: si armatus restissem, generosum regem iudicaret. Brul. lib. 2. cap. 43.

*Lycurgus.*

Roganti, qua de causa vetuisset oppugnari tures: Ne, inquit, a fœmina, puerove, aut ab alio quopiam homine puero ac fœminæ nō dissimili viri præstantiores occidantur. Non probauit prælij genus, in quo virtuti locus non esset. E turribus verò puer aut mulier deiectu saxorum potest virum quantumvis fortē interimere. Quis igitur locus virtuti in bellis nostris, in quibus præcipuas partes agunt bombardæ? Plutarchus.

*Xerxes.*

Cum a trecentis Lacedæmoniis ad Thermopylas vexatus esset, tantam militum ducens multitudinem, hoc se deceptum dicebat, quod multos quidē homines haberet, milites autem perpaucos. Sentiens, non perinde referre quā multos educas, sed quā exercitatos. Eras. 5. apoph.

*Darius.*

Missis legatis ad Alexandrum et decem millia talentorum, cunctam Metopotamiam, filiaque matrimonium, tum amicum se sociūque futurum pollicebatur. Literis perlectis Parmenio: Si Alexander (inquit) essem, has ego condiciones acciperem. Cui subridens Alexander: Et ego medius fidius, ait, si essem Parmenio. Plut. Q. Curtius. Arrianus.

*Lacones.*

Philippo, quum peruenisset in agros Lacedæmoniorum, scripsissetque, Vtū vellent ipsum venire hostem, an amicum: responderunt, Neutrum. Vnico verbo absoluerunt sententiam, quod erat Laconū: ac simpliciter negantes regi transitū, quod erat virorum fortium. Plut. in Lacon.

*Alexander.*

Quum Darius numerosissimum exercitum instruxisset, Alexander profundissimo somno correptus est, adeo vt nec interdiu potuerit expergisci, tandem imminenti periculo amici ingressi, regem excitarunt. Qui quum dicerent, se mirari in eo rerum statum tantam regis securitatem. Magna, inquit Alexander, animi molestia me Darius liberauit, qui vires suas omnes in vnum contraxit, vt liceat vno die de summa rerum decernere. Plutar. in vita Alex. Q. Curtius. Arrianus.

*Idem.*

Philippus Macedo, quum Alexander filio dixisset, num veller regiam ædificare domum, ornatam auro, electro, eborēque: Minimè, inquit Alexander, sed potius hostium spoliis. Brulson. lib. 2. cap. 43.

*Idem.*

Insultantibus in eum Scythis, conuiciisque trans Tanaim fluiuium arcescentibus, tranare decreuit, sed dissuadente Aristandro vate, qui dicebat, prodigiū

prodigiis hoc prohiberi : Satius est, inquit, periculo me offerre, quàm tota penè Asia subacta, Scythis ludibrio & contemptui esse. Brus. lib. 2. cap. 43.

*Idem.*

Idem cuidam ciuitari parrem agrorum & dimidium rerum omnium promittenti : Eo, inquit, proposito in Asiam veni, non quidem ut id acciperem quod dedissetis, sed ut haberetis quod reliquisset. Brus. lib. 2. cap. 43.

*Idem.*

Vulnerato in pectore, in expugnatione cuiusdam arcis, quum ab amicis reprehenderetur, quod tam propè accessisset, Seniore quendam Boeotiū dixisse ferunt, Virorum est, ô Alexander, magna facinora aggredi : sed qui præclare quicquam facit, necesse est & pati. Brus. lib. 2. cap. 43.

*Idem.*

Eundem cum amici hortarentur, ut noctu hostes aggredieretur : Non est, inquit, regium victoriam furari : Q. Curtius. Plut.

*Idem.*

Cum vidisset quendam, idem cum ipso nomen habentem, sed timidum, Adolescens, inquit, aut nomen, aut mores mutato. Sensit autem, cum Alexandri nomine nequaquam dignum esse, nisi qui militari facinore fortem se militem & infractum ostenderet. Q. Curtius Max. ser. 4.

*Idem.*

Cum ei ad bellum gerendum profisciscenti diceret Aristoteles, expectandam esse perfectam ætatem, & tum demum bellandū esse : Vereor inquit, ne dum perfectam ætatem expecto, audacem perdam iuuenturem. Eod. ser.

*Timotheus Athen.*

Prospera fortuna per omnia credebatur uti, dicebaturque, Fortunam rerū bene gestarum causam esse, Timotheum verò nullius. Proinde pictores

dormitantem cum in castris taxantes fingeant, atque fortunam supra caput pendentem, ciuitates quasi in rete quodā conducere. Æl. l. 14. de Var. hist.

*Anonyma.*

\* Eubuli & Aristophanæ Siculorum vxores, cum maritis aduersus Phalarim tyrannum Agrigentinum conspirauerant. Deprehensæ, tyranno omnia ingenuè fassæ sunt, & simul cum maritis strenuam operam dedisse, ut eum tollerent. Sciscitante Phalari quam ob iniuriam, Ob nullam priuatam, verum ob publicam responderunt. Communem enim iniuriam esse, quod liberæ ciuitates seruitute premerentur. Rursus eo interrogante, quo tandem supplicio affectæ meritis penas luerent huiusce odij : capitis dixerunt. Phalaris tanta animi fortitudine permotus, eas dimisit liberæ. Stob. ser. 7.

*Pyrhus.*

In pugna Tarentina Romanorum militum virtutem ac ducum prudentiam admiratus, exclamauit, O quam facile erat orbis imperiū occupare, aut mihi Roman. militibus aut me rege Romanis ! Ita Florus in Epir. lib. 3.

*Coriolanus.*

In bello aduersus Volscos, quum rogaretur ut labore ac vulneribus æger sese in castra reciperet : Non est, inquit, victoris laborare, moxque hostem fugientem insectatus est. Victoriæ dulcedo excutiebat omnem molestiæ sensum. Eras. lib. 6. apoph.

*Scipio.*

Scipio, qui quinquaginta quatuor annorum spatium emensus, neque emir, neque vendidit quicquam, quum quidā ei scutum eleganter apparatus ostenderet, dixisse fertur : Atqui Romanum ciuem par est in dextra spem ponere, non in sinistra. Innuit autem, Romanos semper cæteris fortitudine præstantiores fuisse, qui in bellica virtute

omnium paucis annis domini facti sunt. *Ælian. lib. 11. de Var. hist.*

*Q. Fabij, & Carthagenensium.*

Sagunto à Pœnis contra fœdus oppugnata, Romani legatos misere Carthaginem, in quibus erat Q. Fabius, exploraturos an id publico consilio factum esset. Ad id quum quidam Carthagenensium princeps ferocius respondisset, Romanus sinu ex toga facto. En inquit, vobis bellum & pacem apportamus, vtrum placet sumite. quum Pœni ferocius reclamarent, daret vtrum veller: Romanus effuso sinu, Bellum, inquit, damus. Responderunt Pœni, se accipere, eoque animo gesturos quo ille daret. *Erasl. 6. apoph.*

*Scipio iunior.*

Postquam se intra muros urbis receperat, Carthagenensibus ex arce sese defendentibus, ac Polybius suaderet ut in mari, quod interiacebat non valde profundū, murices spargeret ferreos, aut tabulas aculeatas iniiceret, ne transmissio mari hostes pro aggeribus pugnarent: aiebat esse ridiculum quum moenia tenerent, & intra urbem esset, dare operam ne cum hostibus conficerent. *Plut. in Rom. apoph.*

*Idem.*

Numantia capta, quum iterum triumphasset, incidit illi controuersia cum C. Graccho, tum pro senatu, tum pro bellicis. Id molestè ferens populus, tumultuabatur: Scipio verò consensu suggestu, Me, inquit, nec castrorum vociferatio vnquam terruit, nec tumultus hominum terrebit, quibus Italiani scio non matrem esse, sed nouercam. Significans, eos qui publicis patriæ commodis obstreperent, non esse verè Italos, sed alienigenas. Valerius refert illū dixisse: Nunquam eos metuiam solutos, quos huc alligatos adduxi: denotans, eos adductos fuisse captiuos, qui in victorem ferocirent. *Plu.*

*P. Licinius.*

P. Licinius consul, imperator equestri pugna superatus à Perseo Macedonum rege, bis mille & octingentos milites amisit, partim interfectos, partim captos. Cum verò post pugnam Perseus mitteret oratores acturos de fœdere ac pace: Licinius, qui victus erat, victori præscripsit, ut si pacè vellet, quæ haberet in sua potestate, daret in fidem Romanorum. Ne calamitas quidem fortissimi viri spiritus potuit imminuere. Nec ignorauit Perseus, quibus cum viris ipsi res esset: eoque fecit victor quod victi solent facere. *Plut. in Rom. apoph.*

*Sylla.*

Apud Orchomenum quum milites longius euagarentur: ordinibusque perturbatis fugam caperent: Sylla ex equo defiliens, arrepto vexillo in hostem cōuolat, ita vociferās: Mihi quidem, ô Romani milites, hic pulchrum est mori: vos interrogati quo loco ducem vestrum amiseritis, memineritis, dicere apud Orchomenum. Hac voce suos reuocauit. *Plut. in Syl.*

*Pomponius.*

Pomponius Miles Romanus captus à Mithridate sub Lucullo imperatore, multis faucibus vulneribus, rogatus à Mithridate, An curatus ei foret amicus: Ero, inquit, perlibenter, si tu prius Romanus amicus fueris. sin inimicus, me quoque inimicum habebis. *Brut. lib. 2. cap. 1.*

*M. Brutus.*

Vltimum prælium initurus, dehortantibus quibusdam ne se tanto discrimini committeret: Hodie, inquit, aut rectè erit, aut nihil curabo. Significās se aut victorem fore, aut non victurum. Mors autem adimit omnium malorum sensum. *Plut. in Bruto.*

*Idem.*

Post Cæsaris eadem periculis circumdatus,

cundatus, scripsit ad Atticum, optimo in statu mentem suam locatam esse. Aut enim se victorem Romanam Rempublicm liberaturum, aut animam suo de corpore. Brul. lib. 2. cap. 43.

*Cyanienfes.*

Cum M. Bruto tota ferè Lusitania sese dedisset: solaq; vrbs Cyania pertinaciter arma retineret, tentatum est per Bruti legatos, vt data pecunia perseverarent esse sui iuris. Verum his populus Cyanienfis vno ore respodit, sibi ferrum à maioribus relictum, quo vrbe m tuerentur: non aurum, quo libertatè redimerent. Val. Max. l. 6. c. 4.

*Pompeius.*

Cum Syllanæ factioni se addixisset, non absque spoliis, nec sine cruenta victoria imperatori se copias exhibiturum esse dicebat. Nec prius venit ad Syllam, quam multis conflictibus hostium duces superasset. Plut. in Rom. apoph.

*Iul. Cæsar.*

Post attritos Tigurinos, ad vrbe m quandam sociorum proficiscens, cum audisset Heluetios in itinere occurrere, in locum quandam munitum se recepit. Ibi congregatis copiis, instructaque acie, vbi equus illius cui solebat insidere adductus est: Hoc, inquit, post victoriam vt ar in persequendis hostibus, & pedes aggressus est Heluetios. Plut. in Cæsar.

*Idem.*

Videns aquiliferum terga dantem hostibus, faucibus comprehensum hominem, in hostes manus conuertit, atque ait: Quorsum abis ignauissime, an non illos esse vides quibus cum dimicamus? Brul. lib. 2. cap. 43.

*Idem.*

Potentiam duabus potissimum rebus parari, pecunia scilicet & militibus, atq; deinde eam potentiam eiusmodi rebus cõseruari & augeri, dicere

solebat. Existimauit autem, hæc duo sese mutuo consequi posse, exercitum com meatu retineri, rursum com meatu armis comparari. Xiphilius in Cæsar.

*Idem.*

Dyrrachij expectabat, vt illuc è Brundusio milites mitterentur. Id cum tardius fieret, clam omnibus conscensa scapha exigua, tentauit transmittere pelagus, cumque nauigium vndis obrueretur, gubernatori iam animum despondenti, quis esset aperuit, dicens: Confide fortunæ, sciasq; te Cæsarem vehere. Tanta erat animi præstantia, quasi fortunam ac deos in manu haberet. Ac tum quidem tempestate ingrauescente, veritus est quod instituerat peragere: Milites autem vbi rescituere factum, concursum fecerunt ad Cæsarem, grauitèrq; ferebant si alias expectaret copias, velut ipsis diffusus. Plut. in apoph.

*Anonymus.*

Cum Antonius appareret classe cum Cæsare configere, quidam tribunus militum, vir fortis, & armis exercitatus Antonio prætereunti corpus suum multis cicatricibus insignitum ostendit, dicens: O imperator, cur his vulneribus, aut huic gladio parum fidis, inque lignis fragilibus spem reponis? Sine Phœnices & Ægyptij classe pugnent: nobis Romanis terram da, in qua consueuimus vel hostem vincere, vel mortem oppetere. Plut. in vita Anton.

*Turbo.*

Turbo Adriani Cæsaris præfectus, admonitus ab eo, vt curam haberet suæ valerudinis, sibiq; daret vacationem à negotiis: respondit, Non decere Cæsaris præfectos, nisi stantes mori. Iguauum esse sentiens, in lecto incumbentem expirare. Eras. 6. in apoph.

*Zisca.*

Ioannes Zisca, Hussitarum dux & imperator



imperator bellicosissimus, cum in pueritia vnum oculum amisisset inter æquales ludens, altero etiam in obsidione cuiusdā castri priuatus est. Sed neque oculo utroque cassus imperio se abdicauit: Is post multa contra Bohemos & Teutones egregia facta, cum in morbum lethalem incidisset, ac iam propè moriturus interrogaretur: quomodo sepeliri vellet? Pellem, inquit, mortuo demite: relictōque feris cadauere, ex ea tympanum facite, quo in præliis utamini. Nam ut hostes viuentis aspectum non ferebant, ita mortui sonitum non ferent. *Æn. Syl. l. 3. commentariorum de reb. gest. Alphonsi.*

*Alphonfus.*

Videns naufragos auxilium implorantes, suos adhortatus est, ut illico subuenirent, qui dum pertimescerent periculum maris tam horrendum, dicentes, melius esse vnam quā vnuerfas triremes perditum iri: Rex ipsemet soluit prætoriam nauem, Satius esse inquit, vnā cum fociis viris fortissimis occumbere, quā illos videre ante oculos extrema pati. *Panor. lib. 2. de reb. gest. Alphonsi.*

### De fortuna.

*Socrates.*

\* **M**aximam ceu minimam spectādam esse dicebat, & quod abest non desiderandum: neque enim, inquit, ad te pertinet. *Stob. ser. 5.*

*Diogenes.*

Solebant olim à periculis seruati in templis suspendere donaria, velut incolmitatem suam diis acceptam ferentes. Proinde quum Samothracem profecto Diogeni ostenderentur donaria, quæ à bello, morbo, nauigatione, aliōve discrimine seruati, dicārant: Atqui, inquit Diogenes, multò plura

essent, si qui seruati non sunt, ista dedicassent. Sensit opinor, eos qui seruarentur, casu seruari, non deorum beneficio. Quod si diis imputandum est si quis seruatur, iisdem imputandum est quod plures pereunt quā seruantur. Sunt qui hoc tribuant Diagoræ Melio, impio. Samothracæ autem magna in hisce rebus superstitione laborabant. *Laert.* Nullam autem fortunam, summi dei respectu, agnoscit vera Religio. fortuna nobis est, quæ in Deo prouidentia dicitur.

*Plato.*

\* Dicebat Deum quidem omnia, & fortunam opportunitatēque simul cum deo cuncta humana gubernare. *lib. 4. de legib.*

*Epictetus.*

\* Malum vinculum esse dicebat, corporis quidem fortunam, animæ autem vitium. Siquidem qui corpore quidem liber, anima verò vinctus, is seruus est. Rursus qui corpore nexus, anima verò solutus, is liber est. *In Enchiridio.*

*Archytas Pythagoreus.*

\* Quemadmodum (inquit) resfulgēs lux perstringit aciem oculorum: sic etiam nimia fortuna intellectum animæ. *Stob. serm. 1.*

*Demetrius.*

Aristophanes in comœdia Plutum inducit cæcum. At Demetrius dicebat, non solum Plutum, id est, diuitias, esse cæcum, verum etiam Fortunam, Pluti ducem, ut iam sit illud prouerbij, Cæcus cæco dux. Fortuna sepe largitur indignis sua munera. *Laert. l. 5. c. 5.*

*Theramenus.*

Theramenus, vnus triginta tyrannorum, domo, in qua multi accumbebant, in cœnantes illapsa, solus incolumis euaserat. Hanc ob rem quum ab aliis felix prædicaretur, ille magna exclamās voce: O fortuna, inquit, cui me occasione seruas? Sensit vir prudens,

dens, se non esse seruatum, sed maiori malo referuatum. nam aliquanto post interfectus est. Eras. 6. apoph.

*Demosthenes.*

\* Dicebat rerum euentus omnibus hominibus esse obscuros, & parua occasionum momenta causas existere ad res maximas: ideo in secunda fortuna moderatum animum, futurique prouidum esse adferendum. Orat. ad Leptin.

*Plutarchus.*

\* Fortuna, inquit, sagittarum more collimat, interdum in nos iaculans tanquam in scopum quendam, interdum in ea quæ nobis adherent. Ant. & Max. ser. de fortuna bona & mala.

*Vide apoph. de Felicitate & Infelicitate.*

## De fortunæ inconstantia.

*Thales.*

**S**ciscitatus, quemadmodum quis calamitatem optimè ferre possit: Si, inquit, hostes videat in maiori verari miseria. Max. ser. 18.

*Chilon.*

Chilonis sententia huic non absumilis est, qui dicebat, infortunatum non irridendum esse: fortuna cum inconstans sit, & nostræ etiam felicitati inuideat. Stob. ser. 109.

*Idem.*

Ab Æsopo interrogatus, quid ageret Iupiter? respondit: Excelsa deprimat, depressa extollit, indicans, arbitrio numinis res hominum sursum deorsum volui, reuoluique. Laert.

*Æsopus.*

Quærenti, quid diffacerent? dixit, eos alia struere, alia diruere. Stobæus serm. 103.

*Bion.*

Interrogatus, quis esset in vita maxime anxius? Qui in maximis, inquit, rebus cupit esse fortunatus. Is enim mille curis distorquetur, ut assequatur

ardua: & assequutus, æquè torquetur ne amittat. Laert. lib. 4. cap. 7.

*Idem.*

Dicere solebat, Fortunam diuitibus pecunias non dono dedisse, sed mutuo. Hæc enim, cum suis bonis extra omnem spem nos euehit, suoque pro arbitrio mox deprimit incautos. Stob. serm. 103.

*Socrates.*

Dicebat, idem esse in secunda fortuna altum sapere, & in lubrica via cui succurrere. Stob. ser. 103.

*Idem.*

\* Idem est (dicebat) languenti onus imposuisse, & indocto bonam fortunam. Stob. ser. 4.

*Idem.*

\* In foco ignem, in vtraque fortuna mentem, splendere pulchrum esse dicebat. Ant. & Max. ser. de fortuna bona & mala.

*Bias.*

\* Eum demum infortunatum esse pronuntiabat, qui infortunium suum æquo animo ferre non posset. Ma. se 18.

*Idem.*

Interrogatus, quid esset difficile? Mutationem, inquit, secundæ fortunæ fortiter ferre. Max. ser. 18.

*Isocrates.*

Suos admonere solitus erat, ne cuiquam suam calamitatem obicerent. Communem enim fortunam esse: nec quid futurum nobis sit, modò spectari posse. Stob. ser. 190.

*Democritus.*

Dicebat, nullam esse adeo munitam diuitiarum portam, quam fortunæ occasio aperire non posset. Stob.

*Teles.*

\* Fortunam, seu poetriam quandam, dicebat multas inducere personas, naufragi, mendici, exulis gloriosi, obscuri. Itaque, inquit, decet virum bonum rectè agere, quancunque ei fortuna

S 4 dederit

dederit personam. Naufragus es factus? bene repræsentato naufragum: pauper ex diuite? bene agito pauperem, &c. Stob. ser. 106.

*Plutarchus.*

\* Fortunam assimilabat malo ceraminum præsidii. Nam sæpe coronat illos qui non vicerunt. Anton. & Max. ser. de fortuna bona & mala.

*Anonymus.*

Diagoras cum Olympicis vidisset filios suos victores coronari, atque ex filia filioque nepotes, eaq; re multum lætaretur, Lacedæmonius quidam dixisse fertur: Nunc ô Diagora pulchrû esset moriendi tempus. Ostendens, feri non posse, vt tantus felicitatis cumulus, alicuius rei infelicitate ante mortem non compensaretur: & tunc moriendum esse, cum viuentem plus vita delectat. Fulgos. l. 7. c. 2.

*Leotychidas.*

Roganti, quo modo quis maximè præsentia bona tueretur? Si non omnia, inquit, fortunę crediderit, Brufon. lib. 2. cap. 37.

*Dionysius iunior.*

Amisso imperio Corinthi agens, si quis ipsi molestus esset, dicebat, Quā beati sunt, qui à puero infelices fuere. Stob. ser. 109. de Insperatis euentibus.

*Idem.*

Conuenerant aliquando Dionysius secundus & Philippus Amyntæ F. cūque in diuersos sermones incidissent, Philippus inter alia Dionysium rogabat, Quomodo cum tantum regnum accepisset & conseruasset? respondens, Non mirum est, ait: quoniam cum reliqua mihi pater omnia reliquisset, fortunā solam qua ea parauerat, & tutatus fuerat, mihi non tradidit. Ælian. lib. 12. de Var. hist. & Brufon. l. 2. c. 37.

*Democrates.*

\* Etiam bonum gubernatorem ali-

quando naufragium facere, & virum bonum vel industrium etiam infortunatum euadere dicebat. Ant. & Max. ser. de fortuna bona & mala.

*Aristonymus.*

\* Vitam humanam theatro comparabat, vbi sæpius pessimi quique honoratissimum inter homines locum obti-  
nent. Stob. ser. de illis qui indignè fortunati sunt.

*Idem.*

\* Dicebat periti naucleri esse ventorum se mutationibus accommodare: viri autem sapientis, fortunę. Stob. ser. 3.

*Pausanias.*

Simônides ad conuiuium à Pausania vocatus, rogabatur inter conuiuium, vt quidpiam ex philosophiæ arcanis in medium adferret hospitibus, quod documento esset omnibus. Is itaque respondit Pausaniæ: Memineris te hominem esse. Vidit vir sapientissimus, Pausaniam ex nimia felicitate superbientem, quem hoc dicto sui officij admonere voluit. Sed Pausanias contempsit philosophi dictum. At cum iam in Charceæro & cum fame luctaretur, iamque contumeliosissimam mortem præ oculis cerneret, in memoriam philosophi dictum reuocans: O Cec hospes, ait, magnū quiddam in tuo erat sermone: ego verò nimium fortunæ meæ fidens, cum nullius momenti esse putabam: vnde nunc miserrimè interire cogor. Ælian. lib. 9. de Varia hist.

*Crasus.*

Consultus à Cyro de bello suscipiendo contra Tomyrin reginam, à qua tandem occisus est: Si tibi, ait, esse videris immortalis, nihil est opus vt meam tibi sententiam dicam. Si verò te quoque agnoscis hominem, illud in primis discito, talem humanarum rerum circulum esse, qui rotatus, eosdem  
semper

semper fortunatos esse non sinit. Brus.  
lib.2.cap.37.ex Herod.

*Demetrius.*

Illum qui sinistram fortunam ferre  
nequeat, ne dextram quidē posse ferre  
dicebat. Antonius in Melissa, part. 1.  
serm.70.

*Idem.*

Nemo Demetrio fuit vtraque for-  
tuna exercitator. Itaque frequenter  
solebat in fortunam illud Æschyli di-  
cere: Tu me exulisti, tu ipsa rursus de-  
icis. Plut. in Demetrio.

*Darius.*

Darius Xerxis pater, in sui laudem  
dicere solebat, sese præliis ac rebus as-  
peris reddi prudentiorem. Atqui talis  
prudencia nimio constat Reipublicæ.  
Præstat principem è philosophiæ præ-  
ceptis haurire sapientiam, potius quā  
experimentis miseram, vt vocant, col-  
ligere prudentiam. Eras.lib.5.ex Plut.  
apoph.

*Philippus.*

Cum Philippo Macedoni nuntium  
esset allatum, vno die multas res fœli-  
citer ac prosperè gestas esse (nam eo-  
dem tempore vicerat in Olympiis, &  
Parmenio Dardanenses prælio fude-  
rat, & Olympias ipsi masculum fœtum  
erat enixa) porrectis in cælum mani-  
bus exclamauit: Et ô fortuna, inquit,  
pro tot tantisque bonis leui quopiam  
malo me affice. Vir cordatissimus, non  
insolenter gestiit ob rerum successum,  
sed fortunæ indulgentiam suspectam  
habuit, cuius ingenium esse nouerat,  
vt quibus exitum molitur, his prius  
noua rerum prosperitate blandiatur.  
Huc pertinet quod de Polycrate Sa-  
miorum tyranno refert Plinius. Plu-  
tarchus in apophtheg. Fulgosus libr.7.  
cap.2.

*Apelles.*

Interrogatus, cur sedentem fortu-  
nam pinxisset? respondit, Quia loco

stare non potest. Stob. ser.103. Maxim.  
serm.67.

*Romulus.*

Infelicitatem hominibus plurimam  
prodesse dicebat, eo quod in rebus ad-  
uersis doceamur de rebus antea nobis  
ignotis. Multi enim cum ratione fu-  
tura præuidere non possunt, patiēdo  
res intelligunt demum. Anton. in Me-  
lissa, par.1. serm.70.

*Idem.*

Eum nequaquam beatum prædi-  
candum dixit, qui propter amicos, aut  
alias fortunæ dotes exultaret. hæc  
enim sunt fallacia & caduca omnia,  
quæ fortuna in sua potestate habet.  
Max. serm.18.

*Fabius Max.*

Cum audiret Minutium collegam  
ab omnibus mirum in modum collau-  
dari, quod nonnullos hostes iam deie-  
cisset: se magis secundam Minutij for-  
tunam, quā aduersam pertimescere,  
dicebat. Non ignorabat enim quā  
variæ essent fortunæ vices, &c. Plut. in  
vita Fabij Max.

*C. Marius.*

Non sanæ mentis hominem esse  
aiebat, qui se fortunæ committeret.  
Brus. l.2.c.37.

*Anonymus.*

De Mario tyrannorum septimo di-  
ctum est, quod vno die factus est im-  
perator, altero visus est imperare, ter-  
tio interemptus est à milite qui per-  
cussurus illum dixerit. Hic est gladius  
quem ipse fecisti. Fuerat enim opifex  
ferrarius. Allusit autem interemptor  
ad illud prouerbum, Tuo te gladio iu-  
gulo. Trebellius Pollio.

*Seuerus Imper.*

Celebratur Seueri Imperat. dictum:  
Omnia fui, sed nihil expedit. Senti-  
ens, sese ex humili loco per literarum  
ac militiæ officia plurimis gradibus  
fauore fortunæ ad imperij fastigium  
fuisse



fuisse perductum : sed nihil feliciter  
cessisse, aut nulla in re sibi placuisse.  
Ælius Spart.

*Vide apoph. de Felicitate.*

## De fortuna aduersa æquo animo ferenda.

*Chilon.*

**Q**Uum quidam propter sua mala  
doleret, dixit: Si aliorum omni-  
um mala perpenderis, minus ægrè fe-  
res tua. Stob. ser. 18.

*Pittacus.*

Prudentum virorum esse dixit, ne  
quid mali fiat cauere: fortium autem,  
id quod factum est, moderatè ferre.  
Stob. ser. 18.

*Diogenes.*

In casus quosdam aduersos quum  
incidisset, dicebat, Bene factum ò for-  
tuna, quòd tam viriliter mihi præfue-  
ris. Idem in huiusmodi casibus alta vo-  
ce cantillabat. Stob. serm. 106.

*Zeno.*

Naufragium passus, opibus omnia  
amississet, immobili vultu: Euge, inquit,  
fortuna quàm opportunè nos ad hoc  
palliolum redegisti. Max. ser. 8.

*Socrates.*

Xantippe dicebat, cùm infinitæ  
mutationes & Remp. & ipsos occupas-  
sent, in omnibus se similem vidisse So-  
cratis vultu, & exeuntis domo, & de-  
nuò redeuntis. Ad omnes enim fortu-  
næ vndiq; ingruentes procillas mode-  
ratus & concinnus erat. Stob. ser. 106.

*Idem.*

\* Dicebat, idem est in gymnaco cer-  
tamine victum contumeliæ actionem  
aduersario intentare: & in vita victu  
à fortuna, eam accusare, quasi nescias  
quo iure quibusq; legibus in vitæ cer-  
tamen cum ipsa descenderimus. Stob.  
ser. de pusillanimitate.

*Archytas Pythagoreus.*

\* Dicebat non difficile esse aduer-  
sam fortunam comòdè ferre, sed pro-  
sperum. Omnes etenim, inquit, quan-  
diu in miseria permanet, vt plurimum  
moderatis modestisq; moribus esse vi-  
dentur: in rerum autem successu ela-  
tis animis, &c. Stob. serm. de virtute.

*Vide apoph. de morte suorum non defen-  
da, de Animi moderatione, Forsitudine, Fe-  
licitate, infelicitate, Patientia, Inimicitia, Vi-  
sione neglecta, &c.*

## De fratribus.

*Antisthenes.*

**F**Ratres qui essent concordēs omni  
pariete dicebat esse fortiores. La-  
ertius lib. 6. cap. 1.

*Isocrates.*

\* Dicebat, non decere fratres, vt  
lances in statera, altero humiliato al-  
terum extolli. Ant. & Max. ser. de amo-  
re fraterno.

*Socrates.*

\* Eos qui fratribus præteritis alios  
sibi amicos acquirunt, iis similes esse  
dicebat qui relicto suo agro alienum  
colunt. Stob. ser. 82.

*Plutarchus.*

\* Dicebat, nullam esse fratris amissi  
recuperationem, vt neque manus ab-  
latæ. Anton. serm. de amore ac odio in  
fratres.

*Idem.*

\* Musas dicebat nominatas quasi  
ἰμοῦ θοῦς, id est, simul degentes, prop-  
ter sororiam animorum coniunctio-  
nem. Stob. ser. 82.

*Euclides Socraticus.*

\* Cùm fratrem dicentem audiuis-  
set, Dispeream nisi te vltus fuero: re-  
spondit, Et ego, nisi vt nos ames tibi  
persuaserim. Plut. l. de fratr. amore.

*Sotion.*

\* Fratrum amantem & pauperem  
dici

dici præstat, inquit, quàm fratrum olo-  
rem & diuitem. Stob. ser. 82.

*Idem.*

\* Fratri in fratrem insurgenti, dice-  
bat, Canem tibi infensum mitigare co-  
naris, vt fiat benignior: erga fratrem  
verò idem non facies. Eod. ser.

*Aristippus.*

\* Ad fratrem reconciliatum dixit,  
Memineris te dissentionis, me recon-  
ciliationis fuisse authorem. Ibid.

*Hierocles.*

\* Sicut oculi manúsque, si animæ &  
mētis per se compotes fierēt, reliquas  
partes omni studio curarent propter  
intercedentem ipsis communionem:  
quoniam ne ipsæ quidem functionem  
suam rectè administrare possunt citra  
præsentiam aliarum partium: ita no-  
bis etiam, inquit, qui homines sumus,  
& animam habere nos fatemur, omni-  
bus viribus annitendum est, vt fratri-  
bus decenter vtamur, &c. Stobæus  
serm. 82.

*Intaphernis vxor.*

Dario permittente vt vnum ex suis  
eligeret, cuius vitam sibi donari veller,  
fratrem elegit. demirante rege, causâ-  
que sciscitante: Alius, inquit, maritus,  
alij liberi, si Deus volet, possunt cōtin-  
gere: alium fratrem parentibus vita  
defunctis, non est quod sperem. Eras. 6.  
apoph.

*Eumenes.*

Eumenes insidiis petitus à Perseo,  
credebatur extinctus. Is rumor cum  
Pergamum esset perlatus, Attalus eius  
frater imposito sibi diademate, ductâ-  
que fratris vxore, regnum occupauit.  
Cæterum cū audisset illum viuum:  
vt solebat profectus est illi obuiam,  
vnâ cum satellitibus, hastam gestans.  
Eumenes autem amanter illum am-  
plexus, dixit in aurem, Ne festines du-  
cere, priusquam me mortuum videris:  
nec præterea per omnem vitam, vl-

lam offensi animi significationē vel di-  
cto vel facto dedit: quin etiam mori-  
ens, fratri & vxorem & regnum reli-  
quit. Cuius animi memor Attalus, cū  
multos ex se liberos haberet, nullum  
tamen regno educauit: sed Eumenis  
filio posteaquam adoleuisset, adhuc  
uiuens principatum tradidit. Plut. in  
reg. apoph.

*Antiochus.*

Antiochus cognomento Accipiter,  
cum fratre Seleuco pro regno bellum  
gerebat. At vbi Seleucus à Galatis vi-  
ctus, nusquam appareret, sed interfec-  
tus in prælio crederetur, deposita An-  
tiochus purpura, pullam vestem indu-  
it, rursus paulo pōst cum audisset illū  
esse incolumem, pro læto nuntio diis  
immolauit, fecitque vt ciuitates ipsi  
subditæ coronas gestarent. solent fra-  
trum iræ, si quādo inciderint, esse acer-  
rimæ: solet regni cupiditas nihil im-  
pium aut nefarium ducere. At hic ea  
moderatione regnum ambiit, vt fratrē  
veller incolumem. Plut. in reg. apoph.

*Caracalla.*

Bassianus præfectus suadebat Cara-  
calle, vt ad mitigandam inuidiam par-  
ricidij, fratrem Getam appellaret di-  
uum: Sir, inquit, diuus, dum non sit vi-  
uus. Et sic fratrem in diuos retulit.  
Atque ita regnandi cupiditas nescit  
iura pieratis. Ex Ælio Spartian.

*Vide apoph. de Concordia.*

## De frugalitate.

*Crates.*

**D**emetrio Phalereo indignatus est  
quod ipsi panes ac vinum misisset,  
dicens: vtinam fontes etiam panes  
ferrent. Sentiens, Vino nihil opus esse  
philosopho: atque hoc ipsum esse sub-  
molestū, quod panis non eque parabi-  
lis esset, ac potus. Laert. l. 6. c. 5.

*Idem.*

*Idem.*

Stilpon Ceij dedit caricam, simulq. proposuit quæstiunculam. Cum Cynicus protinus nucem deuorasset: Caricam, inquit, Stilpo, perdidisti. hinc Crates, Non caricam modò, sed & quæstiunculam cuius illa fuit arrha. Sentiens, se frustra captatum munusculo ad respondendum. Laert. l. 2. c. 12.

*Idem.*

Cum in forū incidisset, alios ementes, vendentes alios contemplatus: illi, inquit, quod rem inter se contrariam agunt, se beatos esse iudicant: at ego me, quod vtriusque, tum emendi tum vendendi, sim immunis. Stob. ser. 1. de Prudentia.

*Socrates.*

Dicebat, eos qui frugaliter viuerent, longè plus habere voluptatis, ac minus cruciatuum, quàm si indulgerent genio. Laert. l. 2. c. 5.

*Idem.*

Aduocarat diuites aliquot ad cœnā, ob id sollicita Xantippe, quod apparatus esset perquam exiguus: Bono animo es, inquit, nam si frugi temperatiusque sunt, boni consulentes: si minus, nulla bonis horum cura debet esse. Hoc dilemma nobis meritò excuteret operosam & sumptuosam ambitionem in excipiendis conuiuiis, La. l. 2. c. 5. Stob.

*Idem.*

Dicere solitus est, eum esse diis simillimum, qui quàm paucissimis egeret, cum dii omnino nullius egeant rei. At vulgus diuites diis proximos existimat, quorum deliciis nihil satis est. De his enim dictum est in comœdia Terentiana, Quàm vos facillimè agitis. Hoc autem Homerus diis tribuit, quos appellat *ἰσὶν ἀπορροῖς*, id est, facillimè viuētes, Facillimè autem viuit, qui paucissimis contentus est, Laert. l. 2.

*Idem.*

Dicebat, qui suauiter ederet panem,

huic non esse opus obsonio: & qui suauiter biberet quemlibet potum, hunc non desiderare poculum præter id quod adest. Fames enim & sitis optimè condit omnia. Ibid.

*Idem.*

Admonere solebat, quod apud alios diceretur edere aut conuiuari, apud Athenienses dici *βουχῆσαι*: qua voce dicebat nos admoneri, eo temperamento sumendum cibum, vt nec corpus nec animus oneretur. huc opinor alludens, quod *βουχῆσαι* sonet vehi, vnde *βουχῆσι* vehiculum, quanquam *βουχῆσι* dicatur & cibus: eoque additum *δω.* ne sarcina iusta grauior imponeretur corpori. Eras. l. 3. apoph.

*Idem.*

Xantippe eum increpante, quod tenuiter se ad amicos accipiendos pararet, dixit: Si nostri fuerint, nihil curabunt. sin alieni, nos de ipsis nihil curabimus. Max. ser. 13.

*Idem.*

Dicebat quoque optimum condimentū esse famem, quod & optimè, & dulcarer omnia, & nullius esset impedij. Vnde ipse semper iucundè edebat ac bibebat, quia neutrum faciebat nisi esuriens ac sitiens. Laert.

*Idem.*

Dicere solebat, multos in hoc viuere vt ederent & biberent: se autem cōtrā, ob id bibere & edere, vt viueret: quod his rebus non ad voluptatē, sed ad necessitatem vteretur, quandoquidem natura paucis contenta sit. Eras. lib. 3. apoph. ex Stob.

*Idem.*

Per forum obambulans, cum aspiceret mercium copiam quæ illic vendebantur, ita secum loqui consuevit: Quàm multis rebus ego non egeo! ast alij cruciantur animo, ita cogitantes, Quàm multa mihi desunt! Sibi gratulabatur, quod iuxta naturam viuens, ac

ac paucis assuetus, aurum, purpuram, gemmas, ebur, aulæa, reliquasq; diuitum delicias, nec cuperet, nec egeret: quas dicere solebat magis necessaria agendis tragœdiis, quam ad vsum vi-  
12. Laert. l. 2.

*Idem.*

Quendam ex amicis cōquerentem, quod Athenis omnia magno venirent (vinum enim Chium mina, purpurā tribus minis cōstare, mellis heminam quinq; drachmis) manu illius prehensa, duxit in forum farinarium: Obolo, inquit, semisextarius venit, vilis igitur annona est. Hinc ad olearia deducens: Duobus, inquit, æreis sextarius, non magno igitur in vrbe veniunt omnia. Qui paucis ac necessariis contentus est, sibi facit vilem annonam. Eras. l. 3. apoph. ex Plut.

*Idem.*

Quondam pro foribus deambulant contentius vsque ad vespëram, cum prætereuntium quispiam dixisset, quid agis Socrates? Obsonium, inquit, mihi comparo in cœnam. de fame sentiens quam agitatione corporis excitabat. M. Tullius sic explicat: Quo melius cœnem, obsono ambulando famem. Laert.

*Idem.*

Ad famem ac sitim tolerandam exercuerat sese. post sudorem enim palæstra collectum, cum alij potum, vehementer appetunt, nunquam bibebat de primo cratere. rogatus quam obrem id faceret? Ne consuescam, inquit, obsequi affectibus. Interdū enim, licet sitias, noxium est bibere. hic cum ratio suadet abstinentiam, affectus hortatur vt bibas, magis obtemperandum est rationi. Laert. l. 2.

*Diogenes.*

Cum aliquando à Cratero Alexandri Magni præfecto ad cœnam inuitatus esset, respondit: se malle salem

Athenis lingere quam apud Craterū adipata frui mensa. Laert. lib. 6.

*Idem.*

Quibusdam obiciientibus, quod in foro cibum caperet: Quid mirum inquit? in foro esurio. ratiocinatus à relatiuè oppositis. Si fames non vrgeret hominem in foro, fortassis absurdum esset in foro vesci. Sed eodem colore se tueri potuerat, in foro deiiciens aluum, aut vrinam reddens. Laert. l. 6.

*Idem.*

Quum aliquando vidisset puerum caua manu bibentem: Hic puer inquit, me frugalitate superat, qui suppellectilem superfluā mecum circumferam, & eductum è pera poculum ligneum abiecit: Nesciebam, inquit, & in hoc nobis prouidisse naturam. Quū alterum puerum vidisset vasculo fracto, cauo panis excipere lenticulam, abiecit & catinum ligneum, vt superuacaneum. Hæc patiar videri ridicula, modò fateamur, immodicum simplicitatis exemplum in hoc esse vtile, vt nos nostri luxus pudeat. Laert. li. 6.

*Idem.*

Quum in publica via pranderet, multiq; cingerent illum ob spectatuli nouitatem, ac subinde acclamarent, Canis canis: Imò, inquit, vos potius estis canes, qui prandentem circumstatis. nam id canibus cum primis familiare est. Laert. lib. 6.

*Idem.*

Quum primum cœpisset philosophari, ac in dolio, sicco mucidq; pane vescens solus, audiret totam vrbe lætitiā perstreptentem (erat enim dies festus) sensit animo non nihil tædij, diūque secum de relinquendo vitæ instituto cogitauit. Sed quum tandem mures videret adrepentes, panisque micas edere. Quid tibi displicet, inquit, ð Diogenes? sat magnificus es: ecce etiam parasitos alis. Laert. lib. 6.

*Idem.*



*Idem.*

Panem album nactus, è pera cibarium eiecit, hunc versum perloquens: Hospes tyrannis è vita decédito. Stob. serm. 15.

*Idem.*

Quum in opiparo conuiuio videret Platonem nihil attingentem lautitiarum, sed oleis duntaxat vescentem: Quid accidit, inquit, vir sapientissime, vt cum ob huiusmodi mensas in Sicilia profectus sis, hñc à paratis abstineas? Ad hæc Plato: At hercle Diogenes, & in Sicilia huiusmodi ferè cibo contentus eram. Quid igitur, inquit, Diogenes, necesse erat Syracusas nauigare? An tum Attica non ferebat oleas? Hoc dictum quidam adscribunt Aristippo. Laert. l. 6.

*Timotheus Cononis F.*

Omissis opiparis cœnis, & epulatonibus imperatoris, assumptus à Platone ad conuiuium Academicum, & frugali modicâq; cœna exceptus, reuersus ad suos dixisse fertur: Qui cum Platone cœnant, etiam postero die bene habent. Vituperauit cœnas splendidas & onerosas, quæ omne sequentis diei gaudium & hilaritatem præscinderent atq; præriperent. Ælianus l. 2. de Varia hist. & Plur. in Symposiacis.

*Leo Euseb. F.*

Interrogatus, quam quis urbem incolens tutus sit? Vbi, inquit, neq; plura neque pauciora inhabitantes possident. Plur. in apoph.

*Antisthenes.*

Quum Diogenes ab Antisthene peteret tunicam, iussit vt duplicaret pallium, sic enim tunicæ speciem præbiturum: admonens, oportere paucissimis esse contentum. Laert. l. 6. cap. 1.

*Epicurus.*

Dicere solebat, ei cui pauca non sufficiunt, nihil omnino satis esse. Item, se paratum esse de felicitate etiam cum

Ioue certare, si aquam & offam haberet. Laudauit frugalitatem his dictis: quo animo autem voluptatem laudauerit, ex aliis disces. Ælia. l. 4. de Varia hist. & Stob. ser. 15.

*Idem.*

Gratias naturæ habendas, dixit, quòd ea quæ ad vitam hominis subleuandam spectât, parabilia fecerit: difficilia autem paratu non necessaria. Stob. ser. 15.

*Isæus.*

Interrogatus, quis piscis, aut quæ avis esset ad vescendum suauissima? *πρωμυς*, inquit, *πρωτα στυδαιζεν*: id est, ista curare desij. Philost. in sophistis.

*Apollonius.*

Frugalitatem non ideo commendari hominibus dixit, quòd tanti res viles ac minimè sumptuosas faciamus: sed vt hoc pacto animi magnitudinem augcamus. Stob. serm. 15.

*Alcamenes, Telecri F.*

\* Obiurgatus à quodam quòd parcè nimium ac tam frugaliter viueret, cum tamen amplissimas possideret diuitias: Decet, inquit, cum qui multa possidet, pro ratione non pro libidine viuere. Plur. in Lacon.

*Idem.*

Idem, percontantibus quam ob rem statuisset, vt ad ædium culmen imponendum fabri securi vterentur, ad fores verò addendas sola serra nec vlllo alio instrumento? Vt, inquit, ciues mediocritatem seruent in omnibus quæ in ædes inferunt, neq; quicquam habeant earum rerum quæ apud alios sunt admirationi. Videbatur enim indecorum, si per ostium rude ac civile suppellex inferretur exotica, pretio cara, arte operosa, id ne fieret, ipsæ quodammodo fores admonebâr. Hinc aiunt accidisse, quòd Leotychedas primus apud Lacones rex cum cœnaret apud quendam, cerneretque rectum domus

domus sumptuoso apparatu factum, ac lacunaribus ornatum, rogabat hospitem, num ligna apud eos quadrata nascerentur. adeo luxum esse putabat, naturam artificio corrumpere. Plut. in Lacon.

*Agésilas.*

Thasiorum genus ut copia rerum abundabat, præcipue vini præstantia nobilis, ita deliciis erat addictior. per horum agros cum exercitu proficiscenti Agésilas, Thasij honoris gratia miscerunt farinas, anseres, bellaria, liba ex melle condita, & item omnis generis alia maximi pretij tum esculenta tum poculenta. At ille præter farinas nihil accepit: reliqua domum referri iussit ab his qui attulerunt, tanquam sibi suisque prorsus inutilia. Ceterum cum illi precibus & obtestationibus urgerent omnino, ut acciperet xenia, iussit ea inter Heloras distribui: id erat apud Lacedæmonios mancipiorum genus. Eius facti causam sciscitantibus, respondit: Non decere qui virtutis ac fortitudinis studio tenerentur, id genus delicias cupediasque recipere: propterea quod istiusmodi res quibus inescerentur ingenio serui nati, oportere à liberis procul abesse, grauius taxans Thasiorum mores, quidum voluptatibus seruirent, nec ingenuos se præstarent, nec liberos: & sapienter ostendens, nihil esse seruius abiectiusque, quam gulæ ventrisque voluptatibus obnoxium viuere. Plut. in apoph.

*Idem.*

Cum audiret quendam admirari, cur rex cum cæteris Lacedæmoniis tam frugali cibo & vestitu vteretur: Optimam mensam metimus, inquit, libertatem, quæ sine frugalitate esse nequaquam potest. Plut. in apoph. Lac.

*Lyfander.*

Lyfandro in Ioniam proficiscenti, hospites quos habebat in Ionia, cum

aliis multis, etiam bouem & placentam dono miserunt, Qui placentam contemplatus rogabat, quid nam illud cupediarum esset? Cui cum is qui attulerat, responderet, ex melle, caseo, aliisque quibusdam confectum esse: Sed hoc, inquit Lyfander, dandum est iis qui nouerunt. Non enim hic est liberi & ingenui hominis cibus. Ælian. lib. 3. de Varia hist.

*Pausanias.*

Quum Medos vicisset, iussit Persicam cenam præparatam sibi apponi: in qua quidem quum magnus inesset sumptus, Per deos, (inquit) lurco Persa erat, qui cum tor haberet, ad nostram venerit polentam. Brusi. l. 3. cap. 1.

*Epaminondas.*

Conuiuans cum collegis ducibus, in sine conuiuij bibit acetum. Percutantibus, num id conducirer ad sanitatem? Nescio, inquit: illud scio, bonum esse ad hoc, ut quis meminerit domesticæ diætæ, siue domesticorum negotiorum. Sentiens, conducere aduersus crapulam, & conferre sobrietati: simul indicans, se domi parcissimo victu agere solitum. Plutarch. libro 2. Sympo-  
sion.

*Anonymus.*

Quidam ingressus diuerforium, esuponi dedit obsonium, ut appareret, quum ille posceret caseum & oleum, Quid, inquit Lacon, si caseum haberem, iam non egerem obsonio. Caupo caseum & oleum petebat ad condiendum piscem, at Lacon id videns, cui sufficiebat victus simplex, superuacuum existimabat cibum cibo miscere, quum alter per se satis esse posset. Quantum absunt ab huius Laconis animo, qui centum rerum species in vnum miscent discum? Plut. in Lacon.

*Anonymus.*

Quidam Lacon cum duas amygdalas duras duplo vendi cõspiceret: Suntne hic,

hic, inquit, rari lapides? Quasi nihil in-  
teresset inter silicem & amygdalam.  
Aded Lacon deliciarum erat rudis, vt  
nesciret, sub gemino cortice latere  
nucleum. Et apparet hoc genus arbo-  
ris non quibuscumque regionibus fuisse  
notum, quando Plinius dubitat, an æta-  
te Catonis fuerit in Italia. Plu. in Lac.

*Phocion.*

Filium suum, qui plura solito obso-  
nia coemerat, obiurgans, ita commi-  
natus est ei: Si plura quam secundum  
naturam vesceretur, vel ingurgitaret,  
ipsum condignas poenas luiturum. Do-  
cuit filium vir sapientissimus, fru-  
galiter esse viuendum, cum natura  
paucis contenta esse soleat: quæ si ob-  
sonio obruitur nimio, poena statim in  
promptu est, quæ in variis morbis illico  
se ostendit. Stob. serm. 15. & 20.

*Epaminondas.*

Tam tenui victu utebatur, vt aliquan-  
do vocatus ad cœnam à vicino, quum  
reperisset bellariorum, obsoniorum, &  
vnguentorum apparatus: confestim  
abierit, dicens: Ego te sacrificare pu-  
tabam, non deliciari. Plut. in apoph.

*Idem.*

Quum coquus collegæ Epaminon-  
dæ de impedientiis aliquot dierum ratio-  
nem redderet, non alia de re indigna-  
batur, quam tantum fuisse consump-  
tum olei. demirantibus autem collegis  
negauit se offendi sumptu, sed molestè  
ferre, tantum olei exceptum intra cor-  
pus hominum. Sentiens, oleum esse  
natum foris vngendo corpori, non in-  
tus explendo. Inunctum reddit cor-  
pus firmius, & iniuriæ patientius: in-  
fusus in viscera, reddit delicatius ac  
segius. Plut. in apoph.

*Idem.*

Quum festum diem celebraret ciui-  
tas, omnesque comotationibus &  
libidini indulgerent, cuidam è famili-  
aribus factus est obuiam squalidus &

cogitabundus. Admirante illo, rogan-  
teque, quid tandem esset rei, quod so-  
lus ad eum affectus modum obambu-  
laret? Vt vobis, inquit, omnibus ebrios  
ac socordes esse liceat. O vocem prin-  
cipe dignam! Tum maximè vigilan-  
dum est principi, quum populus maxi-  
mè indulget genio. At non oportet ip-  
si vnquam vacare, aut genialiter viue-  
re. Plu. in apoph.

*Alexander.*

Quum regina Carum Ada illud ha-  
beret studio, vt assiduum mitteret Ale-  
xandro obsonia, bellariaque; per talium  
rerum architectos coquosque magna  
arte parata. Alexander ait, seipsum  
habere meliores obsoniorum artifices;  
ad prandium quidem, nocturnum iter:  
ad cœnam verò, tenue prandium. Plu.  
in reg. & imp. apoph.

*Cyrus.*

Rogatus ab hospite, quid ad pran-  
dium apparari iuberet? Nihil aliud, in-  
quit, quam panem. nam spero me pro-  
pe rium cœnaturum. Mira frugalitas  
in rege barbaro, cui panis erat pro ob-  
sonio, & sitim aquæ spe deferrebat in  
cœnam. Refert Ammianus lib. 27.

*Ptolemaus Lagi F.*

Plerumque apud amicos & cœnare  
solebat, & dormire. Quod si quando il-  
los vicissim acciperet cœna, amicorum  
rebus utebatur, comodato sumens ab  
illis pocula, aulæ & mensas. Ipse verò  
sibi non parabat plura quam exigeret  
necessitas: sed regalius esse dicebat  
ditare, quam diuitem esse. Plu. in Reg.  
apoph.

*Prodicus.*

Dicere solebat, optimum condimen-  
tum esse ipsum ignem. Sentiens, bono  
stomacho satis esse, obsonium esse co-  
ctum, etiamsi nihil accedat delicia-  
rum. Eracl. lib. 6. apoph.

*Scipio iunior.*

Narrant eum annis quinquaginta  
quatuor,

quatuor, quibus vixit, nihil vendidisse, nihil emisit, nihil edificasse: libras autem argenti triginta treis, auri duas in ampla domo reliquisse, quamvis portus esset Carthaginis, multatq; ditasset plus ceteris ducibus omnibus. Plut. in apoph. Mira etiam narratur ab eodem de M. Catonis frugalitate.

*M. Curius.*

Nonnullis arguentibus, quod ex agris bello partis partem exiguam unicuique militum distribuisset, magnam vero reipub. optauit a diis, ne quando existeret quisquam Romanus, cui ager exiguus videretur, qui posset alere dominum. Sentiens, cum non esse Romano dignum nomine, qui plus appeteret, quam quod ad victum frugalem satis est. Plut. in apoph.

*Augustus Cæs.*

Nulli ferè ad conuiuium vocanti negare solitus est. Exceptus igitur a quodam coena perparca, ac penè quotidiani: quum a conuiuatore dimitteretur, hoc illi tantum insusurrauit: Non putabam me tibi tam familiarem. Alius tam ieiunum apparatus, contumeliam fuisset interpretatus: ille etiã pudori consuluit inuitatoris, familiaritati tribuens, ad quem in aurem, ne ceteri putarent exprobratam parsi moniam. Quid hac comitate amabilius in tanto monarcha, qualem nunc vix triginta reges aquent? Brut. lib. 2. cap. 2. & Macrobius lib. 2. cap. 4. Saturn.

*Idem.*

Populo de inopia vini caritatè que querenti dixit: A genero suo Agrippa productis pluribus aquis satis prouisum, ne sitirent homines. Fuit autem Agrippæ vigilantissimum studium, vndique prospiciendi vrbi de aquarum copia. Augustus autem seuerè populum ad aquas à vino reuocauit. Suet.

*Iul. Cæsar.*

Coquos omnes eiecit è palatio. Ro-

gatus autem cur hoc fecisset. Non opus est coquis, ait, quod simplicissimis cibis contentus esse possum. Eralmus lib. 8. apoph.

*Tacitus.*

Factus Romanorum imperator, cum luxum omnè maxime damnaret, continuo dicere solebat: Frugales mentulas, holusculis & leguminibus Pythagoricis instructas, multo gratiores esse quam Mylestorum sumptuosa fastidia. Et dicebat, se laetare in vltu somnum mercari. Vopiscus Sabellicus. Ennead. 7. lib. 7.

*Huc refer quædam, quæ annotata sunt apoph. de Abstinencia, Temperantia, &c.*

## De fucò.

*Archidamus.*

Chius quidam, ætate prouectus, venit Lacedæmonem: & cum aliàs turgeret superbia, propter senectutem reuerenter habebatur, proinde canos occultare conabatur tinctura. Itaque cum in conspectum Lacedæmoniorum prodisset, ostenso tali capite, exposuit quorum gratia venerat. Consurgens itaque Archidamus rex Lacedæmoniorum: Quid, inquit, hic sani diceret, cuius non solum animus, verum etiam caput fucis contaminatum est? Et explosit eius dicta: ingenium Chij redarguens, ex iis quæ oculis cernebantur. Elianus lib. 8. de Var. hist.

*Philippus.*

Ex Antipatri amicis quendam Philippus Macedoniæ rex in iudicium numerum ascripserat. Verum post, ubi cognouit illum tingere barbam & capillum, submouit eum, dicens: Qui in capillis fidus non esset, cum muneribus gerendis, non videri dignum, cui fideretur: lusit homonimiã vocis. Fucò utebatur in tingendis capillis, ubi non multum erat lucri: multo magis

F

vlturus



visurus erat suco publicis negotiis, ubi  
dolos interdum ingens adfert emolu-  
mentum. Plut. in apoph.

*Vide apoph. de Vnguensis.*

### De fuga.

*Diogenes.*

**Q**uum eius seruus Mathes quem  
unicum habebat, aliquando au-  
fugisset, hortareturq; vt reduceret, ne-  
gauit: Turpe est, inquit, Mathen sine  
Diogene viuere posse, Diogenem sine  
Mathe non posse. Laert. & Stob.

*Idem.*

Videns seruum fugitiuum ad pute-  
um sedentem: Caue, inquit, & adole-  
scens, ne incidas, ad fugam alludens.  
Laert. & Stob.

*Aristides.*

Themistocli sexpenumero dixisse  
ferunt, nō esse soluendum pontem, sed  
aliud potius faciendum quo abiret  
Xerxes atrocissimus. Plut.

*Agésilau.*

Agésilau videns claudum quendam  
militem, quærentem equum quo ve-  
heretur debilis, dixisse fertur: An non  
intelligis in bello opus esse non qui  
fugam adornent, sed qui fortiter pug-  
nantes loco maneant? Significare vo-  
luit vir clarissimus, eos demum bello  
esse viles milites, quibus non decre-  
tum est ex periculo fugere, sed aut vin-  
cere in prælio, aut oppetere mortem.  
Plut. in Lacon.

*Callicratis.*

Quum nauali pugna esset conflictu-  
rus, atque Hermon nauclerus diceret,  
bonū esse ab eo loco soluere, eo quod  
Atheniensem triremes numero longè  
plures essent: Quid, inquit, tum postea  
fugere nō tantum ignominiosum, sed  
damnosum etiam Spartanis est, con-  
trà, fortiter pugnare & vincere, hone-  
stissimum. Plut. in Lacon. apoph.

*Antonyma.*

Lacæna quædam cum filios suos è  
prælio fugam adornasse audisset, do-  
mum venientes vehementer obiurga-  
uit, dicens: Quid itis ignauia & fugiti-  
ua mancipia? & ostenso ventre: Num  
huc inquit, denuò subituri vnde emer-  
sistis? Plut. in apoph. Lacænarum.

*Alcibiades.*

Quum accepisset se, vna voce à po-  
pulo Atheniensi morte damnatum, vi-  
tassetque carcerem, (nam statim vt  
accusatus est, è patria aufugit) At ego,  
inquit ostendam illis Alcibiadem vi-  
uere. Brul. lib. 7. cap. 14.

*Pyrrius.*

Quibusdam dicentibus hostes in  
circumueniendos esse, vt ne fuga vitam  
eripere possent: respondit, Hostibus  
nequaquam intercludendam sed ape-  
riendam potius esse viam quod citius  
magna cum ignominia fugiant. Pu-  
tarchus.

*Scipio Afr.*

Dicere solebat, hosti non solum  
dandam esse viam fugiendi, sed etiam  
muniendam. Fuga enim hostium pa-  
ratur salus militum fortiter pugnanti-  
um. Plut. apoph.

*Cicero.*

Fabricius cum demisso capite à iu-  
dicio recederet, vrbane Cicero in ora-  
tione pro Cluentio ad illius fugam al-  
ludens: Respice, inquit, hominum for-  
tunam, respice C. Fabricij senectutem.  
Brul. lib. 2. cap. 45.

*Antonymus.*

Post Mutinensem fugam, percon-  
rantibus quid ageret Antonius? Qui-  
dam è familiaribus eius respondisse  
fertur, id quod canis in Nilo, bibit &  
fugit. Constat enim, in Ægypto canes  
è Nilo curretentes bibere: nimirum me-  
tu crocodilorum eo in flumine regna-  
tium. Macrobius libro secundo capi-  
te secundo Satur.

*Cornificium.*

*Cornificius.*

Cornificius poeta, videns milites in bello, quod inter Augustum & Antonium gerebatur, frequenter fugere, appellavit eos lepores galeatos. Erasim. lib. 8. apoph.

*Cicero.*

Cum à Caesaris partibus discessisset, Pompeiisque ignaviam contemneret, urbanè, Quem fugiam, inquit, novi: ad quem autem fugiam, haud quamquam. Plut. in apoph.

*Idem.*

Quidam à Cesare ad Pompeium transfugiens, dicebat se festinandi studio equum reliquisse. Cicero dixit, illum melius de equo quàm de se statuisse. Sentiens, longè rectius facturum fuisse, si & ipse mansisset apud Caesarem. Plut. in apoph.

*Iul. Caesar.*

Pomponio militi ostentanti ore exceptum in seditione Sulpitiana vulnus, quod se passum pro Cesare pugnantem gloriabatur: Ne unquam fugiens respexeris, inquit Caesar. Erasim. lib. 4. apoph.

*Idem.*

In prælio quodam, Martia legionis equiferum iam ad fugam còversum, faucibus apprehensum in contrariam retraxit partem, dextraque ad hostem porrecta: Quorsum, inquit, tu abis? Illic sunt, cum quibus dimicamus. At manibus quidem unum militem correxerit, voce autem tam acri legionum omnium trepidationem discussit, vincique paratas vincere docuit. Erasim. lib. 4. apoph.

*Augustus Caesar.*

Milem saxo in expeditione percussus ac notabili cicatrice in fronte deformem, nimium tamen sua gesta instantem, sic leviter raxavit: At tu cum fugies posthac, nunquam post te respexeris. Macrobi. lib. 3. cap. 4. Satur.

*Pertinax.*

Ab amicis suis admonitus, atque oratus etiam, ut militum prætorianorum crudeles insidias, qui imperatorem è vita tollere conabantur, effugeret, populisque auxilium imploraret, respondit, indecorum esse ac illiberale, minimeque dignum imperatoria maiestate, atque antea èta vita, latebris aut fuga salutem querere. Herod. lib. 2.

*Aurel. Probus.*

Cum equus esset ipsi oblatus, qui ob miram currendi velocitatem admodum laudaretur, (centum enim ad diem millibus passuum currere dicebatur, credentibus hoc omnibus) Fugitivus, inquit, militi potius hic equus, quàm forti convenit. Vopiscus.

*Alphonfus.*

Laudare eum maximopere solebar, quicumque fugientibus hostibus argentum pontem extruendum dixisset. Existimabar enim, vel multo operabilius esse hostes in fugam vertere, quàm occidere: vel hostes pecunia sollicitandos, ut ab acie discederent. Panormit. lib. 4. de rebus gestis Alphonfi. Erasim. lib. 8. apoph.

## De fuga excusata.

*Demosthenes.*

Demosthenes clypeo suo literis aureis inscripserat ἀγαντινός, id est, bona fortuna. Attamen cum ad pugnaventum esset, ilico proiecto clypeo aufugit. Id cum illi probro daretur, quod in fugam esset, elusit vulgato versiculo:

ἀγαν δὲ φεύγων καὶ πάλιν μαχέσσομαι.

Id est,

*Vir fugiens, redintegrabit prælium.*

Indicans, utilius esse patriæ fugere, quam in prælio mori. Mortuus enim non pugnat, at qui fuga quaesiverit salutem, potest in multis præliis patriæ vti esse. Plut. in vita Demost.

T 2

*Theodorus.*

*Theodorus Philof.*

Interrogatus, cur Athenis profugus venisset ad Lyfimachum regem? Non profugi, inquit, sed idem mihi accidit quod Herculi: nam vt ille ob peculiares quasdam virtutes ab Argonautis fuit expositus: sic ego propter magnanimitatem, quam Atheniensium rectores non valebant assequi, sum vrbe exclusus. Philo Iudæus in lib. Quod omnis probus liber.

*Xenonatus.*

Ciuiibus exprobrantibus sibi, quod Imperator exercitus fugisset in bello: At vobiscum, inquit, o cara capita, probrum cum exprobrantibus communicans: neque enim dux persistere potest absque milicibus. Et turpiter obiicit alteri vitium, à quo ipse non est immunis. Plut. in Politicis.

*Alcibiades.*

Cum ad causam pro capite dicendam è Sicilia vocaretur ab Atheniensibus, obreperare noluit: Stultum est, inquiens, iudicium querere, non fuga sibi consulere, cum fugere possis. Et est quidam diceret, An non credis, te ipsum patriæ? respondit, Imò ne matri quidem crederem. Timerem enim, ne fortè per imprudentiam, aut errorem veritatis, nigrum calculum pro candido submitteret, Ælian. li. 13. de varia hist. Plut. in Alcibiade. Huic haud absimile est Germanorum tritum prouerbium, *Vffder v weite is fignus tadigen.* Cum licet fugere ne queras litem.

*Antigonus.*

Aliquando cedens hostibus imminentibus, aiebat se non fugere, sed oportunitatem à tergo sitam persequi. Sentiens, non esse turpe fugere, quoties magis expedit hosti dare locum, quam cōserere manus. Dicti gratia in hoc est, quod cum fugere & persequi sint contraria, ille fugiens interpretabatur se persequi magis quam fugere.

Persequimur enim hostem, & persequimur id quod studiosè expetimus. Plut. in apoph. Stob. serm. 52. *upellid*

## De furto & furibus.

*Damocrates.*

**F**Vrem ah. undecim viris abduci videns, Vah miser, inquit, cur rātula furatus es, & non potius magna, vt tu etiam abduxisses, alios? Stob. serm. 17.

*Zeno Cithieus.*

Seruum in furto deprehensum, et di iussit: eumque is se sic excusare, non diceret, sibi fuisse in fatis, vt furaretur. Et et di, inquit, Laerti. lib. 7. cap. 1. *mol*

*Diogenes.*

Harpalum, celeberrimum furem, contra deos testimonium dicere aiebat, quod in illa fortuna tam diu viveret. Laert.

*Idem.*

Cōspicantē duci quendam, qui phylam ex arario furatus sustulerat (dicebatur autem à magistratibus, quos illi *inequidum* appellant) Magni, inquit Diogenes, fures paruum ducunt. Vtinam hoc non posset verè dici in magistratus aliquot Christianos, à quibus ad laqueum adigitur interdū, qui decem drachmas sustulit: ipsi puniunt magis fortis, vel peculatu potius durescunt. Laert. lib. 6.

*Demosthenes.*

Ad furem inquentem, Nesciebam quod tuum hoc esset: At tuum non esse satis sciebas, respondit. Stob. serm. 11.

*Anonymus.*

Lycurgi legibus cum furta permitterentur, solusque qui deprehenderetur, poenas negligentiz daret: puer quidam vulpeculam furatus, aduentibus qui amiserant ad querendam, vestibus occultuit. Feram verò sculentem, ac pueri ipsius latus ad intestina usque

vsque lacerantem, tansisper tolerauit. Duxit autem quærentes abirent, reprehensus à pueris quibusdam, accensibus melius fuisse manifestare culpeculam, quam vsque ad mortem occulere. Minimè, inquit puer: sed multò satius est mori, quam in furto deprehendi Plur. in Lacon.

*Alexander Emper. F.*

Roganti cuidam, cur Spartani non colligerent pecunias in ærarium publicum? Ne, inquit, corrumpantur, qui facti fuerint illarum custodes. Quam malè consulunt integritati suæ, qui priuatim pecuniarum vim in arcam recondunt, si vir prudens ciuium suorum moribus timuit, à pecunia publica, cuius tantùm erant custodes futuri, non domini. Plut. in Lacon.

*Cæsius.*

Dicente Philippo, quid latras? Festiuè, furem se videre respondit. Brus. lib. 2. cap. 40.

*Anonymus.*

In seruum furacem ita iocatus est, vt diceret, eum solum esse, cui domi nihil sit nec signatum nec occlusum. Intelligimus autè, illi nec seras nec signa ob stare, quominus furetur. Serinia claudimus: olim verò & cadi lagenæque solebant ob signari. Erasmus lib. 6. apoph.

*Alexander Severus.*

Adèò vindex furci fuit, vt per præconè sæpe edixerit: Nemo saluet principem qui se furem esse noscet. Ælius Lampridius.

*Idem.*

Dicere solebat, solos fures de paupertate conqueri, dum ita student scelera vitæ suæ regere. Lactabat & sententiam notam furibus.

ὁ πολλὰ κλέψας, ὀλίγα δὲ δὲ, εὐρησθήσεται.

Id est,

Qui multa furatur, & pauca dat, effugit: Notans quosdam, qui tantùm fur an-

tur, vt habeant quod corrumpant iudicem, aut actorem. Æl. Lampridius.

*Idem.*

Idem furci suspicione infames nec intueri sustinebat: adèò vt quum Septimus Arabinus, qui famosus crimine furtorum sub Heliogabalo fuerat liberatus, inter senatores principem salutatum venisset, exclamarit, O numina, ô Iupiter, ô dii immortales: Arabinus non solum viuere, sed etiam in senatum venit, fortassis de me sperat? tam fatuum, tam stultum me esse iudicat? Lamprid.

*Vide plura apoph. de Peculatu.*

DE GARRULI-  
TATE ET  
loquacitate.

*Zeno Cisticus.*



VDIENS adolescentem nimis garrulum: Aures (inquit) in linguam defluxere. Ostendit autem adolescentis esse, audire quidem multa, loqui autem pauca. Lactius lib. 7. cap. 1. Stob. serm. 36.

*Idem.*

Alium multa garrientem, hoc dicto Zeno corripuit: Ob id binas habemus aures, & os vnicum, vt plurima audiamus, loquamur autem paucissima. Ibidem.

*Idem.*

Adolescenti confidenter loquenti: Non dixeram, inquit, ô adolescens, quæ mihi succurrunt: Significans ex sermonis procacia colligi morum impudicitiam. Ibid.

*Idem.*

E discipulis suis aliquos dicebat esse φιλόλογους, id est, variz rerum cognitionis studiosos: alios verò λογιόλογους, id



est, loquendi tantum studiosos. Stob.  
serm. 36.

*Idem.*

Quum percontatus esset à quodam  
homine satis contentioso, An virtus  
utilis esset? tenuit, non volens verbis  
respondendo ei occasionem dare liti-  
gandi. Eod. serm.

*Idem.*

Adolescenti in Academia de rebus  
friolis negotiis garranti, dixit: Nisi  
lingua in mentem intincta differueris,  
adhuc multò amplius dicendo delin-  
ques. Stob. Eod. serm.

*Clearchus.*

\* Quæ nolis audire (inquit) ea eti-  
am ne dicito: quæ nolis dicere, ea ne  
audito quidem. Aurium enim & lin-  
guæ magnum est periculum. Max. ser.  
de temeritate linguæ.

*Plato.*

Cùm Antisthenes aliquando in dia-  
triba longam orationem habuisset: I-  
gnoras, inquit, quòd dicendi modus  
non penes loquentem, sed audientem  
est? Stob. ser. 37. Max. ser. 47.

*Menedemus.*

Quendam friolis nugis obstrepentem,  
rogauit, num fundum haberet: Vt  
is respondit, sibi plurimas esse posses-  
siones: Abi igitur, inquit, & illas cura,  
ne turpiter eas perdas. Notauit autem  
hominem inaniter garrulum, qui ad  
agros colendos magis esset idoneus,  
quam ad dicendum. Laert. l. 2. c. 16.

*Apollonius.*

Dicere solebat, Loquacitatem qui-  
dem multos habere errores, silentium  
autem tutum esse. Stob. ser. 37.

*Idem.*

\* Interrogatus, qui essent hominum  
optimi? qui in dicendo (inquit) sunt  
breuissimi. Linguaces autem si tantum  
molestiæ caperent, quanta reliquos  
afficiunt, haud sanè longos sermones  
facerent. Ibid.

*Nicosthenes.*

Si continenter, inquit, multa & ce-  
lenter loqui, sapientiæ signum esset,  
hirundines dicerentur nobis multò  
sapientiores. Max. ser. 47.

*Demofribenes.*

In conuiuium quidam multa loquen-  
ti: Si tam multa, inquit, sapuisses, nun-  
quàm tam multa locutus esses. Eod. ser.

*Idem.*

Rogatus, cur vnàm habeamus lin-  
guam, aures verò duas? Quis, inquit,  
duplo plus audiendum, quàm loquen-  
dum. Eod. ser.

*Eusebius philos.*

\* Dicebat homines magnum possi-  
dere vallum dentium ad coercendos  
leues sermones. Nos in omni re iudi-  
cio mentis indigere, quæ si verba non  
dixerit, sapius ante consultationem  
effugiunt: & tanto vallo neglecto, ci-  
tra iudicium ante tempus foras ruunt.  
Eod. serm.

*Nicosthenes.*

\* Si continenter & multa & celeri-  
ter loqui, sapientis signum esset, hiru-  
dines (inquit) dicerentur & essent ho-  
minibus sapientiores. Anton. & Max.  
ser. de temeritate in dicendo.

*Lyon.*

\* Oratores ranis similes esse dice-  
bat: has enim in aqua clamare, illos  
verò ad clepsydram. Eod. serm.

*Idem.*

\* Dicebat, quemadmodum hiru-  
dines perpetuo garritu familiaritatis  
voluptatem perdunt: sic garrulos per-  
petuò obruentes molestos esse au-  
ditoribus. Eod. serm.

*Democrates.*

Auaritiam quandam esse dicebat  
omnia velle dicere, & nihil audire.  
Stob. ser. 36. & Max. ser. 47.

*Isocrates.*

Cùm locutuleius quidam nomine  
Cargon, in disciplinam eius recipi vel-  
let,

fer, duplicem mercedem postulauit. Illi verò causam interroganti, dixit: Alteram quidem peto vt loqui discas, alteram autem vt tacere. Stob. ser. 36. Ant. Meliss. part. 2. ser. 70. Max. ser. 47.

*Archelaus.*

Tonfori garrulo subinde roganti, Quomodo te radam, ô rex? Silendo, inquit, Alter aliud responsum exspectabat, & hinc dicti lepos. Quidam sunt in curatione morosi. Archelao satis erat, si sileret. Nobis autem interdum etiam cum ebriis, pariterque loquacibus res est. Plut. in apoph.

*Anonymus.*

\* Iuriconsulto loquaci dixit, non oportere multis verbis pauca dicere, sed paucis multa. Ant. & Max. serm. de temeritate in dicendo.

*Hieron.*

Hieron, qui Geloni successit in regnum: neminem qui liberè apud se loqueretur, importunum aut molestum esse dicebat: æterum qui arcanum efferrent, eos existimabat etiam illos ledere, apud quos effutirent, eò quòd odimus non solum illos qui efferunt, verum etiam eos qui audierunt, quæ nollemus illis audita esse. Ibid.

*Vide apoph. de Lingua & Loquacitate.*

## De generosè dictis.

*Polydorus Alcamenis F.*

**I**N eum qui non cessabat hostibus imitare: Non intelligis, inquit, te maximam vindictæ partē frustra cōsumere? Nam qui cupit inimicum vlcisci, nihil aliud efficit minando, nisi vt præmonito inimico, sibi ipsi maiores struar insidias. Plut. in Lac.

*Affycrasidas.*

Postquam Agis superatus est apud Megalopolin in prælio aduersus Antigonom, cuidam dicenti, Quid nunc facturi estis Lacedæmonij? Macedo-

nibusne seruituri? Quid tandem, inquit? num Antigonus vetare potest, quò minus in pugna pro patria mortem oppetamus? Ibid.

*Agasicles.*

Cuidam dicenti, Admirari sese, quòd cum discendi tam audius esset, tamen non adiungeret sibi Philophanem sophistam: regali prorsus indole respondit: Eorum discipulus esse volo, quorum sum & filius. Significans non minus interesse quos nactus sis parentes, quàm quos informatores & educatores adsciscas. Ibid.

*Eudamidas.*

Infrà de laudis cupiditate.

*Anonymus.*

Thebani cum debellatis ac fugatis apud Leuctra Lacedæmoniis, ad ipsum venissent Eurotam, & quidā gloriabundus dixisset: Vbi nunc sunt Lacones? Spartanus ab illis captus: Non adsunt, inquit, alioqui vos huc non venissetis. Ne victus quidem & caprius potuit indolis Laconicæ obliuisci, nec tulit victoris iactantiam. Ibid.

*Ephori.*

Cum Lacedæmoniorum rex polliceretur se funditus euerfurum ciuitatē quandam, quæ sæpenumero Lacedæmoniis negotium exhibuerat, non permiserunt Ephori, dicentes: Nequaquam abolebis iuuenum cotem. Urbem infestam appellabant cotem iuuentutis, eò quòd hostibus semper præsentibus ipsa iuuentus acueretur ad bellandi peritiam. Ibid.

*Anonymus.*

Mos erat apud Lacedæmonios, vt rex hostes aggrediretur, præcedenti quoque gestante coronā, qui in certamine victor aliquando tulisset coronam. Cum igitur Lacon quidam in Olympiis magnā pecuniæ vim respuisset, & coronam prætulisset cuidam dicenti: Quid emolumenti tibi adfert

T 4 victoria?

victoria? ridens respondit: Ante regem, inquit, coronatus incedens pugnabo cum hostibus. Ibid.

*Anonymus.*

Apud Lacedæmonios duo pueri cum inter se pugnascent, & vnus alteri lethale vulnus inflixisset, puerorum sodales faucium iam morientem consolantur, ac pollicentur ultionem. At ille, Nequaquam, inquit, de ultione cogitandum est: quandoquidem ego idem facurus eram, quod fecit ipse, si potuissem. Ibid.

*Idem.*

Lacon quidam sagitta percussus, cum animam ageret, dicebat: Non me mouet quod moriar, sed partim quod ab imbelli sagittario ac mulierculæ simili, partim quod nullo facinore edito morior. Plut. in Lacon.

*Paulus Aemilius.*

Infra de Hostibus non crudeliter tractandis.

*Scipio Afr.*

Quibusdam calumniantibus, quod parum strenuus pugnator esset: Imperatorem, inquit, me mater, non bellatorem genuit. Plut. in Scipione.

*Agésilas.*

Suprà de Concordia.

## De gesticulatione.

*Chilon.*

**D**icere solebar, inter loquendū non esse mouendas manus: id enim esse vācordiam. Laert. lib. 1. cap. 4.

*Lesbonax.*

Histriones ac gesticulatores appellare solebat *ὑπεροπτεῖς*, quem pōnibus saperent, non lingua. Erat autem choreæ genus, quo graues historix citra vocem vel recitantis, vel tibicinis, solo corporis gestu sic repræsentabatur, vt spectatores propè plus intelligerent

ex saltatione, quam si quis recitasset. Eras. lib. 8. apoph.

*Polemon.*

Polemon sophista, histrionem Tragediarum, qui in Olympiis, O Iupiter pronuntiārat, ostensa terra: O terra, manu in cælum proiecta: submonuit à præmiis (præsidebat enim ei certamini) dicens, Hic manu commisit solacismum. Ex Philostrato.

*Domitius Afer.*

Manlium Suram multum in agendo discursantem, salientem, manus iactantem, togam deiicientem ac repONENTEM, non agere, dixit, sed satagere. Actio enim oratoris est. Satagit autem qui frustra miserèque conatur. Eras. lib. 6. apoph.

*Cicero.*

M. Callidius Gallum accusauit, M. Tullio defendente, quūque acculator affirmaret, se testibus, chirographis, quæstionibus probaturum, sibi à reo fuisse præparatum venenum: sed interim rem tam atrocem, remisso vultu, languida voce, ac reliquo gestu parum concitato pronuntiaret: M. Tullius, Tu, inquit, nisi fingeres M. Callidi, sic ageres? Ex actione colligens, illum non ex animo loqui. Eras. lib. 4. apoph.

*Cæsar.*

Testius Penatius in dicendo mentē intorquebat, in hunc Cæsar ita iocatus est: Dic si quid velis, ait, quum nucem perfreris. Notauit incompósitos perorantis mores, ac gesticulationes parum decoras. Nam qui habet in ore nucem duram, in rumpendo mentum solet intorquere. Brusl. l. 4. c. 31.

*Augustus Cæsar.*

De duobus Pantomimis inter se commissis, vt alternis gestibus certarent, alterum dixit saltatorem, alterum interpellatorem: quod ille immodicè gesticularetur, alter non gesticulari, sed

sed saltantem interpellare videretur.  
Eras.lib.4.apoph.ex Suetonio.

## De Geometria.

*Socrates.*

**S**ocrates admonetur, dandam esse Operam Geometriæ, donec quis possit mensuram terræ & accipere & tradere. Opinor eum sensisse, moderatos agros esse parandos, quos & tibi commodum sit à maioribus accipere, & hæredibus tuis tradere. Nam immodicæ possessiones ut non sine negotio parantur, ita non absque lite perveniunt ad hæredes. Dicitur argutia est in verbo *μετρησέτω*, quod anceps est ad artem Geometricam, & ad agrorum mentores. Laert.lib.1.cap.5.

*Diogenes.*

Cuidam ostendenti horoscopon : Bellum, inquit, herclè instrumentum, ne frustremur cœna, sentiens, inutiles esse artes Geometricas cum cæteris. Laert.lib.6.

## De gladio, gladiatoribus, atque armis.

*Agis.*

**D**emadi dicenti, quod enses Lacedæmonici ob brevitatem à circularioribus ac præstigiis imitantibus deuorarentur: Agis iunior respondit, His ensibus Lacedæmonij assequuntur hostes longioribus armatos gladiis. Plut. in Lacon.apoph.

*Demonax.*

Videns Athenienses hoc agere, ut barbarorum exemplo, gladiatorum spectacula in urbem inducerent : Nolite, inquit, o ciues istam crudelitatem prius admittere in ciuitatem vestram, quam Misericordiæ aram sitis demoliti. Voluit autem significare, nequa-

quam conuenire in ea ciuitate, in qua Misericordia prodeba coleretur, spectari plusquam ferinam crudelitatem. Eras.lib.8.apoph.

*Antalcidas.*

*Suprà de Fortitudine heroica.*

## De gloria & eius amore.

*Bion.*

**G**loriam dicebat esse matrem anorum, ob id opinor, quod cum hominis vita sit brevis, honesta memoria in multa secula propagatur. Laertius l.4.c.7.

*Heraclius.*

\* Viam ad gloriam maximè compendiarium esse dicebat, si quis bonus esse studeret. Ant. & Max. ser. de gloria

*Socrates.*

Hanc viam ad gloriam proximam, & quasi compendiarium dicebat, si quisque id ageret, ut qualis haberi veller, talis esset. Cic. l.2. Offic.

*Democritus.*

Democritus ferrur & illud solitus dicere, λόγος ἴσθι οὐκ ἔστιν, id est, Oratio operis est umbra. Significans, ex egregiis factis nasci laudes hominum eloquentium, non contrà. Primam igitur oportet esse curam factorum, quam gloriam consequitur ultro. Laertius lib.9.cap.7.

*Agésilæus.*

A quodam interrogatus, Quam ratione perpetuam sibi gloriam parare posset? Si mortem contempseris, ait. nihil enim præclaræ rei gerere cum, cuius animum mortis metus occupauit. Plut. in apoph. Lacon.

*Themistocles.*

Adolescens, in computationibus ac mulierum amoribus volutabatur. At postquam Miltiades apud Marathonem deuicisset barbaros, iam nullus offendit illum quicquam agentem præter



ter decorum. Percontantibus autem unde sic esset repente mutatus? Multadis, inquit, trophæum non paritur me dormire, neque cessare. Gloriz studiū excussit amorem voluptatum: clauū, vt aiunt, clauo. Plut. in apoph.

*Idem.*

Ad Olympix certamen profectus, cum in studiū processisset, omnes neglectis certaminibus oculos in ipsum intenderunt, in eoque complexando diem totum consumpserunt, ac Themistoclem illum cum plausu & admiratione peregrinis ostenderunt. Ea re vir gloriæ omnium cupidissimus, dixit amicis, se eo die laborum quos pro Græcia suscepisset, omnium fructum amplissimum reportasse. Plut.

*Anonymus.*

Ex Indis quendam sagittandi arte cum primis celebrem, adeo vt etiam per annulum sagittam mittere diceretur, quum in bello cepisset, iussit artis suæ specimen edere: recusantem, iratus rex necari iussit. Quum duceretur homo, dixit his à quibus ducebatur, se multis diebus non exercuisse artem, eoque timuisse ne aberraret. Id ubi renuntiatum est Alexandro, quod non contumacia, sed ignominiz metu recusasset, admiratus ingenium gloriæ studiosum, dimisit illum donatum: eo quod mortem oppetere maluisset, quā fama sua videri indignus. Hic apparet, non omnino vanum esse quod prouerbio iactatum est, Simile simili esse amicum. Alexander gloriæ supra modum appetens, similem affectum in aliis amabat. Plut.

*Phryne.*

Quum Alexander Thebanorum mœnia diruisset, Phryne meretrix pollicita est de suis impendiis reposituram, modò ciues paterentur hoc insculpi elogium,

Ἀλέξανδρος ἡμῶν κατέσκαλεν, αὐτὴν δὲ

*id est,*

Alexander quidē subuertit, sed Phryne restituit. Hic meritò quis dubitet, utrū sit admiratione dignus, an quodd scortum corporis vsura tantas opes collegerit: an quodd tanto nominis amore teneretur, vt titulum tam carè voluerit emptum. Nam vt præclarus est restituere, quā demoliri: ita speciosior fuisset laus Phrynes scorti, quā Alexandri regis. Eras. lib. 8. apoph.

*Epaminondas.*

Venerat Thebas, belli socius futurus. Is cum Epaminondæ egenti, duo aureorum millia misisset, non accepit, sed ipsum Iasonem intuitus: In iustis, inquit, imperas, ipse deterior. Sentiebat autem, iniquas esse opes, quæ possessorem faciliè seducunt. At viros fortes gloria, virtutis præmio, contentos esse debere putabat. Plut. in Græc. apoph.

*Pericles.*

Quum Thucydides vociferaretur apud populū aduersus Periclem, quod in picturas ac statuas summorum artificum profunderet rei publicæ census, ipse assurgens rogauit populū: Videreturne multum impendisse? quo respondente, Plurimum: Age, inquit, vt igitur hæc mihi impensa, & non vobis: atque ipsis donariis, deorum meum tantum nomen inscribam. Hæc vox subito mutauit animum populi, iussitque vt publicis impendiis pergeret, nec vllis parceret sumptibus. Eras. lib. 5. apoph. ex Plut.

*Idem.*

\* Eum iam morientem quum necessarii mœsti deplorarent, ac prætexas commemorarent, potentiam, & quæ trophæa, quas victorias vrbesq; Atheniēsisbus partas relinqueret: paululum sese erigens, reprehendit eos, quod communes multorum, & fortunæ magis quā virtutis debitas laudes retulissent,

serulissent, pulcherrima, & maxima, ipsique propria hac laude prætermis-  
sa, Quod propter ipsum nemo Athe-  
niensium nigram vestem vnquã sum-  
pserit. Plut.

*Epinomondas.*

\* Menecleida quodam oratore ipsum aliquando traducebat, vt qui de se quã Agamemnone amplius sentiret: facio, inquit, hoc propter vos, Thebani, quo-  
rum solorum opera Lacedæmonium imperium vnica die euerit. Plut. lib. de  
sui laude.

*Phocion.*

\* Leosthene adhuc rem feliciter gerente interrogatus ab oratoribus, quidnam beneficii in urbem contu-  
lisset? Nihil, inquit, quã quod me prætoris vos orationem funebrem nul-  
lam habuistis, sed quotquot mortui sunt, in sepulchris maiorum sunt hu-  
mati. Plut.

*Antigonus.*

\* Quum mitteret filium suum Deme-  
trium cum numerosa classe, magnãq;  
militum vi ad Græcos liberandos, di-  
cebat: Gloriam à Græcia, velut à spi-  
cula in orbem terrarum accendi, iu-  
ticiem gloriæ studio extimulans, vt  
strenuè rem gereret, quod eius laudis  
rumor non intra Græciæ fines esset  
continendus, sed ob Græci nominis  
celebritatem, per omnes mudi plagas  
dimanaturus. Plut. in Regum apoph.

*Antigonus iunior.*

\* Is, cæteris fastu vacuus, & princeps  
moderatus, in nauali quodam prælio  
amicorum quodam dicente, Non vi-  
des quantò plures sint hostium naues?  
Me verò ipsum, inquit, quot nauibus  
opponis? Plut. in apoph.

*Scipio iunior.*

Censor creatus, adolescenti cuidam  
equum ademit, quod eo tempore quo  
Carthago oppugnabatur, splendide  
ornatus, libum in vrbis similitudinem

figuratum, cui Carthagini nomen in-  
diderat, conuiuiis diripiendum propo-  
suisset, luuene verò causam sciscitan-  
te, cure quo priuatus esset? Quoniam,  
inquit Scipio, me prior Carthaginem  
diripuisti. Plut. in Rom. apoph.

*Julius Cæsar.*

Postquam milites, qui Scipionem  
in Africa sequebantur, fugissent, & Ca-  
ro victus sibi necem Vtiæ conscisset:  
Inuideo, inquit Cæsar, & Caro, tibi  
mortem istam, quando tu mihi salu-  
tem tuam inuidisti. Ibid.

*Basilus.*

\* Sigloriam quæris, inquit, & cupis  
superior multis videri, & in reb. mun-  
danis clarus fieri, sis iustus, temperans,  
prudens, fortis & patiens in aduersis  
pro religione suscipiendis, &c. Ant. &  
Max. ser. de gloria.

*Vide apoph. de Ambitione.*

## De gloriæ contemptu.

*Crates.*

Dicebat, se pro patria habere glo-  
riæ neglectum & paupertatem, in  
quæ nullum ius haberet fortuna. Lacr.  
lib. 6. cap. 5.

*Democritus.*

\* Vnus, aiebat, mihi pro populo est,  
& populus pro vno. Senec. epist. 7.

*Anonymus.*

\* Quum quæreretur à quodã egre-  
gio opifice, quod tanta diligentia artis  
spectaret ad paucissimos peruenturæ:  
satis sunt, inquit, mihi pauci, satis est  
vnus, satis est nullus. Ibid.

*Diogenes.*

Cum præconem in Olympiis ita  
pronuntiantem audiuiisset, Doxippus  
vicit viros, correxit Diogenes: Hic, in-  
quiens, mancipia potius vicit. Osten-  
dens, eos nequaquam esse viros, qui in  
his certarent spectaculis, sed manci-  
pia potius gloriæ. Ibid.

*Secutus.*

Cum audires recitare Lyfidem Platonis: Deum, inquit, immortalem, quam multa de me mentitur adolefcens, siue quod ob modestiam non agnosceret laudes quas tribuebat Platon, siue quod in dialogo multa de Socrate fingeret. Eras. 3. apoph.

*Epicurus.*

\* Quum vni ex confortibus studiorum suorum scriberet: Hæc, inquit, ego non multis, sed tibi: satis enim magnum alter alteri theatrum sumus. Sen. epist. 7. ad Lucil.

*Mesrocles.*

Libros suos exussit, dicens:

*Td d' eis oreion mrtigon parraturo.*

Sunt inferiorum hæc somniorum imagines. Sentiens, esse nugas, ac deliramenta, quæ scripserat. Laert. lib. 6. c. 6.

*Frontinus.*

Venit sibi extrui monumentum, his verbis: Impensa monumenti superuacanea est; memoria nostra durabit si vitam meruimus. Excelsi animi est, quum præclara gesseris. gloriam contemnere. Eras. lib. 8. apoph.

## De gratitudine.

*Chilon.*

Dicere solebat, Beneficij dati obliuisci decet, accepti meminisse. Vulgus hominum contrà facit. Si quid cui benefecerunt, sine fine prædicant, sinèq; modo exaggerant: si quid in ipsos collocatum fuerit officij, mox aut obliuiscuntur, aut dissimulant, aut eleuant. Laert. lib. 1. cap. 4.

*Diogenes.*

Acceptis paucis nummis à Diotimo Carysio, homine sibi amicissimo cum non haberet unde munus tam amplè rependere posset, ad Diotimum dixisse fertur: Dij tibi largiantur tan-

tum, quantum animo tuo cogitas. & cupis. Alian. lib. 4. de Varia hist.

*Democritus.*

Dum quendam ad gratificandum aliis studiosissimum, vilem nihilominus, vicissim videret compensationem accipere: Ohe, inquit, qui beneficia perdideris, num te non pudet Gratias quæstus gratia prostituere, quæ virgines esse dicuntur. Stob.

*Idem.*

Dicere solebat, Si facultas adest aliis gratificandi, ne differas, nosti enim, quam mutabilis sit rerum omnium status. Ibid.

*Simonides.*

Rogante quodam vt sibi conscriberet encomium, & gratiam se relaturū inquit, argentum autem non dante: Duas, respondit, arcas domi habeo, vnâ gratiarum; alteram argenti: & cum necessitas exigit, gratiarum quidam arcam aperiens, inanem ipsam reperi, alteram verò solùm mihi commodam. Stob. ser. 8. de Iniustitia.

*Artaxerxes.*

Rusticus quidam videns ad regem Artaxerxem varia deferri donaria, nec aliud habens quod largiretur, vtrique causa manu haustam è proximo flumine aquam illi obtulit, vultu alacri. Rex lætatus, iussit illi dari phialam aureâ, ac mille Daricis donauit hominem. Plut. in Regum apoph.

*Philippus.*

Hipparcho Euboico vita defuncto, Philippus præ se ferebat quàm illius mortem acerbè ferret. Itaque cuidam volenti dolorem ipsius mitigare, dicentique: Attramen ille tempestiuè decessit, iam natu grâdis: Sibi quidem ipsi, inquit Philippus, tempestiuè decessit: sed mihi præproperè. Mors enim illum anticipauit priusquam à me beneficium acceperit, nostra dignum amicitia. Perquàm rarum est, princi-

principem sentire gratiarum affectus, sed amicis plerique non aliter quam equis vtuntur. Dum vsui sunt, curant: inuitiles factos abiciunt, eosq; spoliant citius quam beneficio iuuant. Plur.

*Augustus Caesar.*  
Veteranus quidam cum vocatus in ius periclitaretur, adis in publico Cæsarem Augustum, rogant ut sibi veller adesse: Cæsar è comitatu suo selectum illic dedit, eiq; litigatorem commendauit. Hic miles vociferans. At non ego Cæsar, periclitante te Actiaco bello, vicarium quæsiui, sed pro te ipse pugnaui, simulq; detexit cicatrices. Erubuit Cæsar, atque ipse descendit in aduocationem, veritus ne non modò superbus, verum etiam ingratus videretur. Eras. lib. 4. apoph. ex Suet.

*Vide apoph. de Beneficiis, & Beneficentia.*

## De gratitudine in Deum.

*Pytho.*

Atheniensibus ob res feliciter gestas ipsum admirantibus, ac prædicantibus, quòd Coryn regem intermisisset: Diis, inquit, habenda est gratia, quibus authoribus hoc facinus præclarè gestum est, nam ipse nihil aliud quam manum & operam meam commodauit. Euentus rei in manu Dei est, & huic debetur gratia siquid feliciter cesserit. Sed interim vale nostram operam accedere. Eras. lib. 6. apoph. ex Plut.

*Placilla.*

Placilla Theodosij Romanorù Imperatoris vxor, cum videret maritum à pietatis veraq; religionis studio alienum magis esse, quam Imperatorem deceret, subinde ad eum dixisse fertur: Còsiderare te oportet suauissime còiunx, quis antea fueris, & in quem locum te euexerit vniuersitatis huius Deus. Si enim perpetuam eius rei ob-

tinueris memoriam, non propterea ob accepta beneficia erga eum ingratus præstabis: sed ex præscripto legù Dei quod ab eo accepisti, gubernabis imperium, & ita eum, qui tibi; vt fideli ministros commisit, ritè coles. Nicep. Callist. lib. 12. cap. 42.

## De grauitè dictis.

*Bion.*

Frequenter dicere solebat: Quem admodum proci Penelope, quoniam cum Penelope còmisceri non potuerunt, cum illius ancillis rem haberunt: ita qui philosophiam assequi nò possunt, in ahis frivolis disciplinis semet exerceant. Laert. lib. 4. c. 7.

*Solon.*

Percontatus, Cur in parricidas nullam promulgasset legem? Non expectabam, inquit, hoc scelus vquam in hac ciuitate posse committi. Laert. lib. capite 3.

*Thales.*

Adultero còsciscanti, an abiuratus esset adulterium? Thales Milesius ait, Non est peritium adulterio peius. Laert. lib. 1. cap. 1.

*Zeno Citiens.*

Dicebat, plerosque philosophos in multis sapere, sed in fortuitis vulgaribusq; rebus esse imperitos. Laert. lib. 7. c. 1.

*Democritus.*

Dicere solebat: Si corpus animum in ius vocaret, haudquaquà futurum, vt ille munetis: male administrati crimen effugeret. Animus in corpore veluti præsidio collocatus est, & tamen pleraque mala corpori ab animo veniunt. Laert. lib. 9. cap. 7.

*Empedocles.*

Videns ciues suos voluptatibus delectos sumptuosissimè & dissipare, dixit: Agrigentini sic indulgent voluptatibus, quasi postmodò morituri sic & dissipant,



cant, quasi semper victuri. Idem lib. 8. cap. 2. Item de Rhodiis dicit Plut.

*Anaxagoras.*

Cum absens morti addictus esset, id nuntianti: Iam olim, inquit, istam sententiam tulit natura: quæ in illos atque in me. Laert. lib. 1. cap. 10.

*Anisifhenes.*

Infra de Iuidia, quæ plerumque felicitatis & virtutis comes est.

*Themistocles.*

Simonides poeta Themistoclis prætoris operam pro amico in re iniqua petenti, respondit Themistocles: Nec Simonidem fore bonum poetam, nisi mensuram modumque in canendis carminibus, quæ scribebat, curaret: neque bonum prætorem habitum iri, si legibus ac iustitiæ alicuius gratiam præposuisset. Fulgosi lib. 6.

*Socrates.*

Grauitate dicere solebat, nec à mortuo petendum colloquium, nec ab avaro beneficium. Eras. lib. 8. apop. ex Stob.

*Idem.*

Cum Athenis causam diceret, defensionemque ei Lysias à se imposuerat, quæ in iudicio vteretur retinasset, demissam ac supplicem, imminentiq; procellæ accommodatam: Aufer, inquit, quæso istam, nam ego si adduci possem, ut eam in vltima Scythiæ solitudinæ perorarem, tum meipsum morte mulrandum concederem. Spiritum contempsit, ne careret grauitate: maluitque Socrates extinguere, quam Lysias superesse. Cic. 1. de Orat. Laert. in vita Socratis, & Val. Max. lib. 6. cap. 4.

*Agis.*

Suprà de Filiorum potestate in parentes.

*Agessilaus.*

Audiens scelerosum quendam hominem fortiter pertulisse tormenta, ait: Quam miser est homo, qui tol-

erantiam in res flagitiosas ac turpes collocat. Plut. in Lacon.

*Idem.*

Allato nuntio, illustrissimos viros prælio circa Corinthum commisso occubuisse in acie, Spartiatis autem cecidisse per quæ paucos, multos vero ex hostibus: nullam læticiam præ se tulit, sed ingenti edito gemitu, Heu Græciam, inquit, quæ tot viros ipsa perdidisti, quot si incolumes sint, profligare acie cunctos queant barbaros. Plut. in Agessilaus.

*Idem.*

Iam senex, cur per hyemem solo pallio reclusus obambularet absque tunicis, interrogatus: Vt, inquit, iuvenes hanc vitæ rationem imitentur. Ibid.

*Idem.*

Illud cum primis sibi gloriæ ducere solebat, quod cum rex esset, cæterisque consilio prospiceret, nihilo secius in laboribus obeundis nemini cederet, quodque sibi ipsi imperaret. Ibid.

*Idem.*

Notans corruptissimos eorum mores, qui Asiam incolebant, dicere solebat: inter illos qui improbi essent, eos non esse liberos: contra qui probi, eos esse seruos: quod ubi vitislicerent omnia, virtus haberetur odio. Ibidem.

*Idem.*

Quum secum haberet Xenophontem, iussit, ut filios suos accerseret Lacedæmoniam, docendos artem omnium pulcherrimam: videlicet imperare, & parare imperio. Plut. in Lac.

*Idem.*

Ostendebat quidam Agessilaos ciuitatis cuiusdam muros editos, quumque rogasset, viderentur ne pulchri? Pulchri, inquit, per Iouem, verum appareret in hoc paratos, ut mulieres inhabitent, non viri. Ibid.

*Alcamenes.*

Infra de Imperio administrando.

*Agis.*

*Agasicles.*

Quum sciscitaretur, quo pacto posset quis turd imperare, nullo stipatus satellitio? respondit. Si sic imperet suis, quemadmodum pater imperat liberis. Plut. in Lacon.

*Leonidas.*

Cum proficisceretur ad Thermopylas, cum Persis conflictaturus, uxori interroganti, quidnam mandaret? Vt bono, inquit, nubas, & probos liberos parias. Plut. in Lac.

*Idem.*

Iamiam cum hoste conflicturus, & admonitus ut reliquos expectaret socios, Annon adsum, inquit, qui pugnaturi sunt? An nescitis eos solos cum hostibus pugnare, qui reges verentur? Plut. in Lacon.

*Theopompus.*

Dicente quodam, ideo seruari Remp. Spartanam, quod reges scirent imperare: Imo potius, inquit, quod ciues sciant parere. Plut. in Lac.

*Teleclus.*

Supra de filiorum pietate in parentes.

*Pedartius.*

Pedaretus Spartanus, nobilitate & sanctitate prastans, in petitione magistratus victus, maximè sibi esse latitiae pradicauit, quod aliquor patria sua meliores viros haberet. Quo sermone repulsam honori adæquauit. Plut. in Lac. Val. Max. l. 6. c. 4.

*Syagrus.*

Legatus, quo tempore Xerxes expectabatur, ad Gelonem tyrannum Syracusanum missus, ut in eo bello opem ab eo peterent: Geloni offerenti ducentas triremes, duo equitum & octo peditum millia, & præterea grandem pecuniam, ac vim magnam frumenti, si Græci in eo bello ducem eum creare vellent, respondit. Ad quærendos milites, & non ad sumendum ducem missus sum. Fulgos. lib. 6.

*Themistocles.*

Cum ad mare descendisset, ut occisorum Persarum stragem inspiceret: posteaquam vidit intersectorum sparsos torques, & armillas aureas, ad amicum conuersus ait: Tu qui Themistocles non es, ista collige. Grauius verbo conditiones ostendens, quibus hominum gradus discriminantur, eas esse, quæ faciant ut aliquid agere aut deceat, aut non. Fulg. lib. 6.

*Demosthenes.*

Laceffitus conuiciis, Committor, inquit, in certamen, in quo qui superior euaserit, inferior est: & qui vicerit, victus est. Plut.

*Epaminondas.*

\* Quum aliàs solitus esset vincto corpore hilarique vultu prodire in publicum, postridie eius dici quo feliciter pugnatum est ad Leuctra, processit squalidus ac summissus. Amicis autem sciscitantibus, ecquid illi molesti accidisset? Nihil, inquit, sed heri sensu me plus æquo mihi placuisse: eius gaudij intemperantiam hodie castigo. Plut. in apoph.

*Philippus.*

\* Græciæ potius imperio, ad refrenandum animi fastum, puero delegauit hoc munus, ut singulis diebus mane teracclamaret, Philippe, memento te esse hominem. Elian. l. 8. de varia histor.

*Alexander.*

Darius rex, cum iam ex vno arque altero prælio Alexandri regis militarem virtutem esset expertus, filiam in matrimonium cum decies centum millibus talentorum, ac magnam simul regni partem obtulit, Parmenione autem dicente, se, si Alexander esset, vsurum ea conditione: respondit Alexander: Et ego vteret, si Parmenio essem. Curtius lib. 4. Arrian. lib. 2. & Val. Max. lib. 6. cap. 4.

Galli

*Galli.*

Gallorum legati ad Alexandrum regem profecti, ut eius pactum & amicitiam peterent, interrogati ab Alexandro, quam ob causam ipsius amicitiam eo tempore postularent? putans dicturos, eius rei præpotentes ipsius vires causam esse: subridentes responderunt, Se metuere, ne in ipsorum caput cælum rueret: & tamen ingentis animi regum amicitiam magnificere. Fulgosi. lib. 6.

*Scip. Aemilianus.*

Cum haberet confortem censuræ Mummium, ut nobilem, ita enervis vitæ, pro rostris dixisse fertur: Se ex maiestate Reipub. omnia gesturum, si sibi ciues vel dedissent collegam, vel non dedissent. Plin. cap. 58. de Viris illustr. Val. Max. lib. 6. cap. 4.

*Idem.*

Servius Sulpitius Galba & Aurelius cōsules in senatu cōtendebant, uter aduersus Viriatum in Lusitaniā mitteretur. ac magna inter P. C. dissensio erat, omnibus quonam eius sententia inclinaretur expectantibus. Neutrum, inquit, mihi placet. Alter enim nihil habet: alteri nihil satis est. Æque maiam licentis imperij magistram iudicans inopiam atq; auaritiā. Quo die, ut neuter in provinciam mitteretur obtinuit. Valer. lib. 6. cap. 4.

*Scip. Maior.*

Dicere solebat, ij quibus sunt equi ferociiores, tradunt eos domitoribus, ut his facilioribus possint uti. Sic hominēs secundis rebus effrenatos, sibi que præsidentes, tanquam in gyrum rationis duci oportet, ut prospecta rerum humanarum imbecillitate ac fortunæ varietate, reddantur moderatiōres. Plut.

*Pescennius Niger.*

Rogatus, quidnam de Scipionibus sentiret? respondit, illos sibi videri

foelices magis, quā fortes, quod uterque domi iuuentutem parum sanctē transgessisset. Eli. Spartianus.

*Cyanienfes.*

D. Brutus cum penē totam Lusitaniam subegisset, ac sola gentis huius vrbs Cyania pertinaciter arma retineret, tentata pecunia redemptione, propenitōdum vno ore legatis Bruti respōdit: Ferrum sibi à maioribus quovibem tuerentur, non aurum quō libertatem ab imperatore auaro timeant, relictum. Val. Max. lib. 6. cap. 4.

*Manlius.*

Manlio cum omnium consensu apud Romanos consulatus deferretur, de illorum aduersæ valetudinis causam prætexit, quo honorem oblatum commode recusaret. Instantibus autem cunctis: Alium, inquit, Manlius, quante Quirites, ad quem hunc honorem transferatis. Nam si me gerere cum coegeritis, nec ego mores vestros ferre, nec vos meum imperium perpeti poteritis. Plin. c. 28. de viris illustribus. Val. Max. lib. 6. cap. 9.

*Q. Fabius.*

Minutius quum gloriaretur, ipse opera multum decessisse Fabianæ dignitatis: Fabius respondit, O Minuti, reputa tibi cum Hannibale certamen esse potius, quā cum Fabio. Plut.

*P. Rustilius.*

Suprà tit. de amicitia atque amico bono.

*Augustus Caesar.*

Quum forte ad ædes Catonis Vices venisset, ait: Quisquis presentem Remp. mutari non vult, is & ciuis & vir bonus est. Plut. in Rom. apoph.

*Demetrius.*

Domitianus Romanorum imperator, cū philosophos mathematicosque omnes ex Italia pellendos statuisset, multiq; iam ex philosophorum schola in Lybiam Seythiamque confugissent:

gissent : Demetrius philosophus expulſus , inſtituta cum Apollonio ſermocinatione, dolenter dixit & grauiter: Cicadis licet impune canere, nobis autem ne mutire quidem fas eſt. Philoſtratus, & Cuſpin. in Conſul.

*Frontinus Conſ.*

Domitiano imperate cum omnibus liceret inimicos ſuos accuſare, Frontinus conſul dixiſſe fertur: Malum eſſe imperatorem habere ſub quo nulli liceeret aliquid facere: ſed peius ſub quo omnibus omnia. Dion apud Cuſpinianum in Conſulib.

*Camachrenus magnus.*

\*Quum res ei feliciter ſuccederent, fortunam non laceſſiuit, neque immodice ſupercilium erexit: ſed retenta animi grauitate intra modeste limitibus immotus manſit. Nunc vero, inquit, me ſobrium eſſe oportet, cum alij non ebrij eſſe non poſſunt. Proſperienim ſuccellus humana ingenia cum primis explorant, & vices cordes tam inſolentes reddunt, quam cordatos conſtantie & grauitatis laudibus cumulant. Niceph. Gregoras, lib. 9.

*Alphonſus.*

In contentione inter Franciſcum Sfortiam & Nicolaum Picinium, cum interrogatus eſſet à Matricienſibus legatis, vtrum ex his in amicitia admittere vellet? reſpondit, Vtroſque tanquam amicos habendos eſſe, ſed ab utroque tanquam inimicis cauendum. Senſit autem rex prudentiſſimus, quam parum tutum ſit, ita parare amicos, vt hoſtes & inimicos interim alios ſibi inſenſos reddat. Panormitan. lib. 1. de rebus geſtis Alphonſi.

*Idem.*

Improbo cuidam ac vicerdi iactanti, reperiſſe ſe virum ſapientem: Et qui fieri potuit, inquit, vt ſapientem dignoſceret ſtultus? Eraſm. lib. 8. apoph.

*Ludouicus XII. Gall. rex.*

\*Quo die Carolo octauo in regno ſuſſectus eſt, amicorum vni petenti ſibi dono dari fortunas Aurelianenſis ciuis, qui in Ludouicum hoſtili ſemper animo fuerat, ſtrenue id negauit, atque alia maiora pollicituſ eſt, inquit, meritum eſſet ridendus Galliarum rex, ſi Aurelianenſis ducis (de ſe ipſo autem loquebatur, quum antea eſſet Aurelie dux) iniurias vlciſceretur. Fulgoſus, lib. 4. cap. 1.

*Hem. Dandalus.*

Is poſtea dux Venetiis creatus, ad Manuelem Commenum imperatorem Conſtantinopolitanum, Veneto nomini infeſtiſſimum, miſſus orator, cum multa alia prudenter apud eum principem locutus eſſe dicitur, vt illum patrie reconciliaret: tum vero illud grauiffime addidit, vt meminifſet Sibyllini carminis iam pridem vulgati: futurum non multo poſt, vt Adria orti Conſtantinopolitani imperij faſces ſceptraque ad ſe traherent. Quo tam graui dicto adeo excanduit Manuel, vt illi intra cubiculum euocato, æneum vas candens obiecerit, quod inſpectare diutius voluit, vt eum oculorum lumine priuaret. Quam poenam ita paſſus eſt, quamuis grauiter laborarit, vt precipuus ille author fuerit imperij ad Gallos transferendi. Ioannes Baptiſta. Eggenatius, lib. 6. cap. 4.

*Stephanus Conſtarenſis.*

Creatus hic in Petri Zeni locum, Senatus iudicio, qui maritimæ rei recte peragendæ in Benaco lacu præſeſt, quando res aduerſe nuntiarentur, ſtatim ſuſcepta provincia, domum eſt profeſtus, euocataque de ſuperiore ædium parte vxore: Scias inquit, me Benacenſi ora præſeſt, Senatus ita iubente: tu igitur omnia domi parato, curatoque vt præſtò ſint, quæcunq; que mihi neceſſaria futura ſunt. Atque

V

intra



intra paucos dies aut latum à me partem victoriæ nuntium expectato ( id quod campani gr̃is sonitus ex Marciana turri tibi significauerit ) aut mortis meæ literas, quibus tu cadauer hoc ipsum auitæ sepulturæ mandes. Quæ vox quæso grauior esse potuit, ad restandam suam in patriam charitatem? cuius dignitate & gloria nihil sibi charius aut iucundius esse profitebatur. Ioannes Baptista. Egnatius l.6.c.4.

## De gubernatione.

*Socrates.*

**D**icebat vehementer absurdum esse, cum artes sedentarias nemo profiteatur absque dedecore, qui eas non didicerit: neque quisquam scriniū faciendum locet ei, qui rudis sit eius opificij: ad publicos magistratus admitti, qui nunquam dederunt operā disciplinæ: sine quibus non potest rectè magistratum gerere. Cumque nemo non detestatur sit eum qui clauo affideret, ignarus artis nauticæ: multo magis detestandos, qui rempublicæ capessèrent ignari politicæ philosophiæ. Neque eum putabat appellandum impostorem, qui à quopiam pecuniam aut vasculum acciperet, quod non posset reddere, sed illos magis impostores habendos dicebat, qui dolo persuaderent se idoneos gubernandæ Reipublicæ, cum sint homines nihili. Hoc dictum multo magis ad principes, magistratus & episcopos Christianos pertinet, quàm ad Ethnicos. Erasli.3. apoph.

*Idem.*

Illum impudenter facere dicebat, qui cum boues efficeret pauciores, postularer tamen haberi bonus bubulcus: sed multo absurdius esse, si quis haberi velit bonus Reipubl. gubernator, cum ciuium numerum imminuat.

Hoc dictum torfit in Critiam & Chariclem, qui multos ciuium trucidarēt. Nec illos id latuit. Critias enim illi minatus est, ni sileret, fore ut ipse quoque faceret boues pauciores. & quod minatus est, verbo, re præstitit, nam huius opera Socrates periit. Laertius in vita Socratis.

*Huc refer apoph. hegmas, de Magistratu, Principatu, vel Principe, & Reip. administratione, &c.*

## De gula.

*Anonymous.*

**\*S**ybarites quidam quum Spartæ in phiditiis conuiuaretur, Merito vitæ contemptores esse dixit Spartanos: quisquis enim sanæ sit mentis decies milles mori prius eligeret, quàm huius parcitatis esse particeps. Athen. lib.4.

*Galienus Cæs.*

**\*Quum** ei relatum esset, populum Rom. indignè ferre, quod Valerianus pater eius apud Parthos seruiret, conuersus ad adstantes: Ecquidnam habemus, inquit, quod prandeamus? Treb. Pollio.

*Augustus Cæs.*

Quum ad Augustum delatum esset, Erotem Ægypti procuratorem emisse coturnicem, in pugna superantem omnes, ac prorsus inuict. eamque assam deuorasse: iussit accersiri hominem, & discussa causa, confessum malo naui affigi iussit: vita iudicans indignum, qui ob rāillam gulæ voluptatem, non pepercisset aui, quæ pugnando diu multisque potuisset esse voluptati: præterea quæ læto quodam omine, Cæsari perpetuam in bellis prosperitatem portenderet. Plut. in Rom. apoph.

*Huc refer apoph. de Deliciis, Ebrietate, Insempantia, Voluptate, &c.*

## DE HAERETICIS FUGIENDIS.

*Polycarpus martyr.*



**L**IQUANDO Marcioni obuiam factus, atque oratus ut eum agnoscere vellet: Agnosco, inquit, primogenitum Satanæ. Tanta tunc Apostoli atque eorum discipuli in religione cautela utebantur, ut ne verbi quidem communionem cum aliquo eorum qui à veritate declinauerant, habere paterentur. Ibidem. Eusebius lib. 4. Eccles. histo. cap. 14.

*Idem.*

\* Si fortè impia dogmata audiret, aures obturans continuò exclamabat, O bone Deus, in quæ me tempora reseruasti, ut hæc patiar? atque ex eo loco quo vel sedens, vel stans ea audiuisset, ex templo planè aufugiebat. Eusebius lib. 5. hist. Eccles. cap. 19.

*Alexander episcop. Alexandr.*

\* Par est (inquirebat) ut nos qui sumus Christiani, omnes qui contra Christum loquuntur, animoque sunt ab eo alienato, tanquam Dei hostes & corruptores animarum deuitemus, &c. Socrat. hist. Eccles. lib. 1. cap. 3.

*S. Ioannes Apostolus.*

Suprà de Conuictu & conuersatione.

### De hilaritate.

*Zeno Citiens.*

**R**Ogatus cur quum esset natura seuerus, in conuiuium tamen hilaresceret? lepidè respondit: Et lupinum quum sit suapte natura amarum, tamè aqua maceratum dulcescere. Natura-

le est, cibo potuque rigato corpore, discuti tristitiam. Laert. lib. 7. cap. 1.

*Socrates.*

Iam morti addictus, carceris ministerum in poculo cicutam porrigentem interrogauit, Quomodo sumendum esset hoc pharmacum, quòd eius esset artis peritus. Alludens ad ægrotos, qui à medicis, quando, & qua ratione diæta sit sumenda, discunt. Rogauit præterea an diis aliquid de suo potu libare liceat, iuxta morem conuiuiorum. quòd cum negaretur, Certè, inquit philosophus, fas est, & oportet orare deos ut felix & fausta mea sit migratio. Et sic Socrates, cum aduersus omnia mala, animi fortitudine armatus esset, in ipsa etiam morte hilaritatem ostendit. Laert. in eius vita.

*Idem.*

Quum puer Socratem in ipso ferè mortis agone detexisset, quòd illi iam frigerent præcordia. Debemus, inquit, ô Crito, gallum Æsculapio, què persolvere ne neglexeris: perinde quasi sumpta portione medica conuallisset. adedò inerat Socrati natura quædam hilaritas, ut moriens etiam eam ostenderet. Hanc enim postremam vocem fuisse ferunt. Laert.

*Plato.*

Negabat oportere inebriari, præterquam in festis, in quib. ipse Deus vinum porrigit. Festos dies autè decet hilaritas, ebrietas autem in his locum habere nequaquam debet. Laert. l. 3.

### De historia.

*Demetrius Phaleræus.*

**P**TOLOMÆUM regem adhortari solebat ut sibi pararer libros de regno, deque militari imperio & gerendo tractantes, eosque euolueret: propterea quòd ea, de quibus amici non audent admonere reges, in libris scripta

V 2 habcantur.

habeantur. Plut. in Græc. apoph. & Laertius lib. 5. cap. 5.

*Theopompus.*

Dicebat eum quidem optimum rerum bellicarum scriptorem esse, qui quàm plurimorum certaminum civilium particeps fuerit, & quàm plurima etiam pericula coràm expertus sit. Innuere autem voluit, cum tantum reuera esse bonum historicum, qui de his scribat rebus, quibus ipse interfuit. Polyb. lib. 12. hist.

*Virginus.*

Suprà tit. de Scientia bona.

*Alphonsus.*

Caput laborans aduersa valetudine: medicis multa medicamenta adhibetibus, in grauiissimo morbo, Quinti Curtij historias de Alexandri magni rebus gestis descriptas legere cepit, cuius lectione delectatus cum omnem morbi improbitatem superasset, sanitati restitutus: Valeat inquit, Aui-cenna, valeat Hippocrates, & alij medici: & uiuat Curtius, restitutor sanitatis meæ. Anton. Panor. de rebus gestis Alphonsi. & Æneas. Syl. de eius dictis.

## De hypocrisi.

*Diogenes.*

**C** Vidam sibi placenti, quodd leonis exuuii reclusus ingrederetur: Non tu desines, inquit, virtutis stragulas pudefacere? Indecorum esse censuit, quodd homo mollis Herculis amictum sibi vendicaret. Idem dici potest iis, qui prodigioso amictu profitentur vitæ sanctimoniam, vita non respondet. Diogenis dictum extat apud Laertium lib. 6. cap. 2.

*Alexander.*

Nonnullis Antipatri frugalitatem laudantibus, quodd alienam ab omnibus deliciis austeramque vitam ageret: Foris, inquit, Antipater albo uti-

tur pallio, intus verodd totus est purpureus. Norans fictam illius parsimoniam, quodd esset alioqui ambitiosissimus, Plutarch. in reg. & imp. apoph.

*Fridericus III.*

Quum audiret quendam dicentem, abiturum se aliquando in ea loca, in quibus nulli planè hypocrisis essent, respondit: Ultra Sauromatas ergo, & glaciale oceanum tibi eundum est. Sed cum eodd veneris, non omnino carebit hypocrisis locus, si modo & tu homo non Deus es. Inter mortales enim nemo est, qui non ex aliqua parte fictus fucatúsque sit.

*Alphonsus.*

Cum post Africanam victoriam in Ænariam insulã venisset, audiens Antonium Picentem, ordinis heremitarum, magnum hypocrisiam, iactando plurima in Christum & virginem eius matrẽ, vermiculis acerbissimo morbi genere absumptum, animam expulisse, dixisse fertur: propterea Deum tantopere in hypocrisis sœuire, quodd dum homines decipiunt, interponant Deum ipsum tanquam sceleris mediatorem. Ideoq; ut plurimum viuentes ad huc plecti in oculis hominum, quos Dei nomine fecellissent, ut intelligant mortales, à talibus monstris maximè cauendum esse: quodd Deum ipsum non tantum post mortem, sed etiam in ipsa vita haberent indubitatum vltorem. Anton. Panor. de reb. gest. Alphonsi, & Æneas Sylu. de eius dictis.

## De homine.

*Solon.*

**I**nterrogatus olim, Quid esset homo? respondit, putredo est in exortu, bellua in omni vita, esca vermium in morte. Anton.

*Diogenes.*

Quoties considerabat in hominum vita

vira, ciuitatum gubernatores, medicos aut philosophos, nullum animal dicebat esse homine sapientius. Idem contemplans somniorum interpretes, cōiectores, diuinos, & huius generis ceteros, aut qui gloriæ diuitiisque seruirent: aiebat, sibi nihil homine videri stultius. Indicans hominis ingenium ad res optimas accommodum, si exerceatur, sin ad vitia degeneret, longè esse infra mutas pecudes. Laetius libro 6.

*Periſtione Pythagorea.*

\* Dicebat, conditum & compositum esse hominem in hoc, vt contempletur naturæ rerum ipsiusque sapientiæ rationem: eidemque laborem esse iniunctum comparandi contemplandique rerum quæ extrant sapientiam. Stob. sermone de virtute.

*Plato.*

\* Hominem mansuetum animal esse dicebat. Quod si recta disciplina insisteretur in mansuetis. & diuinum prorsus animal euadere: sin verò non non satis aut non bene esset educatus, ferocissimum omnium quæ in terris nascuntur animal reddi. libr. 6. de legibus.

*Musonius.*

\* Quid esset homo describens, Homo solus (inquit) omnium in terra degentium Dei imago est, & similes ei virtutes habet. Nam ne inter deos quidem præstantius aliquid excogitari potest, quàm prudentia, iustitia, fortitudo, & temperantia, &c. Stobæus, serm. 116.

*Cyrus.*

Dicebat, eos homines qui sibi prodesse nollent, cogi oportere, vt aliis sint vsui. Significans, seruiili animo natos sibi; inutiles, imperio adigendos, vt aliorum commodis inseruiant. Plu. in apoph.

*Vide apoph. de Hominis fragilitate.*

## De hominibus suum officium non facientibus.

*Diogenes.*

Quodam tempore lucernam accensam gestans, obambulabat in foro clatissima luce, quærenti similis, Rogantibus quid ageret? Hominem, inquit, quæro. notans publicos ciuitatis mores vix homine dignos. Laetius lib. 6.

*Idem.*

In foro stans, clamabat, Adeste homines: veluti concionaturus apud populum. Quumque iam frequentes conuenissent, nec ille desineret clamare, Adeste homines: quidam indignati, En adsumus, dic aliquid. Tum Diogenes baculo illos abigans: Homines, inquit, adesse iussi, non sterquilinia. Non putauit hominis cognomen competere in eos qui nō viuerent iuxta rationem, sed Brutorum in morem agerentur affectibus. Laetius libr. 6. Erasim. lib. 3. apoph.

*Idem.*

Eos qui in coquos, nepotes, scorta, & adulatores facultates suas profunderent, similes dicebat arboribus, per præcipitia nascentibus: quarum fructus nullus hominum gustaret, sed à coruis & vulturibus ederentur. quo dicto innuit, eos nequaquam esse homines, qui ventri & gulæ seruiunt. Laetius lib. 6.

*Idem.*

Quum è balneis redeuntem quidam rogassent, num illic esset multum hominum? negauit esse. Rursus percontatus, an illic esset multa turba? annuit. significans vocabulum in paucos competere. Laet. lib. 6.

*Idem.*

Redeuntem ex Olympiis quidam  
V 3 interrogabant,



interrogabant, vidissetne illic multam turbam, Turbam, inquit, plurimam, sed homines perpaucos. Laert. lib. 6.

*Idem.*

Conspecto adolescentulo, cultu gestuque parum virili: Non te pudet, inquit, qui peius tibi velis, quam ipsa natura voluit? Siquidem illa te virum fecit, tu te ipsum refingis in sceminam. Laertius.

*Stilpon.*

Quum omnium oculi coniecti essent in Stilponem, quidam: Isti, inquit, Stilpon mirantur te ut beluam. Nequaquam, inquit ille, sed ut verum hominem. Solent peregrinae bestiae in spectaculum produci: vulgares homines nemo miratur. Sed philosophum plerique spectabant, non ut quemvis hominem, sed ut hominem verum: nam id spectaculum est rarissimum. Obiter notauit interpellatorem, quod ipse non esset verus homo, nec spectatu dignus. Laert. lib. 2. cap. 12.

*Archia.*

Dicebat, quemadmodum, si etiam summam diligentiam adhibeas: ramen piscem sine spinis non inuenias: sic neque hominem inueniri posse, qui non dolosum spinosumque quiddam habeat admixtum. Aelian. lib. 10. de Var. hist.

*Alphonsus.*

Licet socordi & obtuso ingenio homines patienter audiret, solitus tamen est eos tantum, quorum proba ingenia esse sciebat, homines appellare. Ennium illud leui voce submurmurans: Vulturis (sic enim in nominatiuo, ut nos Vultur, loquebatur) in syluis miserum mandabat hominem. Bellissime enim non homines, sed homines, Ennium eos vocasse dicebat, quos vidisset ex homine nihil praeter effigiem possidere. Panorm. lib. 1. de reb. gest. Alphonsi.

*Idem.*

Saepe numero dicere solebat, Si nullam aliam praeter Calabriam provinciam haberet, se malle priuatū quam regem viuere, ne imperare cogere-tur, qui nihil omnino hominis haberent, praeter figuram & nomen. Panor. lib. 1. de reb. gest. Alphonsi.

## De hominis miseria & fragilitate.

*Bias.*

**D**icere solebat, sic metiendam esse ab homine vitam quasi & multum & parum temporis victurus sit. Max. serm. 67.

*Cranior.*

Senarium hunc ex Bellerophonte Euripidis probare solebat.

*Οἱ μὲν τὸν οἱ μὲν; Σοκράτης πρὸς Δαμῖον.  
Eheu, quid heu nobis, quid hominum est, accidis:*

Sensit, quicquid vlli hominum accidit, hoc vnicuique posse accidere. Nihil igitur nec inexpectatum videri oportere, nec intolerabile. Laert. lib. 4. cap. 5.

*Anacharsis.*

\* Rogatus à quodam, quid hominibus esset infestum? Ipsi, inquit, sibi ipsis. Stob. ser. 2.

*Solon.*

Solon legum Articarum conditor, dicere solebat, Vrbes ac oppida nihil aliud esse quam humanarum rerum domus, quibus luctus, moerores, tristitiae mortalium, quasi septis, includerentur. Bene quidem. nam si iusti ratiocinatores esse volumus, & rem æqua lance perpendere, haud dubie iudicabimus hominis vita nihil miserior, nihil calamitosius. Beroald. de Terræ motu ex Plut.

*Secreti.*

*Socrates.*

Dicere solebat, si omnes hominum calamitates in unum conferrentur, moxque singulis ex eo aceruo portiones æquè distribuerentur, ita fore, ut suas quisque calamitates recipere malit, quàm æquam è communi portionem. Hoc aduersus vulgares hominum mores: qui alienæ inuident, suam deplorant sortem. Erasmus libr. 3. apoph.

*Idem.*

Interrogatus, quomodo quis sine molestia vitam ageret? negauit vlllo modo id fieri posse. Non enim licet, inquit, civitatem aut domum inhabitanti, & hominibus conuersanti, sine molestiis degere. Stob. ser. 97.

*Idem.*

Dicebat, se putare, quòd dii semper rideant, vana hominum studia inspicientes, quibus peractis perpetuò se victuros putent: cum mox hinc tamen nobis migrandum sit, omnibus relictis. Stob. ser. 96.

*Zeno.*

Canem cum inuadentem quum repulisset, reprehensus à quodam ob id, Perdifficile est, inquit, prorsus hominem exuere. Voluit autem ostendere, hominem nunquam esse tam cautum, quin aliquando ostendat se quoq; hominè esse affectibus obnoxium. Laert. lib. 9. cap. 5.

*Democritus.*

Interrogatus quid de hominum sorte sentiret? Miseram homini fortunam esse dixit, cum bona quærentibus vix obstringant: mala autem non tantum non exquisita, sed extra omnem etiam expectationem. Stob. ser. 96.

*Idem.*

Admonere sæpenumero solitus est suos, ut humanam imbecillitatem expenderent, quòd ei per mediocrè possessionem prospiciatur, & miseria in

rebus necessariis mensuretur. Stob. ser. 96.

*Aristonymus.*

Hominis vitam theatro similem esse dicebat, ubi pessimi homines ferè semper primatum obtinent. Ant. in Melis. part. 1. ser. 7. Max. ser. 67.

*Antiphon.*

Hominis vitam carceri vnus diei similem esse dixit, & totum vitæ spatium vni diei æquale propemodum, per quem intuitu lucem, posteris deinde vitam tradimus. Stob. ser. 96.

*Simonides, & Pausanias.*

Cum Simonides conuiuio lautissimo à Pausania exceptus rogaretur, ut quippiam ex philosophorum arcanis in medium proferret: videns Pausanià nimium rebus suis fidere eò quòd iam ad Medorum partes se applicuisset: respondit, Memento te in tantarum felicitate hominè esse. At Pausanias parum animaduertit, quòd à philosopho dictum esset. Cumq; iam in summo vitæ discrimine esset, & mortem præ oculis esse intelligeret atrocissimam, altissima voce exclamasse fertur: O Cee hospes, quàm salutare tuum erat consilium. Ego autem adeò captus eram inani persuasione, ut mihi nequaquam tantam admonitione cõuenire putarem, vnde miserè nunc perire cogor. Eli in. l. 6. de Var. hist.

*Neoptolemus.*

Sciscitatus, quidnam ab Æschylo, aut Sophocle, aut Euripide dictum admiraretur? Nihil quidem (inquit) istorum se in admirationem trahere: sed quòd ipse vidisset Philippū Clæopatæ filiz suæ nuptias magnificè celebrantem in cœna amplissima, cum tertiusdecimus Deus appellaretur, postridie in theatro iugulatum & proiectum. Stob. ser. 96.

*Phaenonius.*

\*Homines partim esse ridiculos, partim

tim odiosos, partim miserabiles dixit. Ridiculos quidem qui per audaciam ad maiora aspirant. Odiosos, qui ea consequuntur: miserabiles vero, qui spe frustrantur. Stob. ser. 4.

*Mercurius Trism.*

\* Homo (inquebat) animal est imperfectum, membris imperfectis constans, & ex multis diuersisque corporibus constitutum corpus gerens. Stob. serm. 11.

*Aristoteles.*

Interrogatus, quidnam esset homo? respondit, imbecillitatis exemplum, temporis spoliū, fortunæ lusus, inconstantiz imago, inuidiz & calamitatis trutina: reliquum verò, pituita & bilis. Stob. ser. 96.

*Plinius.*

Amelio roganti, ut corporis formam pateretur effingi, non passus est, Quid, inquit, an non satis est nos hanc imaginem circumferre, nisi & imaginis imaginem relinquamus posteris ostentandam? Iudicauit cum Pythagora, corpus esse thecam mentis, utcunque eam experirentem. Minimum autem hominis videre eum, qui nihil aliud videret quàm corpus. Erasmi. lib. 8. apoph.

*Ephraim Syrus.*

Amissa vxore dicebat, O philosophia, tyrannica sunt præcepta tua: amare iubet: & si quis amiserit quod amabat, dolore & mœrore affici prohibet. Stob. serm. 97.

*Xerxes.*

Cum vidisset vniuersum Hellespontum nauibus suis constratum, omnia littora atque Abydenorum plana hominibus referta, iactauit se beatum, mœxq; fudit lachrymas. Tam subitam mutationē admiratus Artabanus regis patruus, qui dissuaserat eam expeditionem, ausus rogare causam, Tum Xerxes, Subit, inquit, animum meum

cogitatio, quàm brevis sit hominum vita, quando ex tam numerosa multitudo post annum centesimum nemo superfuturus est. Plut. in apoph.

*Philippus.*

Postquam apud Cheroneum Atheniensem profligauit opes, ad eam ex nimia felicitate se efferre cœpit, ut se hominem fortunæ malis obnoxium esse non cogitaret amplius. Verum cum intelligeret, quid mali ex tanta superbia sibi immineret, ex aulicis pueris vni id muneris iniunxit, ut ad solis exitum in suum cubiculum ingressus inclamaret: Rex, memineris te non Deum, sed hominem esse multis fragilitatibus, ærumnis ac malis obnoxium & expositum. Cælius Rhodiginus l. 19. c. 33. lectionum antiquarum.

*Alexander.*

Cum Deus ubiq; ob res feliciter gestas vocaretur. Se, quod mortalis esset, duabus potissimum rebus deprehendere dicebat, somno videlicet & coitu. Hæc enim præcipue produnt hominis imbecillitatem. Somnus enim quid aliud est, nisi (ut ille ait) gelidæ mortis imago: coitus item quid aliud, nisi species morbi comitialis? Plut. in Alex.

*Idem.*

Dum in obsidione cuiusdam vrbs infirmissima mœnium quærit, sagitta grauitè ictus est: nec tamen ab instituto destitit, sed mox quum represso sanguine sicci vulneris dolor cresceret, & crus equo suspensum paulatim obrorpuisset, coactus quod cœperat omittere, ac chirurgum accersere: Omnes, inquit, me prædicant Iouis esse filium, sed vulnus hoc hominem esse me clamat. Plutarch. & Q. Curtius in Alexandro.

*Stratonicus.*

Quum audisset partum matris Timothei regis: Si, inquit, opificem peperisset, nõ deum, quales emisisset voces?

*Irridens*

Iridens quorundam scdam adulationem, qui regum filiis tribuebant diuinitatem, quum vox parientis regem æque miserabilis sit, ac parturientis quemlibet plebeium. ipse autem Stratonicus filius erat opificis. Athenæus.

*Silennus.*

A Mida captus, rogatus est quid esset homini optimum? diu silentiū tenuit. tandem addactus vt diceret, respondit: Optimum esse, nunquam nasci: proximum, quā ocyssimē aboleri. atque hoc pretio dimissus est. Plut.

*Scipio Africanus.*

Dicere solebat, Vt ij quibus sunt equiferociore, tradunt eos domitoribus, quō his faciliore possint vti: Sic homines præ secundis rebus effrenatos, sibi que præsidentes tanquam in gyrum rationis ac doctrinæ duci oportere, vt perspecta rerum humanarum imbecillitate, varietatēque fortunæ, reddantur moderatiores. Plut. in vita Scipionis.

*Hadrianus Imp.*

Cuidam illos Vergilij versus ad Verum accommodanti, Manibus date lilia plenis, &c. Cum risione respondit: Ego mihi diuum adoptaui, non filium. Huc alludens, quōd imperatores referri soleant in numerum diuorum, sed à rogo. Dion in Hadriano.

*AENEAS SYLVIUS.*

Audiens disputantes de vitæ humanæ miseria: Comœdia, inquit, est vita nostra, cuius vltimus actus in morte agitur: bonus autem poëta nemo habetur, nisi ad finem vsque actus omnes prudenter explicet. Syluius lib. 3. commentariorum de reb. Alphonfi.

## De honestate.

*Pythagoras.*

**F**Ac ea, inquit, quæ iudicaues esse honesta, etiam si postquam fece-

ris, inglorius futurus sis. Omnis enim honesta rei malus iudex est vulgus: quorum igitur laudes contemptui haberes, eorundem vituperaria quoque sperne. Stob. ser. 44.

*Plato.*

\* Optimum sanè, inquit, hoc dictum est; eritque semper, Quod vile, simul etiam honestum est. Stob. serm. 1. de virtute.

*Socrates.*

\* Equus generosus (dicebat) iudicabitur, non quidem sumptuose ornatus, sed eximius natura: itidem nec vir honestus, qui opibus prædiues, sed qui anima egregius erit. Eod. serm.

*Anisithenes.*

Dicere solebat, ea demum honesta & pulchra esse, quæ bona sunt: turpia verò quæ mala. Laert. lib. 6. cap. 1.

*Lacones.*

Lacones, si quando suos inuocarent Deos, nihil petebant aliud, quàm vt adderent dii cæteris bonis etiam ea quæ honestissima essent, tantum valebat apud homines gentiles rerum honestas. Huius rei testis est Plutarch. in apoph. Lacon.

## De honore, virtutis præmio.

*Anisithenes.*

**S**ciscitatus, quæ res portenderet ciuitatibus exitium? Quando in his, inquit, nullum esse potest bonorum ac malorum discrimen. Sentiens, eam rem publicam non posse consistere, vbi nec esset honos virtuti, nec poena scelerosis. Laert. lib. 6.

*Theophrastus.*

Percontratus, quānam re communis hominum societas conseruari possit? respondit, Si poena mali coerceantur à Republica, boni inuitentur honorum præmiis. Stob. serm. 41.

*Anaximenes.*



*Anaximenes.*

Dicere solebat, Qui zelo affecti, rectè facta dictaque nullo neque præconio nec honore dignantur, quem oro fructum ipsi ex suis benefactis sperare audebunt? Strob.

*Q. Fabius.*

Fabio iam senex, filius illius consul factus est: qui quum publicitus multis audientibus habuisset orationem, Fabius consensu equo præcedebat. Quum autem iuuenis lectorem misisset, qui patrem iuberet equo descendere, alij quidem factum hoc aduersati sunt, at Fabius ab equo desiliens, non habita ætatis ratione accurrit, ac filium complexus, Euge, inquit, fili sapis, qui intelligas quibus imperes, & quam magnum magistratû susceperis. Plu. in ap.

*Anonymus.*

Titus Labienus equiti strenuo de præda Gallica aurum donauit. Id videns Scipio, dixit equiti: Habebis donum viri diuitis. Hac voce audita, eques aurum ad pedes Labieni abiecit. Idem quum audisset Scipionem dicentem, Imperator te armillis argenteis donat: alacer gaudio abiit. Miles aurum contempsit, honorem amplexus est. Eras. 6. apoph.

*M. Cato.*

Aiebat, populum Romanum non tantum purpuræ, verum etiam virtuti plurimum conducere. Quemadmodum enim tinctorum eum potissimum colorem inducunt, quo vident homines maxime delectari: ita iuuentus ad ea studia potissimum incumbit, quibus populus defert honores. Honores enim non solum alit artes, verum etiam virtutem. Hoc pacto monebat populum, ut magistratus his demum committerent, qui de se virtutis specimen dedissent: ita fieri, ut quam plurimi sese ad egregia studia conferrent. Eras. lib. 5. apoph.

*Idem.*

Qui virtutem honore suo fraudarent, eos dicebat ipsam virtutem à iuuentute auferre. Sentiens, præmiis animos iuuenum ad virtutem accendi: quæ si detrahas, ipsa virtus elanguescit. Plut. in apoph.

*Scipio Africanus.*

Socraticum Xenophontem in manibus semper habebat, cuius in primis laudabat illud, quod diceret: Eosdem labores non esse æquè grandes imperatori ac militi, quod ipse honores laborem leuiorem faceret imperatorum, Cicero lib. 2. Tusc. quæst.

*Cicero.*

Sibi propriè & solum honorem estimari dicebat, quem quis neque maiorum commendatione, neque per alterius calamitatem affectus sit. Cicero in Philippicis.

*Alphonsus.*

Amico ac familiari cuidam suadenti ut tranquillè & voluptuosè, dum posset, vitam ageret, nec corpus tot tantisque periculis obiectaret, respondisse dicitur: Non temerè à Romanis, illis quidem sapientioribus, Honoris templo Virtutis templum coniunctum esse, in quod nisi per Virtutis templum introire nemini liceret. Ut intelligerent mortales, ad honoris fastigium non voluptatum via (quæ deliciis atque illecebris affluens esset) sed virtutis, illa quidem aspera & salebrosa, enitendum esse. Panormit. lib. 1. de rebus gest. Alphonsi.

*Idem.*

Suprà apoph. de Ambitione.

De honore artibus & eruditione exhibito.

*Demetrius.*

**D**emetrius Antigoni filius, cum Rhodum obsideret, urbemque iam cepisset,

piffet, tabulam quandam Prorogenis manu depictam studioſè ſeruari ſibi præcepit, dicens: Se citius parentis imaginès, quàm eam picturam aboliturum. Plut. in Demetrii vita.

*Neocles.*

Arato deſtinanti tyrannorum communi odio abolere tabulam inſignis artificio, quæ Ariſtratum in curru viſtorem habebat: Neocles ſupplex interceſſit, vt opus incolume ſeruaretur, dicens: Cum tyrannis non cum tyrannorum imaginibus belligerandum eſſe. Eraſt. lib. 6. apoph.

*Scipio minor.*

Vbi ciuitatem comperit ſtatuſ deorum Græcanis ac monimentis, è Sicilia deportatis differtam, per præconem pronuntiarì publicè iuſſit, vt qui illarum eſſent vrbiùm agnoſcerent illa, ac referrent domum. Plutarch. in Rom. apoph.

*Sigifmundus Imp.*

Suprà apoph. de Doctrina & erudit.

## De honore negato.

*Phaen. philoſophus.*

**A**Thenienſes Phaenorini æneam ſtatuum deiecerant, vt hominis Cæſaris inimiciſſimi. Erant enim Athenienſes veſtigales Adriano Cæſari. Id poſteaquam philoſopho denuntiatum eſt, nihil commotus dixit: Vtilius erat Socrati ab Athenienſibus ærea priuari ſtatua, quàm bibere cicutam. Philoſtratus.

## De honore ex neceſſitate oblato.

*Paulus AEmilius.*

**I**terum petens cõſulatum, repulſam tulit: cæterùm cum bellum aduerſus Perſeum ac Macedones, imperitia

ſegnitièque ducum iam longum duceretur, eidemque cõſulatum detuliſſent, negauit ſe illis habere gratiam, non enim ſe ob id tum deſignatum imperatorem, quòd ipſe deſideraret imperium, ſed quòd ipſi imperatorem. Plut. in Rom. apoph.

*Julius Cæſar.*

Cum triumphans ſubſellia tribunitia præterirer, Pontius Aquila non aſſurrexit vnus omnium: id adeò indignè tulit, vt proclamari, Repete ergo Aquila à me Rempub. tribunus? nec deinde per continuos aliquot dies cuiquam quicquam pollicitus eſt, niſi ſub hac exceptione: Si tamen per Pontium Aquilam licuerit. Eraſt. lib. 4. apoph.

## De honore momentaneo.

*Cicero.*

**I**N Vatiniū, qui paucis diebus cõſul fuit, ita iocatus eſt: Vatinij anno magnum oſtentum fuit, quòd eo cõſule nec bruma, nec ver, nec æſtas, nec autumnus fuiſſet. Nam his horis annus rotus diſtinguitur, quarum vnaqueque tres menſes occupat. Neſcio an hoc ipſum ſit quod aliter reſert Pollio in Mario tyranno: Cõſul qui ſex meridianis horis cõſul fuerat, ioco Ciceronis aſperſus eſt: Cõſulem habuimus tam ſeuenum tamque cenſorium, vt in eius magiſtratu nemo prænſus ſit, nemo cõſenſuerit, nemo dormierit, niſi forte videtur hoc magis ad Caninium Reuiliū pertinere. Macrobius.

*M. Volſacilius.*

Cum audiret Caium Seruiliū per vnum tantum diem cõſulem fuiſſe, in Flaminium præſentia dixiſſe fertur: Antea Flamines, nunc verò cõſules diales creatos eſſe. Alludit aurem ad Flamines Diales, à Romulo, vel, vel alij volunt, à Numa Pompilio creatos, qui à geſtatione pilcorum Pilamines dicti

dicti sunt. Flamini autem Diali iurare non licebat, & iniurato credebatur, &c. Macrobius. 1. 2. Saturn. cap. 2.

### De honoris priuatione.

*Aristoteles.*

**C**um quidam ei decretum Delphis honorem eripuisset, scribens de his ad Antipatrum, inquit: Ea quæ Delphis mihi decreto sunt assignata, quibusq; nunc priuatus sum, animum meum afficiunt: ut neque magnopere mihi cordi sint, neque tamen omnino cordi sint. Sapientissimè autem putauit, non esse simile dignitatem aliquam suscipere: & cum iam acceperis, ea spoliari. Non enim graue est, non adipisci: at cum adeptus sis, rursum amittere, id satis quidem molestum est. *Ælia. lib. 14. de Varia hist.*

### De honore absque utilitate.

*Alphonsus.*

**I**nterrogatus, quid sibi sine utilitate honor esse videretur: Consimile id sibi videri respondit, ut si peracutum & peracre quis cernat, sed offensus caligine aberret in tenebris. Notabat autem eos, qui ad magnos honores aspirant: quibus impetratis, non habent quo honoris titulo satisfaciant. Tales sunt hodie equites etiam aurati, qui post professionem ad diuum Iacobum, aut Dominicum sepulchrum, se auratos equites nominant, ac insignia picta ostendunt: cum vix habeant viaticum ad vnum atque alterum militare, pedes ire soliti. *Panormitanus lib. 2. de rebus gestis Alphonsi.*

### De honoris contemptu.

*Diogenes.*

**A**thenienses per adulationem deercuerant, ut Alexander pro Libero patre haberetur, & coleretur. Hunc honorem irridens Diogenes: Et me, inquit, Serapin facite. Ut enim Bacchus inter Satyros est, ita Serapis ab Ægyptiis specie bouis colitur. *Lac. libr. 6.*

*Aristoteles.*

Præcipuam dignitatem esse dicebat, non fungi honoribus, sed ab aliis dignum honore iudicari. *Stob.*

*Alexander.*

\* Capta Petra, arce inexpugnabili in India, Alexandrum amici eius iactabant supergressum rebus gestis Herculem: At ego, inquit, res gestas meas cum imperio non existimo esse vni Herculis verbo æquiparandas. *Plut. in apo.*

*Pytho.*

\* Eum, quod interfecisset regem Coryn, magni faciebant Athenienses & honorabant: Sed ille, Deus hoc (inquit) manu vsus mea perpetravit. *Plu. in præcept. politicis.*

*Agésilauus.*

\* Agésilao quum nationes, quæ id temporis Græciam incolebant, decreuissent, in clarissimis quibusq; ciuitatibus honoris causa statuas erigi, rescripsit illis hunc in modum: Mei nulla sit imago, neq; picta, neq; ficta, neq; vlllo alio artificio parata. At principum vulgus hoc honoris genere se diis æquiparari credebatur, summumq; rerum bene gestarum præmium arbitrabatur. Agésilauus ipso honesto contentus, negligebat eiusmodi adulationes verius quam glorias: malens insculpi prudentum ac bonorum hominum peccatoribus, quam in foro æreus aureusve stare. *Eximia virtutem*

tutem sponte suum cōsequitur decus. Nec vlla speciosior statua quàm honorificā bene actæ vitæ memoria. Plut.in apoph.Lacon.

*Idem.*

Quum moraretur in portu qui Melaeli dicitur, mandauit iis qui aderāt, ne quam statuam aut imaginē in eius honorem erigerent. Si quod, inquit, præclarum facinus gessi, hoc erit monumentum mei: sin minus, ne omnes quidem statux, quum sint vilium ac nullius rei opificum opera. Plut.in Laccon.apoph.

*Idem.*

Thasij quoniam intelligebant Agelilaum de ipsis optimè meritum, templis ac diuinis honoribus illū dignati sunt: atq; hac de re legationem ad illū miserunt. Is vbi legisset honores, quos legati ad illum detulerant, percontatus est, num illorum patria porestatē haberet ex hominibus faciendi deos. Quum illi respondissent, habere: Agendum, inquit, primū vos ipsos deos facite: id si præstiteritis, tum vobis credam, quòd me quoq; deum facere poteris. Vtrum hīc prius admirari cōuenit? amici celsitudinem, a deo contemptis oblatum, ob quod Empedocles philosophus semet in Ætnam cōiecit, quòdq; tot eruditi principes tot artibus & impendiis ambierunt: an ingenij solertiam, qua Thasius vel summam stultitiā, vel abiectam adulationem suam in oculos ingessit? Plut.in ap. Lac.

*Anonymus.*

Quidam quum in peregrinatione vidisset homines in sellis curulibus sedentes: Absit, inquit, vt in talibus sedeam sellis, vnde non liceat assurgere seniori. In his enim sedebant delicati, porrectis cruribus, ac cælaturum imminens capiti prohibebat exurgere. Apud Lacedæmonios verò scelus erat, iuuenē non assurrexisse seni. Plut.in Lac.

*Theopompus.*

Pylij cum decreto statuissent Theopompo summos honores, ipse renuit: Mediocres honores ipsum tempus augere, immodicos verò abolere, dicens: Quo apophthegmate, id quod alij sibi aut vendicant arroganter, aut ambiunt ineptè, ipse vltro delatum reiecit. Plut.in Lacon.

*Pyrrhus.*

Quum rebus feliciter gestis domum redisset, & à suis Aquila diceretur: Per vos, inquit, aquila sum. Qui enim non essem, quum vestris armis veluti peninis subleuer? Modestissimè gloriosi cognominis laudem in suos milites transferens, vitauit inuidiam. Plut. in Regum & imp. apoph.

*Alexander.*

Quum in bello crus ei esset sagitta vulneratum, multiq; accurrerent, qui ipsum frequenter Deum appellare cōsueuerant, exporrecta hilariq; fronte ad Homeri carmen alludens dixit: Hic sanguis est quem videtis, liquorque, qualis diuis solet emanare beatiss. Nimirum irridens adulatorum vanitatē, cū ipsa res declararet ipsum nihil aliud esse quàm hominem. Plut. in apoph. regum & imperatorum.

*Antigonus.*

Suprà de Adulatoribus non admitendis.

*M. Varro.*

Varro Pauli collega, quoniam ex Cannensi pugna, quæ Romanis fuerat infelicissima, superfuit, honores à populo delatos recusauit: dicens, felicioribus magistratibus opus esse Reipub. Quum animum gereret inculpatum, fortunæ suæ Reipub. vltro pœnas dare voluit, vir ob hoc ipsum summis dignus honoribus. Eras.lib. 6. apoph. ex Plutarch.

*Pompeius.*

Quum in Lybiam aduersus Domitium



tium transisset, cumque ingenti prelio superasset, militibus ipsum imperatoris titulo consalutantibus, negavit se eum honorem admissurum, quandiu hostium vallum staret, erectum. Hoc audito, milites, licet ingens obstarer pluvia, impetu facto hostium castra adorti expugnarunt. Recusavit honorem, nondum factis emeritum. Plut. in apoph.

*Iul. Cæsar.*

Populo, per adulationem Regem ipsum saluranti: Cæsar, inquit, sum, non rex. Maluit priuarum nomen, quam regium inuidiæ obnoxium. Eras. lib. 4. apoph. ex Plut. in vita Cæsar. is.

*M. Antonius.*

\* Quum Rhodum insulam vi cepisset, & in ingressu saluraretur rex atque dominus: Nec rex sum, inquit, nec Dominus, sed regis ac Domini intersector. Plutarchus in Antonio.

*Tiberius.*

Cuidam, à quo fuerat dominus appellatus, denuntiavit, ne se amplius contumeliæ causa nominaret. Quanta molestia in tanto principe? Nunc quidam nihil audire possunt nisi sacras maiestates, gratiosas celsitudines, & reuerendissimas dominationes Eras. lib. 6. apoph.

*Maximinus Senior, Cæs.*

\* Nunquam ad oscula pedum quenquam admisit, dicens: Dij prohibeant, ut quisquam ingenuorum pedibus meis oscula figat. Capitolinus.

*Alexander Severus.*

\* Imperator creatus, quum vix annos 16. natus esset, ob virtutes eximias titulis magnificis à Senatu decoratus, nunquam in animum induxit ut se Magnum, & Patrem patriæ cognominari pateretur: Oportere enim, aiebat, ut res gestæ maturiorque ætas ea nomina pararent. Lampridius.

*Gregorius Nazianzenus.*

Cum successus Gregorij in ecclesia invidia subsequeretur, adeo ut iniquis & minus sanis proscriptionibus ei abeundum esset, iamque alius ordinaretur Episcopus, quod nemo illi palam dicere audebat, ipse verò sentiens quid fieret, dixit: Absit, ut mei causa aliqua simultras in Dei sacerdotibus oriatur. Si propter me est ista tempestas, tollite & mittite me in mare, & desinet à vobis quassatio. In eius vita Gregorius Magnus, episcopus Rom. nomen Odrumenici siue omnium Ecclesiarum Episcopi constanter & semper recusavit, ut testantur eius epistolæ plurimis locis.

*Alphonfus.*

Neapolitani ciues, cum ob virtutem & clementiam Alphonfi regis decreuissent vno consensu omnes arcum regi triumphalem ad memoriam honorificè struere, elegerunt locum super gradus marmoreos maioris ecclesiæ. Id verò quando quidem fieri non poterat, ni magna ex parte dirueretur Nicolai Mariæ Buxuti, magnanimi & strenui militis domus, rex fieri omnino hoc prohibuit: Haud tanti se facere, inquiens, huiusmodi saxorum struem ventis imbrique obnoxiam, ut amici domum ideo euerti pateretur. Contempsit rex honorem, & laudem saxorum testimonio posteris memorandam: cum secus hodie faciant ij, qui nullis virtutibus conspicui, omnibus ædificiis & parietibus nomen suum posteris celebrandum inscribunt atque inculpunt. Panor. lib. 1. de rebus gestis Alphonfi.

*Ioannes Picus.*

\* Is sæpe oblatas & sacras & profanas dignitates magno respuit animo, Deo & studiis se addictum respondens. Cum autem vir quidam magni nominis amicorum suasu cum ad Cardina-

latus

latus dignitatem petendam, vel certè si offerretur amplectèdam, subtimidè horraretur, respondit, Non sunt cogitationes meæ cogitationes vestrà. Bona Ecclesiæ pauperum bona sunt. Io. Francisc. Picus, in eius vita.

## De hospitibus.

*Cleomenes.*

**C**um amicus quidam hospiti in phiditiis nihil apposuisse nisi vinum nigrum, & panem igni duratum, succensuit homini Cleomenes, dicēs: Erga peregrinos non oportere nimium *λακονίζειν*. Seueritas est, si quis à se ipso exigat victum duriorē: at inhumanitatis est, hospitem eodem compellere. Plut. in Lacon.

*Socrates.*

\* Rogatus, cuius hospitium nos querere oportet? Illorum, inquit, qui bene sapiunt. Stob. ser. 3.

*Stratonicus.*

\* Quum perhumaniter quidam eum excepisset, multum recreatus est. Videns verò mox alium introire, iterumque alium: facessamus hinc, & puer, inquit ad suum comitem. Etenim pro columba palumbum, pro hospite pandochæum inuenimus. Ælian. de varia hist. lib. 14.

*Anonyma.*

\* Impetrauit ab Athanasio episcopo Alexandrina mulier nobilis & diues, ut ex viduis quæ ecclesiæ sumptu alebantur daretur sibi vna aliqua alenda. Data est illi quædam miti & suauis ingenio, cuius facilitate auctum est matronæ studium in pauperes. Poposcit sibi alteram dari, forte data est illi peruicax & mulier, ex qua cum plò hospitio probra reportaret: ago tibi gratias (dixit Athanasio) quòd talem dedisti per quam patientiæ cultus à me exercebitur. Sabell. lib. 9. cap. 1.

*Lucillus.*

Quum Græcos quosdam per dies aliquot manifestè tractasset, atque illi dicerent, se mirari quod tantum impendiorum sua causa faceret: Nonnihil, ô hospites, vestra causa, inquit, sed maxima pars Luculli gratia. Plutar. in Rom. apoph.

## De hostibus & inimicis.

*Diogenes.*

**A**d salutem hominibus opus esse dicebat, aut fidis amicis, aut acribus inimicis: eo quòd illi monent, hi redarguunt. Laert. lib. 6. Plut.

*Antisthenes.*

Antisthenes philosophus Atheniensis, frequenter dicere solebat, hostes in bello semper obseruandos esse, quòd hi primum omnium sentiant si quid delinquas. In hoc igitur vtiliores sunt nobis quàm amici, ut errata nostra cognoscamus, & cognita corrigamus. Laert. lib. 6. cap. 1.

*Ariston.*

Cuidam laudibus vehemè dictum Cleomenis, qui interrogatus quid oporteret bonum regem facere? respondit, amicis benefacere, inimicis verò male. At quantò præstantius, ait, amicis benefacere, & ex inimicis redere amicos? Plut.

*Onomademus.*

Postquam aduersam factionem superasset, quibusdam censentibus, omnes diuersæ factionis virbe pellendos, negauit expedire, dicens, se vereri, ne omnibus inimicis ad vnum eicctis, inter amicos existerent dissidia, Sentiens, sic esse multorum ingenium, ut si desint inimici, in quos naturæ malitiam exerceant, amicos impetant. Eras. 6. apoph.

*Xenophon.*

Xenophon dicebat, esse prudentis, cor-

cordatūque viri, etiam ab inimicis utilitatem capere. Vulgarum est, neque solem, neque aquam, neque ignem magis utilem esse hominibus, quam amicos. Sed ingenij philosophici est, quemadmodum periti medici ex bestiis ac serpentibus noxiis utilia quædam remedia colligunt, ira ex inimicorum odio decerpere aliquid, quod vertat in suum bonum. Eras. 7. apoph.

*Chabrias.*

\* Optimos imperatores esse dicebat, qui res hostium notissimas haberent. Stob. ser. 52.

## De hostibus, astu ac dolo vincendis.

*Agésilauus.*

**C**um aduersus Tessaphernam, hominem sædisfragum belligeraret, eiusque vrbes quamplurimas variis insidiis ac dolis cepisset, amicis dixit: Fœdera quidem violare, præter causam impium est: ceterum hostibus imponere, non modo iustum est, ac laude dignum, verum etiam & iucundum & lucrosum. Nec enim turpe putauit, dolis in illum uti, qui violato fœdere, periurio fefellisset & deos & homines. Plut. in Lacon.

*Anonymus.*

Apud Spartanos cum in luctandi genere, quod chirapsiam appellant, is qui collum alterius vrgebat, frustra præterque legem palæstræ pulsaret vndique, & in terram detraheret, posteaquam corporis viribus destitueretur, qui inhærenti cedere cogebatur, brachium vrgentis non mordit, cumque alter diceret, Mordes ô Lacon, fœminarum more? Non, inquit, sed more leonum. Ut soletter obiectam ignauiam detorsit in laudem fortitudinis? Nulum enim probum apud illos dete-

stabilius, quam muliebris imbecillitas. Iure autem morso liberauit, qui præter ius certaminis vrgebatur à victo. Plut. in Lacon.

*Agis.*

Cuidam consulenti Agidem regem, ut hostibus fugientibus daret transitum: Et quomodo, inquit, pugnabimus cum his qui ob fortitudinem manent, si non pugnanus cum fugientibus? Existimabat vir animosus, aduersus hostes nullam prætereundam occasionem. Plut. in Lac. apoph.

*Ansigonius.*

Interrogatus, quomodo oporteret hostes aggredi? dixit, Aut dolo aut vi, aut aperte, aut per insidias. Stob. sc. 52.

*Xenophon.*

\* Neque vel amicis (inquit) beneficiū maius præstiteris in bello, quam si inimicus ipsis esse videaris: vel magis hostibus villo pacto nocueris, quam si amicitiam ipsorum simules. Stobæus serm. 52.

*Herennius Pontius.*

Samnitibus consultantibus quid de legionibus. Romanis apud furcas Caudinas inclusis fieri deberet: Herennius Pontius suasit: ut inuiolatæ dimitterentur. Postero die eadem de re consultus, respondit, ad vnum vsque delendas. Sentiens, aut clementer magno beneficio dimittendos hostes, aut irreparabili iactura illorum vires comuniendas. Neutrum sequutus est exercitus: sed sub iugum missos, contumelia magis illos in se prouocauit. Eras. lib. 6. apoph.

## De hostibus contemptis.

*Agésilauus.*

**Q**um edixisset Agésilauus rex ut captiui nudi venderentur: Laphyropolæ, quorum munus erat, res prædatitias diuendere, quod erant iussi faciebant,

faciebant, ac vestium quidem, quoniam iuxta barbaricum morem erant splendida, multique pretij, complures exiterunt emptores: cæterum ipsa corpora candida, prorsusque tenera ac delicata, nec quicquam virile præ se ferentia (quippe in umbra, otio ac voluptatibus educata) adeo nemo concupivit emere, ut derideret etiam hoc mercium genus, velut inutilium, nec vilius omnino pretij. Id animaduertens Agésilas qui auctioni præsidebat, & hunc casum torfit ad animandos ad fortitudinem milites: Hæc, inquit, sunt pro quibus pugnatis (ornamenta captiuorum ostendens) hi, quibus cum pugnatis, nuda captiuorum corpora demonstrans. Duplici nimirum argumento addidit suis animos: amplissima spe præmiorum, & hostium imbellium extremo contemptu. Plut. in Lacon.

*Anonymus.*

Spartanus interrogatus, num tutum esset ad Spartam iter? Refert, inquit, qualis eo descendas. Nam leones illuc euntes plorant, lepores autem in umbraculis venamur. Significauit, ferocibus ac violentis esse tutum proficisci Spartam, nec mollihus & effeminatis: quod hostili animo illuc proficiscentes male acciperentur à fortibus: delicatos homines illic non finerent lacerare in tenebris. Plut. in Lacon.

*Antigonus.*

Antigonus quum in paruo quodam castello Græci obsiderentur, ac fiducia loci contemnentes hostes, multa in deformitatem Antigoni iocarentur, & nunc statum humilem, nunc collisum nasum deriderent: Gaudeo, inquit, & aliquid boni spero quando in castris meis Silenum habeo. Cum hos dicaces fame domuisset, quod capitis facere mos est, videlicet ut qui bello sunt utiles in cohortes describantur, cæteri præconio subiiciantur:

negavit se vel id facturum fuisse, nisi expediret his dominum habere, qui tam malam haberent linguam. Plut. & Seneca.

*Cicero.*

Post Pharsalicum conflictum, cum fugisset Pompeius, Nonius quidam dicebat septem adhuc aquilas superesse, proinde bono animo essent, hortabatur: Rectè, inquit Cicero, hortareris, si nobis cum graculis bellum esset. At ille aquilas dixit vela Romana aquilis insignita. Plut. in Rom. apoph.

*Romani.*

Cum in pugna aduersus Tigranem, hostium peditum centum millia trucidassent, paucis equitum fuga seruatis & ex ipsis non amplius centum essent vulnerati, interfecti quinq; dicebant, sese erubescere, quod in tam vilia mancipia strinxissent ferrum. Plutarch. in Rom. apoph.

## De hostibus non crudeliter tractandis.

*Socrates.*

Cum Cræsum interrogasset, quid esset maximum & pretiosissimum ex regno consecutus? illique respondisset, Ut hostes vlceretur, & amicos beneficio afficeret: Multo, inquit, melius fecisses, si & illos tibi amicos associuisses. Max. serm. 6.

*Agésilas.*

Solebat admonere milites suos, ne captiuos ut facinorosos cruciaret, sed ut homines seruarent. Infantibus etiam in bello captis prouidit, ut in vnum locum comportarentur, ne mutatis castris relictis perirent. Eandem curam impendit senibus captiuis, ne quoniam sequi non possent, à canibus lupisque discerperentur. Hæc autem humanitas illi non solum aliorum, verum etiam

X

captiuo-



captiuorum miram beneuolentiam conciliauit. Et nunc homines sibi uidentur, qui trucidatis infantibus ac senibus, eam aetatem abducunt, quæ vel libidini apra est, vel labori, vel utrique. Quò progressa est immanis illa feritas. Plut. in Lacon. apoph.

*Ariston.*

Cùm ex quodam audiuiſſet, amicis benefaciendum, inimicis autem malè faciendum eſſe: imo, inquit, præſtantius eſt amicis benefacere, & ex inimicis reddere amicos. Plut.

*Xerxes.*

Cùm Græcorum exploratores in exercitu ſuo deprehendiſſet, nullo malo affecit, ſed circumduxit, ut omnem viderent exercitum, & illæſos dimiſit. Noluit vir bellicoſiſſimus crudeliter graſſari in hoſtes pernicioſiſſimos, quos non tam manu, quàm beneuolentia & clementia vincere cupiebat. Plut. in reg. & imper. apoph.

*Paulus AEmilius.*

Perſeo ſeſe ad victoris pedes abiicienti, vocèſque degeneres emittenti: Cur, inquit, fortunam crimine liberas, ſic te gerens, ut ſuperiore etiam fortuna videaris indignus? Cur meam dedecoras victoriam, ac reum à me geſtarum gloriam obſcuras, tam abiectum te demonſtrans, ut indignus appareas, quem populus Romanorum haberet hoſtem? Plut. in eius vita.

*Fabius Maximus.*

Dicebat abſurdum videri, ſi cùm equos & canes venaticos familiaritate ciboque cicuremus, potius quàm catenis ac verberibus, homines feroces animo non humanitate ac beneficiis nobis conciliemus, ſed aſperiores in illos ſimul quam agricolæ ſunt in capriſcos ac malos ſylueſtres & oleaſtros, qui has non protinus excidunt, ſed incifione docent miteſcere. Plut. in Rom. apoph.

*Fabricius.*

Fabricio iam conſuli miſit epiſtolam. Pyrrhi medicus, qua promittebat ſe regē veneno necaturum, ſi iuberet. At eam epiſtolam, auctore non prodito ad Pyrrhum remiſit, iubens illum ſibi cauere qui peſſimus eſſet iudex cū amicorū tum hoſtium. Sentiens, eum habere pro hoſtibus eos quos amplecti debebat, ſi ſatis nouiſſet: & hos pro amicis ducere, qui peius illi vellent quàm hoſtes. Plut. in Rom. apoph.

*Sigismundus Imp.*

Laurentius Hungariæ Palatinus, cū diceret, imprudenter agere Sigismundum imperatorem, qui victis hoſtibus non ſolū vitam & opes relinqueret, ſed etiam eos inter amicos reciperet, extolleretque. Tibi, inquit Sigismundus, videtur vtile inimicum occidere, neque enim mortuus bellum excitat: At ego inimicum occido, dum parco: & amicum facio, dum extollo. Oſtendit autem, pulchrius eſſe benefaciendo, quàm potentia inimicos vincere. Æn. Sylu. lib. 3. commentarium de rebus geſtis Alphonſi.

*Alphonſus.*

Alphonſus Aragonum rex cum expugnatis vrbibus humaniter hoſtes omnes dimittendos mandaret, reſpoſuſ à ſuis ducibus qui omnes interficiendos putabant, reſpondit, Nihil magis aduerſariorum animos flectere atque conciliare, quàm placibilitatis & manſuetudinis nomen. Panor. lib. 3. de reb. geſt. Alphonſi.

*Idem.*

Idem cū Caietam urbem obſideret, coacti ſunt oppidani ob famem, qua grauiter vexabantur, ad bellum inutiles è ciuitate expellere, in quos cum inciſiſſet rex, adhortatus ut ferro trucidaret omnes. Nequaquam, inquit, bellum contra puellas, fœminas, ſenes, ac innocentem iuuentutem ſuſcepimus:

scēpimus: sed contra viros armatos, de victoria manu nobiscum concertātes. Et sic pepercit rex imbelli ætati, ab hostibus civitate pullæ ob famem: Alphonsum sanè, & Agefilaum, qui similem pietatem hosti præstitit, nostra tempora desiderarent. Siquidem nunc de magna gloriantur animi fortitudine, qui trucidatis infātibz ac senibus, eam ætatem abducunt, quæ vel libidini apta est, vel labori, vel utrique. Alphonsi dictum recitat Panor. lib. 1. de rebus gestis Alphonfi.

*Huc refert titulum de Victorie  
moderatione.*

## De humanitate.

*Agefilaus.*

**H**ydricus cum quendam coniecisset in carcerem, Agefilaus humaniter veniam pro captivo deprecatus est, hunc in modum scribens: Si nihil peccavit, oro ut hominem dimittas: si peccavit, mihi dimitte: sed omnino dimitte. Innocentem punire, scelus est: culpam interdum condonare in gratiam honesti deprecatoris, humanitas est. Plut. in apoph. Lacon.

*Xerxes & Arimanes.*

Inter Xerxen Darij filium & Arimānem fratrem, de regno erat contentio. Itaque quum Xerxes intellexisset, fratrem ex Bactrianorum regione descendere, misit illi munera, & iis quibus ea mandarāt perferenda, iussit ut ipsius verbis illi dicerent, His in præsentia te honorat frater tuus Xerxes: quod si rex fuerit declaratus, eris apud ipsum omnium primus. Hac humanitate delinitus Arimanes contentionem remisit, ac fratri regnum adepto proutinus adorationis honorem exhibuit, eiqz diadema imposuit. Xerxes autem illi proximum ab se locum dedit. Eras. lib. 5. apoph.

*Philippus.*

Filiū Alexandrū admonere solebat, ut cum Macedonibus comiter haberet consuetudinem, vulgi conciliata benevolentia vires ac robur sibi parans, dum liceret alio regnante esse humanum, prudēter colligens, ut nulla se melius constabiliur imperium, quā civium benevolentia, ita difficilimum esse iam regnum administranti, erga quoslibet esse humanum, non solum quod regia potestas opposita sic invidia, verum etiam quod Respublica non possit esse incolumis, nisi scelera suppliciis coercerantur. Regibus enim hæcenus temperanda est humanitas erga ciues, ut interim regiam tueantur authoritatem. Nam immodica bonitas sæpe contemptum parit. Plutare, in apoph.

*Plura pete ex apoph. de Clementia*

*Diogenes.*

Platone laudante quendā hoc nomine quod erga omnes humanissimus esset. Quid, inquit Diogenes, illi tribuendum est, qui nullum unquam affectu dolore? Quo dicto docere voluit nimiam humanitatem obesse reipublicæ. Laert. lib. 6.

*Agefistrata.*

Quum Agidem filium exanimem iacentem videret, exosculatā facie dixit, Nimia tuus, o fili, bonitas, nimia mansuetudo & humanitas, te simul & nos perdidit. Moliebat enim Agis facinus sanè præclarum, sed invidiosum, nimirum ut degenerantes Lacedæmoniorum mores ad priscam illam severitatē reuocaret. Interim dum studet offendere neminem, & gratificari omnibus, semetipsum in exitium coniecit. Plut. in Lacæ. apoph.

*Vide apophishegmat. de Indulgentia & Licentia.*

*Turbo.*

Quum adhuc nihil aliud esset quā

X 3

centurio

centurio, & ante præfectos à Cæsare vocaretur in consilium: Turpe est, inquit, ð Cæsar, exclusis præfectis cum centurione agere. Eras.lib.6.apoph.

*Anonymus.*

Quidam videns Fauonium, quum nulli adesset famuli, Pompeio per omnia in seruientem, vsque ad pedum lotionem, pronunciauit Græcū versiculum

φιδουται φουδωνται ος αωδω ηωδων.

Id est,

*Clarè viris vs est decorum quidlibet ?*

Erasm.lib.6.apoph.ex Plut.

*Plotina.*

Plotina Traiani imperatoris vxor, cum post Traiani electionem primū in Capitolium irer, multiq; essent qui imperij felicitatem omnibus modis precarentur: adhuc in gradibus, conuersa ad multitudinem: Talis, inquit, huc ingredior qualem me exire cupio. Quo dicto innuere voluit, se non minus in imperio, quàm cum extra imperium esset omnibus optimè velle. Vnde sic se in principatu gessit, vt omnino iusta reprehensione caruerit. Xiphilinus in vita Traiani.

*Huc refer apophth.de Glorie & honoris contemptu.*

## De humilitate.

*Vide apophth.de Moderatione animi, de Modestia, de Arrogantia, Fastu & Superbia.*



## DE IACTANTIA.

*Diogenes.*



**P**UERO cuidam, qui vellet se recipi in numerum discipulorum Diogenis, ac diceret se excellere ingenio,

respondit Diogenes: Si aded excellis ingenio, optimisque moribus præditus iam es, non est quod me præceptore ad vitam necessaria discas. Notauit autem inanem adolescentis iactantiam, & indignum putauit vt in philosophiz studio educaretur. Brufon.lib.3. ex Laertio.

*Aristoteles.*

Admonebat suos, ne nimium se laudarent ipsos, nec vituperarent etiam. Laudare enim seipsum, vani: vituperare, stulti est. Brufon.lib.3. ex Stob.

*Phocion.*

Laosthenes quum Athenienses ad inferendum reliquæ Græciæ bellum assiduis stimulis concitaret, ac de se multa variâque iactaret, Phocion ait: Cupressis sunt planè similes sermones tui, illi enim magni sunt, nec tamen vltos ferunt fructus. Plut.in Phoc.

*Anonymus.*

Peregrins quidam Spartæ crepidatus altero pede stans rectus, ad Laconem dixit, Nequaquam puto te ð Lacon, tantum temporis, quantum ego, in pede perstare posse: Vrbane excipiens Lacon, Minimè (inquit) sed ex anseribus nullus est, qui hoc non possit. Plut.in Lacon.

*Lacones.*

Philippus cum minaretur Lacedæmoniiis per literas, diceretque se omnia quæ conaretur prohibitorium: Lacedæmonij iactantiam eius irridētes, interrogarunt Philippū, num moti etiam eos esset prohibitorus? Plut.

*Fabius Max.*

Quam M. Liuius sibi postularet acceptum ferri, quod Fabius cepisset Tarentum, videlicet quod in arce præsidium habuisset: cæteris iactantiam hominis deridentibus, Vera (inquit Fabius) narras: nam nisi tu ciuitatem amisisses, nequaquam egorecepissem. Plut.in apoph.

*Vatinium.*

*Vatinius.*

Ciceroni iactanti apud Vatinium, quod humeris Reipubli. de exilio aduectus sit, Vrbanè inquit: Vnde tibi varices? Bruf. lib. 3.

*Iul. Cæsar.*

Sylla factus prætor, quum indignabundus Cæsari sua in se illum potestate vsurus esse dictitaret, ridens Cæsar: Rectè, inquit, tuum putas esse magistratû, quem tuis habes pecuniis comparatum. Plur.

*Augustus Cæsar.*

Augustus quempiam saxo in expeditione percussum, ac notabili cicatrice in fronte deformem, nimium tamè sua opera iactantem, sic leuiter vrbanèq; castigauit: At quum fugeres, inquit, nunquam respexisti? Bruf. lib. 3.

*Vide apoph. de Ostentatione.*

## De ignauia.

*Diogenes.*

Q Vibusdam admirantibus carmen illud Hesiodi:

αὐτὸς δὲ θεὸς ἀνέλεος, εἰ μὴ γαίῃ κενεὸς εἴη

Idest,

Ne bos quidem pereat, etiam si vicinus sit malus.

atqui Messenij, inquit, simul cum bobus periere, vobis vicinis. Exprobrauit Atheniensibus ignauiam, qui Messeniis vicinis aduersus Lacedæmoniorum vim nõ fuerint opitulati. Era. l. 8. apop.

*Demetrius.*

Interrogatus, qua re industrij ab inertibus differrent? respondit, Qua impij à pijs? spe nimirum bona. Laboribus quippe incumbens, suæ industrię sperat præmium amplissimum, ignauus autem desperans, nullam habet bonorum futurorum spem qua fulciatur. Max. ser. 32.

*Anakida.*

Infra de Salsè dictis.

*Lyfander.*

Lyfander Lacedæmoniis segniter Corinthiorum murum oppugnanti-bus, quum leporem fossa vidisset exili-entem: Eos, inquit, timetis hostes, quorum ignauia lepores in muris dormiunt. Plur. in apoph.

*Themistocles.*

Hieronem cum equitatu venientem ad ludos Olympicos, vevit certamen spectare. Interrogatus autem cur hominem excluderet: Non æquum esse respondit, vt is qui maximi periculi se socium non præbuisset, ad communem conuentum ludicræque spectacula admitteretur. Notauit autem hominis in rebus præclarè gerendis ignauiam & oscitantiam. Elian. lib. de Var. hist.

*Scipio.*

Cum in Alexandriam venisset, pedesque urbem accederet: rex autem cum alijs propter ignauiam corporis-que molliem vix incederet: Scipio ad Panætium ait, Iam Alexandrini aliquid voluptatis & fructus ex nostra peregrinatione perceperunt. propter nos enim regem suum ambulantes viderunt. Bruf. lib. 3.

*Idem.*

Neuius quidam, cum iners socorsq; esset, festiuè per anominatione Scipio in illum iocatus est: Quid, inquit, hoc Neuius est ignauius? Bruf. l. 3. c. 12.

*Q. Metellus.*

Dicere solebat, nescire se, an sua victoria plus boni an mali Reipub. attulisset. Notauit autem Romanorû, post partem victoriam ignauiam, quæ multis malis ianuam aperuit. Bruf. lib. 4.

*M. Cato.*

Eius per frequens fuit sententia, Nil agendo homines malè agere perdiscere. Quo dicto execratur omnem ignauiam, quæ multorû malorum sæpenumero causa est. Columella. l. 12.

X 3

*Sigismundus*



*Sigisfrandus Imp.*

Cum ignavus ac otiosus homo feceratores eo nomine plurimum laudasset, quodd dormientes etiam pararent ex rebus lucrum: At tu, inquit, Imperator, vigilando omnia consumis. *Æn. Syl. libr. 4. comment. in res gestas Alphonsi regis.*

*Vide apophthegm. de Otio, Pigrizia, & Segnitie.*

## De ignobilitate & obscuritate generis.

*Bion.*

**P**ercontanti Anigono Homérico versu,

*Τὴν πύδην εἰς ἀνδρῶν; πόδοι τοῦ πόδης; ἢ δὲ τοῦ αἵματος;*

Sentiens, se traductum de generis ac gentis ignobilitate, respondit ingenuè: Pater meus libertus erat, cubito selemungens, significans, eum fuisse salamentarium: addebat, illū Borysthenitem fuisse genere, non facie, sed in fronte gestare scripturam amari domini, matrem fuisse de lupanari: cum cætera item nudè commemorasset, adiecit versum Homericum,

*ταῦτ' ἐστι τῆς γυναικὸς, τοῦ τευ πατρὸς ἱερομήνη.* *Laert. lib. 4. cap. 7.*

*Antisthenes.*

Dicebat, generis obscuritatem esse bonum par labori. Aduersus illud Epicuri, *λατὸν βιωσάτω*. Multi student ignori esse, quo vivant in otio. At ignobilitas quoniam patet quorumlibet contemptui, non minus adfert negotiorum, quàm famæ claritas. *Diogen. Laertius lib. 6. cap. 1.*

*Idem.*

Cuidam opprobianti quodd esset hybrida, hoc est, non de duobus ingenuis natus, sed ex patre Atheniensis, matre Phrygia: Nec de duobus, inquit, lucta-

toribus natus, & tamen luctator sum: Sentiens, non tam referre unde natus sis, quàm sis. Is verè liber est, quem philosophia liberum facit: & is verè Græcus est, qui Græcorum disciplinis institutus est. *Laert. lib. 6. cap. 1.*

*Socrates.*

Malè audiens à quodā Atheniensis, quodd ex matre obscura natus esset, respondit: An putas virum præclarum non ex obscuris parentibus procreari posse? Innuit autem, non ex parentibus, sed ex rebus gestis veram nobilitatem iudicandam. *Ibid.*

*Anonymus.*

Menedemus Eretrienensis, cū aliquando decretum tulisset ad populum, quidam ita tetigit illum, vt diceret, non esse sapientis neque tabernaculū consuere, neque decretum scribere. Subnotans, quodd ex patre coriario natus esset, ipse quondam eiusdem opificij. Nam olim tabernacula de pellibus caprarum consuebantur. *Laert. lib. 2.*

*Sostratus.*

Cuidam obiectanti, quodd ex ignobilibus prognatus esset parentibus: Atqui, inquit, ob id ipsum debui magis laudari, & in admiratione esse, quodd me genus initium coepit. *Ant. in Melissa, part. 2. ser. 79.*

## De ignoscentia.

*Pittacus.*

**T**yrreum Pittaci filium Cumis in tonstrina sedentem, faber quidam ærarius impacta securi occidit. Cumani homicidam vinctum miserunt ad Pittacum, vt de eo supplicium sumeret. At ille cognita causa, dimisit hominem, dicens: Ignoscentiam esse potiore penitentia. Sentiens, vtilius esse condonare, quàm meminisse iniuriæ & vlcisci. *Laert. lib. 1. cap. 5.*

*Hug.*

Huc referenda sunt apoph. de Patientia iniuriarum, Humanitate, Lenitate, Mansuetudine, Victoriarum moderatione, Vindicta, &c.

## De ignorantia.

*Vide apoph. de Cognitione sui.*

## De imitatione.

*Pylades.*

**H**ylam, negligenter saltantem Oedipodem, hac voce castigavit, *ὦ βλάπεις*, id est, tu vides: quum ille Oedipodem iam cæcum exprimere debuerit. Eras. l. 6. apoph.

*Apelles.*

Alexander quum apud Ephesum conspectam effigiem sui corporis ad vivum magna arte expressam admiraretur, atque interim fortè equus indutus picto in eadem tabula equo hinc niret, deceptus imitatione: Apelles, Equus (inquit) ò rex, multò melius expressus est quàm tu. Eras. l. 8. apoph.

*Cicero.*

Pompeio vicio dabat, quoddam civitate deserta Themistoclem potius quàm Periclem fuisse imitatus: cum illis res nequaquam pares essent, his essent. Themistocles enim fugit ad Persas, Pericles mansit Athenis. Plut. in Rom. apoph.

*Hadrianus sophista.*

In convivio sophistarum, ad quos adhibitus erat tanquam egregij cuiuspiam arcani consors futurus, quum sermo fuisset ortus de characteribus dictionis, & in quo quisque præcelleret, & quid in quoque potissimum imitandum esset: At ego, inquit, describam characteres, haudquaquam recensens incisunculas, intellectus, membra aut rhythmos: sed me ipsum mihi imitandum proponens, om-

niumque inuenta ex tempore profertens, flexu quodam orationis ac linguæ permittam hæc omnia. Quid de hoc Hadriani dicto iudicandum sit, viderint Critici. Illud scio, Horatium, non temerè exclamasse, O imitatores servum pecus: Et hodie videmus quosdam, qui se totos addixerunt exprimendo Ciceroni, frigidus & elumbes euadere. Quoddam si quos delectat illud orationis genus leue & *πλασφών* equidem nec obсто cuiquam, nec invideo. At ipse malim Epicteti rudem & indolatam phrasim, sed naturalem, quam Isoeratis omni flosculorum genere picturatum. Huius Hadriani dictione Herodes, sophista solebat appellare *καλίστην μεγάλου σπαράγματος*, id est, colossi magni fragmenta: simul in iuvene notans orationem nondum satis compositam, simul laudans & vocis & animi magnitudinem. Verba sunt Eras. Rot. l. 8. apoph. ex Philostrati sophistis.

## De Imperatoris, seu belli Ducis præstantiss. & numeris omnibus absoluti officio: item de imperio rectè administrando.

*Pericles.*

**Q**uotiescunque belli dux creatus esset, chlamydem induens, apud se dicere consuevit: Attende Pericles, quoddam gesturus es imperium in liberos, in Græcos & in Athenienses. His dictis se vir cordatissimus hortabatur, ut moderatè gereret principatum. Magni ingenij est, imperare liberis: at Græci plus quàm liberi tum erant: postremò inter Græcos liberrimi Athenienses. Plut. in apoph.

*Plato.*

Rem publicam saluam esse putabat, in qua  
X 4 aut

aut philosophi imperarent, aut principes sapientiz studio incumberent. lib. de Rep.

*Timotheus.*

Quærenti quid inter imperatoriam artem & oratoriam discriminis esset? Idem, respondit, quod inter bellum & pacem. Stob. 52.

*Plistarchus Leonidæ F.*

Plistarchus Leonidæ filius cuidam roganti, quam ob causam reges Lacedæmoniorum non à priscis rebus cognomen sortirentur? Quoniam, inquit, illi ducere quàm regnare maluerunt, posteriores illis nequaquam. Primus omnium regum Lacedæmoniorum Agis dictus est, & hoc nomen in aliquot posteriores dimanauit. Agidis autem nomen dictum est à ducendo, quoniam clementer imperabat: & regum est persuadere potius, quàm imperare. Plistarchus autem sonat, plurimis imperantem. Plut.

*Theopompus.*

Inf. de patria fortiter propugnanda.

*Solon.*

Infrà de Regno & regibus.

*Iphicrates.*

Suprà de bono belli ducè.

*Apollonius.*

Rogatus à Babyloniz rege, quomodo tutò regnare posset? Si multos, inquit, honoraueris, paucis verò credideris. Bruf. lib. 3.

*Alcamenes Telecri filius.*

Cuidā percontanti, quo pacto quis optimè regnum seruare posset? Si lucrum, inquit, nō magni fecerit. Longè latèq; dissentiens à vulgo principum, qui non alia magis ratione principatum constabilire student, quàm attenuandis ciuium suis augendis opibus: quum iustitia & æquitas maximè redant diuturnū imperium. Plut. in Lac.

*Agis.*

A quodam interrogatus, quod disci-

plinè genus potissimum exerciraretur apud Spartanos? Scire, inquit, imperare, & ferre imperium. Ibid.

*Idem.*

Apud Mantinzam quibusdam dissuadentibus, ne cum aduersariis, quodd numero plures essent, conflingeret Agis senior: Cum multis, inquit, pugnet oportet, qui multis vult imperare. Ibidem.

*Agefilau.*

Interrogatus, quas res Imperatorē habere oporteat? dixit: Aduersus hostes audaciam, erga subditos beneuolentiam, in opportunitatē verò rationem & consilium. Stob. ser. 52.

*Cyrus.*

Dicebat, neminem debere suscipere principatum, nisi esset melior his in quos susceperet imperium. Sensit vir prudentissimus, hoc esse principis munus, vt aliis prospiciat, & publicis commodis consulat. Id autem fieri nequaquam potest, nisi ab eo qui sapientia, vigilantia, animique integritate cæteris antecellit. Plut. in apoph.

*Idem.*

Dicere solebat, principem non debere inferiorem esse intelligendo quæ opus sunt cæteris. Xenophon in 7. Pædiz Cyri.

*Idem.*

Idem à Clearcho, ne se in pugna periculum admitteret admonenti, respondisse dicitur: Iubēsne regnum appetentem, regnum me indignū ostendere? Bruf. lib. 3.

*Hieron.*

Infrà tit. de Regno, & regibus.

*Cato.*

Quum Eumenes rex Romam venisset, & à senatu honorificè exceptus, clarissimorum ciuium frequentia stiparetur, Cato non dissimulabat, tantum Romanorum erga illum studium sibi suspectum esse, ipse vitans regis consue-

consuetudinem. Hoc quibusdam admirantibus, ac dicentibus, Eumenem esse virum probum, ac amico in populum Romanum animo: Sint ista vera, inquit: attamen illa belua, natura ferox canis est. Sentiens, omnes reges, utcumque pro tempore simulent, natura tyrannos esse, ac Democratiæ infensos. Romæ autem regis nomen erat inuisissimum. Eras.lib.5.apoph.

*Antiochus.*

Antiochus quum à L.Scipione ultra Taurum montem, submotis imperij finibus, Asiam prouinciam, vicinasque ei gentes amisisset, gratias egit populo Romano, quod magna parte curarum per eos liberatus esset. Intellexit vir prudens, vnus hominis animum, quãuis vigilantem, non posse tot negotiis parem esse. Eras.lib.5.apoph.

*Vide magi fratrum curæ.*

*Antigonus.*

Videns filium suum violentius & immodestius se gerere erga subditos: An non, inquit, nouisti fili, nostrum regnum esse nobilem seruitutem? Atque hæc Antigoni verba, quibus filium alloquutus est, maximam mansuetudinem & humanitatem præ se ferunt, qui id non approbat, is verè mihi videtur neque regem neque ciuem nosse, sed tyrannicam vitam potius agere. Elianus, l.2. de Var.hist.ex Plut.

*Scipio Africanus.*

Quibusdam calumniantibus, quod parum strenuus bellator esset: Imperatorem, inquit, me mater, non bellatorem genuit. Significans in imperatore plus habere momenti solertiam ac prudentiam in consiliis, quàm vires in præliis. Plut.

*M.Cato.*

Seniorem imperatorem laude dignum, & ab omnibus extollendum putauit, qui sibi ipsi imperare posset. Plut. in apoph.

*Cicero.*

In summo imperatore belli; duce quatuor res debere inesse dicebat, Scientiam rei militaris, virtutem, auctoritatem, & facilitatem. Cic. in oratione pro Pompeio.

*Alexander Senerius.*

Quinius Camillus, antiquæ familiæ senator, homo delicatissimus, rebellionem moliebatur, tyrannidè affectans. Id quum Alexandro renuntiatur esset, statimque probatū, ad palatium vocatus gratias egit, quod reipub. curam, quæ bonis viris recusantibus imponi solet, spontè reciperet. Mox ad senatū processit, ac tanti sceleris conscientia trepidum, consortem imperij appellauit, in palatium recepit, ornamentis imperialibus, & melioribus, quàm utebatur ipse, decorauit, processionis comitem adhibuit. Cūque imperator ipse pedibus iter faceret, inuitauit & Quinium deliciis assuetum ad laborem, quem post quinque milliæ passuum cunctantem equo sedere iussit. Quūque post duas mansiones equo etiam fatigatus esset, carpento imposuit. Hoc quoque respuentem, ac imperium tardio laborum recusantem, denique & non paratum dimisit, ac militibus à quibus Cæsar præcipuè diligebatur, commendatum, ad villas suas tutò abire iussit. Sic illi commonstrauit, quid esset gerere imperium. Lampridius.

*Sasurninus.*

Hortantibus militibus, ut imperium susciperet, ait: Nescitis, ô milites, quantum mali sit imperare: gladij ut ceruicibus immincant, hastæ vndique, spicula, ipsi custodes timentur, ipsi comites formidantur, non cibus pro voluntate, non iter pro auctoritate, non bella pro iudicio, non arma pro studio. Brulib.3.cap.13.

*Iul.Cæsar.*

M. Tullius libr. de Officiis 3. scribit, Cæsarem



Cæsare hos versus ex Euripidis Phœnissis semper habuisse in ore:

*Nam si violandū est ius, regnandi gratia  
Violandum est, aliis rebus pietatem colas.*

*Augustus Cæsar.*

Postquam Iulio auunculo crudeliter in senatu interfecto successisset in administratione imperij, ac nequaquā placeret Acciæ matri Philippoque vitricō, adiri nomen inuidiosæ fortunæ Cæsaris, respondit: nefas esse, quo nomine Cæsari dignus esset visus, semetipsum videri indignum. Contemnens humana consilia, & cum periculo potius summa quā rūtō humilia sequi proposuit. Velleius Paterculus, & Cusp. in Consulibus.

*Mecenas.*

Augusti temporibus quum esset consultatio de imperio iterum abrogando, in ea deliberatione interrogatus Mecœnas, quid sibi videretur, respondit: Regnum iustum & legitimè recuperatum in primis conducere rerum magnitudini. Quo dicto consulebat, iustius esse ut imperium deponeret Augustus, ac rempublicam restitueret in statum pristinum. Dion Nicæus in Augusto.

*Augustus Cæsar.*

Admonebat Romanos, ut rempublicam committerent iis, qui usu & experientia rerum plurimum possent: nec eam finerent ullo tempore pendere ex cuiusquam voluntate: ne fortis in regni cupiditatem veniret, aut mortuo eo respublica periclitaretur. Idem.

*Idem.*

Consulebat præterea, ut contenti rebus præsentibus, augere & dilatare imperium nollent: quod futurum esset, ut id tuerentur difficilius, immineretque periculum, ne ea quæ iam parata essent, admitterentur. Idem.

*Fronto.*

Cum sub Nerua Cocceio, Romæ

impromiscuè omnes ab omnibus leuissimas ob causas accusarentur, atque inde magnus tumultus exortus esset, Frontonem consulem dixisse, ferunt: Malum quidem esse, imperatorem habere, sub quo nemini licet quicquam facere: sed multò peius esse, cum omnia licent omnibus. Xiphilinos in vita Neruæ, & Fulgosi lib. 2. cap. 2.

*Domitianus.*

Paucis notum esse dicere solebat, quàm misera & ærumnosa sit imperantium conditio, qui à tyrannidis falsa suspitione tum demum liberantur, cum diem iam extremum claudunt. Suet. in Domitiano.

*Diocletianus.*

Adhuc priuatus dicere solebat, nihil esse difficilius quàm bene imperare. Id Flavius Vopiscus in Aureliano tradit se audiuisse à patre suo, & addit causam: Colligunt, inquit, se quatuor aut quinque, simul consilium ad decipiendum imperatorem capiunt, dicunt, quid probandum sit. Imperator qui domi clausus est, vera non nouit: cogitur hoc tantum scire, quod illi loquuntur: facit iudices, quos fieri non oportet: amouet à republica, quos debet retinere. Ita, bonus, cautus, optimus venditur Imperator. At vulgus ad Imperatoris titulum satis esse putat nasci, aut eligi nasci, utrumque: eligi, emptis suffragiis, ac solennibus ceremoniis confirmari. Vopiscus.

*Pertinax.*

Cum possessionibus imperatoriis nomen suum inscribi prohibuisset, dicere solebat, illas nequaquam imperantium proprias, sed communes Romanorum, & publicas esse. Herodianus.

*Traianus.*

Iustitiæ & æquitatis amantissimus talem imperatorem priuatis & ciuibus se esse dicebat, qualem sibi ipse imperatorem

ratorem priuatus optasset. Ioan. Langus in Nicephori annotationibus.

*Idem.*

Aliquando in conuiuio proposuit amicis, vt decem nominarent, quibus crederent rerum summam recte delegari posse. Cùm illi silerent: Decem, inquit, à vobis posco; ego vnicum habeo Seuerianum. Solum illum imperio dignum iudicans. Dion Cassius.

*Idem.*

Licino Suræ (quem quidam vt Cæsaris insidiatorem indicauerant) gladium nudum porrexerat: atque, Accipe, dixit, gladium, quem pro me, si bene atque cum ratione imperaui, distinges: sin minus, eo ad interitum vtere. Dion Nicæus atque Xiphilinus in Traiani vita, Plin. in Panegyrico, & Niceph. lib. 3. cap. 23.

*Hadrianus.*

Dicere solebat, miseram esse imperantium conditionem, quibus de affectu tyrannidis, nisi occisis, non credatur. Volcatius.

*Valentinianus.*

Solicatus à militibus, vt sibi imperij socium deligeret: Vestrum quidem, inquit, fuit, vt priuatū me ad imperialem extolleretis dignitatem: res autē administrare, non iam vestri, sed principis ipsius arbitrij esse, vos ipsi quoque dixeritis. Itaque vos deinceps imperata facere, & quietos esse: me autem, quid facto opus sit, curare decet. Nice. Callist. lib. 11. cap. 1. Eccles. hist.

*Antoninus Pius.*

Reprehensus, quod nonnullos accusatos absolueret, respondit, Principatū non à pœnis aut suppliciis, sed à mansuetudine potius auspicandum esse. Dion Nicæus, & Xiphilinus in Antonini vita.

*M. Antoninus Verus.*

Dicere solitus erat, Neque pecuniarum vim tyrannidis luxuriam explere

posse, aut stipantia satellitum agminatuari principem, nisi ipsi quos regit, animum imperanti beneuolentiāq; accommodent. Quippe ij demum diutiusque imperant, qui non metum ex crudelitate, sed amorem ex bonitate ciuium suorum animis instillant. Neque enim quos seruire necessitas coegit, sed quos obtemperare sua quæque voluntas adiegit, ij sunt in agendo patiendoque à suspitione omni assentioneque vacui: nunquamque imperia detrectant, nisi violenter contumeliosæque sint habiti. Herodianus lib. 1.

*Faustus Quintillus.*

Julianus cū senatum Romanorū rogaret, vt virgines Vestales & ceteri sacerdotes cum senatu obuiam exercentui Seueri prodirent, prætentis infulis: Faustus Quintillus consularis augur contradixit, asserens, non debere imperare cum qui armis aduersario non posset resistere. Spartianus in Iuliano, & Cuspinianus in Consulibus.

*Ionianus.*

Cū post Iulianum apostatam, qui aliquot Christianorum millia interfecerat, ad imperium reperetur, clamabat, Nolle se infidelibus imperare, cū ipse esset Christianus. Cui responsum est à militibus omnibus, sese quoque Christi fidei esse obnoxios. Cuspin. in Coll.

*Alexander Seuerus.*

Vigilanter prouidit, ne tribuni ducisque, quicquam fraudarent de stipendiis militum, dicens, Miles non timet nisi vestitus, armatus, calceatus, & satur, & habens aliquid in zona. Sentiens, militē cū aliquid habet, meture ne perdat: sed mendicitas ad omnē desperationē vocat armatū. Lamp.

*Pescennius Niger.*

Rogatus, quid sentiret de Scipionibus? Respondit: Illos sibi videri felices magis

magis quàm fortes: quòd uterq; domi iuventutem parum sanctè transegerat. Sentiens, imperatorem per omnem vitam in reipublice negotiis versari debere, nec à domesticis ad imperium accersiri. Spart.

*Orho.*

Sæpenumero dicere solebat ad suos: Nescitis amici, quid sit, Romanorum gubernare imperium: mihi credite iam experto, qui iam mori malo, quàm imperare. Suet.

*Sigismundus.*

Rogatus, Quem virum regno dignum aprumque existimaret? Eum, inquit, quem neque secundæ res extollerent, neque aduersæ deprimerent. Æneas Syl.lib.4. comment. de rebus gest. Alphonfi regis.

*Idem.*

Regnandi artis imperitum esse dicebat, qui simulare nesciret. Innuit autè, multa regibus simulanda, multa dissimulanda esse, quo suos in debito officio retineant, extra omne vitæ periculum. Æneas Syl.lib.1. comment. de reb. gestis Alphon.

*Æneas Sylvius.*

Principes priuatis hominibus multò meliores fore dicere solebat, si reges electione, & non successione fierent. Improbauit vir clarissimus successionem regum, quam vsus, haud vbique meliora secutus, recepit. Regem enim nasci nihil magni est. At regno dignum se præstitisse, maximum est. Æneas Syl.lib.1.4. com. in res gestas Alphon.

*Huc refer apophth. de Principe & regno, item de administratione reipub. &c.*

### De imperio difficulter administrando.

*Alphonsus.*

Sæpenumero peroptare solebat, vt popularium suorum vnusquisq; rex

existisset, quo demum illi, vt potè experti, cognoscerent principum occupationes & curas. Hoc vnico forsam modo fieri posse, vt desinerent molesti & importuni esse. Notabat autè, quàm difficile esset imperare, cum tam diuersa sint hominum ingenia, diuersi mores, quibus principes se accommodare necesse habent. Panor. l.3. de rebus gest. Alphonfi.

*Idem.*

Magnum quidem esse dicebat, aduersus hostem ducem esse: sed & illud maximum, ad omnem virtutem ciuib; ducem esse. Pan. li.4. de Alph. reb. gestis.

*Idem.*

Eundem affirmare solitum accepi-mus, si nullum omnino aliud regnum, nullam prouinciam præter Calabriam aut haberet, aut habiturus esset, illam protinus se relicturum, priuatumq; & ciuem viuere potius velle quàm illorum qui nihil hominis habent præter figuram, ineptias tolerare, quamuis dominum aut regem. Hoc autem dicto ostendere voluit, quàm graue sit imperare iis, qui omni humano ingenio exuti, nil norunt aliud, quàm luxuriantes, ferarum more, in omni vitiorum sorde se inuoluere. Panor. lib.1. de reb. gest. Alphonfi.

### De imperitia.

*Socrates.*

\* Intuitus adolescentulum diuitem lac imperitum: En, inquit, aureum mancipium. Stob. ser.4.

*Idem.*

\* Vt Proteus formam, ita imperitus (inquit) animum vbique mutat & variat. Eod. ser.

*Idem.*

\* Dicebat imperitos in rebus errare, quem-

quemadmodum peregrini in viis. eod.  
term.

## De impietate.

*Bion.*

**I**mpietatem dicebat malam esse cō-  
tubernalem fiduciz, & adiecit ver-  
ficulum Euripidis:

Δουλοῖ γὰρ αἰδέσθαι, καὶ θεοὺς ὁμῶς πρὸς  
id est,

Seruum facit, quamuis ferocissimum  
virum.

Sensit, ibi non esse libertatem, ubi est  
mala conscientia: nec eum posse libe-  
rè loqui, cui crimen impietatis verè  
potest obici, nec frui tranquillitate  
animi, qui numen habet iratum. Læc.  
lib. 4. cap. 7.

*Agésilæus Euphorus.*

Agésilæus Euphorus, cum ipsius sua-  
su actum esset, ut fieret omnium debi-  
torum solutio: iamque rabulis in forū  
Clarium comportatis, ignis esset in-  
iectus, ac flamma exurgeret, cæteris  
creditoribus mœstis improbè insultra-  
bat, dicens, se nunquam clarius lumē,  
aut ignem vidisse puriorem. Extrema  
impietatis est linea, etiam illudere iis  
quos afflixeris. Plut. in Læc.

*Julianus apostata.*

Contra Persas exercitum ducens,  
grandem multam Christianis intulit,  
qui grauius à Paganis tractati, sæpius  
pro auxilio Imperatorem accesserant.  
Quibus impie respondit, Æquum est  
ut mala sustineatis, cum hoc sit præ-  
ceptum vestri Dei. Tripartita hist. l. 6.  
cap. 19.

## De imprudentia.

**V**ide apophth. de Arrogantia, Audacia,  
Cognitione sui, Stultitia, &c.

## De impudentia.

*Zeno.*

**A**d adolescentem instantius im-  
pudentiusque quam per ætatem  
conueniret quiddam inquirentem, ac-  
cepto speculo: Contemplare (inquit)  
te ipsum, & dic deinde, num ei faciei  
congruant tales quæstiones? Bruf. l. 3.  
cap. 16.

*Caligula.*

Dicebat, se nihil magis in sua natu-  
ra probare, quam *admirari*, hoc est,  
inuerecundiam. Pudor enim ut mul-  
tis ad honestas actiones obstat, ita  
nonnunquam improbæ mentis homi-  
nes à turpibus reuocat. Vox carnifice  
quàm imperatore dignior. Eras. lib. 6.  
apoph.

*Anonymus.*

Quum testis, qui se dicebat à reo  
vulneratum, interrogaretur, an cica-  
trices haberet: ingentem in femore  
cicatricem ostendit. tum aduersarius:  
Latus, inquit, erat opportunius, signi-  
ficans, illum vulnere lethaliore dig-  
num. Ibid.

*Vide apoph. de Lascinia & libidine.*

## De impudicitia.

*Milites Cæsaris.*

**I**N Gallico triumpho, milites hos  
versiculos iactabant in Cæsarem:  
*Vrbani seruasse uxores, machinon caluum  
adducimus.*

*Auro in Gallia stuprum emisit, hinc sum-  
psisti munus.*

Notabant, quòd in prouincia agens,  
alienas uxores auro corruperit: Ro-  
mæ non emerit, sed mutuum sumpse-  
rit, quòd vxor ipsius malè audiret de  
Claudio. Nisi fortè quiddam obsceni-  
us intelligi voluerunt. nam Suetonius  
aliquanto pòst commemorat, quod  
Curio



Curio pater in oratione quadam appellat illum omnium mulierum virū, & omnium viro- rum mulierem. Eras- mus. lib. 6. apoph.

*Vide apoph. de Libidine & Lasciuiā.*

### De impunitate.

*M. Cato.*

**D**icere solebat, Iniuriam, etiam si facienti nihil adferat periculi, vniuersis tamen periculosam esse. Sentiens impunitē iniurię exemplum omnibus minari iniuriam. Etenim si liceat impunē lādere, nullus erit tutus ab improborum violentia. Plut. in Rom. apoph.

*Idem.*

Exhortans magistratus ad sumendas pēnas de his qui delinquerent, dicebat: eos qui maleficos prohibere possent & tamē impunitate donarēt, lapidibus obruendos esse. Sentiēs eos, reipub. perniciosissimos esse, qui permitterent impunē contra iustitiam, & equitatem, & vrbis leges agere. Plut.

*Idem.*

Addebat, se malle pro collato beneficio nullā reportare gratiam, quā pro maleficio perpetrato non dare, pēnam. Significans, nihil esse periculosius impunitate, quā semper ad deteriora inuitat. Ibid.

*Vide apoph. de Licentia.*

### De inessu.

*Solon.*

**E**ius apophthegma celebratur, in Eua non properandum esse. Ex in- cessu enim colligitur animus: p̄ceptis arguit p̄cipitem, nimium lentus ignauum. Laert. lib. 1. cap. 4.

*Cicero.*

Cū Tullia Ciceronis filia concitatus incederet quā deceret fēmi-

nam: contrā verō Piso gener lentius quā deceret virum, Cicero ambos eodem dicto taxauit, filiz p̄sente genero dicens: Ambula vt vir. Eras- mus. lib. 4. apoph.

### De inconstantia & leuitate.

*Cleanthes.*

**C**vidam reprehēdenti Arcesilaum, quodd officia vitæ tolleret: Desine, inquit, hominem vituperare. Nam ille, licet dictis tollat officia, tamen factis commendat. Id audiens Arcesilaus: Non moueor, inquit, Adulatione. Hic Cleanthes, Scilicet, inquit, adulator tibi, dicens te aliud loqui, aliud facere. Cleanthes mitigauit dictum obsecratoris, sed ita vt à crimine incōstantiæ non liberaret Arcesilaum. Turpissimum enim est philosopho, secus docere quā viuere. Si vita proba est, cur docet diuersa? Si doctrina sana est, cur eam secus viuendo refellit? Laert. lib. 7. cap. 2.

*Leotychedas.*

A quodam, quasi minus constans esset, notatus. Mutor, inquit, sed pro tēporum ratione, non vt vos. Prudentis enim est, pro re nata mutare consilia: sine causa autem subinde alium fieri, inconstantia vitium est. Plutarch. in Lacon.

*Cicero.*

Metellus Diodoro, quo Rhetorices magistro fuerat usus, defuncto sepulchro eius coruum lapideum imposuit: Iustum, inquit Cicero, p̄m̄ium retulit, nam volare ipsum docuit, non dicere. notans Metelli leuitatem & inconstantiam. Plut. in Rom. apoph.

*Scipio Maior.*

Cū traieciisset in Africam, ac rep̄s potitus hostiū castra concremasset. Cartha-

Carthagenſes miſſis legatis ſœdus cum Scipione pepigere, pollicentes ſe elephantos, camelosque, & naues ac pecunias daturus. Cæterum poſtquam Annibal abnauigaſſet ex Italia Carthaginem, cœpit illos conuentorũ prænitere, eo quod iam animum recepiſſent. Id audiens Scipio, negauit ſe etiam ſi ipſi vellent, pacta ſeruaturum, niſi prius imperatis adderent talentorum quinque millia, hoc nomine, quod Annibalem accerſiſſent. Plut. in Rom. apoph.

*Cicero.*

Suprà tit. de Exerciitatione ingenij & de ambigüe diſtis.

## De incontinentia & libidine ſœda.

*Xanthus.*

**A**Dulterum quendam videns proſoribus formoſæ mulieris: Iſte inquit, breuē voluptatem magno emit periculo. Max. ſer. 3. de Caſtitate.

*Menedemus.*

Cum adoleſcens quidam dixiſſet, magnum eſſe, ſi quis quæ concupiſſet, aſſequeretur: Multò, inquit, maius eſt, nihil eorum quæ non decet, concupiſcere. Max. eod. ſer.

*Vide apoph. de inhoneſto, Meretricibus, ſcortatione & Scortis.*

## De Indoctis & inſipientibus.

*Beſeleel rhetor.*

**D**Icebat animo puerum ſeu indoctum & inſipientem nihil ab ætate puero differre. Stob. ſer. de imprudentia.

*Socrates.*

His diſtis indoctos & inſipientes

perſtringebat, fugientes nulla perſequentem ſibi metuunt: inſipientes autẽ, licet nihil aduerſetur ipſis fortuna, perturbantur. Neque muſices ignari inſtrumenta concinnare, neque indocti infortuna ſibi accommodare poſſunt. Idem eſt languenti onus impoſuiſſe, & indocto bonam fortunam. Stob.

## De indole excelsa.

*Alexander.*

**P**Ver etiamnum, cum vidiſſet quã feliciter parens bella gereret, nequaquam gaudebat, ſed ad pueros æquales dicebat, Pater nihil mihi relicturnus eſt. Illis contradicentibus, Imò ea omnia quæ bello iam ſubegit. Quid profuerit, inquit Alexander ſi multa hæreditario iure poſſideo, ego autem nihil habeam quod agam, & militem patri ſimilem me eſſe oſtendam? Vides, indolem in puero ad imperium planè pronam? Plut. in apoph.

*Scipio.*

Super cœnam interrogatus, quem egregium imperatorem habitura eſſet reſp. ſi quid ipſi humanitus accidiſſet? Vel hunc, inquit, Marium intuens, iam tum in illo perſpiciens ingenium maximis rebus natum. Eutropius lib. 5. Plut. in Mario.

*Caffius.*

Etiamnum puer, Fauſtum Syllæ filium inter æquales de patris monarchia glorianrem non tulit, ſed ei colaphos impexit. Eius rei cognitionem cum Pompeius ad ſe recepiſſet, accitis ambobus pueris, Caffius auſus eſt dicere: Eia Fauſte, aude rursus corã hoc ea verba proferre, quibus irritatus in te fui, vt rursus percellam os. Inerat Caffio natium quoddam odium tyrannidis, vt iam tum appareret, illi non defuturum animum ad interficiendum Cæſarem. Plut.

*Pom.*

*Pompeius.*

Tam charus fuit populo Romano, quam pater fuerat inuifus. Is etiam nū adolescent, totum se Syllanz factioni addixit: cūmq; nec magistratus effer, nec senator, magnum tamen ex Italia contraxit exercitum. Hunc cū Sylla ad se venire iussisset, Non absq; spoliis, inquit, nec incruentas Imperatori copias exhibebo. Nec prius ad illum venit, quam, multis conflictibus hostium duces superasset. Iam tum egregij principis, & ad res magnas nati, specimen dedit. Noluit adducere numerum, sed militem virtute spectatum. Plut. in Rom. apoph.

*Julius Cæsar.*

Cū Syllam fugeret, etiam nū adolescent, incidit in pyratas Cilices: ac primū vbi pro redemptione summā, quam ab eo peterent pronuntiasent, derisit prædones, velut ignaros quem cepissent, seq; duplum daturum pollicitus est. Deinde quum asseruaretur, donec adferretur pecunia, imperavit illis vt filerent, nec sibi dormienti obstreperent. Eisdem orationes & carmina quæ scriberet recitare solebat, quæ quum illi non satis probarent, stupidos ac barbaros appellabat: cūmq; risu minitabatur, se illos acturum in crucem, quod & perfecit. Apportatis enim pecuniis quas piratæ pro redemptione pacti fuerant, dimissus, contractis ex Asia viris ac nauibus comprehendit eosdem prædones, ac suspendit: sed prius ingulatos, ne seueritas careret clementia. An non hîc statim agnoscis indolem Alexandri Magni cui nihil mediocre satis esse posset? Eras. ex Plut. in Rom. apoph.

*Tiberius.*

Tiberius perspecto Caligulæ ingenio, fero ac malefico, subinde prædicabat, se natricem relp. & Phaethonem orbi terrarum educare. Natrix

serpentis genus est. Eras. lib. 8. apoph.  
*Vide apoph. de Ingenio.*

## De industria.

*Cleantes.*

Collectam pecuniolam aliquando proiecit coram familiaribus dicens: Cleantes alterum Cleantem alere posset, si veller. Laert. lib. 7. c. 1.

*Nicostratus.*

Quum ob artem musicam disideret à Laodoco citharcedo, dixit illum in magna arte exiguum esse, se verò in exigua magnum. Non igitur solum laudabile est, rem familiarem & opes amplificare: sed etiam artem, studio & industria. Æli. lib. 4. de Var. hist.

*Lacones.*

Commune hoc prouerbiū semper in ore habuerunt, Admota manu fortunam esse implorandam. Quo innuere voluerunt, frustra inuocari deos, nisi addens industriam, manum rotā admoueris etiam. Plut. in Lac.

*Sal. Iulianus.*

Saluius Iulianus solitus est dicere: Si alterum pedem in sepulchro haberem, adhuc tamen addiscere vellem.

*Maximinus.*

Accepta legatione nullum omnino laborem fugere solebat, quum autem tribuni quidam eum reprehenderent, dicerentque, cur tantopere laboraret, cū eius loci esset, vt ducatum accipere posset? Ego, inquit, quo maior fuero, hoc magis laborabo. Ex Ælio Lampridio.

*Vide apoph. de Discendi studio  
& labore.*

## De infamia.

*Pericles.*

A Riphroni volenti publico præconio quæri Alcibiadem, qui adolescentens

scens clam domo egressus, ad amicum Democratem se contulerat, obstitit dicens: Si forte nobis insciis perii, præconio nihil aliud agetur, quam ut vno tantum die citius manifestum fiat illum interiisse: sin saluus, ne per omnem quidem vitam saluus esse poterit. Ciuilitèr exclusit Pericles adolescentis infamiam, quam nunquam potuisset eluere. Plur.

*Claudius Cas.*

Infra titulo de memoria.

## De inferno.

*Bion.*

**D**icere solebat, facilem esse ad inferos viam: nam illuc homines abiire clausis oculis. Morientibus enim clauduntur oculi. Laert. lib. 4. c. 7. Vnde Virgilius,

*Facilis descensus auerni.*

*Noctes atque dies paset atri ianua Diis, &c.*

*Demonax.*

Demonax interrogatus olim, qualisnam esset inferorum conditio? Expecta, inquit, & simul atque illuc venero per literas tibi significabo omnia. Sentiebat autem nullos esse inferos. Eras. lib. 8. apoph.

*Bion.*

In fabulis est, Danaidas puellas apud inferos huic addictas esse supplicio, ut pertusis vasis deferant aquam in dolum pertusum. Bion dicebat, grauius fore supplicium, si integris vasis, ac non pertusis idem facerent, tum enim irent onustiores. Laert. li. 4. cap. 7.

## De infelicitate.

*Bias.*

**E**vm demum infelicem esse dictitabat, qui infelicitatem suam æquo animo ferre non posset. Sensit vir prudentissimus, eam infelicitatem homi-

nibus nocumento esse, quæ ratione gubernari non ita possit, ut vtilitatem aliquam patientia inde capias. Laert.

*Chilon.*

Admonebat Chilon Lacedæmonius, secundis rebus elato non applaudendum, nec arridendum. Infelix felicitas est, quæ hominem reddit insolentior: eoque non plausum meretur, sed lachrymas. Grauiusque peccant, qui docent insolentiam, quam qui ea vituntur. Sæpe populus clamat in avaritiam ac tyrannidem principum, quum ipse doceat illos hæc vitia Laert. li. 1. c. 4.

*Epictetus.*

Non omnino diis exosos esse dicebat, qui in hac vita cum ærumnarum varietate luctantur. Sensit philosophus, infelicitatem prodesse hominibus, quibus si pro votis animi res procedant, adeo furis agitatur, ut ex rebus prosperis iratos sibi deos faciant. In Enchirid.

*Diogenes.*

Alexander Macedo ad Antipatrum literas Athenas deferendas Athliæ cuidam tabellario dederat. Diogenes autem cum adesset, ad vocabulum aludens (Athlios enim infelix dicitur) Athlius, inquit, ad Athlium, per Athlium. Intellexit autem, omnia in hac legatione esse infelicia. Brus. l. 6.

*Demetrius Stoicus.*

Dicere solebat, nihil sibi videri infelicius eo cui nihil in vita accidisset aduersi, quod oporteat talem hominem aut sibi ignotum esse, aut qui nunquam sui periculum fecerit: aut diis inuisum, ut quem præterierint velut ignauum, nec idoneum ad fortunæ conflictum. Eras. li. 8. apoph. ex Seneca.

## De ingenio.

*Isocrates.*

**P**vetos candidos, ac felici ingenio natos appellare solebat *ἄνθρωποι τῆς ἀρετῆς*  
Y id



is est, deorum filios: eo quod hominis mens diuinæ sit originis, qua qui præcellit, deos parentes referre videtur. Prisci dæmonibus attribuebant corpora, eosque deorum filios appellabant. Dæmones autem à scientia dicti sunt, *daemones*. Idem de duobus auditoribus suis Theopompo & Ephoro quorum prior erat acerrimo ingenio, alter leni, dicere solebat, Se alteri adhibere calcaria, alteri stenos. Præcipuum est, ut doctor animaduertat ingenium ac naturam discipulorum. Meminit M. Tullius lib. de claris oratoribus.

*Demetrius Phalerens.*

Hominum fastuosorum sublimitatem dicebat amputandam, sed relinquendam sobrietatem. Talia enim ingenia non sunt desperanda, sed quod redundat recidendum est. Laetius li. 3. cap. 5.

*Cicero.*

De C. Cæsare dicere solebat, Quoties huius astutiâ & ambitione video sub humanitatis specie latitante, metuo reip. tyrannum: rursus quum comas molliter fluentes, & ipsum vno digito scalpentem caput intueor, vix animi inducere possum, ut tantum facinus animo concipiat. Era. l. 4. apoph.

*Vide apoph. de Indole.*

## De ingratitudine.

*Antisthenes.*

**A**udiens Platonem de ipso male loqui: Regium est, inquit, cum benefeceris, audire male. Excelsi profectio animi est, ingratitudine hominum non deterreri à studio bene merendi de omnibus. Laer. li. 6. c. 1.

*Diogenes.*

Quærenti quid apud homines celestis senesceret? Beneficiū, inquit. Dici enim vix potest, quanta accepti be-

neficij apud plerisque sit obliuio. Stob.

*Themistocles.*

Atheniensibus ipsum contumelia afficientibus: Quid tumultuamini, inquit, aduersus eos, à quibus sapienter fuistis affecti commodis? Aiebat autem se similem platanis, sub quarum umbra accurrunt homines afflicti tempestate, & easdem simul ut rediit serenitas vellunt conuiciisque petunt. Sentiens, hunc esse populi morem, ut in belli periculis implerent opem fortium virorum, in pace contemnunt ac vexent eosdem. Plut. in apoph.

*Plato.*

Nominare solebat Aristotelem, mulum. Quid autem hoc sibi nomen voluerit, ex eo liquet, quod mulus cum saturatus est lacte materno, calcibus petit matrem. Significabat igitur Plato, inuoluto quodam sermone, ingratitudinem Aristotelis. Etenim is cum maxima philosophiæ semina & accessus à Platone accepisset, suffartus optimis quibusque, aduersatus, scholam contra Platonem aperuit, & in Peripato cum suis familiaribus & discipulis aduersus eum pugnavit, Platonis perpetuus aduersarius esse cupiens, Ælian. l. 4. de Varia historia.

*Idem.*

Cum accepisset Xenocratem discipulum multa in eum impie dixisse: Nō esse credibile circumstantibus dixit, ut quem tantopere amaret, ab eo iniucem non diligeretur, sed suggillaretur etiam. Sensit ingratitudinem nequam locum habere apud eos qui sapientiæ studiis se dederunt. Bruf. l. 3. c. 11.

*Aristoteles.*

Cuidam interroganti cur reliquisset Athenas? respondit, quoniam noluisset committere, ut Athenienses bis peccarent in Philosophiam. Notauit autem magnam Atheniensium ingra-

Ingratitudinem, qui philosophos de patrię salute plurimum sollicitos, ac de Atheniensium Republica bene meritos, non accusarunt tantum, sed damnarunt etiam. Subobscurę taxans Socratis mortę, & suum quoque periculum. *Ælianus* 6. de Varia historia.

*Idem.*

Cum iudicum metu Athenis profugisset, interroganti cuidam qualis esset ciuitas Atheniensium? respondit, pulcherrima quidem est, sed in ea pyrus superpyrum, & ficus super ficum consenscit. Notans Atheniensium contra benemeritos ciues calumnias ac crudelitatem. *Ælian.* l. 3. de Var. hist.

*Idem.*

A quodam interrogatus, Quid omnium velocissimę senesceret? Gratia, inquit. Sensit vir pudentissimus, breuissimam esse apud homines beneficij memoriam. *Laert.* l. 5. c. 1.

*Demosthenes.*

Inter fugiendum fertur subindere spiciens ad arcem Palladis, sublati manibus dixisse: O Pallas, urbium domina, cur tribus infauitissimis bestiis delectaris, noctua, dracone, & populo? Noctua quum sit auium inauspicacissima, tamen Palladi sacra est: quem admodum & draconem habet pro gestamine: populus autem bellua est multorum capitum, pessimam gratiam referre solita optimę de se meritis: velut Socrati, Phocioni, Scipioni & aliis copulibus. *Plutar.*

*Hippocrasidas.*

Acceptis literis à Carię satrapa, in quibus continebatur, Lacedæmonium quendam quum fuisset conscius insidiarum, quas quidam ipsi struxerant, non indicasse rem, sed silentio texisse: simulque rogabat quid de illo facturus esset? respondit hunc in modum: Si quo magno beneficio illum affectisti, interfice: sin minus, eiue e re-

gione, vt ad virtutem formidolosum. Ingratitudinē erga bene meritum censuit morte plectendā. Ceterum quod esset non per malitiam, sed per formidolositatem commissum, ei satis supplicij iudicabat exilium. Non enim ipse struxerat insidias, sed sibi meruens non prodidit. *Plur. in Lacon.*

*Epaminondas.*

Epaminondas reuersus ē Laconia accusabatur, quod Bœotarcham quatuor integros menses contra leges gessisset. Collegas igitur iussit, vt in ipsum culpam deriuarent, quod se iniustos coegisset. Ipse verò in curiā ingressus, non meliores rebus gestis rationes se habere dicebat. Sin minus, se quidem interfici postulabat: verum inscribi columnę, quod nolentes repugnantēsq; Thebanos Epaminondas coegisset, vt Laconiam quingentis ante annis intratam ab hostibus incendio ferroq; vastarent, & vādicarent iterum Messaniam 330. annis desolatam, quod Arcades bello in societate pertraxisset, & Græcis libertatem restituere coegisset. His auditis, pudore affecti iudices, liberum pronuntiarunt. Cumque regrederetur ē curia, & Melitenis catellus blandiretur cauda, dixisse fertur ad præsentes, Hic mihi pro beneficio gratiam reponit: at Thebani, de quibus sæpe multumq; sum præclare meritus, mortē mihi iudicio pœnam constituerunt. *Ælian.* l. 13. de Var. hist.

*Philippus.*

Cum Athenienses, quotquot apud Chæronem capti fuerant, gratis dimississet, illi verò etiam vestes stragulasq; reposcerent, atque hac de causa Macedones in ius vocarent, risit Philippus, dicens: Quid? nonne videntur Athenienses arbitratī, se a nobis in talorum ludo victos esse? Tam ciuilitate tulit victor victorum ingratitudinem, qui nō solum gratias non ageret, quod

ipsi & incolumes & gratis fuissent dimissi: verum etiā criminarentur, quod non solum & amictus & stragulas redderent, quasi nescirent quale esset ius belli: quasque nihil aliud esset certare armis, quā certare talis, qui ludas est puerorum. Plut. in apoph.

*Cato.*

Multis P. Sulpitij ingratitudinem incusantibus, quod Catoni de se optimē merito opposuisset competitorem, Cato sic excusauit, dicens: Minimē mirandum, si quod quis maximum bonum duceret, id alteri noller concedere. Erasli. 5. apoph.

*Domitius Affer.*

Quum haberet ingratum litigatorem, ipsius conspectum vitanem, ne cogeretur agnoscere patroni beneficium, in foro per nomenclatorem illi dixit: Amas ne me, quod te non vidi? Tectē exprobrans ingratitudinē, cui gratum esset nō vidē? a bene merito, ne cogeretur illi gratias agere. Erasli. 7. apoph.

*Anonymous.*

Cæsar Augustus æs alienum cuiusdam senatoris, quem charum habebat, non rogatus dissoluerat, ac pro eo numerarat quadragies nummum. Senator autem ea re cognita, pro gratiarum actione nihil aliud scripsit Cæsari, quā, Mihi nihil. Ioco velut expositulans etiam, quod quum numerasset omnibus creditoribus, ipsi nihil numerasset. Stob.

*Pompeius.*

Quum iam detecta esset Pompeij cum Cæsare similtas, ac Marcellinus (vt Plutarchus, aliorum iudicio Marcellus) vnus ex eorum numero, quos Pompeius euexisse putabatur, a Pompeio ad Cæsarem transtulisset animū, adeo vt non veritus sit in senatu multa in Pompeium dicere, hunc ita cōpescuit Pompeius: Non te pudet, in-

quit, Marcelline ei malē dicere cuius beneficio ex muto factus es facundus, ex famelico eō productus, vt vomitum non teneas? Grauit̃er obiecit ingratitudinem homini, qui hoc ipso, quod habebat dignitatis, authoritatis & eloquentiæ, abutabatur in eum qui debebat acceptum ferre. Nam hoc ingratitude genus est, sed tamen heu nimium vulgare. Plut. in apoph.

*Alphonsus.*

Suprà apoph. de amicitia falsa, & de Aulica vita.

*Idem.*

Cūm obiurgaretur, quod in Aluarum Lunam, hominem sibi planē ingratum, tanta contulisset beneficia, quorum ne memor quidem iam esset: An ignoratis, inquit rex, ingenti beneficio non nisi ingenti ingratitudine satis semper fieri? Panorm. lib. de rebus gestis Alphonsi.

## De initiatione & promotione ad sacra, vt vocant.

*Diogenes.*

**A**thenienses cūm hortarentur Diogenē Cynicum, vt mysteriis initiaretur, addentes, quod apud inferos principatū tenerent hi, qui sacris initiati essent: ille, Perquā ridiculum est, ait, si Agefilaus & Epaminondas, fortissimi duces, in cœno degunt: & Patetion fur, & vilissimi quique homines, quod initiati sint summo apud inferos gaudio fruuntur. Perstrinxit nefandam vulgi superstitionem, qui putat initiationem conferre hominibus ad salutem, post hanc vitam. Laërt. libr. 6.

*Aniſthenes.*

Suprà apoph. de Beatitudine.

*Lodonicus xj. Gall rex.*

\*Cūm audisset galero Cardinalis donatum

dogatum indoctum quendam ab Alexandro pontifice: Verè, inquit, ille Pontifex est summus histrio, qui nobis in purpura simias, asinos in pelle leonis exhibeat. *Annal. Franciæ.*

*Idem.*

\* Solitus etiam est dicere: deteriore esse conditionem equorū quā asinorum. Quippe equos cursu fatigari & disrumpi, at asinis sacerdotia, præfaturas Ecclesiasticas Roma referat. Significans in sulcis & hominum imperitissimis, nullo delectu habito, ut quisque citius numerata pecunia, per equos celeres Romam adcurrit, beneficia vacantia, ut aiunt, conferri. *Annal. Franc.*

## De iniuria.

*Solon.*

**I**nterrogatus, quā fieri posset, ut quā minimum iniuriarum asteret inter homines? Si inquit, quā iniuria affecti non sunt, & quē doleant, atque hi qui affecti sunt, Quisquis enim violat leges, non vnum ciuem lædit, sed totam rempubl. quod quidem in ipso est. At nunc dum aliis læsis aut quiescimus, aut gaudemus etiam, impunitas improborum audaciam in plurimos inuitat. *Laert. lib. 1. cap. 3.*

*Socrates.*

Frequenter dicere solebar, peius esse iniuriam facere, quā accipere. *Brut. lib. 3. c. 4. ex Xen.*

*Aristoteles.*

Interrogatus, quid citò senesceret, quid item tardè? respondit, Gratia & iniuria. Sensit philosophus sapientissimus, iniuriæ memoriam esse tenacissimam, beneficii verò longè breuissimam. *Laert. lib. 5. cap. 1.*

*Theopompus.*

Cuidam sciscitanti, qua via quis regnum tuò tueri posset: Si (inquit) ami-

cis tribuat iustam libertatem, pro viribus interim vigilans, ne subditi afficiantur iniuria. *Plut. in Lacon.*

*Marcus Cæsar.*

Quum Marcianus dixisset Marco, Cæsar, vim nullam feci, respondit: Tu vim putas esse solū, si homines vulnerentur? *Callistratus l. 4. digestorum.*

*M. Cato.*

Iniuriam, etiam si faciens nihil adferat periculi, vniuersis tamen periculosam esse dicebar, sentiens impunitate iniuriæ exemplum omnibus minari iniuriam. Etenim si liceat impunè lædere, nullus erit tutus ab improborum violentia. *Plut. in apoph.*

*De iniuria æquo animo ferenda, consule apoph. de Patientia iniuriæ, & Visione negligenda, item de Moderatione animi.*

## De iniustitia.

*Aristoteles.*

\* Dicebat, iniustitiam esse vitium animi, quo amplius quā par est homines sibi sumunt. *Stob. ser. 10.*

*Idem.*

\* Iniustitiæ effecta dicebat esse, patra violare & instituta & iura, nec parere legibus, nec magistratibus, mentiri, perierare, transgredi conuentiones & fidem fallere. Comites autem iustitiæ sūt calumnia, iactantia, inhumanitas, simulatio, malignitas, calliditas.

*Plato.*

\* Summam esse iniustitiam dicebar, iustum velle videri, si sis iniustus. *Eod. serm.*

*Socrates.*

\* Omnium morborum turpissimum iniustitiam esse dicebar, & ideo quoque pessimum: quod incommodum & dolorem maximum homini iniusto inferret. *Stob. serm. 47.*

*Ægypti.*

\* Ægyptiorum reges legem suam  
Y 3 quandam



quandam seruant, quæ iuramento obstringunt iudices, vt rege ipso iniustâ flagitante sententiam, ei morem non gerant. Plut. in apoph.

*Antigonus.*

\* Scribebat ciuitatibus, si quid iniustum & legibus contrarium perepistolam mandaturus esset, ne parerent, sed ipsum ignoracione lapsum censerent. Plut. ibid.

*Themistocles.*

\* Postulanti à se Simonidi, vt sententiam quandam iniustam ferret: Neque tu, inquit, Poeta bonus esses, si præter numerum caneres, neque ego princeps probus si contra leges iudicarem. Plut.

*Lysander.*

\* Culpantibus ipsum, quodd multa per dolum agendo indignum Hercule se gereret, dixit, vbi Leonina pelis non sufficit, ei adsuenda est vulpina. Plut. in Lysandro.

*Idem.*

\* De agro controuerso, cum viderentur Argiui iustiora quam Spartani afferre argumenta, stringens gladium, hunc (ait) qui tenet, is optime de agrorum finibus disputat. Plut. in apoph.

*Demaratus.*

\* Defecerat quidam Persa à rege suo eiq; Demaratus persuaserat vt ad regem rediret, quem cum deinde rex necare intenderet, Demaratus, turpe, inquit, est ò rex, à quo cum inimicus esset, pœnas sumere defectionis non potuisti, eum, nunc amicum factum abs te occidi. Plut.

*Ludouicus XII. Gall. rex.*

\* Cum sæpere peteret edictis suis Iulius Pontifex, Ecclesiæ seruandæ gratia bellum Ludouico indictum, dixit, at verissimum esse comperio illud sapientis dictum capitalem esse iniusticiam eorum, qui cum maxime

fallunt, id agunt, vt boni videantur. Annal. Franciæ.

*Vide apoph. de Iustitia, de Legib. &c.*

## De innocentia.

*Bion.*

**O** Lim cum scelerosis nauigans, incidit in prædones. Illis dicentibus, Actum est de nobis, si agnoscatur: Et de me, inquit, nisi agnoscatur. Bonis innotuisse, salus est. Laert. l. 4. c. 7.

*Socrates.*

Morti destinatus, de cunctis rebus magis, quam de se defendendo, cogitare videbatur. Quare Hermogenes Hipponici filius, Socrati familiaris: Atqui, ait, par erat ò Socrates de tua defensione curam habere. Nonne, ait Socrates, tibi videor ò Hermogenes hoc ipsum facere, dum quemadmodum vixerim meditor? Putabat autem Socrates sapientissimus, omnem defensionem superuacaneam esse apud eos, qui ex vita bene transacta suam innocentiam non agnoscerent. Bruf. lib. 2. cap. 1. ex Xenophontis apologia.

*Idem.*

Iam ad mortem damnatus, Apollodoro comploranti, dicentique, Innocens morieris? Quid, inquit, num me nocentem mori mallet? Ea igitur mors libenter subeunda est, in qua criminis innocentia homo excusatur. Xen. in Apologia pro Socrate.

*Idem.*

Cum iudices inter se disceperent, qua pœna dignus esset Socrates: Ego, inquit, ob ea quæ feci, dignum me censo, qui publicitus alar in Prytæneo, nam hoc honoris haberi solebat iis qui præclare de Republ. fuissent meriti. M. Tullius hoc refert lib. de oratore primo: Erat, inquit, Athenis reo damnato, si fraus capitalis non esset, quasi pœnæ æstimatio, hæc sententia: quum iudi-

iudicibus daretur, interrogabatur reus, quam quasi estimationem commiseruisse se maximè confiteretur? quod quum interrogatus Socrates esset, respondit. Se meruisse ut amplissimis honoribus, & præmiis decoraretur, & ut ei victus quotidianus publicè in Prytaneo præberetur: qui honos apud Græcos maximus habebatur. Cuius responso iudices sic exarserunt, ut capitis hominem innocentissimum condemnarent. Erasmi. lib. 3. apoph.

*Xenocrates.*

Passerem, qui fugiens imminentem accipitrem, se in sinu suum ceciderat, texit, fovitque, ac demulcens dimisit, dicens: Innocentem & supplicem non esse prodendum. Laetius libro quarto cap. 2.

*Plato.*

Quum quidam Platoni narraret, nonnullos esse, qui ipsum maledictis insectaretur: At ego, inquit, sic vivam, ut illis non habeatur fides. Ant. part. 2. Meliss. ser. 69.

*Testamentum.*

Innocenter ab Ephoris damnatus abiit ridens. Rogantibus autem iis qui aderant, an contemneret Lacedæmoniorum leges? Nequaquam, inquit: quin gaudeo potius, quòd hæc mihi multa soluenda est, cum eam nec indixerim cuiquam, nec à quopiam mutuo acceperim. Quo disterio felicitatis esse putabar, quòd mori iuberetur, cum neminè unquam offenderet sua innocentia. Plut. in Lac. apoph.

*Anaxandridas Leonis F.*

Cuidam acerbè ferenti, quòd cogeretur vrbe exulare: Ne, inquit, vir optime exhorrescas exulare civitate, sed à iustitia exulare horrendum est. Sensit, non esse miseros quibus præter meritum, incolumisque innocentia, accidit aliqua calamitas: sed eos verè deplorandos, qui sua sponte discesserunt

ab honesto, etiam si nulla sequatur calamitas. Plut. in Lac. apoph.

*Agis.*

In carcerem detrusus (qui Dechas dicebatur, in quo morti additis strangulari fuit consuetudo) quum lixorè plorantem, & circa opus titubantem animaduertisset, Omitte, inquit, pro me has lachrymas amice: sic enim iniuste, còtràq; civitatis leges moriens, longè melior sum quàm qui nuper me morte damnarunt. Plut. 3.

*Aristophan. & Cephalus.*

Aristophontem Æschines tradit apud Athenienses gloriari solitum, quòd quum nonagies quinques esset vocatus in ius, semper fuisset absolutus. At Cephalus homo popularis, iustius gloriabatur, quòd quum plura decreta scripsisset, quàm alius suorum temporum quisquam orator, tamen nunquàm coactus esset causam dicere. Certius innocentiz signum est, ita rem gerere, ut nemo velit accusare, quàm si postulatus elaboris è iudicio. Elaboratur interdum & nocentes: At qui absoluitur, licet pœnam effugiat, cicatricem tamen criminis circumfert. Erasmi. lib. 8. apoph.

*Phocion.*

Ex his qui cum Phocione erant morituri, quidam indignabundus deplorebat sortem suam. Quem ita consolatus est Phocion, Non tibi, inquit, Euippe (sive, ut quidam legunt, Thudippe) satis est, cum Phocione mori? Phocion non tantum innocens, verum etiam præclarè de Repub. meritis, ducebatur ad mortem. Magnum itaque solatium oportebat esse, cum Phocione innocente mori innocentem. Plut. in apoph.

*Anonymus.*

Quum censoris munus gereret Augustus, eques quidam Romanus apud illum delatus est, quasi facultates suas

imminuisset. At ille citatus probauit sese auxisse. Mox eidem obiectum est, quoddam legibus contrahere matrimonium iubentibus non paruisset. Ille docuit, se ex vxore trium liberorum esse patrem. Nec satis erat equiti dimitti, sed Cæsari crudelitatem exprobrās addebat: Posthac Cæsar in honestos viros inquirens, honestis viris hoc munus mādato. Satis aperte pronuntiās, eos non fuisse viros bonos, qui manifestō falsa ad ipsum detulissent: obiter & ipsum criminans, qui vices suas mandaret sycophantis. Et hanc libertatem innocentiae condonauit Cæsar. Erasmus lib. 4. apoph. ex Suer.

*T. Vespasianus.*

Audiens, suos antecessores in imperio multis iniuriis à subditis affectos. Nemo, inquit, maius a se fecit, aut contumeliae se referre. Quod alios laedere voluit, quod se ostendere voluit, hoc se fecit. Certissimum est, quod si Cæsar non fuisset, Xiphilinus vita Vespasiani.

*Idem.*

Quum febre correperet, lectica in eo in quo tunc erat, trāsteretur, dimotis plagulis, clam suuū erat, quæstusq; est, sibi immerere in vitam, quæpi, quam nullum per omnem suū exitus factum cuius poeniteret, nec quætaxat excepto. Id cuiusmodi fuerit, nec ipse prodidit, nec quisquam coniectare potuit. Suet.

*Antonius Pius.*

Reprehendenti cuiquam cum, quoddam in hostes mitis esset, atq; in cōiuratos quos vicerat, ac dicenti, Quid si hostes vicissent? Grauius respondit, Nos nō sic Deos colimus, nec sic viuimus, vt illi nos vincant, Bruf. l. 5. cap. 26.

*Alphonfus.*

Percontatus à suis, cur sine satellitibus sæpenumero incederet? Se innocentia comitatum incedere, respō-

dit. Innuit autem rex prudentissimus, cum demum bene munitum esse ab iniuria, qui propriā innocentiam habet comitem: eos verò nullibi esse tutos, qui malè sibi conscij, etiam pericula sibi fingunt, vbi planè nulla sunt. Panor. lib. 2. de Alphonfi reb. gest.

*Huc referri possunt quædam ex apophib. de Conscientia bona.*

## De inscitia.

*Diogenes.*

**D**iogenes percontanti quæ tellus grauiorem gestaret molem? Quæ honorem, ait, rudem, & à bonarum artium studio alienum. Stob.

*Plato.*

Non differre doctum ab indocto dicebat, quo bene valentem ab ægroto videmus. Mentis enim sanitatem ac lumen à doctrina perscpe, ab ignorantia autem ægitudine manifestis rationibus proficisci. Fulg. lib. 7. cap. 2.

*Huc referri possunt quædam ex apophib. de Eruditione & doctrina.*

## De integritate vitæ.

*Cleomenes.*

**M**enander Samiorum tyrannus, ab Persarū incursiones ad Spartanos confugerat: ostendebatq; quantum pecuniæ secum tulisset, & quantum præterea Cleomeni dare vellet: at Cleomenes vir integer, ipse quidem nihil accepit, sed veritus ne quid aliis pecuniæ daret ciuibus, adiit Ephoros, dixitque: Satis esse si hospitem suum Samium à Peloponneso submouerent, ne cui Spartano persuadeat, vt malus fiat. Plut. in Lacon.

*Gorgo.*

\* Cleomenis regis filij à Gorgo, cū patrem Aristagoras Milesius magnæ pecuniæ pollicitatione ad bellum pro Ionibus

Ionibus contra regem Persarum suscipiendum hortaretur, ac quanto magis repugnabat verbis, tanto plura adderet: corrumpet te, dixit, mi pater, homo hic peregrinus, nisi eum quam primum domo exturbas. Plutarc. in Lac. apoph.

*Eudamidas.*

Quum quidam laudaret Athenien-  
sum rempublic. tam bene institutam.  
Eudamidas, vir integer & apertus:  
Quis, inquit, eam meritò laudet ciui-  
tatem, quam nemo vnquam dilexit,  
factus seipso melior? Sensit vir pru-  
dentissimus, integritatem nequaquam  
locum habere apud eos, qui ita viue-  
rent, vt meliores esse nequaquam cu-  
perent. Plut. in Laconicis.

*Alexander.*

Vide suprâ apoph. de Furto.

*Alcámenes.*

Percontatus cur à Messeniis oblata  
munera respuisset? Quoniam, inquit,  
si recepisssem, cum legibus pacem ha-  
bere non potuisssem. O mentem inte-  
gram, & regia maiestate dignam. Plut.  
in Lacon.

*Epaminondas.*

Artaxerxes Persarum rex, cum mi-  
fisset ad Epaminondam Thebanorum  
ducem tria Daricorum millia, Dio-  
medontem Cyzicenum regium lega-  
tum vehementer increpuit, quòd tam  
periculosam nauigationem suscepis-  
set, nullam aliam ob causam, quam vt  
homines pecunia corrumperet: iussit-  
que vt vrbe excederet quamprimum  
& regi suo munera referret, his verbis:  
Si fauet commodis Thebanorum, ha-  
biturus est Epaminondam amicum,  
non pecunia coemptum, sed gratis: sin-  
minus, habebit hostem. Plut. in Græc.  
apoph.

*Lycurgus.*

Lycurgus orator obiciente quodâ,  
quòd se pecunia redemisset à calam-

nia: non est inficiatus, sed clarissima  
voce populum appellans: Bene habet,  
inquit, viri Athenienses, quandoqui-  
dem tot annos in Repub. versatum de-  
disse me, non accepisse pecuniam, cri-  
minantur obiectores. Eras. lib. 6. apop.

*Alexander.*

Philoxenus classis præfectus cum  
Alexandro scripisset, Tarentinum  
quendam Theodorum esse apud se  
pueros habentem insignioris formæ  
venales, si vellet emere, Alexander in-  
dignè tulit, apud æquales subinde cla-  
mitans: Quid in me Philoxenus tam  
obscœnum animaduertit, vt mihi tan-  
tum probri conciliaret? Plut.

*Antigonus.*

Quibusdam admirantibus quam-  
obrem tantifaceret Zenonem, respò-  
dit, Quoniam cum multa à me acce-  
perit, nunquam tamen emollitus est.  
Eius mortem cum audisset, ingemuit  
dicens: Quale theatrum perdidit! Erat  
enim Zeno innocentis vitæ, acerrimi  
iudicij, & ab assentando alienissimus.  
Laert. lib. 7. cap. 1.

*Pescenius Niger.*

Consiliariis suis addidit salaria, ne  
grauarent eos quibus assidebant, di-  
cens, nec dare eos debere, nec accipe-  
re, Et sic iuorum iudicum consuluit &  
consiliariorum integritati. Ex Ælio  
Spartiano.

*Alphonsus.*

Suprà de Affectibus frenandis & de  
Discordia.

*Huc præcipue referenda sunt, ea quæ suis  
locis annotata sunt de Iudice incorrupto,  
Munerum contemptu, Infallia, &c.*

## De intemperantia.

*Diogenes.*

Qum adolescētē quendam in-  
signi forma plurimi intuerentur,  
Diogenes incuruato corpore sinum  
lupinis



lupinis implebat. Ad hoc spectaculum conuersis omnium oculis aiebat: Mirari se, cur adolescentulo dimisso, sese intuerentur, obiter notans illorum intemperantiam. Laert. lib. 6.

*Idem.*

\* Dicebat, plerosque viuos quidem seiplos putrescere balneis humectantes, & re venerea tabefacientes. Morientes autem demum mandare corpus in sufficientis aromaticis recondi, alios etiam in melle ne citò computrescerent. Stob. serm. de intemperantia.

*Idem.*

\* Earum ædium in quibus copia est alimètorum, dicebat multos esse mures & feles: sic etiam corpora intemperantium hominum morbos quoque multos asciscere. Eod. serm.

*Idem.*

\* Ridebat eos qui cellas promptuarias obserant vestibus, seris & signaculis: corpus autem suum multis fenestris & ianuis aperiunt, per os, pudenda, aures & oculos. Ibid.

*Plato.*

\* Dicebat, difficile esse inuenire intemperantibus quidem bonam voluptatem, ægrotantibus autè salutem. Ibidem.

*Demetrius Phal.*

Conspicatus iuuenem intemperantiæ deditum: Ecce, inquit, quadratus Mercurius, habens syrma, ventrem, pudenda, & barbam. Sentiens, illum non esse hominem: sed statuam, qualis in viis solet poni Mercurio: hoc illi dissimilem, quòd effœminatorum more traheret vestem, quòd deditus esset ventri ac libidini: quòdque barbatus esset, cum nihil horum habeat Mercurius. Laert. lib. 5. cap. 5.

*Anonymus.*

Chrysippi discipulus, medicus non ignobilis, hominem quandam ex nimia intemperantia grauiter decum.

bentem, non sanari posse putauit. Verum alius medicus cum eundem accessisset, se sanaturum pollicitus est, responditque, Chrysippi discipulos respicere morbum, se verò animum. Voluit autem significare, tum demum hominem morbo liberari commodè posse, si intemperantiæ studio penitus valedixisset, & eius radices ex animo abiiecisset. Ex Celsi lib. 3.

*Aristoteles.*

\* Dicebat, intemperantiam esse vitium partis concupiscibilis, quo homines frui voluptatibus illicitis appetunt. Stob.

*Diogenes.*

Phryne scortum cum Venerem auream Delphis obtulisset, eam Diogenes Cynicus ita inscripsit, Ex Græcorum intemperantia. Brus. recitat lib. 3, cap. 23.

*Eusebius Philosophus.*

\* Sicut, inquit, venti nauem correptam huc illuc ferentes quatant & inobedientem efficiunt gubernatori: itidem animam agitant & menti immorigeram esse cogens intemperantia, tranquillam esse & in portu quiescere non permittit. Stob. ser. 6.

*Vide vit. de Libidine, Scorsatione, Luxuria, Gula, Voluptate.*

## De interrogatione absurda & inepta.

*Thales.*

**P**Ercontanti vtrum fuisset prius, nox an dies? Nox, inquit, vno die fuit prior. Elusit ineptum percontatorem. Si nox vno die præcessit diem: dies genuit antè noctem. Nox enim finis est diei. Laert. lib. 1. cap. 1.

*Anonymus.*

Inter falsa commemorat & illud M. Tullius ex Neuio, apud quem filius

lius dicit patri: Quid ploras pater? isque respondit, Mirum ni cantem, condemnatus sum. Indignatur senex submorosus, rogari cur ploret, quasi damnatus magis cantare debuisset. Perinde quasi, si quis interrogaret egrotum: Cur suspiras, aut cur decumbis? Eras. lib.6. apoph.

## De inuidia, felicitatis & virtutis vmbra.

*Cleobulus.*

**I**nterrogatus quænam præcipuè cauenda sint? respondit: Amicorum quidem inuidiam, inimicorum autem insidias. Antoninus in Melissa, part.1. ser.62. Max. ser.54.

*Periander.*

\*Dicebat, Nemini esse inuidendum. Et quemadmodum rubigo propria est frumenti ægritudo, sic inuidiam amicitie esse morbum. Item, sicut ærugo ferrum, sic inuidiam inuidi animam contere. Et, Quod magis utique inuidebis, tantò maiorum fies causa bonorum illi cui inuides. Stob. serm. de Inuidia.

*Bion.*

Conspiciens quandam tristi vultu, qui habebatur inuidus: Nescio, inquit, utrum tibi aliquid acciderit mali, an alteri boni quippiam. Inuidus enim non minus diseruciatur aliena felicitate, quàm suo infortunio. Laert. lib.4. cap.7. Stob. ser.36.

*Bias.*

Admonebat eos qui laborabant ut cauerent lassitudinem: qui autem bona fortuna fruerentur inuidiam. Est enim felicitatis comes vbique terrarum inuidia. Stob. serm. de Prudentia.

*Thales.*

Sciscitatus, quo pacto aduersæ fortunæ ictus quispiam ferat facillimè?

si inimicos, ait, videat deterius affectos. Tanta enim est inuidiæ vis: ut omne nobis malum extinguat si inimicū peius habere intelligimus. Brus. lib.3. cap.7.

*Anisilhenes.*

Absurdum esse dicebat, triticum repurgare à lolio, bellum ab inuitili milite, & à Repub. non secernere inuidos. Significans, inuidos tam esse inuitiles ciuitati, quàm lolium est tritico, & ignauus bello. Laert. lib.6. cap.1.

*Idem.*

Dicere solitus est, non aliter ac ferum absuitur rubigine, ita inuidos suo ipsorum vitio contabescere. Ferrum enim etiam si nemo lædar, ex se gignit unde corrumpatur. Ibid.

*Crates.*

Dicebat, se pro patria habere glorie contemptum & paupertatem, in qua nullum ius exerceret fortuna. Aiebat item, se Diogenis Cynici ciuem esse & discipulum, qui nullis inuidiæ patebat insidiis. Diuitiæ enim, opes, honores, plerunque conciliant hominum inuidiam. Laert. lib.6. cap.5.

*Democritus.*

Dicebat, leges non prohibuisse singulos pro arbitrio suo viuere, nisi alteri fuisset inuidus & iniurius. Etenim inuidia seditionis parit initium. Stob. ser.36. Max. ser.54.

*Anacharsis.*

Bonum esse dicebat, si penitus à rebus humanis inuidia exularer, quo liberius usque ad honesti studium accingerentur. Stob.

*Idem.*

Percontatus, cur homines subinde tristentur? respondit, Quia non solum propria mala eis molesta sunt, sed etiam aliena bona. Anton. ser.62. part.1. Melissæ. Max. ser.54.

*Idem.*

Inuidiam dicebat esse vlcus, quod passim

passim verum sua vi contraheret. E-  
quidem liuido in primis prodest, boni  
eius, cui inuidet, obseruatio, citra ta-  
men illius offensam. Vnde perspicu-  
um est, inuidum haudquaquam in le-  
ges delinquere, quæ suo quemque mo-  
re viuere sinunt, dummodo alium non  
offendat. Stob.

*Socrates.*

Cum inuidiz naturam exprimere  
conaretur, animæ vlcus & ferram ap-  
pellauit. Anton. in Meliss. par. 1. ser. 62.  
Stob. serm. 36.

*Idem.*

Considerans quid inuidia esset, do-  
lorem quendam reperiēbat eam esse:  
non tamen nec in aduersa amicorum,  
nec in secunda fortuna inimicorum:  
sed illos inuidere aiebat, qui in amico-  
rum prosperitate doleant. Xenophon  
lib. 3. de dictis & factis Socratis. Stob.  
serm. 36.

*Idem.*

Cum quidam mirarentur, cur quis  
alterum amans, eiusdem prosperitate  
doleret: ostēdebat, multos esse ita erga  
quosdam affectos, ut eos aduersitate  
laborantes non possent negligere, sed  
pro virili succurrerent, successu verò  
eorum dolerent: hoc autem prudenti  
viro minimè, sed stolidis contingere  
asserebat. Xenophon libr. 3. de dictis &  
factis Socratis. Stob. serm. 36.

*Idem.*

Interrogatus, quid bonis viris mo-  
lestum esset? dixit, Malorum felici-  
tas. Quid malis? Bonorum prosperi-  
tas. Anton. in Meliss. ser. 76. part. 1.

*Aristoteles.*

Ostendere volens quid esset inui-  
dia, Antagonistam fortunatorum esse  
dixit. Antonius in Meliss. parte pri-  
ma, serm. 62.

*Idem.*

Dicebat inuidiam colluctatorem  
esse ex aduerso bonorum virorum. Æ-

mulatio enim bona est, & bonos porif-  
issimum decet: Inuidia contrà turpis  
est, & à fœdo hominum genere occu-  
pata. Atqui videas bonos ita se com-  
parare, ut æmulatione, honestiq; stu-  
dio, quæ sunt optima sectentur. Inui-  
dos autem contrà, per liuorem bonos,  
quatenus, possunt, ab instituto suo ar-  
cere. Stob.

*Theophrastus.*

\* Dicebat, Inuidos reliquis homini-  
bus infeliciores esse, in eo quòd alij  
suis solum calamitatibus dolent: Inui-  
di verò præter sua mala, bonis etiam  
alienis contristari pergunt. Stob. serm.  
de inuidia.

*Idem.*

\* Improbos homines dicebant, non  
tam propriis bonis gaudere, quàm ali-  
enis malis. Stob. eod. serm.

*Aristonymus.*

\* Iter facientes per solem necessa-  
riò comitatur umbra, inquit: & ince-  
dentibus per gloriam comes est inui-  
dia. Ibid.

*Idem.*

\* Dicebat, Inuidiam tanquàm malum  
demagogum (id est, ambiciosum reip.  
popularis administratorem) honestis  
actionibus obistere. Eod. serm.

*Philo.*

\* Honesti, inquit, etiam si per inui-  
diam ad tempus obscurentur, tamen  
suo tempore soluta iterum splendent.  
Anton. & Max. serm. de Inuidia.

*Epietus.*

Rogatus, quomodo quis hosti do-  
lorem excitare posset? Dixit, si quis  
ita comparat seipsum, ut optima quæ-  
que faciat. Antonius in Meliss. part. 1.  
serm. 72.

*Euagoras.*

Inuidos reliquis hominibus diuer-  
sis vitijs laborantibus multò infelicio-  
res esse dicebat: quòd alij suis tan-  
tùm calamitatibus dolent: Inuidi verò  
præter

præter sua mala, bonis etiam alienis contristantur. Stob. ser. 30.

*Hippias.*

Dicebat duplicem invidiam esse: Iustam quidem, cum quis invidet improbis honoratis: Iniustam vero, cum bonis. Et invidos duplo magis, quam cæteros esse calamitosos. Non enim solum propriis malis grauantur, ut alij, sed alienis quoque bonis. Stob. serm. 36.

*Apollonius.*

Propterea hominibus non invidendum dicebat. Bona enim, quibus bona eveniunt, digni sunt ut his fruantur feliciter: flagitiosi autem, in quantavis prosperitate, sunt infelices. Stob.

*Agathon.*

Malos homines non tam lætari propriis bonis dicebat, quam alienis malis. Ant. in Melissa. part. 1. ser. 62. Theophrastus autem hoc adscribit. Maxim. serm. 54.

*Themistocles.*

Adhuc adolescens, nihil dum præclari se fecisse dixit. Nondum enim invideri sibi. Nam sicut cantharides vegeto maxime tritico innascuntur, & rosas pulchrè florentibus: sic invidia maxime inuadit bonos viros, & in virtute proficientes, ac ingenij personæque gloriam sustinentes. Ant. in Melissa. part. 1. ser. 62.

*Idem.*

Ob honores Miltiadi collatos, quod barbaros in Marathone superasset, tanta invidia correptus est, ut noctes infomnes consumeret: rogatusque, quam ob rem tam sæpe excitaretur? Miltiadis, inquit, tropheis subinde excisor. Plut. Emil. Probus.

*Herodes sophista.*

Videns Quintilios Troianos quidem esse, cæterum à Cæsare plurimi fieri, dixit: Ego etiam Iouem Homericum odi, quod Troianis fuit amicus. Ni-

mium liberè proficiens; sibi molestum esse, quod imperator tantum honoris haberet Quintiliis. Philostratus in sophistis.

*Ensebius Philosophus.*

\* Vir (inquirebat) multis quidem scientiis eruditus, sed ob animi malitiam invidiamque; nolens aliis desideratibus communicare, similis est malo vasi, quod in se multa & bona recondit, sed antequam usum sui præbeat, corrumpit. Stob. ser. de invidia.

*Seneca.*

\* Invidiam (dicebat) effugies, si te non ingresseris oculis, si bona tua non iactaueris, si scieris in sinu gaudere. Epist. 105. ad Lucil.

*Agw.*

Dicente aliquo, nonnullos sibi invidere: Igitur & sua, inquit, mala, & tum mea tum amicorum bona illos cruciant. Invidus enim, ut verissime Flaccus canit, alterius rebus macrescit opimis. Brusl. lib. 3. cap. 7.

*Idem.*

Quum quidam apud Agidem dicerent, esse nonnullos alienæ familiæ, qui ipsi inviderent: Geminam igitur, inquit, habebunt molestiam, quos & sua ipsorum mala dis cruciabunt, atque insuper tum meis, tum amicorum meorum bonis torquebuntur. Magnifica vox, declarans, eos quos habet invidia, magis esse misericordia dignos quam ira: propterea quod invidus abundè dat pœnarum, etiam si nemo vlciscatur. Plut. in Lac.

*Alexander.*

\* Dicebat invidos homines nihil aliud esse quam ipsorum tormenta. Curtius lib. 8.

*Dionysius Senior.*

Expostulantibus quibusdam, quod honore dignaretur, cæterisque præferret hominem improbum, ac ciuibus inuisum: Volo, inquit, esse quem me magis



magis oderint. Agnouit ingenium multitudinis: si sit in quem inuidiam odiūque deriuent, mitiores sunt in principem. Eoque videas nonnullos monarchas, quibusdam, quos tamen ex animo non ament, plurimū dignitatis & autoritatis permittere, ut ipsi tutiores sint à furore multitudinis: qui si extiterit, habent victimam, qua ciuium iram mitigent. Plut. in apoph.

*M. Cato.*

Eos qui fortuna moderatè sobrièq; vterentur, dicebat minimè peti inuidia. Non enim, inquit, nobis, sed bonis quæ non circumstant, inuident homines. Externa bona extra hominē sunt, at insolenter vtenti vitium intra hominem est: qui eo sibi constant inuidiam, verè sunt inuidiosi. Plut. in apoph. Stob. ser. 36.

*Idem.*

Dicebat, ideo sibi ab inimicis conflari inuidiam, quod quotidie noctu surgens, rei familiaris, rationibus neglectis recip. consuleret. notans ingratitude populi. Eras. lib. 5. apoph.

*M. Crassus.*

Quum animo angeretur ob honores in Pompeium collatos, audiuit à quodam, mox Magnū aduenturum Pompeium, Arridens igitur inquit, Quantumnam est? Inuidit Pompeio nomen, quod ob felicitatem, & egregiè rebus gestis ab aliis datum erat honoris gratia. Et sic plerunque felicitatis comes est inuidia. Brus. lib. 3. cap. 7.

*Publius.*

Mutium hominem inuidum, & in primis maleuolum, solito tristiores videns: Aut Mutio, inquit, nescio quid incommodi accessit, aut nescio cui aliquid boni. Macrobi. l. 2. c. 3. Sat.

*Asinius Pollio.*

Ciceronis gloriæ vehementissimè inuidebat. Quum ergo Sextilius poetæ Cordubensis in domo Messalæ Cor-

uini recitaturus, Polliōnem aduocasset & principio poematis cœpisset.

*Deflendus Cicero est, Latineque silentia lingua.*

Statim confurrexit Pollio, atque ait, Messala, tu quid tibi liberum sit in domo tua, videris: ego istum auditorus non sum, cui ego mutus videor: atque sic abiit. Offensus est autem his verbis, *Latineque silentia lingua: &c.* Bru. lib. 3. cap. 7.

*Furius.*

E seruitute liberatus, quum in paruo admodum agello largiores multò fructus acciperet quàm ex amplissimis agris vicini, in inuidiam incidit hominum accusantium, ceu beneficiis fruges pelliceret alienas. Quamobrem à Spurio Albino Curuli die dicta, metuens damnationē, quum in suffragium tribus oporteret ire, instrumentum rusticum omne in forum attulit: adduxitque etiam filiam robustam, bene curatam & vestitam, ferramenta egregiè facta, graues ligones, vomeres ponderosos, & boues saturos, & dixit: Hæc sunt o Quirites mea beneficia, nec possum præterea vobis ostendere labores manuum mearum, multasque meas vigilias & sudores. Quod ubi audiissent iudices, intellexerunt ex sola inuidia Furium accusatum esse, quem dimiserunt absolutum. Meminit huius & Plin. lib. 18. cap. 16.

*Basilius Magnus.*

\* Ut vultures, inquit, ad malè olentia cadauera præteritis pratis & multis aliis locis amoenis & odoriferis, feruntur: itēque muscæ quæ sana sunt præteruolantes ad vlcera festinant: sic inuidi splendida, & magna, & præclare facta ne intuentur quidem, sed putria inuadunt. Anton, & Max. serm. de Inuidia.

*Chrysostomus.*

\* Inuidet quidem dæmon, inquit, sed

sed hominibus: tu verò cum sis homo hominibus inuides, & quomodo consequeris veniam? Eod. ser.

*Aëtius Sincerus.*

Aëtius Sincerus, rari vir ingenij magnæque nobilitatis, cum in conspectu Friderici regis esset inter physicos quæstio, quid præcipuè conferret oculorum perspicuitati? aliq; scæniculi aflatum dicerent: alij vitri vsum, aliq; aliud: At ego, inquit, Inuidiam aio. Obstupuerunt hoc dicto aded medici, ut ab auditoribus derisui haberentur. Tum ipse: Annon invidia maiora & pleniora omnia videre facit? Quid autem oculis magis præsentaneum, quàm ut vis ipsa aspiciendi maior reddatur, atque vegetior? protulitque statim Ouidianos illos versus:

*Fertilior seges est alienis semper in agris,*

*Vicinumq; pecus grandius vber habes.*  
Pontanus.

## De iocosè dictis.

*Diogenes.*

**P**Ercontanti, quidnam vellet ut colaphū acciperet, Galeam, inquit. Et hic iocus est ab inexpectato. Nam ille expectabat, quid mercedis peteret pro colapho. Laert. lib. 6. dictum illud Socrati tribuitur à Seneca. lib. 3. de ira cap. 11.

*Idem.*

A lethali somno experrectum medicus interrogauit quomodo se haberet, Rectè, inquit, nam frater fratrem amplectitur. Alludens ad Homerum, qui *Δωδεκά & Έπτο* germanos finxit, quod somnus mortis sit imago. Laertius libro sexto.

*Idem.*

Mulierem aniculam se curiosius exornantem intuitus: Si viuos air, lenocinio allicere voles, plurimum falleris:

sed si defunctorum vmbras, oro, ne dicuncsteris. Stobæus.

*Idem.*

Didymus, qui vulgò audiebat adulter, curabat oculū virginis. Ei Diogenes dixit, Vide ne corrupas pupillam. Hoc dictum apud nos non est aded iocosum ut apud Græcos, apud quos *κόρη* & virginem sonat, & oculi pupillam. Laertius lib. 6. cap. 2.

*Theocritus.*

Quum duceretur ad Antigonum regem atq; hi qui ducebant, iuberent hominem bono esse animo: fore enim incolumem, simul atq; venisset ad oculos regis: Omnem, inquit, spem salutis mihi adimitis, mordens regem quod luscus esset. Rex audito ioco, iussit hominem agi in crucem, Eras. lib. 6. apoph. Nugæ seria duxerunt in mala.

*Socrates.*

Iam cicuram bibere volens, interrogauit hilari vultu, quomodo sumendū esset hoc medicamen, ut citò sanaretur? rogauit præterea an liceret inde aliquid libare, ut mos erat in cōuiuiis. Tanta in homine fuit iocandi consuetudo, ut etiam in morte præsentanea iocaretur. Eras. lib. 3. apoph.

*Idem.*

Cicura epota puer illum detexit & cum præcordia iam frigere inciperet, Offeras, inquit, Æsculapio gallum, nam ex sudore illo conualescere incipio. Eras. lib. 3. apoph.

*Anonymus.*

Apud Æginetas lex erat, ut si quis Arheniensis Æginam venisset, capitale esset. Huc quum esset deductus Plato ut venundaretur, capitis postulator est à Carmenio, qui legem eam tulerat: sed tempestiuo cuiusdam ioco liberatus est. Ait enim, legem habere, si quis homo: at hunc esse philosophum. Laert. lib. 3.

*Syracusanus.*

*Syracoticus.*

Quendam imperitè iaculantem, abiens ad ipsum scopum, constitit. Et cum quidam interrogaret causam, respondit, Ne feriar. Ant. in Meliss. part. 1. ser. 54. Idem de Diogene dicitur.

*Anonymus.*

Lacon quidam gymnasiarcham ligna ~~exponit~~ exhibentem, facetissimo ioco inculsavit, dicens: quod per eum ne lachrymas quidè illic effundere daretur. Fumus enim excutit lachrymas oculis. Acapna ligna inde dicta sunt, quòd fumo careant. Eras. l. 8. apoph.

*Polemon.*

Quum articuli morbo lapidesceret, medicos admonuit vt effoderent inciderentque Polemonis lapidicinas. Dicebátque, Comedédum est, manus non habeo: ambulandum est, & pedes non habeo: dolendum est, & manus & pedes habeo. Ex Philostrato.

*Hippomachus.*

Quibusdam laude vehentibus procerum quempiam, ac prelongis manibus hominem, tanquam ad pugilum certamen idoneum: Sanè, inquit, si pendens ex alto corona esset detrahenda. Eras. l. 6. apoph. ex Plut.

*Archidamus.*

Corinthiorum urbem quum obsideret Archidamus, vidit è solo moenibus proximo exilire lepores, mòxque versus ad commilitones: Habemus, inquit, hostes expugnari faciles, quod fortuitu acciderat, velut in omen rapiens. Molles enim ac parum viros Græci leporis vocabulo notare solent. Plutar.

*Brasidas.*

Brasidas cuidam percontanti, quo modo vulnus accepisset, iocosè respondit, Prodent me scuto. Ita crebrò malum per illos venit, quorum præsidio credimus nos esse tutos. Plut. in Lac.

*Antigenus.*

Quum accepisset literas prægrandibus lituris scriptas: Hæ, inquit, vel cæco perspicue sunt, iocans in viciu oculorum: erat enim luscus. Idem alius magno capitis sui periculo dixisset, quod vsu venit Theocrito Chio. Plut. in apoph.

*Inbarez.*

Cuidam quærenti, quòd ab ipsius equo esset aspersus: Quid tu, inquit, an me Hippocentaurum esse putas? Iocosè deridens eum, qui equi morositatem inscribebat ei qui equo insidebat. Brusl. 3.

*Philippus.*

Qui esset Philippo Macedoni clauicula in bello fracta, ac medicus à quo curabatur, in singulos omnino dies aliquid posceret: Sume, inquit, quantum voles: nam clauem habes, ludens ancipiti voce, ~~quis~~ enim Græcè & clauem sonat, qua aperitur scrinium aut ostium, & commissuram humeri cum pectore. Quid hoc animo ciuilius, cui & in dolore, & erga auarum medicum iocari libuit? nec ob cruciatum morosior, nec improbitate postulantis offensior. Plut. in apoph.

*Idem.*

Suprà de Ambiguè dictis.

*Anonymus.*

Quidam imperatorem suum inculsavit, quòd illius insidiis & otio & somno fuisset priuatus: videlicet quod illius benignitate è paupere factus esset diues. Plut. in Sympo. lib. 1.

*Appius.*

Infra de Responso ab inexpectato.

*Scipio Nafica.*

Cùm ædilitatem curulem adolescens peteret: ac (vt candidati solent) manum cuiusdam opere duratâ prensaret, rogauit hominem, Num manibus ambularet? Hoc dicto rusticanæ tribus suspicantes sibi exprobratam pau-

paupertatem, effecerunt ut repulsam ferret. Aded obfuit iocus intempestiuus. Erasmius lib. 6. apoph.

*Cicero.*

Suprà tit. de Alea.

*L. Porcius Nafica.*

Quum ex more conceptis verbis à Catone censore rogaretur, Habésne uxorem ex animi tui sententia? Habeo, inquit: at herclè nō ex animi tui sententia. Verum ob eum iocum intempestiuum multa illi dicta est. Eras. lib. 6. apoph.

*Domitius Afer.*

Didio Gallo, qui prouinciam ambitionissimè petierat, mox impetrata ea, querebatur, quasi coactus esset: Age, inquit, aliquid, & pro Rep. elabora. Iocus est ab ironia: simulque illud est, quod magistratum magno studio ambisset. Eras. Rot. lib. 6. apoph.

*Catulus.*

Cum vidisset quendam ex iudicibus, quos Claudius donis corruperat, ait: Quamobrem præsidium à nobis postulatis? An ideo, ne dona nobis eriperentur? Cicero ad Atticum. Plut. in Catone Vticensi.

*Idem.*

Cuidam oratori malo, qui in epilogo misericordiam se mouisse putaret, postquam assedit, roganti videreturne satis misericordiam mouisse? At magnam quidem inquit: neminem enim puto tam durum, cui non oratio tua miseranda visa sit. Cicero lib. 2. de oratore.

*Anonymus.*

Cum Siculo cuidam, familiaris alius gemebūdus diceret uxorem suam suspendisse se de fico: Amābo te (inquit) da mihi ex ista arbore, quos seram surculos. Cic. lib. 2. de Oratore.

*Cicero.*

Obiurgantibus, quod homo sexagenarius puellam virginem duxisset:

Cras, inquit, mulier erit. Iocans, hoc probrum mox eluendum, nam postridie nō poterat obiici, quod virginis esset sponsus. Eras. lib. 4. apoph.

*Idem.*

Quidam candidatus, qui coco patrenatus credebatur, coram Cicerone suffragium ab alio petebat: Ego quoque, inquit, tibi faucebo. Ex quo colligitur, coce à coco, & quoque coniunctionem aut eodem, aut simili fuisse sono. Eras. lib. 4. apoph.

*Aug. Cæs.*

Herennium adolescentem moribus corruptissimis viciatū, castris excedere iussit, quūque illi dimissus, ignominiam reditus sui apud Augustum deploraret his verbis: Quo ore redibo ad meos? quid dicam parentibus me inculantibus? Dic inquit Cæsar, me tibi displicuisse. Et sic iocose docuit, quare ratione reditus sui ignominiam diluere posset. Sueton in Augusto.

*Anonymus.*

Quemadmodum Augustus gaudebat iocis liberalibus in alios ludere, ita in se iactos aut retortos interdum liberius, patientissimè tulit. Adolescens quidam provincialis Romā venerat, oris similitudine tam mirificè referens Augustum, ut in se populi torius oculos conuerteret, Cæsar hoc audito, iussit ad se perducī: eūque contemplatus, hunc in modum percontatus est: Dic mihi adolescens, fuitne aliquando mater tua Romæ? Negauit ille: ac sentiens iocum, retorsit, adiciens: sed pater meus sæpe. Augustus ludens suspicionem intendebat ad matrem adolescentis, velut ab ipso stupratam: adolescens protinus eam suspicionem retorsit in matrem Cæsaris, aut in sororem. Nam oris similitudo non magis arguebat illum esse Cæsaris filium, quàm fratrem aut nepotem. Suet.

*Z.*

*Aug.*



*Aug. Caf.*

Augustus Cæſar plurimum affecta-  
uit iocos, ſaluo tamen maieltatis pu-  
dorifque reſpectu, nec vt caderet in  
ſcurram. Scripſerat autem Aiaceſ  
tragœdiam, eandemque, quod ſibi di-  
ſplicuiſſet, deleuerat. Poſtea verò cum  
Lucius grauis Tragœdiarum ſcriptor  
eum interrogaret, quid ageret Ajax  
ſuus? reſpondit, In ſpongiam incubuit.  
Macrob. lib. 2. c. 4. Sat.

*Idem.*

Cum ei quidam libellum trepidus  
offerret, & modò proferret manum,  
modò retraheret: Putas, inquit, te aſ-  
ſem elephanto dare? Macrob. lib. 2. c. 4.  
Sat.

*Idem.*

Cum ab eo Pacuuius Taurus con-  
giarium peteret, diceretque iam hoc  
homines vulgo loqui, non paruam ab  
illo ſibi pecuniam datam: Sed, tu, in-  
quit, noli hoc credere. Macrob. lib. 8.  
cap. 4. Sat.

*Idem.*

Alium præfecturam equitum ſum-  
morum, & inſuper ſalarium poſtu-  
lantem, dicentemque, Non lucri cau-  
ſa dari hoc mihi rogo, ſed vt iudicio  
tuo minus videar impetraſſe, & ita of-  
ficium depoſuiſſe, hoc dicto repercuf-  
ſit, Tu te accepiſſe apud omnes affir-  
ma, & ego me dediſſe non negabo. I-  
bidem.

*Idem.*

Alium ſaxo in expeditione percuf-  
ſum, ac notabili cicatrice in fronte de-  
formem, nimium tamen res fortiter à  
ſe geſtas iactantem, ſic per iocum ca-  
ſtigauit: At tu, cum fugies, inquit, nū-  
quam poſt te reſpexeris. Ibidem.

*Idem.*

Galbæ, cuius informe gibbo erat  
corpus, agenti apud ſe cauſam, & fre-  
quenter dicenti, Corrige in me ſiquid  
reprehendis, reſpondit, Ego te monere

quidem poſſum, corrigere non poſſum:  
ad gibbum alludens Macrob.

*L. Manlius.*

Apud L. Manlium, qui optimus Ro-  
mæ pictor habebatur, Geminus Ser-  
uilius fortè cœnabat, qui cum filios  
eius deformiſſimos vidiſſet: Non ſi-  
militer, inquit, Manli ſingis & pingis.  
Cui Manlius: Non mirum eſt reſpon-  
dit, in tenebris enim & luce ſubobſcu-  
ra ſingo, luce autem ac ſole ſplendente  
pingo. Macrob. lib. 2. c. 2. Saturn.

*Nero.*

In Claudij ſtultitiam ſubinde ioca-  
batur productione ſyllabæ, quum di-  
ceret, Poſteaquam deſiit inter viuos  
morari, prima ſyllaba producta. Mo-  
ros enim Græcè fatuum ſonat: inde  
finxit morari, pro ſtultum agere, quæ-  
admodum nos à poëta poëtrari, à iuue-  
ne iuuenari, Suetonius.

*Caligula.*

Suprà apoph. de Auaritia.

*Anonymus.*

De Veſpaſiano patre narrat Sueto-  
nius, quum ſcurram multa in alios ia-  
cientem prouocafſet vt in ſe quoque  
diceret aliquid: Dicam, inquit, vbi vè-  
trem exonerare deſiueris, alludens ad  
formam Cæſaris, qui faciem habebat  
cacaturientis. In cuiusmodi hominem  
locus extat Martialis,

*Vtere laſtucis, ac mollib. vtere maluis:*

*Nam faciem durum Phæbe cacatur-  
tis habes.*

*Ti. Veſpaſianus.*

Cum morbo grauiſſimo decumbe-  
ret, quotidieque morbus ingraueſce-  
ret, dixit, Puto deus ſio, ſignificans ſe  
moriturum, Suetonius.

*Iulius Cardinalis.*

Cum amicos ad cœnam vocaſſet,  
interque conuiuandum, vbi in Baſi-  
lienſis conſilij mentionem incidiſſet,  
terra commoueretur: Bono animo  
eſtote, inquit, de ſinodo Baſilienſi lo-  
quuti

quæi sumus, quæ omnem ecclesiam tremefecit. non tamen illis. *Æneas Syluius* libr. commentariorum de Alphonſi reb. gest.

*Fredericus Imp.*

Fredericus imperator, eos qui locos moderatè ferrent, sapientes: qui autè promptissimè iocarentur, ingeniosos esse dicebat. Habet autem locus inter seria suum etiam locum: qui ubi erumpit, vtriusque ingenium facile declarat. *Æn. Sylv. l. 4. commentariorum in Alphonſi res gestas.*

*Lodouicus xij. Gall. rex.*

\* Vnus ex stipatoribus eius cum aulico magnæ nobilitisque familiæ primario exarserat iracundia, cum stipator nobilitate generis non se esse inferiore aulico iactitaret: erantque eodem nomine in certamen venturi. Hos ante se iubet sisti Lodouicus, rogâque stipatoris unde ei genus, qui ita se conferret nobiliss. homini. Tum ille, eo se genere natum ait, quo nullum sit nobilior. Id quidem fateri, ortum regem ex stirpe Noæ: sibi verò genus esse ac gentilitatem ex quopiam illorum qui cū Noa fuissent tempore diluuij. Cachinnosublatos, rex conuersus ad aulicum, despiciens eum, inquit, cui genus regium & tibi æquale est? Eoque ioco vtrumque placuit, & ambobus porrexit dexteram. *Ex Annal. Franciæ.*

*Idem.*

\* Baionensem Centurionem & Lemouicensem superbius de exitu & ordine cuiusdam prælij differentes haſtenus tulit, ut Baionensi diceret, Cum te rogabo pernas quomodo salire oporteat, responde: Lemouicensi. autè cū te rogabo, Castanea qua in terra, & quo pacto repastinata serenda, & quibus campis rapa & napus latentur tum demum responde. Silente vtroque, conuersus ad Lemouicensem, Nosſin', inquam, in alio solo rapam

biennio saram conuerti in napum, in alio napum raporum accipere speciem: ita & tu hausiſti à Baionensi superbiam, ille verò à te ignorantiam, quæ te adeo turgidum reddit. *Ex eisdem Annalibus.*

*Carolus Quintus.*

\* Admonitus aliquando in castris ut leges Germanis militibus de vitanda ebrietate ferret: respondit id perinde fore, ac si Hispanis interdiceret ne furarentur. Chytræus, orat. de Carolo Imperat.

*Plura sub apoph. de Facetè distis.*

## De ira.

*Plato.*

Sapienter auditores admonebat, ut iratos se in speculo contemplarentur. Nam cum faciem suam furibundam per omnia phrenetico similem viderent, eo dedecore territi, in posterum ab ira sibi facile temperaturos, *Fulg. lib. 7. cap. 2.*

*Aristoteles.*

Alexandrum ira exandescentem placare volens, & sedare summam indignationem, hæc ad eum scripsit: Exandescencia & ira non in pares, sed in meliores existere solet. Tibi verò nemo par est. *Ælia. l. 12. de Var. hist.*

*Epicurus.*

\* Quid ira efficeret, sciscitatus, respondit. Immodica ira gignit insaniam, *Seneca, epist. 18. ad Lucill.*

*Isocrates.*

\* Præua ingenia, inquit, eadem solent esse ex contentiosa, ut non prius finem faciant pugne & contentionis, quam lethalem acceperint plagam, & applicio memorabili afficiantur. *An. l. 1. de odio, &c.*

*Herodotus.*

Dicebat hominum animos in aulis habitare: bonis enim auditis corpus

corpus gaudio repletur: cōtrariis autem, inflatur ira, Stob. ser. 18.

*Democritus.*

\* Iram, quemadmodum canes cæcas criminationes parere dicebat. Antonius & Maxim. sermone de ira.

*Macarius.*

Interrogatus, quid ita iniuriarum erga homines memoriam tenentes, vim & animæ reminiscendi enecemus: aduersus dæmones autem, eum acceptorum ab eis malorum reminiscimur, detrimentum nullum sentiremus? respondit: Propterea quod prior illa affectio præter naturam, posterior autem secundum naturam esset. Nicephor. Callistr. libr. 11. Eccles. hist. cap. 43. ex euagrio.

### De ira seu iracundia cohibenda.

*Bias.*

**B**ono consilio duo maximè contraria esse dicebat: Festinatione scilicet, & iracundiam: homo enim iracundus cum extra seipsum sit, vacuus est omni consilio. Laert. in eius vita.

*Chilon.*

Docebat vincendam iram, quod is affectus sit cæteris potentior: quam superare fortius est, quàm hostem armatū deicere: nec minus exitij mortalib. sit ab ira, quàm ab hoste Laert.

*Aristippus.*

Cum videret succensere quendam, ac verbis indignari: Ne verba, inquit, per iram proferamus, sed verbis iram cōpescamus. Stob. ser. 18. Max. ser. 19.

*Diogenes.*

De non irascendo accurate disserenti adolescens quidam proteruus, veluti periculum faciens, an re præstaret ea quæ docebat, inspicit illi in facie. Tulit hoc leniter ac sapienter: Non

quidem, inquit, irascor, sed dubito: tam an irasci oporteat. Laert. 1.6.

*Zeno Eleates.*

Cum maledictis laceffitus incandesceret reprehensus quod philosophus verbis improborum commoueretur: Si conuitia inquit, æquo animo admiserō, ne laudes quidem sentiam. Lapidis est, non sentire discrimen inter laudantem & vituperantem: sed philosophi est, non ira commoueri, vt ab honesto recedat. Laert. 1.9. c. 5.

*Archias.*

Cum in agro comperisset quosdam è famulis admisisse quiddam, sentiens se commotiorem, in illos nihil quidem fecit, tantum abiens: Fortunati, inquit, estis quod irascor vobis. Cic. lib. 4. Tuscul. quæst. Brut. lib. 3. cap. 19.

*Pythagoras.*

\* Prodest (aiebat) cum muliere iracunda consuetudinem habere exercitationis causa: vt equites decet ferocibus assuescant vti equis, quos si domuerint, aliis etiam facilius vteatur. Anton. & Maxim. serm. de ira.

*Socrates.*

Iratus filio aliquid delinquenti, nihil aliud dixit, quàm, Ipse te coërce. Laert. in vita Socratis.

*Idem.*

\* Seruo delinquenti, Cæderem te, ait, nisi irascerer. Admonitionem serui in sanius tempus distulit, illo tempore se admonuit. Senec. l. 1. de ira.

*Democritus.*

Ad quendam flagris seuientem in seruum, Desine, inquit, te seruo tuo similem ostendere. Seruus enim est qui suis cupiditatibus imperare nō potest. Eras. l. 8. apoph.

*Xenocrates.*

Ingratitudinis vitij à Platone philosopho insimulatus, nunquam iracundia & indignatione se vinci passus est, sed animo immoto illi qui hoc indicauerat,

canerat, ac ad vktionem instigarat: Hoc, inquit, quod nunc facio, mihi bonum atq; commodum est. Quo dicto indicare voluit, non minus se curare propriam salutem, dum iræ frænum iniiceret, quàm Platonis maledicentiam, fortassis ab aduersario confictam. *Ælian, lib. 4. de Var. hist.*

*Plato.*

Interrogatus, per quid cognoscere-  
tur sapiens? respondit: Sapiens cum  
vituperatur, non irascitur: cum lauda-  
tur, non extollitur. *Laert. in eius vita.*

*Idem.*

Iratus seruo, cum eum castigare pa-  
raret, & fortè interueniret Xenocra-  
tes, Flagella, inquit, hunc puerum: nã  
ipse sum iratus. Sibi diffusus est homo  
philosophus, sentiens animi commo-  
tionem. At vulgus hominum tum ma-  
ximè punit, cum irascitur. *Laert. lib. 3.*  
*Ant. in Mel. par. 2. ser. 53. Val. Max. l. 4.*  
*cap. 1. Vide Senec. de ira lib. 3. cap. 13.*

*Idem.*

Idem præterea famulo sic commi-  
natus est, Loris te cæderem, ni iratus  
esset. Nihil iræ fidendum, Sapuit Sy-  
rus ille Terentianus, qui se coniecit in  
angulum, edormiturus quod biberat  
vinum. At ira minus sui compos est,  
quàm ebrieras. *Laert. 3. Val. Max. lib. 4.*  
*cap. 1. Plut. de educandis liberis.*

*Anonymus.*

\* Apud Platonem educatus puer,  
cùm ad parentes relatus, vociferan-  
tem videret patrem: nunquam, inquit,  
hoc apud Platonem vidi. *Senec. libr. 2.*  
*de ira.*

*Sotion.*

\* Vt naues, inquit, egregiæ sunt, non  
quæ sereno cælo nauigant, sed quæ  
tempestati resistunt, & seruantur: sic  
homines resistentes iræ, magni sunt &  
fortes. *Anton. & Max. ser. de ira.*

*Aristoteles.*

Dicebat, periinde atque fumus ocu-

los commouet, & aspectum ita con-  
turbat, vt neque ea nobis videndi po-  
testas fiat, quæ sunt ante pedes: ita ob-  
orta ira, rationi caligo suffunditur, vt se  
delinquere nulla cogitatione depre-  
hendere possit. *Stob. ser. 18.*

*Idem.*

\* Iracundiam describens, Est, in-  
quit, perturbatio ferina, dura & violē-  
ta potentia, cædiū causa, calamitatis  
socio, iacturam concilians, & dedecus,  
pecuniarum perniciēs, & perditionis  
origo. *Stob.*

*Apollonius.*

Iræ affectum air, nisi diligentia, ac  
verbis placidis temperetur, in genui-  
num quendam morbum excrescere.  
*Stobæus.*

*Idem.*

Quisquis erga leuia errata vehemē-  
tius quàm par est irascitur, is delin-  
quentem nō finit inter culpam extre-  
mam & mediocrem quid intersit dig-  
noscere. *Stob.*

*Theano.*

Mulier ex Pythagorea philosopho-  
rum cohorte, exandescens aliquādo  
in ancillam: Vapularis iam, inquit,  
nisi irata essem. *Stob.*

*Naucrates.*

Iracundis simile quid accidere dix-  
it, quod lucernis, quæ copioso oleo  
magis inflammantur. *Stobæus ser. 18.*  
*Max. serm. 19.*

*Demonax.*

A quodam, cui imperator exercitum  
commiserat, interrogatus, quo pacto  
delegatam provinciam quàm optimè  
gerere posset? Si, inquit, iracundia  
vacaris. Iram sensit vir prudentissi-  
mus ad omnem functionem inutilem  
esse. *Eras. lib. 8. apoph.*

*Idem.*

Subinde suadebar, non facilè ira-  
scendum esse hominibus, si delinque-  
rent: sed potius corrigenda esse vitia,



in illorum exemplo; qui non indignantur a probris, sed morbum sanant. Erat. lib. 8. apoph.

*Pylager.*

\* Rogatus quomodo rem non delectaretur educandis pueris? Quoniam, inquit, nec me ipso delector. Agnoscebat natus suum vitium. Erat enim iracundus & morosus, eoque nec appositius ad teneram aetatem instruendam: cum hodie stulti parentes nullis liberiorius committant liberos suos, quam huiusmodi truculentis & asperis. Philost. in sophist.

*Pyrrhus.*

\* Pyrrhum maximum præceptorum certaminis gymnici solitum, aiunt his quos exercebat, præcipere, ne irasceretur. Ira enim perturbat artem, & quæ nocet, tantum, non quæ caueat, aspicit. Senec. de ira lib. 2.

*Amiochus sophista.*

\* Cum male vulgo audiret, veluti formidolosus, quod nec prodiret in concionem, nec Reipublicæ munia capesseret. Non vos, inquit metui, sed me ipsum: agnoscens bilem suam vehementiorem, quam ut cohiberi posset. Sensit idem Plato, qui sunt iracundioris ingenij, ad disciplinas quidem esse idoneos, ad gerendam Rempub. non item. Philost. in sophist.

*Anonymus.*

Quidam iratus Agasohl, volebat eum percutere, cumque is clamaret, Atheniensis sum: ad asinum versus: At tu (inquit) Atheniensis non es: eique multas plagas inflixit. Meminit Plut. in bello de cohibenda ira.

*Melanshius.*

\* Negabat eam iram videri grauem, quæ mentem cogat emigrare, sed quæ prorsus excludat domo. Sentiens, probis etiam ingeniis adiunctam esse iracundiam: sed hoc vitium esse tollabile, si celeriter animus ad se redeat,

& pro ira rationem in consilium adhibeat. At si perturbatio penitus insidat animo, ita ut excessu ratione feratur esset impetu, certa perniciēs est. Erasm. lib. 8. apoph.

*Charilaus.*

\* Seruo euidam audacis agenti cum ipso, Ni iratus essem, inquit, occideret te. Aded putabat nihil recte dici fieri, ut ab irato, ut ne in seruum quidem animaduertere voluerit commotioni. Plut. in Lucan.

*Cypri.*

Erat natura celer ad iram, saeuusq; castigat. eorum qui in ministerio deliquissent. hospes quidam ad illum detulit vascula fragilia, tenuaque, sed scite curiosque cetero rorūque elaborata. At is hospiti quidem deile mūnera, ceterum vascula etiam constegit. demirantibus eum id faceret. Ne, inquit, scirem in eos qui fractum erant: Prudentis est, naturæ suæ merbum agnoscere, & vitio materiam preperere. Plut. in apoph.

*M. Cato.*

\* Iratum ab insano nulla alia re differre dicebat, quam mora temporis, sentiens, iram esse breuem insaniam. Plut. & Stob. ser. 18.

*Idem.*

\* Eum in balneo quidam percussit imprudens: postea satisfacienti Cato, non mentiri (inquit) percussum me. Melius putauit non agnoscere, quam agnoscere. Senec. lib. 2. de ira.

*Cato Vicensis.*

\* Huic causam agenti, in frontem mediam, quantum poterat attracta pingui salia, inspuisset Lentulus, absterxit faciem, &, affirmabo (inquit) omnibus, Lentule, falli eos qui perigant os habere. Senec. lib. de ira 18.

*Athenodorus.*

\* Et ob senectutem flagitanti ut sibi liceret redire domum, Augustus concessit.

cessit. At cum ille Cæsari dixisset Vale, volens aliquod philosopho dignum monumentum apud illum deponere, adiecit: Cæsari, cum fueris iratus; ne quid dixeris fecerisve, priusquam Græcarum literarum xxiii. nomina apud te recensueris. Cæsar autem philosophi dexteram amplexus: Adhuc, inquit, te præsentem mihi opus est, totumque etiam annum apud se detinuit, dicens illud Græcorum prouerbum, Silentij sunt tuta fidi præmia, siue approbans philosophi dictum, quod tunc esset iram premere, ne prorumpat in verba: siue sentiens, philosopho profuturum fuisse, si hoc dictum non addidisset iam abiturus. Plur. in apoph. Fulg. lib. 7. cap. 2.

*Anonymous* in lib. 1. cap. 1. *Egyptius* quidam monachus interrogatus, cur ad se omnibus corporis voluptatibus subtraheret? respondit, Vt hac ratione omnem iræ causam & occasionem præcidam. Ira quippe vt de voluptatibus belligeratur, ita etiam voluptatum suppressione sopitur. Nicephor. Gall. lib. 11. Eccles. histor. c. 43. ex Euagrio.

## De irrisione.

*Agesilanus Ephirus.*  
**C**um Agidis suasu factum esset, vt fieret omnium debitorum solutio, idque tabulis in forum Clarum comportatis, ignis esset iniectus, ac flamma exurgeret, cæteris creditoribus accessit insultabat dicens: Se nunquam clarum lumen, aut ignem vidisse priorem. Debebat enim ipse plurimū, & erat agrorum prædices, nihil tamen cuiquam soluere habebat in animo. Extrema improbitatis est linea, etiam illudere iis quos afflixeris. Plut. in Lac.

*Trachalus.*  
Quidam inter argumentandum di-

centi, Si hoc ita est, is in exilium. ridēs subiecit. Si nō est, redis. Eras. l. 6. apoph.

*Argens.*

Faciens iter per Selinuntem, cum in monumento quodam hoc Elegiacum carmen vidisset inscriptum,

*Hos reslinguentes Mars forte tyrannida sanus*

*Pond Selinuntis mania sturais humi.*

Iure periistis, inquit, qui tyrannidem ardentem conati sis extinguere: contra oportuit illam sinere, donec tota deflagraret. Arripuit locum ex occasione verbi Extinguere. Extinguitur enim, quod opprimitur: & extinguitur incendium. Plut. in Lacon.

*L. Crassus.*

Apud Perpennam iudicem defendebat Aculeonem, quem accusabat Aelius Lamia, homo omnium deformissimus. Is cum interpellaret odiose: Audiamus, inquit Crassus, pulchellum puerum. Huic dicto cum esset arrisum, iterum ait: Audiamus etiam disertum, & multo arrisum est vehementius: parum enim facundus erat. Eras. lib. 6. apoph.

*M. Cincius.*

Quo die legem de donis ac muneribus tulit, C. Centoni prouocanti, ac satis contumeliosè interroganti, quid fers Cinciole? Irridens hominem, Venias, inquit, si vti velis. Ridiculè autem notauit hominem quod donatis & commodatiis rebus vti gauderet. Eras. lib. 6. apoph.

*Cicero.*

Quum M. Appius in procemio diceret, se magnopere rogatum ab amico, vt in causa clientis adhiberet curam, eloquentiam & fidem: hic Cicero, Ad eone ferreus homo es, inquit, vt ex tam multis quæ rogauit amicus, nihil præstes? Plut. in apoph.

*M. Lalius.*

Suprà apophth. de Fortuna & pul-

chritudine corporis.

*Vide apoph. de facie & iocose dictis.*

## De iudicio bono & incorrupto.

*Bias.*

**D**icere solebat, se malle inter inimicos quàm amicos iudicare. Nā ex amicis alterum prorsus futurum inimicum, ex inimicis autem alterum amicum fore. *Brut. lib. 3. cap. 10.*

*Democritus.*

\* Optimus (inquit) iudex esse iudicatur, qui citò intelligit, & lentè iudicat. alterum quidè est benevolentia, alterum autem diligentia exquisita. *Ant. ser. de incorruptis iudicibus.*

*Idem.*

\* Addebat, nihil inconsideratè agendum in iudicio, sed prius deliberandū: nec cogitatione festinandum ut aliquid plus quàm liceat dicatur: sed lentè & cunctanter appetitio accuratè exercenda est, nec ad gratiam immutanda: nam inconstans inconsulto, & levis temerario deterior est. *Eod. ser.*

*Themistocles.*

Oratus à Simonide poeta, ut amicum non aded iustam causam haberet quàm commendatissimum haberet: respondit. Nec Simonidem fore bonum poetam, nisi mensuram modūque in canendis carminibus, quæ scribebat, curaret: Neque se bonum prætorem habitum iri, si legibus ac iustitiæ, alienius gratiam præposuisset. *Fulgol. lib. 6. cap. 4. & Plut. in apoph.*

*Archytas.*

Dicebat iudicem & aram idem esse: pariter enim ad utrumque confugiunt, qui iniuria afficiuntur. Sētiens, tales oportere iudices esse, ut oppressis sint præsidio. Refert Aristot. *Rhetor. 3.*

*Aristides.*

Quum inter duos privatos causam cognosceret, & alter quò Aristidem iuraret in adversarium, extra causam multa commemoraret, quibus ille læsisset eum: Aristides interpellans hominem, Ista nunc, inquit, missa fac bone vir, & si quid te læsit eloquere: tibi enim in præsentia, non mihi iudex sedeo. *Plut. in Aristide.*

*Alcamenes.*

Cuidam ab Alcamene sciscitanti, quàm ob rem seniores apud Lacedæmonios plures dies sumerent ad cognoscendum in causis capitalibus: & si quis fuerit absolutus, nihilominus obnoxius sit legi. Ideo, inquit, pluribus diebus cognoscunt, quoniam si in capitis discrimine errauerint, nō est corrigendi consilij potestas, oportet autem à causa liberatum, obnoxium manere legibus, quod sit, ut secundum eādem legem liceat aliquid rectius de reo statuere. Hoc temperamento provisum est, ne vel occidatur innocens, vel effugiat nocens: qui quamvis errore iudicum sit absolutus, potest eadem lege denuo conveniri, prænasque dare legibus. *Plut. in Lacon.*

*Lyfias.*

\* Dicebat iudices eadem mente præditos esse debere, qua legislatores. *Stob. serm. de magistratu.*

*Idem.*

Interrogatus, cur munera à Mellesis oblata non accepisset: Quoniam in leges iustitiæ graviter peccassem, inquit. Maluit vir prudentissimus bona conscientia iudicare, quàm propter munuscula à iustitiæ tramite turpiter discedere. *Plut.*

*Agefilas.*

Cū in causa quadam iudex esset, & is qui accusabat rectè dixisset patronus verò malè, qui tamen subinde repeteret, Agefilas decere, ut legibus

Regibus opitularetur, perinde ac si optima haberet causam: hominis improbitatem reprehendens, ait: Si quis domum tibi oppugnaret, aut vestem arriperet, num expectares ut archiretus aut sator tibi esset auxilium laturus? Quo dicto indicabat, iudici nequaquam convenire, ut opituletur iis qui contra leges aliquid delicti admiserunt. Plut. in Lacon. apoph.

*Hippodromus sophista.*

Clementi tragicodiarum actori longè præstantissimo, quum apud Amphitiones optimè re gesta negata esset victoria, quod Byzantium esset, atque id temporis Byzantium à Romanis obsideretur, proficiens clamauit: Valeant applaudentes, ac perperam de re iudicantes: Ego, inquit, Clementi victoriam decerno. Quum alter histrio appellasset Cæsarem, obtinuit Hippodromi suffragium. Philost. in sophistis.

*Epistenus.*

\* Nihil est, inquit, quod tunc qui præest magis deceat, quàm ut neminem vel superbe contemnat, vel indecorè admiretur, sed ex æquo omnibus præsit. Anton. sermon. de iudicibus in corruptis.

*Idem.*

\* Sequentis dictis etiam eius sunt. Sicut vera trutina, neque à bona & concinna corrigitur, neque per falsam examinatur: sic etiam iustus iudex, neque à iustis castigatur, neque apud iniustos iudicatur. Minime in iudiciis delinques, si ipse in vita tua delicta caueris. Melius est, sententia iuste pronuntiata, reprehendi ab eo qui merito suo damnatus est: quàm si iniuste iudicaueris iure à natura vituperari. Quod admodum Lydius lapis iudicatur aurum, non autem ab auro examinatur: sic & homo qui iudicandi facultate pollet. Turpe fuerit iudicem ab aliis iudicari. Stob. serm.

*Machetas.*

Philippus Macedo Machetæ cuiusdam pro tribunali sedens causam cognouit, sed dormitabundus, nec satis attentus ad iuris æquiratem: itaque sententiam tulit aduersus Machetam. Verum quum is exclamasset, se ab ea sententia appellare, rex iratus, ad quem? inquit, nam appellandi verbum monarchis est inuisum. Hic Machetas: ad te ipsum, ô rex, inquit, si expergiscaris, & attentius audis causam. Ac tum quidem surrexit rex. Ceterum posteaquam causam apud se melius perpendisset, intelligeretque Machetæ factam iniuriam, iudicata quidem non rescidit, sed pecuniam qua damnatus fuerat Machetes, ipse persoluit. In vno facto, quot regis virtutis argumenta? Non perseueravit irasci & prouocanti, & somnolentiam publice obiciienti: sed per otium rem animo accuratius considerauit, iam ab ira liber. Sit hoc ciuilitatis, regis que moderationis: illud verò prudentiæ, quod ingenioso commento sic damnatum exemit damno, ut regiam tamen in iudicando auctoritatem non proderet, multam priuatam perinde quasi ipse damnatus esset, dissoluit. Plutarch. in apoph.

*Idem.*

Harpalus pro Cratete propinquo ac familiari suo, qui iniuriarum postulabatur, petiit à Philippo, ut reus multam quidem solueret, sed à causa liberaretur, nec damnatus hominū maledictis exponeretur. Hic verò Philippus: Præstat, inquit, ut ipse male audiat, quàm ut nos propter illum. Indulgebat amicis, sed quatenus licebat, integra iudicis opinione. Plut.

*Idem.*

Duo pariter scelerosi sese inuicem accusabant, cognoscente Philippo rex audita causa pronuntiauit, ut alter exularet



exularet Macedoniā, alter illum inquietetur. Hoc Græcè sonat iugundius, quod *quærit* & ad fugiōtem pertineat, & ad exulantem, fugientem autem insequimur. Neutrum igitur absoluit Philippus, sed utrunque damnauit exilio. Plutar.

*Anonyma.* Cum anus quædam præfidente Philippo causam diceret, ipsūque ad ea quæ præponenda erant somnulosum videret, rogabat ut sibi liceret prouocare. Et cum ille quæreret, ad quēnam? Ad Philippum, respondit, Stob. ser. 13. vigilantem.

*Alexander.* Orante accusatore, altera manu aurem solebat occludere. Interrogatus, cur id faceret, respondit: Defensori etiam dandus est audiendi locus. Antonius in Melissa, par. 1. serm. 53. Plutarchus sic recenset: Initio quum in causis capitalibus sederet iudex, accusatori alteram aurem occludebat: rogatus, cur id faceret? Alteram, inquit, inegram seruo reor.

*Antigonus.* Frater Antigoni: Marfya, lixem habebat: sed à rege postulabat, ut causa domi cognosceretur. Cui Antigonus, Si nihil, inquit, præter ius agimus, melius fiet in foro, cunctisque audientibus. Non impetrauit hoc à rege: fraterne affectus, ut vel capillum de iure concederet. Ipsum autem hoc dilemmate constrinxit. Si iniustam causam habere re scis, cur litigas? Si iniustam, cur fugis? homo iurem conscientiam, & ad domesticas latebras rempori pertrahis? non cariturus sis iustitiam, suspicione, eam si ob bonam causam vicietis. Plutar. apophth. in regib.

*Antiphan.* Si peccandum sit in iudicando, præstat (inquit) accusatum absolvere iniuste, quàm iniuste perdere. Illud

enim quidem peccatum est; hoc verò impietas. Stob. ser. 13. *Scipio minor.* in Q. Lulium prætereuntem cum vidisset: Hunc, inquit, virum scio peccasse: verum quoniam nullus illum dolet, non possum simul & accusare esse, & iudex. Sit hoc in cenfore modestæ rationis & iustitiæ exemplum. Plutar. in apophth.

*M. Antoninus.* Dicere solebat, priuatos quidem homines multos habere iudices: principem autem nullum esse alium iudicem quàm Deum. Dion Nixus, & Xiphilinus in eius vita.

*Vide apoph. de Iustitia.*

**De iudice malo & corrupto.**  
*Pythagoras.*

¶ Vi de malis, inquit, peccata non sumunt, bonos affici volunt iniustis. Stob. serm. de magistrat. *Philippus.* Quendam ex Antipatri amicis in iudicum numerum ascripserat. Verum post, ubi cognouit illum tingere barbam & capillos, submouit eum, dicens: Qui in capillis fidus non efflor, eum in rebus gerendis non videri dignum. cui fideretur. Fucō videbar in tangendis capillis: ubi non multum erat iuerap multo magis, vltus erat fucō in publicis negotiis, ubi dolus interdum loquens effert exemplum suum. Et hæc oportet regum præceptum esse curam, ut cognoscendis causis viros præficias in corruptos. Id quod fieri potest, ubi videntur iudicandi munia, & designari iudex, non qui vitiosior est, sed qui ad dandum prior, autatque? *Antiphan.* Philippum, magis Antipatri tantum valebat authoritas, quàm iustitiam

peccatum ē iudicium ordine moueret.  
Plutarch. apoph. *Democritus.*

¶ Damnandi sunt (aiebat) nec absolueri, qui aliquid dignum exilio, aut vinculis, aliāve pœna cōmittunt. Si quis verò temere absolveret, lucri aut voluptatis gratia, iniuste facit, & iniustitiam ei cordi esse necessarium est. Stob. serm. 44.

*Iamblicus.*

¶ Malum iudicium omnis mali causam esse dicebat. Stob. eod. serm.

*Q. Flanius.*

¶ Apud populum reus actus, accusante C. Valerio, quū quatuordecim tribuum suffragiis damnatus esset, proclamauit, Se innocentem opprimi. cui Valerius aequē clara voce respondit: Nihil sua referre, nocens an innocens perirer. Ea vox tam vidēta, reliquas tribus reo conciliauit: itaque reus, quem prostratum credebat, absolutus est. Eras. lib. 6. apoph.

*Q. Calpurnius.*

¶ Ex prætura Hispaniensi accusatus à Gallis, quum sensisset iudicibus peccantem cōtra sedētam, in eos iudices, quī paruo pretio corrupti eum damuere, exclamauit: Idoneam mercedem pro me capere pacisci debuistis. Brutt. lib. 3. cap. 10.

*Cicero.*

¶ Intra de Victoria.

*Vide apoph. de Iniustitia.*

## De iudice inacuto.

*Prolemæus rex.*

¶ Cum alea ludēto, assistens quidam, condemnatorum ipsi nominare citabat, & crimina in eos collata referebat, ut illi, quinam mortis supplicium commēssissent, decerneret. Hec omne verò vxor eius, accepto libello ex pueri manibus, non permisit.

ut ad finem vsque legeretur, dicens: Non sic obiter aduertendum animum est, cum de hominis salute disceptaretur: sed cogitandum, & relinquenda ludicra. Non enim similem esse casum talorum, & corporum. His auditis, delectatum Prolemæum ferunt, neque postea vnquam inter ludendum de capitalibus causis audiuisse. Aelianus lib. 14. de Varia hist.

## De iudicio nimis exacto.

*C. Lucilius.*

¶ Dicere solebat, nolle se sua scripta legi, nec à doctissimis, nec ab indoctissimis: quod hi nihil intelligerēt, illi plus scirent quàm ut posset illorum iudicio satisfacere. Id exprimebat huiusmodi versu trochaico.

*Tersum non curo legere: Læsum Decimum Volo.*

¶ Erat Persius illius ætatis omnium doctissimus habitus: Lælius erat vir bonus, & non illiteratus, sed nihil ad Persiū. Refert M. T. cum aliis aliquot locis, tum lib. de Oratore secundo.

*M. Antonius orator.*

¶ Rogatus quā ob causam nullam vnquam orationem scripto mandasset? Ut, inquit, inscisci queam à me dictū esse, si quid fortē aliquando dixi, quod opus non erat. Labilis est hominum memoria, ut ægrē reperiās duos, qui quæ simul audierunt, eodem modo referant. Hinc parata tergiuersatio, Non dixi, aut non sic dixi: aut dixi quidem, sed hoc adieci. Eras. lib. 8. apoph.

## De iudicio iusto non temerè mutando.

*Bos rex Arelatenfis.*

¶ Quum ob alapam episcopo suo, inter sacrificandum illatam, accusatus

satus apud Othonem primum Romanorum imperatorem, capitis damnaretur, archiepiscopus verò vnà cum reliquis episcopis, abbatibus, principibus intercederent, vt hoc sanguinis iudicium suspenderetur. Rex hoc audiens: Non æquum est, inquit, vt rectum imperatoris iudicium executioni non mandetur, cùm non conueniat vel vltimum verbum à principis ore frustra egredi. Munsterus recitat libr. 2. Cosmograph. vbi de Arelato.

### De iudicio in re ignota non ferendo.

*Diogenes.*

**C**Vidam ad ostentationem ingenij multa de rebus cœlestibus differenti: Quàm nuper, inquit, de cœlo venisti? Socratem in hoc retulit, cuius est illud: Quæ supra nos: nihil ad nos. Laert. lib. 6.

*Anacharsis.*

Admirabatur, qui conueniret, vt artifices apud Græcos certarent; sed de his iudicaret artis expertes? Sentiens, de arte quacunque neminem melius ferre iudicium posse, quàm ipsum artificem. Certabant in theatro histriones, cantores & gladiatores, quorum artes populus nequaquam intelligebat: nihilominus tamen alijs applaudebant, alios explodebant. Laert. lib. 1. cap. 9.

*Stratonicus.*

Ptolemæo rege de musica cum ipso differente: Aliud est, inquit, ô rex, sceptrum, aliud plectrum. Significans, non esse regium de musica cum musico disputare. Eras. lib. 6. apoph.

*Idem.*

Idem Minnaco fabro, secum de musica disceptanti: Non animaduertis, inquit, te supra malleum loqui? Ca-

stigauit hominem de rebus sibi ignotis & incognitis loquentem. Idem.

*Idem.*

Idem in eum, qui quum prius fuisset olitor, postea factus musicus, de arte secum contenderet, pronuntiauit senarium. Græcum vulgò celebrem.

*Idem ne lūi tempore eide m Alexan.*

id est,

*Quam quisq; nouit artē, eam canas lices*

*Idem.*

Zetho de musica differenti, Ne vnum, inquit, nequaquam oportet de musica loqui, qui tibi nomen omnium à Musis alienissimum elegeris, te ipsum pro Amphione appellās Zethum. Amphion, vt est in fabulis, cantu citharæ condidit Thebas, at Zethus frater rusticus fuit. Apparet illum sibi mutasse nomen. Eras. lib. 6. apoph.

*Anonymus.*

Psalter quidam apud Antigonum artis suæ specimē edebat. Quum verò sæpius Antigonus diceret: Constringe netem & rursus mediam: indignatione commotus, respondit, Auertant, ô rex, à te dij malum hoc, vt me melius atque exquisitius hanc artem teneas. Iniquè tulit musicus eius reprehensionem, qui à musicis studio planè alienus erat, indignum esse putans, artificem reprehendi ab eo, qui manus fidebus nunquam admoisset. Ælian. lib. 9. de Var. hist. & Plutar. in apoph. de Philippo rege idem recenset.

*Hippomachus.*

Hippomachus pugilandi magister, quum athleta quidam ex eius discipulis specimen exhiberet artis, & circumstantis multitudo vniuersa acclamaret, percussit eum virga Hippomachus, inquiens: Sed tu perperam, neque sicut oportebat fecisti, quod melius fieri debebat. Nam si quid artificiosum præstitisses, non hi te collaudarent. Inpuens, eos qui vnumquodque ritè

ritè gerunt ac administrant, non multitudini, sed iis tantum, qui rei notitiâ aliquam haberent, placere oportere. Videtur & Socrates populi iudicium repudiare in colloquio ad Critonem, cum Crito veniens ad eum in carcerem, suaderet ut effugeret & Atheniensium contra se iudicium corrumpere. *Ælian. lib. 3. de Varia hist.*

*Apelles.*

Tabulas in pergula proponere solebat, postq; eas latitans, quid prætereuntes reprehenderent auscultabat: Sutor quidam reprehendit, quod in crepidis pauciores vna intrus fecisset ansas, tulit hoc tacitus Apelles: postridie quum idem circa crus aliquid notaret, Apelles indignatus prospexit, denuntians illi ne sutor ultra crepidâ iudicaret. Quod & ipsum in proverbi-um abiit. *Bruf. lib. 1. cap. 10.*

*Idem.*

Alexander Ephesi suam ipsius imaginem, quam Apelles finxerat, contemplatus, non laudavit pro dignitate picturæ. Quum autè introductus equus hinniret equo picto, perinde atq; vero: Atqui ô rex, inquit Apelles, hic equus in discernendis picturis longè te meliore iudicio præditus esse videtur. *Ælian. lib. 3. de Var. hist.*

*Nicostratus.*

Infrâ de Oratione nimis elaborata.

*Zeuxis.*

Megabyzus quum aliquando picturas tenuiter & ruditer confectas laudibus extolleret: alias verò cum summa industria elaboratas reprehenderet: pueri Zeuxidis eum deridebant. Zeuxis itaque: Cum taces, inquit, Megabyze, nescio quid magni de te sibi pueri hi pollicentur, respiciunt enim ad vestem & cultum tuum. Simulac verò quid artificiosum vis dicere, te contemnunt. Parcior igitur & cōsideratior sis in laudandis, cōspescens lin-

guam, neque cuiusquam, quæ nihil ad te attinet, opera vel artem collaudes. *Æli. lib. 3. de Varia hist.* Sed hoc ipsum *Bruf. lib. 3. cap. 16.* & *Eras. lib. 6. apoph.* Apelli ascribunt: Plinius autem pro Megabyzo ponit Alexandr. Magnum.

*Polycletus.*

Polycletus insignis statuarius, eodè tempore duo simulachra fecit: alterum ad arbitrium plebis, alterum iuxta peritiz artiq; normam. Gratificatus verò plebi hoc modo est. Ad singulorum accessum transposuit & commutavit aliquid, morè gerens vniuscuiusque voluntari & enarrationi. Itaque proposuit virumque. Et alterum quidem omnes admirationi, alterum ludibrio ac risui habuerunt. Respondens autem Polycletus: At hoc, inquit, quod vituperatis & reprehenditis, à vestra arte profectum est: quod verò suspicitis, ego mea facultate sum fabricatus. *Ælia. lib. 14. de Var. hist.*

*Anonymus.*

Romæ in foro pendebat tabula quædam, habens imaginem pastoris vetuli cum pedo: de hac Teutonum orator rogatus, quantam æstimaret? satis Germanicè respondit: Se nolle sibi dono dari talem viuum, aut verum. Non spectavit artificium pictoris, sed formam tantum, nec potuit etiam iudicare de re sibi ignota melius. *Eras. lib. 8. apoph.*

## De iuramento vel iuriurando.

*Thales.*

**A** Dultero sciscitanti, An abiuratus esset adulterium? Non inquit, est periurium adulterio peius. Significare voluit vir sapientissimus, illum stultè dubitare de peierando, qui facinus periurio par non dubitasset committere.



mittere. Eoque in atrocioribus sceleribus nihil ponderis habet iusiurandum. Quisquis enim aude dare venenum, audebit & cum periurio inficiari. Thaletis dictum recitatur à Laertio lib. 1. cap. 1.

*Solon.*

Tantam morum probitatem inesse hominibus oportere dicebat, ut non opus esset ligare iuramento. Maximus ser. 33.

*Socrates.*

Socrates bonos viros decere dicebat, ut eos mores ostenderent hominibus, qui essent iureiurando firmiores. Ant. in Melissa part. 2. serm. 63.

*Cleantes.*

\* Dicebat iurantem eo ipso qui iurat tempore verè iurare aut peierare, nam si ita iuret, tanquam facturus, quod iusiurandum cōtinet, verè sanctèque iuravit: sin proposito dissentiente, tanquam non facturus, peieravit. Stob. ser. 28.

*Cleomenes.*

Cum Argiuis septem dierum pactus inducias, cum observans deprehendisset illos tertia nocte indulgere somno, fiducia videlicet induciarū, adortus est eos, & alios interfecit, alios abduxit captiuos. Ceterum, quum illi probro daretur violata iusiurandi fides. De diebus, inquit, pactus sum, noctes non additæ sunt in iureiurando. Quanquā & alioqui, quicquid mali quis fecerit hostibus, id & apud deos & apud homines habetur iustitia præstantius: verū huic magnificæ voci non respondit euentus. Nam & vrbe, cuius gratia violarat conuenta frustratus est, eo quod mulieres derraçis è templis deorum armis, illum ultæ sunt: perinde quasi diis ipsis, quos cōtempserat, pœnas de ipso sumentibus. Postremò versus in dementia, ipse sibi gladiolo quodam fodit & incidit

corpus à talis usque ad loca vitalia, itaq; vitam finit, ridens ore diducto. In hoc apophthegmate nihil habes imitatu dignum, vile tamen exemplum ad vitandam iusiurandi violationem. Plut. in Lac.

*Agessilaus.*

Barbaros, qui iusiurandi religionem violassent, ira laudare ac probare solebat ut diceret eos nulla re magis deos sibi infestos reddere, quàm si sacrosanctum iusiurandum temerè violarent. Ælian. lib. 14. de Varia. hist.

*Pericles.*

Amico roganti, ut pro se falsum diceret testimonium, cui adiunctū erat iusiurandum, hoc est periurium, respondit: Se quidem amicum esse, sed usque ad aram. Sentiens, aliquoūque gratificandum amicis, sed citra iuramenti violationem. Plut. in apoph.

*Isocrates.*

Iusiurandum oblatum duabus de causis fide, firmandum esse suadebat: Vel ut ipsum turpi suspitione liberet, vel ut amicos ex magnis periculis eripias. Pecuniarum verò gratia, etsi iustam causam haberes non per deos iurandum dicebat. Stob. ser. 25.

*Lycurgus.*

Eatenus amicis & familiaribus auxiliandum esse dicebat, ut interim periurium non admitteretur. Idem.

*Lysander.*

Dicere solebat, puceros tesseri, viros iuramentis oportere circumuenire. Quidam tamen hoc dictum Philippo Macedoni etiam ascribunt. Vt verò, dixerit, mea sententia longè à recto iustoque aberravit. Neq; verò absurdum est, si dissentia à Lysandro. Nam ille tyrannidem exercebat. Ego verò quo animo sim, ex eo manifestum est, quod minimè mihi hoc dictum probatur. Æli. lib. 7. de Varia hist. Plut. in Lacon.

*Anaxis.*

*Anaximenes.*

Alexander statuerat Lampſacum diruere. Ad id tendenti cū Anaximenes veniret obuiam extra muros, deprecaturus ſuæ ciuitatis perniciem, Alexander ſuſpicans quid eſſet petiturus: luro, inquit, me non facturum quod peret Anaximenes. Tū Anaximenes: Peto, inquit, vt Lampſacum diruas. Captus erat Alexander, & iurando, compulſus eſt ſeruare quos demoliri ſtatueraſ. Eraſ. lib. 6. apoph.

*Populus Rom.*

Populus Rom. Carbone pollicente quippiam, & addente iuſurandū cum execratione: populus viciffim iurauit, ſe illi non credere. Probis viris & iniuratis habenda eſt fides: leuibus, ne iuratis quidem. Reſertur ad id verſus Menandricus.

*Τῶν περὶ τὰς ἀποφθιγνῶν λόγων, ὡς λόγος.*

*Suadet loquens viſa non oratio.*

Eraſ. lib. 6. apoph.

## De iuriſprudētia.

*Serb. Scauola.*

Serbidiuſ Scauola, vir tum iuriſprudentia, tum M. Antonini imperatoris amicitia celebris, dicere ſolitus, eſt: Ius ciuile vigilantibus ſcriptum eſſe, non dormitantibus. Sentiens, iuriſprudentiam non ſine ſummo ſtudio percipi: quemadmodum Ariſtoteles ſic edidit libros Naturalium vt non eſſent ediri, niſi viua vox doctoris accederet. Reſertur libro Pandectarum 42. titu. Quæ in fraudem credi I. Pupilluſ. Verū ex Scauola merito requirit ſtudium ac vigilantiam à iuriſprudentiæ candidatis: ita nemo non improbat ſententiā Iodoci; qui Mechlinienſi ſenatu præſedit. Nuſquam enim non magna contentione ruebatur, neminem poſſe, vel vnius legis intelligentiam conſequi, qui quicquam

ſciret in bonis literis. Et cū in conuiuium quodam mecum diſputans incaliuiſſet, addebat, vix eſſe treis in orbe, qui leges Cæſareas intelligerent. Aderat huic conuiuium Ioannes Syluagiuſ, Caroli tum regis cancellariuſ, Georgiuſ ab Haloſino, Blaſiuſ iurecōſultuſ, & alij nonnulli. Farebatur tamen, Bartolum leges ad plenū intellexiſſe, cū conſtet, illum tot locis hallucinatum eſſe. Eraſ. Rot. 18. apop.

*Vide apoph. de legibus.*

## De iuſtitia.

*Thales.*

Thales Mileſiuſ interrogatuſ, Quo pacto quiſ optime iuſtiſſimeque viueret? Si, inquit, quæ in aliis reprehēdit, ea ne faciat ipſe. In alienis enim erratiſ perſpicaceſ ſumus, ad ſua quiſque luſcioſuſ eſt. Laert. l. i. c. i.

*Pythagoras.*

\* Dicebat peregrinuſ virum iuſtuſ, non modo ciue, ſed etiam conſanguineo maioris eſſe faciendū. Stobæ. ſerm. 9.

*Biaſ.*

Damnaturuſ quēpiā ad mortem, lachrymatur eſt miſeriam hominiſ, & meritō deplorandā fortunā. Verū cū dixiſſet quidam, Quid eſt, quod deſſeas, cū in tuo ſit arbitrio, condemnare aut liberare hominem? reſpondit Biaſ: Neceſſariuſ quidem eſſe, naturæ condolare: à lege autem & iuſtitia regula diſcedere, magiſ pernicioſuſ eſt. Stob. ſer. 44.

*Zeno.*

Cū ex eo quidam familiarium quærerent, quā poſſent ratione iuſtitiam colere, nihilque iniuriæ facere: Si ſemper, inquit, me vobis adeſſe exiſtimabitiſ. Max. ſer. 5.

*Aniſthenes.*

Negabat ſapiētem virum obſtrictum

stum esse legibus ab hominibus promulgatis: Intellexit vir prudentissimus, sapientem obligatum esse virtuti, iuxta cuius normam vitam instituit. Leges enim non omnia præscribunt; sed ipsa ratio docet quid turpe quidque honestum, & virtutis regula ubiq; ostendit, quid viris bonis agendum sit. Laert. lib. 6.

*Idem.*

Frequenter dicere solebat, virum iustum pluris faciendum, quàm cognatum. Arctiora enim sunt vincula virtutis, quàm sanguinis. Et omnis bonus bono proximo cognatus est, propter animorum similitudinē. Laert. l. 6. c. 1.

*Idem.*

Aiebat homines virtute præditos sibi parare defensores non fortes tantum, sed etiam æquos & iustos. Nolumus enim defendi, si contra iustitiz leges aliquid admittant. Eras. Rot. lib. 7. apoph.

*Democritus.*

"Bonum est (dicebat) non iniuriam non facere, sed non velle quidem. Stob. ser. 9.

*Aristides.*

Quendam reum egerat, at cùm iudices post Aristidis accusationem nolent audire reum, sed protinus ad suffragia, quibus eum damnaturi erant, properarent; Aristides supplex pro reo intercessit apud iudices, ut eum iuxta legum præscripta diligenter audirent. Tanta erat in viro legum æquique observantia. Plut. in vita Aristid.

*Idem.*

Interrogatus, quid iustum esset? Aliena non concupiscere, respondit. Stob. ser. 9. Phauorinus 14.

*Idem.*

Cùm Athenienses eò deuenissent, ut Aristidem ostracismo (id erat damnationis genus, quod testulis peragebatur) in exilium agerent, ac rusticus

quidam illiteratus testulam ad eum deferens iussisset, ut Aristidis nomen inscriberet? Nostine, inquit Aristides, Aristidem? Cùm ille negasset se nosse, molestè tamē ferret, quod iustus cognomine diceretur: siluit Aristides, & nomen suum inscripsit testulæ, ac reddidit. Tam leni animo ferebat iniustam damnationem. Grauißimum autem vitæ innocenter actæ testimonium est, è tanta multitudine neminē extitisse, qui aliud obiiceret, quàm iusti cognomen, quod ipse tamen sibi non imposuerat. Plut. in Aristide.

*Pericles.*

Ab amico rogatus, ut pro re causâq; eius falsum peieraret: respondit, Oportet me amicis accommodare, sed vsq; ad aras. Gell. l. 1. c. 3. Plut. & Eras. in proverbio, Vsq; ad aras amicus,

*Plato.*

Eam scientiam quæ à iustitia remota est, calliditatem, potius quàm sapientiam appellandâ, dicere solebat. Cic. lib. 1. Officiorum. Stob. ser. 9.

*Philemon.*

Eum virum iustum esse pronuntiabat, non qui iniurius non esset, sed qui cùm esse possit, ne sit cauti: neque qui parua nō accipit, sed qui magnis cùm potest, abstinet: neque qui omnia hæc seruauerit, sed qui incorrupta legitimâq; natura iustus esse manuit, quàm videri. Phauorinus.

*Phocion.*

Ab Antipatro rogatus, ut nescio quid iniusti faceret: Non potes, inquit, simul me amico & adularore uti, Amicus enim eo vsq; obsecundat amico, quousq; iustitia & æquitas patitur. Plut. in apoph.

*Demosthenes.*

Eos homines in primis laude dignos pronuntiavit, qui nullam anteponerent iustitiz utilitatem. Pecuniæ enim quisque possidere potest, ac iustitiz

iustitiæ gloria pecuniis non emitur. Phavorinus. Verùm Stobæus id Iſocrati ascribit.

*Iason Theſſ.*

Celebratur Iasonis Theſſali dictum quo se purgare solebat iis quib. molestiam aut vim attulisset: Qui magnis in rebus se iustitiæ cultorem haberi velit, cum in parvis interdum illam violare oportet. Velut in bello, quò tuta sit respublica, agri aut ædificia quorundam civium interdum perduntur. Eras. l. 6. apoph.

*Agis.*

Suprà tit. de Conscientia bona.

*Acrotatus.*

Parentibus postulantibus vt sibi in re quapiã iniusta adesset, recusavit illis aliquandiu. Ceterum cum instaret, hunc in modum respondit: Donec essem apud vos, nullam omnino tenebam iustitiæ scientiam: verùm vbi me patriæ tradidistis, patriæq; legibus, insuper & iustitiam & honestatem pro viribus docuistis, conabor huic magis obtemperare quàm vobis. & quandoquidem hæc est vestra voluntas, vt quæ sunt optima faciam, optima vero sunt, quæ iusta sunt, cum homini privato, tum præcipuè principatum gerenti: quæ vultis faciam, quæ dicis negabo. Plut. in Lacon.

*Agis.*

Quibusdã Eleos hoc nomine prædicantibus, quòd in certaminibus Olympiacis essent iusti iudices: Quid, inquit Agis, magni mirive faciunt, si intra quinque annos vno tantum die se iustos præstant? Pergentibus autem laudare qui ceperant: quasi verò, inquit, mirum sit, si re pulchra, nimirum iustitia pulchre vtuntur. Non putabat vir sapientissimus, in eum competere iustitiæ laudem, nisi qui per omnẽ vitam in omnibus actionibus iustitiam coleret, nam Iudi Olympiaci semel tã-

tum intra quinquenniũ celebrabantur. Plut. in Lacon.

*Ageſilaus.*

Seiscitatus, Vtra virtus esset præstãtior, fortitudo an iustitia? graviter respondit: Fortitudinis nullum esse vsum, nisi adsit iustitia. Quòd si omnes essent iusti, nihil opus fore fortitudine. Quo responso nihil præter æquum faciendum vbiq; putavit. Plut. in Lacon. apoph. Stob. l. 1. m. 7.

*Idem.*

Cum cæteris in rebus esset rigidior, & exactè iusti legumque tenax: tamẽ in amicorum negotiis existimabat, inhumanitatis ac scuritæ prætextum esse, nimium aduersus illos esse iustũ. Huius rei testis est epistola quædam perbrevis, quæ fertur ad Hidirum Carem scripta, qua quidam amico veniam deprecatur in hunc modum: Nicias si nihil peccat, dimitte hominem: si peccat, mihi dimitte, sed omnino dimitte. Innocentem punire, scelus est: culpam interdum condonare in gratiam honesti deprecatoris, humanitas est. Cum enim iustitiam semper oporteat esse clementia temperatam, quoties nacta est grauem interpellatorem, & minus habet inuidiæ, & plus impetrat gratiæ. In plerisque igitur amicorum negotiis ad eum modũ se gerebat Ageſilaus: interdum tamen magis sequebatur reipub. vtilitatem per occasionem oblatam, quàm indulgebat amicitia. Plut. in Lacon. apoph.

*Idem.*

Cum adortus quidam eum esset, qui cupiebat vt suis eum literis apud Asiaticos cõmendaret, respondit: Non opus est vt à me literas accipias, quoniam hospites, quæ iusta sunt, sponte faciunt in Asia. Ibidem.

*Idem.*

Cum à quodam diceretur, Decet reges præstare, quicquid capire annuerint;

A a



nuerint: Nihil magis, inquit, quā eos qui reges adēūt, decet ea petere & loqui quæ iusta sunt Plut. in Lac. apoph.

*Idem.*

Cūm vrgeretur improbē à quodam, vt promissum præstaret, atque idem crebrō repeteretur, quasi fas non esset negare: Rectē sanē, inquit. Si quidem iustum est, faciam: sin minus, nequaquam faciam, non enim promisi, sed dixi. Plut. in Lacon.

*Callicratidas.*

A Lysandri amicis sollicitatus, vt vnum quendam ex inimicorum numero permitteret ipsi interficere, & accipere talenta quinquaginta. Tametsi pecunia egeret, vt solueret nautis promissum stipendium: non tamen hoc fieri concessit, cūm videret contra omnem hoc esse iustitiam. At cūm Cleander regius consiliarius dixisset, Ego profectō hoc accepissem, si fuisset Callicratidas: Et ego, inquit Callicratidas, accepissem, si fuisset Cleander. *Idem.*

*Leo Eurycratidis F.*

Cuidam percontanti, in qua demū ciuitatē tutō viuere posset? In ea, ait, quam qui incolunt, neque plus possident, neque minus: & vbi iustitia viget. Grauit̃ admonuit, eam ciuitatē tutō habitari posse, in qua iustitiæ cura habetur. Plut. in Lacon.

*Idem.*

Cūm videret in Olympiis cursores sollicitos de emissionē, vt aliquid lucri haberēt ad occupandā victoriā: Quāto maior est, inquit, cura cursorib. de celeritate, quā de iustitia? Vir integre mentis etiam in ludis volebat haberi rationē iustitiæ, nec tantū agēdū vt prior quis ad metam pertingeret, sed vt iustē vinceret. *Ibidem.*

*Leonidas.*

Xerxes Leonidæ scripserat: si definas cum diis bellare, & meis te copiis

adiunxeris. potes fieri Græciæ monarcha. Huic ita respondit Leonides: Si nosset quæ in vita mortaliū essent iusta & honesta, abstinuisset iādū à concupiscendis rebus alienis. Ego malim potius pro Græcia mori: quā cōtra iustitiæ leges in populares meos tenere monarchiam. Plut. in Lacon.

*Agēsiopolis.*

Quum quidam Agēsiopoli dixisset, ipsum, licet rex esset, cum æqualibus fuisse obsidem, non liberos aut vxores eorum: velut hoc esset regi dedecorosum, dari in manus ac ius aliorum quum alij reges soleant vxorem ac liberos pro se dare obsides. Et quidem iure, inquit, optimo: par est enim, vt nos nostra ipsorum feramus errata. Subindicans, si quid calamitatis acciderit in bello, aut in Republica, regū vitio accidere: eoque iustum esse, vt hi potissimum puniantur, per quos venit calamitas. Cæterū, morem iniquum esse, quo receptum est, vt coniuges ac liberi qui nihil commeruerint, dedantur obsides. *Idem.*

*Cleon.*

Postquam reipub. administrationē capessere destinasset, testatus est, se iam omnium amicitiarum vincula vellet soluere, quod amici plerunque obstant, ne liceat vbiq. rectum tenere clauum. Erasl. 6. apoph. ex Plut.

*Anaxandridas.*

Cuidam ab ipso sciscitanti, cur seniores in Lacedæmoniorum republ. plures dies sumerent ad cognoscendum in causis capitalibus: & si quis fuerit absolutus, nihilominus obnoxius sit legi? Ideo, inquit, hoc faciunt, quoniam si in capitis discrimine fortē errauerint, non est corrigendi consilij potestas, oportet autem à causa liberatum, obnoxium manere legibus: quod fieri potest, vt secundum eandem legē liceat aliquid rectius de reo statuere,

ut ubiq; in suo vigore maneat iustitia. Plut. in Lacon. *nogeta. A. pulchritudine.*

Cum Satibarzanes Artaxerxis regis cubicularius, quiddam minus iustum a rege peteret, sentietque illum Artaxerxes hoc facere sollicitatum triginta Daricorum millibus, quæ stori ætarij sui mandavit, ut Daricorum triginta millia ad se deferret, & allata ea dedit Satibarzani, dicens: Accipe, nā hæc tibi cum dederō, non ero pauperior: iniustior autem forturus, si illa quæ petebas, nunc dedissem. Commentus est rex egregius, ut nec amicum contristaret, nec à iustitia deflecteret. Plut. in apoph.

*Antigonus.*

Infra de Regno & regibus.

*Q. Scenola.*

Quum postulasset ut fundus, cuius emptor erat, sibi semel adiudicaretur, idque fecisset venditor, dixit se pluris estimare, & adiecit pretio centū millia. Exemplum integritatis, vix hoc seculo credibile. Eras. li. 6. apoph.

*M. Cato.*

Magistratum iudicem dicebat: nec pro iustis orandum, nec pro iniustis exorandum. Sensit, culpam esse iudicum, si ut iustis æqui sint, orandi sunt, quum oporteat ultro favere bonis. Pro iniustis orare, fortassis humanitatis est: at exorari, est à iustitia deflectentis. Plut. in Rom. apoph.

*Idem.*

Cum partes in conviviis fortirentur, nec illi fauisset fors, amicis hortantibus ut primus omnium caperet: Non decet, inquit, invita Venere. Tam natura iustus erat, ut contra sortem amicorum favore noluerit uti. Plut. in eius vita.

*P. Rutilius.*

P. Rutilius amico cuidam rem iniustam petenti, pernegabat, quumque

is commotus per summam indignationem dicebat: Quid ergo mihi opus est tua amicitia, si quæ abs te rogo, non facis? Imo, inquit Rutilius, quid mihi opus est tua amicitia, si me virgere cupis, ut in iustitiam leges tua causa peccem? Eras. Ro. li. 8. apoph.

*Pompeius.*  
Phraati Parthorum regi per legatos postulanti, ut Euphratem, Romanæ ditionis terminum esse vellent: Imo, inquit, illud magis postulandum est, ut Romanorū fines a Parthorum regno iustitia dirimat. Plut. in Rom. apoph.

*Idem.*

Quum composito Siciliae tumultu, ac civitatibus quæ defecerant placidè receptis, soli Mamertini postularent audiri, recitantes leges quasdam ipsis olim à Romanis concessas: Non desinetis, inquit, nobis accendi gladij recitare leges? Significans, iure agere volentibus non opus esse armis. Plutar.

*Libertus Episcopus.*

Respondit Constantio imperatori, suadenti ut subscriberet in excommunicationem Athanasij: O Imperator, iudicia ecclesiastica decet cum maxima proferri iustitia. Triparti. hist. l. 5. cap. 17.

*Traianus.*

Traianus imperator iustitiam & æquitatem in principe plurimum commendare solebat: qui his potissimum virtutibus principes ceteros homines excellere debere dictabat, quorum & ipse, dum Rom. gubernaret imperium, studiosus aded fuisse fertur, ut aliquandoensem strictum præfecto vrbis in conspectu omnium dederit, atq; dixerit: Cape ferrum hoc, & siquidem rectè imperium gesserō, pro me finaliter, contra me hoc utere. Nicæphor. Callist. libr. 3. Ecclesiast. hist. cap. 23.

A a 2

Hadrianus.

*Hadrianus.*

Cum in spectaculo populus clamore flagiraret, ut aurigam, qui placuerat, liberum esse iuberet: per tabellam respondit, iniquum esse quod peteret, & contra leges iustitię. Si enim feruū alienum libertate donaret, fieret iniuria domino. Ex Dione Cassio, & Spartiano.

*Fridericus imperator.*

Cum Ladislaum Hungarię ac Bohemię regem educaret, non defuerūt qui perdendum suaderent puerum, cuius vita ingentes molestias Cæsari, mors regna & opes maximas allatura esset. Ad quos ille: Ergo me, inquit, opulentum magis regem, quam pium, quam iustum cupitis. At ego iusticiam bonumque nomen diuitiis cunctisque rebus antepono. Æneas Syl. li. 3. commentar. in res gestas Alphonsi.

*Rodolphus.*

Ad Rodolphum imperatorem cum quidam venisset, qui Othaccarum Bohemię regem, atrocem hostem, in venatione se occisurum promisteret, si factus præmium esset: Rodolphus, Etsi noster hostis est Othaccarus, inquit, nō tamen id efficiet, ut iustitię & moderationis fines transcamus. Æneas Syluius l. 3. Commentariorum de reb. gest. Alphonsi.

*Ioannes imper.*

Inter Ioannem Caroli quarti eius nominis patrem, & Henricum Carinthię ducem, de regno Bohemię longa & difficilis fuit contentio. Verum, cum quidam ad Ioannem veniens, veneno se hostem occisurum promitteret, si præmium speraret: Iohannes iustitię & integritatis amator, Si me nescio Henricum, inquit, interemisses, & ad me fugā adornasses, crux tibi præmium futurum erat, qui te regio sanguine commaculasses: & tu me modò auctorem tanti sceleris petis? Idem.

*Alphonfus.*

Alphonfus Aragonum rex, eos principes qui iusticiam non colerent, perfimiles sibi videri dicebat iis, qui morbo caderent comitali. Nam cum animę materia sit sola iustitia, quæ tenditur ad virtutem: quid restat principibus, sublata iustitia quæ est virtutis quasi nutrimentum & cibus? Anto. Panorm. de rebus gestis Alphonsi, & Æneas Syl. de eius dictis.

*Idem*

Cum Stephanus eques Neapolitanus poculo amatorio insanisset, teneretque oppida & nonnulla regia officia ab Alphonso Aragonum rege tradita, fuerunt qui ab Alphonso illa bona postularent: absurdum esse dicentes, a demente huiusmodi bona possideri. Quibus rex respondit, Sibi inhumanissimum videri, iis se etiam substantiam auferre, quibus fors mentem & cerebrum abstulisset. Innuit autem calamitatem non esse adiungendam calamitati. Ibidem lib. 4.

## De iuuenib. & iuuentute.

*Democritus.*

\* Robur & pulchritudinem iuuentutis bonum esse, ut senectutis prudentię florem esse dicebat. Max. serm. de senect. & iuuentute.

*Simonides.*

\* Dicebat hominem, quandiu vivit iuuenis & vegetus, animo leui esse præditum, multa irrita cogitare, neque senectutem sibi assuturam, neque mortem expectare, indulgere otio, nec intelligere quàm breue sit iuuentutis ac viri tempus datum hominibus. Stob. ser. 96. ut paucis omnia, iuuenis ab Horatio descriptus est, Inuidus, iracundus, iners, vinosus, amator.

*Erastosthenes.*

\* Iuuentutem verè comparabar, declinantem

elinantem ætati & autumno, senectū  
hyemi. Stob. ser. 113.

*Iulius Philoſophus.*

\* Iuueni multa eximia dona tum in  
anima tum in corpore Deum contu-  
liſſe dicebat, quæ ſemper augentur,  
nempe magnitudinem, robur, formam  
gratiam refulgentem, mentem con-  
firmatam, prudentiam & orationem  
animi bonorum nunciam. Multa ex  
artibus & ſcientiis lucratur. Quod ſi  
infortunium aliquod ei inferat mor-  
bus, aut paupertas, aut ignominia, ſin-  
gula perferre poteſt: & tanquam bo-  
nus athleta quemuis caſum ſuperat.  
Stob. eod. ſer.

*Solon.*

\* Lege ſanxit, ne quis admodum iu-  
uenis ad magistratum aut cōſultatio-  
nes admitteretur, quamuis prudentiſ-  
ſimus eſſet viſus. Stob. ſer. 112.

*Plutarchus.*

\* Iuuenes hortabatur, vt hæc tria  
habere curarent: in animo temperan-  
tiam, in lingua ſilentium, in ore pu-  
dorem. Anton. ſer. de iuuenibus virtu-  
te præditis.

*Idem.*

\* Decet iuuenes (inquit) æmulari  
ſeniores, vt lactens pullus equæ cur-  
ſum comitatur, & vt Plato dicebat de  
mero aquæ miſcendo, furentem à ſo-  
brio temperari. Stob. ſer. 113.

*Ariſtoteles.*

\* Laudabiliorem & magis neceſſa-  
riam temperantiam in iuuenibus quā  
ſenibus eſſe dicebat. Nam iuuenes  
plus quā ſenes cupiditatibus tētan-  
tur. 13. Topicorum: & 13. Ethicorum.

*Athenienſes.*

Scitu digniſſimum eſt iuramentum  
quod Ephebi Athenienſi reipublicæ  
præſtare ſolebant: His verbis autem  
fuit conceptum. Non ignominia affi-  
ciam arma ſacra, neque deſeram me-  
um commilitonem, quo cum iniunc-

tus ſuero. Dimicabo pro aris & focis,  
& ſolus & cum multis. Patriam non  
derelinquam in deteriori ſtatu, ſed  
ampliori melioriſq; quā accepere.  
Semper magiſtratu præſecto pruden-  
ter obediā, & legibus conſtitutis pare-  
bo, atque aliis quibuſcunque plebiſci-  
tis. Quod ſi quis leges vel irritas face-  
re, vel eis non obtemperare velit, non  
concedam: ſed vleiſcar & ſolus & cum  
pluribus. Sacra quoque patria colam.  
Horum dii mihi teſtes, & conſcij ſun-  
to. Stob. ſer. 41. de Repub.



## DE LABORE.

DEMOCRITVS.



ICEBAT, omnes labores  
otio iucundiores eſſe, quan-  
do illa conſequentur ho-  
mines quorum gratia labo-  
rant, aut conſecuturos ſe ſciunt. Fru-  
ſtrationi verò, cū ſpei non respon-  
det euentus, vnum eſt remedium, ſi  
omnia reliqua ſimiliter aruminoſa ſint  
& laborioſa. Stob. ſer. 29.

*Idem.*

\* Voluntarios labores in volunta-  
riorum patientiam leuiorem efficere,  
& laborem continuum conſuetudine  
ſieri ſe ipſo leuiorem dicebat. Stobzus  
ſerm. eod.

*Idem.*

Idem cū interrogaretur à quo-  
dam, quomodo laborioſi ac induſtrij  
diſſerent à deſidioſis: Quo, inquit,  
impij à piis: ſpe nimirum bona. Spe-  
rant quippe, qui corpus laboribus ex-  
ercent, pingua laborum præmia, de-  
ſides autem ſemper præſentem intue-  
ntur paupertatem. Max. ſer. 32.

*Idem.*

Adoleſcentem conſpicatus induſtri-



um, optimum, inquit, senectuti conditum obsonium. Sensit fructum laborum senectutis esse sulcimentum & obsonium: quo si destituantur homines, quis negarit miseram senem esse conditorem? Max. serm. 32.

*Pythagoras.*

\* Familiares suos hortabatur, ut optimum viuendi genus sibi deligerent, quamuis enim laboriosissimum esset, consuetudine tamen fore iucundum. Stob. ser. 30.

*Cleantes.*

Suam vitam diuitum vitæ solebat hoc nomine præferre: Dum illi, inquit, pila ludunt, ego fodiens duram humum, exerceo. Sensit vir sapientissimus, hominem non ad otium & desidiam, sed ad laborem à Deo conditum esse. Laert. lib. 7. cap. 11.

*Idem.*

Cum audisset à Lacone quodam probari laborem, delectatus eo dicto, subiecit hemistichium Homericum.

*Αἴστωρ εἰς ἑξαδίκαν φίλον τῖνον. id est, Sanguine præclaro factus es, carissime fili.*  
Laert. lib. 7. cap. 1.

*Diogenes.*

Cum Philippus Alexandri Magni pater expeditionem & bellum in Corinthum apparare diceretur, Corinthij trepidi, rerumque suarum satagentes, ad opera certatim incumbere coeperunt, hic arma sibi comparabat, ille lapides congerebat, alius muros in altitudinem substruebat, nonnulli propugnacula firmabant, alij aliud agebant quod ad munitiones pertineret. Eorum itaque studium Diogenes cum cerneret, nihil habens aliud commodius quod ageret, exemplo philosophico, pallio succinctus dolium suum subuoluere, & hinc inde vertere coepit. Admirante autem quodam eius amico, ac percontante cur hoc ageret? respondit Diogenes, Ideo vol-

uo, ne vnus inter tot operi intentissimos cessator esse videar. Guido Birus. tit. de Desidia.

*Idem.*

\* Nullum bonum dicebat esse laborem, cuius finis non esset magnanimitas, & intentio firmisq; animæ, non autem corporis. Stob. ser. 7.

*Idem.*

Cuidam admonenti, ut iam senex quiesceret à laboribus: Quid, inquit, si in stadio currerem, vtrum oporteret iam metæ vicinum cursum remittere, an magis intendere? Rectè sensit, vir totis studium hoc magis intendendum, quo minus superest vitæ: quod turpe sit, tum ab honesta instituto refrigescere. Laert. lib. 8.

*Socrates.*

Cuidam cupienti quidem ire ad Olympiam, sed iuuenis labore deterritor: Cum, inquit, domi sæpenumero tori prope diem ambules, ante prandium, rursus ante cenam, si domesticas ambulationes proferas ad quinque sexve dies, facillè peruenies Olympiā. Docuit vir ingeniosus, id quod terret in adundis laborib. imaginationem esse potius, quam ipsum laborem. Si quid honestæ rei gratia periculi, dispendij, aut laboris suscipiendum est, excusamus, detrectamus, horremus: cum frequenter vltro in rebus nihili (non enim dicā turpibus) plus impendamus. Ita quidā inuitati ad studia literarum, excusant valetudinē, insomnium, impendia librorum: cum interim totam noctem ludant alea, potatione contrahant febrim, podagram, hydropem & lipptidinem, scortatione paralytim, aut scabiem nouam, quam Gallicam appellant. Erat. Rot. lib. 3. apoph.

*Idem.*

\* Tantum laboris quantum animus libenter suscipit exequendum esse dicebat. Xen. l. 1. de. dict. & factis eiusd.

*Idem.*

*Idem.*

Afferbat, operari esse utile ac bonum homini: otium verò esse damnosum ac malum: Xenoph. & Stobæus serm. 27.

*Idem.*

Præterea boni quippiam facientes, operari dicebat, & opifices bonos esse: aleatores autem aliudve quippiam prauum & noxium agentes, otiosos nominabat. Xenophon, & Stobæus serm. 27.

*Idem.*

\*Dicebat, quemadmodum nec mulier sine viro, sic nec bona spes absque labore quicquam parit. Stobæus serm. 108.

*Pythagoras.*

Familiares suos hortabatur, ut optimum viuendi genus sibi deligerent. Quamuis enim laboriosissimum esset, consuetudine tamen iucundum fore. Stob. ser. 27.

*Aristoteles.*

Frequenter dicere solebat, artium radices fatis quidem esse amaras, sed dulcissimum adferre fructum. Sensit vir sapientissimus, nihil absque duro labore ab homine parari posse, attamē postquā requies sequitur, homo multis refocillatur bonis. Dicitum philosophi extrat apud Laert. lib. 5. cap. 5.

*Ptolemæus sophista.*

Heraclides scripserat libellum, cui titulum indiderat *πρὸς ἰσχυρίαν*, id est laboris laudario. Eum cum Ptolemæus sophista fortè obuius, videret habentem præ manibus, rogabat, quid moliretur? Cum ille respondisset, *πρὸς ἰσχυρίαν*: Ptolemæus accepto codice, deleuit, & adiecit, Tempus est ut legastitulum encomij, reperitque scriptum *πρὸς ἰσχυρίαν*. Ptolemæus huc alius, quod si labor meretur laudem, eadem opera laudandus esset asinus, animal labori natum, Philost. in sophist.

*Dion sophista.*

\*Animi & corporis remissiones ad nouos labores nos præparare dicebat: & ut arcus & lyra, sic homines quiete vigerent. Stob. ser. 60.

*Lacones.*

Apud Lacones prouerbio celebratum est, Admora manu fortunam esse inuocandam, quo significabant, sic esse inuocandos deos, ut simul & manū apponamus & nostram addamus operam, alioqui frustra inuocari. Vanum est, numini acceptum ferri oportere, si quid in actionibus hominum prosperè cedit, sed non fauet numen otiosis ac pigris. Vult sua munera ad nos per nostram venire industriam, ne stultum videatur, si faueat ipsius dona cōtemnentibus. Plur. in Lacon.

*Anonymus.*

Dionysius emptum Spartanum cocum, parare iussit Laconicum iusculum, paratum autem non comedit: sed ininterrogauit, quidnam eius delectaret Lacones, cum insuauissimum esset? Tum cocus, hoc iusculum non habere condimenta illa dicebat, quod Laconicum habet. Interrogauit Dionysius, quænam essent illa? respondit cocus: Huiusmodi condimenta apud re non sunt ante cibum, nempe labores, sudores & balneum in Eurota flumine. Stob. serm. 27.

*Apelles.*

Apelles nunquam tam occupatus fuit, ut diem prætermitteret, in quo nihil omnino pingeret, artem exercens. Vnde subducens sese à negotiis, dicere solebat, Hodie nullam lineam duxi. Quæ vox abiit in prouerbium, de quo uis officio prætermisso. Plin. lib. 10. cap. 35.

*Musonius.*

\*Ducis bellici & priuati hominis corpora dicebat iisdem laboribus non semel affici. Honos enim, inquit labores

res duci leuiiores efficit, præsertim quòd intelligit in hominum esse oculis quicquid exequitur. Stob. ser. 46:

*C. Furius.*

Suprà de Inuidia, quæ felicitatis & virtutis comes est.

*Pompeius.*

Lucius Lucullus cùm post obitæ militiæ munia, otio se & voluptatibus dedisset, ac Pompeium, quòd multis se implicaret negotiis, reprehenderet: Magis, inquit Pompeius, præter ætatem est senem deliciis vacare, & otio, quàm imperium gerere. Grauitè taxans illorum sententiam, qui putant senibus nihil agendum: quum deconuulsi sit, Remp. gubernantem: vel stantem mori. Otium enim, vt in iuuenibus stultitia est: ita profectò in senibus crimen. Plut. in apoph.

*Papyrius.*

A Papyrio Cursore, viro impigro, equites ausi sunt petere, vt pro re bene gesta relaxaret aliquid laboris. Quibus ille: Ne nihil, inquit, remissum dicatis, remitto, ne utiq; dorsum demulceatis, quum ex equis descenderitis. Hoc non erat remittere laborem, sed equo curando aliquid adimere. Nisi fortè sensit, quosdam milites delicatiores, post equitandi laborem iubere solitos sibi defricari tergum. Hoc operæ Papyrius suis remisit. Eras. lib. 6. apoph.

*Seuerus Imp.*

Seuerus imp. symbolũ tribuno dari iussit, Laboremus: Pertinax ad imperium ascitus dederat, Militemus. Illi placuit belli omen, huic pacis. Sublato namque bello, reditur ad agricolationem & opificia. Otium in pace delicias alit, & omne flagitiorũ genus. *Ælius Spart.*

*Vespasianus.*

Vespasianus quum vehementer augetetur vitiatis intestinis, nihilo feci-

us imperatoris muneribus fungebatur, adeò vt lecto decumbens audiret legationes: & amicis hortantibus vt sibi parceret, respondit, Imperatorem stantem mori oportere. Sueton.

*Hadrianus.*

Florus hos versiculos scripserat in Cæsarem Hadrianum,

*Ego nolo Cæsar esse,*

*Ambulare per Britannias,*

*Scythias pati pruinas.*

Cui Cæsar respondit,

*Ego nolo Florus esse,*

*Ambulare per tabernas,*

*Latusse per popinas,*

*Calices pati reuendos.*

Sentens, se honestas occupationes præferre inutili turpique otio. Suetonius in vita Hadriani.

*Probus imperat.*

Non patiebatur militem esse otiosum, sed multa opera militari manu perfecit, dicens, Annonam gratuitam militem comedere non debere. Flavius Vopiscus.

*Maximinus.*

Suprà tit. de Industria.

*Alphonfus.*

Cùm reprehenderetur à Mattheo Siculo, eximie sanctitatis viro, quòd propriis manibus laborasset: Subridens, Nunquid, inquit, Deus & natura nequicquam regibus manus dederunt? Panor. l. 2. de reb. gest. Alphonfi.

*Idem.*

Senex quidam multo vino repletus, cùm suam apud Alphonsum ebrietatem excusare conareretur dicendo: lac senum esse vinum, respondit, Sed regibus est honos, quem dii immortales non otio aut luxu, sed improbis laboribus, multisque sudoribus hominibus vendunt. Panor. mit. lib. de rebus gest. Alphonfi.

*Dorotheus monachus.*

Quotidie lapides ad mare colligebat,

bar, annuatimque fabricabat hospitium pro xgrotis. Huic laboranti quidam dixit: Cur ita conficis corpus tuum? cui ille: Quia me, inquit, illud occidit. Sozomenus in Tripart. historia, lib. 8. cap. 1.

*Vide apoph. de Assiduitate.*

## De lasciuia.

*Pericles.*

Postquam cum Sophocle poeta nauigasset, ac Sophocles conspecto formoso puero dixisset, En quam speciosus puer! Decet, inquit, o Sophocles, pretorem non tantum manus, sed linguam etiam habere continentem. Sensit vir prudentissimus, non turpe tantum esse, si reipsa ab omni lasciuia facti abstinemus, verum etiam si impudice & lasciuie de rebus loquamur. Plur.

*Hieron.*

Epicharmo comico poetæ, quod præsentem ipsius vxore dixisset quidam inhonestum, multam dixit. Epicharmus Siculus erat, iuxta regionis naturam plurimi ioci. At rex tantum iudicauit esse tribuendum reuerentiæ coniugio, ut crimen existimaret, audiente vxore iocari lasciuus. Plutarch. in apoph.

*Vide apoph. de Impudicitia, Libidine & Impudencia.*

## De latrocinio.

*Probus Imp.*

Quum multa barbarorum loca purgasset latrocinis, ubi peruenisset ad itauros, dixit, ab illis locis facilis atceri latrocinia, quam tolli. Sentiens, esse dandam operam, ne latronibus illuc esset aditus, ne uenues latrocinari discerent. Itaque loca omnia quæ angustum haberent aditum, veteranis concessit: addens, ut eorum filij

ab anno decimo octauo ad militiam mitterentur, ne ante latrocinari discerent, quam militari. Hoc tum recte Probus, quum multum interesset inter militiam & latrocinium, nunc frivolum est. Vopiscus.

## De laude, virtutis stimulo.

*Anaximenes.*

Dicebat, si ij qui bono zelo ducti, bene recteque hominum facta nulla omnino laude digna putant, quem quæso fructum & utilitatem ipsi ex suis egregie factis sperare audebunt? Stobæus.

*Democritus.*

\* Recte facta collaudare, honestum esse dicebat: mala verò laudibus vertere, adulterini ac impostoris animi esse indicium. Stob. ser. 14.

*Lycurgus.*

Fortè obuius Xenocrati, qui à Telone oborto collo pertrahebatur in metæcium, quo in loco carcer erat Athenis, fustem impegit in caput Teloni, ac Xenocratem quidem liberauit, Telonem verò, tanquam indigna patrantem, in carcerem coniecit. Id Lycurgi factum ab omnibus collaudabatur. Itaque post aliquot dies Xenocrates factus obuiam Lycurgi liberis: Cito, inquit, o puer, retuli gratiam patri tuo, qui vulgò laudatur, quod in re difficili tulerit auxilium. Sentiens laudē esse præmium recte factorum. Fuste enim illi patrocinatus est, non oratione. Nimirum hoc est, *βονδὸν οὐκ ἔμελλεν*. Eracl. lib. 8. apoph.

*Socrates.*

\* Thus diis, inquiebat, Laus verò bonis viris tribuenda est. Item, Defendendi sunt, qui immerentes accusantur iniuriarum: laude ornandi, qui ob bonum aliquod cæteris præstant excellentique. Stob. ser. 1.

*Anaxan-*



*Anaxandridas.*

Quidam quum dixisset, gloriam ac celebre nomen nocere, eoque felicem esse qui illud effugerit: Ergo (inquit Anaxandridas) si vera loqueris, qui nefaria perperrant, felices erunt. Nam qui fieri potest, ut qui sacrilegiū committit, aut aliud iniustum facinus perpetrat, gloriæ curam habeat? Norauit eos, qui sic contemnunt laudem, ut interim per ignauiam nihil gerant laudabile: quum eximiam virtutem honesta fama comitetur vltro, ac generosis animis amor laudum veluti stimulus ad præclara facinora sit innatus. Plut.

*Pescennius Niger.*

Cum Pescennio Nigro imperatori creato, quidam panegyricum recitare vellet, Imperator dixisse fertur, Scribe laudes Marij, vel Hannibalis, vel alius ducis optimi vita functi, & dic quid ille fecerit, ut eum nos imitemur. Nam viuentes laudare irrisio est, maxime Imperatores: à quibus speratur, qui timentur, qui præstare publicè possunt, qui possunt necare, qui proscribere: se autem viuum placere velle, mortuum etiam laudari, Æl. Spart.

*Anonymus.*

Dignus erat nominari, qui de quodam illaudato veluti laudans dixit: Quid huic abest, nisi res & virtus? Similis iocus hodie apud Gallos vulgarissimus fertur, quum aiunt: Sum totus tuus, excepto corpore & bonis. Eras. 6. apoph.

## De laudis cupiditate.

*Socrates.*

**E**xpedita & compendiarie via eos ad gloriam peruenire dicebat, qui id agerent, ut quales videri vellent, tales etiam essent. Qua quidem prædicatione apertè monebat, ut homines

ipsam potius virtutem haurirent, quæ vmbra eius sectarentur. Valer. Max. lib. 7. cap. 3.

*Themistocles.*

Theatrum petens, cum ex eo quidam percontaretur, cuius vocem libentius audiret? Eius, ait, à quo sua virtus prædicaretur. Brus. lib. 3. cap. 36. ex Plut.

*Eudamidas.*

Interrogatus, quam ob causam Lacedæmonij, priusquam irent in prælium, Musis immolarent, cum Musis nihil videretur cum Marte esse commercij? Ut rebus, inquit, fortiter gestis, contingat honesta commemoratio. Bene gerendæ rei laudem sibi tribuebant: ut autem egregia gesta splendidis verbis celebrarentur, hoc à Musis eloquentiæ præsidibus petendum iudicarent, eod quod ipsi negligerent eloquentiæ studium. Simul admonebat, non expetendam honorificam memoriam, nisi rectè factis promeritam. Plutarchus in Lacon.

*Alexinus sophista.*

Inter ambulandum multa mala dixit in Stilponem Megarensē. Cæterum ubi quispiam eorum, qui aderant, dixisset, Atqui ille te nuper laudauit: Per loquem, inquit, vir optimus est, ac præstantissimus. Tam facile ex obrectatore factus est laudator, non ob aliud, nisi quod ab eo laudatus esset. Eras. lib. 6. apoph. ex Plut.

*Alexander.*

In Phrygiam vectus, Achilles sepulchrum nactus, coronis ornauit, felicemque Achillem vocauit, quod vino quidem tam fidum amicum, mortuo autem tam magnum contigerit habuisse præconem, Homerum scilicet. Brus. sonius lib. 3. cap. 36. ex Plut.

*Vespasianus.*

Vespasianus imperator triumpho die defatigatus tarditate & tædio pompæ, non reticuit: meritò se plecti dicens, quod

quodd triumphum quasi à maioribus suis debitum, aut speratum vnquam sibi tam ineptè senex concupisser. Brunsionius lib.3. cap.36.

*Ioannes Pons.*

Cùm immodicè à quodam laudaretur, ad suos conuersus ait: Licet multa gloriosè à me facta fingat, nihilominus tamen hac laude plurimum oblector. Sunt autem multi qui hodie regum, principum, pontificum, cardinalium, episcoporum, aliorumq; eius notæ hominum laudes decantant, non quidè (vt de seipso Magnus ille Roterodamus testatus est) quodd tales sint, sed quodd his virtutibus præditi merito esse deberent, quæ de eis prædicantur. Ioannis dictum recitat Aeneas Syl. lib.1. de rebus gestis Alphonsi.

*Vide apoph. de Ambitione.*

## De laudis contemptu.

*Democritus.*

REtè facta collaudare honestum, mala verò laudibus vehere adulterini animi & impostoris esse, dicere solebat. Stob. ser.21.

*Diogenes.*

Quidam adduxit puerum ad Diogenem, vt illius doctrinæ fieret participes, vt autem illum philosopho commendaret, dixit eum excellenti ingenio, optimisque moribus præditum esse. Hic Diogenes: Quid igitur eget mei? Notauit immodicum laudatorem, qui hoc tribuerat adolescenti, cuius adipiscendi gratia solent pueri tradì philosophis. Satis erat, probam indolem bonamque spem in puero prædicare. Laert. lib.6.

*Lysander.*

Cuidam apud Lysandrum iactanti, quodd ipsum & laudibus veheret, & aduersus obestantes tueretur: Duo, inquit, mihi sunt boues ruri: tacenti-

bus ambobus, tamen certò noui vter sit ignauus, vter ad laborem strenuus. Sensit veram virtutem non egere laudibus humanis, cùm ipsa secum duceat suam laudem ac decus. Cæterum qui nihil gerunt præclari, his opus est preconibus. Plut. in Lacon.

*Antalcidas.*

Cùm sophista quispiam appareret recitare librum, & Antalcidæ percontanti quod esset argumentum, respondisset, Herculis encomium: Quis, inquit, illum vituperat? Superuacaneum existimans, in eo laudando sumere operam, quem vno ore prædicarent omnes. Hercules autem apud Spartanos religiosissimè colebatur. Plutar. in Lacon. apoph.

*Antigenes.*

Dicebat, ita viuendum esse hominibus, vt viui laudabiles sint, mortui autem beati iudicentur. Ant. in Melissa, part.1. serm.51.

*Idem.*

Cùm audisset, quantū ab hominibus subinde laudaretur: dixit, Cùm multi me laudant, tum me nullius pretij esse iudico: cùm pauci, bonum & egregium virum me esse puto. Anton. in Melissa, part.1. serm.51. & Max. serm.43.

*Hippodromus.*

Quum Hippodromo sophistæ vehementer à Græcis applauderetur, multaq; magnifica acclamarentur, in quibus illum æquabant Polemoni. Homericò versò respondit.

*τί μ' ἀδράστην εἶσιν.*

*Quid me immortalibus æquas.*

Simul & candidi hominis laudem reportans, qui Polemonem tam præclaro testimonio ornarit: & modestiæ, qui laudem inuidiosam repulerit. Philost. in sophist.

*Herodes sophist.*

Atheniensibus sic admirantibus eitis eloquentiam, vt dicerent illum esse de

de numero decem oratorum, nihil elarus est hac laude, quæ videbatur maxima: tantum respondit, Certe Andocide sum melior. Is, ut opinor, fuit sophista quispiam notæ vulgaris. Philost. in sophistis.

*Pindarus.*

Pindarus cuidam commemoranti, quod ipsius laudes ubique prædicaret. Ego, inquit, pro isto officio bonam repono gratiam, efficiens ut vera prædices. Vera virtus nihil moratur hominum laudes. Eas qui prædicant, plus debent iis quos laudant, quam ipsis debent qui laudantur. Eras. lib. 8. apoph.

*Pescennius.*

Suprà de Laude, virtutis stimulo.

*Vide apoph. de glorie & honoris contemptu.*

### De laude à bonis viris profecta.

*Dionysiodorus.*

**G**Loriari solebat, quod nemo pulsus suos audisset, neque in triremi, neque ad fontem, quemadmodum Ismeniz. Sentiens se nunquam captasse plausus sordidorum & imperitorum: sed sat habuisse, probari paucis eruditis. Ita Laertius in Cratete. Eras. lib. 8. apoph.

*Agessilaus.*

Dicebat, sibi iucundum esse, laudari ab his, qui non vererentur & vituperare, si quid displicuisset. Tales enim si quid laudant, iudicio laudant, non metu, aut adulatione. Plut. in Lacon.

*Herodotus.*

A patre laudatus ob singulares animi virtutes: Lætus sum, inquit, laudari me abs te pater, laudato viro. A malis enim laudari, non laus, sed dedecus esse putatur. Cicero.

*Alphonsum.*

Lucas Medicus, vir disertissimus, cum orationem apud Alphonsum Aragonum regem eloquentissimam habuisset, eumque exquisitis & heroicis laudibus extulisset: rex hæc audiens dixisse fertur, Si vera sunt Lucas, quæ de me prædicas, Deo optimo maximo gratias ago: sin aliter, vera ut isthæc faciat, oro atque obsecro. Innuens maximè decere reges, ut laudibus dignos ubique se præberent. Panormit. lib. 1. de reb. gest. Alphon.

### De laude à malis hominibus profecta.

*Antisthenes.*

**A**Vdiens ab improbis quibusdam se laudatum esse: Vereor, inquit, ne quid imprudens fecerim mali. Sentiens, à talibus neminem laudari, nisi ob insignia malefacta. Laert. lib. 6. cap. 1.

*Ansagoras.*

Dicebat, Dum me laudant multi, agnosco planè quantum veræ mihi desit gloriæ. Ceterum, si pauci, iam me studiosum diligentemque existimo virum. Stob.

*Socrates.*

Socrates, cuidam molestè ferenti, quod negligeretur quo tempore triginta tyranni Rempubl. occupant: Nunquid est, inquit, cuius te poenitet? Sentiens, non esse molestè ferendum, si quis contemnatur ab improbis, nec hoc nomine sibi quenquam oportere displicere: sed si quid commisit, ob quod meritò & sibi & aliis bonis displiceat. Malis enim displicere, laus est. Eras. lib. 3. apoph.

*Phocion.*

\* Quum aliquando apud populum suam dicens sententiam, videret ab vniuersis eam accipi, & se laudari, conuersus

therfus ad amicos, Númnam, ait, ali-  
quid imprudens malè dixi? Plut.

*Menedemus.*

Quum audiuiſſet, ſe frequenter ab  
Alexino laudari: At ego, inquit, illum  
ſemper vituperò. declarans, ſe nò poſ-  
ſe corrumpi laudibus, quò minus cum  
reprehenderet, qui reprehensione di-  
gnus erat. Eraſ. lib. 6. apoph.

*Agſilaus.*

Dicebat, non minus laudatoris in-  
ſpiciendos eſſe mores, quàm eius, qui  
laudatur. Significans, perrarò contingere,  
vt aliquis quæ moribus ſuis con-  
traria ſint, laudare velit: Forſitànque,  
etià aliter videretur, perſæpè ex lau-  
dationis ingenio poſſe eius quoq; mo-  
res, qui laudatur, agnoſci. Fulgoſ. lib. 7.  
cap. 2.

*Anonymus.*

Lacon quidam, cùm Chariftaus rex  
laudaretur: Quónam, inquit, modo  
bonus eſſe vir poteſt, qui neis malos  
quidem acerbis eſt? Plut. in apoph.

*Phanorinus.*

\* Eam laudem, qua quis alium, ſui  
eòmodi gratia, proſequitur, nullam fi-  
dem mereri dicebat. Stob. ſer. 14.

*Polyemus.*

Audiens quendam laudare præſen-  
tem, clam obiurgauit laudatorè: Præ-  
ſentem nec vituperandum, nec laudân-  
dum eſſe dicens. Quandoquidem il-  
lud inimicitiam gerit, hoc aſſentatio-  
nem. Max. ſer. 43.

*Demetrius Phaleræus.*

Quodam dicente, quòd à multis  
laudatus eſſet, reſpondit, Num ali-  
quid malì commiſi? Bruſ. lib. 3. cap. 3.

*Poliſtarchus.*

Cuidam referenti, ipſum à male-  
dico quodà laudari: Demiror, inquit,  
ſi quis illi dixit, me mortuū eſſe. Nā ille  
de viuo bene loqui poſſit nemine. Nò  
delectatus eſt vir generoſus laude, quæ  
à viro illaudato proficiſcebatur. Plut.

## De laude ab inimico & hoſte proſecta.

*Alphonſus.*

**A**Vdiens ſe à Nicolao, Cardinali  
Capuenſi, inimico capitali, plu-  
rimum laudari: Si mei omnes, inquit,  
ita de me ſentiant, vt inimicus hic &  
ſentit & prædicar, bello certè me ne-  
quaquam laceſſerent: ſed, quo mihi  
nihil antiquius eſt, ſinerent pace me  
atque orio perfrui. Panor. li. 2. de reb.  
geſtis Alphon.

## De laude à ſeipſo proſecta.

*Ariſtoteles.*

**D**E ſemetipſo in neutram partem  
loqui debere prædicabat: quoni-  
am laudare ſe, vani: vituperare, ſtulti  
eſſet. Cuius diſterium in morum pue-  
rilium institutionibus etiam hoc car-  
mine apertiffimè expreſſum eſt,

*Nec ſe collaudes, nec ſe culpaueris ipſe.*

*Hoc faciūſ ſtulti, quos gloria vexat inania.*

Ariſtotelis dictum recitat Val. Max.  
lib. 7. cap. 2. & Laert. lib. 5. cap. 1.

*Xenophon.*

\* Dicebat vnique laudem ab al-  
liis proſectam ſuauiſſimam eſſe audi-  
tu: aliis autem eam eſſe moleſtiſſimam  
quam ſibi quis ipſe tribuit. Plut. de ſui  
laude, &c. Quod tamen non ſine ex-  
ceptione intelligendum eſt, vt eodem  
libro variis argumentis & exemplis  
Plutarchus demonſtrat, & ſequentia  
dicta luculenter probant.

*Pericles.*

\* Athenienſibus in eum iratis quòd  
res pro voto non ſuccederent, ille bo-  
na conſcientia fretus, At (inquit) mi-  
hi quidem vos iraciſmini, ei viro, qui  
nemini veſtrum cedo vel peritiam rerū,  
vel



vel elocutione intellectarum, vel amore patriæ, vel pecuniæ despicientia. Non modò crimen arrogantiz, vanitatis & ambitionis effugit tunc, de se magnificè loquendo, sed & altitudinè animi, & virtutis declarauit magnitudinem, eo ipso inuidiam opprimentis, quod deiici se & frangi nò est passa Plu.

*Epaminondæ.*

\* Thebanis, cum ob Bœotarchiam prorogatum cum Pelopida mulctari volentibus, in comitiis dixit, Paratus sum mori, si fateri velitis, me vobis repugnantibus hostilem regionem vastasse, Messenem condidisse, & Arcades in vnum corpus còdidisse. Tempestiua sui laus Epaminondam absoluit: admiratione enim præstantissimi ducis Thebani suffragiis relictis obortu risu discesserunt. Plur.

*Themistocles.*

\* Quum in actionibus suis nullum dictum aut factum molestum adhibuisset, ab Atheniensibus se ob satietatem fastidiri ac despici animaduertens, nò abstinuit dicere, Quid, ò felices, defatigamini sæpenumero beneficiis ab eodem accipiendis? & tempestate oborta sub arborem hanc confugitis, serenitate reddita inter digrediendum frondes eius stringitis? Plur.

*Agathocles.*

\* Multa paupertatem, imperitiam, atque adeo ignobilitatem inter suas laudes dum consistunt, inuidiam retundunt. Sic Agathocles aurea pocula, & cælara præbibens adolescentibus, iussit etiam fictilia proferri: & Talis (inquit) res est assiduitas laboris ac tolerantia & fortitudo. nos olim lutea, nunc aurea facimus pocula. Etenim Agathocles, qui ob obscuritatem generis & egestatem credebatur in siguli officina educatus, postmodo regnum totius propè Siciliæ obtinuit. Plur.

*Caso Vicepsis.*

\* Fiducia sui elatus, vt hostes reip. coereret, aliquoties seipsum laudabat. Inuideri sibi dicens, quod suis rebus neglectis noctes patriæ causa vigilaret. Plu.

*Lacones.*

\* Vt se suosque ad virtutem laborarent, laudis aculeo sæpius vrebantur: præcipuè autem in solenni illa chorea publica, vbi senum chorus cantabat, Nos fuimus olim iuuenes valde strenui: iuuenum, Fortes sumus nos, fac (si vis) periculum: puerorum, Nos erimus olim fortiores plurimò. Plut. in Lac. apoph.

*Agésilæus.*

\* Cuidam Persarum regem magnum appellanti, dixit, Ni iustior, non maior me est. Plut. in eod. lib.

*Vide apoph. de Conscientia, de Fiducia sui, de grauiter dictu, &c.*

## De laude propter vtilitatē

*Diogenes.*

**T**axabat hominum vulgus, quòd bonos viros hoc nomine laudarent, quia pecunias contemnerent, nec interim imitarentur quod laudibus extollerent vehementer: sed pecuniosos magis sequerentur, quos vituperabant. Laert.

*Simonides.*

Quum cæteros laudando venaretur, vt aliquid darent, interrogatus cur Thessalos non captaret? Stupidiores sunt, inquit, quàm vt à me falli possint. Qui quærunt cui imponant, ad stupidos eunt. At qui tam erant stupidi, vt non sentirent ingeniū poematū illius, nec tangeretur amore nominis in posteros transmittendi, non poterat ab illo falli. Eras. Rot. l. 6. apoph.

*Phocion.*

\* Leosthene adhuc rem feliciter gerente,

rente, interrogatus ab oratoribus quidnam beneficii in urbem contulisset? Nihil, inquit, quàm quod me prætoris vos orationem funebrem nullam habuistis, sed quotquot mortui sunt, in sepulchris maiorum sunt humati. Plut. Idem in Pericle dictum est supra.

*Demosthenes.*

Vnus fuerat ex decem, quos Athenienses legatos ad Philippum Macedonem miserant. Itaque posteaquam Æschines & Philocrates, quos præcipuè fuerat complexus Philippus, à legatione reuersi, aliis multis nominibus prædicarent regi, tum his præcipuè, quodd esset formosus, facundus, & ad bibendum strenuus: Demosthenes ira cauillatus est, vt diceret, in his laudibus nihil esse dignum rege: nam primam esse sceminarum, alteram sophistarum, tertiam spongiarum. Plut. & Eras. lib. 4. apoph.

*Idem.*

\* Cuidam eum celebranti ob res gestas & merita erga Remp. Atheniensem, respondit, Non lapidibus ego, non latere cocto urbem muniui: sed si meas munitiones considerare velis, arma inuenies, equos atq; socios. Plut.

*Epaminondas.*

\* A Sycophanta quodam traductus, quodd seipsum impensius laudaret, facio (inquit) hoc propter vos, Thebani, quorum solorum opera, Lacedæmonium imperium vnica die euerti. Plut.

*Agefilus.*

Quoties audiebat aliquos ab aliis laudari, aut vituperari, existimabat, nò minus discendos eorum mores, qui loquebantur, quàm eorum de quibus loquebantur. Sensit vir prudentissimus, eos qui alios contemnunt & vituperant, magis prodere morbum suum, quàm detegere morbos alienos. Et qui ob res parum honestas laudant

quempiam, aut ob laudabiles vituperant, indicare stultitiam suam, & peruersum iudicium. Plut. in Lac.

## De lautitiis.

*Socrates.*

IN conuiuio videns adolescentem lautè comedentem, & subinde panem in ius tingentem, ait: Quis vestrum pane vitur pro obsonio, obsonio pro pane? Laert. in eius vita.

*Aristippus.*

Obiicienti quodd cibus lautioribus vteretur, hac ratione occlusit os: Tu, inquit, hos cibos triobolo non emeris? cùmque is qui volebat lautitiarum videri contemptor, annuisset: Ergo, inquit, non tam ego voluptati studeo, quàm tu avaritiæ. Si quidem vsurus erat & ille lautitiis, si gratis aut minimo contigissent. Laert. lib. 2. cap. 8.

*Antisthenes.*

Quodam prædicante lautitiis: Hostium, inquit, filiis contingat, de deliciis viuere. Vt rem pestilentem detestans, quodd pleriq; pro summo bono amplectuntur. Laert. l. 6. c. 1.

*Huc refer apoph. de Deliciis, Intemperantia, Voluptate, &c.*

## De lectionis delectu, vbi multa de Homero & aliis.

*Zeno Cissius.*

D Icitur consuluisse oraculum, quo pacto posset vitam optimè instituere? respondit Deus: Si concolor fies mortuis. Ille sentiens, se vocari ad lectionem veterum, sese ad philosophiam contulit. Laert. l. 7. c. 1.

*Diogenes.*

Ab Hegesia rogatus, vt ipsi libros aliquot commodato daret: Non sapias, inquit,

inquit Hegeſia, qui cum caricas non pictas ſed veras eligas, vera exercitatione neglecta, ad ſcriptam re conſeſſas. Hoc dicto notavit eos, qui per omnem vitam nihil aliud quàm legunt philoſophorum libros rectè viuendi præcepta continentes, cum virtus magis vſu diſcatur, quàm lectione. *ἡγεσία* Græcis anceps vox eſt, ſignificans ſcribere & pingere. Itaq; virtus libris expreſſa, quodam modo picta virtus eſt. Abſurdum autem videtur, in caricis habere delectum, in virtute non item. Laert. lib. 6.

*Arceſilaus.*

\* Homerum omnibus præferebat, eumq; amaſium ſuum vocabat, noctu ſemper & ſummo mane aliquid in eo legens. Pindarum autem dicebat imprimis idoneum eſſe ad verborum nominumq; copiam comparandam. Laert. lib. 4.

*Ariſtippus.*

Cuidam iactanti ſe, quod eſſet *πολυμαθής*, hoc eſt multiplicis eruditionis, quaſi nihil non didiciſſet: Quem admodum, inquit, non hi qui plurimū edunt, excernuntque, melius valent hiſ qui ſumunt quantum opus eſt: ita non qui plurima, ſed qui vtilia legunt, ſtudioſi & eruditi ſunt habendi. Grauitè taxauit eos, qui tumultuaria immodicæque lectione ſemet ingurgitant: nec ea quæ legunt traiciunt in animum: ſed tantum reponunt in memoria, quare nec doctiores euadunt, nec meliores. Laert. lib. 2. cap. 8.

*Anonymus.*

Socratis ſermones doctrinæq; Pauſonis picturis, quidam cõparabat. Pauſonem enim pictorem, aiunt, cum, quidam iuſſiſſet ſibi volutantem equum pingere, currentem pinxiſſe. Cùmquæ qui tabulam illi tradiderat, indignaretur, quod cõtra pactum ſeciſſet picturam: reſpondiſſe pictorem, Verre ta-

bulam, & volutabitur equus qui nunc currit. Ita quoque Socratem, non explicatè planèque diſſerere: Quod ſi quis ea veritat, planiſſima promptiſſimæque eſſe. Noluic enim auditorum inuidiam ſibi conciliare, atq; obeam cauſam obſcuras & quaſi obliquas diſſertationes propoſuit. *Ἀλιαν.* lib. 1. de Var. hiſt.

*Demetrius Phaleræus.*

Prolemaum regem adhortari ſolebat, vt ſibi pararet libros de regno, deque militari imperio gerendo tractatus, eosq; diligenter euolueret: propertea quod ea de quibus amici nõ audent admonere reges, in libris ſcripta habeantur. Laert. lib. 5. cap. 5.

*Agathon.*

Sæpe multumq; ſuis Tragædiis antitheta intertexebat, & quum quidam, velut emendaturus, ex dramatis ipſius tolleretur, Quid, inquit, bone vir? Quomodo tui ipſius oblitus es, vt Agathonem ex Agathone reliceret atq; delere coneris? Adeò hiſ delectabatur, vt ea ſuam Tragædiam efficere putaret. *Ἀλιαν.* lib. 14. de Var. hiſt.

*Plinius maior.*

Dicebat, nullum eſſe librum tam malum, qui non aliqua parte prodeſſet. Verum dixit de hiſ, qui norunt ex quibuſcunq; libris, ſi quid ineſt fruſterum, excerpere. Sed ſunt qui in libro quantumvis bono nihil veniuntur niſi quod reprehendant. *Ἐραſ.* lib. 8. apoph.

*Plato.*

Tantum tribuebat Ariſtotelì, vt cum ille fortè fortuna non adeſſet in Academia, exclamarit, *ἀτυχὶς ὁ τῆς ἀληθείας φιλόσοφος*, id eſt, abeſt veritatis philoſophus. Rurſus, cum alio tempore abeſſet, dixit, *ὁ τῶς ἀλῆθειας ἄνθρωπος*: Non venit intelleftus. Innuens, ſe ab illo vno intelligi. *Ἐραſ.* lib. 6. apoph.

*Alphonſus.*

In oppugnatione Caietæ, cum aliquando

quando defecissent ad tormenta æneae portentoſæ illius amplitudinis ſaxa, nec aliunde habere facilius poſſent, quàm ex villa, quæ ab incolis inueterata opinione adhuc aſſeritur Ciceronis fuiſſe, ut aliunde diſquirerent iſti uſmodi ſaxa, rex iuſſit: Ciceronis verò (cuius admiraretur in dicendo laetam eloquentiam) villam, ſi ſaperet, inuolatam ſeruarent. Malle enim tormenta & machinàs amittere, quàm iniuriæ officere ſaxa tantùm illius viri, qui tot tantòque homines ab iniuria & capitis periculo vindicaſſet ſuo patrocinio. Pan. libr. i. de reb. geſt. Alphonſi.

*Idem.*

Audiens à quibuſdā Ciceroniſ maſſe literatis, M. Tullij ſepulchrum extare adhuc iuxta Formilàs (ibi enim villa Ciceroniana inſignis olim fuit, nunc autem Mola vocatur) in via Romana vetuſtis literis inſcriptum: eius rei viſendæ percūpidus, ſtatim eum locum acceſſit, & ſentibus rubiſq; primò tumulū purgans, moxque legere inceptans, non M. Tullij: ſed M. Virruuij inſcriptionem inuenit, qua leſta, vultum riſu ſoluens, dixiſſe fertur, Ciceranos ex Minerua oſcum quidem accepiſſe, ſed ſapientiam amiſſiſſe. Conſtat autem Alphonſum Ciceroniæ leſtionis tam ſtudioſum fuiſſe: ut perraro eius tædio affici potuerit: Panor. li. i. de reb. geſt. Alphonſi.

*Æſchines.*

Cum Æſchines iam damnatus ab Athenienſibus, Rhodi exularer, recitauit coram amicis orationem ſuam contra Demotheſen habitam. Verum cum hanc admirarentur Rhodij, & dicerent, mirum eſſe quod poſt tantam orationem non eſſet abſolutus: At deſineretis admirari, ſi audiſſetis quæ ad hæc reſpondit Demotheſes. Rhodij igitur cū recitatam Demotheſis

orationem: multo magis admirarentur, Quid, inquit Æſchines, ſi ipſam beſtiam audiſſetis, ſua verba reſonante? Sentiens in Demotheſe magnam Demotheſis partem deſſe, ſi quæ ipſe ſcripſit, ab alio recitarentur. Philoſtratus in ſophiſtis.

*Bion.*

Cum diceret impietatem eſſe malam ſiduciæ contubernalem, non erubuit hunc Euripidis verſiculū adſicere:

ἄνθρωπος ὃς ἀπὸ κατὰ θεοῦ τοῦτο πρὶς ἡ.

*Id eſt,*

*Seruum facis, quammis feroculum viſi.*

Laert. lib. 4. cap. 7.

*Chryſippus.*

In quodam opere toties citarat verſus Euripidis ex Medea, ut ibi tota fabula fuerit inſperſa. Hunc librum quidam portans, & rogatus quid ferret, Chryſipi, inquit, Medeam.

*Cleomenes Anaxandr. F.*

Dicebar, Homerum eſſe poetam ciuium Lacedæmoniorum, Heſiodum verò Helorum, hoc eſt ſeruorum: quod illic docuiſſet, quomodo cum hoſtibus conſigendum ſit: hic, quomodo agricolendi. Lacedæmonij enim cum bello aſſiduo ſeſe exercerent, humiliores operas, artes manuaras, & agriculturæ ſtudio, ſeruis cōmittebant, quos Helotas vocabant. Plut. in Lacon. Ælian. l. 13. de Var. hiſt.

*Alcibiades.*

Aliquando in ludum literarium ingreſſus, petiit à ludimagiſtro Homeri iliadē, cuius lectionem plurimum admirabatur. Ac ludi moderator cum ſe nihil Homeri operum habere affirmare, inſixit ei pugnum ſatis durum, dicens: Imperitus es præceptor, & tibi ſimiles diſcipuloſ facies. Ælian. l. 13. de Var. hiſt. & Plut. in apoph.

*Plato.*

Ad tragicum certamen paratus, auditō Socrate, mutans conſilium, poë-

Bb

mata



marasus exulit, præfatus Homericō  
carminē,

ἡ παρὰ τοῦ μὲν ὁ δὲ, πλάττειν νῦν οὐκ  
ἔστιν.

Huc ades ὁ Vulcanē, Platonī nūnc opus  
est se.

Refert Diogenes Laer. li. 3.

Aristoteles.

Calisthenem discipulum, liberioris  
linguæ hominem, Homericō versiculo  
admonere voluit:

αὐτομὲν δὲ μὴ τίνος ἰσχυροῦ ἀγορεύει.

id est,

Talia nate loquens, hand multa tem-  
pore viues.

Laer. lib. 5. cap. 5.

Polemo.

\* Is Homerum appellabat epicum  
Sophoclem, & de Sophocle dicebat  
eum esse Homerum tragicum. Laer.  
libr. 4.

Anaxarchus.

Cum videret ex Alexandri vulnere,  
quod ictu sagittæ acceperat, manare  
sanguinem, dixit versu Homericō,

Τὴν μὲν αἷμα τὴν δὲ ἰσχυρὸν οἱ ὠκυπέτην  
μαχόμενον θεοὶ.

Id est, Hic quidem sanguis est, non il-  
le liquor, qualis diuis solet ire beatis.  
Admonens regem suæ conditionis, qui  
pro Deo affectabat haberi. Quamquā  
hoc quidem non ab Anaxarcho, sed  
ab ipso Alexandro dictū tradunt. Laer.  
lib. 8. cap. 10.

Pyrro, de eodem.

Pyrro Eliensis philosophus, ad-  
mirari solebat illum Homeri versicu-  
lum:

Οἷον οὐκ ἔστιν ἄνθρωπος, τοῖο δὲ καὶ διδόνει,

Tale quidem genus est hominum, quale  
est foliorum.

Laer. l. 9. cap. 11.

Isæus, Sophista.

Lacedæmoniis periclitātibus ac de  
ciuitate mœnibus cingenda consultā-  
tibus, Homericum carmen recitauit,

αἷον αἰὲν ἄνθρωπος, ἰσχυρὸν δὲ καὶ διδόνει  
καὶ ἀνὴρ. id est,

Scutum hæsis scuto, galeæ galea, atque  
viro vir.

Et adiecit, Sic mihi stare Lacedæmo-  
nij, & muris cincti sumus. Philostin  
sophist.

Hippodromus, Sophista.

Homerum appellare solebat vocem  
sophistarum, Archilochum spiritum:  
quod ille suppediret verba splendida,  
hic acrimoniam & vehementiā. Phi-  
lostin sophist.

Idem.

Quodam tragediam appellante  
sophistarum matrem correxerat dictum:  
Ego, inquit, dico Homerum esse pa-  
trem. Siue quod nimia sit tragicorum  
grandiloquentia: siue quod fons tra-  
gœdiarum sit Homerus. Pulchrius au-  
tem est ex ipso haurire fonte. Philostr.  
in sophistis.

Idem.

Suprà de laudis contemptu.

Philoxenus.

Apud Pythonem prandens, apposi-  
tis oleis, cum paulo post inferretur  
patina piscium, percussio vasculo quod  
habebat oleas, Homericum hemisti-  
chium dixit, μαστέον δὲ ἰδάειν, id est,  
scutica incitauit vt traherent. Nam de  
auriga dictum est. Sensit autem Phi-  
loxenus, oleas quamprimum auferē-  
das, alludens interim ad Græcam vo-  
cem ἰδάειν, quod sonat olearū: & ἰδάειν,  
quod sonat trahere currū, aut aliquid  
simile. Eras. l. 6. apoph.

Alexander.

Præter modum delectatus est Ho-  
mero, adeo vt illum ad verbum edidi-  
cerit, ac dormiēs etiam cervicali sup-  
positum haberet. Eum aliās summum  
virtutis præconem, interdum poetam  
βασιλινὸν appellare cōsuevit: cuius ear-  
mina censebat non ad circharum, vt  
aliorum, sed ad tubam potius esse  
cānenda.

canenda. Addebat illud, se malle Homeri Thersiten esse, quam Cherilli Achillem. Cherillus erat Alexandri poeta, non satis felix, quicum fertur ita pactus, ut, pro quoquo bono versu acciperet Philippeum aureum, pro malo colaphum. Idem cum in Sigeo ad Achillis tumulum astitisset: O fortunare, inquit, adolescens, qui tuæ virtutis præconem Homerum inuenieris! Cicero in oratione pro Archia. Plut. in Alex.

*Idem.*

Quum nuntius quidam gaudio gestiens, porrectaque manu ad Alexandrum accurreret, rem prospere gestam narraturus: Quid mihi bone viri magni nuntiabis, nisi nunties Homerum reuixisse? significans, omnium rerum gestarum gloriam abolendam, nisi contingeret talis præco, qualis fuit Homerus. Plut. in apoph. Reg. & imp.

*Idem.*

Cum ad Alexandrū Magnum scrip-  
tium delatum esset, in quo omnes ferè  
Darii regis opes seruatae erant, & que-  
retur, in quémnam usum destinan-  
dum posthac esset, aliis aliud suaden-  
tibus, Alexander ait: Huic optimè  
seruandus Homerus dabitur. Senti-  
ens, nullum esse thesaurum illo pretio-  
sorem. Aded enim Homerica lectio-  
ne delectabatur Alexander, ut raro  
deposuerit e manu eius poësin, testan-  
te Plut. in eius vita.

*Eudamidas.*

Suprà de Honoris contemptu.

*Idem.*

Si quando in colloquiis aut conui-  
uiis incidisset contentio de carmini-  
bus Homeri, aliis alia præferentibus,  
hoc vnice probauit Alexand. Iliad. 7.

*Quintus, Bacchides, & alii, & alii.*

*Idem, bonus atque idem validus pugnator*

*in armis.*

Addebat, Homerum hoc versu virtu-  
tes Agamænonis prodidisse, Alexandri  
vaticinatum esse. Plut. in Alex.

*Theocritus.*

Suprà tit. de Dialectica.

*Scipio Africanus.*

\* Socraticum Xenophontem in ma-  
nibus semper habebat: cuius in primis  
laudabat illud, quod diceret, eisdem  
labores non æquè esse graues impera-  
tori & militi, quòd ipse honos laborem  
imperatorum faceret leuiorem. Cic. l.  
2. Tusc. quæst.

*Virgilius.*

\* Ennii opera diligenter & sapius  
quoluens, ac rogatus quid ageret, Au-  
rum, inquit, lego ex stercore. Sabell. li.  
2. cap. 7.

*Vespasianus.*

Vespasianus in quendam proceræ  
staturæ, sed improbius natum, fortis il-  
lud carmen Homericum;

*μακρὸν βίβας κρηπίδας δολιχόσκιον ἕρπε-*

*id est,*

*Longam hastam quatuor diductis pas-  
sibus ibas.*

Eras. Rot. lib. 6. apoph.

*Alphonsus.*

Alphonsus cum inter peregrinan-  
dum fortè ad eum locum, vnde Sul-  
mo poterat despici, peruenisset: an ea  
Ovidij (cuius poëmate mirum in mo-  
dum afficiebatur) patria esset inter-  
rogauit? quumque intellexisset natale  
Nelsonis solum esse, urbem salutauit,  
gratiasq; genio loci egit, in quo tantus  
olim poeta genitus esset de cuius lau-  
dibus nemo satis fari possit. Ego sanè,  
inquit, huic regioni, quæ non parua  
regni Neapolitani nec contemnenda  
pars est, libenter cesserim, si tempo-  
ribus meis datum esset, hunc poetam  
vix haberem; quem mortuum plaris  
ipse faciam quam Apruij dominatum.  
Pontanus, & ex eodem Spigelius in li.  
1. Pan. de reb. gest. Alphonsi, cap. 47.

Bb 2

*Antip.*

*Antimachus.*

Quum conuocatis auditoribus recitaret ingens volumen quod conscripserat, & ab omnibus esset destitutus, excepto Platone: Legam, inquit, nihilominus, Pluto enim mihi instar est omnium. Tullius li. de Claris oratorib. Brus. l. 2. c. 23.

*Gorgias.*

Cum forte fortuna legisset Platonis dialogum sui cognominis qui Gorgias inscribitur, dixisse fertur: *ὡς καὶ δὴ οἱ δὲ πλάτωνι αὐμῶνεν*. Ut pulchrè nouit Plato iambissare, hoc est mordere. Nam is pes primum ab Archilocho, ni fallor, repertus est ad maledicendum: vnde & nomen habet, vel à muliere petulante & baccha, vel à mittendis iaculis. Si quidem in eo dialogo proscindit sophistas, id quod nusquam non facit. Eras. l. 8. apoph.

*Theocritus.*

\*Ad ludimagistram quendam malè pronuntiantem accedens, rogauit, Quis sit, quod Geometriam non doceas? is cum respondisset, Quoniam ignoro. quid tum? dixit, nam legere quæ nescis? Stob. ser. 4.

*Alphonsus.*

Quum operâ philosophica Senecæ legendo euolueret, rogatus à Dauolo aulicorum præcipuo, Cur animus mortalium ita immensus atque insatiabilis foret? respondit rex: Animum hominis à Deo profectum, non prius equiescere quàm eò rediret, vnde profectus esset. Esse procul dubio animi nostrum Dei & æternitatis capacem, propterea neque impleri, neque satiari posse iis rebus quæ fluxæ & incertæ essent: sed Deum ipsum veluti naturalem sedem, & suum quodammodo perfectum bonum appetere, hoc est, solidum & perfectum bonum. Pantormiran. libr. 1. de rebus Alphonsi.

*Idem.*

\*Gloriabatur, quaterdecies vtrumque Testamentum cum cōmentariis à se perlectū. Ant. Pan. l. 1. de reb. Alph.

*Hadrianus.*

Hadrianum imperatorem Virgiliana lectione inde mirum in modum delectatum legimus, quod mortem suam Virgiliano carmine prædixerit,

*Ostendens terris hunc tantum fata, neque ultra,*

*Esse finem, &c.*

Dion Cassius in vita Hadr.

*Alphonsus.*

Alphonsus Aragonum rex, cum arcem Neapolitanam instaurare decreuisset, Vitruuij de Architectura librum afferri ad se iussit. Verum cum sine ornatu, sineque asscribis allatus esset: Non decere, inquit, hunc potissimum librum, qui nos quomodo cōregamur tam bellè doceat, detectum incedere. Librum igitur egregiè ad vsum parari mandauit, & omnibus semper edictis adhibuit. Panorm. l. 1. Idem Q. Curtij lectionem, à qua in morbo miriscè fuerat recreatus, medicorum pharmacis longe prætulit.

*D. Cyprianus.*

\*In Tertulliani lectione tam fuit assiduus, ut nullum diem absque eius lectione prætermitteret: & notatio Paulo sæpe diceret, Da magistrum, nempe Tertullianum. Hieron. in catal. viror. illustr.

## De legatione & legatis.

*Ag. Archidami F.*

Cum ad Philippum regem legatus mitteretur, solus regem sine comitatu accessit. Verum cum rex admiraretur: Veni, inquit vnus ad vnum, Quo dictorio taxauit superuacaneum legatorum aliorum sumptum, quo ætaria plerunque exhauriuntur, quum

quum Reipublicæ negotia per vnicum  
sæpenumero expediri possint. Plut.  
in Lacon. apoph.

*Anonymi.*

Lacedæmones vnum legatum ad  
Demetrium regem miserant. Stoma-  
chante autem tyranno, ac vociferan-  
te, Vnūmne Lacedæmonij legatum  
ad me? Satis, inquit legatus, vnus ad  
vnum. Plut.

*Anonymi.*

\* Lacones olim quum ad Lygdamū  
tyrannum issent legati, atq; ille con-  
gressus sapius differret, dicens se mol-  
liter habere: Dic, inquit legati, per  
deos non venisse nos cum illo colluc-  
turos, sede collocuturos. Plut.

*Polykratidas.*

Infrā apoph. de Patria fortiter pro-  
pugnanda.

*Hyperides.*

\* Legatus ab Atheniensibus ad Rho-  
dios fuit. Eō cum adessent ab Antipa-  
tro legati, qui Antipatrum vt benignū  
celebrarent, occurrens eis, Noui(in-  
quit) benignum esse: verū nos ne be-  
nignū quidem querimus dominū Plut.

*Gobrias.*

Darius rex ingressus in Scythiam,  
inopia laborabāt. Scythæ autem lega-  
tos ad eum miserunt cum muneribus:  
aue videlicet, mure, rana, & quinq; sa-  
gittis. Darius pro mure terram, pro  
rana aquas, pro aue equos, pro sagit-  
ta seipsum tradere interpretatus est.  
Gobrias autem hoc dicere dona con-  
iectabat: O Persæ, nisi vt aues aduole-  
tis, aut vt mures subeatīs terrā, aut vt  
ranæ infiliatis in paludes, nō remeabi-  
tis, his sagittis cōfecti. Brusi. l. 3. c. 30.

*M. Cato.*

Quum tres essent designati, qui le-  
gati proficiscerētur in Bythyniā, quo-  
rum vnus podagra teneretur, alter ca-  
put haberet vulneribus cōfossū, ter-  
tius vēcordia laborare videretur: Ca-

to ridēs dixit, Pop. Rom. legationē nec  
pedes habere, nec caput, nec cor. Plut.

*Megacles.*

\* Messanæ, quæ in Sicilia est, is ciuis  
fortissimus Agathocli tyrāno eam in-  
uadere conanti modis omnib. aduer-  
sabat. Ideo tyrannus Messianam op-  
pugnare parauit, missōque Præcone,  
Megaclem à ciuib. exposcebat. Me-  
gacles vltro se ad tradendum tyranno  
obtulit, si legatus mitteretur. Decer-  
nētibus hæc Messeniis, accedens ille ad  
Agathoclem, Ego verò, inquit, & lega-  
tus ciuitatis nomine venio, & moritu-  
rus. Sed ante de legatione audias. Cō-  
silio conuocato, addidit Megacles, Si  
ad excidendas Syracusas expeditionē  
Messenij suscepissent, vtrum pro Syra-  
cusis, an pro Messeniis omnia face-  
res? Subridens Agathocles, relicto bel-  
lo Megaclem incolumem domum re-  
misit, amicitiamque inuit cum Messe-  
niis. Polyenus lib. 5.

*Popillius.*

\* A Senatu literas Antiocho attulit,  
quæ eum iubebant exercitum ex Æ-  
gypto abducere, neque regnum pupil-  
lorum Ptolemæi vita defuncti vsurpa-  
re. Accedens, eminūsque ab Antiocho  
comiter salutatus, non reddita salute  
epistolam tradidit. qua lecta cum de-  
liberatione habita responsurum se rex  
diceret, bacillo Popillius orbem circa  
eum descripsit, inquit. Hic ergo stās  
delibera & responde. Omnibus mag-  
nanimitate legati perclusis, cum An-  
tiochus se ex Romanorum sententia  
acturum profiteretur, ita demum re-  
gem salutauit, amplexūsque est Popil-  
lius. Plut. in apoph.

## De legibus.

*Diogenes.*

D Icebat, nec legem esse sine ciuita-  
te, nec ciuitatē sine lege. Laer. l. 6.

Bb 3

*Archytas.*



*Architas Pythagoreus.*

\* In legibus sancendis dicebat ea primum sancienda esse, quæ deos, genios & parentes spectant, & in summa, quæ honesta egregiæque sunt. Secundò loco, vtilia. Decere autem in animis ciuium potius quàm in scriniis & tabulis conditas esse leges. Stobæus serm. 41.

*Idem.*

\* Leges regionum & locorum rationem habere debere dicebat. Quum nec omne solum ferat omnia, nec omnium hominum animi earundem virtutum capaces sint. Stob. ser. eod.

*Zaleucus.*

\* Is inter laudabiles leges Locrensi- bus hanc tulerat, si quis voluerit leges sancitas mouere, aut nouam statuere, is collo in laqueum immisso de lege verba faciat. Et si per suffragia videtur legem veterem esse tollendam, aut eam quæ noua infertur bonam esse, indemnis maneat: contrà, si prior lex melius habere videatur, aut quæ noua proponitur iniusta sit, is qui mouet, infertve legem, laqueo attracto moriatur. Stob. serm. 42.

*Antisthenes.*

Negabat sapientem viuere iuxta leges, sed iuxta normam virtutis. Senties, non ideo quod vitari a iusto quod hoc agere legibus interdictum: sed quod ipsa hominis ratio hoc dissuadet quæ docet hominem, hoc esse honestum, illud turpe. Nec leges omnia præscribunt: at virtutis regula docet vbique, quid sit honestum, quid turpe. Idem.

*Plato.*

\* Dicebat, necesse esse leges hominibus ponere, vt secundum eas viuât, alioquin nihil à feris discreparent. Huiusque rei causam esse, quod nullius hominis ingenium ita natura instructum est, vt quæ ad publicum humanæ

vitæ bonum conferunt, sufficienter cognoscat: & si cognouit, vt optimum id quod nouit semper agere possit ac velit. lib. 4. de legibus.

*Demades.*

\* Necessitatem dicebat esse seruorum legem: legem verò liberorum esse necessitatem. Anton. & Maxim. ser. de lege.

## De legum autoritate & obseruatione.

*Heraclitus.*

**D**icebat, ciues non minus oportere pugnare pro legibus, quàm pro mœnibus. Quod absque legibus nullo pacto possit esse ciuitas incolumis, absque mœnibus possit. Laert. l. 9. c. 1.

*Solon.*

Percontatus, quo pacto salua posset esse respublica? respondit: Si ciues quidem magistratui obediant, magistratus autem legibus. Sensit vir sapientissimus, eam ciuitatem conseruari nequaquam posse, vbi ex vtriusque parte legum sit neglectus. Stob. serm. 41. Anton in Melissa, part. 1. sermon. 67. & Max. ser. 50.

*Cleobulus.*

Bene compositam rempub. putabat, vbi magistratus magis infamiam quàm leges metuunt. Stob. ser. 41.

*Bis.*

Eam rempublic. saluam fore existimabat, in qua leges perinde ac tyrannum omnes metuant. Idem.

*Idem.*

Damnaturus quempiam ad mortem, lachrymatus est. Et cum dixisset quidam, Quid est quod fles, cum penes te sit, vel absolvere, vel cõdemnare hominem? respõdit, Quia necessarium est, naturæ quidẽ condolere, legi autẽ suffragari. Stob. ser. 43. Max. ser. 6.

*Chilon.*

*Chilon.*

Eam ciuitatem saluam iudicabar, in qua maximè leges, Rhetores verò nequaquam obseruarentur. Stob. ser. 41.

*Idem.*

Monuit, obtemperandum esse legibus. Hoc ad principes, præcipuè pertinet, qui se credunt non teneri legibus, Nec aliundè magis florent Respublic. quàm si legum vigeat autoritas. Nec ibi tyrànīs oriri potest, vbi ex arbitrio priscarum legum geruntur omnia. Laert. lib. 1. cap. 4.

*Pittacus.*

Cræso percontanti, Quod esset maximum imperium? inquit, ποικίλη ἐὺλα, id est, varij ligni, leges innuens. Nam olim in tabulis ligneis leges inscribantur. Porro vbi summa est legum autoritas, ibi est minimum tyrannidis. Laert. lib. 1. cap. 5.

*Themistocles.*

Cùm ei prætori hominem non vsque adeò bonam causam habentem Simonides summopere commendaret, eius fauorem petens Themistocles respondit: Nec Simonidem poetam fore bonum, nisi mensuram certam in carmine obseruaret: neque se bonum prætorem, si ob fauorem aut gratiam amici à legibus vel tantillum declinaret. Plut.

*Demosthenes.*

Ciuitatis animam esse leges dicebat. Vt enim corpus anima carens cadit, sic ciuitas nullis administrata legibus euerit. Max. ser. 68. & Stob.

*Socrates.*

Interrogatus, Quæ ciuitas optimè administraretur? Quæ, inquit, ex lege viuir, & iniustos punit. Max. ser. 68.

*Epicharmus.*

\* Leges sapientum causâ positas esse dicebat: non vt iniuriis abstineant, sed ne eis afficiantur. Stobæus sermon. 41.

*Plato.*

Rogatus à Cyrenensibus, vt ipsis leges scriberet, ac reipu. statum componeret, recusauit dicens: Perdifficile esse condere leges tam felicibus. Indicans, nò facile obedire legibus eos, qui nimium se felices esse putarent. Laert. 1. 3.

*Arcefilaus.*

Dicere solitus est, quemadmodum vbi multi essent medici, ibi multi sunt morbi: ita vbi permultæ leges essent, ibi plurimum esse vitiorum. Laertius lib. 4. cap. 6. Max. serm. 48.

*Cleon.*

\* Multò meliorè dicebat esse statum ciuitatis, quæ licet deterioribus, firmis tamen legibus vitur: quàm illius, quæ bonis quidem, sed irritis. Thucyd. lib. 3.

*Aristides.*

Cùm quendam reum egisset, & iudices, post eius accusationem reum audire nollent, sed protinus ad suffragia, quibus eum damnaret, properant: Aristides supplex pro reo intercessit apud iudices, vt eum iuxta legum præscripta diligenter audirent. Tanta erat in viro legum autoritas & obseruatio. Plut. in apoph.

*Lycurgus.*

Inter leges quas Lycurgus Rhetor tulisse fertur: hæc erat vna: Ne qua mulier maritata proficisceretur Eleusinam. Id statuit, veritus, ne à diuitibus dato pretio corrumperentur, addita est pœna, drachmarum sex millia. Ei legi cum vxor Lycurgi non obtemperasset, sycophantis, qui deprehenderat ac detulerant, dedit talentum. Ea res quæ illi postridie vitio daretur apud populum: Atqui ego, inquit, dare conspectus sum, non accipere. Quidam ferunt leges ad quæstum. Hanc notam à se depulit, qui nec in vxoris gratiam voluit abrogare legem, sed multam de suo dependit. Eras. lib. 8. apoph.

Bb 4

*Alcamenes.*

*Alcamenes.*

Alcamenem Telecri filium quum quidam interrogasset, cur seniores apud Lacedæmonios plures dies sumerent ad cognoscendum in causis capitalibus: & si quis fuerit absolutus, nihilominus sit legi obnoxius? Ideo, ait, tam diu de rebus iis consultant, ut si in capitis discrimine errassent, omen-derent, ne de legum autoritate quid decederetur. Plut. in Lacon.

*Idem.*

Eundem cum quidam interrogasset, quam ob rem munera à Messeniis oblata ita recusasset: Quoniam si recepissem, inquit, cum legibus pacem habere non poteram. O mentem rege dignam, quæ magno obuióque lucro legum autoritatem anteposuit! Improbat eos qui clamitant, quod principi placuit, legis vigorem habere: & principem dare quidem leges, at non teneri legibus. Plut.

*Acrotasus.*

Cum parentes eum rogarent, ut in reparum honesta ipsis obtemperaret, respondit, Donec essem apud vos, nullam omnino tenebam iustitiæ & æquitatis scientiam: verum ubi me patriæ dedistis, legibusque subieciistis, conabor his magis obtemperare, quàm vobis. Quo dicto innuere voluit, quàm plurimum quidem filios debere parentibus suis: verum ita tamen, ne leges saluberrimè latas transgrediamur. Plutarch. in Lacon. apoph.

*Demaratus.*

Cuidam percontanti, cur exularet Spartâ, cum esset rex? Quoniam, inquit, leges sunt in ea potentiores. significans, regem apud Lacedæmonios esse principem ciuitatis, at non legum dominum, sed his non minus obnoxium regem quàm ciues. hoc ipsum laudabat in suæ gentis institutis, per quod cogeatur exulere. Dedit inte-

rim insigne moderationis specimen, æquo animo ferens exilium, autoritate legum indictum, nec de patria malè loquens, nec de legum iniquitate querens. Idem.

*Pausanias Plistonactis F.*

Cuidam roganti, Quam ob rem apud Spartanos nefas esset, vllam priscaurum nouare legum? Quoniam, inquit, legibus conuenit autoritas in homines, non hominibus in leges. Plut. in Lacon.

*Archidamus Zeuxidami F.*

Roganti, quinam essent Spartanæ ciuitatis præfecti? Leges, inquit, ac legitimi magistratus. Grauius censuit, in republica bene instituta supremam autoritatè esse legibus deferendam, nec vlli magistratui fas esse quicquam contra leges publicas tentare. Plut.

*Charilaus.*

Infrâ tit. de lingua, garrulitate & loquacitate nimia.

*Agésilauus.*

In pugna Leuctrica, quum Lacedæmoniorum multi fugissent, iique legibus pœnas dare deberent: Ephori reputantes ciuitatem viris desertam, egere militibus, cupiebant eam ignominiam militibus remittere, simulque seruare leges. Deligunt igitur Agésilauum nouarum legum conditorem. Is prodiens in suggestum: Ego, inquit, alias leges haudquaquam laturus sum, neque enim his quas habetis, aut additurus sum aliquid, aut detracturus, neque quicquam omnium mutaturus. Sed mihi rectum videtur, ut leges quas habetis, à die crastino robur habeant, & autoritatem. Eo commento vir solers simul & præsentis ciuitatis necessitati consuluit, & periculosum mutandarum legum exemplum exclusit à Republica, vnotantum die legibus abrogatis. Plutarchus in Laconicis apoph.

*Idem.*

*Idem.*

Quum haberet apud se Xenophonem illum sapientem, eumque plerimi faceret, iussit ut filios suos arcesset Lacedæmonem, docendos artem omnium pulcherrimam, videlicet imperare, & parere imperio. Athenis florebat omnium liberalium disciplinarum genus: sed hanc cæteris omnibus præstantiorem, existimabat nusquam melius disci, quam apud Lacedæmonios, ubi non verbis disputabatur de bene administranda repub. sed civium moribus honestissimæ rei exemplum exprimebatur. Simul indicans, eos non esse gerendo magistratui idoneos, qui legibus ac magistratui nescirent obsequi, Proinde rogatus abs quopiam, quam ob rem Spartanorum res publica præ cæteris, secundis rebus floreret? Quoniam, inquit, plus cæteris in hoc sese exercent, ut pariter & imperare & parere sciant, Quæ duæ res à civibus excludunt seditiones, & tuentur concordiam. *Idem.*

*Idem.*

Cum in causa quadam federet iudex, & is quidem qui accusabat rectè dixisset, patronus contra malè: subinde tamè repeteret inter dicendum, Agefilæ, decet regem opitulari legibus: perinde quasi bonam haberet causam, & ab ipso starent leges: hominis improbitatem interpellans Agefilaus, Si quis, inquit, tibi domum perfoderit, aut vestem abstulerit, num expectaturus esses, ut architectus, aut qui vestem contexit, tibi sit auxilio futurus? Subindicabat, regem esse veluti legum architectum: nec convenire ut opituletur ei, qui contra leges aliquid admiserit. Plut. in Lacon. apoph.

*Idem.*

Sciscitante quodā ab Agefilao Lacedæmoniorum rege, quid Sparta attulissent Lycurgi leges? Voluptatum,

inquit, contemptum. Videlicet indicans, eam demum Rempublicam esse saluam, in qua leges sub optimo principe omnes voluptates arcent. Plut. in apoph. Lacon. Eras. lib. 1. apoph.

*Idem.*

Quum Diphridas Agefilao è patria nuntium attulisset, ut omittis quæ tum agebat, protinus in Bœotiam irrueret: quanquā destinarat hoc ipsum postea maiore aggredi apparatu, tamen magistratibus obtemperans, accersitis ad se viginti millibus eorum qui apud Corinthum militabant, inuasit Bœotiam, ac iuxta Coroneam congressus cum Thebanis, Atheniensibus, Argivis & Corinthiis ambas acies superavit, licet ipse multis acceptis vulneribus, corpore esset graviter affectus. Quæ pugna quæ esset inter res ab illo gestas omnium maxima, quemadmodum scripsit Xenophon, tamen domū reuersus, nihil de pristino victu vitæque modestia mutavit, ob tantos rerum successus, totque victorias. Multo dignior erat triumpho victoria, qua vir ille primū suis consiliis anteposuit legum auctoritatem, deinde tot egregiis facinoribus nihilo factus est insolentior. Plut. in Lacon. apoph.

*Idem.*

Quum maximam Asiæ partem armis sibi subegisset, constituerat ad ipsum regem Persarū proficisci, ut eum compesceret, qui sic erat quietus à bello, ut interim Græcorum duces pecunia corrumperet. Cæterum reuocatus domum ab Ephoris, ob Spartam Græcorum obsidione cinctam (nam id rex Persarum pecuniis missis effecerat) paruit, dicens: Bonum imperatorem legum imperatis parere oportere, citràque cunctationem soluit ex Asia, magno sui desiderio relicto Græcis Asiaticis. Offerebatur rei bene gerendæ occasio, inuitabat illum Græcorum affectus,



affectus, ut instituta perageret: sed rex à tyrannide alienissimus, legum auctoritatem existimabat omnibus anteponendam. Idem.

*Cyrus.*

Interrogatus, quònam putaret esse iniustos? Lege, inquit, non videntes. Max. sen. 58.

*Antiochus tertius.*

Scripterat ciuitatibus, ut si quid per litteras iuberet fieri, quod aduersaretur legibus, ne curarent, perinde quasi ipso nescio scriptum esset. Interdum enim principes, dum metuunt quòdam offendere, scribunt quæ fieri nolent. Quicquid autem pugnat cum legibus, hoc velut insciente principe scriptum esse putandum est: quippe legum defensores, non oppugnatores esse debent principes. Erasli. 5. apoph. ex Plutarcho.

*M. Cato.*

Ad tribunum plebis, qui veneficij infamia laborabat, inique ferentē legem: Adolefcens, inquit Cato, nondum scio vtrum haurire quòd temperas, an approbare quod scribis, deterius sit. Erasli. lib. 5. apoph.

*Sulp. Gallus.*

Infrà de Zelotypia, & de Seueritate.

*Augustus Cæsar.*

Legem tulerat de adulteris, quomodo iudicandi essent de hoc crimine delati, & quomodo puniendi conuicti. Paulò post iræ impatientia irruit in adolescentem delatum, quocum Iulia Augusti filia commercium habuisset, eumque manibus verberauit. At quum adolescens exclamasset, Legem tulisti, ò Cæsar: adeò facti pœnituit Cæsarem, ut eo die recusaret coenam capere. Crimen per se graue erat, tum admissum in Cæsaris filiam. Quis princeps ibi dolori suo temperaret? Aut quis ibi legum iudiciorumque moras expectaret? At tantus princeps sibi

adeò displicuit, ut à seipso pœnas sumeret, quod legi, quam aliis prodiderat, non per omnia paruisset. Plutarch. in apoph.

*Epictetus.*

\* Multa extant ab eo de legibus scitè dicti. Inter hæc, Legis scopus est bene mereri de vita hominum: non potest autem eius benefica esse, cum ei beneficia accipere libuerit: solis enim obedientibus suam virtutem declarat. Agri seruator est medicus: iniuriam passus, lex. Leges verissimæ sunt, quæ iustissimæ legi, & principi & sapientiori cedere decorum est. Anton. & Max. ser. de lege.

*Theophrastus.*

\* Dicebat, bonos non multis egere legibus. non enim res ipsæ legum causæ, sed leges rerum causæ, ponuntur. Eod. serm.

*Alphonfus.*

Improbè agere principes dicebat, qui aliis honestè decorque viuendi legem præferiberent, ipsi verò nihilo temperantiores sese preberent. Innuit autem, non satis esse promulgare leges, etiam saluberrimas, nisi sint qui promulgatas defendant, & vitæ etiam innocentia cæteris præcedant. Panor. lib. 5. de rebus gestis Alphonfi.

*Vitoldus Lis. dux.*

Vitoldus Lituanix dux (qui adeò differentem, moribus & habitu à suis popularibus sese præbuit, ut illos tonderi edicto iusserit, sibi tanquam maiestatis insigne barbam intonsam retinuerit, at quum id non succederet, caput ipse, genasque rasit: capitalem pœnam in eos comminatus, qui suo exemplo barbam aut comam deponerent) dicere solebat, Plebem legi, legem autem principi subiectam esse oportere. Tyrannica sanè vox. Magistratus enim quum legum custos sit, primùm imperatis parere decet, ut subditi

Subditi habeant exemplum, quod honestè intrucantur, & ad legum observationem incitentur. *Aeneas Syl.* lib. 4. *Comment. in res gestas Alphonfi.*

*Ludovicus XII. Gall. rex.*

\* Sub præfectum Aurelianensem, quo familiaritèr erat usus, sæpè quæ in-justitiæ reum liberarar, quum in eo essent omnia ad perniciem profligata damnari passus est: id adiiciens. Con-temdi priuatus pro amico: Regnum autem adeptus, leges mihi tuendæ sunt. *Annal. Franciæ.*

## De legum neglectu.

*Aristoteles.*

**C**Rebrò taxabat Athenienses, quòd cum duas res, frumenta ac leges inuenissent, frumentis vterentur, legibus nequaquam. Alludens ad Triptolemum Atheniensem, cuius ministerio Ceres vsa est in ferendis legibus ac tritico. *Laert. lib. 5. cap. 1.*

*Anacharsis.*

Anacharsidi illud tribuitur multò vulgatissimum, quod etiam & Soloni, leges aranearum telis esse similes, in quibus infirmiora animalia hærent, valentiora perrumperent. Ita leges humiles ac tenues constringunt, à potentibus impunè violantur. *Valerius lib. 7. cap. 2. Laert. lib. 1. cap. 3.*

*Agis.*

Quum è senioribus quidam, videns priscas leges & instituta vetera aboleri & alia praua succedere, atque ob id res Spartanorum inuerti, & conteri: id, inquam, cum apud Agidem iam senem deploraret, ioco respondit, Si sit, inquit, quod narras, recto ordine res procedunt. Siquidem ego puer à patre audiui quòd iam tum illis temporibus res inueterentur. Itaque si rursus inuertuntur, redierunt in locum pristinum. Hoc quidem ille ludens, ceterum

seriò dicebat, se puerum hoc quoque accepisse à patre, nihil est mirum si præsentibus succedant deteriora: sed mirandum, si succedant meliora, aut similia. Notauit peculiarem senibus querelam, de rebus in deterius prolapsis, simulq; rerum humanarum hanc esse naturam, vt vsq; in peius degenerent.

*Demonax.*

Iurisperito dixit, leges prorsus videri inutiles, vt quibus boni non egerent, mali nihilo fierent meliores. *Erasmus lib. 8. apoph.*

*Zaleucus.*

Vt & Anacharsis & Solon dicebant, leges aranearum telis similes esse, nam si musca & culex inciderit, retinetur: si verò vespa, aut apis, disrupta tela auolant. *Stob. serm. 431. De potentibus in ciuitate. Anton. part. 1. serm. 67. Plut. in Solone.*

*M. Cato.*

Sæpenumero magistratus admonere solebat, vt sumerent pœnas de his qui in leges aliquid peccarent. *Plu. in apoph.*

*Vide apoph. de Pœna neglecta.*

## De legum renouatione & abrogatione.

*Lycurgus.*

**C**Vidam percontanti, quam ob causam non vteretur legibus scriptis? Quoniam, inquit, eruditi qui sunt, rectèque educati, probant quid pro ratione temporis expediat. Significans, scripturam non mutari cum pro varietate occasionum vir probus & sapiens sæpenumero cogatur mutare consilium. Ea res nominatim præscribi non potest. Satis est ciues honestè fuisse institutos, hi sua sponte videbunt quid pro tempore facti sit opus. *Plutarch. in Lacon.*

De

## De lepidè dictis.

*Socrates.*

**C**um Xantippen diu rixantem tulisset in ædibus, ac tandem festius consedisset ante fores, illa magis irritata quiete viri, de fenestra perfudit eum lotio. ridentibus qui præteribant, & ipse Socrates arridebat, dicens: Facile diuinabam, post tantum tonitru sequuturum pluuiam. Laert. in eius vira.

*Diogenes.*

Cum diutissime legens tandè eò venisset, vt videret chartam vacuam: Bono, inquit, animo estote viri, terram video. Alludens ad longa nauigatione fessos, qui recreantur animo, si portus procul appareat. Laert. lib. 6. cap. 2.

*Idem.*

Cum in dolio suo, sicco mucidòque pane vescens solus, alios lætitia perstreptentes audiret (erat enim dies festus) traxiosus factus, diu secù de relinquendo vitæ instituto cogitauit. Sed cum tandè mures videret abrepentes, panis micæ edere: Quid tibi displices, inquit, ò Diogenes? Iat magnificus es: ecce enim parasitos alis. Idem.

*Aristippus.*

Ei cum à Dionysio tres puellæ oblatae essent, vt optionem eligendi, quam veller, haberet, omnes domum duxit, dicens: ne Paridi quidem fuisse tutum, vnam cæteris præferre. Laert. l. 2. c. 8.

*Idem.*

Cuidam qui proposuerat ænigma, vt solueret: Quid, ò stolide, inquit, vis soluam, quòd nobis etiam ligatum exhibet negotium? Idem.

*Idem.*

Cuidam interroganti, Num tu es vbique? ridens: Naulum, inquit, non perdo, si sum vbique. Elusit autem Aristippus sophisticam quæstionem, an

idem corpus possit esse in multis locis: dum respondit, non esse periculum ne perdat naulum. Perdit enim naulum, qui dato pretio non peruehitur eò quò cupiebat. Idem.

*Idem.*

Concubinæ dicenti, Sum ex te grauida: respondit, Istuc nihilo magis scire possis, quàm per densissimas spinas ambulans dicere, hæc me spina pupugit. Idem.

*Anonymus.*

Lacon quidam cum duras amygdalas duplo vendi conspiceret: Suintne hic, inquit, rari lapides? Quasi nihil interesset inter filicem & duram amygdalam. Plut. in Lacon. apoph.

*Alius.*

Alius quidam Lacon, cum se voto obstrinxisset, quòd se de Leucate præcipitem daret, conscendit in montem: & conspecta altitudine, sese auertit. Id cum illi probro obiiceretur: Non putaram, inquit, illi voto maiore voto opus esse. Idem.

*Pausanias Cleombrosi f.*

Cum post victoriam à Medis apud Plateas reportatam præcepisset suis, vt apponerent cenā Persicam, quam sibi barbari prius apparauerant: ea cū esset sumptuosissima: Lurco, inquit, eras ò Persa, qui cum tantas haberes delicias, ad nostram veneris mazam. Erat autem maza, panis genus contemptum ac vulgare. Plut. in Lacon.

*Leostychidas.*

Cum portæ illi proximæ clauem draco circumuolutus esset complexus, idque augures affirmarent esse portentum: Mihi, inquit, nequaquam videtur: sed si clauis fuisset complexa draconem, portentum erat. Lepidè hominum superstitionem irrisit, qui sæpenumero terrentur his quæ casu aut fortè fortuna eueniunt. Plutarc. in Lacon. apoph.

*Agashocles.*

*Agathocles.*

Itacæpses cum nauas apud Agathoclem accusassent, quod ad insulâ appellentes, pecora quædam abegissent: Agathocles, Vestier, inquit, rex cum venisset ad nos, non tantum pecudibus abreptis, verum ipso etiam pastore exocularo recessit. Alludens ad fabulam Homericam de Vlyse, qui Polyphemum Cyclopem exæcauit. Plut. in apoph.

*Augustus Cæsar.*

Cum ab eo Pacinnius Taurus munus peteret, diceretque; populari rumore sparsum, pecuniam haud parvam ipsi à Cæsare datam: Sed tu, inquit, noli id credere. Lepidè significans, se nequaquam id datum, quod aperte petere non auderet. Suetonius in eius vita.

*Idem.*

Suprà de Ambiguè, facètè & iocose dictis.

*Vespasianus.*

Infra, tir. de Curiositate.

*Londonicus xij. Gall. rex.*

\* Extant eius lepidè dicta collecta & edita libro peculiari ex annal. Franciæ descripto. Hæc autem quod grauiâ & memoranda esse videantur, ad peculiare suos locos retulimus, vt ex indice constat.

*Vide apoph. de Ambiguè, argutè, facètè & iocose dictis.*

## De liberalitate.

*Bion.*

**S**emper dicebat esse optabilius, suam messem alteri largiri, quam alienam decerpere. Sensit, felicius esse dare, quam accipere. Laert. l. 4. c. 7.

*Diogenes.*

Cum à Platone petiisset paululum vini, simulque castæas, Plato misit lagenâ plenam vino. Cui Cynicus hunc

in modum gratias egit: Cum interrogaris, Quot sint duo & duo? respondes viginti. Ita, non secundum ea quæ rogaris das, nec ad ea quæ interrogaris respondes. Laert. l. 6. c. 2.

*Idem.*

Si quando egebat pecuniis, eas ab amicis accipiebat. at suggillantibus eum quod præter philosophi dignitatem peteret, quod esset mendicorum: Imò, inquit, non peto, sed repeto, *ἐν ἀντὶ ἀνὰ ἀναπύ.* Repetimus enim mutuum, aut depositum. Amicus autem egenti, amico dans, non donat, sed reddit quod debet, quisquis enim in tali casu pecuniam feruat, rem alienam detinet. Ibid.

*Idem.*

Illi etiam tribuitur hoc ænigma, manus non esse porrigendas amicis complicatis digitis. Innuens, non satis esse, si comes nos præbeamus, sed comitati comitem adiungendam benignitatem. Qui comiter tractant amicos, dicuntur *ἀξιοῦν*, quasi dicas dextrare. Laert.

*Aristoteles.*

Cuidam increpanti, quod homini malo dedisset eleemosynâ: Non mores, inquit, sed hominem cōmiseratus sum: Etiam improbis in necessitate succurrit vir bonus. Debetur enim hoc officium, si non meritis illius qui iuuatur, certè naturæ. Et bonus fieri potest, qui malus est. Laert. l. 5. c. 1.

*Demosthenes.*

Interrogatus, quid Deo simile haberent homines? respondit, Benignè facere. Max. ser. 8.

*Xenophon.*

Dicere solebat, multò præclarius ac laudabilius esse beneficiorû, quam trophæorum multitudinem post se relinquare. Stob. ser. 46.

*Arctifilans.*

Quum Apellem Chium ægrum inuisens,



uisens, etiam egere sensisset postri-  
die reuisit illum, decem drachmas se-  
cum adferens, & proximè affidens:  
Hic nihil est, inquit, præter Empeda-  
clis elementa. Deinde sub ceruicali  
clam deposuit drachmas, ab ancilla  
paulò post repertas. Tunc æger, hic  
est, inquit, Arcefilai ludus. Eras lib. 6.  
apoph. in Plut.

*Agessilaus.*

Sibi multò iucundius esse dicebat, si  
milites suos ditaret, quàm si discesceret  
ipse. Plut. in Lac. apoph.

*Anaxilauus.*

Interrogatus olim, quid in tyrannide  
omnium esset felicissimum? respondit,  
In conferendis beneficiis nunquam  
vinci. Stob. ser. 46.

*Timandridas.*

Quum peregrinationem suscepisset,  
familix procurationem filio delega-  
uit. Deinde reuersus postquam rem  
multis partibus auctiorem reperisset,  
quàm antea fuisset, multos dixit ab il-  
lo deos & familiares atq; hospites in-  
iuriis affectos. Etenim quæ in faculta-  
tibus supererant, ea in illos à liberis  
ciuibz erogari. Verùm dum (inquit)  
in uiuis agis, pauper atque egenus vi-  
deris. At quæ eris vita defunctus, opes  
& diuitiæ rei familiaris deprehense,  
turpitudinem tuam asperient. *Ælian.*  
lib. 4. de Var. hist.

*Cytus.*

Cum quidam ad eum misisset orna-  
menta multa, ea distribuit amicis. Qui-  
dam verò querente, Cur sibi nihil re-  
liquisset? Quia, inquit, corpus meum  
his omnibus ornari non potest; ami-  
cos autem his ipsis ornatus intuens,  
maximum mihi ipsi ornamentum ap-  
tum esse putabo. Max. ser. 6.

*Artaxerxes Leuigianus.*

Dicere solebat, Regalius esse adde-  
re, quàm adimere. Sentiens, principe  
dignius esse, honores & opes eorum

quibus impetrat, augere potius, quàm  
imminuere. Plut. in reg. apoph.

*Dionysius senior.*

Quum ad filium ingressus conspe-  
xisset vasculorum aureorum & argen-  
teorum magnam vim, exclamans: Nō  
est, inquit, in te regius animus, qui his  
poculis, quæ à me tam multa accepi-  
sti, neminem tibi amicum feceris. Sen-  
tiens, absq; ciuium beneuolentia regi-  
num nec parari, nec teneri. Beneuo-  
lentiam verò maximè conciliat libe-  
ralitas. At iuuenis, rerum imperitus,  
putabar esse felicius habere argentum  
& aurum, quàm amicos. Plutarch. in  
apoph.

*Dionysius iunior.*

Quum sæpe pecuniam Platoni da-  
ret, atque is nunquam acciperet: Ari-  
stippus, qui aderat, Turdò, inquit, libe-  
ralis & munificus est Dionysius. Brul.  
lib. 2. cap. 21.

*Artaxerxes.*

Quum Satibarzanes Artaxerxis à  
cubiculis, quiddam minus iussu ab  
eo peteret, sentiretq; rex illum hoc fa-  
cere sollicitatum, triginta Daticorum  
millibus, questori ærarij sui mandauit,  
ut Daticorum triginta millia ad se de-  
ferret, eaq; dedit Satibarzani, dicens,  
accipe o Satibarzanes: nam hæc tibi  
cum dederò, non ero pauperior. Plut.  
in apoph.

*Alexander.*

Quum 200. æris alieni talenta sibi  
cōstasset, non antè nauem conscendit,  
quàm rebus amicorum pensatis, huic  
quidem agrum, illi villam, alteri do-  
morū prouentum, alteri portoria elas-  
gitus est. Absumptis igitur ac distribu-  
tis ferè regis opibus omnib; rogatus  
à Parmenione, quid regi superesset?  
respondit Alexander, Superest mihi  
spes acquirendi maiora. Plut.

Idem superius. Idem  
Doxibus plurimis committiones  
dona.

donauerat: æque alienum militibus, quod confluuerat, quum dissoluere veller, ac propterea vt darent nomina iussisset, multis ex illis, ne apud regem intemperantiæ vitium subirent, nomina sua dare noluerunt. Id quum Alexandro innotuisset, increpata illorum diffidentia, Non decere, ait, e mentiri in populares suos. Q. Curtius.

*Idem.*

Interrogatus à quodam vbinam suos thesauros haberet, amicos ostendens, ait: In scriniis. Summa enim liberalitate suos amicos semper ornauit. Maxi. ferm. 6.

*Orsines.*

Quum Alexandrum & eius amicos muneribus amplissimis honorasset, Bagoæ eunuchus nihil dedit: sed admonitus ab amicis, quod is Alexandro cum primis esset charus respondit, se regis amicis honorem habere, non scortis: nec apud Persas esse moris, vt vici mates ducant. Agnoscat in hoc sapientia mentem Cyro generis auctore dignam. Honorare nouerat, adulari non poterat: quum hodie quoque cernantur in aulis, qui scortis, morionibus ac lenonibus principum plus deferant honoris, quam genere ac virtute præcellentibus viris. Eras. l. 8. apopex Q. Curtio.

*Alexander.*

Anaxarcho philosopho iusserat quæstorem dare quantumcunque ille postularer: cumque quæstor audita postulatione turbatus, Alexandro indicasset philosophum petere centum talenta: Rectè, inquit, facit, sciens se amicum habere, qui tantum dare & possit & velit. Hic dubites, vtrum potius admirari oporteat, regiàmne liberalitatem in donando, an philosophi improbitatem in postulando: nisi malumus hanc vocare fiduciam. Plut. in apoph.

*Idem.*

Quum quidam urbem donaret, dicente eo cui donabatur, Non conuenire fortunæ suæ: Non quæro, inquit rex, quid te accipere decet, sed quid me dare. Seneca.

*Idem.*

Perillus, vnus ex amicis Alexandri, filiabus suis ab Alexandro dorem petiit. Iussit rex, illum capere talenta quinquaginta, cumque is respondisset, Decem satis esse: Tibi quidem, inquit, satis est tantum accipere, mihi verò non satis est tantum dare. Præclare dictum, nisi virtutis indolem ambitio vitiaisset. Plut. in apoph. Sen.

*Idem.*

Xenocrati philosopho quinquaginta talenta dono misit: ea quum ille recusasset accipere, dicens sibi non esse opus: interrogauit, anne amicum quidem vllum haberet, cui esset opus? Nè mihi, inquit, vix Darij opes in amicos suffecerunt. Hic vtrius animus magis admirari conueniat, nondum statui: regisne tam ad liberalitatem propensum, an philosophi qui tantum munus à tanto rege vltro delatum remiserit. Plut. in apoph.

*Ptolemæus Lagi F.*

Maxima cum voluptate amicos suos locupletes fecit, vnde à quibusdam ob id reprehensus, Melius est, inquit, ditare quam ditescere. Ælian. lib. 13. de Var. hist.

*Antigonus.*

Aristodemo, qui vnus ex amicorum regionum numero fuit, è coquo vt putabatur prognatus, suadenti vt impedias ac largitionibus aliquid detraheret: Verba tua, inquit, Aristodeme, ius olent. Subindicans, coquorum esse parsimoniam, non regum, proinde illum tali consilio non meminisse, cuius esset amicus, sed quo esset patre natus. Plut. in apoph.

*Scipio*

*Scipio Nasica.*

Cum ad poetam Ennium venisset, eiq; ab ostio querenti Ennium, ancilla dixisset, eum domi non esse: Nasica sensit illam hoc domini iussu dicere, & illum intus esse. Ac tum quidem dissimulans abiit. Ac paucis post diebus, cum ad Nasica venisset Ennius, eumq; à ianua quereretur, exclamat ipse Nasica, se domi non esse. Tum Ennius: Quid? tamen ego vocem tuam audio, & agnosco. Hic Nasica: Næ, tu homo es impudens? ego cum te quererem, ancillæ tuæ credidi: tu mihi non credis ipse. Eras. l. 6. apoph.

*Lucullus.*

Cum ob nimiam liberalitatem reprehenderetur ab amico, respondisse fertur: Benemeritis semper parem remittendam esse gratiam. Plut.

*Galba.*

Delectatus inter cœnandum tibicine Cano, iussit loculum ad se afferri, & acceptos nummos in Cani manus imponens, dixit: Non ex publicis, sed ex priuatis te dono pecuniis. Suet.

*M. Antonius.*

Filium habebat ex Fulvia. Is puer Philotæ dederat ingentem vasorum vim: quæ cum ille recusaret accipere, metuens ne pater tantam filij liberalitatem non probaret, Quid times, inquit puer, accipere? An nescis, eum qui dat, filium esse Antonij. Plut. in Ant.

*Idem.*

Prodigosè profusus, dicere solebat, Amplitudinem imperij Romani non per ea quæ acciperet, sed per ea quæ daret illustrari. Ea vox excelsi animi videri poterat, nisi ab Antonio fuisset profecta. Plut. in Ant.

*T. Vespasianus.*

Interrogatus, cur tam multa polliceretur amicis? respondit, non oportere quenquam à Cæsare tristem discedere. Suet.

*Alexander Severus.*

Ei qui nihil petebat, Quid est, ait, quod nihil petis? an me tibi vis fieri debitor? Pete, ne priuatus de me queraris. Voluit autem indicare Imperator prudentissimus, subditorum esse, ut ira gerant se erga superiores, ut petentes aliquid, digni sint quæ ex principis liberalitate amplissima accipiant munera. Lamprid.

*Constantinus Chlorus.*

\* Utilitati ac commodis prouincialium & priuatorum studuit. Ac sicut quondam Cyrus dixit, se thesauros sibi parare, dum amicos diuites redderet: ita Constantius in ore sæpe habuisse fertur, Melius esse, opes publicas à priuatis haberi, quàm intra vnum gratium possideri. Eutrop.

*Alphonfus.*

Ei cum à quodam deferrentur aureorum decem millia, dixissetque qui fortè aderat, ea duntaxat summa se diuitem & beatum fore: Accipe, rex inquit, quantacumq; ea est, & beatus esto. Pan. l. 4. de reb. gest. Alphonfi.

*Idem.*

Cum audisset Vespasianum Cæsarem, eam diem se perdidisse solitum dicere, in qua nihil quicquam alieni donasset: egisse gratias dicitur Deo optimo max. quòd eo modo nec diem ipse perdidisset. Panor. l. 2. de reb. gestis Alphonfi.

*Sigismundus imp.*

Promissa veterano militi exigenti, cum diceret, At immoderata fuit tua petitio: respondit miles, Poteras negare cum peteres, non autem sine turpitudine quod promissum est, rescindere non poteris. Tum Sigismundus, Si ex duobus alterum me ferre oportet, leuius rerum, inquit, quàm fama iacturam subibo. Fuit enim in Sigismundo tanta liberalitas ac munificentia, quanta in nullo antea principum,

cipum. Aeneas Sylu. lib. 3. commentariorum de reb. gest. Alphonfi.

*Vide apophi. de Beneficentia, & Munificentia.*

## De liberè dictis, seu de loquendi libertate.

*Bias.*

**N**auigans cum hominibus impiis, tempestate correptis, aliis ad deos clamantibus, Bias: Silere, inquit, ne Dij vos homines scelerosos hic nauigare sentiant. Laer. lib. 1. ca. 6.

*Idem.*

Alcibiadè hoc elogio taxauit, quòd adolescens viros abduxisset ab vxoribus, iuuenis verò factus vxores à viris. Laer. 1. 6. c. 7.

*Crates.*

Alexandro percontanti, num cuperet restitui patriam suam? Quid opus est, inquit? Fortassis alius Alexàder restitutam diruer. Laer. 1. 6. cap. 5.

*Aristippus.*

Percontatus à Dionysio, cur in Siciliam venisset, relicto Socrate? Vr, inquit, quæ habeo impartiam: quæ non habeo, accipiam. Laer. 1. 2. c. 8.

*Idem.*

Iussus aliquando ex sua philosophia non nihil proferre, quúmque detrectantem vrgeret Dionysius: Ridiculum, inquit, si quidè me vr de Philosophia loquar rogas, & quando oporteat me loqui doces. Laer. libro 2. cap. 8.

*Idem.*

\* Sciscitatus, quem fructum percepisset ex philosophiæ studio? Quod cum quibuscumque (inquit) liberè loqui possum. Laer. Ibidem.

*Zeno Cissienus.*

Dionysio cuidam decenti, cur me vnum omnium non corrigis? Non enim, inquit, tibi credo. Subindicans,

sibi non esse spem, illum, si corrigeretur, fore meliorem. Laert. libro 7. cap. 1.

*Idem.*

Acusatus quòd in perniciem Nearchi tyranni coniurasset, & in questionibus iussus edere nomina coniuratorum, nominauit plerosque illi amicissimos. De his cum tyrànus sumpsisset supplicium, rogarètque num quis superesset? Tu solus, inquit, Reipublice perniciēs. Laer. lib. 9. cap. 5.

*Pythagoras.*

Cum quidam ad Pythagoram dixisset, Nimirum me irrides: Atqui, inquit, lienosis acria & acerba prosunt, dulcia verò nocent. Max. ser. 3. 1.

*Democritus.*

Libertatem in dicendo, ingenuitatis signum esse dicebat: sed occasionis diuersitatem, habere periculum. Stob. serm. 1. 1.

*Idem.*

Quum pro Atheniensibus apud Philippum legatione fungeretur, liberèque loqueretur. Philippus, Metuiscene, inquit, ne tibi caput iubeam amputari? Non, inquit: nam hoc si mihi abstuleris, patria ipsa mihi immortale pro hoc reponet. Maximinus ser. 3. 1.

*Idem.*

Quum apud Dionysium quæreretur, quod æris genus esset omnium optimum? Ex quo, inquit, Athenienses statuas fecerunt Harmodio & Aristogitoni. nimum liberè significans, tyrannos è medio tollendos. Nam obiectos tyrannos Athenienses illis statuas erexerunt. Idem Antiphonti & Diogeni tribuitur tum à Plutarcho, tum à Laertio. Laer. lib. 9. cap. 7.

*Democritus.*

Furè ab vndecim viris abduci videns, Vah, miser, inquit, cur tantula furatus es, & non potius magna, vt tute etiam abduxisses alios? Stob. ser. 1. 1.

*Cc*

*Anaxarchus*



*Anaxarchus.*

Inuisum habuit Nicocreontem Cypri tyrannum. Itaque quum in cœna quadam Alexander rogasset, qualis illi videretur? Præclara, inquit, sed oportuit & satrapæ cuiusdam caput apponi, oculos detorquens in Nicocreontem, qui aderat, à quo etiam postea crudeli mortis genere è medio sublatus est.

*Empedocles.*

Ad quendam dicentem, quòd nulum sapientem reperire posset: Non mirum est, inquit. Oportet enim, ut ille primùm sapiat, qui sapientem querit. Laert. l.9.c.2. Anton. in Meliss. par.1. ferm.50.

*Aristippus.*

Socrate perstringente vnguentis delibutos. Phædon quæsiuit, quis esset ille vnguentis delibutus? Ego, inquit, Aristippus infelix, & me multò infelicior Perfarum rex. Laert. l.2.c.8.

*Plato.*

Diu in Sicilia commoratus, cum à Dionysio cui semper familiarissimus fuerat, vocatus esset ad cœnā, & inter alia, quæ cœnantes fabulabātur, Dionysius interrogaret, num etiam apud Athenienses in philosophorum conuētū Dionysij mentionem facerent? Plato subridens, respondit: Nūquam philosophos, qui Athenis viuunt, ita vacare, aut de tam vili materia inter eos tractari posse, ut loqui de Dionysio valeant. Liberè & apertè vitam eius, ut dignus erat, reprehendens. Plur.

*Idem.*

Cum Dionysio Hermocratis filio de tyrannide differens, ait, nū statim esse præstantius, quod vni tantum sit vtile, nisi & virtute cæteris antecelleret. Offensus tyrannus dixit, οἱ λόγοι σοῦ χερσίν. id est, verba tua sapiūt seniū. Cōtrā Plato, οἱ δὲ σοῦ πνεύματι, id est, tua verò tyrannydē sapiunt, Laert. l.3.

*Socrates.*

\* Dicebat opportunam occasione linguæ liberè, ut temporis maiorē conciliare gratiam. Item, Neque gladium obtusum, neque loquendi libertatem infructuosam esse debere. Item. Ut minimè solem è mundo, ita neque dicendi fiduciam à recta institutione tollendam. Item. Sicut pallium sordidum non obstat corpori, quo minus sanum & quadratum sit: ita paupertas nihil orationis fiduciam prohibet. Stob. ferm. de fiducia & libertate dicendi.

*Diogenes.*

Aliquando in Antisthenem incidens, reprehendit ipsum ut in dicendo remissiorem se multò, & qui vix etiam altum clamans exaudiretur. Seipsum verò tubam conuiciorum appellabat. Cui verbis se vlciscens Antisthenes, pro tuba se similem esse respondit vespis, quæ sonum quidem alis haud magnum edant, centrum tamen habeant acerrimum, plurimum verò libera Diogenis linguæ promptitudine delectabatur. Stobæus sermone 11.

*Idem.*

Dicere solebat: Canes quidē mordent inimicos, ego autem pro libertate mea amicos, ut incolumes seruem. Stob. ser. 11.

*Idem.*

Idem ab Eritio petiit quiddam magni, qui quum ex more his verbis negaret: Faciam, si mihi persuadere possis. Si possem, inquit Diogenes, iā pridem tibi persuasissem, ut te suspenderes. Laert. l.6.

*Idem.*

Quum in publica via pranderet, multique cingerent illum ob spectaculi nouitatem, ac subinde acclamerent, Canis Canis Canis: Imò, inquit, vos potius estis canes, qui prandentem circumstatis. Ibidem.

*Idem.*

*Idem.*

Inuitatus ut ad Alexandrum regem veniret, recusauit. At Perdiccæ præfecto minitanti necem, ni veniret: Nihil inquit, magni feceris, siquidem & cantharis & phalangium idem possunt. Laer. l. 6. c. 2.

*Idem.*

Cum captiuus in castra ad Philippum Macedoniæ regem deduceretur, ac à rege interrogaretur quisnam esset? respondit, se exploratorem esse ad ipsum profectum, ut insatiabilem eius rapacitatem videret. Qua loquendi libertate victus Philippus, statim eum dimitti iussit. Plur.

*Idem.*

Spartanus quidam hoc Hesiodi carmen laudibus in cælum efferebat, quod ita habet,

*Οὐδ' εἰ βούλοιοιτο, εἰ μὴ γαίτων κακὸς εἴη.*

*Non vel hoc pereat, etiamsi vicinus malus adsit.*

Idque audiente Diogene: Atqui, inquit, Messenij cum bobus suis perierunt, & vos illorum estis vicini. Notauit autem libere turpissimos Spartanorum quorundam mores. Ælian. lib. 9. de Var. hist.

*Aristoteles.*

Calisthenem discipulum, liberiùs multa dicentem apud Alexandrum, Homérico carmine admonuit,

*αἰχμωγεὶς δὴ μοι τίκεις ἱσταντοῖς ἀγροῖσι.*

*Talia nate loquens, haud multo tempore viues.*

Nec malè diuinauit, nam libertas illi fuit exitio. Laer. lib. 5. cap. 1.

*Cleanthes.*

Inconstantiam Arcefilai præsentem regi adeo libere reprehendit, ut diceret hominem aliud loqui, aliud facere. Laer. lib. 7. cap. 2.

*Aristides.*

Cum liberiùs quædam in Diony-

sium seniore dixeret, res ad regem delata est. vocatus igitur Aristides à rege irato, mortemque minitanti, cum interrogasset an facti pœniteret: Nequaquam, inquit, vlla pœnitentia tangor. Brusi. l. 2. c. 1.

*Aristonymus.*

\* Dicente quodam, plus satis ab ipso illudi sibi: At etiam lienosis, inquit, acria & amara salubria, dulcia verò noua sunt. Stob.

*Idem.*

\* Perinde facere dicebar, qui ex oratione libertatem tollit, ac si ex absynthio tolleret acrimoniam. Anton. & Maxim. serm. de libertate repreh.

*Menedemus & Asclepiades.*

Menedemus Eretrienfis à Nicocreonte Cypri tyranno vocatus ad solenne conuiuium cum Asclepiade amico, cæterisque philosophis, dixit: Si honestum est tales conuocare viros, oportuit id quotidie fieri: sin minus, etiam nunc frustra fit. Ad id quum tyrannus respondisset, diem illum esse sibi festum, eoque singulo quoque mense vacare audire philosophos: liberius respondit Menedemus, Hoc postulare sacrificiū. ut per omne tempus audiret philosophos. Quid multis? Eò processit hominis libertas, ut nisi tibi cen quispiam eos auocasset, perituri fuerint. In naui quum periclitaretur, Asclepiades dixit, Tibicinis modulatio seruauit nos, Menedemi libertas perdidit. Laer. l. 2. c. 18.

*Phocion.*

Cum per totam urbem effeminatū esset, à Delphico oraculo responsum esse, vnum Athenis virum esse, qui aduerso omnibus aliis ciuibus animo esset: & cui præsentium rerum administratio inuisa esset, ac cum hinc inde quærent, quisnam is esset? Ego sum, inquit, cui planè nihil placet eorum quæ id tempus in administrandâ

Cc 2

vestra

vestra republica geruntur. Plutar.

*Demosthenes.*

Ingenuis hominibus nihil infelicius accidere posse dicebat, quàm si dicendi libertatem amittant. Stob. serm. II.

*Phocion.*

Cùm aliquando Athenis non ad gratiam, sed ad vtilitatem concionaretur, ei Demades orator dixisse dicitur: Si populus insanierit, te occidet. Cui Phocion: Te verò, si sapiet, Maxim. ser. 31.

*Simonides*

Pausaniæ Lacedæmoniorum regi subinde de rebus à se gestis glorianti, tandem & Simonidem per irrisiōnem hortanti, ut aliquid sapienter ipsum admoneret. Moneo, inquit, ut te memineras esse hominē. Eras. l. 6. apoph.

*Licurgus.*

Ob generis nobilitatem liberior erat in dicendo, quàm ut populus interdum ferre posset. Itaque cum aliquando populi strepitu exploderetur è suggestu, exclamauit, O Coreyræa scutica, quàm multis talentis digna es! Notans, populum à quo eiiciebatur, magnæ quidem authoritatis ac nominis esse, sed inutilem rebus gerendis. Eras. l. 8. apoph. ex Plutarch.

*Theocritus*

Quendam ineptum poetam recitantem carmina auscultans, interrogatus ab eo, quænam ei placerent? respondit, Quæ omisisti. Antonius in Melissa, par. I. ser. 50.

*Philoxenus.*

Suprà titulo de Constantia.

*Timotheus Cononis F.*

Aristophontem Atheniensem, eloquentem quidē illum, sed luxuriosum hominē, acerbissimè increpauit hisce verbis: cui satis esse nihil potest, ei ne turpe quidem videretur esse quicquam. Stob. serm. II. ex Ælian.

*Hippocrates.*

Hippocrati quidam persuadere conabatur, ad Xerxem proficisci, bonum dominum appellans. At ille: Ne bono quidem domino mihi opus est. Stob. serm. II.

*Anonymus.*

Cùm iuuenis in theatro gloriaretur, & sapientem se predicaret, ut qui cum multis sapientibus conuersatus esset, respondit quidam, Et ego multis diuitibus conuersatus, non tamen diues sum. Anton. in Melis. par. I. ser. 50.

*Lafus.*

Cùm indoctus quidam pictor ei diceret, Opere tectorio illine domum tuam, ut ipsam depingam, respondit, Minimè: sed tu prius eam depinge, ut illinā postea. Anto. par. I. Melis. ser. 50.

*Anonymus.*

Tarentini iuuenes cum multa de Pyrrho rege securius inter cœnam locuti essent, & is iam facti rationem reponceret, posteaquam res neque negari neque defendi posset, vnus ex his, Imò, respondit, nisi lagena defecisset, occidissimus te: qua loquendi libertate rem seriam cum in iocum vertisset, tota inuidia criminis dissoluta est. Quintil. lib. 6. capit. de Risu. Plutar.

*Theodorus philos.*

Fertur, cum Theodorus, qui certas ob causas impius cognominatus est, Athenis profugus venisset ad Lyfimachum, & quidam ex optimaribus eam fugam exprobrasset, simulque fugæ causam, quod negaret deos, & iuuentutem corrumpere, respondisse: Non profugi, sed idem mihi accidit quod Herculi. Nam & ille ab Argonautis fuit expositus, non ob crimen vllum, sed quod vel solus esset iustum onus nauis, & cæteri vectores vererentur ne prægrauata subsideret: Ita ego, quoque migraui propter magnanimitatē, quam cum Atheniensium rectores non

non valerent assequi, inuidere maluerunt. Philo Iudæus lib. Quod omnis probus liber.

*Idem.*

\* Lyfimacho minitante ei necem, Ignorabam, inquit, te non regis, sed ciuitæ vim habere. Stob. ser. 2.

*Demades.*

In pugna ad Chæroneam à Philippo captus, eique commendatus, cum Philippus inter pocula hæc verba iactaret: Vbi nunc est nobilitas & præstantia ciuitatis Atheniensium? Cognosceres, dixit, ò rex, ciuitatis vim, si Philippus Atheniensibus, Chares autem Macedonibus imp. Stob. ser. 52.

*Anonymus.*

Lacon quidam audiens à quodam Pindaro, scriptum esse, Græciæ fulcimentum esse Athenas? Rururam mox Græciam dixit, si tali futura niteretur. Plut. in Lacon.

*Idem.*

Lacedæmones cum vnum tantum legatum ad Demetrium regem potissimum misissent, rex contemptum se arbitratus, interrogauit, cur solus in regis cōspectum prodire auderet. Cui legatus, an nō satis est, (inquit) vnum ad vnum? Bruson. lib. 2. cap. 1.

*Pelopidas.*

Ab Alexandro Pheræo captus, cum haud arcta custodia teneretur, per id tempus populos Alexandro subditos sollicitare non desinebat, monebātque breui Alexandrum poenas daturum. Quod cum Alexander rescuisset, misissetque qui Pelopidam monerent, nisi linguam cōpesceret, fore ut ei mortis causam afferret: nuntio respondit, Alexandro referret, Pelopidam mirari, quod tam diu distulisset, cum ipse adeo in eum hostili animo esset, ut si vnquam euadendi facultas daretur, ad dandas poenas pro eis quæ impiè in populos suos nulla eorum culpa ede-

rer, ipsum coacturus esset. Paulò post Pelopidæ opera Alexander à suis interemptus fuit. Fulgosius libro 6. ex Plutarcho.

*Idem.*

Ab Alexandro captus, tyranno nuntiavit, absurdum esse ut alij interficerentur, ipse autem solus superstes esset. Alexander igitur re intellecta, interrogat, cur mortem optaret? Respondit Pelopidas, Tu diis omnibus inuisus cum sis, cur non prius mori optas? Brus. lib. 2. cap. 2. ex Plut.

*Idem.*

Infrà de morte contemnenda.

*Idem.*

Thebe Alexandri Pheræi vxor, cum ad visendum Pelopidam, qui ab Alexandro in vinculis tenebatur, descendisset, ac dixisset Pelopidæ, Miseret me tuæ vxoris: & me (respondit Pelopidas) tui, quod libera cum sis, Alexandrum feras. Plut. in apoph.

*Philotes.*

Cum à Lyfandro, qui eum bello ceperat, interrogaretur, quid is meritis esset, qui de Lacedæmoniistatū, ut ei vitio dabatur, oblocutus esset: Interitus respondit, O Lyfander, noli eum accusare qui iudice careat, sed iam rādem aduersum me id exequere, quod ipse iam in te fecissem, si tam tu in mea manu esses, quā ego in tua sum. Quamobrem eum Lyfander occidi iussit. Fulgos. lib. 6. ex Plut.

*Philoxenus.*

Cum Dionysij carmina paulò liberius reprehendisset, ob eam causam lapidicinis adiudicatus est. Deinde reuocatus, ac iterum ad eius carminū recitationem admissus, non multum immoratus surrexit. Quærenti autem Dionysio, quonam abiret? Ad Laturmias respondit. Stob. ser. 11.

*Themistocles.*

Puer adhuc cum quodam tempore



è ludo literario rediret, obuiam Pisis-  
trato tyranno factus, de via decedere  
noluit. vnde cum grauitè à pædago-  
go obiurgaretur, liberè respondisse  
fertur: Nunquid hæc via ei non suffi-  
cit? *Ælian. de Var. histor. lib. 3.*

*Demetrius.*

Improbo quodam intempestiuus cum  
interrogationibus cauillante, ac idem  
sepius iam rogante, quis optimus es-  
set Spartanorum? Qui tibi, inquit,  
longè dissimilimus est. *Plut. in Lacon.*  
*Brus. lib. 3. cap. 16.*

*Idem.*

Eo tempore quo Philippus Macedo-  
num rex ortis discordiis cum vxore  
& filio diffidebat, interrogatus à Phi-  
lippo, quâ bene inter se Græciæ ciui-  
tates conuenirent? Liberè respondit,  
Magnæ sanè tibi curæ est, Philippe, vt  
de Græcorum concordia certior fias.  
Siquidem id ad te pertinet, postquam  
cum coniuge tua ac filio tam concor-  
diter, tantoque in amore viuus. *Fulgo.*  
*lib. 6. ex Plut.*

*Anonyma.*

Macedonica quædam vetula ad De-  
metrium regem veniens, vt quid mali  
accidisset indicaret: audiensq; à rege,  
iam otium sibi non esse, respondit, No-  
li igitur rex esse. *Fulg. lib. 6. ex Plut.*

*Chereas.*

Cum ei aliquando iratus Ptole-  
mæus rex atrociter minaretur, suam  
libertatem non minoris faciens quàm  
potentiam regiam, respondit: Ægyp-  
tiis impera, ego te tuamque iram nil  
moror. Habent enim regium quiddam  
generosæ animæ, quarum splendorem  
nec fortunæ obscurat iniuria, quod de-  
cet opponi amplis dignitatibus, ad  
retundendam liberis dictis superbi-  
am. *Philo Iudæus libr. Quod omnis*  
*probus liber.*

*Demonax.*

Proteo cuidam obliuienti, quod

morderet omnes, nec tamen Cynicum  
viueret: Amice, inquit, non viuus ho-  
minem. *Eras. lib. 8. apoph.*

*Dercillidai.*

Missus à Spartanis ad Pyrrhum re-  
gem legatus, cum Pyrrhus grauibus  
verbis eum vrgeret, vt Lacedæmonij  
Cleonymum regem, quem pepulerat,  
in regnū reciperent: nulla regis  
dignitatis ratione habita respondit, Si  
Deus es, Pyrrhe, nobis minimè timen-  
dum à te ducimus, nam cum iustam  
habeamus causam, Deus qui iustus est  
nihil aduersus nos molietur: quod si  
non Deus, sed homo es, melior profe-  
ctò non es, & propterea tantopere no-  
bis formidandum non est. *Fulgosius*  
*lib. 6. ex Plut.*

*Lyfander.*

Megarensi cuidam in publico con-  
uentu liberiùs aduersus ipsum loquē-  
ti: Tua verba, inquit, amice opus ha-  
bent ciuitate. *Plut.*

*Theodorus philos.*

Lyfismachus Macedo cum mortem  
ei minatus esset. Theodorus ad regem  
ait, Istis purpuratis & aulicis tuis mor-  
tem tam crudelem minare, qui digni  
sunt, vt inhonestò mortis genere clau-  
dant diem extremum. *Brus. lib. secun-*  
*do cap. 1.*

*Eteocles.*

Antipater, post Agin bello supera-  
tum, cum obsides petiisset pueros  
quingenta, Eteocles Ephorum  
omnium nomine liberè respondit. Si  
acerbiora more imperaueris, citius  
moriemur. *Plut. in Lacon.*

*Anonymus.*

Antipater cuidam rustico librum de  
felicitate exhibenti, non otium sibi es-  
se dixit. Cui ille, Ne regnato quidē igi-  
tur, si non fueris otio. *Stob. ser. 11.*

*Demades.*

Videns Philippum multo vino ma-  
didum, cum amicis saltantem, regem  
accedens,

accedens, ait: Non pudet te ò rex, cùm fortuna tibi Agamemnonis personam induerit, te factis agere Therfiten? Fuit autem Therfitis omnium Græcorum deformosissimus. Erasl. 6. apoph. ex Plut.

*Idem.*

Infrà de Regnandi libidine.

*Epicharmus.*

Hiero tyrannus cùm ailquot è familiaribus occidisset, paucis post diebus Epicharmum vocauit ad cœnam, cui ille nimium liberè: At nuper, inquit, cùm immolares amicos non me vocabas. Solèr, qui sacrificant, splendendum epulum apparare, adque id rogare amicos. Periculosa libertas, quæ plus laudis adfert ferenti, quam dicenti. Plut. in apoph.

*Zeno Cirtieus.*

Dionysio cuidam dicenti, Cur me vnum non corrigis? Zeno Cirtieus respondit: Quia tibi non credo. Subindicans, sibi planè nullam spem esse respicientiæ. Laert lib. 7. cap. 1.

*Anonyma.*

Syracusani cùm Dionysij tyranni exitium, propter nimiam morù acerbiteriam exoptarent: mulier quædam sola deos quotidie orabat, vt superstes esset. Quam cùm interrogasset Dionysius, cur tam assidue pro tyranni vita preces funderet? Liberè respondit: Ne multò deterior tibi succedat. Cùm enim antè te grauem tyrannum haberemus, carere eo cupiebam, quo interfecto, tu qui multo deteriores, eius successor factus es. Ita etiam timo, ne te mortuo deterrimus regnum occupet. Val. Max. l. 6. c. 2.

*Anonyma.*

Suprà de Ebrietatis variis affectib.

*Diogenes.*

Quum Alexander Magnus ad Diogenem venisset, eumq; salutasset, percontatus est Diogenes, quisnam es-

set? quumq; ille respondisset, ego sum Alexander ille rex: At ego, inquit, Diogenes ille canis. Non minus superbiens sua libertate quàm Alexander suo regno. Interrogatus autem, curnam canis vocaretur? Quoniam, inquit, dentibus blandior, non dentibus oblatro, malos etiam mordeo. Iterum Alexandro quærente, num quid vellet? Secede paulisper, inquit, nec mihi umbram facito. Laertius libro 6. capite 2. Seneca, Plutarchus.

*Antagoras.*

Suprà de Conuitiis in ipsum auctorem retortis.

*Paulus AEmilius.*

Consul aduersus Perseum Macedoniæ regem creatus, cùm mos esset in eiusmodi rebus popul. Rom. gratias agere: vt suam in dicendo libertatem seruaret, virtute & innocentia sua fretus, ad populum dixit de duobus consulatibus, quos erat adeptus: Primum se sui ipsius gratia petiisse, hunc autem secundum ab ipso populo delatum esse. Huius igitur postremi causa gratias non agere. Quin potius si quem meliorem ad eam expeditionem populus inueniret, eum eligeret. Verùm si quid in eius virtute spei reposuisset, sine verbis dicto eius audiens esset. Plutar. in eius vita.

*Scipio Africanus.*

Interrogatus quid de Tiberij Gracchi morte (cuius sororem in matrimonio habebat) sentiret? Iure cæsum, respondit. Cuius dicto cùm concio tribunitio furorè instincta violenter sueclamasset, Taceant, inquit, quibus Italia nouerca est. Orto deinde murmure: non efficietis, ait, vt solutos vrear, quos alligatos adduxi. Paterculul & Plut. item Valer. Max. l. 6. c. 2.

*Q. Flaminius.*

Cùm aduersus Philippum Macedoniæ regem bellam gereret, & intrac-

tanda pace delectus ad colloquium locus esset: Philippus fraudem veritus, obsides à Flaminio petiit, affirmans Romanis multos esse Flaminios, sed apud Macedones esse vnum Philippū. Ad quem Flaminius statim respondit, ipsius Philippi culpa accidere, qui amicos & propinquos omnes interemisset. Romano, id est, libero verbo crudelitatem atque perfidiam Philippo improperavit. Plut.

*C. Fabricius.*

Suprà tit. de Avaritia & de fide seruanda.

*L. Crassius.*

Cùm in curia à Philippi consulis licitoribus caperetur, reiecto licitore: Nō es, inquit, mihi Philippe consul, quia nec ego tibi senator sum. Cic. libr. 3. Offic. Val. Max. lib. 6. cap. 2.

*Granius.*

M. Druso tribuno plebis homini potentissimo, sed multa in Rempub. molienti, quum ab eo, vt fit, salutaretur his verbis, Quid ais Grani? Imò verò, inquit, Tu Druse, quid agis? Vtrunque refertur à M. Tull. in oratione pro Cn. Plancio. Eras. lib. 6. apoph.

*Idem.*

Quum P. Nasica tum consul, cuius iussu iustitiam in medio foro edixerat, præco Granius rogaret eum domum descendente, quid tristis esset? an quoddam auctiones essent? Imo verò, inquit Granius, quoddam legiones. notans eum, quoddam armis rem gereret. Libera sanè vox præconis in consulem, sed eximie moderationis exemplum, hoc impudè licuisse præconi. Eras. lib. 6. apophthegmat.

*Catulus.*

Infra apophr. de Oratione incomposita.

*Iulius Cæsar.*

L. Lylla sedente pro tribunali, cum prætor esset, atque Cæsari adhuc pri-

uato iratus diceret, se officio suo usum: respondit Cæsar, Rectè tu apellas officium, quod pecunia tua comparasti, Neque enim magistratus maiestate deterritus est, quin ei qua arte magistratum esset affectus coram exprobarer. Plut.

*Q. Catulus.*

Suprà tit. de Crudelitate.

*Priuernatum legati.*

C. Plautius consul de Priuernatibus, qui à Romanis descuerant, ad senatum retulit: ac variantibus sententiis quidam Priuernatum legatos percontatus est, quam pœnam viderentur meruisse? Eam, inquit è legatis vnus, quam merentur qui se libertate dignos censent. Hic consul: Quid, inquit, si vobis pœnam remittimus, qualem vobiscum pacem habituri sumus? Si bonam dederitis, inquit, & fidelem & perpetuam: sin malam, haud diuturnam. Eras. lib. 6. apoph.

*Diphilus.*

Suprà tit. de Audacia.

*L. Philippus.*

Quum in Sertorium in Hispaniam Pompeium proconsulem mitti orasset, admiratusque quispiam è patribus interrogaret Philippum, an dignum existimaret Pompeium proconsule in Hispaniam mitti: Non proconsule, inquit, sed pro consulibus. Apertissimè indicans, vtrunque consulem esse ad hoc munus subeundum inutilem. Plut.

*Cn. Piso.*

Cn. Piso, iuuenis etiamnum, Maniliū Crispum reum egit, euidenter nocentem: eumque licet præpotentem multis ac magnis criminibus vrgebat, quoddam videret illum eripi gratia Pompeij, qui Manilio reo aderat. Itaque quum Pompeius velut exprobrans iuuenilem temeritatem Pisoni, qui non vereretur nobilem & opulentum,

cum, atque ipsi cum primis amicum, ad iudices pertrahere dixisset, Quin eadem opera me quoque accuses: intrepidè respondit Piso, Da vades Reipublicæ te (si postulatus fueris) ciuile bellum non excitaturum, tuum nomen prius quàm Manilij deferam. hic elegans epiphonema subiicit Valerius Maxim. Eodem, inquit, iudicio duos sustinuit reos, accusatione Manilium, libertate Pompeium: & alterum lege peregit, alterum professione. Val. Max. lib. 6. cap. 2.

*Cn. Lentulus.*

Infra de Potestate & potentia.

*Pompeius.*

Partis iam multis victoriis, cum iam triumphum peteret, Sylla dictator restitit, contra legè id fieri ac consuetudinè receptam dicens. Cui Pompeius ait, se ab incepto non discessurum, cum plures essent qui orientem, quàm qui occidentem solem venerarentur. Quo dicto Syllæ senio iuuentam suam præposuit. Plutarc. in Pompeij vita.

*Cato Vicensis.*

Laudatus à senatu, quod populi tumultum oratione sua prorsus sedasset: At ego, inquit, vos P. C. nequaquam laudo, qui me prætorem in tanto periculo deseruistis. Plut. in eius vita.

*Idem.*

Quum in senatu pro victoria, quam Cæsar ex Vspetis Teuclerisq; Germanis retulerat, de supplicatione discernenda, ageretur, sententiam dixit, Cæsarem hostibus esse dedendum, quo Romana ciuitas à præsidio expiaretur, deinde execrationes in authorem verterent. Idem.

*Lelius.*

Suprà de Coniitiis in ipsum authorem retortis, & tit. de Generatione.

*Cicero.*

In Pompeium multa liberrimè di-

xit. Cuius hæc de iis dicta referuntur: Ego quem fugiam quidem, habeo: sed quem sequar non habeo. Macrob. li. 2. Saturn. Et cum ad Pompeium venisset, dicentibus eum serò venisse: respondit, Minimè serò veni, nam nihil adhuc paratum video. Macrob.

*Idem.*

Interroganti Pompeio, vbi gener eius Dolabella esset? respondit, Cum socero tuo. Et cum donasset Pompeius transfugam ciuitate. O hominem bellum, inquit, Gallis ciuitatem permittit alienam, qui nobis nostram non potest reddere. Macrob. lib. 2. ca. 3. Saturn.

*Geminus.*

Suprà de Castigatione modesta.

*Petronius.*

Cum Catonem sibi obstrepentem in carcerem esset coniecturus, & multi essent quibus hoc factum maximè displiceret, inter alios M. Petronius increpatus à Cæsare, quoddam senatu non dimisso abiret: Malo, inquit Petronius, in carcere cum Catone, quàm hic tecum esse. Quo audito, Cæsar statim Catonem, affectus pudore, dimisit. Dion Nicæus in Pompeio.

*Laberius.*

Ex equite Romano factus mimus, annos iam natus sexaginta, huc adigente Nerone, in actione quadam induxit habitum Syri, qui veluti flagris cæsus, ac proripienti se similis, exclamabat.

*Porrò Quirites libertatem perdidimus.*

Ac paulò post adiecit:

*Necesse est multos timeas, quem multi timeant.*

Ad has voces populus vniuersus oculos & ora conuertit in Cæsarem: intelligens, illius impotentiam his dictis lapidatam. Hoc modo, quo licuit, Laberius vltus est sortem suam. Eras. lib. 6. apoph.

*Anonymus.*



*Anonymus.*

Suprà de Innocentia.

*Anisiius.*

Cùm Romæ haberetur in senatu sermo, vt senatores Augustum (qui multis senatoriam dignitatē ademerat, ac quosdam vt sibi ipsis manus inferrent coegerat, alios tractarat contumeliosissimè) vicissim custodirent, repugnare multitudini nō ausus: Sterto (interrogantibus) ait quamobrem neque apud Cæsarem excubare. Dion Nicæus in Augusto.

*Anonymus.*

Tiberio Cæsari cunctanter & agrè suscipienti delatum imperium, quidā in os ausus est dicere: Cæteri quod pollicentur, tardè præstant: tu quod præstas, tardè polliceris. Ex Suetonio.

*Marcellus.*

Tiberius imperator cùm in edicto quodam verbo parum Latino esset vsus, interrogauit Latinæ linguæ peritos, num in Latinæ linguæ puritatem peccasset? Cui respondit Atteius Capito: Quanquam hoc verbo nemo vsus est ante hac, tamen id tua causa recipiemus in posterum. Marcellus autem quidam respōdisse dicitur, Homini bus quidem potes dare ciuitatem Romanam, Cæsar, Latina verba non potes. Hunc Tiberius, quanquam liberè locutum, nullo tamen damno affecit. Dion.

*Batso.*

Dalmatis sæpenuero defectionis author fuerat & Romanis magna damna attulerat. A Tiberio interrogatus, cur ei deficere, tamque diu contra Romanos bellare visum esset? Vos, inquit, causam dedistis, qui ad greges vestros custodiendos non mitistis canes aut pastores, sed lupos. Dion in Aug.

*Clemens seruus Agrippæ.*

Is, domino quantum ad lineamenta oris attinet, planè persimilis, cùm se

Agrippam esse diceret, atque eo pacto magnam pecuniam conflaret, comprehensus tandem à Cæsare Tyberio, interrogatusque, quomodo Agrippa factus esset? Eodem (respondit) modo factus sum Agrippa, quo tu Cæsar Romanus, significans Tiberium fraude imperatoriam dignitatē esse nactum. Dion in Tiberio.

*Subrius Flavius.*

Is, tribunus stipatorum militum apud Neronem, interrogatus, cur cum cæteris in Imperatoris sui mortem conspirasset. ad Neronem dixisse fertur: Quia te & dilexi, & odio prosecutus sum supra omnes homines. Dilexi autem, quòd te sperabam bonum principem fore: odi autem, quòd tyrannum te esse satis sim expertus, quo factum est, vt Aurigæ atque citharædo seruire noluerim. Xiphilinus in Nerone. Tacitus.

*Sulpicius Aper.*

Eadem dignitate qua Flavius & itè pari culpa insimulatus, cum similiter, qua re motus conspirasset, rogaretur? respondit non minus liberè: Se non aliam rationem finiendorum eius immensorum scelerum inuenire potuisse. Suetonius in vita Neronis.

*Burrus.*

Cùm intellexisset, Neronem imperatorem Octauiam Augustam, propter Sabinam pellicem repudiasse, ad Neronem dixisse fertur: Si repudiasti, redde etiam dotem, hoc est principatum. Xiphilinus in Nerone.

*Idem.*

A Nerone interrogatus, vt iterum de iisdem rebus sententiam diceret, planè & apertè respondisse fertur: Ne me, de quibus rebus semel dixero, bis interroges. Xiphilinus.

*Pythias.*

Nerone regnante, cùm omnes famuli, præter Pythiam, vnà cum Sabina pellice,

pellice, Octaviam Augustam inuaderent, quod eam contemnerent afflictam fortuna: & illi, cuius magna potestas erat, assentarentur, sola Pythias, licet acerrimis tormentis coacta, noluit in dominam mentiri, cumque Tigellinus Sophronius, homo perulantissimus, atque homicida crudelissimus, instaret vehementius, faciem eius conspuir: Mundior est, inquit, Tigelline, vulua Octaviae dominæ meæ, quam os tuum impudētissimum. Xiphilinus in Nerone.

*P. Thraſas.*

Suprà de Fortitudine domestica.

*Anonymus.*

Gallus quidam sutor cum vidisset Caligulam imperatorem nunc deorū, nunc mulierum vestitu turpiter incedentem, atque in solio eminentissimo tanquam Deum sedentem, Iouis chlamyde amictum, tantam insolentiam irrisit. Quare animaduersa, Caius ad se vocatū hominem, rogauit quid sibi videretur? respondit Gallus, Hanc magnam dementiam videri. Sed imperator, eo quod sutoris dictum satis liberum esset, æquo animo tulit. Xiphilinus in Caligula.

*Anonymus.*

Græculus quidā causam agens apud Claudium Cæsarem, inter altercandū cōmorus hanc vocem in illum emisit, *ὅς οὐ μέγας ἐστὶν ὁ νόμος*, id est, & tu senex es, & stultus. Usque eō summa potestas ob stultitiam & passim & propalā euiuerat, ut hæc in os dixerit, non senator, sed ignotus Græculus, & dixerit impunē. Eras. lib. 6. apoph.

*Anonymus.*

Quidam bubulcus seruus, senio penē confectus, cum iam assumpto ad imperium Vespasiano domino, propter nouæ fortunæ felicitatem meritum se putaret, quem dominus muncere dignaretur, venienti in urbem Ve-

spasiano se obtulit, & libertate se donari petiit. Cum autem minimè assentiri Vespasianum videret, continere se seruire peccus nequiuir, quin ut poterat dominū vlcisceretur. Magna enim voce exclamauit, vero adagio dici, Vulpem pilos quidem mutare, sed mores nequaquam. Ita enim veteris domini auaritiā natura insitam exprobrauit. Fulgos. lib. 6.

*Iun. Mauricus.*

Nerua Cocceius in cæna, cui affidebat Veiento, qui sub Domitiano cōsulare dignitatem fuerat adeptus, sed multos clam apud illum derulerat, quum orta Catuli mentione, qui calūniator insignis fuerat, diceret, Quid faceret Catulus, si Domitiano superuixisset? Iunius Mauricus respondit, Nobiscum, inquit, cenaret. Satis libere submonens imperatorem, quod Veientonem haberet familiarem, simillimum Catulo, quem vt calumniatorem execrabatur. Eras. lib. 8. apoph.

*Fronto.*

Is consul Romanus post Domitiani pessimi principis mortem, de Cocceio Nerua, principe optimo, atque eodem patientissimo, pari libertate locutus est. Nam cum videret nimium populo indulgeri, permittique ut in eius esset manu vel accusare vel occidere, quem Domitiani ministrū fuisse sciret, clara voce dixisse fertur: Malum esse sub principe viuere, qui nihil agi permetteret: sed longè deterius, sub eo, qui fieri nihil prohiberet. Quod cum Nerua audiuisset, modum accusationibus imposuit. Fulgos. lib. 6.

*Traianus dux.*

Traianus Valentis, crudelissimi in Christianos omnes imperatoris, dux, contra Gotthos missus, cum post male in eo bello res gestas rediret domum, atque obiurgaretur ab imperatore, qui grauiter hominis ignauitiam accusabat,

accusabat, respondit: Non ego ò imperator victus sum, sed tu potius, qui contra Deum inuictum bellum suscipis, atque tua impietate à te ipso omnem victoriam reicis. Niceph. Callist. lib. 11. Eccles. hist. cap. 49.

*Val. Homulus.*

Ab Antonino imperatore (quem hospirio acceperat) interrogatus, vnde porphyreticas illas columnas accepisset, ad tantum ædium splendorem dixisse fertur, Cum in domum alienam veneris, mutus & surdus esto. Liberè indicans, non opus esse vt bonorum suorum rationes omnibus, imò imperatori etiam redderet. Iulius Capitolinus, & Cuspinianus in Consulibus.

*Papinianus.*

Bassianus Antoninus imperator magna laborabat inuidia, quòd fratrem occidendum curasset. Eoque Æmylio Papiniano prætorij præfecto, ob eximiam iuris prudentiam summæ apud Romanos auctoritatis negotium dederat, vt hoc facinus apud senatum defenderet. At is respondit: multò faciliùs patricidium perpetrari, quàm defendi: ob hanc liberam vocem Bassianus occidit virum immortalitate dignum. Erasmi. 8. apoph.

*Geta.*

Bassiano tum ioco tum seriò dicenti, omnes cum liberis occidendos: Geta puer dixit, Tu qui nulli parcis, potes etiam fratrem occidere. Id dictum tunc contemptum est, pòst cognitum est fuisse vaticinium, nam patricidium postea commisit. Spartianus.

*Heluius Pertinax.*

Quum Antoninus Caracalla ambitiòsè sibi multa cognomina assereret, Germanici, Parthici, Arabici, & Alematici, Heluius Pertinax, belle iocatus fertur: Adde etiam, inquit, si placeat, Gericus Maximus, quòd Getam fratrem occidisset. Ælius Spartianus.

*Anonyma.*

Adrianus Romanorum imperator cum forè in foro esset, audiuit mulierem clamantem, Audi me Cæsar. Verùm is quum respondisset, Non est orium modò: illa altiùs clamauit, Noli ergo imperare. Ad hanc igitur vocem restitit, & mulierem audiuit. Ex Dione Cassio.

*Apollodorus.*

Apollodorus insignis architectus, cum Romæ præclara quædam ædificia erigeret; atque Adrianus imperator ineptè hominem nescio qua in re reprehenderet, respondisse fertur: Abi imperator, ac cucurbitas pinge, nam quidem ædificandi artem planè ignoras. Quam loquendi libertatem adedò sinistrè interpretatus est Imperator, vt statim cogitaret quo mortis genere hominem interficeret. Dion Nicæus, & Xiphilinus in vita Adriani.

*Pollenius Sabinus.*

Is homo omnium mordacissimus, cum audiuisset Seuerum imperatorem adscriptum esse Marci familiz: Gratulor tibi, inquit, Cæsar inuictissime, quòd patrem demum inueneris, quasi antea patrem non habuisset, propter ignobilitatem & obscuritatem generis. Xiphilinus in vita Seueri.

*Anonymus.*

Galienus iunior patris mortem inultam reliquit. Itaque quum rex Persarum quasi captiuus per pompam duceretur, quidam scurræ miscuerunt se Persis diligentissimè scrutantes omnia, & cuiusque vultum diligenter contemplantes. Qui interrogati quid agerent? Patrom, inquit, principis querimus, notantes, à Galieno neglectum fuisse. Id vbi delatum est ad principem, scurras viuos exuri iussit. Exemplum impietatis in Cæsare, periculose libertatis in scurris. Trebellius Pollio.

*Marci*

*Mares episcopus.*

Julianus imperator cum Constantinopoli in Fortunæ sacello sacrificaret, palam à Mare episcopo Chalcedonensi apostata & *idcirco* vocatus est. Is autem debilitatus visu, alterius ducebatur manu. Volens igitur imperator lacerare blasphemias Deum, conseruere dixit. Neq; Galilæus tuus curare tibi visum potest. Cui respondens Mares, dixisse fertur, Ego Deo meo pro cæcitate gratias ago: quia hoc ideo factum est, ne te videam pietate omni nudatum. Sozomenus lib. 6. Ecclesiæ hist. cap. 6.

*Terentius.*

Is ducum omnium fortissimus, & pietate simul, ac rerum contra Armenios gestarum gloria in primis insignis, cum ad Valentem imperatorem contra Gortos iam belligerantem venisset, atq; optionem imperator obtulisset, vt à se quicquid veller peteret: nihil aliud petiit, quam vt Antiochiæ vnam saltem Ecclesiæ Catholicæ propugnatoribus concederet Ecclesiam. Quod cum Valens audiuiisset, petitionis libellum (vt homo erat impius, atque Christianæ religioni insensissimus) iam lectum lacerauit, atq; aliud illum petere iussit. Tum Terentius libelli partibus relictis: Habeo, inquit, ô Imperator, & donum teneo: neque aliud petam. Consilij enim mei iudex erit, qui iudex est omnium. Nicephorus Callist. li. 1. Ecclesiæ hist. cap. 49.

*Sigismundus Imp.*

Cum dixisset aliquando, assentatores se veluti pestem odisse: Imò, inquit Brunorius Veronensis, nullum genus hominum magis amas, nam quid apud te possent M. Banus, Laurentius Palatinus, Vrsatius, & alij, nisi assentando tuam gratiam meruissent? Tum Sigismundus, Brunori, ait, sic compa-

ratum est, cum vitandos esse adulatores dicimus, tum maximè illis aures damus. Nec enim tu mecum tam diu fuisses, nisi mihi blandiri assueuisses. Aeneas Sylvius lib. 3. comment. de rebus gest. Alphonsi.

*Anastasius episcopus.*

Interrogatus à quodam, cur ita profuse pecuniam sacram dilapidaret, & non potius in usus decentes eam impendens, ita vt opus esset dispergeret: liberè respondit per cauillationem: Ideo consumo, ne à communi pernecie Iustino auferatur. Niceph. Callist. lib. 17. cap. 36. hist. Ecclesiæ.

*Hormisdas.*

Achemenides, qui & Hormisdas dictus est, cum in Persia fidem Christianam profiteretur, vocatus à Varane rege, atq; abnegare Christum iussus, respondit: Imperata tua, rex potèstissime, non solum iniqua sunt, sed incommoda etiam. Cui enim ea necessitas imponitur, vt facillimè vniuersitatis huius Deum abiuret: huic longè facilius fore puto, regem despicere, atq; ad alium transire: Rex namque etiam homo cum sit, fatis subiectus est, cum Deus nullis rebus planè subiectus sit. Maius igitur est crimen, diuinam quam regiam lædere maiestatem. Nicephorus libro 14. capite 20. Ecclesiæ hist.

*Isacius monachus.*

Cum Valentem imperatorem vnà cum exercitu contra Gothos, qui Christianam religionem acceperant, exeunte vidisset, manu frenum equi, quo ille vehebatur, arripiens, voce magna dixisse fertur: Quoniam, ô Imperator, proficisceris, qui aduersus Deum bellum geris, neque illius opem tecum trahis? Nam ille quodammodo contra te hostem excitauit, quoniam tu aduersus illum impiorum hominum peregrinas & blasphemias linguas



guas exacuisti, & Catholicos ex sacris ædibus eiecisti. Plura leges apud Nicephorum libro 11. capite 50. Ecclesi. histor.

*Agapethus Rom. Episcopus.*

A Theodato, qui in Italia Gorthorū rex erat, Constantinopolim placandi Iustiniani gratia missus, cum Imperatorem Eutychiana hæresi laborantē, frustra reprehendere se intellexisset: Ad Iustinianum Christianissimum imperatorem me venisse arbitrabar, inquit, sed quantum intueri possum, ad Diocletianum me venisse video. Fulg. lib. 6.

*Ioannes Capotius.*

Cum dissidentibus inter se Othone quarto & Frederico secundo imperatoribus, Innocentius pontifex nunc Othoni, nunc Frederico assentiret, & discordias subinde multas sereret, verbis aliud ostendens, quam facto, Ioannes Capotius Romanus, Verba tua, inquit, pater sanctissime, Dei sunt: cæterum facta, quæ verbis longè contraria sunt, diaboli esse videntur. Ibidem.

*Julianus Card.*

Libros veterum cum in bibliotheca læsitasset, accessit quidā qui diceret: Quid tu hinc inter mortuos latitas? ad nos tandem qui viuimus exi. Ei Iulianus, Imò, inquit, ij fama viuunt, tu neque nomine neque re viuus. Æneas Syluius lib. 3. Commentariorum Alphonfi.

*Anonymum.*

Colonienſium episcopus & dux cum iter armatus per Germaniam faceret, multis stipatus equitibus, incidit in bubulcum quendam, tantum deridentem exercitum. At ubi hominem interrogasset, cur tantopere rideret? respondit bubulcus, Miror sanè Petrum Apostolum, vestri ordinis principem, in tanta inopia mortuum

esse, ut posteros in ordine tantopere locupletaret. Dicente verò episcopo, se simul & ducem esse, & episcopum: respondit bubulcus, Vellem equidem declarari mihi, cum mortuum hunc ducem, cuius personam modò geris, in inferno esse contigerit, quò putes episcopum esse iturum? Libero autem responso ostendit, quàm stultum sit, in eodem subiecto duas diuersæ professionis personas agere velle. Et si in altera peccaret, putare se in altera pœnas errati non sensurum. Fulg. lib. 6.

## De libertate.

*Pythagoras.*

" **N**eminem liberum esse dicebat, nisi qui sibi imperaret. Stobæ serm. 6.

*Bion.*

\* Bonos famulos libertate frui dicebat: at malos liberos, multarum cupiditatum seruos existere. Stob. ser. 2.

*Aristippus.*

Dionysio recitanti versiculum ex Sophoclis Tragedia,

ωρεε τον τυραννον δε της ιεραρχειας,  
και η εστι δουλος, και ιλευθιερς μολι :

Id est,

Quisquis tyranni ad recta se consulit,  
Eis seruus illi, liber es si veneris.

Aristippus correcto posteriore versiculo respondit,

η εστι δουλος, α ιλευθιερς μολι. Id est,  
Haud seruus est, si liber illuc veneris,

Significans non esse verè liberum, nisi cuius animum spe metūq; liberauit philosophia. Etenim verè liber est, quisquis ingenuus natus est. Quidam hoc dictum ascribunt Platoni. Laert. lib. 2. cap. 8.

*Idem.*

\* Quum Dionysius Aristippo exprobraret, quod nihil utilitatis ab eo cepisset :

pisset: Sanè, inquit: nam si quid tibi profuisssem, non secus à tyrannide quàm à comitali morbo liberari voluisses. Stob. ser. 47.

*Diogenes.*

Inter Aristippum & Diogenem Cynicum nonnulla fuit contentio ob diuersum vitæ institutum. Diogenes Aristippum appellabat, ob diuenditâ Dionysio libertatem, canem regium. In quem vicissim Aristippus: Si Diogenes sciret vti regibus, non vesceretur crudis oleribus. Contrâ Diogenes: Si Aristippus didicisset esse contentus crudis oleribus, non esset canis regius. Laert. lib. 2. cap. 8.

*Idem.*

Interrogatus, quid esset in vita optimum? respondit, Libertas: hæc enim semel amissa, non faciliè recuperatur. Laert. lib. 6.

*Idem.*

Cùm Xeniadæ seruiret, amici agebant de eo redimendo. At ille: Nequaquam, inquit, an nescitis leones non iis seruire à quibus aluntur, sed altores potius seruire leonibus? Nam leo ubi cunq; est, semper leo est. Laert. lib. 7.

*Idem.*

Craterus Alexandri Magni præfector, homo prædiues, inuitarat Diogenem, vt ad se commigraret, cui respondit, Malle Athenis sale m lingere, quàm apud Craterum opipara frui mensa: sentiens, libertatem quamuis inopem, omnibus diuitum delitiis præferendam, vbi minuitur libertas. Laert. lib. 6. cap. 2.

*Idem.*

Prædicantibus beatum Callisthenem philosophum, quòd apud Alexandrum apparatu splendido exciperetur: Imò, inquit, infelix est, quòd illi prandendum cœnandumque sit, cùm Alexandro visum fuerit sentiens, nihil esse beatum, si absit libertas. Hic

est Callisthenes, Aristotelis discipulus, quem Alexander tandem coniecit in carcerem, vbi & periit. Quidam pro Callisthene supponunt ipsum Aristotelem, cuius felicitatem prædicantibus, quòd cum regis filio viueret: Aristoteles, inquit, prandet cùm vult Alexander, Diogenes cùm vult Diogenes. Laert. lib. 6. cap. 1.

*Timon Nicaeus.*

Suprà tir. de Adulatoribus non admittendis.

*Simon Athen.*

Simonem Atheniensem Pericles ad se inuitauit, pollicens sese omnia necessaria præbiturum. At Simon negauit se venditurum libertatem. Delectauit hunc imago muris syluestris, paruo viuientis, potius quàm domestici in summis deliciis, sed perpetua cū solitudine versantis. Laert. lib. 2. c. 14.

*Anonymus.*

Lacon quidam interrogatus, quid artis sciret? Liber, inquit, esse. Ea gens nec disciplinis philosophorum, nec opificiis exercebatur: tantum inuicti animi libertatem tuebatur, nec hominibus, nec vitiis seruire docilis. Plut. in Lacon.

*Idem.*

Quidam captiuus cùm venderetur, ac præco diceret se mancipium vendere: Scelestè, inquit, non tu dices captiuum? Non puduit duræ cōditionis, sed puduit tituli seruilis. Tantus erat libertatis amor. Plut. in Lac.

*Theopompus.*

Suprà de iniuria.

*Agésilæus.*

Cùm quandam admirari videret, quòd rex cum cæteris Lacedæmoniis tam frugali cibo vestitūque vteretur: Atqui, ait, pro hac frugalitate optimam messem metimus, libertatem videlicet. Sapienter admonés, nullam esse voluptatem viris ingenuis libertate

rate suauiore: nec ibi diu libertatem esse posse, vbi luxur regnat. Plutarch. in Lacon. apoph. & Eras. l. 1. apoph.

*Cleomenes.*

Quum è carcere elapsus ad occidendum Ptolemæum plebem sollicitasset, neminemque inueniret: Non mirum est, ait, si talibus viris, qui libertatem negligunt, mulieres etiam dominantur. Plut.

*Boris & Spartes.*

1j sponte profecti sunt ad Xerxem regem Persarum, daturi pœnas, quas Lacedæmonij iuxta oraculum pendere debebant, eo quod oratores Persarum occidissent: quos cum Xerxes vidisset, interficere noluit, sed apud se manere iussit. Cæterum quum regis dux instaret rogans, diceretq; fore, ut in pari honore haberentur cum his qui inter regis amicos primas tenebant, hunc in modum responderunt: Scimus quàm ingens bonum sit libertas, quam nemo sanus vel cum Persarum regno commutarit. Plut. in Lac.

*Anonymus.*

Quum Philippus in agros Lacedæmoniorum duxisset exercitum, resque in eo esset statu, ut probabile esset eos ad vnum omnes interituros, rex dixit cuidam Spartiarum: Quid nunc facietis Lacedæmonij? At ille, Quid, inquit, aliud nisi quod fortiter moriemur, quando nos soli Græcorum liberi esse, non aliis parere didicimus? nemo seruire cogitur, qui mori paratus est. Quàm dulce bonum est libertas, quæ morte emitur? quàm misera res seruitus, cui mors atemponitur? Quid igitur mentis dicemus his esse, qui se sponte dedunt in eam seruitutem, unde nec dato peculio possunt redimi, nec gratuita manumissione liberari? Plut. in Lac.

*Arenius.*

A Cyro captus, quum ab illo roga-

retur, cur tributum non tulisset, urbemque muro cinxisset? Libertatem, inquit, cupiebam. Pulchrum enim mihi videbatur, & me liberum esse, & liberis meis libertatem relinquere. Xenophon.

*Stilpon.*

Quum Demetrius abductis omnium Megarensium seruis Stilponi diceret, Ciuitatem vestram liberam vobis relinquo: Rectè, inquit Stilpon, nullum enim in ciuitate seruum relinquis. Plut. in Demetrio.

*Hegeſippus.*

Quum Hegeſippus cognomento Crobilus, Athenienses in Philippum irritaret, quidam è concione succlamauit, Itane bellum nobis inuehis Hegeſippe? Næ per Iouem, inquit, & pullas vestes, & publicas exequias, & orationes funebres, si victuri sumus liberi, nec imperatis Macedonum parebimus. Significans, libertatem bene emi magno, nec sine negotio posse seruari. Eras. l. 5. apoph.

*Eusebius Philosophus.*

\* Eorum, inquit, qui sædis voluptatibus dediti sunt, nullum tu liberum ducas. Hi enim multo sæuiores dominis quàm vilia mancipia seruiunt. Stob. ser. 6.

*Epicletus.*

\* Dicebat nullum esse seruum, qui animo sit liber. In Enchirid.

*Pyrrhus.*

Cum Athenas veniens, in arce Palladis rem diuinam fecisset, eodem die descendens ex arce, Atheniensium erga se animū & fiduciam vehementer laudauit: & admonuit, si scaperent, ne posthac cuiquam regum portas, (si modò patriæ libertatem tueri vellēt) aperirent. Significans regibus, imperatoribus ac principibus semper inuisam esse libertatem: omnesque conatus ac vires eò intendere, ut libertatē extin-

extinguentes, ex liberis seruos sibi faci-  
ant, Eras. l.4. apoph. ex Plur.

*Meton.*

Quo die decretum de Pyrrho vocā-  
do sanciri per populum Tarentinum  
debebat: & multitudo in concione se-  
deret, accepta corona & lampade,  
quasi ebrius, tibicine ducente ludibun-  
dus in concionem peruenit? &, vt  
fit, in turba populari aliis applauden-  
tibus, aliis ridentibus, vtque proceder-  
et in medium inuitantibus, processit  
ille, & quasi cantaturus astitit. Sed vbi  
silentium nactus est: Virii, nquit, Ta-  
rentini benefacitis, quod iocari & lu-  
dere volētibus, dum licet, permittitis:  
si tamen sapitis, cuncti hac ludorum li-  
bertate fruimini, antequam Pyrrhus  
adueniat, hanc & aliam omnem liber-  
tatem aboliturus. Nec fuit mendax.  
Nam quamprimū aduenit Pyrrhus,  
ludis & tripudiis Tarētinis interdixit.  
Brusl. 3. c. 32. ex Plur.

*Brutus.*

In Tarquiniorum electione dicebat,  
ex duobus alterum esse eligendum: aut  
vitam liberam, aut mortem gloriosā.  
Bruson. libr. 3. ca. 32. ex Livio.

*Cicero.*

Duo semper sibi contingere opta-  
bat: primum, vt moriens populum  
Romanum liberum relinqueret, quo  
nihil à diis immortalibus maius dari  
posse dicebat. Alterum, vt ita cuique  
eueniret, vt de repub. esset meritis.  
Cic. in Philippicis.

*Idem.*

Ab Androne quodam Laodiceo sa-  
lutaris, quum aduentus causam per-  
contratus intellexisset illum pro patriæ  
libertate legatum ad Cæsarem venisse,  
Græcis verbis expressit publicam  
seruitutē, *ἡ δὲ ἐλευθερία καὶ ἡ πόλις ἀπὸ τοῦ  
ἐκείνου ἐστὶν ἐν κινδύνῳ*: id est, si impetras, etiam pro nobis  
legatus esto, siue pro nobis orato. E-  
ras. l.4. apoph.

## De libertate nimia.

*Socrates.*

Dicebat, sororem libertatis esse pi-  
gritiam, testēsque huius rei for-  
tissimos, maximæque libertatis popu-  
los adducebat Indos & Persas, qui v-  
trique segnissimi essent ad laborandū:  
Phrygas verò & Lydos, ad opus faci-  
endum promptissimos esse, qui cum  
seruitute degerent. Elianus. lib. 10. de  
Var. Hist.

*Plato.*

\* Nimiam libertatem tum in pri-  
uato homine, tum in ciuitate, non in  
aliud quā nimiam seruitutem eua-  
dere dicebat. l.8. de Repub.

*Appianus Claudius.*

Dicere solebat, populo Romano  
melius negotium quā otium com-  
mitti. Sensit vir sapientissimus, popu-  
lum Romanum laboribus & bellicis  
rebus plurimum incrementi semper  
accepiſſe, nimio otio autem & pigri-  
tia omnia deinceps in peius ruisse. Va-  
ler. Max.

*Vide apoph. de Indulgentia, Impunitate,  
Ignauia, Otio, Licentia, &c.*

## De libidine foeda.

*Bion.*

Alcibiadem hoc elogio taxauit,  
A quod adolescens viros abduxisset  
ab vxoribus, iuuenis factus vxores  
à viris. Laert. l.4. c.7.

*Diogenes.*

Animaduertens Olympionicem  
quendam oculos defigere in scortum,  
ad eū vt præteritum capite reflexo in-  
tueretur. Ecce, inquit, vt aries Marti-  
us à puella publica, obtorto collo vin-  
ctus abducitur. Ridiculum existimabat  
certare cū electis viris, & à vili puella

D d veluti



veluti captiuum trahi sine funibus. Laert. l. 6.

*Stratoniceus.*

Quum egrederetur Heraclea ciuitate, portas ac moenia circumspeciebat. percontati verò cuidam, quid circumspeceret? Pudet, inquit, si videar exire de lupanari, notans corruptos eius ciuitatis mores. Sunt eius nominis ciuitates multæ, sed de Heraclea Thraciæ sensit, opinor. Eras. l. 6. apoph.

*Marius.*

Lusius, Mario ex sorore nepos, quum Marius iterum consul esset, vim admouit militi cuidam adolescenti nomine Trebonio: at is Lusium inrerfecit. Id factum multis inculantibus, non inficiatus est adolescens se ducem suum interfecisse: sed causam addidit, ac probauit. Marius itaque quum iussisset afferri coronam, pro facinore in bello præclarè gesto dari solitam, Trebonio imposuit: graui exemplo monens cæteros, ne simili modo tentaret adolescentum pudicitiam: quando non solum absoluit, verumetiam coronauit eum, qui & imperatoris cognatum & ducem suum ferro necasset. Plutar. in Rom. apophthegm.

*Anonymus.*

Nero puerum Sporum ex ætis testibus in muliebrem naturam transfigurare conatus est. Addita dōs, additum flammeum, addita celeberrima nuptiarum sollemnitas. Quid multis? palam pro vxore habuit. Hinc fertur cuiusdam non inscitus iocus: Bene agi potuisse cum rebus humanis, si Domitius Neronis pater talem habuisset vxorem. Sentiens, exitio totius orbis natum Neronem. Is nunquam fuisset natus, si pater Spori similem habuisset vice coniugis.

*Huc refer apoph. de Insempertantia Scortatione, Voluptate, &c.*

## De librorum fiducia & multitudine.

*Socrates.*

Interrogatus, quare non scriberet libros: Quoniam, inquit, chartæ is qui scripturi sunt, pluris essent emendæ. Nihil scripsit in vita, iudicans librorum copiam officere studiosis sapientiæ. Eras. l. 6. apoph.

*Anisifhenes.*

Amico cuidam deploranti, quod commentarios suos perdidisset: Oportuit, inquit, ista animo potius quam charis inscribere. Sensit vir prudentissimus librorum fiduciam plerumque in causa esse, ut minus exerceamus memoriam: in tuto enim est, quod animo insculptum est: cætera pereunt facile. Laert. l. 6. c. 1.

*Oenipedes.*

Cum videret adolescentem multos libros conquirere, dixit, Non cistæ, sed pectori. Sensit autem, non eruditos esse eos qui librorum copiam habent, sed qui ex libris omnia in memoriæ thesaurum repofuerunt. Ant. in Meliss. part. 1. ser. 50.

## De licentia.

*Anonymus.*

Acon quidam cum venisset Athenas, vidissetque illic præcones qui muriam promitterent, qui obsonium, qui publicanos & lenones, aliaque parum honestas functiones profiterentur, neque quidquam sibi turpe ducerent: ubi reuersus est in patriam, ciuibus percontantibus quomodo se res haberent Athenis? Omnia, inquit, honesta: per ironiam innuens, Athenis omnia haberi honesta, turpe nihil. Argutia dicti est in ambiguo sermonis. Plut. in Lac. apoph.

*Ephuri.*

*Ephori.*

Suprà tit. de Contumelia.

*Agésilauus.*

Notans præposteram licentiam eorum qui Asiam incolebant, eius generis corruptis moribus, dicere solebat: Inter illos qui improbi essent, eos esse liberos, contrà qui probi, eos esse seruos, quòd ibi licerent omnia, virtus odio haberetur. *Idem.*

*M. Cato.*

Studiosè magistratum semper admonere solitus est, ut delinquentes in Repub. grauiter castigaret. Sentiens, nihil perniciosius esse in Republica, quàm licentiam, quam ad eò non ferendam in ciuitate putauit, ut iudicaret magistratum lapidandum, qui coercere posset, non tamen faceret. *Plut. in Rom. apoph.*

*Neron.*

Infrà de Tyrannide.

*M. Antonius Verus.*

Dicebat, difficile esse, in maxima licentia moderari sibi, & cupiditatibus quasi frenos imponere. *Herodianus libr. 1.*

*Antonius Caracalla*

Eius nouerca, cum esset pulcherrima, veluti per impudentiam corpus magna ex parte nudauit. Cumque dixisset Caracalla: Vellem, si liceret: Si libet, inquit illa, licet: An nescis te Imperatorem esse, & leges dare, non accipere? Ea mulieris vox Caracallam imperatorem ad detestabile facinus pertraxit. *Ex Alio Spartiano.*

*Vide apoph. de Impunitate, Licentia nimia & Pæne neglectu.*

De lingua, garrulitate, & loquacitate nimia.

*Thales.*

Dicere solitus est, Multa verba nequaquam arguere hominem sa-

piem. Sapiens enim, non nisi cum res postulauerit loqueretur, & paucis suam absolueret sententiam. Stultus autem, non habita vlla ratione loci, temporis, personarum, &c. sua loquacitate omnia effutiet. *Erasm. li. 7. apoph. ex Laert. lib. 1. cap. 1.*

*Idem.*

Subinde admonere solitus erat, ne ira loquamur cum amicis, ut sermo nos in ius vocet. Quo docere voluit, cautè de absentibus etià coràm amicis loquendū esse, ne nos apud alios deferant, & nostra loquacitas vergat nobis in magnum malum, *Laert. li. 1. c. 1.*

*Pythagoras.*

\* Gladij plagam quàm lingua leuiorem esse dicebat: ille enim corpus, hæc animum vulnerat. *Anto. & Max. ser. de loquacitate.*

*Chilon.*

Non committendum esse dicebat, ut lingua præcurreret animum. Admonens, prius cogitandum, quid loquaris, quàm lingua prorumpat in verba. Nescit enim vox missa reuerti. *Laert. lib. 1. cap. 4.*

*Idem.*

Præcipiebat, linguam cum aliàs semper, tum præcipuè in conuiuio continendam, quòd illic cibus & potus inuitet ad intemperantiam. Porro vbi plus est periculi, ibi maior est adhibenda cautio. *Laert. lib. 1. cap. 4.*

*Idem.*

A quodam interrogatus, quidnam apud homines omnium esset difficillimum? Retinere, inquit, ea que cupimus esse arcana. Quo dicto innuit, quanta hominum sit linguæ licentia, qui etiam quæ in cordibus recondita esse deberent, liberiùs loquendo effutunt. *Laert. li. 1. cap. 4.*

*Bias.*

Adolescente quodam intempestiuas nugæ crebro iactante, ad eò ut neq;

D d 2

modum

modum esset habiturus, neque finem: Qui factū est, inquit, ut à quo scatere verbis didicisti, silere non didiceris? Stob.

*Bion.*

Cuidam immodicè loquaci, ut sibi subueniret oranti, respondit: Abundè tibi morem geram, si aduocatos miseris, non venias ipse. Laert. l. 4. c. 7.

*Timon.*

Antisthenem, qui quoniam multa conscripserat volumina Timon appellare solebat *παντοριῦ φλύδωνα*, id est, ingeniosum nugatorem. Non tamen dixit *ἀπυῖ*, sed *παντοριῦ*, quòd ingenio ad quiduis versatili varia tractaret argumenta, & in his quædam digna philosopho. Laert. lib. 6. cap. 1.

*Diogenes.*

A Platone petierat vini paululum, tunc & caricas. Plato misit lagenam, cui Cynicus hunc in modum gratias egit: Cùm interrogaris quot sint duo & duo? respondes, viginti: ita nec secundum ea quæ rogaris das, nec ad ea quæ interrogaris respondes. Notauit Platonem ut immodicè loquacem, quòd idem in illius scriptis notauit Aristoteles. Laert. lib. 6.

*Anacharsis.*

Interrogatus quid esset in homine pessimum, & quid optimum? respondit, Lingua. Sentiens, idem membrum plurimam adferre vilitatem, si recta ratione gubernetur: pestilentissimum esse, si secus. Laert. lib. 1. cap. 9.

*Heraclitus.*

Interrogatus aliquando, cur sileret, Vt vos, inquit, loquamini. Laert. libr. 9. cap. 1.

*Zeno.*

Adolescentulo plurima effutienti immoderatè quàm par erat: idcirco, inquit, aures habemus duas, & os vnum: ut plura audiamus, loquamur perpauca. Laert. lib. 7.

*Idem.*

Audiens adolescentem plus satis loquentem in conuiuio, ait: Aures in linguam defluxere. Allusit autem ad naturæ artificium, quæ hominibus duas aures fecit, linguam autem vnā tantū: ut disceret, plura quidem audienda esse, non autè temerè effutienda omnia. Laert. l. 7. c. 1. Maxim. serm. 60.

*Idem.*

Dicere solebat, satius esse labi pedibus, quàm linguæ: eòq; conuiuia quantum poterat vitabat, quod ibi solutus vino, & aliorum fabulis prouocatus, facilius labi posset. Laert. li. 7. cap. 1.

*Idem.*

Ad Aristonem discipulum multa temerè garrientem, quædam etiam præcipitanter confidenterque: Fieri, inquit, non potest, quin te pater ebrius profeminarit, oderat futilem loquacitatem, ipse in dictis tum breuis, tum grauis. Idem.

*Democritus.*

Quum indoctum quendam verbis inanibus obstrepentem diu tulisset: Ad blaterandum, inquit, satis mihi instructus videris, ad silendum verò impos. Stob.

*Æsopus.*

\* Quid esset in hominibus bonum & malum sciscitatus, linguam esse dixit. Anton. & Max. serm. de loquacitate.

*Pericles.*

Cum publicè dicturus prodiret, in primis se optare dicebat, ne insolens verbum excideret, quod populum, piæ sue aures lædere posset, aut suæ etiā voluntati contrarium esset. Non ignorauit sanè vir prudentissimus ac eloquentissimus, quàm labilis lubricaque sit lingua, quæ sæpenumero limites suos egressa, in multa rerum pericula hominem etiam nolentem rapit, ac in mortem quoque aliquando præcipitat. Ælian. lib. 4. de Varia hist.

*Theo.*

*Theocritus Chiua.*

Cum veniret Byzantium, & verborum prodigos homines inueniret Resse (inquit) de vobis dicitur, quod in ore omnis vobis supellex est, & vnicuius domicilium. Stob.

*Idem.*

Anaximene dicturo, ita prefatus est: Incipit verborum flumen, mentis gutta. significans, habere multum loquentis, sapientie parum. Stob. ser. 34.

*Idem.*

Ineptum quendam poetam recitantem auscultans, & interrogatus ab eo, quznam ei placerent? respondit: Quæ omisisti: erat enim ingrata nimis prolixa illa loquacitas. Antonius in Melissa, par. 1. ser. 50.

*Crates.*

\* Videns adolescentulum secretò ambulantes, interrogauit, quid illic solus faceret: Mecum, inquit, loquor. cui Crates, Caue, inquit, rogo & diligenter attende, ne cum homine malo loquaris. Seneca, epist. 10.

*Xenocrates.*

Quum maledico sermoni quorundam summo silentio interesset, vno ex iis quærente: cur solus linguam suam cohiberet: Quia dixisse me aliquando poenituit, tacuisse nunquam. Laertius, Stobæus.

*Aristoteles.*

Garrulus quidam, vbi multa nugatus esset apud Aristotelem, tandem dixit, Fortassis obstrepo tibi nugis meis: Non hercle, inquit, neque enim aduertit animum. Laert. 1. 5. c. 1.

*Idem.*

Callisthenem adolescentem coram Alexandro multa indecenter & liberius loquentem, Homericò carmine castigauit, dicens:

*Talia si loqueris, non multo tempore viues.*

Laert. lib. 5. cap. 1.

*Solon.*

Cuidam dicenti, illum ideo non loqui, quia insanus esset: Nullus, inquit, stultus tacere potest. Nimia enim loquacitate stultitia hominum proditur Brus. lib. 3. cap. 25.

*Theophrastus.*

Ad quendam, qui in conuiuio perpetuò silebat: Si indoctus & imprudens es, inquit, prudenter facis: si doctus, imprudenter. Sic refert Laertius lib. 5. cap. 2. Sed Plutarch. hunc in modum dixisse scribit, Si stultus es, rem facis sapientem: si sapiens, stultam. Est enim non minima sapientie pars, regere silentio stultitiam.

*Idem.*

Dicebat, potius esse fidendum effreni equo, quam verbo in composito. Nemo non metuit insidere equo infreni, at plus est periculi à lingua effreni. Laert. lib. 5. cap. 2.

*Menedemus.*

Quendam friuolis nugis obstrepentem, rogauit num fundum haberet? ut is respondit, sibi plurimas esse possessiones: Abi igitur, inquit, & illas cura, ne tibi eueniat, ut & illa perdas, & facultates amittas. Notans, illum ad dicendum non esse idoneum, sed magis ad agriculturam. Laert. 1. 2. cap. 18.

*Demofthenes.*

In conuiuio audiens hominem loquaculum, dixit, Simultum sapiens, non multa loquereris. Stob.

*Idem.*

Sciscitatus, quæ causa esset vnius tantum lingue, & geminarum aurium? Quoniã, respondit, duplo magis audire homini expedit, quàm loqui. Idem.

*Agæ.*

Peculiaris erat Lacedæmoniis verborum paucitas, ynde & ab ea regione breuiloquentia Laconismus dicitur. Quum igitur Abderitarum legatus apud Agidem multa locutus, vix tandem di-

D d 3 cendi



cendi finem fecisset, rogarétq; quid cibus suis esset renuntiaturus? Agis, Illud (inquit) renuntia, quantum temporis tibi fuit opus ad dicendum, tantum me silentem audisse. Hoc dicto exprobrauit stolido oratori inanem loquacitatem, responso indignam. Plur. in Lacon. apoph.

*Lacones.*

Ctesiphontem eiecerunt, qui se profitebatur de re quavis totum diem posse dicere, dicentes: Boni oratoris esse, sermonem habere tibus parem. Nulla in re iustius putarunt adhibendam frugalitatem quam in oratione, quam Hesiodus non aliter quam pretiosum thesaurum parissimè censet esse depromendam ad usum, non ad ostentationem. Plur. in Lacon. apoph.

*Idem.*

Samiorum legatis prolixiore oratione vrentibus, dixerunt: Media sumus oblit, postrema non intelleximus, quia prima non meminimus. Quo dicto docuerunt, nimiam loquacitatem ubique fugiendam esse. Idem.

*Labotus.*

Cuidam apud ipsum prolixiore vrenti sermone: Quid mihi, inquit, de re pusilla, longa tuis proemia? Quanta res est, tantam oportet & orationem esse qua vteris. Est hoc omnibus Spartanis peculiare, offendi sermone causa quam postulat longiore: adeò nusquam non placebat frugalitas. Nā ad causam non magnam, adhibere superuacuum verborum copiam, luxuriae genus est. Idem.

*Anonymus.*

Lacon quidam, cum in luiscinia plumis reuulsis minimum reperisset carpinum: Vox, inquit, tu es, praeterea nihil. In eos dici potest, qui praeter garulam linguam ac magnifica verba nihil habent. Idem.

*Idem.*

Quidam interrogatus de re quapiam, respondit: Non. Verum ubi percontator dixisset illum mentiri: Non vides igitur, inquit Lacon, te stultum esse, qui scisciteris de his quae noueris? Salse taxauit in illo vitium garrulitatis, qui de nihilo quaesierit fabulandi materiam. Plur. in Lacon.

*Idem.*

Alius, quum audiret rhetorem magnos sermonum circuitus connectentem. Per Geminos, inquit, fortis sanè homo: qui quum nullum habeat argumentum, tamen egergiè voluit linguam. Lacedaemoniis nulla placebat oratio, nisi brevis & vera, & ad rem feriam pertinens. Proinde ridiculum existimabat, quod orator in ficto themate tantam verborum copiam profunderet. Idem.

*Charillus.*

Interroganti, quam ob causam Lycurgus tam paucas leges tulisset Lacedaemoniis? Quoniam, inquit, pauca, loquentibus, paucis etiam legibus est opus. Sensit nimirum, pleraque mala ex multiloquio nasci. Laconibus autem peculiaris erat breuiloquentia. Plur. in Lacon. qui eundem in Lycurgo Charilaum vocat.

*Cleomenes.*

Venerunt ad Cleomenem Samiorum oratores, hortaturi ut cum Polycrate tyranno bellum susceperet. Id cum fecissent oratione plus aequo prolixa, respondit in hunc modum: Quae primo loco dixistis, non memini, & ob id ne media quidem intelligo: quae verò dixistis omnium postrema, non probo. Admonet, multiloquium non solum molestum esse auditori, verum etiam ad persuadendum inutile, praesertim apud principes, tum variis curis occupatos, tum auribus fastidiosos. Plur. in Lacon. apoph.

*Idem.*

*Idem.*

Sophista quodam de fortitudine multa differente, risit Cleomenes. At sophiste dicenti: Quid rides. Cleomenes, audiens de fortitudine differente, preteritum quum sis rex? Quoniam, inquit, o amice, si hirundo de fortitudine loqueretur, idem facerem quod nunc facio: sin aquila, magno silentio auscultarem. Visum est ineptum, quenquam de fortitudine magnificis uti verbis, qui ipse nihil fortiter gessisset unquam, nec aliud posset, quam in hirundinis morem garrere. *Idem.*

*Demades.*

Tibiis Athenienses comparare solebat: ex quibus si linguam detrahas, reliquum inutile erit. Maximus ser. 60. Stob. ser. 2. de Imprudentia.

*Agis.*

Cum sophista quispiam apud Agidem dixisset, oratione esse rerum omnium prestantissimam, videlicet predicans artem quam profitebatur: Ergo, inquit Agis, tu cum taces, nullius es pretij. Significans, multo preclarius esse res magnificas gerere, quam habere linguam ad magnifice loquendum expeditam. Plut. in Lacon. apoph.

*Idem.*

Perinthiorum orator in Lacedæmoniam missus, cum apud Agidem dixisset admodum prolixè: ubi perorasset, rogavit eum, Quid esset Perinthiis renunciandum? Quid aliud, inquit, nisi quod tu vix dicendi finem feceris, ego verò tacuerim? *Idem.*

*Idem.*

Quum de Græcorum libertate quidam in medium adduxisset magnifica quidem, sed factu perquam difficilia: Tua, inquit Agis senior, verba hospes opus habent viribus & pecunia. Perquam scitè declarans, frustra de his verba fieri, ad quæ perficienda non suppetit facultas. In consultationibus

enim non solum spectandum est quid sit factu pulcherrimum, sed quid fieri possit. *Idem.*

*Idem.*

Abderitanorum legato, qui multa locutus, rogarat, Quidnam civibus suis renuntiaturus esset? Te, inquit mihi tacenti tantisper auditum fuisse, quantisper dicendo consumpsisti. Simile ei, quod de Perinthiorum oratore paulo supra ex Plut. retulimus.

*Anaxandridas.*

Cum Ephoris opportuna quidem, sed pluribus quam sat erat, quidam loqueretur, Anaxandridas: Hospes, inquit, re necessaria in non necessario vteris. Significans, quod per se rectum est & utile, non egere proluxa oratione: quod ipsa causæ bonitas facile se ipsam commendat. Quod si usquam locus est loquacitati, eam oportet ad inhonestas causas adhibere. Plutarch. in Lacon.

*Agefilaut.*

Cum rhetorem eo nomine apud Agefilaum, Lacedæmoniorum regem laudasset quidam, quod res specie exiguas magno verborum ornatu amplificare posset: Ego, inquit rex, ne sutorum quidem arbitror bonum, qui parvo pedi magnos calceos inducat. Quo innuit, inanem loquacitatem: nullibi probandam esse. *Idem.*

*Idem.*

Megarensi cuidam multa iuveniliter de sua civitate adversus Agefilauti iactanti: Adolefcens, inquit rex, tui sermones opus habet magnis viribus. Significans, indecenter eum magnifice loqui, cui vires non suppetuat orationi pares.

*Demonax.*

Audiens quendam imprudentius de rebus loquentem: Maiore, inquit, studio auribus quam lingua vteris. Stobæus.

*Antipater.*

De Demade oratore iam grandæuo dicere solebat, Demadi, ut immolata victimæ, nihil superesse præter linguam & ventrem. Nam venter ex hostia abieciatur, & lingua datur præconi. Ita senex orator, tantum loquebatur. Loquacitas enim crescit cum ætate. Tradunt autem, Demadem luxui & gulæ fuisse deditum, unde & Phocionis reprehendit frugalitatem. Plut. in apoph. & in Phocione.

*Epaminondas.*

Spartiatius, qui multis magnisque in rebus Thebanos accusauerant, per iocum: Hi nempe vos, inquit, à breuiloquio desistere coegerunt. Plut. in apoph.

*Archelaus.*

Loquaci tonfiori, dicenti, Quomodo te tondebo? virbanè, Silens, inquit. Plut. lib. de curiositat.

*Alexander.*

Epistolam à matre missam, quæ occultas accusationes & calumnias in Antipatrum continebat, legens, Ephektionem quidem amicum simul, uti consueuerat, eandem legere passus est, sed ea lecta annulum ipse digito detraxit, & ori illius sigillum, veluti reticentiæ symbolum impressit, dicens: Contine hæc, & ne quid eorum effutias. Plut. in Alexandro.

*Idem.*

Cum silentium suorum maximopere probaret: quisquis, inquit, secretum commissum divulgauerit, is certe aut nimium immodestus: & si quidem lucri studio id egerit, improbus rectè dicitur: aut si nulla spe quæstus allicitur, æquè profecto iniquus est. Stob.

*Gnathena.*

Venerat ex Hellesponto ad Gnathenam amator quidam eius fama & nomine permotus. Cum itaque inter pocula plurima effutiret, & importunus esse videretur, respondens Gna-

thæna: Nunquid, inquit, te ex Hellesponto venire dixisti? Cumque annuisset: Cur igitur, inquit, primariam inibi ciuitatem ignoras? Qui cum diceret, Quenam tandem est illa? Sigeum respondit. Atque ita artificiosè hoc nomine, futilem eius loquacitatem coercuit: *σῆμα* enim silentium & tacurnitas apud Græcos appellatur. Ælian. lib. 2. de Var. hist.

*M. Cato.*

Lurconi cuidam ambienti inter Catonis familiares recipi negauit, dicens: Se cum eo non posse viuere, qui plus saperet paleto, quam corde. Erasmus lib. 5. apoph.

*Idem.*

Dicere solebat, eum nequaquam tacere posse, quem morbus loquendi teneret. Ea enim est linguæ licentia, ut semel limites suos egressa, vix intra septa contineri possit. Brufl. 3. c. 25.

*Romani.*

Iunium Bassum, hominem cum primis dicacem, Romani asinum aloum appellabant, quod feliciter esset stolidus ac ridiculus. Alba enim, veteres felicia vocabant. Eras. lib. 6. apoph.

*Anonymus.*

Rhodius quidam ministro Romani imperatoris multa vociferanti ferociter: Non curo, inquit, quid tui dicas, sed quid ille taceat. Loquacitas caret affectu, taciturnitas habet certiora concilia. Plut.

*Pompeius.*

Impatiens Iulianæ dicacitatis, inter amicos dicere solebat: Cupio ad hostes transeat Cicero, ut nos timeat. Notans illius ingenium, quo dicitur hostibus fuisse supplex, in amicos contumax. Hoc Pompeij dictum ita refert Quintilianus: Transi ad Cæsarem & me timebis.

*Cicero.*

P. Sextius Ciceronem cum aliis aliquot

quot ad causæ patrociniū adhibuerat, cūque ipse veller omnia dicere, nec cuiquam dicendi locum daret, ubi iam constaret illum à iudicibus absoluentem, ferreturque sententia: Vtere, inquit, Tullius, hodie tempore, nam cras priuatus eris, norans hominem, quod in causa suo arbitrato solus egisset omnia. Eras. lib. 4. apoph.

*Valerius Homulus.*

Cum hospitio Pium Antonium imperatorem exceperat, atque is interrogaret, vnde porphyreticas colūnas acceperat, quibus tam egregie domū suam ornasset? respondisse fertur, Cum in domum alienam perueneris, & mutus & surdus esto. Ostendens, nequaquam conuenire, vt alterius bonorum rationes intempestiuus quā decet exigamus. Iulius Capitolinus, & Cuspinianus, in consiliis.

*Alphonfus.*

Homines quos vanis sermonibus impleri, & penè distendi intueretur, modò vtres, modò vesicæ vocitabar. Quemadmodum enim vtres & vesicæ infusis humoribus extenduntur, & tumescunt, donec humorem infusum respuant: sic homo loquaculus inflatur, donec audita garriendo effuiat. Panormitanus lib. 4.

*Hieron. Carbo.*

Loquaculus quidam Hieronymum Carbonem, suauissimi ingenij virum, obrundebat, atque cū ingentem iam verborum cumulum congestisset, petebat sibi ab eo ad singula responderi. Verū cū ille siluisset diu, conuersus tandem ad astantes: Magnum, inquit, ranarum prouentum attulit. Pontanus.

*Emmius Senensis.*

In Petrum de monte Licino, non incelebrem astronomum, podagra laborantem, incidit: atque ab eo, dum alteram post alteram fabulam recita-

set, diu retentus, cū transeuntem notum quendam vidisset: Age, inquit, ô amice, ausculta hunc podagricum, Nam aures meæ audiendo ambæ obfusæ sunt. Notauit autem hominis vanam & nimium molestam loquacitatem. Aeneas Syluius lib. 3. Comment. de rebus gestis Alphonfi.

*Aeneas Syluius.*

Dicere solebar, Sapientius esse agere, quā fari. Nunquam enim, nisi cū necessitas postulat, sapiens loquitur: neque vana, sed ponderata profert. Stulto autem nullum est tempus sermoni clausum: facileque verba iactitat, qui sine consideratione profatur. Syluius lib. 1. Comment. de rebus gestis Alphonfi.

*Vide apoph. de Garrulitate, Loquacitate, Silentio, & Taciturnitate.*

## De lite & contentione.

*Chilon.*

Eius tria præcepta aureis literis Delphis consecrata sunt: Nosce teipsum, Ne nimium cupias, & Aëris alieni atq; litis miseriam fac effugas. Brus. lib. 3. cap. 27. ex Strobæo.

*Zenon.*

Cum cæteris virtutis admiratoribus fortiter pronuntiauit, non oportere malos viros cum probis contendere, cū diceret: Annon plorabit malus si bono auersabitur? Ergo nullum ius sinit malum probo contradicere. Philo Iudæus lib. Quod omnis probus sit liber.

*Alcibiades.*

Suprà apoph. de Fuga excusata.

*Ludovicus XII. Gall. rex.*

\* Cū per Lutetiam obambulans obuios haberet quosdam è senatu qui raptim ad Curiam properarent: Annon, inquit, hi ad nundinas videntur proficisci? Annal. Franciæ. Alludit ad illud



illud Stratoclis & Dioclis (quorū meminuit Plutarchus) qui sese mutuò inuitabant ad messē auream: ita enim curiam & tribunal vocabant.

*Idem.*

\* Valde laudabat auguris cuiusdam responsum, qui consulenti quid oculis maximè proderet? respondit, si pragmaticum & causidicum rarissimè videris. *Annal. Franc.*

*Idem.*

\* Ipse persæpe cū in Curia parlamenti Galliarum supremi Lutetiæ interesset, patronosque causarum disertos non illibenter audiret, eos tamen Sutoris partes impudenter sibi vendicare dicebat. Namque quod Sutoris est proprium alutam producere dentibus, hoc causidicos in dilatandis scriptis, prudentum responsis & Cæsarū legibus facere affirmabat. *Annal. Franc.*

Litigare, contendere, aut ludere cum potentioribus periculosum.

*Socrates.*

**D**icebat, Aut quā rarissimè, aut quā grauissimè cum proceribus conuiuandū esse. Non ignorauit enim vir sapiētissimus, quā cautè cum potentioribus agendum sit, ne horum potestas nos, qui longè inferiores sumus, opprimat. *Stob. ser. 1. de Prudentia.*

*Phocion.*

Demostheni conuiucianti in Alexandrum, iam Thebis imminentem dixit, ex Homeri *Odyssæa*.

*ῥήτις τίμη' ἐδέλαις ἐπιδίζομαι ἀγρονομῶσα,*  
Id est;

*Cur libes irrisare virum, miserandæ ferocem.*

\* Et ingenti gloriæ cupiditate feruentem? Visne vicino rege tam magno

urbem nostram iniicere? Nos quidem, qui ob salutem ciuium magistratum gerimus, nunquam patiemur nostros se in apertum exitium præcipitare. Dirutis Thebis, cū oratores aliquot Athenienses Alexander sibi dedi posceret, & in Phocionem oculos intendisset concio, ac sæpe nominatim vocaret, surrexit, ac iuxta se constituto Nicocle amicorū præcipuo: Eo, inquit, infortunij urbem nostrā isti perduxerunt, vt etiam si hunc Nicoclem meum dedi Alexander poscat, dedi iussurus sim. Et verò beatum me putauerim, si mihi pro vobis omnibus sit moriendum. Miseret me, ô Athenienses, etiam eorum qui Thebis huc confugerunt: sufficit tamen, solos Thebanos apud reliquos Græcos flere. Itaque & pro vobis, & pro illis deprecari apud victorem quam pugnare præstat. *Plur. in Phocione.* Eximia sanè vox sapientissimi Græcorum, à posteris, & sequentium seculorum, nostri præcipuè, turbonibus, minimè obseruata: vnde innumeræ clades & ruinæ.

*Phanorinus.*

Cū in disputatione quadam Hadriano principi, cui insensibilis erat, cessisset, admirantibus aliis cur id faceret: Nonne cedam, inquit, ei qui viginti habeat legiones? *Æli. de Varia hist. & Volat. lib. 16. Vrbanoz com.*

*Artaxerxes.*

Aclidæ Iapsoni multa in eum licenter dicenti respondit: Licere quidem illi, quæ vellet in regē dicere: sibi verò non licere tantum, sed etiam facere. *Erasm. lib. 5. apoph.*

*Alexander.*

Dion in dialogo Philippi & Alexandri ait, Philippum ad Alexandrum dixisse, Atqui poetas bonos, ac graues rerum scriptores offendere non debemus, quòd nobis dicendi quæ volunt facultatem habent? Non omnem, inquit

quit Alexander: nam Stefichoro, quod de Helena mentiretur, non fuit vtile. *Brus. lib. 4. cap. 4.*

*Idem.*

Alexander quum leuitate & cursu plurimum preſtaret, hortatus est à patre Philippo vt in Olympiis curreret, recusauit autem dicens: Faceré equidem mi pater, perlibenter, si cum regibus currendum foret. *Plur.*

*Phocion.*

Quum Alexander ab Atheniensibus posceret sibi triremes exhiberi, ac populus nominatim flagitaret adesse, Phocionem, vt quid consuleret, proferret: surgens, inquit, Consulo igitur, vt aut armis superetis eos, aut superantium amici sitis. Compendio suaserit, nihil Alexandro negandum, nisi confiderent se iratum posse armis opprimere. Quibus si ille videretur superior, non esse prouocandum animosum iuuenem, & repulsę impatientissimum. *Plur. in apoph.*

*Sylla.*

Cn. Pompeium à victoria reuersum, Sylla cum aliis honoribus excepit, tum magni cognomen ipse primus illi detulit. At cum Pompeius his non contentus, vellet triumphum agere, non passus est Sylla, eo quod nondum esset ordinis senatorij. Cæterum quum Pompeius iis qui aderant dixisset, ignorare Syllam, quod plures adorarent solem orientem, quam occidentem: Sylla exclamauit, Triumpher. Horruit iuuenis animum, & indies crescentem gloriam: nec dubitauit illi cedere, quem videbat nemini cedere posse. *Plur. in Rom. apoph.*

*Iul. Cæsar.*

Quum Pompeius relictæ Roma per-fugisset ad mare, Metellus ærarij præfectus Cæsari volenti illinc pecunias tollere, obstitit, & ærarium clausit. At Cæsar illi mortem minatus est. Ea vox

quum Metellum reddidisset attonitū. Hoc, inquit, ô adolescens, dictū mihi difficilius fuit quàm factū. Sentiens, ie vel nutu posse quem vellet occidere, quum secum duceret armatos cohortes. *Idem.*

*Pollio.*

Temporibus triumviralibus, quum Octavius, Lepidus & Antonius rerum potirentur, Augustus in Pollionem scripserat Fescenninos, ludibrij causa. Tum Pollio, At ego, inquit, taceo, non est enim facile in eum scribere, qui potest proſcribere. Notans Augusti tyrannicam potentiam: nec ea libertate offensus est Augustus. *Erasli. 4. apoph. ex Suetonio.*

## De loco, & de locatione, seu locorum & sedium varia distributione.

*Anonymus.*

Philosophus quidā priscus, sed ætatis incertæ, huiusmodi sermone Arfinoës reginæ luctum compescuit: Quum Iupiter, inquit, inter dæmones rerum faceret partitionem, luctus non aderat, sed distributione iā peracta venit. Huic igitur quum Iupiter aliquid honoris tribuere vellet, nec esset quod daret, quippe iam consumptis omnibus, tandem assignauit illi honorē qui mortuis impenditur, veluti lachrymas & mœrores. Quem admodum igitur, inquit, cæteri dæmones bene volunt iis à quibus coluntur, itidem & Luctus. Quod si fuerit abs te contemptus, ô mulier, nequaquam venturus est ad te: contra si diligenter abs te colatur honoribus illi designatis à Ioue mœroribus ac lamentis, diliget te semperque tibi supeditabit aliquid earum rerum quibus abs te perpetuò possit honorari. *Plur. in consolatione ad Apollonium.*

*Thales.*

*Thales.*

Interrogatus, quid esset in omni rerum natura maximum respondit, Loccus, capit enim omnia. Laert. l. i. c. i.

*Diogenes.*

Obiurgatus, quod intraret loca spurca, ac parum honesta: Et sol, inquit, subit latrinas, nec tamen inquinatur. Sensit, probum virum non fieri deterio. rem ob loci infamiam. Laert. lib. 6.

*Damonidas.*

Quum à chori magistro postremum in choro iocum accepisset: Euge (inquit) chorage, reperisti quo pacto & hic locus, cum per se sit inhonoratus, fiat honorificus. Generosus a dolescentis animus, qui fiducia sui non metuit ne locus abiectionis esset dedecori: sed citius futurum arbitrabatur, ut per ipsum locus fieret honoratior. Id enim sæpenumero factum legimus, ut hominis virtus magistratui per se contempto & humili dignitatem conciliaret. Plut. in Lacon.

*Agessilaus.*

Cum adhuc puer esset Agessilaus rex, & ageretur ludus solennis, quo pueritia tum exercebatur, atque is qui negotio præfectus erat, statuisset illum in loco parum honorifico: paruit quidem, tamen iam rex designatus, ac dixit: Bene sanè habet: ostendam enim, non locum viris, sed viros loco conciliare dignitatem. Nimirum ea vox declarabat in puero miram animi celsitudinem, cum pari moderatione coniunctam. Plut. in Lacon.

*Aristippus.*

Dionysius rex quum offensus esset ab Aristippo philosopho, hominem ad cenam vocavit, & iussit eum in conuiuio infimum omnium accumbere. Aristippus nihil offensus, Hunc, inquit, locum, ô rex, illustrare vis, ac honorificum reddere: significans, non locum reddere hominem viliozem, sed ex di-

gnitate hominis honorem addi loco. Laert. lib. 2. cap. 3.

## De lucro.

*Thales.*

**N**Olebat homines per iniuriam detescere, quod lucrum fraude partum, damnum sit non lucrum, Laertius lib. i. cap. i.

*Chilon.*

Dicere solebat, damnum turpi lucro semper præferendum esse. Illud enim semel dolere, hoc autem semper. Iactura facta, sarciri commodè potest, addita industria: fama autem mala ex lucro inhonesto profecta, nunquam apud bonos viros diluitur. Et sic lucrum scelere partum, damnum est, non lucrum. Laert. lib. i. cap. 4. Stob. serm. i. Antonius part. i. serm. 31. Melissæ.

*Anonymus.*

Pythagoricus quidam philosophus à sutore emerat calceamenta, non prompta pecunia. Paucis post diebus rediens ad tabernam, redditurus pretium, audit sutorem defunctum esse. His auditis, nummos non inuita manu domum reulit, subinde manum concutiens, gestiensque veluti de lucro ex morte calceatoris sibi facto. Paulo post verò cum hunc animi affectum reprehendisset: redit ad tabernam, & ait sibi: Ille tibi viuit, tu redde quod debes, simulque per clostrum, qua se commissura laxauerat, nummos in tabernam immisit, pœnas à seipso exigens improbe cupiditatis, ne assuesceret aliena. Eras. l. 6. apoph. ex Seneca.

*Anonymus.*

Quoniam ex annonæ caritate quidam ditescabant aulici, multum & hinc inuidiæ Neroni cõstatum est: cum itaque fortè accidisset, ut in publica fame diceretur Alexandrina nauis appulisse, quidam dixit, est iactatum, illam aduexisse puluerem

puluerem luctatoribus aulicis. Quo dicto simul notatum est, in Cæsare rerum scenicarum studium, & monopolia quorundam per Cæsaris fauorem publico damno lucrantium. Suet.

*Vide apoph. de Fanore & Vjura.*

## De luctu.

*Solon.*

**C**VM ex amicis quendam grauiter morientem videret, in arcem perduxit, hortatusque est, vt per omnes subiectorum in vrbe ædificiorum partes oculos circumferret, quod vt factum animaduertit: Cogita nunc tecum, inquit, quàm multi luctus sub his rectis olim fuerint, hodièq; versentur, in sequentibusq; seculis sint habitaturi & mitte mortalium incommoda, tanquam propria deslere. Qua consolatione demonstraui, vrbes nihil esse aliud, quàm humanarum cladum concepta miseranda. Val. Max. l. 7. c. 2.

*Idem.*

Aiebat, si in vnum locum cuncti mala sua cõtulissent, futurum vt propria sua quisque deportaret domum, prius quàm ex omni miseriarum aceruo vllam aliam portionem ferre mallent. Quo colligebat, non oportere quenquam, quæ fortuito patiatur, tanquam præcipuè & intolerabilis amaritudinis mala iudicare. Idem.

*Lucius sophista.*

Herodes sophista vxoris Regillæ mortē luxit impotentius, aded vt picturas & ornamenta domus coloribus atraret, velis pullis tegeret, ac lapide Lesbio obscuraret omnia: nam is funestus ac niger est. Quodam igitur die cum Lucius, qui frustra conatus fuerat Herodi persuadere, vt lugeret moderatius, pueros videret in fonte ædibus vicino lauantes raphana, rogabat cui pararetur ea cœna? qui responde-

runt, Herodi. Tum Lucius: Iniuriam facit Regillæ, qui albis radiculis vescatur in atra domo. Id vbi renuntiatum est Herodi, amouit ab ædibus funestâ speciem, ne apud probos viros traduceretur. Philost. in Sophist.

*Sextus philosophus.*

Dolorem ex prioris filix Panathenaidis obitu conceptum, vt cunq; lenierant Athenienses, intra urbem eam sepelientes: & obitus diem ceu funestum ex anno sustollentes. Cæterum cum Elpinicen alteram filiam exanimem indecorè lugeret, proiectus humi ac vociferans: Quas inferias tibi faciam filia? quid tecum sepeliam? superueniens sextus philosophus: Maximum, inquit, munus dederis filix, si moderatè lugeas. Philost.

*Demonax.*

Herodem sophistam immodicè lugentem Pollucis obitum præmaturū, cum veller illi currus & equos velut ascensuro iungere, atq; etiam cœnam apparare, adiit Demonax. En tibi, inquit, à Polluce literas. Exhilarato Herodi, & quid veller Pollux sciscitanti: Incusar, inquit, te, quod cunctis ad ipsum venire significans, Pollucem ad ipsum non rediturum: sed rectè parari currum, si veller sequi defunctum. Eras. l. 8. apoph.

*Quirinus sophista.*

Amicis cum de morte filij consolationibus: Quando, inquit, potius apparebo vir, quàm nunc? Sentiens, dolorem quidem esse acerbum, sed hoc fortitudinis laudem fore splendidiorem. Philost.

*Anonymous.*

Hominem Spartanum, sed ruri agentē, quidam obiurgauit, quod prorsus fletui & lachrymis ex intimis visceribus manantibus indulgeret. At is liberè, reiectaq; animi dissimulatione, respondit: Quid facere inquires?

non



non enim ego, sed natura mea mihi  
luctum excutit. *Ælian. li. 8. de Var. hist.*

*Amasis.*

Ad quandam filio priuatum dixit: Si  
non tristatus es, cum nondum filius  
esset, ne nunc quidem dolere debes,  
cum non amplius est. *Stob. ser. 121.*

*Demonax.*

Quendam filij mortem inconsola-  
bilitate lugentem, & in tenebris abdi-  
tum, adiit, certò promittēs se filij vm-  
bram ab inferis reuocaturū, si tres ex  
hominum numero sibi nominare pos-  
set, qui nullius luxissent obitum. Cū-  
que is cogitationem per omnes notos  
circumferens, ne vnum quidem repe-  
risset luctus expertem: Quid igitur, in-  
quit, te ipsum discrucias homo, quasi  
nouum aliquid acciderit? *Eras. lib. 8.*  
apoph.

*Antonius.*

Suprà de affectibus humanis.

### De lusu.

*Socrates.*

**C**Um luderet supposita cruribus  
carundine, cum pueris, ab Alcibia-  
de irrisus: Noli, inquit Socrates, cui-  
quam dicere, quod modò à me vide-  
ris, donec ipse tibi etiam liberos pro-  
creaueris. Sensit Socrates, paternum  
in filios suos affectum, quo eò ductus  
est, vt cum filiis ludere nequaquam  
erubuerit, vir alioqui sapientissimus.  
*Brusl. 3. ca. 38. Plutarchus & alij idem*  
*Agessilao adscribunt.*

*Demonax.*

Senex quidam Romanus, bene robu-  
sto corpore, qui armatus sese ad palū  
exercuerat, rogauit Demonastem, nū  
magna vehementia videretur depug-  
nasse: Nimirum, inquit, aduersus ho-  
stem ligneum. Innuens, illum in vera  
pugna fore meticulousum. *Eras. lib. 8.*  
apoph.

*C. Caesar.*

Pila ludens cum Cæcilio, acceptis  
ab eo quinquaginta sestertiis, cum  
collusoribus aliis centū dedisset: Quid,  
inquit, num ego vna tantum manu lu-  
si? *Brusl. 3c. 38.*

*Caligula.*

Caligula alea ludens, plus menda-  
cio, atq; etiam pèriurio lucrabatur, &  
quodam tempore proximo collusori  
demandata vice sua, progressus in  
atrium domus, cum prætereuntes du-  
os equites Romanos locupletes, sine  
mora corripri confiscarique iussisset,  
exultabundus in domum rediit, glori-  
ans se nunquā prosperiore alea vsum.  
*Eras. lib. 6. apoph.*

### De luxu & luxuria.

*Pythagoras.*

**D**Icebat, in ciuitates primū irrep-  
sisse delicias, mox saturitatem, de-  
inde violentiam, postremò exitium.  
*Laert. lib. 7. cap. 1.*

*Aristippus.*

Cum quidam Aristippum vidisset  
ementem perdicem quinquaginta  
drachmis, & ob id philosophicum lux-  
um improbaret: Tu respondit Aristip-  
pus, si obolo venalis esset, non emerēs?  
Quum is respondisset, se empturum:  
Et mihi, inquit, tanti sunt quinqu-  
aginta drachmæ. *Laert. lib. 2. cap. 8.*

*Idem.*

Quum quidam illi probro darent,  
quòd splendide exquisitèque viueret  
philosophus: Id, inquit, si vitium esset,  
in celebratibus deorum nequaquam  
fieret. In his enim & magnificè vestiri  
& lautissimo ciborum apparatu solent  
viri. Porro cum dii sint insensu vitiiis,  
non placarentur, sed irritarentur  
eiusmodi magnificentia, si ea cum  
vitio esset coniuncta. Sic ille quidem  
eius

eludit conuicium, non ostendit quid esset optimum. Laert. Ibid.

*Zeno Cissius.*

Quendam audiens, luxuriam suam sic coram bonis viris excusantem, ut diceret, se ex eo quod superfluum sibi esset sumptum facere, argutissimè respondit: Age dic, dares etiam veniam coquo tuo, si cum obsonia plus æquo falsa daret, diceret sibi copiam salis esse? Sensit vir prudentissimus, nequaquam ex multa rerum copia victum moderandum esse, sed ex necessitate naturæ, quæ paucis contenta esse solet. Laert. l. 7. c. 1. Max. ser. 61.

*Architas.*

Nullam pestem in mundo capitaliorem esse dicebat, quàm corporis voluptatem. Hinc enim patriæ proditio- nes, hinc rerum publicarum euerfio- nes, hinc cum hostibus clandestina colloquia nascuntur. Nullum denique scelus, nullum magnum facinus est, ad quod sulcipiendum non libido volup- tatis impellat. Stupra verò & adul- teria, & omne flagitium, nullis alijs il- lecebris excitantur, nisi voluptate. Ci- cero in Catone maiore.

*Crates.*

Quendam deliciis luxuque dedi- tum, ita per iocum admonuit, Ne pro lenticula semper augeas patinam, ne in seditionem nos conicias. Sentiens, à luxu cupediisq; plerunq; nasci diffi- dia. Lenticula philopho cibus est. *ἀσπας* carnes habet, & in diuitum mensis cir- cunfertur. Laert. l. 6. cap. 6.

*Idem.*

Conspicatus adolescentulum athle- ticū vino, carne & exercitatione cor- pulentiorē fieri: O miser, inquit, de- sine aduersus temetipsum carcerem munire. Maximus monachus ser. 27.

*Antisthenes.*

Antisthenes, quodam predicante deliciis: Hostium inquit, filius contin-

gat in deliciis viuere: ut rem pestilen- tem detestans, quod pleriq; pro sum- mo bono amplectuntur. Laert. l. 6. c. 1.

*Diogenes.*

Diogenes inuilerat Lacedæmonē: inde Athenas, reuersum quidam per- contabantur, ut sit, Quò iret, & vnde veniret? A viris, inquit, ad scēminas: notans Atheniensium deliciis effœmi- natos mores, quum Lacedæmonij du- re instituerentur. Laert. l. 6.

*Idem.*

Quum videret mulierem in lectica, dixit: Caueam non conuenire feræ. Significans tam efferum ac noxium animal ferrea cauea coercendum. Le- ctica verò sella genus est cancellatæ, ut aliquam caueæ speciem præbeat: in hac diuites ac delicati sedere, atque etiam gestari solebant. Laert. lib. 6.

*Idem.*

Videns delicatum quendam homi- nem à seruo calceari: Nondum, in- quit, sat beatus es, nisi te etiam abster- geat. id autem erit, si mancus fueris. Laert. l. 6.

*Idem.*

Luxuriosum quempiam in diuerso- rio conspiciens, vespertem oleis: Si sic prandisses, inquit, non ita cœnares: sentiens, non esse frugalitatis, quòd ederet oleas: sed quod stomachus ni- mis lauto prandio grauatus, nihil ap- peteret in cœna. vel potius, quòd in- genti opum vi prodigaliter absumpta, tenuiter viuere deinceps cogeretur. Nam tenue prandium optimè condit cœnam. Laert. l. 6.

*Idem.*

Ad eum qui obsoniis ac luxui plus æquo indulgebat, illud Homericum accommodabat:

*ἀνὴρ μὲν εἰς διὰ πλείονος ἔσθια* Id est,

Nate, mihi fueris brevis æni: signi- ficans, illum sibi luxu mortem acce- leraturum. Laert. 6.

*Idem.*



*Idem.*

Eos qui per luxum in coquos, nepotes, scorta & adulatores, facultates suas profunderent, similes dicebat arboribus per præcipitia nascentibus, quarum fructus homo non gustaret sed à coruis & vulturibus ederentur: sentiens, eos qui gulæ ventriq; seruiunt, non esse homines. Laert. Idem Cræti tribuitur à Stobæo.

*Idem.*

Infra de Prodigalitate, profusione, & largitione.

*Idem.*

Stomachabatur in eos, qui pro bona valetudine diis munera offerrent, & in ipso sacro omnibus voluptatibus se obruentes perderent. Laert. lib. 6.

*Idem.*

Dicebat se non parum mirari seruos, qui cum viderent dominos plus æquo voraces, non illis eriperent cibos. Nam hoc esse, dominorum valetudini consulere. Ibid.

*Idem.*

Aiebat, faciles esse deos ad donandam hominibus vitam, cæterum hanc ignorari ab his qui quærent dulciora vnguenta, aliâq; hoc genus delicias. His enim qui fruuntur, credunt vivere: quum veram vitam, tranquillam ac suauem sola præstat sapientia. Non igitur dii sunt incusandi, sed homines qui per stultitiam non postulant ab illis vitam, sed voluptates. Laert. lib. 6.

*Idem.*

Qui scopum non attingunt, hi vulgo *ἀτυχῆς*, id est, frustrari dicuntur. At Diogenes negauit illos frustrari, qui aberrarent à scopo: sed eos qui curas suas ad voluptatem velur ad scopum dirigerent. Nam ab iis petunt beatitudinē, cum per eas deueniant in summam miseriam. Laert. lib. 6.

*Idem.*

Dicere solebat, in quibus ædibus

magna esset ciborum copia, in iisdem multos mures esse & feles solere: sic ea corpora quæ multum cibi caperent, multos morbos contrahere solere. Maximus monachus ser. 27.

*Heraclitus.*

In seditione rogatus, ut apud populum sententiam diceret, quo pacto ciuitas redigi posset in concordiam, cōsenso suggestu, poposcit calicē aquæ frigidæ, & paululum farinæ insperxit, mox de glechone admiscuit, quod est vel pulegij syluestris, vel leguminis genus. Dein epero calice, discessit, nec verbum addidit: hoc pacto inueniens, ita demum ciuitatem carituram seditionibus, si repudiatis deliciis, assuecerent paruo contenti esse. Et hic Heraclitus suo respondit nomini. Nam *ἐν κρήνῃ* dictus est, id est, renebriculus. Referatur & hoc inter *ἀποφθ.* Eras. 8. apoph. ex Plur.

*Empedocles.*

Suprà de Grauior dictis.

*Socrates.*

Dicebat, eos qui se ad continentiam ac frugalitatem exercuissent, & longè plus habere voluptatis, ac minus dolorum, quàm qui summa cura vndique pararent oblectamēta: quod voluptates imtemperantiam, præter animi sibi malè conscij cruciatum, præter infamiam ac paupertatem, frequenter ipsi etiam corpori plus adferant molestiæ, quàm delectationis. Contrà, quæ sunt optima, eadē sunt iucundissima, si quis assueuerit. Laert. lib. 2. c. 5.

*Idem.*

Suprà de Lautitiis.

*Idem.*

Aiebat esse turpe, si quis sua sponte seruiens voluptatibus, talem se faceret, quales nemo domi suæ vellet habere seruos. Talibus autem nullam salutis spem reliquam esse, nisi si pro eis deos cōprecarentur alij, ut bonos dominos

quit, ex viris Galli sunt, ex Gallis viri nequaquam. Sentiens, homines esse prouiores ad voluptatē, quàm ad virtutem. Gallos dixit, sacerdotes Cybelis curatos. Porro voluptatem amplecti, sceminarum est potius quàm virorum. Laert. lib. 4. c. 6.

*Iseus sophista.*

Iseus sophista Assyrius, cum primū ætatem dicasset voluptatibus, simul ut ad virilem peruenit, veluti alius subito factus miram induit morum seueritatem. Itaque percontanti cuidam, Num illa (sceminam ostendens) videretur formosa? *πικρυμύς*, inquit, *ἰσχυρῶς*, id est, desij laborare ab oculis. Ab altero quopiam interrogatus, quis piscis, aut quæ auis esset ad vescendum suauissima? *πικρυμύς*, inquit, *ταύρος*, id est, ista curare desij. Et adiecit: *ἑλπίδα γὰρ τὴν ταύτην καί ποτε πρυμνίαν*, id est, sensi enim me è Tantali hortis fructus colligere. Subindicans, omnes eiusmodi voluptates, quibus iuuentus capiatur, nihil aliud esse quàm umbras ac somnia, qualia de Tantalo fabulantur poëtæ. Philostratus.

*Polemon.*

Occurrens alij sophistæ cuidam, intestina, mænides pisces, & alia quædā vilia portanti obsonia: O vir egregie, inquit, non potest Darij & Xerxis animum rectè actione exprimere, qui talibus vituitur cibis. Idem.

*Theocritus.*

Posteaquam Diocli lurconi perisset vxor, & in funebri cœna, quam illi parabat, nihilo secius obsonia voraret, flens interim: Desine miser, inquit, nihil profeceris obsonijs indulgens. Sentiens, illi semper flendi fore materiam, si pergeret delituri. Olim vesci piscib. pro delitiis habebatur, & infami vocabulo dicebantur opsofophagi. Nunc ea res magna est sanctimonia. Eras. 6. apoph.

*Stratonicus.*

Rhodos cum videret delitiis dissolutos, & callido potu vrentes, appellauit albos Cyrenæos, & ciuitatem illorum appellauit procorum ciuitatē, quod colore quidem differrent à Cyrenæis qui nigri sunt, luxu & voluptatum studio similes. Sic hodie quidam appellabant albos Mauros. Athen.

*Idem.*

Cum Rhodi ageret, taxans eius gētis luxum deliciâque, dicebat illos ædificare ut immortales, obsonare quasi breue tempus victuros, Auidius enim fruimur his quæ breui scimus auferenda. Eras. 6. apoph. ex Plur.

*Idem.*

Cum in Maronia potaret cum quibusdam, dicebat se posse scire ad quē locum spectaret ciuitatis, si tecta facie ipsum ducerent. Cum duxissent, rogassent, quod spectaret: Ad cauponam, inquit. Sentiens, totam ciuitatem nihil aliud esse quàm cauponam. Itaque quocunq; verteretur rectis oculis sciebat se spectare cauponam. Maronia porro Ciconum ciuitas est, negotiationi dedita. Eras. lib. 6. apoph. ex Athen.

*Philoxenus.*

Is fuit insignis ganeo, qui cum in caupona ollam vidisset, in qua delitiæ coquebantur: odore captus, iussit filium ollam emere. Filio dicente, eam ollam magno pretio vendi: Hoc suauior, respondit, & iucundior erit, quo maiori pretio eam emero. Alian. lib. 10. de Varia histoir. Idem collum longius sibi quàm gruib. fieri exoptabat, ut in gustu magis oblectaretur. Aristot. in Ethicis, & Bruson. lib. 3. cap. 1.

*Alexis.*

Alexis poëta Callimedontem thetorem, ut delitiis deditum, taxauit his versibus:

*ὡς πῖπτας ἰδὼν τὰς τ' ἀποδύσκειν θέλει  
ὡς ὁ μῖπτας, καὶ ἀποδύσκειν ὁ κέρβερος.*

*Pro*

hac frugalitate, inquit, optimam mesem metimus libertatem. Quo dicto ostendere voluit, nihil æquē libertati contrarium esse, ac voluptatem. Plut. in Lacon. apoph.

*Idem.*

In Asia domuum contigationem ex quadratis trabibus factam aspiciens, ædium herum rogauit, num apud illos quadrata nascerentur ligna? eo negante, sed rotunda dicente: Quid igitur, inquit, si quadrata essent, rotunda faceretur? Notauit autem luxum, & pretiosam illam in ædificandis ædibus solertiam. Plut. in apoph.

*Idem.*

Thasiorum gens cum Agesilao Lacedæmoniorum regi cum exercitu per eorum agros proficiscenti, honoris gratia mitterent farinas, anseres, bellaria, liba ex melle condita, omnis generis alia maximi pretij tum esculentarum poculenta: præter farinas nihil accepit, sed reliqua auferri iussit, ut inter Helotes & mancipia distribuere. Sciscirantibus autem, cur id faceret? respondit: Non decere, qui virtutis studio tenerentur, id genus delicias recipere. Sapienter ostendens, nihil seruius & abiectius esse, quàm gulæ ventrisque voluptatibus obnoxium vivere. Plut. in apoph. Lacon.

*Lysimachus.*

Suprà de fame & siti.

*Lysander.*

Cum filius suis non permitteret, ut vestes à Dionysio datas induerent: interrogatus, Quam obrem hoc faceret? Ne, inquit, luxuria conspicuæ, turpiores videatur, quàm fuerunt antea. Brus. lib. 3. cap. 33.

*Epaminondas.*

Epaminondas à quodam ad cœnam inuitatus, quum bellariorum, obsoniorum & vnguentorum apparatus inuenisset, è vestigio abiit, dicens, Ego te

sacrificare, non lasciuiare putabam. Plut. in apoph.

*Idem.*

Quum coquus impetrat rationē collegis redderet, maximum olei sumptū duntaxat ægrè tulit: sed collegis admirantibus, impensam quidem sibi non displicere, dixit, sed quod tantum olei intra corpus ipse accepisset. Damnauit autem luxuriam in nullo magis, quàm in semetipso, quem adeo prodigum olei fuisse in vñctione corporis fatebatur, ut hac in re omnes facillè superarit. Plut. in apoph.

*Cyrus.*

Perse, quoniam regionem habebant montuosam asperamque, cupiebant eam campestri ac molliore commutare. Id non passus est Cyrus, dicens: Quemadmodum plantas ac semina, sic hominum mores ad regionis habitum immutari. Sentiens, se velle duris homines & laboribus accommodos. Nam mollis ac fertilis regio, molles & ignauos gignit homines. Plut. in apoph.

*Xerxes.*

Iratu Babylonis, quod à se defecissent, postquam illos in potestatem suam redegit, interdixit ne ferrent arma, sed psalterijs tibiisq; canerent, scorta alerent, cauponas haberent, ac sinuosis tunicis vterentur: quo voluptatibus molli non molirentur denuo defectionem. Plut. in apoph.

*Demetrius Phalerus.*

Conspicatus iuuenem luxuriosum, Ecce, inquit, quadratam statuam, habentem syrma, ventrem, pudenda & barbam. Stob.

*Alexander.*

Darij regiam ingressus, quum vidisset sublime cubiculum, & in eo stratum, mensas, cæteraque omnia mirifico ornatu instructa: Hocce inquit, erat imperare? Sentiens non esse regium,



dominos nancisci possent, quādo prorsus decretum esset seruire. Existimabat autem, nullos fœdiorum miseriorumque seruire seruiturē, quā qui & animo & corpore seruirent voluptatibus. Laer. li. 2. cap. 5.

*Idem.*

Idem eo die quo bibiturus esset venenum, quum detractis compedibus ex frictu sensisset voluptatem, dicebat amicis: Quam mirē hoc natura comparatum est, ut hæc duæ res sese inuicē comitentur, voluptas ac dolor, nisi enim præcessisset molestia, non sentirem hanc voluptatem. Laer. li. 2.

*Idem.*

Monebat voluptates non aliter quā Syrenas esse prætereundas ei, qui properat ut virtutem veluti patriam conspiciat. Allusit ad Vlysem, qui cæa obruratis auribus præternauigantem Sirenas, ut Ithacæ fumum sublientem cerneret. Laer.

*Idem.*

Dicebat etiam, multos in hoc viuere ut ederent biberentque, se contra ob id edere ac bibere ut viveret: quod his rebus nō ad voluptatem, sed ad naturæ necessitatē vteretur. Hanc sententiam retulit Satyricus:

*Non vinas ut edas, sed edas ut viuere possis.*

Eras. lib. 3. apoph.

*Plato.*

Generosum cōspiciatis adolescentulum, patrimonio cōsumpto ad fores pandochij panem edentem, & aquam bibentē. Si, inquit, sic moderatē prandisses, nunquam sic cœnares. Maxim. ser. 61.

*Idem.*

Conspectus Agrigentinos magnis impensis ædificare, eodēque modo cœnare: Agrigentini, inquit, ædificant quasi semper victuri, & comedūt quasi semper morituri. Dicit autem Time-

us, eos lecythis argenteis & strigilibus vfos esse, mensas totas eburneas habuisse. Ælianus li. 12. de Varia historia.

*Aristoteles.*

Suos discipulos admonebat, ut voluptates contemplerentur non venientes, sed abeuntes: hoc est, non à fronte, sed à tergo. Venientes enim fucata specie blandiuntur, abeuntes autem poenitentiam ac dolorem relinquunt. Laer. li. 5. c. 1.

*Aristippus.*

Sophista Polyenus ingressus ædes Aristippi, quum videret illic mulieres pulchrē ornatas, ac magnificē, instructum conuiuium, cœpit reprehendere tantum in philosopho luxum. Aristippus dissimulata obiurgatione aliquantō: potesne, inquit, hodie nobiscum esse? Cum ille non recusasset: Quid igitur, inquit incusas? Videris enim non lautiorē mensam reprehendere, sed impendium. Nam si conuiuium ob hoc ipsum displicuisset quod esset lautius, recusasset esse conuiua. Porro probare quidem apparatus, sed offēdi sumptu, non frugalit, sed auari hominis esse videtur. Laer. li. 2. c. 8.

*Menedemus.*

Antigono consulenti, deberetne ad comestationem quondam adire: post silentium nihil aliud respondit, quā, Regis filius es. Subindicans, luxum indecorum esse regno natis: nec potētibz licere quod liber. Laer. li. 2. c. 18.

*Dionysius sophista.*

Familiaribus dicere consuevit, mel summo digito, non caua manu gustandum esse. Sentiens, voluptates quā parcissimē admittendas. Philostratus in sophistis.

*Arcefilaus.*

Arcefilaus Scythia percontanti quid fieret, ut ab aliis sectis multi deficerent ad Epicureos, ab Epicureis nulli deficerent ad alios: Quoniam, in-

E e

quit,

*Pro patria vel quilibet velis mori:*

*As metra amore Callimædon solus cupit.* Perit Latinis ioci gratia, nam *metra* patriam significat: *metra* non matrem, sed vuluam aut piscem sonat. Pisces olim erant in delitiis. Eras. li. 6. apoph.

*Ischomachus.*

Medico percontante rusticum, qui ob ingurgitationem malē habebat, nū ad vomitum cœnasset? Nequaquam, inquit, sed in ventrem. Locus Græcis festiuor, quod *eis* sonat pariter & in, & vsque ad, *eis ei* pariter, *eis ei* idem. Eras. li. 6. apoph.

*Gorgo Cleomenis filia.*

Cum pater aliquando mandasset, ut cuidam mercedis nomine daret frumentum, & elogium addidisset, Docuit enim me vinum reddere suauius: Ergo, inquit, d pater, & vini plus bibetur: & qui bibent, delicates, deteriorēsq; reddentur. Quis satis prædicet hanc puellam, & sene & viro seueriorem? Atqui solet hic sexus maximē capi rebus suauibus. Plut. in apophth. Lacænarum.

*Eudamidas.*

Cuidam laudes Athenarum prædicanti. Quis (inquit) eam ciuitatem merito laudet, quam nemo dilexit factus seipso melior? Non iudicauit eam urbem esse dignam vlla laude, quæ sic esset corrupta delitiis ac viciis, ut nullus in ea libenter viuens euaderet melior, sed deteriores omnes. Tacitē præferens Spartam Athenis, in qua qui vixisset, efficeretur melior. Plut. in Lac. apoph.

*Lycurgus.*

Cum statuisset inuadere delicias, luxumque, & in his quoque tollere diuitiarum admirationem, instituit syssitia, hoc est conuiuia publica. Percontanti verō, cur ea constituisset, sic ut in singulis conuiuiis pauci cum armis discumberent: Ut, inquit, expediti

sint ad parendum imperatis, & si quid tumultus inciderit, penes paucos sit delictum, sique inter omnes potus ac cibi æqua portio: denique non solum in esculentis ac poculentis, verum ne in stratis quidem, aut vasīs, aut alia re quacunque plus haberet diues quā pauper. His rationibus cum diuitiis detraxisset admirationem, postquam nemo erat qui vel uti possit illis, vel ostentare, dicebat amicis: Quā præclarum est, d amici, ipsa re declarasse cuiusmodi sint diuitiæ, si quando cæcæ sunt, carēntque spectatoribus & admiratoribus. Interim obseruabat, ne quis prius domi sumpta cœna veniret ad publica conuiuiis, expletus aliis cibis, aliōve potu. Quod si quis cum cæteris non biberet, ederētve, et m vituperabant, ut qui aliis edulis delinitus, abhorreret à visu communi: Porro qui palam conuictus esset id fecisse, ei multa dicebatur. Vnde Agis, qui multo post Lycurgum tempore rex fuit, debellatis Atheniensibus domum reuersus, cum veller quadam die cœnam capere cum vxore, à syssitiis poscenti, præfecti militiæ non miserunt. Ea res cum postero die innotuisset Ephoris, multam illi dixerunt. In eodem facto geminum exemplum nobis est proditum: primum frugalitatis, deinde seueritatis, cum in causa non graui leges nec regi pepercerint. Plut. in Lacon.

*Agésilas.*

Sciscitante quodam ab Agésilao: Quid Sparte fructus attulisset Lycurgi leges? Voluptatum, inquit, contemptum, videlicet indicans, non alia magis ex re nasci reipubl. corruptelam, quā ex deliciis. Plut. in Lacon.

*Idem.*

Cum audiret quendam mirari, cū rex cum cæteris Lacedæmoniis tam frugali cibo vestitūq; vteretur? Pro

E e

hæ

regium, huiusmodi deliciis indulgere. Plut. in Alex. vita.

*Idem.*

Lectum ingressus, excussis accuratē stragulis, dicere solebat: Num quid hūc delicatum aut superfluum mater addidit? Aded abhorrebat à muliebribz deliciis. Ibid.

*Crassus.*

Brutus quidam quum balneas patrimoniumque omne penē vendidisset, pecuniamque luxuriose dilapidasset, diceretque se sudare, Crassus orator respondit, Non mirum est (inquit) quod ita sudas, modō enim existi de balneis. Notauit autem hominis luxum, qui in causa erat, ut balneum, & alia diuendere coactus esset. Brus. li. 3. cap. 33.

*Scipio minor.*

Cum non ignoraret luxuria & voluptatibus, militū enervari vires, omnem luxum & voluptatem ē castris suis amoueri iussit, voluitque, ut milites stantes cœnarent obsonium, non igni coctum. Plut. in apoph.

*Idem.*

Audiens iuuenem quendam placentem ex melle in virbis similitudinem compactam, Carthaginēque nuncupatam, conuiuiis diripiendam dedisse, equo priuauit: rogatus autem, cur militem equo indignum iudicaret? Quia, inquit, me prior Carthaginem diripuit. Quo dicto militem damnauit ignauum, qui gulæ deditus, cum placentis potius melle conditis, quā contra hostes pugnares, bellum suscipiebat. Plut. in apoph.

*Idem.*

Quum Memmij cuiusdam tribuni militum iumenta intercepisset, vasculis lapideis refrigerando vino paratis, ac poculis Thericlis, hoc est, operosē factis onusta: Mihi quidem, inquit, ac patriz dies triginta, tibi ipsi verō per

omnem vitam, cum talis sis reipsum inutilem reddidisti. Significans, bellū quod pro patria gerebatur, mensē fortasse duraturum. Parum autem esse, quod tum militem præstaret inutilem: sed multo grauius, quod, si pergeret esse talibus moribus, perpetuō ciuis inutilis esset futurus. Ibid.

*M. Cato.*

Albidium quendam, qui omnia sua bona dilapidauerat, audiens conquirentem, domum sibi incendio cōsumptam esse: Proteruia, inquit, fecit. Erant autem Proteruia apud veteres ethnicos sacrificia, in quibus mos erat, ut si quid ex epulis superfuisset, igne consumeretur. Brus. lib. 3. cap. 1.

*Idem.*

Iam rempublicam nequaquam saluam fore dicebat, in qua piscis, pluris quā bos venderetur. Sensit autem vir prudentissimus, nihil æquē in re publica pestiferum esse, quā si ciues luxu & deliciis diffuissent. Præcipuus olim luxus erat in piscibus, unde legimus nullum sex nummum millibus emptum. Plut.

*Idem.*

Quendam qui agros mari vicinos ob luxum vendere coactus est, aiebat se mirari, quod si nosset quā ipsum mare. quod enim illud vix paulatim assuebat, ille facile deuoraret. Eras. libro 5. apoph. ex Plut.

*Cicero.*

Faustus Syllæ filius, consumptis paternis bonis suppellestem propter æris alieni magnitudinem proseripsit. Cicero hominis miseriam irridens, Hanc, inquit, magis amo quā patriis eius proseriptionem. Proseriptio quippe Fausti sibi soli nocumento erat, qui solus non habebat unde post hæreditatem paternam iam consumptam, commodē viueret. Parentis autem crudelis proseriptio, infinitis ciuibz &

E e

Reipublicæ



Reipublicæ damno fuit. Plutarchus in apoph.

*Pompeius.*

Ægrotanti Pompeio medicus præscripserat, ut turdis vesceretur. Quumq; hi quibus datum erat negotium, negarent inueniri (non enim erat tempus quo genus hoc auium capi solet) admonuit aliquis apud Lucullum inueniri posse, qui turdos toto anno alere solitus esset: Itane, inquit Pompeius, nisi delirius deditus esset Lucullus, nequaquam viueret Pompeius? Contemptoque medico, cibus parabilibus usus est. O verè masculum animum, qui ne vitam quidem deliciis acceptam ferre sustinuit! Plut. in apoph.

*Lucullus.*

Quum œconomus Lucullo cœnam modestam apparasset, accersitum obiurgauit: illo dicente, Non putabam sumptuoso apparatu opus esse, quum solus esses cœnaturus: Quid ais, inquit Lucullus, an ignorabas apud Lucullum hodie cœnaturum Lucullum. Plut. in apoph.

*Gallus.*

Testis contra Pisonem repetundarum rerum, cum magnam pecuniam dixisset datam Magio præfecto à Pisonē, ne prouincialium iniurias à se delatas aperiret, Scaurūque Magij tenuitatem inopiāque redargueret: Festiuē, inquit, erras Scaure: ego non magnam conseruasse dico, sed tanquā nudus nuces legeret, in ventrem conieciſſe. Norauit autem hominis luxuriam, qua ad sumnam adactus inopiam erat. Bruf. lib. 3. cap. 1.

*Tiberius Cæsar.*

Attilio Butæ viro prætorio, quum ad inopiam per luxum ac fociordiam redactus, fateretur ac deploraret paupertatem suam: Serd, inquit, experrectus es. Dormiunt temulentiæ ac luxui dediti, veriùs quàm viuunt, nam vita

vigilia est. Seneca in epistolis.

*Caligula.*

Luxu prodigioso vtens, ut calidis rigidisq; vnguentis lauaretur, pretiosissimas margaritas aceto liquefactas forberet, conuiuiis ex auro panes & obsonia apponeret, nummos non mediocris summe è fastigio basilicę Iulię per aliquot dies spargeret in plebem, Liburnicas naues gemmaris puppibus, & versicoloribus velis fabricaretur: subinde dicebat, Aut frugi hominem esse oportere, aut Cæsarem. Eras. lib. 6. apoph. ex Suet.

*Heliogabalus.*

Adhuc priuatus, cum luxuriosus omnibusque voluptatibus deditus esset, reprehensus à quodam, qui dicebat: Ah nō times vir luxuriosissime, ne post tot delicias pauper fias? Quid melius, inquit, quàm ut ipse mihi hæres sis, & vxori meæ? Rom. histores. Scriptores.

*Idem.*

Dicere quoque solebat, se nolle filios, ne quis frugi sibi nasceretur, idem.

*Anonymus.*

Monachus quidam Ægyptius, interrogatus cur toties voluptates sibi subtraheret? Ideo subtraho, respondit, ut iræ causam & occasionem præcidā. Scio enim, illam semper de voluptatibus belligerari, mentemq; meam perturbare, & cognitionem ipsam fugare. Niceph. lib. 11. cap. 43. Ecclesiast. hist. ex Euagrio.

*Alphonsus.*

Suprà apophth. de Honore viri ruti præmio.

*Idem.*

Eques quidam ingens patrimoniū per luxum ac libidinem absorberat, atque insuper magnam æris alieni vim contraxerat. Pro hoc intercedentibus quibusdam apud Alphonsum regem, ne saltem, quæ debebat, corpore luere cogeretur, Alphonsus respondit:

respondit: Si tantam pecuniam vel in sui regis obsequium, vel patriæ commodis, vel subleuandis propinquis impendisset, audirem Nunc quoniam tantas opes impendit corpori, par est ut luat corpore. Erasmus libro octauo apoph.

*Ludovicus XII. Gall. rex.*

\* Cuidam referenti, solitos olim & canibus & capellis abstinere sacerdotes, ut non modò attingere, sed ne appellare quidem liceret: At, inquit, pessimè hoc obseruatur à Cardinali Albretio, qui caprinis carnibus haud illibenter vescitur, & canum agmina provenatione habet in deliciis. Annal. Franciæ.

*Huc aliqua ex parte pertinet apoph. de Prodigalitate, Crapula, Lausis, Intemperantia, Ebrietate, &c.*

*Vide item apoph. de Voluptate.*



# DE MAGISTRA-

TV ET GVBER-  
natione reipub-  
licæ.

CLEOBVLVS.



AM Remp. bene compositam existimabat, ubi magistratus magis infamiam quàm legem metuunt. Plur. in conuiuio septem sapientum, & Stob. ser. 41.

*Bias.*

Optimam esse rempub. dixit in qua legem omnes perinde ac tyrannum metuunt. Ibid.

*Thales.*

Eam rempubl. saluam esse putabar, quæ ciues neque prædiuites nec admodum pauperes contingeret. Ibid.

*Pistatus.*

Laudabat eam rempub. in qua malis imperandi nò paretur facultas. ibi.

*Chilon.*

Optimam pronuntiavit rempublic. quæ maximè leges, minimè autem Rhetores audiat. Ibid.

*Teriander.*

Periander felicem fore eam rempub. putabat, in qua cum reliqua æqualia existimentur, virtute quod melius, vitio autem quod deterius est, designatur. Ibid.

*Idem.*

Interrogante quodam cur imperium non deponeret? dixit, Quoniam per vim imperanti, etiam ultro desistere periculosum est. Stob. Ibidem.

*Solon.*

Suprà apoph. de Legum autoritate & obseruatione.

*Idem.*

Eam item rempub. in primis probabat in qua viri boni honoribus afficerentur, mali pœnis coercerentur. Stobaus ibid.

*Idem.*

Interrogatus quam ratione ritè respub. gubernari possit? respondit, Si tam indignarentur illi quibus non est facta iniuria, quàm quibus facta est Stob. ser. eod.

*Heraclitus.*

Rempub. ut deploratam contempsit, eiq; dare leges quàm rogaretur, recusauit. Secessit autem in templum Dianæ, ibique cum pueris ludebat talis. Circumstanti & admiranti populo: Perditi, inquit, annon præstat hoc agere, quàm vobiscum Rempubl. administrare? Laert. lib. 9. cap. 1.

*Antifilentes.*

Rogatus, quomodo ad Rempub. capefcendam sit eundum? Velut inquit, ad ignem, ne nimis admotus exuraris, procul amotus frigesceas. Stob. ser. 43.

Ec 4

*Elen.*

*Bion.*

Dixit, oportere bonum virum à magistratu discedentem, non ditio- rem, sed clariorem euasisse. Stob. ser. 43.

*Pythagoras.*

Dicebat, primum luxuriam ciuitates ingredi, deinde saturitatem, postea contumeliam, postremo exitium. Stobæus ser. 41.

*Idem.*

Eam ciuitatem optimam esse dixit, quæ viros bonos habet. Ibidem. A Socrate idem dictum est sapius.

*Idem.*

Principes constitui iussit illos, qui à teneris bene educati sint, & iam adultæ ætatem suam lucri gratia non prostitu- erint. Ibid.

*Idem.*

Dicere solebat, beatas esse res publ. quæ ab illis regerentur, qui aut ipsi sa- perent aut sapientiæ incumbere. Ci- cero ad Quintum fratrem.

*Zeno.*

Solitus est dicere decorandas esse vrbes nō pretiosis ornamentis, sed in- habitantium virtutibus. Stob. ser. 41.

*Socrates.*

\* Felicem illius Reipub. constitutio- nem esse dicebat, in qua præfecti & magistratus societate cōiungerentur. Eam item in qua plurima virtuti præ- mia proposita sunt. Præterea, eam op- timè habitari, quæ secundum leges vi- ueret, & iniustos puniret. Stobæus ser- mon. 41.

*Chrysippus.*

Rogatus cur non administraret Rempublicam, dixit. Quia si quis ma- lè rexerit, displicebit diis: sin bene, cuius. Stob. ser. 43.

*Aristoteles.*

\* Dicebat prudentes magistratus debere non propter officium aut im- perium, sed virtutis causa admiratio- nem sui parare: vt etiam immutata

fortuna eisdem laudibus digni cense- rentur. Stob. eod. serm.

*Epistetus.*

\* Quemadmodum, inquit, faces in portu sublatae, magna flamma in pau- cis cremis excitata, nanibus per mare errabundis multum auxilij ferunt: sic & vir splendidus (i. prudens magistra- tus) in vrbe periclitante, paucis ipso rebus contentus, magnis beneficiis ci- ues afficit. Stob. eod. serm.

*Theophrastus.*

Percontatus, quidnam rem public. conseruaret? respondit, Præmium & pœna. Stob. serm. 41.

*Epaminondas.*

Quum Epaminondæ per inuidiam & contumeliæ gratia sordidus quidam & contemptus magistratus delegatus esset à populo Thebano, non asperna- tus est, dicens: Non solum magistra- tum ostendere virum, sed virum vicis- sim ostendere magistratum. Itaque se- gessit, vt deinceps tanquam honestum munus à multis ambiretur, quum an- tea nihil fuerit, quàm cura, sordes & stercore ex angiporis eiiciendi. Eras- mus lib. 5. apoph. ex Plur.

*Phocion.*

Capitis iam dānatus cū esset, atq; huius amici ceteri qui simul cum illo damnati fuerant, flentes ducerentur, ex inimicis quidam obuiā factus, post multa conuicia in faciem Phocioni expuit. Tum Phocion ad magistratum clamans, Non hunc inquit, compescet aliquis indecorè se gerentem. Ita vir sanctissimus, etiam moriturus publicæ disciplinæ curam habere voluit. Plur. in Phocione.

*Agasicles.*

Interrogatus, quonam pacto magi- stratus, nullo stipatus satellitio, impe- rare suis posset, respondit, Si ita im- peret suis, vt pater filiis. Quo innuit, si magistratus beneuolentia & bene- factis

factis adiungeret sibi ciuium animos, non opus esse barbarico conductitiō- que satellitio, cum nullos haberent corporis custodes iuriore quā ciues, erga quos patris gererent affectū. Plut. in Lacon.

*Agessilaus.*

Magistratus officium esse dicebat, erga rebellantes audacia, erga subiectos beneuolentia uti. Plut. in Lacon. Ut postea dixit Virgilius principis artes esse, Parcere subiectis, & debellare superbos.

*Idem.*

Rogatus à quodam, cur Spartano- rum Respub. præ cæteris secundis rebus floreret: Quoniam, inquit, plus cæteris in hoc sese exercent, ut pariter & imperare & parere sciunt. Sensit vir prudentissimus, ciues disciplinæ capaces, causam esse incolumitatis publicæ. Plut. in Lacon. apoph.

*Themistocles.*

Cleon cum primū statuisset temp. capessere, amicis in vnum locum conuocatis, eam quæ ei cum illis interces- serat amicitiam dirupit, tanquam quæ in administratione ciuitatis rectum ac iustum institutum emolliat, & transuersum agat. Themistocles cōtra, qui, cum quidā moneret ut præclarè ma- gistratu fungeretur: Nequaquam, in- quit, in eo sessurus sum throno, in quo amici non meliore sunt futuri condi- tione, quā inimici. Non enim ciuitas homines amicis & sodalibus carentes, sed commodos & temperantes requirit. Anton. in Melis. part. 2. ser. 1.

*Agathon.*

Dicere solebat, magistratum trium debere meminisse. Primum, quod im- peret hominibus: deinde, quod secundum leges: tertio, quod non semper imperet. Stob. ser. 43.

*Apollonius.*

Cum vidisset in Domitiani ædibus,

quendam senio iam confectum, magi- stratum inhiante affectare, atq; im- peratori ceu seruū se submittere: Huic, inquit, ô Damis, non persuasit Sophocles, ut agrestem dominum su- riosūmq; aufugeret. Brus. lib. 4. cap. 5.

*Fabius Max.*

Fabio iam sene, filius illius consul factus est, qui cum publicitus multis audientibus habuisset orationem. Fa- bius conscenso equo præcedebat. Quū autem iuuenis hictorem misisset, qui patrem iuberet equo descendere, alij quidem factum hoc auersati sunt. At Fabius ab equo desiliens, non habita ætatis ratione, accurrit, ac filium com- plexus: Euge, inquit, fili, sapi: qui in- telligas, quibus imperes, & quā ma- gnum magistratum susceperis. Plur.

*Scipio minor.*

Quū in censura Mummiū colle- gam haberet, festiuè grauitérque pro rostris dixit, se ex maiestate Reipubl. omnia facturum, si sibi Quirites colle- gam dedissent, siue non dedissent. Plin. in lib. de Viris illustribus cap. 58. Valer. Max. 1. 6. c. 4.

*M. Cato.*

Exhortans magistratus ad sumen- das pœnas de his qui delinquerent, dicebat eos qui maleficos prohibere possent, nec facerent, lapidandos esse. Sentiens illos, de vniuerso populo pes- simè mereri, quod ad scelus licen- tiam inuitarent improbos. Plutarc. in apoph.

*Alexander Severus.*

Honores iuris & gladij nunquā ven- di passus est, dicens, Qui emit & ven- dat necesse est. Hoc ethnicus, & iuue- nis: quid iam decet principes Chri- stianos? Lamprid. & Brus. lib. 4. cap. 5.

*Alphonsus.*

Dicere solebat, eos qui aliis præf- sent, tantò priuatis hominibus melio- res esse oportere, quantò honoribus & dignitate



dignitate antecellerent. Sentiens, tum demum subditorum mores rectè formari posse, si hi quibus reipublicæ gubernatio commissa est, vitæ inculpatæ exemplo præcedant, ut viuam sint exemplar omnis virtutis. Panorm. libr. 6. de rebus gestis Alphonfi.

*Idem.*

Magistratum, cotem appellare solitus est, quo hominum ingenia probarentur. Quemadmodum enim argentarij ad aurum atque argentum probandum cote iudice vtuntur: sic magistratibus se uti, rex docere voluit, quo ciuium mores atque animos exploraret. Magistratus enim, ut cõmuni prouerbio celebratur, virum iudicat: quod quidem Pittaco Mitylenæo & Soloni alij tribuerunt. Quanquam Aristoteles lib. 5. Moralium, Biantis nomine citarit. Est autem sensus, vix satis perspicui posse mores & ingenium in vita hominis priuata. Alphonfi dictum recitat Panorm. libr. 3.

*Vide apoph. de Principatu & Principe.*

## De magistratuum delectu.

*Socrates.*

**D**icere solebar, absurdum esse, cum artes manuarias nemo exerceat qui eas non didicerit: neque quisquã aliud faciendum locet ei qui eius officij sit planè ignarus: ad publicos magistratus admitti eos, qui rerum omnino rudes essent. Erasmus Rot. libr. 3. apophthegm.

*Plato.*

\* Censebat publica munera nemini esse concedenda, quod nominatus ad ea capeffenda diues esset, aut huiusmodi quicquam possideret, ut robur, magnitudinem, generis claritatem: sed ei qui legibus pareret maximè, &

hac re cæteris in ciuitate præstaret. Lib. 4. de legibus.

*Chilon.*

Fratri querenti, quod Ephorus ipse non crearetur, quum ille esset: Ego, inquit, iniuriam ferre noui, tu non: significans, neminem esse idoneum magistratui, qui non possit dissimulare multa præter æquum & bonum facta, iuxta illud ἄρχειν ἀκαυστον καὶ ἀδίκως, id est, Princeps æqua & iniqua pariter audias. Laert. in Chilone.

*Antisthenes.*

Admonuit Athenienses, ut asinos æquè atque equos deligerent ad agriculturam. Quum illi dicerent hoc animal esse alienum ab aratione: Quid refert, inquit, quum in vestra republ. duces sint, qui nunquam didicerunt administrandi rationem: sed hoc satis est, quod à vobis delecti sunt? Sentiens, multò absurdius esse, ei commendare rempub. qui gubernandi artem non tener, quàm si asinum pro equo adhibeas aratro. Laert. l. 6. c. 1.

*Carneades.*

Cum in senatu dixisset, neminem consulem, neminem prætorem aut imperatorem esse, nisi sapiẽtem: Albino, qui tum prætor erat, audiente, subridens ait: Ego igitur tibi Carneades prætor esse non videor, quia sapiens non sum? Brufon. lib. 4. cap. 5.

*T. Manlius.*

Suprà de Consolatione.

*M. Cato.*

Ciues inculfabat, quod semper iisdem committerent magistratum. Videmini enim, inquit, aut vilem habere magistratum, aut indicare paucos esse dignos magistratu. Quorum alterum erat, malè sentire de publica potestate: alterum, de ciuib. Plut. in Rom. apoph.

*Idem.*

Censuram petens, quum cæteros compe-

competitores videret supplices, populoque blandientes, ipse clamabat, populo opus esse medico austero, validisque remediis: proin eligendum non qui iucundissimus esset, sed qui inexorabilis. Atque hæc dicens, ante omnes censor creatus est. Agnouit populus morbum suum: eoque Cato plus valuit obiurgando, quam cæteri blandiendo. Ibid.

*Saturninus.*

Quum milites illi peplum imperiale imposuissent, aduocata concione, de seipso dixit: Commilitones, bonum ducem perdidistis, & malum principem fecistis. Antè fuerat egregius: sed quoniam in imperio fuerat seuerior, ab iisdem à quibus imperator factus fuerat, interemptus est. Non quiuisset ad quoduis munus idoneus est. Trebellius Pollio.

*Augustus Cæsar.*

Romanum admonuit magistratum, ut Rempublicam committerent iis qui usu & experientia rerum plurimum possent, nec eam sinerent pendere ex cuiusquam voluntate. Nihil enim in Republica perniciosius esse putauit, quam si magistratus rerum imperitus dominium obtineat. Xiphilinus Dionis abbreviator, in Augusto.

*Idem.*

Cum ægrè ferret, quod Caius quem Agripa eius filius susceperat, nondum adolescens consulatum petiisset: grauidolore affectus, precatus est ne vnamquam inciderent in huiusmodi tempora, in quæ ipse olim inciderat, ut minor XXI. annis consul fieret. Cumque adhuc instaret, respondit: Id imperium deferendum esse ei, qui nihil peccaret, quisque posset studiis populi Romani obfistere, deinde ut eos modestiores faceret. Dion Nicæus in Augusto.

## De magistratuum molestiis ac variis sollicitudinibus.

*Democritus.*

Democritus dicere solebat, Melius esse regi ab aliis, quam regere homines malos. Stob.

*Chrysippus.*

Rogatus, quare ad Rempublicam non accederet? Quia, inquit, si malè administrauero, deos: si bene, ciues habebo iratos. Laert.

*Alcibiades.*

Dicere solitus est de suis factis, se Dioscurorum vitam viuere. Nam dum populi gratiam obtineret, diis parem se videri: cum verò illam amisisset, nihil à mortuis discrimini habere. Ælianus lib. 13. de Var. hist.

*Themistocles.*

Audiens quosdā ambire magistratum: Si mihi, inquit, duas ostenderetis vias, quarum vna ad sepulchrum, altera ad tribunal duceret, multò libentiùs ingrederer eam quæ rectà ad sepulchrum duceret. Non ignorauit sanè vir sapientissimus, quantæ curæ, molestiæ, vexationes, circumueniant eos, qui in magistratu constituti, omnibus expositi esse coguntur. Ælianus lib. 6. Variæ historiæ.

*Demosthenes.*

Ad ituenes quos habebat familiares, dicere solebat: Sibi gnaro iam quantum inuidiæ, metus, calumniæ ac discriminis sit expectandum ad Rempublicam accedenti, si ex duobus alterum sit eligendum citius in exilium iturum, quam ad suggestum aut tribunal. Eras. lib. 4. apoph. ex Plut.

*Scelencus.*

Frequenter dicere solitus est, paucis notum esse, regum aut magistratuum quantæ

quantę sint curę. Alioquin nullū inuentum iri, qui regiū diadema humi proiectum tolleret. Erasl. 8. apoph. Stob. serm. 46. Antigono ascribit, cuius dicti meminit etiam Val. Max. l. 7. c. 2.

*Antigonus.*

Cū regium sibi traditum accepisset diadema, priusquam capiti imponeret, dixisse fertur: O nobilem magis quā felicem pannum! quem si quis penitus cognoscat, quā multis sollicitudinibus, periculis & miseriis sit refertus, ne humi quidem iacentem tollere veller. Valer. Max. lib. 7. cap. 2. Stob. ser. 46.

*Pompeius Magnus.*

Quum ex literis senatus intellexisset, omnia quę Sylla armis obtinuerat, in ipsius potestatem esse tradita populi suffragiis centuriatis, percusso femore dixit, Proh, nunquam finienda pericula! quanto satius erat obscurum nasci, si à militaribus curis nunquam dabitur recedere: nec hac exuta inuidia, licet cum vxore ruri vitam degere? Magnam potentiam ambit inexpertus, odit expertus, sed deponere tutum non est. Plut.

*Alphonfus.*

Cenā senex quidam importunus & garrulus quum sine fine obreperet, exclamasse fertur, & dixisse, Afinorum conditionem esse potiorem quā regum. Nam illis dum nascuntur, dominos parcere: regibus neminem. Ant. Panorm. & Æneas Syluius de dictis & factis Alphonfi.

*Idem.*

Infrā tit. de Otio honesto.

### De magistratu momentaneo.

*Cicero.*

Cū Caninium consulē postremo Canni die à Cæsare factum videret,

qui tamen postero die consulatum pro more alteri tradere cogebatur, iocosē de breui eius magistratu iudicans, Consulē, inquit, habuimus vigilantissimum & fortissimum, qui in toto suo consulatu somnum non vidit. Xiphil. Nicæi abbreviator, in Cæsare.

*Idem.*

De Caninio Reuilio cū paruo tempore consul fuisset, sex videlicet meridianis horis, idem dixit, Consulē habuimus tam seuerum, tamque censorium, ut in eius magistratu nemo pransus sit, nemo cœnauerit, nemo dormierit. Erasl. 4. apoph.

*Idem.*

Suprà de Honore momentaneo.

*Idem.*

Vatinius cū morbo laboraret, & eonome in Ciceronē inueheretur, quod ægrotantem non accessisset: Volebam, inquit Cicero, in tuo venire cōsulatu, sed me nox occupauit. Ibidem.

*Idem.*

Ad hunc consulē congratulandi ac associandi gratia plurib. euntibus: Maturemus, ait, ut hominem ante sui consulatus exitū præueniamus. Plut. Talis fuit autem sub Galieno imperatore postea Marius tyrannus, ut scribit Trebellius Pollio, qui vna die factus est imperator, altera visus est imperare, tertia interemptus est.

*M. Votacillus.*

In C. Seruilium, qui vno tantum die consul fuit, ita iussit: Antē Flamines, nunc consules diales sunt. Abusus est voce, Diales: quasi à die deducta sit, ac non magis à Ioue, cui Flamines instituebantur. Macrobi. l. 2. c. 2. Saturn.

### De magnanimitate.

*Democritus.*

\* S Ciscitatus, quid esset magnanimitas? respondit, Leuiter ferre frustra-

frustrationem. Stob. ser. 106.

*Socrates.*

\* Quidam ei cum alio quodam colloquente filium eius mortuū esse nuncupavit: Ille verò colloquio absoluto, Nunc, inquit, abeamus, Sophronisci funus curaturi. Eod. ser.

*Diogenes.*

\* Aduersis quibusdam casibus pressus, dixit, Euge, & fortuna, tu viriliter mihi præs. Eod. ser.

*Phavorinus.*

\* Dicebat, virum in vera magnanimitate & philosophia educatum, antequam calamitates ingruant, animi tranquillitatem intra se reconditam habere. At, inquit, in rebus aduersis aliena consolatione opus habere, id tranquillitatis animi modum excedit. Ibid.

*Aristoteles.*

\* Magnanimitatem describens, dicebat esse virtutem, per quam vitraque fortuna honor & ignominia feruntur. Item, Magnanimitatis esse decenter ferre & felicitatem & infelicitatem, & honorem & ignominiam, non admirari delicias, neq; clientelas, neq; potestates, neq; victorias publicorū ceraminum, & simul habere mentem immotam & excellam. Magnanimus autem est, qui neq; vitam amat aut magnificat, simplex moribus & generosus, qui nec iniuria lacerari possit, nec pronus sit in vindictā. Sequitur autem magnanimitatem simplicitas, ingenuitas, & veritas. l. de virtutibus.

*Xanthippe.*

\* De Socrate marito suo dicebat, cum infinitæ mutationes & reipubl. & ipsos occupassent, in omnibus similem se vidisse Socratis vultum, & exeuntis domo & domum redeuntis. Ad omnia enim concinnus & magnanimus erat: quamobrem nihil vnquam ipsum tristitia affecit. Stob.

*Anonymum.*

\* Magnanimus est, inquit, qui cuncta facile fert: pusillanimus verò, qui ne parua quidem. Stob. ser. 7.

*Epictetus.*

\* Dicebat esse quosdam leuiter magnanimos, qui tranquillè facerēt, absque iracundiæ motu & què magna atque alij vehementer impetuosus & iracundi. Arrian. in dissert.

*Vide apoph. de Constantia, Fortitudine, Prudētia, Moderatione animi, fortuna, &c.*

## De magnificentia.

*Nicias.*

Cum inter Græcos præcipuus esset qui magnificētia excelleret, ideo à populo in iudicium vocatus, ait: Sint mihi ipsi, non populo Atheniensium tanti sumptus facti, mecumque operibus ipsis nomen inscribam. Pontan. cap. 12. de Magnificētia. ex Plut.

*Plato.*

Videns Agrigentinos magnis impensis multa ædificia extruentes, dixisse fertur: Agrigentini quasi semper victuri ædificant, & comedunt quasi semper morituri. Norauit autem vanam illam ædificiorum condendorum magnificētiā, cum homo fragile & caducum animal, facilè iugurium habere possit, in quo ad paucos annos, quibus in hoc mundo quasi in alieno solo obambulat, à tempestatis intemperie se defendat. Ælian. l. 12. de Var. hist. Idem de Rhodiis dixit Stratonicus apud Plutarchum.

*Augustinus Cæsar.*

Cum urbem Romam multis modis & ornasset & communisset, atque etiam in posterum (quod quidem in ipso fuit) tutam reddidisset, non sine causa glorians dicere solebat: Romam lateritiā accepi, marmoreā relinquo. Nihil principi magnificēti-

us,



us, quàm si ditionem, quam accepit, reddat statu meliorem. Sueton. in eius vita. Pontanus. ca. 32. de Magnificencia. Eras. Rot. lib. 4. apoph.

## De maledicentia, ac mordacitate.

*Pythagoras.*

**Q**uodam dicente, Nimum mihi maledicis ac plus satis derides: Atqui inquit, spleneticis etiam acria & amara prosunt, dulcia nocent. Ant. in Melis. part. 2. ser. 78.

*Aristippus.*

Audiens quendam temerè hominibus maledicentem. Utinam, inquit, tu linguæ tuæ, sicut ego aurium mearum, dominus esses. Laert.

*Empedocles.*

Interrogatus, cur cum mala audiret, tam indignè ferret maledicta? Quia, inquit, ne laudationes quidem mihi iucundæ forent, nisi maledicta mihi molesta essent. Max. serm. 16. de Admonitione.

*Diogenes.*

Cuidam conuiciatori, At nec mihi, inquit, credit quisquam, te laudanti: nec tibi, me vituperanti. Ant. in Melis. part. 2. ser. 59.

*Idem.*

Suprà apoph. de adulatione & asseratione.

*Isocrates.*

De Atheniensium ciuitate dicere solebat, eam scortis simillimam esse. Et enim qui illarum venustate caperentur, velle quidem omnes rem cum ipsis habere: neminem tamen tam sui ipsius contemptorem, qui matrimoniū cum illis iungere dignetur. Ita Atheniensium ciuitatem ad peregrinandum in ea iucundissimam esse, omnibusq; totius Græciæ ciuitatibus præ-

stantiorem: ad inhabitandum verò nō item securam ac tutam esse. Innuit autem, domesticos in ea sycophantas, conuiciatores & obrectatores, atque eorum qui se populares videri vellēt, insidias. Ælia. l. 12. de Var. hist.

*Zoilus.*

Zoilus Amphipolitanus, Polyeratis auditor, qui canis Rhetoricus nominatus est, homo studiosus malè loquendi, cum non solum in Homerum, Platonem, aliōsque præclaros ac magnos viros styli stringeret, sed vbiq; libris & perniciosis etiam contentionibus operam daret, rogante quodam erudito viro, quamobrem omnibus malè diceret? Quoniam, inquit, malè facere cum velim, non possum. Exprimat autem omnium maledicentium & detractantium personam Zoilus, quidum non inueniunt quā ratione facto lædant, dentibus caninis & lingua amarulenta in bonos inuehuntur. Æli. lib. 11. de Var. hist.

*Socrates.*

Ei cum nuntiatum esset, à quopiam eum maledictis incesse: Bene, ait, loqui non didicit. Laert.

*Plato.*

Quodā narrante nonnullos esse qui ipsum maledictis insectaretur. At ego, inquit, sic viuam, ut illis fides non habeatur. Ant. part. 2. ser. 69. Meliss.

*Aristoteles.*

Cum ab imprudente quodam malè audiret: Tu, inquit, & conuicia facile audis, & libenter dicis: mihi autem & dicere non est cōsuetum, & audire iucundum. Ant. in Melis. part. 2. ser. 72.

*Melissus.*

Quum probro illi daretur, quod maledictis indignaretur: Si maledicta, inquit, æquo animo admittam, ne laudes quidem sentiam. Brusi. l. 1. c. 16.

*Philostratus.*

Ælianus quum Philostrato roganti, quid

quid operis cuderet, dixisset se opus in tyrannum nuper mortuum cudere: Admirarer, inquit Philostratus, si viuentē accusasset. Superstitem siquidē tyrannū incessere, viri opus est? mortuum verò cuiusque. Brusi. l. c. 16.

*Lysander.*

Cum in publico quodam conuentu quendam audiuisset, liberius quàm par videbatur, contra ipsum loquentem: Tua, inquit, verba ciuitate opus habent. Quo dicto notauit eius in dicendo libertatem, quę quidem in conuentu facilè fertur, sed alio loco non itidem. Plut. in Lac.

*Cleomenes.*

Cleomenes maledicenti ait: An propter hoc tu omnibus maledicis, ne tempus de tua loquendi malignitate habeamus? Plut. ibid.

*Agessilaus.*

Quoties audiebat aliquos ab aliis laudari aut vituperari, existimabat nō minis esse dicendos eorum mores qui loquebantur, quàm eorum de quibus loquebātur. Sensit vir prudentissimus, qui auidē obrectant alienę laudi, magis prodere morbum suum, quàm detegere mores alienos: & qui ob res parum honestas laudāt quępiam, aut ob laudabiles vituperant, indicare stulticiam suam, peruersumque iudicium. Plut. in Lac. Eras. l. 1.

*Alcibiades.*

Canem mirę magnitudinis abscissa cauda per urbem dimisit: hoc quum multis stultum atque ineptum visum esset, monentibus eum amicis: ac sermones qui de eo circumferebantur enarrātibus, ridens Alcibiades. Sic inquit, res, vt intenderam, successit. Hoc enim Atheniensibus loquendi volui præbere argumentum, vt eos à peioribus, quę de me & aliis quoq; hominibus conuiciosè loquuntur, nouis his auerterem. Plut. in Alcibiade.

*Chabrias.*

Ab improbo quodam multis conuiciis affectus: Bene, inquit, fecisti, quòd nihil eorum quę insunt prætermisisti. Ant. in Melis. part. 2. ser. 69.

*Memnon.*

Quo tempore bellum gerēbat aduersus Alexandrum pro Dario rege, militem quendam mercenariū multa cōuicia petulanter iacentem in Alexandrum, hasta percussit: Ego, inquit, te alo vt pugnes adu. Alexandrū, non vt illi maledicas. Plut. in apoph.

*Demochares.*

Significare volens se nihil pendere obrectationes vulgi, cum videret multos obrectatores vnā sedentes in constrictina, & malè loquendi omnino cupidos: Quid loquimini (inquit) vos Dysmenidæ? simul hoc nomine ingenium, naturamq; ipsorum innuens, & detegens. Ælian. l. 3. de Var. hist.

*Pisistratus.*

Cum conuiuia bene potus ei maledixisset, irritantibus amicis ad pœnas de conuiuia sumendas dixisse fertur, Non aliter illi succenseo, quàm si quis obligatis oculis in me occurrisset. Sēsit, maledicendi ansam dedisse vinum, & ignouit errorem. Ælian.

*Idem.*

Dicenti cuidam, quòd à maledico laudaretur: Miror, inquit, nisi quis illi dixit me mortuum esse: nam viuentem ille posset laudare neminem. Stob.

*Hieron.*

Xenophantes Colophonius Homeromastix, quum apud Hieronem Sicilię regem lamentaretur paupertatem, quòd vix à se duo famuli possent nutrirī: At Homerus, inquit Hieron, cui tu assidue maledicis, plusquam decem millia hominum alit, vel mortuus. Reprobauit autem innam homini maledicentiam, quę paupertatis & inopię suę non minima causa

causa erat. Plut. in apoph.

*Philippus.*

Philippum Alexandri patrem conuicio afficiebat quidam effreni lingua præditus, cumq; amici hortarentur, ut conuiciatorem reprimeret: Non est hoc, inquit ille, faciendum, ne amplius affectus & implicatus plura in nos iaciat maledicta. Anton. part. 2. Meliss. serm. 69.

*Idem.*

Dicebat, se suis conuiciatoribus gratiam habere, quod se meliorem redderent. Ego, inquit, studeo illos mendacij conuincere. & si quid improbe fecerim, muto consilium, & penitentia emendo factum. Ant. in Meliss. part. 2. serm. 69.

*Idem.*

Maledictis à Nicandro laceffitus. plurib. cepit illum donis honestare: quibus acceptis cepit Nicander eum laudare. Ad amicos igitur conuersus Philippus, Viderisne ergo, inquit, & nostrum esse, bene & male audire, & à maledicentiz morbo affectos sanare. Plutarc.

*Antigonus.*

Milites quum in illum probra iacerent, ac ignorarent Antigonum tam propè adesse, prodiens rex ait: Flebitis nisi longius amoti, maledicatis mihi. Sic enim recitat Plutarchus in apoph. Seneca verò libr. 3. de ira ait illum dixisse: Longius discedite, ne audiat rex.

*Idem.*

Quum per noctem milites omnia sibi mala imprecantes audiret, quod rex eos in illud iter intricabileq; lutu adduxisset: accessit, ignorantésque à quo adiuuarentur, explicuit: Non, inquit, maledicite Antigono, cuius vitio in has calamitates incidistis: Sed ei bene oprate, qui ex hac miseria vos abduxit. Plut. & Seneca.

*Pyrhus.*

A quibusdam rogatus, ut maledicum quendam ex Ambracia pelleret: respondit, Potius apud paucos illic manens, quam apud multos, de nobis obloquatur. Plut.

*Idem.*

Quum audisset, sibi à quopiam maledictum, conuiciatorem ad se duci iubet, ac interrogat, num dixisset ea propter quæ accusatus erat: respondit, Dixi, ô rex, & dicturus plura eram, si plus vini appositum mihi fuisset. Quo audito, Pyrrhus ridens, hominem impune dimittendum mandauit. Plut.

*Cicero.*

Seruilia M. Bruti mater, cum pretiosum ære paruo fundu à Cæsare emisset, subiiciente haste bona ciuium, non effugit tale Ciceronis dictum: Equidè quo melius emptum sciat comparauit Seruilia hunc fundum Tertia deducta. Filia autem Seruiliæ erat Iunia Tertia, eadèmq; C. Crassi vxor: lasciuiente dictatore tam in matrem quam in puellam. Macr. l. 2. c. 2. Satur

*Sicinius.*

Cum leui momento amorem simul & odium permutaret, eorundèmq; hominum & patronum & accusatorè se præberet: Sicinius homo maledicus, qui multa in quoscunq; probra iacere cõsuetus erat, aliquando rogatus, cur soli Crasso non malediceret, cum maledicendi materiam haberet amplissimam? non facio, inquit: scenum enim habet in cornu. Plut.

*M. Cato.*

Cuiusdam, qui multis intemperantiæ notis inustus erat, probis vexatus: Impar mihi tecum, ait, certandi conditio est. nam ut, malè audire & maledicere, tibi facillimum simul & promptissimum est: sic & mihi maledicere insuaue est, & insuetum. Eras. lib. 5. apoph.

*Valerius.*

*Valerius.*

P. Clodius cum iratus esset Valerio, eo quod mutuum ei petenti non dedisset: Quid amplius, inquit Valerius, mihi facturum es, nisi ut Dyrrachium eam, & redeam deinceps? Mordaciter ad Ciceronis exilium alludens, à quo tamen gloriose reuocatus est. Macrobius. lib. 2. cap. 6. Saturnus.

*Orbilius.*

In reum testis prodies cum à Galba, oratore eloquentissimo quidem, sed corpore deformi, interrogaretur. Quamnam artem exerceret? Nullam, inquit, sed in sole gibbos fricare soleo. Macrobius. lib. 2. ca. 6. Saturnus.

*Cicero.*

Suprà apoph. de Honore & magistratu momentaneo. & apoph. de facere & iocose dictis.

*Cicero.*

In C. Cæsarem mordacitas Cicero dentes suos strinxit. Nam primum post victoriam Cæsaris interrogatur Cicero, Cur in electione partis errasset? respondit, Præcincturam me decipit. notans Cæsarem, qui ita toga præcingebatur, ut trahendo laciniam, velut mollis incederet: adeo ut Sylla tamquam prouidus dixerit Pompeio, Caue tibi illum puerum malè præcinctum. Macrobius. lib. 2. ca. 3. Saturnus.

*Idem.*

Deinde cum Laberius in fine ludorum annulo aureo honoratus à Cæsare, euestigio quatuordecim gradus ad spectandum transisset, violato ordine, & cum detractus esset eques Romanus, & cum Mimis remissus, ait Cicero prætereunti Laberio, & sedile quaerenti: Recepisssem te, nisi angustè sederem, simul & illum respiciens, & nouum senatum mordaciter taxans, cuius numerum Cæsar suprà fas auxerat. Macrobius. libro 2. capit. 3. Saturnus.

*Idem.*

Aliàs facilitatem Cæsaris in eligendo senatum irritum, palam mordaciterque irrisit. Nam cum ab ipso hospite suo P. Manlio rogaretur, ut Decurionatum prinigno eius expediret, assistente frequentia hominum, respondit: Hoc fieri sanè nequit, si Romæ imperabit Pompeius. Macrobius. lib. 2. c. 2. Saturnus.

*Idem.*

Nec intra hæc mordacitas stetit, quippe ab Androne quodam Laodiceano salutatus, cum causam aduentus requisuisset, compersissetque (nam ille se legatum de libertate patriæ ad Cæsarem venisse respondit) ita expressit publicam seruitutem: *ἐν δὲ τῷ πρῶτῳ, ὅτι οὗτος ἐπὶ τῷ πόλει.* Si obtinueris, & pro nobis intercede. Macrobius. lib. 2. c. 3. Saturnus.

*Idem.*

Cum Lepidum audiuisset in senatu ad patres conscriptos dicentem, Ego non tanti fecissem simile factum: Cicero respondit, Nec ego tanti fecissem. Macrobius. lib. 2. c. 3. Saturnus.

*Plancus.*

Infrà de Mortuis non lædendis,

*Augustus Cæs.*

Indignantur Tiberio, ac per epistolam etiam conquerenti apud eum de conuiuiatore, respondit: Etati tuæ, mi Tiberi, noli in hac re indulgere, & nimium indignari, eo quod sint qui malè de me loquantur. Satis est enim, si hoc habemus ne quis malefacere possit. Suetonius.

*Tiberius.*

Ab initio sui principatus, in conuiuiatores & maledicos dicere solebat, in ciuitate libera, linguam quoque liberam esse debere. Suetonius. Tacitus.

*Domitianus.*

Cum homines mordaces atque maledicos haberet odio, semper tamen

Ff

cos



eos dicere solebat peiores esse, qui maledicis aures præberent, neque reprehenderent, quàm ipsos maledicos. Sueton.

*Fl. Vespasianus.*

Infrà tit. de malitia.

*Idem.*

De Licinio Mutiano notæ impudicitæ viro, clàm apud communem amicū conquerens, addidit clausulæ: Ego tamen vir sum. Notans, obrectatorem esse parum virum. Simile est illud Maronis,

*Parcius ista viris tamen obijcienda mento.*

Suetonius.

*Sigismundus imp.*

Cū accusassent purpurati apud Sigismundum imperatorem maledicentiam Germanicæ multitudinis, quæ de suo principe passim obloqueretur, subridens imperator: An vobis, inquit, graue videretur illos malè loqui, cū nos malè agamus? Indicauit autem, in nobis metipsis sitū esse, quòd bene vel malè audiamus. Æneas Sylu. li. 2. comment. de reb. gest. Alphonsi.

*Sfortia.*

Quum transfuga Nolanus eques, ingenio infami, vt sibi gratiam cum Sfortia compararet, Tartaliam omnibus maledictis in conuiuio Sfortiæ famam lacerasse detulisset: deque ea re, vt fides sibi haberetur: iureiurando sæpius affirmaret: Non opus est, inquit, Sfortia, vt multum tu persuadendo mecum labores, quum Tartalia nūquam verbum de quoquam sit eloquutus, quin maledixerit. Paulus Iouius de dictis & factis Sfortiæ, cap. 85.

*Vide apoph. de delatione.*

## De malignitate maledica.

*Chilon.*

**M**ortuis nequaquam maledicendum esse dicebat, quādoquidem

ignauum esse videretur eos lingua incessere, qui respondere non possent. Laert. lib. 1. cap. 4.

*Idem.*

Idem docebat, neminem conuiciis laceffendum, ne, si dixerimus quæ libent, audiamus vicissim quæ dolent. Habet enim & maledicendi morbus suam voluptatem, sed quæ plerunque malè audiendi summo dolore penatur. Huc allusit M. Tullius Salustio cōminans, fore, vt si quam voluptatem malè dicendo cepisset, eam malè audiendo amitteret. Laert.

*Socrates.*

Cuidam admiranti quòd nihil in eum commoueretur à quo conuiciis incesseretur: Mihi inquit, non maledicit, quandoquidem ea quæ dicit mihi non adsunt, nec in me hærent. Atqui ob hanc causam hominum vulgus magis commouetur, si quid dicitur in immerentem. Boni quum malè audiunt, sibi gratulantur, quòd puri sint ab his malis quæ ipsis impinguntur, nec in se dici interpretantur: nihilo magis quàm si quis oculorum errore Platonem appelleret Socratem, & in Socratem congerat maledicta, is non maledicit Platoni sed ei quem existimat esse Platonem. Eras. lib. 3. apoph.

*Idem.*

Vetus comœdia solebat nominatim in ciues maledicta iacere. Horum libertatem quum plerique metuerent, Socrates dicebat, Expedire, vt quis semet illis sciens ac volens subiiceret. Nam si quid, inquit, dixerint in nos merito reprehendendum admoniti corrigemus, & profuerint: sin falsum, conuicium in nos iaculabuntur, nihil ad nos. Eras. lib. 3. apoph.

*Aristippus.*

Quum à quodam conuiciis incesseretur Aristippus, tacitus abiit. at quū maledicus insequeretur abeuntem, dicens,

dicens, Cur fugis? Quoniam, inquit, tibi quidem potestas est malè loquendi, mihi verò non audiendi. Salissimè notavit hominis impudentiam, qui quum sibi ius sumeret malè loquendi, non saltem hoc iuris concederet alteri, ut subduceret sese, desineretq; malè audire. Nam vox hæc, Cur fugis? erat velut expostulantis de iniuria. Laert. lib. 2. cap. 8.

*Diogenes.*

Cum adolescentem natura malum lapides in cælum iactantem videret: Euge, inquit, scopum non attinges. Innuvit autem, eos cœlestium bonorum nequaquam heredes esse, qui malitiosam agerent vitam. Laert. l. 4.

*Idem.*

Corinthus profectus, ludum ingressus est, quem ibi Dionysius regno pulsus aperuerat, audiuitque pueros malè canentes. Interim ingressus Dionysius, quoniam putabat Diogenem consolandi gratia venisse, Humaniter, inquit, facis Diogenes hæc est rerum humanarum volubilitas. Imò (inquit Diogenes) miror te etiamnum vivere, qui tantum malorum in regno patris: & video nihilo meliorem esse ludimagistrum quàm fuisti rex. Laert. & Eras. l. 3. apoph.

*Idem.*

Eunuchus quispiam contaminatæ famę, inscripserat ædibus suis, *μὴ εἰσέλθαι*. Nequid ingrediatur mali. Id videns Diogenes: Ædium, inquit, dominus quā ingreditur? Eunuchus boni ominis gratia posuerat titulum, ne quid infelicitatis attingeret domū, id Diogenes detorsit ad mala animi, quæ sola vera mala sunt. Laert. lib. 6. Brul. lib. 4. cap. 11.

*Antisthenes.*

Eos qui nos maledictis incesserent, magis tolerandos dicebat, quàm qui nos lapidibus impeterent. Verba enim

non lædunt, si quis contemnat. Laert. lib. 6. cap. 4.

*Demosthenes.*

A caluo quodam maledictis aspersus: Ego quidem, inquit, tibi nullam facio iniuriam: quin potius laudo capillos tuos, qui malam caluariam effugerint. subnotans, illum non iudicio, sed cerebri vitio maledicum esse. Eras. 8. apoph. ex Stob.

*Diogenes.*

Hospitibus quibusdam celebrem illum Demosthenem videre cupientibus, porrecto medio digito: Hic est, inquit, ille Demosthenes Atheniensium orator. Digitus pollicis proximus, index dicitur, quòd hunc intendentes solent aliquando monstrare. Digitus autem medius apud priscos infamis habebatur ob causam hic non referendam. Porro Demosthenes vulgò malè audiebat, quasi parum vir esset. Id significans Diogenes, maluit illum medio quàm indice demonstrare. Laertius libro sexto.

*Timon Atheniensis.*

Interrogatus cur omnes homines odio prosequeretur? Malos, inquit, meritò odit: ceteros ob id odit, quòd malos non oderint. Sentiens, non esse verè probos, qui nò detestantur improbos. Eras. lib. 6. apoph.

*Pytheas.*

Pytheam oratorem quidam criminabatur, quòd malus esset. At ille non inficias ibat: hanc enim illi conscientia necessitatem imponebat. Sed respondebat se minimo tempore omnium qui rempub. Atheniensium administrassent minimè malū fuisse: nempe in hoc sibi placens, quòd non perpetuò fuisset eiusmodi. Putansque se non iniuriam facere, si non cum pessimis compararetur. Stolidum hoc sennè Pytheæ. Non enim solum qui iniuriam infert, malus est: verum etiam qui

ff 2

iniuriam

iniuriam inferre in animum inducit.  
*Ælianus lib. 14. de Varia historia.*

*Herodes sophista.*

Proteo Cynico sine fine ipsum conuiciis incessenti: Consenuimus (inquit) ambo, tu quidem malè loquens, ego malè audiens. Sensit, immedicabile malum esse, cui ille tam diu assueuerat: & se moderatius ferre, quòd iam nouum non esset. Philost.

*Anonymus.*

Ad eum qui maledicta in alios per calumniam iactata facillè solebat admirtere, Lacon: Desine, inquit, aduersum me præbere aures. Sensit, non solum me vituperio dignos qui calumniarentur alios, verum etiam qui calumniantibus accommodarent aures. Et iniuriæ genus est, aduersus nihil malè meritum, audire maledicam linguam. Non enim essent maledici, si nullum inuenirent auscultatoré. Proinde Lacon exposulauit etiam cum illo, qui præbuerat aures de ipso malè loquenti. Plut. in Lacon.

*Nicaner.*

Cuidam dicenti, quòd Argiui malè de ipso loquerentur: Num igitur, inquit, dant poenas qui de bonis loquuntur male? significans, Rempubl. malè moratam, ubi liceret impunè maledicere nihil malè cõmeritis. Plut. in Lac.

*Cleomenes*

Cum improbus quidam Cleomenem conuiciis incesceret: Num ideo, inquit, tu maledicis omnibus, ne si velimus respondere, otium habeamus vicissim de tua dicendi malitia? Vt è sublimi contempnit, maledicum, nec villo responso aut alia pœna dignum iudicauit nebulonem, cui nihil esset præsidij præter maledicam linguam! Plut. in Lacon.

*Idem.*

Argiuis nonnullis Cleomenem cõuicio lacescentibus, vt periturum & im-

pium: Vobis, inquit, potestas est mihi maledicendi, at mihi potestas est vobis faciendi malè. Admonens, non esse tutum eos maledictis irritare, quibus in manu est, cum velint, re ipsa ledere. ad hæc, non oportere potentes humiliorum dictis admodum cõmoueri. Satis enim vindictæ est, quòd licet, cum libet, vlcisci, cum illis nihil aliud reliquum sit, quàm malè loqui. Plut. in Lacon. apoph.

*Leotychidas Aristonis F.*

Cuidam ipsi dicenti, quòd Demarati amici male de eo loquerentur: Per deos, inquit, nihil miror, quandoquidem nullus illorum de quoquam bene loqui posset. Docuit contemnendam esse maledicentiam, quæ non à iudicio sed ab animi morbo proficiscitur. Qui verò passim maledicunt omnibus, eos palàm est id naturæ vitio facere, non ex eorum merito quibus obtreçant. Plut. in Lacon.

*Ariaxerxes.*

Quum Aclides Iapson uultra in Ariaxerxem regem licenter & contumeliosè diceret, hætenus quidem vltus est maledicum, vt per tribunum militum denuntiaret, ei licere in regem quæ vellet dicere, sibi verò in illum licere quæ vellet & dicere & facere. Eraf. lib. 5. apoph.

*Dionysius sen.*

Quibusdam eam accusantibus quòd hominem improbum, ciuibúsque odiosum honoraret, atque proucheret: At volo inquit, aliquè esse, quem maiori, quàm me odio prosequantur. Bruf. lib. 4. cap. 11.

*Philippus rex.*

Bonos ac malos sibi cõciliandos dicebat: vt bonis quidem vteretur, malis verò abuteretur. Bruf. lib. 4. cap. 11.

*Idem.*

Smicythus Nicanorem deferrebat apud regem Macedoniæ Philippum, quòd

quodd sine fine de ipso malè loqueretur : quumque suaderent amici, vt hominem accersi iuberet, deque eo supplicium sumeret: Philippus ita respondit: Nicanor non est Macedonum pessimus: videndum est igitur, nec ubi nos cessemus in officio. Vt igitur cognouit vehementer afflictum inopia, & tamè à rege neglectum fuisse, iussit donum aliquod ad illum deferri. Hoc facto, quum rursus Smicythus diceret regi, Nicanorem apud omnes sine fine predicare laudes ipsius: Videtis igitur, inquit, in nobis esse situm, vt bene aut malè audiamus. Immane quantum absunt ab huius principis ingenio, qui nunquam sibi videntur satis laudari, quum nihil faciant laudandum: nec student beneficiis sibi conciliare beneuolentiam hominum, sed metui malunt quàm amari: cumque saepe numero faciant detestanda, idque palam, tamen perit quisquis ausus est hircere. Plur.

*Idem.*

Quidam petulantioris linguæ maledicta conicere solebat in Philippum: hunc amici hortabantur, vt eiiceret in exilium. At ille negauit hoc se facturum. Querentibus, Quid ita? Ne, inquit, oberrans inter plures, malè de me loquatur. Quodd maledicum non egit in crucem, vel clementiæ erat quodd ignouit, vel magnanimitatis quodd contempsit: quodd noluit expellere, prudentiæ, plus enim nocuisset. Plur. in apoph.

*Idem.*

Peloponnesij cum Philippum Macedoniz regem, à quo multa beneficia acceperant, in ludis Olympiacis sbilis derisissent: rex admonitus ab amicis vt eam iniuriam rependeret, negauit se id facturum: Si tam prauo, inquiens, sunt ingenio, vt eos irrideat qui de ipsis bene meriti sunt: quid tum

fiet, si quid mali sentirent? Senit vir prudentissimus, maledicos non vltione prouocandos esse, vt magis maledicant. Plur. in apoph.

*Antigonus.*

Quum aliquando tempore hyberno compulisset castra transferri in locum ubi non erat rerum necessariorum copia, atq; hac de causa milites quidam in regem maledicta congererent, ignari ipsum esse in proximo, virga tentorij vela deduxit, Flebitis, inquit, ni longius semoti de me malè loquamini. Quid hac facetia clementius? aut quid hac clementia facetius? Simulabat se non indignari quodd malè de ipso loquerentur: sed quodd tam vicini, vt exaudiri possent ab eo, cui maledicebant. Plur. in apoph.

*Idem.*

Cum nocte quadam quosdam militibus suis exaudisset omnia imprecantes regi, qui ipsos in illud iter & inextricabile lutum induxisset, accessit ad eos qui maximè laborabant: eosque quum ignorantes à quo adiuuarentur explicuisset: Nunc, inquit, maledicite Antigono, cuius vitio in has miseras incidistis: sed ei bene optate, qui vos ex hac voragine eduxit. Hac vindicta contentus erat regis verè excelsus animus. Eras. Rot. lib. 4. apoph.

*Scip. AEmilianus.*

Apud Numatiam iratus C. Metello, dixit, Si quintum pareret mater eius, asinum fuisse parituram. Tarditatem mentis, ac deformitatem corporis illi fratribusque eius exprobrans. Eras. Rot. lib. 6. apoph.

*M. Pinarius.*

M. Seruius dissuasurus legem quam ferebat M. Pinarius: Dic mihi M. Pinari, inquit, si contra te dixerò, num mihi maledicturus es, vt ceteris soles? Vt se mentem, inquit Pinarius, feceris, ita & metes. Per allegoriam minitans,



illum malè auditurum, si malè diceret.  
Eras. lib. 6. apoph.

*Pompeius.*

Suprà apoph. de Ingratitudine.

*Augustus Cæs.*

In cognitione quadam, cum Emilio Aeliano Cordubensi inter cætera crimina illud vel maximè obliiceretur, quod malè loqueretur de Cæsare: cõuersus ad accusatorem Cæsar Augustus. Velim (inquit) hoc mihi probes: efficiam vt Aelianus sciat, me quoque linguam habere, plura enim vicissim de eo loquar. His minis contentus, nihil postea de illo inquisiuit. Sueton.

*Tiberius.*

Suprà apoph. de Clementia,

*Fl. Vespasianus.*

De iurgio quodam inter senatorem & equitem Romanorum ita pronuntiavit, vt diceret, Non oportere maledici senatoribus: re maledici verò, & ciuile falsque esse: prærogatiuam enim dignitatis ipse sibi ademit, qui laceffi. uir. Sueton.

*Huc refer apoph. de Conuiciis, Iniuria patientia, & Detractione.*

## De malitia.

*Thales.*

\* **Q**uid nocentissimum esset interrogatus? malitia dixit. Nocet enim illa bonis, etiam si attigerit. Stobæus.

*Democritus.*

\* Malitia, inquit, res est quæ facile capitur. Nam dum in solum lucrum intentus est, in circumspectè obuiam se quæstui præbet, & temerè persuadetur. Stob. ser. 3. de malitia.

*Socrates.*

\* Hominem cui ex malitia spes depēder, similem esse dicebat illi qui nauim infirmæ anchorę cõmittit. idem.

*Epictetus.*

\* Quemadmodum, inquit, viperam, aut aspidem, aut scorpium in eburneo aureo vel scrinio inspiciens, non propter materiæ pretium ipsa diligis aut magni facis tanquam felicia animalia, sed potius propter naturæ ipsorum exitialem vim abhorres ac detestaris: sic etiam in diuitiis & fastu fortunæ, malitiam videns inesse, nõ ad materiæ splendorem obstupesce, sed morum prauitatem contemne. Stob. serm. 5.

*Vide apoph. de vitiis variis hoc volumine suo ordine descriptis.*

## De malo & malis.

*Plato.*

\* **E**A quæ mala dicuntur, malis bona, iustis verò mala esse dicebat. Bona rursus, bonis quidem verè esse bona, malis autem mala. Stob. ser. 2.

*Dion philosoph.*

\* Res malas seu improbas dicebat nunquam in eodem statu manere, sed subinde moueri & in maiorem crescere petulantiā, nec vllum certum modum assequi. Stob. eod. ser.

*Hyperides.*

\* Incipientibus malis obstruendas esse vias dicebat. Nam cum semel (inquit) radices egerit, & inueterata fuerit malitia, tanquam congenita ægritudo, difficilis extincta fit. Stob. ser. 44.

*Socrates.*

\* Iniuriam, inquit, facere, & non obedire meliori, siue Deo, siue homini, malum ac turpe esse scio. Nunquam enim vel metuum, vel fugiam illa, de quibus an bona sint incertus sum, magis quàm mala, quæ mala esse non dubito. Plato in apol. Socrates.

*Democritus.*

\* Malum, inquit, etiam si solus fueris neque dixeris, neque feceris. Disce

Disce autem teipsum multò magis  
quàm alios reuereri. Stob. ser. 31.

*Pythagoras.*

\* Vir malus plus mali patitur afflic-  
tus conscientia, quàm ille qui in cor-  
pore castigatur & flagris cæditur. Sto-  
bæus ser. 24.

*Idem.*

\* Qui de malis, inquit, pœnas non  
sumunt, bonos affici volunt iniuriis.  
Stob. ser. 44.

*Epicteus.*

\* Si cupis, inquit, bonus fieri: pri-  
mùm crede quòd malus sis. In Enchi-  
rid. & Stob. ser. de virtute.

*Iamblichus.*

\* Dicebat, quemadmodum suppu-  
rato satius est vri quàm ita manere:  
sic etià malo viro mori, quàm viuere.  
Stob. ser. 44.

*Archytas Pythagoreus.*

\* Semper, ait, infelicem oportet ef-  
se malù, siue addit materia, malè enim  
ea vitur: siue ea careat. Sicut cæcus,  
siue lumen habeat, & claritatem visi-  
bilem; siue in tenebris degat. Stobæus  
serm. de virtute.

*Vide apoph. de Improbisate, & reli-  
qua vitiis que toto hoc opere  
perstringuntur.*

## De mancipiis.

*Diogenes.*

**G**Ræci mancipia, præcipuè fugi-  
ticia, vocant *αιχμαλωδια*: quæ dic-  
tio videtur composita ex viro & pede,  
cuius Grammatici variam reddât ety-  
mologiam. Cùm igitur quidã impro-  
bus Diogénem interrogasset, quare  
mancipia fugiticia dicerentur *αιχμαλω-  
δια*? Quoniam, inquit, pedes habent  
virosum, animum autem qualem tu  
nunc habes, qui hoc percontaris: sen-  
tiens, illi esse mentem non hominis,  
sed pecudis. Laert. lib. 6.

*Idem.*

Iactante se quodam, ac dicente:  
Viros supero in pythiis: Imò, respon-  
dit, potius vincis mancipia. Lusit ad  
vorum cognatione, *αιχμαλωδια* & *αιχμαλωδια*.  
Mancipia autem appellabat omnes  
eos, qui cupiditatibus propriis serui-  
rent. Idem.

*Aristippus.*

Suprà, de educatione & institutio-  
ne liberorum.

*Vide apoph. de Sernis.*

## De mansuetudine.

*Chilon.*

**D**Ocuit, potentiam adiungendam  
mansuetudini, vt à suis princeps  
non tam metù extorqueat, quàm im-  
petret reuerentiam. Reuerentiæ comes  
est amor, metus, odium. Amari autem  
non solùm honestius est, verùm etiam  
tutius. Laert. lib. 1. cap. 4.

*Xenocrates.*

Cùm passer futurus accipitri præda  
in sinum Xenocratis philosophi volas-  
set, eum humaniter defendit, dicens:  
Non oportere supplicem prodere.  
Plutarchus.

*Archidamidas.*

Cuidam Charilaum regem laudan-  
ti, quòd pariter erga cùstos fuisset mi-  
tis ac mansuetus: Et qua fronte laude-  
tur aliquis, respondit, qui erga scelera-  
tos se mitem præbebat: Perspexit vir  
egregius mansuetudinem cum iustitia  
coniunctam esse oportere. Alioqui  
principis in facinorosos lenitas, quid  
aliud est, quàm in bonos crudelitas?  
Plur. in apoph.

*Cleomenes.*

Cùm è ciuibus quispiam apud Cleo-  
menem diceret, bonum regem omni-  
no erga omnes mitem & placidum  
esse oportere: Sed hactenus, inquit,  
ne sit cõtempui. Significans erga im-  
probos

Ff 4

probos

probos mansuetudinem nimiam esse inutilem ciuitati: notansq; quorundā mores, qui principes vehementer bonos & clemētes, cum impensius amare debuerint, habent contemptui. Est quidem præcipua virtus in principe comitas ac mansuetudo. verū ob malorum ingenium hæc ita temperanda est, vt principi sua constet auctoritas. Plut. in Lacon. apoph.

*Aristoteles.*

\* Mansuetudinem describens, dicebat virtutem esse animosæ facultatis qua præditi ægrè mouentur ad iram. Mansuetudinis autem esse posse moderatē ferre obiecta crimina & contemptus, nec celeriter rapi in ultiones ne faciliè moueri ad iras: sed moribus comem esse ingenioque quieto & stabili. lib. de virtutibus.

*T. Vespasianus.*

Suprà de Clementia.

*Vide apoph. de Clementia & Humanitate.*

## De mathesi.

*Aristippus.*

**C**vm ciuibus suis nauigans, naufragio eiectus in littore maris vidit figuras mathematicas in harena depictas. Salua, inquit, res est, hominum vestigia conspicio. Voluit ostendere vir sapientissimus, eos demum esse homines, qui cognitione diuersarum artium à cæteris animalibus differrent. Vitruuius lib. 6. de Architectura, & Erasim. lib. 3. apophr.

*Diogenes.*

Reprehendebat mathematicos, quod solem, lunam & stellas intuerentur, ea autem non viderent, quæ essent ante pedes. Laert. lib. 6. apoph.

*Ariston.*

Eos qui encyclopediæ & mathematicis disciplinis vacarent, neglecta phi-

losophia, similes dicebat esse procis Penelopes, qui cum ipsa potiri non possent, ancillis miscabantur. Stobæus ser. 2. de Imprudentia.

*Hadrianus Imp.*

Hadrianum Romanorum imperatorem ferunt ex matheseos peritiâ præsciuisse futura, ac Varum non fore longæuum dixisse, ex Virgiliano carm.

*Ostendens servis hunc tantum facta neque vltra*

*Esse finem, &c.* Dion Cassius.

## De matrimonio.

*Thales.*

\* Roganti matri vt matrimonium iniret, nondum esse tempus, dixit: deinde maior natu, non amplius esse tempus. Plut. & Stob.

*Idem.*

\* Interrogatus, cur in vigore ætatis liberos non procreasset, respondit, Quia nolui sponte negotium vitæ facessere, & eius tranquillitatem turbare. Stob. ser. 66.

*Lycurgus.*

\* Dicebat cum semel vxor beneuolentia in maritum priuata est, minimè vitalem ei reliquam vitam esse. Stob. cod. ser.

*Epaminondas.*

\* Interrogatus, quidnam vtilitatis caperet vir inuuptus? respondit, pro patria mori non dubitare. Ibid.

*Vide apoph. de Coniugio, & infra de nuptiis.*

## De medicina.

*Diogenes.*

**C**vm consideraret hominum vitam, videns medicos & philosophos, dicebat nullum animal homine sapientius esse. Verū cum videret coniectores, & huius generis alios, aiebat,

aiebat, sibi nihil homine videri stulti-  
us. Laert. lib. 6.

*Nicocles.*

Medicos felices nominabat, quoni-  
am successus quidem ipsorum sol intu-  
etur, errores autem tellus operit. An-  
ton. part. 1. serm. 56. Melissæ. Maximus  
serm. 50.

*Stratonicius.*

Ad medicum quandam dixisse fer-  
rur, Laudo tuam experientiam, quia  
non finis infirmos computrescere, sed  
statim eos à vita liberat. Anton in Me-  
lissa, part. 1. serm. 56. Sed hoc Nicocli  
ascribit. Max. serm. 50.

*Didymus.*

Didymus perfectum medicum esse  
dicebat, non quidem qui omnino cu-  
rarer, sed qui nihil eorum, quæ ad vt-  
ilitatem egri, & curam pertinent, omit-  
tit. Anton. in Melissa, part. 1. serm. 56.  
Maxim. serm. 50.

*Trophilus.*

Interrogatus, quis perfectus medi-  
cus fieret? Dixit: Ille qui possibilia &  
impossibilia discernere potest. Stob.  
serm. 100. Maxim. serm. 50.

*Philotimus.*

Cuidam ostendenti digitum exul-  
ceratum, qui hepar haberet tabidum  
(id enim ex colore deprehendit) Non  
est tibi, inquit, ô bone, periculum ab  
vnguium virio. Idem ferè fit ab omni-  
bus: vt de leuioribus malis querantur,  
grauiora dissimulent. Erasmus libr. 6.  
apoph. ex Plutarcho.

*Anonymus.*

Medicus quidam ægrotanti dede-  
rat pharmacum, eoque sumpto conua-  
luit ægrotus. Euenit vt aliquanto post  
idem morbus recurreret, ægrotus cum  
ad idem pharmacum, quo prius con-  
ualuerat, confugeret, nec sentiret re-  
medium, accersit medicum, admiratus  
qui factum esset, vt eadem medicina  
quæ prius depulisset morbum, postea

magis aggrauaret? Huius rei causam  
sciscitanti, medicus facerè respondit:  
Fateor idem fuisse pharmacum, sed  
ideo non profuit, quia ego non dedi.  
Sentiens, medicorum esse dare phar-  
maca, qui norunt quando & quomodo  
danda. Quæ profunt iuueni, nocent  
seni: & contrà, quæ iuuant cælo tepi-  
do, lædunt frigido. Hoc refertur ab  
Augustino.

*Pausanias, & Socrates.*

Eum medicum censebat optimum  
Pausanias, qui non sineret ægrotos  
extrabescere, sed quam primùm sepe-  
li-  
ret. Inhumanior quidem videtur hæc  
sententia, sed tamen à Socratis opi-  
nionem non multum abhorrens: qui  
vult, admodum valetudinarios nec vl-  
la iam ex parte vtiles reipublicæ, æquo  
animo debere è vita decedere: sic ta-  
men, vt nemo sibi vim adferat, sed ho-  
nestis actionibus immoriatur. Certè  
non apparet quid magnificent, cum  
quatuordecim medici multo tempore  
immodicis impendiis adniruntur, vt  
anui iam præmortuæ vitam in vnum  
alterumve mensem proferant. Quid  
enim aliud agunt, nisi quòd arte sua  
mortem reddunt longiorem: quasi  
hoc cuiquam sano sit optabile, diu  
mori? At viri sapientes mortem ino-  
pinatam ac breuem iudicarunt opti-  
mam. Plut. in Lacon.

*Demades.*

Maiorem gratiam medicis deberi  
dixit, qui morbum ingruentem arce-  
rent, quàm qui iam præsentem expel-  
lerent. Magis quippe optandum est,  
omnino non pati, quàm à passionibus  
liberari. Anton. in Melissæ, part. 1. ser. 56.  
Max. ser. 50.

*Hieron.*

Medicum tum demum ægroti ami-  
cum esse dicebat, cum in extrema ne-  
cessitate se diligentissimum ostendit.  
Ant. in Melissæ, part. 1. serm. 56.

*Dionysius*



*Dionysius senior.*

Post alia multa sacrilegia in Epidauro, Æsculapio barbam auream detraxit, quodd negaret conuenire, cum Apollo Æsculapij pater imberbis fuisset, ut filius barbam aleret. Finxit autem ideo antiquitas Æsculapium barbatum, ut inuenerent, in medico multarum rerum usum & experientiam requiri. Valer. Max.

*Tiberius Caesar.*

Dixisse fertur, eum hominem sibi videri ridiculum, qui sexagesimum prætergressus annum, manum porrigeret medico. Sentiens, hominem tam grandem natu scire oportere, quomodo iam sibi mederi debeat. Porrigunt manum medico, qui consulunt illum, explorantem pulsus venarum. Erasmi. lib. 6. apoph.

### De medicina contempta.

*Diogenes.*

Videns quendam medendi artem iam profitemem, qui prius fuerat palæstrites, sed ignauus: dixit illi, An eos qui te hactenus deiecerunt, nunc vicissim deiciēs? Deiecit luctator, quē superat: & deiecit medicus, quos in luctum coniecit, aut etiā in sepulchrum. Si nilis iocus est apud Martialem, de eo qui ex medico factus est hoplomachus. Laert. lib. 6.

*Idem.*

Didymon, qui vulgo audiebat adulter, curabat oculum virginis. Ei Diogenes dixit: Vide ne corrupas pupillam. Hoc dictum apud nos perdit suam gratiam. Apud Græcos autem *κόρη* & virginem sonat, & oculi pupillam. Lustrigitur ex ambiguo Diogenes. Laert. lib. 6.

*Nicoles.*

Quum malus quidam medicus diceret, se magnam habere potestatem:

Quidni, inquit, ista dicere liceat, qui tam multos impunē sustuleris. Max. serm. 50.

*Anonymus.*

Sapiens quidam, cum imperitus medicus ei dixisset, Senex factus es? respondit, Bene quidem, & satis feliciter: medico enim non usus sum. Antonius in Melissa part. 1. serm. 56.

*Aristoteles.*

Cum morbo teneretur Aristoteles, & medicus ei præceptum quoddam iniungeret: Ne inquit, me cures, vel ut bubulcum, vel ut fossorem, sed prius causam edissere: sic enim facili persuasione me morigerum reddideris. Docens, his nihil sine causa temerēq; proferendum esse. Ælianus lib. 9. de Var. hist.

*Arcefilaus.*

Dicere solitus est: Quemadmodum ubi multæ leges, ibi plurimum vitiorum: ita quoque ubi multi sunt medici, ibi etiam sunt multi morbi. Laertius lib. 4. cap. 6.

*Pausanias.*

Medicus quidam inuisebat Pausaniam, dicebat, Nihil habes mali: Non enim, inquit, te medico vtor. Hoc ipsum quod nihil habebat mali. adeo non acceptum ferebat medicis ut eos solos iudicaret prospera esse valetudine, qui medicis non vterentur. Id ut perpetuū verum non sit, tamen extra controuersiam est, maximam malorum partem à medicis proficisci, vel quia sint imperiti, vel quia negligentes, vel quia ambitione quæstūve corrupti. Plut. in Lacon.

*Idem.*

Quum ab amico argueretur, quod de medico quodam malè loqueretur, à quo nec vlla re læsus esset, nec cuius fecisset periculum: Si fecissem (inquit) periculum nequaquam viuerem. Plut. in Lacon.

*Arcefilaus.*

*Agesilaus.*

Quum medicus quidam Agesilao regi præscriberet curationem nimis exactam, minimèque simplicem, qualis esse solet apud Lacedæmonios: Per Geminos, inquit, sumam quæ præscribis, si mihi prorsus est in fatis ut non viuum: etiamsi non omnia sumpsero. Significabat, eiusmodi curationes citius acceleraturas mortem, quàm depulsuras morbum. Nec tam operosa pharmaca sumenda, nisi ei qui destinauit mori. Omnibus in rebus ei genti placuit frugalitas ac simplicitas. Plur.

*Philippus.*

Suprà de iocose dictis.

*Menechmus.*

Rogatus à medico, qui putabat eum insanire, Dic mihi hoc, Solèntne tibi vnquam oculi duri fieri? Vrbane respondit: Quid? Num me locustam esse senses, homo ignauissime? Brus. ex Pluto.

*Hadrianus imp.*

Hadrianus imperator moriens, dixit illud vulgatum: Turba medicorum Cæsarem perdidit. Arbitror illum huc detorsisse Græcum prouerbium, πολλοὶ ὑγιατροὶ κερύδην ἀπώλεισαν, πολλοὶ δ' ἰατροὶ τὸν βασιλῆα ἀπέκλεισαν. Quanquam & hodie verum est, turbam medicorum multis causam esse mortis. Dion Cass.

## De mediocritate.

*Philoxenus.*

Dicebat esse iucundissimas carnes, quæ carnes non sunt: & suauissimos pisces, qui pisces non sunt, quemadmodum amœnissimam esse navigationem iuxta terram, & ambulationem iuxta aquam. Erasmi. lib. 6. apoph. ex Plutarcho.

*Lycurgus.*

Interrogatus, quam ob rem statuisset ut ad ædium culmen imponendum

fabri securi vterentur, ad fores verò addendas sola ferra, nec vllò alio instrumento, Vt, inquit, cines mediocritatem seruent in omnibus quæ apud alios sunt admirationi. Videbatur enim parum decorum esse, si per ostium rude inferrentur exotica pretio chara, arte operosa, &c. Plutarch. in Lacon.

*Seneca.*

Nero sibi cōparārat aulæum quoddam insigne, tum pretio, tum pulchritudine. Id videns Seneca, Declarasti, inquit, te esse pauperem. Causam rogante Nerone: Quoniam si illud amiseris, inquit, non poteris aliud parare simile. Euenit ut illud aulæum naufragio periret. In hoc autem profecerat Senecæ admonitio, ut Nero iacturam adamatæ rei ferret moderatiùs. Qui nummum habet vnicum, quo amisso non queat alterum promere, pauper est. Tutissimum igitur est, mediocribus ac parabilibus delectari. Erasmus lib. 6. apoph.

*Alphonfus.*

Optimum factum sibi videri dicebat, si voluntas nostra inter amorem ac metum media intercederet. Vt quantum amor ad excessum impelleret, tantum timor illam è diuerso retraheret. Sensit autem mediocritatem in omnibus esse optimam, & hominum actiones media voluntate temperandas. Panor. l. 4. de reb. gest. Alphonfi.

*Vide apoph. de Temperantia.*

## De memoria.

*Socrates.*

Socrates literas, quas vulgus putat Sreptas iuuandæ memoriæ causâ, dixit vehementer officere memoriæ. Olim enim homines si quid audissent dignum cognitu, non libris, sed animo inscribebant: hac exercitatione confirmata

confirmata memoria, facillè tenebat quicquid volebat : & quod quisque sciebat, habebat in promptu. Post, re-  
perto literarum usu, dum libris fidunt,  
non perinde studuerunt animo insi-  
gere quod didicerant. Ita factum est,  
vt neglecto memoriæ cultu, minus vi-  
uida esset rerum cognitio, & pauciora  
quisque sciret: quandoquidem tantum  
scimus, quantum memoria tenemus.  
Erasl. lib. 3. apoph.

*Anisithenes.*

Suprà de Librorum fiducia & mul-  
titudine.

*Themistocles.*

Ludum præteriens, in quo dicere-  
tur esse professor, rogauit quid is pro-  
fiteretur: cùm responsum esset, artem  
memoriæ hîc doceri, contempsit, di-  
cens: At ego malletm artem obliuisc-  
endi. Verùm hæc vox digna fuit eo  
qui linguam Persicam intra annum  
potuit ediscere. Plut. in Græco apoph.  
Meminit Cicero lib. 2. de Oratore.

*Idem.*

Cùm Themistocli Simonides, aut  
quis alius, artem memoriæ pollicere-  
tur: Obluionis, inquit, malletm. Nam  
memini eorum quæ volo, obliuisci non  
possum quæ volo. Cic. lib. 2. de Finibus  
bonorum & malorum, & 5. Academi-  
carum quæst.

*Polemon.*

Proconsul torquebat prædonem  
quendam: cùmque dubitaret quod sup-  
plicij genus esset de illo sumpturus, su-  
perueniens fortè fortuna Polemon, iu-  
be, inquit, illum ediscere veterum scri-  
pta. Ipse quidem Polemon multa edi-  
dicerat, sed in exercitatione nihil du-  
cebat laboriosius ac molestius, quàm  
ediscere: eoque Fabius iubet hoc tæ-  
dium protinus à pueris deuorari. Phi-  
lostratus in Sophist.

*Appianus Claudius.*

Cùm apud Scipionem iactaret, se

omnes Romanos posse memoriter no-  
minatimque salutare: ille, Bene, in-  
quit, narras. Ego enim non vt multos  
cognoscerem, sed ne ab vilo ignora-  
rer, adnixus sum. Brusi. l. 4. c. 4.

*Cass. Senerus.*

Cùm ex Senatus consulto libri illi-  
us exurerentur: Nunc, inquit, superest  
vt ipse viuus comburatur, qui illos edi-  
dici. Quod animo insculptum est, nisi  
cum vita eripi non potest. Erasl. lib. 8.  
apoph.

*Claudius Cas.*

Cùm cuidam notam appositam de-  
precantibus familiaribus ademisset:  
Litura tamen, inquit, extat. Sentiens,  
etiam remissa culpa, manere tamen  
infamiæ prioris vestigium. Alludens  
ad scripturam, quæ licet spongia de-  
leatur, aut graphio radatur, relinqui-  
tur tamen lituræ vestigium. Erasl. lib. 6.  
apoph. ex Suetonio.

## De mendacio.

*Thales.*

**A** Quodam rogatus, quantum à ve-  
ro falsum abesses? Quantum, in-  
quit, oculi distant ab auribus. Sensit  
autem, eos plerumque mentiri, qui au-  
dita, nō visa referunt aliis. Max. ser. 35.

*Aristoteles.*

Interrogatus, Quid lucri facerent  
mendaces? Vt vera, inquit, loquenti-  
bus non credatur. Laert. lib. 5. cap. 1.

*Anacharsis.*

Aiebat se mirari, quid fieret, vt Athe-  
nienſes, qui prohiberent mentiri, ta-  
men in cauponū tabernis palàm men-  
tirentur. Qui vendunt merces, emunt-  
que, lucri causa fallunt quemcunque  
possunt: quasi quod priuatim esset  
turpe, fiat honestum, si publicè facias  
in foro. At in contrahibus maximè  
fugiendum erat mendacium. Sed tum  
maximè mentiuntur homines, cùm  
maximè

maximè negant se mentiri. Apud Athenienses lex erat, quæ iubebat *de iur.* *Laert. l. 1. c. 9.*

*Æsopus.*

Sciscitatus, quid lucri accederet mendacibus? Vt eis, inquit, etiam cum vera dicunt, fides non habeatur. *Max. 35.*

*Archidamus.*

Chius quidam iam senex in Lacedæmonem peruenit, qui quidem alioquin erat arrogans, sed senectutis suæ ipsum pudebat: quare canos tinctura obliterare conabatur. Progressus autem in publicum, de rebus orationem habuit, quarum gratia venerat: tum surgens Archidamus, dixit: Quid ille tandem rectum diceret, qui mendacium non in anima solum, sed capite quoque circumferret? *Stob. serm. 10. ex Theophrasto.*

*Anonymus.*

Laconi cum quidam dixisset, Mentiris: urbanè Lacon, Quia (inquit) liberi sumus: sed alij, si quando vera non dixerint, flebunt. *Plut.*

*Epæneus.*

Dicere solitus est, mendaces omnium scelorum & iniuriarum auctores esse. *Plut. in Lac.*

*Anonymus.*

Quidam mirantibus, quod humile candelabrum emisset: Prætorium erit, inquit. Eludens iocoso mendacio, ne parvus videretur. In conuiuiis vitimur humilioribus candelabris, ut ex actius peruideamus quæ sunt apposita. *Eras. l. 6. apoph.*

*Perse.*

Inter peccata, duo grauissima numerabant. Prius esse debitorem: alterum, mentiri, quod obærat plerumque mentiuntur, dum pollicentur in diem, nec præstant quod pollicentur. *Ex Herodoto.*

*Cyri.*

Dicere ad Armenium solebat: Om-

nino non mentiendum esse. Apertum enim mendacium hominibus, maximè impedimento esse ad veniam consequendam. Danda est quippe his venia, qui ex inscitia vel errore mentiuntur: verum hi qui data opera apertè nugantur, nulla venia digni sunt. *Xen. lib. 2. Pædiaz.*

*Galba.*

Galba, quodam instante, quod in Sicilia murænam quinque pedes longam emisset: Nihil, inquit, mihi, nam ibi tam longæ nascuntur, ut his piscatores pro retibus cingantur. Mendacium euidentiore mendacio derisit. *Fulgosus. lib. 4. ca. 18. Eras. Rot. lib. 6. apoph.*

*Cicero.*

Fabiz Dolabellæ dicenti, se triginta annos habere. Verum est, inquit, nam hoc iam viginti annos audio. Volebat illa iunior videri, quàm erat. Itaque Cicero elusit illam simulata assensione, significans interim illam esse quinquagenariam. *Eras. l. 4. apoph.*

*Idem.*

Obiicientibus, quod à reo pecuniam accepisset, qua magnificas quasdam ædes esset empturus: Fatebor, inquit, accepisse me, si emero. Eas quum esset mercatus, exprobrantibus vanitatem: An nescitis, inquit boni patris familiæ esse, dissimulare si quid constituerit emere? *Eras. l. 4. apoph.*

*Idem.*

Iulium Curtium, quo iunior videretur, multa de annis ætatis suæ mentientem, ita redarguit: Ergo, inquit, quum vnà declamabamus, non eras natus. *Eras. lib. 4. apoph.*

*Augustus Cæsar.*

Iulia Cæsaris Augusti filia, cum maturè canos habere capillos cœpisset, habebat comprices quæ canos capillos sublegebant. Verum quum Augustus pater interuenisset clam, canos capillos



capillos super vestes filiz vidit, quos euulserant. Cùm autem, aliud agens, rem dissimulasset, demum post multa interrogauit filiã, Vtrum post aliquot annos cana esse mallet, an calua? Quumq; illa respondisset se canã esse malle: Cur ergo, inquit, tuo iussu & instinctu ista ante tempus caluam te facere student? Et sic prudenter mendacium in filia deprehendit ac corrigere studuit. Eras. l. 4. apoph. ex Suet.

### De mendacio vrbane excusato.

*Plato.*

**D**icebat mendacium cõcedendum esse medicis, aliis verò minimè. Medici quippe, vt ægrotantium animos consolentur, promittunt sæpe sanitatem, etiam in ipso mortis agone, ne animum despondeant. lib. 3. de Republ.

*Phocion.*

Aristogiton sycophanta in sermonibus nihil nisi arma bellãq; sonabat: quum verò intellexisset delectum militum haberi, simulata valetudine crus obligabat, baculõque innixus ceu vulneratus, claudicãs prodiit in publicũ, cum Phocion à tribunali prospiciens, ait: Scribe Aristogitonem claudum, & eundem improbum atque mendacem. Plur.

*Stratocles.*

Superatis pugna nauali Atheniensibus, summa celeritate coronatus, faustum victoriæ nuntium attulit, vnde supplicationes decretæ, epulumq; per vnamquamq; tribum cõstitutum. Sed biduo post, cùm verus nuntius calamitatis afferretur, vniuersus populus in Stratoclem exarsit. Tum ille: Quid, inquit, viri Athenienses vobis molesti intuli, duos dies summa estis ea causa

in voluptate versati? Fulgo. l. 4. c. 18. & Eras. lib. 4. apoph. ex Plut.

*Philippus rex.*

Ab hospite quodam inuitatus ad cœnam, inter eundum fortè obuios secum adduxit vmbas. Vbi sensit hospitem turbari, quòd tam multis non sufficeret apparatus, præmisso ad singulos amicos puero, iussit vt placentes seruari locum: illi persuasi, dum placentiam expectant, paululum edebat, ita factum est, vt cœna sufficeret omnibus. Faceto ioco simul & elusit amicos, & hospitii pudori subuenit. Plut. in apoph. Reg. & Imp.

*Augustus Cæsar.*

Herennium adolescentem vitiis corruptum Cæsar castris excedere iusserat: quumq; ille dimissus supplex ac plorabundus, apud Augustum hac deprecatione vteretur, Quo ore redibo in patriam? quid dicã patri meo? Dic, inquit, me tibi displicuisse. Quoniam pudebat adolescentem fateri, quòd ipse Cæsari displicuisset: Cæsar permisit vt sermonem inuerteret, culpam in ipsum conferret. Suet. in August.

### De mendicitate, & mendicantibus.

*Diogenes.*

**Q**uibusdam Diogeni probro vertentibus, quòd peteret, cùm id Plato non faceret: Imò, inquit, petit & ille, sed.

*Admo capite, vs ne quisquam audias aliter,*

Abusus est Homericò carmine quod est Odyssea. quo significauit Platonẽ non minus esse petacem, nisi quòd ille clam peteret, ipse palàm. Laert. l. 6.

*Idem.*

Posteaquam inopia compulsus cœpisset mendicare, his verbis solebat aggredi:

aggredi: Si cui alteri dedisti, da & mihi: sin nemini, à me incipe. Significabat, se non inferiorem cæteris mendicis: itaque vt qui daret quibuscumque, daret & Diogeni: qui verò tam parcus esset, vt nemini quicquam daret, huic tempus esse, vt aliquando dare inciperet. Laert. lib. 6.

*Idem.*

A prodigo petebat minam, ille admiratus improbam postulationem, interrogabat, Cur ab aliis obolum petere soleret, à se autem minam? Quoniam, inquit ab aliis iterum me accepturum spero, à te autem fortassis nunquam. Laert. l. 6.

*Aristoteles.*

Obiurgatus à quodam, quod dedisset eleemosynam homini malo: Non mores, inquit, sed hominis miseriam respexi. Laert. l. 5. cap. 1.

*Idem.*

Ab alio, eadem de re castigatus, Non homini dedi, inquit, quicquam, sed humanæ sorti. Laert. l. 5. c. 1.

*Stratonicus.*

Cuidam laudanti ipsum, vt aliquid acciperet: Ego, inquit, maior mendicus sum. Sentiens, non esse musicorum dare laudanti, sed accipere à laudatis. Athen.

*Anonymus.*

Lacedæmonius quidam videns quendam Diis corrogantem: Nihil, inquit, moror deos, qui me sint pauperiores. Hinc liquet, verus esse, sub obtentu religionis exercere mendicitatem: quum plerunque tales collectæ non impendantur diuis, qui nullius rei sunt egeni, sed improborum luxui ac libidini. Plut. in Lac.

*Idem.*

Mendicus quidam petiit aliquid à Lacone. at ille: Si quid, inquit, dedero, magis es futurus mendicus. Verum istius probrosum vitæ tuæ fuit author,

qui tibi primus dedit, teque fecit incertum, Apud Lacedæmonios probro dabatur mendicitas: quod & otium odissent, & minimo essent contenti. Benignitas autem in mendicos, speciem habet magnæ virtutis: sed ea piorum hominum bonitas, alit plurimorum maiorum luxuriosam ignauiam. Idem.

*Antigonus.*

Thrasylo Cynico petenti drachmâ: non est, inquit munus regium. Cynico subiiciente, Talentum igitur da: At non est inquit, Cynicum, tale munus accipere. Viroque cornu repulit postulantis improbitatem, quem existimabat nullo dignum beneficio. Plut. in Reg. & imper. apoph.

## De mente.

*Thales.*

Lim interrogatus, quid in tota rerum natura esset velocissim. ū? respondit, Mens humana. Discurrit enim per vniuersa hominis cogitatio. Laert. lib. 1. c. 1.

*Pittacus.*

\* Querenti, quid in minimo maximū esset? respondit bona mens in corpore humano. Stob. ser. 3. de prudentia.

*Anonymus.*

\* Mens est hominibus magnum animæ frænum. *ψυχῆς μίγας χαλινὸς ἀνθρώπου ὁ νῦν.* Stob. ser. eod.

*Cercidas.*

\* Mentis, inquit est videre, mentis audire. Sed quomodo viderent sapientiam, licet propinquam, viri quorū mentem lutum repleuit? Stob. ser. 4.

*Rhéginus.*

\* Dicebat mentem infirmam veritatis non esse capacem, sicut solare lumen imbecillius & impotens visus aspicere nequit. Ibid.

*Socrates.*

\* Sicut ex ciuitate, quæ bonis legibus

bus administratur, seditiosum hominem expellere oportet, ita inquit, ex homine quem saluum cupimus, malam mentem. Stob. ser. de prudentia.

*Phocion.*

Semper admonere homines solebat, ut mente vigilarent, cuius somnus veræ morti finitimus esset. Stob. serm. de Prudentia.

*Alphonsus.*

Cum pro more lectioni Senecæ (quæ præcipuè semper coluit) incumbere, Interrogatus à Daualo, purpuratorum humanissimo, cur animus mortalium ita immensus, atq; insatiabilis foret? respondit rex: animum hominis à Deo profectum, non prius conquiescere, quam eò rediret, unde profectus esset. Esse proculdubio animum nostrum Dei & æternitatis capacem, & propterea neq; impleri, neque satiari posse iis rebus quæ fluxæ & incertæ essent. Panor. lib. 1. de Alphonsi rebus gestis.

## De mercedis cupiditate.

*Antisthenes.*

Interrogatus, cur tam paucos haberet discipulos? inquit: Quoniam depello illos virga argentea. Sentiens, ideo paucos venire, quòd magna mercede doceret: vulgus autem magis amat pecuniam, quam sapientiam, & hinc Satyricus exclamat:

*Scire volens omnes, mercedem soluere nemo.*

Dictum Antisthenis extat apud Laertium lib. 6.

*Aristippus.*

Suprà de educatione & institutione liberorum.

*Polemon.*

Zeno Criticus, ubi iam in philosophicis aliquantum profecisset, non ta-

men contentus esse voluit: sed ad Polemonem, ut in Dialecticis exerceretur, commeabat. Vnde Polemon dicere solitus est: Sat scio ò Zeno, te per posticum irreperere, & furari dogmata, quibus Phœnicum more indutus es. Notauit hoc dicto Zenonem, qui furtim & gratis à præceptore discere volebat, ut aliis postea multa mercede venderet. Laert. lib. 7. c. 1.

*Isocrates.*

Sæpenumero dicere solitus est, se quidem discipulos decem docere minis, cæterum qui ipsum docuisset audaciam & vocalitatem, mercedis loco daturum decem millia, vocis enim exilitas, animiq; timiditas, reddebant Isocratem inutilem ad dicendum. Eras. Rot. l. 8. apoph.

*Simonides.*

Rogante quodam ut sibi conscriberet encomium, & gratiam se relaturum inquit, argentum autem non dante: Duas (respondit) arcas domi habeo: vnam quidem gratiarum, alteram argenti. Et cum necessitas exigit, gratiarum quidem arcam aperiens, semper vacuum inuenio: alteram verò solum commodam mihi ad rem vitæ necessariam. Notabat autem hominis sordidissimi tenacitatem, qui cupiebat multo studio ac labore philosophi, suas decantari laudes, nullum laboris præmium aliud offerens quam gratiarum actionem, quæ trib. verbis absoluitur: cum interim philosophus rem ad victum & amictum necessarium non verbis, sed promptis nummis coemere cogatur. Stob. ser. de Inuistitia.

*Anonymus.*

Philosophus quidam dicebat, magistros à discipulis magnam mercedem exigere debere. Ab ingeniosis quidem, quòd multa discant: ab hebetibus, quod multum molestiæ exhibeant. Max. ser. 17.

*Phani-*

*Phenicides*

Cum apponeret pisces in conuiuio, sed his duntaxat qui dedissent symbolum, dixit, Mare quidem esse commune, sed pisces in eo natos, eorum esse qui emisissent. Erasmus lib. 6. apoph.

*Timotheum musicum.*

Cum duplicem mercedem exigeret ab eo, qui sub alio præceptore musicæ operam dedisset, interrogatus cur hoc faceret? Quia, inquit, duplex etiam labor mihi subeundus est. Primum quidem dedocendi vetera, deinde docendi noua. Brusi. l. 2. c. 23.

*Corax.*

Corax primus apud Syracusas, mortuo Hierone, Rhetoricè instituit mercede profiteri. Lyfias autem adolescens pactus est cum eo, ut tum solueret, cum optimè Rhetoricam calleret. Verum ubi artifex iam factus, præmium cunctaretur, à præceptore in ius vocatur. Sed cum quæreretur, qui finis litis esset futurus? Lyfias ait: Si persuasero iudicibus, me nihil debere, non tradam præceptoris quicquam, quia iā vici: sin non persuasero, etiam non dabo, quia artem persuadendi à te nō didici. Tum Corax: Imò, inquit, si persuaseris, dabis, quia artem calles: sin minus, dabis etiam, quia non vicisti. Et tum iudices subiecerunt, καὶ καὶ κέρως καὶ κέρως αὐτῷ: id est, mali corui malum esse ouum. Vide Prolegomena in Hermogenis rhetoricem: Gellium libro quinto, capite decimo: qui simile quiddam de Portagora sophista, & huius discipulo Euathlo, narrat. L. Apuleium in Floridorum libris: Erasmus. Roterodamū in prouerbio, Mali corui malum ouum.

*Catherius.*

Sabinus Clodius cum vna die & Græcè & Latine declamasset, quibusdam querentibus, quoddam pusillam mercedem acciperet ex duabus declama-

tionibus: Catherius ait, nunquam magnā mercedē accipere eos qui breuia pneumatata docerent. Brusi. l. 4. c. 31.

## De metu & timore, vel timiditate.

*Socrates.*

Socrates Alcibiadem adolescentē primum ob impetitiā trepidantem, ut sit, apud tantam multitudinem verba facere lepida εὐρυγῶν animauit: An non putas, inquit, o Alcibiades contemnendum futorem? Annuit, an non præconem? quum & hic annuisset: an non contēneres, inquit, tabernaculorum opificem? Quum similia quædam propoluisset, & is fate-retur hos esse contemnendos, tum Socrates: Atqui, inquit, ex his constat Atheniensium populus, quem tu vereris. Quorum si singulos putas cōtemnendos, qui minus etiam contēnas condensatos? Sed sit, non referre apud quā multos dicas, sed apud quā cordatos. Fit enim hoc miro modo, ut quos singulos despicias, congregatos reuerearis. In conuiuio Platonis Socrates admiratur Agathonis audaciam, qui coram tot hominū millibus præsentī animo recitasset suam tragœdiam: cui quum Agathon respōdisset, se citius velle coram multis hominum millibus dicere quā apud vnum Socratem: Atqui in illis, inquit, millibus & Socrates erat. Fit enim & illud miro modo, ut quē vnū reuerearē, in turba mixtū contemnas. Erasli. 8. apoph.

*Diogenes.*

Suprà de Argutē dictis.

*Isocrates.*

Cum intelligeret, quantū sibi animi obesset timiditas, sæpenumero dicere solitus est, se suos quidē discipulos docere decem minis: verum qui

G g

ipsum



ipsum docuisset extra omnem timiditatem in concione loqui, mercedis loco daturum decem millia. Sola enim timiditas & vox exilis residebant hominem inutilem ad dicendum. Eras. li. 8. apoph.

*Cleantes.*

Cuidam illi probri causa obiicienti, quod esset timidus: Ideo, inquit, minimum pecco. Bona est timiditas, quæ deterret à turpibus, & reddit hominē circumspectum. Laert. l. 7. c. 1.

*Xenophanes.*

Quum ipsi Hermoneus timiditatem obiiceret, quod noller secum tessaris ludere: Fateor, inquit, me non solū meticulosum, verū etiam vehementer meticulosum, sed aduersus inhonestā timiditas est, quæ deterret à turpibus. Plutarch. de vitiosa verecundia.

*Cleomenes.*

Cleomenem cum quidam interrogasset, cur Spartiatæ non consecrarent diis spolia ab hostibus detracta? Quoniam, inquit, à timidis venerunt. Porro quæ parata sunt ab his qui ob timiditatem capti sunt, nec decet intueri iuuenes, nec diis consecrata reponi. Plut. in Lacon. apoph.

*Anonymus.*

Quidam Metapontinus Laconi obiicienti ignauia: Atqui, inquit, non parum alienæ regionis possidemus. Ergo, inquit, Lacon non solū ignauus estis, verū etiam iniustus. significans non posse fieri, ut quis meticulosus & in bellicis multum teneat alienæ ditionis, nisi fraude partum, Plut. in Lacon.

*Vibius Crispus.*

Cuidam qui in foro Romæ lorica-  
rus ambulabat, prætexens, id se metu  
facere, perquam scitè dixit Vibius Cris-  
pus, quis tibi sic timere permisit. Lu-  
dens ex inopinato. Expectabatur e-  
nim, ut obiurgaret hominem, quod

præter cōsuetudinem Romanā arma-  
tus incederet. At ille increpuit homi-  
nem, quod sic timeret, quum lice-  
ret manere domi, si quid timeret. E-  
ras. Rot. lib. 6. apoph.

*Themistocles.*

Quum Græcos ad naualem pugna  
hortaretur, incitarétque, Adimantus  
abhorrens à pugna, ita ad Themisto-  
clem ait: At qui in certaminibus an-  
te alios profluit, flagris cæduntur. Be-  
ne quidem, respondit ille: sed nec ij  
coronantur, qui se, dum pugnandum  
est, subducunt. Plut. in apoph.

*Idem.*

In Eretrienſes ita cauillari solebat,  
ut diceret eos similes piscium, qui gla-  
dioli vocantur: quippe qui gladium  
quidē haberent, cor autem non habe-  
rēt. Notās illorū ignauia, quod arma-  
tis non adesset animus. Plut. in apoph.

*Philippus.*

Cum subactis Græcis, quidam au-  
thores essent, ut ciuitates præſidiis  
contineret, ne deficerent: Malo, in-  
quit, diu bonus ac commodus, quā  
breui tempore dominus appellari:  
sentiens, regnum, quod beneficiis ac  
beneuolentia teneretur, esse perpe-  
tuum: quod vi metūque, non esse diu-  
turnum. Plut. in apoph.

*M. Cato.*

Suprà de autoritate.

*Cicero.*

Suprà de Fuga.

*Augustus Cæsar.*

Suprà de locosè dictis.

*Caligula.*

Caligula illud ē tragedia subinde,  
iactabat: Oderint, dum metuant. Hanc  
ne quis miretur, eiusdem vox fuit, V-  
tinam populus Romanus vnicam cer-  
uicem haberet. Hanc emisit, inſensus  
turbæ, fauenti Veneræ aurigarum fa-  
ctioni, quum ipse faucret Præſinæ. E-  
ras. lib. 6. apoph.

De militia & militibus.

*Iphicrates.*

**I**phicrates censebat, militem & diuitiarum & voluptatum auidum esse oportere: Dicens, illum audacius pericula subitum, quo suis cupiditatibus suppeditaret. Plut.

*Phocion.*

Quum Laesthenes ducis milites concinnè ornatos aspexisset, rogatus, qualis sibi ille exercitus videretur? Bellè me hercule inquit, ad stadium decurrendum instructus. Plut.

*Epaminondas.*

Epaminondas dicere solebat, militum quibus arma gerenda sunt, corpus exercitatum esse oportere, non solum athleticè, verum etiam militari-ter. Nam athletæ tantum hoc agunt, vt corpore sint robusto: at militem oportet corpus habere expeditum & agile. Vnde & vehementer obesis infensus erat, adeò vt huiusmodi quendam expulerit ab exercitu, dicens: Quod vix clypeitres quatuorve regeret ipsius ventrem, per quem nunquam vidisset sua pudenda. Plut. in apoph.

*Archidamus.*

\* Videns filium suum nimis temere contra Athenienses pugnantem: aut vires tibi sunt augendæ, dixit, aut minuenda audacia. Plut.

*Agessilaus.*

Quidam conspiciens Lacedæmoniorum quendam claudum ad bellum exeuntem, quum ei equum veluti debili necessarium quæreret: Non intellegis, inquit Agessilaus, in bello opus esse manentibus, quibus decretum est in prælio aut vincere, aut mortem optere, non autem fugientibus. Plut. in Lacon. apoph.

*Phocion.*

Quum Macedones irrupissent in

Atticam, ac maritima illius depopularentur, Phocion eduxit iuuenes ætate florentes, quorum multis ad ipsum concurrentibus, hortantibusque vt colle quodam occupato ibi collocaret exercitum: O Hercules inquit, quâ multos duces, milites verò perpaucos! Notans iuuenilem temeritatem, quæ duci præire conaretur, quum militis sit, non dare consilium, sed vbi res postulat, bonam nauare operam. Attamè commissio prælio vicit, & Nicionem Macedonum ducem superauit. At non multò post tempore, bello deuicti Athenienses ab Anripatro accipere præsidium. Plut. in Grec. apoph.

*Aratus.*

\* Laudante quopiam virum desperatū & audacem, ac idcirco & in bellis eximium: differre dixit magnificare virtutem, & vitam nihili facere. Stob. serm. 51.

*Ateas.*

Hunc in modum scripsit Philippo: Tu quidè imperas Macedonibus bellandi peritis, at ego Scythis, qui & cum fame & cum siti pugnare valeant. Significans, hac parte Scythas ad bellum esse magis idoneos. Plut. in apoph.

*Antiochus.*

Ostendebat Hannibali in campo copias quas bellum contra Romanos suscepturus cõparauerat, nempe exercitum insignibus argenteis aureisq; florentem, inducebátque etiam currus cum falcibus, & elephantos cum turribus, equitatúmque fienis, ephippiis, phalerisque præfulgentem. Atque ibi rex tanto tamque ornato exercitu gloriabundus, Hannibalem aspexit: & Putásne satis, inquit, esse Ronanis hæc omnia? Tum Pœnus ignauiam vanúmque apparatus militum irridens: Planè, inquit, satis esse credo hæc, Romanis, et si auarissimi sint. Brul. lib. 2, cap. 32.

Gg 2

Pescennius

*Pescennius.*

Interrogatus, cur omnia vasa argētea à castris amouisset, Quia inquit, potuisset fieri vt sarcinæ militares in potestatem hostiū venirent, fierentq; barbari argento nostro gloriosiores. Bruf. l. 2. c. 32.

*M. Cato.*

Videns quendam vehementer obesum, mirabatur cui vsui tale corpus esse posset Reipubl. cuius inter guttur & inguen omnia venter occuparat. Etas. lib. 5. apoph.

*Anonymus.*

Multis Othonem imperatorem rogantibus, ne deposito imperio exercitum ac Rempublicam desereret: quidam è gregariis militibus sublato ense dixit, Scito Cæsar sic pro te omnes animatos esse: mōxque se ipsum iugulauit. Sueton.

*Alex. Senerus.*

\* Miles, inquebat, non timer, nisi vestitus armatus, calceatus, satur, & habens aliquid in zonula. Lamprid.

*Vide plura in apoph. de bello.*

## De militum in rebus agendis ignauia.

*Timotheus.*

**A**Vdace quodam milite vulnus Atheniēsis ostentante, Et me, inquit, Timotheus, puduit, quòd cum ego in Samo dux vester essem, catapultæ telum prope me ceciderat. Significans, hoc vulnus illi non factū in prælio cominus pugnanti, sed procul. At bono duci adeò cauendum, vt ne propè quidem iaculum vllum possit accidere Vulnus gladio factum, fortitudinem arguit: telo factum catapultæ, indiligentiæ signum est. Plut. in apoph.

*Empedocles.*

In eum mirallonem, qui retiarium

insequabatur, nec feriebat armis, hūc in modum iocatus est: Vinum capere vult, timet igitur ne lethale homini vulnus infligar. Bruf. lib. 5. cap. 12.

*Lysander.*

Suprà apoph. de ignauia.

*Cyrus minor.*

\* Aiunt ipsum dicere solitum, quòd oporteat militem magis metuere ducem quàm hostes, si talis sit futurus vt custodias seruet, amicis abstineat, & hostes citra tergiuersationem aggrediatur. Xen. l. 2. expedit. Cyri.

*Damairia.*

Suprà de Filiorum abdicatione.

*Anonyma.*

Lacæna quædam, cum filium in strage quadam loco cessisse animaduerteteret, domū redeuntem occidi curauit, ne posthac ignauix exemplum cæteris esset. Plut. in apoph. Lacænarū.

*Antalcidas.*

Suprà apoph. de ignauia.

*Phocion.*

Cum militem è suis relicto ordine in hostes prodire conspexisset, eundemque conspecto Macedone pedem retrahere: Te, inquit, hominum ignauissime, num bis iam deserti ordinis puderet? Nam & quæ imperator tibi decreuerat, & quem tute tibi locum delegeras, reliquisti. Plutarch.

*Xerxes.*

Cum Xerxi nuntiatum esset, quàm fortiter, quàmque etiam feliciter Artemisia rem gessisset in pugna nauali, dixisse fertur: Sibi scæminas fuisse viros, contra viros fuisse scæminas, quòd parum dextrè se gessissent. Herodotus lib. 8.

*Myronides.*

Creatus dux exercitus aduersus Bæotos, edixit vt Athenienses exirēt. Cum autem adesset congregiendi rebus, ducēsque monerent, nondum omnes adesse: Adsur, inquit, qui pugnatu

turi sunt. Hos itaq; cūm videret promptos, hostem aggressus vicit. Sic interpretans, eos qui ob ignauiam non studuissent tempestiuē adesse, ne in pugna quidem bonam operam nauaturos. Plut. in apoph.

*Therycion.*

Therycion Delphis rediens, cūm Philippi castra in Isthmo esse, angustiasque occupatas vidisset: O malos, inquit, ianitores vos Corinthij, quorum ignauia Peloponnesus facili peribit. Bruf. lib. 3. cap. 12.

*Marcellus.*

Quum obturbatos ordines in Marcelli copiis victor Hannibal extitisset, reuersus in Castra Marcellus, conuocato exercitu, ait, Se quidem multa Romanorum arma & corpora. Romanum verò videre neminem. Plut.

*Scipio Africanus.*

Militi, cui securum erat elegantius ornatum: Non miror, inquit, quòd securum tanta cura ornaris, in quo plus habeas præsidi quàm in gladio. Significans, illum ignauum militem, Clypeus tuetur, sed gladius fortitudinis organum est. Idem.

*Hannibal.*

Gisconi nuntianti, sibi admirabilem videri Romanorum instructorum ad pugnam numerum? Imò aliud, inquit, mirabilis te fugit. Quidnā hoc esset, sciscitanti Gisconi: Quòd ex tam numerofo, inquit, hominum multitudine nullus appellatur Gisco. Is ducis iocus multum timoris detraxit, multumque alacritatis addidit militibus. Idem.

*Fabius Maximus.*

Salinator, quum ob eius ignauiam & incuriam Tarentum à Romanis defecisset, arcem tamen retinuit: quum verò aliquot post annos Fabius Maximus oppidū pulso Hannibale recepisset, rogarétq; eum Salinator, vt meminisset, opera sua se Tarētum recepisse:

Quidni? inquit Fabius. Nūquam enim ego recepittem, nisi tu amisisses. Notauit tacitè Liuij ignauiam. Plut.

*C. Crassus.*

Militem videns sine gladio currentem: Heus, inquit, commilito, pugno bene vteris, festiuiter taxans inermem militem, cui pro gladio pugno sit vtendum. Eras. 6. apoh.

*M. Cato.*

Dicebat sibi inuisum esse militem, qui ambulans moueret manus, pugnans moueret pedes, clariussq; sterneret quàm inclamaret: pessimum autem imperatorem, qui sibi non posset imperare. Plut. in apoph.

*Cicero.*

Pompei ignauiam Cicero vrbanisimè taxauit. Dicentibus enim, se serò ad Pompeium venisse, respondit, Minimè serò, nam nihil hīc paratum video. Quem fugiam igitur, satis video (Cæsarem intelligens.) sed quem sequar fortiter pugnantem non habeo. Plut. in apoph.

*Huc refer etiam apoph. de Fugitiuis.*

## De militari disciplina.

*Anonymus.*

Q Vidam in acie, quum strictum iam ensē in hostem esset infixurus, quoniam interim signum datum est receptui canens, non infixit. Roganti verò cuidam, cur hostem quē in potestate habebat, non occidisset? Quoniam, inquit, melius est parere Imperatori, quàm hostem occidere. Exemplum disciplinæ militaris, à qua (immane) quantū recesserunt, qui sub belli titulo mera exercent atrocinia. Olim non licebat ferire hostem, nisi ruba dedisset signum: eadem simulatque cecinerat receptui, homicidij crimen erat hostem interemissee. Plut. in Lacon:



*Clearchus.*

Militum auribus subinde solebat inculcare: Militi magis esse metuendum imperatorem, quàm hostem. quæ vox mortem minabatur militi, qui parum grauiter se gessisset in prælio. Honestius autem est cum laude vitâ impedere patriæ, quàm cum dedecore pœnæ. Hoc dictum non quiuus milites laturos sint: sed hi facile ferebant, quibus matres domi solebant edicere, vt aut victores cum armis redirent, aut mortui in armis referrentur. Valer. Max. lib. 2. cap. 8. & Frontin. lib. 4. cap. 1.

*Epaminondas.*

Quum studeret Epaminondas Bœotos, orto dissolutiores, continenter in armis habere, simul vt Bœoti de belli duce creando cogitarent, his verbis illos adhortabatur, Posthac consultate viri, nam si ego militiæ præfectum agam, vobis militandum est, adimens illis spem otij sub tali imperatore. Plut. in Græc. apoph.

*Idem.*

Idem scutatum militem senserat à capriuo quodam magnam pecuniarum vim acceperisse. Huic Epaminondas: Mihi, inquit, redde clypeum: tibi verò cauponâ emito, in qua vitam degas. Posthæc enim noles eodem modo sobire periculum, quippe iam vnus de numero diuitem ac beatorum recedè indicauit, timidum (vt est in proverbiis) esse Plutum. Magis enim metuit mortem, qui dum habet vnde possit suauiter viuere. Plutarchus in Græc. apoph.

*Lamachus.*

Lamachus castigauit quendam è ducibus, qui deliquerat, & quum ille dixisset, In posterum isthuc non committam: Non licet, inquit, in bello bis peccare. Error enim in bello mors est. Plut. in apoph. Stob. ser. 72. Ant. in Melissa, par. 1. ser. 67.

*Lyfander.*

Infrà de Suspicionē vitanda.

*Brasidas.*

\* In milite tria requirebat, velle, vereri, ducibus obedire. Thucyd. l. 5.

*Pyrrhus.*

Pyrrhus ei cui delectum militum commiserat, dixisse fertur: Tu grandes elige, ego eos fortes reddam. Significas, institutione fieri bonum militem. Fertur autem Pyrrhus disciplinæ militaris optimus fuisse Magister. Plut. in apoph. Frontinus l. 4. c. 1. stratagemar.

*Hannibal.*

Quum Romanorum legati conditio-nes pacis retulissent apud Carthaginenses, & Gisco quidam ausus esset suadere bellum cum Romanis tedintegrandum: Hannibal indignè ferens hominem imbellem de rebus arduis loqui, adhuc dicentem è suggesto deturbauit. Hoc factum tam violentum in libera ciuitate demirante & indignante multitudine, Hannibal conscenso suggesto dixit, neminem inirari debere, si qui à primis statim annis Carthaginem reliquisset, interim ætatem omnem in bellis & armis transgessisset, minus nosset urbanas consuetudines. hoc præfatus, pacem suadere cepit & persuasit. Plut. in Hannibale.

*Scip. Maior.*

Percontanti cuidam in Sicilia, quare frētus elassem educere pararet in Africam? ostendit viros armatos trecentos, sese exercentes, præterea turrim excelsam mari imminentem, & ait: Nullus horum est, qui non consensu turri semet in mare præcipitatus sit, si iussero. Sentiens, non perinde referre quàm numerosam educas multitudinem, modò fortis dux educat exercitatos, & dicto audientes. Plut. in Rom. apoph.

*Scipio minor.*

Postquam venit in castra, multrâ-que

que illie licentiam, lasciuia, superstitutionem ac luxum offendisset, diuinis ac sacrificis cum lenonibus protinus eiecit: quin & vasa omnia iussit amoliri, excepta olla, veru & poculo fictili. Ex argenteis, poculum librarum non amplius duarum permisit, si quis habere veller: balneis vti vetuit. Qui vngerentur, iussit vt ipsi sese fricarent, iumentis enim, qui manibus carer, opus esse alio à quo fricentur. Edixit, vt milites stantes pranderent obsonium nō igni coctum: cenarent autem discumbentes, panem, aut pulcem solam, & carnes assas, siue elixas. Ipse verò sago circunctus, obambulabat per exercitum, dicens, Se lugere exercitus decorum. Plut. in apoph.

*Paulus Aemilius.*

Quum Paulus Aemilius in exercitu multam confidentiam ac loquacitatem comperisset militum, officia ducum sibi vendicantium, reliquas non necessarias curantiū: iussit illos quiescere, nec aliud quicquam agere, quā vt enses suos acuerent, cetera sibi fore curae. Nocturnas autem excubias iussit illos sine lanceis, sed cum gladiis agere, quo nimirum adempta spe depellendi hostem, tanto acius pugnarent cum somno. Plut. in apoph.

*Idem.*

\* Militi dicebat hec tria esse curanda: corpus, vt quā validissimum & pernicissimum haberet: arma apta: animus ad subita imperia paratus: cetera diis immortalibus & Imperatori curae esse. Liuius lib. 44.

*M. Atilius.*

Quum exercitus Romanus terga daret Samnitibus, M. Atilius consul equo praeuertens ad portam castrorum edixit, vt quicumque miles ad vallum tenderet, siue Samnis esset, siue Romanus, pro hoste haberetur. Quod pergis, inquit, miles? Hic arma & viros

inuenies, nec viuo consule tuo nisi victor castra intrabis. Proinde elige, cum ciue an cū hoste pugnare malis. Erasmus lib. 6. apoph.

*Scip. Africanus.*

Africanus censor tribu, monebat centurionem, qui in Pauli pugna non adfuerat ille quum diceret, se custodie causa in castris remansisse, rogaréque cur ab eo notaretur: Non amo, inquit Africanus, nimium diligentes. Dissimulauit centurionis ignauiam, & accusauit nimium diligentem custodiam. Erasmus lib. 6. apoph.

*Serg. Galba.*

In grauissimis bellis seuerissima disciplina habuit milites suos: adeo vt simulatque venisset in castra, protinus vulgaretur ille Trochaicus: Disce milites militare: Galba est, non Getulicus. Erasmus lib. 6. apoph.

*Alexander Severus.*

In expeditionibus, si quis de via in alicuius possessionem deflexisset, pro qualitate loci fustibus, aut virgis cedebatur, aut alioqui condemnabatur. Si dignitas personae tales poenas non recipiebat, grauissimis contumeliis afficiebatur, quum diceret: Velle in hoc in agro tuo fieri, quod facis in alieno? Clamabat saepius, quod à Christianis audierat, idque per praconem quoties aliquem emendabat, dici iubebat: Quod tibi fieri nolis, alteri ne feceris. Quid nunc dicemus de militibus Christianis, qui siue quod eant, siue redeant, furantur, rapiunt, constuprant, pulsant, abigunt pecora, peruersis vasis sinunt effluere vinum? Quid multis? Crudelius tractant suos quā hostes. Et hoc hodie, si superis placer, appellatur ius militare, & ad haec conuiuent principes. Erasmus ex Emilio Lampridio.

\* Quibus haec addemus etiam ex probatis historicis, Liuius, Tacitus, Curtius,

& aliis collecta, & ad nostri seculi militiam disciplina exutam accommodata. Emunt duces militem, non legunt. Pecuniola proponitur, tympanum strapit: & ecce coeunt aliquot ignoti inter se, ignorantēque purgamenta vrbium suarum, quibus ob egestatem & maxima flagitia peccandi necessitudo est, assueti latrociniis, bellorum insolentes, quorum lingua vana, manus rapacissimæ, gula immensa, pedes fugaces, quæ honestè nominari non possunt, inhonestissima, nullam disciplinæ formam nec extrema quidem eius lineamenta seruantes, lasciuientes certatim, inter quos omnia indisposita, temulenta, peruigiliis Veneris ac Bacchanalibus quàm disciplinæ & castris propiora. Hinc in procinctu & castris habentur, sed per municipia desides, hospitibus tantum metuendi, effundunt se in luxum, epulas & nocturnos cœtus: Ibi circumferri mœrum largius iubent, debellaturi super mensa Alexandrum: suas vires extollere docti, hostium paucitatem contemnere: cæterum galeati lepores, & quibus vt ad populandum finitimorum agros, testæque vrenda, & capiendæ pecora aliqua vis sit, ita in acie & signis collatis nulla vis est, nec in victoria eis decus, nec in fuga flagitium. Vt omnia paucis: Exercitus lingua quàm manu promptior, prædator è sociis, & ipse hostium præda.

*Idem.*

Quum Antiochiam venisset, ac milites qui lauacris ac muliebribus deliciis vacauerant, in vinculis duci iussisset, orta seditione ab ea legione, cuius socijerant in vinculis, tribunal ascendit: ac victis omnibus, ad tribunal adductus, circumstantibus militibus, & quidem armatis, grauiter illos admonuit, vt meminissent Romanæ disciplinæ.

Quum loquentem milites tumultu interpellarent, nihil conterritus, iussit vt tales voces ederēt aduersus hostes, non aduersus Imperatorem: minatus exautorationem, nisi quiescerent. Ad hæc, quū vehementius etiā fremerent ac ferro quoque minarentur: Deponite, inquit, dextras, contra hostem erigendas, si fortes estis, me ista non terrent. Quū non desinerent fremere, exclamauit: Quirites discedite, atque arma deponite. Mox omnes, non armis tantum, sed & sagulis militariibus depositis recesserunt, non in castra sed in varia diuersoria. Post tamen eius legionis militibus fidelissimis vsus est. *Ælius Lampridius.*

*Idem.*

\* Disciplina maiorum, inquit, reipub. tenet, quæ si dilabatur, & nomen Romanum & imperium amittemus. *Lamprid.*

*Auid. Cassius.*

\* Solebat dicere, Miserum esse eum exerceatur athletæ, venatores, & gladiatores, non exerceri milites: quibus minor esset futurus labor, si consuetus esset. *Vulcat.*

*Theodericus rex.*

\* Extat eius insigne dictum in formula ducatus Retiarum libr. 7. Variarum Cassiodori, de militum disciplina. Milites, inquit, tibi commissi viuant cum prouincialibus iure ciuili, nec insolenscat animus qui se scit armatum: quia clypeus ille exercitus nostri quietem debet præstare Romanis.

*Aurelianus.*

Cum à vicario suo literas accepisset, quibus efflagitabat vt rescriberet, quomodo res gerenda esset, statim rescripsit huc in modum: Si vis tribunus esse: imò si vis viuere, manus militum contine: nemo pullum alienum rapiat, ouem nemo contingat, vnam nullus auferat. *Vopiscus in Aureliano.*

*De*

## De minis.

*Chilon.*

**D**icere solebat, nulli minandum esse, non solum quod mulierum videatur esse potius quam virorum, verum etiam quod minitari ei cui velis nocere, est inimicum admonere ut sibi caueat, tibi que ipsi lædendi facultatem adimere. Amicis autem minari, parum est humanum. Rectè tamen minamur, quoties aliquem hoc remedio correctum esse cupimus, & hac poena decreuimus esse contenti. Laer. lib. I. cap. 4.

*Socrates.*

\* Ut tonitrua pueros inprimis, ira minas stultos territare dicebat. Stob. serm. 4. de Imprudentia.

*Diogenes.*

Dicente ei quodam valde iactanter, vno ego ictu caput tibi perfringam: At ego, inquit, à sinistris astans te tremere faciam. Laert.

*Agathocles.*

Infrà de Vltione & vindicta.

*Polydorus Alcamenis F.*

Cùm audiret quendam in hostes minas effundentem: Non intelligis, inquit, te maximam vindictæ partem frustra consumere? Qui enim statuit inimicum vlcisci minis, nil aliud efficit, nisi ut præmonito inimico, sibi minuat lædendi oportunitatem. Plutarch. in Lacon.

*Dercyllidas.*

Orator missus ad Pyrrhum Epirotarum regem, qui iam exercitum in regionem Spartanorum induxerat, ut cognoscerent, quid sibi veller: cùm Pyrrhus diceret, ut regem suum Cleonymum reciperent, hunc in modum respondit: Si Deus est Cleonymus, non timemus ipsum, nihil enim sceleris in eum commissimus: sin homo est,

profectò nihilo nobis præstantior & bellicosior. Quo dilemmate irrisit superbas regis minas. Qui enim superbè minantur aliis, videant ne id quod aliis minantur in ipsos recidat. Plutarchus in Lacon.

*Epictetus.*

\* Si quem, inquit, cum minis & impetu volueris aggredi, memento præmeditari humanum esse tibi mansuetumque ingenium, & quod pœnitudo damnumque te sequutura sint, si quicquam impiane commiseris. Sto. ser. 10.

*Philippus.*

Multa quæstus apud Romanorum legatos de moribus & calumniis Thessalorum, tandem elatus ira, hanc vocem adiecit, Nondum omnium dierum solem occidisse. Hic sermo non Thessalis modò, verum etiam Romanis suspectus, vtriusque gentis fremitum excitauit. Tir. Liu. 4. Decad. lib. 9.

*C. Caesar.*

Vide suprà Litigare, contendere, aut ludere cum potentioribus periculosum.

## De misericordia.

*Phocion.*

**N**ec ex templo aram, nec ex humana natura misericordiã tollendam esse dicebat. Stobæus ser. I. de virtute.

*Demosthenes.*

\* Iustum est, inquit, misereri, non improborum hominum, sed eorum qui immerito infelices sunt. Stobæus serm. 44.

*Xerxes.*

\* Videns Hellespontũ nauibus suis constratum, omnia littora atque Abydenorum plana hominibus referta, iactauit se beatum, moxque misericordia ductus fudit lachrymas, Artabano causam huius mutationis querenti, dicebat



cens, subiit animum meum cogitatio quàm brevis sit hominum vita, quando ex tam numerosa hominum multitudinem post centesimum annum nemo superfuturus est. Herod. lib. 7.

*Agessilas.*

\* Audiens, in bello ciuili Grecorum multos hinc inde cecidisse in pugna, & Spartanos esse victores, nullo lætitiæ signo dato, sed misericordia ductus, ingenti edito gemitu, Heu Græciam, inquit, quæ tot milites bello intestino perdidit, quæ ei si incolumes sint ad debellandos barbaros sint satis. Plu. in apoph.

*Senatores Constantinopolitani.*

\* Leo, Basilij Macedonis Imperator, filius, per calumniam in carcerem coiectus fuerat. In palatio Phittacus in cauea suspensa degebat, vociferari solitus, heu, heu, domine Leo. Quodam die Basilij Senatores quosdā ad conuiuium vocauit, qui quum auem cantum illum sæpius repetentē audirent, misericordia & mœstitia oborta, cibo potuq; omisso assederunt, lacrymantē. Sciscitatus causam Imperator, Qui (inquiunt) cibum capiamus, voce huius ausi obiurgati, nos qui rationis compotes & dominorum studiosi credimur? Bruta hæc ausi domini sui nomen inuocat, nos luxui dediti insonitum obliuioni mandamus. His verbis mitigatus Imperator, Leonem carcere eductum pristinae dignitati restituit. Cedrenus in Annal.

## De moderatione animi.

*Chilon.*

**E**ius dictum est, ita moderandam esse vitam, vt nec inferioribus sis terrori, nec superioribus despectui. Metui à subditis, tyrannicum est: negligendi verò est, sic agere, vt à maioribus contemnaris. Hoc & ad æta-

tem referri potest. Sic temperandi mores, vt à iunioribus ameris potius quàm timearis, à maioribus non contemnaris. Immodica seueritas parit terrorem: somnolentia, violentia, incogitantia, similiaque vitia gignunt contemptum. Potest & ad fortunam accommodari, quæ si sit vehementer ampla, parat qui metuant citius, quàm qui ament aut reuereantur: sin humilior, patet contemptui. Mediocritas igitur hic quoque est optima. Aufonij carmen sic habet:

*Nolo minor me timeat, despiciat maior.*  
Eras. ex Laert. lib. 1. cap. 4.

*Socrates.*

Quum ei relatum esset, Quidam de te malè loquitur: Verberet me etiam, inquit, modò absentem. Max. serm. 10. Idem.

Quidam à Socrate salutaris, non resalutauit, sed hoc nequaquam molestè tulit Socrates: amicis autem admirantibus, & ob hominis inciuilitatem indignantibus dixit: Si quis nos præteriret, peius affectus corpore quàm nos sumus, nequaquam illi succensere-remus: cur igitur illi succensere, qui peius affectus est animo, quàm nos sumus? Eras. lib. 3. apoph.

*Idem.*

\* Aiunt eum, colapho percussum, nihil amplius dixisse, quàm molestum esse, quod nescirent homines quando cum galea prodire deberent. Seneca, lib. 3. de ira, cap. 11.

*Diogenes.*

A caluo quodam conuitiis affectus: Tibi contumeliam, inquit, non dico, sed capillos tuos laudo, quòd malam effugerint caluam. Max. ser. 10.

*Idem.*

Proditori cuidam ei maledicenti, Gaudeo, inquit, me facturum inimicū tuum, non enim inimicis, sed amicis malefacis. Max. ser. 10.

*Zeno*

*Zeno Citiueus.*

Cum esset à quodam interrogatus, quomodo affectus esset erga conuiuium? Perinde, inquit, atq; si legatus absque responso dimittatur. Significans, eos qui non habent, quod respondeant, ad conuiuium solere confugere: eaque non pluris oportere fieri, quam si nihil esset responsum planè. Laert. lib. 7. cap. 1.

*Cleanthes.*

Sofitheus poëta coram populo Cleanthem præsentem hoc carmine proscidit,

*Ὁ Κλεάνθης μωρία βονλάτῃ.*

Id est,

*Quos Cleanthis fatuitas agitat.*

Tanto conuiicio tactus, nil quicquam mutauit de vultu. Qua patientia delectati auditores, applaudentes philosopho, Sofitheum eiecerunt. Cum Sofitheus diceret, se pœnitere quòd illum aspersisset: respondit Cleanthes, Absurdum fore, si cum poëtæ frequenter illudant Libero patri & Herculi, nec illi succenseant; si ipsi ob leue conuiuium indignaretur. De diis enim multa probrosa scripsere poëtæ, vii cum Bacchum faciunt mollem, timidum, ac temulentum; Herculem faciunt seruientem Omphalæ, vsq; ad sandalia, commitigatum caput. Laert. lib. 7. cap. 1.

*Aristippus.*

Confutatus in disputatione à quodam audacissimo homine, furioso & stolido, cum videret illum inflatum ac gestientem ob partam victoriam: Ego quidem, inquit, redargutus ab eo, sed suauius dormiturus te, qui redarguisti. Laert. lib. 2. cap. 8.

*Antigonus.*

\* Nihil facilius fuit Antigono, quàm duos manipulos duci iubere, qui intumbentes regio tabernaculo faciebant quòd homines & periculosissimè & libentissimè faciunt, de rege suo matè existimantes. Audierat omnia An-

tigonus, utpote cum inter dicentes & audientem palla interesset: quam ille leuiter commouit, & longius (inquit) discedite, ne vos rex audiat. Idem quadam nocte cum quosdam ex militibus suis exaudisset omnia mala imprecantes regi qui ipsos in illud iter & inextricabile lutum deduxisset, accessit ad eos qui maximè laborabant, & cum ignorantes à quo adiuuarentur explicuisset, Nunc (inquit) maledicte Antigono, cuius vitio in has miseras incidistis: ei autem bene optate, qui vos ex hac voragine eduxit. Idem, tam mihi animo hostium suorū maledicta quàm ciuiū tulit. Itaque cum in paruo quodam castello Græci obsiderentur, & fiducia loci contemnentes hostem; multa in deformitatè Antigoni iocarentur, & nunc statuerā humilem, nunc collisum nasum deriderent: Gaudeo (inquit) & aliquid boni spero, in castris meis Silenum habeo. Cum hos dicentes fame domuisset, captis sic usus est, ut eos qui militiæ viles erant, in cohortes describeret, ceteros præconi subiiceret: id quoque se negauit facturum fuisse, nisi expediret his dominum habere, qui tam malam haberent linguam. Senec. lib. 3. de ira, cap. 22.

*Isocrates.*

Cum quidam apud eum obrectatoris sermonem referret, ac diceret, me præsentem, ille hæc in te maledicta spargebat, Nisi tu, inquit, libenter audisses, nunquam conuiuiatus esset. Max. ser. 10.

*Xenocrates.*

Ingratitudinis à Platone insimularus, nunquā indignatione iræ commotus est, sed & illi qui ipsum ad respondendum Platoni instigaret: Hoc inquit, quod nunc facio, mihi bonum atque commodum est. Et prudentissimè homini silentium imposuit. Ælian. lib. 14. de Var. hist.

*Chrysippus.*

*Chrysippus.*

Quodam ei dicente, Amicus clanculum te morder, & conuiciatur: Hominem, inquit, ne arguito, quoniam idem palam facturus est. Max. ser. 10. & Anton. serm. 53.

*Idem.*

A quodam improbo multis affectus conuiciis: Optimè, inquit, fecisti, quòd nihil eorum quæ in te sunt, præterieris. Max. ser. 10.

*Philemon.*

Nihil neque suauius, neque musicæ conuenientius esse dicebat, quàm posse conuiciantem ferre. Etenim conuicium facientem, si qui conuicio afficitur dissimulet, in ipsum conuicium redundat. Max. ser. 10.

*Demonax.*

Sophista quidā cūm Demonastem accusaret, diceretque, Cur me toties tam acerbè calumniaris? Quia, inquit Demonax, non contemnis malè loquentes. Max. ser. 10.

*Moschion.*

Multorum improborum calumniis peti, neque indecorū neque detrimentosum esse dicebat. At ab vno aliquo bono vituperari, & decorum & commodum esse iudicabat. Max. ser. 10.

*Arcefilaus.*

Cūm honestos viros ad cœnam invitasset, accumbentibus omnibus, & cibum iam gustare volentibus, videns abesse panem, Quàm, inquit, res est apta conuiuiis apparandis, esse sapientem. Dedit vir prudentissimus philosophicæ moderationis exemplum, qui non incandescere iis, qui pro officio mensam necessariis rebus ornare debebant. Laert. lib. 4. cap. 6.

*Agisilaus.*

Eos à quibus odio prosequeretur clandestino, in duces belli eligebat, magistratus factos euehebat, si quid in eo improbè ageretur parocinabatur,

atque hac arte reddebareos ex clandestinis hostibus amicos. Quid hæc animi moderatione pulchrius fuit? qua mederi maleuolis maluit quàm vlcisci. Plut. in apoph. Lacon.

*Idem.*

Cūm quidam Agesilaum Lacedæmoniorum regem interrogasset, quid apud Spartanos Lycurgi leges profuissent? moderatè respondit, Omnium voluptatum docuerunt contemptum. Plut. in Lacon.

*Idem.*

Cūm Persarum nummi sagittarium haberent insculptum, Agesilaus ex Asia soluens, ait, se triginta sagittariorum millibus fugari, tot enim Daricorum aureorum millibus Athenas ac Thebas deportatis, ac in plebis moderatores distributis, Timocrates effecerat, vt omnes hostilem animum aduersus eum milites susceperent. Plut. in Lacon.

*Idem.*

Postquam Agesilaus ingenti strage fecisset Corinthiorum vires, eosque intra mœnis compulssisset, multis hortantibus vt urbem oppugnaret: negauit id suæ virtuti conuenire, qui peccantes ad officium cogeret, non qui nobilissimas Græciæ vrbes subuerteret. Et hoc vt est eximie cuiusdam moderationis, ita quod adiecit, admirabilem viri prudentiam arguebat: Si, inquit, eos extinguere voluerimus, qui nobiscū aduersus barbaros steterunt, ipsi nos expugnauerimus vel quiescentibus hostibus, qui subuersis sociis, nullo negotio, quando volent, nos oppriment. Plut. in Lacon.

*Agis.*

Quodam dicente, Philippum effecturum ne Lacedæmonii patèret iter in Græciam: Nobis, inquit Agis senior, o hospes nostra patriæ sufficit ad illic viuendum. Pectus ad vtrumque paratum,

paratum, & ad proferendum imperium si contingat, & ad boni consulendum fortunam licet medioerem: cum principum vulgus nec quod obrigit sapienter administrent, nec vllis satientur ditionis accessionibus. Plu. in Lac. apoph.

*Agésilauus.*

Lysandro defuncto, Agésilauus numerosam sodalitatem aggregatam comperit, quam ille ex Asia domum reuersus, statim contra Agésilauum instituerat. Id primum indignè ferens Agésilauus, destinarat omnibus ostendere, cuiusmodi ciuis Lysander, dum viueret, fuisset. ac perfecta oratione quadam quam moriens Lysander post se reliquerat de rebus nouādis, & mutatione rerum in Rep. quoniā arguebat Lysandrum perniciosum fuisse ciuem, ac seditionis audum, euulgare voluit. Atramen cum ab Ephoro quodam sene ac rerū perito intellexisset, hoc non bonum fore, ait: Nolumus refodere Lysandrum, ne in mortuos fatiire videamur frustra. Plut. in Lacon.

*Pelopidas.*

Cum fortis quidam miles per calamitiā apud ipsum deferretur, vt qui ei conuiciatus esset: Equidem dixit, facta eius respicio, verba autem non audiui. Stob. ser. 40. Ant. in Melis. part. 1. ser. 53. Max. ser. 10.

*Hippocratidas.*

Suprà de Ingratitudine.

*Polydorus.*

Suprà de Bono belli duce.

*Demaratus.*

Cum Persa quidam crebris muneribus puerum, quem amabat Demaratus, tandem abduxisset, atq; id iactitans apud illum dixisset, ô Lacon, venatus sum amasium tuum: Per deos, inquit, non tu sanè venatus es, sed mercatus. in iocum vertens contumeliam. Plut. in Lacon.

*Theopompus.*

Vxori obiurganti, quodd regnū humilior ac minus esset filius traditurus quam accepisset: Haecenus igitur, inquit, maius, quod diuturnius. Quae moderata sunt, in longum tempus durant, & hoc ipso meliora sunt. Plut. in Lacon.

*Philippus.*

\* Demochares ad illum Parrhesiastes, ob nimiam & procacem linguam appellatus, inter alios Atheniensem legatos venerat. Audita benignè legatione, Philippus, dicite mihi, inquit, facere quid possum, quod sit Athenisibus gratum. Excepit Demochares: Te, inquit, suspendere. Indignatio circumstantium ad tam inhumanum responsum exorta est: quos Philippus conticescere iussit, & Therstem illum saluum incolumēque dimittere. At vos ceteri legati, inquit, nunciate Atheniensibus, multo superbiores esse qui ista dicunt, quam qui impunè dicta audiunt. Senec. l. 3. de ira, c. 23.

*Psammetychus.*

Quum videret Cyri milites per urbem captam discurrentes, percontatus est Cyrum, quid agerent? Quumque is respondisset, Diripiunt urbem tuam, opesq; tuas populantur: Nequaquam, inquit, ô rex, nihil iam hinc meum est, tuum est quod diripiunt. Ea vox commouit Cyrum, vt suos à dirèptione reuocaret. Eras. l. 6. apoph.

*Pompeius.*

De se liberè profitebatur, quodd omnem magistratum quem gesserat, & citius esset nactus quam ipse expectasset, & citius deposuisset, quam ab aliis expectatum esset. Quodd citò suscepisset imperium, vel fortunè fuit, vel prematuræ virtutis: quodd maturè deposuit, animi moderati erat, non ad tyrannidem spectantis, sed ad reipublice commodum. Plut. in Rom. apoph.

*Augu-*



*Augustus Cæsar.*

\* Timagenes historicus multa conuicia in eum & eius domum voce & scriptis effutuerat, deinde apud Asinium Pollionem diuerterat, ubi de Cæsare Augusto historias scriptas in ignem posuit. In vrbe Roma Cæsar maledicum homuncionem tulit patienter, & duntaxat Pollioni, dixit, *de γονοπέτῃ*, id est, feram alis. Paranti demum excusationē obstitit. Fruere, inquit, mi Pollio, fruere. Et cū Pollio diceret, si iubes Cæsar, statim illi domo mea interdicam. Hoc me, inquit Augustus, putas facturum, cū vos in gratiam reduxerim? Vides quid potentissimus monarcha fecerit, & quanta animi moderatione sit usus. Sen. lib. 3. de ira, cap. 23.

*Fl. Vespasianus.*

Syluius liberalis, quum in defensione diuitis rei obliquē mordens dixisset, Quid ad Cæsarem, si Hipparchus sestertium millies possidet? Notans Vespasianum, velut inhiantem rei facultatibus: Cæsar non modò, nō offensus est, verum etiam dictum approbavit, quasi simpliciter prolatum. Suet.

*Alexander Seuerus.*

Epigrāma quod in laudem Pescenij Nigri fuerat ascriptum illius statuę ad viuum effictę, quum præfecti suaderent eradendum, Seuerus noluit, dicens: Si talis fuit, sciant omnes qualē vicerimus: si talis non fuit, putent nos omnes talem vicisse. *Ælius Spartanus.*

*Otho imp.*

Iam moriens, vocauit ad se Cocceium fratris sui filium, quem sic admonuit: O fili, habuisse te patrum Cæsarem nec prorsus obliuiscaris, nec admodum memineris. Docere autem voluit adolescentem, ubiq; moderandum esse animum: vt si cogitaret se patrum habuisse imperatorem, virtutē amplecteretur, ne de honestamento

esset antecessoribus: & interim tamen non adeò superbiret, vt alios præ se contemneret. Suet.

*Idem.*

Vbi iam mori destinasset, sensit eos qui ab ipso deficere & abire cœperant, pro desertoribus corripi ac detineri. Itaque vetuit ne cuiquam fieret iniuria, dicens: Adiciamus vitę & hanc noctem, & in profundam vespēram vsque patente cubiculo, si quis adire veller, potestatem sui conueniendi fecit. Sueton. in vita Otho. Syluij.

*Huc aliqua ex parte pertinent apophth. de Clementia, Ira remittenda, Humanitate, Mansuetudine, Patientia, Iniuria, Victoria moderatione, Visione neglecta, &c.*

## De modestia.

*Socrates.*

\* **I**N nauigando gubernatori, in viuendi ratione melius ratiocinātū parendum esse dicebat. Ant. & Max. ser. de animi humilit.

*Liuius.*

Liuius Augusti Cæsaris vxor, interrogata quibus rationibus Augustum sibi subiecisset? respondit, multa modestia, quod ea quę placerent Augusto, faceret libenter: quodque se scire dissimularet, quibus ille robus domi frueretur. Dion in Tiberio.

*Alphonfus.*

Lucas Medicus, orator omnium clarissimus, cū oratione membrīs omnibus absolutissima, Alphonfi regis innatas virtutes decantasset, rex hæc audiens: Si vera sunt quę de me prædicasti, inquit, diis immortalibus merito gratias ago: sin minus, vt isthæc faciāt, oro & obsecro. Laudanda principis honestissimi modestia. Panorm. lib. 1. de rebus gestis Alphonfi.

De

De modestè dictis.

*Pythagoras.*

Postquam venisset Phliutem, & cum Leone Phliasiorum principe doctè & copiosè quædam disseruisset, Leo ingenium & eloquentiam hominis admiratus, quæsiuit ex eo, Quæ maxima arte consideret? cui Pythagoras respondit: Se nullam quidè artem scire, sed esse philosophum, id est, sapientiæ studiosum. huius verecundia, sapientis cognomè arrogans, quod se prius vendiderant *σπουδῇ*, vertit in titulum modestiæ. Eras. l. 7. apoph.

*Socrates.*

Socratis illud omnium maximè celebratur, quod dicebat, Se nihil scire, nisi vnum, quod nihil sciret. Inquirebat enim de singulis, tanquam ambigens, non quod reuera nihil haberet certò cognitum: sed hac ironia & suâ declarabat modestiam, & aliorum redarguebat arrogantiam, qui se profitebantur nihil nescire, cum reuera nihil scirent. Sophistæ quidam publicè profitebantur, sese ex tempore responsuros ad omnem propositam materiam: horum arrogantem inscitiam sæpenumero confutabat Socrates. Atque ob hoc ipsum, ut ipse quidem interpretatur, ab Apolline iudicatus est sapiens: quod quamvis omnium rerum ignorantiam cum cæteris haberet communem, eo nomine tamen illos superaret, quod suam inscitiam agnosceret, cum illi hoc quoque nescirent, se nihil scire. Eras. lib. 3. apoph.

*Anonyma.*

Quum se contulisset Corinthum, anicula quædam diu attentè illum inspexit, nec dimouebat ab illo oculos, admiranti similis, quumque ille dixisset, Quid vis mater, & quam ob causam me sic aspicias? Demiror, inquit, si

te mater decem menses pertulit in utero, quum hæc ciuitas vnicū tantum diem habens te doleat. Eras. l. 6. apoph.

*Arcefilaus.*

Si quando probabat aliquid dicere solitus est, *οὐκ ἴστω*, id est, aio, siue mihi videtur, siue fateor. Si quid displicebat, dicebat, *ὁ συγκαταθῶνται τοῖς τοῖς ὁ δὲ ἴστω*, id est, his non assentietur ille, nominato quopiam: simul & asseuerando seruans modestiam, & in contradicendo fugiens inuidiam. Laert. l. 4. c. 6.

*Aristoteles.*

Admonebar, neminem de se debere prædicare, vel in laudem, vel vituperationem: quod illud esset hominis vani & inanis, alterum stulti ac vecordis. Laert. l. 5. c. 1.

*Agésilæus.*

Cum ex Ægypto in patriam proficisci veller, in portu Menelai morbo lethali correptus est, verum cum iam mortis hora instaret, suis prohibuit, ne corporis sui imaginem vel statuam in honorem eius erigerent. Si quod inquit præclarum facinus gessi, hoc erit monumentum mei, si minus, ne omnes quidem statuæ illustrabunt mei memoriam. Plut. in Lac.

*Idem.*

Audiens Megarensensem adolescentem multa iuueniliter de sua ciuitate iactantem: Sermones, inquit, tui opus habet magnis viribus. Modestè reprehendit adolescentem, qui magnificè quidem loquebatur, viribus autem careret. Plut. in Lacon.

*Antakidas.*

Cum in Samothracia sacris initiaretur, interrogatus à sacerdotum antistite, quidnā præclari gessisset in vita? Si quid, inquit, feci quod laude dignū est, deos nequaquam latet. Et sic modestè tacuit, ne se vel immodicè laudare, aut turpiter vituperare diceretur. Plut. in Lacon.

*Theopompus.*

*Theopompus.*

Suprà de Ambigüe dictis.

*Alexander.*

Videns diuinos sibi honores tribui, vulneratus in bello ait, Cur me deum vocatis, qui me videtis sanguinolentum ac vulneratum sentire humanam imbecillitatem? Plur. in apoph.

*Augustus Caesar.*

Si quando filios suos dimitteret ad peregrinos, modestè eos sic hominibus commendauit, vt benefacerent, si mererentur. Suet.

## De modo & mediocritate.

*Pittacus.*

**A**unt dicere solitum, Dimidium plus esse toto, de quo dicto multa Erasmus in Chiliadibus. Hoc dictum autem extat apud Laert. lib. 1. cap. 5.

*Solon.*

\* Eius item dictum nobile, & singulis momentis repetendum dictum celebratur, *Μᾶλλον ἢ ὀλίγον*. i. Nequid nimis, quo mediocritatem auream, in omnibus seruandam esse iubet. Laert. & Stob. ser. 3.

*Cleobulus.*

\* Nec minus celebre est illud Cleobuli, *Μᾶλλον ἢ ὀλίγον*. i. Modus optimus: Eandem mediocritatem comendans. Laert. & Stob.

*Socrates.*

Percontatus quænam esset potissima iuuenum virtus? Vt, inquit, ne quid nimium tentent. Calor enim ætatis vix finit illos seruare modum. Laert. in Socrate.

*Democritus.*

\* Si quis modum (inquit) excesserit, iucundissima quæque iniucundissima fient. Stob. ser. 17. Idem ab epicteto dictum est, Ariano teste.

*Vide apoph. de Temperantia.**Aristippus.*

Aristippus Arctam filiam salubribus præceptis instituebat, consuefaciens, vt ubiq; quod immodicum esset comemneret, quod nec diocritas in omni re sit optima: & in scemina maxime virtutis sit, temperare cupiditatibus. Laert. lib. 2. cap. 8.

*Diogenes.*

Cum multis videretur immodicè philosophus, respondit sese imitari chori magistros, qui tonum legitimè excedere solent, vt alij congruum arriperet. Quod enim excedit modum, tametsi vitiosum est, tamen ad excitandam aliorum socordiam conducibile est. Ita pallium ac dolium Diogenis diuitibus suas delicias exprobrabant. Laert. lib. 2. cap. 8.

*Theopompus.*

Suprà de ambitione.

*M. Cato.*

Qui magistratum eundem frequenter ambirent, dicebat velut ignaros viæ, ne aberrarent, liçtores qui præcederent semper quærere. Solebant enim liçtores præire, non vt viam ostenderent, sed honoris gratia. Voluit autem indicare vir prudentissimus, modum etiam in petendo magistratu obseruari oportere. Erasmus lib. 5. apoph.

## De molestia.

*Socrates.*

\* Interrogatus quomodo quis sine molestia vitam ageret: negauit id vilo modo fieri posse. Non enim licet, dixit, ciuitatem aut domum inhabitanti & cum hominibus versanti, sine molestiis degere. Stobæus ser. 97.

*Idem.*

\* Interrogatus quid bonis molestiæ esset? respondit, Prosperitas impiorum. Ant. & Max. ser. de Dolor.

De

De mollitie.

*Bion.*

**C**vidam obicienti, quod adolescentem quendam ad se non pellexisset: Tenellus, inquit, cæsus non attrahitur hamo. Significans, pueros delicatos non esse ad philosophiam accommodos. Laert. lib. 4. cap. 7.

*Zeno.*

Cum mollis adolescens lutosam viam lentè segnitèrque transcenderet: Merito, inquit, suspectum habet lutū, non enim in illo, veluti in speculo licet se intueri. Laert.

*Plato.*

Discipulo nimium effeminato, molli curandæq; cuti deditissimo subridens, Quousque ait, tibi carcerem zdificare perges? Stob.

*Diogenes.*

Suprà de Generatione.

*Idem.*

Videns adolescentem quempiam sese ornantem molliter: Si ad viros, inquit, frustra: si ad fœminas iniustè. Laert. lib. 6.

*Idem.*

Diogeni Cynico cum à compitiore adolescente ac molli proposita esset quæstio, ut eius nodum solueret: Non tibi prius respondendum esse puto, inquit Diogenes, quàm sublatis vestibus ostenderis, vtrum vir sis, an fœmina. Notauit autem ex cultu virili hominis mollitiem. Laert. lib. 6.

*Idem.*

Quum adolescentuli circumstantes Diogenem acclamassent, Canis, canis, ac mox territi fugere cœpissent, rogatque cur fugerent, dixissent, ne mordeas nos canis: Bono, inquit Diogenes, animo sitis, filioli, canis non edit betas. Testè illis ex probas mollitiem. Laert. lib. 6.

*Idem.*

Speusippus quum vehiculo ferretur in Academiam, obuiam habuit Diogenem: cui cum salue dixisset: At tu, inquit nequaquam salue, quia eiusmodi cum sis, non diu viuere elapis. Notauit autem molliem hominis, quæ plerunque multorum morborum causa est, ut labor & exercitium sanitatis. Laert.

*Arcefilaus.*

Diuitem quendam immodicè mollem ac delicatum, capillitio arte composito, oculis volubilibus ac lubricis, quum aliqui castus & integer haberetur, ita perstrinxit. Quid refert, inquit, an auersi cinædi sitis? Sensit autem, mentis integritati corporis etiam habitum & cultum oportere congruere. Laert. li. 4.

*Anonymus.*

Sybarita quidam iter faciens per agros, quum videret quosdam fodientes, dixit, se spectando illos fodientes rupturam capere. Ad hanc vocem auditam quidam ita respondit: At mihi te audienti latus dolet. Tanta erat Sybaritarum mollities, ut nullum opificium in ciuitatem admitterent, quod cum strepitu exerceretur, quod genus sunt fabrorum ferrariorum & lignariorum. Atque ad eò ne gallum quidem gallinaceum in ciuitate fas erat alere, nequid esset quod illis somnum interrumperet. locus autem in hoc erat, quod agricola probabilius dixit, sibi ex tam stulta voce dolere latera, quàm Sybarita dixerat, se ex fossorum ligone sentire rupturam. Latera dolent loquenti, non audienti: & rupturam patitur grauior laborans non spectator. Athenæus lib. 12.

*Cleomenes.*

Nicagoras Messianus, quum in Ægyptum venales equos optimosque adduxisset, factus obuiam Cleomeni

H h

Lacedæ-



Lacedæmonio, antè sibi cognito, salute data, interrogauit: Cur in Ægyptū profectus esset? Quum ille equos optimos, bellóque idoneos se adduxisse, responderet: subridens Cleomenes, Mallem (inquit) mimos & cynædos adduxisses. Notauit autem eo dictorio Ptolomæum, qui mollis & effœminatus inter mulieres viuebat. Plur.

*Anonymus.*

Recitanti quod scripsit Pindarus, Græciæ fulcimentum esse Athenas, Lacon dixit: ruituram Græciam, si tali futura niteretur. Taxauit Atheniensium molliem quæ poëtæ elogio non responderet: aut certe poëtæ vanitatem, qui tali præconio celebrasset indignos. Plur. in Lacon.

*Demonax.*

Proconsul Cynicum quendam, à quo publicè erat proscissus ob molliem, ad supplicium abripi iussit. Huic deprecator erat Demonax, dicens, homini ignoscendum esse ob sectæ vitiū. At cum proconsul non denegaret veniam, rogat tamen quo afficiendus sit supplicio, si in eodem peccato porro deprehenderetur? Demonax, hominē totum inungi, ac forcipe velli oportere, pronuntiabat. Notans libertatem castigandi in Cynico, & molliem accusati, vnguentis enim semper delectabatur. Eras. lib. 8. apoph.

*His cognata sunt apoph. de Vnguētis & Ignantia.*

### De Monitione.

**V**ide Admonitio, Castigatio, Reprehensio, &c.

### De Monarchia.

*Alexander.*

**D**arius obtulit has condiciones Alexandro, vt ab ipso acciperet ta-

lentorum decem millia, & insuper Asiā secum ex equo partiretur. Id cum recusaret Alexander, Ego, inquit Parmenio, accepissem, si Alexander essem: Et ego, inquit Alexander, si Parmenio essem. Dario autem hunc in modum respondit: Neque terram duos soles, neq; Asiā duos reges ferre posse. Et hic animi celsitudinem probare possis, nisi dictum impotentiam quandam dominandi saperet. Sic Plutarchus in apophthegmat. regum & imperatorum. Verum hoc paulo aliter recitat Serinus in Commentariis, cuius hæc sunt verba: Cum Lydis Cræsus imperaret, fratrem in consortium imperij assumpsit: tum quidam ex Lydis accedens, dixit, Omnium in terra bonorum, ô rex, maximum est sol: neque quicquam extaret in terra, sole non illustrante. At si gemini soles forent, periculum immineret, ne omnia conflagentia pessum irent. Ita & regem vnum quidem accipiunt Lydi, & seruatore esse credūt: duos verò simul tolerare non possunt, &c. Stob. ser. 45.

*Socrates.*

\* Ei qui anima nesciret vti dicebat, melius esse vt seruus vitam duceret quàm liber. Esse autem hoc animi, tanquam nauis, gubernaculū tradendum alteri cuiquam, qui didicerit gubernandi homines artem, quam ciuilem quoque, & iudicalem, & iustitiam, vt est, sapius appellabat. Stob. ser. eod.

### De Morbis animi.

*Democritus.*

**D**icere solebat, si corpus animum in ius vocaret, haudquaquam futurum vt ille muneris malè administrati crimē effugeret. Animus in corpore veluti præsidio collocatus est, & tamen pleraque mala corpori ab animo veniunt.

*Anonymus.*

*Anonymus.*

Chryssippi discipulus medicus non ignobilis, Antigoni regis amicum quendam ex nimia intemperantia morbo laborantem, negavit posse sanari, quumq; alter medicus Epirotus Philippus, se sanaturum polliceretur, respondit, illum ad morbum ægri respicere, se autem ad animum ex Cels. lib.3.

## De morbis corporis.

*Socrates.*

\* Interrogatus, quid morbus esset? respondit, Perturbatio corporis. Stobæus, serm.98.

*Plato.*

Dicere solebat, si me interrogares, quo præsentem vel absentem melius habeant corpora? responderem utique, sanitatem præsentem morbo remoto. Ficin. lib. 5. de hominis natura.

*Philosimus.*

Empyone quodam grauitur ex iccinore laborante atque exulceratum digitum ostendente? O bone, inquit, vir, tantum ne tibi superest otij ut de vngularum vlcere sollicitus sis? Plur.

*Alcæon.*

\* Rogatus unde morbi accederent? respondit, alios ob efficietem causam, propter excessum caloris aut siccitatis: alios materialem ob causam, abundante aut deficiente alimento, alios veluti in aliquibus vasis, ut in sanguine, medulla, aut cerebro: aliquando autem ab externis causis eos nasci, propter quasdam aquas, regionem, lassitudinem, rerum penuriam, aut his similia. Stob. ser.98.

*Diogenes.*

\* Earum domotum, in quibus reperitur copia alimenti, multos esse mures & feles: sic etiam corpora quæ multum cibi caperent, multos quoq;

morbos asciscere dicebat. Stob. serm. de Intemperantia.

*Antiphon.*

\* Dicebat morbum esse timidus & ignavis loco festi: quippe qui ægrotantes ad laborem prodire non cogatur. Stob. serm.8.

*Ion, sophista.*

Dicebat, rem morosam esse ægritationem. Nam ægrotus & vxor molesta est, & medicum incusant, & lectulum moleste ferunt. Ex amicis autem, & qui accedit grauis est: & qui discedit, molestus. Sic animus ægrotus & lætis & tristibus offenditur. Philostratus.

*Epaminondas.*

Tempore belli Leuctrici, quum accepisset quendam strenuum virum periisse morbo, per iocum dixisse fertur: Vnde fuit illi moriendi otium in tantis negotiis? Frequenter autem non minima morbi pars est, imaginatio morbi, metusve. Hunc languorem solet excutere negotiorum ardor. Eras. lib.5. apoph.

*Polemon sophista.*

Suprà de iocosè dictis.

*Cicero.*

In Vatinium, qui setophas habebat in ceruice (id est morbi genus) quum causam quandam ageret: Tumidum, inquit, habemus oratorem. Asiaticum autem dicti sunt tumidi. Eras. Rot. lib.4. apoph.

*Vide Aegrotatio, Sanitas.*

## De moribus.

*Socrates.*

Dicere solebat, Neq; vinum austerum aptum esse potioni, neque mores agrestes hominum conuersationi. Sto. ser.4. de Imprudentia.

*Diogenes.*

Muscos in ius vocabat, dicens quod.

Hh 2

lyra chordas congruè aptarent, animi mores negligenter. Laert. li. 6.

*Aeschylus.*

Aliquando spectans Isthmia certamina, quum alter pugilum esset casus, totumq; theatrum exclamaret, O, Chium Iouem fudisti! vide, inquit, cuiusmodi sint hominum mores: celsus silet, & spectatores vociferantur. Solent isti ob dolorem exclamare. Hic contra, qui dolebat silebat: qui læsi non erant, exclamabant. Eras. lib. 6. apoph.

*Augustus Cæs.*

Liuis & Iulia Augusti Cæsaris filiz, in gladiatorum spectaculo cum omnium formosissimæ essent, omnium oculis in se conuertebant, comitatus dissimilitudine. Liuiam quippe cingebat viri graues, Iuliam verò iuuenes lasciuientes & luxuriosi. Augustus igitur pater cum hæc vidisset, intellexit demum quam diuersis moribus filias haberet. Eras. lib. apoph. ex Suet.

*Alphonfus.*

Cum Syracusanum quendam equitem truculentis moribus, hominem barbarum appellasset, atque ille quod præclara patria Græca origine esset, nomen barbari abhorrens, iniquo animo ferre iniuriam videretur: Ego, inquit rex non à patria soleo, sed à moribus barbaros definire. Docuit autem non ex patria vel parentibus, sed ex moribus, ceu leonem ex vnguibus, iudicandum esse. Panorm. li. 1. de rebus gest. Alphonfi.

## De morum diuersitate.

*Socrates.*

**E**Phorus Cumæus, Theopompus Chius, cum diuersis moribus essent, Socrates de his dicere solebat, alterum freno egere, alterum calcatibus. Quintilianus lib. 10. cap. 1. & Cicero li. 1. de Oratore.

*Aristippus.*

Vterq; Dionysium coluit, Aristippus & Plato: sed Aristippus à deliciis aulicis, quum adessent, non abstinebat: Plato, etiam inter regalem luxum, frugalitatem seruare nitebatur. Itaque quum Plato reprehenderet Aristippum, quod adeo lautitiis indulgeret, rogauit, quid sentiret de Dionysio, num vir bonus videretur? quum respondisset, Videri bonum: Atqui ille, inquit, me multo viuere lautius. Proinde nihil verat, eundem & laute viuere, & bene viuere. Laert. lib. 2. cap. 8.

*Philippus.*

Duo erant fratres, quorum alteri nomen Amphoterus, quod Græcis sonat ambo: alteri Hecateros, quod illis sonat vterq;. Philippus animaduertens Hecateron esse cordatum, ac gerendis rebus accommodum, contra Amphoteron ineptum ac degenerem, inuertit illis nomina, dicens Hecateron esse Amphoteron, Amphoteron autem esse Vdeteron, id est, neutrum, significans alterum fratrum, videlicet Hecateron duorum in se virtutes complecti, alteri nihil relictum. Itaque ei qui Amphoterus dicebatur, mutauit nomen in contrarium, vt diceretur, quasi nullius pretij. Plut. in apoph.

*Antipater.*

Dicere solebat, quum duos haberet Athenis amicos: neque Phocioni vnquam persuasisse posse vt acciperet, neque Demadem vnquam dando expleuisse. Plut. in apoph.

## De moribus in melius mutatis.

*Agis.*

**H**istorici narrant, Agidem puerum in summis deliciis esse educatum, sed simulatq; adolescens ad Reipubl.

gu-

gubernacula admotus est, incredibili mutatione, reiectis pristinae vitae voluptatibus, huc totum animum adiecit, Spartam barbarorum ac Græcorum moribus corruptissimam ad pristinam frugalitatem reuocaret: quæ res illi fuit exitij causa. Vtinam autem ceteri principes, quorum prima ætas ferè luxu delictisque corrumpitur, saltem cum Agide tum animum vertant ad bonam frugem, cum regni habenas accipiunt. Plut. in Lacon.

*Iseus sophista.*

Suprà de Luxuria, luxu & voluptate. *Cleomenes.*

Diutino morbo vexatus, expiatoribus ac diuinis cum auscultaret, antè non solitus id facere, quodam id admirante, Quid miraris, inquit? Nō enim idem sum nunc, qui tunc eram: Cum autem non sim idem, nec probo eadē. Elusit ille quidem inconstantia reprehensionem: verum tamen est, non eadem placere seni quæ iuueni placuerant. Plut. in Lacon.

*Idem.*

Arguis profitentibus, se prioris conflictus fortunam, in qua victi fuerant, iterato prælio sarcire velle: Demiror, inquit, Cleomenes, si duarum syllabarum accessione facti estis meliores, quàm eratis prius. Huius apophthegmatis argutia Latine reddi non potest. nam Græcis *μῆκος* pugnare est, *αὐμῆκος* redintegrare pugnam. Inter hæc duo verba nihil interest, nisi quod posterius superat prius duabus syllabis *αὐρα*. Plut.

*Themistocles.*

Adolescens in computationibus ac mulierum amoribus volutabatur. At postquam Miltiades factus imperator apud Marathonem deuicisset barbaros, iam nullus offendit illum quicquā agentem præter decorum. Percontantibus autem, cur mores tam repen-

tè mutasset? Militia (ait) nunc me non patitur cessare atque dormire. Plut. in Themist. & in apoph.

## De moribus mutatis in peius.

*Hybreas.*

**E**Vthydamas rhetor cum aliquando ob oratoriam clarus atque utilis Reip. esset, ad tyrannidem postea inclinabat. Eius amicus Hybreas, illo mortuo, Euthydame ait, Malum es ciuitatis perneccissarium. Nam nec tecum viuere possumus, nec sine te. Bruns. lib. 4. cap.

*Theodorus Gadareus.*

Tiberij in rhetoricis præceptor, animaduertens in puero linguarium ingenium sub specie lenitatis latitans, subinde inter obiurgandum appellauit illum *πλεῖν ἄματι συμπεφυμένον*, id est, lutum sanguine maceratum. Hic initio principatus miram lenitatem præ se tulit, sed progressu temporis ad immanem crudelitatem deuenit. Erasmus 6. apoph.

## De morionibus ac stultis.

*Fridericus Imperator.*

**I**Nterrogatus an moriones in conuiuium intromittendi essent? Neque stultis, inquit, delectari possum, neque superbis esse amicus. Non intelligunt hodie principes Friderici dictum, qui hac hominum facie ita delectantur, ut omnes aule stultorum & morionum sint pleni. Aeneas Sylvius lib. 2. Commentariorum de reb. gest. Alphonsi.

*Alphonsus.*

Quanquam esset liberalissimus, stultos tamen & moriones perarrare admittit, huiusmodi homines cisternæ rimo-



sa per similes dicens, quas ut nullus impleat imber, sic hos nulli quamuis in igni prouentus rerumque compendia exsatiarent. Pontanus de liberalitate.

## De morte.

*Thales.*

**D**icebat nihil interesse inter vitam & mortem: ob id opinor, quoddam utraq; res æquæ esset secundum naturam: nec mortem malam esse magis, quam natiuitatem. Cuidam verò obstrepenti, Cur igitur tu non moreris? false respondit: Ob hoc ipsum, quia nihil refert. Porius enim habetur quod accersitur. Laert. libr. 1. capite. 1. Stob. adscribit Pyrrhoni, ser. 120.

*Bias.*

Cuidam mortem aduocanti in librorum amissione: Cur homo, inquit, ipsam vocas? nonne etiam si non vocaueris, veniet? Max. ser. 36.

*Idem.*

Percontatus, quod genus mortis malum esset? Quod, inquit legibus constitutum est. Senfit autem vir prudentissimus, eam mortem hominibus nequiquam formidandam, quæ secundum naturæ leges inuadit mortales. sed eam potius, quam delictis turpiter & ignominiosè promeriti sunt, qui debitum licitori ac carnifici officium præstata. Maximus sermone 36. & Stobæus.

*Socrates.*

Critoni vehementi studio suadenti, ut si vitam ipse suam negligeret, certè liberis etiamnum paruulis, & amicis ab ipso pendentibus se seruaret incolumem: Liberi, inquit, Deo, qui mihi eos dedit, curæ erunt: amicos hinc discedens inueniam vobis aut similes, aut etiam meliores: ne vestra quidem consuetudine diu cariturus, quandoqui-

dem vos breui eodem estis commigraturi. Eras. libr. 3. apoph. ex Platone & Xenophonte.

*Idem.*

\* Animaduertens amicos qui cum in carcerem sequebatur lugere, Quid hoc est? inquit, Nōne iam dudum sciebatis me, ex quo genitus eram, ab ipsa natura mortui fuisse damnatum? Atqui bonis aduentantibus præripi è vita, mihi nimirum meisq; beneuolis lugendum foret. Si verò malis impendentibus diem obeo, arbitror tanquam pro felicitate quadam à vobis omnibus esse lætandum. Xenophon in apol.

*Idem.*

Cuidam dicenti, Athenienses te morti adiudicarunt, Et illos, inquit, natura. Sentiens non esse magnum malum si quis adigatur ad mortem, paulò post moriturus, etiam si nemo interficiat, Quanquam hoc dictum quidam ad Anaxagoram referunt. Eras. libr. 3. apoph.

*Idem.*

\* Dicebat rectè philosophantes mortem meditari, quæ eis minimè terribilis erat. Plato in Phædone.

*Musonius.*

\* Scitis dictis mortem meditandam sibi & alijs proponebat. Inter quæ & hæc occurrunt. Virtute præditi homines inquit, siquidem conducant, cum paupertate manet in viuus: Sin minus, facillè migrant tanquam ex solenni conuentu ac celebri, ita etiam è vita. Non aliter quam è domo, inquit Bion, exigimur, si locator non accepto pretio locationis fores reuellat, regulam adimat, puteum obstruat: ita etià hoc corpusculo relegor, quando quæ locauit natura, oculos, ademerit, aures, manus, pedes, non moror amplius. Sed Sicut è conuiuio discedo, nihil indignans, itidem è vita. Sicut bonus histrio bene prologum, bene medium fabulæ, nec non bene etiam castatrophæ agit.

agit : ita bonus vir quoque primordia vitæ rectè, & media probè, finemque congruentem his administrat. Et ut pallium ubi detritum fuerit depono, ita non procrastino, nec vitæ tuendæ desiderio flagro: sed & cum liceret adhuc feliciter degere, morior, &c. serm. de virtute.

*Anaxagoras.*

Absens morti addictus est. Id nuntianti, iam olim, inquit, istam sententiam tulit natura æquè in illos, atque in me. Sentiens, Athenienses non minus addictos morti, quàm esset is quem damnarent. Aliis aliud mortis genus obtingit, sed omnibus eadem est moriendi necessitas. Laert. lib. 2.

*Idem.*

\* Duas esse mortis doctrinas dicebat: alteram, tempus antequam nati sumus, alteram somnum. Stobæus serm. 119.

*Diogenes.*

Rogatus num quid mali esset mors? Quo, inquit, pacto malum, cum præsentem non sentiamus, Quod autem abest, nulli malum est: Dum sentit homo, vivit: nondum igitur adest mors, quæ si adsit, abest sensus. Malum autè non est, quod non sentitur. Hanc rationem quidam tribuunt Epicuro. Mors quidem mala non est, sed iter ad mortem miserum est. Id si metuimus, tota hominis vita quid aliud est, quàm iter ad mortem? Laert. l. 6.

*Idem.*

Ei ex vulnere humeri graviter laboranti, vehementique dolore affecto, quidam ex amicis insultabat dicens: Quin igitur mortem obis, ô Diogenes, & te ipsum his damnis liberas? tum ipse respondit: Eos qui scirent, quæ in vita fieri dicique conveniret, in vita manere æquum esse. In quo genere hominum seipsum etiam numerabat. Verùm tibi, inquit, qui neque quid

agendum, neque quid dicendum sit, noueris, opportunum moriendi tempus est. Me verò qui sciam illa, pars est in viuis agere. *Ælian. lib. 10. de Varia historia.*

*Antisthenes.*

Audiens Diogenes Antisthenem grauitè ex morbo decumbere, qui amore huius vitæ morbum molestius ferebat, cum sica ad decumbentem ingressus est, ad quem cum Antisthenes Quis me his doloribus liberabit? Diogenes prolata sica, Hæc, inquit, Contra Antisthenes: Doloribus, inquit, dixi, non vita. Laert. lib. 6.

*Epicurus.*

Dicere solebar, contra cetera omnia aliquid tutum inueniri posse, ac contra mortem omnes nos inhabitare urbem immunitam. Max. ser. 36.

*Idem.*

\* Ridiculum esse dicebat, currere ad mortem radio vitæ: cum genere illo vitæ quod elegisti, ut currendum esset ad mortem effeceris. Item, Quid tam ridiculum, inquit, quàm appetere mortem, cum vitam tibi inquietam feceris metu mortis? Senec. epist. 24.

*Aristippus.*

Interrogatus, quomodo Socrates obisset diem? Vt ego, inquit, optarim. Significans, talem mortem quavis vitæ optabiliorem, nec potuit breuius felicem obitum describere. Dicti tamen argutia in hoc est, quod Philosophus aliud responderit, quàm expectabat percontator. Ille quærebat de genere mortis, morbo perisset, gladio, veneno, an præcipitio? Ille putans id nihil referre, respondit, illum feliciter esse mortuum. Laert. lib. 2. cap. 8.

*Idem.*

Cum aliquando Corinthum navigaret, & orta tempestas naufragium minaretur, expalluit: id animaduertens è victoribus crassus quispiam miles,

H h 4

ac

ac philosophorum osor, sed data tempe-  
stare cœpit ei insultare: Cur, inquit, in-  
quies vos philosophi, qui prædicatis mortē  
non esse formidandam, expallescitis  
in discrimine, nos indocti non time-  
mus? Quoniam, inquit Aristippus, nō  
de pari anima tibi mihiq; curā ac  
metus est. *Aul. Gellius* hoc addit: Ego  
timeo animæ Aristippi, tu non times  
animæ nebulonis. Rebus vilissimis mi-  
nimè timemus. vnde prouerbum, Hy-  
dria in foribus. Hinc lusit Aristippus,  
illum non expalluisse, non quod esset  
fortior, sed quod, quum esset homo ni-  
hili, haberetq; animum omni virtute  
vacuum, minimum erat detrimenti si  
periisset. Vir eruditus, ac sapiētia præ-  
ditus non perit, nisi graui Reip. dispen-  
dio. *Laert. lib. 2. cap. 8.*

*Silenus.*

A Mida captus cum esset, hoc ei pro  
sua missione dedisse scribitur, Non na-  
sci homini longè optimum est, proxi-  
mum autem quàm primum mori. *Cic.*  
*lib. 1. Tusc. quæst.*

*Musonius.*

Musonius interrogatus, quis opti-  
mè extremum diem claudere posset?  
Qui semper, respondit, postremum vi-  
tæ diem sibi instare proposuerit. *Max.*  
*serm. 36.*

*Idem.*

\* Mortem honestam, dum licet, ar-  
ripiendam esse dicebat: ne paulò post  
mori quidem necesse sit, & honestè nō  
amplius liceat. *Stob. ser. 7.*

*Idem.*

\* Dicebat non posse qui multorum  
eum vitæ vixit, digna morte cade-  
re, nisi plurimorum cum fructu & vsu  
etiam moreretur. *Eod. ser.*

*Antiphanes.*

Solitus est dicere, mortalia præci-  
puè hominibus cogitanda esse: quan-  
doquidem omnibus hominibus sit mo-  
riendum, *Stob.*

*Arcefilaus.*

\* Mors, inquit, quæ mali nomine  
censetur, hoc unum habet peculiare  
ex omnibus quæ mala iudicantur, quod  
præsens neminem vnquam affecit  
molestia: absens, & dum in expecta-  
tione est, molestiam adfert. *Plutarch.*  
de consolat. ad Apol.

*Theramenes.*

Quum in quadam domo versatus,  
inde prodisset, illa subito lapsu corru-  
it. Atqui cum reliqui Athenienses alij  
aliunde ad eum confluerent, & inopi-  
natæ saluti congratularentur, ille præ-  
ter omnium opinionem respondit:  
Nescitis, viri, ad quænam tempora &  
pericula Iupiter me seruare voluerit.  
Intellexit vir sapientissimus, se à mor-  
tis improbitate nequaquam tutum es-  
se: quæ licet conuiueat in summo viri  
periculo, attamen paulo post cumula-  
tis malis hominem arripuit. in porta  
quasi nauigantem. Nec seipsum qui-  
dem fefellit: nam non multò post à  
triginta tyrannis de medio sublatu  
est, cicutam bibere coactus: nempe  
qui ex ruinis domus liberatus, veneno  
turpiter perire coactus est. *Ælian. 9.*  
de Var. hist.

*Ægyptij.*

Olim in diuitum epulis apud Æ-  
gyptios, vnus cadaver ligneum; sed  
quàm proximè ad verum effectum, o-  
stendebat singulis dicens: In hunc in-  
tuēs pota, & oblecta te, talis post mor-  
tem futurus. Dubites, quo animo id fe-  
cerint. Verum vt moderatius fruere-  
ntur voluptatibus, conditionis suæ me-  
mores, an auidius, vtpote mox abitu-  
ris. *Hecodor. lib. 3. Plur.*

*Secundus philosophus.*

Ab Adriano imperatore Secundus  
philosophus interrogatus quid esset  
mors? respondit, Æternus somnus,  
dissolutio corporum, diuitum pavor,  
pauperum desiderium, ineuitabilis  
cuentus,

euentus, incerta peregrinatio, latro hominis, somni parer, fuga vitæ, vi-  
uorum discessio, resolutio omnium.  
Laetius.

*Pyrrho.*

Aiebar, nihil interesse inter vitam &  
mortem. Et cum quidam ad eum dice-  
ret, Cur igitur tu non moreris? Quia  
nihil interest, respondit. Stob. ser. 120.

*Heraclius.*

\* Mortem in omnibus hominibus  
perpetuò latere dicebat: idem enim  
est, inquit, viuus ac mortuus, vigilans  
& dormiens, adolefcens & decrepitu:  
quia hæc in illa, vicissimq; mutantur.  
Plut. de Consolat. ad Apoll.

*Anonymus.*

Lacon quidam ad Rhodium Diago-  
ram, qui in Olympiis & filios, & ex fi-  
liò filiæque nepotes vidisset coronari:  
Morere, inquit, Diagora, nã in Olym-  
pum ascendes, sentiens, tum optimum  
exire de vita, quum res sunt prosper-  
rimæ. Ita Plut. in vitis. Meminit & Ci-  
cero in Tusculanis quæst. lib. 1. Lepos  
est in ambiguo: nam Olympus mons  
est, in quo singulis Iustis perageban-  
tur Olympica certamina: & pro cælo  
accipitur. Plut. in Lacon.

*Anaxagoras.*

\* Cum rerum naturalium causas au-  
toribus explicaret, interq; disserendû  
de filij morte nuncium sermone cuius-  
dam acciperet, paululum oratione in-  
hibita, dixit iis qui vñ aderant, scie-  
bam filium me genuisse mortalem.  
Plut. de consolat. ad Apoll.

*Xenophon.*

† Ei sacrificari quum nuntiatum  
esset Gryllum filium in pugna periisse,  
serum capiti detraxit, & quesivit quo-  
nam modo cecidisset: eumq; respon-  
deretur, eum generosè fortiterq; præ  
ceteris præstantem, multis hostium in-  
terfectis occubuisse, exiguo admodum  
temporis sumpto intervallo, dum ra-

tione motum animi compesceret, rur-  
sus imposita capiti corona reliquum  
sacrificium absoluit, nunciisq; respon-  
dit, Non vt immortalem aut longæ-  
uum filium meum redderent à diis po-  
stulauit (cum incertum sit an hoc expe-  
diat) sed vt probum ac patriæ aman-  
tem: cuius quidem voti nunc sum fa-  
ctus particeps. Plut. eod. lib.

*Lochadus.*

Cuidam nuntianti quòd è filiis ip-  
sius alter interfisset: Olim sciebam, in-  
quit, illi moriendum esse. Nihil illi vi-  
sum est nouæ rei, si mortalis natus mo-  
reretur: nec magni referre, paulò se-  
rius an citius vita decederet, cui om-  
nino breui foret decedendum. Plut. in  
Lacon.

*Cicero.*

Audito falso rumore de Vatiniij  
morte, quum Quinium libertum eius  
interrogasset, Rectene omnia? atque  
ille respondisset, Rectè. Mortuus est,  
inquit? Significans, non omnia rectè  
habere, si ille viueret. Erasmus libro 4.  
apoph.

*Iul. Cesar.*

Quum inter cœnandum ortus esset  
sermo, quod genus mortis esset opti-  
mum? incontanter respondit, Inopi-  
natum. & quod optimum iudicauit,  
ipsi contigit. Plut. in apoph.

*Seneca.*

\* Tantam quorundam hominum  
imprudentiam esse dicebat, imò de-  
mentiam, vt quodam timore mortis  
ad mortem cogerentur. Epist. 24. ad  
Lucill.

*Quintilius Plantianus.*

Cum iam grandis natu viueret ruri,  
nec quicquam quæreret aut faceret  
curiosius, attramen à Seucro insidiis  
circumuentus, vt ad mortem rapere-  
tur, paulo antè quàm moreretur, po-  
stulauit, vt ea quæ ad sepulcrum suum  
iamdudum comparauerat, ad se per-  
ferrentur.



ferrentur. Quæ postquam vidit vetustate consumpta: Quid hoc rei est, inquit? Itane cunctati sumus? Deinde facto sacrificio, Idem, inquit, peto à Diis immortalibus, quod Adriano Severianus optauit. itaque interiit. Xiphilinus in Seuero.

*Hormisdæ.*

Constantius imperator, cum Hormisdæ Persæ vrbis Romæ magnitudinem atque hominum ædificiorumque magnificentiam ostendisset, peteretq; vt quid de ea sentiret, paucis enuntiaret: respondit, ex tanta re, quanta ei ostēdebatur, nihil eum delectasse magis, neque esse ex quo maiorem fructū consequi posset, quam quodd ex iis quæ videret, verum esse comprehenderet. In vrbe quoq; Roma, quanquam amplitudine opibûsque alias antecederet vrbes, tamen, sicut in ceteris orbis terrarum locis, homines etiam mori. Breui responso rerum humanarum vanitatem ostendens. Fulgosi lib. 7. cap. 2. ex Am. Marcellino.

*Fridericus Imp.*

Iis principibus qui immites & crudeles erga suos fuissent, mortem nimis extimescendam esse dicebat. Nam quales se dum vixerunt, aliis præstiteret, tales, cum moriuntur, in se iudices inuenturos esse. Ostendere autem voluit, iis mortem esse amaram, qui mala antea actæ vitæ conscientia premuntur. Æneas Sylu. lib. 2. Comment. de rebus gestis Alphonsi.

*Messodanus.*

Iam senex, cum ab amico in crastinum vocaretur conuiuium; Cur me vocas in crastinum, inquit, qui à multis annis crastinum non habui, sed mortis aduentum in singulos dies expectaui: quæ nobis nunquam non insidiatur, donec nos incantatos etiam interdum opprimat? Guido Bituric. ex hist. Eccles.

*D. Hieronymus.*

Edicere & scribere solebat, ab eo omnia facillè contemni, qui assidue se moriturum cogitauerit. Paucis verbis humanæ vitæ fragilitatem ostendens. Fulgosi lib. 7. cap. 2.

*Alphonfus.*

Interrogatus, quæ res reges ac priuatos, diuites ac pauperes, claros & obscuros, denique omnes prorsus æquaret; respondit, cinis. Indicans, post mortem, regis à priuato, diuitis à paupere, formosi ab informi, personam nequaquam discrepare. quis enim ex cineribus aut ossibus humanis terreritis differentiam vllam videre potest? lib. 4. de rebus gestis Alphonfi.

## De morte contemnenda.

*Chilon.*

**D**icere solitus est, ita esse contemnendam mortem, vt nihilo secius curam habeas incolumitatis. Non enim est fortitudinis, sed amentię, semet temerè in vitæ discrimen coniiicere: sed quoties aut ineuitabilis necessitas vrget, aut grauis honestaque causa suadet, mortem contemnere, fortis animi est. In morbo non est metuenda mors, sed interim adhibenda curatio mediocris. In bello sumendus est animus ad mortem paratus, sed interim fortiter pugnandum est pro victoria. Ausonij carmen sic legendum arbitror:

*Vive memor mortis, vi sis & memor salui.*

Potest autem & hic accipi sensus: Hactenus memineris te moriturum, vt abstineas à vitijis, curisque superuacaneis: sed interim perinde quasi diu viaturus sis, ea cetera quæ ad honestam beatamque vitam pertinent. Multos mortis consideratio deterret ab honestis actionibus, contra oblitio mortis multos

multos inuitat, ad licentius peccandum. Potest & sic intelligi: Nesci metuas mortem, ut viuas anxius ac tristis, sed vitæ spes mortis horrorem temperet. Hunc sensum indicat carmen quod sequitur:

*Tristitia cuncta exuperans, aut animo,  
aut amico.*

Hæc vita præterquam quod multis miseriis exposita est, nihil habet tristius, quam quod mortem habet certissimam, diem mortis incertissimum. Sed omnia superanda sunt, aut animi fortitudine, aut amicorum alloquiis. Nullum enim in dolore remedium præsentius, quam curas æstusque animi in amicorum sinum effundere, quorum & consolatio & communis dolor maximam mali partem tollit. Chilonis porro dictum extat apud Laertium, lib. 7. cap. 4.

*Bion.*

Conspecto ense proiecto dixit: Quis te perdidit? aut quem tu? Ant. part. 1. Melis. ser. 58.

*Diogenes.*

Lugente quodam, quod in peregrina terra moriturus esset, dixit: Quid luges, ô stulte? Undecunque eadem est via ad sepulchrum. Anton. in Melissa; part. 1. ser. 58.

*Idem.*

Cum Speusippus, paralyti resolutus, vehiculo deportaretur in academiam, ac Diogeni fortè obuiro dixisset: respondit, At non tu sanè, qui cum ad istum sis affectus modum, sustineas viuere. Sentiens, esse veri philosophi, sponte mortem asciscere, posteaquam desit esse vsui ad vitam humanam. Idq; fecit postea Speusippus. Eras. lib. 3. apoph.

*Socrates.*

Decrepitam agens vitam, in morbum cum incidisset, & quidam interrogaret, quomodo sese haberet? Rectè

inquit, utroque modo. Nam si fuero superstes, plures æmulatores habebō. Sin vitæ excessero, plures laudatores. Ælian. lib. 2. de Var. hist.

*Idem.*

Quodam dicente, Athenienses te morte afficiendum decreuerunt: Et antè eos, inquit, natura. Max. ser. 36.

*Idem.*

Audiens se morte multatum, Magna me spes, inquit, tener. Iudices, bene mihi euenire, quod mittar ad mortem. Sed tempus est iam hinc abire me, ut moriar: vos, ut vitam agatis. Cicer. lib. 1. Tusculanarum.

*Idem.*

\* Ad suos iudices conuersus, Mortè, inquit, metuere, aliud nihil est, quam falsò putare se esse sapientem, Qui enim mortem metuit, videtur ignorare quid sit, &c. Plato in Apologia.

*Idem.*

Iam ad mortem damnatus ab Atheniensibus, cum forti & constanti vultu portionem veneni è manibus carnificis accepisset: admoto iam labris poculo, vxori Xantippe inter fletum & lamentationem vociferanti, innocentem eum perimere. Quid ergo, inquit Socrates, nocenti mihi mori satius esse duxisti? O immensam illam sapientiam ac constantiam, quæ in ipso quidem vitæ excessu obliuisci sui potuit. Laer. in vita Socratis. Valer. Max. lib. 7. ca. 2. Xenophon in Apologia pro Socrate. Stob. ser. 1.

*Idem.*

Carceris ministrum porrigentem in poculo cicutam, interrogauit, quomodo sumendum esset hoc pharماك, quod eius artis esset peritum. alludens ad ægros, qui à medicis discunt, quando & quomodo oporteat sumere quod ab illis temperatum est. cumque puer respondisset semel totum hauriendum, si posset: de inde tantisper

tilper inambulandum, donec sentiret  
grauedinem in cruribus: pōst in lecto  
decumbendum supino corpore, ibi  
pharmacum effecturum quod solet.  
Socrates rogauit, liceretne inde ali-  
quid libare (quōd in conuiuiis mos sit  
effusa vini potiuncula, nominatim  
alicui deo libare) minister respondit,  
se tantum misculasse, quantū opus esset.  
hoc sermone innuens, nihil esse quod  
effunderetur. Tum Socrates: Sed &  
fas est, & oportet orare deos, vt felix  
faustaque sit hæc mea migratio. Eras.  
lib. 3. apoph.

*Idem.*

Puero illum regente, quōd iam fri-  
gerent præcordia, ad Critonem ad-  
stantem conuersus, Debemus, inquit,  
d Crito, gallum Æsculapio, quem per-  
soluere ne neglexeris, perinde quasi  
sumpta porione medicæ conualuisset.  
Nam Crito hoc summis viribus ege-  
rat, vt Socrætes vitæ suæ consulere.  
Aded inerat illi viro natia quædam  
vis vrbauitatis, vt moriens etiam io-  
cicaretur. Nam hanc ferunt illi fuisse su-  
premam vocem. Ibid.

*Plato.*

Medicus Platonis consiliū dabat,  
vt relicta Academia, loco pestilentis-  
simo, in Liceum scholam se transfer-  
ret. nequaquam autem ille obtempe-  
rauit, dicens, se producendæ vitæ cau-  
sa, ne in Atho quidem summitatem  
transmigrare velle. Ælianus lib. 9. de  
Varia hist.

*Aristoteles.*

Dicere solebat, ea quæ longissimo  
tractu à nobis absunt, nemo metuit.  
Nam cum moriturum sese nemo igno-  
ret, mortē tamen quam prope esse non  
suspiciamus, minimè expauescimus.  
Stobæus.

*Zaleucus.*

\* Proæmio legum suarum Locren-  
sibus latarum scitu digna hæc appo-

fuit, Morituros omnes, iniuriarū quas  
commiserunt memores, pœnitentia  
inuadit, & vehemens cupiditas qua  
vellent exactam sibi vitam omnem fu-  
isse iustam. Quamobrem singulos o-  
portet semper in singulis actionibus  
illud tempus adeo suis cogitationibus  
familiarē facere, ac si præsens esset. Ita  
enim maximè honesti iustique cura  
vrgebit. Stob. ser. 42.

*Idem.*

Dicebat sæpenumero, è vita mi-  
grare esse optimum, veluti è conui-  
uio, non sitibundum, nec temulentum.  
Stobæus.

*Démocritus.*

Ægrotans cum in lethargum inci-  
disset, & postea rediisset ad se: Non me  
decipiet, dixit amor vitæ, & seipsum è  
vita eduxit. Anton. in Melissa, part. 1.  
serm. 58.

*Idem.*

\* Mortem ideo contemnendam ef-  
se dicebat, quod frustra viretur. Dum  
enim, inquit, mortem homines fugi-  
unt, sequuntur ipsam. Stob. ser. 4.

*Aristippus.*

Cum naui vectus Aristippus, procel-  
lis impetentibus supra modum pertur-  
baretur, quidam ex iis qui simul nau-  
gabant: Nūmne, inquit, etiam tu metu  
percelleris, quemadmodum vulgus?  
tum ille: Prorsus ait, neque iniuria.  
Vobis enim de vita scelerosa infelici-  
que labor est, & præsens periculum:  
mihi verò de felicitate & beatitudine.  
Ælianus lib. 9. de Varia hist.

*Aristides philosoph.*

Interrogatus, quatenus deceat ho-  
minem viuere? Tantisper, ait, dum de-  
prehendar emori præstare, quàm in  
tot calamitatibus viuere. Stob.

*Aristides Locrensis.*

Morsus à Mustella Tartesia, iam  
moriens dixisse fertur, multò sibi in-  
cundiorem mortem futuram fuisse, si  
vt!

vel ex leonis, vel ex pardalis morfu obtigisset (quandoquidem necesse fuerit aliquando mortis occasionē existerē) quā ab eiusmodi contempta bestiola. Vnde apparet eum acerbius ignominia morfus, quā ipsam mortem tulisse. *Ælian. lib. 14. de Var. hist.*

*Anaxarchus.*

\* Dicente ei Alexandro, suspendam te: Minare his, inquit, ē vulgo: mea autem nihil interest, super terram ne an infra terram cōputrescam. *Stob. ser. 7.*

*Epictetus.*

Dicere solebat, magis necessarium esse animæ quam corpori mederi, quū præster mori, quā malè viuere. *Ant. in Melissa. part. 1. ser. 58.*

*Æschines.*

Mortem nequaquam terribilem, sed violentam affectionem circa mortem horrendam esse dicebat. *Stob. ser. 117.*

*Idem.*

Gloriosè mori summam felicitatē esse dicebat, cum omnibus ex æquo sit fatalis. *Stob. ser. eod.*

*Epicharmus.*

Emori nolo, inquit, sed me esse mortuum nihil æstimo. *Cicer. lib. 1. Tusc. quæst.*

*Theodorus Macedon.*

Audiens Lyfimachum mortem sibi minitantem crudelissimam: Hæc, inquit, aulicis tuis potius minitare. Ego enim parum curo, humine, an sublime in cruce putrescam. *Cicero lib. 1. Tusc. quæst. Valerius Maximus lib. 6. cap. 2. Seneca de Tranquillitate vitæ, cap. 14.*

*Gorgias.*

Rogatus, an libenter obiret: Minime, inquit, sed ex hoc domicilio putrescente libenter abeo. *Bruso. Stob. serm. 117.*

*Theodorus philos.*

\* Lyfimacho tyranno minitante ei

necem, non deprecatus est, sed mortem contemnens, Ignorabam, inquit, te non regis, sed cicutæ vim habere. *Stob. ser. 2.*

*Demosthenes.*

Dum pro Atheniensibus & libertate verba faceret, & Philippus diceret, Num times ne caput abs te auferri præcipiam? Non, inquit, nam et si ipsum loco moueris, patria immortalitate donabit. *Stob.*

*Coriscus.*

Admodum senex, cum difficili admodum morbo liberatus esset: Apage, inquit, quā molestè reuersus sum, iam aliquantulum vitæ progressus, quam ingredi omnino necesse est. *Max. ser. 4.*

*Agis.*

Interrogatus, quo pacto quis libertatem suam tueri possit? Si mortem, inquit, contempserit. Hic metus, qui cadere dicitur in constantem virum, multos deterret à pulcherrimis facinoribus: hoc qui caret, potest vbique quod rectum est sequi, nec est quodd timent improbos: qui vt extrema moliantur, nihil aliud possunt, quā occidere. *Plut. in Lacon.*

*Idem.*

Idem per insidias captus ac præter meritum ab Ephoris condemnatus, quum ad laqueum duceretur, conspiceretque quendam ex histioribus flentem, ob indignitatem rei, cuius cōge-gatur esse minifter. Desine, inquit, homo, vicem meam flere. Nā sic moriens præter ius & æquum, melior feliciorq; sum his qui me occidunt. Hæc loquutus, yltro collum laqueo induit. Quo nemo Stoicorum docuit quid fortius, hoc ille iuuenis non verbis, sed re præstitit, felicitatem omnem solo honesto metiens: eosque iudicans infeliciores, qui faciunt iniuriam, quā qui patiuntur. *Plut.*

*Idem.*



*Idem.*

Cum ab Ephoro interrogaretur, num pœniteret eorum quæ gessisset? respondit, se nulla planè tangi pœnitentia consilij, cum prudentia honestoque coniuncti: tamen non ignoraret, mortem se præ mijs loco relaturum. Plut. in Lac. apoph.

*Hippodamus.*

Quo tempore Agis aduersus Archidamum aciem instructam habebat, simul cum Agide iussus ire Spartam, curaturus illic ea quibus erat opus: An non, inquit, honestius est ut pro Sparta fortem bonumque virum præstans, mortem oppetam? Ac post sumptis armis, stansque regi ad dextram, pugnando interiit. Consultum volebant illius senectuti, quæ viribus defecta in bello non ita multum esset habitura momenti, in patria futura nonnulli vsui (excesserat enim annum octogesium) at ipse sibi non indulgit. Plut. in Lac.

*Astycratidas.*

Infrà de patria fortiter propugnada.

*Agefilas.*

Percontanti cuidam, qua ratione sibi pararet eximiam gloriam? Si mortem, inquit, contempleris. Nihil enim in bello præclaræ rei geret, cuius animi metus occupauit. Idem affectus in omni vita mortalium, à pulcherrimis facinoribus reuocare soler. Plut. in Lac.

*Alcámenes.*

Cuidam percontanti, quam ob causam Spartani impavidè semet exponerent periculis? Quoniam, inquit Alcámenes, pro vita timere consue-scimus, non aliorum more expauescere significans, moderatam vitæ curam addere calcar ad fortiter agendum, immodicum mortis pauorem ab egregijs factis detertere. Plutarch. in Laconic. apoph.

*Teflamenes.*

Postquam Ephori capituli sententiam in ipsum pronunciaissent, abiit ridens, rogantibus qui aderant, an etiam contemneret Spartanorum leges? Nequaquam, inquit: quin gaudeo potius, quod hæc mihi multa soluenda est, cum eam nec indixerim cuiquam, nec à quopiam mutuo acceperim. Vir innocens non accusauit patriæ suæ leges, sed hoc felicitatis esse iudicabat, quod mori iuberetur, qui neminem ad mortem adegisset, nec cuiquam deberet vitam nisi sibi. Facetè mortis pœnam vocauit multam, rem atrocem molliori vocabulo signans. Iure autem cogitur soluere pecuniam, qui eam vel extorsit ab alio, vel mutuo sumpsit. Plutarch. in Lac. & Cicero. quæst. Tulse. lib. 1.

*Theramenes.*

Quum iussu triginta tyrannorum Atheniensium morti adiudicatus, porrectam veneni portionem fortiter hausisset, quod ex ea superfuerat, sic illi sit solo, ut clarum sonum ederet, reddensque seruo publico, qui eam tradiderat: Critiæ, inquit propino, vide igitur, ut hoc poculum continuo ad illū perferas. Erat is Critias, è triginta tyrannis crudelissimus. Erasmus libro 6. apoph.

*Pythagoras.*

\* In ædibus Milonis cum familiaribus suis assidens, accidit ut ædes ex inuidia succenderentur à quodam qui in eum cœtum receptus non fuerat. Alij dicunt ab ipsis Crotoniatis id esse factum, metu tyrannidis. Pythagoras egressus, cum ad agrum fabis plenum peruenisset, restitit, ac dixit, Capri præstat quàm calcare: interfici quàm loqui. Et sic à persequentibus iugularus est. Suidas.

*Cleomenes.*

Percontatus à quodam, cur Spartan

rani Diis spolia hostium non etiam dicarent? respondit, Quia timidis detracta sunt. Sensit vir fortissimus, in bello fortiter occumbendum esse, potius quàm hostibus præbenda arma: cum honestè mori non solum laudabile, sed salutare etiam sit. Plutarch. in Lacon.

*Callicratidas.*

Apud Arginusas, quum esset navali pugna conficiendus, atque Hermonaclus diceret, bonum esse ab eo loco solvere, quodd Atheniensium triremes numero longè plures essent: Quid, inquit, tum postea? Atqui fugere ignominiosum est Spartæ, ac damnosum: contrà, manentem aut mori, aut vincere, honestissimū. Gloriam vitæ anteposuit, sed publicam gentis, non privatam suam. Plutar. in Lacon. apoph.

*Idem.*

Ante conflictum peracto sacrificio, quum aruspex nuntiaret ex incensis, exercitui quidem portendi victoriam, sed imperatori mortem: nihil expauesfactus. Haud penes vnum (inquit) sunt res, Spartæ, ne si quidem mortuo, nihilo deterius habitura est patria: sed si cesserò hostibus, aliquid deceder patriæ pro qua lubens moriar. Itaque quum Cleandrum pro se ducem designassent, navalem pugnam aggressus est, ac pugnando interiit. Plut. in Lacon. apoph.

*Idem.*

Percontanti, quam ob causam fortes viri gloriosam mortem ingloriæ vitæ anteponant? Quoniam, inquit, alterum naturæ proprium, alterum peculiariter suum esse ducunt. Nam naturæ beneficio viuunt & ignauissimi: at honestè mori, non contingit nisi virtute præditis. Plut. in Lac.

*Leonidas.*

Leonidam quum Ephori percontra-

rentur, si quid præterea rei facere statuisset? Nihil aliud, inquit, quàm verbo tenus impediturus barbarorum transitum, sed reuera pro Græcis moriturus. Egregium in perterriti ductoris documentum, in causa honesta piæque nec certam mortem horrescere. Plut. in Lacon.

*Zeuxidamus.*

Ætolo quodam dicente, quod qui studerent probitatem cum fortitudine coniungere, iis bellum esse potius cum pace: Non per deos, inquit, sed his mors vita prior esse debet. Correxerit Lacon dictum Ætoli. Non enim optandum bellum: sed nec in bello nec in pace libertatè tueri licet, nisi mortis terrorem abieceris. Plut. in Lacon.

*Anonymus.*

Quidam Lacon sagitta percussus, cum animam ageret, dicebat: Non me mouet quod morior, sed partim quod ab imbelli sagittario, ac mulierculæ simili, partim quod nullo facinore edito morior. Victis solet esse solatio virtute præstantis viri dextra cadere. Lacedæmonii verò, quoniam ensibus pugnare solebant cominus, non putabant esse virtutis, procul missa sagitta quempiam interficere: quod idem possunt & scæminæ. Tum æquiore animo decedunt è vita qui rectè factorum post se relinquunt memoriam. Plut. in Lac.

*Spartanus.*

Insidiis circumseptus ab Iphicrate. Atheniensium duce, quum illius milites rogarent, quid in eo reum statu esset faciendum? Quid aliud inquit, nisi vt vos seruemini, ego pugnando moriar? Talis erat animus Catonis Uticensis, qui cæteris suasit vt suæ salutis consulerent, ipse spontanea morte turpè effugit seruitutē. Plut. in Lac.

*Damidas.*

Cum Philippus irruisset in Peloponne-

ponnesum, & quidam ita loqueretur, periculum est ne acerba patiantur Lacedæmonij, nisi Philippo reconcilientur: O semiviri, inquit, quid nobis poterit acerbi accidere, qui mortem contemnimus? Plutarchus in Laconicis apoph.

*Anonymus.*

Apud Spartanos cum mos esset, ut quod quisque posset suffragari auferret, modò in furto non deprehenderetur: puer quidam, cum viam vulpeculæ, quam sodales erant furati, sibi ab eis traditam seruarer, venissentque qui perdididerant, inquirendi gratia, vulpeculam sub veste abditam tenebat, verum cum efferata bestia latus pueri usque ad intestina corroderet, dissimulavit tacitus dolorem, ne proderet furtum. Mox verò cum obiurgaretur à consodalibus cur fecisset: Præstabat, inquit, fortiter immori, quam hac nota traduci, ut ob mollitiem dicerer lucrificasse vitam ignominiosam, Plutarch in Lacon.

*Cercidas.*

\* Incidens in morbum periculosissimum, libenter se moriturum esse dicebat: post mortem enim se visurum ex philosophis Pythagoram, ex historicis Hecataeum, ex poetis verò Homerum. Eli. lib. 13. de varia hist.

*Eteocles.*

Suprà de Consolatione.

*Pelopidas.*

Pharfali congressurus cum Alexandro Phætorum tyranno, milites admonuerunt, duplò plus Theffalorum esse cum Alexandro, quam ipse Thebanos haberet: Tanto, inquit, melius nobis erit, plures enim vincemus, Hoc & alteri cuidam adscribitur. Eras. lib. 5. apoph.

*Idem.*

Ab Alexandro Phætorum tyranno præter fœdera captus ac victus

Pelopidas, conuicia congestit in fœdistragum; ut autem iratus ille dixit, Mori properas: Admodum, inquit, quo magis in te exasperentur Thebani, tunc citius des pœnas violati fœderis diis pariter atque hominibus iniusus. Eras. lib. 5. apoph. ex Plut.

*Alcibiades.*

Dicebar, nihil nouum esse, si Lacedæmonij intrepidè in bellis occumberent. Defugere enim eo hoc modo legum seueritatem, & cruciatum atque labores alacriter promptèque cum morte commutare. Alianus lib. 13. de varia hist.

*Chabrias.*

Proditionis accusatus est vnà cum Iphicrate. Cum autem ab Iphicrate obiurgaretur, quòd cum esset in periculo, tamen ad gymnasium itaret, solitèque pranderet hora: Ergo, inquit, si quid secus de nobis statuerint Athenienses, te squalidum ac famelicum, me verò præsum ac vinctum occident. Plut. in apoph.

*Phocion.*

Cum aliis bonis viris ab Atheniensibus damnatus ad mortem, cum carnifex cicutam apportaret & bibissent omnes, solusque Phocion superesset, consumpto ab aliis veneno, carnifex negabat se daturum, nisi numerarentur duodecim drachmæ: tanti enim vènire cicutæ vnciam. Phocion itaque ne per illius contentionem mora fieret morti, accito ad se cuidam ex amicis: Quandoquidem, inquit, Athenis me non mori quidem gratis licet, quæso dato huic pretium. Plut. in apoph.

*Pelopidas.*

Postquam Epaminondas Pelopidam liberum reduxisset, aiebat se gratiam habere Alexandro, per quem experimento comperisset, se non tantum ad bellum, sed etiam ad mortem bene animatum esse. Plut. in apoph.

*Dionysius*

*Dionysius senior.*

Infrà de regnandi libidine.

*Alexander.*

Calanus ille indicus gymnosophista cum subiipsi manus adferre vellet, struem lignorum struxit: eamque incendens, se in ignem, contemnens mortis durum supplicium, præcipitavit: quod cum Alexander vidisset, admiratus hominis audaciam, dixisse perhibetur, Calanum potentiores se hostes bellasse ac vicisse: Alexander enim cum hominibus pugnans victor euasit, Calanus verò cum laboribus ac morte. *Ælianus lib. 5. de Varia historia.*

*Corn. Scipio.*

Cum in Africa Pompeij partes sequutus, res parum prosperè gessisset, & Hispaniam petēs intellexisset navim, qua vehebatur, ab hostibus captam, gladio præcordia sua transuerberavit. Deinde Cæsarianis militibus quærentibus, ubi est imperator? Imperator, inquit, bene habet. Suprema vox morientis declaravit animum meliore fortuna dignum. *Appian.*

*Gr. Petronius.*

Vnà cum naue in qua vehebatur captus, Scipioni incolumitatem pollicenti, respondit, Cæsariani milites nō ab aliis accipiunt, sed præstare solent salutem: quo dicto, se pugione confecit. *Eras. lib. 6. apoph.*

*M. Cato.*

Aiebat plurimum referre, utrū quis virtutem magni æstimeret, an vitam nō magni faciat. Sentiens, non eos statim esse fortes, qui quouis modo vitam vel mortem contemnunt: sed qui tanti faciunt virtutem, ut huius gratia vitam alioqui charam negligant. Nam semet in vitæ discrimen conicere, aut infelicitium est, & quos vitæ iam tædet: aut immanium, & beluis similitum. *Plutarch. in Catone.*

*Bassus.*

Si quid incommodi aut metus in morte esse diceretur ab alius, morientis hoc vitium esse dicebat, non mortis. Mors enim nihil incommodi hominibus adfert, sed ab omnibus incommodis, ac fortunæ miserię procelis liberat. *Senec. epist. 30.*

*C. Mænius.*

C. Mænius Augusti centurio, cum in bello ab Antonio captus esset, interrogatus ab Antonio, quomodo secum agi vellet? Occidi me iube, inquit: mori enim malo, quàm tuo beneficio vivere. *Appian.*

*Tiberius.*

Audiens quendam è reis nomine Caruilium sibi mortem conscisse, priusquam esset damnatus, exclamavit: Carpilus me euasit. Ad eò leue supplicium esse iudicabat mortē. *Sueton.*

*Galba.*

\* Pifone à Galba adoptato, conspiratione facta prætorianorū, Orho Imperator salutatus est. Galbæ ad tumultum sedandum in lectica delato milites infensi occurrentes ingresserunt vulnera. Ille iugulum offerens, Agite dum, inquit, si hoc ex Repub. est. Crucibus igitur & brachiis sceddè laniatis iugulum hausit, ut crebrior fama est. *Camurius xv. legionis miles. Plut. in Galba.*

*Caius Iulius.*

\* Mori iussus, quòd Caium Cæsare verbis offendisset, ad necem vocatus à centurione latrunculis ludebat. Tunc numeratis calculis dixit sodali, vide ne post mortem meam mentiaris te vicisse: & simul centurioni annuens, Te vis, inquit, eris, vno me antecedere. Cervicem inde percussori præbuit intrepidè. *Seneca.*

*Hadrianus.*

Sub mortem his verbis luisse dicitur Hadrianus imperator.

I i

*Animula*



*Animula, vulga, blandula,  
Hospes comēsq̃ue corporis.  
Que nunc abibis in loca,  
Pallidula, rigida, vndula,  
Nec vñ soles dabis iocos?*  
Dion Cassius.

*Seuerianus.*

\* Adriani iussu moriens, eò quòd Commodum successorem parum prudenter designatum ab imperatore dixisset, ignem petiit, & accenso thure: vos, inquit, dii, testes estote nihil à me morte dignum esse commissum. Tantiùm hoc precor, ne quum mori velit, posset. Dion Nicæus.

*Rubrius Flavius.*

Cùm à Nerone defecisset, captiuus abductus, & mox ad mortem damnatus est: verùm cùm à lictore admone-  
retur, vt fortiter ceruicem prætenderet, Vtinam, ait, tu tam fortiter ferias. Senec.

*Anton. Pius.*

Quodam die dixit amicis: Quid me fletis, ac non magis de communi morte pestilentiâque cogitatis? Philosophia docuerat hominem & mortem contemnere & res humanas ridere. Parantibus autem abire dixit, Si iam me dimittitis, vale vobis dico, vos præcedens. Facetè petiit ab amicis discedendi veniam, ac veluti peregrè profecturus iussit illos valere: submonens interim fore, vt illi præcedentem sequerentur. Capitolinus.

*M. Antonius.*

Cleopatra metuens Antonij scutitam, confugit in monumentum demissis cataractis: misitque qui dicerent. illam spontanea morte periisse. Id credens Antonius, & ipse sibi parās adferre vim, dixit, ô Cleopatra non doleo quòd te caream, nam mox vnâ futuri sumus: sed quòd ego tantus imperator, fortitudine victus sum à femina. Victum se putabat quòd illa

prior spontaneæ mortis gloriam occupasset. Plur. in Antonio.

*Pertinax Imp.*

Conspicatus milites prætorianos in se irruere: Me inquit, milites, si occiditis, neque ipsi rem magnam facitis, neque mihi sanè grauem homini huius ætatis & gloriæ, cùm humanæ vitæ finis aliquis sit necessarius. Non ignorauit imperator, semel esse moriendū: & sic non referre, quo mortis genere vltimum vitæ diem claudamus. Herodianus lib. 2.

*Idem.*

Cùm intellexisset tumultuari quosdam ob interfectum Commodum imperatorem, dixisse fertur: Si doletis Commodi mortem, nihil profectò noui fuit: quandoquidem homo natus fuerat. Herod. lib. 2.

*Mauricius.*

\* Quum Phocæ tyranni iussu Mauricij imperatoris quinque filij mares spectante patre, necerentur, inuidio animi robore hanc calamitatem pertulit. subinde hæc verba repetens: lustus es domine, & iudicia tua iusta sunt. Intrepidè tandem etiam ipse ceruicem præbuit. Cedren.

*Andronicus Comnenus.*

\* Ab Isaacio Angelo imperio euersus, atque innumera ab insana plebe mala perpeffus, tandem pedibus fune alligatis suspensus, generoso animo illata opprobria tolerabat, ac mente integra ad confluentem turbam & ferocientem conuersus, hæc dixit, Domine miserere mei: & quid calamum contritum infringitis? Nicetas, lib. 2.

*Ignatius Martyr.*

Ad bestias damnatus, cùm iam ad supplicium duceretur. Non curo, inquit, quo supplicij genere moriar. Frumentum autem Dei cùm sim, bestiarum dentibus comminui atque subigi delector, vt panis siam mundus Christo,

sto, qui mihi panis est vitæ. Euseb. lib. 3. cap. 36.

*Anonymus.*

\* Quum patris mors ei significaretur, respondit, desine loqui blasphemias. Nam pater meus immortalis est. Socrat. hist. eccle.

*Alphonsus.*

Alphonsus Arragonum & Sicilia rex, quum familiares, quos ipse alumnos suos appellaret, visitaret infirmos & ægrotantes, pro more, audiens Gabrielem Surrentinum suauissimum & splendidissimum adolescentem ægorare ad mortem, hominem accessit, quæ cum à mortis diro aspectu abhorre intellexit: Non est, inquit, cur tantopere mortem timeas, quum hæc bene puræque morientibus sit vita, atque eius vitæ principium quæ neque doloribus neque metu, neque inuidiæ, neque ærumnis vllis subiecta est, &c. Anro. Panor. de reb. gest. Alphôsi, & Æn. Syl. de dictis eius.

## De morientium monitis & doctrinis.

*Cyrus.*

\* Si quæ sunt hominum dicta memoranda, ea certè videntur quæ paulò ante excessum ab huius corporis ergastulo prolata sunt. De Cyro autem Xenophon ait, eum moribundum, quum de sua felicitate, deq; filiis duobus pronunciaffer, Cambyse commendasse amicos his verbis: Te quoque, mi Cambyse, scire velim, non aureum hoc sceptrum esse, quod regnum tibi conferuet: sed amici fideles regibus & verissimum & tutissimum sceptrum sunt. Comparandi autè hi non natura nec vi, sed potius beneficentia. Filiis autem, Corpus meum ait, ô filij,

quû diem in terris supremû clausero, nec in auro condite, nec in argento, nec vlla in re alia: sed terræ quàm primû reddite. Quid enim beatiû quû in terra abdi, quæ omnia præclara, bona omnia profert & nutrit? Pestilentia hæc eius vox fuit, Si beneficii amicos fueritis, etiam in hostes vobis animaduertendi facultas erit. Valetè filij carissimi, atq; idem patri meo verbis renuntiâte. Itidè omnes amici qui adestis & abestis saluete. Xenophon.

*Augustus Caesar.*

\* Supremo die amicos percunctatus est his verbis, An num vobis videtur me minimû vitæ humanæ sat cõmodum egisse. Deinde adiecit hanc clausulam.

Δοτε κρητον ἐν πατρί, ἐμῆς μὲν ἡσυχίας καὶ ἡσυχίας.

Vitæ tragicomædiam ita à se actam putans, vt spectatorum posteritatis plausum sibi promeruisse videretur, Sueton.

*M. Antonius Philosophus.*

\* Moriēs risit res humanas, & mortem contemnens ad amicos conuersus dixit, Quid me fletis, & non potius de pestilentia & cõmuni morte cogitatis? Et quum illi vellent recedere, ingemiscens ait, Si iam me dimittitis, vale vobis dico, vos præcedens. Et cum ab eo quæreretur, cui filium commendaret, ille respondit: vobis, si dignus fuerit, & diis immortalibus. Iulius Capitolinus.

*Senerus.*

\* Eius nouissima verba hæc fuerûnt, Turbatam Rempublicam vbique accepi, pacatam etiam Britannis relinquo, senex & pedibus æger: summum imperiû Antoninis meis relinquens, si boni erunt: imbecillum, si mali. Tãdem subiecit,

πάντα ἔργον, καὶ οὐδὲν ἰσὺς ἄνθρωποι.

id est:

li 2

*Omnia*

*Omnia fui, sed nihil prodest.*  
Ælius Spartian.

*Phocion.*

Iniuste damnatus, quid filio dici vellet percontatus, respondit, Ne memor sit iniuriæ quæ ab Atheniensibus pater est affectus. Plur.

*Socrates.*

\* In extremo vitæ suæ momento, has voces prorulit. Scio etiam interfectores testimonio mihi futuros quod nullum vnquam hominem læserim, sed potius operam dederim, ut discipulos meos meliores efficerem. Et ad Critonem conuersus, Liberi Deo qui mihi eos dedit curæ erunt: amicos hinc discedens inueniam vobis aut similes aut meliores, ne vestra quidem consuetudine diu carituros, quandoquidem eodem vos breui estis cõmigraturi. Xenophon.

*Theophrastus.*

\* Iam moribundus interrogatus à discipulis, num quidpiam mandare vellet, respondit, Nihil quidem quod imperaret se habere, nisi quod multa dulcia gloriæ obtentu vita mentiatur: nos verò quum viuere incipimus tum mori: & nihil inanius esse amore gloriæ. Deinde subiecit, sed este felices: studia ista, vel omitte, grandis enim eorum labor est: vel ea prosequimini, magnam enim gloriam pariunt. Porro maior est vitæ huius vanitas, quàm vtilitas. Verum non conceditur iam ut vobis consilio adsum: vestrum iam est quid facto opus sit deliberare. Laertius.

*P. Thrasias.*

\* Accepto mortis decreto, Heluidium & Demetrium in cubiculum inducit, porrectis vtriusq; brachij venis, postquam cruorem effudit, humum super spargens, propius vocato quæstore, Libemus, inquit, Ioui liberatori. Specta iuuenis (ad Demetrium con-

uersus) & omen quidem Dij prohibeant: cæterum in ea tempore natus es, quibus firmare animum expedit constantibus exemplis. C. Tacitus.

*Othon imp.*

Iam destinata morte, Cocceium fratris filium ad se vocatum sic adhortatus est extremis verbis: ô fili habuisse te patrum Cæsarem nec prorsus obliuiscaris, nec admodum memineris. Noluit illum prorsus obliuisci, ne defereret curam suorum, rursum noluit valde meminisse, ne mortem patui vlisceretur. Sueton. in Othone.

*Commodus.*

M. Antonini filius, quum in extremis à parente moneretur, ne barbaros iam attritos sineret vires recipere: respondit, Ab incolumi quæuis paulatim negoria perfici posse, à mortuo nihil. Vera quidem sententia: sed impia vox erat parentis extrema monita cõtemnentis, ac morienti velut insultantis. Sex. Aurel. Victor.

*D. Ambrosius.*

\* Quum Stilico comes & multi nobiles cum ægotantem hortarentur, ut boni publici causa vitæ spatium sibi prorogari à Domino peteret, respondit, Non ita inter vos vixi, ut pudeat me viuere: nec timeo mortem, quoniam bonum Dominum habemus. Paulin. in eius vita.

*Vide seq. apophthegmata de morientium monitis.*

*D. Bernardus.*

\* Ægotans, suos fratres admonuit, ut in tuto diuinæ clementiæ sinu, spei anchoram fideique suæ per incouulsiibilem charitatem firmitus radicaret. Addidit. Quia non arbitror me magna vobis religionis posse relinquere exempla, tria vobis imitanda commendo quæ in stadio quo cucurri me pro possibilitate mea memini obser-

obseruasse. 1. Minus sensui meo quā alterius credidi. 2. Læsus de lædente vindictam non experiui. 3. Nemini scandalum facere volui: & si quando incidit, sed aui vt potui. Author vitæ.

## De mortis & somni cogitatione.

*Socrates.*

**D**icere solebat, mortem esse similem profundo somno, aut diutine peregrinationi. Somnus profundior adimit omnem sensum: & animus à corpore digressus, aliquando in suum domicilium rediturus est. Erasmi. lib. 3. apoph.

*Anaxagoras.*

Aiebat, duas esse mortis doctrinas: alteram tempus, antequam nati sumus, alteram somnum. Stob.

*Diogenes.*

Leti ali somno experrectus cum esset, ac medicus interrogaret, quidnam ageret: Rectè, inquit, habeo, Nam frater fratrem amplectitur: alludens ad Homerum, qui *ἄδελφον ἀνέμιλλεν* & *ἀνέμιλλεν* germanos sinxit. Laert. lib. 6.

*Gorgias.*

Iam vicinus morti, viribus deficiens, sensim in somnum delapsus iacebat. Et si quis ipsum ex familiaribus interrogaret quid ageret? respondebat: Iam somnus incipit me fratri suo tradere. Stob.

## De morte generosa.

*Anonyma.*

**L**acæna quædam, vt audierat filium in columen, sed fugisse ab hostibus, scripsit illi: Malus rumor de te sparsus est: aut huc dilue, aut ne sis. Præstabilis iudicauit mori, quā cum ignominia viuere. Plut. in apoph. Lacæn.

*Phocion.*

Iam damnatus, cum videret eiulare eos qui vnā morte multandi etiam erant: An non, inquit, ô Tudippe, pulchrum tibi ducis cum Phocione mortem oppetere? Ælian. lib. 13. de Varia historia Plut.

*Epaminondas.*

Dicere solebat pulcherrimum esse genus mortis in bello mori: quod hæc mors primum cum laude fortitudinis coniuncta sit, modò bellum geratur pro patria: deinde brevis, non diu crucians hominem, aut paulatim extabfaciens. Plut. in apoph.

*Idem.*

Cum grauius & ad mortem vsque in clade cruentissima vulneratus esset, prostratus humi interrogauit milites, an clypeus suus adhuc saluus esset, vt audiuit saluum, rogauit præterea, an hostes deuicti essent? cum & hoc audiuisset, Nunc finis, inquit, vitæ meæ: sed melius & altius initium aduenit. Nunc Epaminondas nascitur, quia sic moritur. Valer. Max.

*Idem.*

Suprà de Fortitudine heroica, & militari.

## De morte generosa, non deslenda.

*Socrates.*

**C**Ritonem orabar, ne præceptorem defunctum deploraret. Malè dictum enim non solum in hoc ipso delinquere, sed etiam animis non nihil hoc officere. Xen.

*Idem.*

Vxori muliebriter comploranti, dicentique, Mi vir: innocens morieris, Quid (inquit) vxor, num me nocentem mori mallet? Mors bonorum ob hoc ipsum minus deslenda est, quod



præter meritum occiduntur: bis verò deplorandi sunt, qui ob malefacta dant pœnas: sed longe miserius est, meruisse pœnas, quàm dedisse. *Eras.lib.3.apoph.*

*Idem.*

Præclarum esse dicebat, in bello fortiter occumbere. Etenim qui sic è vita migrat, funere & sepulchro magnificentissimo honoratur. Et siue pauper quis ita decedat, laudatione non caret: siue etiam vilis quispiam & ignavus, rursus à sapientibus viris extollitur, qui non temere, sed multo tempore composita & consulta oratione egregiè laudant. *Plato in Menexemo.*

*Polyænus.*

Polyænus non dolendum esse propter mortuos dicebat quandoquidem melius sit mori, quàm miserè vivere. *Max. term.35.*

*Anonyma.*

Lacæna quædam quum audisset quòd filius fortiter in prælio se gerens occubisset: Nimirum, inquit, meus erat. Non deploravit mortem filij, sed de virtute sibi gratulata est. Contrà, quum de altero audisset, quòd ob timiditatem prælium detrectans, saluus esset: Nimirum, inquit, non erat meus, sentiens, non esse habendos pro liberis, qui à parentum institutione degenerassent. *Plutarch. in Lacænarum apoph.*

*Alia.*

Quum audisset, filium in prælio cæsum: Deponite illum, inquit, ut erat in ordine locatus, eiúsque locum expleat frater. Tale robur animi, quale in paucis reperias viris. Non metuit orbitarem, modò vita patriæ impenderetur. *Plut. in Lacænarum apoph.*

*Alia.*

Quum in publica solenniq; pompa audisset filium in prælio quidem tulisse victoriam, sed ex vulnerum multitu-

dine mori, coronam non deposuit, sed glorians comitibus dixit: Quantò pulchrius est, amica, in acie victorem occumbere, quàm in Olympiis parta victoria vivere. Quantum hæc virago dissensit, à cæteris mortalibus, quibus persuasum erat, diis proximum esse in Olympiis ferre palmam, quum ibi non ageretur certamè virtutis, sed artis & impendiorum: tum nihil esse terribilius morte: neque quicquam esset tanti, quòd vitæ iactura sit emendum? Hæc nullam existimavit victoriam speciosiore, quàm quæ patriæ quæreretur: nec ullam mortem oprabilior, quàm quæ cum hac laude contigisset. *Ibidem.*

*Alia.*

Quum quidam sorori suæ narraret, quàm fortiter ipsius filius in prælio occubisset: Quantum, inquit illa, de filio cepi voluptatis, tantum tuam doleo vicem, qui à tam honesta societate defeceris. *Ibidem.*

*Archileonida Braside mater.*

Post obitum filij, cum Amphipolitz quidam venissent Spartam, eamque inuissent, percontata est, num honestè, & ut Sparrano dignum erat, occubisset? illis iuuenis virtutem amplificantibus, ac dicentibus, eum in bellicis negotiis Lacedæmoniorum omnium esse præstantissimum, respondit, O hospes, honestus quidem ac strenuus erat filius meus, sed multos illo præstantiores habet Lacedæmon. *Plut. in Lacon. apoph.*

*Anonyma.*

Quidam cum Lacænz matri dixisset, quàm fortiter frater in bello occubisset: Non pudet te, inquit, non fuisse in morte tam generosa comitè? Aded hæc mulier non molestè mortem filij tulit, ut reprehenderet ignaviâ alterius filij, qui honestam mortem subire non voluisset. *Plut. in Lac. apoph.*

*Alia.*

*Alia.*

Lacæna quædam cum filium audisset in acie cecidisse, ait:

*Plorantur timidi, ut in fletus humabere nate.*

*Et matre hac verè dignus es, & patria.*

Plut. in apoph. Lacæn.

*Demastria.*

Suprà de Generatione.

*Anonyma.*

Quædam filium, qui deserto loco fugerat, hostis crudelitatem metuens interemir, dicens: Haud meum est hoc germen, quod aded à vita abhorret, semel amittenda. Plut.

*Gyrtias.*

Cum Acrotatus nepos in puerorum pugna plagis ferè exanimatus esset, plorantibus aliis: Tacebitis, inquit: factum enim ostendit, cuius sanguinis esset. Alludit autè Lacedæmoniorum fortitudinem, qui mortem contemnentes, omnibus vitæ periculis sese obiciebant. Ibidem.

*Eadem.*

Eidem cum è Creta nuntius esset allatus de morte Acrotati: Cum ad hostes, inquit, proficisceretur, nonne futurum erat, ut aut ipse moreretur, aut illos occideret? Iucundius autem est audire, quod mortuus est, ut & ipso & ciuitate & progenitoribus dignum erat: quàm si iners & imbellis per omne æuum viueret. Solent autè tenerius & impotentius amare nepotes suos: quàm ipsæ matres. Et ubi nunc sunt, quæ in morte liberorum confugiunt ad laqueum: cum Gyrtias nepotem & seminecem lugeri vetuerit: nec eundem flendum putarit, quod fortiter pugnans interiisset? Plut. Ibid.

*Anonyma.*

Quædam sepeliebat filium, ad eam cum vilis anicula accessisset, dicens, Heu fortunam, ô mulier! illa subiecit, Per Geminos (inquit) bonum equidè

arbitror. Siquidem cuius gratia filium peperit, videlicet ut pro Sparta moreretur, id mihi contigit. Fortissima mulier, aniculæ deplorationem vertit in gratulationem. Cicer. Tuscul. quæst. libro primo. Plutarchus in Læonicis apophr.

*M. Crassus.*

Cum Publius Crassi filius fortissimè in bello cecidisset, hostes caput iuuenis hastæ impositum gestantes, Romanis magno cum contemptu ostenderunt. Quo tam tristi spectaculo nil commotus Crassus pater, qui belli dux erat, ait: Hic meus priuatus dolor est, mea hæc calamitas: cæterum, publica ciuitatis salus & gloria in vestra incolumitate sita est. Plutarchus in Crasso.

*Seneca.*

Paulina vxor Senecæ, cum marii mortem iam imminentem aded grauius ferret, Seneca, Cæte, ait, hanc meam mortem amplius ut contumeliosam desleas, ne vel te minus amasse, vel gloriæ meæ inuidisse videaris. Ex vita Senecæ.

*Antigenus.*

Quum renuntiatum esset, filium Alcyonæum in acie cecidisse, demisso vultu paulisper apud se cogitauit, mox erupit in hanc vocem: O Alcyonee, seriùs quàm oportuit vitam morte commutasti, qui tam audacter in hostes insilieris, neque tuæ salutis, neque meorum monitorum vllam habens rationem. Putauit non esse de flendum, qui sua culpa periisset, sibi que calamitatem accersisset. ex Plutarcho.

*Galienus imperas.*

Cum patrem Valerium audisset extinctum, vocem laudatissimam siue laude usurpauit, dicens, Sciebam patrem meum esse mortalem. Trebell. Pollio.

## De morte suorum æquo animo ferenda.

*Plato.*

**D**icebat, in morte amicorum quiescendum esse, partim eò quòd nondum liqueret bonum esset an malum quòd accidisset: partim quòd acerbè ferenti, nihil à luctu esset commodi. Tollitur enim dolor, si quis secum consideret, quale sit quòd euenit. Laert. lib. 3.

*Anaxagoras.*

Cùm in exilio agenti nuntiata esset mors filiorum, Sciebam, inquit, me genuisse mortales. Laert. lib. 2. cap. 3. Cicer. lib. 3. Tuscul. quæst. Ælian. lib. 3. de Var. histor.

*Xenophon.*

Cùm filium suum corruisse percepisset, ne lachrymās quidem, ait: Sciebam me genuisse mortalem. Laertius lib. 2. cap. 6.

*Lochadus.*

Nuntianti quòd è filiis ipsius alter interisset: Olim sciebam, inquit, illi moriendum esse. Nihil illi visum est nouæ rei, si mortalis natus moreretur. Plut. in Lacon apoph.

*Telamon.*

Audiens filium sibi charissimum morte surreptum esse, vultu immobili, vir aduersus omnem iniquam fortunam infractus, dixisse fertur, Bene se res habet, ego enim quem genui, moriturum sciui. Cic. lib. 3. Tuscul. quæst.

*Julianus.*

Cùm iam extremum traheret spiritum, audiens suorum lachrymas, ait, Nolite deplorare ac lugere principem iam quidem moribundum, sed cœlo diisq̃ reconciliatum. Pontanus libro. 2. capite 7. de domestica fortitudine.

## De mortuis non lædendis.

*Chilon.*

**V**erbat de mortuis malè loqui quòd ignauum videretur eos incescere lingua, qui respondere non possunt: ac turpe esset, cum vmbri ac laruis luctari. Nam id est, quodammodo sepultum refodere. Laert. l. i. c. 4.

*Philostratus.*

Ælianus sophista scripsit in Gymnidem tyrannum. Hunc quum Philostratus Lemnius offendisset lugentem indignabundo & concitato similem, percontatus est, quid argumenti esset præ manibus: Scribo, inquit, Gymnidis accusationem. Laudarem, inquit Philostratus, si viuientem accusasses. Id enim erat viro dignum, nam lacera- re defunctum, cuius in promptu est. Eras. lib. 1. apoph. cap. 16.

*Agefilans.*

Cùm Lysandri literas & orationem de nouandis rebus, deque mutando reipublic. statu, coram exercitu legere veller, & Lysandrum defunctum esse audiret, noluit defuncti aperire improbitatem militibus: indecorum esse putans, simultatem exercere cum sepulto. Plutarchus in Laconic. apoph.

*Plancus.*

Postquam animaduertisset, inuectiuas quasdā orationes ab Asinio Pollione scriptas esse, quas tamen ante mortem edere noller, ne responderetur maledictis, dixisse fertur, Cum mortuis non nisi laruas luctari. Quo dicto partim repercutit illas Pollionis orationes, vt apud eruditos nihil impenduntius, teste Plin. iudicaretur: partim etiam doceres voluit, mortuos ne maledictis quidem lædendos, qui

qui iam in terra quiescāt, nec audiant amplius : neq; maledictis respondere possint. Plin. & Cuspin. in Consulibus.

# De muliere, tum mala, tum forti, temperanti & sagace.

*Crates.*

**M**Vndum muliebrem dicebat esse, quod ornat scēminam, ornat autem, id quod eam reddit compositionem ac modestiorem. Verū id non pręstat, inquit, neq; smaragdus, neque purpura, sed quęcunq; adderent vim ac speciem honestatis ac verecundię. Gręcis κέσμος & mundum sonat, & ornamentum. Inde κοσμεῖν ornare. Laert. lib. 6. cap. 5.

*Diogenes.*

Conspicatus mulieres garrulas inter se colloquentes, Aspis, inquit, à vipera venenum mutuatur. Ant. in Mel. part. 2. ser. 34.

*Idem.*

Intuitus mulierem in lectica, non secundum feram ait esse caueam. Alludit autem ad ferociam ac rebellionē mulierum, qua adeo excellunt interdum, ut non mulieres sint, sed in feras transmutentur, dignę igitur quę non vehantur lecticis, sed catenis ligētur, quod viris sint mansuetiores. Laert.

*Sextus Philo.*

\* Mulierem malam, inquit, decet sigillum. Maxim. sermon. de mulieribus.

*Pythagoras.*

\* In mulierem & in ignem incidere, æquale esse dicebat. Eod. ser.

*Solon.*

\* A quodam rogatus, an vxor esset ei ducenda? Si turpem duxeris, inquit, habebis pœnam : sin pulchram, habebis communem. Eod. serm.

*Aristippus.*

\* Mulierem paruam, sed pulchram conspicatus : Paruum quidem pulchrum, inquit, magnum autem malū. Ant. ser. de muliere forti, &c.

*Protagoras.*

\* Vxorem temperantem quærere iubebat nec formosorem. Illud enim, inquit, est thesaurus qui surripi non potest, hoc autem animi opinio siue persuasio. Eod. ser.

*Philo.*

\* Dicebat Physicos narrare, mulierem nihil aliud quàm imperfectū esse marem. Infirmiora item quodammodo esse mulierum consilia, nec extra res quę sub sensum cadunt quicquam posse eas comprehendere. Eodem sermon.

*Philonis vxor.*

\* In complurium scēminarum cœtu interrogata, cur sola ex omnibus aureo non vteretur ornatu? Satis, inquit, vxori magnus ornatus viri sui virtus est. Ibid.

*Pericles.*

Quum deuictis Samiis Athenas reuersus, pro concione laudasset eos qui in bello ceciderant, ceterę matronę redeuntem è concione coronis ac vitis decorarunt. Elphinice verò Cimonis soror propius accedens, dixit illi, Pręclara sunt ista quę gessisti, & coronis decoranda : qui nos tot fortibus viris spoliasti. Ad hæc alięque conuicia nihil commotus Pericles, tantum arrisit : nec aliud respondit, quàm versiculum Archilochi.

ἄν εἰ μωρὸν ᾔδεις τοῦτ' ἀλέγεις.

Id est,

Vnguento, annis cūm sis, caneto intingier.

Significans, publica negotia non esse curanda vetulę. Tam enim hoc indecorum, quàm turpe foret eam vnguentis vti. Plut. in Pericle.

*Aristippus.*



*Aristippus.*

\* Mulierem os exornantem animum deformem indicare dicebat. Ant. ser. de mulieribus improbis.

*Philoxenus.*

Suprà de argutè dictis.

*Democritus.*

\* Sciscitatus, cur cùm magnus esset, paruam duxisset vxorem Ego (inquit) in malo eligendo, quod minimū erat, elegi. Eod. ser.

*Socrates.*

\* Dicebat, Quam diligere & appetere te dixerit mulier, tum ab illa magis metuendum tibi est quam cùm conuiuiatur. Solitus etiam est dicere, tria se mala affecutum, grammaticam, paupertatem & perniciosam vxorem: quorum duo effugissent, perniciosam verò vxorem minimè. Adolescentulis eum de matrimonio consulentibus. Quemadmodum pisces, inquit, qui nondum intra nassas sunt, volunt intrare, qui autem iam intus sunt volunt exigere: sic & vos ne idè vobis accidat videte. Item Xanthippen ornata & ad spectacula, euntem conspicatus: Non, inquit, vt spes, ò vxor, proficisceris, sed vt specteris. Eod. ser.

*Protagoras.*

\* Interrogatus quam ob causam inimico filiam nuptram duxisset? Quia (inquit) nihil ei dare poteram deterius. Eod. ser.

*Idem.*

\* Anum exornatam conspicatus: Si (inquit) viris, falleris: si sepulchro, ornata es. Ibid.

*Secundus philosophus.*

Interrogatus, quid esset mulier mala? respondit: Viri naufragium, domus tempestas, quietis impedimentum, vitæ captiuitas quotidianum dānum, voluntaria pugna, sumptuosum bellum, belua conuiua, sollicitudo conficiens, leena complectens, exornata

Scilla, animal malitiosum, malum necessarium. Max. ser. 39.

*Anonymus.*

Lacon quidam cùm vxorem satis pusillam duxisset, rogatus cur hoc fecisset? E malis, inquit, quod minimum est, elegi. Plut.

*Gorgo.*

Dicente hospite quodam, Solæ vos Lacenæ viris imperatis: respondit, Nos quidem solæ viros parimus. Idem.

*Cyperia mulieres.*

Quum Cyperij aduersus Aftyagem Medorum regem infelicitè pugnasent, mulieres in urbem fugientibus, obuiam ierunt ac nudatis ventribus: Quò, inquit, ignauissimi ruitis? An nescitis, vos huc iterum intrare non posse, vnde semel naturæ lege egressi fuistis? Inuerso ordine matres animant mares, quæ solent à periculis auocare. Eras. Ro. l. 6. apoph.

*Alexander.*

Antipater constitutus ab Alexandro Macedoniæ præfectus, quum ad Alexandrum scripsisset Olympiadis matris ineptias atque importunitates, commotus Alexander, ait: Grauem pensionem pro decem mensibus, quibus in vtero eius fuisset, matrem, à se exigere. Plut.

*M. Cato.*

Illud sæpe in vita se pœnituisse dixit, si quid arcani sceminæ credidisset. Est quippe loquacissimum animal mulier, non facilè retinens ea quæ in aurem dicta sunt. Plut. in Catone.

*Idem.*

Obiurgans aliquando mulierum impotentiam: Omnes, inquit, homines vxoribus dominantur, non omnibus hominibus, nobis autem vxores. Hoc modo colligens, mulieres rerum omniū esse dominas. Plut. in Ro. apop.

*Cleopatra.*

Cùm Augustus Cleopatram inuiseretur,

feret, exigeretq; ab illarationes: Se-  
leucus, vnus ex procuratoribus ipsius,  
indicauit aliquid esse subtractum ab  
ipsa. Illa in procuratorem insiliit, &  
arrepto hominis crine crebris ictibus  
pulsauit os. Hæc quum Augustus ri-  
dens conatus esset inhibere, illa, an  
non, inquit, permolestum est, ô Cæsar,  
quum tu me digneris inuisere, seruos  
meos heram incusare, quod non nihil  
muliebrium ornamentorum subtraxe-  
rim, non ea quidem mihi, sed vt Octa-  
uiæ & Liviæ munuscula dem? Hoc  
commento persuasit Cæsari, sed de vi-  
ta cogitare quum mori decreuisset.  
Plur. in Anton.

*Julia.*

Julia Augusti Cæsaris filia à paren-  
te castigata, quod cum adolescenti-  
bus luxuriosissimis procacius ambula-  
ret, respondit: Hi neccum senes fient,  
licet modò sint iuuenes. Erasmi. libr. 4.  
apoph. ex Sueton.

*Poppea.*

Poppea, quæ postea Neronis vxor  
fuit, quæres sibi matrimonium, & Oc-  
tauiæ dissidium fieri, quod fieri non  
speraret in columi Agrippina, crebris  
in eam criminibus vsa, & aliquando  
per facetias principem Neronem pu-  
pillum vocabat, qui iussis alienis ob-  
noxius, non modò imperij, sed etiam  
libertatis indigeret. Tacitus.

De multiloquio.

*Vide apoph. de Garrulitate.*

De munere exiguo non  
contemnendo.

*Aristippus.*

**R**eprehensus à quodam, quod So-  
cratis discipulus, contra Socratis  
morem pecuniam acciperet: Merito,

inquit, hoc facio, num Socrati plu-  
rimi diuites amici mittebant triti-  
cum & vinum, è quibus pauca in vsu  
necessarios reseruans, remittebat re-  
liquum. Nimirum habebat ille dis-  
pensatores Atheniensium primores:  
ego verò Eutychedem, seruum meum  
empririum. Significabat, se nihilomi-  
nus contemnere pecuniam, quàm So-  
cratem: sed illi fuisse largiores ami-  
cos. Laertius libro secundo capite oc-  
tauo. Hoc colore se possent & hodie  
quidam excusare, profluentes sum-  
mum pecuniæ contemptum, quum  
apud amicos habeant depositam pec-  
uniam, quod olim habeant benignos  
penicuratores: nunc esurituros satis,  
si nihil sit alicubi repositum nummo-  
rum. Erasmi.

*Diogenes.*

Cuidam exprobranti, quod à Phi-  
lippo rege pallium accepisset, Home-  
rico versiculo respondit:

*Ὁ μὴ δοκέειν ἐν δὴν ἱερὰν δόξαν  
id est.*

*Non sunt reiicienda insignia munera  
digni.*

Quod Homerus de forma corporis,  
quæ Deorum munus est, scripsit, hoc  
Diogenes detorsit ad pallium à rege  
datum. Laert. lib. 6.

*Ataxerxes.*

Ataxerxi, iam siti deficienti, Peribar-  
zenes eunuchus, cum aliud non lice-  
ceret, à rustico quopiam sordidum v-  
trem detulit putris aquæ cotylas octo  
continentem. Eam aquam cum rex  
totam ebibisset, rogatus, Ecquid illi  
placisset ille potus? deos testatus est,  
se nunquam vinum potasse iucundi-  
us, nec vllam aquam quamvis purissi-  
mam, sibi visam suauiore. Ac post  
nactus eum hominem, qui eunuchos  
aquam dederat, è paupere diuitem  
fecit. Tanti refert in tempore dare  
munus. Erasmi.

*Idem.*

*Idem.*

Suprà de Agricultura & beneficentia.

## De munerum corruptela.

*Socrates.*

**D**icebat, Archelaum quadraginta minas in domum suam impendisse, conducto mercede Zeufide Heracleota, qui picturis eam exornaret. in seipsum verò nihil. Et ob hanc causam multos è longinquis terræ partibus, magno studio contemplandæ domus causâ venire: ipsius verò Archelai gratia neminem in Macedoniam proficisci, nisi si quem forte persuaderet, pecuniis & muneribus inescaret: quibus tamen honesti bonique viri capi non possent. *Ælian. lib. 14. de Varia histor.*

*Corydus.*

Cùm Demosthenes ab Harpalo poculum ingens dono accepisset: Hic inquit Corydus, alios Acrocothonas, hoc est bibulos appellat, cùm ipse magnam pateram attraxerit. Cothonyathus est fistilis, attrahit qui accipit donum, & attrahit vinum qui bibit. *Erasl. 6. apoph.*

*Callicratidas.*

Suprà de Hostibus non crudeliter tractandis.

*Agésilauus.*

Quoniam Persarum numisma sagittarium habebat insculptum, ex Asia discedens Agésilauus rex, aiebat, Se triginta sagittariorum millibus à rege Asia depelli, tot enim Daricorum aureorum millibus Athenas ac Thebas deportatis, & in plebis moderatores distributis, Timocrates effecerat, ut populus hostilem animum aduersus milites suscipere. *Plu. in Lac. apoph.*

*Cyrus iunior.*

Lacedæmoniis ut secum societatem inirent: potius quàm cum fratre, hac oratione sese cõmendauit. Aiebat sibi cor longè grauius esse, quàm fratri: plus illo meri bibere, meliùsque ferre quàm illum. Nam illum vix in venatu posse in equo sedere, ut non excutiat: in rebus acerbis, ne in sella quidem. Sciebat enim, Lacedæmoniis inuisos esse molles ac timidos. Hortabatur insuper ut viros ad se mitterent: pollicès, se peditibus daturum equos, equitibus currus: agrum possidentibus, se daturum vicos: vicos qui haberent, eos se facturum vrbium dominos, cæterum auri argentique vim tantam, ut non possent numerare, sed pendere cogerentur. Nimirum hoc erat quod dixit Artaxerxes, regalius esse addere quàm adimere. *Plutarc. in Reg. apoph.*

*Xerxes.*

Suprà de Humanitate.

*Philippus.*

Idem Alexandrum filium obiurgans, quòd largitionibus Macedonum beneuolentiam consecraretur: Quæ te malum, inquit, ratio in istam speciem induxit, ut eos tibi pures fore fideles, quos pecunia corrueris? An tu id agis, ut Macedones te non regem suum, sed præbitorem putent? *Cic. lib. 1. Officiorum. Val. Max. l. 7. c. 1.*

*Idem.*

Cùm arcem quandam valde munitam capere destinaasset, atq; exploratores retulissent prorsus esse difficile, atque adeò etiam impossibile, percontatus est, num vsque adeò difficile esset ut nec asinus auro onustus posset accedere? Significans, nihil esse tam munitum, quod auro non expugnetur. Quod ipsum poëtæ significarunt fabula Danaes, à Ioue stupratæ, sed de eo in aurum versò. *Flaccus.*

*ANYND*

*Aurum per medios ire fasellises*

*Et perfrangere amas castra posensius*  
*Ferro.*

Plutarchus in apoph. item Cicero in  
epist. ad Attic.

*Bias.*

Suprà de Benevolentia.

*Phocion.*

Harpalus, ab Alexandro fugiens,  
magno cum auri pondere Athenas ve-  
nit, ibiq; cum multis muneribus ad se  
allexisset, ad Phocionem etiam septu-  
aginta talenta destinat. Phocion verò  
ad nuntios conuersus: Auferte isthæc  
(ait) hominum improbiissimi, meoque  
nomine mærorem luctumque renun-  
tiate Harpalo, nisi à corrumpenda  
ciuitate manum absteineat. Phocion.

*C. Potisius.*

Audiens Romanos acceptis mune-  
ribus pristinum nomen & decus ami-  
sisse: Vtinam, inquit, ad illa tempora  
me fortuna seruasset, & nunc essem  
natus, quando Romani dona accipe-  
re cœpissent. Non profectò passus es-  
sem eos imperare diutius. Cicero. lib. 2.  
Offici.

*M. Cincius.*

Legem cum tulisset, qua causidico  
munera ob agendam causam percipe-  
re prohibebantur: hancq; rem C. Cen-  
to molestè ferret, prodississetq; ac satis  
contumeliosè dixisset, Quid fers Cin-  
tiole? Vt emas, inquit, Cai, si vti velis.  
Quasi dixisset: Quia accipere munera  
gratis prohiberis. Bruto. lib. 2. c. 1.

*C. Cæsar.*

Sylla præturam adeptus, commi-  
natus est Cæsari, se sua, in illum pote-  
state vsurum: Iure, inquit Cæsari ridès,  
tuam potestatem appellas, quam tuo  
ære mercatus es. Noràs Syllam, quòd  
eum magistratum largitionibus sibi  
parasset. Erasmi. lib. 1. apoph.

*Iugurtha.*

Suprà de Auaritia.

*Alphonfus.*

Magnopere laudare solebat dictum  
nescio cuius, hostibus fugientibus pon-  
tem argenteum extruendū esse: quòd  
putaret, hostes pecunia sollicitandos,  
vt ab acie discederent. Erasmi. lib. 8.  
apoph.

## De munerum contemptu.

*Socrates.*

**A**lcibiades ambitione quadam  
munificus, cum plura magnæque  
munera Socrati dono misisset, & Xan-  
tippe admiraretur donorum amplitu-  
dinem, eaque cuperet eum accipere,  
Socrates dixisset fertur: Imò nos cer-  
temus liberalitate cum Alcibiade,  
& ea quæ mittuntur ab ipso non capi-  
amus, quadam munificentia. Elian.  
lib. 9. de Varia hist.

*Idem.*

Cum quis Socrati diceret, magnum  
esse, compotem eorum fieri quæ quis  
cuperet: respondit, Sed multum maius  
est, ne cupere quidem ab initio. Eli.  
lib. 6. de Var. hist.

*Idem.*

Cum Alcibiades spatiosam aream  
dono offerret Socrati, in qua sibi do-  
mum ædificaret: Quid, inquit, si mihi  
calceis opus esset, num corium mihi  
dares, vnde mihi calceos conficerem?  
Et si dāres, an non ipse ridiculus es-  
sem si acciperem? Hac similitudine  
munus inutile recusauit. Erasmi. lib. 3.  
apoph.

*Idem.*

Obiurgatus ab vxore Xantippe,  
quòd multa missitibus amicis, nihil  
acciperet, dixit: Si omnia, quæ dantur,  
statim acciperemus, ne si peteremus  
quidem in posterum, vt darent habi-  
turi essemus. Stob. ser. de Prudentia.

*Idem.*



*Idem.*

Archelaus rex Socratem ad se vocat, multa pollicens: Socrates respondit, se nolle ad eum venire, à quo acciperet beneficia, cum illi reddere paria non posset. Hoc dictum improbat Seneca: quod philosophus persuadens auri argentisq; contemptum, plus dat, quam si det aurum & argentum. Eras. Rot. lib. 3. apoph.

*Idem.*

Cum Aristippus, Socratis discipulus, ex quaestu quem Socraticorum primus facere instituit, praceptoris misisset viginti minas, remisit illico Socrates ad illum pecuniam, dicens: ipsius genium hoc nequaquam permittere. Dicebat enim Socrates, sibi pecuniam esse demonem, à quo prohiberetur arcano signo, si quid tentaret parum honestum. Genium autem illum, opinor fuisse rationem. Atque interim civiliter indicavit Aristippo, sibi non probari, quod philosophiam doceret mercede, eoque donum ceu sacrilegio parum reiecit. Eras. lib. 3. apoph.

*Aristoteles Cyren.*

Oblata ab hominibus munera non accipienda esse putavit: Et eam quidem ob causam, quod munerum acceptorum molestias habiturus sit, ut rependat: aut si omnino non referat, in ingratitudinis reprehensionem facillime incidat. Aeli. lib. 10. de Varia hist.

*Demetrius Cynicus.*

Quum Caesar ducenta talenta ei attulisset, ridens reiecit: Si tentare, inquit, me constituerat, toto illi fui experiendus imperio. Bruti. lib. 1. c. 9. ex Sen. de benef. lib. 1. c. 11.

*Ephialtes.*

Pauperrimus fuit, attamen quum amici decem talenta ipsi dono daret, non accepit: Hæc, inquiens, me cogerent, si quidem reuerenter vos haberem, aliquid præter ius concedere: sin mi-

nus vos observarem, ingratiſſimum haberi. Aeli. lib. 11. de Var. hist.

*Iulius Grecinus.*

Pecuniam ab amicis ad ludorum impensam conferentibus acceperat, sed magnam pecuniam missam à Fabio Persico non accepit. Obiurgantibus autem, quod non accepisset: Ego, inquit, ab eo beneficium accipiam, à quo propitiationem accepturus non sum? Quumq; illi Rebilis, consularis homo, eiusdem infamiae maiorem summam misisset, & instaret ut acciperet, Rogo inquit ignoscas: à Persico enim non accepi. Sen.

*Anacreon.*

Posteaquam à Polycrate tyranno quinq; talentorum acceperat munus, infomes duas egit noctes, indeq; cogitatione sollicitus, reddidit ea, dicens: Non tantum sibi esse, ut tanta cura vexari velleret. Aeli. & Stob.

*Lycurgus.*

Suprà tit. de Integritate vitæ.

*Agésilæus.*

Cum in Lydia Tissaphernem fugasset, ac quam plurimis interemptis, iam in agros regios fecisset incursionem, rex Persarum per legatos, quorum præcipuus Titraustes, ingentem pecuniarum vim ultro ad illum misit, petens ut à bello desisteret. Agésilæus sprete pecunia respondit, Pacis quidem tempore Reipub. vigere auctoritatem, ut ius habeat decernendi, quod ad tuendam civitatis tranquillitatem censuerit conducere, belli vero tempore non item. Sibi vero iucundius esse, si milites suos diceret, quam si ditescat ipse, præterea se pulcherrimum ducere, si Græci non munera caperent ab hostibus sed armis pararent spolia. Vox excellentis animi, qui non aliud virtutis præmiū ambiret, quam gloriam: nec pacem hosti venderet, fraudato milite. Plut. in apoph. Lacon.

*Alca.*

*Alcarnenes.*

Alcarnenem Telecri filium quum quidam interrogasset, Cur munera è Messeniis oblata non accepisset? respondit: Quoniam si accepissem, cum legibus pacem habere non potuissem. Quo dicto docuit, munera nequaquam esse accipienda, quæ legibus & Reip. aliqua saltem ex parte obesse possunt. Plut. in Lacon.

*Cleomenes.*

Mæander Samiorum tyrannus ob incursionem Persarum profugerat Spartam, ostenditque quantam pecuniarum vim secum apportasset, & quantum Cleomeni vellet largiri. At Cleomenes ipse quidem nihil accepit, sed veritus ne quid aliis ciuibus donaret, adiit Ephoros, dixitque, satius esse si hospitem suum Samium è Peloponneso submouerent, ne cui Spartano persuadeat, inquit, vt fiat malus. Ephoriverò Cleomenis consilio parentes, eodem statim die promulgarunt edictum, vt Meander Peloponneso decederet, Quantus in hoc homine diuitiarum contemptus, à quibus non secus atque à præsentissimo veneno timuit ciuibus suis, cum plerique non aliter existiment beatas ciuitates, quam si quam maximè abundet opibus. Hunc Meandrum Herodotus lib. 3. Mæandrium appellat. Plut.

*Gorgo Cleomenis filia.*

Quum Aristagoras Milesius Cleomenem ad bellum pro Ionibus aduersus regem Persarum suscipiendū hortaretur, magnam pecuniarum vim pollicens, quantoque magis ille recusabat, tantò plus adderet promissæ summæ: Pater, inquit, corrumper te hic peregrinulus, ni ocyus eum ædibus extruseris. Plut. in apoph. Lacon.

*Callicratidas.*

Cum Cyrus stipendium misisset militibus, Callicratidi seorsim xenia,

amicitiæ monumenta: stipendium quidem accepit, xenia verò remisit. negans sibi cum ipso priuaram habendam amicitiam, sed quā haberet publicam cum Lacedæmoniiis omnibus, eadem illi secum quoque intercedere. Quid hoc animo incorruptius, qui totus ad Reipub. commoda spectabat? Idem.

*Pelopidas.*

Cum obiurgarent eum amici, quòd pecuniariæ rei ad vitam tuendam conferentis nullam curam gereret: Et, inquit, mcherculè res utilis est: verum huic Nicomedi intento digito in hominem quendam claudum & mutilum. Æli. lib. xi. de Varia hist. Plur.

*Epaminondas.*

Pauper quidem erat, sed quum Iason ei quinquaginta auri talenta mitteret: Inuitiam, inquit, mihi facis. Sed quinquaginta drachmas à ciue mutatus, vt essent pro viatico, profectus est in Peloponnesum. Cum verò nuntium allatum esset, satellitè eius pecunias à captiuis cepisse, Mihi, inquit, dæscutū: Tu verò tibi cauponam eme, in qua viuas. Non enim vltius pericula subire voles, cum diues sis factus, Plut.

*Idem.*

Suprà de Diuitiarum contemptu.

*Idem.*

Cum legati venirent ferentes munera animo corruppendi, ad prandium eos venire iussit prius, vt in eodem causam aduentus explicarent. Apposita est igitur mensa vilis, bibebantque vinum acidum. Subridens igitur Epaminondas, ad legatos ait: Abire, & domino vestro mea prandia narrate: quibus me contentum, non faciliè suis muneribus ad prodicionem alliciet. Stob. ser. de Prudentia.

*Idem.*

Cum Artaxerxes Persarum rex, ipsitria Dariæorum millia misisset, Dio medontem

medonsem Cyzicenum asperius increpauit, si tantam nauigationem suscepisset, corrupturus Epaminondam eumq; iussit hæc verba ad regem referre: Si fauet commodis Thebanorum, habiturus est Epaminondam amicum gratis: sin minus hostem. Plut. in apoph.

*Phocion.*

Cum à Menillo oblatam pecuniam contempnisset, rogatus ab illo causam, cur saltem filio sumendam nõ permitteret? respondit, Si filius vitam morèsq; cõposuerit, viuet ille quidem paterna hæreditate contentus: Si verò prodigus & immodestus fuerit, ne argutū quidẽ hoc fatis futurū est. Plut.

*Idem.*

Alexander Macedonum rex centum talenta dono miserat Phocioni. is verò percontatus est eos qui pecuniam adferebant: Quid ita, quum essent Athenienses permulti, sibi vni illa mitteret Alexander? Illis respondentibus, Quoniam vnum te iudicat virum & honestum & bonum. Ergo sinat, inquit, me talem & haberi & esse. Vt scitè arreptum ab illis argumentum tor sit ad occasionem recusandi muneris! Iam quis hinc non admiretur incorrupti pectoris sinceritatem? Pauper erat Phociõ, nec domi magnitudine quicquam mouebatur. Simul autẽ indicat, illos qui quum Remp. administrant, ramen à capiendis muneribus non tẽperant, nec bonos esse viros, nec tales haberi debere. Plut. in apoph.

*Alexander.*

Ciuitas quãdam vt ab armis Alexandri quietem haberet, obtulit illi partem agrorum, & præterea rerum omnium dimidium. Cui sic respondit: Hoc animo veni in Asiam, non vt acciperem quod dedissetis, sed vt vos haberetis quod reliquissẽm. Plutar. in Alexandro.

*Xenocrates.*

Quum Xenocrati Chalcedonenfi ingentem pecuniarum summam misisset, ex eà philosophus tres tantum minas recepit, & reliquum referri iussit, dicens: Ipsi pluribus esse opus, qui plures aleret. Laert. lib. 4. cap. 2. Stob. sermone 3.

*Idem.*

Alexander ad Xenocratem legatos misit cum aliquot talentis, quos ille in Academiam perductos parca tenuiq; cœna excepit. Postridie interrogatib, cui veller adnumerari pecuniã? Quid, inquit, Irãne vos ex hesternæ cœnæ nõ intellexistis, me pecunia non indigere? Philosophus ethnicus reiecit à diuissimo liberalissimõq; rege vtrò delatam ingentem pecuniæ summam: & nunc pro sanctis haberi volunt, qui extremam professi paupertatem in tantum vt horreant etiam quæmi contactum, non aliter quàm viperæ, non referendis artibus venantur diuitem ac pauperum liberalitatem. Laert. l. 4. c. 2. Cic. l. 5. Tusc. quæst.

*Dionysius senior.*

Corinthiorum legati cum ad Dionysium senioreẽ missi essent, & is pro more amplissima dona obtulisset, recusarũ planè, eo quòd lex esset apud ipsos vetans ne legatione fungentes munera acciperent à principe. Quibus Dionysius respondit, Rem profectò absurdam facitis, qui quod vnum bonum habet tyrannis, hoc tollitis, dũ docetis, etiam beneficium à tyrannis accipere periculosum esse. Grauem rex iudicabat contumeliam esse, oblata recusare munera, cum hæc vnica re tyranni aliis se commendare possint. Plut. in apoph.

*Cimon.*

Quendam barbarum è Persis Athenas aiunt cum magna auri copia venisse, Cimonisq; domum adisse, &

& obtutelam phialas duas, alterā Darcis, alterā argenteis plenas obtulisse. Conuersum verò ad eum Cimonem subrisisse rogassēque barbarum, mercenariumne an amicum Cimonem habere velleret? cū autem respondisset amicum: Abi igitur, inquit, tuāque isthæc tecum munera defer. Ego enim amicitia tua fretus, hisce cū opus fuerit liberaliter vtar. Plur.

*M. Curius.*

Samnites, posteaquā à M. Curio deuicti essent, venerunt magnam ei vim auri offerentes, verū Curio cū fortè ad focum sederet, & ex cado ligneo rapas comederet, Samnitū legatis respondit: Nihil opus est auro, talem cenantī cenantam. Alij autem respondisse scribunt: Ego malo aurum habentibus imperare, quā vt alij mihi aurum accipienti imperent. Plutar. in Roma. apoph. Plin. de Viris illustr. cap 33. Cic. in Catone maiore.

*C. Fabricius.*

Samnites cū ad C. Fabricium imperatorem populi Romani venissent, grandem offerentes pecuniam: Fabricius planas manus ab auribus ad oculos, & infrā deinceps ad nares, & ad os, & ad gulam, atque inde porrò ad ventrem imum deduxit, & legatis ita respondit: Dum illis omnibus mēbris, quæ attingi, obistere & imperare possum, nunquam quicquam deerit. Propterea pecuniam cū nihil mihi vsui sit, non accipiā ab iis, quibus eam vsui esse scio. Higinius lib. de vita rebūque illustrium virorum. Gellius lib. 1. cap. 4. & 14.

*Idem.*

Fabricio cum Pyrrhus pro redimendis captiuis multum auri misisset, aurum, quidem non accepit. Postridie verò Pyrrhus maximum elephantum emisit, qui ignaro Fabricio à tergo subito barriens appareret. Id vbi factum

est, respiciens Fabricius, ac ridens: Me, inquit, nec aurum heri, nec hodie belua fecit attonitum. Sensit, Pyrrhum hoc de industria egisse, vt quoniam auro bonisque verbis deliniri nō poterat, immani voce beluæ terreretur. Sed expertus est Pyrrhus animū vnde quaque inexpugnabilem. Plur. in apoph.

*Idem.*

Cyneæ Pyrrhi legato, magnam auri vim dono offerenti, respondit: Se malle imperare aurum habentibus, quā habere aurum. Eras. libro 6. apoph. Simile cū eo, quod Curio ab aliis attributum, paulò antè retulimus.

*Cyanienfes.*

M. Bruto cū tota ferè sese dedisset Lusitania, sola vrbs Cyania pertinaciter arma retinuit. Verū cū tentaretur per Bruti legatos, vt data pecunia se darent Bruto, Cyanensis populus vno ore respondit: Sibi ferrum esse à maioribus relictum, quolibet patriæ tuerentur: non aurum, nō munera, quibus ab hoste se redimeret. Recitat Eras. lib 8. apoph.

*Vide de Diuitiarum consepitu.*

*Spartacus.*

Spartaco in Crassum omnes mouenti copias, quidam equum dono obtulit. At ille: Si vicero, inquit, plurimos ex hoste equos habiturus sum: si victus fuero, nec hic mihi futurus est vsui: simulque cum dicto, equum gladio transherberat interemit. Eras. lib. 6. apoph. ex Plur.

*Alphonfus.*

Suprà de Belli studio.

## De mundo.

*Thales.*

Interrogatus, quid omniū esset pulcherrimum? respondit, Mundus, est

Kk

cnim



enim opus Dei, quo nihil pulchrius est:  
Eras. 7. apoph. ex Laert. lib. 1.

*Demonax.*

Cum quidam exquirerent, an mundus esset animatus, & rursus an globosus? Vos, inquit Demonax, de mundo solliciti estis, at vestram ipsorum immundiciem non curatis. Anton. part. 2. ser. 77. Melisse.

## De musica.

*Socrates.*

**N**Atui iam gravior, cum inter pueros fidibus canere disceret, obiurgantibus respondit: Nequaquam absurdum esse discere ea, quae prius nesciuiſſet communi vitae tam utilia & necessaria esse. Tanti fecit musicam vir sapientissimus, ut iam grandaeus discere nequaquam erubesceret. Eras. lib. 3. apophth.

*Solon.*

Cum eius nepos ex fratre inter popula carmen quoddam Sapphus cecinisset, delectatus est illa cantilena, & iussit adolescentem ut eam se doceret. Cum autem quidam interrogasset, quam ob causam hoc desideraret? respondit, Ut postquam ipsam didicero moriar. Aelian. de Var. hist.

*Antisthenes.*

Quum in conuiuio quidam diceret Antistheni, Cane tibiis: Tu mihi eas infla, inquit. Non recusauit obsequium, si ille vicissim obsequeretur. Sed interrim indicauit, non esse philosopho decorum, tibiis canere. Laert. lib. 6. cap. 1. Brus. lib. 4. cap. 17.

*Syratonicus*

Aliquando trophæum quum erexisset, hunc inscripsit titulum: Aduersus malè canentes cithara. Notans, tales ubique quàm plurimos esse, quos ipse viciſſet. Eras. 6. apoph. ex Athen.

*Agessilaus.*

Cuidam Agessilaum rogati, quam ob causam Spartiatæ ad tibiæ cantum inituri prælium exercerentur? Ut quæ ad numerum, inquit, incedunt, appareat qui formidolosi sint, qui fortes. Nam anapæstorum ictus strenuis addebant animum, vehementer meticulosis pallorem ac tremorem incutiebant. Itaque quum pes non responderet ad modulos tibiæ, prodebatur ignauorum imbecillitas. Magni siquidem refert, ut dux perspectos habeat militum suorum animos, quo noſcit qui sint à prælio submouendi, aut qui qua parte exercitus collocandi. Plut. in Lacon. apoph.

*Alexander.*

Quum Alexander etiamnum pubescens citharæ daret operam, & præceptor artis subinde moneret quam chordam quomodo pulsare deberet: & puer parum obsequens doctori dixisset, quid si hanc pulsarem? Citharædus lepidè respondit: Si isthuc quæris, tanquam mox rex futurus, nihil refert: Si ut artifex futurus, plurimum interest. Eras. lib. 8. apophth.

*Nero.*

A mathematicis audierat, fore ut aliquando deiiceretur imperio, eoque Græcum Iambicum dimetrum identidem usurpabat.

*τὴν τῆς αἰσῆς πᾶσαν γὰρ ἡγεῖται:*

*Terra quævis artem alit.*

Putans, se tantum profecisse in arte canendi, ut etiā si exigeretur, in quavis regione ob musices peritiam posset haberi in prætio. Quumque imminetibus qui illum inſequabantur, de salute desperans, cogitaret sibi vim adferre, subinde dicebat: Quantus artifex pereō. Suetonius.

De musica contempta, & Musicis, tum peritis tum imperitis irrisus.

*Antisthenes.*

**Q**uibusdam admirantibus Ismeniam, quod esset insignis tibicen: Nequam, inquit, hominem esse oportet, nam si bonæ frugis esset, non esset egregius tibicen. Iudicabat eos non posse bonos viros euadere, qui tantum operæ eiusmodi artibus impendissent. Plut. in vita Periclis, Pontan. lib. 5. ca. 1. de Prudentia.

*Ateas.*

Quum Ismeniam tibicinem optimum in bello cepisset, iussit illum canere, ac cæteris admirantibus, ipse iuravit per ventum acinacen, sibi iucundius esse, audire hinnitum equi. Plut. in apoph.

*Ismenias.*

Canebat in sacrificio, quumq; non litaretur is qui conductus fuerat arreptis tibiis canebat ridiculè, & hoc canente litatum est. Incusantibus autè iis qui aderant: Diuinitus, inquit, contingit venustè canere. Hic Ismenias ridens: At me (inquit) canente, dii voluptate capti commorabantur: te vero festinante illos abigere, arripuerunt hostiam. Refert Plutarchus Symposiacôn lib. 3. Conductitius ille sibi laudè arrogabar, quod ipso canente litatum sit: quasi dii magis delectati sint ipsius cantu quàm Ismenia. Id lepidissimè retorsit Ismenias: ideo non fuisse litatum, quod dii gaudentes erudita musica diutius amarent adesse sacrificio. At quum ille tã ridiculè caneret, quasi studeret deos abigere, ne vacui recederent, arripuerunt victimam.

*Diogenes.*

Suprà de Doctrina factis dissentione.

*Idem.*

Citharædum imperitum, obesoq; corpore, & ab omnibus vituperatum, solus Diogenes laudabat. Demirantibus quamobrem id faceret: Laudo, inquit, quod quum talis sit, maluerit se cithara quàm latrocinii exercere, significans illum corpore validum, ingenio rudem, latrocinii aptiorem esse quàm musicæ. locus est ab inexpectato Laert. li. 6.

*Idem.*

Alterum citharædum, quod quoties caneret, ab auditoribus deserebatur, obuiam ira salutabat, Salue galle. Quum ille offensus salutationis nouitate diceret, Quid ira? Quoniam, inquit, cantu tuo excitas omnes. locum captauit ex ambiguitate verbi Græci. αἰγίρειν enim dicitur, & qui excitat dormientem, quod solent galli gallinæcei malè canentes: & qui sedentem excitat ut surgat, quod ille solebat. Laert. lib. 6.

*Idem.*

Cuidam iactante musices peritiam respondit,

Γνώσεις γὰρ ἀδρῶν μὲν οἰκῶν τῶν πέλεις,  
Εὐδὲ οἶκος ἀφαιμῶσι καὶ περιστομαστῶν.

id est:

Prudentia vrbes bene gubernat: te domus.

Ne cantilenis, nec modis regitur probè. Eras. li. 3. apoph.

*Satyrus.*

Is egregius tibicen per sæpe Aristonis philosophi disputationibus intererat, & his quæ diceretur mirè affectus, aiebat: Cur ergo ego non igni trado hoc relum, ad nihil vtile? Subobscure referens tibiam, & quodam modo suam artem ad philosophiæ studium comparatam extenuans, & nihil æstimans. Ælian. li. 3. de Var. hist.

*Aristoteles.*

Interrogatus, quid de musica sentiret, respondit, Iouem neque canere, Kk 2 neque

neque citharam pulsare. Sensit nimirum hoc studium parum vtile hominibus esse, quod dii non etiam delectarentur. *Brusl. lib. 4. cap. 17.*

*Stratoniceus*

De Phaone malo tibicine dicebar, quod non caneret harmoniam, sed Cadmum. Phaon autem, quum se gereret pro tibicine, iactaretq; se Megaris habere chorū: Nugaris, inquit Stratoniceus: non habes, sed habebis. Significans illum discipulū esse potius quā magistrum, aut chorū ipso doctiorē esse. *Erasl. lib. 6. apoph.*

*Idem.*

Quum vidisset Propin citharædum Rhodium, corpore quidem magnum, sed arte pusillū, percontantibus qualis videretur? respondit proverbiale dicto: Nullus, malus, magnus, piscis. Singulis verbis hypostigme separatis alium efficiens sensum. Athenæus. Vide proverbium etiam apud Erasl. Nullus, magnus, &c.

*Idem.*

Quum in sacrificio malus quidam tibicen esset cantaturus: Bene ominandum est: inquit, libantes precentur deos. Significans, opus deorū auxilio, ut bene caneret Athenæus.

*Idem.*

In citharædum imperitum cui nomen erat Cloon, sed vulgo dicebatur bos: Olim inquit, asinus lyrae dictum est, nunc bos est ad lyram. Athenæus in Dipnos.

*Idem.*

Rhodi quum artis suæ specimen edidisset, neq; quicquā plausu aliōve gestu signum favoris dedisset, abscessit illinc dicens: Quum id quod nullo cōfiter impendio, non præstetis, quī sperem a vobis præmium accepturum? Athenæus, & Erasl. lib. 6. apoph.

*Idem.*

Citharædus quidā malus eum exci-

piebat conuiuio, atq; super cœnā ostentabat illi artē suam. Erat autem apparatus splendidus. Itaque Stratoniceus quū illo canente non haberet, qui cū loqueretur, confregit poculum & poposcit maius. Id quum accepisset cum multis cyathis, soli calicem ostendit, moxque sese vino ingurgitavit, & obdormiuit. Quum autē fortē superuenissent aliquot cōmessabundi, cantori, qui cōuiuium exhibebat, noti. Stratoniceus expergiscens factus est ebrius. At illi quum intellexissent, quod multum assiduēq; bibendo fuisset inebriatus, Stratoniceus compendio respondit: Hic insidiator & sceleratus cantor, me veluti bouem ad præsepe, dum cœnam accipit, occidit. Boues multo cibo saginantur, priusquā mactentur. Athenæus.

*Anonymus.*

Xenophantus certis modis Alexandrum ad arma solebat concitare. Eam Musices vim admirantibus cunctis, quidam ait: Si tantus artifex est, incinat modulos quibus illum à bellis reuocet. Sentiens, non esse magnæ artis hominē eò percellere, quod suapte natura pronus est. Erasl. lib. 4. apoph.

*Demosihenes Mitylen.*

Pulsauit fores hominis musicæ ac citharæ dediti, quūmq; is audito pulsu iussisset illum introire: Faciam, inquit, si prius alligaris citharam. Subnotans illum nihil aliud quam cithara canere. *Plut. Symposiacōn. li. 2.*

*Anonymus.*

Citharædus quidā cum apud quēpiam caneret, pollicitusque esset is apud quem cantabat, quantō melius cantaret, tanto se plura daturum. quū promissa postridie reposceret, ei dulce quid occinens, subiecit, Voluptatem tibi reddo (inquit) pro volupate. Ex Aristotelis lib. 9. Ethicorū, recitat *Brusl. lib. 4. cap. 17.*

*Anonymus.*

Lacedæmonius quidam, quum super conuiuium esset illata lyra: Non est, inquit, Laconicum nugari, longè dissentiens à cæteris Græcis, quibus nullum conuiuium suaue videbatur absque musica. Id lacon inutile iudicabat, lautius existimans honestis ac festiuis fabulis condire comportionem, quàm inani lyræ strepitu. Plur. in Lacon.

*Agessilaus.*

Rogatus ut vellet audire quendam, qui mira similitudine lusciniæ vocem imitabatur, recusauit: Frequenter (inquiēs) ipsam audiui lusciniam. Significans, ineptam esse voluptatem, magis delectari ipsa simulatione quàm natura. Plutar. in Lacon. apoph.

*Cleomenes.*

Quidam ut Cleomeni cantorem quendam commendaret, quum aliis multis nominibus prædicabat hominem, tum illud in primis affirmabat, eum esse cantorem inter Græcos præstantissimum. At Cleomenes ostenso quodā ex his qui aderant: At per deos, hic, inquit, est apud me iuris condendi artifex. Contempsit artem ad solam delectationem utilem. Plur.

*Demaratus.*

Demaratus cum audiret cantorem quendam ostentantē artem suam, nihil aliud laudis illi tribuit, tantum ait: Mihi videtur non male nugari. Tantus erat contemptus artiū: quæ licet essent operosæ, tamen solummodo delinirent aures, nullam seriam utilitatem adferrent Reip. Plur. in Lacon. apoph.

*Archidamus.*

Quum quidam prædicaret citharædum, cuiusque in canendo facultatem admiraretur: Heus, inquit, vir optime, quid honoris ac præmij abs te ferent boni viri, quum tantoperè prædices citharædum? Rectè taxauit nō

vulgi modò, verum & principum præposita iudicia, qui plerunque pluris faciunt mimum aut morionem, quàm sapientem, fidique cōsiliū virum: citharædum verò, cuius ars non Reipub. sed voluptati seruit, aded non iudicauit prædicandum, ut nec inter bonos viros habendum duceret Plur. in Lacon.

*Idem.*

Adeum qui ipsi cantorem cōmendare volens, dixit, Hic est bonus cantor: At apud nos, inquit, hic est bonus condimentorum artifex: perinde quasi nihil referret, utrum quis musicorum instrumentorum sono, an obsoniis & condimentis voluptatem adferret. Apud Athenienses cantores erant in summo pretio, quum quis non haberetur idem honos: Lacedæmoniis verò nil placebat artium, quod civium animos effœminaret magis quàm ad virtutem accenderet. Plur.

*Alcibiades.*

Imbutus philosophiæ præceptis, voluptates ac artes indecoras aspernatus est, disciplinas liberas semper amplectebatur, lyram hoc argumento reiciebat, quòd vocem hominis imitaretur (ex quo colligere licet, olim qui lyra caneant, simul & voce cecinisse) plectrum, quòd habitum formæque liberalem immutaret in illiberalem, tibiā duplici nomine damnabat: & quòd sic mutaret oris habitum, ut vix à familiarissimis agnosceretur qui caneret: & quòd homini propriam adimeret vocem, loquendique facultatē eriperet. Nemo enim potest simul & inflare tibiā & loqui. Cantent igitur, inquit, Thebanorum filij, qui dicere nesciunt, nobis autem Atheniensibus, ut à maioribus accepi-mus, gentis princeps est Pallas & Apollo: quorum illa fistulam confregit, hic tibicinem excoriat. Prodirum est priscorum fabulis, Palladem ad



sepulchrum tibia canentem, offensam oris deformitate, proiectam comminuisse tibiam. Apollo Marsiam canendo victum excoiavit. Eras. 5. apoph. ex Plut.

*Eudamidas.*

Rogatus de cantore quodam, qui feliciter cecinerat, qualis ipse videretur: Magnus, inquit, in re parua delinitor. contempsit operosam artem, cuius nullus erat fructus præter inanem ac temporariam delectationem auri-um. Plut. in Lacon. Brusonius libro 4. cap. 17.

*Gelon.*

In conuiuio quum lyra circumferretur, cæterique ordine canerent (nam id apud Græcos honestum habebatur) Gelon equum iussit adduci in conuiuium, facileque ac leuiter in illum insiliit, significans, hoc esse regium, quàm lyra canere. Plut. in apoph.

*Pyrhus.*

Suprà de Artium contemptu.

*Philippus.*

Cum audisset filium suum quodam in loco scite cecinisse, ciuilliter obiurgauit, dicens, Non te tui pudet, qui noris tam belle canere? significans, alias artes esse rege digniores. Plutarchus in Pericle, & in regum imperatorumque apoph. Fontanus libro 1. capite 5. de Prudentia.

*Alexander.*

Cum transmissio Hellesponto Troiam inuiseret, veterum heroum res gestas animo reuoluens, quidam, si uellet, pollicitus est se Paradisi lyram daturum. Hic Alexander: Minimè, inquit, illa mihi est opus, cum Achillis lyram habeam. Hac vir strenuus fortium virorum laudes canere consuevit, cum parua lyra molles ac lasciuos modulos occineret. Plutarchus in regum apophthegmatum. Ælianus libro nono.

## De mutationibus.

*Lycurgus.*

Interrogatus cur Spartani toties pugnaturi contra hostes castra mutarent? respondit: Vt eò magis lædamus hostem. Plut. in Lacon. apoph.

*Augustus Cæsar.*

Quodam die venit in ædes, in quibus habitarat Cato Uticensis. hic cum Strabo, quo Cæsari adularetur, Catonis peruicaciam accusaret, quod sibi manus adferre, quàm Iulium victorem agnoscere, maluisset: Quisquis, inquit Augustus, præsentem Reipubl. statum mutari non vult, is & ciuis & vir bonus est. Vnico dicto & Catonis memoriam tutatus est, & sibi consuluit: deterrens, ne quis in posterum affectaret res nouas. Nam præsens status non is tantum dicitur, qui tum erat, cum hæc loqueretur Augustus: sed is quoque, qui fuerat tempore conspirationis in Iulium. Si quidem hæc dictio præsens apud Latinè loquentes, ad tria tempora pertinet, præteritum, præsens & futurum: ut, Præsentibus non erat contentus: & præsens vita, quæ nunc agitur: & præsens in tempus emittat, id est, in futuram opportunitatem. Eras. Rot. lib. 4. apoph. ex Suetonio.

*Tiberius.*

Cum ab amicis interrogaretur, cur non tam facile magistratus & præfecturas suas mutaret? Respondit, se data hoc opera semper fecisse. Natura enim omnes, qui rerum administrationi præsent, pecuniarum esse cupidos, plurimumque studij ad rem magis magisque augendam eos collocare. Cæterum si diutius in magistratu versentur, seniores ad quæstum faciendum fieri, muscas enim, si longius corporum vlceribus insideant, minus graues & molestas fieri,

feri, quippe sanie vlcerum ad satietate vsque refertas: et cum qui vlceribus scateat, durius acceptum afflictumq; iri, si saturis iam repulsis, famelicis aliis ad vulnera admittere velit. Nicephorus Callistus Ecclesiast. suæ historiæ lib. 1. cap. 17.

*Sophronius.*

Is Pompeiopoleos Paphlagoniæ episcopus, cum audisset in synodo Seleuciana, Acacii opiniones & dogmata recenseri: Si per singulos dies, inquit, propriam edere fidem licuerit, veritatis integritas non diu manebit. Socrates lib. 2. Tripartitæ hist. cap. 34.

*Vide apoph. de Legum abrogatione, & notitias studio.*

## De mutuo.

*Anonymus.*

**Q**uidam miserrimos homines esse dixit, qui modo rubros, modò pallidos habeant dentes. Notabat autem eos, qui mutuo acceperunt ab aliis: qui, dum mutuum repetitur, erubescunt: dum verò creditorem vident, pallescunt, ne cogantur ad soluendum. Recitatur hoc diciturum apud Suidam.

*Lycurgus.*

Dicebat, Dignitatem quidem istam, qua mouemur ad facilius mutuò dandum aliquid, in opibus hominum sitam esse: illam vero, quæ nos ad facilius fidem habendam inducit, in moribus. Stob. ser. 35.

*Perseus.*

Quum cuidam noto daret pecuniã, cautionem fecit in foro apud mensarium. Hanc diligẽtiam quum amicus admirans diceret, A deone legaliter Persee? Scilicet, inquit, ut amanter recipiam, nec largiter reposcam. Fit enim sepe numero, ut qui cum amico bona fide, sine testibus, ac syngraphis agunt, post cogatur cum eo legib. agere. Plur.

*Gelon.*

Exigebat pecuniam à suis ciuibus, quos ubi videret tumultuantes, ait se perere mutuò: quippe redditurum. Ita volentes dederunt, atque ille peracto bello reddidit. Hoc artificio perfecit, ut pecunia non deesset ad bellum necessaria, nec ciues haberet minus beneuolos. Plur. in apoph.

*Galba.*

Quum penulam mutuo à quopiam rogaretur, festiuè respondit: si non pluit, nõ est opus tibi: si pluit, ipse utar. Bruf. lib. 4. cap. 22.

*Idem.*

Cuidam cui cœnaculum perpluebat commodato roganti penulam, dixit: Non possum commodare, nam domi maneo. Significans, domi maximè opus esse penula. Solent alij secus excutare, Non possum commodare penulam, ipse ex eo. Eras. lib. 6. apoph.



## DE NATANDI

PERITIA.

*Aristippus.*



**C**UM quendam sibi vehementer placentem audiisset, eo quòd egregiè sciret natàre, irrisit hominem dicens: Non te pudet, tam insolenter de his rebus iactare te, quæ & delphinum & ranarum sunt propria? Laert. lib. 2. cap. 8. & Eras. lib. 3. apoph.

## De natiuitate omnibus hominibus communi.

*Stratoniceus.*

**A**udiens, quàm difficulter Timothei regis mater partum edidisset: Si,

Kk 4

Si, inquit, opificem peperisset, non Deum, quales emisisset inter pariendum voces? Irrisit vir sapientissimus hominum stultitiam, qui regibus ac potentioribus diuinos ascribunt honores, cum ex communi illa natiuitate appareat, æquè homines esse ut nos, qui infima sorte viuimus. Nō minus enim (si non durius) ægrè pariunt regum & principum matres, quàm subulcorum. princeps æquè vitam clamore & ciuitatu auspicatur, ut alij qui eius imperio subiecti sunt. Athenæus.

*Vide apoph. de Hominis fragilitate & miseria.*

### De natura.

*Socrates.*

**D**icitur eum execrari solitus, qui primus vtilitatem à natura seiunxisset. Naturam appellat honesti rationem, homini à natura insitam. Eras- mus lib. 6. apoph.

*Aristoteles.*

Tria ad solidam parandum sapien- tiam præcipuè necessaria esse dicebat, Naturā, doctrinam, & exercitationē. Inuita enim Minerva, & ingenio re- fragrante, frustra etiam in rebus mini- mis laborabis. Laert. lib. 5. cap. 1.

*Isocrates.*

Inter familiares dicere solitus est, se quidem docere decem minis: cæ- terum qui ipsum docuisset audaciam & vocalitatem quæ natura illi dene- garat, mercedis loco daturum decem millia. Hæc autem quoniam naturæ sunt (quæ non faciliè mutari potest) nō artis, à præceptoribus dari non pos- sunt. Eras. lib. 8. apoph.

*Phocion.*

Phocioni filius plura solito obsonia coëmerat. Pater comminatus est si plura quàm secundum naturam per inconuenientiam ingurgitaret, ipsum

pœnas luiturum. Sensit autem Phoci- on, naturam paucis contentam esse, multis autem corrumpi & deprauari. Stob. ser. 15.

*Dionysius sen.*

Matri, quæ quamuis, anus marito tradi vellet: Ciuiia, inquit, iura viola- ri possunt, naturæ non possunt. Bruso- nius lib. 4. cap. 1.

### De nauigationis. periculo.

*Pittacus.*

**R**oganti cuidam. Quid fidum esset? Respondit, terra. Quid infidum? mare. Plut. & Laertius.

*Bias.*

Nauigans cum scelerosis & impiis hominibus: cum periclitarentur, in summa maris tempestate, alijs deos implorantibus: Bion, Silete (inquit) ne vos hîc nauigare sentiant Dij. Laerti- us. lib. 1. cap. 6.

*Eion.*

Nauigans cum pessimis hominibus, in piratas incidit. Dicentibus illis: Pe- ribimus, si agnoscamur: At ego, inquit, nisi agnoscamur, peribo. Laert.

*Plato.*

Astiduè monebat fugiendum esse mare, perinde ac improbitatis magi- strum. Brus. lib. 4. cap. 25.

*Aristoteles.*

Dicebat, per omnem vitam trium se poenituisse. Quod mulieri secretum aliquid commisisset. Quod eò nauigaf- set, quod pedibus ire licuisset. Quod vnum diem intestatus mansisset. Ant. in Melis. part. 1. serm. 17. Hoc autem Stob. ascribit. Plut. M. Catoni.

*Glaucon Comicus.*

\* Dicebat iucundius esse in mari pe- ditem agere, quàm in terra nautam. Stob. ser. de naufragio.

*Anacharsis.*

*Anacharfis.*

Percontanti, quæ naues essent tutissimæ? Quæ, inquit, in siccum protractæ sunt. Solebant enim olim naues iis mensibus, quibus mare nauigabile non est, machinis quibusdam in siccum pertrahi. Anacharfis sensit omnem nauigationem esse periculosam. At ille de genere nauigij percontabatur. Sunt enim liburnicæ, onerariæ, æsturicæque naues, aliæque diuersi generis, in quibus alia est alia aduersus tempestatem instructior. Laertius lib. 1. cap. 9.

*Idem.*

Quum rogasset quendam, quanta esset spissitudo tabularum nauticarum? isque respondisset, quatuor digitorum: Tantillum, inquit, absunt à morte qui nauigant? Notauit negoriorum auaritiâ, qui lucri gratia semet in manifestum vitæ discrimen coniiciunt. Scythæ nesciunt nautica commercia, sed pascuis ac venatu viuunt. Laert. lib. 1. cap. 9. Alludit ad huius philosophi dictum. Iuuen. sat. 12. ita scribens:

*Inunc, & uentis animum committite dolato  
Confusus ligno, digitis à morte remotus  
Quatuor, aut septem, si sis lasissima tæ-*

*Idem.*

ganti, utrum arbitraretur fortuos, quàm uiuos? Na- inquit, in vitro numero ponis? is, an hi essent intra uiuos ha- qui vitam vndarum ac vento- bitrio commississent. Laert. lib. 1. Sed Dionis hoc ascribit. Stob. ex Laconi cuidam.

*Laodamas.*

Laodamas ille Homericus nihil minus esse dicebat, quàm virum fortuito exagitari. Bruf. lib. 4. c. 27.

*Anonymus.*

Lacon quidam glorianti mercato- ri, quòd multas naues in omnem oram

maritimam dimisisset: Num sanè op- tabilis ista est, inquit, rudentibus apta fortuna? Plur.

*Demonax.*

Quum legatus nauigaturus in Asi- am, nauem conscendisset, & à quodam interrogaretur, num metueret, ne nau- fragio eiectus à piscibus deuoraretur? Quid, inquit, metuam à piscibus, qui tot pisces deuorant? Eras. lib. 1. 8. apoh.

*Callimachus.*

Dicebat iucundissimum esse mare, sed si quis de terra contempletur. Hu- ius dictum, æmulatus Horat. ait,

*Neptunum procul à terra spectare, su-  
rensem.*

Brufonius lib. 4. cap. 25

*Anonymus.*

Siculus quidam cum ficos vehens, procella correptus naufragium fecisset, ac mox sedens in littore, mare tranquillum videret, vrbane inquit, ad mare: Noui quid velis, ficos nimirum. Bruf. lib. 4. cap. 25.

*Antigonus.*

Sæua tempestate iactatus, cum om- nes suos in eadem naui haberet, præ- cepisse liberis dicitur, ut & ipsi memi- nissent, & posteris proderent, ne quis in rebus tam dubiis periclitaretur. Bruf. lib. 4. cap. 25.

*P. Syrus.*

Dicebat, eum hominem Neptunum improbè accusare, qui iterum naufra- gium facit. Notabat autem eos, qui cum semel nauigationis periculo ex- positi fuerunt, obliui malorum, se ma- ri credunt, mox penitus perituri. Bruf. lib. 4. cap. 25.

## De necessitate.

*Pittacus.*

**T**antam necessitatis vim esse di- cebat, ut nec dii ipsi reluctari pos- sint. Laert. lib. 1. cap. 5

*Thales.*



*Thales.*

Interrogatus, quid esset in tota rerum natura robustissimum? respondit, Necessitas: superat enim omnia. Laert. l. i. cap. i.

*Archytas.*

Cum Eratosthenis Mercurium legisset, hunc versum protulit: Necessitas omnia docuit, quid enim illa non inueniret. Stob. serm. 93. ex Plutarcho recitat.

*Plato.*

Necessitatis leges tam duras esse dicebar, ut ne quidem Deus ipse eas violare posset. Bruf. li. 4. c. 29. ex l. Platonis de legibus.

*Pheraulas.*

Apud Xenophontem, Nullum ait praestantiorum doctorem esse necessitate. Bruf. l. 4. c. 26.

*Vestius Messius.*

Necessitatem appellare solebat, Vltimum & maximum telum. Bruf. lib. 4. cap. 26.

*Asis Crassus F.*

Is natura mutus, caput Suis patrem cum Cyrus conficere veller, vocem tum primum emisit: Parce patri meo, Cyre, & te hominem esse vel casibus discenotris. Ex Solino recitat Bruf. l. 4. c. 26. Valerius vero lib. 5. ca. 4. & Herodotus lib. 1. Persae cuidam dixisse ajunt, non Cyro. Vide etiam ea de re Strabonem lib. 13. Cael. Rhodig. lib. 11. c. 15.

## De negotiorum multitudine, qua in diuersa distrahitur homo.

*Thales.*

**F**requenter dicere ad suos solebat: Vnum eligite praclarum, vnum quiddam diuinitate praclarum. Putauit vir sapientissimus, satius esse ad

parandam honestam famam, vnum quiddam insigne praedicere, quam diuinare de rebus friuolis: & praestare, vno labore parare famam & existimationem, quam minus accurate impleri multiuariis rebus. Eras. l. 7. apoph. ex Laert. l. 1. c. 1.

*Phocion.*

Dicere solebat, Difficile esse multas vitae vias ingredi. Voluit autem indicare vir sapientissimus, non facile praclari quiddam praestare posse hominem, qui simul multis rebus ac negotiis sit intentus. Huius dictum extat apud Stob. ser. de Prudentia.

## De nobilitate generis.

*Socrates.*

**O** Pes & generis nobilitatem non solum nihil in se habere honestatis, verum etiam & malum omne ex iis oboriri dicebat. Laert. l. 2. c. 5.

*Diogenes.*

Nobilitatem atque hoc genus fortunae bona, nihil aliud quam velamina malitiae esse dicebat. Nobiles enim cum aliis nihilo sint meliores, tamen peccant licentius, iuxta Horatii dictum,

*Es quicquid voles, hoc veluti virtus peractum,*

*Sperauit magna laudi fore.*

Laert. lib. 6.

*Herodes sophista.*

In accusatorem, qui in lite exigua de generis sui claritate multa iactarat: Tu, inquit, nobilitatem habes in talis. Romani siquidem nobilitatis signum gerebant in calceis. Id erat eburneum additamentum, tali specie. Ita Plinius notat quosdam, qui nihil haberent nobilitatis praeter imagines. Rursus quum aduersarius gloriaretur, quod in vnam quandam Italiae ciuitatem multa beneficia contulisset? Idem ego,

ego, inquit, de me prædicare possem, si in vniuersa terra causam dicerẽ. Significans, se de innumeris ciuitatibus fuisse præclarẽ meritum. Philost.

*Thomas Sarzan.*

Cum quæreret aliquis ex Thoma Sarzanensi (qui postea maximum pñficatum adeptus, Nicolaus quintus appellatus est) qualis esset Eugenius Papa quartus? At, inquit, hoc facile cognitu est: qualis familia est, talem & principem inuenias. Innuere autem volebat nimirũ obscurum ac vinosum esse hominem. Fuit enim loco aded humili natus, vt ab oppido patrię Sarzanę admodum frigido, Lucensis agri cognomentum acceperit. Volaterranus etiam hoc in eo reprehẽdit, quod nimio bibendi studio teneretur, perquisitis vnbq; vinorum generibus: quod vitium à parentibus fortassis, vt hereditarium, animo insitum fuit. *Aneas Syl.* li. 4. comment. de reb. gest. Alphonsi.

## De nobilitate vera.

*Socrates.*

**N**obilitas quid esset sciscitanti? Animæ, respondit, & corporis bonæ temperies. Stob. ser. 84.

*Idem.*

Frequenter dicere solebat. Neq; frumentum optimum iudicamus, quod in pulcherrimo agro natum est, sed quod commodẽ nutrit: neque virum bonum & studiosum, aut amicũ beneuolũ, qui genere clarus, sed qui moribus egregiis fuerit. Stob. ser. 84.

*Democritus.*

Interrogatus, in quibus nobilitas consisteret, respondit: Pecudum nobilitas in bono validõq; corporis habitu sita est, hominum autem in bonitate morum. Stob. ser. 84.

*Diogenes.*

Interrogante quodam, qui hominũ nobilissimi essent? Contemptores (dixit) opum, glorię, voluptatis & vitę: contrariis autem, paupertate, obscuritate, fame, labore, ac morte superiores. Stob. ser. 84. Max. ser. 63.

*Antisthenes.*

Virtute præditos eosdem & nobiles dicebat, Habent enim, inquit, id vnde vera nascitur nobilitas. Aduersus eos, qui maiorum imaginibus, aut diuitiis, metiuntur nobilitatem. Laert. lib. 6.

*Anacharsis.*

Cum per conuicium Scythia, propter generis ignobilitatem nominaretur, respondit: Genere quidem Scythia sum, ingenio autẽ & moribus nequaquam. Voluit autem ostendere, eam nobilitatem veram esse, quę ex virtute, non ex parentibus originem ducit. Stob. ser. 84.

*Theocritus.*

Audiens quendam ob parentum nobilitatem plurimum laudari à quodam: Heus, ait, vir bone, Generosos arbitreris esse, non eos qui ex bonorũ & illustrium stirpe prognati sunt, sed qui honestatem omnibus rebus præposuerunt. Stob.

*Theopompus.*

Generosos iudicandos dicebat, non qui à bonis & probis procreati sunt, sed qui bonitatem & probitatem profitentur. Max. ser. 63.

*Softrastus.*

Suprà de Ignobilitate & obscuritate generis.

*Lycurgus.*

Studens ciues suos à moribus præsentibus ad temperatiorem viuendirationem traducere: Ne nobis, inquit, dũ ciues, nobilitas & ductum ab Hercule genus proderit, nisi omni studio & opera illa ipsa gesserimus, per quę ille mortalium omnem clarissimus ac genero-

generosissimus extitit, ac per omnem vitam quæ honesta sunt & discamus & exerceamus. Reperit vir ingeniosus viam, qua multitudini philosophicis rationibus non satis idoneæ, virtutis imaginem ob oculos poneret: magis enim mouent ac penetrat in animos, quæ cernuntur, quàm quæ audiuntur. Quod autem ille fecit in ciuitate, hoc cuique patrifamiliâs in sua domo cuique moderatori in suo grege faciendum est. Plut. in Lac.

*Iphicrates & Cicero.*

Harmodius, prisca illius Harmodij abnepos, cum Iphicrati, qui patre futuro natus erat, generis obscuritatem obiceret: Meum, inquit Iphicrates, genus habet à me originem, tuum verò in te desit. Simile autem extat Ciceronis dictum, qui dicebat se sui tam præclari generis & nobilitatis initium esse. Hæc enim reuera est nobilitas, quæ non à maiorum nostrorum, sed à nostris virtutibus profisciscitur. Plut. in apoph. & in Cicerone.

*Bion.*

Antigonus rex Bionem philosophum de ignobilitate criminatum, interrogauit. Quis & cuius es? ubi tua ciuitas est: ubi sunt tui parentes? Cui Bion respondit: Atqui ô rex benefacis, cum indiges sagittariis, quod non interrogando genus, sed scopum proponendo, optimos illorum tibi deligis. Sic igitur amicos explora, non unde nati, sed qui & quales sint. Sensit vir sapientissimus, veram nobilitatem nequaquam ex patria & parentibus, sed ex virtute & vitæ innocentia merendam esse. Stob. ser. 84.

*Scipio.*

Ap. Claudio, qui Scipioni in ambenda censura competitor erat, iactante se, quod ipse, citra nomenclatorem, ciues omnes nominatim salutaret, quum Scipio propemodum nosset ne-

minem: Vera narras, inquit Scipio, nam mihi studio fuit, non vt nossem multos, sed ne cuiquam essem ignotus. Nomenclatorum laus est, quam plurimos nosse: at egregij ducis est, ob egregia in rempb. merita, nulli ciuium ignotum esse. Plut. in Rom. apoph.

*Cicero.*

Quum ob Ciceronis cognomen dictis incessetur, ab amicis admonitus vt aliud sibi cognomen ascisceret, respondit, se Ciceronis nomen illustrius effecturum, quam esset Catonum, Catulorum aut Scaurorum. Nam hæc familiæ cum primis illustres erant apud Romanos, quum Tullius esset nouus homo. Cognomen autem ideo patebat cauillis, quod à ciceris vilissimo legumine dictum videretur. Quasi verò non & Fabij à fabis & Lentuli à lente cognomen habuisse viderentur. Parum illustris est, qui præter imagines & cognomen nihil habet nobilitatis, pulcherrimum autem nobilitatis genus est quam sibi quisque propriis virtutibus conciliat. Nec fefellit M. Tullius, Ciceronis enim nomen hodie decæratius est, quàm Catuli aut Scauri, cum suis stemmatis, statuis, & imaginibus. Plut. in apoph. Rom.

*Idem.*

Ciceroni cum generis ignobilitas obiceretur: Satius est, inquit, meis gestis florere, quàm maiorum opinione vt: & ita viuere, vt sim posteris meis nobilitatis initium, & virtutis exemplum. Cicero in oratione contra Sall.

*Seneca.*

\* Bona mens, inquit, omnibus pater. Omnes ad hoc sumus nobiles. Nec elicit quenquam philosophia, nec eligit: omnibus lucet. Patricius Socrates nõ fuit. Cleanthes aquam traxit, & rigando hortulo locauit manus. Platonem non accepit nobilem philosophia, sed fecit, &c. Epist. 44. ad Lucill.

*Idem.*

*Idem.*

\*Nemo, dicebat, altero est nobilior, nisi cui rectius ingenium, & artibus bonis aptius. Qui imagines in atrio exponunt, & nomina familiarum suarum longo ordine ac multis stemmatum illigata flexuris in parte prima ædium collocant, noti magis quam nobiles sunt. Vnus omnium parens mundus est, &c. l. 3. de benef. c. 28.

*Silius Bassus.*

\*Quidam, inquit, auitas paternarumque flagitiis obruerunt imagines. quidam ignobiles nati fecere posteris genus. In illis non seruasse quod acceperant, maximum dedecus: in his quod nemo dederat fecisse, laudabile. M. Senec. controuers. lib. 1. controuers. 6. ubi multa de nobilitate.

*Alphonsus.*

Cum aliquis Alphonsus, Aragonum regem clarissimum, à nobilitate maximè laudaret, quod scilicet esset rex, regis filius, regis nepos, regis frater: rex hominem interpellans dixit, Nihil esse quod in vita minoris ipse duceret, quam quod ille tanti facere videretur. Laudem enim illam non suam, sed maiorum suorum esse: quippe qui iustitia, moderatione, atque cum excellentia sibi regnum comparassent, successoribus quidem oneri regna cedere. Et ita demum honori, si virtute potius quam testamento illa suscipiant. A se itaque, si qua modò extent, elicerent ornamenta, non à patribus iam mortuis extorqueret. Innuit autem rex prudentissimi, multo gloriosius esse à se inclarescere, quam niti auitis imaginibus: regnumque propria virtute partum, clarius habendum, quam quod hereditate obuenit. Panor. lib. 2. de rebus gestis Alphonsi.

*Ioan. Huniades.*

Cum misisset ad Huldricum Cilicem

comitem, ut ad se veniret in castra, hoc facere planè noluit, & ad se missis respondit. Ego comes & princeps, & tam nobili familia natus, ad te veni, hominem nouum, & nostra ætate nobilitatum! quod cum accepisset Ioannes; Non ego (respondit) tuis maioribus sed tibi me comparo: quamquam neque illis cedam, qui pugnando pro Christiana religione nobilitatus, maius lumen posteritati meæ comparauit: atque ut in te Cilienfis comitatus turpiter extinguitur, ita in me domus Nistricenfis exornatur. Aeneas Silvius de dictis Sigismundi & FridERICI imperatorum.

## De nominum varia interpretatione & mutatione.

*Chrysippus.*

Chrysippo Solensi erat statua pro corporis modo tenuis ac pusilla, quam eques vicinus ferè occultabat. Vnde Carneades per iocum dicere solebat, cum non esse Chrysippum, sed *χρυσίον*. nam Chrysippus ab aureo equo dicitur: Chrysippus à *χρυσίον*, quasi dicas, ab equo occultatum. Laertius lib. 7.

*Antagoras.*

Cum Thebaidos librum apud Bæotos recitaret nec quisquam recitanti applauderet, complicato volumine: Merito inquit, vocamini Bæoti, quia bouem habetis aures. Max. serm. 15. de doctrina & sermone.

*Stratoniceus.*

Quum doceret in ciuitatula perquam exigua, iocatus est mutatione literarum, non est *πάλαι*, sed *μάλαι*, id est, non est ciuitas, sed vix Sentiens, vix digna nomine ciuitatis Athen.

*Gnaithana.*



*Gnathena.*

Quum Pausanias quidam nomine Laccus, saltans in cadum incidisset: Laccus, inquit, in cadum incidit. Nam Græci laccum vocant, quod nos lacû. Cadus in Lacum incidere solet. lacum in cadum incidere absurdum est. Erasimus.

*Fanſſus Syll. F.*

Suprà tit. de Adulterio & facerè & iocose dictis.

*Cicero.*

In nomen Verris iocatus est, quasi sic dictus esset quod omnia verreret: hoc est, nihil reliqui faceret, homo furax. Quo genere iocandi quidam furem pro Tullio Tollo dixit: nec defuerunt qui pro Tiberio, dixere Biberium, Eras. 4. apoph.

*Idem.*

Eidem cum Crasso similtas erat. Cum igitur alter è Crassi filiis non dissimilis cuidam nomine Digno, atque hinc populi suspicio in Crassi uxorem, quasi cum Digno rem habuisset, in senatu præclaram habuisset orationem, rogatus Cicero, qualis ei videretur? Dignus, inquit, Crasso, rectè alludens ad nomen Digni. Iocus lepidior est, si more Græcorum dicas, dignus Crassi: ut intelligas duos esse Crassos, alterum adulterum, alterum illi similem Crassi filium, Eras. l. 4. apoph.

*Idem.*

M. Aquilum duos habentem generos, sed ambos exules, Adrastum appellauit, quod solus locum tueretur, alludens ad Græci nominis etymologiam. Eras. l. 4. apoph.

*Antonius imp.*

Cum Sextus Titius se Cassandram esse diceret, ob coniecturam opinor, quod illa esset fatidica: Multos, inquit Antonius, posses Aiaces tuos Oileos nominare: notans illius impudicitiam, nam Ajax Cassandram detē-

plo Palladis raptam constuprauit. Eras. lib. 6. apoph.

*Caius.*

\* Non oportet, inquit, ex significatione nominum de moribus iudicare quandoquidem non pauci hætenus, qui infames nomenclaturas habebant, ingenio præditi fuere non malo. Alij rursus, honestis à natura nominibus ornati, animis dissimilibus ad opera accedunt. Stob. ser. 67.

*L. Crassus.*

In Cn. Domitium, Sexti Neronis atauum, cui cognomen fuit Ænobarbo, L. Crassus orator dicebat, non esse mirandum quod æneam haberet barbam, cui os ferreum, cor plumbeum esset. Os ferreum obiciens, propter summam impudentiam: cor plumbeum, ob ingenij stuporem. Quidam illum pro Nerone Ænobarbum appellarunt, atque hoc erat vnum è duobus conuiciis quæ indignissime tulit: alterum erat, quod increpitus esset malus citharædus. Eras. lib. 6. apoph.

*Fl. Vespasianus.*

Vespasianus in Cerylum libertum, sed prædiuitem, qui ut aliquando subterfugeret ius fisci imperialis, cepit se pro ingenuo ferre, eoque mutato nomine pro Cerylo dici voluit Laches, torset versiculos ex fabula quapian, ut opinor:

*ὦ Λάχης Λάχης,**ἐπ' αὐτοδράκτις, αὐδὲς ἑαυτὸν κέρηλος.**O Laches Laches.**Ὅβι μοῖρην ὀβιέρις, νῦν sum ἐγὼ sum**Cerylus.*

Significans, illi nihil profuturum immutatum nomen. Suet.

## De nominis immortalitate.

*Anisſthenes.*

Is, qui appeterent immortalitatem, vnicam viam ostendit, ut iussè piet- que

que viuerent. Sed vulgus hominum è structuris, statuis, trophæis, ac libris sibi promittit immortalitatem. Laert. lib. 6. cap. 1.

*Bion.*

Gloriam dicebat esse matrem an-  
norum, ob id opinor; quòd cum ho-  
minis vita sit brevis, honesta memo-  
ria per multa secula propagatur. Laer.  
lib. 1. cap. 7.

*Plato.*

Rogatus, ecquid esset futurum ip-  
sius monumentum, quemadmodum  
superiorum? Primùm, inquit, paran-  
dum est nomen, ita monumenta fu-  
tura sunt multa. Sensit, hominis me-  
moriam optimè seruari in mentibus  
hominum, optimèque propagari scri-  
ptis virorum eloquentium. Laertius  
libro tertio.

## De nocte.

*Scopelianus.*

**Q**Voniam somni parcissimus, noc-  
tem existimabat studiis & exer-  
citationi mentis accommodam, sub-  
inde solitus est exclamare, ὦ νύξ, σὺ γὰρ  
δὴ κλέϊς τὸν σὸφίαν μὴ γὰρ μέγας θνήσκει. id est,  
O nox, nam tu sanè maxima ex parte  
consorses sapientiæ deorum. Habet  
enim hominis mens in alto illo silen-  
tio, corporis sensibus iam feriatas, ali-  
quid diuinitatis, si sese intenderit ad  
rerum sublimium speculationem. Era-  
8. apoph.

*Anyllus.*

\* Mediam noctem hyemis imagi-  
nem esse dicebat: tunc enim Sol, uti  
hyeme, remotissimus à nobis est. Ita-  
que dolores ægrotantium, vehemen-  
tiores meritò tunc sunt, utpote cute  
propter frigus densata & intercepta  
transpiratione insensibili. Stobæus ser-  
mone 99.

## De nuntiis.

*Philipides.*

**D**ictus est ἡμέρας ἑκατοῦ, quòd vno  
die mille quingenta stadia confi-  
ciens, Lacedæmonem peruenit. Idem,  
ni fallor, cum victoriam Atheniensium  
aduersus Medos in Marathone par-  
tam, senatui, de pugnæ exitu sollicito,  
nuntiaret, μέγα χαίρειν, inquit, ἡνίκά μιν  
id est, multum valere, vicimus, mōxq;  
expirauit. Eras. l. 6. apoph. ex Plin. lib. 7.  
cap. 20. & Colini cap. 6.

## De Nuptiis.

*Mufonius.*

\* **C**vm quidam dixisset, Nuptias  
sibi videri impedimento esse ad  
philosophandum, respondit se aliter  
sentire, quum non fuerint impedimē-  
to Pythagoræ, neque Socrati, neque  
Crateti, quorum vnusquisq; vxori co-  
habitauit: nec vllos inquit, alios nomi-  
nare possis, qui melius sint Philoso-  
phati. Stob. ser. 65. vbi egregia multa à  
Mufonia dicta in laudem nuptiarum.

*Herocles.*

\* Vniuersum humanum genus ad  
societatem natum esse dicebat. Prima  
autem, inquit, & præcipua societas est,  
quæ per nuptias initur. Nam ciuitates  
sine familiis esse non possunt: & fa-  
milie nupti manca est: integra au-  
tem & perfecta illius qui coniugatus  
fuerit. Stob. eod. serm.

*Plato.*

\* Ex nuptiis hanc consolationem  
oriri dicebat, quòd naturæ perpetui-  
tas inde promoueatur, & quod filios  
filiorum relinquendo semper Deo mi-  
nistros pro nobis relinquimus, vitam  
ceulampadem aliis post alios traden-  
tes. lib. 6. de legibus.

*Chilon.*

*Chilon.*

\* Eius dictum celebratur. Nuptias frugales & æquales opibus celebrato. Stob. ser. 68.

*Eusebius philos.*

\* Dicebat optimum esse consensum nuptiarum, si coniuges temperantiam exerceanr. Stob. ser. 72.

*Anonymus.*

\* Lacon quidam diues bono & pauperi adolescēti filiam elocauit, qua de re cū a cognatis reprehenderetur, dixit, Ego mihi generum comparauī, quem diuitē porius quā pauperem futurum expectem. Stob. ser. 70.

## De nuptiis secundis.

*Maria Catonis F.*

Cūm rogaretur, cur post amissum maritum, denuō non nubere? respondit, se non virum inuenire, qui magis eam veller, quā sua. Quo dicto ostendere voluit, diuitias magis in vxoribus ducendis eligi solere, quā pudicitiam, & morum honestatem: ac multos non oculis, sed digitis vxores ducere. Auctor est Hieronym.

*Dionysius sen.*

Cūm videret matrem ætate confectam, secundō nubere velle, & eam ob causam a multis malē audire, ait: Ciuitatis legibus vim quidē posse afferri, naturæ verō nequaquam posse. Plur.

*Vide apoph. de Coniugio iterato.*

## DE OBEDIEN-

T I A.

*Solon.*

ERCONTATVS, qua ratione salua possit esse ciuitas? respondit: Si ciues obtemperent suis magistratib, magistratus autē legibus. Stob. ser. 41.

*Zeno Cistiens.*

Celebratissimam Hædodi sententiam solebat inuerrere. Cū enim ille primas tribuat ei qui per se sapiat, secundas qui rectē admonenti obtemperet: Zeno ordine inuerso sic pronuntiabar.

καὶ τὸς μὲν παντὶς, ὅς οὖν εἰπὼν τίς τις, ἰσθλὸς δ' ὁ κακίονος, ὅς αὐτὸς πάντων.

Optimus ille quidem, qui pares recte monenti:

Sed probus ille quoque est, qui non omnia per se.

Addebar causam: quod qui ex se nosset omnia, nihil haberet præter intelligentiam: at qui rectē monenti pareret, præter intelligentiam haberet etiam effectum. Nam patēre dicitur, qui quod didicit optimum esse, facit, Laert. lib. 7. cap. 1.

*Pericles & Demosthenes.*

Dicebat, Samios esse similes pueris, qui porrectam ossulam recipere quidem, sed interim plorātes: eo quod illi parērent imperatis, sed non sine tædio & querimonia. Similiter Demosthenes dixit, populum Atheniensem esse similem iis qui in naui nausant. Siquidem ij cum magno tædio laborant, tamen eō peruehuntur, quod tendit naus.

*Musonius.*

Interrogatus, an parentibus obediendum esset in omnibus? respondit, Obediendum quidem esse, sed honestum iustumque imperantibus. Stob. serm. 77.

*Aristonymus.*

\* Dicebat, nauigando gubernatori esse obediendum: viuendo, illi qui plus ratione valeret. Stob. ser. de prudentia.

*Theopompus.*

Infrā de Principe bono, ac eius in regni administratione officio.

*Anonymus.*

*Anonymus.*

Eretrius adolescens quidam in patriam post longam peregrinationem reuersus, rogatus à patre quid disciplina tanto temporis interitio affectus esset? se breui ostensurum esse pollicetur. Verberibus igitur paulo post cæsus propter delictum admissum, patri nequaquam inobediens fuit, & ait: hoc edoctum, ut parenti castigari obediret, cuiusque indignationes ac penas æquo animo ferret. Bruf. lib. 4. cap. 30. ex Æliano.

*Scipio Africanus.*

Cum in Africa bellum gereret, ostendit viros armatos quos secum habebat, & turrim præterea excelsam in mari, & ait: Nullus horum omnium est, qui non consensu turris, semet in mare præcipitatus sit, si ego iussero. Dictum profecto mirum est, in tanto exercitu militum nullum fuisse, qui etiam in mortis periculo imperatori suo obedire recusaret. Plut. & Eras. li. 5. apoph.

*M. Curius.*

Adolescentis qui in delectu non paruerat bona primum hastæ subiecit: ipsumque postea ad tribunos appellatæ vendidit, dicens, Non opus sibi esse eo cive, qui parere nesciret. Bruf. lib. 4. cap. 30.

## De obesibus, vel pinguedine.

*Pythagoras.*

Conspicatus quendam è discipulis attentiores curando corpori, idque agere ut obesus esset, ac nitida cute: Hic, inquit, non desinit sibi carcerem molestiorem struere. Sensit hominis esse animum corpori ceu carceri inclusum, quod quo reddas habitus, hoc magis grauatur animi vis. Eras. 8. apoph.

*Diogenes.*

Anaximenes rhetor obeso aqualiculo erat onustus. hunc adiens Diogenes, ira loquutus est: Impartire nobis tenuibus, & ventrem. Nam & ipse leuaberis onere, & nobis comodabis. Laert. lib. 6.

*Epaminondas.*

Vehementer in sensus obesibus, dicere solebat, militum quibus arma gerenda sunt, corpus exercitatum esse oportere, non solum athleticè, verum etiam militariter. Vnde cum obesum militem vidisset in suo exercitu, expulit è castris, dicens, Quod vix clypei tres quantumve tegerent ipsius ventrem, per quem nunquam vidisset sua pudenda. Plut. in Græc. apoph.

*Phocion.*

Polyeuctus Sphecius, quum longam haberet orationem de suscipiendo in Philippum bello, atque præpinguedine, præque ætatis æstu sapius aquam biberet, urbanè Phocionem dignam, inquit, rem, viri Athenienses ut huic de gerendo bello credatur. Quantum enim illum in medio Martis sua galea & thorace facturum existimatis, quem ipse loquendi labor in animæ exhalandæ discrimen impulerit? Plutarch.

*M. Cato.*

Videns quendam vehementer obesum, mirabatur, cui vsui tale corpus esse posset Reipublicæ, cuius inter guttur & inguen omnia venter occurreret. Plut. in Catone.

*Anonymus.*

Vespasianus imperator Romanus ventre obeso fuisse dicitur, unde quidam homo facetus, petenti ut in se aliquid diceret: Dicam, inquit, sed tum demum, quum ventrem exonerare desieris. Brusonius libro 7. cap. 5.



## De obiurgatione.

*Diogenes.*

**A**D salutem opus esse dicebat, aut fidis amicis, aut acerbis inimicis: eò quod illi monent, hi redarguunt: utriusque diuersis quidem modis, sed pariter profunt, dum per eos vitia nostra discimus. Hoc Laer. li. 6. tribuit Antisthen. Plur. Diogeni.

*Antisthenes.*

Interrogatus, quamobrem tam seuerus esset discipulorum obiurgator: Et medici, inquit, erga ægros: significans, se vitia obiurgare, non homines. Laer. li. 6. cap. 1.

*Vide apophth. de castigatione, & Reprehensione.*

## De obliuione.

*Themistocles.*

**L**vdum præteriens, in quo diceretur Lesse professor, rogauit quid is profiteretur, quumque responsum esset, artem memoriz, contempsit, dicens, At ego malim artem obliuiscendi. Vox hæc digna fuit eo qui linguam Persicam intra annum potuit ediscere. Et sunt, quorum obliuio nobis gratior sit quam memoria. Facile meminimus quæ volumus, at non licet obliuisci quæ volumus. Plut. in Themistocle.

*Euripides.*

\* Absurdarum rerum obliuionem, sapientiam nominabat. Stobæus sermone 18.

*Plato.*

\* Obliuionem, exitum memoriz esse dicebat. Stob. serm. 36.

*Augustus Cæsar.*

Habebat Augustus nomenclatorem obliuiosum, cum hoc genus hominum oporteat in primis valere memoria. Is ad forum iturus, rogat Cæsarem, nunquid eò mandaret: Accipe,

inquit, commendatitias; nam ille neminem nosti. Atqui hoc est proprium nomenclatorum munus, omnium nomina, cognomina, titulosque dignitatum tenere, quo heris, quum opus est, suggerant. Vnde illis etiam nomen est inditum, à Græco Latinoque confectum. Sueton. in Augusto, Eras. Rot. lib. 4. apoph.

## De occasione non negligenda.

*Themistocles.*

**A**Ntiplates adolescens, qui prius Themistoclem amantem fugerat ac fastidierat, ubi vidit illum gloria celebrem potentiâque magna pollentem, ultro adiit illum blandiens, cui Themistocles: O adolescens, serò quidē ambo, sed tamen sapere cœpimus. sentiens, illum non arripuisse occasionem sese offerentem, sibi verò nunc non vacare per negotia talibus affectibus indulgere. Plut. in Græc. apoph.

*Antigonus.*

Quum Antigonus in arduis ac præruptis locis planicie imminetibus exercitum haberet, Pyrrhus postea circa Naphm castris, postmodum per caudaetorem, ut in campum descendens Martem experiretur, prouocauit. Antigonus verò respondit, suam militiam non magis armorum quàm temporum esse. Pyrrho, si illum suæ vitæ tedium cœpisset, satis multas ad interitum vias parere. Plut. in Pyrrho.

*Annibal.*

Post calamitatem à Romanis apud Cannas, acceptam, Fabius Max. creatus est imperator cum Claudio Marcello, viro audaci, semperque gestienti cum Annibale configere. Fabius potius sperabat futurum, ut si pugna abstineret, Annibalis exercitus ductu

rem.

temporis deficeret. Id sentiens Annibal, dixit se magis formidare Fabium à pugna quiescentem, quàm Marcel- lum pugnantiem. Plut. in Rom. apoph.

*C. Domitius.*

Vbi contemplatus esset hostium phalangem, exercitus prefectis hortantibus vt confestim aggrediretur, negavit tempus sufficere ad hoc vt tot millibus trucidatis ac direptis impedimentis, in castra reuerfi, sua curarent corpora. Sed hoc ipsum postri- die se tempestiuè facturum dixit: Ac postero die congressus, quinquaginta millia trucidauit. Vir strenuus non dubitauit de victoria, spatium modò tē- poris gerendæ rei par eligebat. Plut. in apoph.

*Scipio Africanus.*

Cum hoste dicebat non esse con- fligendum, nisi aut inuiteret occasio, aut vrgeret necessitas: quòd incogitantis sit, opportunitatem oblatam negligere: & extremæ ignauix sit, tum non præstare fortem animum, cum audacia spem præbet incolumitatis, formi- dositas nihil aliud quàm certū pro- mittit exitium. Plut. in vita eius. Valer. Max. lib. 7. cap. 2.

*Scipio minor.*

Cum videret hostes despondere a- nimum, aiebat sese, vt tuto veniret, mora temporis emisse, addens, Bonū ducem perinde vt medicum, non nisi in extrema curatione ferrum adhibere. Nihilominus per occasionem adortus Numantinos, terga illos dare cō- pulit. Plut. in Rom. apoph.

*C. Marius.*

In bello ciuili, cum fossa cinctus obsideretur ab hostibus, continuit se- se, tempus expectans opportunum. Popedio autem Siloni dicenti, Si ma- gnus es imperator, ô Mari, descende in confictum: imò tu, inquit, si ma- gnus es imperator, coge me nolen-

tem ad certamen venire. Plutarch. in apophtheg.

## De otio honesto.

*Chilon.*

Dicebat, adamadam esse quietem, quoties datur honestum otium: iuxta illud, *ἰσχυρά κελόν*. Nihil enim vel tutius, vel iucundius. Nullum autem negotium periculosius, quàm bellum. Laer. li. 1. cap. 4.

*Socrates.*

Otium possessionem omnium opti- mam dicebat. Otium autem sensit, non ignauiam: sed è tumultuosis ne- gotiis & à cupiditatibus animi tran- quilitem vitantibus esse quietum. Eras. li. 3. apoph.

*Nicander.*

Ad Nicandrum cum Atheniensis quidam dixisset, nimium ô Nicander amplectimini otium: Verùm, inquit, prædicas: sed non quemadmodū vos, quocunque modo illud nobis parare studemus. Sēsit otium, honestis ratio- nibus partum, non esse reprehenden- dum: sed eos vituperio dignos, qui per fas nefāsque sectarentur otium. Otium autem Atheniensis dixit, non exerce- re fordidas artes. Plut. in Lacon.

*Scipio Africanus.*

Si quando vacans à negotiis belli- cis, in literis versaretur, dicere sole- bat, se nunquam minus otiosum, quā cum esset in otio. Sensit, se id temporis non dare animum otio aut voluptati- bus, sed reipub. commodis multa suo cum animo tractare. Plut. in apoph. Cicer. li. 3. Offic.

*Ennius.*

Dicere solebat, qui nesciret otio vri, plus negotij habere, quàm cum est in negotio. Brufon. li. 4. cap. 28.

*Attilius.*

Satius otiosum esse dicebat, quàm  
L l 2 nihil

nihil agere. Refert Plinius Iunior ad Minurium Fundanum: Satius est enim inquit, vt Artilius noster eruditissime simul & facetissime dixit, otiosum esse quam nihil agere. Quanquam hoc dictum ascribitur Catoni seniori. Otiosus est, qui vacat ab externis actionibus: nihil agit, qui negotiis infrugiferis, nihil ad beate viuendum conferentibus occupatur. Quemadmodum, qui moluntur, nec satis succedit quod agunt, satagere dicuntur: ita nihil agunt, qui frustraneis actionibus tumultuantur. Plinius enim putat, eos qui militaribus negotiis distrahuntur, nihil agere: contrà, qui se philosophiæ dedunt, otiosos esse: Eras. in apoph.

*Alphonsus.*

Familiares Alphonso regi iusticum quendam velut ignauiz exemplum, ostenderunt, qui porrectus humi vescebatur vuis. Hic rex: Vtinam (ait) mihi sic per otium comedere datum esset à superis. Simile quiddam narratur de Ptolemæo rege: cùm antea se iactaret reperisse immortalitatem, tandem podagra discruciatu conspiciebat Ægyptios aliquot plebeios sic temerè apud flumen discumbentes: Vtinam, inquit, saltem ex istis vnus essem. Eras. li. 8. apoph.

## De turpi otio fugiendo.

*Diogenes.*

Otiorum negotium amorem esse dicebat, quòd hic affectus potissimum occupet otio deditos. Ita enim fit, vt dum otio vacant, in rem negotiosissimam incidunt. Laer. lib. 6.

*Socrates.*

Suprà de Libertate nimia.

*Idem.*

Audiens quosdam de otio disputantes, vt plurimùm se dicebat deprehendere, omnes aliquid facere. Ete-

nim qui tesseris, quique risui excitando vacant, aliquid faciunt: nihilominus huiusmodi omnes otiosos dicebat. Liceret namque eis istis dimissis, meliora agere: à melioribus. verò ad peiora migrare, nulli otium esse. Si quis autem migret, hunc id malè facere negotiis implicitem. Xenophon libro 3. de dictis & factis Socratis. Stobæus serm. 28.

*Idem.*

E priscis authoribus selegerat versiculos aliquot, quos prouerbiorum vice frequenter vsurpabat, quorum est ille Hesiodi,

*ἔργον δὲ ἴδιον ἐνέσθης, ἀργαίαν δὲ τ' ἐνέσθης.*

Id est:

*Non probum est operari, aut est cessatio probum.*

Quo dehortabatur iuuenes non solum ab otio, verùm etiam ab actionibus infrugiferis. Siquidem eos appellabat otiosos, qui alea, computationibus & scortis ætatem absumerent. Eras. li. 3. apoph.

*Plato.*

E disputatione discedens, solitus est admonere discipulos, Videte pueri, vt otium in re quapiam honesta collocetis. Significans, otium omnia mala docere adolescentes. Laetius li. 3.

*Lycurgus.*

Cuidam percontanti, quamobrem virginum corpora cursibus, luctis, discorum ac telorum iactibus fatigaret? Vt, inquit, foetuum profeminatio ab ista statim radice, validum in validis corporibus initium sumens, rectè germinet: simul vt ipsæ in perferendis partibus facile simul & generosè certent aduersus pariendi nixu dolorisque: postremò, si qua incidat necessitas, vt possint & pro se, & pro liberis, & pro patria pugnare. Intellexit vir prudens quanta rerù publicarum pestis sit otium atque ignauia: contrà, moderatos

moderatos labores etiam corpora reddere tum firmiora, tum salubriora. Vnde nec virginibus permisit in otio viuere, sed has quoque masculinis exercitiis quodammodo vertit in masculos, cum in plerisque ciuitatibus per delicias ac luxum masculi transformarentur in fœminas. Plut. in Lacon.

*Herondas.*

Quum esset Athenis, audissetque quendam iudicum sententia damnatum de crimine otij qui mœstus incederet, & ab amicis mœstis deducetur, iussit sibi commonstrari eum qui in causa liberali reus perageretur. Lacedæmonij, quicquid erat sordidarum artium, non per ciues, sed per Helotæ mancipia exerceri volebant: eoque mirabatur Herondas, ob id quenquam vocari in ius quoddam seruilium non exerceat: ibique pro crimine haberi, quod Lacedæmone iudicaretur honestum ac liberale. Plut. in Lacon.

*Cleomenes.*

Quodam interrogante, cur Argiuos cum Lacedæmoniis bellum gerentes, & sæpius victos, nō deuenissent, Ne optauerimus quidem, inquit Cleomenes, illos deletos, vt habeamus qui iuuenes nostros exerceant. Perspexerat egregius dux, corrumpi iuuentutem, si permittatur otio, luxus ac malorum omnium magistro. Plut. in Lacon.

*Anonymus.*

Thessalus quidam interrogatus, quoniam essent Thessalorum deterrimi? Qui, inquit, à bellicis negotiis otium agunt. Barbari nesciunt vti pace. Erasmi. 6. apoph.

*Dionysius sen.*

Cuidam percontanti, num esset otiosus? Absit, inquit, vt hoc mihi vnquam accidar. Sensit turpissimum esse regi vacare vnquam à reipub. negotiis. Vbi sunt igitur, qui bonā dici partem alea nugisque transigunt. Plut. in aphoph.

*Scipio Nas.*

Quibusdam dicentibus res Romanas iam in tuto esse, extinctis Carthaginensibus, & Græcis in seruitutem redactis: Imò, inquit, nunc demum summo in periculo sumus, postquam nulli supersunt, quos vel timeamus vel reuereamur. Sensit, inimicos per occasionem viles esse nobis, per quos non licet impunè securèque negligentes esse. Erasmi. lib. 8. apoph.

*Q. Metellus.*

Suprà de Ignauia.

*Ap. Claudius.*

Dicere solitus est, populo Romano longè melius committi negotium, quàm otium. Sentiens multitudinem bellis excitari ad virtutem, in pace defluere ad voluptates ac luxum, ex quibus nascitur rerum publicarum ac regionum exitium. Valerius Max.

*Seneca.*

Seruilius Vacia, vir prætorius ac prædiues, odio negotiorum abdiderat se in villam suam, quam habebat non procul à Cuma: nec alia re notus fuit, quàm eius villæ otio. Itaque qui negotiis premebantur, exclamare solebant, O Vacia, solus scis viuere. Huius tamen ignaum & sine literis otium damnans Seneca epist. 51. negat illum scire viuere, sed latere. Eoque nonnunquam villam præteriens, ioco dicere solebat, Hic situs est Vacia. subindicans, nihil interesse inter mortuum, & inerti otio abditum. Erasmi. lib. 8. apoph.

*Galba parasitus.*

Obiicientibus quoddam in otio viueret: Nemo, inquit, cogitur ad reddendam otij sui rationem, innuens nullos rutilius viuere quàm otiosos. Nam rerum gestarum rationem poscuntur qui tractant negotia: at ab otiosis ea ratio non potest exigi. Erasmus libro octauo apoph.



*Augustus Cæs.*

Insulam quandam Capreis vicinam, in quam è comitatu Cæsaris secedere solebant, qui cuperent otiosi, solitus est *ἀνεργία* appellare. *ἀνεργία* enim sonat negotiorum vacuitatem. Suet. in Augusto.

*Vibius Crispus.*

Domitianus Cæsar initio sui principatus nihil planè agebat, sed quotidie sibi secretum horarium sumebat, nec faciebat aliud quàm captare muscas, easque stilo præacuto configere. Vnde quidam cum quæreret, num quis intus esset cum Cæsare? Vibius Crispus lepidè respòdit: Ne musca quidè. Stob.

*Probus imperat.*

Non patiebatur armatum militem esse otiosum, dicens: Annonam gratuitam militem comedere non debere. Iacob. Spie. in lib. 2. Æn. Syl. de reb. gest. Alphonfi.

## De odio.

*Timon Atheniensis.*

**T**imon ille, qui ab odio hominum Misanthropos Græcis vocabatur, interrogatus cur omnes oderet homines? Meritò inquit, improbos odi: reliquos autem, quia improbos non oderunt. Max. ser. 6.

*Pisistratus.*

Thrasylbulus Pisistrati filiam amabat: eamque quum haberet obuiam, in publico osculatus est. ob id vxori maritum in Thrasylbulum irritanti: Si illos, inquit Pisistratus, qui nos amant, habemus odio, quid faciemus iis qui nos oderunt? Ac virginem adamatam Thrasylbulo dedit vxorem. Plut. in apoph.

*Annibal.*

Adhuc puer, quum quæreretur de finiendi odio inter Romam & Carthaginem, pedem infixit solo: ac pulvere suscitato, tum demum finem bel-

li fore dixit, quum altera pars in habitum pulueris esset redacta. Agnoscas ingenium exitio Romanæ gentis natum. Plut. in Annibalis vita.

*Idem.*

Hauisturus venenum, quod in eum vsus paratum habebat, dixit. Soluamus ingenti cura populum Romanum, aut, vt Liuius refert: Soluamus diutina cura populum Roma. quando mortem senis expectare longum censer, id postremò malè habebat hominè, quòd Romanis iam non posset aliquo pacto molestus esse. Plut. in Annib.

*Vide apoph. de Similitudine.*

## De œconomia.

*Thales.*

**E**am familiam probabat, in qua domino plurimum otij agere liceat. Stob. ser. 83. *Chilon.*

Admonebat, vt suæ quisque domui bene præficeret. primà enim curam debemus familiaribus: nec idoneus videtur administrandæ Reipubl. qui priuatam rectè gubernare nescit. Domus enim nihil aliud est quàm parua ciuitas. Laert. lib. 1.

*Idem.*

Dixit, Oportere domum maximè similem fieri ciuitati, quæ regno gubernatur. Stob. ser. 83.

*Cleobulus.*

Optimum œconomum inde iudicabat, si plures haberet sui amantes, quàm metuentes. Ibid.

*Bias.*

Dicere solitus erat, eam familiam esse optimam, in qua dominus spòte sit huiusmodi, qualis propter legem foris est. Stob. eod. ser.

*Pistacum.*

Optimè constitutam esse domum pronuntiauit, cui superfluum nihil abundet, & necessariū nihil defuit. St. ser. eo.

*Solen.*

*Solon.*

Optimum œconomum esse dixit, in cuius familia pecuniæ non iniuste possideantur, nec difficulter custodiantur, neque propter sumptus pœnitudinem adferant. Ibid.

*Thebano.*

Cuidam percontanti, quânam ratione celebris euasura esset? respondit: Contexens telâ, & meum curans coniugium. Sensit autem mulier ornatissima, tum demû claram se fore, si amaret maritum, probè educaret filios: & rem domesticâ sedulò curaret. Stob. ser. 73.

*Lycurgus.*

Audiens quendam, qui Democratiâ mirum in modum probabat, Quin tu, inquit, primû domui tuæ democratiâ, hoc est, commune imperium institue? Docuit autem compendiosissimè, eam gubernationem Reipub. perniciosam fore, quam nemo vellet esse in sua familia. Plut. in Lac.

*Themistocles.*

Cùm ex duobus filiam suam ambientibus, bonis morib. præditû diuiti prætulisset: Virum se querere dixit potius sine pecuniis, quâ pecunias sine viro. Sensit autem vir prudentissimus non obitare paupertatē hominum vitæ, si quis rem domesticam, pro viribus curare, cùm tota sua familia cupiat. Sto.

*M. Cato.*

Cùm ex Catone quæreretur, quid maximè in re familiarî expediret? respondit, Bene pascere: quid secûdû? satis bene pascere. quid terciû? bene vestire. quid quartum? bene arare. Cicero lib. 2. Offic.

## De officio bene collocando.

*Thraceas.*

**D**icere solitus est, suscipiendas esse causas amicorum, aut destitutas, aut ad exemplû pertinentes: amicorum, quòd ex lege Gratiarû, amico-

rum cõmunia sunt omnia: destitutas, quòd in his potissimû & constantia agētis & humanitas cerneretur: ad exemplum pertinentes, quia plurimû referret, bonum an malum ducē haberet. Frequenter enim bonæ causæ viro, patronorum vincuntur. Expedit autē ad bonos mores, vt in iudiciis succumbat prauitas, superet innocentia. Plin. epist. ad Quadratum.

*Sigismundus Cæsar.*

Coram Sigismundo Rom. imperatore, quum gloriabundus quidâ eques, vrbano magistratus parui faceret, tribunosq; militum laudibus in cœlum tolleret: Tace, inquit imperator, nulla nobis, ô Thraso, militia opus esset, si suas quisq; ciuitates prætores, cæteri q; magistratus moderatè iusteq; gubernarent. Sensit autem, vbiq; terrarum pacem tum fore, si magistratus leges defenderent, & omni loco ac tempore diligenter suum expedirent officium. Æn. Syl. l. 4. coment. de reb. gest. Alph.

*Æneas Syluius.*

Legens Ennium vetustissimum poetam, homines stupidos, non homines quidem, sed homines appellasse, dixisse fertur: Ennius certè si plerosq; nostri seculi reges contemplatus esset, credo non reges, sed regones appellasset: Ecclesiæ quoq; prælatos, prælatones vocitasset, qui præter coronas & insulas, dignitatē quod respondeat, nihil ostendit, Æneq; dictum leges in lib. eius Coment. 1. de rebus gestis Alphonsi, sectione 54.

## De ominibus.

*Dionysius.*

**C**um magistratus per literas sorte crearentur, & ipsi contigisset litera µ, dicenti cuidam per iocum *μωραλῆς*, id est, stulta efferes, Dionysii. Imò, inquit, *μοναρχῆς*, monarcha

ero. Et adeptus magistratum, protinus imperator electus est à Syracusanis. Magni erat animi, quod illo ipso non offenderetur, contentus omen literæ secus interpretari. Pl. in reg. apo.

*P. Aemilius.*

E foro domum reuersus, cum filiam puellam nomine Tertiam reperisset lachrymantem, rogauit quid haberet? illa respondente, Perseus, nobis interit (id erat nomen catelli, quem puella habebat in deliciis) Sit felix, inquit, o filia, omen accipio, moxque in bellum profectus, pulcherrimum de hoste triumphum egit. Plut. in apoph.

*M. Crassus.*

Infrà, de Superstitione.

*Nero.*

In Oedipode fabula, quam Nero nouissimam recitauit, in hoc versu decidisse legitur.

*Συγίεν μ' αὖτις σὺ γαμος, μὴ τὴν πατὴρ.*

Id est.

*Iussit mori me mater, vxor & pater.*

Nam & Oedipus patrem occiderat inciens, matrem vxorem duxerat: Ita Nero sciens Claudium patrem occiderat, matrem constupratam interfecerat, & Octauiam vxorem indignis tractarat modis. Suet. in Nero.

*Otho imperat.*

Cum in augurando tempestas esset orta, atque ipse grauius esset prolapsus, identidem obmurmurasse dicitur, *τί μοι καὶ μακρότερον αὐτοῖς*: id est, quid mihi cum longis tibiis? Sentiens, se frustra sacrificiis & piaculis conari placare manes Galio. Sueton. in eius vita.

## De opinione,

*Socrates.*

**I** Nanes vtres ventus inflat, inquit: sic stultos homines, opinio. Max. de inani gloria.

*Heracitus.*

\* Dicebat opinionem esse impedimentum profectui. Eod. ser.

*Iphicrates.*

Cum in amicorum & sociorum agris suum haberet exercitum, nihilominus tamen vallum facere, & fossam fodere voluit, quam ob causam cum à quodam parum fortis & animosus iudicaretur esse, respondit: Pessimam ducis esse vocem dicere, Non puraram. Significans, in rebus tranquillis interdum existere periculum, quod nullus expectasset. Aduersus inopinos igitur casus prospexit suis copiis, ne si quid accidisset, dicere cogeretur, Non putaram. Hoc verò Latini adscribunt Scipioni. Ad Iphicratem autem refert Plutarchus in Græcor. imper. apoph.

*Epicurus.*

\* Si ad naturam viues, inquebat, nunquam eris diues. Seneca, epist. 16. Exiguum enim natura desiderat, opinio immensum.

*Sphaerus philosophus.*

Suprà de Argutè dictis.

## De oraculis.

*Epaminondas.*

**C** Um Lacedæmonij copias in Thebanos educerent, variæque Thebanis ferrentur oracula, quorū alia victoriam illis pollicebantur, alia diuersa prædicebāt, Epaminondas iussit, bene promittentia ad dextram tribunalis poni, contraria ad laeuam. Atq; omnibus hunc in modum dispositis, surrexit, dixitq;: Si volueritis parere ducibus, & conglomerari in hostem tenere, hæc vobis sunt oracula, ostensis melioribus: quod si ad conflictum segnes timidique fueritis, hæc oracula vobis reddita sunt, ostensis deteriora pollicentibus. Mirè, nec oraculorum contempsit

contempnit authoritatem, nec animos militum his deici passus est : sed interpretatus est, Deum prospera polliceri strenuis, infausta timidis, quasi a nobis pendeat rerum euentus. Plut. in apoph.

*Alexander.*

Delphos profectus, cum sacerdos negaret se consulturum Deum, quod dies essent nefasti, quibus ne oraculis quidem loqui fas esset: vi pertracta secum sacerdote, templum ascendit, cumque illa importunitate victa diceret: Inuictus es, ô fili: Satis, inquit Alexander oraculi est, mulieris vocem responsi loco ducens. Plut. in Alex.

## De orationis vehementia.

*Zeno Citiens.*

Dicere solebat, Formam esse vocis florem, Nam loquentis oratione forma commendat. & rursus oratio composita gratiam addit formæ. Laertius lib. 7. cap. 1.

*Idem.*

Eleganter ac politè loquentium sermones aiebat esse similes pecuniæ Alexandrinæ, oculis blandienti, atque undique scripturam habenti more numismatis, nihilo tamen esse meliorem. Rursus qui magis studerent vtilia dicere quàm nitida, similes esse dicebat tetradrachmis, temerè ac ruditer percussis, quæ sæpe picturatis illis nummis præponderarent. In nummo non spectatur elegantia sculpturæ, sed pondus ac materia: ita non refert, quàm sit elegans oratio, sed quàm grauis & vtilis. Laert. lib. 7. cap. 1.

*Scopelianus.*

Scopelianus Herodis Artici præceptor, Polemoni obicienti, quod inter dicendum pulsaret tympanum: Tympanyzo, inquit, sed Aiæcis clipeo, haud

iniciens, se in agendis causis interdum vti verbis ac figuris vehementioribus: at non inani strepitu, sed ad causæ patrocinium accommodis. Philost. in Sôphistis.

*Demetrius Phal.*

Quantum in bello valeret ferrum, tantum dicebat in Republ. valere orationem. Illic enim res geritur viribus, hic persuasione. Laert. lib. 5. cap. 5.

## De oratione elaborata.

*Pericles.*

Quotiescunque verba facturus in concionem prodiret, optabat ut sibi nullum eiusmodi verbû excideret quod populum exasperare atque irritare posset, aut quod illi contrarium esset, aut cum ipsius voluntate pugna- re videretur. Vnde liquet, quâ præmeditatus Pericles orationem habiturus, in publicum venerit. Ælianus libr. 4. de Varia hist.

*Plato.*

Polus sophista reperisse dicitur quasdam orationis delicias, veluti contraria inter se reddita, membra comparia, similiter desinentia, quibus immodicè putatur vsus. His ornamentis cum se iactaret insolentius. Plato sic hominem taxauit: ὦ πόλε, ἡ ἀποροσύνη σὲ κατέσπε: id est, O Pole, ut te tuo alloquar modo. Polus Græcè sonat pullû equinum: ipso itaque statim nomine tetigit hominis arrogantiam. Imitatus est & ὁ μαθητὴς αὐτοῦ, Πόλεος κατέσπε. Laertius lib. 3.

*Nicostratus.*

Zeuxis pictor insignis, cum Helenam pinxisset, Nicostratus pictor stupefactus imaginem intuebatur, sic ut manifestû esset, cum picturam admirari. Accedens itaque quidam, rogabat, quidnam tantum artem admiraretur? At ille, Non, inquit, id me rogares, si meos



meos oculos haberes. Ego verò idem de oratione dixerim, nisi qui eruditas habeat aures, non sano iudicabit iudicio. *Ælian. lib. 14. de Varia histo.*

*Demonax.*

Phaurorini dictionem ut nimum compositam, ac mulieri congruentiorem quàm philosopho, solebat dixeris incessere. Id indignè ferens Phaurorinus, adiit Cynicum, percontans quis esset ille à quo derideretur: Homo, inquit, cuius auribus difficile est imponere. Philosophum, ut velis neglectior, ita & oratio decet in affectata. *Eras. lib. 8. apoph.*

*Antigonus.*

Quendam rhetorem audiens ita loquentem, Hora nimum iaculatrix adueniens, regionem herbis defectā reddidit: Non desines, inquit, mecum ut cum turba agere? Offensus est rex oratione purida, cuiusmodi verborum apparatu solent se venditare nugatores apud imperitam multitudinē. At idem apud regem facere, erat cynicæ impudentiæ. *Plur. in apo.*

*Cicero.*

Cum M. Lepidus in senatu dixisset, Patribus conscriptis, ne dicam circumscriptis: Ego, inquit Cicero, non tanti fecissem *ὑμῶν τῶν*. Affectavit Lepidus schema vocum similiter desinentium, quod rhetores *ὑμῶν τῶν*, vocant. At satius erat schema perdere, quàm senatum offendere. Quamquam in his verbis non tantum est *ὑμῶν τῶν*, verum etiam *ὑμῶν τῶν* schema priore iucundius. *Eras. lib. 4. apophtheg.*

*Augustus Cæs.*

Meccenas, vir aliàs laudatus, in stylo lasciuiebat, verbis affectatis & compositioni insolenti frequenter indulgens: Augustus contrà, verbum insolens quasi scopulum fugiendum esse dicebat. Ad alios itaque scribens, stylo

simplici consuevit uti: Meccenati verò, quem familiariter amabat, scribens, Meccenatem imitari solebat: adeò ut in quadam epistola, multa liberius ac dissolutius iocatus, hanc adiecerit clausulam: Vale mel gentium, ebur ex Etruria, laser Arretinum, adamas Supernas, Tyberinum margaritum, Cilneorum smaragda, iaspis singulorum, berille Porfennæ, carbunculum habeas, *ἢ αὐτῶν τῶν*, mæcharum. Sic irrisit parum viriles amici in scribendo delicias. Eiusdem cincinnos iocis exagitare cōsuevit, voces ac sententias ineptas foetores appellare solitus. Sermonem amabat purum & elegantem, qui sententiā quàm apertissimè declararet. Nec Tiberio pepercit interdum recòditas & exoletas voces aucupanti. M. Antonium increpabat, velut ea scribentem, quæ homines mirerentur potius quàm intelligant. Quia & Agrippinæ neptis ingenium collaudans, hoc adiecit: Sed opus est dare te operam, ne molestè loquaris. *Eras. lib. 4. apoph. ex Suetonio.*

*Pacatus.*

Osceus rhetor cum eloquentissimus esset, illius tamē orationē nil aliud vitia bat, quàm affectatio: nihil enim sine schemate dixit vnquam. Ideòque cum Pacatus rhetor Massiliæ ei obuiam factus esset: Poteram, inquit, dicere, Ave Osce. Affectatorem affectata salutavit oratione, usus enim est ironica occupatione, præter omnem necessitatē, ut irrideret hominē semper affectatè loquentem. *Eras. Rot. lib. 8. apoph.*

## De oratione incomposita.

*Themistocles.*

POSTQUÀ Themistocles primùm Athenis, mox tota Græcia depulsus ad Persarum regem cōfugisset, admittus, iussus est dicere. At ille respondit, oratio-

orationem similem esse picturatis  
stragulis: nam quemadmodum, inquit,  
illæ dum extenduntur, ostendunt ima-  
gines: dum contrahuntur, celant eas-  
dem, & abolent. itidem fit in oratione.  
Plut. in Græc. apoph.

*Antiochus.*

Hoc dicto taxauit Hermogenem,  
vt diceret illum inter pueros esse se-  
nem, inter senes puerum: siue ob vale-  
tudinem ante tempus imbecillem, siue  
ob dictionis genus neglectius. Alij per  
iocum dicebant, illius verba planè,  
iuxta Homerum esse *πρῆσιν*, quod ea  
veluti pennas abiiceret. Philostratus  
in Sophist. & Volat. lib. 15. Vrbano-  
rum com.

*Julius Florus.*

Quum aliquādo adolescentem tri-  
stem eundemque scholasticum vidis-  
set, interrogauit: Quæ causa frontis  
esset tam deductæ? Quia triduo, inquit  
adolescens, materiæ ad scribendum  
destinatæ nō inuenio exordium. Tum  
Florus, Nunquid tu melius dicere vis,  
quàm potes? Ita res se habet. Curan-  
dum est, vt quàm optimè dicamus: di-  
cendum tamen pro facultate. Ad pro-  
fectum enim opus est studio, non in-  
dignatione. Quintil. lib. 12. cap. 3.

*Porcius Latro.*

Latro Porcius, cuius ingenium su-  
pra modū miratur Seneca (fuit enim  
illi condiscipulus) cum Maxillus rhe-  
tor exiliratem orationis suæ impu-  
taret cōtrouersiz, diceretq;: Necessè est  
me per spinosum locum ambulātem,  
suspensos habere pedes: Nō mehercu-  
lè, inquit, tui pedes spinas calcant, sed  
habent. Eras. lib. 8. apophtheg.

*Catulus.*

Quum orator quidam malus, qui in  
epilogo se putabat mouisse misericor-  
diam, postquàm assedit, rogaret Catu-  
lū, Videreturne mouisse misericordiā?  
Ac magnā quidem, inquit: Neminem

enim esse puto tam durum, cui nō ora-  
tio tua miseranda visa sit. Cicero lib. 2.  
de oratore. Eras. lib. 6. apoph.

## De oratione inepta.

*C. Iulius.*

**C**Vrio orator, præterquàm quòd  
in cogitando esset tardus, in in-  
struendo dissipatus, parūque rerum  
propositarum meminisset, in vtraque  
etiā parte toto corpore vacillabat in  
oratione. In hūc vrbānè C. Iulius ioca-  
tus est: quæ fuit enim, quis loqueretur  
è lindre? Cicero de Claris oratoribus.

*Fl. Virginius.*

Vrbānè antisophistam quendam  
suum interrogauit, Quot millia pas-  
sum declamasset? Taxans eum, quòd  
in declamando discurreret, nimiumq;  
crebras, longas ac tumultuarias habe-  
ret ambulationes: cum M. Tullius ora-  
tori non concedat procursiones, nisi  
raras, moderatas ac breues. Eandem  
ob causam Sura Manilius Domitio  
Afro dictus est non agere, sed satage-  
re. Vtrumque refert Fabius, capit. de  
pronuntiatione.

*Cassius Seuerus.*

Salsum est illud Cassij Seueri, qui  
aduersus patronos immodicè discur-  
rentes, vt interdum se proriperent in  
aliena tribunalia, poposcit lineam, al-  
ludens ad certamina cursus, in quibus  
vna linea designabat vnde cursus in-  
ciperet, altera vbi desineret. Idem ac-  
comodari potest in eos, qui digressio-  
nibus immodicis diuertunt ab institu-  
to. Eras. lib. 8. apoph.

## De oratione aliena.

*Antigonus.*

**A**Dolescens quidā Anaximenis rhe-  
toris discipulus, orationem à præ-  
ceptore meditatā, & à se recitandam,  
suborna-

subornatus coram Antigono habebat, quúmque is inter audiendum quidam scire cupiens sciscitaretur, móxque adolescens reticuiſſet, Quid ais, inquit Antigonus: num iſta tibi ſunt in tabulis deſcripta? Quod ille in adolescente iudicauit abſurdum, hoc hodie magnificum habetur, vt ſenes etiam apud principes orationem á rethore quopiam conducto ſex menſibus elaboratam ediſcant, eámque pſitarum more reddant. Nec raro fit, vt nemine etiam interpellante, excidát, cunſiſque ridiculi ſint. Plutarch. in reg. apoph.

*Æschines.*

Cum propter ignominiam iudicii  
cessisset Athenis, & se Rhodum con-  
tulisset, rogatus à Rhodiis fertur legis-  
sionem illam egregiam, quam in  
Ctesiphontem contra Demosthenem  
dixerat, qua perlecta, petiitum est ab  
eo postmodum, ut legeret illam etiam,  
quæ erat contra à Demosthene pro  
Ctesiphonte edita: quam cum suavis-  
sima & maxima voce legisset, admirâ-  
tibus omnibus: Quanto, inquit magis  
admiraremini, si audissetis ipsum?  
Quo satis indicavit, quantum esset in  
actione situm: cum orationem ean-  
dem aliam esse putarent, autore mu-  
tato. Cic. l. 3. de Orat.

## De oratione extem- poranea

*Pericles.*

**A**D perorandum à populo sæpe la-  
cessitus, negavit: quia imparatum  
se esse diceret. Plut.

*Chrysippus.*

Dicere solebat, cogitationem orationis esse fontem. Nihil autem aliud hoc dicto voluisse videtur, quàm negotium omne prius probè examinan-

dum esse de quo dicturus es, & tum de-  
mum orationē neruis omnib. absolutā  
struere te posse. Stob. ser. de Prudētia.

*Demosthenes.*

Epicii opprobranti, quod semper dicturus meditarerur: Erubescerem, inquit, optimo iure, si tantæ multitudini consules, dicerem ex tempore. Quod alij præclarum esse ducunt, subito ex imparato dicere, id vir cordatus iudicabat esse temeritatis. Eras. lib. 8. apoph.

*Idem.*

Quum posttridie concionem ad populum habiturus esset, totam noctem præcedentem vigilabat : scilicet ad meditandum & ediscendum, quæ dicitur erat. Hanc igitur ob causam Pythias torquebat in ipsum scemma, sententias eius ellychnia redolere dicens. Ex Æliano recitat. Stob. ser. 27.

**Demandes.**

Iocari solebat in Demosthenē, quod ceteri quidem oratores dicerent ad aquam, ipse verò & scriberet, taxans eum, quod nunquam nisi de scripto diceret, rum esset *ὑπομνητής*. Contra Demades, ut largius biberat, ita valebat extemporalis dictione.

De orationis habitu, pro<sup>c</sup>  
& tempore variando.

**Socrates.**

**L**Yſias quum Socrati orationem, quam in eius defenſionem compoſuerat, recitaſſet: Prælara, inquit, & elegans eſt oratio, ſed non conuenit Socrati. Erat enim forenſi inſtituto aptior, quàm Philoſopho. Rurſus Lyſiæ percontanti, cur ſi bonam iudicaret orationem, putaret ſibi non cōuenire? Nōne, inquit, fieri poſſet, vt amiſtus aut calceus elegans ſit ac pulcher, qui tamen alicui non cōueniat?

Quo

Quo dicto ostendit, eam orationem gratam esse, quæ suo loco suisque personis convenit. Cic. lib. 1. de Orat.

*Agésilauus.*

Apud Agésilauum Lacedæmoniorū regem, cum quidam rhetorem laudasset, quodd mirificè res exiguas verbis amplificaret, Ego, inquit rex, ne futurorem quidem arbitrarer bonum, qui paruo pedi magnos inducat calceos. Sensit vir prudentissimus, cum demū bene dicere, cuius oratio rebus conuenit, ex quibus orationis qualitas potius quàm ex artificio petenda est. Plut. in Lacon.

*Archidamus.*

Cum Græci nollent rescindere pacta, quæ cum Antigono & Cratero pepigerāt, & amplecti libertatem, quam offerebat Archidamus, veriti ne grauiores essent habituri Lacedæmonios quàm Macedones: Ouis, inquit, semper eandem edit vocem: cæterum homo multas ac varias emittit voces, donec quod decreuit confecerit. Hoc dicto significans, fallendam esse fidem, si qua magna inuitet utilitas. Nullum autem est animal, cui tam varia vox sit, quam homo. Hoc apothegma videri possit indignum Lacone, nisi possit integritas eius gentis, barbarorum commercio degenerasset. Dicti potest honestus aliquis vsus esse: veluti si quis admoneat, pro tempore, pròque re nata variandum esse sermonis habitum. Est vbi loquendum sit seuerius, est vbi blandius: est vbi magnificentius, est vbi submissius: est vbi iucundius, est vbi durius: id si fiat citra perfidiam, prudentia est, porro ouilli mores dicuntur hominum stupidorum, qui sese nesciunt rebus ac personis accommodare, Græcorum igitur constantiam Archidamus stultitiæ tribuit, qui proposita libertate nollent mutare vocem. Plut. in Lacon.

## De oratoribus.

*Diogenes.*

Oratores carpebat, quod studeant iusta dicere, sed eadem facere negligerent. Laert. lib. 6. Eras. Rot. lib. 3. apoph.

*Idem.*

Oratores, qui summo in pretio habebantur Athenis, dicebat turbæ ministros, quodd ad gratiam loqui cogerentur, & seruiliter adulari stolidę multitudini. Coronas autem dicebat esse glorię pustulas, *ἰσχυρὰν*, qualia nonnulli progerminant in naso vultuque ex bile. Laert. lib. 6.

*Idem.*

In caupona prandens, Demosthenem fortè prætereuntem inuitauit vt accederet. Id cum ille pudore recusaret: Erubescis, inquit, Demosthenes cauponam ingredi? arque hic herus tuus quotidie versatur. Innuit, oratores nihil aliud esse, quam mancipia populi, nec esse par, vt illic pudeat seruum populi videri, vbi populus: ssequè viuere. Eras. Rot. lib. 8. apoph.

*Idem.*

Oratores ac ceteros omnia ad glorię facientes appellabat *τετραδόντες*, id est, ter homines, ancipiti dicto. Nam vt vulgus hominem esse negat, qui nec doctus est, nec humanus? ita philosophus hominem vocabat miserum, qui nihil haberet supra hominem. Siquidem iuxta Homerum, nullum animal homine miserius. Proinde ter homines dixit, ter miseros, qui sua studia omnia conferrent ad rem immanissimam, ac populari multitudini, multorum caput beluæ, seruirent seruitutem. Laert. lib. 6.

*Demosthenes.*

Interrogatus, quomodo orator factus esset? Respondit, Dum plus olei quàm



quàm vini absumerem. Ex Diomede.  
Meminit etiam Brus. lib. 4. cap. 31.

*Idem.*

Phocion Atheniensis breui oratione utebatur, cæterùm grauissima, quæ cum surgentem vidisset Demosthenes: Ecce, inquit, meæ orationis culter surgit. Plut.

*Pyrrhus.*

Dicere solebat, plures vrbes suo imperio additas oratione Cynæ oratoris ac legati quàm suis armis. Valerius Max. & Brus. l. 4. c. 31.

*Vide apoph. de Eloquentia.*

### De ordine.

*Attilius.*

**D**icere solebat, sic adolescentes in foro auspicari à causis centumviralibus, vt pueri solent in scholis ab Homero, quod vtrunq; sit maximum: cum oporteat paulatim per gradus ad id quod summum est peruenire. Plin. ad Maxim.

### De ornatu.

*Crates.*

**D**icerebat ornamentum esse id quod ornat. Ornat autem, quod honestiorem mulierem facit: talem verò præstat non aurum, non smaragdus, non coccus, sed quæcunq; grauitatis, moderationis & pudoris specimen adhibeat. Stob. ser. 72.

*Hyperides.*

\* Domi, inquit, coram virò liceat vxori ornare se vt libet: ornamenta autem quæ sumit egressura domum non ad maritum, sed ad alios spectant. Stob. eod. ser.

*Democritus.*

\* Sermo parcus mulierem ornat, & ipsius ornamentum parcas (inquit) ei decora est. Ibid.

*Theophrastus.*

\* Mulier, inquit, nec alios videre, nec ipsa videri debet, præsertim quæ eleganter ornata fuerit, vtrunque enim ad res inhonestas incitamentum est. Ibidem.

*Diogenes.*

\* Ad quendam iuuenem supra modum sese ornantem: si quidem, inquit, ob viros, infelix es: sin ob mulieres iniurius. Stob. ser. 78.

### De osculo.

*Maximinus imp.*

**N**unquam ad oscula pedum quenquam admisit, dicens: Dij prohibeant, vt quisquam ingenuorum pedibus meis oscula figat. Et vbi sunt interrim, qui non solum ingenuos, verum etiam summos monarchas ad oscula non pedum, sed calceorum, non dicam admittunt, sed inuitant, & quodammodo cogunt? Hæc Erasmi Rot. lib. 6, apoph. ex Capitolino.

### De ostentatione.

*Aristippus.*

**Q**uendam sibi vehementer placentem de natandi peritia non tulit Aristippus: Et non te pudet, inquit, tam insolenter his de rebus iactare te, quæ delphinum sunt propria? Lepidius erat si dixisset, ranarum. Decet hominem gloriari super his quæ sunt hominis propria. Nihil autem magis cõuenit homini, quàm ratione polere. Nullus tam peritus natator est, quin à delphinis superetur. Lac. l. 2. c. 8.

*Idem.*

Suprà de Ebrietate & vinolentia.

*Antalcidas.*

Cum Atheniensis quidam Lacedæmonios appellaret indoctos: Soli igitur nos, inquit Antalcidas, nihil mali

à vobis didicimus. Sensit, artes quibus se iactabant Athenienses, magis ad ostentationem, otium ac voluptatem esse accommodas, quàm ad republ. gubernandam, ad quod nulla disciplina deerat Lacedæmoniiis. Plut. in Lac.

*Augustus Cæsar.*

Miles quidam in expeditione saxo percussus, notabilis; in fronte cicatrice deformatus, quoniam honesto vulnere erat insignis, immodicè sua facta iactabat: eius insolentiam Augustus leniter castigavit. At tu, inquit, caue ne quando fugiens post te respexeris. Subindicans, fieri posse, ut vulnus de quo nimium se venditabat, nō in prælio, sed in fuga accepisset. Macr. 2. Sat. Eras. lib. 4. apoph.

*Ludovicus XII. Gall. rex.*

\* Audiens Bearnenses & Pictones quosdam, ignavos & imbelles homines, de nobilitate sua, cum aliis verè nobilibus, gloriari: atqui (ait) decem istiusmodi nobilibus vnicus ensis satis superque fuerit. Annal. Franciæ.

### De ostentis.

*M. Cato.*

**Q**uidam manè surgens, reperit caligas à foricibus arrosas: hoc ostento turbatus, consuluit Catonem, quid mali portenderetur? Illè verò: Non est, inquit, ostentum, quòd forices arrosaverunt caligas: sed si caligæ arrosissent forices, id demum fuisset ostentum. Plut.

*Sylla.*

Carens rebus necessariis, quum cogeretur etiam diis dicata tangere, Caphim amicum Delphos miserat, ut pecunias ac donaria ad se perferret. Quibusdam verò dicentibus, intra tēplum auditum citharæ sonitum: quod ostentū interpretabantur, quasi Apollō citharædus indignaretur, Caphis

audita perscripsit Sylla, cui faceret rescripsit Sylla, Quin tu potius interpretaris istud esse signum gaudentis & exultantis Dei, potius quàm indignantis? Itaq; perinde vt Deo hilariter tribuente, tu quoque bono animo pecunias accipe. Plut.

*Vespasianus.*

Vespasianus quum Cæsareum Mausoleum repente paruisset, tum stella crinita apparuisset, aliis interpretantibus, Cæsaris interitum portendi: ille faceret interpretatus est, prius ostentum ad Iuliam Caluinam pertinere, quòd ea esset de gente Augusti, posterius ad Parthorum, siue, vt Aurelius Victor tradit, Persarum regem qui capillatus esset. Suet.



### DE PACE.

*Cæsus.*



**C**YRO captus hoc argumento pacem bello prætulit, quòd pacis tempore filij sepelirent patres: in bello contrà, patres sepelirent liberos. Eras. lib. 6. apoph.

*Epaminondas.*

Meneclides inuidens Epaminondæ gloriæ, suavitati populo, vt pacem haberent bello potiorem. Cui Epaminondas: Fallis, inquit, ciues tuos, qui otij nomine eos ad seruitutem vocas. Pax enim bello paratur: nec eam tueri licet, nisi ciues sint ad bellum instructi. Plut.

*Pomponius Atticus.*

In funere matris, quam extulit nōnagenariâ, ipse natus annos sexaginta septē, gloriatus est, quòd nunquam cum matre in gratiam redisset, nunquam cum sorore fuisset in similitate, quàm

quàm propè æqualem habuit. Hanc vocem se ab ipso audisse scripsit Cornelius Nepos. Plus autem est: non reddisse in gratiam: quàm non fuisse in similitudine. Matrem nunquam offenderat: inter ipsum & sororem, etiam si quid incidit offensarum, nunquàm exierunt in similitudinem: quæ tamen inter fratres & sorores frequenter acerrimæ solent existere, Eras. l. 6. apoph.

*Probus imp.*

Dixisse fertur, Breui milites necessarios non habebimus. Sperabat tantam pacem, ut nihil opus esset exercitu. Hanc mentem utinam Deus immitat omnibus nostri seculi principibus. Flavius Vopiscus.

*Philo.*

\* De pace, huius scitè dicta sunt hæc. Pax vel cum magno damno coniuncta utilior bello. Ex recta præfectorum administratione nascitur. Maximum bonum est, & diuinum: quod nullus mortalium præstare potest. Ant. serm. de caritate & pace.

*Antonius Pius.*

Adamabat illam Scipionis celebratissimam sententiam, subinde dicens, Se malle vnum seruare ciuem, quàm mille hostes occidere: Pacem videlicet bello præferens: & in ipso bello sentiens hanc oportere primam esse ducis curam, ut quàm minima ciuium iactura paretur victoria. Iulius Capitolinus.

*Otho imp.*

Cùm videret aut deponendum imperium, aut magna ciuium strage tuendum, statuerat sponte mori: & amicis ac militibus hortantibus, ne tam citò de belli euentu desperaret: negauit sibi suam vitam esse tanti, ut hac de causa bellum ciuile nasceretur. Quis non miretur hunc animum in principe ethnico, eoque triginta tres annos nato? Eras. Rot. lib. 8. apoph.

*Alphonsus.*

Ludouico Podio (quo propter eius singularem diligentiam ad fidem, perpetuò ferè oratore in Italia vsus est) renuntiante, pro pace, quam Venetis & Florëtinis daturus esset, plus quàm ducenta millia aureorum extorqueri posse, respondit, Pacem dare se, non vendere solitum esse. Panormitan. l. 3. de rebus gestis Alphonsi.

*Idem.*

Quum esset Valentis, appulerunt eò loci Caroli Francorum regis legati, magnopere eum rogantes, ne per id tempus, quo rex eorum bello Britannico implicitus esset, contra se bellum aliquod fuscitaret (quàm maximè enim verebatur Carolus, ne Alphonsus captato tempore & occasione, cum armis lacefferet, propterea quòd ius aut titulum prætenderet in eam partem Gallis Narbonensis, quàm incolæ sua lingua Occitanam vocant) respondit rex: Et si certò scio, plures Narbonensis Gallis ciuitates ad Aragonis regnū pertinere, quas Carolus rex iampridè occupatas detineat: nihilominus tamen hoc tempore, quo illum intelligo bello superatum, & à Britannis protritum esse, nequaquam me arma contra profligatum regem sumpturum esse vobis affirmo: neque eo animo esse, ut quod maiores mei in Caroli prosperitate non petierunt, ego in eius repetam calamitate. Ant. Panor. de rebus gestis Alphonsi, & Æn. Syluius de eius dictis.

*Vide apoph. de Concordia.*

## De pallore.

*Diogenes.*

**P**hyficus quidam cùm Diogenem interrogasset, quam ob causam aurum palleret? Quoniam, inquit, plurimos habet sibi insidiantes. Laert. lib. 6.

*M. Cast.*

*M. Cato.*

Non probabat adolescentes, qui castigati palleſcerent: ſicut enim rubedo bonum in adolescente ſignum eſt, ſic pallor peſſimum. Plut. in Rom. apoph.

*De Paraſiſis.*

*Vide apoph. de adulatione, & aſſentatione.*

## De Parentum amore in filios.

*Socrates.*

**F**ortè cum Lamproclo filiolo pueriliter ludens, ab Alcibiade deprehēſus & vehementer deriſus eſt. At ipſe: Non eſt, inquit, vt me parentem cum filio ludentem rideas immoderatus, qui ignoras parentum in filios affectum. tacebis itaque, donec & ipſe liberos genueris, ſimilia tentaturus, & fortaſſe magis puerilia. *Æll. 12. de Var. hiſtor.*

*Ageſilaus.*

Quum miro eſſet affectu erga liberos ſuos, dicitur aliquando arundine pro equo conſeſſa, vnà cum pueris luſſiſſe domi. Id cū fortè vidiffet ex amicis quidam, rogabat, ne cui diceret quod videret, priuſquā ipſe quoq; librorum parens eſſet factus. Feſtiuè ſubindicans, cum luſum non eſſe leuitatis, ſed pietatis: nec hoc quod agebat videri poſſe ineptum ei, qui modò expertus eſſet, quā ingens ſit affectus charitatis parentum erga filios. Plut. in Laconicis apophth & *Ælian. lib. 12. de varia hiſt. Simile cum ſuperiore Socrati attributo.*

*Anachariſis*

\* Interrogatus qua de cauſa operam non daret proli, reſpondit, quia nimis amaturus eſſem liberos. Stob.

*Socrates.*

\* Frequenter ad ſuos diſcipulos cōuerſus dicebat, eos qui filiis de multis opibus proſpiciunt, vt autem boni & egregij euadant negligunt, ſimile quid agere equos alentibus, quos belli diſciplinam non docent, multum verò pabuli exhibent. Sic enim equos habituri ſunt pinguioreſ, ſed rerum, quas præſtare oportebat imperitos. Nam equi laus non in corpulentia, ſed in audacia peritiq; bellica ſita eſt. Eodem modo (inquit) peccant illi, qui filiis multos agros comparant, ipſi ſemet verò negligunt. Poſſeſſiones enim magni precij eſtimationem habebūt, ipſi autem viſes erunt: cū contrā oporteret cuſtodientem re poſſeſſa precioſiorem eſſe. Itaque ſiquis filium ſuum magni precij hominem effecerit, quāuis paucas opes ei relinquat, multa tamen largitus eſt, &c. Xenoph. Hæc ſcitè dicta oſtendunt qualis parentum amor erga liberos eſſe debeat.

*Epictetus.*

\* Liberos doctiores quā ditiores relinquendos eſſe dicebat. In Enchirid.

*Iſocrates.*

\* Liberis pudorem magis quā aurum conſulebat eſſe relinquendum; In admonitionibus ethicis.

*Demetrius.*

Cūm Eraſiſtratus Demetrio Antiochi filij mentem qua mori deſtinatæ, indicaret, ſimulque falſus eſſet, huius affectionis cauſam eſſe amorem: Demetrius, qui adoleſcentem vnicè ad amabat, per omnia multis cū lachrymis cœpit obteſtari, vt illius incolumitati conſuleretur. cum Eraſiſtratus adidiſſet, immedicabile malum eſſe, quod in ipſius vxorem deperiret. hoc audito, Demetrius multo vehementiùs cœpit obteſtari, vt ob ſalutem filij cederet illi ſuam coniugē. Iſta, inquit,

*M m*

*ſp a*



ô pater: tibi facile dicuntur, sed aliud diceres si tuam coniugem Stratonicé adamarer. Hic cùm rex deos precaretur, vt liceret amorem filij cõmutare, & à medici coniuge in suâ transferre, nihil se non facturum, si modo liceret seruare filiû: Erasistratus patris dextram amplexus, Nihil est (inquit) ô rex, in quo iam Erasistrato indigeas. Etenim cùm & pater sis & maritus & rex, optimus eris tuæ familiæ medicus. Non enim in coniugem meam, sed in Stratonicem tuam Antiochus deperit. Post hæc Demetrius edixit, vt Antiochus rex Stratonice, quam filio cessit, regina nominaretur. Plut.

*Cesetius.*

Cesetius eques Ro. cùm à Cæsare filium abdicare iuberetur, quodd is tribunus pl. cum Marulo collega ei inuidiam mouisset regni affectati: Citius, inquit, Cæsar, tu mihi omnes filios meos accipies, quàm ego ex his vnum domo expellam mea. Erasmi. l. 6. apoph.

## De parentum seueritate in filios.

*Damatia.*

**Q**Uum accepisset filium ita se gere-  
re in bello vt tali matre videretur indignus, domum redeuntem interemit. maluit filium habere mortuû quàm bello inutilem. Qua de re hoc fertur epigramma:

*Transgressum leges mater Damatia natum.*

*Ipsa lacena necas, non Lacedæmoniam.*

Hoc facinus propius accedit ad barbaricam immanitatem, quàm ad fortitudinem: vtile tamen exemplum est, ad exprobandam vulgo matrum nimiam in liberos indulgentiam, quæ ob hoc ipsum sæpe impotentius amant e-

os, quodd sint nequitia corruptissimi. Plut. in apoph. Lacænarum.

*Teleucia.*

Chij exules cùm Spartam venissent, multis modis Pædaretum incusabant. Eos Teleucia mater cùm vocasset ad se, explorans ea quæ in filio reprehensione digna essent, scripsit hûc ad modum filio, vt aut ignominiam omnem ablueret, aut in patriâ incolumis non veniret. Ibidem.

*Anonyma.*

Filio iniuriarum postularo: Aut crimine (inquit) fili, aut vita te ipsum libera. Mater in filium seuerior, quàm iudex: quæ extinctum mallebar, quàm cum ignominia viuum. Ibidem.

*Alia.*

Lacæna quædam filium, qui in acie loco cesserat domum reuertentem occidit: noluit enim alere filium, qui in bello cæteris ignauis exemplum esset. Plut. in apoph. Lacænarum.

*Alia.*

Quum accepisset quodd filius peregrè agens, inhonestè se gereret, scripsit illi: Malus rumor de te sparsus est: hunc tollito, aut non esto. Plut. in apoph. Lacænarum.

*Tennes.*

\* Is rex Tenediorum cùm legè promulgasset, vt si quis adulterum deprehendisset, securi trucidaret, intellexit mox filium in hanc legem peccasse. Vnde cum rogaretur quid faciendum esset? Lege vtendû, inquit: securi percutiatur. Paus. l. 10. Eras. in adagio. Tenedia bipennis. De eadem seueritate Zaleuci Locrensis erga filium ob adulterium altero oculo priuatû. vide Ciceronem lib. 2. de legib. Stob. serm. 42. Ælian. var. histor. lib. 2. Valer. Max. lib. 6. cap. 5.

*Socrates.*

\* Obiurgationem à patre factam, suaue medicamentum esse dicebat: plus

plus enim inquit prodest quam mor-  
det. Stob.

*Idem.*

\* Ab vxore reprehensus quod filium  
immorigerum & inutilem non admit-  
terer, & cum illa subiecisset, atqui ex  
te est: in terram despuens, & hoc, sub-  
iecit, ex me est, at non vtile. Max. ser.  
de honore parentum.

*Dionysius philos.*

\* Ridiculum esse dicebat, eum, qui  
suis parceret, alienos liberos castigare  
velle. Anton. serm. de parentibus li-  
berorum educationem neglectim cu-  
rantibus.

*L. Innius Brutus.*

\* Filios suos tyrannidi fauentes,  
comprehensos, ipsemet pro tribuna-  
li sedens interrogauit, dicens, Quid  
vos ad crimina hæc. Vbi ter interro-  
gati nihil responderunt, tum ad li-  
ctores conuerso vultu: Iam reliquæ, in-  
quit, vestrae partes sunt. Eorum de-  
inde supplicia fixis oculis est intuitus.  
Exiit patrem, vt consulem ageret:  
orbûsque viuere quàm publicæ vindi-  
ctæ deesse maluit. Liu. lib. 2. Val. Max.  
lib. 5. cap. 8.

*M. Scamurus.*

\* Audiens filium cum aliis ab hosti-  
um exercitu fugatis urbem repetere,  
misit qui dicerent, libentius se in acie  
eius interfecti ossibus occursurum,  
quàm ipsum tam deformis fugæ reum  
visurum. Itaque, si qui modò reliquû  
in pectore verecundiæ superesset, con-  
spectum degener irati patris vitaret.  
Filius audito nuntio seipsum interfe-  
cit. Valer. Max. lib. 2. Ibidem.

*Manlius Torquatus.*

Cùm à Macedonia venissent lega-  
ti, graues querelas deferentes de fi-  
lio eius Decio Syllano, qui eam pro-  
uinciam obtinuerat, à senatu periit,  
ne quid ea de re statuerent, priusquàm  
ipse causam cognouisset. Cùm sena-

tus illi cognitionem detulisset, domi  
sedit, solûsque vtrique parti per to-  
tum biduum vacauit, tertio die pro-  
nuntiauit in hæc formâ: Quum Syl-  
lanum filium pecunias à sociis ac ce-  
pisse probarum sit, & Republica eum,  
& domo mea indignum iudico, proti-  
nûsque è conspectu meo abire iubeo.  
Eras. Rot. lib. 6. apoph. ex Valer. Max.  
li. 5. cap. 8.

*A. Fuluius.*

Filium ingenio, literis & forma flo-  
rentem: quoniam in Catilinæ castra  
properabat, ex itinere retractum oc-  
cidit, dicens: Ego te non Catilinæ ad-  
uersus patriam, sed patriæ aduersus  
Catilinam genui. Eras. lib. 6. apoph. ex  
codem.

*Augustus Cæs.*

Suprà de Facete & iocosè dictis.

*De parentum obscuritate, vide apoph. de  
Ignobilitate.*

*De parentibus piè colendis, vide suprà  
de Filiorum pietate in parentes.*

## Par pari relatum.

*Socrates.*

Socrates cùm in quendam amicum  
S uehementius esset inuectus: Nonne  
præstabat, inquit Plato, ô Socrates,  
priuatim te hominem monuisse? Er  
Socrates: Et tu non fecisses melius, si  
priuatim seorsumque monuisses. Bruf.  
lib. 5. cap. 16.

*Diogenes.*

Midia cùm impacto Diogeni cola-  
pho dixisset, tria millia tibi in mensa  
sunt posita. per ludibrium illi gratulans,  
quod pio colapho tantum num-  
morum ex multa ad ipsum esset redi-  
turum si lege ageret. At Diogenes po-  
stridie sumpto pugiluloro, eoque im-  
pacto Midia, totidè verbis dixit: Tria  
millia tibi in mensa sunt posita. Laer.  
lib. 6. cap. 2. Bruf. li. 5. cap. 16.

M m 2

Dion.

*Dion.*

Exul, cum Preodoti Margarenfis opera opus haberet, & ad ædes illius veniens, videret illum ob negotiorum magnitudinem ægre quenquam admittere, amicis ob id indignatibus, dixit: Quid hunc incusamus? Nonne & ipsi cum Syracusis essemus, eadem faciebamus? Eras.lib. 5. apoph.

*Agathocles.*

Suprà de lepidè dictis.

*Apollonius*

Medorum rex cum ad Brachmanas philosophos Indos accessisset, essetque ibi Apollonius Tyanæus, præter cætera inepra, quæ rex dixerat, dixit etiam Apollonio: De me dic quæso, qualis apud Græcos est sermo? Idè, inquit Apollonius, qui apud vos de Græcis habetur. Nulla igitur, inquit rex, apud Græcos mentione sum dignus? At ego, inquit Apollonius, de te nuncium feram, ut in Olympiis te coronent. Brufon, lib. 5. cap. 16.

*Hircanus.*

Ptolemæo cœnante, cum vnà cœnaret Hircanus Iosippi filius, missus à parte ad congratulandum Ptolemæo, ob filij natiuitatem, proiicientibus omnibus de industria conuiuis ossa ante illius pedes, Triphon scurra: Rex, inquit, omnia Hircano anteposita ossa sunt. Ex quibus coniice, patrem eius omnem Syriam denudasse. Ridente rege, & interrogante Hircanum, Cur tot ossa ante se haberet? respondit: Canes semper ossa cum carnibus deuorant: homines verò carnes comedunt, ossa iaciunt. Ibid.

*Dionysius sen.*

Egregium quendam citharædum magnificis promissis ad se pellexit, iubens ut quàm optimè caneret. Nam quod diutius caneret, hoc plus latum præmij. Cum ille per dies aliquot accuratè cecinisset, nec quicquam da-

ret rex, cœpit flagitare mercedem. Tum Dionysius asseuerabat, se mercedem quam pollicitus fuerat, bona fide soluisse. Qu, inquit ille, ne nummus quidem mihi datus est. At dedi, inquit Dionysius, voluptatem pro voluptate. Neque enim ego te minus delectaui spe, quàm tu me cantu. Eras.lib. 5. apoph.

*Pyrrhus.*

Cum Pyrrhus rex falsas aduentus sui causas prætexens, Laconiam inuasisset, diripuissetque, Lacedæmoniorum legatis expostulantibus, quod non indicto bello Laconiam inuasisset: Nec vos, inquit, Spartani, quod facturi estis, prius aliis denuntiatis. Plut. in vita Pyrrhi.

*Antigonus.*

Demetrius, cum bello nauali Ptolemæum vicisset, misit ad patrem Antigoni quendam Aristodemum Milesium, ad nuntium referendum, qui relicta in anchoras naue, scapha in portum delatus, multis quid noui afferret rogantibus semper nõ sine magna Antigoni sollicitudine conticuit. Ingressus regiam, porrigensque Antigono dexteram, alta voce inclamauit: Salue rex Antigone, pugna nauali regem vicimus Ptolemæum. Cyprumque tenemus. Exhilaratus Antigonus: Et tu per Iouem, inquit, salue: sic enim nos torquere voluisti Milesie. Par profectò referam pari: serò enim præmio donaberis. Plut.

*Cotys.*

Ei qui dono miserat pardalim, vicissim dono misit leonem: malam bestiam æquè mala repensans. Plut. in apoph. reg.

*Scip. Nasica.*

Cum ad poetam Ennium venisset, eique ab ostio quærenti Ennium, ancilla dixisset, eum domi non esse: Nasica sensit, illam hoc domini iussu dice-

dicere, & illum intus esse. Ac tum quidem dissimulans abiit. At paucis post diebus, cū ad Nasica venisset Ennius, eūmq; à ianua quereretur, exclamat ipse Nasica, se domi non esse. Tum Ennius: Quid? ego, inquit, non agnosco vocem tuam? Hic Nasica. Ne tu es impudens: ego cū n te quererem, ancille tue credidi: tu mihi non credis ipsi? Eras lib. 6. apoph. ex Cic. 2. de Oratore.

*M. Pinarius.*

Cū legem ferret annalem, dissuasor & intercessor Servilius, Dic mihi, inquit, Pinari, Nū, si contrā dixero, mihi maledicturus es, ut ceteris fecisti? Facere Pinarius: ut semetētem feceris, ita quoq; metes. inquit. Bru. l. 3. 16.

*Labe-rius.*

Cū à Cæsare in senatu ascitus esset, nec à Cicerōne ad concessum reciperetur, qui dicebat, Reciperem te nisi angustē sederemus, respondit Labe-rius: arqui solebas duabus sellis sedere, obiciens Ciceroni parum fir- mam in rebus fidem & integritatem. Sed id quod Cicero dixit, Nisi angustē sederemus, scōmma fuit in Cæsarem, qui in senatum passim multos admittebat, ut quatuor decimgradus non caperent. Bru. l. 5. c. 16. ex Plur.

*Diogenes grammaticus.*

Cū sabbati diebus Rhodi disputa- ret, Tiberium venientem ut se extra ordinem audirer, non admisit, & per servulum suum in septimum diem ut differret admonuit. Sed hunc postea Romam profectum, antē fores salutā- di eius causa stantem, nihil amplius quā ut post septimum annum redi- ret admonuit. Bru. lib. 3. cap. 16.

## De parricidio.

*Solon.*

**I**nterrogatus, cur nullas pœnas ad- Iucrius eos qui patres verberassent

constituisset? respondit, Quoniam nul- los tales extituros existimabam. Ant. ser. de liberis parentes honorantibus.

*Bassius.*

\* Is necauerat patrem, Quod cū diu clam fuisset, post cœnans apud ex- traneos milites, hirundinum nidum lancea fodit: eōq; deiecto, pullos occi- dit. Cū dicerent autem qui aderant, Quæ (malum) res te mouit ut in au- culas facinus tam durum ederes? Ne- ne iam pridem hæ, inquit, falso testi- monio suo, quasi parentem interfece- rim, infamem me faciunt? Re ad ma- gistratum delata, ac facinore depre- henso, Bessus supplicia pendit. Plur. de sera Numinis vindicta.

*Papinianus.*

Bassianus Cæsar cū magna labo- raret inuidia, quod fratrem occiden- dum curasset, eōque Papiniano præ- torij præfecto, ob eximiam iuris pru- dentiam summæ apud Romanos au- thoritatis, negotium dedisset, ut hoc facinus apud senatum defenderet: re- spondit Papinianus, Multo facilius est parricidium perpetrare, quā de- fendere. Eras. Rot. lib. 8. apoph.

## De parsimonia.

*Socrates.*

**Æ**schinem, qui premebatur inopia, solebat admonere, ut à seipso su- meret mutuum, siue vsuram, & ei iau- tū daret, & addit modum, sibi ipsi sub- trahenda cibaria, iuxta illud. Mag- num vectigal parsimonia. Expeditissi- ma ratio est ad augendū censum de- trahere sumptibus. Eras. 3. apoph.

*Demetrius.*

\* Qui parci præter modum sunt, instar apicularum, inquit, operantur, tanquam perpetuo victuri. Stob.

*Idem.*

\* Parsimoniam & esuriem bonam

Mm 3

esse



esse dicebat: suo autem tempore sumptus etiam. Porro (inquit) vir bonus hæc discernet. Stob.

*Idem.*

\* Stolidos parcorum filios, ubi quid à patria illa consuetudine tenaci & exquisita deciderint, perire dicebat: non secus quàm qui inter gladios saltant, si vel semel aberrauerint in vnico gladio, ubi podibus niti debebant, intereunt. Stob. ser. 16.

*Idem.*

\* Vitam nimis parcam & sine festiuitatibus, longam viam sine diuersorijs esse dicebat. Eod. ser.

*Diogenes.*

Suprà de Facetè & iocose dictis.

*Theocritus.*

Multos diuites non dominos rerum suarum, sed tutores esse dicebat. Tales autem sunt, qui cum amplissimas opes possident, ad vsum vitæ nequaquam conferunt. Stob. ser. 16.

*Stratoniceus.*

Stratoniceus musicus interrogatus, quinam essent in Pamphilia miserrimi? Phaselitæ, inquit: sed addebat, in toto orbe miserrimos esse Sideras. Vtraque gens est in Pamphylia. Phaselitarum fordes prouerbio notatæ sunt, Phaselitarum sacrificiū: quod falsis pisciculis sacrificaret. diis Miseros dixit parcos.

*Alcamenes.*

Suprà de Diuitiarum vfu.

*Alexander.*

Cum hyeme frigidoque cælo apud amicum quendam conuiuio exciperetur, videretq; foculum exiguum, & ignis pusillum: Aut ligna, inquit, inferre, aut thus. Subnorans, conuiuatorem lignis suis parcere, perinde quasi thus essent. simul satis esse ignis ad faciendum suffitum diis, at parum ad depellendum frigus Plur.

*Bithus parafitus.*

Quum Lyfimachus rex vesti ipfus

curasset affigendum scorpion lignum, aut (vt Plutarchus ait) rubetam, pulchre assimulatam verò, perturbatus resiliit. Ridentibus omnibus, ubi dolum sensit: Et ego, inquit, te vicissim terrebo rex. Quum ille dixisset, Fac. Da mihi, inquit, talentum. exprobrans regi fordes & parsimoniam. Eras. li. 6. apoph.

*Gnathena.*

Quum quidam vini paulum infudisset in psycterium (id est vasculi generis refrigerando vino paratum) diceretque, hoc vinum sedecim annorum est: Pusillum est, inquit, pro tot annorum ætate. Hoc ipsum ascribitur Phrynæ. Eras. li. 6. apoph.

*Anonymus.*

Seruus quidam ab Hero Chio negotiatore profugerat. Rogatus cur fugisset? Quoniam, inquit, quum ad sint bona, mala querit. Solet enim herus ille vinum musturo, primæque suauitatis vendere, ipse interim non bibens nisi subacidum ac vapescent. Eras. li. 6. apoph.

*Antiphon.*

\* Multos inueniri dicebat, qui presentem vitam non viuunt, sed magno studio se parant, ceu vitam quandam aliam victuri. Interea tempus ipsos deserit. Stob. ser. 16.

*Eusebius philos.*

\* Virum inquit, qui magnas opes reconditas habuerit, nec aliam ob causam, quam vt reponat, conquirentem quo semper aliquid presentibus addat, & si locupletem, nihil tamen neque sui, neque alterius utilitatis gratia insumentem, nequaquam diuitem esse dixerim, sed custodem & alienis pecuniis comparandis natum, qui sæpenumero sibi labores creet, & res nihil ad se pertinentes augeat. Stob. eod. ser.

*Idem.*

\* Vir cui magnæ sunt opes reconditæ,

ditæ, quibus pro suo arbitrio ad res necessarias vti non audeat, similis est ærario quæstori publicum thesaurum suum esse persuaso. Quantum enim ad opinionem, ex æquo vterque diues est. Vsum verò diuitiarum, qui proprius est possidenti, non hîc magis quàm ille habet. Eod. ser.

*Anonymus.*

Græculus quidam Cæsari Augusto descendenti à palatio, honorificum aliquod epigramma porrigebat, remunerationem tanti principis expectans. Verùm cum id sepe frustra fecisset, nec destitutum videret, Augustus epigramma bene Græcum manu sua descripsit. & Græculo ad se venienti obuiam misit, veluti carmina carminibus pensaturus. Græcus acceptum legit: ac non solum voce, verùm etiam vultu gestuque corporis laudauit carmen, miratusque est. Deinde sellam accedens qua Cæsar vehebatur, demissa in pauperem crumenam manu, pauculos obolos protulit, & Cæsari obtulit, his verbis, non iuxta fortunam tuam Auguste: si plus haberem, plus darem. Eras. lib. 4. apoph. ex Sueton.

## De partis probè custodiendis.

*Xenophon.*

**X**enophontis sententia vulgò celebratur: Non tam graue esse bona non accipere, quàm acceptis priuari. Stob. ser. 13.

*Demofthenes.*

Dicere solebat plurimos hominum parare quidem diuitias bene consulendo, nihilq; contemnendo: sed non iisdem artibus ipsas conseruari posse. Stob. eod. ser.

*Augustus Cæsar.*

Deridere solebat Alexandri Mace-

donis dictum, qui ad consodales suos frequenter discirabat, nil sibi à Philippo patre relinqui quod ageret: Nec quidem immeritò derisit adolescentis stultitiã, qui non contentus erat regionibus à patre subactis, sed ipse quoq; bello plures sibi parare studebat, ignorans præcipuam curam eò referendã esse, non vt multa possideamus, sed vt iam parata tueamur. Non minor enim (vt ille ait) virtus est, quàm quærere, parata tueri. Plut. in Rom. apoph.

## De patientia doloris.

*Bion.*

**A**lebat magnum malum esse, non posse ferre malum: absque hoc enim nulli potest esse vita suavis. Laertius l. 4. cap. 7.

*Democritus.*

\* Dicebat, si quæ sunt perpetienda discere liceret & non perpeti, bonum esset discere: sed si perpetienda sunt omnino, quid discere iuuat? perpeti enim necesse est. Ant. & Max. serm. de patientia.

*Diogenes.*

Adolescenti conquerenti, quoddã multis turbaretur, Desine, inquit, & tu perturbationis indicia præ te ferre. Significans nulla re melius improbitatem lædentium finiri, quàm si qui læditur dolorem dissimulet. Etenim quoddã ob id incessant hominem, vt illum discrucient, desinent, si viderint illum nihil commoueri. Laert. lib. 6.

*Anonymus.*

Quidam cum videret Diogenem cognomento canem in vehementi frigore statuam æream amplectentem, rogauit, num algeret? illo negante: Quid igitur, inquit Lacon, magni facies? Philosophus, gloriæ mancipium, hoc ipsũ existimabat magnificũ, quoddã sic haberet corpus ad omnes iniurias

rias duratum, ut in rigore frigida statum complexum ferre posset absque dolore. Id Laconi nihilo pulchrius videbatur, quam si quis in ætate simile quippiam amplecteretur, nullo suo incommodo. Plut. in Lacon.

*Idem.*

Adolescens quidam postquam Zenonem aliquandiu audierat, domum reuersus, à patre rogatus, quod tandem operæpretium fecisset in philosophiæ studio: Ostendam, inquit. Quum nihil aliud diceret, pater iracundus, existimans impendium perisse, coepit flagris cædere filium. Eam parentis sæuitiam adolescens æquissimo animo tulit. Ac rursus efflagitanti patri, ut aliquod specimen profectus cederet, expectanti egregium aliquod sophisma: Hos, inquit, è philosophia fructus retuli, ut patris iram possim commodè perpeti. Eras. lib. 8. apoph. ex Æliano.

*Antisthenes.*

Dicebat, virtutem sibi sufficere ad felicitatē, nec vlla re opus habere nisi robore Socratico. Socrates autem ad omnium rerum patientiam obdurerat. Imbecillitas verò corporis impedit frequenter vsum virtutis. Laertius lib. 6. cap. 1.

*Anaxarchus.*

Suprà de Constantia, & de fide seruanda.

*Agessilaus.*

Quum arderet podagræ doloribus, cumque Carneades inuississet, atque exiret tristis, Mane, inquit, Carneade, nihil enim illinc huc peruenit: ostensis pedibus & pectore. Sentiens, pedes quidem dolere, sed animum dolore vacuum esse. Plut. in Lacon.

*Idem.*

Quum verò narraretur apud Agessilaum maleficum quempiam ac scelerosum hominem constanter pertulisse tormenta: Ut insigniter, inquit, miser

est homo, qui tollerantiam ac patientiam in res flagitiosas ac turpes collo- ceret. Apud Lacedæmonios admirabilis erat malorum tolerantia: quæ si suscipiatur ob res honestas, magnam promeretur laudem: sin ob turpes, non solum non meretur fortitudinis laudem, qui tollerat, sed hoc inferior est ac vir peior, quo constantius se gesserit: *non enim* enim Græcè & malum sonat, & tràllato tono laboriosum siue calamitosum. Dolebat egregio duci tantum animi robur ac naturæ vim in re turpi consumptam, quam si attulisset ad res honestas magno vsui poterat esse Reipu. Plut. in Lacon. Eras. lib. 1.

*Anonymus.*

Suprà de morte contemnenda.

*Anonyma.*

Lacæna quædam, quum illi filius rediisset ex acie, atque ex vulnere pedis vehementer doleret: Si virtutis, inquit memineris, ô fili, non solum non doleris: verum etiam bono futurus es animo. Ad vulgus matrum solet filiorum dolorem suis querimoniis & lachrymis exasperare, hæc animauit ad doloris tolerantiam. Plut.

*Ædesius.*

\* Is mercaturæ gratia in Græciam à patre Cappadoce ablegatus, philosophiæ dedit operam. Reuersus & à patre plagis affectus dolores tulit patientissimè. Et querente patre, quid in philosophorum schola didicisset? Hoc, inquit, ut patris iram commodè perpeti possim. Eunapius.

*Dionysius Heracleotes.*

Laborans ex renibus, in ipso ciuitatu clamitabat, falsa esse illa, quæ antea de dolore sensisset. quem cum Cleanthes discipulus eius rogaret, quænam ratio eum de sententia deduxisset? respondit, Quia cum tantum operæ philosophiæ dederim, dolorem ferre non possum. Brus. lib. 2. cap. 28.

*Philippus.*

*Philippus.*

Suprà de iocose dictis.

*Alexander.*

\* Grauitè vulneratus in expugnatione vrbs Oxydracarum, chirurgos cõsiliij inopes ac morantes insectatus, ac manus ad mouere vulnèri iubens, ad amicos conuersus dicebat, Nemo sit ne mei quidem causa meticulosus. Nemini probo nõ formidare me mortem, si mea vos formidatis. Plutarch. lib. 2. de fortuna Alexan.

*C. Marius.*

Cùm in utroq; crure varices haberet, nullis vinculis alligatus, præbuit sese secandum: ac nec suspirio emissio, nec adductis superciliis, chirurgi curatione pertulit. Cæterum cùm medicus ad alterũ crus transiret secandũ, veruit, dicens curatione nõ esse tanto dignam cruciatu. Plut. in Rom. apoph.

*Possidonius.*

Pompeius è Syria Rhodum veniens, Possidonium quamuis ægrum reuifere voluit. data acceptaque salute, cùm dixisset Pompeius se grauitè ferre, quod eum non posset audire. Tu verò, inquit, potes. neque committam vt dolor corporis efficiat, vt tantus vir frustra ad me venerit. Cùm verò inter narrandum quasi faces ei doloris ad mouerentur, sæpe dixisse fertur: Nihil agis dolor, quamuis sis molestus, nunquam te tamen esse confitebor malum. Brusl. 2. c. 1.

*Burus.*

Nero in magna erat inuidia, quod Burum principem virum crederetur occidisse, veneno faucib. illito, quasi remedium adhiberetur. Ad hunc cùm Nero visendi gratia venisset, auersatus est illum Burus, cui scelus iam erat intellectum: multaque percontanti nihil aliud respondit, quam, Ego bene me habeo. Mira etiam in moriente lenitas, Sueton.

*Lygus.*

\* Hæc mulier, memoria inter multas dignissima, quum metu militum filiũ occultasset, & illi per cruciatum interrogaret, vbi nã occultisset vterum ostendens, respõdit, Ibi latet, nec vllis tormentis cogi potuit, vt constantiam vocis egregiæ mutaret. Corn. Tacit.

*Anonymus.*

\* Proprium esse insignis stultitiæ dicebat, dolores & aduersas res parui facere: & nolle quum accidunt pati. Ant. ser. de non patientib. &c.

## De patientia iniuriæ.

*Pythagoras.*

\* Magna peritia eum præditum esse dicebat, qui aliorum imperitiam ferre posset. Stob. ser. 19.

*Lycurgus.*

\* A ciue quopiam iuvene altero oculorum orbatus, illum à populo accepit, vt quo libèret modo puniret. Quod minimè fecit, sed optimè institutum, bonisque viri moribus præditum, in theatrum produxit, Spartanis rem mirantib. dixit, Istum antehac iniurium & violentum, qualem à vobis accepi, iam frugi & popularem restituo. Plut.

*Zenon Eleates.*

Conuiciis laceffitus cùm incandesceret, reprehensus, quod philosophus verbis improborum commoueretur: Si conuicia, inquit, æquo animo suscipio. an ne laudis particeps ero? Lapidis & trunci est, inter laudem & vituperium nullum planè habere discrimen. At philosophi, ita commoueri, vt nihilo minus ab honestatis tramite non recedat. Laer. 1.9. c. 5.

*Idem.*

Cuidam percontanti, quo pacto esset affectus erga conuicia? Perinde inquit, atq; si legatus absq; responso dimittatur.



mittatur. Significans, eos qui non habent quod respondeant, ad conuicia solere confugere: eaque non pluris oportere fieri, quàm si nihil esset responsum. Laer. l. 7. c. 1.

*Pisistratus.*

\* Memoria proditur, cum multa in crudelitatem eius ebris conuiuia dixisset, nec deessent qui vellent ei manus commodare, & alius hinc, alias illic faces subderent, eum placido animo tulisse, & hoc irritantib. respondisse, non magis illi se succensere, quàm si quis obligatis oculis in se occurrisset. Senec. lib. 3. de ira. c. 11.

*Plato.*

\* Quodam ei maledicente: Perge, inquit, maledicere, vt qui bene nunquam didiceris. Stob. ser. de Patientia.

*Aristippus.*

\* Contumeliis à quodam petitus dixit: Penes te est maledicere: penes me autem rectè audire. Sto. eod. ser.

*Demosthenes.*

\* A quodam conuiciis laceffitus: nolim, tecum, dixit, in hoc genus certaminis descendere, in quo qui vincitur ipso victore est melior. Sto. ibi.

*Dion philosophus.*

\* Eum è conuiuio redeuntem, quidam maledictis insectabatur, nullas non blasphemias eructans, tacenti & iam domum ingressuro dixit conuicator, Nihil verò respondes? Cui Dion, Ne gry quidem. Plut. & Stob.

*Philippus.*

Aiebat, se his qui in Republica Atheniensium administranda primores essent, plurimā habere gratiam, quod suis conuiciis efficerent, vt ipse tum oratione, tum moribus euaderet melior: Dum conor, inquit, illos dictis pariter ac factis mendacij conuincere. O verè philosophicum principis animū, qui nouit etiam ex inimicis capere utilitatem: nec quod vulgus solet, hoc

tantum spectare, vt maledicos afficeret malo, sed vt ipse minus malus redderetur, illorum maledictis admonitus. Plut. in apoph.

*Nestor.*

Nestor apud Sophoclem, ad Aiaceum se conuiciis incessentem, ita loquitur:  
*ὁ μὲν μοι μὲν σὸς παῖς γὰρ αὖ καὶ αὐτὸς λέγεις.*

*De se queror nil, malè loquens facis bene.*

Aliquid concedendum est viris fortibus, deque Republica bene meritis: & bene pensat linguæ vitium, qui factis egregius est. Eras. 6. apoph.

*Fabius Maximus.*

Quoniam cum Annibale configere directabat, sed mora copias illius & pecuniarū & cōmeatus egentes attenuabat, sequensillum per aspera montuosq; , ac subinde obiter sese opponens, à nonnullis per ludibriū dicebatur, Annibalis pædagogus, hoc conuicio nihil cōmotus, pergebat suum institutum sequi, dicens apud amicos: Quia dicteria conuiciāq; metuat, eum sibi videri timidiorem his qui fugiunt hostes. Sensit, hoc turpius esse timiditatis vitium, quo leuius est periculum. Nihil autem leuius dictis: quæ qui formidat, quo modo sustinebit impetum hostium? Plutar. in Rom. apoph.

*L. Sylla.*

Cum dictaturam præstantissimam dignitatum omnium deposuisset, vt eorū quæ fecisset, si quis exigeret, reddere rationē sciret: ab adolescente quodā conuiciis laceffitus, dixisse fertur, Adolescens is docebit, ne quis deinceps Dictaturam sponte ponat. Tanta patientia, adolescentis insolentiā pertulit. Plut. Appianus, & Cuspinia. in Coss.

*Tiberius Cæs.*

Landatur in hoc potissimum Tiberius Cæsar, quod honores sibi delatos semper recusauerit, adulatores suffugerit, conuiciāq; patienter concoxerit, dicens in libera ciuitate liberas etiam

etiam linguas esse debere. Suetonius.

*Titus Vespasianus.*

Cum de crimine impietatis nunquam cognouisset, neque aliis ut cognosceret permitteret: Nemo, inquit, iniuria me afficere, aut insequi contumelia potest, propterea quod nihil ago quod reprehendi mereatur. Ea vero quae falsò de me dicuntur, proxijs negligo. Porro principes, qui mortem cum vita commutarent, ipsi se, si verè heròes sunt, aut si quicquid possunt, exciseretur, si quis eis iniuriam faciat. Xiphilinus in eius vita.

*Cass. Senerius.*

Quum obiurgaretur à pretore, quod eius aduocati L. Varo Epicureo Cæsaris amico conuiuium fecissent: Nescio, inquit, qui conuiciati sint, & puto Stoicos fuisse. huc alludens, quod inter Epicureos & Stoicos maximum dissidium est. Nam Epicurei felicitatem hominis voluptate metiuntur. Stoici præter honestum nihil ducunt in bonis. Eras. lib. 6. apophi.

*Alexander Imp.*

Alexander Romanorum post interfectum Antoninum imperator, cum audisset Barbaros magno cum exercitu aduentare, ut Romanum inuaderent imperium: Decet, inquit, viros fortes atque moderatos optima quidem optare, sed ferre quaecumque incidant. Vt enim is qui prior lacescit, ipse sibi iniurius videretur: ita qui propulsat iniuriam, confidentior ex conscientia fit, atque ex iustitia spem bonam mutatur. Herodianus lib. 6.

*Huic refer apoph. de Moderatione animi, de Vindicta, vel Visione negligenda.*

## De patriæ obscuritate.

*Anarchasus.*

Exprobranti cuidam Attico, quod Enatus esset in Scythia: Mihi, inquit, probro est patria, tu patriæ. Egregie

inculpatus est: cui nihil potest obici præter patriam. At quemadmodum laudi est, apud barbaros natum, Græcorum disciplinas scire: ita turpe est, apud Græcos natum, ad Barbarorum mores degenerasse. Laert. l. 1. c. 6.

*Antisthenes.*

Cum Anthisteni quidam obiecisset, quod matrem haberet Phrygiam: Et decorum, inquit, mater è Phrygia est. Ridiculum arbitrans, cuiquam probro dari patriam, quum in damnatissimis regionibus interdum nascantur omnium felicissima ingenia. Laert. l. 6. c. 1.

*Aristoteles.*

Cuidam glorianti, quod esset ortus magna celebris: ciuitate, dicebat hoc nihil referre: sed, an celebri patria dignus esset. Laert. lib. 5. cap. 5.

*Themistocles.*

Seriphus quidam quum patriæ gloriam Themistocli obiecisset, diceretque: eum nequaquam sua, sed patriæ gloria splendorem assecutum: Nec hercule, inquit Themistocles, si ego Seriphus essem, ignobilis essem: nec si tu Atheniensis, clarus vnquam fuisses. Cicero in Catone Maiore. Plur.

## De patria, quæ forti viro est vbique.

*Socrates.*

Rogatus, cuiatem se esse diceret? Mundanum se esse pronuntiavit, totius enim mundi se incolam & ciuem arbitrabatur. Cicero lib. 5. Tusc. quæst.

*Idem.*

\* Communem omnium hominum patriam dicebat esse ipsum Mundum. Musonius, apud Stob. serm. 38.

*Diogenes.*

Interrogatus à quodā, cuias esset? respondit: *κοινοπολίτης*, id est, cuius mundi: signifi.

significans, forti viro omne solum esse patriam. Laert. lib. 6.

*Solon,*

Anacharsidem Hermippus scribit, mox, ut Athenas venerat, adisse Solonis ædes. Percontanti famulo, quis & unde? iussisse, renuntiaret adesse Anacharsidem: qui & Solonem videre, & si fieri posset, etiam hospes fieri cuperet. Solon per puerum respondit, in patria solere fieri hospites, significans, inter Græcos & Scythas non esse ius hospitij. Ad hæc verba, quibus abigebatur Anacharsis, perinde quasi iussus esset introire, ingressus est ad Solonem, dicens se iam esse in patria, & æquum esse ut hospitio iungerentur. Huius responsi dextetitate delectatus Solon, lubens recepit hominem ad intimam familiaritatem: ex primo statim sermone deprehendens animum philosophicum, qui iudicaret esse patriam, ubicunque bene est homini. Ciues enim mundi sumus omnes. Laert. lib. 1. cap. 9.

*Teucer.*

Audiens quosdam de patriæ dulcedine differentes: Patria est (ait) ubicunque est bene. Sunt enim multi patria exclusi; ac in exilium missi, qui apud exteros multò felicius viuunt, quàm si assiduè apud lares paternos essent. Meminit huius dicti Cicer. lib. 5. Tusc. quæ sit.

*Philemon.*

\* Cùm aliquando vertisset solum, quidam occurrentes ei dixerunt, heus Philemon, an bene tibi successit? Vos quidem, inquit, non putatis, non rectè rem contemplati. Atqui ego bonus semper perseuero. Stob. serm. 38.

*Aristo.*

\* Natura, inquit, patriam nullam cuiquam fecit, ut neque domum, neque agrum, neque ærariam, neque medicam officinam: sed sit, aut potius nomina-

tur horum vnumquodq; quoniam tempore ab eo qui possidet & vitur. Plut. lib. de exilio.

## De patriæ amore.

*Pythagoras.*

Interrogatus, quomodo oporteat se Igerere erga patriam ingratam? Ut erga matrem, respondit, Stob. ser. 37. ex Platonis Critone.

*Solon.*

Postquam vidit rerum summam esse penes Pisistratum, arma deposuit ante curiam, dicens: O patria, tibi & dictis & factis sum opitulatus. Hoc pacto testatus, sibi non defuisse voluntatem consulendi Reipublicæ, in Ægyptum nauigauit. Laert. lib. 1. Plut. in Solon.

*Buriæ & Spartæ.*

Spontè profecti sunt ad Xerxem regem Persarum, daturi pœnas quas Lacedæmonij iuxta oraculum pendere debebant, eo quod oratores à Persa missos occidissent. Hi quum venissent ad Xerxem, iusserunt, ut ipsos quocunque modo videretur interficeret pro Lacedæmoniis. Cùmque rex admiratus & pietatem in patriam, & animorum fortitudinem, liberaisset illos à pœna, peteretque ut apud se manerent: Qui possumus, inquiunt, hinc viuere relicta patria, patriisque legibus ac viris, quorum gratia tantum iter suscepimus morituri? Herod. l. 7. Plut. in Lacon. Stob. ser. 37.

*Hierocles.*

\* Est, inquit, patria velut alter quidam Deus, & primus maximusque parens. Quare qui nomen ei imposuit à re ipsa, non temerè patriam nominauit, vocabulo quidem à patre deducto, pronuntiato tamen scæminina terminatione, ut ex utroque parente mixtum esset. Atque hæc ratio insinuat patriam

patriam vnam ex æquo vt vtrunq; parentem colendum esse, &c. Sto. ser. 37.

*Anonymus.*

Lacon in bello captus, cum sub hasta veniret, ac præco diceret, Laconem vendo: obturauit illi os, Captiuum (inquit) prædica te vendere. Suam conditionem æquo animo tulit, patriæ ignominiam ferre non potuit in auditione traducenda. Plut. in Lacon.

*Demosthenes.*

Quum ab areopagitis damnatus, elapsus è carcere fugeret, & haud procul ab vrbe obuio habuisset aliquot diuersæ factionis homines, primum abdere sese voluit, sed quum illi nominatim Demosthenem appellantes, iuberent esse bono animo, & viaticum insuper offerrent, grauiter ingemuit, dicens, Qui possum hanc urbem relinquere, in qua tales habeo inimicos, quales amicos vix in alia sum inuenturus? Plut.

*Aristides.*

Suprà de Exilio fortiter ferendo.

*Phocion.*

Cum iam poculum veneno temperatum præberetur, interrogatus est à quodam, num quid filio suo, qui aderat, præcipere veller? Ego, inquit, mi fili, te obnixè rogo, ne quid ob iniuriam mihi nunc factam Atheniensibus malè velis, qui infontem me damnarunt. Maluit vir prudentissimus in patriam, quam in patrem, pietatem seruare filium. Plut. in apoph.

*Aristides.*

Quum ab Atheniensibus mitteretur in exilium sublatis in cælum manibus, Deos comprecatus est, vt sic res Atheniensium prosperarent, vt illis Aristides nunquam veniret in mentè. Tanta fuit in viro isto pietas in patriam, cui etiam post dira sua fata incolumitatem precabatur. Plutar. in vita Aristidis.

*Timotheus imperas.*

Cum audisset vnum ex collegis dicentem, An putas, ô Timothee, grates nobis futuram patriam? Modò nos (respondit) patriæ dignas referre gratias quæcamus. Stob. ser. 37.

*Thrasibulus.*

Quum vellet parua manu triginta Atheniensium tyrannos confodere, dicenti cuidam, Quantas Athenæ libertatem affecutæ gratias illi essent habituræ? Dij, inquit, faciant, vt quanta ipse illis debeo, videar retulisse. Eras. l. 6. apoph.

*Corys rex Thraciæ.*

Vbi cognouit, quòd Athenienses honoris gratia ciuem ipsum suæ ciuitatis declarassent, pro auxilio quod illis aduersus Dorienfes impenderat, gratiam reponere studentes: Per Iouem, inquit, & ego illis vicissim meæ gentis ius dabo. Sentiens, nihilominus honorificum esse, Thracem, quàm Atheniensem appellari. Eras. libro 5. apoph.

*Sertorius.*

Sæpe victor, ad Pompeium Metellumque misit, offerens se paratum redire in urbem, si sibi permitteretur: dixitq; malle se Romæ ignobilissimum ciuem, quàm exulem omnium aliarum ciuitatum imperatorem nominari. Plut. in Sertorio.

*Vide apoph. de exilio.*

## De patria fortiter propugnanda.

*Demosthenes.*

Demosthenes quum exularet in Arcadia. Pytheasque pro Macedonibus dixisset, Vt domum in quam lac venale importatur, aliquid habere mali suspicamur: ita ciuitatem esse morbidam, ad quam mitteretur Athenien-



nienſium legatio: Demofthenes eam ſententiam ita retorſit, Vt lac pro ſanitate ægrotantium importatur, ita Athenienſes pro ſalute ciuitatum ad eſſe dicens. Id vbi reſciuit populus Athenienſium, protinus illum ab exilio reuocarunt. Plut. in vita Demofth.

*Leo Byzantiſius.*

Leo Byzantiſius quum à ciuibus accuſaretur, adhortantibus nonnullis vt ad hoſtes confugeret, in concionem prodiens: Ego, inquit, à vobis ciues mei, quàm vobiſcum interfici malo. Eraſt. lib. 6. apoph.

*Ageſilaus.*

Interrogatus, cur Spartanorum Reſp. præ cæteris floreret? Quoniam, inquit, plus cæteris in eo ſe exercent ciues, vt pariter & imperare, & parère ſciant. Quæ duæ res excludunt ſeditiones, & tumentur concordiam. Plut. in Lacon.

*Idem.*

Ei oſtendebat quidam ciuitatis cuiuſdam muros bene tuos, validèq; extructos, cùmque rogaffer, viderentur ne pulchri? Pulchri, inquit, per Iouem: verùm apparet in hoc paratos, vt mulieres inhabitent, non viri. Sentiens, non aliis mœnibus rectius communiri ciuitatem, quàm ſtrenuis ciuibus. Plut. in Lacon.

*Idem.*

Interrogatus, cur Sparta mœnibus cincta non eſſet? ciues armatos oſtendit, innuens, eam demum ciuitatem munitam eſſe, in qua ciues de fortitudine certarent. Plut. in Lac.

*Idem.*

Alius quidam cur eundem interrogaffer illud ipſum: Non ſaxis, aut lignis, non mœnibus & vallis ciuitatem, ſed ciuium fortitudine muniri, reſpondit. Plut. in Lacon. apoph.

*Anſalcidas.*

Muros Spartæ dicebat iuuenes eſſe

Spartanos: ſines autem Spartanz diſtinctionis, eſſe lancearum culpides. Sentiens ciuitatē non egere mœnibus, quæ iuuentutem alat bellis idoneam: & eouſq; porrigi diſtinctionem Lacedæmoniorum, quouſq; pertingerent armis. Significans, virtute non dolis aut pecunia propagandum imperium. Plut. in Lac.

*Polycratidas.*

Cum cæteris miſſus orator ad duces regioſ, quum ab his interrogaretur, vtrum priuatim veniſſent, an publicè miſſi? Si impetramus, inquit, publicè, ſin minus, priuatim. Vox pij candoris in patriam index. Si ceſſiſſet ex ſententia legatio, gloriam volebat Reipublicæ cedere: ſin minus, ignominiam reſpulsæ ad patriam non pertinere. Plut. in Lacon.

*Aſtrictatidas.*

Postquam Agis ſuperatus eſt apud Megalopolin in prælio aduerſus Antigonom, cuidam dicenti, Quid nunc facturi eſtis Lacedæmonij? an Macedonibus ſeruituri? Quid tandē, inquit, num Antigonus vetare poteſt, quo minus in pugna pro patria mortem oppetamus? Generoſa vox, ſentiens libertatem vrbis eſſe vita chariorem: nec turpiter occubere, qui pro patria pugnans moritur. Plut. in Lac. apoph.

*Leonidas.*

Cum ad Thermopylas proficiſcitur, cum Perſis conſtituturus, vxori Gorgoni roganti, ſi quid ipſi mādaret? Vt bonis, inquit, nubas, bonoſq; liberos parias. Hæc vox teſtabatur, illum animo præſagiſſe interitum, nec hæc præſenſione deteritus eſt ab expeditiōe: pulcherrimū eſſe ducens, pro patria pugnante occumbere. Plut. in Lac.

*Braſidas.*

Contra Ephoros bellum patrię nomine cū ſuſciperet ciuibus, hunc in modum ſcripſit: Quicquid malorum erit

erit in bello profligabo, aut pro patria moriar. Verum cum multa iam egregia facinora pro patria edidisset, & Græcos Thraciam incolentes liberaasset, fortiter occubuit. Cuius deinde mors cum Archileonidæ matri nuntiaretur, interrogauit nil prius, quàm, An fortiter filius occubuiſſet? Thracibus autem eius virtutem laudantibus, eius mortem nō tantum æquo animo tulit, sed probauit etiā: quia pro salute patriæ interfectus esset. Plur. in Lac.

*Theopompus.*

Ad Theopopum cum quidam dixisset, ideo seruari Spartanorum Remp. quod reges scirent imperare: Imò potius, ait, quod ciues sciunt parere. Multum quidem momēti habet principis integritas: sed multò plus ciuiū recta institutio. Plur. in Lac. apoph.

*Callicratidas.*

Suprà de morte contemnenda.

*Anonyma.*

Lacæna, cum filium in prælium misisset, & interfectum audiuiſſet: Idcirco, inquit, genueram, vt esset qui pro patria morte non dubitaret occumbere. Cic. lib. 1. Tusc. quæst.

*Alia.*

Quædam alia filium ad se venientem conspicata, percontata est quid ageret patria? is cum respōdisſet, Perire omnes: laterem coniecit in illum, occiditque, dicens: Te igitur nobis misere mali nuntium? Vita putauit indignum, qui cum suis perire non sustinuiſſet. Plur. in Lacæn. apoph.

*Alia.*

Lacæna quædā filios, quos habebat, quinq; in bellum emissos, ante suburbium stabat expectans, quis esset belli exitus. Vt accessit quispiam nuntians, filios illius omnes occubuisse: Nō istud percontabar, ignauum mancipium, sed quid ageret patria? Is cum respondisſet, à patria stetisse victoriam: Libé-

ter igitur, inquit, accipio filiorum interitum. Egregia mulier, priuatim in liberos affectum publicæ in patriam pietati possit habuit. Plur. Lac.

*Themistocles.*

Cum Eurybiadi non persuaderet, vt in angustiis committeret nauale prælium, clam ad barbarum misit, qui illum hortaretur, ne formidaret Græcos fugam adornantes. Persuassus rex, prælio superatus est: nimirum pugna commissa loco Græcis commodissimo. Post hæc denuò misit ad illum, qui monerent, vt quàm posset ocyſſimè fugeret ad Hellespontū, Græcos enim de soluendo ponte cogitare: hæc callidè, quod, cum hoc ageret, vt Græcos seruaret, regis incolumitati prospicere videretur. Hoc ingenio Græciam à barbaris liberauit non minore gloria, quàm Miltiades retulerat ex Marathonis victoria. Plur. in apoph.

*P. Æmylius.*

Paulus Æmylius ex quatuor liberis masculis quos susceperat, duos antea dederat in adoptionem. Ex duobus autem qui remanserant in familia, alter quinq; ante triumphum diebus interiiit, annos natus quatuordecim: alter, quinto post actum triumphū die: annos natus duodecim. Ob id populo luctum ac mærorem cum illo agente, ipse prodiens ad multitudinem, dixit, Se post tam continuos rerum successus aliquid magni mali à fortuna expectasse: nunc verò de patriæ incolumitate securum esse factum, nihilq; timere periculi, posteaquam fortuna prosperè gestarum rerum inuidiam in suam domum impingente, ipse pro omnibus dependisſet. Plur. in apoph.

*Pomponius.*

Multis vulneribus in bello acceptis cum ad Mithridatem adductus, ab eo quæreretur, an sic curaret eum, vellet sibi esse amicus? Si tu, inquit, Roma-

Romanis amicus fueris, me quoque amicum habebis. *Eraf. 6. apoph.*

*Anonymus.*

Sylla cum Præneste oppidum armis cepisset, decreuissetque, quicquid erit ciuium trucidare, hospitem suum iussit excipi, hoc beneficio pensare volens hospitij communicati gratiam. At ille contra liberè: Nolo, inquit, patrie meę extinctori debere vitam, simulq; turbę ciuium sese admiscuit, & cum illis trucidatus est. *Plut. in Sylla.*

*Sthenius.*

Pompeius Magnus Mamertinos, quod hostium partibus adhæsisset, vniuersos interficere statuerat. At Sthenius, eius ciuitatis princeps, Pompeium adiit his verbis: Non æquum facis, Pompei, qui propter vnū noxiū, multos innoxios occidere paras. Atqui ego ipse sum ille, qui & amicis persuasi, & inimicos coegi Marianas sequi partes. Hic Pompeius viri fortem animum admiratus, dixit se ignoscere Mamertinis, à tali persuasis viro, qui patriam suę ipsius virę antetulerit: simul & ciuitatem & Sthenium liberauit. *Plut. in Rom. apoph.*

*Pompeius.*

Cum ingens rei frumentarię Romę esset penuria, Pompeius titulo quidem annonę procurator, re autem vera maris terręque dominum declaratus, in Africam, Sardiniam ac Siciliam nauigauit: multaq; frumenti vi collecta, properabat ire Romā: verum cum ingenti tempestate oborta naucleri detrectarent nauigationem, ipse primus nauim ingressus, iussit anchoras tolli, clamans: Vt nauigemus, vrget necessitas: vt viuamus, non vrget. Significans, patrię periclitantis habendam rationem potius quā priuatę incolumitatis. Siquidem Reipub. subleuandę curis immori, pulchrum est: at patriam in extremo discrimine no-

stra cessatione defecti, turpissimum est. *Plut. in apoph.*

*Alphonsus.*

Interrogatus, quos ē ciuibus suis haberet charissimos? Qui magis inquit, pro me metuunt, quā me. Sensit, illos reuera amandos esse ciues, qui principem magis amant, quā timēt. Si amant, nihil erit tam arduum, nihil tam difficile, quod principis causa subire non cupiant: si timent, aut cum infidiatoribus coniurant, aut ipsi in in eius perniciem coniurant. *Eraf. lib. 8. apoph.*

*Michael Maurocenus.*

\* Ex Syria, vbi amplissimas opes cōpararat, in Rhodum insulam appellens, vbi accepit Venetos Genuensib. bello, Clodia accepta, in summo positose esse discrimine, neque vllam eius seruandę spem superesset: multis adhortantibus, vt mercibus diuenditis, & thesauro conflato aliō se reciperet: Egōne, inquit, tam graue facinus & scelus hoc tempore ausim, vt desim patrię tam grauius laboranti? Quin diuendam omnia, & quicquid inde confluero pecunię, id totum in patrię salutem impendam. Ergo vbi Venetias venit, in curia pecuniis omnibus profusus meritō Andreę Contareno duci subrogatus est. *Egnatius libr. 6. cap. 5.*

*Vide titulum de Morte generosa.*

## De patrię neglectu.

*Crates.*

Alexandro percontanti, num cū aperer restitui patriam suā? Quid opusest, inquit: Fortassis eam alius Alexander restitutam diruct. *Laert. lib. 6. cap. 5.*

*Theopompus.*

Suprà de Argutē dictis.

## De impietate in patriam.

*Agis Archid. F.*

**N**ihil illis planè fidendum esse dixit, qui in natale solum & patriam impijessent. Plut. in Lacon. apoph.

*Castilina.*

Quum M. Tullius in senatu dixisset, intendium à Castilina excitatum: Sentio, inquit Castilina, idque si aqua non potuero, ruina extinguam. Vox non hominis, sed furie. Eras. & apoph.

*Tiberius.*

In eam incidit insaniam, ut non patriam solum, sed totius etiam urbis interitum optaret. Sæpe enim dixisse fertur, Me mortuo terra misceatur incendio: & Priatum fuisse fortunatissimum, quod ei cum patria & regno perire licuisset. Dion in Tiberio.

*Nero.*

Suprà de Crudelitate.

## De patriæ impietate in suos.

*Pausanias Cleombrosi F.*

**Q**uam Delij de insula cum Atheniensibus haberent controuersam, atque inter cætera dicerent, quod ex more regionis neq; mulieres in insula parerent, neque mortui sepeliretur: Quomodo, igitur, inquit, hæc insula erit vobis patria, in qua neq; fuit quisquam vestrum, nec saturus est. Argutè notauit ineptam Deliorum consuetudinè, qui suos in patria, neq; nasci finerent viuos, nec humari mortuos: quum ut mulier, ita nec regio mater sit, nisi gignat. Alienum autem sit à materna pietate, nolle sepeliri quos genuit. Plut. in Lacon.

*Anacharsis.*

Suprà de Fiducia artis.

*Theodorus Atheni.*

Suprà de fuga excusata, & de liberè dictis.

*Idem.*

Eundem quum rex Lyfimachus interrogasset, num è patria excidisset per inuidiam ciuium, respondisse ferunt, Nihil minus, sed propter excellentiam ingenij, quod non capiebat patria. Sicut enim Semele Baccho grauida, cum non potuisset perferre vterum, Iupiter eam miseratus abortiuum ambussit, & inter deos retulit. Sic cum patria mea minor esset, quàm ut caperet philosophum, bonus quispiam siue Deus, siue genius, Athenas in locum fortunatiorè comodiorèmq; me transtulit. Philo. li. quod sapiens sit liber.

## De patronis.

*Phocion.*

**P**hocion, quum à suis reprehenderetur, quod hominem improbum in iudicio defendisset: At nemo bonus, inquit, patrocinio indiget. Plur.

*Anonymus.*

Siculo cuidam Scipio prætor patronum causæ dederat hospitè suum, hominem nobilem, sed egregiè stultum. Hic Siculus: Quæso, inquit, prætor aduersario meo da hunc patronum, deinde mihi neminem dederis. Sentiens, illum tam insigniter stultum, ut illo diuersam partem adiuuante posset etiam nullo patrocinate vincere. Bruf. l. 5. c. 18.

*Idem.*

Veteranus ob diem sibi dictam periclitans accessit in publico ad Augustum, rogauitque ut sibi patronus & defensor assisteret. Ille aduocatum ex comitatu sine mora dedit, commendauitque ei litigatorem. Quo viso, exclamauit ingenti voce veteranus: At non ego Cæsar periclitante te in bello

N n

bello



bello Actiaco vicarium quaesui, sed pro te ipse pugnari, detexitq; impressas cicatrices: quibus visis, erubuit Cessar, venitq; ipse in aduocationē. Brus. lib. 5. cap. 1.

*Figulus iurifcon.*

Postridie eius dici quo consularis repulsam acceperat, quum multi ad eum consulendi gratia venissent, omnes inconsultos dimisit, dicens: Omnes consulere scitis, consulem facere nescitis. Brus. lib. 5. cap. 18.

*Granius.*

Cum patrono malo, qui vocem in dicendo obtulerat, suaderet, ut multis frigidum biberet, simulac domum rediisset, Perdam vocem, id si fecero: cum patronus dixisset, urbanissime Granius respondit, Melius est, inquit, ut vocē perdas, quam cum Brus. lib. 5. cap. 18.

## De paupertate.

*Democritus.*

**A**Vdiens quendam de paupertate sua conquerentem, Si non multa, inquit, desideres, pauca tibi multa videbuntur. Desiderium enim contrarium, paupertatem diuitiis æquipolentem reddet. Anton. in Melissa, part. 1. serm. 33.

*Idem.*

Dicere solebat, pauperis conditionem diuitiis multo beatiorē esse. Pauperes quippe maximis malis non instantur, ut insidiis, inuidia & odio, quibus diuites expositi sunt quotidie. Anton. in Melissa, parte 1. ser. 33.

*Socrates.*

Ab Archelao vocatus, ut qui ipsum ditare vellet, ei renuntiari iussit: Quod farinæ chænicas quatuor obolo venderent Athenis, & fontes aquam fundarent. Nam si res mez, dicebat, mihi nō sufficiunt, at ego ipsis sufficio, & sic

etiam ipse mihi. Stobæus ser. 95. et Arrianis scriptis recitat.

*Idem.*

\* Paupertatem aiebat esse *puram* *simplicem*, id est, parvam temperantiā. Stobæus.

*Idem.*

\* Charmidi de paupertate non conquerenti dixit, Rectē facis, est enim res gratiosa paupertas, minimē inuidiosa, & de ea acquirenda minimē certatur, sed licet incustodita seruetur, & neglecta augetur. Stob.

*Aristides.*

Aristides ille iustus, cum dives quidē paupertatem ei obiceret, dixit: Mihi quidē nihil adferet mali paupertas, tibi verō diuitiæ non paucas perturbationes. Anton. in Melissa, part. 1. ser. 33.

*Epicurus.*

\* Paupertatem ad legem naturę cōpositam dicebat summas esse diuitias. Senec. epist. 27.

*Sextus.*

\* Paupertatem ferre non cuiusvis, sed sapientis esse dicebat. Anton. ser. de egenis.

*Diogenes.*

Desertus ab omnibus hominibus, solus relinquebatur, cum neq; propter egestatem ipse quenquam reciperet, neq; ipsum hospitio quisquam acciperet. Omnibus enim inuisa erat eius in reprehendendo acrimonia, deinde in agendo loquendōque acerbitas. Proinde tristitia plenus, summas foliorum extremitates manducabat. Illæ enim suppetebant, quo minus fame periret. Mus verō accedens, decidentibus frustulis vescabatur. Diogenes igitur, cū diligenter rem inspectasset, subridēs, animo recepto: Mus hic, inquit, nihil indiget Atheniensium lautitia. Et quid ru, ô Diogenes, ægrē fers, te cum Atheniensibus non cœnare? Ælianus li. 13. de var. hist.

*Idem.*

*Idem.*

Suprà de Doctrina & eruditione, quæ ut semper incolumis est, ita etiam ubique habetur in pretio.

*Idem.*

Cùm Diogeni paupertas à quodam vitio daretur: Infelix, respondit, quid ais? Atego neminem vidi tyrannidem gerere propter paupertatem, omnes verò propter diuitias. Stob. ser. 95.

*Idem.*

\* Anaximenis seruos conspicatus multa vasa ferentes, cuius ea essent interrogauit. Cùm autem illi Anaximenis esse respondissent: An non pudet eum, inquit, tam multa habere, cùm seipsum non habeat? Max. serm. de diuitiis & paupertate.

*Idem.*

Idem paupertatem appellabat virtutem *αὐτοδιδασκτον*, id est, quæ per se discitur. Diuitibus opus est multis præceptis, ut frugaliter uiuant, ut corpus exerceant laboribus, ne corporis ambizioso cultu delectentur, &c. omnia autem docet paupertas. Stob. ser. 95.

*Idem.*

Solitus est ioco dicere sibi tragicas execrationes occurrisse, quod esset, *ὠστὸς, δούλος, ἀπαυρῆς, πτοχὸς, ἀλόντος, & ἡμεῖς*, id est, domo, ciuitate, patriâq; carens, pauper & erro. Laer. lib. 6. Alludens ad locum aliquem è tragœdiis. De Oedipi execrationibus vide in Chiliadibus Erasmi.

*Idem.*

Paupertatem dicebat esse subsidium ad philosophiam. Nam quæ philosophia verbis persuadere conatur, ea paupertatem reipsa cogere. Stobæus serm. 93.

*Arcefilaus.*

\* Paupertatem aiebat asperam quidem esse, quem admodum & Ithacam, sed bonam prolis nutrice, ut quæ assuefaciat frugalitati & abstinentiæ, & in

uniuersum efficax virtutis gymnasium sit. Stob. ser. de laude paupertatis.

*Hypseus.*

\* Animæ timiditati medendum esse dicebat: tunc, inquit, non metues paupertatem. Stob. eod. ser.

*Idem.*

\* Non paupertatem sed iniustitiam fugiendam esse dicebat. Nullus enim quod pauper esset, sed quia iniustus, supplicio affectus est. Neq; vitam laudabilem aliquis degit, quatenus diues, sed quatenus iustus. Stob. in comparat. paupertatis & diuitiarum.

*Ariston.*

Dicere solebat, paupertatē esse lucernam, quæ omnia mala demonstret. Stob.

*Aristoteles.*

Paupertatem dicebat multis rebus indigere, auaritiā autem omnibus. Anton. par. 1. ser. 33. Melis.

*Idem.*

\* Si non multa, inquit concupiscas, pauca etiam multa videbuntur: exigua enim appetentia paupertatem opulentiæ parem efficit. Max. serm. de diuit. & paupertate.

*Xenophon.*

\* Paupertatem per se doctam philosophiam esse dicebat: quæ enim hæc verbo suadet, illa opere cogit. eod. ser.

*Aristonimus.*

\* Vitam pauperum similem esse dicebat nauigationi iuxta litus: diuitiū autem ei quæ in profundo pelago sit. Illis enim facile est funem euicere, appellere, & nauim extrahere: diuitibus non item. Stob. in compar. paupertatis & diuitiarum.

*Ephialtes.*

Cuidam ei paupertatē exprobranti, Cur nō, inquit, etiā alterū dicis, quod iustitiam colam? Ostēdit autem vir sapientissimus, paupertatem, etiam si multarum virtutum nutrix sit, cunctis

exolam esse. *Ælian.* l. 13. de Var. hist.

*Apollonius.*

Solitus est dicere paupertatē secundum naturam nequaquam turpem esse: turpi autem de causa pauperem esse dedecus & flagitium esse indignissimum. *Anton.* par. 1. ser. 33. *Melissæ.* *Alij* sic referunt: Eam paupertatem quę secundum naturam esset, non turpem fore: illam autem quę propter turpem causam accidit, infamiam inurere hominibus. *Stob.* ser. 93.

*Lycurgus.*

Lycurgus, percontanti quamobrem hostium cæsorū cadauera spoliare vetuisset: Ne, inquit, dum spoliis incubunt, pugnam negligāt, sed paupertatem vñā cum ordine seruent. Vt vir ille sapiens vbiq; ciuib; suis meruit à diuitiis, tanquam à fonte plurimorum malorum! cū apud hominū vulgus nihil exspectatur auidius, quasi in his sint præcipua felicitatis humanę præsidia. *Plut.* in *Lacon.* apoph.

*Idem.*

Ciuib; quibuscūq; interrogantibus, quomodo liceret hostium insultum efugere? Si inquit, pauperes fueritis, nec alius alio plus requirat. Ad opulentos & onustos prædę spes inuitat hostem, nec facile potest elabi, qui sarcinis & impedimentis retardatur: ad hæc tutiores sunt ab hostium incurſu, inter quos est æqualitas, & ex æqualitate concordia. *Plut.* in *Lacon.*

*Anonymus.*

Quidam imperatorem inculſauit quod illius insidiis, & otio & somno fuisset priuatus: videlicet, quod illius benignitate è paupere factus esset diues. *Plut.* in *Sympos.* l. 2.

*Moschion.*

\* Si, inquit, in Persia natus esses, nõ curares Græciam habitare, sed cum Persis feliciter versari stunderes. Cur igitur in paupertate natus contendis

ditescere, & non in eadem permanens felicitet vitam degere. Max. ser. de diu. & paupertate.

*Hieron sophista.*

\* Vituperatus, quod cū multos rhetoricari docuisset, ipse egeret: At, qui, inquit, ditescere non docui eos, neque pecunię studere. Eod. ser.

*M. Cato.*

Cato dicebat, honestam paupertatem impiis diuitiis longē preferendam esse. Hoc enim opprobrij, illud miserationis causa fieri solet. *Ant.* in *Melis.* ser. 33. par. 1.

*Bulas.*

Bulas, famosissimus latro, qui sub Seuerō imperatore per totā Italiam, cōparata manu sexcentorum latronum, biennio maximas prædas fecit, postquā Centurionem vitę insidiatorē cepisset, raso capite ad Seuerum imperatorem remisit, cūque interrogaretur, quid imperatori veller nuntiare? Nuntia, inquit, dominis tuis, ipsos seruos suos alere, ne latrocinentur. Habebat enim Bulas multos apud se Cæsarianos, partim exigua mercede conductos, partim nullo certo stipendio. *Xiphilinus* in vita *Seueri*.

*Idem.*

Cuiuscūq; mulieris, cum qua sortabatur, ope deprehensus, & à Papiniano præfecto prætorio interrogatus, cur latrocinium fecisset? respondit: Et tu dic, cur præfectus sis. Erat nimirum Papinianus homo prædiues, & magnę apud Cæsare existimationis & propter opum suarum splendorem in aulā admisus. Bulas verò penuria rerūque egestate vexatus, latrocinio victum quęrere cogebatur. *Idem* *Xiphilinus*.

## De peculatu.

*Diogenes.*

**D**iogenes Cynicus cū vidisset magistratus, qui Hieronemones diceban-

dicebantur, quendam deprehensum, quoddam ex ærario phialam furatus esset, adducentes: Magni, inquit, fures paruum ducunt. Laert.

*Anaxander.*

Suprà de Furto.

*M. Cato.*

Dicebat, priuatarum rerum fures in compedibus vitam agere, publicarum in auro & purpura conspicuos incedere. Olim simplex furtum non puniebatur capite, sed vinciti compedibus, præstabant operam. At longè grauius crimen est peculatus, quàm furtum. Et tamen qui fiscum principis, qui Remp. compilant, magnates fiunt. Plut.

*Scæuola.*

Septumuleio Anagnino, cui pro capite C. Gracchi aurum erat repesum, rogante vt se in Asiam præfectum duceret: Quid tibi vis, inquit, insane? tanta malorum est multitudo ciuium, vt tibi hoc cõfirmem, si Romæ manseris, te paucis annis ad maximas pecunias esse peruenturum. Notauit auaritiã hominis præfecturam non ob aliud ambientis, nisi vt spoliaret prouinciales, ac ludens finxit, id citius consecuturum Romæ. Hoc dictum Fannius in annalibus adscribit Africano Æmiliano, qui dictus fuerit Iron. Erasmi, lib. 6. apoph.

*Anfidius Modestus.*

L. Quintium in morbo sibi dicentem manus esse frigidas, hoc scommate taxauit: Atqui calidas, inquit, è prouincia extulisti, notās eum, quoddam consul administrās prouinciam, multa furatus esset. Meminit Plut. in Symposiis lib. 2. cap. 40.

*Claudius Cæs.*

Narcissum ab epistolis, & Pallantem à rationibus sic adamauit, vt eos non solum amplissimis præmiis, verum etiam quæstorii prætorisq; ornamentis decreto senatus ornari libenter passus

sit, ad hæc, tātum rapere & acquirere? vt illi querenti de fisci exiguitate quidam non absurdè dixerit, Abundatum fiscum, si à duobus libertis in consortium reciperetur. Hos Plinius fateatur Crasso fuisse ditiores.

*Traianus imp.*

Initio procuratores habebat rapaces, qui prouinciales calumniis expiabant. Quorum vnus fertur, vnum quemque diuitem sic conuenire solitus: Quid habes? Vnde habes? Hæc vbi didicerat, addebat tertium, Pone quod habes. Sed admonitus à Põpeia Plotina vxore, cohibuit eiusmodi vexationes prouinciarum, addens vocem optimo iure laudatam: Fiscum esse licentem, quoddam eo crescente, reliqui artus contabescant. Sensit optimus princeps, iniquum esse, sic explorare fiscum vnum, vt nihil habeant subditi: præsertim quum boni principis sit, quicquid habet populus. Erasmi, lib. 8. apoph.

*Sigismundus imp.*

Interrogatus, cur apud liberas ciuitates peculatus crimen addè frequens inueniretur? Idcirco, respondit, quoddam nudos honores ciuitus commendant, populus autem ad lucrum inhiat. Indicat autem, magistratum ipsum in causa esse, quoddam peculatus crimine tam multi hodie insimulantur. Cum enim tam varia Reipublice sint officia, singulis certa & sufficientia stipendia deberent assignata esse, quo hi qui ad huiusmodi honores & officia vocantur, haberent vnde viverent, sine vlla vel furti vel peculatus suspitione. Verum cum desunt hæc stipendia, vel nimis sunt tenuia, fit vt plerique ex publico thesauro sibi per nefas prospiciant, & pauperes primùm ad amplissimas opes veniant. Æneas Sylu. lib. 2. comment. de reb. gest. Alphonfi.



## De pecunia.

*Timotheus.*

**P**ecunias sanguinem animamque mortalibus esse dicebat: quibus qui careat, mortuus inter viuos uiuit. *Brus. lib. 5. cap. 10.*

*Democritus.*

\* Nimiam pecuniarum collectionem pro liberis, pretextum auaritiæ esse dicebat, proprium ingenium arguens & detegens. *Stobæus sermon. de iniustitia.*

*Diogenes*

Suprà de Diuitiis ac opibus.

*Bion.*

Suprà, de Diuitiarum usu.

*Demades.*

Suadentibus Demadi Atheniensibus & iubentibus ut deductas triremes nautis militibusque compleret, cum pecunias nullas haberent: Omnino: inquit Demades, primum pecuniis opus est. *Brus. ibid.*

*T. Quintius.*

Infrà, de Salsæ dictis.

*Iulius Cæs.*

Potentiam duabus rebus, pecunia scilicet & militibus parari, conseruari atque augeri, eaq; se mutuò consequi dicere solebat. Exercitum com meatu retineri, rursus com meatum armis comparari, non tantum dicebat, sed sentiebat etiam. *Xiphil in Cæs.*

*Vide apoph. de Diuitiis, & de Munerum conserptu.*

## De peregrinationibus.

*Socrates.*

**Q**uam quispiam vitiorum vitandorum gratia peregrinatus esset, nihilq; profecisset, post reditum Socratem rogauit, Cur ita euenerit? Quoniam, inquit Socrates, eadem causa te premit, quæ expulit. *Laert.*

*Idem.*

Cuidam querenti, quod peregrinationes sibi nihil profuissent, Non immerito, inquit Socrates, tibi istud euenit, tecum enim peregrinaberis. Multi putant longinquis peregrinationi colligi prudentiam, quum Horatius clamer:

*Celum non animum mutant, qui trans mare currunt.*

Congressus sapientum confert prudentiam, non montes, aut maria. *Eras. ex Laert.*

*Aristippus.*

Peregrinanti Dionysio, cur Aristippus venisset in Siciliam, relicto Socrate? Ut, inquit Aristippus, quæ habeo impertiam, quæ non habeo accipiam, Sunt qui narrent illum sic respondisse, Quum egerem sapientia, adij Socratem: nunc quoniam ego pecunia, ad te veni. *Laert. lib. 2. cap. 8.*

*Antisthenes.*

Putauit omnia mala pro peregrinis habenda esse. Vulgus hominum ea tantum probat, quibus assuevit, ab exoticis autem abhorret: non quidem quod per se mala sint, sed quia peregrina: Verum sapienti viro nil peregrinum est, nisi quod cum vitio coniunctum est. *Laert. lib. 6. cap. 1.*

*Democritus.*

Interrogatus, ad quid peregrinatio prodesset? respondit: Vitæ frugalitatem docet. Offa quippe & thorus herbaceus famis ac laboris dulcissimæ medullæ sunt. *Stob. ser. 38.*

*Idem.*

\* Quamlibet terram homini sapienti peruiam esse dicebat: animæ namq; fortis vniuersus mundus patria est. *Eodem ser.*

*Lacones.*

Laconibus peregrinari concessum non erat, ne morum peregrinorum vitæque incompolitæ contagium attraherent.

herent. Quin & peregrinos vrbe exigebant, ne paulatim inundantes, mali cuiuspiam ciuibus existerent magistri. Quisquis autem ciuium non tulisset liberorum suorum iuxta patrios ritus institutionem, iure ciuium priuabatur. Rursus narrant quidam, quicumq; peregrinus Spartanz ciuitatis institutis sustineret exerceri, cum ex Lycurgi sententia admitti in eam ciuilitatis portionem quæ fuerat à priscis ordinata. Cæterum vendere ius ciuitatis nulli fas erat. Perspexerat vir ille prudentissimus, commerciis exterorum ac negotiatorum, ciuitates quamuis bene institutas corrumpi, quod ad nequitia omnes sunt magis dociles, quàm ad virtutem. Sed nulla mixtura perniciosior, quàm quæ per imperij translationem prolatione inuebitur. Sic influxu Græcarum nationum effœminata est Roma: sic barbarorum commercio tandem & Sparta ex sanctissima facta est corruptissima. Plut. in Lacon.

*Iidem.*

Lacones adolescentem ex eorum numero qui exercebantur, increpauerunt, quod viam nosset quæ ducit in Pyleam: adeo studebant suos à peregrinationibus ac rerum exoticarum cognitione seruare alienos, ne per occasionem à patriis institutis degenerarent: præsertim cum Arcadia, cuius est Pylea, luxu deliciisque barbaricis esset corrupta. Plut. in Lacon.

*Pausanias Plistonactis F.*

Quum Lacedæmonios Tegez, vbi exulabat, laudaret, atq; quidam dixisset, Curigitur Spartæ non manebas? Quia, inquit, non apud sanos, sed vbi sunt ægroti, medici versari consueverunt. Pausan.

*Anonymus.*

Arguius quidam cum Eudamidæ dixisset, Lacedæmonios peregrinationibus reddi deteriores, quod interim

degenerent à maiorum legibus & institutis: At vos, inquit, quum Spartam venitis, non deteriores, sed meliores, euaditis. Dictum retorfit in Argium: hoc enim dicens, magis suam gentem vituperauit, quàm Lacedæmoniorum. Plut. in Lacon.

*Vide apoph. de exilio.*

## De perfectione.

*Crates.*

**I**mpossibile esse dicebat, quenquam inueniri, qui nunquam lapsus sit: sed veluti in malo punico, granum quoque aliquod putrescere. Laert.

*Apelles.*

Apellis ætate complures erant in arte pingendi nobiles, quorum opera quum suo candore miraretur, collaudatis omnibus, dicebat illis deesse vnâ illam Venerem, quam Græci *ἁγνή* vocant, ingenuè proflens, cætera omnia illis contigisse, in hac vna neminè ipsi parem esse. Simile quiddam est in phrasi, quæ allicit ac remouetur lectori aut auditore, quum tamen non habeat nomen, nec arte præcipi possit. Eras. Ror. lib. 8. apoph.

## De perfidia.

*Themistius.*

\* **N**vllam malitiam magis alienam esse à conuersatione hominum esse dicebat quàm perfidia. Aduersus quam nulla custodia dari pote st. Nam (inquebat) quod vnicum habeamus confugium, nempe iusiurandum, hoc ipso maxime abutitur vir perfidus, quod commissit malum facinus inficiando. Stob. ser. 12.

*Ludonicus xi. Gall. rex.*

\* Cuidam referrenti, Valentinum Borgiam à Consaluo quodâ Hispano,

Na 4

violato

violato iureiurando, perfidè retentum & ad Ferdinandum Hispan. regem missum esse, respondit, Ergo posthac pro Punica fide Hispanicam celebraturi sumus, libr. de eiusdem Lud. scire dictis, Alphonfi regis apoph. libris adiuncto

## De periculo vitando.

*Alcibiades.*

**A**ccitus ab Atheniensibus è Sicilia, vt diceret causam capitis, abdidit sese dicens: Eum esse fatuum, qui vocatus in ius non querat elabi, quum liceat vitare ne eat. Sentiens, consultius esse non committere se periculo, quam dare operam, vt ingressus periculum, remet expedias. Dictum Græcis sonat iucundius, ob vocum affinitatem, *φύγειν & ἀποφύγειν*. Græcis autem *ἀποφύγειν δὴλυ* dicitur, qui iudicium sententiis absoluitur: *φύγειν* qui vitat aut fugit. Plut. in vita Alcibiadis.

*Antigonus.*

Suprà de Morte generosa non deſtenda.

*Huc refer apoph. de Fuga excusata.*

## De perseuerantia.

*Chilon.*

**D**icere solebat, tardè quidem aggreſſiendi esse omnia: verum cū semel iam inceperis, cōstantissimè in agendo perseuerandum esse. Stob. ser. de Prudentia.

*Agis.*

A Leonida in carcerem coniectus, quum multa in illum conuitia iactasset, rogatus num pœniteret rerum actarum? Non pœniter, inquit, Plut.

*Demosthenes.*

Quum Antipater intra Lamiam à Græcorum copiis esset conclusus, ac velut ob res feliciter gestas Athenien-

ses diis immolarent victimas: Demosthenes ad quēdam amicorum nomine Agesistrarum ait, sibi non eandem esse cum ceteris sententiam. Noui enim inquit, Græcos stadium pugnare & scire & posse, Dolichon autem non item. Dolichus autem continet viginti quatuor stadia. Notauit suos, quod protinus vna contenti victoriola, deponerent bellandi studium, quum oporteat eiusmodi successibus non frui, sed vt ad maiorem rerum occasionem. Eras. lib. 8. apoph.

*Brutus.*

Suprà de Munerum contemptu, Cyanienſium.

*Vide apoph. de Constantia.*

## De perseuerantia & constantia piorum in cruce.

*Basilus Magnus.*

**C**vm à Valente Cæsare in exilium pro fide cogeretur, exhibitus est ad tribunal Præfecti, terroribusque & minis maximis actus, vt nisi præceptis principis obediret, sciret, sibi impendere interitum. Tum ille intrepidus, atque absque vlla animi perturbatione respondit Præfecto: Atque vtinam aliquid mihi esset digni muneris, quod offerem huic, qui maturius Basilium de nodo follis huius absolveret. Cūque daretur ei nox, quæ erat media, ad deliberandum, denudè respondit: Ego crastino idem ero qui nunc, tu te vtinam non mutares. Ecclesiast. histor. lib. 11. cap 9.

*Athanasius.*

Cū sub Iuliano Apostata crudelissimo imperatore, in maximo esset vitæ periculo, & populus mirum in modum contristaretur, alta voce clamans: Bono estote animo, inquit, nubecula

nubecula tantum est, quæ mox eu-  
nescet splendente sole. Sozomenus  
lib.6. Tripart. hist. cap. 26.

*Ignatius.*

Suprà de Morte contemnenda.

*Eusebius Samosatenus.*

Cum nollet Cæsari Constantio mit-  
tere decretum Arrianorum cõtra Me-  
litium factum: Cæsar minatus est, se ab-  
scissurum dextram eius manum, quo  
audiro, Eusebius ambas porrexerit, in-  
quiens, Decretum non dabo, clarum  
Arrianæ pestis indicium. Theodoretus  
in Tripartita histor. cap. 49. lib. 5.

*Polycarpus.*

Cum fidei rationem redderet, atq;  
constanter perseveraret, Herodi pro-  
consuli ignem minitanti respondit:  
Ignem minaris hunc, qui ad momen-  
tum incenditur, & paulò post extin-  
guitur. Verum ignoras futuri iudicii  
ignem æternum fore, qui ad perpetu-  
as poenas præparatus est impiis. Eu-  
seb. lib. 14. cap. 5. Eccles. hist.

*Idem.*

Ab Herode proconsule admonitus,  
viuraret fortunam Cæsaris, & conui-  
cia diceret in Christum, respondit:  
Octoginta & sex annis seruo ei, & ni-  
hil me læsit vnquam: qua igitur con-  
scientia maledicerem, & blasphemam  
regem meum, qui salutem mihi  
dedit? Cumq; rursus vehementius vr-  
geretur, vt fortunam Cæsaris iuraret:  
Si hanc, inquit, instantiam queris, vt  
ego fortunam Cæsaris iurem, & quis  
sim ego ignorare te similes, audi à me:  
Sum Christianus. Si verò eam ratio-  
nem vis Christianæ religionis accipe-  
re, statue diem & audi. At cum pro-  
consul diceret, Suade hoc populo: re-  
spondit Polycarpus, Tibi quidem re-  
spondi, quandoquidem principibus &  
potestatibus à Deo datis in primis ho-  
nōs debeatur, modò religione non sit  
Deo contrarius: Populo autem furenti

satisfacere, non sit possibile. Eusebius  
lib. 4. Eccles. hist. cap. 15.

*Sanctus, martyr.*

\* Diaconus quidam Ecclesiæ Vien-  
nensis, nomine Sanctus, tanta animi  
celitate & cõstantia carnificibus eum  
horrendis tormentis à Christiana fide  
auertere conantibus resistit, vt ne no-  
men quidem vel suum, vel gentis, vel  
ciuitatis vnde fuit, neq; vtrum seruus  
an liber illis vellet dicere, sed ad om-  
nia rogata latino sermone responde-  
ret, Christianus sum: istudque pro no-  
mine, pro ciuitate, pro genere, & deni-  
que pro re quaque iterum ac sapius  
eloquutus: nec aliam vocem ethni-  
ci ab eo elicere potuerunt. Euseb. lib. 5.  
hist. Eccles. cap. 1.

*Lucius Sophista.*

Lucius quidam ob religionis confes-  
sionem ab Urbicio damnatus, cum iam  
ad supplicium duceretur: Gratias ago,  
inquit, quod me nequissimis dominis  
absolutum, ad summum cœli terræ-  
que regem remittas. Euseb. libr. 4. Ec-  
clesiasticæ hist. cap. 17.

*Attalus.*

Cum in sella ferrea prunis subter-  
iectis torreretur, voce magna ad ple-  
bem clamauit: Ecce hoc est homines  
comedere, quod vos facitis, qui à no-  
bis velut occultum facinus inquiritis,  
quod vos aperta luce committitis?  
Nos enim neque comedimus homi-  
nes, neq; aliud quid mali fecimus. Eu-  
seb. 5. Eccles. hist. cap. 3.

*Syluanus.*

Constantium tyrannum ad fidei  
orthodoxæ defectionem eum hortan-  
tem, sibi mortem etiam minitantem  
audiens: Potestatem quidem habes,  
inquit, nos puniendi: nos autem pa-  
trum statuta non ideo destruemus.  
Theodoret. lib. 5. Eccles. hist. cap. 24.

*Mares episcopus.*

Oculis ob senectutem orbatum,  
audiens



audiens Iulianum apostatam in Sacello Solis sacrificare diis gentilium, palam imperatorem obiurgauit: ad quem cōuersus imperator cūm dixisset, Abi tu potius ad Galileum tuum (Christum intelligens) ac iube tibi aperire oculos. tum Mares respondit: Deo meo gratias pro cæcitate ago, qui idēd visum ademit, ne te apostatā, in Deum blasphemum, & omni planē pietate nudatum, coram videre cogar. Sozomenus in Tripartita histor. lib. 6. cap. 6. Alij hoc dictam Eguinario episcopo (quem Fulgosus lib. 6. cap. 2. Inarium appellat) ascribunt.

*Romanus.*

\* Quum iam carnifici ceruices porrexisset, nuntiūque subitō accurrisset, qui veniam ipsi ab imperatore Iuliano afferebat, id ægerrimo animo tulit: atque his verbis usus est: Scilicet indignus erat Romanus qui Christi martyr appellaretur. Theodoret. lib. 3. hist. Eccles. cap. 16.

*Theodorus martyr.*

\* Immanes cruciatus minantibus carnificibus, nisi fidem Christi abiureret, in hanc præclaram vocem erupit. Pro fidei Christianæ confessione qui vulnerat, incidat, & qui verberat lace- ret: & qui cremat, flammam adiiciat: & qui his verbis offenditur linguam eximat. Nyss. in vita Theodori.

*Victor.*

Victor proconsul Carthaginis, vir diues & clarus, ad veritatis negationē sollicitatus à rege, & promissionibus multis ad defectionē inuitatus, respondit: Dicite regi vestro vt subiiciat me ignibus, adigat bestiis, exerceat omni genere tormentorum. Si consentio, frustra sum in ecclesia baptizatus catholica. Nam si hæc præsens sola vita fuisset, & aliam, quæ verè est, non sperarem æternam, nec ita fecissem ad modicum, atque temporaliter gloria-

rer, & ingratus ei existerem, qui per fidem meam omnia sua mihi contulit, Victor. lib. 3. Vandalicæ histor. 2.

*D. Ambrosius.*

\* Calligonus, cubiculi præpositus, mandare aliquoties Ambrosio ausus est, Me viuo tu contemnis Valentianum? Caput tibi tollo. Ambrosius respondit, Deus permittat tibi vt impleas quod minaris. Ego enim patiar quod episcopi: tu facies quod Spadone. Ambros. epist. 33.

*Theodulus.*

Cūm ob fidei confessionem sub Iuliano apostata craticulis impositus esset, vt in omnium conspectu assaretur, ad præfectum in medijs cruciatibus dixisse fertur: Si assas carnes degustare cupis Amachi, in alterum latus me verte, ne semicrudus ad edendum parum suauis tibi reddar. Idem de Laurentio, Macedonio, atq; Tatiano martyribus, alij etiam scribunt. Nicephorus lib. 10. & 25. Eccles. histor.

*Dionysius episcopus Alexand.*

Cūm à tortoribus vehementer vigeretur: respondisse fertur, Quid insectando laboratis? Caput meum, pro quo magnopere fatigamini, auulsum ceruicibus sumite, & donum magnum ad tyrannum referte. Euseb. lib. 6. Eccles. histor. cap. 30.

*Dionysia.*

Matrona nobilis Hunerichi regis tortoribus turpiter denudata grauitervirgis cædebatur. Inter ictus verò virgarum, dum riuuli sanguinis toto iam fluitarent corpore, libera voce dixit: Ministri diaboli, quod ad opprobrium meum facitis, ipsa est laus mea. Victor in hist. Vandalica, lib. 3.

*Elogius.*

Valens imperator per præfectum Edesiæ, orthodoxos Lxxv. cogere volebat, vt veritatem abnegarēt. Præfectus itaque cūm diceret ad Elogium, Commu-

Communica possidenti regnum: respondit benignè, Et mihi regni quoque ac sacerdotij consortium est. Triparr. hist. lib. 7. cap. 33.

## De persuasione.

*Bion.*

Dicebat, superbiâ studiosorum esse profectus obstaculum. Indocilis enim est, qui inani persuasione eruditionis delusus, mauult doctus videri quam esse. Laert. lib. 4. cap. 7.

*Crates.*

Cum Crates apprehenso Zenonis pallio, eum à Stilponte retrahere niteretur: Commodissimè, inquit, ô Crates philosophum auribus teneas: nam si per vim egeris, corpus erit apud te, animus apud Stilpontem. Laert. lib. 7. cap. 1.

*Socrates.*

\* Qui per vim, inquit, coacti sunt, libertate ceu magna re priuati, odio prosequuntur illos qui coegerunt: qui verò suadela inducti sunt, ceu cum gratia inuitati amant. Xenoph. lib. 1. commentar.

## De pertinacia.

*Annibal.*

Cum Marcellus aliquot diebus continenter cum Annibale conflixisset vario Marte, dixit Annibal, sibi re esse cum hoste, qui nec victus, nec victor nosset quiescere. Plutarchus.

*Eusebius philos.*

\* Plurimi, inquit, cum velint, habere quam consultissimi, si qua in re familiares & beneuoli ipsis homines eos dehorrentur, nolunt à confirmato semel intra se proposito recedere: sed ne redarguantur à consilio suo tanquam prauo desistere, permanent in proposito, donec tandem inde profecta incō-

moda sentiant. Stob. serm. 23.

Pertinacia licet in mediam partem plerunque sumatur, huc tamen quædam referre licet, quæ sunt sub apophthegmat. de Constantia, & Perseuerantia.

## De petitionibus honestis, & parum honestis.

*Thales.*

Suscipiant quid esset dulcissimum? Potiri, inquit. Nam ea demum delectant, quæ cõtینگunt expetita. Quæ vltro obiciuntur, non perinde iuuant. Laert. lib. 1. cap. 1.

*Socrates.*

Dicebat, à diis nihil petendum, nisi bona simpliciter: cum vulgus petat bene dotatam vxorem, opes, honores, regnum, longam vitam, quasi præscribentes numini quid oporteat facere. At Deus optimè nouit, quid nobis bonum sit, quid non Erasmi. lib. 3. apoph.

*Epicurus.*

Dicere solebat, Breui temporis spatium omnes homines perituros esse, si hominum preces sequeretur Deus. Nam subinde multa & acerba alij in alios precantur. Max. ser. 14.

*Epicurus.*

\* Ad conuiuium, inquit, inuitati præsentibus vtimur. Quod si quis iuberet apponere sibi pisces, aut placetas, absurdus videretur. At nos in mundo petimus à diis, quæ non dant: cum multa interim sint quæ exhibuerunt. Stob. serm. 4.

*Anonymus.*

Poëta quidam dum amicos suos videret & egentes, & petentes à diis quæ illis minimè conducerent, cum tamen vtilia viderentur, pro omnibus sic ait: Iupiter rex, optima quidem nobis & vouentibus & non vouentibus tribue.

tribue. Mala autem poscentibus quoque abesse iube. Cuius poetæ piæ sententiam ex Platonis lib. 6, sub persona Socratis, Erardus Schomberger, præceptor meus, in omni scientiarum genere doctissimus, dum bonas literas in celeberrimo Heydelbergeni Gymnasio profiteretur, foribus habitationis suæ affixam, suis (quos priuatim docebat) discipulis semper inculcare solebat, his verbis descriptam.

### QVID PAVCIS ORAN.

DVS DEVS.

*Da bona, sine petere Deum, sen nulla petare.*

*Es procul à nobis mala quæque pesentibus aufer.*

*Et mala, sine petere nega, sen nulla petare.*

Leges autem hanc piâ & Christianam poetæ sententiam apud Brus. quodque lib. 5. ca. 24. & Val. Max. lib. 7. ca. 2.

*Agésilau.*

Agésilau Lacédæmoniorum regem cum quidā vrgeret improbè postulando, vt promissum præstaret: Rectè sanè, inquit, siquidem iustum est quod petis, promissi: sin minus, non promissi, sed dixi. Quo dicto elusit flagitatoris improbitatem. Verùm cum efflagitandi finem nequaquam faceret, sed subiiceret, Atqui decet reges præstare quicquid vel capite annuerint: Nihilo magis inquit, quàm eos qui reges ad-eunt, decet ea petere, loquique, quæ iusta & honesta sunt, spectantes simul & opportunitatem, & quid regibus conueniat. Plur.

*Cambyses.*

Dicere solebar, haud fas esse à diis petere victoriâ in equestri pugna, eos qui equitare non didicissent: neque sagittæ ignaros superare illos sagittando, qui huiusmodi peritiam callent: neque eos qui frumenta non serunt,

precari triticum pulcherrimum nasci neque salutem petere, qui sibi in bello non cauerent. Ex Xenophonte & Brus. lib. 5. cap. 24.

*Diogenes.*

Quum aliquando stipem posceret, ita *ἐξέειπεν*, id est, eum qui stipibus erogandis erat præfectus. Homericò carmine compellauit:

*Τὴν ἀγρὸν ἐνέεις ὃν ἱμερὶ ἴγου  
χθονος.* id est,

*Despolia reliquis, teneas sed ab Hæ-  
lore dextram.*

Dicti festiuitas in hoc est, quod pro *ἐγενήθη* dixit *ἐγένετο*: quorum prius est, da stipem: alterum armis spolia, sc. Hectoris nomine signans. Spoliatur autem qui negat egentem. Et solet hoc hominum genus esse furax. Laert. lib. 6.

*Themistocles.*

Cum prætoris Themistoclis operâ pro amico in re iniqua peteret, respondit Themistocles, nec Simonidem fore bonum poetam, si mensuram modumque in scribendis carminibus non obseruaret: nec se bonum esse prætorē, si alicuius gratiam legibus aut iustitiæ præponeret. Plur.

*Pericles.*

Ab amico rogatus, vt pro se causâque eius falsum deiceret: Oportet me, inquit, amicis accommodare, sed vsque ad aras. Plur. in Græcor. apophth. Gell. lib. 1. cap. 3. Eras. in pro-uerb. Vsque ad aras.

*Zeno Cistiens.*

Quum Cynicus quispiam dicens, in lecytho suo nihil esse olei, peteret à Zenone, Zeno negauit se daturum: sed tamen abeuntem admonuit, expēderet vter ipsorum esset impudentior. Postulatoris impudentiam impudētī negatione pensabat. Laert. l. 7. c. 1.

*Phocion.*

Antipater cum à Phocione petisset, vt nescio quid iniusti suo nomine faceret.

faceret: non sum, inquit, tibi simul adulator & amicus. Amicus enim, quæ iusta sunt, efflagitat ab amico: & is qui reuera amicus est, non obsecundat amico, nisi in his quæ cum iustitia & æquitate coniuncta sunt. Plutarch. in apoph.

*Epaminondas.*

Cum hominem nequam ob medio-cre scelus in vincula coniecisset, Pelopodi efflagitanti, non dimisit, sed amicæ supplicanti concessit, dicens, Scorta decere, non imperatores eiusmodi dona accipere. Plut.

*Plato.*

Quum populus Atheniensis flagiraret, ut Phocion copias in Bæotiam educeret, eamque rem Phocion non fore re repub. indicaret, edixit, ut quotquot essent in ciuitate ab ephebis vsq; ad sexagenarios, se sequeretur. His reclamantibus senioribus, & ætatem excusantibus: Nihil, inquit, absurdi meo edicto cõtinetur, quia ipse natus annos octoginta, vnâ cum ipsis dux profecturus sim. Hac arte temporum multitudinis calorem retulit. Plut. in apoph.

*Clisophus.*

Clisophus Atheniensis adulator, Philippo increpanti, cur semper aliquid peteret: Obliuiscor, inquit. Lepidus iocus, sed pugnas cû laudatissima sententia: beneficij accepti meminisse, dati obliuisci oportet. Eras. l. 6. apoph.

*Antigonus primus.*

Cum frequenter Biantem moleste beneficia flagrantem tulisset, tandem victus tadio: Date inquit, Bianti talentum, vel vi. Sentiens, beneficium, non impetratum, sed improbitate extortum. Eras. l. 4. apoph.

*Anonymus.*

Quidam Antigoni amicus, cum ab eo petiisset talentum, nec accepisset, postulauit ab eo deductores, ac cor-

poris custodes. Rogatus, quâ ob rem? Ne inquit, insidiis impetar. affingens, se talentû humeris ferre. Eras. l. 8. apo.

*Antigonus.*

Thrassillus Cynicus cum ab Antigono drachmam petiisset, Antigonus ait: Petis munus non regium. Cui cum respondisset, Da igitur talentum: Nunc, inquit rex, non petis munus Cynicum. Et sic utroque cornu repulit postulantis improbitatem, quem existimabat nullo omnino beneficio dignum esse. Plut. in apoph.

*Timotheus citharadus &*

*Archelaus.*

Suprà de Conuiciis in ipsum authorem retortis.

*Scopas.*

Cum quispiam familiaris ab eo assequi quicquam contenderet, quod neq; illi necessarium, neq; satis commodum esset: Huiusmodi, inquit, rebus & felix sum, & locuples. Brus. lib. 1. cap. 1.

*Scipio Africanus.*

Quum à Scipione Africano quidam vetus affectator ex numero amicorum, non impetraret ut se præfectum in Africam duceret, & id ferret molestè: Noli, inquit, mirari, si tu à me hoc non impetras. Ego iam pridem ab eo cui meam existimationem charam fore arbitror, peto, ut mecum præfectus proficiscatur & adhuc impetrare non possum. Cic. in Verrem.

*P. Rutilius.*

Suprà de Amicitia atque amico bono, & de Iustitia.

*Cato Vicensis.*

Catulus censor Catonem sibi artificissima iunctum necessitudine rogauit, ut quendam ipsius iudicio obnoxium (erat enim quæstor) missum faceret. Ille hunc in modum respondit. Turpe est nos, qui iuuenturi rectè instituendæ authores esse debemus, à li-  
ribus



ribus irrideri nostris. Negavit asperitus, quod iniuste petebatur. Plut. in Caeton. vita.

*Augustus Cæsar.*

Quum Galli donassent Augusto torquem aureum, centum pondo, ac Dolabella per iocum tentans illum, tandem huc produceret iocum, ut diceret, Imperator torque me dona. Malo te, inquit, ciuica donare. Festiuiter submouit postulitoris impudentiam, qui nunquam in bello fuisset: eoque magis illi conueniebat corona ciuica, quæ ex quernis ilignisque frondibus fieri consuevit, quemadmodum triumphalis ex auro. Quanquam & castrensis, & muralis, & navalis ex auro fieri solebat. Qua de re vide A. Gellium lib. 5. cap. 6. Ciuicam autem Augustus, ut honorificentior, per iocum obtulit. Nam Suetonius refert, eum inter dona militaria aliquando facilius phaleras & torques, & quicquid auro argenti que constaret, dare solitum, quam vallares ac murales coronas, quæ honore præcellerent. Hoc nisi scias, friget Augusti iocus. Tamen si de materia coronarum variant Gellius & Suet. Eras. Rot. lib. 4. apoph. & Bruf. lib. 3. cap. 16.

*Anonymus.*

Græculus quidam ita captare solitus est Cæsarem Augustum, descendenti à palatio, honorificum aliquod epigramma porrigebat. Id cum frustra sepe fecisset, nec destitutum videret Augustus, epigramma bene Græcum manu sua descripsit, & Græculo ad se venienti obuiam misit, veluti carmina carminib. pensaturus, Græcus acceptum legit, ac non solum voce, verum etiam nutu gestuque corporis laudauit carmen, miratusque est. Deinde cum accessisset ad sellam qua Cæsar vehabatur demissa in pauperem crumenam manu, pauculos denarios pro-

tulit, Cæsariq; obtulit his verbis: *τὸ πᾶν τῇ οὐκ οὐδαι, εἰ πλείον ἐχῶ, πλείον δίδωμι.* Id est, non iuxta fortunam tuam Auguste, si plus haberem, plus darem. Sequuto omnium risu, dispensatorem Cæsar vocauit, & sestertium centum millia Græculo numerari iussit. Bene cessit Græculo palam exprobrata principi parsimonia. Suet. in eius vita.

*Augustus Cæs.*

Cum à Cæsare Augusto Romæ Pacinnius Laurus munus peteret, diceretq; populari rumore sparsum pecuniam haud paruum ipsi à Cæsare datam: Sed tu, inquit, noli credere. Lepido ioco significans, se non daturum. Alter expectabat, futurum ut Cæsar ipse pudori succurreret, ne si cõpertum esset rumorem esse vanum, ipse ludibrio haberetur. Cæsar aliud indicauit remedium: sineret homines loqui quæ vellēt, modò ne ipsi quod erat falsum persuaderent. Macr. l. 2. Satur.

*Idem.*

Præfectura equitum quidam submotus, insuper & salarium ab Augusto postulare est ausus, hoc colore, ut diceret se non lucri causa salarium petere: sed ut tuo, inquit, iudicio videar impetrasse munus, & ita credat non ab officio submotus, sed officium deposuisse. Tu, inquit Augustus, apud omnes prædica te accepisse, ego non negabo. Si nihil mouebat petitorum nisi metus ignominie, via com monstrata est, qua nihilo minus honori suo consulere posset, quam si pecuniam accepisset. Macrob.

*Idem.*

Liuiæ uxori pro quodam Gallo petenti ciuitatem negauit, ac immunitatem obtulit, dicens, se facilius passurum fisco suo detrahi, quam honorem ciuitatis Romæ vulgari, nimirum Reip. dignitatem antefereus priuato commodo. Suet.

*Idem.*

*Idem.*

Cùm miles quidam ab Augusto Cesare impudenter peteret, ac Martianum videret accedentem, quem & ipsum aliquid improbe petiturum suspicabatur: Non magis, inquit, faciam cõmito quod petis, quam quod Martianus à me petiturus est. *Ibid.*

*Fl. Vespasianus.*

Quum quidam è chris ministris munus ab eo pro quodam, quem fratrem esse assimulauerat, peteret, rem distulit, donec ab eo pro quo petebatur, pecuniam extorqueret, quam cum ministro fuerat pãsus. Qua accepta interpellanti ministro vrbatissimè respondit: Alium tibi quære fratrem: hic, quem tuum esse putas, meus est. *Brul. lib. 2. cap. 3.*

*Hadrianus Imp.*

Romæ cùm in spectaculo populus clamore flagitaret, vt aurigam qui placuerat, liberum esse iuberet, per tabellam respondit, Iniquum esse quod peterent. Si enim Seruum alienum libertate donaret, fieret iniuria domino. Dicas hunc abhorruisse ab omni violentia. *Dion.*

*Sigismundus Cæs.*

Infrà de Proditione.

*Alphonfus.*

Eques quidam, Ioannes Calaguritanus nomine, ab hostibus captus, & ab iisdem emissus carcere, Alphonsum regem adiit & in solatium calamitatis multa postulauit ab eo, & impetrauit. Quo digresso, rex dixit ad familiares: Dispeream, inquit, ni metui ne vxorẽ etiam meam depõceret eques meus. *Panormitanus li. 2. de Alphonfi rebus gestis, & Eras. lib. 8. apoph.*

*Idem.*

Alius Eques cùm subinde ab Alphõso Aragonum rege munera peteret, & acciperet, omnia profudit, & alia deinde petiit. Cui rex ait: Si pergam tibi

dare quæ peris, citiùs me pauperem effecero, quàm te diuitem. *Pan. lib. 2. de rebus gest. Alphonfi.*

*Fredericus Cæs.*

Iacobus de Sirck, episcopus Treuerensis, princeps elector, vir industrius, ac magni consilij, sed multum cupidus, & ad extollendam ecclesiæ suæ potentia nimis attentus, Fridericum Cæsarem apud nouam ciuitatem cùm adiisset, & alia atq; alia petens intrasset, sed plura tamen petendo instaret: Si non facis, inquit imperator, petendi finem, ego certè negandi finem faciliè inueniam. Quo dicto perquam lepidò improbum petitorem compescuit. *Æneas Syluius li. 2. Comment. de reb. gest. Alphonfi.*

*Ludouicus Bavaria.*

Albertus marchio Brandenburgensis, cum ex Ludouico seniore Bauariæ duce (quem captiuũ habebat) iniqua petiisset, ac neganti grauiores durioresque carceres minitasset Ludouicus. Quæ poteris (inquit) ex me libero impetrare, eadem modò ex capto petito. Innuit autem, iniusta nec à capto, nec homine libero petèda esse. *Æneas Syl. lib. 3. Comment. de rebus gest. Alphonfi.*

## De philosophiæ vsu & vtilitate.

*Thales.*

**F**acillimam esse dicebat philosopho ditari: idque tali factò probauit. Omnem oleam antequam florescere cœpisset, in agro Milefio cœmit. Animaduertens enim præscientia quadã, oleorum vbertatem fore. Hoc pacto os obturauit iis, qui iactabant, in philosophis paupertatem non esse virtutis, sed necessitatis. *Cicer. lib. 1. de Diuinat.*

*Bion.*

*Bien.*

Cùm malè audiuiſſet, quòd adoleſcentem quendam mollem in diſciplinam non recepiſſet: Tenellus, ait, calcus non attrahitur hamo. Significans pueros delicatulos ad philoſophiæ ſtudia nequaquam eſſe idoneos. Laert. l. 4. c. 7.

*Idem.*

Dicere ſolitus eſt, Quemadmodum proci Penelopes, quoniam cum Penelope commiſceri non potuerunt, cum illius ancillis rem habuerunt: ita qui philoſophiam aſſequi non poſſunt, in aliis triuolis diſciplinis ſemet exercent. Ibid.

*Idem.*

Rhodi cùm Athenienſes darent operam rhetoricis, ipſe philoſophiam docebat. Ob id reprehenſus, ita reſpondit: Triticum aduexi, & hordeum vendo. Sentiens, abſurdum eſſe ab ipſo requiri deteriora, cùm attuliſſet meliora. Nam philoſophia, veluti triticum, cibus eſt hominum: hordeum, equorum. ſimul innuens ſolum philoſophum loqui, rhetores hinnire potius. Ibid.

*Pythagoras.*

Dicebat, vitam humanam eſſe ſimilem pancyri, hoc eſt, ſolenni hominum conuentui, ad quem alii cōueniunt certaturi, alij negotiaturi, nonnulli ſpectatores modò fururi. Ac ceteros quidem omnes eſſe ſollicitos, ſolum ſpectatorem tranquillum frui celebritate. hunc ſpectatorem aiebat eſſe philoſophum, qui non ob aliud in hoc mundi theatro prodieſſet, quàm vt naturas rerum, ac mores hominum contempleretur. Laert. lib. 8. cap. 1.

*Diogenes.*

Negabat illos debiles ac mancos appellandos qui ſurdi eſſent, aut cæci, ſed qui peram non haberent. Luſit autem affinitate vocum, nam *aidmēy*:

Græcis dicitur mancus, aut mutilus: *aidmēy*, qui pera caret. Innuens, opinor, hominem ad omnem viræ functionem inutile eſſe, qui expertus ſit philoſophiæ. Pera enim Cynicorū penus erat. Ibid.

*Idem.*

Suprà de Diſcendi cupiditate.

*Idem.*

Suprà de Animi bonis ac cultu.

*Idem.*

Dicenti cuidam, quem ad ſapientiæ ſtudium horrabatur, Non ſum idoneus philoſophiæ. Quid igitur viuiſ, inquit, ſi tibi nulla rectè viuendi cura eſt? Non enim in hoc viuunt homo, vt viuat tantùm, ſed vt diſcat rectè viuere. Natura dat viuere, philoſophia dat rectè viuere. Natura gignit ad virtutem dociles, doctos non gignit. Laert.

*Idem.*

Suprà de Exilio fortiter ferendo.

*Idem.*

Percontanti, quid lucri caperet ex philoſophia: Vt nihil inquit, aliud, certè hoc, quòd ad omnem fortunam paratus ſum. Laert. lib. 6.

*Idem.*

Aliquando vocatus ad cœnam, negauit ſe venturum: Roganti cauſam: Quoniam, inquit, heri mihi non ſunt actæ gratiæ. Vulgus hominum poſtulat ſibi veluti pro magno beneficio gratias agi, ſi quem admiſerint ad cōuiuium. At Diogenes, licet pauper, exiſtimabat ſibi deberi gratiam quòd non grauaretur intereſſe cōuiuii, quia nuſquam iret aſymbolus, ſed laurius philoſophiæ ſermonibus paſceret cōuiuatores & conuiuarū animos, quàm illi corpus epulis. Laert. lib. 6.

*Idem.*

Suprà de Doctrina & eruditione quæ vt ſemper incolumis eſt, &c.

*Idem.*

Interrogatus à quopiam cuius eſſet? reſpondit, *νομωτονομία*, id eſt, ciuis mundi

mundi: significans, philosophum, ubique locorum agat, in sua patria vivere. Laert. l. 6.

*Idem.*

Dixisse ferrur, quod fortunæ apponeret animi fiduciam, legi naturam, affectibus rationem, eò quod his tribus paratur ac seruetur hominum tranquillitas. Aduersus fortunæ procellas ruetur sapientem animus impavidus, naturam pro lege sequitur cui si repugnet lex, contemnit eam, porro cupiditatum tumultus ratione compefcit.

*Idem.*

Cùm Plato laudaret quendam hoc nomine, quod erga omnes esset humanissimus: Quid, inquit Diogenes, illi tribuendum est, qui tot annos in philosophia versatus, nullum hæcenus affecit dolore? Sentiens, proprium philosophi munus esse, mederi vitis hominum, id autem fieri non posse, nisi metu ac dolore: metu probri, dolore præsentis signominæ. Ibidem.

*Idem.*

Inuitatus ut ad Alexandrum veniret, recusauit. at Perdiccæ præfecto minitanti necem, ni veniret: Nil, inquit, magni feceris, siquidem & cantharis & phalangium idem possunt. Cantharis pusillum est insectum, non dissimile scarabeo, sed præsentaneum habens venenum: phalangium, aranei genus & nocentissimum. Nec dubitauit vicissim minitari Perdiccæ, se feliciter victurum, si sine illo viveret. Indicās, infelices esse, qui cum Perdiccæ viverent. Ibidem.

*Idem.*

In dolio habitans, accessit cum Alexander rex, & hunc in modum ait: Adsumò Diogenes, tibi subuenturus, quandoquidem video te multis egentem. cui Diogenes: Vt nostrum pluribus eger? ego, qui ultra peram & pallium nihil desidero: an tu, qui non

contentus patrio regno, tot periculis temet obiciis, ut latius imperes, adeò ut vix totus orbis tue cupiditati videatur satis futurus? Ibidem.

*Zeno Citius.*

Cùm consulisset oraculum, quonam pacto vitam optimè instituere posset? respondisse fertur: Si concolor fieret mortuis. Ille igitur sentiens se ad veterum incitari lectionem, animum ad philosophiæ studium adiecit. Laert. lib. 7. cap. 1.

*Idem.*

Ascendens in theatrum, cithara canente Amœbeo, versus ad discipulos, dixit: Eamus, ut pernoscamus quam vocem, quémque concentum edant intestina, nerui, lingua, & ossa, quibus adest ratio, numerus & ordo. si in rebus inanimis tantum valent illa, quanta plus valebunt, si in omni hominis vita seruantur? Ibidem lib. 9. cap. 5.

*Idem.*

Negotiator purpuram vehens, naufragium fecit iuxta Pireum, atque hac occasione sese contulit ad philosophiam. Itaque solitus est dicere: Tum bene nauigavi, quum naufragium feci. Alij narrant, eum cùm Athenis esset, audissetque mercatores perisse naufragio, dixisse: Bene facis fortuna, quæ me ad philosophiam (alijs, ad pallium) appellas. Laert. lib. 7. cap. 1.

*Anonymus.*

Adolescens quidam, qui apud Zenonem philosophiæ operam dederat, domum reuersus, cùm à patre inberetur specimen suæ eruditionis edere, ait: Ostendam paulo post quid incrementi fecerim. Verùm cùm nihil diceret, pater iracundus, existimans impendium petiisse, cœpit lotis verberare filium. Eam parentis seueritatem quum æquo animo tulisset, ac rursus efflagitanti patri, ut profectus documentum daret: Hoc, ait, ex philosophia

O o

phia



phia didici, vt possim iram & verbera patris æquo animo perpeti, cum secus faciant alij. Eras. lib. 8. apoph. ex Æliano lib. 9. Var. hist.

*Crates.*

Rogatus, quid illi è philosophiæ studio accessisset emolumenti? respondit,

*Ἐλευν τὸ χορὴν, καὶ τὸ μυστὶς μῆνιν:*  
id est,

*Chœnix lapini, & absque cura viuere.*

Sentiens, se minimo contentum, ob libertatem suauiter viuere. Lac. l. 6. c. 5.

*Idem.*

Rogatus, quoad esset philosophandum? Donec, inquit, exercituum duces qui sunt, videbuntur esse agafones Sentiens opinor, ibi maximè opus esse philosophia, vbi qui populo præsunt, stolidi sunt & indocti: & homines, quibus imperant, habent pro asinis. Ibidem.

*Idem.*

Dicebat, philosopho nulla re opus esse. Eoque pecuniam deposuit apud Trapezitam, hac cōditione, vt si liberi essent idiotæ, traderet eam illis: sin philosophi nummos distribueret in plebem, quod indoctis opus esset pecunia: philosopho, nec opus, nec utilis. Ibid.

*Aristippus.*

Rogatus, quid differrent docti ab indoctis? Quod, inquit, equi domiti ab indomitis. Quemadmodum equus indomitus ad omnem vsum incommodus est ob inscitiam ac ferociam: ita qui rapitur affectibus quos sola domat philosophia, ad omnem vitæ consuetudinem inutilis. Laert. lib. 2. cap. 8.

*Idem.*

Rogatus, quid fructus cepisset ex philosophiæ studio? Quod cum quibuslibet, inquit, liberè loqui possim. Nec enim metuebat potentes, nec fastidiebat humiles. Quoniam animum habebat spe pariter ac metu liberum,

nemini seruiebat, neque cuiquam assentabatur. Ibid.

*Idem.*

Iussus est aliquando è sua philosophia nonnihil dicere, cumq; detractatē vrgeret Dionysius: Ridiculum, inquit, siquidem me vt de philosophia loquar, rogas, & quando oporteat loqui ipse me doces. Sensit, hoc ipsum esse philosophi, scire quādo loquendum sit, quando tacendum, at qui petit vt audiat aliquid ex philosophia, declarat se philosophiam à philosopho velle discere. rursus qui cogit ad loquendum, is videtur ipso philosopho doctior, vt qui melius norit loquendi tempus, quā philosophus ipse. Ibid.

*Idem.*

Aristippus percontanti Dionysio, quid eximium haberent philosophi præ ceteris hominibus? Vt, inquit, etiam si omnes leges aboleantur, tamen æqualiter victuri simus. Vulgus legum præscriptis arcetur à peccādo: Philosophus rationem habet pro legibus, nō ideo quod rectum est faciens, quia lex iussit: nec à scelere temperās, quia lex vetuit: sed quia nouit illud per se rectum esse, hoc per se turpe. Ibid.

*Idem.*

Percontanti Dionysio quid fieret, vt philosophi diuitum limina tererent, non contrā? Quoniam, inquit, philosophi norūt quibus egeant, illi nesciūt. Philosophi sciunt absq; pecunia viui non posse: itaq; petunt ab eis qui quod opus est dare possunt. Quod si diuites æquè intelligerent se egere sapientia, multo magis tererent philosophorum limina. Miserior enim est egestas animi quā corporis: atq; hoc miserius egeni sunt diuites, quod non intelligant, quā preciosa, quāque necessaria re careant. Ibid.

*Idem.*

Petiit talentum à Dionysio, quumque

que rex redarguendi nactus occasi-  
onem, diceret, Nónne tu prædicabas  
philosophum non egere? Da, inquit  
& postea de hoc disputabimus. Cùm  
accepisset pecuniam: Annon, inquit,  
rectè dixi, philosophum non egere?  
Non eget, qui quum opus est, habet  
vnde accipiat. *Ibid.*

*Idem.*

Quidam multa debaccharus in phi-  
losophos, etiam hoc adiecit, quòd con-  
spiceret illos semper obsidere fores  
diuitum, cui Aristippus: Et medici,  
ægotantium domos frequentant, ne-  
moramen ægrotus esse mallet quàm  
medicus. Scitè retorsit conuiuium.  
Philosophi prædicant felicitatem quã  
vniuersi vendicant: & tamen assiduè  
versantur apud diuites: aliquid  
venantes ab aliis, vnde colligebat, di-  
uites esse beatiore quàm philoso-  
phos. Sed ille interpretatus est, philo-  
sophos ideo potissimum colere diui-  
tes, quòd ob luxum ac delicias cæte-  
ris mortalibus & stultiores & corrup-  
tiores magis egerent præceptis sapi-  
entiz, philosophus autem animorum  
malè habentium medicus est. Porro  
beatius est esse medicum, quàm ægro-  
tum. *Laert. lib. 2. cap. 8.*

*Idem.*

In Asia comprehensus est ab Atta-  
pherne satrapa. Id temporis quum  
quidam eum interrogaret, num & illic  
haberet solitam animi fiduciam: Inep-  
te, inquit, quasi vnquam fuerim fiden-  
tiori animo quàm nunc, alloquitur  
Attaphernem. Nimirum hoc illi præ-  
stabat philosophia, ne quem hominem  
metueret, sed cum omnibus liberè  
ageret. *Ibidem.*

*Idem.*

Orator quidam Aristippum reum  
descendit in iudicio, vicitque litem. Is  
cum velut artem suam præferēs phi-  
losophiæ, diceret, Quid tibi profuit

Socrates, Aristippe? Hoc inquit, quòd  
oratio quam pro me dixisti, vera fuit.  
Defenderat vt virum bonum & inno-  
centem. Vt autem talis esset, qualis ab  
oratore prædicabatur, Socrates præ-  
stiterat, à quo philosophiam didicit.  
Orator non id efficit vt quis sit vir bo-  
nus: sed vt talis videatur iudicibus,  
etiam si non sit. Præstantius igitur est  
quod præstat philosophus, quàm quod  
orator. *Ibid.*

*Idem.*

Cuidam exprobranti, quòd in pro-  
pria causa oratore conductio fuisset  
vsus: Nil mirum, inquit, & cœnâ appa-  
raturus coquum conduco. Alter vide-  
ri volebat, ob hoc oratorem præstanti-  
orem philosopho, quòd eius operam  
cōduceret, ille retorsit in diuersum, in-  
nuens, inferiorem esse qui conducitur:  
oratoris enim munus inferius est, quàm  
vt philosopho conueniat. *Ibid.*

*Idem.*

Eos qui liberalibus imbuti discipli-  
nis philosophiam negligerent, dicebat  
esse similes procis Penelopes: quòd hi  
cùm Melanthæ & Polydora ancillis  
rem habuerint, & omnia potius se ha-  
bituros sperauerint, quàm dominæ nup-  
tias. Sensit, liberales disciplinas esse ve-  
lut pedissequas philosophiæ morales,  
quæ cum primis sit adhibenda, & cu-  
ius gratia reliqua discuntur omnia.  
Simile quiddam dixisse fertur & Aristò  
de Vlyssæ, qui quum descendisset ad  
inferos, ait illum cum omnibus ferè  
manibus fuisse colloquutum, cùm ip-  
sam reginam ne videre quidem pōtue-  
rit. *Laert. lib. 2. cap. 8.*

*Antisthenes.*

Suprà, de doctrina & eruditione.

*Idem.*

Suprà, de eo quòd conuictis malo-  
rum non semper obfit.

*Socrates.*

Physiognomon Zopyrus, qui se pro-  
fitebatur

sicbatur ex habitu corporis & oris lineamentis posse hominis ingenium certo deprehendere, inspecto Socrate pronuntiavit, illum esse hominem bardum ac stupidum, tum mulierosum, ac puerorum amorib. impurum, vinolentum, & intemperantem. Quam amici vehementer indignati minarentur homini, Socrates illos cohibuit, dicens: Nihil, inquit, mentitus est: omnino talis eram futurus, nisi me philosophiæ gubernandum tradidisset. Erasmi. lib. 3. apoph. ex Cicer. 3. Tusc. quæst.

*Plato.*

Tum demum bene cum rebus humanis agi dicere solebat, quando vel philosophi regnarent, vel reges philosopharentur. Polybius lib. 12. Hist.

*Timotheus Cononis F.*

Quum floreret omnino rebus secundis, & facillimè vrbes caperet, se felicem ac beatum esse prædicabat. Verum cum in Platonem philosophum fortè incidisset, hominemque philosophantem diu audiuisset omnia contemnens, in quibus felicitatem consistere, vana opinione ductus, putauerat, proclamasse dicitur post Platonis disputationem: O vitam verè beatam ac felicem? Audiuit Platonem differenter non de diuitiis, non de trirēibus, aut nauticis rebus, neque de supplementis, aut quemadmodum auxilium esset ferendum, nec de tributo sociorum, siue insularis, neque de similibus nugis ac neniis: sed de illis quæ profitebatur Plato, quibus veram felicitatem (contemptis omnibus) ascribebat. Ælian. li. 2. de Var. hist.

*Aristoteles.*

Percontanti, quid lucri cepisset ex philosophia? Vt ea, inquit, nullo impetrante faciam, quæ vulgus facit metu legum. Idiota à furto abstinere quia lex minatur pœnam: philosophus absti-

net, quia per se turpe est, etiam si liceat impunè. Laer. libro 5. cap. 1.

*Ariston*

\* Eos qui mathematicis disciplinis vacarent, neglecta philosophia, similes esse aiebat proci Penelopes: qui cum ipsa potiri non possent ad ancillas eius se conuertebant. Plut. l. de virtute morali. Idem dictum est à Bione & Aristippo.

*Lacones.*

Lacedæmonij literas quidem disciebant ad usum, cæteras verò disciplinas exoticas eiiciebant: nec minus homines harum professores, quam ipsos libros. Hæc autem erat illorum eruditio, bene parere magistratibus, patientem esse laborum, & in prælio aut vincere aut mori. Hoc animo fuerunt olim & Romanorum quidam, qui philosophos Græcos vrbe populè, quod curiosis disciplinis auerteret iuuentutem ad otium & ignauiam, redderentque ad differendum quidem instructos, ad agenda verò reipublicæ munia inutiles. Quid illi dixissent, si sophistarum gryphos, si nominalium & realium frigidissimas argutias audissent. Erasmi ex Plut. in Lacon.

*Demonax.*

Rogatus à sophista quopiam. Quod viaticum attulisset ad philosophiam? Admodum Cynicè respondit, *ἀπὸ τοῦ* id est, testes significans, se nudum accessisse. Erasmi. 8. apoph.

*Idem.*

\* Indoctos, tanquam pisces captos, dum trahuntur, filere dicebat. Ant. & Max. ser. de disciplina & philosophia.

*Hieron.*

\* Interrogatus, quid esset à philosophia adiutus? respondit, vt libenter & iniussus faciam quæ cæteri legum metu faciunt. Eod. ser.

*Dionysius iunior.*

Posteaquam regno fuit expulsus, cuidam

cuidam dicenti, Quid tibi Plato & philosophia profuit? Vt tantam, inquit, fortunæ mutationem facillè feram, Neque enim sibi manus admo- uir, quod alij solent: sed Corinthi lu- dum literarium aperuit. Plut.

*Demetrius Phal.*

Cùm exularet, ac Thebis inglorius humilisque viueret, audissetque Cra- rem philosophum, qui ipsum inui- seret, multa placidè prudentèrque de moderatè ferendo exilio differentem. Malè sit, inquit, negotiis & occupatio- nibus, per quas hætenus talem virum non licuit cognoscere. Laertius libr. 5. cap. 5.

*Philippus.*

Alexandrum filium hortabatur, vt auscultaret Aristoteli, cui traditus erat instituendus, darètque operam philosophiæ: Ne, inquit, multa com- mittas, quæ me fecisse nunc poeni- ter. Perspexit egregius princeps, ne- minem philosophiæ expertem regno idoneum esse, nec pudit fateri, se mul- ta per errorem fecisse perperam, quòd à teneris vnguiculis philosophiæ præ- ceptis non fuisset imbutus. Nam qui experimentis discunt administrare regnum, licet ingenio felicissimo nati sint, tamen & seriò & magno Reipubl. malo tandem euadunt boni reges. At qui philosophiæ præceptis præmuni- tus accedit, si adsit mens integra, vix poterit ab honesto deflectere. Plut. in apoph. reg. & imp.

*Alexander.*

Cùm esset Corinthi, adiit Diogenem præ dolio sedentem, cùmque eo multa collocutus est: à quo digressus, indig- nantibus amicis, quòd rex illi cani tã- tum habuisset honoris, qui tanto prin- cipi nec assurgere dignaretur: Imò, in- quit, ni Alexander essem, Diogenes es- se vellem. Adeò demiratus est animù illum liberum, ac rebus humanis om-

nibus superiorem, vt nihil regno simi- lus esse iudicaret. Præcipua reguin felicitas est quòd nulli seruiunt: sed quicquid volunt, facillè efficiunt: tom quòd nullius egeant, atqui hoc ipsum homini præstat philosophia multò ve- rius, quàm regnum monarchis. Quan- quam Alexandrum esse, Alexander maius quiddam existimabat quàm re- gem esse. Laert. lib. 6.

*Polycletus.*

Dicere solebat, eorum opificum es- se molestissimum, quibuscunq; lutum perueniret ad vngues. Plastas opinor, ac figulos notans. Admonuit autem, eas artes exercendas, vnde non con- spurcarentur opifex. Tale nimirum est philosophiæ studium. Eras. lib. 6. cap. 6.

## De philosophis.

*Zeno Cittius.*

**D**icebat plerosque philosophos in multis *ἀπορίας* *ἔσθαι*, id est, non sape- re: sed in fortuitis vulgaribusq; rebus esse imperitos, & adiciebat illud Sca- pheï, qui cùm animaduerneret quen- dam è discipulis vehementer inflatum percusso illo dixit: Bonum non est in magno, sed in bono est magnum: *ἡ ἐν τῷ μεγάλῳ τὸ εὖ καὶ τὸ δὲ ἐν τῷ εὖ τὸ μέγα*. Magnum enim est, quicquid rectè sit: at non statim bonum est, quod mag- num. Laert. lib. 7. cap. 1.

*Aristippus.*

Postquam Aristippus magnam pe- cuniarum vim sibi cõparasset, & admi- ratas Socrates diceret, vnde tibi tam multa? Vnde, inquit, tibi tam pauca? Non enim minus admirandum arbi- trabatur, quod Socrates tantus phi- losophus, & qui tãtos haberet amicos, pauper esset, quàm quòd ipse diues. Idè.

*Idem.*

Interrogatus, cur sic ipsum argue- ret Dionysius? Eandem, inquit, ob

Oo 3 causam,



causam, ob quam cæteri. Significans, philosophi libertatem omnibus esse molestam. Laert. lib. 2. cap. 8.

*Diogenes.*

Cuidam procaciter interroganti, cur quum nihil sciret, se philosophum profiteretur? Si philosophum, inquit, simulo, hoc ipsum est philosophari. Subnotans philosophiam rem esse usque adeo difficilem, ut eam vel simulare, magna sit philosophiæ pars. Quemadmodum multum regis habet, qui scire regis personam possit gerere. Et qui simulat, imitatur: at imitari philosophos est philosophari, hoc est, philosophiæ studium esse. Laert. lib. 6.

*Idem.*

Suprà de Morte contemnenda.

*Idem.*

Quodam die cum populus theatrum ingrederetur, ipse aduersus populum nitens ingrediebatur, interrogatus, cur id faceret? Hoc, inquit, in omni vita facere studeo. Sentiens, hoc esse philosophari, in omnibus actionibus quam maximè à multitudine dissidere: propterea quod vulgus hominum cupiditatibus agitur, non ratione. Laert. lib. 6.

*Idem.*

Percontanti, cur cæteris mendicis benignè largirentur homines, philosophis non item: Quoniam, inquit, sperant citius futurum ut claudi, cæcive fiant, quam philosophi. Qui miserentur afflictorum, quales ferè sunt medici, faciunt hoc contemplatione communis hominum sortis: ita cæco opitulantur, cogitantes, hoc ipsum mihi poterit accidere: de philosopho non item cogitant. Dictum festiuius est, ob abusum verbi, sperant, ut philosophus fias, sperari potest: cæcitatem aut claudicationem nemo sperat. Laert.

*Idem.*

Interrogatus an philosophi placen-

tis vescerentur? Omnibus, inquit, ut cæteri homines. Rursus hic aliud respondit, quam interrogatur. Quærebat percontator, an conueniret philosophis, frugalitatem profitentibus, vesci placentis, cibis delicatorum? Diogenes *εὐφρων* ita respondit, quasi philosophi non essent homines, & tamen vescerentur cibis humanis, Si quidem animalia bruta non vescuntur quibuslibet: bos comedit scænum, canis nequaquam, aues amant frondes salicû, equi auenam. Quædam aues pascuntur granis iuniperi, quædam carnivoræ sunt, quædam vescuntur piscibus, Huc allusit Diogenes. Ibidem.

*Demonax.*

A quodam interrogatus, cuiusnam sectæ philosophus esset? Quis, inquit, tibi dixi me philosophum esse? & fieri dens abiuit. Sed cum iterum rogaretur, cur risisset? respondit: Cur non riderem, cum tu me ex barba philosophum esse iudicas, ipse autem barbam non habes? Eras. lib. 8. apoph.

*Epictetus.*

Eos qui barba & pallio, verbisq; magnificis philosophos agebant, dicere solebat esse philosophos *ἀπὸ τοῦ μεγάλου, μήχρη τοῦ λίγην*: id est, factis procul, verbis tenus. Gellius lib. 17. cap. 19.

## De physiognomia.

*Zeno Cissius.*

VIdens adolescentem: Animi tui vestigia, inquit, satis explorata sunt mihi. Notans hominis lasciuiam, in Græco autem plusculum est gratiæ: *δυμὸς* enim non tantum animum significat, sed animi etiam concitationes. Laert. lib. 7. cap. 1.

*Diogenes.*

Interrogatus de quodam adolescente, qualis videretur? Arcadem esse respondit.

spondit. Siue significans, illum esse stupido ingenio : siue, vt eruditi quidam malunt, mollem & pathicum, quòd Arcades feruntur glandibus vitare, teste epigrammate,

Πολοὶ ἐν ἀρχαῖα βαλόντες αἰδοῖτο  
ἵλασθαι.

Glans autem apud Latinos interdum obscenam habet significationē. Eras. Rot. lib. 8. apoph.

*Socrates.*

Suprà de Philosophiæ usu & vtilit.

*Stratonicius.*

Stratonicius musicus cùm esset Pellex, & in puteum descendisset, rogauit, num esset aqua potabilis : cùm dixissent, qui aquam hauriebant, Nos istam bibimus : Non est igitur, inquit, potabilis, quòd illos videret pallidos, luridosque. Nam id interpretabatur malæ valetudinis argumentum, quam ex aqua contraxerant. Athen.

*Cleanthes.*

Homini mores ex conspectu deprehendi posse dicebat. Verùm cùm philosophum (qui hoc audierant) cuperent, hominem cinædum, sed multis laboribus ab incunte ætate exercitatum adducunt, vt artis suæ specimen ederet. Cleanthes igitur, cùm hominis faciem, item manus callosas, & sole adustas vidisset, & aliquandiu siluisset, iussit hominem abire foras. Ille cū discederet, sternutamento concussus est, Quo audiō, Cleanthes ait, Satis naturam hominis intelligo, mollis est. Non enim faciliè sternutant, qui sub dio laborant. Laert. lib. 7. cap. 2.

*Anonymus.*

Chalcidensis quidam, qui cum Orobazō descendere, Syllæ vultum sæpius cōtemplatus, & ingenium motūque corporis inspicies : Necessè est, ait, hunc fieri magnum virum, minorque quòd omnium adhuc primus non sit. Plutarchus.

## De pictura & pictoribus.

*Diogenes.*

Conspiciens duos centauros pugnantes in tabula pessimè pictos Vter, inquit horum deterior est : Notans pictoris imperitiā : quasi dubitaret vter esset deterius pictus. vsus est autem voce ambigua. nam χείρ & peior dicitur & in pugna inferior. Laertius lib. 6. Brus. lib. 5. cap. 23.

*Anonymus.*

Quidam conspecta tabula, quæ picturam habebat quomodo Lacedæmonij trucidarentur ab Atheniēsis, dixit Fortes Athenienses. Id Lacon audiens, subiecit in tabula. Significans ridiculū esse de pictura gloriari, quòd ea non minus mentiri soleat, quàm poetæ. Plut. in Lacon.

*Apelles.*

Videns tabulam à Protogene pictam quàm Demetrius in bello seruauit de precantibus Rhodiis, aliquandiu præ stupore tacitus eam est contemplatus, tandem in hanc vocem erupit : Ingens labor, ac mirandum opus : desunt tamen Gratiæ, quæ hoc aliq; eiusdem auferant, atque in cælo reponant. eam tabulam Protogenes nondum absoluerat. Eras. lib. 6. apoph.

*Idem.*

Tempestatibus vi Alexandriam delatus, quidam eius æmuli subornarunt planum, hoc est scurræ regium, qui eum vocaret ad cœnā. Is non suspicans dolum, venit. At quum rex, qui illi erat infensus, indignaretur, & ostensis vocatoribus iuberet indicari à quo vocatus esset : Apelles arrepto carbone extincto foculo, imaginem delineauit in pariete, vt rex protinus ex inchoato opere agnosceret planum suum. Eadem opera & artis suæ & ciuitatis suæ specimen dedit. Sit hoc, si

libet, apophthegma mutum. Brusi. 5. cap. 5. ex Plin. & Luciano.

*Idem.*

Alexandrum Fulminiferum pinxit, aded expressè diceretur : deorum Alexandrorum, alterum philippi nullis viribus vincibilem, alterum Apellis nullo artificio imitabilem. Brusi. ex Plutarcho.

*Idem.*

Suprà de ignoscentia.

*Anonymus.*

Pictor quidam interrogatus, quem habuisset artis magistrum? digito populum ostendit. Sentiens, se ad multitudinis iudicium pingere : & obseruantem, quid quisque probaret, aut improbarer, artem fuisse cōsequutum. Idem ab Apelle factitatum legimus, qui post tabulam latitans, subauscultabat spectatorum censuras. Eras. li. 8. apoph.

*Zeuxis.*

Certamen artis exercuit cum Parrhasio. Quum enim Zeuxis tam scitè effinxisset vuas, vt in scenam aues aduolarent, Parrhasius detulit linteum pictum, ita veritate repræsentata, vt Zeuxis alitum iudicio tumens, flagitaret, tandem remoto linteo ostendit picturam. Mox intellecto errore: Vicisti, inquit, Parrhasi. Nam ego aues fexelli: tu artificem. Brusi. libr. 5. capite 23. ex Plinio.

*Idem.*

Postea pinxit puerum vuas ferentem, ad quas quum aues aduolassent processit iratus operi : Vuas, inquit melius pinxi quàm puerum. Nam si hoc consummassem, aues puerum timere debuerant. Ingenuitatis exemplum. At aues viderunt in puero nulum esse motum : itaq; aut mortuum aut dormientem arbitratæ sunt. Plin.

*Idem.*

Agatharcho se laudante quòd ani-

malia facilè celeritèq; pingeret, damnans celeritatem : Ego verò, inquit, diu, Plin.

*Protogenes & Apelles.*

Protogenes Rhodi viuebat. Eo Apelles videndi eius gratia profectus est : continuòq; petit officinam, in qua tabulam magnæ amplitudinis in machina aptaram picturæ, anicula quadam custodiebat. Ea Protogenem negauit esse domi, rogauitq; à quo quæsitum diceret reuerio? Ab hoc, inquit Apelles : arreptòq; peniculo, lineam ex colore duxit summæ tenuitatis, per tabulam. Reuerso Protogeni, quæ gesta erant anus iudicauit. Ac lineam ille contemplatus, continuò dixit. Profectò Apelles Rhodū venit: nec enim in alium cadit tam absolutum opus. Mox induxit alio colore lineam illa subtiliorem : anuq; mandauit, vt si rediret hospes, diceret ostensa linea hic est quem quæris. Reuersus Apelles, & vinci erubescens, tertio colore lineas secuit, nullum relinquens amplius subtilitati locum. Protogenes victum se confessus, in portum deuolat, hospitem quærit, domumq; ducit victus victorem. Ex minimo vestigio artifex agnoscit artificem. Plin.

*Demetrius.*

Quum Rhodum obsideret, & in suburbio cœpisset tabulam quādam, Protogenis clarissimi pictoris opus, in qua pinxerat Ialysum, id est Bacchum, Rhodiis per caduceatores obsecrantibus vt tabulæ parceret, respondit: Se citius patris imagines quàm eam picturam aboliturum. Tantū honoris habuit arti rex. Plut. in Demetrio.

*Lasus.*

Suprà de liberè dictis & loquendi fiducia.

*Anonymus.*

Romæ in foro pendeat tabula quædam, habens imaginem pastoris vetulicū

cum pedo. de hac Teutonū orator rogatus, quāti eam aestimaret? satis Germanicē respondit, se nolle sibi dono dari talem viuū ac verum. Barbarus nō agnouit artificium, tantū spectabat formam. Atqui quæ natura deformia sunt, plus habent & artis & voluptatis in tabula. Eras. lib. 8. apoph.

*Nealces.*

Arato destinanti tyrannorum communi odio abolere tabulam insignis artificij, quæ Aristratum in curru victorem habebat: Nealces supplex intercessit, vt opus incolume seruaretur, dicens, cum tyrannis, non cum tyrannorum imaginibus belligerandum esse. Eras. lib. 6. apoph.

### De pigritia, ignauia, atque desidia.

*Themistocles.*

Pigritiam hominis viui sepulturam vocauit, qui cum expletis centum & septem annis se mori videret, dixisse fertur, se plurimum dolere, quod de vita tunc egrederetur, quando sapere cœpisset. Plut.

*Democritus.*

\* Perpetuam cunctationem actiones imperfectas reddere dicebat. Stob. serm. de assiduitate.

*Eusebius Philosophus.*

\* Ignauia, inquit, corpus tabefacit, animam socordia. Exercitatio verò ad speciem Deo simillimam, ipsam euehit. Stob. serm. de Otio.

*Anaxarchus.*

\* Dicebat, si quis alterū auderet imprecantē sibi manus & pedes inutiles, iratū illi proculdubio fore: diuites autem cum re ipsa manus suas pedēsque faciant inutiles, interim ob hoc ipsum se beatos existimare. eod. serm.

*Vide apoph. de Assiduitate, diligentia, labore & otio.*

### De podagra.

*Anaxarchus.*

Dicebat, si quis alterum auderet imprecantē sibi manus & pedes inutiles, iratū illi proculdubio fore. Diuites autem, cum re ipsa manus suas pedēsque faciant inutiles, interim ob hoc ipsum se beatos existimare. Notauit autem vir prudentissimus, eos qui ex otio variisque delitiis podagram sibi ipsis parant. Stob. ser. 28. de Otio.

*Publius Syrus.*

Cum esset orta iocosa quæstio, quodnam esset molestum otium, & alius aliud opinaretur, respondit, podagra. Otium vt rem suauissimam expectunt omnes, sed otium podagrici cum summo cruciatu coniunctum est. Pontanus. Eras. lib. 6. apoph.

*Cicero.*

Cicero in Vatium, qui cum pedibus æger esset, volebat tamen videri commodioris valetudinis factus, dicebatq; iam se bina millia passuum ambulare, Dies enim, inquit, longiores sunt. Hoc Fabius tribuit Ciceroni. Macrobius libro 2. cap. 4. Saturn. Augusto. Narratur & hodie quiddam non minus facetum, si modò accederet vetustatis commendatio. Miles quidam in conuiuio iactabat sibi balistam esse, quæ iaculum excuteret ad spatium nulli credibile. Reclamantibus conuiuiis omnibus, affirmabat famulum suum id vidisse factum. Accersito famulo, percontatus est illum, an nō ipse vidisset quod narraret: Tum famulus, Verum, inquit, narras, here, sed tum vento secundo miseras sagittam. Eras. Roterod. lib. 4. apoph.

*Alphonsus.*

Interrogatus, cur podagrici loquaciores cæteris essent? respondit, podagricos



gricos pedum vitio afflicto, ambulare non posse: ideoque lingua, velut ambulatione quadam, eos crebrius uti sole-re. Panor. lib. 3. de reb. gest. Alphonfi.

*Pet. Fundanus.*

Audiens quendam familiarem de pedum dolore ciulatus emittere, nec posse illos compescere, accurrit ad clamores: Ecquid, inquit, alij de itinere queruntur assiduo, laboribusque quam plurimis: de perpetua negotiorum inquietudine alij: tu de quiete quereris atque otio: quod si tibi molestum est, exurge parum, & peregre proficiscere. Pontanus.

## De poena malis infligenda.

*Socrates.*

**C**ivitates optimè gubernari dicuntur, cum iniusti dant poenas. Plato lib. 2. de legibus.

*Solon.*

Percontatus, Quid magis ad reipub. salutem prodesset? respondit: Si boni præmiis inuitantur, mali autem poenis coercentur. Cicer. ad Brutum. & Stob. ferm. 41.

*Idem.*

Interrogatus, quam ratione nullum in urbe scelus perpetraretur? dixit: Si tam indignarentur illi, quibus non est facta iniuria, quam quibus facta est. Sensit autem vir prudentissimus, tum demum saluam esse rempublicam, cum qui boni viri sunt, malos poenis coercent, ne insontes afficiant contumelia. Stob. ser. 41.

*Antisthenes.*

Suprà de Honore virtutis præmio.

*Pythagoras.*

Civitatum optimam esse dixit, quæ postquam malos poenis coaceret, viuos tantum bonos admitteret. Stob. ferm. 41.

*Theophrastus.*

Sciscitatus, quidnam vitam humanam conferuaret? respondit: Beneficentia, honor & poena. Stob. 41.

*Lycurgus.*

Dicere solitus est, Duabus potissimum rebus contineri Rempublicam: Præmio scilicet & poena. Quo dicto eam demum Rempublicam saluam esse putavit, in qua boni præmiis inuitantur, flagitiosi verò poenis afficiuntur. Cicer. in epist. ad Brutum, & Eras. lib. 1. apoph.

*Lysander.*

Rogatus, quam rempublic. maximè probaret? Eam, inquit, in qua fortibus viris ac malis congrua redduntur. Quo dicto ostendere voluit, eam rempublicam probandam esse, in qua boni præmiis ornantur, mali autè poenis damnantur. Plut. in Lacon.

*Agessipolis Cleombroti F.*

Quum quispiam ei dixisset ipsum cum æqualibus obsidem fuisse, filios verò, eorumque vxores minimè: Merito, inquit, decet enim nos nostra peccata nostrasque poenas ferre. Brut. lib. 5. cap. 12. ex Plut.

*Anonymus.*

Chius quidam ira contra seruum incensus: Non, inquit, in pistrinum ego te detrudam, sed Olympiam ducam. Rectè autem ille putabat, multo durius esse supplicium, si Olympiæ in conspectu à radiis solaribus coqueretur, quam si in molam ad molendum dederetur. Ælian. lib. 14. de Var. hist.

*M. Cato.*

Dicebat, se omnibus peccantibus ignoscere, præterquam sibi ipsi. Multum dissimilis illi Meuius, qui carpens alios, sibi condonabat omnia. Sibi ignoscit, quem non poeniret admissi: de se poenas sumit, qui cura pensat, quod incogitantia commissum est. Plut. in apoph.

*Idem.*

*Idem.*

Frequenter dicere solebat, se malle pro collato beneficio nullā reportare gratiam, quā pro maleficio perpetrato non dare pœnam. Significans, nil esse magis perniciosum quā si improborum mores pœna nō coerceantur. Plut. in apoph. & Eras. l. 5. apoph.

*Idem.*

Solitus est dicere, iniuriam etiam si facienti nihil adferat periculi, vniuersis tamen periculosam esse. Quid aliud dicere voluit, quā pœnam delicti non negligendam esse, ne ex vnius iniuria multi porro cōtumeliis afficiantur ab improbis? Plut. in Rom. apoph.

*Idem.*

Præterea dicebat, eos magistratus qui maleficos pœnis non coacerent, non tantum non ferendos, sed lapidibus obruendos esse, ne ex pœnæ neglectu salus reipublicæ labeficeret. Plut. eodem loco.

*Alphonfus.*

Cum equitem luxuriosum, & bonorum suorum decoctorem punire vellet, quibusdam à rege obnixè petentibus, ne in corpus lueret debita, quæ ille plurima per luxum libidinēque contraxerat: respondit, Equitem hunc neque sui regis gratia, neque patriæ commodo, neque propinquorum & amicorum ære alieno suscepto tam grande patrimonium profudisse, sed omnem suam substantiam corpori indulsisse. In corpore igitur luere æquius esse, ut pœna malefactoris ex æquo respondeat. Panormit. lib. 1. de rebus ab Alphonso rege gestis.

*Manes.*

Manes Florentius cum meretrice deprehensus, cum pro more in perpetuam facti ignominia (nam in Anglia, qui extra matrimonium mulieribus commiscantur, in conspectu populi re-tentis tantum sæmoralibus, nudi ec-

clesiam circumire cogebantur) exue-retur à sacerdotibus, sœmoralit tan-tum concessio, omni parte nudus esse voluit, verum cum interrogaretur, an non pueret coram virginibus, mulie-ribus, omnique populo virilia osten-tare? Minime, inquit, gentium. Nam pudenda hæc, quæ peccauerunt, ea po-tissimum dare pœnas decet. Aeneas Syluius lib. 1. de dictis & factis Alphonfi. *Vide suprà, de disciplina & Impunitate.*

## De pœna mitigata.

*Alexander.*

**Q**Uum Græci qui apud hostes sti-pendium faciebant, venissent in potestatem Alexandri, Athenienses quidem iussit Alexander in compedi-bus seruari: quod quum ex publico sti-pendium haberent, tamē apud hostes meruissent. similiter & Thessalos, quod regionem optimam nacti, non eam co-lerent. Thebanos verò dimisit dicens: His per nos nihil est reliquum, neque ciuitas, neque agri. Ita moderatus est pœnam, ut mortem commertis non indiceret, nisi vincula: & culpam eo-rum qui necessitatem excusare pote-rant, in se transtulit. Plut. in apoph.

*Sylla.*

Milites in bello sociali quum Albi-num virum prætorium fustibus mactas-sent, Sylla tam atrox facinus impuni-tum reliquit, dicens, se illis posthæc promptioribus vsurum in præliis, dum peccatum, fortiter gerendo rem, stu-debunt pensare. Plut. in Sylla.

*M. Cato.*

Cato ipso die comitiorum quen-dam è sponforibus damnauit, ac pec-uniam illi traditam in alium tran-stulit. At populus admiratus Catonis iustitiam, damnato penam remisit, dicens satis dedisse pœnarum, quod à Catone

Catone damnatus esset. Erasmi. Rot.  
lib. 5. apoph.

*Fronto.*

Suprà de Indulgētia & impunitate.

*Huc refer apoph. de Clementia, Humanitate, Indulgentia, Venia, &c.*

## Depœnitentia.

*Pausanias.*

**C**Um in conuiuio quodam Simoni-  
dem philosophum orasset, vt ali-  
quid ex sapientiæ arcanis in medium  
adferret: Simonides dixisse fertur,  
Memento te hominem esse. Sed Pau-  
sanius in summa tum felicitate consti-  
tutus, non magnopere philosophi di-  
ctum curauit. Cum verò postea in  
Chalceœco cū fame luctaretur, iam-  
que mortem omnium miserrimam ob  
oculos videret, magna voce exclama-  
se fertur: ô Cee hospes, magnū quid-  
dam in sermone tuo inerat: ego verò  
inani persuasione sum adductus, vt  
eum nullius momenti putarem. Ælia-  
nus lib. 9. de Var. hist.

*Isæus soph.*

Isæus sophista cū primos pueri-  
tiz suæ annos in omnibus voluptari-  
bus contriuiisset, vir factus in melius  
vitam instituit. Cum igitur fortè cum  
amico deambulasset, qui ei formosam  
ostenderet puellam, interrogassetque  
vtrum formosa videretur? respondit  
Isæus: Nihil hîc iudico, quandoqui-  
dem desij laborare ab oculis. Philo-  
stratus in sophist.

*Theodosius Imp.*

Dicere solebat, Nihil esse noui, si  
quis homo cū sit, è vita excedat.  
Vnius autem Dei esse, eum qui se-  
mel mortuus sit, per pœnitentiam  
ad vitam reuocare. Nicephorus Cal-  
list. libro 14. cap. 3. Ecclesiasticarum  
histôr.

## De poesi.

*Gorgias.*

**D**icebat, tragediam esse deceptio-  
nem, qua qui alterum decepisset  
iustior esset eo qui non decepisset: &  
qui deceptus esset, sapientior foret eo  
qui nō esset deceptus. Fallit enim tra-  
gœdia tractans argumenta conficta,  
sed adeò scitè, vt vera credatur. Iustior  
autem ille videtur, qui fallendo pro-  
dest: & sapientior est, qui per fictas fa-  
bulas discit quid sit turpe: quid sit ho-  
nestum. Plutarch. de poetis audiendis,

*Lacones.*

Nec comœdias nec tragœdias poë-  
tarū audiebant, vtpote in quibus con-  
tra omnes leges, stupra, incestū, adul-  
teria, iniurias, furta: cæteraq; flagitia  
exprimantur. Nec placuit his quorun-  
dā excusatio, qui fabulas ad voluptatē  
fingi, non ad fidem veri, dicunt: cū  
hec voluptas imbecillum animos cor-  
rumpat. Hanc ob causam Archilocum  
poëtam cum venisset Lacedæmonem,  
ea hora expulerunt: quod intellexe-  
rant ab illo scriptum, satius esse abiice-  
re arma, quàm mori. Plur. in Lacon.

*Anonymus.*

Lacedæmonius quidam percon-  
tanti, quid ipsi videretur Tyrteus poë-  
ta? Bonus, inquit, ad deprauandos iu-  
uenum animos. Quemadmodum Pla-  
to iudicabat Homeri poësim inutilem  
esse reipub. qualem instituere volebat:  
ita Lacedæmonij nō recipiebant poë-  
tas, qui blanda scriberēt potius quàm  
salubria. Plur. in Lac.

*Cleomenes.*

Suprà de Lëctionis delectu.

*Demonax.*

Admeto poëta insulso, iactanti epi-  
gramma monostichon, quod testa-  
mento mandasset suæ addendum sta-  
tutæ, carmen erat,

*Corpus*

*Corpus humi regitur, Admetus ad astra volans.*

Respondit, aded sibi placere carmen, vt magno emptum cuperet, si iam nunc esset ascriptum. Tectè optans illi mortem, qui vita erat indignus. Eras. lib.8.apoph.

*Pansanias Cleombroti F.*

Interrogatus, cur Tyrtæum poëtam Spartæ ciuem fecisset? Ne quis, inquit, externus dux nobis fuisse videretur. Poëtæ enim apud Lacedæmonios in nullo planè erant pretio, sed ob lasciuia ex vrbe eiecerunt. Plut. in Lac.

*Philoxenus.*

Dionysium sua carmina recitantem quum alij per assentationem laudarent exclamauit, Abducite me in latumias. Subindicans hoc esse tolerabilius, quàm audire laudaréque tam mala poëmata. Nam antea rex offensus, miserat illum in lapidicinas. Eras. lib.6.apoph.

*Sylla.*

Quum ipsi libellum malus poëta de populo subiecisset: quòd in eum epigramma fecisset, tantummodo versibus alternis longiusculis, statim ex his rebus quas tum vendebar, iussit ei præmium tribui, sub hac conditione, ne quid postea scriberet. Existimabat ille etiam mali poëtæ operam aliquo dignam præmio. Simul autem & silentium redemit ab eo qui scribere nesciret: quemadmodum facetus quidam apud nos, si quando incidisset in malum tonsorem, dabat duplū pretium, hac lege, ne rediret. Eras. lib.6.apoph.

## De poëtica fisione.

*Affinis poeta.*

**I**nterrogatus cur non ageret causas, quum in tragœdiis optimè tractaret argumenta? Quoniam, inquit, in tragœdiis ea dicuntur, quæ ipse volo:

in foro aduersarij dicerent, quæ minime vellem: Idem fit in dialogis vbi qui scribit opus vnicuique tribuit orationem, qualem putat esse cōmodam: in iudiciis secus fit. Eras. lib.6.apoph.

*Euripides.*

Cuidam dicenti, Carmen condidisti ex modis ad tripudium accommodis: alio dictum hoc ridente, Ni stupidus esset, inquit, non risisset, quòd res serias Lydiis modis tēperarim. Lydij moduli lasciuiores sunt. Porro quæ per se tristitia sunt, ea decet arte exhilarare. Refert hoc Plutarchus in libello *de exilitio*. Quum Euripides choream agētibz succinuisset, cantionem quandā modularam vnus illorum risit. Cui Poëta: Nisi stupidus esses, & expers affectuum, haudquaquam risisses me canente mixolydium. Eras. lib.6.apoph.

*Pinarius.*

Montanus Attilij Butæ carmen recitabat. Quūmq; quidam indignaretur, quòd toto die recitasset, negarētq; ad illius recitationem accedendum, Maeste Pinarius ait: Nunquid possem liberalius agere? paratus sum illum audire ab exortu solis vsque ad occasum. Gaudebat enim is poeta, subinde repetere ortus & occasus descriptionem. Notat autē & Horatius eos, qui ornatus gratia vel immodicè, vel non suo loco affectant tales descriptiones:

*Aut stamen Rhēni, aut pluvius describitur atens.*

Eras. Rot. lib.8.apoph. ex Seneca.

*Varus.*

Quum à Montano recitarentur versus, quibus exortus solis describebatur, Varus eques Romanus dixit: Incipit Buta dormire. Rursus quum succederet descriptio occasus: Qui dicit, inquit, iam nox est? Ibo, & Butam salutabo. eodem scommate taxans & affectatum carminis decus, & Butæ præposteram vitam. Eras. ex Seneca.

*Iabolenus.*



*Iabolenus.*

Passienus Paulus eques Romanus, sed dubiæ sanitatis, quum recitans elegias suas, sic auspicaretur, Priscæ iu-  
bes: Priscus Iabolenus qui tum ade-  
rat, ego verò (inquit) non iubeo. Pro-  
tinus ingens omnium risus exortus  
est. Fingunt enim poëtæ suo arbitrio  
quicquid liber. At Priscus non tulit  
poëticam fictionem. Eras. l. 8. apoph.

### De populo.

*Epicurus.*

\* Dicebat se nunquam voluisse pla-  
cere populo. Nam quæ ego scio,  
inquit, non probat populus: quæ pro-  
bat populus, ego nescio. Seneca. epist.  
29. ad Lucill.

### De potestate & potentia.

*Diogenes.*

I Nterrogatus, quomodo quis vivere  
debeat sub potestate? Perinde atq;  
igni vtendum esse dicebat: neque ni-  
mis propè accedendum, ne exuraris:  
neq; nimium procul, ne rigeas. Ant. in  
Melis. part. 2. serm. 1. Stob. ser. 43. idem  
apoph. tribuitur Antistheni.

*Chrysippus.*

Rogatus, cur potestatem omnem in  
Repub. adeò fugeret? Respondit: Quia  
si quis malè rexerit diis pœnas dabit.  
si bene, odio à ciuibus habetur. Stobæ.  
serm. 43.

*Demosthenes.*

Audiens quosdam in Repub. euehi  
cupere: Omnium difficillimum esse  
dixit, vt hi qui potestatem habent in  
multos multis placeant. Stob.

*Idem.*

Dicere solebat, duabus vijs propo-  
tis, quarum altera ad pulpitu n orato-  
rium, altera ad inferos duceret: pru-  
dentē virum præoptaturum esse eam

quæ ad inferos ducit, potius quàm que  
potestate hominem subleuaret. Stob.

*Eumenes.*

Fratribus suis crebrò dicere solebat:  
Sime vt rege vsi fueritis, vobis tanquā  
fratribus gratificabor: sin autem tan-  
quam fratre, ego vobis vt rex. Ant. in  
Melis. part. 2. ser. 1.

*M. Cato.*

\* Dicebat potentes parcè vt pote-  
stare debere, vt semper vtī possint.  
Stob. ser. de magistrat.

*Licin. Varus.*

Cū Africano illi maiori corona  
sæpius in conuiuio imposita rumpere-  
tur, Licinius Varus accommodanti  
dixit. Noli mirari si non conuenit, ca-  
put enim magnum est. Sentiēs, homi-  
nem esse præpotentem, cui non quæ-  
uis corona congrueret. Eras. l. 6. apoph.

*L. Crassus.*

Lucius Philippus consul. L. Crasso,  
summæ dignitatis & eloquentiæ viro,  
manum iniici iusserat, eo quòd vocem  
illius indignè ferret, qua dixerat, sibi  
alio senatu opus esse, At Crassus re-  
iecto lictore: Non es, inquit, mihi tu  
Philippe consul, quando ego tibi non  
sum senator. Eras. l. 6. apoph.

*Cn. Lentulus.*

Cn. Lentulus Marcellinus consul  
in concione grauiter questus est de  
Magni Pompeij immodica potentia.  
Huius orationem cū populus clara  
voce acclamans approbasset: Accla-  
mate, inquit, acclamate, Quirites dū  
licer. Iam enim vobis impunè facere  
non licebit. Significans, illius potenti-  
am breui eò magnitudinis euasurā, vt  
nulla in re tutum esset vllò pacto resi-  
stere, si quid illi collibuisse. Eras. lib. 8.  
apoph. Val. Max. lib. 6. cap. 2.

*Anonymus.*

Cū Pompeius graui laboraret in-  
uidia propter immodicam potentiam,  
& ob vulnus fascia linea tibiam vinctā  
haberet,

haberet, dixit aliquis: Quid refert ubi  
gestet diadema, in capite an in crure?  
nam candidum amiculum olim erat  
insigne regum. Eras. lib. 6. apoph.

*C. Cæsar.*

Proferentibus in medium, quodd  
Sylla dictaturam deposuisset. Cæsar  
perpetuam gereret, quod minimum  
aberat à tyrannidè, respondit Iulius  
Cæsar: Syllam nescisse literas, eoque  
dictaturam deposuisse. Dictant gram-  
matici discipulis, cum præeunt aut  
recitant scribenda, huc alludens, dixit  
illum nescisse literas. Eras. 4. apoph.

*Plutarchus.*

\* Ne puero gladium, proverbio dici-  
tur. Ego verò dixerim, inquit: Ne pue-  
ro diuitias nec viro doctrinæ experti  
potentiam. Stob. ser. de magistr.

## De potestate breui.

*Cotys.*

**T**Hebanis gloriantibus quodd Lace-  
dæmoniis imperarent. Vidi, in-  
quit, torrentes perennibus fluuiis ma-  
iores factos, sed ad breue tempus. Ant.  
in Melis. part. 2. ser. 1.

*Nepos.*

Ad quendam ipsum consolari volen-  
tem hoc argumento, quodd diceret, ge-  
nesin Veri nō esse rectè collectam, eoque  
specem esse illum diu victurum: Ist-  
huc, inquit, tu facilè dicis, qui patri-  
monij tui non Reipublic. quæris hære-  
dem. Sentiens magni referre, vt bonus  
princeps quam diuutissimè viuat. Ex  
Dione Cassio.

*ÆL. Verus.*

Morbo grauatus sepe dicere solebar,  
principem sanum mori debere non  
debilem: quodd superiores imperatores  
pleriq; violèta morte perissent: eamq;  
mortem, vt breuè simul & inexpecta-  
tam, Cæsar optrauit, & obtinuit. Spart.

*Vide supra de Consulatu breui.*

## De præceptore bono ac fideli.

*Socrates.*

**C**Um Xenophontem obuium inter-  
rogasset, vbi nam locorum variæ  
venderetur merces, quibus vulgò vtū-  
tur homines? & promptè ad hoc re-  
spondisset Xenophon, interrogauit  
iterum, Vbinam homines fierent me-  
liores? at cum adolefcens respondisset  
se id nescire: Me sequere, ait Socrates,  
& hoc ex me disces. Absurdum est,  
scire vbi ea quæ ad victum sunt vena-  
lia reperiās: vbi autem doctus & pro-  
bus euadas, negligere. Eras. 1. 3. apoph.

*Idem.*

Cum Æschines ambiret esse de nu-  
mero discipulorum Socratis, excusa-  
rètque verècundè paupertatem suam,  
ac molestè ferret, quodd cum Socr. cæ-  
teri amici diuites multa largirentur,  
sibi nihil esse quodd daret, præter seip-  
sum: Annon intelligis, inquit, quàm  
magnum munus mihi dederis: nisi for-  
tè te ipsum paruo æstimas? Itaque mi-  
hi curæ erit, vt te tibi reddam melio-  
rem quàm accepi. Alij Sophistæ cum  
meras nugas docerent, nullum admit-  
tebant discipulum, nisi magna merce-  
de. Socrates nihilominus libentè re-  
cepit inopem quàm opulentem. Eras.  
lib. 3. apoph. ex Seneca.

*Aniſthenes.*

Rogatus, cur esset in discipulos tam  
seuerus? Et medici, inquit, ægros  
suos simili modo obiurgant. Signifi-  
cans, se in vitia sçuire, & non in homi-  
nes aut discipulos, nec vitia sanari blā-  
diendo. Laert. lib. 6. cap. 1.

*Agasicles.*

Cum Agasicles Lacedæmoniorum  
regi diceret quiddam, admirari se, quodd  
cum esset audis discendi, non adiun-  
geret

geret sibi Philophanem sophistam, regali prorsus indole, respondit: Eorum, volo esse discipulus, quorum sum & filius, significans, non minus, interesse quos nactus sis parentes quàm quos adsciscas præceptores. Etenim ut liberi fermè referunt maiorum, vnde prognati sunt, ingenium: ita præceptorum vitia demigrant in eos quos instituunt. Et honestæ vitæ institutio potissimū ab illis petenda est, qui virtutē ipsis factis præstiterunt, non ab iis qui cōpositis arte verbis de virtute nugantur. At nunc summi orbis monarchæ futuri, Deum immortalem, quibus interdum viris à teneris annis formandi instituendiq; creduntur? cum principi non minus tum perniciosum sit, tum indecorum, ab inhonestis institui, quàm nasci. Nec quælibet artes discenda sunt principi, sed hæc duntaxat quæ tradunt rationem rectè administrandi regnum. Eras. ex Plut. in Lacon.

*Anonymus.*

Lacon quidā pædagogus pueri cura suscepta, cum interrogaretur, quid esset illum docturus? Efficiam, inquit, ut honestis delectetur, turpibus offendatur. Nihil efficacius ad veram felicitatem, quàm amare virtutē propter se, odisse vitium propter se. Plut. in Lac.

*Alius.*

Spartanus quidam interrogatus, quid conferrent utilitatis pueris adhibiti pædagogi? Efficiunt, inquit, ut quæ sunt honesta eadem pueris fiant etiam iucunda. Plut. in Lacon.

*Alexander.*

Aristotelem, cui puer formandus fuerat traditus, summa veneratione prosequabatur: dicens, se illi non minus quàm patri debere, quòd à patre viuendi, à præceptore bene viuendi initium accepisset. Plut. in eius vita.

*M. Antonius.*

Suprà de affectibus humanis.

## De præceptoribus malis & indoctis.

*Diogenes.*

**O**lim in scholis pingi solebāt Musæ, cœu studiorū præfides. ingressus igitur scholam Diogenes, cum videret multas Musas, discipulos admodum paucos, dixit præceptorī: Cum diis multos habes discipulos. Ludens ex ambiguo sermonis. Nam Græci cum diis dicunt, pro eo quòd nos dicimus, fauentibus diis. Interdum *ovis* id est, cum significat comitē: Cum multis te defendi, id est, multi mecum te defenderunt. Laert. lib. 6.

*Idem.*

Puerum conspiciens indecorè se gerentem, pædagogum illius baculo percussit, dicens: Cur sic instituis? Indicans, primæ ætatis formatoribus potissimum imputandum esse, si adulescentes euadant malè morati, aut secus. Aphthonius & Priscianus.

*Alcibiades.*

Ludum literarium ingressus, poposcit Iliadem Homeri: cumq; ludi magister negasset sibi esse quicquam Homeri, impegit illi pugnum, & abiit: declarans, impudenter eum docere literas, qui non semper Homerū haberet in sinu. Eras. l. 5. apoph. ex Plut. apoph.

## De præconibus laudum.

*Themistocles.*

**S**ciscitatus, vtrum Achilles esse mallet, an Homerus? Dic ipse prius, inquit, vtrum mallet esse victor in Olympiis, an præco, qui victores pronuntiat. sentiens, multò præstantius esse, res egregias gerere, quàm gestas celebrare. Homerum præconi conferens. Plut. in Græc. apoph.

*Syratio.*

*Stratonicius.*

Apud Abderitas agens, conspicatus illic singulis civium singulos esse præcones, adeo ut propemodum maior esset præconum numerus quam civium, à pœna cœpit per civitatē summis pedum digitis ingredi, demissis in terram oculis. percontantibus autem Abderitis, quid mali repente accidisset illius pedibus, ita respondit. Cæterum quidem bellè valeo toto corpore, & ad cœnam curro celerius ipsis adulatoribus, illum vnum metuo, ne ingrediens præconis pedem offendam. Sentiens, illic præconum plena omnia. Athen.

*Alexander.*

Cum nuntius quidam gaudio gestiens, porrectaque manu accurreret, rem prosperè gestam ei narraturus: Quid mihi bone vir magni nunciabis, nisi nuncios Homerum reuixisse? significans omnium præclarè gestorum gloriam abolendam, nisi contingeret talis præco, qualis fuit Homerus. Plur.

*Idem.*

Ilum profectus, & Achillis statuam coronans: O te felicem, inquit, Achilles, cui vivo talis amicus, mortuo talis contigerit præco. De Patroelo loquēs, & Homero: quorum ille fidissimus Achilli fuit amicus, hic defunctum Iliade tota celebravit. Plutarch. in vita Alexandri, & Cicero pro Archia.

## De præda militari.

*Themistocles.*

Quum aliquando ad mare visendi cadauera gratia accessisset, ac torques armillæque possim disiectas videret, ipse quidem præterit, sed amico qui sequebatur dixit: Collige tu tibi, nam tu Themistocles non es. Ne tam obuia quidem præda commoveri

potuit, ut quicquam ageret indignum egregio duce, cui gloria debet esse satis magnum virtutis præmium. Plut. in vita Themistoclis.

*Alexander.*

Quum in Arbelis de rerum summa periclitatus esset, cōficiurus cum mille hominum millibus ad pugnandum instructis, adierunt illum milites aliquot ipsi bene volentes, deferebantque cæteros, quod in castris inter se miscerent sermones, conspirarentque ne quid prædæ in regium tentorium deportarent, sed ipsi totum in suum verterunt lucrū. His auditis, subrisit Alexander: Fausta, inquit, nūtiatis. Siquidem audio sermones virorum ad vincendum, non ad fugiendum animatorum. Nec illum sefellit diuinario: plurimi nanque milites regem adiere, dicentes: Bono animo esto rex, neque metuas hostium multitudinem, qui ne pudorem quidem nostrum ferre poterunt. Plur.

*Annibal.*

Profugus, apud Antiochum regem agebat. Is ostendit illi suum exercitum barbarico apparatu magnificè instructum, sed ad prædam magis quam ad bellum. Hæc omnia quum diligenter esset contemplatus Annibal, rogavit Antiochus, num hæc omnia satis essent futura Romanis? Tum Annibal, Planè satis arbitror, etiamsi avarissimi sint Romani. Lusi Pœnus ab inexpectato. rex de prælio seiscitabatur, iste respondit de præda. Quid enim aliud est miles imbellis, aut, argento, cæterisque rebus ad prædam inuitantibus instructus? Plur.

## De præmio virtutis.

*Socrates.*

Interrogatus, quā civitas ritè gubernari possit? respondit, Cum boni

P p

inuitantur



inuitatur præmiis, iniusti dant pœnas.  
Ex Platone recitat Bruslib. 5. cap. 8.

*Idem.*

Præmia decreta iis qui in Olympiis aut Nemeis vicissent, contraxit, eaque maiora decreuit iis qui in bello pro patria fortiter occubissent: dicens, illos & dum exercentur, magnis impendiis exerceri: & si vicerint, magis aduersus patriam quam aduersus hostes coronari: & quum senuerint, ad nihil viles euadere, haud aliter quam detrita pallia: vt, qui nec bello sint viles, nec gerendæ Reipub. accommodi. Laert. lib. 1.

*Solon.*

Interrogatus, vnde Respub. maximè vigeret: Si boni, respondet, præmiis incitantur ad virtutem: mali autem ad virtutem negligentes, coerceantur pœnis. Stob. ser. 41.

*Tritanæchmes.*

Quum post cladem acceptam à Persis, quidam ab Arcadia transfugissent, auxilia pollicentes, producti sunt in conspectum Xerxis. Ibi Persis percontantibus, quid agerent Græci? responderunt, eos celebrare Olympia, ac gymnasia equestriâque certamina spectare. Rursus percontantibus, quod esset certaminis præmium? responderunt, coronâ oleaginam. Hic Tritanæchmes Artabani filius, versus ad exercitus præfectum: Papæ, inquit, Mardonii, in eiusmodi viros nos incitasti ad pugnandum, qui non pecuniarum gratia certamina agitant, sed virtutis ac laudis? Ea vox tum visa est timida, vt sæpenumero prudentia habetur pro ignauia. Herodotus in Vrania.

*Lycurgus.*

Suprà de pœna malis infligenda.

*Lysander.*

Interroganti Persæ, quàm Rempub. maximè probaret? Eam, inquit, in qua fortibus viris ac meticulosis congrua

vtisque redduntur. Sensit virtutem inuitari præmiis, ignauos excitari ignominia. Nimirum hoc est quod apud Homerum stomachatur Achilles, tantum honoris haberi ignauis ac fortibus. Ea sententia non solum habet locum in Repub. verum etiam in priuatis familiis. Sunt enim hæc duo præcipua ad conseruandam cuiuslibet gregis disciplinam. Honos enim non solum alit artes, vt habet prouerbium, verum etiam virtutem. Nec tam refert, monarchia sit, an aristocratia, an democratia, an aliqua Reipublicæ forma ex his temperata, quam, vt in quacunque gubernatione discrimen habeatur publicum inter viros viles reipublicæ, & suo viuentes abdomini. Plut. in Lacon.

*Idem.*

Suprà tit. de Laudis contèmptru.

*Agu vltimus.*

Cum iam ad dirum mortis supplicium duceretur, interrogatus ab Ephoro, num quid pœniteret eorū quæ fecerat? Nequaquam pœniteret, respondit, nil enim aliud feci, quàm quod prudentiam cum honestate semper coniunxerim. Sciuit nimirum vir ille bonus, ipsam virtutem abundè magnum esse sui præmium, quicunque sequatur euentus. Plur.

*Galenus Imp.*

Taurum ingentem quum in arenam emisisset, prodiiissetque ad eum ferendum venator, neque productum decies potuisset occidere, Cæsar coronam venatori misit, mussitantibus cunctis, quid rei esset, quod homo ignauissimus coronaretur? Galenus per Curionem dici iussit, Taurum toties non ferire difficile est. Ludens significauit, graue discrimen esse toties tauro occurrere, etiam si non ferias. Trebellius Pollio.

De

## De præfagiis.

*Vel. Valens.*

**Q**Uum à Claudio Cæsare immineret periculum, atq; interim Silius cum Messalina domi vindemiæ simulachrum omnium lasciuarum genere celebrarent, conscendit præaltâ arborem, & in ea prospectantis specie stabat interrogans. quid aspiceret? respondit, Tempestas ab Ostia atrocem. Id siue ioco dixit, siue fortè lapsa vox est, in præfagium vertit. Mox adsunt à Cæsare nuntij qui vindictam parant. Is Silius erat adulter, cui palam nupserat Messalina, quam Cæsar dissimulanter confirmatis nuptiis supplicio affecit, Eras. l. 6. apoph.

*Vide titul. de Diminatione & Ostensis.*

## De precatatione, siue oratione hominis ad Deum.

*Socrates.*

**N**ihil ultra petendum à Diis mortalibus arbitrabatur, quam ut bono tribueret: quoniam ij demum scirent quid unicuique esset utile. nos autem plerunque id votis expetere, quod non impetrasse melius foret. Etenim densissimis tenebris inuoluta mortalium mens, in quam latè patentem errorem cæcas præcationes tuas spargis! Diuitias appetis, quæ multis exitio fuerunt: honores concupiscis, qui plures pectus dederunt: regna tecum ipsa voluis, quorum exitus sæpe numero miserrabiles cernuntur. Splendidis coniugiis iniicis manus: at hæc ut aliquando illustrent, ita nonnunquam funditus domos euertunt. Desine igitur stulta futuris malorum tuorum causis quasi felicissimis reb. inhiare,

tæque totum cœlestium arbitrio permittere: quia qui tribuere bona ex facili solent, etiam eligere aptissima possunt Val. Max. l. 7. cap. 2.

*Biass.*

Eos qui sibi mentem à Deo bonam largiri precarentur, nec tamen disciplinam capefferent, parum cordatos esse dicebat. Quando neque ut pictor quisq; bonus euadat, dari sibi à Deo bonos colores & lineam exoptat, quin magis artem perdiscit. Sicut nec votis proficit, qui musicus esse cupit, nisi artem conlectetur. Adeo nihil prodest, circa præces occupari, nisi rectè viuendi studio tenearis, Stob.

*Idem.*

Aliquando cum impiis ac scelerosis hominibus nauì vhebatur, & quum omnes periclitarentur, impiis deorum opem implorantibus: Silere, inquit Bias, ne dii vos nebulones hic nauigare sentiant. Deus autem impiorum precibus irritatur magis ad vindictam, quam ad opitulandum flectitur. Laert. lib. 1. cap. 6.

*Diogenes.*

Suprà de Decoro vbique in omnibus obseruando.

*Epictetus.*

Dicebar, Si mortalium omnium votis Deus responderet, propè futurum esse, ut vniuersum genus hominum pereat. Quandoquidem videre est, tantas, tamque diras exitiales imprecationes vicissim hincinde vulgò effundi, Stob.

*Athenodorus.*

Multum eos damnari debete dicebat, qui longis orationibus Deum fatigarent, eaq; peterent, quæ peti ab eis homines scire nollent. Rogandumque solum de eis Deum esse, quæ minimè molestè homines ferrent, etiam si ab omnibus intelligantur. Addebatur etiam, ita cum hominibus homines

Pp 1

viuere

viuere debere, non secus ac si Deus eorum semper actiones intueretur. Hoc autem modo illos carpebat, qui iniusta à Deo peterent: & ipsi sibi, quo minus exaudirentur, impedimento essent, Fulgosi lib. 7. c. 2. ex Seneca, cuius verba hæc sunt epist. 10. Tunc scito (inquit Athenodorus) esse te omnibus cupiditatibus solutum, cum eò peruenieris, ut nihil nisi Deum roges, nisi quod rogare possis palam.

*Lacones.*

Si quando diis supplicarent, summa deprecationis hæc erat, ut dii immortales bonis nil aliud adderent, quam honesta, præterea nihil. Non aliud petebant virtutis præmium, quam honestam famam, cum multa alia sint aliarum gentium vota: non solum multiloquia, verum etiam inutilia, nonnunquam & turpia à diis postulantium. Plut. in Lacon.

*Vide apoph. de Petitione.*

## De principe bono, ac eius in regni administrationis officio.

*Solon.*

**D**icebat, eum principem meritò laudandum esse, qui Democrati-  
am ex monarchia ciuib. constitueret. Stob. ser. 46.

*Idem.*

Tum primum imperium gerendum esse suadebat, si quis prius ferre imperium didicerit. Quomodo enim aliis imperare poterit is, qui ipse imperium non est passus? Potest autem hoc apophthegma referri ad eos, qui prius alieno parendo imperio, discunt imperium in alios gerere. Vel qui prius cupiditatibus imperant suis, quam in alios exerceant imperium. Neq; enim idoneus est ut aliis dominetur, qui ipse

seruit affectibus: neq; rex aliis esse potest, nisi quem prius ratio rexerit. Dio. genes Laertius in eius vita, & Erasmus in prouerbijs. Non bene imperat, nisi qui paruerit imperio: & Ant. part. 2. serm. 1.

*Pythagoras.*

Ita imperandum esse principi dicebat, ut veneretur magis quam metuitur. Reuerentiam enim admiratio, timorem odium comitatur. Stobæus ser. 46.

*Cleobulus.*

Felicem existimabat principem qui nemini conuersantium sibi crediderit. Stob. ser. eod.

*Pisacrus.*

Eum demum principem laude dignum existimabat, qui efficit, ut subditi metuant, non ipsum, sed pro ipso. Ibid.

*Bias.*

Optimum principem pronuntiabat esse, qui vtatur patriæ legibus. Ibid.

*Chilon.*

Optimum esse regem dixit, qui operam dat, ut non metuitur. Eod. ser.

*Thales.*

Pronuntiavit, principis felicitatem existimare se, si vitam obiret, postquam consuevisset iuxta naturam. Ibid.

*Socrates.*

Dicere solebat, eum esse optimum regem & principem, qui à proprijs affectibus temperaret. Phauor.

*Plato.*

Tum demum beatum terrarum orbem futurum prædixit, cum aut sapientes regnare, aut reges sapere cepissent. Plato ipse epist. 7. Cicero epist. 1. ad Quintum fratrem. Val. Max. lib. 7. cap. 1. Agaperus ad Iustinianum Cæsarem.

*Idem.*

Principem laude dignum esse existimabat, qui sibi ipsi prius, deinde alijs commodè

commodè imperare possit. Ant. in Meliss. par. 2. ser. 1.

*Isocrates.*

Dicebat, optimum principem semper imitari eum, non qui maximum imperium acquisierit, sed qui optimè præsentibus usus sit, Anton. in Meliss. par. 2. sermon. 1.

*Anacharsis.*

Bonum principem iudicabat eum esse, qui non solus prudens sibi videretur, sed bono & iusto aliorum consilio ludens acquiesceret. Stob.

*Philon.*

Eius dictum est, Si vis bonus esse rex, cum fortitudine benignitatem & mansuetudinem serua, ut non formidolosus, sed reuerentia dignus tuis subditis videaris. Phæuorinus.

*Bion.*

\* Oportere bonum principem à magistratu discedentem, non ditiozem, sed clariozem euasisse dicebat. Stob. ser. de magistratu.

*Agathon.*

\* Dixit, principem oportere triumphasse: primum quod imperet hominibus, deinde quod secundum leges, tertio quod non semper imperet. Eod. ser.

*Musonius.*

\* Dicebat, conandum esse principi ut verendus potius subditis sit, quam metuendus: illum enim grauitas sequitur, hunc inhumanitas. Stob.

*Xenophon.*

Suprà de Liberalitate.

*Archidamidas.*

Suprà de Mansuetudine.

*Agis.*

Ad Agidem Archidami filium quum quidam dixisset, Philippum effecturum, ne Lacedæmoniis pateret iter in Græciam: Nobis, inquit, ô hospes, nostra patria sufficit ad illic viuendum. Pectus ad vtrumq; paratum: & ad pro-

ferendum imperium, si contingat: & ad boni consulendum fortunam licet mediocrem, cum plerumq; principes id quod obtingit malè administrant, nec vllis satientur ditioris accessionibus. Plut.

*Agésilæus.*

Licet Lacedæmoniorum rex esset, post multa egregia facta, nequaquam sibi principatum, sed tum Republicæ tum sociis & amicis Reipublicæ gerere dicebat. Quo dicto docere voluit, ita demum qui potitur imperio, verè legitimèque imperare, cum & ipse paret imperio legum, & eorum, qui in Republica magistratu funguntur. Plut. in Lacon. apoph.

*Idem.*

Illud assidue in ore habuisse fertur: Principis esse, non mollicie deliciisve, sed temperantia ac fortitudine priuatis hominibus antecellere. Plutarch. in apoph. Lacon.

*Idem.*

Celebratur & hoc illius dictum, principibus potissimum ediscendum, Imperatoris officium esse, erga rebellantes audacia, erga subiectos beneuolentia uti, quod idem Maro nobili carmine docuit:

*Tacere subiectis, & debellare superbis.*

Neque enim verè victor est, qui iracundiæ vindictam flagitanti frænum nescit imponere. Plut. in Lac. apoph.

*Idem.*

Illud sibi cum primis ducere solebat gloriæ, quod cum rex esset, cæterisque consilio prospiceret, nihilo secius in laboribus obeundis nemini cederet: quodque sibi ipsi imperaret, suique (ut ita loquar) rex esset. id pulchrius esse iudicabat, quàm quod regnum obtineret in alios. Plut.

*Idem.*

Cum Spartanis pecuniæ deficerent



ad bellum, eo quod alerent externum militem, Agesilaus in Ægyptum profectus est, ab Thaco Ægypti rege accitus stipendio. Ceterum Agesilaus ob corpus incultum, ac vestis utilitatem, venit in contemptum eius gentis hominibus, qui sperarent se visuros Spartanum regem talem, qualis esset rex Persarum, corpore decentissimè ornatum: perperam sanè de regibus sentientes, quos externo cultu putabant æstimandos potius, quàm animi virtutibus. Nihil ille quidem de cultu ac victus simplicitate mutauit, sed interim ostendit, maiestatem dignitatemque regiam non vestium splendore, sed prudentia ac fortitudine parari oportere: grauitèrque taxauit vulgares monarchas, quibus si diadema, purpuram, aurum, & gemmas detrahas, nihil videas præterea regium. Plut. in Lacon. & Athenæus.

*Idem*

Quum à rege Persarum essent allata literæ, de hospitio, deque amicitia tractantes, non recepit, sed iussit illos regi renuntiare, Nihil esse necesse priuam ad ipsum literas mittere: ceterum si perspicuum foret illum bene uelle Lacedæmoniis & Græcis, ipsum quoque illi pro viribus futurum amicum. Quod si deprehenderetur infidias tendere, ne puter, inquit, quod me sit habiturus amicum, etiam si multas ab eo recepero epistolas. Quid hoc animo sublimius, cui in omnibus rebus gerendis hic vnicus erat scopus, consulere Reipublic. commodis? Plut. in Lacon. apoph.

*Idem.*

Si quid esset quod per milites celeriter confici vellent, primus ipse sub oculis omnium operas aggrediebatur, quo vel pudore ad industriam extimularentur. Efficacissimum exhortationis genus, principem hoc facere, quod

ab aliis fieri velit. Erasmus ex Plutarcho.

*Idem.*

Cum parum instructus esset equitatu, Ephesum sese recepit: ibi opulentia denuntiavit, ut quicumque pro se virum & equum præberet, à militia esset immunitus. Hac arte factum est ut pro ignauis ac timidis diuitibus, breui colligeret & equos & viros strenuos, ac bello idoneos. Qua quidem in re dicebat sese Agamemnonis exemplum retulisse, quod is accepta equa generosa, virum diuitem, sed ignauum militia expulisset. Hæ sunt artes excellenti principis dignæ, quibus efficitur, ut quod ad reipub. dignitatē incolumitatēue necessarium est, non per violentiam inuidiosam extorqueat, sed ea de celeritate impetret, ut nec tenues grauer, & à ditioribus etiam gratiam ineat. Plut. in Lacon.

*Anaxilaus.*

Anaxilaus rex percontatus à quodam, quem principem Reipub. salutarem pronuntiaret? respondit: Qui beneficiis se à ciuibus vinci nequaquam patitur. Phauorinus.

*Agasicles.*

Cuidam ab eo sciscitanti, quo pacto posset aliquis tutò imperare nullo stipatus satellitio? respondit, Si, sic imperet suis quæadmodum pater imperat liberis. Nemo plura dixit vnquam maiore compedio. Domini tantum rimentur à seruis: & mali metu coercetur, quos non corrigit pudor. Pater quoniam liberis consulit, potius quàm sibi, diligitur ab illis, sic ut auctoritatem comitetur reuerentia. Aduersus hos adeo non est opus satellitio, ut non aliud sit satellitium fidelius illorum stipatu: Quod si rex beneuolentia ac benefactis adiungeret sibi ciuium animos, non esset opus barbarico conductitio: satellitio: sed nullos haberet

beret corporis sui custodes tutiores quam ciues, erga quos patris gereret affectum. Porro quibus placet hoc dictum, Oderint dum metuant, nullos magis habent suspectos, quam quibus oportebat maximè confidere: ac multos metuat oportet, quem metuunt multi. Plur.

*Ariston.*

Suprà de Hostibus, & inimicis, & de Hostibus non crudeliter tractandis.

*Eusebius philof.*

\* Illum qui alijs præest & præcipit, non potestate solum regendi & imperandi, sed dignitate prudentiâq; subditis antecellere debere dicebat. Item, Boni principis hoc vnum proprium esse lucrum, & instar infinitorum aliorum, omnia sic facere, vt & in ipso imperij tempore, & post id, iustitiæ & bonorum omnium à subditis testimoniū habeat. Stob. ser. 44.

*Epictetus.*

\* Multa extant de principe, & eius officio, scitè dicta ab Epicteto. Inter cetera hæc occurrunt. Quemadmodum si gubernare nauem conareris, omnino prius artem gubernandi perdisceres: ita ciuitatem rexturus regendi disciplinam discito. Vt enim illic nauis vniuersa tuæ fidei committitur, ita hic tota republ. gubernanda tibi est. Si proposueris ornamenta quædam ciuitati consecrare, te ipsum pulcherrimo mansuetudinis, iustitiæ & beneficientiæ ornamento primùm decores. Beneficiis ciuitatem obstringe, non tectis in sublime structis, sed animis promotis. Præstat enim in paruis domiciliis magnos animos habitare, quàm in magnis ædibus humilia mancipia latere, ceu feras in suis lustris. Quemadmodum sol non expectat preces & incantationes vt exoriat, sed illico fulget ac salutat ab omnibus: ita neque tu (princeps) expectaueris plausus

strepitus, & laudes, vt bene facias: sed sponte confer beneficia, & æquè ac sol amaberis, Stob. eod. ser.

*Leonidas.*

Xerxes Leonidæ scripserat, si desinas *δυναστέιν*, id est, cum diis bellare, sed meis te copiis adiunxeris, potes Græciæ fieri monarcha. Huic respondit Leonidas: Si nouisses quæ sint in vita honesta, abstinuisses à concupiscendis alienis. Mihi verò potius est pro Græciâ mori, quàm in populares meos gerere monarchiam. Quid tam impiū est, quod mortalium vulgus nō admittat ampli principatus gratia? At hic prius duxit honestam mortem pro amicis liberandis oportere, quàm monarcha factus eos seruitute premere, à quibus venerat depulsurus seruitutem barbarorum. Plur. in Lacon.

*Theopompus.*

Interroganti, quo pacto quis regnum tutò possit tueri? Si, inquit, amicis concedat iustam libertatem, pro viribus interim aduigilans, ne subditi afficiantur iniuria. Multis principibus exitio fuit, quòd amicis nihil non permitterent, ciues iniuria affectos negligerent. Hic temperantia adhibenda est, vt princeps nec amicos alienet tyrannica sæuitia, nec patiatur illos regia familiaritate abuti ad quiduis audedū præter ius aduersus plebeios: qui nimium irritati, sæpe reges suos excuserunt. Plur.

*Idem.*

Theopompo Lacedæmoniorum regi cum dictum esset, eo tempore bene Lacedæmoniis esse, quòd bene regere reges didicissent: respondit, id potius accidere, quòd subditi parere didicissent. Ostendēs, bonam popularium vrbium administrationem, non tam in principum regimine, quàm in populorum obedientia consistere. Nā si populi in diuersum à principibus

traherent, difficillimum arbitrabatur esse, vt principes optimè gubernare possent. Plur.

*Cyrus.*

Dicebat, Neminem debere impere, qui subditis suis non esset melior. Principemque non decere esse inferiorem neque intelligendo, quæ opus sunt, neque gerendo quæ tempus ex postulat. Plur.

*Pythagoras.*

\* Dicebat, principes magis metueri debere, vt subditi eos vererentur quàm timerent. Reuerentiâ enim admiratio, timorem odium comitatur. Stobæus.

*Idem.*

Dicere sæpenumero solitus est, similia esse boni pastoris & boni regis opera. Boni igitur pastoris cum sit bene pascere gregem, omniâq; mala ingruentia auertere: sic ad bonum regem spectat, vt diligenter gubernet ciues sibi à Deo concreditos, omniâq; legibus prohibeat, quæ in Reipub. perniciem ingruere videntur. Xenophon.

*Xenophon.*

\* Istud (inquit) opinor magnum esse argumentum virtutis in principe, si subditi ipsum libenter sequantur, & in periculis vnâ perseuerent. In Oeconomico.

*Plato.*

\* Scribens ad Dionem, inter cætera dicit, Nolo te ignorare, quod obsequendo & placendo hominibus, rerum gerendarum commoditas acquiritur: austeritas verò solitudinem parit. epistol. ad Dionem.

*Musonius.*

\* Dicebat, Conandum esse principi vt verendus subditis potius esset quàm metuendus. Illum enim grauitas sequitur, hunc inhumanitas. Stob. ser. 46.

*Dionysius inn.*

Dicere solebat, se multos alere so-

phistas, nō quod illos admiraretur, sed quod per illos admirabilis esse stude- ret. Sciebat populū de illis tanquam de viris doctis magnificè sentire: hac persuasione callidè abutebatur ad conciliandum sibi multitudinis fauorem. Eadem arte fortasse principes quidā alunt in palatiis suis viros eruditionis & sanctitatis opinione venerabiles, vt populus arbitretur horum consiliis geri pleraque. Plur. in Reg apoph.

*Philippus.*

Aiebat, oportere meminisse principem, quod homo existens, potestatem adeptus sit diuinam, vt res honestas & diuinas instituat, sermone autem humano vtatur. Stob. ser. 46.

*Anonyma.*

Philippum Macedoniæ regem cum anus accessisset, vt causam ipsius cognosceret: respondit, sibi nequaquam esse otium. Cumq; anus inclamasset, Proinde nec rex quidem esse velis: Philippus admiratus aniculæ liberam vocem, non illi solum præbuit aures, verum & aliis quoque. Plur. in apoph.

*Idem.*

\* Aiebat oportere meminisse principem, quod homo existens potestatem adeptus sit diuinam, vt res honestas & diuinas instituat, sermone autem humano vtatur. Stob. ser. 46.

*Alexander.*

Interrogatus, quis optimus princeps esset? Qui, inquit, amicos donis retinet, & inimicos beneficiis amicos facit. Ant. in Melis. par. 2. ser.

*Alexand. Severus.*

Aurum & argentum raro cuiquam nisi militi diuisit: nefas esse dicens, vt dispensator publicus in delectationes suas suorumq; conuerteret, id quod prouinciales dedissent. Lamprid.

*Idem.*

Cum ab amicis reprehenderetur, quod immemor maiestatis imperatoris,

riæ, non pretioso vestitu, auro, gemmisque corpus etiam ornaret, respondit: Principatum ac imperium in virtute esse, non in corporis decore. Ibid.

*Philiscus.*

Ad Alexandrum aliquando dixisse fertur: Ad gloriam incumbere, verum ea conditione, ne sis pestis, vel magnus aliquis morbus, sed pax & sanitas. Affirmans per vim & sæuitiam expugnare ciuitates, populos excindere, pestilentiam esse. Sanitatis verò, salutisque, subditotum rationem habere: ea enim sunt pacis commoda. *Ælian. libr. 14. de Var. hist.*

*Anaxilaus regij princeps.*

\* Interrogatus, quid in principatu felicissimum esset, respondit, nunquam beneficia conferendo vinci. *Stobæus serm. 46.*

*Agrippinus.*

Conabatur eis quos damnabat, persuadere, quod ipsi expeditet damnari, non enim tanquā inimicus (ipsis aiebat) nec vt latro, sententiam cōtra eos fero: sed veluti tutor & curator ipsorum. Quemadmodum & medicus hominem secandū consolatur, & seipsum exhibere persuaadet. *Stob. ser. 46.*

*Plutarchus.*

\* Tot (inquit) tantorumque bonorum & munerum, quæ diis largiuntur, nullus est fructus, aut vsus rectus sine lege, iure & principe. Ius finis est legis: principis opus lex: princeps autem imago Dei cuncta administrantis. lib. ad princip. indoctum.

*Sthenius.*

Pompeius Magnus, cum Mamertinos, quod hostiū partibus adhæsisser, interficere omnes statuisset: Sthenius eius ciuitatis princeps, Pompeium adiit, & his verbis affatus est: Non æquū facis Pompei, qui propter vnum noxium, multos innoxios occidere paras. Quo audito, Mamertinis pepercit

Pompeius, ciuitatēque & Sthenium liberauit. Habes autem hīc in Sthenio exemplum, quem animum erga Rempublicam oporteat habere principem, si in periculum incidat: in Pompeio autem placabiliratis argumētum, qui viri boni maluerit habere rationem, quā indulgere iræ. *Plur. in apoph.*

*Liuiā.*

Augustus imperator cum apud Liuiam vxorem solus conquereretur de hominum insidiis, quæ hinc inde eiā vigilantissimo struerentur: Mirum nō est, respondit Liuiā, quod tibi parentur insidiæ, partim quod id non sit alienum à natura: partim quod magno imperio multa facias, ex quibus par est plerosque molestiam capere. Princeps enim non potest omnibus placere: sed etiam quantumvis rectē imperet, ei multis irasci necesse est. *Dion in Augusto.*

*Tiberius.*

Præsidibus onerandas tributo prouincias suadentibus, rescripsit: Boni pastoris est, tondere pecus, non deglubere. *Sueton. Dion.*

*Alexander Severus.*

Eius vltima verba dicuntur hæc fuisse, Turbatam Rempub. vbique accepi, pacatam etiam Britannis relinquere, Senex, & pedibus æger, firmum imperium Antoninis meis relinquens, si boni erunt: imbecillum, si mali. *Ælius Spartianus.*

*Fl. Vespasianus.*

Grauitur febricitans, cum increparetur à medicis, quod morbo correptus, nihil de quotidiana victus ratione immutaret, faceretque omnia quæ ad principatum spectarent, respondit: Imperatorem stantem mori oportere. *Xiphilinus in eius vita. Idem etiam Turbo præfectus prætorio dixisse fertur, apud Xiphilinum in vita Adriani.*

*Traianus.*



*Traianus.*

Optimò iure laudibus vehitur illa vox Irmiani, qui a nicis incusantibus, quoddam parum memor imperatoris maiestatis nimiam esset omnibus expositus, respondit: Talem præstabo imperatorem priuatis, qualem optarem ipse priuatus. Eras. lib. 8. apoph.

*Anonyma.*

Hadrianum transeuntē mulier quædam appellauit, Audi me Cæsar. Is cū respondisset, Non est otium: illa clamauit, Noli ergo imperare. Ad hanc vocē restitit, & audiuit mulierem. Hoc & aliis tribuitur, vt paulo ante Philippo: neque quicquā vetat, idem à plurib. vel dici vel fieri. Dion in Hadrian.

*Hadrianus Imp.*

In senatu frequenter dicere solebat, se sic gesturum principatum, vt sciret rem populi esse, non suam priuatam. Nimirum attrigit hoc, quod vnum distinguat regem à tyranno.

*Idem.*

Dicere est solitus, sibi molestum esse, si quem videret tristem: cū tamen omnes doctos vexaret quæstiunculis, sed vexatos donauit aliquo munere. Dion Cassius.

*Placilla.*

Theodosij imper. vxor, subinde admonere maritum solebat, vt consideraret, quisnam ante imperium fuisset, & in quem locum ab vniuersitatis huius Deo esset euectus. Reuocare autem in memoriam voluit, olim hominem fuisse priuatum: nunc autem ideo vocatum ad imperium, vt eius gubernatione, non tantum Romana in ciuilibus Respublica, sed diuinus etiam cultus, probè institueretur, atque conseruaretur posteris. Nicephorus Callistus lib. 12. cap. 42.

*Constantius Chlorus.*

Suprà de Eo, quod à subditis amari melius sit quàm metui.

*Fridericus.*

Tum demum saluam Rempub. fore dicebat, si senatores de rebus consulaturi, in vestibulo curiæ simulationē ac dissimulationem deponerent. Sic enim & ipsi rectè consulerent, & iudici inter consilia diiudicare non difficile esset. Æneas Syll. lib. 3. Commentar. de rebus gestis Alphonfi.

*Idem.*

Interrogatus, quoniam sibi charissimi essent? Qui, inquit, me non magis quàm Deum ipsum timent. Deprompra sanè ex Christiano pectore sententia, in primis enim timendus Deus, rex regum, & dominus dominantium. Æneas Syluius libr. 4. comment. in rebus gestis Alphonfi.

*Otho Syluius.*

Cū videret aut deponendum imperium, aut magna ciuium suorum strage tuendum, statuerat sponte mori: verum dehortantibus amicis, negauit se tanti facere vitam suam, vt ob hanc quenquam suorum interire cuperet. Eras. lib. 8. apoph. ex Plutarcho.

*Alphonfus.*

Eos demum principes magnificendos dicere solebat, qui iustitiā probè excolerent: hæc enim in quo fuerit, eius imperium æquo omnes animo patiuntur, illiusque moderationi sese etiam spontè subiiciunt. Vt de Cyro illo legimus, quem non iustitiæ solum, sed omnium etiam regiarum virtutum exemplum fuisse apud suos, creditum est. Panorm. libr. 1. de rebus gestis Alphonfi regis.

*Idem.*

Eum principem mirum in modum probabat, cuius simplex verbū tantum ad fidem valeret, quantum priuatorū hominum iusurandum. Sensit autem, non vulgarem principis virtutem esse, stare verbis, & facto præstare id quod verbo semel promissit. Ibidem.

*Idem.*

*Idem.*

Illud quoque assidue in ore habuisse fertur: Tantò priuatis hominibus reges meliores esse debere, quàm honoribus & dignitate antecelleret. Panor. lib. 4. de rebus gestis Alphonfi.

*Idem.*

Apud Alphonfi aulicos, cùm de gerendo principatu esset contentio, rex perdifficilem rem sibi principatum videri, vel eò maxime dicebar, quòd principum vita popularibus exemplo cedat, illis quidem ad vitia quàm ad virtutes procliuioribus. Panor. lib. 2. de Alphonfi rebus gestis.

*Idem.*

Cùm præterea de principum vita & moribus disceptassent, dixisse fertur: Principibus nõ modò sua causa à peccato abstinendum esse, sed multò etiam magis, ne sua vitia infundantur in ciues suos. Quantò enim flagitium conspectius, tantò offendiculum grauius. Panorm. libro 2. de rebus gestis Alphonfi.

*Idem.*

Præterea cùm de subditorum moribus disputaretur, Alphonfus respondisse dicitur: Veluti ad solis morum ita populares semper in principum mores verti atque formari. Vulgus enim imitatur, quod à principibus conspicit facitari. Ibidem.

*Idem.*

Regem illiteratum ac indoctum, nil aliud nisi asinum coronatum esse dicebat. Æneas Syluius lib. 1. comment. in Alphonfi res gestas.

*Idem.*

Commemorantibus, quendam ex Hispaniæ regibus dixisse, non decere principes viros scire literas: exclamauit, Eam vocem bouis esse, non hominis. Non omnes literæ cõueniunt principi: sed ex quæ politice tradunt, aut ethice, quæque rectè ac secus gesto-

rum exempla commonstrant, id quod facit histor. Ibid.

*Idem.*

Audiens ab agricultoribus, mala publica, quæ natura acris essent, arte & diligentia fieri dulcia: Cur non etiam nos, inquit, ciues & populares nostros ingenio malo, prauoq; præditos, industria & labore meliores reddimus? Inuit autem, populi mores vix esse tam prauos, quin ritè gubernantis studio, labore & industria meliores reddi queant. Panor. l. 4. de reb. gest. Alphonfi.

*Idem.*

Alphonsum quum adissent legati Matricienses, in quorum agris tumagebar, consulentes vtri iuberet ipsos gratificari, Nicolaone Picinino: an Francisco Sfortia? respondit, ambos pro amicis habendos: sed nihilo secius ab ambobus, tanquam ab inimicis cauendum. Id temporis inter Nicolaum & Franciscum simulacra intercedebat: ac rex nondum statuerat, vtrum vellet in societatem recipere, cùm vtrunque ob dissidium non posset. Erasmus libr. 8. apoph.

*Idem.*

Reprehensus, quòd parum regaliter incederet, respondit, Malle se moribus & authoritate regè videri, quàm diademate aut purpura. Anton. Panorm. de reb. gest. Alphonfi, & Æneas Syl. de eius dictis.

*Æneas Syluius.*

Audiens Alphonsum Arragonum regem neminem ex suis lædere, respondit: Iusti principis esse, non solum afficere neminem iniuria, sed & eos qui damna quibusuis hominibus sine iusta causa inferunt, si possit, prohibere. Nam teste Cicerone, qui aut non obstitit si potest, iniuriæ tam est in vitio quàm si patriam aut parentes deserat. Æn. Syl. lib. 1. comment. de reb. gest. Alphonfi regis.

*Gasp.*

*Gasp. Zehlick.*

Is, trium Cesarum cancellarios, optare se dicebat, Omnes reges aliquando priuatos, pauperesque fuisse. Neque enim satis miseretur, qui nunquam fuit miser. Ibidem.

*Otho Imp.*

Boso, Arelatenſis rex vltimus, episcopo Arelatensi in vigilia natalis Christi, ne officium in ecclesia nocturnum celebraret, nisi ipso presente mandauit. Episcopus autem quā aliquandiu cum sacerdotibus aduentum regis frustra expectasset, vltra horam consuetam, prosequutus est sacra. Superueniens autē rex cepit expostulare cum episcopo, cur non expectasset? commotusque dedit episcopo alapam in medio populi. Episcopus autem quum regem apud Othonem primum Romanorum imperatorem accusasset, mandauit Otho, vt ob tantum facinus decollaretur. Archiepiscopus verō cum reliquis episcopis & principibus cū intercederent apud imperatorem, vt hoc sanguinis iudicium suspenderetur, ait rex: Non est æquum, vt rectum Imperatoris iudicium executioni non manderetur, cū non cōueniat vel vllum verbum ex principis ore frustra egredi. Munſterus lib. 2. Cosmograph.

*Plura pete ex apoph. de Magistratu, de Reipublica gubernatione, de Regno, &c.*

*Principum clementiam, liberalitatem, iustitiam, mansuetudinem, castitatem, &c. vide propriis locis.*

## De principe malo.

*Alexander.*

Cinesias videns Alexandrum Magnum à pharmaco, quod sumpſerant, vehementer turbatum: Quid, inquit, nobis faciendum est, cū vos diſtalia patiamini? Alexander autem ægrē attollens oculos: Quales, inquit,

diſsumus? metuo, ne diſ inuiſi. Eras. lib. 6. apoph.

*Antiochus.*

Cū in venatu quodam feram insequeretur, aberrans ab amicis ac famulis, in casam pauperum quorundam, quibus ignotus erat, introiit: atque inter cœnam iniecta mentione regis, audiuit, quod cætera quidem probus esset, sed plerasque functiones mandaret amicis improbis, ipse ad eorum facta connuens: tum quod immodico venandi studio, frequenter necessaria negligeret. Ad hæc tum temporis nihil respondit, nec quis esset prodidit: verū vbi diluculo satellites venissent ad casam, iamque agnosceretur, allata purpura simul cum diademate: Age, inquit, ex quo vos indui heri primum vera de me ipso audiui. Nam ferē hoc studio est his qui viuunt in aulis principum, ne quid audiant nisi blandum auribus. Plut. in apoph.

*Cato Maior.*

\* Pessimus dicebat esse principem, qui imperare sibi ipsi nequiret. Stob. serm. 44.

*Plutarchus.*

\* Potestas malitiæ coniuncta, nervos (inquit) ac robur effectibus addit. Et verum est illud Dionysij dictum, qui se tum imperio frui maximē dixit, cū quod liberet confestim exequeretur. Ingens autem periculum est, ne is mala facere deliberet, qui facere potest quæ vulerit: Si malitia potestatis cursum adipiscatur, celeriter affectū quemuis promouet: ex ira cædem, ex amore adulterium, & ex avaritia publicationem faciens, nisi rationis grauitas & pondus coerceat reprimatque potestatem. libr. ad principem indoctum.

*Hadrianus Imp.*

Commodum Ælium Verum iterum consulem fecerat, eūque imperio destina-

destinaverat : quem quum cerneret nec animo nec corpore satis validum, dicere solebat, In caducum parietem nō inclinavimus, ac perdidimus quater millies H. S. quod populo ac militibus pro adoptione dedimus. Verē præsensit, Commodum inutilem imperio, sed serō. Dion, in Hadr.

*Calienus imp.*

Prouinciarum defectionem, quasi leuissimarum rerum iacturam, ioco solebat eludere. Cū enim nuntiātū esset Ægyptum defecisse : Quid, inquit, sine ligno Ægyptio esse non possumus ? Quum vastatam Asiam Scytharū incursionibus accepisset : Quid, inquit, sine aphonitro esse non possumus ? Perdita Gallia, arrisit, dixitque : Non sine trabeatis sagis tuta Respublica est ? Pessimi principis voces, cui quicquam potius est Repub. Trebellius Pollio.

*Vide apoph. de Tyrannide.*

## De principio rerum agendarum duro.

*Socrates.*

Dicebat, Bene incipere, non esse pusillum, sed iuxta pusillum, Græca sic habent, *ὡς ἀρχαῖαι, μικρὸν μὲρ μὲν τῆς προμικτρῆς* N. quod Laertij interpretis ita reddidit, Bene incipere parum non esse, sed maximum. Quamquam aliud expriment verba Socratis, sed sensit, ni fallor, bene incipere, non esse quidem paruum, sed parui fieri, aut rectē incipere, nō esse pusillum, sed iuxta pusillum. Paulatim enim incipiendum, eo quod qui initio præproperi sunt: serius perueniunt ad finem. ut al ludat ad Hesiodum, iubentem, ut pusillum pusillo addamus. Dicti argutia est in Græcis vocibus, eaque Latine reddi vix potest, Laert. in eius vita.

*Pittacus.*

Illud decantatissimum frequenter dicere solebat, Dimidium plus esse toto. Quo vir prudentissimus innuere voluit, omne quidem principium satis esse durum : verum si rem aggrediamur serō, facilē nos peruenire ad rei finem. Laert. l. r.

*Siratonium.*

Byzantij, cū citharædus quispiam belli cecinisset procemium, cætera minus feliciter, surrexit ac præconis in morem pronuntiavit : Quisquis indicarit citharædum qui bene cecinisset procemium, drachmas accipiet mille. Eras. l. 6, apoph.

## De probitate.

*Anonymus.*

A Dolefcens quidam cū vendere-  
tur, rogatus à licitatore, Erī sine  
frugi, si fuero mercatus ? Etiam si non  
fueris mercatus, respōdit. Ne fortuna  
quidem seruilis docere potuit illum  
seruilia loqui. Qui enim natura pro-  
bus est, vbique & apud omnes probus  
est. Plut. in apoph. Lacon.

*Æschylus.*

Cū hi versus, quos de Amphiarao  
scripsit Æschylus, in theatro recitaretur  
apud Athenienses,

*ὡς δὲ δὸς αἰετος. ἀλλ' τῇ δόλῳ,  
βυθίαι' αὐλάκῃ δια' ὅριος χρηστοί μῦθος  
αἰ' ἢς τὴν κινδύ βλαστήσει βυθόμυθον.*

Id est, Neque enim videri, ut esse studeas  
vin optimus.

Segetem profundam mente studiosa co-  
lens,

Consilia quando hinc germinans salu-  
bria.

Totus populus in Aristidem vertit  
oculos, agnoscens hoc laudis in eum  
competere. Plut. in Græc. apoph.

De



## De probitate damnata.

*Aristides.*

**C**reatus procurator fisci, quod munus sanctissimè gesserat, tamen à Themistocle delatus est, ac repetundarum damnatus. Sed optimatum favore non solum illi multa remissa est, verum etiam eidem redditus est muneris: quod per simulationem sic administravit, ut omissa pristina severitate, lenem se facilemque præberet iis qui publico malo gaudent discescere. Horum opera factum est; ut populus terribi munus summis fauoribus eidè deferret Aristidi. Tū ille: Ob integrè gestum munus damnastis: nunc quoniam præter æquum multa concessi civitatis expilatoribus, honore dignū iudicatis. Hoc igitur honore delato, plus mihi dedecoris afferri puto, quā damnato ac multato irrogastis. Notat quibus artibus posset fieri gratiofus apud populum, nisi maluisset iustus esse, quā plausibilis. Hoc dicto notavit vulgi peruersum iudicium, quod ea, quæ profutura essent Reip. ubique damnat: quæ nocent summis euehit laudibus. Plut. in Themist.

*Vide apoph. de Innocentia, & ingrassitudine.*

## De prodigalitate, profusione &amp; largitione.

*Crates.*

**D**ivitem opes dicebat esse similes ficis arboribus in præruptis locis, è quibus ut homines nihil caperent fructus, sed corui tantum, ac milui: ita ex illorum facultatibus tantum alerentur scorta & adulatores. Refert Plut. Laer. l. 6. c. 5. Stob. ser. 14. Alij hoc Dioni & Socrati adscribunt.

*Chilon.*

Cum videret adolescentem liberallyter, vel profusè potiùs, suum patrimonium aliis largientem, ait: Si sumptus magnos ubi non decet feceris, ubi decet mox exiguos facies. Maxi. serm. 61.

*Bion.*

In quendam qui prædia sua devorarat: Amphiaræum, inquit, terra absorpsit, tu terram. Laert. l. 4. c. 7.

*Zeno.*

Suprà de Luxu & Voluptate.

*Anaxagoras.*

Verissimè dicere solebat: Magno cum negotio pecunias comportari, sed multo maiore opera conservari ac custodiri. Cui & poëta Ovid. astipulatur, qui ait:

*Non minor est virtus, quàm quætere, pars a iuri.*

Quemadmodum enim echinum, sic etiam nummos capere facilius est, retinere verò difficile. Sæpe enim pecunias, quas multo cum labore quis viciatim vix comparaverit, iuxta Archilochum, eas vniuersas semel in vnius scorti marsupium effundit homo ignavus, prodigus, & inutile terræ pondus. Ælian. lib. 4. Var. hist.

*Socrates.*

Socrates videns quendam facile omnibus gratificari, nullòque delectu suppeditare: Malè pereas, inquit, qui Gratias virgines ut scorta prostituisti. Stob. ser. 14. Hoc autem Max. serm. 8. ascribit Democrito.

*Plato.*

Suprà de Luxu & Voluptate.

*Aristoteles.*

Suprà de Avaritia.

*Diogenes.*

Suprà de Luxu, & Voluptate.

*Idem.*

A prodigo petebat minam. Ille miratus improbam postulationem, rogabat,

bat, cur quum ab aliis obolum petere soleas à me minam petis? Quoniam, inquit, ab aliis iterum me accepturum spero, à te verò an vnquam posthac accepturus sim, *ἄνθρωπος γὰρ οὐκ ἔστιν ἄνθρωπος*, id est, in deorum genib. sitū est, attexit enim hoc Homeri Hemistichium. Significavit autem, homini profuso periculum immineere, ne breui redigeretur ad extremam indopiam, vt ne obolum quidem haberet reliquum. Laert. lib. 6. Stob. serm. 13. Max. ser. 61.

*Idem.*

Præteriens prodigi cuiusdam ædes, inscriptionem habentes venales: Facile, inquit, diuinabam fore, vt præ immodica crapula domum euomeret. Iam enim domum assumpserat antequam venalem proferiberet. Vomitus igitur erat ille verius, quàm venditio. Laert. l. 6.

*Plutarchus.*

\* Luxuriosorum vitam quasi quoridie morientem effert dicebat. Ant. & Max. ser. de prodigalitate.

*Idem.*

\* Diuitem prodigum contemplatus oliuas edentem, & aquam bibentem: Si sic, inquit, prandisses, non sic cenares. Eod. ser.

*Timotheus.*

In Aristophontem prodigum grauius inuehebatur, inquiens: Cui nihil satis est, eidem etiam nihil turpe. Æli. l. 13. de Var. hist.

*Epicurus.*

Dicere solebat, Cui pauca non sufficiunt ei nihil satis esse. Alludens ad eos, qui cum habent quæ ad vitam sustentandam necessaria sunt, non tamen sua sorte contenti, amplissimas diuitias ac opes petunt: quas si possiderent, laborarent dieb. ac noctibus, quò parua, leuiter, otiosè, ac prodigaliter deglutirent ac concoquerent. Ælian. l. 4. Var. hist.

*Alexander.*

Alexandro puero diis largius facti suffitum, ac subinde ad thus accurrenti: Leonides illius prædagogus, qui tum aderat, Heus, puer, inquit, tū largè facies suffitum, cum regionem deuiceris quæ thus gignit. Post cum eam regionē obtinuisset, memor eius dicti, hac sententia scripsit illi literas. Mitto tibi thuris & cassiæ talenta aliquot, ne post hac parcus sis erga deos: quum non ignores nos potitos regione odores gignente. Plut. in apoph.

*M. Cato.*

Cato in Albidium, qui luxu facultates prodegerat, deniq; & ædes deuorarat, nouissimè consequutum incendium, quod reliquum erat, absumpsit, ita iocatus est, vt diceret cum fecisse proteruiam. Id erat priscum sacrificij genus, in quo si quid superuisset, seruari religio erat, sed igni cremabatur. Plut. in eius vita.

*Augustus Cæs.*

Suprà de Fauore, arte & largitionibus captato, Anonymo tribuitur.

*Sigismundus.*

Suprà de Ignauia.

*Heliogabalus.*

Suprà de Luxu & Voluptate, & de Pœna malis infligenda.

*Alphonsus.*

Equiti subinde aliquid flagitanti, sed mox quod acceperat profundenti: Si pergam, inquit, tibi dare quæ petis, citius me pauperem effecero, quàm te diuitem: nam qui tibi donat, nihil aliud quàm aquam infert pertuso dolio. Panor. de reb. gest. Alphonsi l. 2.

*Idem.*

Suprà de Luxu & Voluptate.

## De proditione.

*Agésilauus.*

A D Agésilauum regem quum qui Adam venisset, efflagitās vt id quod pro-

promississet, præstaret: ad regiam enim fidem pertinere, non verba modò, verum capitis etiam nutus seruare: rex, quia res parum honesta videbatur, & propterea fidem in eo præstadam esse ratus, respondit: Scito tu quoque, neminem à rege iniustam rem petere debere. Acuto responso ostédens rem honestam, quæ importunitate promissa, aut concessa videatur, laudabilius reuocari, quàm, vt constantia famæ paretur, mala quæ promissa sunt præstari. Fulgosi. lib. 7. cap. 2.

*Agis Archidami F.*

Cùm Ephori dicerent, Proficiscere, iuuentutem tecum ducens ad huius patriam: nam is ipse te perducet in arcem. Et quí cõuenit, inquit, ð Ephori, tot iuuenes ei credere qui suam ipsius patriam prodidit? grauiter admonens, nihil illis tutò credi, qui in patriam perfidi fuerint. Plut. in Lacon.

*Therycion.*

Delphis rediens, quum videret in Isthmo angustias à Philippi copiis occupatas: Malos, inquit, ð Corinthij portarum custodes vos habet Pelopónesus. Allusit eo, quòd grauiter animaduerti solet in ciues, quibus vrbs portæ commissæ sunt, si eas indiligenter custodierint. Multò magis accusari merebantur Corinthij, qui totius Peloponnesi portas Philippo prodidissent. Plut. in Lac.

*Theagenes.*

Cilicon quidam siue Achæus, Miletum patriam prodiderat Pirienensibus. Quo nomine meritò habebatur omnibus exosus, cuius perfidiam lanius quidam Theagenes sic vltus est. Cilicon adiit Theagenem, in macello empturus carnes. Lanius dissimulato odio, porrigit carniū partem, veluti refecturus quod superesset. Cilicon profert dextram, ex aduerso retenturus carnes: Theagenes machæra sub-

lata, proditoris manum amputauit, ad ne id videretur errore factum, addidit ista saltem manu posthac non proditurus es vllam ciuitatem. Applaudebatur lanius quòd implum pro dignitate tractasset. Hinc adagium, Cilicontis exitium: quod in Chiliadibus recitat Eras. l. 5. c. 6.

*Nicostratus.*

Cùm ab Archidamo multis præmiis pollicitationibusque ad proditionem tentaretur, respondit: Archidame, te ab Hercule genus non ducere, satis intelligo. Hercules enim malos poena affecit: Archidamus verò, eos qui probi sunt, malis afficere solet. Notabat autem Archidami fraudes, qui proditionem hostibus imponere tentabat. Plut.

*Philippus.*

Interrogatus quos amaret præcipuè, & quos maximè odisset? respondit: Prodituros quidem in primis amo: eos verò qui iam prodiderunt, odi maximè. Stob. ser. 52.

*Augustus Cæsar.*

Quum in conuiuium Rhymitalces Thracum rex, qui ab Antonio ad Augustum descuerat, insolentius iactaret sua erga Cæsarem merita, ac sine fine exprobrans belli societatem molestus esset: Cæsar dissimulata illius petulantia, alteri cuidam regum propinans dixit, Prodicionem amo, proditores non laudo. Significans, his qui prodicione profuerunt, nihil deberi gratiæ, licèt enim officium quod præstant pro tempore gratum est, ipsi tamen habentur pro malis ac scœdis factis. Plut. in apoph.

*Sigismundus imp.*

A Sigismundo cùm miles veteranus efflagitaret, vt promissum præstaret: Immoderata, inquit, tua fuit petitio. At miles quum respondisset, Poteras tamen negare, cùm peterem: nunc autem

autem sine turpitudine, quod promissum est, rescindere non poteris. Sigismundus, Si ex duobus alterū me ferre oportet, malo facultatum mearum quā famæ subire iacturam. Æneas Syluius lib. 3. comment. de rebus gest. Alphonfi regis.

*Alphonfus.*

Quum quidam ad Alphonsum Arragonum regem dixisset, decere principem non ea tantū quæ verbis promisit præstare, sed ea etiam quæ nutu tantum affirmavit: Alphonfus respondit, Recte sanè dicis: sed decet etiam petentes, ut ea tantum à principibus efflagitent, quæ sunt iusta & honesta: sin minus, satius est promissis non stare, quā peccare in leges iustitiæ. Parnorm. lib. 3. de dict. & fact. Alphonfi.

## De promissionibus.

*Pythagoras.*

\* **A**ge, inquit bar, res præclaras, nihil magnifici interim promittens. Stob. serm. de virtute.

*Antisthenes.*

Adolescens quidam Ponticus pollicebatur se rationem Antisthenis habiturum, si navis ipsius quæ falsamenta vehēbat, appulisset. Antisthenes accepto nouo vase, vñ cum adolescente ibat ad mulierem quæ vendebat farinam: & impleto vase, cœpit onustus discedere. Mulieri verò poscenti farinæ pretium, monstrato adolescente, Hic (inquit) dabit, si navis cum falsamentis appulerit. Significans inanes esse in diem pollicitationes, quum farina quotidie sit præsentī pecunia emenda. Laert. lib. 6. Bruſ lib. 2. cap. 2.

*Alibiades.*

Apud Platonem in Symposio ait, se, quoties Socrati occurrat, verecundia affici, quia promissa nō seruauerit: atque cupere Socratē ob id ē vita excedere.

*Ageſilaus.*

Quum inducias per tres menses pactas Tissaphernes non seruasset, oratores ad eum misit, qui agerent gratias illi, quod promissū non seruato, Deos sibi hostes reddidisset. Plut.

*Idem.*

Ageſilaum Lacedæmoniorum regem quum quidam vrgeret improbè postulando, ut promissum præstaret, atque hoc ipsum crebrò repeteret: Recte sanè, inquit, rex. Siquidem iustum est, quod petis, promissi: sin minus, dixi, & non promisi. Quo dicto ostendit, promissum nequaquam præstandum esse, quo is cui promissum est, laedi possit. Plut. in Lacon.

*Phocion.*

Dicere solebat, Non magna quidem hominibus promittenda, sed magna facienda esse. Verū eius dictum inuertunt hodie, qui aureos montes ac Cræsi opes pollicentur hominibus, cum ne gregi quidem præstent. Stobæus ser. de Prudentia.

*Idem.*

Quum Leosthenes ciuitatem Atheniensium ad bellum pepulisset, magnificis spebus ad nomen libertatis ac principatus erectam: Phocion illius verba dicebat esse cupressis similia, quæ sublimes quum sint, ac pulchræ, fructū non habent. Nihil potuit dici accommodatius in sermonem splendide magnificæque pollicentem, sed infrugiferum: quemadmodum cupressus arbor sublimi compositoque in conum vertice, procul egregium quiddam polliceri videtur, ac vix vlla est stercilior. Plut. in apoph.

*Scipio minor.*

Cum C. Lælio consulatum petenti suffragaretur, Pompeiūque, qui tibi cinis filius putabatur, suffragaturum se esset pollicitus, atque longa expectatione Scipionem frustraretur (suam

Qq

enim



enim rem curabat) indignantibus cæ-  
reris, quod delusi essent, Scipio subri-  
dens: Stulticia (inquit) est nostra, tan-  
quam homines simus rogaturi, iam  
diu tempus terimus, tibicinem expe-  
ctantes. Plur.

*C. Costa.*

Dicebat, sese operam suam, in eo  
quod non contra officium peteretur,  
solere polliceri omnibus, sed impertire  
iis apud quos optimè poni arbitraretur.  
Sensit, nulli promittendum quod  
esset præter honestum: nulli tamen  
negandum, quod non contra ocium  
peteretur. Comitatis est benignè pol-  
liceri: sed quoniam omnibus opera  
præstari non potest, eligendi sunt qui-  
bus eam impertias. Vt cunque refert  
Q. Cicero ad fratrem, de petitione  
consulatus, & Bruson. lib. 1. cap. 15.

*Cicero.*

Suprà de Conuiciis.

*Vide apoph. de petitionibus parum iustis.*

## De pronuntiatione.

*Theocritus.*

**T**heocritus ad Grammaticum quen-  
dam ludimagistrum malè pro-  
nuntiantem accedens, rogauit, Qui  
sit, quod Geometria non doceas? Is  
quum respondisset, Quoniam ignoro.  
Quid tum? dixit. Nam legere etiam  
nescis. Norauit autem pronuntiationis  
vitium in Grammatico, qui non  
tantum ipse lingua promptus esse de-  
bet, sed aptus etiam ut aliorum verba  
& voces formeret. Stobæus serm. de Im-  
prudencia.

*Demosthenes.*

Cuidam percontanti, quid esset in  
eloquentia præcipuum, respondit A-  
ctio. Roganti, quid proximum? respon-  
dit, Actio. Roganti, quid tertium? ni-  
hil aliud respondit quam Actio: tan-  
tum tribuens pronuntiationi, ut in ea  
totum situm existimaret, Actio autem

multa complectitur, vocis moderatio-  
nem, oculorum vigorem, vultus habi-  
tum, & totius corporis gestum. Eras-  
m. lib. 4. apoph. ex Quintiliano.

*Pausanias sophista.*

Quoniam more suæ gentis crassa  
lingua sonabat, confundens cōsonan-  
tes, breues producens, productas cor-  
ripiens, vulgò dictus est coquus, qui  
pretiosa obsonia malè cōdideret. Philost.  
in sophist. & Volat. lib. 18. Urban. com.

*Anonymus.*

Illaudatus rhetor, cum causam age-  
ret pulchrè vestitus, sed tumultu irru-  
ens in tribunalia, voce semimuliebri,  
lingua supina, quouis potius spectans  
quam ad ea quæ agebantur: auersatus  
dicentem imperator studuit illos oc-  
cludere, totaque actione aquam inter-  
cipiebat, breues subinde percontun-  
culas obiciens. Ad quas cum parum  
appositè respōdisset Philiscus: Virum,  
inquit imperator, arguit cæsaries, rhe-  
torem vox. Græca plusculum habent  
leprosis, & pñi dñd ex dñxvñm ñ xñm, & dñ  
ñm ex quñ, notans illum, quod attonsa  
cæsaries declararet virum, sed oratio  
non declararet esse rhetorem, sed fœ-  
minam potius. Philost.

*Aeschines.*

Suprà titulo, de oratione aliens.

*C. Caesar.*

Celebratur C. Cæsaris dictum, quod  
prætextatus adhuc deprompsisset  
in quandam modulatus orantem:  
Si legis, cantas: si cantas, malè cantas.  
Quidam latrant orantes, verius quā  
loquuntur. Sunt qui rhetoricam pro-  
nuntiationem affectantes, medijs sunt  
inter canentem & loquentem. Memi-  
nit huius Q. Fabius, & Eras. li. 8. apoph.

## De prosperitate.

*Socrates.*

\* Siscitarus, quid bonis viris mo-  
lestum esset? respondit, malorum  
prospe:

prosperitas. Ant. & Max. ser. de fortuna bona & mala.

*Diodorus philos.*

\* Felicioris ingenij esse dicebat in fortuna cum dexteritate ferre, quam ingentem prosperitatem regere prudenter. Eod. ser.

*Epicurus.*

\* Humilis, inquit, & parvus animus prosperitatibus effertur, aduersis autem rebus deprimitur. Ibid.

*Epistetus.*

\* Hæc eius sunt de prosperitate scitè dicta. Stultus prosperitatis tanquam ebrietatis voluptate nimium fruens, stultior euadit. Eorum qui prosperè agunt antagonista est inuidia. Prosperitate, tanquam anni fructibus Autumnus, dum adest, frui debemus. In enchiridio & dissertationibus.

*Phavorinus.*

\* In prosperitate, inquit, ne superbi- as: & inops ne deiicias animum. Fortuna vices fortiter ferre scias. Ant. & Max. ser. de fortuna.

*Vide apoph. de Fortuna.*

## De prouidentia Dei.

*Socrates.*

\* Dicebat, si quid cura potest, illud cures: at si Deus ipse te curat, cur tu sollicitus tibi sis? Ant. & Maxim. ser. de Prouidentia.

*Plato.*

\* Virtus, inquit, nec sub doctrinam cadit, nec est naturalis, sed diuino fato inest iis qui eam habent. Eod. ser.

*Idem.*

\* Deus omnia, inquit, & secundum Deum fortuna & occasio humana gubernant vniuersa. Ibid.

*Alphonsus.*

Cosmus Florentinus Alphonso Aragónum regi malè pacatus, vir alioqui magnus & illustris, cum dono mi-

sisset regi Titi Liuij libros vtique praeclaros, reclamatum est à medicis regijs, qui aderant, ne librum attrectaret ab hoste missum, quem veneno infectum in regis interitum putabant. Verùm Alphonsus cum aliquando videretur medicis assentire, demum Luium manibus attrectans, hinc indeque legens & relegens quasdam historias, ad suos conuersus, ait: An ignoratis, regum animas non priuatorum libidini subiectas esse, sed sub curæ dei securas & lætas agere? Sensit vir prudētissimus, diuina prouidentia cum regantur omnia, cor regis (qui est Dei, vt Paulus ait, minister) semper esse in manu Domini, qui regit & flectit quod vult, contra omnia nostra cōsilia Ant. Panor. de reb. gest. Alphonsi, & Aeneas Syluius de eius dictis.

## De prouidentia hominum in rebus agendis.

*Chilon.*

**F**requenter dicere solitus est, Caue tibi ipsi, & caue te ipsum. Quorum primò admonuit, caute agendum esse cum hominibus, ne fraude circumuerti decipiantur. Deinde vnumquemque sibi suspectum esse oportere. Omnes enim ferè cauent sibi ab aliis: tamen interdum nemo magis hostis est hominij quàm homo sibi ipsi: quod fit, vt cum aliis imponimus, nosmetipsos perdamus. Laert. in vita Chilo.

*Thales.*

Suprà de Philosophiæ vsu & utilitate.

*Antisthenes.*

Dicere solebat, sapienti nihil esse nouum aut subditum: eo quod quicquid homini potest accidere, sit tam præmeditatus, vt nunquam dicat, noni putaram. Laert. l. 6. c. 1.

Qq 2

*Agelaura*

*Agefilas.*

Tissaphernes Persarum dux cum Agefilao fœdus nō ex animo, sed metu percusserat, hac lege, ut Græcas ciuitates sineret liberè suisque viuere legibus, mox ingentibus copiis à rege suo aacerfitis, bellum illi denuntiavit, ni Asia decederet. Hoc fœdus violatū libenter arripuit Agefilas, legatis hilari vultu respondens: Se magnam habere gratiam Tissapherni, quod per iurto suo & deos & homines sibi infensos reddidisset, aduersæ verò parti propitios. Rectè sensir, absque prudentia Dei nihil geri in rebus mortalium: magisq; fidendum diuino fauori, quàm humanis consiliis aut viribus. Plut. in Lacon.

*Iphicrates.*

Contemnebatur ab aliis, eo quòd ex patre futuro natus esset. Verum tum primùm nomen sibi & exstimationē fecit, cū vulneratus hostē armatum in nauem suam portasset. Is igitur cum in amicorum suorū agris haberet exercitum, & nihilominus vallū iaceret, fossasq; probè foderet, cuidam dicēti, Quid metumimus? respondit: Pessimam esse ducis vocem, Haudquaquam putaram. Significans, rebus prosperis sæpè numero imminere pericula nō exigua, quæ nullus expectasset. Aduersus inopinatos igitur casus cautè omnia esse munienda. Plut. in Græc. apoph.

*Epaminondas.*

Sub Epaminonda Thebano duce nunquam euenit, ut exercitum inuaderet tumultus Panicus, qui subitò præter causam interdum oboriri solet: propter summam præstantissimi huius ducis prouidentiam. Plutarc. in Græc. apoph.

*Persens.*

Suprà de Mutuo.

*L. Sylla.*

Infra de Regnandi libidine.

*M. Antonium.*

Suprà de iudicio nimis exacto.

*Cato Vicensis.*

Cū Cæsar Ariminum occupasset, & ad Pompeium summa rerum in vrbe translata esset, Cato dixit: Si mihi ista prædicenti credidissetis, P.C. nec vnus nunc timeremus, nec ab vno spes nostræ penderent. Plut.

*Alphonsus.*

Suprà de Principe bono, & eius in regni administratione officio.

## De prudentia.

*Socrates.*

**I**nterrogatus, quid esset prudentia? Animæ (respondit) concinnitas. Stob. ser. de Prudentia.

*Idem.*

\* Ut nauis vacua, inquit, instrumentis conuenientibus, sic vita prudentiæ effectibus munienda est atque instruenda. Stob. ibid.

*Idem.*

\* Nec equo, inquit, sine freno, neq; diuitiis sine prudentia tutò quis uti poterit. Eod. ser.

*Idem.*

\* Soli prudentiæ, tanquam consultissimo tutori, ut vitam omnē, ira maxime iuuentutem credere conuenire dicebat. Eod. ser.

*Idem.*

Sciscitatus, Quinam prudentes essent? Qui non facilè delinquant, respondit, Eod. ser.

*Idem.*

Adhortabatur subinde suos discipulos, ut hæc tria in omni vita sibi pararent: Ut in animo scilicet haberent prudentiam, in lingua silentium, & in vultu verecundiam. Max. ser. 41.

*Bias.*

\* Considera, inquit, & postea réagredere. Item. Aggredere tardus agēda, aggressus age constans. Laert.

*Peyian.*

*Periander.*

\* Ea facito, inquit, quorum non te poeniteat. Laert.

*Democritus.*

\* Dicebat sapientiam aut prudentiam quæ nihil admiraretur, omnium rerum esse dignissimam & preciosissimam. Stob. ser. 3.

*Periander.*

\* Quærenti quid in minimo maximum esset, respondit, prudentes cogitationes animæ in corpore humano. Stob. ibid.

*Iamblichus.*

\* Prudentia, inquit, virtutum princeps est, reliquisq; omnibus vititur, atq; ipsarum ordinem, modum & occasionem in præsentia, tanquam oculus quidam mentis vndequaq; lucidissimus, ostendit, &c. Tandem addit, Prudentia sui possessores efficit deo similes. Stob. serm. 3. de prudentia.

*Criton.*

\* Prudens vir, inquit, ad vitam, quasi ad viam quandam, non preciosius viaticum, sed quod magis necessarium est, comparat. Eod. ser.

*Bion.*

Dicebat, prudentiam tantò cæteris virtutibus antecellere, quantò cæteris sensibus præstaret visus. Nam oculi prælucent toti corpori, nec vlla est virtus absque prudentia. Nam quomodo iustus reddet cuique suum, nisi prudentia commonstret quid cui debeatur? Laert. lib. 4. cap. 7.

*Antisthenes.*

Dicere solebat, Tutissimum esse munus prudentiam, quòd is nec collabitor, nec proditur, Nulla quippe mœnia sunt tam munita, quin machinis aut suffossionibus, aut vallorum prodicione capiantur. Prudentis autem decreta sūt inexpugnabilia. Laert. l. 6. c. 1.

*Isocrates.*

Dicebat, virum frugi & prudentem

debere præteritorum meminisse, agere præsentia, futura cauere. Stob. ser. 1.

*Agessilaus.*

Cùm pugnaretur apud Mantineam, admonuit Lacedæmonios, vt cæteris omiſſis omnibus in vnum Epaminondam intenderent vim prælii, dicens, solos cordatos milites authores esse victoriæ. Quod cùm fecissent, victoriam naçti sunt. Hac voce consuluit Agessilaus incolumitati suorum, qui fuerant sine dubio manu hostium perituri. Simul illud docuit, in bello plus habere momenti vnum verè prudentem, quàm turbam imprudentum. Plut. in Lacon. apoph.

*Archidamus.*

Cùm bello Arcadas superasset, ob id laudatus à quodam: Præstantius erat, inquit, si illos prudentia quàm viribus superassemus. Plut. in Lacon.

*Scip. Minor.*

Iuuenis etiamnum, tantam habebat opinionem fortitudinis & prudentiæ, vt Carthago senior interrogatus de his qui apud Carthaginem militarent, in quibus erat & Scipio iunior, Homericoverſu responderit,

*Ille sapiens solus, volitant alij velut umbrae.*

De Tireſia dictum est apud Homerum, Odyſſ. Plut. in apoph.

*Estripides.*

Celebratur illud Euripidis dictum, Vnicum consilium rectum magnam militum manum vincere. Quo prudenter admonuit non perinde referre quàm numerosum educas exercitum, sed quàm cordati sint exercitus duces. In bello siquidè longè plus habet momenti prudentia, solertiæque, quàm vires consilij expertes. Eras. l. 8. apoph.

*Gregorius Theolog.*

\* Qui serpentis prudentiam in malis columbinæ sinceritati circa bona miscuerit, is neque prudentiam sinec malignam fieri, neque simplicitatem



Itolidam. Stob. ser. de prudentia.

*Vide apoph. de Sapiencia.*

## De prudenter dictis.

*Lycurgus.*

**L**ycurgus Lacedæmoniorum rex, percontanti quam ob causam vterentur legibus scriptis: Quoniam, inquit, eruditi qui sunt, benèque educati, probant quid pro ratione temporis expediat. Plut. in Lacon.

*Agessilaus.*

Agessilaus Lacedæmoniorum rex quoties audiebat aliquos ab alijs laudibus commendari, aut vituperari, dicebat non minus adinaduertendos esse eorum mores qui laudant, aut vituperant, quàm eorum qui laudantur aut vituperantur: vt intelligamus, ex vtraque parte hominum morbos, & animorum (quibus laborant) affectiones. Plut. in Lacon.

*Idem.*

Interrogatus à quopiam, cur Spartiatæ ad tibiurum clangorem prælia inirent? Vt dum ad numerum, inquit ingrediuntur, appareat qui sint fortiter periculum subituri, & qui sint effeminati. Ibid.

*Idem.*

Cùm iam Corinthiorum vires pugnando fregisset, exhortantibus amicis, vt urbem eorum quoque oppugnaret: negavit, id suæ virtutis conuenire, qui peccantes ad officium cogeret, non qui nobilissimas Græciæ vrbes subuerteret. Plut. in Lacon.

*Leontichidas.*

Rogatus à quodam, quo pacto quis bona quæ sunt, tueri valeret? Si non omnia, inquit, fortunæ crediderit. Plut. in Lacon.

*Cato Vicensis.*

Cùm in senatu Pompeio, cui parum aliqui fauebat, decerneret imperium,

dixit: Talium virorum esse, ingenia Reipubl. inferre mala, eadèmq; depellere, temporis consilium accommodans. Plut. in Catone.

*M. Antoninus Verus.*

Iam moriturus, cùm amicos affici dolore sentiret: Humanum est, inquit, humanis rebus affici & ingemiscere. Quo dicto ostendere voluit, hominem non esse saxum, aut ferrum: sed animal, quod faciliè in aduersis potissimè afficiatur, aliorumq; doloribus ingemiscat. Herodianus lib. i.

*Seneca.*

Videns Neronem imperatorem infinitos variis mortis generibus occidere, quos cogitare de imperio existimabat, dixisse ad imperatorem fertur: Licet plurimos occidas, attamen non potes successorem tuum occidere. Xiphilin. in Nerone.

*Ludovicus xj. Gall. rex.*

\* Quum Pontifex in eum diras euomeret: Atqui, ait, precandi ille, non imprecandi causâ pontifex est constitutus. Annal. Franc. Repetiit laudatam eam vocem sacerdotis quæ adduci non potuit vt Alcibiadem execraretur. Plut. teste in Alcib. vita.

*Idem.*

\* Relatum est Iulium Pontificem regio honori inuidere, & multa moliri vt Gallico regno crearet pericula: atqui, inquit Ludouicus, non tantùm otij superfuit D. Petro Apostolo, vt res Claudij Cæsaris, aut Domitij Neronis, quæ ad se nihil attinebant, curaret. Ibid.

## De publicis negotiis, priuatis anteponendis.

*Aristides.*

**A**ristidi erat simulas cum Themistocle. Huic quum delectus esset

set collega ad peragendum legationem : Vis, inquit Themistocles, ut in his mōtibus simultatem deponamus? Nam si videbitur, reuersi illam resumemus. Priuatos affectus publicæ posthabuit utilitati. Ex his enim ferè omnis humanæ vitæ perniciēs nascitur. Plut. in Græc. apoph.

*Idem*

Aristidis vxor administranti Rempublicam ei dixit. Vtinam priuatas quidem res putares esse publicas, & contrā publicas priuatas. Notauit autem hominis improbitatem, qui sua negotia Reipubl. anteponebat. Strob. ser. 37, ex Serino.

*Demaratus.*

Cuidam percontanti, quam ob causam apud Spartanos, qui scutum abieciſſent, notarentur ignominia, & infami vocabulo Ri pſaspides appellarentur, qui galeas aut thoraces, non item: Quoniam, inquit Demaratus, hæc sua ipsorum causa gerunt, scutum verò cōmunis exercitus gratia : significans vnicuique pluris esse faciendam communem utilitatem, quā propriam. Qui galeam aut thoracem abiecit, se ipsum prodit tantum, & exarmat: qui scutum abiecit, prodit vniuersam phalangem. Nam obtenta clypeorum tota acies tuta est aduersus hostium iacula. Plut. in Lacon.

*Pompeius Crassus.*

Marcello ac Domitio Pompeium in senatu rogantibus, num proximis comitiis petiturus esset consularum: Fortè, inquit, petam: fortè non petam. Rursus idem percontantibus : A bonis, inquit, ciuibz petam, à malis nequaquam. Quum hæc responsa ut amgva ac superba multos offenderent, Crassus idem percontantibus respondit, Si è Repub. fore iudicauero, petā : sin minus, à petendo abſtinebo. Plut. in Crasso.

*Cato Vicensis.*

Pompeius quo suam factionem redderet firmiorem, per Munatium petiit, ut Cato neptium duarum alteram sibi, alteram filio suo daret. Cato iussit reuersum Munatium Pompeio renuntiare : Se quidem per mulieres capi non posse, beneuolentiam tam illius sibi gratam esse : amicitiam, etiam quæ quauis affinitate firmior esset, polliceri, si quæ Reipub. conducerent, sequeretur. Cæterum, aduersus Remp. nunquam daturum obsides. Nepres in Matrimonium datas, obsidum nomine signans. Sunt qui narrent, non nepres, sed filias in matrimonium à Pompeio petitas. Eras. lib. 5. apoph.

*Alexand. Severus.*

Amicos & cognatos, si malos comperisset, puniebat. Id si vetus amicitia aut necessitudo nō patiebatur, à se dimittebat, dicens: His charior est mihi tota Respub. Significans, priuatos affectus utilitati publicæ posthabendos. Lamprid.

## De pudicitia.

*Phocias.*

**P**hocias in Ionia, parentibus honestis orta, ingenuèque educata, ad Cyri regis cœnam cum aliis mulieribus admissa, cæteris regios iocos ac lusus hilariter excipientibus, nec refugientibus ab illo tangi, sola tacitè ingressa ad lectum constitit, nec vocanti Cyro paruit. Cubiculariis autem tentantibus illam adducere: Flebit, inquit, quisquis horum mihi manus admouerit. Ob hæc, quum à cæteris agrestis & incomis haberetur: Cyrus gaudens, & cum risu versus ad illum qui mulieres adduxerat: Non intelligis, inquit, te hanc vnam ingenuam & incorruptam adduxisse? Postea ad hanc in primis adiecit animum, vnicèque adamabat,

Q 9 4 sapientem

sapientem appellans. Apud barbaros, mulieres attigisse, constuprasse erat. Plut.in apoph.

*Anonyma.*

Suprà de Dote.

*Vide apophr.de Castitate & Consensu.*

## De pudicitia coniugali.

*Anonyma.*

**Q**uidam Lacznam misso nuntio sollicitauit, num assentiretur, vt ipsi sui faceret copiam? Cui illa respondit: Quum essem puella, parenti obedire didici, idque feci: mulier autem facta, viro. Itaq; si me inuitat ad honesta, viro meo primum rem aperiam. Plut.in Lacznarum apoph.

*Alia.*

Lacznà rogata, num ad virum accessisset? Non, inquit, sed ille ad me. Significas, sese non libidinis causa commercium habere cum viro, sed parentibus ac legibus obtemperare. Turpissimum enim esse fœminæ, si virum ad coitum sollicitet. Plut.in Laczn.apop.

*Hieron.*

Hieronì quidam exprobrabat oris graueolentiam. At ille cum vxore postulabat, quòd id sibi nunquam indicasset. Tum illa: Putabam, inquit, viros omnes ad eundem olere modum. Eximium pudicitie argumentum, què nulli viro tam vicina fuerit, vt oris halitum sentire posset, præterquam vni marito. Plut.in apoph.

*Euboidas.*

Audiens à quibusdam prædicari vxores alienas, non approbavit id factum, dicens: De moribus ingenioq; vxorù apud exteros nullam omnino faciendam esse mentionem. Qui non tulit laudari coniuges aliorum, quid faceret vituperantibus? Prima laus pudicitie matronalis est, nulli notam esse præterquam suo viro. Eras.in apophr.

*Argens.*

Quibusdam non suas, sed aliorum quorundam vxores prædicantibus. Per deos, inquit, de bonis & honestis mulieribus nihil temerè loquendum est, sed in totum quales sint oportet ignorari, præterquam solis maritis, quibuscum viuunt. Tam insignis erat apud priscos virginum & vxorum pudicitia, vt eas ab aliis quam à parentibus aut suis maritis conspici, gradus aliquis ad impudicitiam haberetur: tantq; cautione cõsulebatur illarum famæ, vt parum pudica videretur, de qua rumor quamuis vanus oriri poterit: sed ea demum summa matronalis pudicitie laus haberetur, si mulier adeò domi conclusa viueret, vt nullus esset qui de ea vel bene vel malè loqui posset: propterea quòd hoc ipsum, matronam versari in fabulis, trahiq; per ora hominum, prostitutionis genus putaretur. Etenim qui laudat alienam vxorem, videtur habere cognitam cuius laudes prædicat, quod ipsum aliquid detrahit pudori fœmineo. Quid igitur vir ille præclarus sentiret de matronis, quæ sine maritis interesse gaudent iuuenum conuiujs, quæ cursant ad alienarum ciuitatum dies festos & emporia, quæ ducunt choreas ex viris ac fœminis alternè mixtas, quæ in balneis corpus nudum ostendunt, quorumlibet virorum oculis? Eras.Rot.lib.6.apoph.

*Canna.*

Canna Sinorito Galatæ nupsérat, eam Sinorix iuuenis præpotens adamabat: & clam interfecto Sinorito, de nuptiis Cannam sollicitare cœpit. Illa, quo coniugis mortem vlcisceretur, dissimulauit dolorem, & coniugij spem præbuit. Tandem Synorigem ad se venire iubet in templum Dianæ, cui erat dicata, quasi vellet hanc esse coniugij testem, & astans altari, ceu deę libatura,

libatura, & poculo bibit toxicum: mōx-  
que tradidit Synorigi, qui simulātque  
reliquum ebibisset, venerata deam: Te  
inquit, Dearum præstantissima testor,  
me huius tantum dici gratia hæcenus  
Synorito fuisse superfluum. Erasmus  
lib.6. apoph. ex Plutarchi libro de mu-  
lierum illust. rebus gestis.

*Chiomara.*

Cum misso pretio à suis reducere-  
tur, ac tribunus illam officij gratia ad  
flumen prosequeretur, clam mandauit  
vni servorum, vt Romanum illum se  
prosequente occideret. Is vbi caput  
præcisum Chiomaræ dedisset, illa sub  
veste tecum ad maritum detulit, & ad  
illius pedes abiecit. marito admirante,  
dicentēque, num præclarum duceret,  
seruare fidem? præclarum inquit: sed  
hoc præclarius, vnum duntaxat qui  
mecum concubuerit vivere. Fœmina  
aliquanto prudentior Lucretia, quæ  
non sua sed stupratoris nece, testata  
est suam pudicitiam. Plutar. cap. 21. de  
Clari. mulieribus. Liuius lib. 38. Plin.  
cap. 55. de Viris illustribus.

*Lucretia.*

Cum Collatinus cum paucis fami-  
liaribus ad Lucretiam venisset à Sex-  
to Tarquinio vi stupratam, quærenti  
viro ex more, Satin' salua? Minimè,  
inquit Lucretia, quid enim salui mu-  
lieri amissa pudicitia? Vestigia alieni  
viri Collatine in lecto sunt tuo. Sed  
corpus tantum violatum est, animus  
insons est, mors testis erit. His dictis,  
cultrum quem abditum habebat, in  
corpore infixit, & collapsa est mori-  
bunda. Eras. 6. apoph. ex Liuius.

*Bilia.*

Duellius, qui primus Romæ è nauali  
pugna triumphū obtinuit, iam senex,  
tremulūq; corpore, in iurgio quodam  
audiuit exprobrari sibi graueolentiam  
oris, rediit domum tristis, & expositu-  
lauit cum Bilia vxore, quam virginem

duxerat: cur huius vitij nunquam ad-  
monuisset, quo licuisset mederi? Ad-  
monuissē, inquit illa, nisi putassem  
omnibus viris ad eundē modum olere  
animā. Si Bilia verè sensit, quod dixit,  
argumentum est insignis pudicitix:  
sin finxit, magna item tolerantia, quæ  
tamdiu pertulerit hoc incommodum  
absque fastidio. Eras. lib. 8. apoph. Si-  
mile est ei quod paulo suprā de Hiero-  
ne retulimus ex Plutarcho.

## De pudore & verecundia.

*Diogenes.*

**A** Doloscenti cuidam erubescēti,  
atque ob id perturbato: Bono  
animo es, inquit, fili, istiusmodi est vir-  
tutis tinctura. Laert. in eius vita.

*Democritus.*

Eius præclara sententia hæc est: Ma-  
lum, etiam si solus fueris, neque dixe-  
ris, neque feceris: Disce autem, teip-  
sum multò magis quàm alios reuereri.  
Stob. ser. 29.

*Solon.*

Dixit, Hospitale Deum inter ho-  
mines, qui iusti pudoris participes sunt  
versari. Bruf. lib. 5. cap. 21.

*Musonius.*

Infrà de Reuerentia.

*Tythias.*

Infrà de Rubore.

*Demetrius Phal.*

Admonebat adolescentes, vt domi  
parentes in via obuios, in solitudine  
reuererentur seipsos. Pudor teneram  
ætatem optimè deterret à peccando:  
qui nusquam non adest, si quis reue-  
reatur seipsum. Laert. lib. 5. cap. 5.

*Hippocrasidas.*

Suprà de cōuiu & conuersatione.

*Demades.*

Aiebat, pudorem in muliere pul-  
chritudinis arcem esse. Stob. ser. 72.

*M. Cato.*



*M. Cato.*

Aiebat, sibi magis placere iuvenes qui rubescerent, quā qui pallefcerent, quod rubor arguat probam indolem, pallor non item. Plur. in apoph.

### De pudore præpostero.

*Lycurgus & Gorgo.*

**Q**uum essent qui vitio darent Lycurgo, quod virgines in pompis ac ludis solennibus nudas exhiberet oculis omnium, causamque cur id instituisse requirerent: Vt iisdem, inquit, cum masculis rationibus instituta, nihil sint illis inferiores, vel robore, vel salubritate corporum, vel animorum virtute ac generositate, studioque veræ laudis, vulgarem autem gloriam contemnant. Vnde tale quiddam fertur de Gorgone Leonidæ vxore: Cū quædam extera mulier illi dixisset, Solæ Lacænzæ viris imperatis: respondit, Nimirum solæ viros parimus. Hoc exemplum nec in masculis nec in pællis imitandum censuerim: hætenus tamē conducit ut stupidū pudorē, qui frequenter obstat honestis actionibus ab ætate tenera excutiamus: statimque discat, nihil esse verē pudendū, præter turpitudinē: innumeras verō reperiās, quæ nudatæ vehemēter erubescant: si quid præter honestum dixerint, fecerintve, non mutant colorē. Sunt item innumera, quibus amictus vilior, cultusque simplicior, genas rubore tingat, contrā, gloriosum esse ducant, si splendido vestitu prodeant in publicum, negligentes earum rerum, quæ verum probum, veramque laudem adferant. Erasmi ex Plur. Lacon.

### De pudore inutili.

*Diogenes.*

**C** Vidam ambienti à Diogene in philosophiæ disciplinam recipi,

admisso explorandi gratia, pernam in via ferendam dedit, seque iussit sequi. Ille præ pudore, abiecto quod gestabat furtim se subduxit. Aliquādo post forte fortuna illi factus obuius, ridens, Tuā (inquit) ac meam amicitiam perna diremit. Indicans illum nō esse idoneum philosophiæ discipulum, qui stupidum pudorem non posset cōtemnere. Neque enim turpe est gestare pernam: sed ab honesto recedere turpe. ita Laert. lib. 6. Diocles hoc ipsum paulū secus narrat. Quum quidam ambiens esset Diogenis discipulus dixisset illi, Impera mihi Diogenes: admissio in famulitium, casei frustum portandum dedit. Id quum ille ob pudorem recusaret: Nostram inquit Diogenes, amicitia paululū casei diremit. Br. l. 5. c. 27.

*Idem.*

Cuidam exciderat panis, eūmq; reliquit, quod puderet recipere. Hunc castigare volens Diogenes, iniecit suæ collo, traxit vrcum per Ceramicum: hoc faciens in poculo, quod ille in pane facere erubescat. Laert. l. 6.

*Antisthenes.*

Suprà de Argutē dictis.

*Agefilaus.*

Cū apud Spartanos Palladi rem diuinā faceret, ac pediculus eum momordisset, rex non auersus, arreptum coram omnibus occidere non erubuit, sed insidiatorem etiam in ipsa ara cōfodiendum esse dixit. Plur. in Lacon.

*Brutus.*

Dicebat, sibi videri eum ætatis florem malè collocasse, qui nihil negaret. Inutilis est verecundia, quæ obstat quod minus negemus obsequium ad inhonestam vocanti. Plur. in Bruto.

### De pueritia insigni.

*Cato Vicensis.*

**C** Vm puer adhuc à Druso auunculo educaretur, Latinique Romam ad

ad Drusum tribunum plebis eo tempore venissent, de Ciuitate impetranda acturi: Q. Pompeius Latinorum princeps Catonem orauit, vt pro sociis apud auunculum intercederet, vt id quod peterent facilius impetrarent. Verum Cato puer se facturum hoc negauit, cumque semel iterumque interpellatus eadem de re, omne denegasset officium, demum Pompeius in excelsam domus partem eleuatum se precipitaturum minatus est, nisi precibus & toties efflagitatis obtemperaret. Verum cum ciues intelligerent, nec sic puerum moueri potuisse, egregiam eius indolem laudantes altissima voce clamarunt: Gratulemur Latini nobis, hunc esse tam paruum, quo senatore, ne sperare quidem ciuitatem licuisset. Historiam recitat Plutarchus in Catone, vbi Pompeium Syllonem vocat, quem alij Popedium.

*Vide apoph. de Ambitione, indole excelsa, & ingenio.*

## De pulchritudine.

*Agellau.*

\* S'ciscitatus, cur Spartani comam salerent? Quoniam inter ornamenta dixit, minimo constar. Stobæus ser. 63. de Pulchritudine.

*Aristoteles.*

\* Dicebat, pulchritudine homines quauis epistola magis commendari. Stob. eod. ser.

*Idem.*

\* Interroganti cur quæ pulchra sunt amarentur? Cæci, inquit, hæc interrogatio est. Ibidem.

*Xenophon.*

\* Ignis, inquit, tangentes solum vrit: pulchri verò etiam procul distantes inflammanr. Visus enim veluti ansa est capiendi amoris. Plutarc. lib. de amore, apud Stobæum.

*Plutarchus.*

\* Nonne, inquit, hominum natura ex corpore & anima composita est? An verò alterutrum nobis sufficit? Sed quomodo id fieri posset? Corpus enim nisi anima vteretur, non viueret: neque anima existeret, nisi haberet cui innireretur. Cum igitur vtraque cognatis sibi virtutibus ornentur, anima quidem, iustitia, temperantia, prudentia: corpus autem viribus, forma, sanitate: an non admiratione dignum fuerit, corporeis neglectis, solius animæ bona recensere? Stob. ser. 63.

*Idem.*

\* In speculo, inquit, te contemplare: & si pulcher appareas, ea fac quæ decent pulchrum: sin deformis, id quod faciei deest, honestate morum supple. Anton. & Max. ser. de Pulchritudine.

*Leucippe.*

\* Pulchritudo, inquit, acutiùs telo vulnerat, & per oculos in animum defluit. Eod. serm.

*Diogenes.*

\* Pulchros & eosdem imperitos alabastris acetum continentibus similes esse dicebat. Ibid.

*Eseochs.*

\* Cuidam ob pulchritudinem glorianti, dixit, Non puder te superbire ob speciem pulchram, tibi ad exiguum tempus commissam. Ibid.

*Isocrates.*

\* Si pulchrum tibi corpus est, inquit, & anima mala, bonam nauim habes & malum gubernatorem. Eod. ser.

*Vide apoph. de forma corporis.*



## DE QUIETE.

*Chilon.*

D Icebar, semper adamandam esse quietem, quoties datur honestum otium. Nihil enim est

est, quod assiduum laborem perferre possit. Laert. lib. 1. cap. 4.

*Dion.*

Dicere solebat, oportere moderatè dominari, & recreari cupientibus id permittendum esse. Remissiones enim & ab exantlatis laboribus quies, ad novos labores homines præparant. Et sicut arcus & lyra, ita & homines quiete viget. Sto. ser. de dominis ac seruis.

*Vide apoph. de Otio honesto, Recreatione, & Tranquillitate.*

## DE RAPACI- TATE.

\*

*Plato.*



**R**APACITATEM pecuniarum, inquit, res illiberalis est: rapina, verò impudens. Stob. ser. 10.

*Nero.*

Nero nunquam cuiquam officium delegauit, nisi hæc adiiceret: Scis quibus mihi est opus, & hoc agamus, ne quis quid habeat. Vox prædone, quam principe dignior. Eracl. 6. apoph.

*C. Caligula.*

Suprà de Lusibus.

*Fl. Vespasianus.*

Vespasianus, quoniã rapacissimum quemque promouere solebat, vt mox diratos condemnaret, vulgò dictus est officarios suos habere pro spongiis: quòd (veluti spongas) & siccos maderaceret, & humentes exprimeret. Suetonius.

## De ratione.

*Socrates.*

**D**icebat, in nauigando gubernatori auscultandum esse: in viuendo autem illi, qui plus ratione valet. Stob. ser. de Prudentia.

*Idem.*

Eiusdem dictum est, Nee equo sine freno, neque diuitiis sine ratione tutò quis vti poterit. Stob. ser. 3.

*Diogenes.*

Dicere solitus est, sapius in vita parandum λῆγος ἑστῆς, id est, sermonem quàm laqueum. Qui desponderunt animum, ad laqueum confugiunt: quò ad consolatorium sermonem porius sit confugiendum. Nam animo ægro, tanti medicus est oratio. Nec absurdum fuerit sensus, si λῆγος accipiamus pro ratione: quasi diceret, qui desponderunt animum, confugiant ad rectam rationem. Diogenis dictum extat apud Laertium, lib. 6. cap. 2.

*Phocylides.*

\* Rationem homini telum ferro acutius esse dicebat. Stob. ser. 3.

*Aristoteles.*

\* Dicebat, rationem recedere ab omnibus quæ per iram committuntur, eamque fugere iracundiam tanquam acerbum tyrannum. Stob. ser. 20.

*Epietus.*

Eius dictum est, Turpe esse muneribus apum potione edulcare: Rationem autem deorum munus, non adhibere ad malitiz dulcendam amaritudinem. Stob. ser. 13.

*Idem.*

\* Quemadmodum, inquiebat, si conceptus aut natus esses in nauis, non ideo statim eius gubernator fieri velles: neque enim natura ad te nauis pertineret: sic neque opum abundantia, sed ratio. Id igitur quod tibi naturale & cognatum est, videlicet rationem, proprium tibi censere, & eius curam suscipere debes. Eod. ser.

*Idem.*

\* Non paupertas, inquit, molestum facit, sed animi cupiditas. Neque diuitiz à metu liberant, sed ratio. Si tibi rationem igitur comparaueris, neque diuitias

*Inuitias desiderabis, neque paupertatem accusabis. Ibid.*

## De ratione reddenda.

*Alcibiades.*

**Q**Uum aliquādo Periclem inuisset, & accepisset, illi tum non esse otium, propterea quod perpenderet quo pacto posset Atheniensibus reddere rationem. Nonne satius fuerit, inquit, cogitare, quid fieri possit, ut non reddat rationem? Notans, ita re gesta, ut non facile possit reddi ratio: proclius esse in totum effugere rationem, quam reddere. Plut.

## De reconciliatione.

*Euclides.*

**E**Velidi cum fratre simulas erat. Is equum minitans dixisset. Dispereā nite vltus fuero: Euclides contra, Disperream (inquit) nī tibi persuasero. Hoc dicto soluta est, simulas, & reditum est in gratiam. Eras. l. 6. apoph.

*M. Crassus.*

Quum Pompeius & Crassus in consularu collegæ decessuri essent magistratu, Cn. Aurelius quidam subito in forum procurres, clamauit, sibi visum in somnis, Iouem iussisse ne prius se magistratu abdicarent, quam in gratiam redissent. Idem flagitante populo, Pompeius nihil motus est: at Crassus surgens, viro collegæ dextrā porrexit, dicens: Nihil, o Quirites, me indignum facturum mihi videor, si prior cum Pompeio in gratiam rediero, quem vos etiamnum impuberē Magnum cognominastis, cuique prius triumphum decreuistis, quam in senatum allectus esset. Plut. in Crasso.

*Cicero.*

Crassus in Syriam profecturus, malens Ciceronem amicum quam inimi-

cum relinquere, officiosè salutato dixit, se apud illum velle cenare: quem Cicero alacriter excepit. Post aliquot dies quidam amicorum egerunt apud Ciceronem, ut cum Vatino quoque rediret in gratiam. Num, inquit, & Varius mecum cenare vult? Significans, illum cenam ambire potius quam amicitiam. Eras. 4. apoph.

*Ludouicus XII. Gall. rex.*

\* Anna regina eius vxor, acrius & sæpe apud eum instabat, & tandem se adepturam sperabat, ut Claudiam filiam (postea Francisci Valesij coniugē) desponderet Carolo quinto, Maximiliani Cæsaris nepoti. Sed rex sapientissimus, veluti præfagiens inter Hispanos & Gallos nullam posse iniri reconciliationem, immo discordes perpetuò fore: Tu vis, inquit, scelus ferire inter feles & mures. Ex lib. faceret dictorum à Ludouico, qui commentariis Æneæ Syluij de dictis & factis Alphonsi adiunctus est.

## De Recreatione, vel Relaxatione.

*Anaxagoras.*

**P**ublicè decretis honoribus animo magno repudiatas, id sibi omnino postulasse commemoratur, ut quo die mortem obiret, pueris, qui disciplina & artibus operam darent, permitteretur feriatos otari & ludere. Sedit enim vir doctissimus, ingenia adolescentum nimio studio frangi, refocillatione autem aut recreatione ad nouos labores agiliores fieri. Plut. in Polytiis. Vel potius hac ratione sibi famam comparare curauit.

*Diogenes.*

Suprà de Lepidè dictis.

*Amasis Aegypti rex.*

Ab amicis reprehensus, quod perfunctus



functus negotiis forensibus poraret, omnique voluptatum genere soluere-  
tur, respondit: Qui arcus habent eos  
non intédere nisi quum opus est: quos  
si semper intendant, rumpendos esse:  
ac ne tum quidem fore vsui, quum exi-  
git vsus. Ita qui nulla relaxatione cu-  
ras suas soluunt, aut mente captos,  
aut corpore malè affectos euadere.  
Brusl. 4. c. 28.

*Vide apoph. de Otio Honesto, & Quiete.*

## De regno & regibus.

*Solon.*

**A**Vdiens quosdam principum mo-  
res iniquè reprehendentes, In re-  
bus magnis administrandis difficile  
dicebat esse, omnibus posse placere.  
Necesse enim est, vt qui multis impe-  
rat, non paucos offendat. Laert.

*Diogenes.*

Suprà de Argutè dictis.

*Plato.*

\* Neminem regem dicebat non ex  
seruis esse oriundum: neminem non  
seruum ex regibus. Sen. epist. 44.

*Xenophon.*

\* Dicebat honestius esse regi benefi-  
ciorum quàm trophæorum numerum  
relinquere. Stob. ser. 46.

*Socrates.*

\* Optimum regem esse dicebat, qui  
suis affectib. moderari posset. Eod. ser.

*Corys, rex Thracie.*

\* Acriter in subditos animaduerte-  
bat. Cùm igitur amicorum quidam ad  
ipsum dixisset, Hoc furor est, non reg-  
num: respondit, At meus hic furor  
subditos temperantes efficit. Plut. in  
apoph.

*Leonidas.*

Cuidam dicenti, Excepto regno  
nulla re nobis præstas: At, inquit, ni  
vobis fuisset melior, non essem rex.  
Moderatissimo dicto & refellit con-

uicium, & suam dignitatem defendit.  
Etenim vbi reges non nascuntur, sed  
civium suffragiis eliguntur, hoc ipso  
publicis calculis princeps iudicatus  
est cæteris melior, quodd ad regnum  
ascitus est. Plut. in Lacon.

*Ariston.*

Cuidam laudibus vehenti dictum  
Cleomenis, qui rogatus, quid oportet  
bonum regem facere? respondit, Ami-  
cis benefacere, inimicis malè: At  
quantò præstantius est, inquit, vir op-  
time, amicis benefacere, & ex inimicis  
reddere amicos? Hanc sententiam ci-  
tra controuersiam primus omnium  
Socrates prodidit, & ad illum refertur,  
Plutarch.

*Philippus.*

Alexandro filio luadebat, vt eos qui  
in Reip. pollerent autoritate, tum bo-  
nos, tum malos sibi conciliaret ami-  
cos: ac bonis quidem vteretur, malis  
verò abuteretur. Præcipua regum ars  
est, nullum reiicere, sed ad publicam  
utilitatem omnium operam accommo-  
dare. Quemadmodum Deus vnicus  
torius mundi monarcha, malis geniis  
ac impiis hominibus abutitur ad utili-  
tatem Ecclesiæ: ita principes cordati  
norunt & probis & improbis vt: non  
quodd ipsi per malos mali quippiam fa-  
ciât, sed quodd per malos puniant ma-  
los. At multi sunt principes, qui præ-  
posterè bonis abutuntur, malis vtun-  
tur. Ad tyrannica negotia viros adhi-  
bêt sanctitatis opinione celebres, quò  
vulgus esse rectû ac pium quod agunt  
existimet. Plut.

*Idem.*

Suprà de Amico castigatore.

*Alexander.*

Habebat secum Eudemonicum phi-  
losophum, qui cùm aliquâdo tonaret,  
vehementer aded vt omnes expaue-  
scerent, dixit etiam Alexandro, Quin-  
tu tale quippiam facis Alexander? At  
ille

ille non ferens philosophi vocē, ridēs, ait: Nolo meis formidabilis esse, vt tu me doces, qui satraparum & regum capita me iubes super cenam apponere. Athenæus, & Plut. in eius vita.

*Idem.*

Quum leuitate corporis, ac pedum celeritate polleret, patri hortāti vt in Olympiis stadium decurreret: Facerē, inquit, si reges habiturus essem con- certatores. Et hīc agnoscas animum excessum, nec cuiquam facile cessu- rum in certamine laudis & imperij. Nondum erat rex, & tamen non dig- nabatur nisi cum regibus committi. Plut. in apoph.

*Idem.*

Porus rex ab Alexandro deuictus, quum ab eo post pugnam, rogaretur, dicente, Quomodo te tractabo? Re- gie, ait. Rursus subiicienti Alexandro. Num quid etiam aliud? Omnia, inquit Porus, complectitur hoc verbum, Re- gie. Alexander & prudentiam & forti- tudinem viri admiratus, latiore di- tionem illi addidit ea quā prius ob- tinuerat. Supplici, & ad pedes abiecto minus concessit. Ad eō diligebat ani- mosus iuuenis impauidos animos. Q. Curtius aliquanto secus narrat. Inter- rogatus Porus, quid ipse victorem sta- tuere debere censeret? Quod hic, in- quit, dies tibi suadet, quo expertus es quā esset caduca felicitas. Submo- nuit regem, vt modestē sua fortuna vreretur, memor ipsi posse accidere quod acciderat Poro. Historiam reci- tat Plut. in apoph.

*Mnem.*

Quum in concione Tarentini trac- tarent de bello suscipiendo, & de Pyr- rho asciscendo, sumpta corona & fa- te ardente, præcedente tibicine, ve- luti ebrius, venit in forum: atque, vt fit, aliis applaudentibus, aliis ridentibus, nonnullis etiam ad canendum

hominem inuitantibus, processit in concionem, ac tanquam cantaturus astitit. Silente verò turba, dixit: Rectē facitis viri Tarentini, qui iocari lude- réq; dum licet, qui velint, permittitis. Atqui si sapitis, omnes hac ludendi li- bertate fruimini, priusquam Pyrrhus adueniat. Nam tum non nostro, sed illius arbitrio viuendum erit. Plut. in Pyrrho.

*Pyrrhus.*

Pyrrhus rex, quum Athenas venis- set, & ingressus arcem Palladis, rem diuinam fecisset: eodem die descen- dens ex arce, collaudauit quidē Athe- niensium erga se fiduciam: ceterū admonuit, si saperent, ne post hac cui- piam regum portas aperirent. Signi- ficans, omnibus regibus natura inui- sam populi libertatem. Eras. l. 4. apoph. ex Plut.

*Hieron.*

Hieronī Siciliæ tyranno, cum qui- dam dixisset, potiorē esse regum vi- tam, quā priuatam, vt potē quæ sin- gulis sese expleat voluptatibus: Hiero respōdit, voluptates ipsas melius sen- tiri in vita priuata. Nam vt de libidi- nosa voluptate prius dicatur, ostendit maiorem voluptatem concipiā priua- tis, si quando potiuntur amica, quia spontaneus sit atq; mutuus amor, non coactus; quā tyrannorum, qui coac- to aut empro potiuntur amore. De voluptatibus ciborū ait, regibus nul- lam vnquam esse famem præ ferculo- rum multitudine, & ob id semper ac- dis vesci. In vita verò priuata semper subesse famem delectationēq; Ad- didit præterea multa incommoda, quæ regnantes circumueniunt, à quibus priuati sunt planē immunes. Xeno- phontem hac de re lege copiosius.

*Antigonus.*

Quodam dicente, omnia regibus honesta iustāque esse: Sunt per Iouem inquit,

inquit, barbarorum duntaxat regibus, ac nobis ea duntaxat honesta sunt, quæ honesta sunt: & ea tantum iusta, quæ iusta sunt. Grauitè rerudit adulatricem vocem, volentis omnia licere regibus. Non enim rex est honesti iniustiq; regula, sed honesti iustiq; minister est. Atque vtinam similes voces non audiant Christianorum aures: aut si audiant, simili seueritate reiiciant. Quid enim aliud dicunt, qui occinunt: Quod principi placuit, legis vigorem habet: qui negant principem teneri legibus: qui tribuunt illi geminam potestatem, ordinatam & absolutam, quarum altera possit quod leges, pacta & fœdera postulant: altera quodcumq; libuit? Eras. lib. 4. apoph. ex Plut. in apoph.

*Idem.*

Suprà de Imperio administrando.

*Theopompus.*

Infra de Sapienter dictis.

*Scipio maior.*

Iam tertium à senatu emissus, vt gentium ciuitatum, ac regum inspector esset, postquam peruénit Alexandriam, nauique egressus, capite pallio testus incederet, Alexandrini vndiq; accurrentes, flagitabant vt caput nudaret, faciémq; id desiderantibus ostēderet. Quum se nudasset, clamore & plausu testati sunt gaudium suum: quumque rex Alexandriæ vix interim ob delicias ac molliciem corporis æquaret Romanos incedentes, Scipio voce submissa Panetio insusurravit in aurem: Iam, inquit, Alexandrini nonnihil ex nostra peregrinatione fructus ceperunt, quib. per nos contigit videre regē ambulante. Nam Athenæus ex autoritate Posidonij scribit, Ptolemæum perquam obeso corpore nunquā antea pedibus ambulasse. Plut. in apoph.

*Sasurninus.*

Suprà de Imperio administrando.

*Pylades.*

Pylades histrio Augusti temporibus celebris, quum Hilar discipulus, quem ad æqualitatis contentionem prouexerat, in scena canticū quoddā saltaret, cuius clausula erat, *ἢ μέγα ἀγαμέμνων* id est, magnū illum Agamemnonē ac sublimem, veluti metirerur: & cauea proclamauit, *οὐ μέγα, ἢ μέγα πρὸς μέγα* id est, tu longum facis, non magnum. Tunc populus efflagitauit, vt Pylades idem canticū saltaret iterum. Quumque ad locum venisset, quem reprehēderat, expressit Agamemnonem cogitandum: nil magno duci magis conuenire ratus quā pro omnibus cogitare. Ea res magnum ducem facit, non proceritas corporis. Eras. lib. 6. apoph.

*Alexander Senecus.*

Cū obiurgaretur à matre & vxore, quod contemptibiliorem relinqueret imperij potestatem, quā ab antecessoribus suis accepisset, respondit, Sed securiorem & diuturniorem. Brut. lib. 3. cap. 13. Simile est ei quod Theopompo attributum, paulo suprà recensuimus.

*Vide apoph. de Magistratu, Reipub. gubernatione, Principe, &c.*

## De regnandi libidine.

*Agis sen.*

Cūm legationem suscepisset, solus, Cad Philippum profectus est, is vbi admirans dixisset, Quid hoc rei est? Vnus venisti, Agis. Quid ni inquit, ad vnum? Grauitè taxauit aliorum principum ambitionem, qui sumptuosas ac splendidis legationibus exhaustiunt ærarium, quum vnus vir cordatus possit totum hoc præstare quod Reipub. interest. Eras. in apoph.

*Cyrus iunior.*

Cyro confucturo cum hoste, loco qui

qui dicitur Cunax, Clearchus fuasit, ut se post Macedones contineret, nec se in belli discrimine coniceret. Quid ais, inquit, Clearche? videtur ut quum regnum appetam, regno me indignum ostendam? Plut. in apoph.

*Diomysius scribit.*

Quum in initio regni regia ipsius obsideretur, coniuratis in illum ciuibus: & amici authores essent, ut imperium deponeret, ni mallet captus interfici: ille conspiciens bouem à coquo mactatum illico concidere, dixit: Quum mors adeò brevis sit, an non absurdum sit, nos metum mortis tale regnum relinquere? Quanta regnandi libido pectus illius occuparat, qui principatum morte bene emi putaret. Plut. in apoph.

*Diogenes.*

Suprà de belli studio.

*Philippus.*

Philippus Macedonum rex in palæstra prolapsus, quum surgens in puluere vidisset corporis vestigium, Papè inquit, ut minimam terræ partem natura sortiti, orbem appetimus vniuersum? Vtinam hoc dictum inhæsisset animo filij, cuius ambitioni orbis fuit angustus. Eras. ex Plutarch.

*Alexander.*

Puer adhuc, cum parentis sui fortia facta intueretur, nequaquam tamen in gaudebat: sed inexplibilis, ad pueros æquales dicere solebat: Pater nil quicquam mihi relicturus est. Illis vero contradicentibus. Imò hæc omnia parat tibi ut hæredi: Quid tum postea, inquit? Ego interim nil habebō, quod agam. Quis non miraretur tantam regnandi cupiditatem puero inuisisse, qui præter naturam eius ætatis, non fuit contentus imperio patris sui? Imò ab ipsis statim cunabulis animum in id intendit, ut multorum dominus solus esset. Plut. in apoph.

*Idem.*

Suprà de Adulatione & Assentatione.

*Idem.*

Suprà de lectionis delectu.

*Idem.*

Quum audisset Anaxagoram differentem innumerabiles esse mundos, illachrymasse dicitur. Rogatibus, num quid accidisset lachrymis dignum? An non videor, inquit, merito flere, qui quum mundi sint innumerabiles, nondum vnus dominus factus sum? Plut. in vita Alexandri.

*Idem.*

Miserat epistolam ad Antipatrum, per quendam nomine Athliam, quumq; id temporis fortè adesset Diogenes, Cynico more dixit: Athlius ab Athlio per Athliam ad Athlium. Porro athlius Græcè miserum sonat, multisque laboribus afflictum: vnde & athletes nomen. Sensit philosophus, principes ob ambitionem assiduis bellis tumultuantes, verè miseros esse: æquè autem miseros, qui illorum cupiditatibus inservirent. Laert. lib. 6. & Erasim.

*Idem.*

Alexandro Magno Corinthij per legatos ius suæ ciuitatis detulerunt. Hoc officij genus quum risisset Alexāder, quidam è legatis: Nulli, inquit, ciuitatem vnquam donauimus, præterquam tibi & Herculi. Hoc audito iubens accepit oblatum honorem, quem illi commendabat, partim raritas, partim cum Hercule laudatissimo viro societas. Plutarch. in Alexand.

*Idem.*

Edicto vetuit, ne à quodam pingetur, præterquam ab Apelle: aut à quouam ære sculperetur, præterquam à Lysippo, artificibus illius ætatis præstantissimis, nam hoc quoque iudicabat ad principis dignitatē pertinere. Cum Cherylo poeta pacis erat, ut

R r

pro



pro vnoquoque bone versu Philippi-  
cum acciperet aureum, pro malo gola-  
phum. Erasmi lib. 4. apoph.

*Demades.*

Quum Athenienses vellent Alexan-  
dro diuinos honores decernere, Vide-  
te, inquit Demades, ne dum scelum  
custoditis, terram amittatis. Alexan-  
der enim ambiebat monarchiam. Ab-  
surdum autem erat, eos sic alium do-  
nare coelo, vt ipsi terra sua pellerentur.  
Erasmi lib. 6. apoph.

*Cyneas.*

Pyrrhum Epirotarum regem cum  
Italico bello imminere cerneret, fre-  
tus ingenij dexteritate posse Pyrrhum  
de sententia deduci. Nosti, ait, Pyrrhe,  
Romanos imperio potentes, animo  
corporéque pollere, multasque feras  
gentes domuisse. Si autem Dij faue-  
rent nobis adeo, vt victoria potire-  
mur, quid quæso tibi vltra agendum  
putares? respondente Pyrrho, se cum  
Romanis militibus in Siciliam tum  
traiecturum: tum Cyneas, His etiam  
deuictis, ait, quid vltra agetur? Aphri-  
cam traiciemus, inquit Pyrrhus. Cui  
Cyneas, Sed his demum partis, qui-  
bus rebus tempora nostra transige-  
mus? Tum Pyrrhus: Læti vna inter  
festos dies, ludosque agemus. Cyneas  
autem: Quis prohibet, sine tantis la-  
boribus ac periculis, quin vel hac ipsa  
hora, cum tu magnus, atque opulen-  
tus rex sis, lætè simul viuamus? Argutè  
simul, sapienterque hominum inexpli-  
bilem cupiditatem ostendens, quæ in-  
cognita, eos ad infinita pericula de-  
ducit. Huic si Pyrrhus obtemperasset,  
neque in Italia vulnus acceperisset, neque  
ab Argis postea oppressus vitam ami-  
sisset. Si alij quoque, quos orbis terra-  
rum habet principes ista quæ Cyneas  
sapienter Pyrrhum monebat, metiri  
vellent, ambitiosas curas magis frena-  
rent, atque sibi, terrarumque orbi ad

quietioris vitæ cursum rectius consu-  
lerent. Nunc prauos maiora habendi  
impulsus sequentes, non modo id asse-  
quuntur, vt anxij semper viuant: verum  
etiam vt in grauissimas calamitates,  
atque in ipsam mortem sine vilius reme-  
dij spe, cum populorum perturbatione  
incurrant. Ex Plut. in vita Pyrrhi.

*Annibal.*

Inter Scipionem Africanum & Anni-  
balem ortus est sermo de præstatiâ du-  
cum. Quumque Scipio rogasset, quem  
primū censeret? respondit, Alexandrum  
Magnum: quem secundum? Pyrrhum  
Epirotarum regem: quem tertium? se-  
ipsum nominauit. At quid, inquit Sci-  
pio, si me vicisses? Tum, inquit, me ne-  
que secundum, neque tertium, sed omni-  
um primū censuissem. Plut. in Annib.

*Tompeius.*

Phreati Parthorum regi per legatos  
postulanti, vt Euphratem Romanæ di-  
tionis terminum esse vellet? Imò, in-  
quit, illud magis postulandum, vt Ro-  
manorum fines à Parthorum regno in-  
stitia dirimat. Significans, Romanis non  
esse præscribendum quousque debeant  
proferre imperium, à quo propagando  
non montes aut flumina debeant ar-  
cere: sed ibi demum fore fines Roma-  
næ ditionis, vbijus non esset vltius  
procedere. Plut. in apoph.

*L. Sylla.*

Quum cogitaret de occidendo Ce-  
sare, amicis ne id faceret dehortanti-  
bus, indignum enim esse talem necare  
puerum: Desipitis, inquit, si in hoc pu-  
ero non videtis multos inesse Marios.  
Deprehendit in eo ambitionem insa-  
tiabilem, vt qui vix dum pubescens sa-  
cerdotium ambierit. Idem populum  
Romanum subinde monere solebat:  
cauerent puerum malè præcinctum.  
Erasmi lib. 6. apoph.

*Cassius.*

Suprà de Indole excelsa.

*Cicero.*

*Cicero.*

Pompeio ac Cesare inter se diffidentibus, Cicero: Quem fugiam, inquit, scio: quem sequar, nescio. Sentiens, ambos non pro Reip. libertate, sed pro principatu dimicare. Plut.

*Idem. Caesar.*

Quum ex Gallia prouincia aduersus Pompeium tenderet, Rubicone amne transmissio, dixit: Omnis iacta sit alea. significans, se de summa rerum velle periclitari. Is enim fluuius Galliam ab Italia dirimit. Plut. in apoph.

*Idem.*

Alexandri Magni res gestas legens, non tenuit lachrymas. atque ad amicos: Hoc, inquit, ætatis qua nunc sum, Alexander deuicit Darium: mihi verò ad hunc vsque diem nihil præclari facinoris gestum est. Suetonius tradit id accidisse, quum prætor iure dicundo cõuentus obiens apud Gades in templo Herculis vidisset Alexandri Magni statuam. Vtinam hoc ingenium ad moderati potius quàm ad maximi principis æmulationem properasset. Plut. in apoph.

*Idem.*

Quum Africam petens, in egressu naui prolapsus esset, omen sinistrum vertit in melius, dicens: Teneo te Africa, Frontinus id factum putat in consensu naui, eumq; dixisse, Teneo te terra mater. Huc opinor alludens, quod cum quodam somnio perturbatus, quod sibi visus esset constuprare matrem, coniectores interpretati sunt, portendi totius orbis imperium. Eras. l. 4. apoph. ex Plut.

*Augustus Caesar.*

Audiens, quod Alexander natus annos triginta duos, postquam plerasq; mundi regiones peragrarat, dubitasset quid in reliquum vitæ tempus esset facturis: demirabatur, si Alexander non ludicasset maius opus, bene gu-

bernare partum imperium, quàm amplam ditionem comparasse. Rectè notauit inexplabilem Alexandri ambitionem, qui nullam aliam functionem rege dignam existimasset, quàm proferre ditionis terminos: quum multo tum pulchrius tum difficilius sit regnum quod contigit, rectis legibus, sanctisq; moribus exornare, quàm armis regno regnum addere. Plut. in Rom. apoph.

*Agrippina.*

Quum genethliaci Agrippinæ matri Neronis respondissent, imperaturum quidem filium, sed occisurum matrem, Occidar, inquit, modò imperet. Tam impotens erat in femina dominandi sitis: & habuit quod optauit, Suet.

*Alexander Senerius.*

Senio iam confectus, cum vnam sibi præparasset, in ea mortuus sepeliretur, paulo antè quàm decederet è vita eandem ad se perferri iussit, manibusq; contrectauit: Tu, inquit, virum capies, quem totus orbis terrarum capere nunquam potuit. Dion Nicæus, & Xiphilinus in eius vita.

*Rodolphus Cæs.*

Interrogatus, Qui fieret, ut homines eas quas nõ didicerunt artes, omnes recusarent, imperij autem gubernationem oblatam nemo? Nõ mirum, inquit: stultos enim putant, qui regnare nesciunt: stultum autem nemo sese iudicat. Æneas de dictis Freder. imp.

*Alphonsus.*

Aiebat, olim inter Iouem, Neptunum & Plutonium omnium rerum partitionem trifariam esse factam, & horum vnumquemque sua sorte contentum esse, nec occupare aliena: at inter homines, neminem sua portione contentum esse, nec vllam partitionem esse stabilem, sed omnes *πλὴν ἑαυτοῦ*. Notabat autem ambitionem principum, & regnandi nunquam satientiam.

Rr 2

libidi

libidinem. Quis enim hodie regum & principum est, qui sua sorte cōtentus, non cogitet, quo iure quave iniuria suis dirionibus plura adiiciat? Pan.lib. 4. de rebus gest. Alphonfi.

## De regno virtute parando.

*Agésilans.*

**Q**UUM aliquando quidam percontatus esset Agésilauum, quinam essent fines Laconicæ ditionis? vibrata lancea: Quousque, inquit, hæc valeat pertingere. Vox egregio duce digna, qui bellum non nisi iustum susceperet, imperiūmq; virtute partū virtute tueretur. Plut. in apoph.

*Dionysius iunior.*

Cuidam percontanti, quid factum esset, ut cum pater ipsius tenui fortuna ac priuatus sibi Syracusanæ ciuitatis principatum parauerit, ipse regis filius regnum hæreditate acceptum amiserit? Quoniam, inquit, pater rerum potitus est, quum iam in odium venisset popularis gubernatio: ego, quum inuidia laboraret tyrānis principatum suscepi. Plut. in apoph.

*Idem.*

Amico, id ipsum percontanti, compendio respondit: Pater, inquit, mihi regnum suum reliquit, non fortunam. Non omnia omnibus æquè feliciter cedunt. Plut.

*Philippus.*

Vbi rescivit Alexandrum filium cōqueri, quod pater ex pluribus scēminis gigneret liberos, sic illum hortatus est: Ergo quum plures habeas regni competitores, da operam ut honestus, ac probus euadas, ut non per me, sed per te ipsum regnum obtinuisti videaris. Vir prudentia verè regia præditus, nō consolatus est filium, sed metum illius auxit, quod magis extimularet ad vir-

tutem. Indicans, illi non aliter sperandum paternum regnum, nisi se successionē dignum præberet: nec tam magnum esse regnum adipisci, quā regnum promeruisse. Plut. in apoph.

*Idem.*

Suprà de Beneuolentia.

*Agathocles.*

Figulo patre natus, quum Sicilia potitus esset, rexque declaratus, solebat in mensa fictiliā pocula iuxta aurea ponere, eaq; iuuenibus ostendens dicere: Quū antea talia fecerim (commonstratis fictilibus,) nunc per vigilantiam ac fortitudinem talia facio: commonstrans aurea. Non puduit pristinæ fortunæ: sed gloriosius existimauit regnum virtute partum, quā si hæreditate obuenerit. Nam regem nasci nihil magni est, at regno dignū se præstitisse maximum est. Plut. in regum apoph.

*Pyrrhus.*

Quum à filiis etiamnum pueris interrogaretur, Cui nostrū relinques regnum? Quicunque, inquit, vestrum acutiorem habuerit ensē. Significās, se non ætati daturum principatus successionem, sed virtuti. Hoc stimulo liberos omnes ad certamen fortitudinis excitauit. Plut. in apoph.

## De responso ab inexpectato.

*Diogenes.*

**P**ERCONTANTI, Quidnam vellet, ut colaphum acciperet? Galeam, inquit. Responsum ab inexpectato datū. Ille enim querebat quid mercedis peteret pro colapho. Laert. lib. 6. c. 2.

*Xenocrates.*

De obscenis quibusdam rebus à quodam percontatus, tacuit: verū cum virgeretur respōsum, De talibus, inquit,

Inquit, rebus te hominem vanum interrogare decet, me autem respondere nequaquam. Maxim. ser. 3 l.

*Stratonicus.*

Interrogatus, quod nauigiorum genus esset tutissimum, longorum, aut contrà? respondit, Ea quæ subducta sunt. Significans, tum demum nauigantes in tuto esse, cum nauis in siccū protracta fuerit. Athenæus.

*Demonax.*

Interrogatus, quidnam sentiret de conflictu duorum, quorum alter ineptè proponebat, alter absurdè respondebat? respondit, sibi videri, alterum mulgere hircum, alterum supponere cribrum. Plut. in apoph.

*Archidamus.*

Quidam cum Archidamum intempestius rogasset, quot esset Spartanorum? Tor, inquit, sunt ô hospes, qui malos sufficiant arcere, vt tuti sint ab omni hostium periculo. Plut. in apoph. & Brut. lib. 3. cap. 16.

*Anonymus.*

Sciscitatus ab importuno quodam & loquace viro, Quis esset Spartanorum omnium optimus? Qui tibi (respondit) minimè similis est. Plutarc. in apoph. Lacon.

*Pontidius.*

Interrogatus, quid sentiret de eo qui fuerat in adulterio deprehensus? Tardus, inquit, mihi fuisse videtur. Ludentes ab inexpectato: significāsque quod non fugisset in tempore. Eras. 6. apoph.

*Diogenes.*

Suprà de Belli studio.

*Mania.*

Rex cum Lamiam meretricem parum sobriè amaret, eaque iam senex in conuiuio tibiis cecinisset: Demo, quæ & Mania dicta est, interrogata à Demetrio, Quid videretur Lamia? Anus, inquit. Aliud respondens, atque expectabat rex: Nam ille sciscitaba-

tur, quàm scitè videretur canere? Eras. lib. 6. apoph. ex Plut.

*Appius.*

Quum in senatu ageretur de agris publicis, ac premeretur Lucilius ab his qui à pecore eius depasci publicos agros dicerent: Non est, inquit, Lucilij pecus illud, erratis. Haecenus defendere videbatur, sed adiecit: Ego liberum puto, quàm lubet pascitur. locus est ab inexpectato. Expectabatur enim, vt probaret hoc pecus non esse Lucilij, sed alterius cuiuspiam, ac reum subleuaret, nunc irrisum grauabat. Eras. l. 6. apoph.

*M. Scipio Maluginensis.*

Cum ex sua centuria renuntiaret Accidinum consulem, & præco dixisset, dic de L. Manlio: Ego, inquit Scipio, virum bonū, eregiūmq; ciuem esse arbitror. Præco expectabat suffragiū pro Manlio: Scipio respondit, quasi de moribus interrogatus. Nescio an hic Accidinus, nomine & prænomine dictus sit L. Manlius, quumq; Scipio postremum nomen tantum expressisset, præco admonuit, & illa addenda. Hinc Scipio iocandi occasionem arripuit. Eras. Rot. lib. 6. apoph.

*Fab. Maximus.*

Salinator, cum Tarento amisso, arcem tamen retinisset, multaq; ex ea præclara fecisset: cum aliquot post annos Maximus id opidum cepisset, rogarētq; eum Salinator, vt meminisset opera sua se Tarentum recepisse: Quid nū, inquit, meminerim? Nunquā, ego recepissem, nisi tu perdidisses. Cicer. lib. 2. de Oratore, & Plut.

*Lepidus.*

Suprà de Excultatione.

*C. Iulius Helio.*

Mancipio sæpius obstrepenti sibi, dixit: Etiam ostendam qualis sis, & instanti, vt ostenderet qualis esset, Iulius digito demonstrabat Gallum in Ma-



riano scuto Cimbrico depictum, labiis distortum, eiecta lingua, buccis fluentibus, cui mancipium tum simile est visus. Taberna autem erat apud forum, ac scutum illud signi gratia positum. Ingens omnium risus consecutus est. Expectarant enim, vt aliquid in mores illius obiiceret. Eras. lib. 6. apoph.

*Domitius Afer.*

In quendam patronum imperitum, sed splendido vestitu se venditantem, litigatoribus lepidè dixit: Homo in agendis causis bene vestitus. Lufit ab inexpectato. Nam auditor pro vestitus expectabat instructus, aut exercitatus. Ibid.

*Vibius Crispus.*

Suprà de metu & timore.

*Crassus.*

Quum Silus testis læssisset Pisonem reum, cui Crassus aderat prolato crimine, quod se in eum dictum audisse dicebat: Potest fieri, inquit Crassus, vt is vnde te audire dicis, iratus dixerit. Annuit Silus: Potest etiam, inquit, fieri, vt non rectè intellexeris. Quū id quoque toto capite annuisset Silus, vt se Crasso daret, subiecit Crassus: Potest etiam fieri, vt omnino quod audisse dicis, nunquam audieris. Hoc adeò præter expectationem, vt Silum testē omnium risus obrueret. Eras. Roterod. lib. 6. apoph.

*Cicero.*

Cum testis Sexti Annalis reum legisset: & instaret identidem accusator rei, Dic Marce Tulli, siquid potes de Sexto Annali: protinus recitare cœpit versus ex 6. Ennij Annal. lib.

*Qui potes ingentis causas euoluere belli, &c.*

Scriptis enim Ennius annales: & accusator vocabatur Sextus Annalis. Eras. Rot. lib. 4. apoph.

*Cesellius.*

Consultori dicenti, Nauim diuidere

volo: Perdes, inquit. Ille de pretio nauis mercibusq; consulebat, hic aliud respondit. Nam ipsam diuidere nauim est nauim perdere. Macrobius ita refert: Si diuidis, nec tu nec socius habebitis. Erat autem duorum negotiatorum communis nauis. Eras.

*Apollonius.*

Nero cum in Gymnicis decertasset, rogatus à Tigillino Apollonius, Quid de Nerone sentiret? Melius, inquit, sentio quàm vos. Cantare enim vos illum dignum putatis, ego autem tacere. Brus. lib. 3. cap. 13.

## De regno virtute stabiliendo.

*Themistocles.*

**F**acilitate morum multos ciues sibi conciliabat, vt hinc popularem potentiam adipisceretur. Itaque cuidam ipsum admonenti, Bene principatum geres Athenis, si cunctis communis esse velis, & mansuetus: respondit: Nunquam ei sellæ infederim, vnde nihil plus à me ferrent amici, quàm alieni.

*Theopompus.*

Suprà de Principe bono, ac eius in regni administratione officio.

*Darius.*

Quum tributum indixisset subditis, accersitos prouinciarum præfectos percontatus est, cum alijs de rebus, tum de tributis, essentne grauià: quum illi respondissent, esse mediocria, iussit vt singuli dimidium exigerent. Quod præfectis moderatum videbatur, regis æquitati visum est dimidio plus satis. Maluit enim suos beneficio sibi conciliare, quàm exarmatos subigere. Huius facti autè gratia in eo sita est, quod duplum imperauit tributum quod destinarat accipere. Si dimidium imperasset,

set, nec quicquam remisisset, latuisset benignitas: media parte autem demissa, effecit ut omnes sentirent beneficium. Plut. in apoph.

*Apollonius.*

Rogatus à Babylonie rege, Quo modo tutò regnare posset? Si multos, inquit, honoraueris, paucis verò credideris. Indicare autem voluit, tutò regnare volentibus, duo obseruanda & præstanda esse: primum, ut beneficiis multos sibi conciliant: deinde, ne faciliè delatoribus, obrectatoribus ac assentatoribus credant. Philostrat.

*Antigonus.*

Quum omnes admirarentur Antigoni regem, quòd quum initio regni durior fuisset, senex factus, clementer ac placidè regnum gubernaret: Prius, inquit, opus erat regno, nunc gloria & beneuolentia. Sentiens, regnum armis & austeritate frequenter parari, sed non nisi honesta opinione, ciuiumq; beneuolentia retineri. Plut, in apoph.

*Idem.*

Amicis suadentibus, ut si Athenas eaperet, validis illam prædiis còmuniret, ne quando deficeret, summàque cura ut totius Græciæ basim custodiret, respondit: Se semper in hac fuisse sententia, ut crederet, nullum esse regni præsidium firmitus, quàm ciuium beneuolentiam. Eras. lib. 4. apoph.

*Philippus.*

Quum subactis Græcis, quidam ipsi auctores essent, ut ciuitates prædiis contineret, ne deficerent: Malo, inquit, diu bonus & commodus, quàm breui tẽpore dominus appellari. Sentiens, regnum quod beneficiis ac beneuolentia teneretur, esse perpetuum: quod vi metùque, non esse diuturnum. Plut. in Regum apoph.

*Cicero.*

Suprà de clementia.

*Ludonicus xij. Gall. rex.*

\* Gloriabatur cùm sollicitum suspicionibus regnum, suspensum metu, perturbatum nouis consiliis Carolus VIII. tradidisset, id se Francisco Vallesio tranquillum relicturum. Annal. Fr. Pacem verò & felicitatem: prudentiam item & regias alias virtutes Dei est Regibus & cunctis aliis hominibus dare & relinquere.

## De religione seruata.

*Diogenes.*

Q Vm in phano cœnaret, eique panes sordidi essent appositì, abiecit illos è phano, dicens: In templum nihil oportere ingredi sordidum. Laert. lib. 6.

*Lycurgus.*

Percontanti, cur instituisset ut minutis ac vilibus rebus sacrificaretur? Ne vnquam, inquit Lycurgus, deficiat nos quo numen honoremus. Quis non diceret, in solenni deorum cultu magnificentiam ac splendorem adhibendum? At vir prudens intellexit, numè magis delectari frugalitate. quàm opimis victimis, ne sub religionis obtentu luxus irreperet, aut certè rerum penuria. Deus enim non eget nostris impediis: amat autem homines, quorum necessitati poterat illis impendiis succurri. Plut. in Lacon.

*Demonax.*

Cùm apud Athenienses audisset, præfatione solenni à sacris submoueri barbaros, rogabat, quàm ob rem id facerent? cùm ea sacra tradidisset ipsis Eumolpus, natione Thrax, nimirum Barbarus. Eras. lib. 8. apoph.

*Agésilau.*

Athenienses ac Bœotios apud Coroneam cum suis sociis, iter eius, impedire conatos, graui prælio vicir, ei victoriæ per se magnificæ multum

Rr 4 laudis

laudis apposuit, religionis exemplo. Multi è prælio confugerant ad templum Mineræ: de his rogatus, quid vellet fieri Agefilaus? vetuit illos violari, cum in eo prælio vulnera aliquot accepisset: videreturque vehementer iratus omnib. qui tum arma aduersus ipsum tulerant: tamen plus apud illū valuit religio, quàm ira. Neq; hoc solū in Græcia fecit, vt templa deorum haberet sancta: verū etiam apud barbaros summa religione simulachra aratq; consecrauit, quasi in hæc nullum esset ius belii. Itaque præclarè solitus est dicere, se vehemèter admirari, eos non haberi sacrilegorum numero, qui læderent ipsos supplices, ac per deos obrestantes: nec grauiores sumi pœnas, de his qui religionem minuerent, quàm qui templa spoliarent. Rectè iudicans, diis esse chariorem hominū salutem, quàm muta templorum ornamenta. Æmylius Probus, & Bruson. lib. 5. cap. 26.

*Alexander.*

Consulto oraculo monitus est, vt eum qui sibi portam egresso primus occurrisset, interfici iuberet. occurrit Agafo, iussus est arripi. Roganti, quid commeruisset? responsum est. Ita iussisse Deum. Si ita est, inquit, & rex alius designatus est ab oraculo, nam asinus tibi prior occurrit. Agafo enim sequitur asinum, vt impellat, alioqui non secuturum. Alexander delectatus hoc commento, asinum pro homine occidit. Eras. lib. 6. apoph.

*Idem.*

Idem inter sacrificandum cum vtraque manu thura ad euaporandum assumpsisset, à Leonida ob id reprehensus est, Dicebat enim Leonidas: Cum ferentibus aromata terris imperaueris, copiosè tunc thura adolebis, nunc verò vttere parcius. Victa autem Sabæ, Alexander Leonidæ scripsit, Ad

te thus, myrrhāmq; abundè transmissimus, vt cum deis parcus esse desinas. Plutarchus.

*Antiochus.*

Cum urbem obsideret Hierosolymam, Iudæis ad maximum illud festum celebrandum septem dies petentibus, non solū eos concessit, verū etiam tauros auratis cornibus adornatos, magnāque thymiamatum & aromatum vim vsque ad portas videntem cum pompa solenni deduci iussit: traditque illorum sacerdotibus hostias, ipse in castra rediit. Iudæi verò regi benignitatem admirati, protinus à festo peracto, in fidem illius sese dederunt. Plut. in apoph.

*Valerius Publicola.*

Valerio Publicolæ Iouis ædem dicanti, iamque ex more postem tenenti, Marcus illius frater derrepentē furtum nuntium ingessit, dicens: O consul, filius tuus morbo periit in castris. Ob eum nuntium mœstis omnibus, Publicola nihil commotus: Cadauer, inquit, quò libet abiicite, simulque dedicationem solenni ritu peregit. Nec tamen verum erat, perisse filium: sed data opera factum est, vt à dedicatione reuocaretur, atque is honor ad alium transfirer. Quanquam L. ius libro ab Vrbe condita secundo, hoc aliquantò diuersus narret.

## De religione neglecta.

*Demonax.*

Cum ob id accusatus esset, quòd Mineræ nunquam sacrificasset: Nunquam, respondit, putauit meis sacrificiis opus fuisse. Eras. l. 8. apoph.

*Augustinus Cæsar.*

Suprà de Adulatoribus non admitendis.

*Vide apoph de Sacrilegio.*

De

## De reprehensione.

*Demofibenes.*

\* Vidam sciscitanti, quo tandem modo aliquis sibi præceptor fieri posset? respondit, si quæ in aliis reprehendit, in se maximè reprehēdat. Ant. & Max. ser. de admonitione.

*Ensebius philos.*

\* Hostis, inquit, vera dicens, amico ad gratiam simulanti omnino præponendus est. Ant. & Max. serm. de libertate reprehendendi.

*Idem.*

\* Propter quæ alios (inquit, magistratum alloquens) alios, ut mala, reprehendis, ea tūmet facere caue. Stob. serm. 44.

*Vide apophth. de libertate loquendi, oratione, &c.*

## De Republica.

*Thales.*

\* Optimam esse pronuntiavit rempub. quæ ciues neque prædiuites, nec admodum pauperes cōtineret. Plut. in conuiuio septem sapientum.

*Solon.*

\* Reipublicæ, inquit, is optimus status mihi esse videtur, & Democratiā in ea seruari maximè, in qua iniuriarum auctorē ad ius trahunt, accusant, & puniunt non minus illi qui iniuriam passi non sunt, quā is qui passus est. Ibidem.

*Bias.*

\* Dixit, optimam esse Rempublicam in qua legem omnes perinde ac ipsum dominum & regem metuunt. Ibidem.

*Periander.*

\* Eam iudicauit laudatissimam esse Rempublic. in qua cū reliqua æqualia existimentur, virtute quod melius,

vicio autem quod deterius est, definia-  
tur. Ibid.

*Cleobulus.*

\* Illam Remp. maximè dixit bene compositam esse, vbi ciues magis infamiam quā legem metuunt. Ibid.

*Pistacius.*

\* Ea est, inquit, Respublica bene instituta, à cuius gubernaculis mali remouentur. Ibid.

*Chilon.*

\* Optimam asseruit esse Rempublicam, quæ maximè leges, minimè autem rhetores audit. Ibid.

*Solon.*

\* Illam ciuitatem optimè habitari dixit, in qua viros bonos honoribus affici, contrā autem, improbos pœnis mos fuerit. Stob. ser. 41. de Repub.

*Pythagoras.*

\* Dicebat, primū luxuriā ciuitates ingredi, deinde saturitatem, postea contumeliā, postremo exitium. Eodem serm.

*Socrates.*

\* Interrogatus, quænam munitissima ciuitas esset? respondit, quæ bonos viros habet. Idem, felicem illius Reipublicæ constitutionem esse dixit, in qua præfecti societate coniunguntur. Pronuntiavit item optimam eam esse, in qua plurima virtuti præmia proposita sunt. Eod. serm.

*Plato.*

\* Respublica, inquit, est hominū conuersatio: honesta quidē bonorum, inhonestā verò malorū. In Menexemo.

*Zeno.*

\* Decorandas dicebat esse Respub. non preciosis ornamentis, sed inhabitantium virtutibus. Stob. ser. 41.

*Solon.*

\* Rogatus, quomodo ciuitas in optimo statu degeret, dixit: si ciues quidem magistratui obediant, magistratus autem legibus. Eod. ser.

De



## De repulsa.

*Padareus.*

**C**Um in trecentorum virorum ordinem non esset ascriptus, qui hos apud Spartanos primam dignitatem obtinebat, repulsus discessit hilaris ac ridens: reuocantibus autem Ephoris, quidque rideret percontantibus? Gratulor, inquit, huic Reipubl. quæ trecentos habeat ciues multo me meliores. Quid hoc pectore magis philosophicum? Nec molestè tulit repulsam, nec questus est de Ephororū iudicio: sed plus voluptatis capiebat ex publico Reipub. bono, quam sensurus erat ex honore impertrato. Plutar. in Laconicis apoph. Valerius Maxim. lib. 6. cap. 4.

*Themistocles.*

Athenienses cū Themistoclem aliquando publicè infamia notassent, rursumq; deinde ad imperium gerendum reuocarent: Non, inquit, laudo eos homines, qui eodem vase pro matula, & ad infundendum vinum vtuntur. Elian. lib. 13. de Var. hist.

*C. Marius.*

C. Marius obscuro genere natus, facinorum militarium commendatione ad Remp. accessit. Ac primū maiorē petiit ædilitatem. Vbi sensit ea spe frustrari sese, eodem die minorē ambiit: & hac frustratus, haud tamen desperauit, se Romæ ciuitatis primum fore: docens, quantum in rebus humanis valeat audacia. Plut. in Rom. apoph.

*C. Figulus.*

Infrà de Vltione &amp; vindicta.

*Tacitus Imp.*

Fratri petierat consularum, nec impetrauit, ea repulsa aded non fuit offensus, vt vehementer etiam lætatur sit: dicens, Scit senatus, quem principem fecerit, Vopiscus.

## De responso duro &amp; absurdo.

*Bias.*

**C**Um patriam suam obsidione liberasset, rex Alliatres intellecta viri prudentia, protinus eum ad se accersiu. At is respondit, ἴσα ἀλλήλων καλὸν κέρμενα ἰδὲν: id est, Ego Aliattren iubeo cepas edere: quod perinde est ac si dixisset, iubeo illum plorare: extremum regis contemptum professus. Laert. lib. 1.

*Diogenes.*

Cū à Platone philosopho paulum vini petiisset, ipse autē lagenam vino plenam misisset, Cynicus hunc in modum gratias egit: Cū interrogaris, quot sint duo & duo, respondes, sunt viginti: & ita nec secundum ea quæ rogaris das, nec ad ea quæ interrogatus fueris, respondes. Laert. lib. 6. cap. 1.

*Domitius Afer.*

Dispensatori, qui cū ad reliqua non responderet, dicebat subinde, Panem non comedi, & aquā bibo: Pasce, inquit, & redde quod debes. Non agebatur quid edisset, aut bibisset, sed quid deberet. Permisit igitur, vt se quomodo vellet pasceret, modò solueret quod debebat. Eras. lib. 6. apoph.

## De responso repentino.

*C. Popilius.*

Suprà de Animosè dictis.

## De reuerentia.

*Musonius.*

**D**icebat, cum apud omnes maxima verecundia dignum iudicari, qui seipsū primò, & deinde alios reuereri didicisset. Stob. ser. 39. de Verecundia.

*Demetrius*

*Demetrius Thal.*

Honestos adolescentes domi parentes reuereri debere dicebat: in via autem, omnes, ut quisque se obrulerit: in solitudine autem, seipsum. Stobæus.

*Huc refer apophth. de filiorum pietate in parentes, discipulorum in præceptores, de Senectutis reuerentia, & de Verecundia.*

## De Rhetorica, & Rhetoribus.

*Diogenes.*

**I**N caupona prandens, Demosthenem fortè prætereuntem inuitauit, ut accederet: id cum ille pudore recusaret, Erubescis, inquit, Demosthenes, cauponam ingredi? Atqui hic herus tuus quotidie versatur. Innuuit autem, Rhetores nihil aliud esse quam populi mancipia: nec esse par, ut illic pudeat seruum populi videri, ubi populus assidue uiueret. Erasmus libr. 8. apoph.

*Demosthenes.*

Interrogatus, quid præstare posset professoribus suis Rhetorica? Homini, inquit, perditio, præsentem potest ferre opem. Stob.

*Isocrates.*

Sciscitatus quid esset Rhetorica? Ex paruis, inquit, facere magna, ex magnis parua. Est enim hæc nonnulla Rhetorices pars, amplificare & extenuare: qua de re diligenter præcepit Fabius. Sed præstigiij genus est, quod respondit Isocrates. Quin illud potius artis est, quæ magna sunt, ita tractare, ut auditori quoque magna videantur, & contrà, Eras. libr. 8. apoph.

*Anonymus.*

Cuidam instanti de arte Rhetorica: At per Geminos, inquit Lacon, ars nisi verum attigerit, nec est, nec unquam

erit. Notauit Rhetores, qui seificentur verisimilia dicere, licet vera non sint. Plut. in Lacon.

*Vide apoph. de Oratoribus.*

## De risu.

*Diogenes.*

**D**icente quodam, Hic te risu prosequuntur. At ego, inquit, minimè ridiculus sum. Brus. libr. 5. cap. 27.

*Myson.*

Mortales odio insectatus, in solitudinem sese abdiderat, deprehensus autem à Lacone quodam ridens, rogatus ab illo, cur solus rideret? urbane ad mores suos respiciens: Ob hoc ipsum, ait, rideo. Brus. libr. 5. cap. 27.

*Plato.*

\* In risum nimium, profusos damnabat. Nam effusum risum, inquit, vehemens mutatio sequitur. libro 3. de Repub.

*Epictetus.*

\* Risus, inquit, neque multus fit, neque ob multa, neque solutus. In enchiridio.

*Dion philosoph.*

\* Risus continuus & intentus est deterior (inquit) iracundiâ. Idcirco maximè viget in scortis & pueris stolidioribus. Mihi sanè facies magis ornari videtur lachrymis, quam risu. Lachrymis enim ut plurimum bonâ aliqua doctrina coniungitur: risui verò lasciuiâ. Et flendo quidem nemo sibi concitauit autorem contumeliæ, ridendo autem spem dedecoris auxit. Stob. ser. 72.

*Philemon.*

Ficus Philemoni paratas, in conspectu eius positas, asellus comederat, puer inelamatus ut asinum abigeret, serò venit. Itaque consumptis omnibus: Quoniam, inquit, tam tardus fuisti, da nunc merum asello. Interim risus

risus obortus hominem senem præfo-  
cauit. Eras.lib.6.apoph.Verum alij hoc  
Chrysippo ascribunt.

*Plisarchus.*

Causidico quodam ridicula semper  
dicenti: Non cessabis, ait, à ridiculis  
continuè dicendis, ne ridiculus fias:  
ut qui assidue luctantur, luctatores.  
Brus.lib.5.cap.27.ex Plut.

*Cato Vicensis.*

Cicero consul, quum L. Murenam à  
Catone accusatum defenderet, variis  
modis Stoicos (quorum sectator erat  
Cato) philosophosque illudens, mul-  
tum risum iudicibus iniecit. Et ipse  
quoque Cato subridens: Dij boni, ait,  
quam ridiculum habemus consulem.  
Brus.lib.5.cap.27.ex Plut.

## De robore corporis.

*Diogenes.*

**C**Rates Thebanus cum nudatus in  
certamine, ob corporis deformi-  
tatem, derideretur. De oculis, inquit,  
ò Crates, reliquoque corpore bono  
animo esto. Nam istos qui nunc te de-  
rident, mox conspicias morbo contra-  
hi, omnibusque viribus destitui. Signi-  
ficauit, formam nihil omnino facere  
ad victoriam: sed robur & laborum to-  
lerantiam, qua ceteros antecede-  
bat. Lact.lib.6.cap.5.

*Isocrates.*

\* Dicebat, robur prudentiæ iunctum  
conducere, sine ipsa verò plus lædere  
possidentes. Idem robur corpora qui-  
dem exercentium se ornare, animi ve-  
rò studia obtinebrare. Stob. ser. 51.

*Archidamus.*

\* Quum vidisset filium suum nimis  
remerè contra Athenienses pugnan-  
tem, Aut vires tibi augendæ sunt, dixit:  
aut minuenda audacia. Plur. in apoph.  
Lacon.

*Aratus.*

\* Laudante quopiam virum despera-  
tum & audacem, ac idcirco & in bellis  
eximium: differre dixit magnificare  
virtutem, & vitam nihili facere. Plut.

*Eusebius philosoph.*

\* Animi præsentiam in periculis  
cum ratione coniunctam, laudato, in-  
quit: impetum verò ad ea sine ratio-  
ne, audaciam vocato, & ardores. Stob.  
serm. 51.

*Anonyma.*

Anus quædã videns Iouianum Ro-  
manorum imperatorem, corporis pro-  
ceritate atque mole excellentem, sed  
mente caput: O crassam atque pin-  
guem stultitiam, proclamasse fertur.  
Niceph. lib. 19. cap. vlt.

*Anonymus.*

Ex plebe præterea quidam in Hip-  
podromo dicacitate eundem Iouia-  
num perstrinxit, & risum ingentem  
omnibus mouit: Inanem enim & frigi-  
dam proceritatem esse dixit. Ibid.

*Maximinus.*

Maximinus exercebat lucta milites  
suos, multos ad terram prosternens.  
Itaque cunctis inuidentibus, tribunus  
quidam vasti corporis, notæque virtu-  
tis, atque ob hoc ferocior, dixit: Quid  
magni facis, si tribunus tuos milites  
vincis? Tum Maximinus: Vósne con-  
grediamur? Quum prodisset, palma  
pectori impacta supinum reiecit, con-  
tinuòque dixit: Date alium, sed tribu-  
num. Capitolinus.

## De rubore.

*Theophrastus.*

**A**dolecentem erubescens con-  
spicatus: Confide, inquit, talem  
enim virtus habet colorem. Anton. in  
Meliss. par. 2. ser. 71. Sed Maximus hoc  
Catoni ad verbum ascribit, ser. 40. Alij  
ad Diogenem quoque referunt.

*Pythias.*

*Pythias.*

Aristorelis filia, quum à quodam interrogaretur, quis colorum omnium esset præstantissimus? Is, inquit, quem in ingenuis gignit pudor. Est autè rubor pudoris & verecundiæ signum in homine certissimum. Eras. l. 8. apoph.

*M. Cato.*

Sibi magis placere iuvenes dicebat, qui rubescerent, quàm qui palleferet: quodd rubor arguat probam indolem, pallor autem non item. Plut. in apoph.

*Vide apoph. de Pudore, & Verecundia.*



# DE SACRI-

FICIIS.

*Socrates.*



ACRIFICIA volebat quàm minimis impendiis constare: Quodd dii, vt non egent rebus hominum, ita magis spectant affectus immolantiũ, quàm diuitias. Alioqui cum improbißimi quique maximè abundant diuitiis, actum esset de rebus humanis, si malorũ potius quàm bonorum victimis delectarentur. Eoq; versum hunc magnopere probare consuevit. *ἡ δὲ δυνάμεις οἱ ἱππεῖς οὐκ ἀδυνατοῖσι διαίσει.* Hoc dictum & ad nos Christianos pertinet, qui immodicis impendiis ornatus templa, peragimus sacra & parentalia: gratius facturi Deo, si quod vltra frugalem mundiciem superest, fratribus egenis erogaremus. Eandem frugalitatem adhibendam docuit in excipendis hospitibus, eodem vtens versuculo, *ἡ δὲ δυνάμεις οἱ ἱππεῖς, &c.* Eras. li. 3. apoph.

*Gelo.*

Debellatis apud Himeram Carthaginensibus, in pacis sœdere compulsi illos & his acceptis conditionibus sub-

scribere, ne posthac filios suos Saturno immolarent. Solebat enim ea gens infantes suos æneæ Saturni statuæ caua, & intus incensæ, in sinum ponere, qui velut in Dei complexu enecabantur. Id Saturno gratum putare, effecit fabula, quæ narrat illum omnes vxoris filios deuorare solitũ. Nam & Iouem deuoraturus erat, nisi pro puero Iaxũ supposuisset. Plut. in apoph.

## De sacrilegio.

*Diogenes.*

Cernens quendam malè audientem, quasi monumenta spoliaret, Homeri carmine compellauit,

*--- τίς οὐδ' ἂν πλεῖστον,*

*ἢ τῆς οὐδ' ἂν πλεῖστον κατὰ δόξαν.*

Id est,

*Quid tu huc venisti, vir præstantissime? num fors*

*Vt spolijs aliquem horum quos mors occupas astra?*

Laert. lib. 6.

*Agessians.*

Præclare dicere solitus est, se vehementer admirari, eos non haberi in sacrilegorum numero, qui læderent eos qui diis supplicarent, vel deos venerarentur. Quo innuit vir prudentissimus, eos non tantũ sacrilegos esse, qui deos ipsos aut templorum ornatũ spoliarent: sed eos maximè, qui deorum ministros & præcones contumelijs afficiunt. Æmil. Probus.

*Dionysius senior.*

Sacrilegia sua solebat faceris dictis obtegere. Locris Proserpinæ templum spoliaret, mox quum classis illius secundo vento nauigaret: Videtis inquit, quàm prospera nauigatio à diis immortalibus detur sacrilegis. Ex hoc colligens, aut non esse deos, aut illis non esse molesta sacrilegia. Iustin. l. 1. Val. Max. lib. 1. cap. 2.

*Idem*



*Idem.*

Epidauro Æsculapio barbam auream detraxit: quod negaret decorum, patrem Apollinem imberbem, ipsum verò barbatum conspici. Æsculapius fingitur Apollinis filius, Apollinē autem semper imberbem facit theologia poetica, Æsculapium barbatum. Significans, in medico requiri multarum rerum vsum. Valerius Maximus libro I. cap. 2.

*Idem.*

Ioui Olympio detraxit magni ponderis aureum amiculum, quo eum Hieron ē manubiis Carthaginensium ornauerat: proque detracto aureo laneum illi pallium iniecit, ita cauillans: Aureum amiculum æstate graue est, hyeme frigidum: laneum ad vtrunque anni tempus accommodatius est. Valerius Maximus. Ibidem.

*Idem.*

Mensas aureas atque æreas diis dicatas ē phanis sustulit. Hæc inscriptio ex more Græcorum restabatur esse bonorum deorum, ne quis manum admoliretur. At illi cauillatus est, se deorum bonitate vti. Nam boni dii dicuntur, quod omnibus benefaciant. Ibidem.

*Idem.*

Idem victorias aureas, pateras & coronas, quæ simulachra porrectis manibus sustinebant, velut offerentia tollebat, dicens, se oblata accipere, non eripere: addens, per absurdum esse, quibus quotidie bona flagitamus, ab his vtrò porrigentibus nolle accipere. Ibid.

*Ludonicus XII. Gall. rex.*

\* Quum Iulius pontifex sacrilegij eum insimularet: atqui, inquit, absurdissimum est, ut qui donaria diuum ipse manibus gerit, alios sacrilegij arguat. Annal. Franciæ.

## De sagitandi peritia.

*Diogenes.*

**A** Nimaduerrens quendam imperitè iaculantem, proximè scopum consedit: cur id faceret, interrogantibus: Ne fortè, inquit, me feriat. Significans, illum quiduis percussurū citius, quàm scopum. At alij spectatores, quàm possunt longissimè sese à scopo semovent, ne feriantur. Laert. libr. 6.

*Cambyses.*

Suprà de Castigatione iniquo animo lata.

## De falsè dictis.

*Thales.*

**T**hales Milesius, cuidam interroganti, vtrum fuisset prius, nox an dies? respondit, Nox vno die fuit prior. Si enim nox vno die præcessit diem, dies igitur fuit ante noctem: nox quippe finis est diei. Laert. lib. I. cap. I.

*Bias.*

Impio cuidam sciscitanti, quidnam esset pietas? nihil respondit. Roganti autem, cur sileret? Quoniam, inquit, interrogas de rebus tibi nimium difficilibus. Laert. I. I. c. 6.

*Bion.*

Damnabat homines, qui sic exurent quasi sensu vacarent, sic adurent quasi sentirent. Ob id, ni fallor, quod in bellis exurantur omnia. Rursus si leuiter attingatur ab igni offenditur. Id enim appellat adurere. Ibid. lib. 4. cap. 7.

*Antisthenes.*

Dicere solebat Atheniensēs, quod essent Autochthones, hoc est indigenæ, eo quod non aliunde eò commigrassent, nec vnquam solum murassent: dicens, hoc laudis illis esse cum testu-

teſtudinibus & cochleis commune. Nam hæc quoq; animantia nunquam domicilium mutant, in quo naſcuntur. Laert. l. 6. c. 1.

*Zeno Cissiæus.*

Seruum in furto deprehenſum virgis emendari iuſſit, verum cum is ſe excuſare niteretur, dicens, ſibi in fatiſ eſſe vt furaretur: Sic igitur, inquit philoſophus, etiam in fatiſ, vt delicti deſ poenas. Laert. l. 7.

*Anacharſis.*

Infrà de Spectaculis.

*Diogenes.*

Percontanti, quàm ob rem aliis mendicis liberaliter darent homines, philoſophis autem non item? Quoniam, inquit, ſperant citius futurum, vt claudicæcive fiant, & mendicare cogantur, quàm vt philoſophi, de ſapientia plurimum diſputantes. Laert. l. 6.

*Idem.*

Interrogatus à quodam, quare mancipia fugitiua dicerentur *ad ex. mod. 1*: Quoniam, inquit, pedes habent virorum, animum autem qualem tu nunc habes, qui me hac dere interrogare audeſ. Laert. l. 6.

*Idem.*

Cir hæcædum quendam, qui quoties ſidibus luderet ab auditoribus deſerebatur, obuium ita ſalutauit: Salue galle. Cum ille offeſſus ſalutationis nouitare, diceret: Quid ita? Quoniã, inquit, cãtu tuo excitaſ omnes. Salſiſſimè autem iocum ceptaui ex ambiguitate verbi. Græciſ enim *αἰγρίπτε*, dicitur, iſ qui dormientem è ſomno excitat, quod galli gallinacæ malè canentes facere ſolent: & qui ſedentem monet, vt ſurgens abeat. Laert. l. 6.

*Idem.*

Percontanti, quo pacto Dionyſius amicos ſuos tractaret? Vt vtres, inquit: plenos enim ſuſpenderit, inanes autè abiicit. Notauit autem ſaliſſimè

Dionyſij crudelitatem, non in ignotos tantum, ſed amiciffimos etiam. Diuites enim interficiebat: negligebat pauperes. Laert.

*Idem.*

Adoleſcentes quidam cum in foro circumſtarent Diogenem, canem hominem appellantes, ac fugiètes: Diogenes interrogabat, curnam aufugerent? qui cum dixiſſent, Ideo fugam adornamus, ne mordeas nos canis: Nequaquam, inquit Diogenes, vos mordeo quandoquidem canis non edit betulam. Salſè autem notauit eorum molliciem, à quibus canis erat vocatus. Laert.

*Idem.*

Lyſias interrogabat Diogenem Cynicum num crederet etiam eſſe deos? Cui Diogenes: Qui conuenit, inquit, vt non credam, cum perſuaſum habeam te diis inuiſum eſſe? Salſè notauit hominiſ impietatem, à quo ipſe falſò impius iudicabatur. Laert.

*Ariſtoſeles.*

Crebrò Athenienſes reprehendebat, quòd cum duas res, frumenta & leges inueniſſent: frumentis quidem vterentur, legibus autem nequaquam. Alludit autem philoſophus ad Tripoleum Athenienſem cuius miniſterio Ceres uſa eſt in ferendis legibus, ac tritico ſerendo. Laert. l. 5. c. 1.

*Socrates.*

Acrius quendam in conuentu aliorum obiurganti, Plato dixit: An non melius fuiſſet, ſi domi vel priuatim homini hæc dixiſſes? Cui Socrates falſè reſpondens, ait: Cur non tu quoque clàm hæc mihi dixiſti? Laert. l. 2.

*Idem.*

Euripides quum Socrati obtuliſſet librum ab Heraclito ſcriptum, vt legeret, poſt aliquot dies ſolicitaui hominem, vt ferret de lecto libro ſuò iudicium, Socrates igitur: Per Iouem (inquit)

(inquit) quæ intellexi, satis mihi præclara videntur: qualia & ea esse puto, quæ non intellexi. Salsè autem notauit hominem nimis obscurè de rebus scribentem Laert. l. 2.

*Xenophanes.*

Audiens Empedoclem dicentem, Sapientem inueniri non posse: Merito, inquit. Oportet enim cum sapientem esse, qui sapientem agnoscere velit. Laert. l. 9.

*Nicetus sophista.*

Cuidam in iudicio grauiter irascenti, ac dicenti, Desine toties latrare in me, admodum salsè respondit: Faciam quidem, si tu desinas mordere me. Vtrumque enim est canum. Ex Philostrati sophisticis.

*Polemon.*

Timocrati philosopho apud Polemonem sophistam dicenti, Phauorinū esse multorum verborum hominem: Er omnis, inquit, anus. Notans falsissimè in Phauorino corporis habitum, erat enim castratus. Et Philostratus.

*Agésilau.*

Agésilau quum in quadam causa esset iudex, ac is qui accusabat, rectè dixisset, patronus autem malè: subinde tamen inter dicendum repeteret, Agésilae, decet regem defendere leges, quasi bonam haberet causam, & leges essent contra aduersarium: Si quis, inquit Agésilau, tibi domum perfoderit, aut vestè surripuerit, num expectaturus esses architectum, aut sartorem, vt ferret tibi auxilium. Plut. in Lacon.

*Antalcidas.*

Idem quum assiduè dimicaret contra Thebanos, ac in conflictu quodam vulneratus esset, Antalcidas, Præclara, inquit, doctrinæ tuæ præmia recepisti à Thebanis, ô Agésilae, ab iis enim grauiter vulneratus es quos bellicas artes docueras. Plut. in Lac. apo.

*Agésilau.*

Quodam laudante Rhetorem hoc nomine, quodd mirificè res exiguas amplificaret: Agésilau inquit, Egone sutorem quidem arbitror bonum, qui paruo pedi magnos induat calceos. Plut. in Lac.

*Agis.*

Sophista quidam cum ad Agidem seuiorem dixisset, orationem esse rerum omnium præstantissimam, videlicet artem quam p̄stebatur adeo extollens: Ergo, inquit Agis, tu cum nihil dicis, nullius omnino es pretij: Sentiens, pulchrius esse magnificas, & cum virtute coniunctas res gerere, quàm egregiè de his rebus loqui posse Plut. in Lacon.

*Idem.*

Præteriens Corinthiorum mœnia excelsa & munita: Quæ sunt, inquit, mulieres quæ hîc habitant? Existimauit autem viros non esse qui potius munitione, quàm animi viribus freti, patriam defendere cupiunt. Plutar. in Lacon.

*Agessipolis.*

Suprà de Clementis.

*Pausanias Cleombroti F.*

Ad quendam adhortantem, vt cum hostibus terra marique belli fortunâ tentaret: Vis tu igitur, inquit, depositis vestimentis teipsum ostendere qualis sis, qui ad bellum suscipiendum alios stimulas? Salsè autem notauit hominem, alios ad fortitudinem stimulantem, cum ipse esset omnium effeminatissimus. Ibid.

*Pausanias Plisbonæ filii F.*

Cuidam roganti, cur Tegez exulans, tanto pere lapdaret Lacedæmonios, à quibus vrbe eiectus esset? Quoniam, inquit, medici frequentius laudant ægrotos, quàm sanos. Ibid.

*Antalcidas.*

Atheniensis quidâ cum gloriaretur apud

apud Antalcidas, quod Lacedæmonios sæpius à Cephiso fugassent: sed nos, inquit Antalcidas Spartanus, vos nunquam ab Eurota submouimus. Norauit autem Athenienses Antalcidas, qui nunquam ausi essent accedere ad Eurotam Spartæ fluuiū, cum Lacedæmonij se penumerò vsq; ad Cephisum flumen essent progressi. Plur. in Lacon.

*Idem.*

Cum sophista quispiam laudaret librum apud Antalcidas, miro artificio conscriptum, interrogatus quodnam argumentum libri esset? respondit, encomium esse Herculis. Tum Antalcidas: Quis quæso, inquit, Herculem vnquam vituperauit? superuacaneum existimans, tam doctè scribere iis de rebus, quæ omnibus sint notissimæ. Ibidem.

*Demonax.*

Admeto poëtæ satis imperito epigramma iactanti, quod testamento mandasset suæ addendum statueret: carmen autem erat huiusmodi, Corpus humo tegitur, Admerus ad astra volauit: Demonax respondit, adeò sibi placere carmen, ut magno emptum cuperet, si iam nunc esset ascriptum. Testè optans illi mortem, qui vita indignus videbatur. Eras. lib. 8. apoph.

*Anaxandrides.*

Suprà de Laude, virtutis stimulo.

*Anonymus.*

Atheniensis quidam conspecta tabula, quæ picturam continebat, quomodo Lacedæmonij trucidarentur ab Atheniensibus, gloriabatur. At Lacon, Bene quidem, inquit, sed in tabula. Significans, ridiculum esse de pictura gloriari, quum pictores non minus quàm poëtæ mentiantur, & quælibet audendi semper his fuerit æqua potestas. Plutarch. in Lacon.

*Alius.*

Lacon quidam in bellum profectus,

pro insigni in clypeo militari habebat musicam, eamque non vera maiorem, quibusdam igitur irridentibus, & interrogantibus, cur animalculum in clypeo haberet, quod conspici nequam posset? Ideo, ut ego magis, inquit, conspicuus sim, quàm clypeus: nihilominus tamen tam propè hostem accedo, ut cuiusmodi sit insigne, satis videri possit. Ibidem.

*Alius.*

Quum Alcibiadi Atheniensi balnearior plurimū administraret aquæ: Lacon id videns. Quid hoc rei est? inquit, plus aquæ infundit, quasi non puro, sed sordido. Plur. in Lacon, apoph.

*Alexander.*

Quum quidam ex numero amicorum qui summè beneuoli videbantur, ei diceret: Ciuitates subiectas maiora posse pendere tributa, respondit, Olitorem odi, qui radicitus euellit olera. Max. ser. 13.

*Stilpon.*

Cum abductis omnium ciuium seruis Stilponi diceret, Ciuitatem vestrā liberam vobis relinquo: Rectè, inquit Stilpon: nullum enim in ciuitate seruuum relinquis. Plur. in vita Demetrii.

*Scipio Afr.*

Cum castigaret militem, quod in pugna non fuisset: ille verò diceret, se custodiæ causa in castris mansisse, Non amo, inquit Africanus, milites nimis diligentes. Eras. lib. 6. apoph.

*Cicero.*

Metello peregrinanti quis esset Ciceronis pater? Ad istam, inquit, perconrationem ut respondere sit difficilium, mater effecit tua. Norauit autem salissimè Metelli matrem, quæ parum pudica fuisse dicitur. Retorsit autem culpam omnē à patre in matrem, tum enim incertus est pater, quando mater cum multis viris habet consuetudinem parum honestam. Plur. in apoph.

Si

T. Quin-



*T. Quintius Flaminius.*

In Philopœmenem Achæorum ducem, qui multos quidē habebat equites ac pedites armatos, sed opes nullas, ita ludebat: Philopœmen manus quidem haber, & crura, ventrem autē non haber. Appellabat autem duces belli, manus ac pedes: sed quoniam non haberet unde tot aleret milites, negabat illum habere ventrem. Vel alius ad pecunias, quæ bellorum nerui sunt. Plut. in Rom. apoph.

*Diogenes.*

\* Cū quidam ei diceret, Isti derident te. Ego enim verò, inquit, nō derideor. Illos derideri solos existimans quos obstupescerent & terrerēt ista. Plut. de ira. Cuidam dicenti, Multi te derident, o Diogenes: Et illos, inquit, fortassis asini. Altero subiiciente, sed illi non curant asinos. Nihil magis, inquit, ego ipsos. Asinis irrisiōnem tribuit, quod subinde nudatis dentibus irrisiōnis speciem præbeant. Quin & deridentes quempiam homines, mota ab aure manu imitantur asininas aurículas. Etsi igitur videtur asinus motis auriculis irridere homines, nemo tamen offēditur. Laert. lib. 6.

*Antigonus.*

\* Vno de eius amicorum grege, Aristodemo, qui patre coquo prognatus dicebatur, consulente ei, ut impensas & dona præcideret: Oratio tua, inquit, Aristodeme, olet ius. Plutar. in apoph.

*Cleomenes.*

\* Cuidam eum probris laceſſenti dixit, Ideōne tu omnes probris exagitas, ut non suppetat nobis innocentiam nostram tuentibus otium de tuis vitiis verba faciendi? Plut. in apoph.

*Epaminondas.*

\* Callistrato Atheniensi qui Thebanis & Argiuis exprobrabat Oedipodis parricidium patris, & Orestis geni-

tricis: Atqui hos, respondit, parricidas nos exterminauimus, vos recepitis. Plut. in apoph.

*M. Cato.*

Suprà de Legatione.

*Mancias.*

Quum audisset Antonium censorem, cui malè volebat, à M. Duronio de ambitu postulatū: Aliquando, inquit, tibi tuum negotium agere licebit. Censores in aliorum mores inquirunt: at qui reus est, habet ex se quod agat. Eras. lib. 6. apoph.

*Cicero.*

Quum ad Pompeium venisset, ac iam venisse pœniteret, percontatus vbinam locorum reliquisset generum? Apud tuum, inquit, socerum: Casarem notans, qui cum proprio socero bellum parum iustum gereret. Plut. in Rom. apoph.

*Portius Latro.*

Audiens Maximillum Rhetorē perorantem, & dicentem, Oportere eum qui per spinosum orationis locum ambularer, suspensos habere pedes: Non meherculè, inquit, tui pedes spinas calcant, sed habent. Eras. lib. 8. apoph.

*C. Caesar.*

Audiens hominem gloriantem ob bellicam fortitudinem, ostendētēq; vulnus facie exceptum, ait: Cave vir bone, ne posthac fugiens respexeris. Notauit autem hominis arrogantiam, qui vulnere ostēso, suam probaret fortitudinem, cū vulnus fortasse fugam adornans accepisset: sed respiciens, an ab hostibus insequeretur. Simile quiddam Macrobius adscribit Cæsari Augusto: sed Quint. C. Cæsari.

*Idem.*

Cū testis ad exaggerandam iniuriam diceret, scemora sua à reo ferro petita: Quid enim faceret, inquit, quū tu galeam & loricam haberes? Non ignorabat, cur illam partem potissimum vulnerare

vulnerare voluisset: sed hoc dissimulato, falsè iocari maluit. Galea & lorica omnia tegit, præter formora. Plut.

*Crassus.*

\* Crassus censor Murenæ extinctæ lacrymauit. Qui cùm ei diceret Domitius collega, An non tu Murenæ mortuam luxisti? occurrit: Nonne tu, qui tres extulisti vxores, nullam lacrymam effudisti? Plut. De Animantium comparat.

*Demoſthenes.*

\* Ille qui fur habebatur, cùm irrideret ipsius lucubrationes, Non ignoro, inquit, Lucernam meam tibi esse molestam. Et Demadi clamanti, Demoſthenes me corrigere vult, Sus Mineruam: atqui hæc Minerua, dixit, nuper in adulterio est deprehensa. Plutar. in præcept. politicis.

*Augustus Cæsar.*

Tyriam purpuram empturus, de obsecratione querebatur, quumq; venditor diceret, Erige altius, & suspice: Egone, inquit Cæsar, vt me populus Roman. dicat bene cultum, in solario ambulaturus sum? Plut. in Rom. apoph.

*Julia Augusti F.*

Licentiori quàm par erat vestitu ædes paternas ingressa, cùm parentem grauiter offendisset, postero die mutato vestitu, iterum Augustû salutauit: quam vbi vidisset, ait: Quanto probabilior est hic cultus, tam honestus, in filia Augusti? Cui respondit: Hodie me parentis, heri verò mariti mei ornavi oculis. Mac. l. a. c. 5. Sat.

*Flavius.*

Occiso Nerone imperatore, cùm decretum esset, vt Piso quoq; interficeretur, & mox imperium deferretur Senecæ: Flavius dicere solebat, Ad dedecus nihil referre, si citharædus dimoveretur, & tragædus succederet. Nero enim cithara ludere solebat, Piso tragico incedebat ornatu. Suet.

*Cassius Senuus.*

Cuidam obiccienti, quòd Proculus ei domo Interdixisset: Nunquid, inquit, ego illuc accedo? Elusit obiectionem. Nam in ius vocari solent, qui contra prætoris interdictum adeunt locû: non is qui parer interdicto. Simul inueniens, se nequaquam teneri domus illius desiderio. Eras lib. 6. apoph.

*Anonymus.*

Suprà de Imprudentia.

*Afer orator.*

Egerat causam aduersus libertum Claudij Cæsar. Quidam ex aduerso conditionis eiusdem cuius erat litigator, cui aduersabatur Afer, exclamauit: Itane tu semper in libertos Cæsar. dicis? videlicet illi metum iniicere cupiens, ex nomine Cæsar. subiecit Afer, Nec meherculè quicquam proficio. Norans illum, post alios libertos existere, contra quem dicere cogerebatur. Eras l. 6. apoph.

*Nicephorus Phocas imper.*

\* Is ob auaritiam & socordiam Reip. malè consulens frumenti & annonæ caritatem in prouinciis inuexerat. Cùm aliquando ad milites exercendos in campum progressus cano cuiusdam qui inter milites se adscribi petebat, diceret, Ecquid homo prouectæ ætatis in militiam allegi peteret? falsè respondit, Multò nunc validior sum quàm adolescens fui. Olim vno aureo empto frumento duos onerabam asinos: te autem imperante, quantum duobus aureis emitur frumenti, haud grauatè humeris porto. Imperator dicitur sentiens, abiit nihil perturbatus. Cedrenus.

*Rodolphus imp.*

\* Cùm corpus haberet procerum & faciem regiam, naso aquilino magno, in decliu semita obuium habuit dicaculum; qui principis facetias & clementiâ norat. Is ex angusta semita

S f a regi

regi cedere à satellitibus crebrò iussus, Principis, clamat, nasus viam implet vt præterire nequeam. Subridens Rodolphus, flexo in alterum latus naso. Progredere fili, inquit: namq; nasum digitis meis amoui ne te impediatur. Cuspinianus.

*Sfortia.*

Quum insidiis armisq; Pauli Vrsini exterritus excessisset vrbe Roma, & in Alcido castra posuisset: ad eum Cardinalis à Pontificè missus, vt fidem interponeret, ac in urbem reduceret: An Sfortia Vrsini timebis, ait Cardinalis, cum sis sub Columna tutissimus? Cui Sfortia, An non infans tibi videor, si dum frustra à surdo marmore opem imploro, bellua ingens, dente & vnguibus ferox, ac humano sæpe gressu incedens, mihi minimè sit formidanda? Non illepidè, remota & parum expedita Columniorum auxilia designans: & Pauli Vrsini ingenium, præsentisque vires aptissimè depingens. Paulus Iouius de rebus Sfortiæ, capite 81.

*Lodouicus XII. Gall. rex.*

\* Aulicis, quib. studiis adolescentiâ suam traduxissent, ex condicito narrantibus, Antonio Viuonio quodam dicente se pelle vituli contextum, in aucupium, quo aues falleret, descendere solitum: Tu verò, ait, haud omnino adhuc vitulinam pellem exuisse videris. notans in eo ignauiam & stultitiam. Nam galli væcordes & stultos veluti nomine designare solent. Anal. Franc.

*Carolus V. imp.*

\* In Anglia cum nobilissimum iuuenem, sententia Cardinalis Eboracensis, qui iudiciis præerat, damnatum interfici audiret: Indignum est, inquit, à Cane Ianij tam pulchram damam deuorari. Nâ Cardinalis ille qui laienam hominum per multos an-

nos in Anglia exercuit, Ianij filius erat. Chytræus, orat. de Carolo quinto.

## De saltatione.

*Lesbonax.*

**H**istriones ac gesticulatores apellare solebat *χαιροποις*, quod manibus faperent, non lingua. Erat enim saltationis genus: quo graues etiam historiæ citra vocem vel recitantis, vel tibicinis, solo corporis gestu sic repræsentabantur, vt spectatores propè plus intelligerent ex saltatione, quàm si quis recitasset. Erasmi. libr. 8, apoph.

*Demetrius Cynicus.*

Damnabat artem saltatoriam, velut inutilem gesticulationem ad tibicæ modos. Cui gesticulator quidam non imperitus, cupiens artis suæ vendicare gloriam, iussit vt submotis tibicinibus spectaret ipsum saltantem. Assensus est Demetrius. Ille saltauit Hæmericam fabulam, adulterium Veneris ac Martis, ambos Vulcani vinculis irretitos adamantinis, ac sole prodente, diis cæteris exhibitos, Venerem erubescens, varios deorum astantium affectus, Mercurium optantem talia vincula, Martem damnatum vt penderet mœchagria, ac præterea quicquid ad eam fabulam pertinet. Ibi Cynicus artem admiratus, dixit: Audio homo quæ facis, non video tantum, sed mihi manibus ipsis loqui videris: In huius artis laudem scripsit Lucianus. Plato non probat, & tamen apud Christianos saltatur ineptius. Cælius Rhodiginus libr. 5. cap. 3. Erasmi. libr. 8. apoph.

*Hegeſianax.*

\* Apud Antiochum regem, non amici solum regis pyrrichiam saltabāt in cœnis, sed ipse etiam rex. Quum verò ad Hegeſianactem historicum ordo

ordo choreę peruenisset, affurgens dixit, Nunquid ð rex, me malę saltantę mauis aspicerę, an potius mea quędam scripta bene pronuntiantem audire? Qui cū dicere iussus esset, ita regi placuit, vt inter eius amicos & familiares coopretetur, Athen. lib. 4.

*Dionysius.*

Quum Dionysius in conuiuio iussisset vt singuli in veste purpurea saltarent: purpura verò tum regum erat gestamen, nunc sutoribus etiam communis: id Plato facere recusauit his trimetris, ę fabula quapiam,

ἡ ἀδυναμία Σίλας ἐδυναί σοῦλω,

ἤρδ' αἰ περικαῖς, ἦνός ἐξ ἄρ' αὐτοῦ.

id est,

*Mulieri ego haudquaquā indui quem sola.*

*Vir natus ipse, & ex virili germine.*

Aristippus verò non recusauit, sed indutus purpura, saltaturus, hos versus recitauit ex tempore,

ἢ γδ' εἰ βακχεύμασιν

ἢ νῦς ὁ σῶρατι ἢ διαφθέρουσιν. id est,

*Nam in Liberi patris sacris*

*Mens quę pudica est, nescires corrumpier.*

Laert. lib. 2. cap. 8.

*Clisthenes.*

Quum nobilem filiam haberet, per præconem edici iubebat in Olympiis, qui se dignum esse Clisthenis generum putasset, ad sexagesimum diem ad Sicyonem veniret. Qui quum multi proci conuenissent, ex omnibus videbatur magis idoneus Hippoclidēs Athenientis, Tisandri filius: sed cū supra mensam Laconicos Atticósque modos ad tybias saltasset, erubescens ac brachiis modulatus esset, stomachatus Clisthenes: Tisandri (inquit) fili, defaltasti matrimonium. Brul. lib. 3.

*Albertus imperas.*

Dicere solebat, venationem esse

exercitationem virilem, saltationem autem muliebrem. Notauit autem molliorem quorundam principum, qui quum se Hercule fortiores esse iactarent, & Hannibalis scientiam militarem sibiipsis ascribant, maiorem tamę vitę partem, Sardanapalum imitantes, in conuersatione nobilium matronarum virginumque aulicarum inueniuntur ludentes, mollioręque saltantes. Æneas Syl. lib. 4. Comment. in res gestas Alphonf. regis.

*Fridericus Imperas.*

Eum sæpenumero dicere solitum accepimus: Malle se febri teneri, quā saltationi operam dare. Æneas Syl. l. i. Comment. de rebus gestis Alphonf.

*Alphonfus.*

Gallos potissimum leues esse dicebat, qui quò magis ætate prouecti essent, eo magis saltationis insania sese oblectarent. Antonius Panorm. lib. i. de rebus gestis Alphonf. & Æneas Syl. de eius dictis.

*Idem.*

Cū fortę mulierem quandam impudentius saltantem aspexisset: Expectate, inquit, mox Sibylla edet oraculum. Sentiens, saltationem insanix genus esse. Sibylla enim vates non edebat oraculum, nisi furore correpta. Panor. lib. 2.

*Idem.*

Audiens, Scipionem saltatione animi relaxasse, Saltatorem ab insano nihil differre dixit, nisi quòd hic dum saltat, ille autem dum viuitt insanus est. Panor. lib. i. de reb. gest. Alph.

*Idem.*

Cū argueretur, quòd cū a saltatione tantopere ipse abhorreret, in aduentu tamen Friderici imperatoris tertij, cum ipso imperatore & Leonora Augusta saltitare palam visus esset, respondit, Eum quidem qui luxurię causa saltet, stultum & insanum meri-



tò esse: sed si honoris alicuius gratia fieret, reprehensionem aliqua ex parte effugere, quandoquidem cum magnis viris insanire aliquando decorum videtur. Panorm. lib. 2. de rebus gestis Alphonfi.

## De sanitate, & bona valetudine.

*Pythagoras.*

**D**icere solebat, tria à diis præcipuè petenda: formam, diuitias & bonam valetudinem, eò quòd homo cætera sibi præstare posset. Quanquã *vixisset* non tam ad animi sanitatem, quàm ad corporis, referri possit. Eras. Rot. lib. 8. apoph.

*Idem.*

\* Ad sanitatem corporis tria necessaria esse dicebat, videlicet, ne famem, ne sitim, ne frigus patiatur. Stob.

*Thales.*

Interrogatus olim, quisnam felix esset? respondit, Qui corpore sanus est, animo autem eruditus. Laertius lib. 1. cap. 1.

*Crates.*

Suprà, de Deo dona sua inæqualiter distribuente.

*Socrates.*

\* Monebat vt cauerent sibi homines à cibis, qui non esurientes ad edendũ: & à potibus, qui non sitientes ad bibendum alliciunt. Stob. serm. 99. de sanitate, &c.

*Gorgias.*

\* Interrogatus, quonam vsus genere victus in tantam senectutem esset progressus? Nihil vnquam voluptatis gratia se aut comedisse aut fecisse dixit. Eod. ser.

*Hippocrates.*

\* Quærenti consilium de sanitate tuenda respòdit, *Σητά, τὸν, ὕμνον, ἀπο-*

*δίνα, τὸν, μῦθον.* i. Cibi, potus, somni, Venus, omnia moderata sint. Eod. ser.

*Alcmaeon.*

\* Afferbat continentem sanitatis causam in æqualitate facultatum inesse, nempe humidi, sicci, calidi, avari, dulcis, & reliquorum. Vna autem ex ipsis præpollente, morbum fieri. Stob. Ibid.

*Plutarchus.*

\* Optimè dictum est, inquit, non satiari cibo, non refugere laborem, seminis substantiam conseruare, hæc tria saluberrima esse, &c. In præceptis de sanitate.

*Diogenes.*

Stomachabatur in eos, qui pro bona valetudine sacrificarēt, & in ipso sacro epulis immodicis semet ingurgitantes, facerēt bonæ valetudinis iacturam. Laert. lib. 6.

*Idem.*

Dicebat se mirari seruos, qui quum viderent dominos plus æquo voraces non illis eriperent cibos. Nam hoc esset dominorum valetudini consulere: & seruis magis conuenit edacitas. Laert. lib. 6.

*Democritus.*

Dicere solebat, homines precari quidem à Deo valetudinem, cuius tamen vim in semetipsis nesciant. Dum enim inordinatè viuunt, suæ ipsius valetudinis sunt proditores. Maxi. sermon. 27.

## De sapientia.

*Pythagoras.*

**D**iligenter hoc perpendendum esse dicebat, Quòd cum homines omnes maximum esse bonum in sapientia situm asserant, perpauci tamen interim ad possessionem eius anantantur. Stob. ser. de prudentia.

*Archylus.*

*Archytas Pythagoreus.*

\* Appello, inquit, Sapientiam cognitionem numinis rerumque diuinarum, ac prudentiam humanarum rerum & eorum quæ vitam spectant. Stob. serm. 1. de virtute.

*Thales.*

Hominem ex sermonis serie iudicandum putauit sapientem, cum diceret solutus sit: Multa verba nequaquam arguunt sapientem. Sapiens enim non nisi quum res postulat loquitur, & per paucis ad interrogata responderet. Eras. lib. 6. apoph. ex Laert. lib. 1.

*Solon.*

\* Sapientiam aiebat tantum ceteris virtutibus ante stare, quantum visus reliquos sensus excellit. Anton. ser. de sapientia.

*Bias.*

\* Eos qui inani sapientie vacant, similes esse nocturæ oculis dicebat. Huius enim oculi noctu quidam valent: sole autem splendente cæcutiunt. Et illorum mens acutissima quidem est in vanitate contemplanda: ad veri autem luminis obiectum motum obscuratur. Stob. ser. 3.

*Diogenes.*

Dicebat, faciles esse Deos ad donandam hominibus vitam: ceterum hanc ignorari ab his, qui quærunter vnguenta & delicias. his enim qui fruuntur, credunt se viuere: quum veram vitam, tranquillam & suauem præstet sapientia. Laert. lib. 6.

*Idem.*

Sapienti nihil deesse colligebat hoc syllogismo: Deorum omnia sunt: deorum autem amici sunt sapientes, & amicorum communia sunt omnia: sapientum igitur sunt omnia. Sed eodem syllogismo reiici poterat, petens aliquid: Cur petis habens omnia? At respondisset, Non peto, sed repeto. Laert. lib. 6.

*Antisthenes.*

Antisthenes Atheniensis negabat sapientem viuere iuxta leges ab hominibus conditas, sed iuxta normam virtutis. Sapiens enim non ideo declinat à malo, quod legibus prohibitum sit: sed quod ipsa ratio dissuadet hoc agendum esse. Laert. lib. 6.

*Xenophanes.*

Empedocle dicente, sapientem inueniri non posse. Et merito, inquit, nam sapientem esse oportet qui agnoscat sapientem: notans illum qui hoc dicebat, suo vitio non inuenire sapientem. Laert. lib. 6. cap. 2. Antonius in Melis. parte 1. ser. 50.

*Perictione Pythagorea.*

\* Geometria, inquit, & arithmetica, reliquaque in speculatione sita & scientiæ sunt, & circa entia versantur. At sapientia circa omnia genera entium. Etenim occupata est sapientia circa omnia quæ sunt: ceu visus circa omnia visibilia, & auditus circa omnia audibilia. Stob. ser. de virtute.

*Aristarchus.*

Infrà de sophista.

*Aristoteles.*

Dicebat, sapientem sibi sufficere, eo quod omnia quæ sunt aliorum, sunt, & huius, qui cum omnibus habet amicitiam, & amicitia facit omnia communia. Laert. lib. 6.

*Idem.*

Dicere solebat, tria ad parandam sapientiam potissimum necessaria: naturam, doctrinam, & exercitationem. Inuita Minerva frustra laboratur, rectè dicitur à doctis, exercitatio consummat eruditionem. Laert. lib. 5.

*Alexander.*

In Callisthenem nequaquam sese accommodantem aulae regiae moribus, sed & dictis & gestu præ se ferentem nihil sibi placere, pronuntiauit hunc versiculum:

*Μισὸν σοφιστὰς, ὅστις ἐκ κέρτους ποιεῖ.*  
Id est.

*Sapientem ego odi, qui sibi sapiens nihil.*

*Idem.*

Videns Diogenem in doliq decumbentem: O vas, ait, sapientia refertum. At philosophus assurgens: Regum, inquit, omnium maxime, vnam abs te fortunæ guttam expeto, vt vel dolium hoc (quod vocas) sapientiæ, illud mihi permaneat, sine quo parum feliciter cum sapientia agitur. Stobæus.

*Dionysius.*

Dionysius dicere solebat, se à sapientibus amicis sibi cauere, quando certum haberet ex his esse neminem, qui non imperare mallet, quàm seruire. Eras. lib. 5. apoph.

*Cicero.*

Lusit in quendam, qui quum prius habitus esset stultissimus, post adeptam hæreditatem primus rogabatur sententiam: Cuius, inquit, hæreditas, quam vocant sapientiam. in versu, pro facultas, mutauit hæreditas. Apud poetam enim versus sic habet? Cuius facultas, quã vocant sapientiam. Significauit autẽ, hæreditatem illi pro sapientia contigisse, & ob hæreditatem iam habitum sapientem. Eras. lib. 4. apoph.

*Seneca.*

\* Sapientiam describens dicebat, esse idem velle atque nolle: perfectũ item bonum mentis humanæ: à rerum natura non aberrare, & ad illius legem exemplumque formari. In epistolis, & libro de vita beata.

*Alphonfus.*

Ab Alphonso Arragonum rege cum quidam sciscitaretur, quomodo in tot diuitiis pauper effici posset? respondit, Si sapientia vendiraretur. Quo dicto ostendere voluit, se pluris sapientiam rerumq; cognitionem facere

quàm diuitias & regnum. Pan. in primo lib. 3. de reb. gest. Alphonfi.

*Idem.*

Idem sapientiam Dei filiam appellare solitus est, eamque solam rerum omnium esse immortalem, atq; ex omni genere animantium soli homini concessam. Pan. in proœmio lib. 3. de reb. gestis Alphonfi.

## De sapienter dictis.

*Solon.*

I Am annis grandior, suspectum habere cœpit Pisistratum, tyrannidis affectatæ nomine. Cum autem progredetur in concionem Atheniensium, & postularer præsidium à populo, videns Athenienses negligentiores, & parum attentas aures sermonibus suis præbere, Pisistrato verò animum adesse, dixisse fertur: Eum aliis callidiorẽ, aliis fortiorẽ esse. Callidiorẽ quidem iis, qui non intelligerent ipsum tyrannide potiturum, quàm primum corporis satellitium accepisset: fortiorẽ autem iis qui tamen intelligerent, tamen subitescerent. Elianus lib. 8. de Var. hist.

*Idem.*

Neminem, dum adhuc viueret, beatum dici debere arbitrabatur: quòd ad vltimum vsque fati diem ancipi fortunæ subiecti essemus. Felicitatis igitur humanæ appellationem rogus consummat, qui se in cursu malorum obicit. Plutar. in Solone, & Val. Maxi. lib. 7. cap. 2.

*Idem.*

Dicere solebat, Si in vnum locum cuncti mala sua contulissent, futurum vt proprium portare damnum, quàm ex omni miseriarum acervo portionem suam ferre malent. Quo ostendere voluit, non oportere nos, quæ fortuito patimur

patimur præcipue & intolerabilis amaritudinis iudicare. Valer. Max.

*Chilon.*

Sapientissimè dixisse putatur, cum monuit hominum bonitatem ita auro probari, quemadmodum aurum Lydio lapide. Ostendit enim permultos, qui aliis vitiis restiterint, opum desiderio multoties à virtutis tramite deduci. Et qui aduersus opum improbitatem constans fuerit, eum facile de cæteris vitiis victoriam reportaturum. Fulgus lib. 12. cap. 2.

*Thales.*

Sciscitatus, quo pacto optimè iustissimeque quis viuere posset? Si, inquit, quæ in aliis reprehendit, ea ne faciat ipse. Laert. lib. 1. cap. 1.

*Aristippus.*

Suprà de Animi bonis ac cultu.

*Socrates.*

Interrogatus, quomodo nominis immortalitatem honestissimamq; apud homines famam parare quis posset? Sitalis, inquit, esse studeat, qualis haberi cupit. Val. Max. lib. 7. cap. 2.

*Diogenes.*

Diogenes interrogatus, Quo quis modo sibi ipsi præceptor foret? respondit: Si de quibus alios reprehendit, seipsum in primis increpet. Stob. ser. de prudentia.

*Idem.*

Musicos, dicere solebat, se admirari, quod cum tantum operæ conuenientia vocum impenderent, vt mores prauos, penitusq; à ratione discordes ad rectam viuendi normam redigerent, negligere penitus viderentur. Laert. lib. 6. Fulg. lib. 7. cap. 3.

*Aristoteles.*

Subinde dicebat, nequaquam decere vt quis se laudet, vel etiam viruperet. Quod illud videlicet sit hominis vani & inanis, alterum verò stulti. Laert. lib. 5. cap. 1.

*Athenodorus.*

Suprà de Deo & omnipotente & vidente omnia.

*Pericles.*

Dicebat, non oportere in vrbe nutrire leonem: si autè iam sit alitus, obsequi ei cōuenire. Sapientissimè admonens, vt præcipue nobilitatis & concitati ingenij iuuenes refrenentur: nimio verò fauore & profusa indulgentia passii, quo minus potentiam obtineant, ne impediuntur: quod stultum & inutile sit eas detrectare vires, quas ipse foueris. Est autem de Alcibiade hoc dictum apud Aristophanem, qui in comœdia Periclem hæc vaticinantem introducit. Recitatur etiam apud Val. Max. lib. 7. cap. 2.

*Demades.*

Suprà de Ragnandi libidine.

*Agésilauus.*

Suprà de Continentia.

*Idem.*

Mirabantur quidam Agésilauum paucis admodum cōtentum esse, ad quos Agésilauus: Pro hac mea continentia, inquit, optimam mihi messem, libertatem scilicet, paro. Sapienter admonens nullam esse voluptatem ingenuis hominibus iucundiores. Plut. in Lacon.

*Idem.*

Interrogatus, qua ratione potissimum quis assequi posset, vt apud homines honestam haberet famam? Si loquatur, inquit, quæ sunt optima, & faciat quæ sunt honestissima. Plutarch. in Lacon.

*Idem.*

Sciscitatus, cur Spartanorum ciuitas non cingeretur mœnibus? respondit, Vrbes non saxis aut lignis, sed incolentium viribus seruari. Plutarch. in Lacon.

*Pausanias Cleombrosi F.*

Quibusdā in spoliis barbarorum demi-



demirantibus pretiosas vestes : Præstiterat, inquit, illos ipsos esse multi pretij, quibus datum est ut tam pretiosa possideant. Plut. in Lacon.

*Leonidas.*

Interroganti cur fortes viri gloriosam mortem ingloriæ vitæ anteponant: Quoniam, inquit, alterum naturæ proprium, alterum peculiariter suum esse ducunt. Plut. in Lacon.

*Anaxandridas.*

Suprà de Innocentia.

*Charilaus.*

Infrà de virtute.

*Analcidas.*

Suprà de Comitatu.

*Polydorus.*

Suprà, de Eo quod à subditis amari melius sit quàm metui.

*Theopompus.*

Vxori conquerenti quòd regnum humilior ac minus esset filiis traditurus, quàm accepisset: Sed, inquit, maius, quòd diuturnius. Quæ moderata sunt, diu durant. Plut. in Lycurgo.

*Idem.*

Theopompo Lacedæmoniorum regi cum quidam dixisset, tum saluam Lacedæmoniorum Rempublicam fore, si reges imperare rectè didicissent: respondit, Imò, si populi obedire. Sentiens. Reipub. salutem non minus in subditorum obedientia quàm imperantis studio & industria consistere. Fulgosit. lib. 7. cap. 2.

*Dionysius senior.*

Cum filium reprehenderet, quòd Syracusani cuiusdā ciuis vxori vim intulisset, atque inter alia quæreret, An vnquā audiuisset à se rem similem factam fuisse? Filius ex tempore respondit: id accidit, quod nunquam patrem regem habuisti. Ad quem pater: Ne tu quidem fili, nisi hæc facere desieris, filium vnquam habebis qui regnum obtineat. Cuius verbum res ipsa re-

rum ostendit: nam cum Dionysio seniore filius successisset, haud multò post ob prauam vitam Syracusanus pulsus fuit. Fulgosit. lib. 7. cap. 2.

*Pyrrhus.*

Cum vniuisset Palladi, in Atheniensi arce rem sacram facere: Athenienses liberè eum in urbem atque arcem receperunt. Verum postquā vrbe egressus fuit, dixisse fertur, Mirum in modum gratam extitisse fidem, quam sibi Athenienses habuissent. Cæterum si scaperent, in posterum regi nemini portas aperturos esse. Quo dicto ostendit, non esse ex re liberæ ciuitatis, in cuiusquam principis manum libertatem suam credere. Cuius consilium non secuti Athenienses, cum postea Cassandrum quoque in urbem recepissent, magna atque innumerabilia mala ex eo tulerunt: re ipsa experti se à Pyrrho sapientissimè monitos esse. Fulgosit. lib. 6. cap. 2.

*Scipio Afr.*

Negabat aliter cum hoste configi debere quàm si aut rei opportunitas obueneret, aut dira postulare necessitas. Nam & prosperam gerendam rei facultatem omittere, maxima dementia est: & in angustias utriusque pugnandi compulsum, abstinere se prælio, pestiferæ ignauie affert exitium: eorumque, qui ista committunt, alter beneficio fortunæ uti, alter iniuriæ necesse resistere. Valer. Max. lib. 7. cap. 1. Brufon. lib. 2. cap. 32.

*Idem.*

Infrà de Temeritate.

*Q. Metellus.*

Deuicta iam Carthagine, in senatu sapientissimè nescire se dixit, plūne boni vel mali Reipublicæ illa victoria intulisset. Quoniam ut pacem restituendo profuisset, ira Annibalem submouendo nonnihil nocuisset. Eius enim transitu in Italiam dormientem populi

populi Romani virtutem excitatam: merusque debere ne acri æmulo liberata, in eundem somnum reuolueretur. Val. Max. lib. 6. cap. 2.

*Appius Claudius.*

Appium Claudium crebrò solitum dicere accepimus, Negotium populo Rom, melius quàm otium committi. Non quòd ignoraret, quàm iucundus tranquillitatis status esset: sed quòd animaduerneret, præpotentia imperia agitatione rerum ad virtutem capefendam excitari, nimia autem quiete in desidiis resolui. Valerius Maximus lib. 7. cap. 2.

*M. Cato.*

Semper se harum rerum pœnituisse dixit: Si mulieri arcana detexisset, aut simari profectus esset, quum terrestri itinere eundi facultatem habebat: aut si per negligentiam diem frustra elabi permisset. Plutarchus & Fulgosus, lib. 7.

*Idem.*

Affirmare solebat, insanos prudentibus longè vtiliores esse, quàm insanis sapientes. Quippe qui sapientes, cum stultorum errata inspicerent, ob id in melius virâ mutare solerent: at amentes, cum discendi capaces non sint, ex sapientum benefactis fructum percipere nullum possunt. Fulgos. lib. 7. ca. 2. & Eras. lib. 5. apoph.

*Augustus Cæsar.*

In omni verbo prudentissimus, eos qui leues ob causas se periculis exponerent, similes esse dicebat iis qui aureo hamo pisces capere tentarent. Hi enim amisso semel hamo, plus damni accipiunt, quàm ex multorum piscium captura lucri. Fulgos. lib. 7. cap. 2.

*L. Paffienus.*

Is Neronis vitricus, à quo & Nero maximè diratus est, dicere solebat, se malle quorundam iudicium quàm beneficium, & quorundam beneficium

quàm iudicium. quod Seneca asseruit, se nihil subtilius atque insignius cognouisse in distinguendis maximè vitiis, atque curandis.

*Claudius imp.*

Admonitus, vt à suis libertas caueret: respondit, Non eodem modo à publico, vt à fera bellua caueri posse. Xiphilinus in Claudio.

*Antonius Pius.*

Cum postulatis quibusdam ad supplicium, neminem puniret, eamque ob causam à suis reprehenderetur: respondit, Non oportere principem à suppliciis imperij exordium facere. Dion Nicæus & Xiphil. in eius vita.

*Val. Homulus.*

Antonius Pius, cum in domum Valerij Homuli venisset, porphyriticæque columnas non tantum vidisset, sed requisisset etiam vnde eas haberet? Homulus respondisse fertur: Cum in domum alienam veneris, & mutus & surdus esto. Capitolinus, & Cuspin. in Coss.

*Theodosius.*

Dicere solebat, non mirum esse, si homo, creatura aded caduca, moriatur. Vnius autem Dei esse semper existere, qui semel mortuos ad vitam reuocaret. Niceph. Callistus lib. 14. ca. 3. Ecclesi. hist.

*Placilla Imp.*

Suprà, de Eleemosyna.

*Alex. Mama F.*

Solitus est dicere, decere bonos atque fortes viros, optima quidem optare, sed ferre quæcunque incidat. Herodianus lib. 6.

*Pescennius Niger.*

Suprà, de Laudis cupiditate.

*Antonius heremita.*

Cum aliquando literis à Constantino Imperatore inuitareretur, vt ad se veniret, detrectauit primùm, dicens: Siquidem ad Imperatorem venero, Antonius

Antonius ero. sin. minus, abbas Antonius. Niceph. Callist. libr. 8. Eccles. hist. cap. 40.

*Macarius.*

Interrogatus, cur homines iniuriarum quas ab hominibus acceperant, minus obliuiscerentur, quam earum quæ essent à diabolo inflictæ? respondit: Quia prior illa affectio præter naturam, posterior autem secundum naturam iræ esset. Niceph. Callist. lib. 11. cap. 43. Eccles. hist. ex Euagrio.

*Leonius.*

Sentiens grauissimam illam dissensionem apud Antiochenos, de fidei negotio, multorum malorum causam futuram, caput canis florens manu demulcens, dixisse fertur, Niuem eam solutam, lutum multam subsecuturum esse. Idem lib. 9. cap. 24. Eccles. hist.

*Anonyma.*

Abhorrens ab omni mulierum aspectu, cum aliquando sceminam obuiam haberet, quæ aperto supercilio eum intuebatur, increpans eam, in terram prospicere iussit. Illa autem respondens, ait: Quomodo tandem ego intuear? cum æquius sit te eam inspicere, qui ex ea conditus sis, quam me, ex te ortum habentem? Idem lib. 9. c. 16. Eccles. hist.

*Pambus.*

Cum apud Athanasium esset Alexandriæ, & videret mulierem theatrali, fleuit. Interrogatus à præsentibus, quare flieret? Dux, inquit, me res mouent, vna, quæ est illius perditio: altera verò, quod ego non tantum studio placere Deo, quantum hæc, ut turpibus placere possit hominibus. Tripart. histor. lib. 9. cap. 1.

*Franciscus Foscarius Venetorum dux.*

Quum à Francisco Carmaniola interrogatus esset, quam ob causam per totam noctem senatus habitus esset? respondit: Ecquis alius in causa fuit,

quam tu ipse? Sed cum statim cognouisset, potuisse illum suspicari de suo interitu actum (qui secutus mox est.) Egimus, addidit, de tuis laudibus, deque tuo augendo stipendio, donandoque tibi oppido, ubi manes. Ita igitur nil amplius suspicatus mali Carmaniola, à satellitibus, qui iam conuerant retentus est, carcerique inclusus, nec multo post supremo supplicio affectus. Ioannes Baptista Egnatius li. 7. cap. 11.

*Cosmus Medicus.*

A Strofianis quandoque in exilium pulsus, ad Benacum, à misso ad senatio interrogatus, quid ageret? prudentissimè sanè respondit, sese Galliæ incubanti frequentem adesse, ut eius postea fructu potiretur. Cuius responsu nuntius ille in risum conuersus, non animaduertit viri prudentissimi responsum eò tendere, ut de reditu in patriam assidue cogitaret, quem non multo post senatus Veneti ope consequutus est. Ioannes Baptista Egnatius lib. 7. cap. 2.

*Saladinus.*

Fuit Saladinus princeps Ægyptius (id quod vix alicui persuaderi possit) dum vixit longè clarissimus. Namque imperij sui fines inprimis auxit: & felicissimè diu rerum potitus, Christianorum quoque opes ita in Oriente attriuit, ut Hierosolymis captis, Christianum nomen in hunc vsque diem ex Syria eiecerit. Ille verò moriens in summa rerum felicitate testamento suo præcipuè cauuit, ut interula tunica linea, quæ gestare solebat, vertici prælongæ hastæ affigeretur: exclamarétque assidue, qui lanceam gereret, hanc vnam esse reliquam tunicam, quæ, illi ex tantis opibus, tantoque imperio superfuisset. O vocem præclaram, dignamque in primis, quam insolentissimi principes frequentissimè in animo repetant,

repetant, nobis omnibus vita functis nihil omnino superesse, nisi si quid bene sancteque gesserimus. Ioannes Baptista Egnatius lib. 7. cap. 2.

*Ludouicus XII. Gall. rex.*

\* Narrante quodam, ex veterum monumentis, augures, si vlcus haberent, inaugurandi gratia sedere prohiberi: quasi hoc esset signum non oportere, qui vlcus aut perturbationem animo habeat tractare res diuinas: tunc Ludouicus, Felix est (inquit) Roman. Pontifex, qui in ea tempora non incidit: nunquam enim inaugurandi potestatem habuisset. *Anal. Franciæ.*

*Carolus V. imp.*

\* Multa extant sapienter ab eo dicta. Inter hæc sequentia occurrunt. Anno 1540. ineunte, per Gallias in Belgiam contendens, Lutetiam Parisiorum ingressus, graui & celebri oratione exceptus est, exquisitas omnium virtutum summi Imperatoris laudes ei tribuente. Oratori paucis verbis respondens, dixit, Gratam sibi esse regis affinis erga se beneuolentiam, sed laudes illas sibi tributas arbitrari tot esse cōmonefactiones, Qualis esse deberet. \* Antonio Leuæ & aliis ducibus Iulij Cæsaris & Alexandri exempla laudantibus, nec Carolum vti suis victoriis ad potentiam & magnitudinis suæ amplificationem, quantum & posset & deberet, querentibus: respondit, Alexandro & Iulio in bellis gerendis vnum fuisse finem, honorem & gloriam: Christianis autem Principibus duos esse propositos, honorem & animæ salutem. \* Ipse in comparando exercitu, se caput sumere ab Italis, brachia & manus ab Hispanis, pectus à Germanis, ventrem & pedes à reliqua gentium colluue dicebat. \* Item, neruos belli esse pecuniam, commeatus, milites. Verum

si ex iis aliquo carēdum esset, militem veteranum se electurum esse, cuius industria & fortitudine, reliqua duo se ex hoste comparaturum consideret.

\* In castris ad Witebergam cum de Hispanorum crudelitate & libidinibus enormia quædam ipsi significata essent: Profecto, inquit, si quod aliquando mihi accideret ingens infortunium, propter istorum nebulonum scelera accideret. \* In postremo ex Germania discessu, Vlissingæ ventos navigationi idoneos expectans, & in multam noctem cum Seldio fratris Ferdinandi legato locutus: cum ex familia in atrio partim dilapsa, partim dormiente, dato nola signo, nullus appareret, Carolus ipse lychnum Seldio quantumuis recusanti præfert, ei que per gradus deducto, Hoc tibi monumentum, ait, Cæsaris illius Caroli habeto, Seldi, tot exercitiis & excubiis quondā stipati, quem nunc solum & à familia etiam desertum vides: & cui tu tot annos seruiisti, is nunc tibi etiam seruiit & lumen prætulit. Dixit etiam in postremis illis congressibus Seldio, se in hac mutatione suæ fortunæ agnoscere potentiam Dei, cui nequaquam velit repugnare. D. Chytræus orat. de Carolo V. Imperatore.

*Vide apoph. de argusè, grauiter, & prudenter distin.*

## De satellitio principum.

*Agasicles.*

\* Dicebar posse quemuis principem & regem sine satellitio regnare, qui sic subditis imperaret, vt filiis patet. Plut. in apoph.

*Sigismundus imp.*

Albertus Austriæ dux (qui mortuo Sigismundo Cæsare, cuius erat gener, regnum Hungariæ ac Bohemiæ cum Romano imperio suscepit) cum diceret



diceret principes, amore civium cautos esse oportet, Sigismundus respondit: Et si a custodia infortunium excludit. Docuit autem imperator potestissimus, non satis esse ut principes fidos habeant subditos: sed addendos etiam esse satellites, & corporis custodes, præsertim in florentiore ætate. Æneas Syluius libro commentariorum de rebus gestis Alphonfi.

*Alphonfus.*

Castigatus ab aulicis suis, quod regie maiestatis oblitus, sine satellitibus & satrapis prodiret in publicum: Non opus est, inquit, ut ipse multum sibi timeat, qui neminem habet quem ita læserit, ut aliorum etiam manu sit defendendus. Ostendit autem, superuacaneam esse satellitum turbam, si quis ita se erga subditos gerat, ut vbiq; sine iniuriæ timore solus esse possit. Panor. lib. 2. de Alphonfi rebus gestis.

*Thomas Pontanus.*

Subinde dicere solitus est: Amorem quidem inermem incedere, dormire autem loriatum. Notabat autem principes, qui licet beneuolentiam & amorem suorum non ignorent, habent tamen nocturno præcipuè tempore, qui armati propè custodias agant, ut extra omne periculum somnū dulcissimum capiant. Iacobus Spieg. in secundum Æneæ Syluij lib. de rebus gestis Alphonfi.

## De scortationis detestatione.

*Antisthenes.*

**A**ntisthenes Atheniensis cum his mulieribus consuetudinem habendam dixit, quæ beneficium beneficium pensent, & quæ gratiam habituræ sint. Senties, abstinendum à meretricibus.

quæ pretio & pecunia vendunt inhonestam voluptatem, nec pariunt, nec amant mutuam: aut à valetudinariis, deformibus & malè moratis, quæ gignunt foetus pœnitendos. Eius dictum extat apud Laert. l. 6. c. 1.

*Diogenes.*

Diogenes scorta dicebat esse regum reginas, quod ab his quicquid collubisset peterent & impetrarent. Nam ideo regum reginas appellabat, non quod essent pares vxoribus: sed quod in ipsos reges regnum exercebant. Reges à populo non semper obtinent quod exigunt, at scorto nihil negatur. Laert. l. 6.

*Idem.*

Formosa scorta similia dicebat multis lethalibus venenis temperato: quod adferrent quidem initio voluptatem, sed quam perpetuus dolor consequeretur. Laert. l. 6.

*Idem.*

Idem conspiciens quendam meretrici supplicè, ut impetraret quod petebat: Quid, inquit, tibi vis miser? præstat non impetrare quod rogas, A scorto reiici, præstat, quàm admitti. Et tamen plerique animi & corporis iacturam ambiunt instantèr, & magno emunt. Laert. l. 6.

*Idem.*

\* Irridebat eos, qui cellas promptuarias obserant vestibulis, seris & signaculis: corpus autem suum multis fenestris & ianuis aperiant, per os, pudenda, aures & oculos. Stob. ser. de in-temperantia.

*Socrates.*

\* Nec ignem vestimento occultare possibile esse dicebat, nec scortationem secundum peccatum tempore. Eod. serm.

*Musonius.*

\* Extremæ dicebat esse impudentiæ in subeundis vel sustinendis laboribus

ibus meminisse imbecillitatis corporum, erga voluptates autem ( id est crapulam & scortationem ) obliuisci. Ibidem.

*Crates.*

\* Vifa aurea imagine Phrynes scortij Delphis erecta, exclamauit, Ex Græcorum incontinentia trophæum, Plutar.

*Plutarchus.*

\* Scortationem detestatus, appositè dicebat, Scortationē veluti alloquens: An coram omnib. scortaris? imò tu te ipsum etiam reueritus fugis, nocti solū & tenebris sine testibus cōtueliam & libidinem committens. nemo quippe honestis actionibus caliginem obrendit, lucem (carum testem) reformidans. Immo totum mundum solem esse optaret, erga ea quæ præclare agit. Vnum quoduis autem crimē nudum conspici cauet, prætexens affectus. Iis ergo amputatis, nudas intueamur voluptates. Sunt ebrij ad stuporē scortantur perpetuò, dormiunt ad negotia, ciuitates negligunt, non curam gerunt parentū, non verētur leges, Ex lib. contra voluptatē, apud Stob. ser. 6.

*Demosthenes.*

Fertur, aliquando Corinthum nauigasse Demosthenem, illectum fama nobilissimi scorti Laidis, vt & ipse famoso amore potiretur. At quum illa pro nocte stipularetur drachmarum decem millia, deterritus magnitudine pretij, mutauit sententiam, dicens: *ὁ ἀπὸ τοῦ σόφου μετανοῶν*, Nō emō tanti pœnitere, significans, inhonestæ voluptati paratam esse comitem pœnitentiam. Erascl. 4. apoph.

*Demetrii legati.*

Quum legatis à Demetrio ad Lyfimachum missis, Lyfimachus per otium narraret aliquando, quomodo coactus ab Alexandro cum ferocissimo leone colluctatus fuisset, & cicatrices

ostenderet in cruribus ac brachijs è feræ ungulis relictas, legati dixerunt: Et noster rex graues feræ Lamiz morsus in collo gestat. Norantes suauiorum amatoriorum vestigia, simul alludentes ad lamiam beluam. Plut.

## De securitate.

*Socrates.*

\* **I**nterrogatus, qui securè viueret, Qui, inquit, nihil sibi consciunt mali. Ant. Max. ser. de curiosit.

*Enagium.*

\* Præstat, inquit, in Storea, securè agere, quàm in lecto aureo perturbari. Ibid.

*Pyrho.*

In tempestate conspiciens cæteros animo esse deiectiones, cū ipse nihil moueretur: ostendit procellum in nauis securè edentem, dicens: oportere sapientem eam animantis imitari securitatem. Laert. 19.

*Bion.*

Dicere solebat, impietatem malam esse contubernalem fiduciæ, & adiciebat versiculum Euripidis.

*Seruum facis, quamuis feroculum virum.* Sensit autem philosophus clarissimus, nullam omnino securitatem habere locum, vbi male sana sit conscientia nec apertè posse loqui, cui reuera impietatis vitium potest obici: nec frui tranquillitate animi, qui deos sibi non habeat propitios. Laert. 1. 4. c. 7.

*Vide apoph. de Conscientia, Quieta, & Tranquillitate.*

## De seditione.

*Democritus.*

\* **S**editionem intestinam vtrinque nocere dicebat: etenim tum victoribus

toribus tum victis perniciēs est æqualis. Stob. ser. 41.

*Plato.*

\* Remedium aduersus seditionem illud esse dicebat, vt nec extrema in aliquibus ciuium inopia sit, nec in gentes diuitiæ. Eod. ser.

*Secundus sophista.*

Cum tale argumentum esset propositum: Qui seditionem mouerit, moriatur: qui sedauerit, præmium ferat. Quidam & mouerat & sedauit, petit præmium. Hanc quæstionem paucis absoluit: Quod est prius? mouisse Quod posterius? sedasse. Itaq; prius da pœnas motæ seditionis, ac deinde si potes, accipe præmium rectè factorum. Philost.

## De senectute.

*Solon.*

\* Lige sanxit, ne quis admodum iuuenis ad magistratum aut cōsultationesmitteretur, quamuis prudentissimus esset visus. Sto. ser. 112.

*Bion.*

Senectutem dicebat portum esse malorum: quod omnes huc confugerent sperantes miseriarum finem. Mori autem vnicuiq; in promptu est. Id ethnici quidam existimabant esse præclarum: Christiana pietas docet esse nefarium scelus. Eras. ex Laert. libro 4. cap. 7. Caterum Ant. in Meliss. part. 2. serm. 17 & Maxi. sermone 41. aliique, Soloni adscribunt.

*Idem.*

Docebat, nulli exprobrandam esse senectutem, ad quam omnes optant peruenire. Absurdum enim est aliis probro dare, quod quis optat sibi contingere. Laert. l. 4. c. 7.

*Zenon.*

\* Dicebat turpe esse senī aut prospicienti senectutem, ex commenta-

rio sapere. Seneca, epist. 33 qui alibi ait, turpis & ridicula res est elementarius senex.

*Cleanthes.*

Interdum, cum foderet, solebat se ipsum increpare. Id fortè admiratus Ariston: Quem, inquit, increpas? Tum Cleanthes ridens: Senem, inquit, qui canos quidē habet, sed mentem non habet. Scipsum innuens. Laert. l. 7. c. 2.

*Eratosthenes.*

Vigentem ætatem veri comparabat, declinantem ætati & autumnō, senectutem hyemi. Stob. ser. 113.

*Alexis.*

Infrā de Senectute imbecilla.

*Metrodorus.*

Neminem beatum esse dixit, nisi qui absolutum haberet bonorum operum numerum. Nihil enim ætati per se tribuendum est. Stob. serm. 113.

*Democritus.*

Senectutem omnimodam imperfectionem esse dicebat, eo quod omnia habeat, & omnibus indigeat. Stob. ser. 115.

*Idem.*

\* Robur, inquit, & forma corporis bona sunt: senectus autem flos est temperantiæ & prudentiæ. Item. Senex fuit iuuenis aliquando: an verò iuuenis futurus sit olim senex, incertum est. Perfectum igitur bonum futuro, præsertim incerto, præstantius est. Stob. ser. 112.

*Diogenes.*

Percontanti quid esset in vita miserimum: Senex, inquit, egenus. Si quidē vbi naturæ præsidia destituunt hominem, extraneis rebus fulcienda est ætatis imbecillitas. Laert. lib. 6.

*Idem.*

Anum compram conspicatus: Si, inquit, ad viuos, falsa esset finis ad mortuos, ne cunctare. Anto. serm. 18. part. 2. Meliss. Max. ser. 41.

*Phanorinus.*

*Phavorinus.*

\*Dicebat Pythagoram & Platonem sensisse, senectutem non esse finem curriculum huius terreni appellandam, sed potius beatæ vitæ initium. Stob. serm. 114.

*Idem.*

\*Beatus quidam cum iam annos natus plus quam septuaginta, thesaurum reperisset, sublato crure ipsum contempsit, & præteriiuit, ut qui non amplius vsui sibi futurus esset. Ita (inquit) senectus animum & tranquillum reddit, & multæ pecuniæ studium ac impensas adimit. Stob. serm. 112.

*Theodectes.*

\*Dicebat, senectutem & nuptias res esse similes. Vtramque enim (inquit) consequi desideramus: postquam verò nati sumus, tristamur. Stobæus serm. 66.

*Euripides.*

Archelaus rex opiparum lautumq; cœuiuium amicis suis parauerat, cumque in eo cœuiuius Euripides proximè sibi assidentem Agathonem tragicum poëtam iam senem, se plurimum amare diceret, Agésilas interrogante cur amandus esset homo senex? Per Iouē, inquit, Ver non solum est bonorum optimum, verum etiam autumnus. Comparat autem florentem iuuentutem verno tempore, quo omnia sunt in herba: senectutem autē autumnō fecundissimo. Ælian. lib. 13. de Var. hist.

*Agésilas.*

Agésilas regem cum quis interrogaret, cur per acrem hyemem solo pallio rectus obambularer absque tunica, homo tam prouectæ ætatis? Ut, inquit, iuuenes hanc vitæ rationē imitentur, cum exemplum habeant & extremæ senectutis hominem, & principem. Sapienter admonens, senibus ita viuendum esse, ut adolescentibus exhibeant rectè viuendi formam: & vulgus

nihil imitari libentius, quàm quod à viris principibus conspexerint factitari. Plut. in Lacon.

*Alexander.*

Cum senem quendam capillos inefficientem vidisset, dixit: Non capillos sed genastinge. Max. ser. 41.

*M. Cato.*

Cum senectuti adfint multa probra, dicebat non esse addendum malitiæ dedecus: sentiens, senectutē multis nominibus vulgò malè audire: veluti cum audit, deformis, edentula, lusciosa, imbecillis, obliuiosa, indocilis. Hæc ferre satis est, ut non accedat crimen improbæ vitæ, quod omnibus quidem sædum, sed seni sædissimum. Alij narrant, hoc ab illo dictum in senem obuuium vitæ contaminatæ: Ne ætatis tuæ malis addas turpitudinem. Plut. in Rom. apoph.

*Idem.*

Hortante Scipione Africano, ut Achæzorū exulibus opitaretur, quo illis in suam patriam redire liceret: simulabat eius rei sibi nullam esse curam. Cæterum in senatu cum hac de re multa verba fierent, assurgens, ait, Perinde quasi nihil habeamus quod agamus, sedemus de seniculis aliquot Græcis disputantes, vtrum à nostris an illius regionis vespilionibus efferrantur. Plut. in Rom. apoph.

*Fridericus Imp.*

Cum in vrbe quadam præfectum, senem admodum, & ætate iam imbecilem dedisset, non defuerunt adulescentes qui sibi præfecturam loci committi peterent. cum igitur senem admouendum dicerent, Fridericus dixisse fertur: Senem amicum oppido, non amico oppidum commendamus. Sentiens, dignum esse, ut senex iam à ciuibus ad mortem vsque foueretur. Æneas Syluius libro 4. de rebus gestis Alphonfi.

Tt

De



## De senectute viuuda & animosa.

*Chilon.*

**A**Usonius Chiloni hanc tribuit sententiam : Optabilem esse senectutem iuuenilem, molestam verò iuuentutem senilem. Maxima malorum pars, ob quæ malè audit senectus, à vitiis hominum proficiscitur : habet autem ex sese nonnulla commoda plurimarum rerum vsum, ac memoriam, consulendi facultatem, reuerentiam & auctoritatem : hæc si adsint commoda, absintque incommoda, ea senectus optabilior est multorū iuuentute, vitiis & inertia marcescente. Videas autem in nonnullis iuuenibus senilem imbecillitatem, senilem somnolentiam, senilem ignauiam, senilem morositatem : horum iuuentus peior est senectute. Nam cum senecta careant, senio tamen abundant. Aufoniani versus sic habent :

*Grata senectus homini, quæ parilis iuuentæ.*

*Illa iuuentus gratior, quæ similis senectæ.*  
*Cleantes.*

Ad quendam contumeliæ causa obicientem senectutem : Et ego, inquit, abire cupio : verum vbi reputo me omni est parte sanum, siue lugendum est, siue scribendum, rursus maneo. Significans, se quidem haudquaquam esse vitæ cupidum : verum ob senectutem neminem debere à vitæ decedere, donec vires suppetunt ad vitæ munia. Laert. lib. 7. cap. 2.

*Gorgias.*

Centesimum septimum agens annum, rogatus quare tandiu vellet in vita manere? Quia nihil, inquit, habeo quod accusem senectutem. Cicer. lib. de Senectute.

*Sophocles.*

Iam extremæ senectutis, à filiis accusatus est dementiæ. At is pro apologia iudicibus recitauit tragediam, quæ proximè scripserat, rogans num ea videretur delirantis. Fertur & hoc dixisse : Si sum Sophocles, non deliro : si deliro, non sum Sophocles. Sentiens, in eruditis ac sobriis animi vim non elanguescere, sed reuigescere potius vfu & exercitatione. Erasmi. Rot. lib. 8. apoph. ex Cicerone.

*Cyrus.*

Cyrus apud Xenophontem moriens extremæ iam senectutis, negabat, se vnquam sensisse senectutem factam imbecillio rem, quàm fuisset adolescentia. Maxima pars incommodorum, ob quæ vulgò malè audit senectus, ab intemperantia vitæ proficiscitur. Brusoni. lib. 6. cap. 7.

*Sylla.*

Cum post occupatam Rempublicam natum coegisset, sententiâque rogarer, vt Marius hostis Reipublice iudicaretur, nullis audentibus obuiam ire, solus Scæuola sententiam dicere voluit : quin etiam truculentius minitanti Syllæ, Licet, inquit, mihi agmina militum, quibus curiam circumfediisti, ostentes : nunquam efficies tamen, vt propter exiguum senilemque sanguinem meum, Marium, à quo vrbs & Italia conseruata est, hostem iudicem. Brusoni. lib. 2. cap. 1.

*M. Crassus.*

Suprà de Avaritia.

*Idem.*

M. Crasso quum Parthi per legatos renuntiassent, vt suæ ætati consulens à bello abstineret, insolenter respondit : In Seleucia istis mandatis responsum dabimus. Hic Agis, legatorum vnus, sublata manu mediam palmam ostendens : Prius, inquit, in hac manu nascuntur setæ, quam tibi Seleuciam conspi-

conspiciendi sit futura potestas. Plut. in Crasso.

*Idem.*

Crasso conflikturo cum Parthis, exta è manibus deciderunt. hoc cæteris, vt inauspicatum ostentum interpretantibus, ac prælium dissuadentibus: Huiusmodi, inquit, incommoda multa nobis senectus adfert. At arma mihi nunquam è manibus cadent. Plut.

*Confidius.*

Cæsare consultatum assequuto, adiuuantibus Pompeio & Crasso, quum omnia pro libidine gereretur, ac pauci senatores in curiam conuenissent, C. Confidius quidam natu prægrandis, idcirco non venisse senatores dicebat, quoniam illius arma militæsq; pertimescerent. Cui Cæsar: Quin tu, inquit, hoc quoque reformidans domi te non contines? At Confidius: Senectus, inquit, me facit intrepidum. Quū enim vitæ pauxillum supersit, non est cur magnopere sim sollicitus. Erasmi. lib. 4. apoph.

*Pollio Romulus.*

Pollio Romulus, qui centesimum exceſſerat annum, Augusto percontantiqua tandem ratione illum corporis animique vigorem seruasset? Intus, inquit, mulso, foris oleo. Tradit Plinius, naturam hominibus duos dedisse liquores optimos, oleum foris adhibendum corpori, vinum intus. Mel autem ob humidam calidamq; vim, admodū senibus accommodum est. Nunc mel in totum à mensis submovimus, & oleum corpori infundimus. Erasmi. lib. 8. apoph.

## De senectute imbecilla.

*Diogenes.*

**Q**uærenti, quid esset senectus? respondit Aetas brumalis, tempestatibus obnoxia.

*Solon.*

\* Quærenti cuidam, quid esset senectus? respondit, vitæ hiems. Idem dictum est à Patrocle & Eratosthene philosophis. Stob. serm. 115.

*Democritus.*

\* Senium, omnimodam imperfecti- onem appellabat, quæ omnia haberet & omnibus indigeret. Item. Augescen- te corpore, simul (inquit) & mens au- getur, & illo senescente vnâ senescit, ac in omnibus rebus fit obtusior. Stob. eod. serm.

*Isocrates.*

Senectus ait, adeo morosa & queru- la est, & pro minimis rebus anxia, vt iam sæpius meam ipse naturam cul- pauerim, quam aliorum nemo con- temptit. Eod. ser.

*Demonax.*

Demonasti seni crura intumue- rant, id videns quidam, Quid isthuc, inquit, mali est Demonax? Tum ille: Charon, inquit, me momordit. Pro- cane dixit Charontem, innuens, se- nectutem morti vicinam. Erasmi. lib. 8. apoph.

*Alexis.*

Cuidam videnti ipsum iam senio fef- sum ægrè lentèq; incedere, ac roganti quid ageret? Paulatim, inquit, morior: siue pederentim morior. Significans, senes non viuere, sed lente mori. Stob. serm. 115.

*Iosephus.*

Ptolemæo Oniam accusanti: Veni- am, inquit, quæso præsta: non enim te latet, senes, puerosque eandem men- tem habere. Brusi. lib. 9. cap. 7.

*Milo Cratoniates.*

Quum iam consensuisset, videns athletas in certamine exerceri, suos lacertos intuitus iam senio defectos, illachrymassè fertur, ac dixisse, At hi quidem iam mortui sunt. Corporis vi- gorè adimit ætas, animi vis ad extre-

nam vsque durat ætatem. Eras.lib.8. apoph.

*Cicero.*

Cæsar statuerat agros Campanos militibus diuidere, id quum complures in curia molestè ferebant, tum L. Gellius homo extremæ senectutis, dixit, Hoc non futurum se viuo. Expectemus igitur, inquit Cicero: nō enim postulat longam dilationem. significans illum esse morti proximum. Eras. Ror.lib.4. apoph.

## De senectute honoranda.

*Chilon.*

**D**icebat, honorem à iunioribus habendum senectuti: vt ipsi facti senes ab aliis habeantur in pretio: Eares geminam habebat vtilitatem. Si quidem vt senum autoritas ac reuerentia temperabat ætatem lasciuam à peccando: ita senes cauebant, ne quid committerent, quo iuuenibus vel ob ineptiam ludibrio possent esse, vel ob turpitudinem perniciosi: sed inter omnes iuuenes, omnesque senes ea esset reuerentia, quæ inter parentes ac liberos. Laert.lib.1. cap.4.

*Anonymus.*

Quidam profectus Lacedæmonem, quum vidisset honorem quem iuniores præstant senioribus: In sola, inquit, Sparta expedit senescere. Paupertas onus est & miserum & graue, vt ait Comicus: sed in hac molestiarum maxima pars est, quod homines facit etiã ridiculos, vt ait Satyricus. Sic inter incommoda quæ fert ætas ingrauescens, non minima pars est, quod senes ferè contemptui sunt, ac ludibrio. Proinde Sparta visa est multis honestissimum virtutis domicilium. Plut. in Lac.

*Anonymus.*

Senex in Olympiis cupidus erat spectandi certaminis quod agebatur:

sed quum nulla vacaret sedes, ad varia loca sese conferens, ludibrio erat, ac scommatis petebatur, quod nullus eum exciperet. vt verò peruenit ad Lacedæmonios, ibi non solum pueri omnes assurrexerunt, verum etiam viri multi cesserunt illi locum. Id factum quum cæteri Græci, quotquot aderat, plausu comprobassent, patriumque morem supra modum collaudassent: senex

*Concusiens canasque genas & tempora cana.*

*Ac fuscis lachrymis.*

Heu miseriam, inquit, vt omnes Græci norunt quid sit honestum, sed eo soli vtuntur Lacedæmonij! Eras. ex Plur. in Lacon.

*Lysander.*

\* Eum dicere aiunt solitum, Lacedæmone esse honestissimum domicilium senectutis: nusquam enim tantum tribuitur ætati, nusquam est senectus honoratior. Cic. lib. de senectute.

*Alexander.*

Quum hyemo duceret exercitum, assidens igni, recognoscere prætereuntes copias cepit. quumque videret senem quendam horrentem frigore, & ad ignem stantem, considerare loco suo iussit, dicēs: Si in Perside natus esses, in regia sella sedere tibi capitale foret: in Macedonia nato, conceditur. Eras. lib.4. apoph. ex Curtio.

## De senectutis fiducia.

*Solon.*

**Q**uam Pisistratus occuparet rem publicam, resque videretur ad manifestam spectare tyrannidem, neque quisquam auderet illius conatibus obistere, Solon productis armis, & ante ædes positus, cepit inclamare, ciues. at vbi Pisistratus ad illum mitteret, qui percütarentur, qua re fretus

hæc

hoc auderet: Senectute, inquit. Alios senectus reddit formidolosiores: illic conciliauit audaciam, quod parum vitæ superesset, etiam si nullus occideret. Ita Plut. in commentario. An senis gerenda Respu. Diogenes Laertius rem aliquanto fufius narrat lib. 1. meminuit & Cic. in Catone Maiore.

*Cesellius.*

Cum triumuiris non obtemperaret, & multa liberè de C. Cæsaris temporibus loqueretur, admonentibus amicis ut sibi caueret: Dux, inquit, res sunt quæ ceteros reddunt formidolosos, mihi autem maximam suppeditant fiduciam senectus & orbitas. Senex citò periturus est, etiam si nemo occidat. Et orbus nec habet quos curet, nec habet pro quibus timeat. Solet enim vltio in liberos propagari. Valer. Max. lib. 6. cap. 2.

*M. Castritius.*

Placentiæ magistratum gerens, Cn. Carboni consuli iubenti decretum fieri, quo sibi obsides à Placentinis redderentur, non paruit, atq; adeò minitanti dicentique, Multos habeo gladios: respondit, Et ego annos, Declarans, senectutis præsidio fretum, non metuere gladios. Val. Max. 1. 6. c. 2.

## De sepultura.

*Socrates.*

Cicutam bibiturus, à quibusdam interrogatus, quomodo sepeliri vellet? Eo modo dixit, quo vobis facilitimum fuerit, Stob. ser. 160.

*Idem.*

\*Athenienses ridēs qui de sepulchris maiorum & ducum suorum gloriarentur, dicebat, Duces & pleròq; maiores de quibus superbiebant extra fines suos sepultos esse, probra verò popularis Reipub. in publicis sepulchris. Teles de exilio apud Stob. ser. 38.

*Diogenes.*

Proici se inhumatum iussit. Tum amici: Volucribusne & feris? Minimè verò, inquit: sed bacillum propè me, quo abigam, ponitore. Qui poteris? Illi aiunt: non enim senties. Quid igitur mihi ferarum, ait, laniatus oberit, nihil sentienti? Laert. Cicero lib. 1. Tusquæst.

*Idem.*

Rogatus à Xeniae, quomodo sepeliri vellet? In faciem inquit. Percontanti causam: Quoniam, inquit, paulò post futurum est, ut inferiora fiant superiora. huc alludens, quòd id temporis Macedones rerum potirentur, atque ex humilibus fierent excelsi: quòd si inuenterentur omnia, fore ut cadauer etiam ex prono fieret supinum. Fortassis illud sensit, nihil referre quo statu corpus exanime sepeliatur: qua in re magna erat vulgi superstitio, porrectis enim in portam pedibus efferebantur, stantes cremabantur: & hodie stantes, ut audio sepeliuntur Iudæi, certè supini sepeliuntur omnes Christiani. Eras. Diogenis dictum extrat apud Laert. lib. 6. & Bruns. lib. 4. cap. 10.

*Idem.*

Dicebat, si canes cadauer suum lacerarent, Hircanam sepulturam fore: si vultures, Iberam. At si nullum animal accederet, ipsum tempus pulcherrimam sibi fore sepulturam, corpore pretiosissimis rebus, sole, inquam & imbribus, absumpto. Stob. ser. 120.

*Idem.*

Interrogatus, num seruum ancillamve haberet, negauit. Cumque percontator adiecisset: Quis igitur te efferet, si moriaris? Cui domo, inquit, erit opus. Multi supersticiosè solliciti, sunt, quomodo, & per quos efferantur. Hac cura prorsus vacabat Diogenes, non dubitans, quin futurus esset ali-

T 3

quis



quis qui cadauer eiiceret, vel ob id, quodd domum faceret vacuam. Quamquam illi contigit honorifica sepultura. Laert. lib. 6.

*Anaxagoras.*

Cum Lampfaci moreretur, quærentibus amicis, vellétne Clazomenas in patriam afferri, ibidémque sepeliri? Non necesse est, inquit. Undique enim ad sepulchrum tantundem via est. Cicero in Tuscul. lib. 1. Laertius libro 2. capit. 3.

*Anonymus.*

\* Quodam exuli Atheniensi cuidam exprobrante ac dicente, In patria ne sepulchro quidem dignaberis, sed instar impiorum Atheniensium in Megarica: Immo (inquit) quemadmodum pij Megariensium in Megarica. Teles, de exilio apud Stob. ser. 38.

*Euripides.*

\* Dicebat, mentes hominum insanire, cum sumptus inutiles pro mortuis profundunt. Stob. serm. 122.

*Lycurgus.*

Lycurgus sepulchrorum vniuersam superstitionem sustulit, permittens ut non solum intra ciuitatem humarentur cadauera, verum etiam ut monumenta templis vicina haberentur. Submouit & funebres expiationes: nec concessit ut quicquam vnà cum cadauere sepeliretur (nam aliæ nationes, si quid fuisset viuo charissimum, id mortuo addebant in sepulchro, dæmonia simul ac ridicula superstitione: quasi mortui sentiant aliquid) sed in puniceo amictu, & oleæ foliis ex æquo posito omnes sepeliri iussit. Vetuit etiã titulos & inscriptiones addi monumentis, præterquam eorum qui in bello cecidissent. Sustulit autem & luctus & funebres nœnias, quas reliquorum hominũ vulgus incredibili sumptu & apparatu, etiam per conductos ploratores celebrare consuevit, mag-

na specie dementia, quasi manium seu vllus sensus: aut si quid sentiunt, iisdem rebus delectentur, quas in vita non iudicio, sed animi vitio dilexerunt. Eras. ex Plur. in Lacon.

*Socrates.*

Eo die quo Socrates bibiturus erat venenũ, Apollodorus ei pallium multo pretij ad solatium obtulit, ut eo indutus moreretur. At ille recusans donum: Quid, inquit, hoc meum pallium, quod viuienti conuenit, mortuo non conueniet? Damnanus quorundam ambitio. nem, hoc miro studio prouidentium, ut quàm honorificentissimè efferantur, ac sepeliantur. Eras. lib. 3. apoph.

*Cyrus.*

\* De sepultura sua cum ira statuisse ferunt. Meum corpus, o charissimi filij cum moriar, neq; in auro condite, neq; in argento, neque in alia re prostruilla: sed illud terræ reddite quamprimum. Quid enim hac re beatius, quàm terræ misceri, quæ pulchra & bona omnia gignit atque nutrit? Xenoph. de Cyri pedia, lib. 8.

*Semiramis.*

\* Constructo sibi monumento, inscripsit, Quicumque rex pecuniis indigerit, aperto sepulchro quatum opus est, capiat. Darius autem cum aperuisset, pecunias quidem non inuenit, sed in huiusmodi scripta incidit: Nisi vir malus esses, & pecuniarum inexplibili desiderio flagrares, haud sanè loculos mortuorum commouisses. Plutarchus.

*Demonax.*

Demonaxem morientem amici rogabant, quomodo vellet sepeliri? Ne quid, inquit, ista res vos habeat sollicitos: scætor me sepeliet. Et dicentibus, Indignum facinus, si talis viri corpus laceraretur à canibus: Quid, inquit, incommodi, si & mortuus alicui sim vsui? Eras. lib. 8. apoph.

*Olympias.*

*Olympias.*

Alexandri mater Olympias, quum audiisset filij cadauer insepultum fuisse abiectum, inter lamenta dixit hoc quoque: O fili, tu qui studebas cœli particeps esse, huc toto impetu properans, ne iis quidem potiri valuisti, quæ sunt mortalium omnium communia, terra ac sepultura. Alexander viuus ambiebat diuinos honores: defuncto nec vltimus illi contigit honos, quem viuus homo persoluit homini, quamlibet humili. Narrant enim Q. Curtius, & Plutarchus, Alexandri corpus multis diebus insepultum iacuisse, ob graues procerum concertationes de successione principatus. Fuit & alter Alexander Epiri rex, Olympiadis frater, cuius corpus amne in hostium castra deuectum est, itaque ab his scædè laceratum. Vnius tamen mulieris opera sepultum est, licet mutilum. Refert Titus Liuius Decadis primæ libro octauo.

*Nero.*

Neronem imp. in fuga quum Pharon libertus hortaretur, vt in specum egesta harena conderetur: negauit, se viuum sub terram iturum. Suetonius, in vita Neronis.

*Zisca imp.*

Zisca Hussitarum dux & imperator fortissimus, iam moriturus, cum à militibus interrogaretur, quomodo sepeliri cuperet post mortem? Pellem, inquit, mortuo mihi detrahite, relictosq; feris cadauere, ex cute tympanum facite, quo in præliis utamini. Et sic, vt hostes nostri viuientis aspectum non ferebant, ita mortui sonum, fugam adornantes, audire nequibunt. Æneas Sylu. lib. 3. commentariorum de rebus gestis Alphonfi regis.

De Serijs negotiis in vinolentis conuiuiis non tractandis.

*Geminus.*

A Romanis in Asiam ad Antonium legatus missus, vt omnia tentaret per quæ cum Octauio redintegrari communis amicitia posset: vocatus in conuiuium ab Antonio præfete Cleopatra monuit, vt mādara proferret. Cui Geminus post salutem dictam, ait, Quæ tibi dicere Antoni iussus sum, cum sobrio, & alio loco quàm vbi nunc sumus tractanda sunt. Ostendens, seria negotia non in conuiuiis vinolento, nec quouis loco, nec præsentibus omnibus tractanda esse. Plut. in vita Antonij.

*Berenices.*

Ptolemæo regi ad talos sedenti, vt alea luderet, assistens quidam, condènatorum nomina recitabat, vt ille, quinquam mortis supplicium promeruissêt, decerneret. Berenice verò vxor regis hoc videns, ac audiens, arrepto è pueri manibus libello, prohibuit, ne ad finē vsque tunc legerentur, dicens: Non sic obiter aduertendum animum esse in re tam seria, vbi de hominis salute agendum est: sed studiosè, relictis aliis omnibus negotiis cogitandum, ne nostra oscitantia noceamus aliis. Non enim similem esse casum talorum & corporum. Elian. l. 14. de Var. hist.

De sermone, animi speculo ac indice.

*Solon.*

Sermonem operum simulachrum esse dicebat. Ea quippe quæ in opus prouunt, prius animo concepta, verbis indicantur. Max. serm. 14.

*Thales.*

Dicere solebat, Multiloquium non ostendere hominem sapientem. Sapiens enim non nisi quum res exigit, loquitur, & paucissimis suum ostendit animum. Stultus autem, etiam necessitate non efflagitante, loquendi finem non facit. Erasmi. lib. 7. apoph. ex Laert. lib. 1. cap. 1.

*Pythagoras.*

\* Oportabilius (inquirebat) sit tibi lapidem temere proiicere, quam sermonem ociosum. Stob. ser. 34.

*Democritus.*

Sermonem εἰδωλόν τε βίη, id est, vitæ simulachrum, quādamq; velut vmbra esse dicebat. Qua quidem sententia nihil dici potuit verius. Nam nullo in speculo melius expressiūq; relucet figura corporis, quam in sermone peccatoris imago representatur. Neq; homines ex sermone secius, quam ærea vasa tinnitu dignoscuntur. Laert.

*Idem.*

Audiens adolescentem variis de rebus assiduè loquentem, ait: In speculo faciei figura, in verbis autem animi qualitas vniuscuiusque hominisprehenditur. Stob.

*Zeno Cittieus.*

Adolescenti confidenter loquenti: Non dixerim, inquit, ô adolescens, quæ mihi succurrunt. Subnotauit vir prudentissimus, è sermonis procacia æstimari morum impudicitiam. Laertius lib. 7. cap. 1.

*Musonius.*

\* Fontem & originem malè viuendi esse dicebat, non refugere obscœna & turpia loqui. Stob. serm. de intemperantia.

*Cleostratus*

\* Sermonem faceto, tanquam sale, parcè vtendū esse dicebat. Sto. ser. 34.

*Diogenes.*

Aiebat, sibi videri mirum, quòd quum

ollam aut operculum non emerent homines, nisi pulsu aut tinnitu exploratū, in emendo homine solo aspectu essent contenti. Significans hominem nulla ex re melius cognosci, quàm ex oratione. Vt igitur qui vas fictile teruntio parant emere, digito pulsant, atque ex tinnitu reddito dignoscunt, sitne integrum, probè argillæ ac bene coctum: ita priusquam minis aliquot emant hominem, oportebat ad dicendum prouocare, atque ex oratione deprehendere qualis sit. Laert. lib. 6.

*Socrates.*

Dicere solebat, qualis homo est, talis etiam eius erit oratio, orationi autem facta similia, factis vitam. Cic. li. 5. Tus. quæst.

*Idem.*

\* In bello quidem ferrum dicebat auro præstare ad defendendum se, in vita autem, sermo eruditus diuitiis. Stob. ser. de literis.

*Idem.*

\* Sermonem eruditum, tanquam bonum figulum eleganti specie animam ornare dicebat. Eod. ser.

*Idem.*

Quum diues quidam filium adolescentem ad Socratem misisset, vt indolem illius inspiceret: ac pædagogus diceret, Pater ad te, ô Socrates, misit filium, vt eum videres: tum Socrates ad puerum, Loquere igitur, inquit, adolescens, vt te videam. Significans, ingenium hominis non tam in vultu relucere, quàm in oratione: quòd hoc sit certissimum minimèque mendax animi speculum. Erasmi. lib. 3. apoph. ex Apuleio, Florid. lib. 1.

*Chrysippus.*

Interrogatus, quid esset mens hominis? sermonis fontem esse, respondit. quemadmodum enim riuuli ex fonte fluunt, sic sermo ex corde & mente hominis procedit. Stob. ser. 1.

*Epicurus.*

*Epicurus.*

Sapientis sermonem dicebat magnificentior esse in grabato, panno & stramentis: tunc enim non tantum veri esse præceptorem, sed testem. Seneca, epist. 20.

*Isocrates.*

\* Duo (inquit) tibi tempora dicendi præscribe, ut vel de rebus indubiè tibi perspectis, vel necessariis verba facias. In istis enim solis oratio præstat silentio: in aliis verò tacendum potius quàm loquendum. Stob. ser. 34.

*Romulus.*

Dicere solebat, vasa fictilia sono & percussu, hominem verò sermone explorandum esse. Max. ser. 15.

*Cenopidas.*

Qualis cuiusque esset natura, tale esse dicebat sermonem. Maximus ser. 15.

*Demonax.*

Solitus est dicere, in speculis vultus figuram, in colloquiis autem animi naturam & imaginem cerni posse. Maximus ser. 15.

*Idem.*

Dicebat, orationem ac sermonem hominis quasi figulum animi formam effingere & proferre. Ibidem.

*Vide apoph. de Breui loquentia, de Garrulitate, Lingua, Loquacitate, & Silentio.*

## De seruis & famulis.

*Socrates.*

**Q**uendam conquerentem, se defatigatum longo itinere rogauit, num per ipsum potuerit consequi? Ait roganti, vacuúne, an aliquid ferens oneris? Portauit, inquit, non nihil sarcinarum. Quid, inquit, queritur ne ille se defessum? Quum negaret: An non pudet, inquit, te mollitiei, qui vacuus ambulans defessus fueris, cum ille gestans sarcinam non queratur se fati-

gatum? Ostendebat Socrates seruum in hoc feliciorem domino, quod ad labores exercitator, minus sentiret molestiæ. Eras. lib. 3. apoph.

*Democritus.*

\* Seruis, ut partibus corporis, alio ad aliud utendum esse dicebat. Stob. serm. 60.

*Diogenes.*

Erat Diogeni seruus nomine Manes, is quum profugisset à domino, admonuerunt amici fugituum inuestigare. At ridiculum, inquit Diogenes, si Manes absque Diogene viuatur, Diogenes absque Mane viuere non possit. At multi seruos insequuntur ut vlciscantur, Diogenes spectabat usum. Melior autem philosophus est, qui paucioribus eger. Nolebat itaque hic seruo videri deterior. Laert. lib. 6.

*Idem.*

Quum esset emptus Diogenes, perinde quasi ipse Xeniadè emisset, dixit illi: Vide ut iussis meis pareas. Cúmque ille diceret *ἀναπαύσθαι*: significans re præposterè agi, si seruus imperet hero: Si medicum, inquit Diogenes, emisset æger, non illi præscribenti obtemperares? an diceret, *ἀναπαύσθαι*: Si herus corpore malè affectus auscultat seruo rei medicæ perito: multò magis decet animo ægrum, auscultare seruo philosophiæ perito. quod enim ars medicæ præstat corpori, hoc philosophia præstat animo: illa medetur febri, hæc prauis cupiditatibus. Quantò autem animus præstat corpore, hoc illius morbi sunt, quàm huius, grauiores. Laertius addit, quum à præcone rogaretur, quo titulo vellet prædicari? isque respondisset, scire imperare liberis: ubi vidisset prætereuntem quendam bene cultum, Huic, inquit, me vende: nam is eget domino.

*Idem.*

Dicebat, inter seruos ac dominos malos



malos præter vocabula nihil aliud interesse, nisi quod mancipia seruirent dominis, domini cupiditatibus. Significans, utrosque esse seruos: miserio-rem seruitutem seruire dominos, quàm mancipia, si sint improbi. Nam qui ducitur affectuum arbitrio, & multos habet dominos, & turpes, & inclementes. Laert. lib. 6.

*Metrodorus.*

\* Seruum necessariam quidem possessionem esse dicebat: sed non iucundam. Stob. ser. 60.

*Antigonus.*

Quum Athenienses seruum Antigoni, honoris gratia, petinde ut ingenuum in ciuium numerum ascripsissent: Nequaquam, inquit Antigonus rex, velim vnum Atheniensem à me loris cædi: significans, per illos factum, ut vnum ciuem Atheniensem posset loris cædere, quippe seruum: sed Athenis esse plures vno commeritos, ut à rege loris cæderentur, qui seruum alienum, quod in ipsis fuit, manumitterent. Plut. in apoph.

*Iulianus Imp.*

Cum eunuchis & coquis seruos etiam ex palatio eiecit. Rogatus verò, cur id faceret? ait: His non opus esse cum minori sumptu viuere posset. E-  
rasm. lib. 8. apoph.

*Hadrianus Imp.*

Quum seruum suum videret inter duos senatores ambulantiem, misit qui illi colaphum impingeret, diceretque, Noli inter eos ambulare, quorum adhuc potes esse seruus, simul senatoris dignitatem consulens, & serui castigans insolentiam, quam de Cæsare hero sumpserat. Ex Dione Cassio.

*Alexander Severus.*

Nunquam utebatur cursore, nisi seruo suo: dicens, ingenuum currere nisi in sacro certamine non debere. Aelius Lampridius.

## de seruo fideli.

*Bion.*

\* Dicebat, bonos seruos esse liberos improbos autem libertinos multis cupiditatibus seruire. Stobæus ser. mon. 2. & 60.

*Anonyma.*

Ex his militibus qui sub Lyfimacho stipendium faciebant quidam quum ab eo rogaretur, num esset quispiam ex Helorum, id est, seruorum Laconicorum numero: Tu ne, inquit, existimas Laconem ad te venturum, ut abs te ferat quatuor obolos? Maluit se fateri seruum, quàm hoc probari admittere in nomen Lacedæmonicum. Plut. in Lacon.

*Callicrasidas.*

Interrogatus quod genus hominum essent Iones? Liberi, inquit, mali, sed serui boni: significans illos nescire imperare, ac libertate uti, sed seruitutem æquo animo ferre: videlicet referendos ad secundum hominum genus, iuxta distinctionem Hesiodi, qui per se quidem non sapiunt, sed parent rectè sapienti. Plut. in Lacon.

*Anonyma.*

Lacæna quædam captiua, quum interrogaretur, quid sciret? probè inquit, regere domum. Et hæc non vulgaris ars est in muliere. Plut. in Lacænarum apophtheg.

*Alia.*

Quædam à licitatore interrogata, num esset futura proba, si ipsam emeret? Etiam, inquit, si me non emeris. Plutarch.

*Alia.*

Quum in auctione præco rogaret illam, quid sciret? Libera, inquit, esse, significans, sese captiuam quidem esse, cæterum ad illiberalia iussa non paritutam. Itaque quum emptor imperasset

set quædam non conuenientia liberæ. Plorabis, inquit, qui tibi ipsi talem inuideris possessionem. mōxque sibi necem consciiuit. Plutarchus in apophth. Lacænarum.

*Anonymus.*

Puer Spartanus captus ab Antigono rege, ac sub hasta venditus, in cæteris omnibus quæcunque putabat ab ingenuo decenter fieri posse, obsequens erat ei qui ipsum fuerat mercatus: cæterum iussus adferre matulam, haud sustinuit: dicens, Non seruiam. Atquum instaret herus, puer conscensotecto, dixit, Senties cuiusmodi mercatum feceris: mōxque sese è sublimi præcipitem dedit, ac periit. Caprius esse poterat, seruilia facere non poterat, ac semet in libertatē morte asseruit. Plut. in Lacon.

*Idathyrus.*

Idathyrus Scytharum rex, in quem arma mouit Darius, suasit Ionum regibus, vt Histrici pontis iunctura soluta, fugientes sese in libertatem vendicarent: qui quum id facere recusarent, ne violarent fidem, qua Dario erant obstricti, vocauit illos frugi mancipia, & *ἰδῆσθαι*, hoc est, qui fugere nollent. Nam hæc non minima laus est seruorum, nolle fugere, si liceat: at nolle tyrannicam seruitutem commutare libertate, si detur opportunitas, animi seruilis est. Plutarch. in apoph.

*Antigonus.*

Conspiciens filium suum, eos in quos habebat imperium, ferocius tractantem, atque insolentius: An ignoras, inquit, fili, regnum nostrum esse splendidam seruitutem? Nihil dici potuit cordatius. Nam princeps non minus obseruire cogitur populo, quàm populus principi: nisi quod princeps id facit cum dignitate, alioqui reuera mutua seruitus est. Plutarch.

*Anonymus.*

Quidam in seruum furacem ita iocatus est, vt diceret, eum solum esse cui domi nihil esset nec signatum, nec occlusum. Id si de frugi seruo dicas, laus est: si de furaci, iocus. Intelligimus enim, illi nec seras nec signa obstare, quo minus furetur. *Scrinia claudimus: olim & cadi lagenæque solebant obfignari.* Erasim. lib. 6. apoph.

## De seruorum multitudine & turba.

*Anonymus.*

**A**Eroli quondam ingressi regionem Laconicam, abduxerūt quinquaginta seruorum millia, vnde Lacon quispiam senior festiuiter dixisse fertur: Magno bono fuerunt hostes Laconicæ, quam tanta turba leuarunt. Plut. in Lacon.

*Anonymi.*

Cum Thebani irrupissent in Laconicam, & inter captiuos captiuasque multos etiam abduxissent helotas, iusserunt illos Terpandri, Alcamenis ac Spendonis Laconica carmina canere. Illi recusarunt, dicentes, id nolle filias heriles: aded plus apud illos valuit conceptiuarum puellarum auctoritas, quàm iussa victoris. Hinc probarunt quidam, esse verum quod vulgò diceretur: liberum Sparta maximè liberum esse, contrà, seruum maximè seruum. Plut. in vita Lycurgi.

*Alcamenes.*

Percontant quidam, cur Lacedæmonij Helotibus committerent colendos agros, ac non ipsi potius eos colerent? Quoniam, inquit, non ipsorum causa, sed nostra, Helotas nobis comparauimus. Videlicet stultitiam eorum taxans, qui mancipia ad ostentationem alunt otiosa, & seruos socios

ac

ac ministros voluptatum habere malunt, quàm frugiferis operibus occupatos. Plut.in Lacon.

*M.Crassus.*

M.Crassus ille diues, magnam seruorum turbam domi alebat, quorum præcipuam agebat curam, discantibus adstans interdum, & ipse docens eos, dicens: hanc oportere præcipuam esse patrisfamiliæ sollicitudinē, nosse quot sint rei familiaris animata instrumenta.

### De seruorum ministerio.

*Diogenes.*

CONspicatus delicatum quendam, à seruo calceari: Nondum, inquit, sat beatus es, nisi te etiam abstergat. Id erit, si mancus fueris. Laertius libro 6. Visum est Diogeni non multò minus absurdum, in calceatu abuti opera famuli, si quis ipse sibi hoc præstare valeat, quàm si post exoneratum alium adhibeat famulum abstergendopodici. Quanquam intelligi potest & de abstergendo naso. Philosopho ethnico prodigiosæ delitiæ videbantur, ethnicum calceari à famulo (inquit Erasmus:) At ego noui Christianum sacerdotem, ac theologum, cui cum nullum esset membrum mâcum, tamen aditurus latrinam, famulos accersebat, qui soluerent ligulas: item reuersus qui alligarent. Id ego videns, sic mecum cogitabam. Vtinam adesset spectator Diogenes.

*Demonax.*

Videns quendam, seruum suum crudeliter verberantem, Desine, ait, ne seruo tuo similis fias. Iudicauit vir prudentissimus, reuera seruum esse, qui affectibus suis imperare non possit. Eras.lib.8.apoph.

*Gorgo, Cleomenis Filia.*

Cùm videret Aristagoram à quo-

piam è famulis calceari: Quid, inquit, pater: Hospes iste manus non habet? Existimabat, non ferendas viri delicatias, qui in eo abutebatur famuli opera, quod ipse suis manibus facere sibi poterat. Et non pudet quosdam, quibus vestiendis comendisque vix decem famuli sufficiunt. Opus est famulo, qui ventrem exoneraturo soluat ligulas, qui scenum aut lanam porrigat extersuro, ac minimo minus, qui abstergat, Eras.ex Plut.in Lacon.

*Gillias.*

Hospitio exceptus apud hominem durum & vndecunque facientem questum, qui ne dormire quidem famulis permittebat, sed alius aliud operabatur noctu: eundem & ipse postea, quum Agrigentum venisset, suscepit, & conuocatis famulorum pueris (qui per multierant) nuces & carycas distribuit. Interrogante autem hospite, unde tot pueri? A famulis meis, dixit, mihi generantur. Voluit autem ostendere, ita tractandos esse seruos, vt ad procreandos etiam liberos legitime sint apti. Stob.ser.60.

### De seueritate.

*M.Cato.*

CAto senior millia quinque famulos habebat, quorum vnus tria captiua corpora emit. Quod vbi sensit rescisse Catonem, priusquam in eius conspectum veniret, seipsum laqueo præfocauit. Aded quæstum oderat in milite, aded veniam desperabat qui peccauerat.

*Antisthenes.*

Suprà de Præceptore bono ac fidei.

*Parysatis.*

Suprà de Adulatione & assentione.

*T.Man.*

*T. Manlius.*

Suprà de Grauitèr dictis.

*C. Sulpitius Gallus.*

Vxorem repudiavit, quòd aperto capite fuisset foris: Lex, inquiens, tibi meos vnus præfinit oculos, quibus formam tuam approbes: his ornamenta comparato: his esto speciosa, aliis velle videri formosam, in suspitione & in crimine hæreat necesse est. Eras. l.6. apoph.

*Pescennius Niger.*

Palestinis rogantibus, vt ipsorum census leuaretur, eo quòd regio esset grauata, satis inclementer respondit: Vos terras vestras leuare vultis, ego etiam aërem vestrum censere cuperem. Ælius Spart.

*Alphonsus.*

Admonitus ab amicis ne nimium leuis erga suos esset, & ob id in contemptum apud suos incideret. Magis, ait, hoc cauendum mihi est, ne nimia mihi seueritas conciliet inuidiam. Eras. l.8. apoph.

*Vide apoph. de Disciplina militari, & de Parentum seueritate in filios.*

## De seuerè dictis.

*Gorgo.*

**C**um hospes quispiam molliter ac agrè vestem prælongam attraheret, Gorgo Cleomenis filia protrusit hominem, dicens: Non tu hinc abis, qui nec ea possis quæ sunt scæminarum? Mulierum est, laciniosis, & in humum defluentibus vti vestibus: quin & caudas admodum longas interdum trahunt, nec tamen grauantur onere, aut succingunt. Plutarch. in Lacon. apoph.

*Anonymus.*

Lacon cum in peregrinatione vidisset homines in sellis curulibus sedentes: Absit, inquit vt in talibus sedeam

sellis, vnde non liceat assurgere seniori. Ibid.

*Antigonus.*

Suprà de Iudice bono & incorrupto. & apoph. de seruis ac famulis.

*Paulus AEmylus.*

Cum Perseus captiuus deprecaretur, ne in triumpho duceretur: Istuc, inquit, in te situm erat. Significans illi licuisse in bello perire. Plutarch. in vita Æmyl.

*Teleucia.*

Suprà de Filiorum abdicatione & de parentum seueritate in filios.

*Vide apoph. de grauitèr, prudenter, & sapienter dictis.*

## De sexu.

*Antisthenes.*

**D**icebat, viri ac mulieris eandem esse virtutem. Idem sensit Socrates, sexum muliebrem non minus esse docilem ad omnia virtutis munia: quàm virilem, si pariter instituatur. At vulgus sexum incusat, quasi ad virtutem indocilem. Laert. l.6.

## De silentio.

*Pythagoras.*

**E**ius de silentio scitè dicta sunt hæc. Aut sile, aut affer meliora silentio. Aut silentium tempestiuum, aut orationem vtilem habeas. Verba silentio, silentiū tempestiuitate claudas. Stob. ser. 34.

*Socrates.*

Admonebat suos discipulos, vt tria præcipuè in omni vita haberent: In animo prudentiam, in vultu verecundiam, & in lingua silentium. Maxim. serm. 12.

*Pittacus.*

Præcipiebat, vt ea quæ facturi sumus non aperiamus loquaciter aliis: ne



ne si malè perfecerimus, dignè deride-  
amur. Max. ser. 20.

*Thales.*

Suprà de Lingua, Garrulitate & lo-  
quacitate nimia.

*Solon.*

\* Inter pocula tacitus, interroganti  
Periandro, an propter verborum inopi-  
am aut ob stultitiam taceret, respō-  
dit, Atqui nullus stultorum in conui-  
vio silentium præstare potest. Stob.

*Idem.*

\* Sermonem silentio, silentium au-  
tem temporis occasione obsignandū  
esse dicebat. Stob. ser. 3.

*Chilon.*

Rogatus, quid esset difficile? Arc-  
num, inquit, reticere. Tāta est linguę,  
omnium maximè volubilis, incontine-  
tia, cū alioqui nihil videatur facilius  
quā silere. Laert.

*Bias.*

Apprimè decorum illis esse silenti-  
um dicebat, quibus indecora impurā-  
que esset vita. Stob.

*Democritus.*

Cum animaduertisset quendā mul-  
ta imperitè disputantem: Hic, inquit,  
non dicendi peritus mihi videtur, sed  
omnino tacēdi imperitus. Max. ser. 20.

*Diogenes.*

Ad quendam, qui se contentiosè  
philosophum profitebatur: Vah miser,  
inquit, cū id quod optimum est in vi-  
ta philosophi corrumpas, verbis tamē  
audes te philosophum iactare. Est  
autem philosophi etiam munus file-  
re, cū res responsione digna non est.  
Stob. ser. 31.

*Idem.*

Adolescens quidam ex illis qui cum  
Diogene versabātur, interrogatus ab  
ipso, tacebat. Tum Diogenes: Non pu-  
tas, inquit, eiusdem esse, quę dicenda  
sunt scire, & quando, & quę tacenda  
sunt, & apud quem. Stob. ser. 32.

*Cleantes.*

Cuidam ab eo petenti dictum ali-  
quod, quod crebrò occineret filio suo,  
protulit ex Electra, *σῖγα σῖγα ληπτοῖς ἔχοντι*  
id est, Tace, tace, tenue vestigulum. In-  
nuens pueris maximè conuenire silen-  
tium. Laert. l. 7. c. 2.

*Idem.*

Cū quidam ad tacentem Clean-  
them dixisset, Tu quid taces? atqui iu-  
cundum est cum amicis confabulari,  
Iucundum quidem respondit Clean-  
thes: sed quò iucundius est, eò magis  
in hoc amicis oportet concedere. Sto.  
serm. 31.

*Zeno Citiens.*

Ptolemæi legatis, qui multos erudi-  
tos ad conuiuium inuitarant, percon-  
tantibus, quid de ipso regi suo essent  
renuntiari? ait, Vidisse vos senem, qui  
in conuiuium tacere nouerit. Cū enim  
cæteri ad ostentationem multa dixis-  
sent, vnus Zeno perpetuum tenuit si-  
lentium. Laert. lib. 7. c. 1. Stob. serm. 32.  
Max. ser. 20.

*Simonides.*

Dicere solebat, nunquam se pœni-  
tuisse silentij, sermonis autem sæpius.  
Anton. in Meliss. part. 1. serm. 73. Maxi.  
serm. 20.

*Idem.*

Dicebat, eorum hominum, quorum  
indecora vita est, maximum decus es-  
se silentium. Antoni. in Meliss. part. 1.  
serm. 73.

*Xenocrates.*

Cū in conuiuium cæteris multa  
garrientibus, solus nihil diceret, inter-  
roganti, cur vnus omnium sileret? Quo-  
niam, inquit, loquutum fuisse pœnituit  
aliquādo, siluisse nunquam. Hoc Plut.  
in libello *περὶ τῆς ὑποκριτικῆς* tribuit Simoni-  
di. Sed Laert. 4. c. 2. Xenocrati tribuit, &  
Val. Max. etiam. lib. 7. cap. 2.

*Idem.*

Singulas dici partes diuidens in  
actio-

actiones certas, suam etiam silentio partem reddebat. Docens, silentij rationes utique adhibendas esse. Max. serm. 20.

*Heraclius.*

Rogatus à quibusdam, cur taceret: Ut vos inquit, loquamini. Bruf. Cont. lib. 6. cap. 6. exemplorum.

*Anacharsis.*

A Solone exceptus conuiuio, cum se cubitum recepisset, sic compositus erat, ut sinistra manus ad pudenda apposita esset, dextra autem ori. Interrogatus autem, quam ob rem id faceret? Continentiori freno linguam indigere dixit, ne secreta profferret. Maaim. serm. 20.

*Anaxarchus.*

Multarum rerum cognitionem homines aut valde iuuare, aut valde ledere dicebat. Iuuare enim virum dextrum & commodum: ledere verò illū, qui faciliè qucuvis sermonem & apud quosuis eloquitur. Oportet autem occasionis modum nosse: is enim sapientis terminus est. Qui verò intempestuè cantilenam musicam quāuis doctē cecinerint, illi non approbantur, sed crimen stultitiz subeunt. Stobæus serm. 32.

*Idem.*

Cum à Cypriorum tyranno Nicocreonte torqueretur, ut conficios produceret, post multa in regem dicta conuicia, tandem per iracundiam & linguæ amputationem minanti: Nō erit, inquit, effeminatē adolescens, hæc quoque corporis mei pars tuæ ditionis. simulque dentibus abscissam, & cum amanducatam linguam in os eius ira patens exipuit. Laert. l. 9. c. 10.

*Theophrastus.*

Suprà de Lingua, garrulitate & loquacitate nimia.

*Aristoteles.*

Callisthenem, auditorem suum ad

Alexandrium mittens, monuit, ut cum eo quam rarissimè, aut quam iucundissimè loqueretur. Quo scilicet apud regias aures vel silentio tutior, vel sermone esset acceptior. Plut. in Alexan. Laert. in Arist. Val. Max. l. 7. c. 2.

*Idem.*

Cum percontaretur, quid esset in vita difficillimum? Tacere, inquit, quæ loqui non decet. Max. serm. 20.

*Idem.*

Dicere solitus est: Qui silere non nouit, is neque loqui admodum scit. Nam quærente quodam, quæ res homini in vita esset difficillima? ait, Silere tacenda. Stob.

*Idem.*

Interrogatus, quam ob rem, cum alios doceret loqui, ipse taceret? Respondit: Cos quidem ipsa non scindit, cultros autem acuit. Ant. in Melis. par. 1. ser. 73. Verum hoc Isocrati adscribit. Max. serm. 20.

*Idem.*

Interrogatus à quodam, quis arcum sermonem continere posset? respondit: Qui carbonem quoque ignitum lingua retinere potest. Anto. cod. sermone.

*Dion.*

Naturam probè egisse dicebat, quæ geminas aures, & linguam vnicam nobis fabricarit: quo ad audiendum effemus quàm ad loquendum promptiores. Stob.

*Isocrates.*

Duo dicendi tempora statuenda dicebat: Vel de iis quæ certò nouimus, vel de quibus dicere est necessarium. In his enim solis oratio silentio præstat, in aliis melius est silere quàm loqui. Max. serm. 20.

*Idem.*

Dicere solebat, improbi hominis, quasi taciturni canis silentium magis quàm vocem timendam esse. Ibid.

*Demosthenes.*

*Demosthenes.*

Cum adolescens quidam inter pocula multas nugas effutirer, & tacere noller. Adolescens, dixit, quomodo nō didicisti tacere ab illo, à quo didicisti loqui? Antonius in Meliss. part. serm. 75.

*Idem.*

Cum quis ei obiiceret oris fœtorem: Bene dicis, respondit: multa enim secreta in eo computruerunt. Ibidem, & Max. ser. 20.

*Apollonius.*

Summo studio adnitendum dicebat, ne temerè nobis verba parum decetia elabantur. Constat enim quā inurbanum sit silere nō posse: tum effutire. palam cum turpitudine, quæ honestius obtrucisses. Stob.

*Idem.*

Dicebat, cum in alios atq; alios errores & pericula homines labi palam sit: mirum, quantam securitatem præstare queat taciturnitas. Stob.

*Theocritus.*

A blaterone quodam interrogatus, ubi cras visurus esset ipsum? Illic, respondit, ubi te ego non videam. Stob. serm. 31.

*Euripides.*

Cuidam opprobranti graueolentiam oris: Multa nimirum, inquit, in illo occulta computruerunt. Significans, se posse continere arcana. Solent autem res in occulto congestæ computrescere. Eras. l. 8. apoph. Idem. Demostheni ab aliis attributum, paulo ante recensuimus.

*Epietus.*

\* In omni negotiò nihil adeo prospiciendum esse dicebat, quā utrum securumque sit quod agitur. Est autem tutius, inquit, tacere, quā loqui. In Enchiridio.

*Demetrius Cynicus.*

Cum post ex Italia proscriptos à

Domitiano mathematicos & philosophos, ad Apollonium venisset, & fortunæ suæ iniquitatem deplorasset. Cicadis, inquit, licet impunè canere, nobis Romæ ne mutle quidem fas est. Philost. & Cuspin. in Coss.

*Isocrates.*

Careo loquaculus volebar ab Isocrate oratore erudiri. Sed is, duplicem mercedem mihi dari, inquit, posco: alteram, ut loqui, alteram, ut tacere discas. Stob.

*Plutarchus.*

\* Verborum, rei leuissimæ, inquit, bat, grauissima pœna, & apud Deum & apud homines, comes esse solet. Silentium verò cum ubiq; culpa vacet, tum maximè in aliorum conuiuiis, nescio quid egregium, Socraticum, aut potius Herculeum præ se fert. Siquidè & Hercules, ne gry quidè odiosa verba curabat. lib. quomodo quis ab hostibus iuuetur.

*Lacones.*

Apud Lacedæmonios, ad publica conuiuia ingredientibus, qui natu erat maximus, singulis ostendebat fores, dicens: Per has nullus egreditur sermo. Admonens, nihil effutendum, si quid liberius dictum est in conuiuiò. Hunc morem instituit Lycurgus. Plut.

*Demaratus.*

In concessu quodam rogatus, utrum ob stultitiam, an ob sermonis inopiam sileret? Atqui stultus, inquit, ne possit quidem silere. Quidam hoc præclarū existimant, si nunquam sileant: quum id sit certissimum fatuitatis argumentum: ut contra silentium, ubi loquendi tempus non est, prudentiæ signum est. Plut. in Lac. apoph.

*Demonax.*

A quodam interrogatus, quānam ratione delegatam prouinciā ritè administrare posset? respondit: Si quā minimum

minimum loquens, plurima audieris.  
*Eras.lib.8.apoph.*

*Philippides.*

Philippidi Atheniensi, qui ob virtutem charus ac perquam familiaris Lyfimacho regi erat, Lyfimachus cum dixisset, Num quid rerum suarum peteret? respondit: Solùm ô rex, ne arcânorum tuorum quidquam mihi credas.*Plut.*

*Epaminondas.*

Audiendi potius quàm loquendi cupidum esse hominem debere putabat: Quòd sciret, ex audiendo doctrinam, ex loquacitate autem poenitentiam nasci. De eo etià dictum, Neminem vnquam visum esse qui plura sciret & pauciora loqueretur.*Plut.*

*Hieron.*

Arcana enuntiantes iniuriam facere dicebat: eis etiam quibus enuntiarent. Odimus enim non solùm eos qui effutierint, verùm eos etiam, qui quæ nolumus audierint.*Max.ser.20.*

*Alexander Magnus.*

Suprà de Lingua, garrulitate & loquacitate nimia.

*Antigonus.*

Filio Philippo multis præsentibus percontanti, ac dicenti, Quando castra mouebimus? Quid, inquit, num metuis, ne solus tubam non audias? Notans adolescentis imperitiam, qui hoc patrem multis audientibus percontaretur, quum in bello celanda sint consilia principum: sed quoties castra mouenda sunt, tum omnibus tuba dat signum.*Plut.in apoph.*

*Cecilius Metellus.*

Quum in bello omnia proprio & subito consilio ageret, amico cuidam interroganti, quidnam iam acturus esset, post Arbachos in Macedonia subactos? Tunicam, inquit, meam exuterem si eam consilium meum scire existimarem. Quo dicto docuit, non

temerè animi nostri propositum effutendum esse omnibus, sed silendum ad suum vsque tempus. *Plin.cap.61.de Viris illustribus. Plut.in apoph. Rom. Front.lib.& cap.1.*

*Cato Vicensis.*

Quum Catoni, qui post dictus est Vticensis, etiamnum puero, vitio daretur taciturnitas (nec enim cum pueris exercebatur, nec à quoquam audiri volebat) ait: Carpent taciturnitatem, modò vitam probent. Et addidit: Tum demum abruptam hoc meum silentium, cum ea loqui potero, quæ sunt indigna silentio. *Plutarch. & Bruton. lib.9.cap.6.*

*Tiberius.*

Cum aliquando percontaretur, cur sua consilia non cum aliorum quoque, qui ei non malè vellent, consiliis communicaret? respondit: Principis animum aut nemini, aut paucis cognitum esse oportere. Sensit autem, non omnia credenda iis qui se amicos esse venditant: quibus quum aliquid secreti commiseris, temerè rimarum pleni effutiant: non cogitantes, principes loquaculorum garrulitate saepe numero aut periclitari, aut prodi prorsus.*Dion.*

*Vide apoph.de Patientia, prudentia, animi magnitudine, Contumeliis, maledicentia, Connisiis, &c.*

## De similitudine formæ.

*Anonymus.*

**P**Roconsul quidam Romanus in Sicilia, conspiciatus quandam adolescentem admodum sui similem, rogauit similitudinis causa: num pater suus nunquam adisset Siciliam? At meus, inquit, Romam frequenter accessit. Iocum retorfit Siculus, nihil veritus secures ac virgas proconsulis. *Brut.lib.6.cap.20.*

Vv

*Anonymus.*



*Anonymus.*

Augusto Cæsari perquam similis Romam venerat, & ita similis, ut omnium ora in se conuerteret. Produci ergo Cæsar hominem iussit, visumque interrogat: Dic (ait) adolescens, fuitne aliquando mater tua Romæ? Excepit adolescens, & hunc in modum Augusto respondit: Mater mea nunquam fuit Romæ, sed pater persæpe. Macrob. Plut. in Rom. apoph. Eras. lib. 4. apoph.

### De simulatione & dissimulatione.

*Charondas.*

**I**Nter leges quas tulit Catanensibus, hæc reperitur scitu digna. Vnusquisque ciuium se temperantem potius quam sapiëntem videri studeat: Nam simulare sapientiam magnum est imperiti & vilis animi signum. Temperantiæ autem simulatio debet esse vera: neque vllus egregia facta simulet, qui re ipsa & mentis & actionum bonarum nihil habeat. Stobæus ferm. 42.

*Diogenes.*

Cùm in conuiuio placentam ederet, diceretque conuiuiarum quispiam. Quid comedis Diogenes? Suspicans Cynicum philosophum nescire quid esset placenta. Panem, inquit, bene pistum. Dissimulans se scire, quid esset aliis placenta. Laert. lib. 6. cap. 2.

*Polydorus.*

Quum in Messeniensium regionem eduxisset copias Polydorus, roganti cuiuspiam, Num aduersus fratres essent pugnaturi: Non, inquit, sed in eam agrorum partem proficiscimur, quæ nondum sortito diuisa est. Elusit percontatorem, dissimulans consilium suum. Plut. in Lacon. apoph.

*Demosthenes.*

Postquam Demosthenes metu Antipatri profugisset in Calauriam insulam, seque in Neptuni templo contineret, & Archias ex tragædiarum histrione potens, illi blandis sermonibus persuadere conaretur, ut sese in Antipatri fidem committeret, non modò nihil passurum mali, verum etiam amplissimis muneribus honorandum: In scena, inquit, mihi nunquam placuisti histrio, neque nunc persuadebis orator. At ubi commotus Archias minaretur, se detracturum illum è templo: Tandem, inquit, oracula Macedonica aperuisti, nam prius histrionum more simulabas. Plutarchus in Demosth.

*Metellus.*

Cùm Scipioni viuenti fuisset inimicus, mortem tamen illius grauitertulit: iussitque filiis, ut subeuntes phæretum, funus Scipionis efferrent: addens, se Romanæ ciuitatis nomine gratiam habere diis, quòd Scipio apud alios non esset natus. Sentiens, Romam non futuram fuisse incolumem, si talem ducem habuissent hostes. Simultatem oportet morte finire, amicitiam non item. Plutarchus in Rom. apoph.

*Cicero.*

L. Cotta censore, qui vini auidissimus habebatur, quum Cicero consulatum petens fuisset, bibissetque, septus vndique amicis: Rectè, inquit, timeris ne censorem habeam insensum, quòd aquam bibo. Simulauit Cicero se credere, ob id circumstare frequentes amicos, ne censor videret illum bibentem aquam: Simile enim simili amicum. Eras. lib. 4. apoph.

*Domitius Afer.*

Dum causam ageret, & is qui diuersam agebat partem, subinde reputeret, Celsinà hoc dicere: cum probè nouisset

nouisset scēminam prapotentem, simulans se credere Celsinam virum esse, rogauit quis esset ille Celsina? Obiter notans ineptiam illorum, qui tantum autoritatis opum gratia tribuerent scēminæ, vt illius dicta toties citarent pro testimoniis. Erasmi. libro 6. apoph.

*Iul. Cesar.*

Cum testis ad exaggerandam iniuriam diceret, scēmina sua à reo ferro petita. Quid enim faceret, inquit, quum tu galeam & lorica haberes? Non ignorabat, cur illam partem potissimum vulnerare voluisset: sed hoc dissimulato, iocari maluit. Galea & lorica omnia tegunt, præter scēminam. Eras. Rot. lib. 4. apoph.

*Anonymus.*

Tiberio Casari contanter & ægrè suscipienti delatum imperium quidā in os ausus est dicere: Cæteri quod pollicentur, tardè præstant: tu quod præstas, tardè polliceris. Notata est est illius simulata contatio, detrectantis quod cupiebat. Eras. l. 6. apoph.

*Fredericus imp.*

Posteaquam senatores omnes in curiam vocasset, oprauit, vt ante quā ingrederetur, duas res deponerent, & tum fieri posset vt iudicio neminem fallerent. Peroratus autem, quænam res illæ essent? Simulatio & dissimulatio, respondit. Nam quæ res est, qua homines decipiuntur magis, quàm si aliud cogites, aliud dicas? Æneas Syl. de dictis Frederici imp.

*Sigismundus imp.*

Dixisse memoratur, ignarum esse regnandi, qui simulare nesciret. Inuit autem, præcipuam principum virtutem esse clementiam, quæ docet, simulanda interdum esse ea, quæ non magni sunt momenti, commodi maioris gratia. Æneas Syl. l. i. comment. in res gest. Alphonsi.

*Ramirus.*

\* Is Hispanorum rex mirè fuit probus & in moribus simplex. Ob eam rē cum irrifui aulicis esset, & diueris identidem pereretur, ad extremum exarsit, & vndecim viros nobiles ad se vocatos in Osca vrbe gladio peti iussit, addito dicto, Nescit vulpecula cum quo ludat. Reipsa scilicet ostendit periculosum valde, leonem vellicare. Histor. Hispaniæ.

## De similitate, reipub. perniciæ.

*Chilon.*

**C**hilonis dictum est: Sic amas, tanquam osurus: sic oderis, tanquam amaturus. Hoc dicto admonuit, nec similitates tam acriter exercendas, vt præcludatur omnis in gratiam reditus: nec amicis adeo fidendum, vt illis committas, quod si fiant inimici, possint te perdere. Gell.

*Aristippus.*

Helicon Cyzicenus, vnus ex Platonis æqualibus, solis defectum prædixerat: qui posteaquam accidit, quemadmodum ille prædixerat, à Dionysio argenti talento donatus est. Tum Aristippus ad reliquos Philosophos: Et ego rem miram habeo, quam possim prædicere. Orantibus vt proferret: Prædico, inquit, breui inter Platonem ac Dionysium futuram similitatem. Senses at enim, regem animum suum iamdudum dissimulare. Laert. l. 2.

*Idem, & Æschines.*

Quum inter Aristippum & Æschinem incidisset similitas, quidam aurem diceret, Vbi nunc illa vestra emicitia? Dormit, inquit, sed eam excitabo. Itaque similitatem Aristippus commoda liberæque appellatione, facile sustulit. Ne silentio malū, vt solet,

Vv 2 incru.

incrudesceret. vltro adiit Æschinem: Num, inquit, quamprimū redibimus in gratiam, ac nugari desinemus? an potius expectabimus, vt scurris inter pocula de nobis loquendi materiam præbeamus? Cui cū Æschines respondisset, se lubenti animo rediturum in gratiam: Memento igitur, inquit Aristippus, quod cū essem natus maior, prior ad te venerim. Tum Æschines: Næ tu profecto vir me longè melior es. Si quidē à me simultatis, abs te faciendæ gratiæ fuit initium. Hoc pacto redintegrata est inter illos amicitia. Laert. l. 2.

*Aristides.*

Cū inter Aristidem & Themistoclem magna esset similtas, tamen legati simul missi vt Reipub. negotia expedirent, Vis, inquit, Themistocles, vt in his montibus inimicitias relinquamus? Nam si videbitur, cū reuersi fuerimus, illas resumemus. Docuit vir prudentissimus, omnem similtatem deponendam esse iis, qui Reipub. vtilitatem promouere cupiunt. Plutarch. in apoph.

*Idem.*

Aristides ē concione quadam, in qua frustra Themistocli obstiterat, discedens, clara voce testatus est, res Atheniensium incolumes esse non posse, nisi & ipsum & Themistoclem in barathrum conicerent. prius habens, morte affici, quā ob duorum similtatem minus rectè consuli publicis commodis. Plut. in Aristide.

*Cratides.*

Lyfandro defuncto, cū de societate belli nata esset controuersia, Agesilaus adiit Lyfandri domum, inquisitus super hac re litteras, quas Lyfander apud se detinuerat. Reperit autē præterea librum Lyfandro conscriptum de nouando Reip. statu, quod oportet regnum ab Eurymionidis & Agide

ablatum (nam ex his tantū familiis faserat creare reges) in commune ponere, ac regem eligi ex optimis: quo videlicet hoc honoris decerneretur non his qui genus duxissent ab Hercule, sed iis qui tales essent virtute, qualis fuissent Hercules: quandoquidem, virtute, non generis commendatione, & ille ad diuinos honores subuectus est. Hanc orationem Agesilaus nitebatur apud ciues euulgare, cupiens per eam ostendere, qualis ciuis clanculum fuisset Lyfander, non sine calumnia eorum qui Lyfandro fauerant. Sed ferunt Cratidem, qui tum inter Ephoros primas tenebat, veritum ne lecta oratio persuaderet, reuocasse ab eo concilio Agesilaum, ac dixisse: non solum non esse refodiendum Lyfandrum, sed ipsam potius orationē cum illo defodiendum, quod callidè & ad persuadendum accommodate cōposita videretur. Hoc factum declarat Lyfandri peruersam ambitionem, qui nihil intentatum reliquerit ad regnū adipiscendum: sed idem arguit Agesilaei moderationem, qui priuatam similtatem posthabuit vtilitati. Reip. Plut. in Lacon.

*Bibulus.*

Cū Pompeio esset inimicus, prius tamen in senatu rogationem tulit, vt vnicus cōsul Pompeius decerneretur: Aut enim (inquit) Respubl. ab imminente procella per illum liberabitur, aut optimo parcendum erit. Egregius animus, qui priuatam similtatē posthabuit Reip. commodis. Eras. Rot. l. 6. apoph.

*Fredericus imp.*

Suprà de Simulatione.

*Alphonsus.*

Suprà de Affectibus frenandis & de Discordia.

*Vide apoph. de Odio.*

De

De sobrietate.

*Diogenes.*

**Q**UAM Diogeni quispiam probri vice obiecisset, quod in caupona biberet: Et in constrictina, inquit, tondetur. Significans, nihilominus esse honestum bibere, quam tonderi aut radi. Quemadmodum nemo reprehendit, in constrictina radi, quod is locus ei rei paratus sit: itaque turpe videri non debet, si quis bibat in caupona, modò, bibat modicè. Nam immodicè bibere, quovis loco turpe est. Laert. lib. 6.

*Musonius.*

\* Delicatus picam expertis mulieribus non dissimiles esse aiebat. Nam & ipsi, inquit, velut ille familiarissimos cibos fastidiunt, ore ventriculi corrupto. Itaque ut ferrum inutile acie nova semper eger, similiter & illorum stomachi inter edendum acui nunquam non postulant, siue mero, siue aceto, siue acerbo aliquo condimento. lib. de alimentis, apud Stobæum.

*Anonymus.*

\* Lacon quidam conspiciens quandam preciosam auiculam sibi appositam præ fastidio renuere: at mihi, dixit, etiam vultur & hircus sapiunt. Stob. ser. 17.

*Zeno Cissius.*

\* Ne per morbum quidem cibo magis delicioso uti voluit: Igitur medico columbinum pullum consulente, ipse consilij impatiens, non secus quam mancipium nomine Manem, si ægrotaret, curari se iussit. Si enim inquit, absque sumptuosis alimentis recuperare sanitatem seruus potest, quid idem mihi futurum prohibet? Laertius.

*Archidamus.*

Quodam Archidamo pollicente vinum suaue: Quorsum, inquit, opus?

quandoquidem & plus absumentur: & quæ fortes decent viros, ea reddet inutiliora. O verè masculum animum & omnium deliciarum cōtemporem. Plut. in Lacon.

*Demades.*

Prandens apud Phocionem, cum apparatus admodum tenuem videret: Demiror, inquit, ô Phocion, te Rempubl. administrare, cum possis ad istum prandere modum. Bis errans, & quod lucri tantum causa putaret ad eundem Rempub. & quod luxum probaret in eo, cui maximè conueniebat sobrietas: Sed Demades alios è suis moribus estimabat. Erat enim & pecuniarum audus, & luxui dedusus. Eras. lib. 6. apoph.

*Leotyichidas.*

Percontanti cuidam, quamobrem Spartiatæ parcissimè biberent. Ne, inquit Leotyichidas, pro nobis alij, sed nos potius pro aliis consultemus. Salissimè notans, vinosos non esse ad consultandum idoneos. at salubrium consiliorum parens est sobrietas. Plut.

*Cyrus maior.*

Cum ad hospitem diuertisset, rogareturque, Quid sibi cœnæ vellet apponi? respondit: Panem tantum, & sperare se prope fluentem aquæ rivulum cœnaturum. Hic suos etiam monere solebat, ut aquam bibere consuescerent, & fierent Hydropotæ, quod vinum omnibus bonis rebus inimicaretur. Xenophon.

*Romulus.*

Legitur vini fuisse parcissimus. Is ad cœnam vocatus, cum ibi minimum bibisset, eò quod postridie negotium haberet, dicunt illi familiares: Si ad istum modum bibat omnes homines, vinum esse vilius, ille respondit: Imò verò carius, si quantum quisque voleat bibat, nam ego bibi quantum volui. Eras. lib. 6. apoph.

V v 3

*Epaminondas.*



*Epaminondas.*

\* Legati venerunt à Persarum rege ferentes aurum, animo corrumpendi muneribus Epaminondam. Inuitati sunt igitur ad prandium ab ipso: intelligebat enim qua gratia appulissent. Iussit verò à prandio vt causam aduētus explicarent. Apposita est mensa vilis, bibebant vinum acidum neq; habebant quod ad hæc dicerent. Tum ille subridens: abire, inquit, & domino vestro meo mea prandia narrate, vt intelligat sis me contentum non faciliè ad prodicionem allici posse. Æmyl. Probus. Stobæus, serm. 5. Idem de Xenocrate Alexandri Macedonis quinquaginta aurialēta teculāte refertur.

*Pescennius Niger.*

Militibus vinum ab eo petentibus: Nilum habetis, inquit, & vinum quæritis? Docuit autem, vinolentiam militibus ceu pestem fugiendam esse, qui tum demum ad res gerendas prompti sunt, cum ratio mero non peruertitur. Bruf. Spartianus.

*Idem.*

Romanis à Sarracenis victis dicentibusque, Vinum non accepimus, pugnare non possumus: idem inquit, Erubescite, nam qui vos vincunt, nil aliud quàm aquam bibunt. Spartia.

*Fridericus Imperat.*

Studiosissimus temperantiæ ac sobrietatis cultor fuisse dicitur. Is cum audisset, Leonoram vxorem (quæ paterna in domo nunquam vinum gustauerat) faciliè filios parituram, si in Germania, tam frigida regione, vinum biberet: dixisse fertur, malle se sterilem vxorem habere, quàm vinosam. Non ignorauit autem imperator fortissimus, quam multa vinolentiam mala comitentur: & tum præsertim, cum foemineum genus nimio vino obrui-  
tur. Æn. Syl. lib. 2. Comment. de rebus gest. Alphonfi.

*Alphonfus.*

Cùm interrogaretur, cur vini ex pers viueret, aut vino dilutissimo contentus sitim exleret, contra omnium regum & aulicorum morem? respondit, Vino sapientiam obscurari: idèq; non decere regē, vt hoc immodica computatione in animo extinguat, sine quo imperatoris ac regis nomen ritè tueri non possit. Antonius Panormitan. lib. 2. de rebus gestis Alphonfi.

*Idem.*

Interrogatus, quid sibi veller quodd vinum aqua dilueret? Ne ebrius sum, respondit, non enim ignoro, quantum vini intemperantia Alexandri Macedonum regis gloriæ obfuerit. Panorm. lib. 2. de dictis ac factis Alphonfi regis.

*Idem.*

Ab amico etiam perconratus. Cur ad eò ebrietatis vitium dānaret? Idèd, inquit, quia furorem & libidinem ebrietatis filios esse haud ignoro. Panorm. lib. 2.

*Vide apoph. de abstinentia, continentia, temperantia, Ebrietate, incontinentia, intemperantia, &c.*

## De solœcismo.

*Pausanias.*

Pausanias Cappadox, cū interperorandum confundens consonantes, breues producens, productas verò corripuens auditus esset: vulgò dictus est malus coquus, qui pretiosa obsonia malè condiret. Philostratus recitat in sophistis, & ex eodem Raphaël Volaterranus l. 8. Vrbanoꝝ commentarior.

*Cass. Senerus.*

In aduocatione quadam, cū M. Pomponius Marcellus Latini sermonis molestissimus exactor, solœcismum ab aduersario factum arguere perseueraret,

perseueraret, interpellatis iudicibus dilationem petiit, vt litigator suus alium grammaticum adhiberet: quòd diceret sibi cum aduersario non de iure, sed de solœcismo controuersiam futuram. Eras. lib. 8. apoph.

## De solerter dictis.

*Anisibhenes.*

**A**dolēcentes Socrate[m] videre cupientes, philosophorum omnium sapientissimum, duxit ad Anyti domum, dicens illum Socrate[m] multo esse sapientiore[m], vt qui Socrate[m] accusasset. Et hoc dicto reuocatum est ciuib[us] extincti Socratis desiderium, & Anytum expulerunt. Laertius libro. 6. cap. 1.

*Idem.*

Suprà, de eo quòd conuictus malorum non semper oblit.

*Leo Byzantius.*

Suprà, de Concordia.

*Agēsilauus.*

Agēsilauus Lacedæmoniorum rex in computatione quadam sortibus ex more conuiuij dux factus, cū[m] percontaretur à pincerna, quantum vini cuique vini apponere deberet? Si multum, inquit, vini paratum est, dato cuique quantum postulat: sin parum, cunctis diuidito æquis portionibus. Ethac solertia mirè prospexit, ne vel parata vini copia deesset, quibus largior placeret potatio: vel ad bibendum vrgerentur, quibus grata esset sobrietas. Plut. in Lacon.

*Idem.*

Suprà, de Hostibus non contemnendis.

*Agis primus.*

Vicerat Argiuos prælio, qui post redintegratis viribus rursus ferociores illi occurrebant. Agis autem videns multos è sociis turbari: Siris, inquit,

bono animo viri, quum enim nos qui vicimus, trepidamus, quid facere censes eos, qui à nobis victi sunt? Et ea solertia addidit animum suis. Plut. in Lacon.

*Brasidas.*

Quum murem in caricis comprehendisset, morsus ab eo dimisit caput, moxq; ad eos qui aderant: Vt nulum, inquit, est animal tam minutum, quin seruari possit, modò ausit vlciſci invadentes? Et hoc dicto fortis & animosus dux, suis animum contra hostes addidit. Plut. in Lacon.

*Gelo.*

Suprà, de Mutuo.

*Pisistratus.*

Cū[m] multi ab eo defecissent qui Pylum occupant, venit ad illos, stragulas in sarcinam colligatis ipse portans. Ceterū[m] illis, quid sibi veller, percontantibus: Vt, inquit, si persuasero, reducam vos: si non persuasero, maneam vobiscum. Eras. lib. 5. apophthegmat.

*Agaso Alex.*

Alexander consulto oraculo monitus est, vt eum qui sibi primū[m] portam ingresso occurrisset, interfici iuberet. occurrit igitur Agaso, iussusque est arripi. Roganti, quid commeruisset? Responsum est, ita iussisse Deum. Ille, si ita est, inquit, alium designauit oraculum. Nam asinus prior occurrit: deinde is qui asinum verberat, est secutus. Eras. lib. 6. apoph.

*Julia Augusti F.*

Infra de Sumptibus superuacuis.

Vide apoph. de Argusè, Lepidè, grauiter, prudenter, & sapienter dictis.

## De solertia animalium.

*Alphonſus rex.*

**Q**uū[m] essent apud Alphonsum Aragonium qui causam bestiarum

rum contra homines defenderent, & modò turturis castitatem, modò cornicis (quæ mortuo compare nouem hominum ætates vidua perdurat) modò formicarum prouidentiam, modò canum sagacitatem, modò ciconiarum pietatem, modò apum in regem obseruantiam, & id genus multa pro animalibus (è Plinio, Plutarcho, Æliano & alijs petita) afferrent in medium: Alphonſus, siue, inquit, id brutis inclinatione naturæ, siue dei dono datum sit, certè non alia de causa concessum esse existimo, quàm vt homines turpiter nequitæque viuentes, erubescant à brutis & à rationis expertibus superari. Panormit. libr. 3. de rebus gestis Alphonſi.

## De solitudine, & vita solitaria.

*Cleanthes.*

**C**onspiciens quendam solitarium, ac secum loquentem: Haud, inquit, loqueris cum homine malo. Quidam ita referunt: Vide, ne cum homine improbo loquaris, Malis enim periculosa est solitudo. Laert. lib. 7. capit. secundo.

*Pyrrho.*

Deprehensus aliquando solus, ac secum loquens, rogatus quid solus ageret: Meditor, inquit, esse probus. Sentiens, ad id vtilem esse solitudinem inutilem turbam. Laert. libro nono capit. 11.

*Antisthenes.*

Ridere solebat Athenienses, subinde gloriantes, quòd essent autochthones, hoc est, indigenæ, eo quòd non aliunde eò commigrassent, nec patriam sedem mutassent vnquam, dicens, hoc laudis illis esse cum testudinibus cochleisque commune. Nam & hæc

animantia nunquam mutant domicilium in quo nascuntur. Laert. l. 6. c. 1.

*Idem.*

Rogatus, quid emolumenti cepisset ex philosophia? Vt mecum, inquit, loqui, siue viuere possim. Doctus enim, amsi solus sit, non sentit tædium solitudinis: sed multa præclara suo cum animo versans, quasi secum loquitur: indoctis molestissima est solitudo, atque etiam inutilis. Laert. lib. 6. cap. 1.

*Myſon.*

Myſon incertæ patriæ, *μυώνιδου* fuisse traditur, non alienus à moribus Timonis Atheniensis. Hunc quum quidam fortè deprehendisset in solitudine ridentem, rogabat quid rideret, quum esset solus? Atqui ob hoc ipsum, inquit, rideo, subindicans sibi gratissimam esse solitudinem. Laert. lib. 1. capit. 10.

*Antonius.*

Antonius, magnus ille Ægypti monachus, quem ob insignem pietatem Constantinus imp. plurimum amasse fertur, adeò vitam solitariam dilexit, vt frequenter dicere solitus sit: Quòd piscis in aradio, hoc monachus in oppido. Putauit autem lethalem esse piscibus extra vndas conuersationem: nec minus monachum in periculum cœlestis vitæ & profectionis sanctioris amittendæ venire, si moras in vrbibus trahat. Nicephor. Callistus lib. 8. ca. 4. Eccles. hist.

## De fomno.

*Diogenes.*

**C**onspiciens adoleſcentem quendam neglectius dormientem, baculo pungens illum, dixit carmen Homeri,

*ὕπνῳ, Μῆτις σοὶ θυδὺν μεταπέποιε δόρυ πύην.*

Id est, Surge,

*Ne quis dum dormis, à tergo infixeris hastam.* Laert. lib. 6.

*Idem.*

Suprà de mortis & somni cognitione.

*Democritus.*

\* Diurnum somnum aut corporis molestiam aliquam, aut animæ anxietatem, aut segnitiam, aut imperitiam arguere dicebat. Anton. & Maxim. ser. de somno.

*Æschines.*

\* Somnum diuturniorem quàm deceat, dicebat mortuis potius quàm vivis convenire. Eod. serm.

*Philo.*

\* Sciscitatus, quid esset somnus? respondit, imago mortis, & cessatio sensuum. Ibid.

*Plato.*

\* Somnum multum, neque corporibus, neque animis, neque rebus gerendis conducere affirmabat. Nemo enim dum dormit alicuius pretij est, non magis quàm si non viveret. Quare quicumque vivere & sapere cupit maximè, quàm longissimo tempore vigilet, sola sanitatis commoditate servata. lib. 7. de legibus.

*Gorgias.*

Extremæ iam ætatis, quum sentiret somnum lethalem obrepere, amico qui assidebat percontanti, Quo pacto haberet? Somnus, inquit, iam incipit me fratri suo commendare. Homerus, enim somni fratrem appellat mortem. Ælian. lib. 2.

*Epaminondas.*

Quempiam è vigilibus somno oppressum quum offendisset, gladio hominem transfixit. Obiurgatus autem ob tantam severitatem: Talem, inquit, eum reliqui, qualem inveni. Sensit autem imperator bellicosissimus, hominem somno oppressum, ac mortuum,

in eadem esse sorte ac conditione. Brul. lib. 6. cap. 8.

*Alexander.*

Cùm Deus ab adulatoribus vocaretur, se mortalem esse dicebar, cùm id deprehenderet ex somno, qui mortis imago est. Plutarchus in vita Alexandri.

*Vide apoph. de Vigilantia.*

## De somno, & eius interpretatione.

*Diogenes.*

**C**onsiderans hominum vitam & mores, ac videns civitatum gubernatores, philosophos, & alios huius notæ homines, dicebat, nullum animal homine sapientius esse. Idem si videret somniorum interpretes, coniectores, &c. aiebat, sibi nihil homine videri stultius. Laert. lib. 6. & Erasmus lib. 3. apoph.

*Idem.*

Superstitionem hominum qui in somniis terrentur, hoc pacto deridebat: Quæ vigilantes, inquit, agitis, ea non curatis: quæ verò dormientes somniatis, sollicitè perquiritis. Ad felicitatem enim aut infelicitatem hominis non tam refert quid patiatursomnis, quàm quid agat vigilans. Ibi quoties aliquid turpe committit, oportebat metuere deorum iram ac tristem euentum, non si quid dormientibus sit visum. Laertius libro 6.

*Thales.*

Interrogatus, quantum distaret à mendacio veritas? Quantum, inquit, oculi ab auribus. Sentiens ea demum esse indubitæ fidei quæ contuemur oculis: fabulis hominum haud tutò credi. Eodem pertinet Homericum figmentum de somnis, quorum quæ subuo-



subuolant per portam corneam, vera sunt: quæ per eburneam, vana. Corneæ portæ inuolucro designans oculos ob coloris similitudinem: eburneæ, os, ob candorem dentium. Eras.lib.8. apoph.

*Zeno Eleases.*

Dicebar, è suis quenque in somniis deprehendere posse, quantum in philosophia profecisset, si nihil illic vel appeteret, vel faceret nefariæ rei. Tum enim animus in profunda tranquillitate constitutus, veros affectus prodit. Contrà, quæ vigilantes non audent profari, aut agere, ea noctu occurrunt in somnis. Laert.lib.9.cap.5.

*Anonymus.*

Quidam somniarat, se videre ouum ex lecti cubicularis fascia pendens illigatum. Id somnium retulit ad coniectorem. Is iussit, vt eo loco foderet: defossus enim esse thesaurum. Fodit, & inuenit, & argenti paululum detulit ad coniectorem, de auro dissimulans. Tum coniector: Quid: nihilne de vitello? Somniator inuenerat aurum argento circumdatum in oui speciem, nec id latuit coniectorem. Eras.lib.6. apoph.

## De sophistica.

*Socrates.*

**E** Velidi contentiosarum argutationum admodum studioso: Sophists, inquit, ô Euclides, vti poteris, hominibus non poteris. Iudicans, Sophisticen inutilem ad publicas functiones, quas qui affectat, eum non oportet gryphis & inanibus argutiis ludere, sed hominum moribus semet accommodare. Eras.lib.3.apoph.

*Plato.*

Quum à Dionysio fastidiretur, proposcit congregiendi copiam, ea data, hunc in modum disseruit: Si quem

sentires in Siciliam appulisse hoc animo, vt tibi malè faceret, qui tamen non data opportunitate nihil mali faceret, an hanc impunè dimitteres? Quum Dionysius respondisset, nequaquam ô Plato. Oportet enim hostium non facta solùm, verùm & animi propositum vlcisci. Plato subiecit: Tum si quis tibi bene volens venisset in Siciliam, vt tibi boni quippiam adferret, non faciat autem, destitutus occasione, num par esset hunc nulla relata gratia contemptum abiicere? Dionysio percontante, quis esset ille? Æschines, inquit, vir morum sanctimonia cum quouis amicorum Socratis conferendus, & qui possit dicendo meliores reddere, cum quibus habeat consuetudinem: Is cum huc multum maris emensus adnauigarit, vt suam philosophiam tibi impertiret, hæcenus neglectus est. Hæc tam commoda oratio effecit, vt rex & Platonem, cui prius erat infensor, amplecteretur, & Æschinem splendide magnificèque tractaret. Laert. l.3.

*Hippodamus Pythagoræus.*

\* Examinandos probandósque sophistas esse dicebat, an secundum leges & instituta ciuilia, idoneumque seu proprium viuendi genus, vtilia proloquantur. Non mediocrem enim, inquit, sed maximam infelicitatem hominum animis sophistarum dissertationes ingenerant: si quid aus fuerint in nouare præter commune iudicium, in diuinis humanisque rebus, quo admissio, neque veritas maior, neque virtutis honestiorve futura est, sed maiori potius caligine atque perturbatione inuoluenda. Stob. ser.41.

*Diogenes.*

Cuidam sophisticis argutionibus colligenti, quodd Diogenes haberet cornua: frontem & tempora manu contrectans: Atqui (inquit) ego non video.

video. Maluit philosophus irridere friuolum enthymema, quàm soluere. Laertius l. 6. c. 2.

*Idem.*

Plato sic definierat hominem: Homo est animal bipes, implume. Ei definitioni quum discipuli Platonis applauderent, Diogenes gallum gallinaceum pennis ac plumis nudatum produxit in scholam: En, inquit, hic est homo Platonis. Itaque definitioni adiectum est, latis vnguibus, quod aues huiusmodi non habent. Laert. lib. 6.

*Idem & Plato.*

Suprà de disputationibus aut quæstionibus friuolis.

*Idem.*

Sophista quidam volens apud Diogenem ostentare acumen ingenij, hunc in modum ratiocinatus est: Quod ego sum tu non es. Cum annuisset Diogenes: ego, inquit, sum homo, igitur tu non es homo. Tum Diogenes: A me, inquit, incipe, & rectè collegeris. Non dignatus est aperire quid haberet vitij ratiocinatio: sed maluit irridere, de tam friuolis nugis sibi placentem. Si sic sumpsisset, Tu es homo: sequebatur, sophistam non esse hominem. Laert. lib. 6.

*Zeno.*

Quum Zeno in scholis differens, acutissimis rationibus probaret nullum esse motum, nec esse posse: Diogenes surgens, cœpit inambulare. Id admiratus Zeno: Quid, inquit, agis Diogenes? Confuto, inquit, tuas rationes, Taxans interim inanem ingenij ostentationem. Laert. lib. 6.

*Chrysippus.*

Suprà de Dialectica.

*Stilpo.*

Colebat argutias dialecticas, quarum vna parum illi feliciter gessit. De statua Mineræ quam Phidias finx-

erat, ita percontatus est: Num Iouis Minerua dea est: Quum responsum esset, est. At hæc, inquit, non est Iouis, sed Phidæ. Id quum esset concessum, collegit. Non est igitur hæc dea. Ob hanc vocem apud Areopagitas impietatis reus peractus est. Ille verò sic conatus est elabi, vt diceret, non negasse illam esse deam, sed Deum, hoc est, masculum. nam & apud Atticos communis est generis. attamen iussus est ire in exilium. Theodorus autem cognomento &ior, his auditis, dixit: Vnde hoc nouit Stilpo, nisi fortè sublati vestibus inspexit Mineruam? Laert. lib. 2. cap. 11.

*Hipparchia.*

Hipparchia Metroclis soror Theodorum impium, cui cognomen erat &ior huiusmodi sophismate constrinxit: Quod faciens Theodorus non dicitur iniuste agere, idem si faciat Hipparchia non dicitur iniuste agere? Quum annuisset ille, subiecit: sed Theodorus seipsum percutiens non diceretur iniuste agere, nec igitur Hipparchia si idem faceret? Ad id Theodorus nihil respondit, sed sustulit illius pallium, vt enudaret pudenda. Quum illa nihil hac re turbaretur, obiecit ei versu iambico, quod è muliebribus officiis ad virile institutum defecisset.

γυνὴ τὰς παρ' ἰσῶς ἐδαμπεύσας καρδίας:

Id est,

Radios apud selas reliquit femina.

Cui illa: Num tibi videor malè mihi consuluisse, quæ quod temporis impensura fueram telis, impendi disciplinis? Eras. ex Laertij lib. 6.

*Aristarchus.*

Dicere solitus est: Olim vixerant septem sapientes, nunc haud facilè totidem inuenias idiotas. Notans sophistarum turbam, qui se pro sapientibus iactabant, vt vix superesset qui se

se profiteretur indoctum. Erasmi. libr. 6. apoph.

*Arifson.*

Dicere solebat, dialecticorum argutias similes esse telis aranearum, quodd plurimum habent artificij, minimum utilitatis. Nam iis cum cæteris Cynicis putabat logice ac physice à philosophia submouendam, solam ethice diligenter exercendam. Huius sententiæ princeps fuit Socrates. Erasmi. libr. 8. apoph.

*Menedemus.*

Percontanti cuidam Alexino, an patrem cædere desisset? respondit, Neque cæcidi, neque desij. Quum alter subiecisset, oportere soluere ambiguitatem per *ναί* & *οὐ*, aut affirmando aut negando: Ridiculum, inquit, est vestras sequi leges, quum liceat in portis occurrere. Alter captabat illum insidiosa percontatione: siue enim respondisset, Desij, siue non desij, agnouisset crimen. ille hoc præsentiens, exclusit sophisticum cauillum. Sic & Socrates apud Platonem obiurgatur à Sophistis, quodd secus respondeat quàm ipsis esset commodum. Laetius lib. 2. cap. 18.

*Demonax.*

Adolescenti lasciuius culto, qui questionem sophisticam proposuerat, nihil aliud respondit quàm *πρῶτον ὁ πῶς*. Vox anceps est, ad conficientem quod colligit: & ad obscenum sensum. Quumque adolescens indignatus respondisset. At ego tibi virum ostendam: Demonax admiranti similis, Quid, inquit, num etiam virum habes? Erasmi. libr. 8. apoph.

*Ludonicus XII. Gall. rex.*

\* Franciscanus quiddam magni nominis argutiss. disputationibus coram regis concionem clauserat. Rex eo audito, & sophisticam detestante, restatus est, qui magis deliraret se vidisse nemi-

nem: & futurum ut posthac à concionibus de religione abstineret, nisi concionatores inter se lites eas bona fide componerent. Annal. Franciæ.

## De sorte.

*Caso Vicensis.*

**C**um partes in conuiuio sortirentur, nec illi fauisset fors, amicis hortantibus ut primus omnium caperet, & *καλῶς*, inquit, *ἔχει ἀκέρως ἀποδοῖται*, id est, non decet inuita Venere. Tam natura iustus erat, ut præter sortem amicorum fauore noluerit uti. Veneris iactus felix erat in talis. Erasmi. libr. 5. apoph.

*Philoxenus.*

Suprà, de Facetè & iocosè dictis.

*Dionysius senior.*

Suprà, de Ominibus.

## De speculo.

*Socrates.*

**I**uuenes hortabatur, ut se in speculo intuerentur: ut si formosi essent, digni ea specie fierent: sin deformes, eam deformitatem eruditione tegerent. Stob.

*Plato.*

Ebriis iratisque præcipiebat, ut se in speculo ita affectos intuerentur, ut per oris deformitatem vitia fugerent. Plutarch.

*Seneca.*

Ideo inuenta esse specula dicebat, ut homo se nosceret: formosus, ut vitaret infamiam: deformis, ut sciret remedium esse virtutem. Seneca. libr. 1. Quæst.

## De spectaculis.

*Diogenes.*

**D**ionyfiaca certamina, quæ Athenis in honorem Bacchi magnis impendiis

impendiis, pompaque celebrabantur, appellabat magna stultorum miracula, quod in his nihil non ridiculū age-  
retur. Laert. l. 6. c. 2. Eras. l. 3. apoph.

*Demonax.*

Cū videret Athenienses hoc age-  
re, vt Barbarorum exemplo gladiato-  
rum spectacula in urbem inducerent:  
Nolite, inquit, d̄ canes, istam crudeli-  
tatem prius admittere in ciuitatem  
vestram, quā Misericordiæ aram si-  
tis demoliti. Significans, non conue-  
nire, in ea ciuitate in qua Misericor-  
dia pro dea coleretur, spectari plus  
quā ferinam crudelitatem. Eras. l. 8.  
apoph.

*Anacharsis.*

Aiebat se demirari, quī conueniret,  
vt Græci, qui legibus suis, violentiam  
& iniuriam puniunt, athletas ob hoc  
ipsum honorent, quod se mutuo per-  
cuterent. Salsē damnans crudelem  
populi voluptatem, ac in moribus in-  
constantiam. Quod enim iniustum  
est, semper iniustum est. Eras. l. 7. apop.  
et Laert. l. 1.

## De spe.

*Thales.*

**S**iscitatus, quid maximē commu-  
ne esset omnibus? Spes, respondit.  
Hanc enim etiam illi habent, qui ali-  
ud nihil. Stob. ser. 109.

*Bias.*

Roganti cuiusnam, quid esset dulce  
hominibus? Spes, ait. Brufon. libro 6.  
cap. 11.

*Anonymus.*

Rhodus quidam, ob intempesti-  
uam libertatem à tyranno coniectus  
in caueam in qua more nocentis be-  
stie alebatur ad cruciatum & ignomi-  
niam, amputatis naribus ac scedatis  
vulneribus facie, quum ab amicis ad-  
moneretur, vt inedia sibi malorum si-

nem quæreretur: Cuncta, inquit, homi-  
ni quoad viuit speranda sunt. Citius il-  
lum laudari, quā istos qui ob cau-  
sas non admodum graues confugiunt  
ad laqueum, aut ad præcipitum. Eras.  
l. 8. apoph.

*Democritus.*

Eius circumfertur talis sententia:  
Spes rectē sapientium voti compos fi-  
eri potest, insipientium verò impes-  
bilis est. Stob. ser. 109.

*Socrates.*

Dicere solebat, neque mulierem  
sine viro, neque spem bonam absque  
labore quicquam vtile parare. Stob. ser.  
119 & ser. 1. Neque nauem vnica  
anchora, neque vitam vna spe sultam  
esse oportere dicebat. Id postea dic-  
tum est ab Epicteto. Item. Improbæ  
spes, quemadmodum mali viæ du-  
ces in errorem inducant. Maxi. serm.  
de Spe.

*Idem.*

Dicere solebat, Spem malam nihil  
aliud esse, quā pessimum viæ ducem,  
ad grauissima quæque peccata. Stob.  
ser. 109.

*Idem.*

Spem vigilantium somnium appel-  
labat, Ad quod allusisse videtur Virgi-  
lius, quum ait,

*An qui amans ipsi somnia fingunt.*

Nam dictū mirum est, quā variis  
imaginationes patiantur in animo  
suo, qui vehementer sperant aliquid,  
Atque hic inanibus simulachris per-  
inde semet oblectant, ac si iam tene-  
rent quæ sibi pollicentur. Ælia. lib. 13.  
de Var. hist.

*Diogenes.*

Percontatus, quidnam in vita ex-  
tremum esset? Spes, dixit. Stob. serm.  
109.

*Herodes.*

Ad confirmandos aduersus Arabas  
suorum animos: Fallax, inquit, spes  
est,



est quæ non suis viribus nititur, sed alienis aduersis. *Brus. l. 6. c. 11.*

*Aristoteles.*

Olim interrogatus quidnam esset spes? respondit, Vigilantis somnium. Multa enim sibi promittunt inania, qui spe rerum futurarum ducuntur. *Laert. l. 5. c. 1.*

*Epictetus.*

\* Neque nauim, inquit, vna solùm anchora, neque vitam vna spe muniri oportet. Item. Vt crura, sic spem quoque non amplius extendere conuenit quàm fieri commodè potest. *Stobæ. ser. 109.*

*Plutarchus.*

Dicebat, spes eruditorum esse stables, vt quæ in rationis portu conqueſcant. Item. Idem præstat scaphæ impulsæ in firma anchora, quod spes in nitens malo consilio. Maxim. sermone de spe.

*Alexander.*

Apud Granicum, Martem experturus, hortabatur Macedones vt assatim pranderent, veluti postridie ex hostium commeatu cœnaturi. Præsens animus, ac de belli euentu fidens ac securus. *Plutarch. in apoph. reg. & imper.*

*Idem.*

Posteaquam in expeditionem profectus, regias opes pendè omnes in milites ac duces distribuisse, rogati Perdicæ, Quid tibi nunc rex superest? Spes, inquit Hic Perdica: Hæc, inquit, nobis commilitionibus tuis futura communis est, & prædium quod ipsi designarar Alexander, recusauit. Tanta erat fiducia, bene successuram expeditionem. *Plut. in Alex.*

*M. Cato.*

De spe sic prædicasse narratur, auctore Plutarcho. quòd quæ magna essent, pusilla faceret: quæ pusilla prorsus nulla, sentiens, opinor, de periculis.

Victoriæ spes extenuat omnia quæ solent detertere. *Eras. Rot.*

*Iul. Cæsar.*

Obsecrantibus Cæsarem amicis, vt præsidio corpus muniret, multisq; ad id operam suam pollicentibus, negauit se hoc facturum: Satius esse dicens semel mori, quàm assidua spe & expectatione pendere. *Plut.*

## De statuīs, simulachris, atque imaginibus deorum.

*Socrates.*

**A**lebat se mirari, quòd quum statuarum artifices id summo studio conniterentur, vt lapis quàm simillimus homini redderetur, non pariter hoc curarent, ne ipsi laudibus similes & viderentur & essent. Sunt autem qui putent, Socratem, priusquam ad otium philosophiæ sese conferret, statuarum opificem fuisse. *Eras. l. 3. apoph.*

*Diogenes.*

Dicebat bonos viros deorum esse simulachra. Deorum, quum sint optimi, naturæ proprium est, benefacere omnibus, nocere nemini. Hæc imago melius relucet in sapientibus ac bonis viris quàm in statuīs, quum dii sint incorporei. *Laert. l. 6.*

*Idem.*

Solitus est interdum adire statuās, & aliquid ab illis petere. Demiantibus, cur id faceret? Vt consueſcam, inquit, non commoueri, si quando ab hominibus non impetro quod peto. *Ibidem.*

*Scip. iunior.*

Cùm Carthaginiæ iam expugnatam comperisset, statuīs deorum Græcanicis ac monumētis è Sicilia deportatis

zatis omnium refertissimam, per præconem edixit, ut qui illarum esset vrbum, agnosceret illa, ac referret domum. De pecuniis verò nec seruum nec libertum passus est quidquam capere, ac ne emere quidem, quum aliqui quilibet passim ferrent, agerentq; Plut. in Rom. apoph.

## De statuarum vanitate, & contemptu.

*Phanorinus.*

**E**ius statuam æream Athenienses ediecerāt, eò quòd Hadriano Cæsari infensissimus fuisset. Id posteaquā philosopho nunciatum est, nihil planè commotus, dixit: Vrilius erat Socrati ab Atheniensibus ærea priuari statua, quàm haurire cicutam, Cōtempfit vir prudentissimus statuz gloriam, vita incolumi. Philostratus.

*Diogenes.*

Infrā, de sumptibus superuacaneis.

*Agessilaus.*

Ei cū nationes, quæ tum Græciā incolebant, decreuissent, in clarissimis quibusque ciuitatibus honoris causa statuas erigi, rescripsit illis hunc in modum: Mei nulla sit imago, neque picta, neq; ficta, neq; yllō alio artificio parata. Negligeat adulationes horū vir prudentissimus, malens insculpi prudentum & bonorum hominum pectoribus. Plur. in apoph. Lacon. Erasμ. L. apoph.

*Idem.*

Cū discessisset ab Ægypto, patriam repetens, morbo implicitus in portu qui Menelai dicitur, ac breui post moriens, mādauit iis qui aderant, ne quam fictilem aut aliā imitatam corporis sui imaginem facerent: Si quod, inquit, præclarum facinus gessi, hoc erit monumentum mei: sin mi-

nus, ne omnes quidem statuz, cū sint vilium ac nullius rei opificum opera, illustrabunt mei memoriam. Quis non miretur in bellatore pectus tam philosophicum? Plutarchus in Lacon.

*Alexander.*

Cū multas statuas Mileti vidisset, eorum qui in Olympiis ac Pythiis vicerant, easque prægrandes. Vbi, inquit, erant tam magna corpora, cū barbari vestram vrbe obsiderent? Salsè taxauit illorum stultam ambitionem, & in statuis tantū posrā virtutem, in corde verò timiditatem. Plu. in apoph.

*Frontinus.*

Suprà de Gloriz contemptu.

*M. Cato.*

Cato senior conspiciens multorum erigi statuas: Malim, inquit, ut de me quærant homines, quam ob rem Catoni non sit posita statua, quàm quare sit posita. Sentiens, se malle res præclaras gerere, ut olim scientes illum promeruisse statuam, mirentur non esse positam. Plut. in apoph. Plin. lib. de Viris illustrib.

*Scip. Africanus.*

Corinthiis, pollicentibus se illi statuam posyturos eo loco quo erant aliorum imperatorum: respondit, sibi displicere turmales. Sentiens in turba occultari quod additur. Turma propriè equitum est in bello. Id transfudit ad statuas armatas. Erasμ. lib. 6. apoph.

## De stultitia, & stultis.

*Bion.*

**I**nterrogatus, quid esset stultitia? respondit: proficiendi impedimentū. Stob. ser. 4. de Imprudentia.

*Crates.*

\* Stultos homines dicebat terebris esse

esse similes: quòd nisi vinculis & alijs coacti officium suum non faciunt. Stob. ibid.

*Socrates.*

\* Dicebat stultos remulentos debacchari, aduersante fortuna insanire. ibid.

*Idem.*

\* Stultis (inquietabat) sicut infantibus, utcumque leuis occasio satis est ad luctum. Eod. ser.

*Democritus.*

\* Huius in stultitia præditos homines extant, hæc dicta apud Stobæum. Stulti cum vitam oderint, ramen vivere volunt mortis metu. Vivunt non delectati vita. Desiderant iuventutem, cum nullo iuventutis commodo fruuntur. Desiderant absentia: præsentia verò, & si meliora præteritis, negligunt. Nihil approbant per totam vitam. Mortem timentes, senescere cupiunt.

*Diogenes.*

Cum aliquando de re seria disserens nullum haberet auscultatorem attendentem, cœpit ineptam cantionem canere, veluti saltaturus. Vbi iam plurimi concurrissent, obiurgavit illos, quòd ad stulta & inepta frequentes & alacres accederent, ad seria verò & ad bene viuendum vtilia, nec alacriter conuenirent, nec diligenter auscultarent. Huic simillimum est, quod Demostheni quidam ascribunt, de umbra asini. Laert. l. 5.

*Stilpo.*

Interrogatus, quid statura durius esset? respondit, Homo stolidus. Stob. ser. 4. de Imprudentia.

*Demosthenes.*

Aliquando, cum populus obstreperet dicenti, ait se breui quiddam velle illis narrare. Facto multitudinis silentio: Adolescens, inquit, quidam æstiuo tempore asinum conduxerat, ab Athenis Megaram vsque. Sole verò

circa meridie vehementer æstuantem, uterque volebat subire umbram asini, sed uterque alterum prohibebat, hic dicebat asinum conductum, non umbram; alter contendebat, per cōductionem, & asini, & umbræ ius esse factum. Atque hæc locutus Demosthenes abiit è suggesto. Populo verò renitenti, ac narrationis finem flagitanti: De asini, inquit, umbra audire cupitis, de rebus feriis loquentem audire non vultis. Eras. l. 8. apoph. Vide Chiliad. Eras. de Asini umbra.

*Pythagoras.*

\* Dicebat sacrificia stultorum ignis esse alimenta, eorumque anathemata victum sacrilegis suppeditare. Stob. serm. 4.

*Socrates.*

\* Dicebat difficile esse curare luxuriosos ægrotantes, & stultos qui sinistra experiantur fortunam. Stob.

*Idem.*

\* Timidum contra seipsum arma gerere dicebat, stultum autem pecunias. Stob.

*Idem.*

\* Dicta eiusdem in stultos hæc occurrunt apud Stobæum. Neque Achillis arma Therfiti, neque animi bona homini stulto conueniunt. Victus ægroti & bona fortuna stulti multum continent molestiæ. Tonitrua pueros in primis, & minæ stultos territant.

*Epicurus.*

\* Dicebat inter cætera mala hoc quoque habere stultitiam, quod semper vivere incipiat. Id est, homines quotidie noua vitæ fundamenta ponunt, & nouas spes etiam in exitu vitæ inchoant. Seneca, epist. 13. ad Lucil. & epist. 15. Stulti vita (inquit) ingrata est, trepida est, tota in futurum fertur.

*Xenophon.*

\* Diuitem stultum sordes inargentatas

ratas esse dicebat. Max. ser. de diuitiis & paupertate.

*Plistarchus.*

Cum patronus quidam ridicula loqueretur in causa, Plistarchus interpellans illum, dixit: Non tu cauebis amice perpetuo risu digna dicere, ne, quemadmodum qui assiduò palæstricam exercent, palæstricæ sunt, ita tu has ridiculus? Senfit vir egregius, raris lapsibus dandâ esse veniam, cæterum quum error transit in habitum & consuetudinem, fit immedicabile. Expedit autem, hac Plistarchi interpellatione amicos crebrius peccantes reuocare, ne peccandi colligant usum, & vitium transeat in naturam. Plut. in Lacon.

*M. Caro.*

Qui in rebus ridiculis seriis operam ponerent, eos dicebat in seriis fore ridiculos. Significans, assuetos ridiculis ob habitum collectum, in seriis negotiis ita se gerere, vt non solum rideantur, sed etiam derideantur. Plut. in Rom. apoph.

*De Studio, Vide apoph. de Diligentia.*

*De Sui cognitione. Vide apoph. Cognitio sui.*

## De sumptibus superuacaneis.

*Diogenes.*

**T**axabat in hoc hominum insaniam, quod res pretiosas minimo emerent, venderentque vilissimas plurimo. Statuam enim tribus nummum millibus emi, quum farinæ chœniz duobus æreis vauiret. At statua nihil opus ad vitam: sine farina viuere non licet. Conueniebat igitur farinâ multò statuis esse cariorem. Philosophus pretia rerum æstimabat vsu naturali, vulgus æstimat stulta persuasione. Laert. lib. 6.

*Crates.*

Cratetis celebratur ephemeris, ad hunc habens modum: Ponitò equo minas decem, medico drachmam: adulatori talenta decem, consiliario fumum, scorto talentum, philosopho triobolum. Notabat hominum stultitiam, qui in res honestas & cum primis necessariis minimum sumerent impendi, ad turpia prodigi. Laertius lib. 6. cap. 5.

*Carillus.*

Carillus vel Charilaus, rogatus cur comam Lacedæmonij gestarent: quia ex omnibus, inquit, ornatibus hic est minimè sumptuosus. Brufon. lib. 6. c. 12. ex Plutarcho.

*Scopas.*

Scopas Thessalus statuarum artifex, demiranti cur in ædibus suis Appelles tantum haberet rerum superuacanearum & inuicatarum? Imò his, inquit, superuacaneis felices sumus ac beati, non illis necessariis. Quum ea quæ sunt vitæ necessaria, sint suapte natura pretiosissima: tamen quia quotidiana sunt, multisque communia, contemnuntur. Cæterum, quanti sint pretij, declarat extrema necessitas: quæ si incidat, quilibet libens omnes gemmas, aulæ & aurum suum vno pane commutet. Cætera magis ad ostentationem pertinent, quàm ad salutem. Eras. lib. 6. apoph.

*Herodes sophista.*

Viginti pueris ob virtutem compluribus in locis statuas posuerat. Hac de re quum accusaretur à Quintilio Græciæ præfectis, quod superuacaneis impendiis indulgeret: Quid, inquit, vobis incommodi est, si ego ludo de saxis meis? Philost.

*Leontichidas.*

Quum cenaret apud quendam, cerneretque tectum domus sumptuoso apparatu factum, ac lacunaribus

**Xx** ornatum;



ornatum, rogauit hospitem, num ligna apud eos quadrata nascerentur. Luxuriam & superuacaneum sumptum notans. Plut.

*Heliogabalus.*

Emebat sibi preria rerū quæ mensæ apparabantur, maiora quàm essent: hanc esse dicens cōuiuio orexim: quòd magis illa iuuant, quæ pluris emuntur, vt ait Satyricus. Ælius Lampridius.

## De superbia.

*Democrates.*

**I**Am senex, ascendens in arcem Athenis perquam anhelosus: Idem se facere dixit, quod vniuersa ciuitas Atheniensium soleret. Nempe se magnum quidem spirare, parum autem valere. Stob. ser. 22.

*Democritus.*

\* Desinere dicebat in malam insaniam, cum qui cum superiore contendit. Stob. eod. ser.

*Antisthenes.*

Quum Platonis superbiam notare euperet, fortè in pompa equum hiniētem fremētēque aspiciens, ad Platonem versus, ait: Tu profectò meo iudicio præclarus fuisses equus. est enim equus animal superbissimum. Brufon. 6. 5.

*Zeno Citiens.*

In quendam circa formæ curam studiosiorem quàm deceret virum, quum imbricem lentè ac circumspectè transiret: Meritò, inquit, suspectum habetur, in quo non potest seipsum vt in speculo cernere. Laertius libro 7. cap. 1.

*Aristoteles.*

Adolescentulum superciliis sublati superbientem conspicatus, sed nulla scientia præditum: Adolescentule, inquit, vtinam talis essem, qualis ipse

tibi videris: qualis autem reuera es, tales fiant hostes mei. Anton. in Melissa, part. 2. ser. 74.

*Idem.*

Cum animaduertisset sumptuosa chlamyde a adolescentulum, se iactantem: Non desines, inquit, adolescentule ouis pelle gloriari? Antonius in Melissa, eod. ser.

*Socrates.*

Interrogatus, quinam essent mechanici? respondit, Qui sui similes spernunt. Sensit autem vir sapientissimus, cum nequaquam libero homine dignum esse, qui superbiens in re sua, alios præ se contemneret. Stob. ser. 22.

*Idem.*

\* Apud superbiam (inquit) ceu apud malum figulum aut statuarium, peruersas rerum imagines videre est. Eod. ser.

*Idem.*

\* Dicebat aerem vtres distendere, & superbiam homines stultos. Anton. ser. de superbis.

*Idem.*

Alcibiadem intuitus ob diuitias inflatum, & superbientem opibus prædisque, in quendam ciuitatis locum duxit eum, in quo suspensa erat rabula terræ circuitum complexa. Iussit igitur Alcibiadem Atticam in ea requirere, quam vtinuenit, sua etiam prædia inspicere præcepit, quæ cum Alcibiades nusquam esse picta diceret: Cur igitur, Socrates, inquit, ob illa superbis, quæ circa nullam terræ partem existunt? Stob. ex Æliano.

*Plato.*

Quum aliquando conscendisset equum, mox descendit, dicens se vereri ne in παντοφύλα λαβῆναι, id est, ne equestri fastu corripereetur. Superbum animal est equus: & equitare quiddam habet magnificum, parumque philosopho dignum. Laert. lib. 3.

*Idem.*

*Idem.*

\* Exhauriendam esse dicebat ex animis iuuenum falsam opinionem & superbiam. sicut aerem ex vtribus vtile quippiam infusuri exhauriunt: secus enim inflatione & spiritu turgentibus nihil admittunt. Ant. ser. de superbis.

*Diogenes.*

Suprà de Iocose dictis.

*Æsopus.*

A Chione rogatus, Quid faceret Iupiter? Excella, inquit, deprimit, extollit humilia. Brusl. lib. 6. cap. 5. ex Stobæo.

*Idem.*

Comatulum iuuenem nimium affectato ornatu conspicuum intuitus: Sire, inquit, tam exquisitè comas virorum gratia, planè ludis operam, sin mulierum, iniquus es, aut improbus. Stob.

*Chrysippus.*

Inscrà de Triumphis.

*Phocionis vxor.*

Interrogata, quamobrem sola ex aliis in conuentu non gestaret ornatum aureum, dixit: Quoniam pro ornamento, mariti virtus mihi sufficit. Stob. ser. 72.

*Archidamus.*

Suprà de arrogantia.

*Epictetus.*

\* Nulla debes aliena præstantia gloriari. Equus quidem elatus, si de seipso iactabundus diceret, Quàm sum egregius! foret utiq; id tolerabile, At si tu dicas, Ne, equum egregium possideo, nihil aliud quàm de bono equo superbis. Tuum autem quid est? Nempe solus opinionum vsus, quem si secundū naturam habueris tum gloriare: ita demum enim de propria excellentia gloriaberis. In Enchiridio.

*Demonax.*

Corporis curatores, sui autem negligentes, probrosos esse existimabat:

& similes iis qui domos quidem curant, sed domesticos negligunt. Max. serm. 1.

*Anonymus.*

Laconem hospes, quem pridie declinauerat, postridie stragulis mutuo sumptis splendide excepit. at ille stragulis conculcatis, dixit: Propter has heri ne storeis quidem indormire licuit. Lepide risit illorum morem qui quā sint tenues, tamen affectant videri diuites, corrogata aut conducta suppellectile: quod maximè solent in excipiendis hospitibus, in nuptiis aut alioqui solennibus epulis. Porro quum ineptum sit ostentare tuas diuitias: quāto magis ridiculum est ostentare suppellectilem alienam, interdum ab vsurariis sumptam? At Lacedæmonij non solum oratores regum, verum ipsos etiam reges ad sua phiditia inuitabāt, eam frugalitatem sibi magno etiam honori futuram existimantes. Plut. in Lacon.

*Agésilauus.*

Menecrates, quidam medicus, quum desperatæ quædam curationes ipsi feliciter cessissent, populari adulatione dictus est Iupiter. Quo cognomento vir superbissimi ingenij oblectatus, cū Agésilao scriberet, & hac salutatione vteretur: Menecrates Iupiter, Agésilao regi salutem: Rex eius superbia lectus, literas non lectas abiecit, & medico hunc in modum rescripsit, Rex Agésilauus Menecrati sanitatem. Quæ salutatione insanum hominem esse iudicabar, qui homo fragilitati obnoxius superbia ramen elatus, diuinos sibi honores tribueret. Plut. in apoph. Lac: Ælian. l. 12. de Var. hist.

*Demetrius Phal.*

In hominem superbum, & multo fastu turgidum, dicebat, altitudinem circumcidi oportere, sensumque relinquere. Brusl. lib. 6. c. 5.

X x 2

*Artabæ.*

*Artabanus.*

Disuadens Xerxem ab expeditione contra Græcos: Vides, ait, ut prægratia animalia fulmine Deus feriat, nec insolescere sinat: parua verò nihil lædat? Vides, ut magna sæpe ædificia, magnâq; arbores huiusmodi fulminû tela percutiunt? Gaudet enim Deus, eminentia quæq; deprimere, Herodotus, & Brusi. l. 6. c. 5.

*Alexander.*

\* Diuturno morbo afflictatus, ut conualuit, negavit se deterius esse affectum: admonuit enim nos (inquit) ægrotudo, mortales cum simus, ne magnificè de nobis sentiamus. Antoser. de superbis.

*Olympias.*

Olympias Alexandri mater, cum audiuiſſet longo tempore iam filium sepulchro carere, graviter ingemiscens atque acerbissimè plorans: O fili, inquit, tu cum in deorum numerum referri volueris, & id perficere summo studio conatus sis: nunc neque illorum quidem, quorum omnibus mortalibus æquale & parius est, particeps fieri potes, terræ sepulturæque. Et sic simul infortunium suum luxit, simul etiam fastum & inanem filij superbiam taxavit. Ælian. lib. 13. de Varia histor.

*Herodotus.*

\* Vides (inquit) eximia animalia ut fulminet Deus, neque suis opinionibus uti sinat: exigua verò facilè fert. Vides etiam ut in maxima ædificia semper & celsissimas arbores celestia tela ingruant. Solet enim Deus eminentia quævis castigare. Ideoq; magnus quoque exercitus ab exiguo sternitur, cum Deus indignè ferens, aut metum hominibus iniicit, aut tonitrua, unde in condignam perditionem incidunt. Non finit. n. Deus alium præter se alium sapere. lib. 1. hist.

*Amphias.*

Tharsus Amphias cum ex hortulano potens esset factus, & in amicis quasi degenerem nonnulla dixisset, mox subiecit: Scilicet & nos ex cistis seminibus sumus. Brusi. lib. 6.

*Phrynes.*

Suprà de Fuco.

*Thais.*

Glorioso cuidam amatori, qui quum multa pocula sumpsisset commodato, diceret se velle illa cōfringere, aliâque parare: Perdes, inquit, quod cuique proprium est. Ambiguo sermone notans esse cōmodatitia. Poterat autem intelligi, si cōsentur perire, quod cuique poculo proprium est. Eras. l. 6. apoph.

*Philisition.*

\* Si videris, inquit, improbum in altum gradum euectum, magnisque opibus & fortuna exultantem, superciliâque supra fortunam extollentem, eius celerrimam expecta mutationem: tollitur enim altissimè, ut maiore casu ruat. Anton. serm. de superbis.

*C. Sulpitius.*

Vxorem suam repudiavit, eo quòd comam probè ornans, ex ædibus egressa esset, inquiens: Lex tibi meos vnus præfinit oculos, quibus formam tuam approbes: his ornamenta comparato, his esto speciosa: aliis velle videri formosam, in suspitione & crimine hæreat necesse est. Probè castigavit mores vxoris suæ Sulpitius, qui putavit ornatum vxoris eò spectare, ut aliis viris melius quàm marito placeat. Eras. l. 6. apoph.

*August. Cæs. & Iulia F.*

Iulia Cæsaris Augusti filia immoderato vestitu superbiens, dum patrem adit frugalitati inservientem, eum maximè offendit. At cum postero die honestiore vestitu induta, patrè salutasset,

tasset, Augustus dixisse fertur: Quantum in filia Augusti probabilior hic cultus, quàm hesternus? Cui respondit: Rectè quidem: sed hodie me patris, heri verò viri mei oculis ornavi. Macrobian. lib. 2. cap. 3.

*Julia Augusti F.*

Eadem cum ultra modum superbi-  
ret omni corporis cultu, admonita à  
quodam, ut se ad paternæ frugalitatis  
exemplum componeret, respondit, Pa-  
ter obliuiscitur se Cæsarem esse, ego  
verò memini me Cæsaris esse filiam,  
ibidem.

*Enagrius.*

\* Sciscitatus, quid esset superbus ani-  
mus? respondit, Virtutis ventilator, ci-  
sterna aquis destituta, diuersorium la-  
tronum. Antonius sermone. de super-  
bis.

*Fo. Climax.*

\* Ut fures, inquit, solem detestantur,  
ita superbi modestos despiciunt. Eo-  
dem serm.

*Idem.*

\* Dicebat difficile esse superbiæ seu  
inanis gloriæ dæmonem effugere:  
quicquid enim, inquit, molitus fueris,  
ut hanc detrahas, id ipsum erit alterius  
inanis gloriæ initium. Eod. ser.

*Pambo.*

Pambo quidam apud Athanasium  
cum Alexandriæ esset, vidissetque mu-  
lierem maximo vestitus apparatu su-  
perbientem fleuit, At interrogatus,  
cur tantopere lachrymas effunderet?  
respondit: Dux res sunt quæ me mo-  
uent. Vna quidem, quæ est huius mu-  
lieris perditio. Altera verò, quòd ego,  
qui nomen Christiani profiteor, non  
tantum studeo placere Deo vitæ in-  
nocentia, quantum hæc mulier turpi-  
bus placere cupit hominibus. Ecclesi-  
ast. lib. 8. cap. 1.

*Vide apoph. de Ambitione, & Arrogan-  
tia, audacia & fastu.*

## De superbia & sordibus.

*Socrates.*

Q Vum videret Antisthenem, at-  
tritam partem vestis semper in  
conspectum protendere: Quin desi-  
nis, inquit, arrogantius superbiam tu-  
am nobis prodere? Vidit philosophus  
sapientissimus, Antisthenem magis  
gloriarì vestitu attritissimo, quo lau-  
dem quærebar, quàm alios, qui holo-  
serico, vel auro etiam aut argento ve-  
stiti in publicum prodire consueverant,  
ab omni superbia alieni. Laert.

*Diogenes.*

Diogenes quum vidisset Olympi-  
am, & Rhodiacos quosdam adolescē-  
tes preciosis magnificisque vestibus  
amictos, cum risu inquit. Hoc nihil est  
præter fastum. Deinde cum incideret  
in Lacedæmonios laceris squalenti-  
busque tunicis amictos: Hæc, inquit,  
longè alia est superbia. Vidit autem  
philosophus, superbum animum non  
semper splendido & ornatissimo vesti-  
tu elucere, sed in sordibus etiam, dum  
homines opulentissimi sæpenumero  
vilissimo vestitu incedētes, hominum  
ex eo laudem superbientes venantur.  
Ælian. lib. 9. de Var. hist.

*Vide apoph. de Ambitione ex sorde.*

## De superstitione.

*Crates.*

Q Vum pro quodam supplicaret  
gymnasi principi, procumbens  
attigit coxam illius pro genibus: nam  
supplices ex more genua continge-  
bant. Indignanti gymnasiarche: Quid,  
inquis, an non hæc æquè tua sunt, ac  
genua? Notans obiter vulgi supersti-  
tionem, qui certa mēbra certis rebus  
dedicauit: velut aurem memoriæ, na-  
sum



nasū irrisioni, genua misericordig, quū  
hæc ad totum hominem pertineant.  
Laert. lib. 6. cap. 5.

*Socrates.*

\* Dicebat superstitionem superbiæ  
tanquam parenti esse morigeram. Et  
sanè omnis superstitiosus est superbus:  
nec sine superbia prodierunt tot su-  
perstitutiones, falsæ sententiæ circa re-  
ligionem & detestandi cultus à super-  
stitione inuecti. Stob. ser. 22.

*Diogenes.*

Suprà de Aqua lustrali.

*Idem.*

Cuidam vehementer superstitioso  
ac lemurum laruarumque terroribus  
obnoxio, necem ipsi minanti, dicentique,  
Vnico istu tibi perfringam, caput:  
At ego, inquit, si id feceris, tibi sinister  
astans, ut contremiscas efficiam. Sig-  
nificans, se mortuum etiam illum  
terrere posse, à quo viuis contemne-  
batur. Hic tamen affectus & plurimos  
habet, qui quum sint aduersus viuos  
feroces, aduersus vmbas sunt formi-  
dolosissimi. Ibid.

*Idem.*

E ficu quadam fructus decerpenti  
Diogeni, quum horti custos dixisset,  
Ex ista arbore ante paucos dies homo  
quidam se suspendit, At ego, inquit, il-  
lam purgabo. Arbitrabatur ille fore,  
ut Diogenes admonitus, abstineret à  
funesta arbore, quæ gestasset cadaver.  
At ille liber ab omni superstitione, ni-  
hilo impuriore fructus arbitrabatur.  
Laert. lib. 6.

*Idem.*

Suprà de initiatione.

*Diagoras.*

Suprà de Sapienter dictis.

*Pericles.*

Quum vrgeret belli necessitas, Pal-  
ladiis ornamenta vendidit quadragin-  
ta talentis auri, & admirantibus ab illo  
rem sacrilegam admitti, respondit, Ex

hostium manubiis posse illi reddi cul-  
tum nihilo deteriore. Eras. Roterod.  
lib. 8. apoph.

*Idem.*

\* Ad bellum profecturus, cum suam  
ipse triremen conscenderet, solis de-  
liquium accidit, tenebræque obortæ, in  
prodigium magnum tractæ omnium  
animos consternauerunt. Ibi Pericles  
cum videret gubernatorem ingenti  
timore captum, oculis eius chlamydē  
prætendit: percontatusque est, an horri-  
bile aliquid effectum aut portentum  
eo factō putaret? neganti. At quid in-  
terest, ait, inter istas & has tenebras?  
nisi quod maius est id à quo illæ sunt  
inductæ. Plut.

*Idem.*

\* Ægorans, amico cuidam eum in-  
uisenti, ostendit amuletum collo sibi  
circumligatum à mulieribus, addens  
pessimè se affectum esse qui talem  
stultitiam in se admisisset. Plutarchus  
in Pericle.

*Agefilaut.*

Agefilaut rex quum adstantem aræ  
Palladis, cui apud Spartanos ab æreo  
delubro *χαλκονοίον* cognomen est, ut  
bouem immolaret, momordisset pedi-  
culus, non aduersus est, sed arreptum  
palam omnibus occidit: Per deos, in-  
quiens, equidem insidiatorem lubens  
vel in ipsa ara. videlicet declarauit  
animum nec inepto pudori, nec super-  
stitioni obnoxium. Plut. in Lacon.

*Demonax.*

Accusatus, quod nunquam sacrifi-  
casset Mineræ: Nunquam, inquit, ex-  
istimaui illi meis victimis opus esse.  
notans ineptam vulgi superstitionem,  
qui putabat deos hostiarum nidore  
delectari. Erasmus lib. octauo apoph-  
thegmar.

*Idem.*

Cuidam dicenti, Eamus in Æscula-  
pij templum ô Demonax, pro filij salu-  
te

te deprecaturū deum: Adcōne, inquit, furdastrum existimas deum, vt nos nisi in templo non sit auditorus? Eras. libro 8. apoph.

*Lycurgus.*

Cūm Thebani consulerent Lycurgum de sacrificio luctūque quem illi Leucotheæ solent facere: Si inquit, deam esse creditis ne lugeatis: sin hominē, ne vt deæ rem diuinā faciatis. Mirè taxauit Thebanorum ritus secum pugnautes. Non enim conuenit simul lugere & sacrificare: hoc est ab ea petere opem, quæ ipsa sit in calamitate, ac lugenda. Plut. in Lacon.

*Leotichidas.*

Cūm portæ Leotichidi proximæ clauem draco circumuolutus esset complexus, idq; augures affirmarent esse portentum: Mihi inquit, nequaquam videtur: sed si clauis fuisset circumplexa draconem, portentum erat. Lepidè irrisit hominum superstitionē, qui terrentur his quæ casu, nec præter naturam accidunt. Hunc in mortalis ingenij morbum alunt augures, arioli, aruspices ac diuini. Verūm ubi quis præter rectum & honestum instituit nefaria consilia, tum oportebat horrere portentum, & aliquid mali sequuturum expectare. Plut.

*Idem.*

Philippus quidam erat profrensus Orphei mysteria, & his alios initiare solitus, is quum esset extremæ paupertatis, tamen apud Leotychidam dicebat, eos qui apud ipsum Orphei sacris initiati essent, post obitum fore beatos: Quin igitur, inquit, o demens, quām occysimè vitam abruptis, vt desinas infelicitatem tuam ac inopiam deplorare? O animum ab omni superstitione liberum. Post hanc vitam felices erunt, qui hīc piè iustq; vixerint, non qui fictis ceremoniis fuerint initiati. Hoc persuasum erat Lacedæmo-

niis, qui hīc piè vixissent eos ab obitu fieri diuos. Plut. in Lacon.

*Epaminondas.*

\* Cūm aliquoties ad hostem cum copiis accederet, & tonitru exiitisset: interrogantibus suis quid significari eo tonitru puraret, respondit, superstitionem eorum irridens, deum attonitos reddidisse hostes, stuporēque iis iniectisse, qui cūm propè apra loca essent, iniquo loco castra ponerent. Plut. in apoph.

*Annibal.*

Rex Prusias, cūm apud eum Annibali exulanti pugnare placeret, negabat se audere, quod extra prohiberet: An tu, inquit, caruncula vitulina: mauiis, quā imperatori veteri credere? Cic. lib. 2. de Diuinatione.

*Lucullus.*

Quum in Armenia cum decem milibus armatorum & mille equitibus aduersus Tigranem tenderet, centum quinquaginta hominum millia habentem in exercitu, pridie nonas Octobris, quo die prius Scipionis copię deletæ fuerant, quodam admonente, quod Romani diem illum vt nefastum & inauspicatum metuerent: Ergo, inquit, hodie, alacriter pugnemus vt hūc quoque diem ex nefasto funestoque Romanis hilarem & auspicatum reddamus. Plut. in Rom. apoph.

*M. Crassus.*

M. Crasso conflicturo cum Parthis, extra è manibus deciderunt: hoc tum cæteris vt inauspicatum interpretantibus ac prælium dissuadentibus: Huiusmodi, inquit, incommoda multa nobis senectus adfert: arma tamen nunquam è manibus mihi ceciderunt. Plut. in Crasso.

*M. Cato.*

Vetus illud Catonis admodum scitum est, qui mirari se aiebat, quod non rideret aruspex, aruspice cūm vidisset.

vidisset. Quota enim res queq; euenit, prædicta ab illis? aut si euenit quippiam quid adferri potest, cur non casu euenierit? Cicero libro secundo de Diuinatione.

*Alphonsus.*

Cùm triumphalem currum ascenderet, non defuerunt qui admonerent, vt triumphantium more vultum minio illiniret. Verùm rex cùm hoc contemneret, dixisse fertur, minium Baccho soli conuenire, qui non solum triumphi, sed vini etiam repertor extisset. Anton. Panorm. de rebus gestis Alphonsi.

### De suspitione vitanda.

*Lysander.*

**M**ilitem qui de via deflexerat, castigauit. Ei dicenti, ad nullius rei rapinam se ab agmine recessisse, ne speciem quidem, inquit, rapturi præbeas volo. Eras. lib. 6. apoph.

*Phocion.*

Athenienses cùm ex oraculo intellexissent, in ciuitate vnicum tantum esse virum, qui cunctorum sententiis aduersaretur, populus vociferans, iubebat illum statim inquiri vt occideretur. Phocion autem cùm varias suspiciones esse in viros bonos intelligeret: Ego sum ille, inquit de quo dixit oraculum. Et hæc quidem ideo dixit in summo constitutus periculo, ne suspicio ad innocentem aliquem deuolueretur. Plut. in Græc. apoph.

*Æschines.*

Infrà de Temperantia.

*Olympias.*

Olympias quum accepisset Alexandrum filium (vt alij, Philipum maritum) adamare sceminâ, à qua putabatur amatoriis venenis corruptus, accersuit ad se mulierem: quumque præter insignem formam comperisset

in ea mores liberales, & ingenium egregiè dextrum: Valeant, inquit, qui te insimulant veneficij. Nam tunc quiddè pharmacum in te ipsa ac philtrum habes. Eras. lib. 6. apoph. ex Plut.



### De TACITVR-

NITATE.

*Cleanthes.*



**V**M quidam ad tacentem Cleatham dixisset, Tu quid taces? atq; iucundum est cum amicis confabulari. Iucundum quidem, respondit Cleanthes: sed quo iucundius est, eo magis in hoc amicis oportet concedere. Sto. ser. de taciturn.

*Apollonius.*

\* Annitendum esse dicebar, & quidem sedulo, vt nihil indecens loquar. Est enim, inquit, viri planè imperiti, non posse tacere, & quæ non decet efferre. Eodem serm.

*Diogenes.*

\* Ad quendam qui se philosophum profitebatur, interrogabat verò contentiosè, dixit: Vah, miser, cur id quod optimum est in vita philosophi corrumpis, & verbis audes te philosophum iactare? Ibidem.

*Aristoteles.*

\* Quidnam in vita difficillimum esset sciscitatus, respondit, Tacere quæ dicenda non sunt. Stob. ser. de arcanis.

*Idem.*

\* Interrogatus, quamobrem cùm alios doceret loqui ipse taceret? dixit, Nempe eos quidem ipsa non scindit, cultros autem acuit. Ant. & Max. serm. de taciturnitate.

*Theophrastus.*

\* Iuuenem in conuiuio tacentem animaduertens,

animaduertens, dixit, Si imperitus ta-  
ces, peritus es: sin verò peritus, impe-  
ritè taces. Eod. ser.

*Democritus.*

\* Cùm animaduertisset quendam  
multa imperitè disputantem: Hic,  
inquit, non dicendi peritus mihi vi-  
detur, sed omnino tacendi imperitus.  
Eod. ser.

*Demosthenes.*

\* Quum adolescens multas nugas  
effutiret inter pocula, nec tacere vel-  
let: Adolescens, inquit, quomodo non  
didicisti tacere ab illo à quo didicisti  
loqui? Ibid.

*Plutarchus.*

\* Nemini, inquit, dixeris quod vis  
raceri. Quomodo enim ab alio postu-  
labis silentij fidem, quam tute tibi non  
præstitisti. Item, Tacere non solum  
sciri prohibet, teste Hippocrate, sed  
tristitiam quoque & dolorem. Item, si-  
lentij neminè, sermonis plurimos pœ-  
nituit. Item, Taciturnitas vbiq; tutum  
ornamentum est iuueni. In Moralib.

*Basilii Magni.*

\* Dicenda tacendâque nosse debe-  
mus: non enim diuina omnia linguæ  
verbis explicanda sunt, ne mens sicut  
oculus totum solem intueri volens, id  
etiam quod habet luminis perdat. An-  
ton. & Max. ser. de taciturnitate.

*Vide apoph. de arcanis, breuiloquentia,  
garrulitate, lingua, & silentio.*

## De temeritate.

*Demonax.*

**A** Liquando in balneis cùm refuge-  
ret ingredi aquam feruentiorem,  
& alius illum appellaret meticulosum:  
Quid, inquit, an hoc pro patria passu-  
rus essem? Sentiens, temeritatis esse,  
non fortitudinis, subire periculum, nisi  
ob causam grauem & honestam fiat.  
Eras. lib. 8, apoph.

*Demosthenes.*

Quum Athenienses gestirent Har-  
palo ferre suppetias, iamque in Ale-  
xandrum armarent, de repente appa-  
ruit Philoxenus, quem Alexander mar-  
itimis negotiis præfecerat. hic, quum  
populus metu attonitus consilesceret,  
Quid facerent, inquit Demosthenes,  
si solem videant, qui non possunt ob-  
tueri lucernam? Ita populo temera-  
rios motus exprobrauit. Eras. lib. 4.  
apoph. ex Plut.

*Antigonus.*

Cùm audiuisset filium in extraordi-  
nario conflictu ab hostibus interfe-  
ctum esse, nil aliud dixit, quàm: Sero  
nimis interisti, mi fili, qui tam temerè  
in hostes te conieceris, neque tuæ sa-  
lutis, nec meorum monitorum mem-  
or. Sensit vir prudentissimus, eum meritò  
perire, qui nec suæ salutis, nec bono-  
rum virorum monitorum memor, te-  
merè in periculum se coniecit. Eras.  
in Declamatione de morte.

*Fabius Max.*

Audiens Minutium collegam, qui  
feliciter nonnullos hostes iam deiece-  
rat, multum laudari, ait se magis se-  
cundam Minutij collegæ fortunam,  
quàm aduersam pertimescere. Senti-  
ens, illius temeritatè periculossimam  
esse Reipub. quam si rerum successus  
attolleret, in extremum discrimen ad-  
ducturam vniuersum populum Roma-  
num: sed aduersis casibus futuram mo-  
derationem. Plut. in Rom. apoph.

*Idem.*

Minutius, quum Fabius tanquam  
cunctatorem in senatu insinulasset,  
quodd præ timore pugnam detrectaret,  
partitulusque esset cum Fabio copias,  
eoque inuito prælium cum Annibale  
iniisset: Ita est, inquit Fabius, non ce-  
lerius quàm timui deprehendit fortu-  
na temeritatem. Bruson. lib. 3. cap. 16.  
ex Plutarcho.

*Scipia*



*Scipio Afr.*

Dicere solebat, in re militari turpe verbum esse, Non putaram: quodd aliis in rebus interdum locus datur, malè instituta posterioribus consiliis melioribus corrigere: ceterùm quæ ferro peraguntur, ea non oportere temerè aggredi, quodd hic error ferè est inemendabilis. Idem dictum locum habet & in his, quæ semel facta mutari non possunt: vt in ducenda vxore, in sacris ordinibus. Plur. in eius vita.

*Augustus Cæsar.*

Eos qui leuem ob causam periculis se exponerent, similes aiebat esse aureo hamo piscantibus: qui plus damni amisso semel hamo acciperent, quàm multarum capturarum lucro posset reparari. Fulgosi. lib. 7. cap. 2.

*Philo.*

\* Quæ absque ratione sunt, inquit, omnia sunt turpia. Quæ verò cum ratione omnia decora. Item, Citra doctam contemplationem nihil decorè fieri potest. Scientia enim à bono consilio nascitur: at inconсульта temeritas malorum omnium scaturigo est. Item, Meditatio fera lucrum non habet, & in exitu rei inutilis est pœnitudo. Ant. ser. de temerario consilio.

## De temperantia.

*Pythagoras.*

\* **Q** Vibus, inquebat, à corpore solutus non egebis, illa omnia cōremne: & quib. etià defuncto erit opus, illis tibi vacanti, deos adiutores precibus aduoca. Stob. ser. de temperantia.

*Anisphenes.*

Voluptatem in tantùm execrabatur, vt diceret se malle insanire quàm voluptate affici. Insaniam aufert medicus: voluptas quum æquè mentem eripiat homini, vix sanabile malum est. Laert. lib. 6.

*Democritus.*

Dicebat, Cœnas lautas & sumptuosas suppeditare potest fortuna: at contrà faciles, & quæ sufficiant necessitati, temperantia. Stob.

*Idem.*

\* Optimum dicebat homini viram agere animo vt plurimum læto, rarissimè tristi quod fieri poterit, si voluptates non in perituris rebus locentur. Stob. ser. de temperantia.

*Idem.*

\* Mensam pretiosâ fortuna (inquit, bat) apponit frugalem & contentam temperantia. Item, Patris temperantia, optimum liberis præceptum. Item, Temperantia quæ iucunda sunt auget, & voluptatem maiorem facit. Eod. ser.

*Socrates.*

\* Dicebat oportere voluptates non ex aliis sed ex nobis ipsis aucupari: corpus autem vt decet præparatum & compositum esse volebat. Item, nulla re indigere Dei esse: quàm paucissimis autem Deo proximum. Item, interrogatus quibusnam rebus maximè abstinendum esset? respondit, Turpibus & iniustis voluptatibus. Stob.

*Alexander.*

\* Quum quidam eum hortarentur vt Darij filias & vxorem forma præstantes spectaret, Turpe futurū dixit, eos qui vicissent viros, à mulieribus vinci. Curtius.

*Socrates.*

\* Frugalem & rebus suis contentum animi habitum similem esse dicebat viæ breui & amœnæ: multū enim gratiæ & parum laboris habet. Laert.

*Idem.*

\* Quærenti, quis ditissimus esset? paucissimis contentus, respondit. Virtus enim suis rebus contenta naturæ opulencia est. Stob.

*Pythagoras.*

\* Temperantiam robur animæ esse dicebat.

dicebat. Hæc enim animæ passionum expertis lumen est. Laert.

*Diogenes.*

\* Indignum esse aiebat athletas, & citharædos ventre & volupratibus superiores esse, hos vocis & illos corporis gratia; propter temperantiam verò neminem ista contemnere. Laert.

*Crates.*

\* Cùm in forū incidisset, alios ementes, vendentes alios contemplatus: illi, inquit, quod rem inter se contrariam agunt, se beatos iudicant, at ego me, quod vtriusque, tum emendi, tum vendendi sum immunis. Stob. & Laert.

*Antiphon.*

\* Qui turpia, inquit, neque cupiuit, neque attigit, is non est temperans. Nihil enim existit à quo sibi temperauerit, vt modestus & temperans dici mereatur. Stob.

*Isæus.*

\* Sacrificium maximum iudicabat, vitam quotidie modestam & temperantem præstare. Stob.

*Iamblichus.*

\* Temperantia, inquit, cùm exterminet à nobis quicquid imperfectum & perturbationibus obnoxium reperit, quomodo non perfectos nos redderet. Quod autem ita se res habeat, vel ex Bellerophonis fabula cognoscet, qui cum temperatâ auxiliatrice, Chimæram, id est Belluinum, agreste, ferumque volupratum genus omne confecit. Item, Bona illa moderatio, qua voluprates intra certos limites coercentur, familias simul & ciuitates secundum Cratetis sententiam, conseruat: imò ad deorum naturam propius iam accedit. Quamobrem Perseus ad summam temperantiæ laudem aspirans, duce Minerva, Gorgonis caput, cupiditatem nimirum quæ deorsum in materiam trahit, & saxeos efficit homines, stolidis affectibus reple-

tos, amputauit. Ex epist. de temperantia, apud Stobæum.

*Anonymus.*

\* Temperantiam esse dixerunt animæ partium mutuam consensionem. Imperium in voluptates, vniuersale cognomen omnium virtutum: item, vocarunt eam Columnam fortitudinis, galeam cōtra lasciuia, oculorum aurigam, beneuolentiæ custodem, cogitationum circumcisionem, luxuriæ castrationem, effruescētis animi hostem, opera turpia impediētem, continentia promotricem, cordis consiliariam, precum & votorum directricem. Stob. ser. de temperantia.

*Demosthenes.*

Nullum homini malum accidere posse affirmabat, qui sapientiæ fundamenta temperantiam & cōtinentiam iecerit. Stob. ser. de temperantia.

*Æschines.*

Temperati viri vitam tam puram tamque sinceram esse oportere dicebat, vt ne turpitudinis quidem suspicionem de se præbere possit. Stobæus Eod. serm.

*Agésilæus.*

Quod ad corporis curam attinebat, nulla in re melius habebat, quàm hi quibuscum viuebat: à saturitate quidem & crapula in totum abstinens: somno verò sic utebatur, non vt ille dominaretur, sed vt seruiret negotiis: aduersus æstum autem & frigus sic erat instructus, vt quatuor anni temporibus vnica tantum veste vteretur. Cæterum quum in tentoriis inter milites ageret, velut vnus quilibet è numero, nihilo meliorem culcitram habebat quàm cæteri. Illud assidue habens in ore: Principis esse, non mollicie delitiisve, sed temperatâ ac fortitudine priuatis hominibus antecellere. Plut. in Lacon. apoph.

*Vide apophi. de Abstinencia, Continen-*  
*tiâ*

*ia, Cognitione sui, Frugalitate, Sobrietate,  
& tranquillitate animi.*

## De templorum ornatu.

*Stratonicus.*

**V**ersans apud Malissam, quum videret tépla multa, homines paucos, stans in medio foro, clamavit: Audite templa. Eras. l. 6. apoph. ex Athen.

*Phryne.*

Delphis Venerem auream dicauit, eam videns Diogenes, ascripsit elogium: Ex Græcorum intemperantia. Arguebat enim Græcos, supra modum libidini deditos esse, quod scortum & turpi quæstu tantum auri collegisset. Laert. lib. 6.

*Alexander Severus.*

In templis argenti minimum, auri ne guttulam quidem aut bracteolam posuit, subinde repetens illud Persianum:

*Dicite pontifices, in templis quid facit aurum.* Lampridius.

## De tempore, & eius iactura.

*Thales.*

**S**ciscitatus, quidnam in tota rerum natura esset sapientissimum? respondit, Tempus, inuenit enim omnia. Laert. lib. 1. cap. 1.

*Bias.*

Dicere solitus erat, vitæ tempus ita merendum, quasi & diu & parum vituri simus. Laert. lib. 1. cap. 6.

*Democritus.*

Dixit pretiosissimum impendium esse tempus, πολυτίμητον ἀνάγκη χρόνος. Plu. in vita Antonij. Hoc dictum compluribus tribuitur.

*Anaxagoras.*

Percontanti, an Lampasceni mon-

tes aliquando mare futuri essent? Anaxagoram respondisse ferunt: Ita sane, nisi tempus defecerit. Bruson. lib. 6. cap. 26.

*Zeno Citiens.*

Aiebat, hominibus nihil magis deesse quam tempus, longè dissentiens ab iis, qui bonam vitæ partem perdunt somno, temulentia, nugis & alea, quasi multum temporis super sit homini. Laert. lib. 7. cap. 1. Stob.

*Theophrastus.*

Habebat semper in ore, nullum esse sumptum pretiosorem tempore. Solum enim hoc recuperari non potest, & tamen vulgò nihil habetur vilius tempore. Laert. lib. 5.

*Simonides.*

Interrogatus, quantum temporis vixisset? Tempus quidem, inquit, exiguum, annos autem multos. Stobæus serm. 96.

*Plinius maior.*

Quum recitatorem quiddam perperam pronuntiantem amicorū quispian reuocasset, & ut repeteret coegisset? Quid, inquit, an intellexeras? quum ille annuisset. Cur ergo, inquit, reuocabas? Decem amplius versus ista tua interpellatione perdidimus. Tanta erat parsimonia téporis. Eras. lib. 8. apoph.

*Idem.*

Nepotem suum ambulantes videns, obiurgauit: Poteras, inquit, has horas non perdere. Nam qui lectica vehebantur, aut recitantes audiebant, aut si libuisset aliquid etiam annorabant, aut dictabant aliquid, quorum nihil licet ambulanti. Ibid.

*M. Cato.*

Suprà, de Nauigationis periculo.

*Cicero.*

Quum accusator Milonis, ex argumentis temporis colligens Clodio à Milone structas insidias, subinde rogaret,

rogaret, quo tempore occisus esset Clodius? Cicero respondit, Serò, voce ancipiti significans, è Republica fuisse futurum, si Clodius multò antè fuisset interfectus. Erasmi. libro tertio apoph.

*Tempori inferniendum esse, pene ex apoph. de Decoro.*

## De testimonio, & testibus.

*Socrates.*

**E**OS qui multitudini imperitæ fidè habent aiebat perinde facere, ac si quis tetradrachmum vnum contemnens reiiceret, & aceruum è similibus cògestum probaret, reciperétque. Cui non fideres soli, ei nihilo magis fidentum est in turba similium. Nec enim refert quàm multi sint, sed quàm graues, Nummus adulterinus etiam in quamuis magno aceruo adulterinus est. Hoc aduersus turbam testium, & indocti vulgi iudicia. Erasmi. ex Laerti. lib. 2. cap. 5.

*Craffus.*

Quum Silus testis læsisset Pisonem reum, cui Craffus aderat, prolato crimine, quod se in eum dictum audisse dicebat: Potest fieri Sile, inquit Craffus, vt is vnde te audisse dicis iratus dixerit? Annuit Silus. Potest etiam, inquit, fieri, vt tu non rectè intellexeris. Cum id quoque toto capite annuisset Silus, vt se Craffo daret, subiecit Craffus: Potest etià fieri, vt omnino quod te audisse dicis nunquà audieris. Hoc adedò præter expectationem, vt Silum testem omnium risus obrueret. Erasmi. l. 6. apoph.

*Nero.*

Inter Neronem & Thraseam graues intercedebant inimicitie, verùm cuidam multa criminosè iactanti de

Thrasea, dicentique, causam ab illo perperam esse iudicatam, obstitit Nero exclamans: Vtinam me tam Thrasea diligat, quàm est iudex rectus & æquus. Hostis hosti testimonium perhibuit de fama periclitanti, nullum autem grauius testimonium, quàm inimici de inimico. Erasmi. l. 6. apoph.

*Anonymus.*

Suprà de Innocentia.

## De tormentis & quæstionibus.

*Perseus.*

**N**Egavit tormentis opus esse ad explorandam rei veritatem: vino enim id rectius fieri dicebat. Sensit autem vir prudentissimus, tantam esse vini immodicè sumpti potentiam, vt proferat ea, quæ crudelissimis tormentis ex homine sobrio elicere nò possis. Vide prouerbiū apud Erasmus, In vino veritas.

*Anonyma.*

Poppea, quæ prius adultera Neronis, mox repudiata Octauia mariti potens facta, subornauit, quandam ex Octauie ministris, qui ei seruilem amorem obiceret. Ancillis Octauie ad quæstiones pertractis, quædam cruciatu victæ falsis annuerunt, quædà perstiterunt domine suæ sanctitatè predicantes. Ex his vna instanti Tigillino respondit: castiora esse Octauie muliebria, quàm omnis eius. Erasmi. l. 6. apoph.

*Anaxarchus.*

Suprà de Fide seruanda.

## De tragoedia.

*Socrates.*

**C**Um videret in imperio triginta Tyrannorum multos summæ estimationis viros interfici, & locupletissimos,



tiffimos quosque grauissimis supplicis per insidias circūueniri, dixisse fertur ad Anisthenem: Nunquid te pœnitet, quod in vita nihil magnum neque spectabile consecuti simus: quem admodum videmus in tragœdia describi monarchas, Atreos illos & Thyestias, & Agamemnones & Ægisthos? Nam illi obtruncati in Tragœdiis taxantur, & mala fercula cœnasse ubiq; produntur. Nemo verò poetarum eò progressus est audaciæ & impudentiæ, vt porcum mactatum in Drama introducat. *Æli. lib. 2. de Var. hist.*

*Gorgias.*

Dicebat tragœdiam esse deceptionem, qua qui alterū decepisset & qui deceptus esset, sapientior foret eo qui non esset deceptus. Fallit quippe tragœdia, dum tractat rem fictā: sed adeò concinnè, vt verissima esse videatur. Iustior autem videtur ille, qui fallendo hominibus prodest: & sapientior est, qui per fabulas confictas discit, quid turpe, quidve sit honestum. *Plutarc. de audiendis poetis.*

*Hippodromus sophist.*

Suprà de Lectionis delectu.

## De tranquillitate animi.

*Socrates.*

**I**nterrogatus, qui sine perturbatione viuere? Qui, inquit, nihil sibi consciunt mali. *Anton. in Melissa, parr. 2. serm. 77.*

*Bion.*

Pœrcontanti quis esset maximè anxius? Qui in maximis, inquit, rebus cupit esse fortunatus. Is enim mille curis distorquetur vt assequatur ardua, & assequutus æquè torquetur ne amittat. *Laert. l. 4. c. 7.*

*Crates.*

Dicebat, se pro patria habere gloriæ neglectum, & paupertatem, in

quæ nullum ius haberet fortuna. Aiebat item, se Diogenis ciuem esse, qui nullis inuidiæ patebat insidiis. Opes enim ac nominis splendor conciliant inuidiam. *Laert. l. 6.*

*Idem.*

\* Quum Nicodromum citharœdum irritasset, cæsus in faciem est. Chartulam itaque imponens fronti inscripsit. Nicodromus faciebat. *Laert.*

*Idem.*

\* Quum Thebis à principe gymnasijs flagris cæsus esset, ac pede traheretur, ridebat, dicens ex poeta versiculum, Protractum pedibus detrusit limine sacro. *Laert.*

*Democritus.*

\* Tranquillum futurum non multa agere oportet, inquit, neque priuatim neque publicè: nec omnia quæ adfuerint supra facultatem & naturam suā sibi sumere: sed tantam sui curam habere, vt quamuis præsentem fortunā, & quicquid opinio desiderat suppeditaturam, declinet, ac non plura assumat, quàm quibus ferendo est. Malis enim commoditas, tutior est quam eius magnitudo. *Stob. ser. 101.*

*Aristippus.*

Validissimis argumentis & sermonibus vsus, hortabatur, neq; de præteritis curam postea suscipiendam, neq; de futuris antea. Id enim animi bene constituti signum esse, & hilaræ cogitationis argumentum. Iubebar autem in diem animum intendere: & dici illam solummodo partem, qua quisque quid ageret, aut cogitaret. Solū enim aiebat præsens in nostra manu positum, non præteritum, neque instans. Illud enim abiisse, hoc an euenturum sit, incertum esse. *Ælianus li. 14. de Variis hist.*

*Diogenes.*

Illud dixisse fertur, Quod fortunæ apponeret animi fiduciam, legi natu-

*RAM*

ram, affectibus rationem, eo quod his tribus paretur & seruetur hominum tranquillitas. Laer. l. 6.

*Stilpo.*

Ei in somnis visus est Neptunus sibi iratus, quod non immolasset hecatomben, quemadmodum mos erat. At philosophus nihil perturbatus, respondit, Quid ais Neptune? Itane veluti puer huc venisti cum tua querimonia quod pecunia mutuo sumpta non expleuerim nidore ciuitatem? atqui pro rei familiaris modulo sacrificauisti tibi aquas aliquot. Ad haec arridens Neptunus, visus est illi porrecta dextera dixisse: In tuam gratiam ingentem aquarum prouentum largiar ciuitati Megarensium. Quod & euenisse tradunt. Laer. l. 2. c. 3.

*Plutarchus.*

\* Commodissima est inquit, tranquillitas, cum ad alia, tum ad scientiam & prudentiae exercitationem: non cauponariam & forensem dico, sed magnam illam, quae Deo similem reddit sui participem. lib. de tranquillitate animi.

*Phocion.*

Dicere solebat, Multo satius esse humi cubantem viuere, ac bono quietoque animo esse, quam perturbatum in aureo lecto. Stob. sermon. de Prudentia.

*Vide apoph. de Felicitate, Constantia, Patientia, Fortitudine, Temperantia, &c.*

## De tristitia.

*Socrates.*

\* **R**ogatus, quomodo quis vitam tristitia vacuam degeret, respondit, fieri non posse, ut qui in ciuitate aut familia habitat, & hominibus conuersatur, non aliquando tristetur. Anton. & Maxim. ser. de dolore & tristitia.

*Plutarchus.*

\* Ut thoracitunicam, ira tristitiae mentem & rationem inducendam esse dicebat. Item. Viam planissimam, eligendam, vitam vero tranquillam. Eod. serm.

*Choricus.*

\* Immoderatum gaudium saepius in dolorem exire dicebat: & immodica voluptas (inquit) accersitam sibi tristitiam producit. ibid.

*Epictetus.*

\* Si vis, inquit, tristitia vacare, quae futura sunt sic aestima, veluti iam accidissent. Itē. Sapit qui non tristatur propter absentia, sed gaudet praesentibus. Item. Percontatus, quomodo quis hosti tristitiam excitare posset, respondit, Si ita seipsum compareret, ut quam optimē viuat. In enchirid. & disertat.

*Posidippus.*

\* Nullus hominum (inquit) sine tristitia vitam transegit, neque fortunatus ad fidem usque mansit. Anton. & Max. ser. de tristitia.

*Vide apoph. de dolore, luctu, molestia, &c.*

## De triumphis.

*Q. Seruilius.*

**Q** Vintus Seruilius, vir inter optimates clarus, indignabatur Pompeio concessum triumphum: atque etiam milites complures obfistebant, ne triumphus ageretur: non quod inuiderent Pompeio, sed munera quaedam poscebant, quasi largitionibus ab ipsis esset emendus triumphus, aliqui milites minabantur, se directuros pecuniam quae in triumpho ferretur, eoque; Seruilius Glauciam suadebant, ut eam potius inter milites diuideret, quam diripi sineret. Verum ubi Pompeius respondit, se citius omisurum triumphum.

triumphum, quàm militibus blanditurum: simulq; laureatos fasces eis obiecit, vt illinc inciperent direptionem: Nunc, inquit Seruilius, te Pompei verè magnum video, dignumque triumpho. Non iudicabat esse speciosum triumphum, nisi qui citra ambitum, citràque largitiones benefactis redderetur. Plut. in Rom. apoph.

*Chrysippus.*

Cùm in triumpho C. Cæsaris oppida eburnea fuissent circumlata, ac paucis pòst diebus in triumpho Fabij Maximiligna deportarentur, Chrysippus ludens, dixit eas esse thecas oppidorum Cæsaris. Solent enim res prætiosæ ligneis thecis muniri. Brus. lib. 6. cap. 5.

## De trophæis.

*Stratonicus.*

**C**Um apud Sicyonios vicisset aduersum se cithara certantes, cōfecrauit in Æsculapij templo trophæum, cum hac inscriptione: Stratonicus à malè cithara canentibus. Athenæus.

*Epaminondas.*

Cùm Chabrias circa Corinthum paucos Thebanos sub mœnibus auidius pugnantes prostrauisset, atq; ob id trophæum erexisset, Epaminondas deridens hominem dixit: Hic sanè decebat, non trophæum, sed Hecateum erectum esse. Veteres enim ante portas in triuiis congruenter Hecates imaginem statuere solent, vel ad indicandam viam, vel in gratiam sepulcorum. Plut. in apoph.

## De tyrannide.

*Bias.*

**R**Ogatus, quòdnam esset ex animalibus perniciosissimum? Syl-

uestrium, inquit, tyrannus: domesticorum, adulator. Plur.

*Thales.*

Sciscitatus, quid difficile vnquam vidisset? Tyrannum, inquit, senem. Plutar.

*Democritus.*

Cùm apud Dionysium quæreretur quòd æris genus esset optimum, Ex quo, inquit, Athenienses statuas fecerunt Harmodio & Aristogitoni. Quo ostendere voluit, tyrannos è medio tollendos esse: & his qui eiecissent ex ære statuas erigendas esse, more Atheniensium. Laert. lib. 9. Idem tribuitur Diogeni à Laert. lib. 6. & Antiphonti oratori à Plut.

*Diogenes.*

Percontanti quo pacto Dionysius vteretur amicis? Vt vtribus, inquit: plenos suspendit, inanes abiicit, significans à tyranno diuites occidi, pauperes negligi. Laert. l. 6.

*Idem.*

Dicebat, Cæteris mortalibus quibus res sunt prosperæ vita iucunda est, mors odiosior: rursus infelicibus vita grauis est, mors oprabilis: at horum vtrumq; tyrannis est molestius. Siquidem vt viuūt insanius iis qui mortem vehementer optant, ita mortem perinde metuunt quasi vitam suauissimè degant. Laert. l. 6.

*Xenophanes.*

Dicebat, Cùm tyrannis congregiendum esse aut iucundissimè, aut minimè. Nihil est violentius aure tyranni, ait Satyricus, apud bonos etiam principes admonendi libertas verbis placidioribus est temperanda. Id qui non potest, abstineat ab illorum congressu. Laert. l. 9. c. 2.

*Anaximenes.*

Interrogatus, quid ad familiaritatem, difficile esset: Tyrannus, dixit. Stob. ser. 47.

*Antisthenes.*

*Anisiphenes.*

Carnifices tyrannis longè præferat. Cuius causam interroganti cui-dam, respondit: A carnifice quidē homines iniusti interimuntur, à tyranno autem etiam insones. Stob. ser. 47.

*Timon.*

Alcibiadis crudelitatem norans, redeunti à concione, ait: Macste virtute adolescens, autoritate tua potentiam auge, magnam enim huic Reipub. perniciem augebis. Plur.

*Demofihenes.*

Audiens quorundam improbari tyrannidem: Rex, inquit, malus, & tyrannus, res est inimica bonis ciuibus, & legibus contraria. Phauorinus.

*Argens.*

Iter aliquando faciens per Siciliæ Selinuntem, cum in sepulchro quodam hoc elegiacum legisset,

*Hocæ Selinuntis quicumque tyrannica Mauri*

*Exinere, ferus perdidit in foribus,*  
*&c.*

Iure periistis, inquit, qui ardentem tyrannidem extinguere conati estis. Nam permittēdum potius fuit totam cremari. Plur. in apoph. Lacon.

*Demochares.*

Apud Athenienses cum decretum esset, ne Demetrii quædam epistolæ ad populum afferrentur, Athenienses mox pœnitentia acti, auctores eius decreti in exilium miserunt: ac decreuerunt, ut ea omnia quæ à Demetrio iuberentur, sancta apud deos, iustaque apud homines essent. Verum, Demochares Spartiata, ad tyranni potentiam alludens, Insaniret (inquit) Stratocles, nisi hoc pacto insaniret. Etenim plurimum ob huiusmodi adulationes pretij ferebat lycophanta Stratocles. Plur. in Demetrio.

*Xerxes.*

Græciæ bellum indicturus, conuo-

catis omnibus Asiæ principibus dixit: Ne viderer meo tantum consilio hoc aggressus, contraxi vos: cæterum mentote, mihi parendum magis quam suadendum. Vox bis tyrannica: & quod principum conuentu pro fuco abuteretur, & quod negotium multo periculosissimum sua vnus cupiditate verius quam consilio susceperet. Eras. lib. 5. apoph.

*Dionysius.*

Suprà, de Munerum contemptu.

*Aristippus.*

Cum Dionysius exprobraret Aristippo, quod nihil utilitatis ab eo accepisset: Verum ais, dixit. Si quid enim tibi profuissim, non secus à tyrannide, quam à comitiali morbo liberari voluisses. Stob. ser. 47.

*Idem.*

\* Regnum à tyrannide tantum differre dixit, quantum lex à Reipublicæ statu, absque legibus, & libertas à seruitute. Stob. eod. ser.

*Himera.*

Dionysij tyranni mortem cum omnes Syracusani appetere, sola Himera mulier deos orabat, ut Dionysius diu superstes esset. Quod ubi rescivit tyrannus, rogauit vetulam, quam ob causam deos oraret, ut longam sibi largirentur vitam? Tum illa: Puella cum essem, ait, grauēque tyrannum haberemus, eccidi illum cupiebam. Eo mortuo, aliquanto deterior tyrannidem occupauit: ei quoque mortem imprecata sum, & ex sententia euenit. Te verò longè deteriorem nunc habemus. Verita igitur ne te absumpto deterrimus in locum tuum substituere, te diu incolumem nobiscum esse vnicè cupio. Brus. lib. 6. cap. 21.

*Ælianus.*

\* Si quis (inquit ex Æsopo) suam tetigerit, clamat & merito. Nec enim vellera sus habet, neque lac, nec aliud

Y y



aliud quiddam præter carnes. Statim igitur somniat mortem, cum sciat quibus visibus præstandis usurpari possit. Sunt autem Æsopicæ sui similes tyranni, qui omnia suspicantur & metunt. Sciunt enim, quod sicuti sues, ita & ipsi vitam omnibus debeant. In Varia historia.

*Phalaris.*

Dicere solebat: Ego, qui expertus utrumque sum, tyrannidi malim subesse, quàm præesse. Subditus enim aliorum malorum securus, vnum tyrannum metuit: tyrannus autem, & eos qui foris insidiantur, & illos per quos seruatur. Stob. ser. 47.

*Ptolemæus.*

Ptolemæus, cui cognomen fuit Philadelphus, dicebat, in tyrannide cum alia multa esse grauiâ, tum illud maxime, quod immeritos occidere cogatur, utilitatis suæ gratia. Stob. ser. 47.

*Anonymus.*

Quidâ Bruti statum subscripsit, Vtinâ viueres: quod opera Bruti Tarquinus ex vrbe depulsus esset. Cæsaris statum subscripserant hos versiculos:

*Brutus, qui a reges eiecit, consul primus factus est:*

*Hic quia consules eiecit, rex postremus factus est.*

Erasm. lib. 4 apoph.

*T. Quintius.*

Contra Philippum Macedonem missus, quum in colloquium venisset, & Philippus obsides postularer, quoniam apud Romanos multi essent duces, ipse autem solus inter Macedones, scito scommate illius tyrannidem taxans Quintius: Tu nempe, ait, te solum effecisti, quippe qui amicos & cognatos occiderat. Plutarch.

*M. Antonius.*

Quum Rhodam insulam vi cepisset, & in ingressu salutaretur rex atque dominus: Nec rex sum, inquit, nec

dominus, sed regis ac domini interfectior. Plut. in Ant.

*Pompeius.*

Post prælium in Pharsalicis campis habitum in Ægyptum profugit, cumque è tiremi descensus esset in scalmum piscatoriū ab Ægypti rege missum, conuersus ad uxorem ac filium, nihil aliud dixit quàm illud Sophocleum:

*ὦ πότμος τῷ τυραννίδι ὅστις ὑπομένει, κείνῳ σὶ δουλός, καὶ ἐλαδ' ὄψεαι μέλαινα.*

id est,

*Quisquis tyranni ad secta demigraverit, Fit seruus illi, liber tibi veneris.*

Prælagisse videtur imminens exitium. Vbi enim descendisset in scapham, ictus gladio, semel tantum emisit suspitium: & obuoluto capite, præbuit se occidendum. Plutarchus in apophtheg.

*Theodorus.*

Theodorus regis Ægypti præceptor, aliis censentibus esse recipiendū Pompeium, aliis non recipiendum, neutrius assentientis dixit: Recipiendum, sed occidendum: addens iocum, Mortuos non mordere. Atque huius sententia vicit, tuta suadens magis quam honesta. Eras. lib. apoph.

*Nero.*

Nero cum nihil flagitiorum sibi non permitteret, elatus tanto rerum successu, dicebat neminem principum ante ipsum scisse quid & quantum sibi liceret. Verum qui hoc dixit, senex tandem, quid vicissim liceat populo in malum principem. Ibid. ex Suetonio in eius vita.

*Anonymi.*

Noctu quidam simulabant se sæuire in seruos, petebantque vindicem. Vindex autem erat defectionis in Nerone dux. Et hoc ioco notabatur, iam non ferenda Cæsaris tyrannis. Sueton. in eius vita.

*Nero.*

Desperatis rebus noctu adiit hospicia singulorum, de fuga consulturus. quumque fores omnium occlusas reperisset, reuersus in cubiculum, comperit & custodes diffugisse, direptis etiam stragulis, & amota veneni pyxide, quam in extremum casum parauerat, mox Mirillonem nomine Spiculum requisit, vel alium quemlibet, cuius manu periret: ac nemine reperito: Ergo ego, inquit, nec amicum habeo nec inimicum? Decretum erat, eam bellam publico orbis odio immolare. Suet.

*Flavius.*

Sunt qui putant hoc clām, & inscio etiam Seneca fuisse decretum, vt occiso Nerone, occideretur & Pilo, mox imperium Senecae deferretur. Interea vulgabatur verba Flauij, qui dixerat, ad dedecus nihil referre, si citharædus dimoueretur, & tragædus succederet. Nero cithara, Pilo tragico ornatu canebar. Sensit, vtrumq; pariter indignum imperio. Suet.

*Batto Dalmata.*

A Tiberio interrogatus, cur toties cum suis defecisset, & Romanis tantam cladem intulisset? respondit, vos in causa estis qui ad greges vestros custodiendos non canes dedistis aut pastores, sed lupos. Sentiens gubernatorum aut Caesaris tyrannidem defectionis causam fuisse. Dion. in Augusto.

*Caligula.*

Cum audiret forte reges qui officij causa in urbem aduenerant, inter se super cenam de nobilitate generis concertantes, exclamauit: De cælo venit nobis rex, & adiecit carmen Homericum,

*ὦν βασιλεὺς ἴστω, τίς βασιλεὺς.* Id est,

*Vnus Dominus sit, vnus rex.*

Nec multum absuit, quin statim diadema sumeret, speciẽmque prin-

cipatus in regni formam conuerteret. Suet.

*Idem.*

Antoniae auia pro sua auctoritate monenti, vt quædam secus ageret, Memento, ait, mihi omnia in omnes licere. Talia portentata tum principum titulo pertulit mundus, quæ non commemorarem nisi vt ex his principibus prodigiose feritatis horror incutiat. Eras. Ex Suet.

*Anonymus.*

Scittra quidam in claudij tyrannidem alludens, ait, in vno annulo bonos principes posse scribi atq; depingi omnes. Bruch. 6. c. 21.

*Ludovicus XII. Gall. rex.*

\* Plebem & rusticos dicebat esse pascua tyrannorum & militum: tyrannos autem & milites pascua esse dæmonum. Annal. Franciæ.



## DE VAFRE

DICTIS.

*Bias.*



**B**IAS Prigienensis, cuius sapientia diuturnior inter homines est quàm patria Prigene fuit, ita aiebat oportet homines in vsu amicitie versari, vt meminissent eam ad grauissimas inimicitias posse conuerti. Quod quidem præceptum prima specie nimis fortasse callidum videtur, inimicũque simplicitati, qua præcipue familiaritas gaudet. Sed si altioribus animis cogitatio demissa fuerit, perquàm vtile reperietur. Aristoteles l. 2. Rhetor. Val. Max. l. 7. c. 3.

*Anaximenes.*

Alexander cum ad Lampsacenam urbis excidium summo studio ferretur, progressum ante mœnia Anaxi-

Yy 2 2 mēnerd

menem præceptorem vidit. Ac cum sciret futurum, ut preces suas iræ eius opponeret, statim non facturum se quod petiisset iuravit. Tunc Anaximenes: Peto, inquit, ut Lampſacum diruas. Vastro dictorio regem capiens. Val. Max. l. 7. c. 3.

*Cleombrotus.*

Suprà, de Pietate filiorum inparentes.

*Lysander.*

Suprà de Astutia.

*Archidamus.*

Cum Græci nollent rescindere pacta, quæ sub Antigono & Cratero pepigerant, & amplecti libertatē, quam offerebat Archidamus, veriti ne grauiiores essent habituri Lacedæmonios, quàm Macedones: Ouis, inquit Archidamus, semper eandem edit vocem. Cæterum homo multas & varias emittit voces, donec quod decreuerit, consecerit. Hoc dicto significans, fallendam esse fidem, si qua magna inuiter utilitas. Plut. in Lacon.

*Lysander.*

Dionysius cum Lysandro misisset stolas duas, ut vtram vellet eligeret, & deinde filia suæ mitteret: Lysander ambas acceperit, ac abiens, dixit: Ipsa rectius & melius eligit. Plut. in Lacon. apoph.

*Italia Augusti F.*

Suprà de Superbia.

*Anthonius orator.*

Idcirco se aiebat nullam orationem scripsisse, ut si quid superior iudicio actum, ei quem postea defensurus esset nociturum foret, non dictum à se affirmare posset. Qui facti vix prudentis tolerabilem causam habuit, pro periclitantium capite non solum e caeloquentia sua uti, sed etiam verecundia abuti erat paratus. Cicero pro Cluentio. Val. Max. l. 7. c. 3.

*Vide apoph. de ambigui & argui dictis.*

## De venia delicti.

*Epaminondas.*

Homini contempto, qui leue quiddam admisserat, Pelopida pro eo deprecante, non ignorauit: sed amica pro illo rogante, dedit veniam, dicens, eiusmodi munera à scortillis accipi oportere, non à militibus. Paratus erat ad ignoscendum, sed quemadmodum non quauis damus omnibus, ita spectandum est, cui & in qua causa gratificemur. Plut. in Græcorum apoph.

*Arius philosophus.*

Potitus Alexandria Cæsar multis vitam donarat in gratiam Arii philosophi. Sistratum tamen, promissimæ quidem linguæ virum, sed qui Cæsari displiceret, quod temerè Academicus haberi vellet, reiecit. Arius squalidus promissæque cana barba, cepit Arium quocunque iret insequi, versiculum illum in ore habens.

*οποι οποι ουκ ουκ, αλ ουκ οποι.*

*Sapientes sapientes seruant, si fuerint sapientes.*

Hac arte coegit Cæsarem ignoscere. Eras. l. 4. apoph. ex Suet.

*Vide apoph. de Impunitate, & de Pene neglectu.*

## De ventris studio.

*Diogenes.*

Luxuriosorum ventrem vitæ charybdis appellabar, quod omnia deuoraret, nec satiaretur vnquam: Charybdis tantum ea sorbet quæ mari vehuntur, & reuomit tandem quod absorbit. at luxurionum ventribus nec aer, nec terra, nec flumina, nec maria, sufficiunt: quin & domos & agrorum totos absorbent, nec reuomunt. Lacr. l. 6.

*Anonymous.*

Apud lassios, populum magnæ parte

parte piscibus victitantem, citharcedus quidam in foro ostentabat artem. Verum simulatq; tintinnabulum crepitu signum dedit adesse pisces venales, turba subito deseruit cantorem & ad piscium mercatum aduolauit: vno excepto, qui quoddam surdaster esset, tintinnabuli sonitum non audierat, aut certe non attenderat. Huic citharcedus propius accedens, gratias egit, quoddam & artem honorasset, & ipsum non passus sit esse prorsus desertum. Tum ille, An crepuit tintinnabulum? ut audivit, Valebis, inquit, egregie magister, seseque mox ad pisces proripuit. Citharcedo liberum erat, sibi canere & Musis. Longè maior est nobis cura ventris, quam artium liberalium. Eras. lib. 8. apoph.

*M. Cato.*

Cato senior in concione suaserunt de frumento virium diuidendo ita praefatus est: perdifficile esse, ad ventrem auribus carentem verba facere. Ventrem dixit, quoddam ageretur de populi victu, Plut. in Rom. apoph.

*Huc refer apoph. de Luxu & voluptate.*

## De verberibus.

*Socrates.*

Cum filium delinquentem iam verberibus tractare vellet, sentiens se ira commotum, ait: Tu teipsum coerce. Laert. in vita Socratis.

*Plato.*

Eodem morbo se laborare sentiens, seruumq; cum castigare pararet, ac fortè Xenocrates adesset: Flagella, inquit, hunc puerum: vides enim me plus satis iratum esse. Laert. lib. 3.

*Idem.*

Famulo suo sic comminatus est: Verberibus te tractarem, nisi iratus essem. Laert. lib. 3. Docuerunt autem

viri sapientissimi, non iumentas esse poenas à delinquentibus, ubi iracundia nos commotos intelligimus.

*Diogenes.*

Supra de Responso ab inexpectato.

*Idem.*

Pulsante aliquo, ac dicente, Caue: virga cadens illum postea Diogenes dicebat, Caue tu nunc quoque. Laert.

*Demonax.*

Conspicatus quendam, seruum crudeliter verberantem: Desine, ait, ne seruo similis fias. Subindicauit autem vir prudentissimus, eos frustra castigare seruos, qui ipsi inde serui sint, quoddam prauis affectibus subseruiant, & commotionibus frenum iniicere non possint. Eras. lib. 8. apoph.

## De verborum obscuritate.

*Socrates.*

Evipides obtulit Socrati librum ab Heraclito conscriptum, co lecto, rogauit quid illi videretur? Per Iouem, inquit, quæ intellexi mihi præclara videntur, qualia puto & ea quæ non intellexi: sed opus est Delio quopiam natatore. Notauit perquam saltem affectatam eius scriptoris obscuritatem, unde, & ~~enotat~~ cognomé inditum est. De Delio natatore vide Chiliades Eras. Rot. lib. 3. apoph.

*Melanthus.*

Interrogatus, quid sentiret de tragædia Dionysij? negauit se eam vidisse, quod esset obiecta verborum inuolucris. Notans, ambitiosa verborum copia rem obscurari. Plut. ~~de F. a. n. o. u. s.~~ & Eras. Rot. lib. 6. apoph.

*Phanorinus.*

Audiens adolescentem obscurioribus & inusitatis verbis loquentem. Curius (inquit) & Fabius dilucidè cum



fuis fabulati sunt, neque Aruncorum, Sicanorum aut Pelalgorum verbis quicquam sunt loquuti. Eras. libro 6. apoph. ex Gellio.

*Demonax.*

Cum quendam nescio quid interrogasset, atque is obscuris planè verbis respondisset: Non intelligo, inquit, quid dicas: loqueris enim cum aperte tecum loquente, quasi Agamemnon adhuc viueret. Eras. libro. octauo apoph.

## De Verecundia.

*Socrates.*

**H**ortabatur iuuenes, ut hæc tria haberent: In animo prudentiam, in lingua silentium, in vultu verecundiam. Max. ser. 41.

*Musonius.*

\* Verecundia, inquit, apud omnes dignus habebis, si primum te ipsum vereri inceperis. Stob. serm. 31.

*Democritus.*

\* Malum, inquit, etiam si solus fueris neque feceris neque dixeris. Disce autem te ipsum magis quam alios reuereri. Laer.

*Theophrastus.*

\* Reuerere, dicebat, te ipsum, & non erubescere coram aliis. Stob.

*Pythias Aristoteles F.*

\* Interrogata, quis color esset pulcherrimus? respondit, qui per verecundiam ingenuis oboritur. Stob.

*Synesius.*

\* Verecundiam dicebat esse secundum bonum hominis: nam nunquam peccare palam, inquit, est diuinæ cuiusdam gratiæ & naturæ. Verecundia autem quæ ob non rectè facta innascitur, temperantiæ indicat colorem. Stob. Anton. ser. de pudore honesto.

*Vide apoph. de Pudore.*

## De veritate.

*Pythagoras.*

**D**icebat hæc duo diuinitus hominibus data esse longe pulcherrima: Veritatem amplecti, & beneficium operam dare. & addebat, virumque cum deorum immortalium operibus comparari posse. Ælianus lib. de Var. hist.

*Idem.*

Interrogatus, quid Deo simile faceret homines? Cum veritatem exerceret, respondit. Stob. ser. 11.

*Thales.*

A quodam percontratus, quantum à mendacio distaret veritas? Quantum, inquit, oculi, ab auribus. Sensit vir sapientissimus, ea tantum pro certis haberi, quæ hominum cernuntur oculis; cum auditus sæpenuero hominem fallat. Eras. li. 8. apoph. Maximus serm. 35.

*Democritus.*

\* Pietatem palam declarandam, & veritatem constanter defendendam esse dicebat. Anton. ser. de veritate.

*Serinus.*

\* Quemadmodum, inquit, debilis & impotens aspectus solis lucem intueri non potest, sic, idque multo magis debilis & infirma mens verum cernere non potest. Maxim. ser. de veritate & mendacio.

*Plato.*

Suauissimam narrationem veritatem esse dicebat. Stob. serm. 11. ex Serini memorabilibus dictis.

*Polemon.*

Dicere solebat, multo suauius esse vera dicere, quam audire. Stob. serm. 11.

*Anonymus.*

\* Veritas quidem amara est & ingrata stolidis: mendacium autem sua-

ue & gratum: nimirum ut illis, quibus dolent oculi, molestus est lucis aspectus, tenebræ autem visum reprimentes charæ & minimè molestæ sunt. Anton. ser. de veritate.

*Æschinas.*

Veritatem rem adeo validam esse dicebat, ut omnes humanas cogitationes facillè superet. Stob. ser. 11.

*Demosthenes.*

Interrogatus, quid Deo simile haberent homines? respondit, Benignè facere, & veritatem amare. Maximus serm. 8.

*Caius.*

\* Veritas, inquit, nullam requirit præmeditationem. Stob. ser. 11.

*Epictetus.*

\* Nihil, inquiebat, veritate pretiosius haberi debet, ne amicitia quidem, utpote obnoxia affectibus, qui quod iustum est turbant & obumbrant. Item Immortalis & æterna res est veritas. Non donat autem nobis pulchritudinem paulatim tabescentem, neque dicendi fiduciam è iustitia procedentem aufert: sed quæ iusta & legitima sunt exhibet, discernens ab eis iniusta & redarguens. Antonius sermon. de veritate.

*Themistocles.*

Eurybiadæ quiddam aduersum cum dixisset, illèque baculum intentalset: Verbera, inquit, intrepidè, modo quæ dico audias. Nouerat enim ea, quæ dicturus erat, è Republic. fore. Docens, veritatem in summo bonorū simul ac vitæ periculo profitendam esse, & tum maximè, cum multorum salus inde emineat. Ælia. l. 3. de Var. hist. Plur.

*Origenes.*

Origenes adamantius dicere solitus est, veritatem non idcirco partes suas omittere debere, quia eas sibi perueniens falsitas vendicaret. Philoso-

phiam Græcorum notans, quam cum Christianismo & doctrina veritatis confert. Euseb. lib. 6. cap. 10. Ecclesiast. histor.

*Papias.*

Audiens multorum clamoribus Dei veritatem lacerari atque suspectam reddi: Non multa dicentibus, inquit, sed vera tradentibus auscultandum est. Euseb. lib. 3. cap. 59. Ecclesiast. hist.

*Alphonfus.*

Semper hoc in ore habuisse fertur, tantum valere ad fidem debere vnicum principis viri verbum, quantum priuatorum iusiurandum. Veritas enim, licet omnibus conueniat, principum tamen præcipuum debet esse ornamentum. Anton. Panorm. lib. 1. der eb. gest. Alphonfi.

## Veritatis simplex oratio.

*Agellanus.*

Cum audiuiisset Rhetorem quendam laudari, quod rem specie tenuem multis verbis amplificare posset: Ego, sanè, inquit, ne sutores quidem arbitrator bonum, qui paruo pedi magnos inducat calceos. Quo dicto innuit maximè, non ornatum in dicendo, sed veritatem, cuius simplex est oratio, spectandam esse. Plur. in Lac. apoph. Eras. lib. 1.

*Alexandridas.*

Suprà de Lingua, garrulitate, &c.

## Veritas odium parit.

*Aristippus.*

Aristippus interrogatus, quam ob causam sic ipsum argueret Dionysius: ob eandem (inquit) ob quam ceteri. Significans, philosophi libertatem omnibus esse molestam: non igitur mirandum, si regi, simul illud innuens, regis iudicium nihil à vulgari differre,

differre, quodd fortuna non addat sapientiam. Laertius lib. 2.

*Phocion.*

Athenienses cum oraculum consultuissent, responsum est: In ciuitate vinum esse virum, qui cunctorum sententiis aduersaretur. Verum quum populus vociferans, iuberet hominem tam perniciosum inquiri, Phocion exclamans ait: Non est opus, viri Athenienses, ut inquiratis. Ego enim is sum, cui vestra vita vestrique mores omnes displicent. mira enim erat multitudinis in omnia vitia licentia. Honesto igitur zelo ductus illud quod verum erat, impauide dicere ausus est. Verum ab Atheniensibus postea damnatus, & vita priuatus est. Plut. in apoph. & in eius vita.

*Pantaleon.*

Cum vinolentiam Arsinoe Lyfima-chi uxoris reprehendisset, Lyfima-chus rex hominem in mustela caueam inclusit, & tanquam feram circumferri iussit, aluitque in perpetua captiuitate. Eras. lib. 6. apoph.

*Philippus.*

Cum hi qui apud Lathenem erant, quererentur, indigneq; ferrent, quodd quidam ex Philippi comitatu diceret ipsos proditores, Philippus respondit: Macedones esse ingenio parum dextro, sed plane rusticano, qui ligonem nihil aliud nossent vocare quam ligonem. Alludens ad illud prouerbiu celebre, τὸ σὺν σὺν, τὸν ἀνέμῳ ἀνέμῳ λέγει. Innuir autem, illos reuera esse proditores. Rusticana veritas quanq; rem suis nominibus appellabat. Plut. in apoph. Reg. & imperat.

*Cambyfes.*

Cambyfes rex quum frequenter nimio se vino ingurgitaret, a Praxaspe hunc in modum reprehensus est: Noli te nimio perdere vino, o rex, ne tibi ac ciuibus tuis perniciosus fias. Verum

rex: ut scias, inquit, quam nunquam mihi excidam, approbabo etiam post vinum, & oculos & manus in suo ac debito esse officio. Bibes igitur solito largius, tamque vinolentus, iubet obiurgatoris filium in conspectu duci, ac postquam sinistram manum capiti imposuisset, stans in coradolescentis sagittam figit. dixerat autem prius, id se petiturum: rescissoq; petore, iaculum cordi infixum ostendit, & sagittam extraxit, patrique ostendens, ait, Reprehendis in me ebrietatem, vide igitur quam certam post potationem habeam manum. Herodot. in Thalia, & Senec. lib. 3. de ira.

*Geminus.*

In Græciam profectus ad Antonium, quonia suspectus erat Cleopatrae, quodd eod venisset Octauiæ causam acturus, diu repulsus, ac variis modis delusus, tandem in conuiuio iussu causam aduentus dicere, ita respondit: Cætera (inquit) Antoni, sobria sunt sunt orationis, nec huius temporis: verum illud vnum & sobrius & ebrius scio, bene successura omnia, si Cleopatra remittatur in Ægyptum. Moxque Romam se recepit, metuens sibi ab Antonio. Nam Cleopatra in conuiuio gratias egit, quodd rem sperte dixisset, nulla vsus circuitione. At sic agere gratias, erat minari malum. Sciebat Geminus, quam esset illis inuisa veritas. Plut. in Ant.

## De vestitu.

*Crates.*

**A** Magistratu obiurgatus, quodd præter leges ac morem Atheniensium sindone vestiretur, Ait: Quid si Theophrastum vobis ostendam sindone amictum? dissidentes, ac ut ostenderet flagitantes, adduxit ad constrinam, ostenditq; Theophrastum qui

qui tum fortè tondebarur, linteo amictum, quodd Græci à contegendis humeris *ἀμίδιον* vocant, submonens, omnibus ad vsum vti licere. Nam si per se turpe esset vti linteis, ne in constrictina quidem esset honestum. Laert. l. 6. c. 5.

*Ssilpo.*

Videns Cratetem hybernis mensibus frigore rubentem : *ἄναις*, inquit, *μὴ ἄλλως ἔχειν ἢ κατὰ καιρὸν*. Lepos qui est in vocis ambiguo, Latine reddi nō potest. *καιρὸς* coniunctim, sonat nouo : *καὶ* nō disiunctim, sonat, & mente. Discrimen auribus vix sentiri potest, scripto potest ostendi. Videris, inquit, ege-  
re pallio nouo, siue pallio & mente. Nouum requirebat gelu, mentem Cynici stultitia, qui vestem non accom-  
modaret temporì. Laert. lib. 3. cap. 12.

*Aristoteles.*

Cum adolescentem sumptuosiori toga comptum videret : Adolescens, ait, Num aliquando à cultu isto immodico temperabis, ouium virtute parte ? Stobæus.

*Socrates.*

Xantippe Socratis, cum vellet quandam vestem induere, atque sic ad spectandam pompam prodire, ille dixit, Hanc non spectandi causa, sed potius vt specteris habes. Notabat autem communem hominū consuetudinem, qui cum in aliis, tum maxime in vestitu, nouitate delectantur, quo ab omnibus ob nouum & insolitum cultum spectentur & celebrentur. *Ælian. lib. 7. de Var. hist.*

*Idem.*

Cum irer, ab Agathone vocatus ad conuiuium, soleatus & vnctus, idque præter morem, & ab amico quodam obuio rogaretur, cur esset solito nitidior ? ludens dixit : Vt pulcher eam ad pulchrum, cum nullus esset ab huiusmodi affectibus alienior. *Erasm. lib. 3. apoph.*

*Idem.*

Pallij proscissam partem cum Aristhenes multis spectantibus ostendisset, spectandamq; dedisset, Aspicio, inquit, ô Socrates, per scissuram pallij, tuam vanitatem. Laert.

*Plato.*

In Aristippum dixit, illi soli datum esse & pannis & chlamyde vti, quodd apud Dionysium in purpura saltauerat. Ad id alludens Horatius : Omnis, inquit, Aristippum decuit color. Hoc dictum quidam tribuunt Stratonì. Laert. lib. 3.

*Musonius.*

\* Volebat virum temperantem corpori quærere regmen non sumptuosum, nec exquisitum. Veste nempe & calceamentis eodem modo vtendum esse aiebat, quo panoplia : nempe defendendi corporis gratia, non ostentationis. Sicut igitur ea optima sunt arma quæ firmissima, quæque armatum tueri maxime valent, non insignia & splendida : ita amictus quoque & calceorum vsus qui sit corpori commodissimus, optimus est : & non is qui stolidorum oculos possit in se conuertere, &c. Stobæus sermone 1. de virtute.

*Antisthenes.*

Diogenes cum ab Antisthene Atheniensi petiisset tunicam ad depellendum frigus, iussit Antisthenes, vt duplicaret pallium : sic enim tunicæ speciem præbiturum. Admonens, oportere hominem vno vestitu contentum esse. Laert. lib. 6.

*Diogenes.*

Cuidam sibi placenti, quodd Leonis exuuii tectus incederet ? Non tu desines, inquit, virtutis stragulas pudescere ? Indecorum esse censuit, quodd homo mollis Herculis amictum sibi vendicaret. Idem dici potest de iis, qui prodigioso amictu proflentur sancti-



sanctimoniam, vita non respondente.

Eras. ex Laert. lib. 6.

*Idem.*

Cum adolescens quidam compitior Diogeni proposuisset quæstiunculam: Non tibi prius, inquit, responsurus sum, quàm sublati vestibus ostenderis, vtrum masculus sis, an fœmina. Ex cultu parum virili, notauit illius molliciem. Laert. lib. 6.

*Idem.*

Apud Megarenses cum videret arietes pellibus rectos aduersus frigoris iniuriam, ipsorum autem filios nudos. Satiùs est, inquit, Megarensis esse arietem, quàm filium. Traditum est de Megarensis, quòd indiligenter haberent filios suos. Eras. ex Plut.

*Idem.*

Suprà de Generatione.

*Idem.*

Cum videret adolescentem quempiam sese ornantem. Si ad viros, inquit, frustra: si ad fœmina, iniustè. Hoc dictum festiuus est Græcis ob vocum affinitatem, ἀνδρῆς & ἀδελφεός. Nam frustra se mas parat masculo, inter quos non potest esse coniugium: & iniquè facit adolescens, si cultura formæ insidiatur infirmo sexui, cum vxor non lenocinio, sed honestis moribus concilianda sit. Ibidem.

*Idem.*

Diuitem quendam indoctum, sed splendide vestitum, χρυσόμυλον appellat, hoc est, ouem aureo vellere. Nam tales fuisse proditum est à poëtis, qui minimum valerent ingenio. ouillis maribus, etiam prouerbio dicebatur. Laert. lib. 6.

*Idem.*

Suprà de Diebus festis.

*Pausanias Cleombrosi F.*

Admirantibus quibusdam barbarorum vestium sumptum: Melius esset, inquit, ipsos multiplicari, quàm multi-

facienda possidere. Ibid.

*Lyfander.*

Pretiosas vestes, quas Dionysius ad filias ipsius miserat, non accepit, dicens: Vereor, ne his amictæ turpes videantur. Plut. in Lacon. apoph.

*Demonax.*

Cuidam qui purpura indutus sese insolentius ostentabat, in aurem dixit, Heus tu, hoc ante gestabat ouis, ouis erat. Significans illum nihilo minus stupidum esse, si gestaret purpuram. Eras. lib. 8. apoph.

*Artaxerxes.*

Teribazus in venatu Persicam vestem dilaceratam ostendit, consulens quid faciendum esset, respondente autem Artaxerxe rege, aliam induendam: Vnam, igitur, inquit, mihi tradas oportet. Rex suam tradidit, dicens: Dono do tibi hanc vestem, sed gestare prohibeo. Teribazus vir minimè quidem malus, sed leuis præcipitiisque consilij, neglecta regis monitione, vestem induit, muliebribus etiam ex auro donis quæ à rege acceperat exornatam. Hoc cæteris omnibus indigne ferentibus (nam ridere nefas erat) rex effusè ridens: Tibi, inquit, vt mulieri aurum, at infano regium amictum gestandi ius potestatemque concedimus. Erasmus lib. 6. apoph. ex Plutarcho.

*Archidamus.*

Cum Dionysius Siciliæ tyrannus filiabus Archidami vestes splendidas multiq; pretij dono misisset, recusauit accipere, dicens: Vereor, no hoc amictu puellæ mihi turpes videantur. Intellexit vir prudens, virgines nullo cultu melius ornari, quam simplici: porrò sericis, gemmis & auro dehonestari magis quàm ornari: propterea quòd vestium luxus arguit animum parum sobrium, & intuentium animos ad libidinem sollicitat citius quàm ad honestam

honestam opinionem. Decet autem  
vt virgo tota & vndique virgo sit, nec  
vlla ex parte det corruptæ mentis sig-  
nificationem. Plut. in Lacon.

*Cicero.*

Suprà de Impunitate.

*Augustus Cæsar.*

Cùm pro concione multos videret  
palliatos, indignabundus: En, inquit,  
Romanos rerum dominos, gentemque  
togatam. Aded studebat priscos reuo-  
care mores, vt habitum quoque vesti-  
tùmque doluerit immutatum. Erasim.  
lib.4.apoph.

*Idem.*

Purpuram tyriam empturus, de ob-  
scuritate querebatur, cùmque vendi-  
tor diceret, Erige altius, & suspice. Er-  
gône, inquit, vt me populus Romanus  
dicat bene cultum, in solatio ambula-  
turus sum? Macrobius libro 2. cap.4.  
Saturn.

*Idem.*

Quantum poruit, indumentorum  
luxuriam habuit odio, cuius dictum  
erat vulgatissimum: vestitus insignis  
ac mollis superbix vexillum est, nidius-  
que luxuriæ. Sueton.

*Julia Augusti Cæsaris F.*

Suprà de Superbia.

*Alexander Severus.*

Cùm humili vestitu contentus sæ-  
penumero incederet, reprehensus ob  
id ab aulicis suis, respondit, Imperato-  
riam maiestatem cõstare virtute, non  
corporis cultu. Lamprid.

*Idem.*

Gemmas omnes quas reperit in pa-  
latio, vendidit, & aurum in ærarium  
contulit, dicens, viris gemmas vsui  
non esse: matronas autem regias con-  
tenta esse debere vno reticulo atque  
inauribus & baccato monili, & corona  
in qua sacrificarent, & vnico pallio  
apro sparso, & cyclade, quæ plus sex  
vnciis auri non haberet. Hic cultus

hodie vix sufficit negotiatorum vxoribus. Lampridius.

*Aurelianus Imp.*

Petenti vxori, vt se vnico pallio seri-  
co vti sineret: respondit, Absit vt auro  
fila pensentur. libra enim auri tunc li-  
bra serici fuit. Brufon. lib.5. cap.22.

*Alphonfus.*

Quum vestitu cultuque corporis non  
multum discreparet à popularibus suis,  
admonitus à quodam vt regio ornatu  
incederet, respondit, Malo moribus &  
authoritate meos excellere, quàm dia-  
demate & purpura. Panormitan. lib.1.  
de rebus gestis Alphonfi, Æn. Syluius  
de eius dictis.

## De vetulis.

*Pausimachus.*

**I**N parasitum, qui ab anicula aleba-  
tur, dicebat, illi qui cum anu con-  
suetudinem habet, diuersum quiddam  
accidere atque ipsi vetulæ. Nam illum  
semper aliquid ventre cõcipere, illam  
nunquam. Sentiens, illum subinde fieri  
saturum, illam manere sterilem. Erasim.  
lib.6.apoph.

*Pericles.*

Elpinice anus, quum Pericles Sa-  
mum vastasset, in eum his verbis in-  
sultauit: Admiranda sunt ista, Peri-  
cles, & coronis decorada, qui nos mul-  
tis & fortibus ciuibus spoliasti, quum  
nec Phœnicibus nec Medis bellum in-  
tuleris, vt meus frater Cimon: sed vt  
vrbem sociam, & necessitudine nobis  
coniunctam sub imperium redactu-  
rus esses. Hæc dicente Elpinice, subri-  
dens Pericles, ad eam sedato animo  
illud Archilochi dixisse fertur: Vn-  
guentum, vetula cùm sis, defere. Plut.  
in Pericle.

*Lamia.*

Lamiam meretricem senescentem  
Demetrius rex amabat, parum sobriè.  
Quum

Quum igitur de ea rex apud aliam, quæ & Demo dicebatur, gloriaretur, & appositis bellariis diceret, Vides quàm multa mihi mittat Lamia? Plura, inquit, tibi mittentur à matre mea, si velis cum ea dormire. Notans anus solere donare iis à quibus subiguntur. Eras. lib. 6. apoph.

*Phryne.*

Iam anus dixit, A multis fæcem enim propter vini gloriam. Sentiens, multos ideo secum congregi, ut gloriaripossent cum Phryne rem habuisse. Sicut vini magni nominis etiam fæx emitur, ut iactare possint, se tale vinum habere domi. Ibid.

*Gnathena.*

Suprà de Responso ab inexpectato.

## De vicariis.

*Alexander Severus.*

**A** ssefforibus designauit sua salaria, quanquam dicebat illos potissimum promouendos, qui per se Republic. gerere possent, non per asseffores. Vnumquemque enim hoc agere debere quod nosset. Prudentissimus iuuenis sensit, hoc esse præcipuum vlcus omnium Rerum publicarum, quòd omnia munia per vicarios administrantur, interdum alteros ac tertios. Præfectus vrbis habet vicarium, & is vicarius rursus alterum vicarium, & hic rursus alium. Ac frequenter is qui & honore & salario fruitur, minimè omnium idoneus est ad functionem obeundam. Annotent hoc principes, qui subinde coguntur exactionibus grauare populum. Æl. Lamprid.

## De vicinis.

*Hesiodus.*

**S** Citè ab eo dictum est, Tantum damni est ex malo vicino, quan-

tum ex bono commodi: Et, Nactus est præmium, quisquis nactus est bonum vicinum. In operib.

*Diogenes.*

Lacone quodam laudante Hesiodi earmen, scilicet, Non peribit bos vti- que, nisi affuerit malus vicinus: Diogenes, excipiens, Atqui, inquit, & Melsenij periere, & eorundem boues, in vicinia vobis constitutis. Laert.

*Themistocles.*

Cùm prædium quoddam vendere veller, hoc quoque præconem addere iussit, *ὅτι ἐγγύς ἐστι γειτνίας*: id est, Quòd vicinos etiam haberes bonos.

quasi vicini commendatione futurum esset longè vendibilius. Huius dictum extat apud Plutarchum, explicaturque copiosius apud Erasmus in prouerbio. Aliquid mali propter vicinum malum. Vide Plutarch. in apoph. Stobæus serm. 35. Anton. in Melissa, part. 2. ser. 83.

*M. Cato.*

Admonebat eos qui agros empturi essent, ut ante omnia animaduertent, ne malum haberent vicinum. Eras. Ror. lib. 5. apoph.

*Julius Drusius.*

Ædes eius pluribus ex partibus vicinorum prospectui patebant. Hoc incommodum faber se quinque talentis emendare velle promittebat. Tum Drusius: Decem talenta tibi dabo, si domum meam ita pares, ut vndeque pateat omnium oculis, quo non vicini tantùm, sed omnes ciues perspicere possint, quomodo domi meæ viuatur. Sunt qui conquerantur, ædes vicinorum oculis esse expofitas. Verùm vir bonus nequaquam curat, qui ædes introspiciant, quandoquidem foris ac domi agit, quæ virum bonum decent. Erasmus lib. 6. apoph. ex Plutarcho.

De

## De victoria.

*Diogenes.*

IN Olympiis præconem ita promuntiantem, Doxippus viros vicit: corripuit Diogenes. Hic, inquit, mancipia, sed ego viros. Significans, eos qui certarent Olympia, non esse viros sed gloriæ mancipia. Philosophus vincit viros. Laert. l. 6.

*Agefilans.*

Quum Megabates Spithridatis filius eximia forma adolescens, Agefilaum adisset aliquando salutandi gratia, ac iuxta Persarum morem osculum offerret, quoddam ab eo videretur admodum amari: Agefilaus auertit vultum, refugiens osculum. Cæterum quum erubuisse ille, ratus se contemptui fuisse, ac deinceps salutaret eum eminus: rex pœnitens vitati osculi, finxit se mirari quid accidisset Megabatae, quoddam ipsum non salutaret osculo? Familiares responderunt, Ipse fuisti in causa, ô rex, qui venientem non exceperis, sed formosi basium exhorris: alioqui nunc quoque persuaderi poterit ut tibi veniat ad osculum, tantum ne rursus refugias. Hic posteaquâ Agefilaus aliquandiu tacitus, suo cum animo cogitasset: Non est, inquit, opus ut illi reditum persuadeatis, nam ego mihi sic videor affectus, ut malim huiusmodi rebus superior esse quam aduersariorum urbem fortibus viris instructissimam per vim capere. Præstantius enim duco, ut quis sibi ipsi seruet suam libertatem quam ut aliis libertatem adimat. O virum gerendo in alios imperio idoneum, qui suis cupiditatibus imperare posset. Quis non miretur tam philosophicū in homine militari iudicium? Intellexit, neminem esse liberum, qui seruiret cupiditatibus: intellexit, nullum esse impe-

rium speciosus, quàm si quis animo suo posset imperare. Hoc apophthegma Plutarchus in Vita paulo secus refert: Ego, inquit, denuò malim illam de osculo pugnare pugnam, quàm omnia quæ viderim mihi fieri aurea. Eras. Rot. in apoph.

*Anonymus.*

Quidam Laconi in Olympico certamine superato dixit: Aduersarius tuus, ô Lacon, te fuit potentior. Imò, inquit, ad deiiciendum accommodatior. Quoniam certamen artis erat magis quàm virtutis. Lacedæmonius non putababat se ob id deteriorem quoddam victus esset. Dicti argutia sita est in ancipiti voce. Nam *apôtaros* & meliorem significat, & potentior, siue superiorem, aut præstantiorem. Is verè inferior est, qui honestè vincitur. Plut. in Lac.

*Themistocles.*

Quum aduersus barbaros describeret Athenis exercitū, & in theatro ex illius gentis more producti essent gallinacei, atque inter sese commissi, mira pertinacia inter se depugnarent ad necē vsque, rem ludicram venit in seriam cohortationem. Sic enim ciues suos affatus est: At isti, inquit, neque pro aris ac focis, neque pro liberis depugnant, sed tantum quoddam vinci turpe sit. Quo igitur animo vos esse par est, quibus pro salute patriæ, pro charissimorum incolumitate, pro libertate certamen est? Eras. l. 8. apoph. ex Plut.

*Misbridates.*

Victus à Cn. Pomp. non tantum se ipsum & filios, sed totum etiam regnū victori sua sponte obtulit, præfatus, neminem alium neque Romanum, neque vllius gentis virum futurum fuisse, cuius se societati commissurus foret, quam Cn. Pompeium. Proinde omnē sibi aduersam vel secundam, cuius author ille esset, fortunam tolerabilem futuram



futuram. Non enim esse turpe ab eo vinci, quem vincere esset nefas, neque ei inhonestè aliquem submitti quem fortuna super omnes extulisset. Velleius Paternus & Cuspinianus in Consulibus.

*Annibal.*

A Minutio quem insidiis obsederat, per Fabij copias depulsus, ubi redisset in castra, dixisse fertur: Eo prælio à se victum Minutium, se autè à Fabio fuisse superatum: videlicet ex eadem pugna victus & victor rediit. Perierat enim Minutius, ni Fabius succurrisset. Plut. in Fabio.

*Traianus.*

Traianus Valentis impiissimi Romanorum imperatoris contra Gothos dux, cum primum quidem cōgressum eorum sustinens, victus rediisset, ignaviam ei & timiditatem cum convivio imperator obiecit: ille autem ea dicendi libertate, quæ virum fortem & strenuum decet. Non ego, inquit, ò imperator victus sum, sed tu ipse sponte tua victoriam à teipso reiecis, qui ita cum Deo belligeraris, momentumq; quod ab eo provenit repellēs, ad hostes potius transmittis. Deus enim semper vincit: & victoria illis favere solet, qui auspiciū ductūque eius sequuntur. Is nunc ab adversariorum partibus stat, quod cum tu bello (insectabatur enim eos, qui iam Christianam religionem receperant) persequeris. Nicephorus. Callistus l. 1. c. 40. Ecclesiæ histor.

De victoria non astu aut insidiis sed virtute paranda.

*Democritus.*

**D**icere solebat, virilem se non æstimare cum solum qui armis cæte-

ros præcelleret: sed & qui cum voluptatibus pugnam capessens, speciosam reportasset victoriam. Stob.

*Archidamus.*

Infrà de Virtute.

*Lyfander.*

Lacedæmonij non præficiabant pedotribas, qui pueros ad luctam exercerent: ut virtutis esset certamen, non artis. Vnde & Lyfander interrogatus, quo pacto à Charonte victus esset, respondit, Vario artificio. Non existimabat ea gens in quavis re speciosam esse victoriam, quæ callidis consiliis cōtigisset, potius quàm animi corporisq; robore. Ars autem omnis ut à naturali simplicitate recedit, ita dolo affinis est. Plut.

*Alcibiades.*

Etiamnum puer, cum in palæstra nexu quodam constrictus esset, vnde se non posset explicare, manum coluctatoris mordicus arripuit. Illo dicente, mordes Alcibiades ut fœminæ solent: Imo, inquit, ut leones. Iam tum agnoscere erat animum cedere nescium. Plut. in Græc. apoph.

*Alexander.*

"Parmenioni & aliis suadentibus ut noctu & ex insidiis Darium ad Arbelas aggrediretur, respondit, Latronculorū & furum ista est solertia, quàm mihi præcipitis: quippe illorum vorum unicum est fallere. Meæ verò gloriæ semper, aut absentiam Darij, aut angustias locorum, aut furtum noctis obstare non patiar: palam luce aggredi certum est. Malo me fortunæ peniteat quàm victoriæ pudeat. Quintus Curtius l. 4.

*Alphonsus.*

Cum Caietam urbem pertinaciter obsideret, & eos fortè quos oppidani tanquam bello inutiles expulissent, ut commeatum diutius in vrbe haberent (erant autè senes decrepiti, mulieres, puellæ,

puellæ infantes) ab his abstinere suos milites iussit. Verum milites cum ægrè hoc tulissent: malo, inquit rex, Caieta & Caietanis nunquam potiri, quam homines imbelles, & innocentem iuventutem tam scèdè, tamq; crudeliter tradidando vincere. Cum viris enim, non cum mulieribus mihi dimicatio est. O regem immortalitate dignissimum, quique vniuersum genus humanum gubernet & regat. Victoriæ quam luctuosam ac impiam existimaret, nullam iudicauit. Igitur omnè sexum atque gratiæ imbellem excipi iussit, sed exceptos omnes abundè refici atq; refocillari voluit. Ant. Panor. de rebus gestis Alphonfi, & Æneas Syl. de eius dictis.

*Idem.*

Cum renuntiatum esset à Ludouico Podio, quendam in Venetorum nauibus esse, qui illa vnà cum armamētario quod in his erat exurere pollicitaretur, si sibi duo millia aureorū à rege promitterentur, conatūque illius facile cessuros affirmanti, respondit: Nequaquam Infidiis, sed aut virtute vincendum esse, aut nunquam. Ex hac enim re non aliam sibi laudem sperandam esse: quàm eius qui Dianæ Ephesie templum incendisset, cuius nomē totius Asiæ decreto è memoria hominum oblitteratum traditur. Panor. li. 3. de reb. gest. Alphonfi.

*Idem.*

Carolus Francorum rex in bello Britannico superatus, ac militibus & pecunia iam exhaustus, cum per legatos peteret ab Alphonso Aragonum rege (cuius prouincias ab antecessoribus quidem acceperat, sed non saluo iure) ne contra se bello iam protritum suscitaret aliquod bellum, infortunio occasionem dante: respōdit Alphonfus, Non est quod sibi hoc tempore timeat Carolus, ego enim, quod maio-

res mei in Caroli summa felicitate nō petierunt, in eius calamitate petere nolo. Potuisset autem Alphonfus potentissimus, Carolum toto exuere regno, paucis admodum militibus, si astu & infidiis, non aperta virtute victoriæ bonis viris parandam esse iudicasset. Antonius Panormit. de rebus gestis Alphonfi, Æneas Syluius de eius dictis.

*Idem.*

Quum quidam se offerrent, qui Renati, Andegauensium ducis, & hostis sui atrocissimi, mortem promitterent, infidiis parandam: non tantum hoc fieri noluit, sed vt in parridas, se in eosdem animaduersurum dixit, si hoc tentarent: dicens se nequaquam infidiis cum hoste de regno, sed manu tantum & virtute dimicaturum. Ibid.

*Idem.*

Idem Alphonfus his qui se in mortem Francisci Sfortiæ paratos esse significassent, respondit: Nunquam sibi victoriæ placuisse, cuius postea pigendum pudendumve esset. Igitur nō ab huiusmodi consiliis abstineat, talia se exempla in illos editurum, vt eiusmodi consilia sibi admodum molesta esse omnes intelligant. Ant. Panor. & Syluius vt suprā.

*Idem.*

Rogerus Pallantiæ comes, amplissimo atq; ornatissimo genere natus, impiger vir, & manu promptus, cum Alphonsum adiens diceret, in animo sibi esse Ioannem Castellæ regem, ipsius hostem, contempro omni periculo confodere, forsq; id sibi (si modò annuat) factu perfacile: Non per scelus, sed virtute gloriam querendam esse, respondit Alphonfus. Se enim non solum pro Castellæ atq; Hispaniæ dominatu, sed ne pro totius quidē orbis imperio adipiscendo, tam crudele atq; detestabile facinus permittat.

missurum. Panor. lib. 2. de reb. gest. Alphonfi.

*Idem.*

Simili quodam modo respondisse dicitur exuli Florentino, Cosmam Medicen occisurū pollicenti, si XXX. non amplius manu militum à rege iuaretur: Longè quidem acriores atq; ampliores hostes sese & habuisse & habere, quàm Cosmas esset, quorum morte vel regna consequi se quidem potuisse, sed abstinuisse à scelere. Idem Panor.

*Aeneas Syl.*

Aeneas Syluius dicere solebat, decere regem inuidum habere animum, res si iusta sit: at ubi conatus iniustus est, præstare vinci quàm vincere. Aeneas sententia est in primo comment. de reb. rest. Alphonfi.

## De victoria incruenta.

*Pissacus.*

**P**robabat victorias citra sanguinem partas. nam magno ciuium cruore emptas, hoc est, Cadmeas, ut vocant, non existimabat esse victorias. Laert. lib. 1. c. 5.

*Pyrrhus.*

Bis commisso cum Romanis prælio vicerat, sed desideratis compluribus amicis & ducibus, hinc Pyrrhus: Si vno, inquit, adhuc prælio Romanos vicerimus, actum est de nobis. Quod victi solent dicere, hoc dicebat victor: declarans, victoriam magno emptam non esse victoriam, sed calamitatem. Plutarc.

*Idem.*

Quum è Sicilia solueret, frustratus eius potiundæ spe, conuersus ad amicos: Cuiusmodi, inquit, palæstram reliquimus Romanis & Carthaginensibus? significans, se certamen hoc cru-

entum & operosum malis cedere. Interdum felicitas est non assequi, quàm nimio mercari quod ambis. Erasmi ex Plutar.

*Phæbedas.*

Cum essent Lacedæmonij in pugna Leuctrica Martis aleam experturi, cui idam dicenti, Hic dies declarabit virum bonum: Præclarus, inquit, dies, qui possit declarare virum bonum incolumem. præfagiens, in eo prælio plurimos egregios viros fortiter occubituros, quos ipse patriæ maluisset incolumes. Plut. in Lacon.

*Alphonsus.*

Cum graui atque diutino bello confecto iam triumpharet, victos tamen & captos hostes triumphantium more currum præire non passus est: Ob hostes seruatos rectius, quàm cæsor, triumphandum esse dicens. Vnde apparet, quanti rex clementissimus victorias nullo sanguine partas faceret. Panor. l. 1. de Alphonfi reb. gest.

*Idem.*

Quum Florentinis ac Venetis petentibus, pacem dedisset: & regionum plerique gloriæ studio flagrantibus per molestè hoc tulissent, eo quod in eo bello magnificè ac gloriosum aliquod facinus edere potuissent, à quo iam pace comparata se frustratos planè agnoscerent: Rex id quod erat suspicatus aliquando occasionem iam nactus, dixisse fertur: Bono animo estote commilitones. nam & virtuti vestræ, & mihi credite. Neq; locus enim, neq; honos deerit & mihi perquam speciosum fuit, petentibus pacem dare. Ita enim arma capere consueuimus, ut sine cruore, si id modò fieri potest, victoriam adipiscamur. Et quid aliud pacem tam submissè petentes consentient, quàm se victos, non autem victores esse? Panor. l. 1. de rebus gestis Alphon. regis.

*Idem.*

*Idem.*

Audiens quosdam ex suis esse, qui cogitarent de interficiendo hoste, quo suis rebus in pace vivere possent: respondit, Sibi nunquam eam victoriam placuisse, cuius postea pigendum pudendumve esset. Panorm. lib. 3. de rebus gest. Alphonfi.

*Aeneas Syluius.*

Dicere solebat, longè maiorem seruati quàm cæsi hostis gloriam esse. Inuit autem, eam demum victoriam reuera claram esse, quæ aut paucorum, aut omnino nullorum sanguine parta esset. Syll. lib. 1. comment. de reb. gest.

*Alphonfus.*

Frequenter in ore habuisse fertur, tantò triumphum victoris illustriorem esse, quantò plures relictū sunt, de quibus triumphetur. Ibid.

## De victoria, non ex multitudine militum metienda.

*Antisthenes.*

**M**elius esse dicebat pugnare cum bonis paucis, aduersus multos malos: quàm cum multis malis, aduersus paucos bonos. In bello enim non tam multitudo militum, quàm pugnatium virtus parit victoriam. Laer. lib. 6. cap. 1.

*Agésilas.*

Audierat, socios molestè ferre tam crebras expeditiones: præsertim quum ipsi permulti Lacedæmonios numero paucos sequerentur. Itaque volens ostendere, quanta esset Lacedæmoniorum multitudo, iussit vniuersos socios simul considerare, permixtos inuicem: Lacedæmonios item separatim solos. Mox per præconem edixit, vt primi omnium surgerent figuli. hi quum surrexissent, secundo loco per

præconem iussit surgere fabros ætarios, deinceps architectos ac domorum opifices, similiter & aliarum artium singulos. Ita factum est, vt prope modum socij surgerent omnes. Lacedæmoniorum verò nullus: eo quòd Lacedæmoniis, qui militæ parantur, interdictum sit, opificium aut artem sedentariam vel exercere, vel discere. Hoc facto, risit Agésilas: Videtis, inquit, ô viri, quantò plures nos educimus, quàm vos? Hoc stratagemate dux inclytus demonstrauit, non perinde referre quàm numerosum militem ducas in prælium, quàm, quàm fortem & exercitatum. Plut. in Lac. apoph.

*Agis Archidami F.*

Sæpenumero dicere solitus est, non oportere percontari, quot sint hostes, sed vbi sint. Sensit autem vir prudentissimus, nò referre, quantus sit hostiū numerus, sed quanta hostiū sit animi magnitudo. Plut. in Lacon.

*Idem.*

Quidam quum Agidem percontatus esset, quot essent Lacedæmonij? respondit: Quot satis sunt ad propulsandos hostes: Ostendens, magis referre quàm cordatos viros habeat ciuitas, quàm, quàm multos. Plutarch. in Lacon.

*Leonidas.*

Cuidam dicenti, Cum paucis contra infinitos bellare decreuisti? respondit: Si putas me multitudine fretum huc venisse, nec Græcia quidem tota satis mihi erit, ea quippe ad barbarorum multitudinem collata, exigua portio est: sin virtute, & hic numerus satis erit. Voluit autem ostendere, in bello plus valere paucos, sed imperterritos, quàm multos, sed effeminatos & molles. Plut. in Lacon.

*Pædaretus.*

Suprà de Fortitudine heroica & militari.

Z z

*Alexander.*



*Alexander.*

Alexander, audito Darium triginta myriades in aciem producere, dixit: Vnus coquus non metuit multas oues. Anton. in Melissa, part. 1. ser. 71.

*Idem.*

Idem cum explorator ei diceret, maiorem esse Darij exercitum, dixit: Oues etiam, licet plures, ab vno aut altero lupo capiuntur. Anton. in Melis. part. 1. ser. 37. Max. ser. 71.

*Antigonus.*

Suprà de Fortitudine heroica & militari.

*Tigranes.*

Contra Romanos magna militum copia pugnaturus, cum L. Luculli exercitum vidisset, paucorum exercitum irridens dixisse fertur: Si ut milites aduenissent perpaucos quidem esse: si verò ut legati, permultos. Verum mox ipso facto intellexit, victoriam non in multitudine pugnantium, sed militum robore atque virtute consistere: à Lucullo enim adeò victus est, ut tiaram vitrasque lacerans atque abiiciens aufugerit: ne iis ornamentis in turpi fuga agnitus, ad Romanos captius abduceretur. Plut. in Lucullo.

*Annibal.*

Gisconti nuntianti, sibi admirabilem videri Romanorum instructorum, ad pugnam numerum: Imò aliud, inquit, mirabilius te fugit. Quid autem hoc esset interroganti? Quòd ex tam numerosa, inquit, hominum multitudine nullus appellatur Gisco. Timebat miles, tantum militum Romanorum numerum: Verum Annibal, qui toties iam Romanorum vires pugnando fregerat, satis sciebat, non in numero, sed fortitudine militum consistere victoriam. Plut.

*A. Posthumius.*

Ad milites suos sæpenumero dicere solebat: Belta omnia, non qui plures

sunt numero, rectè conficiunt, sed qui virtutè sunt superiores. Brusónius lib. cap. 2.

*Quintius.*

Quò Antiochus rex cum numerofo exercitu venisset in Græciam, omnesque reddidisset attonitos & militum numerus, & armatura varietas, Quintius hoc sermone metum ademit Achæis: Quum, inquit, esset in Chalcide, cœnans apud hospitem meum, mirabar carniùm copiam, quum essent omnia recta niue, at hospes respondit, ea omnia nihil aliud esse, quàm suis domesticæ carnes, tantum apparatus & conditura diuersæ. Ne vos igitur, inquit, admiremini regis copias, quum auditis hastatos, cataphractos, pedites, equites & sagittarios. Nam hi omnes Syri sunt, armatura inter se differentes. Plut. in Rom. apoph.

*Alphonfus.*

Alphonfus rex Arragonum, cum agrum Surehtinũ de populari iure bellico cogeretur, sæpenumero ingemisse fertur. Verum cum oppidanos pertinaciores quam illis conueniret animaduerneret: Videte, inquit, quĩ vrbem inhabitatis inimicā mihi, ne vestra pertinacia id efficiat, quod postea mea lenitate & clementia corrigi non possit. Subindicans, non semper essetum in ducis potestate, parva victoria militum prohibere rapacitatem. Panormitanus lib. 1. de rebus gestis Alphonfi.

## De victoriæ moderatione.

*Hermocrates.*

AD Syracusanos dicere solebat, Non minoris virtutis esse parta victoria bene vti, quàm vincere. Brus. lib. 7. cap. 8.

*Agésilau.*

*Agésilau.*

Cum post felicem apud Corinthum victoriam ingentē numerum Corinthiorum & Atheniensium à suis trucidatorum cerneret, adeo non gauisus est, nec elatus ea victoria, vt grauiter Græciæ etiam vires deploraret: Heu, inquit, Græciam, quæ tot viros in testino bello perdidit, quot vniuersis barbaris debellandis satis esse poterant. Viro magnanimo optabilis quidem erat victoria, sed multo gratiores pauciorū sanguine parua fuisset. Plut. in Lacon. apoph.

*Idem.*

Suprà de hostibus non crudeliter tractandis.

*Lycurgus.*

Præcipere solebat, vt postquam in bello hostem vertissent in fugam, ac superassent, tam diu fugientes insequerentur, donec certa esset victoria, moxque retrocederent. Neque enim Græcorum conuenire moribus, eos trucidare qui cessissent: idque non solum honestius, verum etiam vtilius esse dicebat. Siquidem hostes, quibus cum res est, vbi cognorint Lacedæmonios parcere cedentibus, occidere verò qui loco non cedunt, sibi conducibilius æstimabunt fugere quam persistere: Frequenter enim desperatio magnum robur addit animo non minus quàm spes victoriæ. Decet autē Græcos legibus ac disciplinis imbutos, etiam in bellis meminisse clementiæ. Barbaricæ feritatis est, sæuire in prostratos. Sed rursus ita temperanda est clementia, ne nobis sit exitio. Fit enim non raro, vt hostis fugam simul, vt redintegratis viribus acrior infurget in victorem. Erasmi. ex Plutar. in Lacon.

*Philippus.*

Suprà de Fortunæ inconstantia & mutatione.

*Alexander.*

Capto Poro rege potentissimo, cui & corporis ingentes inerant vires, & animi longè etiam maiores virtutes, hanc ipsam & corporis & animi excellentiam admiratus Alexander, sciscitabundus ipse quidem, magna tamen comitate adhibita, ab illo exigit, quānam se ab Alexandro ratione tractare, quēmq; erga ipsum sese gerere Alexandrū cupiat? Ad ea nihil Porus aliud, quā, vt pro regia secum dignitate ageretur, petiit. Rursus Alexander, Numnam fortè & aliud? Ad ea quoq; & ille subdidit, Regiam dignitatē, quæ ipse cuperet, cuncta secum continere. Quæ dicta quum Alexander pro sua regiaque & Pori dignitate ac decore examinasset, non regnum modò illi restituit, belli iure vindicatum, verum imperio eius latioris etiam fines adiecit. Pontanus l. i. cap. vlt. de Magnanimitate, ex Plut. apoph.

*Epaminondas.*

Quum alias solitus esset vncto corpore hilarique vultu prodire in publicum, postridie eius diei quo feliciter pugnatum est in Leuctris, processit squalidus ac summissus. Amicis autem sciscitantibus ecquid illi molesti accidisset? Nihil inquit, sed heri sensi me plus æquo mihi placuisse, eius gaudij intemperantiam hodie castigo. Adeo metuit arrogantia vir Bæotus ac militaris, & nos non idem faciemus quoties secunda fortunæ aura res nobis succedunt. Plut. in apoph.

*Demetrius.*

Cum cepisset Atheniensium quæ defecerant urbem, eaque grauiter rei frumentariæ penuria laboraret, protinus conuocata concione, dilargitus est illis frumentum gratis. Plut. in vita Demetrii.

*Bartha.*

Quum Annibal apud Cannas felicissimè

cissimè pugnaver, amicis suadentibus  
ut fugientem hostem insequens, in ur-  
bem irrumperet, non obtemperavit.  
Quam rem Barcha Carthagenensis  
adeò indignè tulit, ut exclamarit: Vin-  
cere scis Annibal, Victoria uti nescis.  
Hoc dictum L. Livius tribuit Mahar-  
bali, Plut.

*Scipio.*

Dicere solebat, hosti non solum esse  
dandam viam fugiendi, verum etiam  
muniendam, docens, moderandam  
esse victoriam, nec saviendum in eos  
qui contra ferre arma destitissent  
Plut.

*Quintius.*

Philippo victo, in Isthmiis præconio  
iussit euulgari, se Græcos suos liberta-  
ti, suoque iuri permittere, Quotquot  
autem Romani temporibus Annibalis  
capri serviebant apud Græcos, quum  
horum singulos Græci quingentis  
drachmis emissent, gratis Quintio  
donarunt: qui & ipsi Romæ triumphan-  
tem Quintium sequuti sunt pileati,  
quod facere solent è servitute manu-  
missi. Plut. in Rom. apoph.

*Iul. Cæsar.*

Pompeium æqualem ferre nollens,  
armis rem expediunt ambo. Verum  
cum commissa pugna Pompeius vicis-  
set, & victoriam non persequeretur,  
sed se potius reciperet ad exerci-  
tum, tum Cæsar: Hodie quidem, in-  
quit, penes hostes erat victoria, at non  
habent ducem, qui victoria sciat uti.  
Plut. in Rom. apoph.

*Augustus Cæsar.*

Quum Alexandrini post urbem vi  
captam, extrema se passuros existima-  
rent, Augustus suggestum conscendit,  
adiuncto sibi Ario Alexandrino, dixit-  
que, se civitati parcere, primum pro-  
pter ipsius magnitudinem ac pulchritu-  
dinem, dein propter Alexandrum  
Magnum eius urbis conditorem, po-

stemò in gratiâ Arij amici. Rarè cu-  
iusdâ clementiæ fuit, nò diripere civi-  
tatem, quæ pertinacissimè rebellarat,  
sed non minus laudis merebatur illa  
civilitas, quòd huius beneficii gratiâ  
non sibi vindicavit, sed vnam præcipu-  
amque partem ipsi concessit vrbì: alte-  
ram tribuit Alexandro, cuius memo-  
riam sciebat apud Alexandrinos esse  
gratiosissimam: tertiam transtulit in  
Arium eius civitatis ciuem, amicum:  
tanto titulo suis commendans. Plut. in  
apoph.

*Aurelianus imp.*

Quum Tyanam venisset, eamque  
occlusam reperisset, iratus dixit, Canē  
in hoc oppido non relinquam. Hac vo-  
ce milites erecti fuerunt in spem præ-  
dæ & Heradamon Tyanensis, metu, ne  
cum cæteris occideretur, prodidit ci-  
vitatem. Qua capta Aurelius Herada-  
monem patriæ proditorem occidit.  
Milibus ex Cæsaris promisso direp-  
tionem oppidi flagitantibus, respòdit:  
Agite, canem me negavi relicturum,  
canes omnes occidite. Hoc pacto &  
proditori mercedem rependit, & mi-  
litum avaritiam elusit. Videtur autem  
hic sermonis color sumptus ab Hebræ-  
is, in quorum literis reges 'qui minan-  
tur internecionem, negant se quen-  
quam relicturos, usque ad mingentem  
ad parietem: canem hac periphrasi  
significantes. Eras, ex Vopisco.

*Fredericus imp.*

Victis in Hungaria Gunzienlibus:  
Magnum, inquit, actū est opus. Nunc  
autem maius restat, ut scilicet vinca-  
mus nosmetipsos, atque avaritiæ & vi-  
ciscēdi cupiditati frenos imponamus.  
Discant nostri principes victores, ex-  
emplo Friderici imperare animi affe-  
ctibus, neque inolescere ob res ad nu-  
tum voluntatēque cedentes, parcerē-  
que victis. Æneas Syl. l. 2. comment. de  
rebus gest. Alphonfi.

*Sigismund.*

*Sigismundus imp.*

Obiugatus, cur fugatos hostes non insequeretur, & comprehensos occideret? Satis, inquit, vicit, qui hostes fugavit. Vtinam, & huius exemplo monarchis nostræ ætatis persuaderi possit, magno cruore partam victoriam non existimari victoriam. *Æneas Sylvius lib. 4. de reb. gest. Alphonfi.*

*Alphonfus.*

Non tam quoddam hostes vincere & sciret & posset, gloriabatur, quam quoddam victis consulere didicisset. Illud quidem fortunæ interdum munus esse, hoc autem semper suum. Refocillare enim victos, verè regium est: debellare autem hostes fortunæ est. *Panorm. lib. 2. de reb. gest. Alphonfi.*

*Idem.*

Cùm in obsidione Stephani, centuriones ac milites, qui maledixerant regi, post captam urbem clementer tractasset, castigatus à suis, qui omnes morte damnandos iudicarent: respondit, Se malle ex clementia & humanitate erga hostes, quam ex victoria laudem adipisci. *Panorm. lib. 3. de reb. gest. Alphonfi.*

*Sigismundus.*

Suprà, de Hostibus non crudeliter tractandis.

## De victoriæ insolentia.

*Brennus.*

**C**apta vrbe à Gallis Senonibus, diùque, obsidione oppresso Capitolio, pactum est inter Romanos Bréniumq; Gallorum regem, vt obsidio ea lege solueretur, vt Romani mille pondo auri penderent. In illa fortè auri pensitatione Brennus de altera lance gladium cingulumque ferreum apposuit. Interrogante autem Sulpitio, Quid hoc esset? Quid aliud, inquit, nisi opprobrium victis? *Plut. in Camillo.*

*Archidamus.*

Suprà de Arrogantia.

*Sylla.*

Quum Mithridates Syllæ processisset obuiam, dextramque porrexisset: Sylla non resalutavit, sed percontatus est, num à bello desisteret his conditionibus, quas cum Archelao pactus esset? Obticescente Mithridate: Quibus pace opus est, inquit Sylla, eos priores loqui convenit, victori silere satis est. Rursus quum Mithridates variis coloribus excusaret que gesta fuerant: Olim, inquit, audiui, nunc experior, te singulari eloquentia præditum, qui tam nefariis factis colorem inuenire potueris. *Plut. in Sylla.*

*Ludovicus xij. Gall. rex.*

\* Quum audiret Iulium Pontificem immodicè sese efferentem, quoddam multas vrbes temporis momento recepisset, quas vix intra triennium Galli occuparant: At inquit, Gasto Fuxeus aberat. Hoc dictum respondet apoph. cuiusdam qui Fimbriæ glorianti quod illum (vix anno x. ab Agamemnone receptum) intra vndecimum diem oppugnauerat, respondit, sed Hector non aderat, qui pro ciuitate pugnaret. *Annal. Franciæ.*

## De vigilantia.

*Plato.*

**S**omnolentiam improbat, eoque scripsit in legibus.

*καὶ μὴ οὐδὲν ἰδὼς ἰδὼς ἀδύνατος.*

id est,

*Nemo dormiens vlla re dignus est.*

*Laert. lib. 3.*

*Philippus.*

In exercitu quodam tempore dormiens, experrectus: Tuto, inquit, dormiuit, vigilauit enim Antipater. Subindicans, non esse regium indulgere somno, præsertim in bello, nisi habeat

Zz 3

fidum



fidum ac vigilem præfectum. Plut.in apoph.

*Parmenio.*

Idem quum interdum dormiret, Græci quæ ad fores conuenientes criminarentur illum: Nolite admirari, Parmenio inquit, si nunc Philippus dormit. Nam quando vos dormiebatis, ille vigilabat. Plut.

*P. Æmylius.*

Cum in bello contra Persem institutisset, ut milites sine armis vigilias agerent: rogatus à quodam, cur suis arma negaret? respondit: ut metu hostium sublata resistendi fiducia aduersus somnum pugnarent. Plut.

*M. Cato.*

Eo milite sibi opus esse nequaquam dicebat, qui inter eundem manus, inter configendum pedes agitaret: quique stertendo quam hostibus inclamando longius sentiret. Plut.

*Vide apoph. de Somno.*

## De vino, & vinolentia.

*Anacharsis.*

**Q**uidam in conuiuio videns uxorem Anacharsidis. Uxorem, inquit, deformem duxisti, Anacharsi, Hic Anacharsis: Prorsus ita mihi videtur, inquit: sed heus puer, infunde mihi meracius, ut eam reddam formosam. Indicans, vinum adimere homini rectum iudicium. Athen.lib.9.

*Idem.*

Dicebat, vitem ferre tres botros: primum voluptatis, alterum ebrietatis, tertium molestiæ. Sentiens, parcum vini usum esse iucundum, quia sedat sitim: largiorem gignere temulentiam: largissimum parere rixas, cædes ac morbos. Simile huic quod alibi dictum est: Primum craterem

pertinere ad sitim, alterum ad voluptatem, tertium ad ebrietatem, quartum ad insaniam. Dictum erit iucundius, si cogites, in Scythia non esse vires. Laert.lib.1.cap.9.

*Cicero.*

Apud Damasippum cenans, quum conuiuator mediocre vinum apposuisset, idque conuiuii à vetustate cupiens commendare, diceret: Bibite, Phalerum hoc quadraginta annorum est. Bene, inquit, fert ætatem. Hoc modo de homine loqui solemus, cuius formæ viribusque non malum detrahit ætas. At ridiculum erat, vinum ab immodica vetustate commendare. Plutare. in Cicer.

*Vide apoph. de Ebrietate.*

## De virtute.

*Antisthenes.*

**C**um nil tam difficile esse sciret, quod studio superari non posset, Virtutem etiam posse disci solebaddicere. Laert.lib.6.

*Idem.*

\* Neque, inquit symposium, si desint congerrones, nec opes virtute carentes voluptate afficiunt. Stob. serm. de virtute.

*Idem.*

Dicebat, Virtutem esse armaturam quæ detrahi non possit. Ensis enim & clypeus excutuntur: sapiens autem ac virtute præditus nunquam non armatus est, eoque vinci non potest. La. lib.6.

*Idem.*

Tutissimum esse murum prudentiam dicebat, quod is nec collabatur, nec proditur. Nulla mœnia tam sunt munita, qui in machinis aut suffossionibus, aut prodicione capiantur. Sapientis decreta sunt inexpugnabilia. Laert.lib.6.

*Idem.*

*Idem.*

Affidue dicere solebat. Virtutem fibi sufficere ad felicitatem, nec vlla re opus habere nisi robore Socratico. Laert. lib. 6.

*Idem.*

Dicebat, virum iustum pluris faciendum, quàm cognatum. Arctiora enim sunt vincula virtutis, quàm sanguinis. Et omnis bonus bono proximo cognatus est, propter animorum similitudinem. Laert. lib. 6.

*Idem.*

Negabat sapientem vivere iuxta leges ab hominibus institutas, sed iuxta normam virtutis. Sentiens, non ideo quid faciendum aut vitandum, quia leges iubent aut vetant: sed quia ipsa ratio dicat: hoc esse honestum, illud turpe. Leges non omnia præscribunt: at virtutis regula docet ubique quid sit honestum, quid turpe. Coacta virtus non est. Laert. lib. 6.

*Idem.*

Quum in theatro populus Atheniensium tumultuaretur ob versiculum recitatum.

Τὸ δὲ αἰχρὸν εἶπεν τῶν ἄλλων δόκῃ,  
id est,

Quid turpe ni videatur hoc videntibus?  
Antisthenes subiecit alterum,

αἰχρὸν τὸν αἰχρὸν δοκῇ καὶ μὴ δοκῇ.

Quod turpe, turpe est, siue credas, siue non.

Eleganter correxit inutilem sententiam. Plut. in Pericle.

*Diogenes.*

Ab Hegesia rogatus, ut ipsi libros aliquot commodato daret: Non sapis, ait, cum caricas non pictas, sed veras eligas: vera exercitatione neglecta, ad scripturam te conseras. Quo dicto notavit eos, qui per omnem vitam ex philosophorum libris virtutem haurire cupiunt: cum virtus magis usu discatur, quàm lectione. Laert. lib. 6.

*Idem.*

Quoniam Cynicus erat, canis dictus est: & hoc vitæ genus à multis laudabatur, nemo tamen imirabatur. Itaque dicere solitus est, se canem esse laudantium, sed laudatorum neminem cum laudato cane audire venatum ire. Ibidem.

*Idem.*

Dicebat, se multos quidem videre colludentes, & discursantes, non autem qui virtuti operam darent. Stob. ser. 4. de imprudentia.

*Stoici.*

Stoicorum dogma est, nihil esse expectandum, præter virtutem: nihil fugiendum, præter vitium. Eras. Rot. l. 6. apoph.

*Socrates.*

Cum aliquando in colloquium cum Theodora meretrice formosissima venisset quæ Callisthenem blandis ad se verbis trahebat, ad Socratem dixisse meretrix fertur: Ego quidem, ô Socrates, multum tibi præsto. Nam cum tu neminem ex meis à me possis abalienare, ego, cum libitum est, tuos omnes à te voco. Cui respondit Socrates: Nô mirum quidê est hoc. Tu siquidem ad declivem tramitê omnes rapis: ego vero ad virtutem cogo, ad quam arduus & plerisque insolitus est ascensus. Sensit autê philosophus clarissimus, adeo corruptos esse hominum mores, ut facillè ducantur ad vitia, quorum lata est via: abhorreant autem à virtutibus, ad quarum acumen ardua ac spinosa nobis videtur esse via. Ælian lib. 13. de Var. hist.

*Socrates.*

\* Statuam quidem in sua basi, virtutis studiosum autem virum bono proposito nixum, immotum esse debere dicebat. Item. In vita perinde ut in simulachro omnes partes debere esse pulchras. Et, Thus diis, laudem

verò viris virtute præditis esse tribuendam. Stob. ser. 1. de virtutib.

*Idem.*

\* Equus generosus, inquit, iudicatur, non quidem sumptuose ornatus, sed eximius natura: itidem nec vir honestus, qui opibus prædiues, sed qui animam virtute præditam gerit. Eodem sermon.

*Isocrates.*

\* Virtute nullam possessionem nec honestiorem nec durabiliorem esse dicebat. Ad Demonium.

*Epiſtetus.*

\* Anima dedita virtuti similis est, inquit, perenni fonti: cuius aqua est pura, imperturbata, potabilis, dulcis, accepta, fructuoni apta, copiosa, ab omni noxa & pernicie aliena. Stobæus serm. 1.

*Idem.*

In conuiuio apud Xenophontem singulis dicere iussit, quò artificio, quòve bono sibi præcipuè placerent: quum ordo venisset ad Socratem, ioco dixit: Se maximè gloriari de lenocinio: Sentiens, se tradere veram virtutem, quæ potissimum commendat habentem, quæque tum priuatim, tum publicè conciliat homini beneuolentiam & amorem. Eras. lib. 3. apoph.

*Idem.*

Quodam tempore quum Euripides ita de virtute diceret, vt diceret,

*Καὶ τὸν εἰς αὐτὴν οὐδὲν ἀποκρίσας.*

*id est,*

*Hæc missa temerè est optimum relinquere.*

Quasi virtus inueniri vix posset. Surrexit Socrates dicens: Ridiculum esse, quum mancipium, si non protinus inueniatur, operæ prætium existimemus inuestigare: virtutem nulla inuestigatione dignam iudicare, si non protinus contingat homini. Erasim. lib. 1. apoph.

*Strato physicus.*

Quibusdam obliuientibus quiddam Menedemus plures haberet auditores, quàm ipse: Quid mirum, inquit, si plures reperiuntur qui lauare cupiunt, quàm vngi? Vnguntur, qui se parant certamini, Subindicauit, Menedemi philosophiam esse dilutam, & facile inueniri, qui audiant de virtute disserentem, per paucos autem qui virtutem exerceant, nam huc prouocabat Strato. Eras. lib. 7. apoph.

*Demetrius Phal.*

Quum audisset, Athenienses fuisse demolitos statuas suas, quas illi proposuerant: At virtutem, inquit, non euerterunt, cuius gratia illas proposuerant. Laert. lib. 5.

*Themistocles.*

Seriphio cuidam dicenti, eum non sua sed patriæ gloria splendorem assequitur: Vera, inquit, herculè narras, veruntamen, nec si ego Seriphius, ignobilis, nec tu si Atheniensis esses, clarus vnquam fuisses. Sensit autem, non patriam, sed virtutem, existimatione facere hominibus & autoritatem, Plat.

*Phocion.*

Phocion Atheniensis hanc diuinam esse legem dicebat: Vt vnica virtus sit potens, reliqua autem cuncta nugæ. Stob. ser. de Prudentia.

*Socrates.*

Gorgias cum à Socrate percunctaretur, an Persarum regem putaret felicem? Nescio herculè, inquit, quantum virtutis & disciplinæ habeat. Sensit vir prudentissimus, neminem esse felicem, nisi omnibus virtutibus præditus sit. Laert.

*Plato.*

\* Omnes opes, omnem rerum copiam, virtuti concedere dicebat. In Menexemo.

*Iamblichus.*

Ad virtutem tanquam ad asylum semper

semper confugiendum esse, dicere solebat: ne cui turpi iniuriæ fortunæ expofiti fimus. Stob. ser. de Prudentia.

*Agessilaus.*

Cum audiret Persarum regem Magnum appellari: qua re maior me est, inquit, nisi iustior est, ac temperatior? Censuit vir iustissimus; eum demum magnum esse virum, qui virtutibus aliis omnes superaret. Plutar. in Lacon. apoph.

*Idem.*

Cuidam sciscitanti, quæ potissimum pueris essent docenda? Ea, inquit, quibus vsuri sint, quum & ad virilem pervenerint ætatem. Rectè censuit vir prudens, solam virtutem primum ac statim à teneris vnguiculis disci oportere, nec ullam æui portionem artibus friuolis dandam: quæ vt in pueris habent ostentationem plausibilem, ita nec grandibus decori futuræ sint, nec ad feria vocatis vtiles. Plutarchus in Lacon.

*Idem.*

Cum scelerosum quendam hominē crudelissima tormenta magna animi fortitudine, ac infracto animo pertulisse audiisset, miserum hominem esse iudicauit, qui tam præclaram virtutem in re tam inhonesta ostendisset: quam si ad res honestiores attulisset, magno vsui Reipublicæ esse potuisset. Plut. in Lacon. apoph.

*Idem.*

Aduersus pecuniarum studium, quo vitio plerique laborant, amicos Agessilaus admonere consuevit, ne tam pecuniis quàm fortitudinē ac virtute studerent ditescere: quod frustra parat opes, qui veris animi bonis vacat. Plut. in Lacon. apoph.

*Archidamus.*

Ob superatos bello Arcadas quum à quodam laudaretur: Multò, inquit, præstantius erat, si illos prudentia quàm

viribus superassemus. Intellexit dux nobilissimus, eam victoriam meritò encomiis celebrari, in qua virtute alios vincimus, cum viribus à brutis etiam superemur animalibus. Plut. in Lacon.

*Eudamidas.*

Suprà de Disputationib. aut Quæstionibus friuolis atque inutilibus.

*Charilaus.*

Interroganti, quam arbitretur optimam Rempublicam? In qua, inquit, plurimi ciues de virtute inter sese decertant, citra seditionem. In plerisque ciuitatibus certamen est de opibus & honoribus: de virtute qui certent, pendè nulli. Quanquam hoc quoque certamen de honesto debet hactenus seruare ne prorumpat in seditionem. Iam enim non est concertatio virtutis, sed ambitionis. Qui vera virtute præditus est, nihil spectet nisi vt profit reipublicæ. At seditio, præsens venenum est ciuitatis. Erasmi ex Plut. in Lacon. apoph.

*Anaxandridas.*

Anaxandridas Leontis filius, cum quendam videret acerbè ferre exilium, dixisse fertur: Noli vir optime exhorrescere exilium. à virtute enim & iustitia exulare, illud horrendum est. Sensus vir optimus, eos omnes exules esse, qui à virtutibus alieni sunt: eos autem nequaquam exules, qui variis virtutibus ornati vbique patriam inveniunt. Plut. in Lacon.

*Antigonus secundus.*

Adolescenti cuidam qui patrem habuerat fortem, quanquam ipse non admodum, vt videbatur, bonus erat miles, postulanti vt patris stipendia caperet: At ego, inquit, ô adolescentule, non ob patrias, sed ob proprias cuiusque viri virtutes mercedem ac munera dare soleo. Hoc sermone iuuenem extimulans, vt patris fortitudinem æquaret,



æquaret, si quantū ille capere solebat, veller accipere. Apud Græcos maior est dicti gratia ob vocum affinitatem, *ειδος* & *αἶδος*, *παρὰ* & *παρά*, quæ vox posterior ad prioris imitationem afficta est. Plut. in apoph.

## Virtus in actione consistit.

*Pittacus.*

**I**nterrogatus quid esset optimum? Quod in præsentia, inquit, occurrit, bene agere. Laert.

*Antisthenes.*

Virtutem esse rem operum, non autem plurimis verbis multisque discipulis egere dicebat. Aduersus eos qui iuris ac theologiæ pietatisque professionem studio reddunt difficillimam ac prolixam, perque vitam omnem nihil aliud quam de virtute disputant. Notat hoc Horatius, Virtutem verba putat, ut lucum ligna. Laert. l. 6. c. 1.

*Cleantes.*

Suprà, de Doctrina factis dissentanea.

*Agessilaus.*

Rogatus, quomodo quis maximè apud homines probaretur? Si dicat, inquit, optima, & faciat honestissima. Virtus enim eiusmodi est, quæ ipsis statim rebus gestis ita afficiat homines, ut non modò admirentur opera, verum in autorem quoque summo studio incenduntur. Plut.

*Panholidas.*

Legatus cum in Atheniensium gymnasio philosophos egregiè de virtute disputantes audiuisset, interrogatus, An placerent quæ iam disputata essent, Probæ profectò, inquit, sunt illæ disputationes, sed vobis planè inutiles: qui virtutem habetis in ore, factis autem non ostenditis. Plut. in Lacon. apoph.

*Semiramis.*

Staupropates Indorum rex Semiramidi minitans scripsit, si acie victa foret, se illam cruci affixurum. Sed illa ridens, Non verbis, sed virtute certandum esse, respondit. Bruf. lib. 7. cap. 3.

*Gymnosophistæ.*

Alexander cum Gymnosophistas interrogasset, Vitam, an mortem fortiores putarent? Vitam, inquit, quæ tot calamitosa pariat. Curtius & Plutarchus.

*L. Volumnius.*

Appius populo Romano exprobrabat, sibi acceptum ferri debere, quod ex muro & elingui facundum haberet consulem de L. Volumnio collega sentiens. Ibi L. Volumnius: Quam mallem, inquit, tu à me strenuè facere, quam ego abs te scire loqui didicissem. Bruf. lib. 4. cap. 31.

*Nestor.*

Suprà, de Doctrina factis dissentanea.

*Adrianus imper.*

Prætoris viris ab imperatore Adriano petentibus ut sibi de iure respondere liceret: rescripsit hoc munus non peti solere, sed præstari. Quare accingeretur, si qui sibi fiderent, & populo sui specimen darent. Nam Augustus quo maior esset iurisperitorum auctoritas, constituerat, ut qui respondere vellent, id ex auctoritate Cæsaris facerent: quum antea liberum fuisset respondendi munus subire, quicumque sui fiduciam haberent. Sic & hodie creantur doctores medicinarum, iuris, artium, theologiæ, quum hoc nomen promeruisse sit pulchrius, quam obnuisse. Eras. lib. 8. apoph.

*Alexander Severus.*

Romanorum iam factus imperator, audiens Artaxerxem instructissimo exercitu Romanum velle invadere imperium: Nil refert, inquit. Vicinum quæ

quæ cum voluptate agimus, dulcia sunt: ita quæ cum virtute, gloriosa esse solent. Herod. lib. 6.

*Huc aliqua ex parte spectant, quæ sunt sub apoph. de Doctrina factis dissensanea.*

## De vi, vel violentia.

*Lysander.*

**C**um Argiui de ditionis finibus ambigerent cum Lacedæmoniis, assuerantque se iustiorē habere causam: Lysander stricto ense, Qui hoc, inquit, superior est, is optimè de finibus disputat. Ab æquo & bono vir insolens ad vim prouocauit, Plutar. in Lacon.

*Idem.*

Ad Bæotos ancipites, nec huic, nec illi parti addictos, quum per illorum confinia faceret iter, legatos misit, qui percontarentur, vtrum rectis an inflexis hastis per illorum agros proficisci deberet? significans, siue amici essent Bæotij, siue inimici, nihilo minus se expropterea perrecturum, nisi quod per hostium agros iturus esset: rectis hastis, ad propulsandum si quis obstitet: per amicorum inuersis, veluti nemini nociturus. Hoc dictum nonnihil respicit indolis Laconicæ, qui nec inimicis supplex esse veller, nec amicis grauis. Plut. in Lacon.

*Themistocles.*

Quum apud Andrum argentum peteret: Duos, inquit, ad vos adduco deos, vim ac suasionem: significans, si minus impetraret suadendo, se vi erepturum. At illi responderunt, apud se quoque duas magnas esse deas, inopiam & impossibilitatem, per quas non liceret dare quæ petebat. Plut.

*Anonymus.*

Conflauit Cæsari magnam inuidiam, quod quidam ex his quos Romam miserat, stans in senatu, simulatque

cognouit Cæsari senatum non dare prorogationem, manu capulum percutiens: At hic, inquit, dabit: vim reipub. minitans. Eras. lib. 4. apoph.

## De visu, aspectu, & oculis.

*Thales.*

**O**lim interrogatus, quantum à mendacio distaret veritas? Quatum, inquit, oculi ab auribus. Sensit vir prudentissimus, ea demum esse indubitata fidei, quæ hominum conueniunt oculis, non quæ auribus percipiuntur. Eras. lib. 8. apoph.

*Diogenes.*

Animaduertens, Olympionicem quendam fixis oculis scortum formosissimum intuentem: Ecce, inquit, vt aries Martius à puella publica obtorto collo victus abducitur. Notauit autem hominis oculos intemperantissimos, quibus scortum obtorto etiam collo, quamdiu poterat, intuebatur. Laert. lib. 6.

*Xenocrates.*

Dicere solebat, nihil interesse pedesne an oculos in aliena domo defigeres. Eodem enim modo peccare tam eum qui oculos in loca in quæ non conuenit verteret, quàm eum qui quod non licitum est vestigia inferret. Ælianus lib. 14. de Var. hist.

*Pericles.*

Prætor collegam sortitus est Sophoclem poetam, cumque in nauigatione Sophocles vidisset adolescentem formosissimum, ait, En quàm speciosus adolescens! respondit Pericles, Decet ò Sophocles, prætorem non modò manus, sed oculos & linguam habere abstinentes. Plut. in apoph. Stob. ser. 5. Cic. lib. 1. Offic.

*Ephorus.*

Dicere solebat, Si possibile fuisset rebus ipsis omnibus adesse, eam experientiam

rientiam reliquis multò fuisse præstantiorem. Sèfit autem, certiora esse quæ oculis visa sunt, quam quæ auribus percepta ab aliis. Cùm enim duo homini iuxta naturam sint velut organa quædam, quibus omnia percipit & scrutatur, auditus scilicet & visus, certior autem multo sit visus, iuxta Heraclitum: horum licet proprior, minoris tamen momenti organo, auribus videlicet, ad inquisitionem rerum accedit. Polybius lib. 12. histor.

*Theopompus.*

Theopompus eum quidem optimū bellicarum rerum scriptorem esse dicit, qui quàm plurima sit pericula ipse coram expertus: illum verò dicendo potissimum esse, qui quam plurimorum ciuiliū certaminum particeps extiterit. De iis enim rebus, quibus ipse interfuit & vidit melius dicere poterit, quàm quæ ab aliis nugantibus fortasse audit. Polybius lib. 12. histor.

*Iseus.*

A quodam qui elegantissimā ostenderat fœminam, interrogatus, num formosissima videretur? respondit, *πικρὸν μὲν ἰσθαι*, id est, desij laborare ab oculis. Philost. in Sophistis.

*Alexander.*

Suprà, de Aspectu incauto.

*C. Sulpitius.*

C. Sulpitius Gallus vxorē repudiavit, quòd apertò capite foris exisset, inquit: Tibi meos vnus præfinit oculos lex nostra, quibus formā tuam approbes: his ornamenta comparato, his esto speciosa: aliis velle videri formosam, in suspitione & crimine hæreat necesse est. Eras. lib. apoph.

## De vita humana.

*Pythagoras.*

Vitam humanam dicebat esse similem panegyri, hoc est, solenni ho-

minum conuentui, ad quem alij conueniunt certaturi, alij negotiaturi, nō nulli spectatores modo futuri. Et ceteros quidem omnes esse sollicitos: solū spectatorem tranquillū fruicē. lebritate. Laert. lib. 3. cap. 1.

*Socrates.*

\* Alex ludo vitam similem esse dicebat: & quicquid euenit veluti quandam tesseram disponere oportet. Non enim denuo iacere oportet, neque tesseram aliter ponere. Stob. ser. 123.

*Democritus.*

\* Vitam sine festiuitatibus dicebat longam esse viam sine diuersoriis. Stob. ser. 116.

*Epictetus.*

Vitam fortunæ coniunctam, torrenti similem esse dicebat: Turbulenta enim plena cœno, ingressūque difficilis, violenta & obstrepera est, & breue tempus durat. Stob. serm. 1.

*Diogenes.*

Dicenti miserum esse viuere: Non, inquit, viuere miserum est, sed malè viuere miserum est. Vulgus miseram appellat vitam laboribus, doloribus, morbis, dāmnis, exiliis, mulisq; hoc genus incommodis obnoxiam: at philosophus nihil malum aut miserū esse dicebat, nisi quod cum turpitudine coniunctum esset. Laert. lib. 6.

*Epicurus.*

\* Dicebat aliquem virum bonum nobis esse eligendum, ac semper ante oculos habendum, vt sic tanquam illo spectante viueremus, & omnia tanquā illo vidente faceremus. Eo modo, vitæ humanæ errores faciliè corrigentur. Senec. epist. 11. ad Lucilium.

*Idem.*

\* Neminem non ita exire è vita dicebat, tanquam modò intrauerit. Item, Neminem aliter, quàm quo modo natus est, exire è vita. Et molestum esse semper vitā inchoare. Sen. ep. 22. & 23.

*Idem.*

*Idem.*

\* Semel, inquit, nati sumus, bis nasci non licet: sed necessarium est vitam finire. Tu verò quine crastinum quidem in tua potestate habes, tempus differis. Omnium verò vita cunctando perit: & hinc est, quod unusquisque nostrum inter negotia moritur. Stob. serm. 16.

*Plato.*

\* Non vitam, sed bonam vitam maximi faciendam esse dicebat. Stob. serm. 7.

*Idem.*

\* Dicebat viros bonos non longa vita, sed clara & illustri opus habere. Eod. ser.

*Idem.*

\* Iuxta communem, inquit, illum & omnibus celebratam sententiam, vita peregrinatio quædam est: & ea decenter modestæque transacta oportet alacriter & tantum non prævana canentes ad fatalem locum discedere. In Axiocho.

*Pyrrho.*

Admirari solebat illum Homeri versiculum præ cæteris:

*ὅτι αἰὲς τὰ πῦρ καὶ ἡλὴν, τὸν δὲ καὶ ἀνθρώπον.*

Tale quidem genus est hominum, quale est foliorum.

Quòd aliis defluentibus alij succedat. Sentiens, in rebus humanis nihil esse diuturnum aut stabile. Laert. libro 9. cap. 11.

*Epicharmus.*

Inter confabulandum cum amicis quum audisset disceptantes de viuendi spatio, & quidam tres, quidam quatuor, alij plures annos sibi tribuerent adhuc viuendos, dixisse fertur: Quid mutud contenditis & litigatis de paucis diebus? Omnes enim qui convenimus, quodam fato propinqui sumus morti. Itaque tempus est nobis omnibus ocyus discedendi, antequam, ali-

quod senectutis damnum experiamur. Ælian. l. 2. de. Var. hist.

*Anonymus.*

Philosophus quidam interrogatus, qualis esset hominis vita: cum parumper se ostendisset, mox se abscondit. Quo indicare voluit, momentaneam & perbreuem esse hominis vitam. Rodolphus Agricola l. 1. cap. 24. de Inventionem.

*Hierocles.*

\* Dicebat longæ tediousque vitæ maximum imminere periculum: partim propter ipsarum rerum naturam, nescio quid aduersæ contumaciæ habentium: partim propter subitas & inopinatas animæ perturbationes: maximè verò, propter ipsam hominum malitiam, quæ nec vlla vi nec dolo malorum stratagematum abstinet. Stob. ser. 82.

*Aristonymus.*

\* Vitam humanam similem esse theatro dicebat, ubi sæpius pessimi quique honoratissimum inter homines locum obtinent. Stob. ser. 104.

*Idem.*

\* Pauperum vitam aiebat similem esse nauigationi iuxta litus: Diuitum autem, ei quæ in profundo pelago sit. Illis enim facile esse funem eiicere, appellare, & nauim extrahere, diuitibus non item. Stob. ser. 95.

*Socrates.*

\* De vita malorum & vitiosorum hominum hæc eius scitè dicta occurrunt. In doctorum vita, tanquam histrio, multa fastus & arrogantia gerit indumenta. Neque nauigantes præter loci commoditatem appellere tutum est, neque viuentes præter legem vitam agere periculo vacat. Auarorum vita similis est funerali conuiuio. Omnia enim cum habeat, hominem qui presentibus hilariter fruatur, non habet. Stob. vide Xenophontem



tem in commentariis, & Diogenem.  
Laert.

*Idem.*

\* In vita, perinde vt in simulachro, omnes partes pulchras esse oportere dicebat. Item. Vitam instar organi musci, dum intentione & remissione sibi concinna redditur, suauiore fieri. Stob. ser. 1. & 3.

*Diogenes.*

\* Aiebat de necessariis quidem ad viuendū homines sibi prospicere: quæ verò ad bene viuendum pertinent, non comparare. Stob. ser. 4.

*Epictetus.*

\* Longiori vitæ sed deteriori, breuiorem sed meliorem ab omnibus omnino præferendam esse dicebat. Stob.

*Apollonius.*

\* Homini fortunato, inquit, brevis est vita, infortunato longa. Stob. serm. 120.

*Simonides.*

\* Interrogatus, quantum temporis vixisset? tempus quidem exiguum, respondit, annos verò multos. Stobæus. ser. 97.

*Ansiphon.*

\* Vita, inquit, similis est carceri vnius diei: & totum vitæ spacium, vni diei æquale propemodum dixerim, per quem intuiti lucem, posteris deinde vitam tradimus. Eod. ser.

*Socrates.*

\* In vita tanquam in theatro permanendum esse dicebat, quandiu rerum & operum huius vitæ iucundum fuerit spectaculum. Stob. ser. 120. Ad damus & illud Pythagoræ, Quandiu summo rerum Domino, visum fuerit, qui è statione nos in tempore euocabit.

*Philippus.*

Quum appareret in loco ameno castra metari, & moneretur, illic non esse pabulum pro iumentis: Qualis, in-

quit, est nostra vita si etiam ad asinorum commoditatem viuere cogimur? Plur. in apoph.

*Iul. Cesar.*

Quum vndiq; viderentur imminere insidiæ, atq; admoneretur vt sibi caueret, respondit: Satiùs subire semel quàm semper cauere: significans, eum non viuere, qui viuit in perpetuo mortis metu. Eras. lib. 4. apoph.

*Augustus Cesar.*

Sentiens imminere mortem, admissos amicos percontabatur, num ipsis viderentur minimum vitæ sat cōmodè transexisse: sentiens de fabula vitæ peracta. & adiecit carmen peractis comædiis accini solitum:

Δότι κέρτεν ἡ πάντες ἡμῶν καὶ καὶ κέρτεν κτενίσσεται.

Eras. lib. 4. apoph. ex Suer.

Huc refer ea quæ suprà de hominis fragilitate dicta sunt.

## De vitæ contemptu.

*Aratus.*

\* **L**audante quodam virum despectatum & audacem, ac idcirco & in bellis eximium: Aratus Sicyonius respondit, multum interest inter magnificere virtutem, & vitam contemnere. Stob. ser. de militia.

## .De vitæ cupiditate.

*Diogenes.*

**C**Um dixisset mortem nihil differre à vita, reprehensus à quodam qui diceret: Cur igitur non moreris? Quia, respondit, hæc nihil inter se differunt. Laert. in vita Diogenis. Verum Stobæ. serm. 118. Pyrrhoni hoc adscribit.

*Idem.*

Suprà de Morte.

*Spen-*

*Speusippus.*

Speusippum cruribus resolutum Diogenes hortabatur, ut se ipsum vitam priuaret. Cui ille: Non cruribus, inquit, viuimus, sed mente. Stobæus. ser. 116.

*Theodorus Cysyrenus.*

Nullam satis magnam causam sapientie esse dicebat ad vitam finiendam, quod hac ratione probabat. Istum enim qui casus humanos contemnit, vitam propter eos relinquere, quomodo non contrarium fuerit illi qui nihil bonum quam honestum, & solū turpe malum asseruit? Stob. ser. 118.

## De vitiis.

*Socrates.*

Cum in sermonem incidisset cum Theodora meretrice formosissima, quæ dicebat se omnes philosophie discipulos alienare posse, & vocare ad se quocumque tempore velit, Socratem autē eius amatores ad se trahere nequaquam: respondisse fertur, Bene quidem dicis, quandoquidem tu ad decliuem tramitem omnes rapis: ego verò ad virtutem cogo, ad quam arduus & plerisque insolitus est ascensus. Inuit autem Socrates, naturam hominis esse adedò deprauatam, ut facillima ad omnium virorum lernam sit via, ad virtutem verò pauci contendunt. Æli. l. 13. de Var. hist.

*Crates.*

Negabat inter homines quempiam inueniri posse, qui non aliqua in parte laboretur: addens, nullum inueniri malum punicum, in quo nō sit aliquod granum supputre. Laert. l. 6. c. 5.

*Thraseas.*

Suprà, de hominis miseria & fragilitate.

*Leon Byzantius.*

Pasiades cum Leoni Byzantio lipp-

rudinem obiiceret oculorum, Leo respondit: Corporis mei vitium vides & exprobras, fāud videns filium tuum Nemefin humeris baiulantem. Erat enim Pasiadi filius contractis humeris. Nemefin autem dixit redargutionem insolentiae, quam veteres fingebant esse Deam. Philost.

*Dionysius iunior.*

Regno pulsus, eadem dicebat se pati quæ adolescentes: quemadmodum enim illi peccauerint, hilari vultu fratrum consuetudine vtuntur, patris autem præ pudore fugiunt: sic sibi euenisse, ut in metropoli vitam agens vecundia teneretur, Leucade cum voluptate viueret. Bruf. l. 7. c. 1.

*Vide apoph. de Malitia, &c.*

## De vituperatione.

*Vide apoph. de Calumniā, contumelia, conuiciis, maledicentia, &c.*

## De vltione & vindicta.

*Diogenes.*

Interrogatus à quodam, quo pacto maximè posset vlcisci inimicum? Si te ipsum, inquit, probum & honestum virum præstiteris. Hoc qui facit, & sibi prodest maximè, & inimicum maximè discruciat. Nam si fundum conspiciens bene cultum discruciatur inimicus, quid fiet si te ipsum viderit veris ornatum bonis. Laert. lib. 6.

*Idem.*

Ingressus aliquando iuuenem conuiuium, capite semitonso, non solum non comiter exceptus est, sed multis plagis onustus dimissus est. Quos ille hac ratione est vltus. Nomina iuuenum à quibus fuerat cæsus, albo inscripsit, itaque obambulabat soluto pallio; plagarum notæ loquebantur, quid esset

esset passus, & album prodebat aurores. Hoc pacto iuuenes inhumanos omnibus obiurgandos ac reprehendendos exposuit. Laert. l. 6.

*Idem.*

Midias cum Diogeni colaphum dedisset, Diogenes continuo dixit, Tria millia tibi in mensa sunt posita: per ludibrium illi gratulans, quod pro colapho tantum nummorum ex multa ad ipsum esset rediturum, si lege ageret. At Diogenes postridie sumpto pugilum loro, eoque impacto Midiae, totidem verbis dixit, Tria millia tibi in mensa sunt posita. A. Gellius narrat de quodam, qui pro delectamento habebat, manu depalmare homines: moxque à crumena quam in hoc circūferebat, numerabat multa. At Diogenes declarauit, non omnes esse ea patientia, ut multa cōtenti sint. Laert.

*Tiberius imp.*

Diogenes grammaticus sabbatis Rhodi disputare solitus, Tiberium ad se venientem, ut ipsum extra ordinem audiret, non admisit, sed per seruulum suum in septimum distulit. Is quum Romam venisset, & pro Caesaris foribus adstaret, cupiens illum salutare: Tiberius iussit, ut post septimum annum rediret. Nec alia poena tantam grammatici superbiam vltus est. Eras. l. 6. apoph.

*Anacharsis.*

Supra de Spectaculis.

*Timon.*

Timon Atheniensis, quem *μωρίς* *ἄνθρωπος* appellabat Lucianus, quū erga ceteros esset inhumanissimis moribus, fugerētque consuetudinem hominum, solum Alcibiadem adamabat, exosculabaturque. Id admirāti cuidam, causamque roganti, respondit: Ideo sibi charum esse adolescentem, quod perspiceret illum aliquando magno malo fore Atheniensibus, à quibus multis

contumelis affectus esset. Eras. apoph. Fulgosi. l. 9. cap. 11.

*Alcibiades.*

Nuntianti, quod ipse cum comitibus morte damnatus esset Athenis: At nos, inquit, demonstrabimus illi Alcibiadē viuere, simulque sese ad Lacedæmonios contulit, ac bellū Decelicum, ab vrbe Decelia cognominatū, excitauit in Athenienses.

*Philoxenus.*

Quum audisset suos versus à laterariis perperam recitari, lateres ipsorum comminuit dicens: Vos mea corrumptis, ego vicissim vestra. Eras. libro 6. apoph.

*Agésilauus.*

Quum puer quidam Agésilauo rege vidente murum caprum ē cauo protraheret, mūsque conuersus momordisset tenentis manum atque effugisset: Agésilauus indicauit his qui aderant, dixitque: Posteaquam minimum animalculum sic vlciscitur eos à quibus læditur, quid viros oporteat facere, cogitare. Ita dux fortissimus vndeque captara occasione animum addere studebat suis, ut audentiores fierent aduersus hostem. Sed idem exemplū magis eō valet, ne quis quamlibet potens, iniuria prouocet infirmiolem. Fit enim sæpenumero, ut qui, sicut ait Flaccus fragili querit illidere dentem, infringat solido. Plutarchus in Lacon. apoph.

*Demonides.*

Amisissis furto crepidis, precatus est, ut eius qui sustulerat pedibus conuenirent. Visus est bene precari, quum illi magnum precaretur malum videlicet pedes distortos, quales habebat Demonides. Plut. in Lacon.

*Brasidas.*

Suprà de Solerter dictis.

*Alexander.*

Cum In Hammonis templum venisset,

nisset, interrogauit sacerdotem senem, à quo filius appellatus erat, num quis eorum superesset, qui patrem Philippum interfecissent? Ostendit hoc dicto rex potentissimus, insitam & fixam animo suo vltionem, quam parabat erga eos qui Philippum patrem offendissent. Plutarchus in vita Alexandri.

*M. Brutus.*

Rebus in summam desperationem adductis, quum è ducibus atque amicis paucos apud se haberet, sublati oculis in cælum stellis plenum, dixit hunc versiculum Græcum è tragœdia quapiam:

Ἰὼ μὴ λαθὼς σὺ γὰρ δὲ αἴτιος κακῶν.

Id est,

*Nec te latueris, ô supreme Iupiter.*

*Horum malorum quisquis auctor existis.*

Veluti imprecans Cæsari vindictam à diis, Eras. lib. 4. apoph.

*Linus Salinator.*

Quum bellum aduersus Asdrubalem gesturus urbem egrederetur, monitus est à Fabio maximo, ne prius cum hoste consereret, quàm vires animi, & illius cognosceret. Is respondit, se primam quanque occasionem pugnae arrepturum. Percontantibus quid ita properaret: Vt quàm celerimè, inquit, aut gloriam ex hostibus victis, aut ex ciuibus prostratis gaudium capiam. Virtus & ira sermonem hominis inter se partita sunt: illa triumphi auida, hæc iniustæ damnationis memor. Eras. lib. 6. apoph.

*C. Figulus.*

In petitione consulatus repulsam passus est. Ideo grauius tulit, quòd patrem haberet bis consulem. Ad hunc cum postridie comitorum complures venissent consulendi gratia (nam erat iuris ciuilis peritissimus) omnes dimisit, ita præfatus: Omnes consulere sci-

tis, consulem facere nescitis. Erasmus lib. 6. apoph.

*Seuerianus.*

Hadrianus imperator Seuerianum, & Fuscum huius nepotem, eo quòd molestè ferre viderentur, Còmodum Lucium imperij successorem designatum, iussit occidi: quorum ille nonagenarius erat, hic annos natus decem & octo. Senex autem quum esset iugulandus, poposcit ignem, incensòque thure dixit: Vos dii testor, me nihil sceleris commississe: nec aliud impetor Hadriano, nisi vt quum volet mori, non possit. Idque euenit adeò vt barbarus conductus qui ferro mortem pro beneficio daret, aufugerit. Sueton. in vita Hadriani.

*Theodosius.*

Aliquando ex familiaribus euidam dicenti, neminem illorum ab eo morte multatum esse qui iniurijs ei fuissent, respondit, Vtinam etiam eos in vitam reuocare possem, qui iam dudum mortui sunt. Nicephorus Callistus lib. 14. cap. 3. Eccles. histor.

*Macarius Monachus.*

Macarius Ægyptius, monachus vir omnium sanctis. olim habitus, percontatus cur humanarum iniuriarum memoria hominibus adeò molesta esset, diabolicarum autem contumeliarum recordatio non item? Propterea, inquit, quòd prior illa affectio præter naturam, posterior autem secundum iræ naturam esset. Nicoph. Callistus lib. 11. c. 43. Eccles. hist. ex Euagrio.

## De vltione & vindicta negligenda.

*Chilon.*

**F**Ratri querenti, quòd Ephorus ipse non crearetur, quum ille esset: Ego, inquit, iniuriam ferre noui, tu non. Diogenes Laert. in eius vita.

*Aaa*

*Thales.*



*Thales.*

Rogatus, quo pacto quis facillimè ferret infortunium suum? Si quis videret hostes maioribus malis obnoxios. Quidam enim ex contemplatione felicitatis alienæ, suam calamitatem exasperant. Laert. lib. 1. cap. 1.

*Pistacius.*

Habens potestatem puniendi quempiam qui contumeliosus in ipsum extiterat, dimisit, inquit: Venia ultionis melior est: illa namque miris est ingenij, hæc autem ferini. Stob. serm. 17. Anton. in Meliss. part. 1. serm. 27. Max. sermon. 6.

*Bion.*

Familiares suos admonebat, ut hoc argumento putarent se profecisse in philosophia, si iurgantes & conuiciantes perinde audirent, ac si recitarent versus illos Homericos:

ὦ Ζεὺς, ἰππεὺς ἔτι καὶ ἄνθρωποι φησὶ  
τοῖς κακοῖς,  
ὅτι τὸ καὶ μέγα καὶ, τοῖς τοῖς ὀλβίοις  
ἴσται.

*Quando vir haud nequam, nec stultus amice videris.*

*Permultum salve atque vale, Dñ pro-  
spere donent.*  
Laert. lib. 4.

*Xenocrates.*

A Bione dictis laceffitus, Non sum, inquit, tibi responsurus. Neque enim Tragedia, cum à Comœdia taxatur, dignatur eam responso. Laert. lib. 4.

*Democritus.*

Dicere solebat, prudentis esse, futuram iniuriam præcauere. Indolentiæ verò, quod factum est, non vlisci. Stobæus ser. de Prudentia.

*Heraclitus.*

Dicebat, iniuriam magis extinguendam quàm incendium. Ex leuissimis offensis, si negligantur, nascuntur atroces tragediæ. Sed ad restringendum incendium accurrunt omnes gliscenti

verò simultati citius addunt irritamē-  
ta. Laert. lib. 9.

*Socrates.*

Frequenter dicere solitus est, Peius esse iniuriam facere, quàm ferre. Sensit enim non semper malum esse qui iniuriis afficitur: sed potius hunc quibonnis iniuriam infert. Bruson. lib. 3.

*Idem.*

Nuntianti, quòd quidam de ipso malè loqueretur: Nimirum, inquit, non didicit bene loqui, linguæ morbum non malitiæ tribuens, sed inscitie, nec ad se iudicauit pertinere quid de se dicerent, qui morbo animi, non iudicio loquuntur. Laert. lib. 2.

*Idem.*

Quum in via quidam illi per lasciuiam calcem impigisset, admirantibus quòd id pateretur: Quid facerem, inquit? Illis hortantibus, ut vocaret hominem in ius: Ridiculum, inquit, si quis asinus me calce percussisset, diceretis mihi, Voca illum in ius: Nihil putabat interesse inter asinum & hominem brutum, nullaque virtute præditum: ac vehementer absurdum videri, non pati ab homine, quod ab animante bruto passurus sis. Laert. lib. 2.

*Idem.*

Cum non irasceretur illi à quo conuiciis multis aspersus esset, obiurgatus cur taceret? Mihi, inquit, suis dictis non obest, quandoquidem talis non sum, qualem ipse me esse dicit. Erasmi. lib. 3. apoph.

*Idem.*

Cum Xantippe in publico pallium marito detraxisset, ac familiares admonerent, ut tantam iniuriam manu vlisceretur: Pulchrè, inquit, nimirum ut nobis collectatibus acclameris, Eia Socrates, Eia Xantippe. Nam huiusmodi vocibus spectatores animant duos inter se commissos. Maluit autem vir sapiens tolerantiz exemplum de se præbere,

præbere, quàm ridiculum exhibere  
spectaculum viri cum vxore certantis,  
Laert. l. 2. c. 1.

*Idem.*

Quum Xantippen diu rixantem tu-  
lisset in ædibus, ac tandem fessus con-  
sedisset ante fores, illa magis irritata  
quiete viri, de fenestra perfudit eum  
lotio. Ridentibus qui præteribant, &  
ipse Socrates arridebat, dicens, Facile  
diuinabã, post tantum tonitru sequi-  
turam esse pluuiam. Laert. lib. 2.

*Idem.*

Sunt qui putent Socratem simul  
aluiffe domi duas vxores Myrrho &  
Xantippen. Proinde demiranti cui-  
dam, in quem tandem vsum aleret du-  
as mulieres, præfertim rixosas, nec eas  
domo exigeret? Hæ inquit, me domi  
docent tolerantiam: qua in publico  
vtendum est: harum moribus exerci-  
tatus, commodior ero ad aliorum cõ-  
suetudinem. Hunc percontatorem A.  
Gellius facit Alcibiadem.

*Idem.*

Alcibiadi demiranti, quòd Xantip-  
pen supra modum rixosam domi per-  
peteretur: Ego, inquit, iam pridem his  
sic assueui, vt non magis offendar,  
quàm si rote, quæ aquam educit è pu-  
teo, stridorem audiam. Nam is stridor  
molestissimus est insuetis: eundem qui  
quotidie audit, adeò molestè non fert,  
vt se audire nesciat. Laert. l. 2.

*Idem.*

E palæstra redeuntem Euthydemũ,  
casu factus obuius, duxit ad cœnam.  
Illis autem inter se multa conimen-  
tantibus, Xantippe irata surrexit mul-  
tæque in maritum dicit conuicia: qui-  
bus cum ille nihil commoueretur, tan-  
dem, & mensam subuertit. Quum au-  
tem Euthydemus valde perturbatus,  
surgensque abire cœpisset: Quid ha-  
bes? inquit Socrates, nõne nuper hoc  
idem accidit domi tuæ, vt gallina sub-

uolans, euerterit quæ erant in mensa?  
Eo tamen ob id non indignabamur.  
Laert. 2.

*Idem.*

Idem colapho percussus à quodam  
in via, nihil aliud respõdit, quàm, quòd  
homines nescirent, quando prodire  
deberent cum galea. Simile quoddam  
Laert. ascibit Diogeni, lib. 6. sed Brus.  
lib. 5. cap. 1. Socrati, quemadmodum &  
alij.

*Idem.*

Quum in Aristophanis comœdia  
acerbis conuiciis proscinderetur, &  
astantium quidam diceret, Cur hæc  
non molestè ferret? non ægrè, inquit,  
in theatro fero, cum hic personis om-  
nia liceant. Laert. lib. 2. cap. 1.

*Plato.*

Quodam ei maledicente, Perge, in-  
quit, maledicere, qui bene nunquam  
didiceris. Stob. ser. 17.

*Diogenes.*

Pinguem saliuam à quodam in facie  
quum accepisset, nihil motus ait: Affir-  
mabo, falli omnes, qui negarint se os  
habere. Stolidam illam contumeliam  
non modò æquo animo tulit Cynicus,  
sed ioco etiam irrisit. Brus. lib. 5. cap. 1.

*Idem.*

Cuidam dicenti, Multi te derident  
ò Diogenes: Et illos, inquit, fortassis  
asini. Altero subiiciente, sed illi non  
curant asinos: Nihilo magis, inquit,  
ego ipsos. Asinis irrisiõnem tribuit,  
quòd subinde nudatis dentibus irrisiõ-  
nis speciem præbeant. Quin & deri-  
dentes quempiam, mora ab aure ma-  
nu imitantur asininas auriculas. Vide-  
tur igitur & asinus motis auriculis irri-  
dere homines, nemo tamen offendit-  
tur. Laert. l. 6.

*Idem.*

Conuiciis lacessitus à quodam, de  
crimine proditionis infami, Gaudeo,  
inquit, me tibi factum inimicum:

Aaa 2 quan.

quando tu non hostes, sed amicos lædere soles. Eras. l. 8. apoph.

*Idem.*

Platoni ipsum ob vitæ sordes canem appellanti : Sanè, inquit, nam ad eos qui me vendiderant recurri. Solent enim canes si vendantur, ad veteres dominos recurrere. Non offensus est conuicio, sed commodè interpretatus est. Quum Æginam nauigaret interceptus est à piratis, atque in Cretam perductus, ibique venditus. Laert. libro 6.

*Idem.*

Cùm de ferenda iniuria disputasset, adolescens proteruus veluti periculū faciens, an re præstaret ea quæ docebat, inspuit illi in faciem. Tulit hoc leniter: Non quidem, inquit, irascor, sed dubito tamen an propter id irasci oporteat. Laert. l. 6.

*Idem.*

Ei à quo trabe fuerat percussus, dicenti, Caue: Num, inquit, iterum me ferire vis? Brus. l. 3.

*Idem.*

Cuidam ipsi dicenti, plurimi te derident: At ego, inquit, non derideor. Id autem videtur *αὐτῷ* ut aliquis te percutiat, tu tamen non percutiaris: sed Diogenes negauit se derideri, siue quòd non esset ridiculus, siue quòd existimaret hominum irrisiōnem nihil ad se pertinere. Laert. l. 6.

*Cleantes.*

Appellatus asinus agnouit conuicium, dicens, se solum esse parem ferendæ Zenonis sarcinæ. Siue quòd Zenoni non multum esset suppellectilis, siue quòd vnus illius austeritate nihil offenderetur. Laert. l. 6.

*Antisthenes.*

Qui nos maledictis incesseant, eos magis tolerandos dicebat Antisthenes, quàm qui nos lapidibus impeterent. Verba enim non lædunt, si

quis contemnat. Vide verò num fortè hic sit sensus: tolerantiores esse, qui conuicia patienter ferrent, quàm si quis lapidibus impetitus ferat. Quorundam enim dicta grauius sauciant quàm lapides. Quòd si indecorum esset graui viro lapidibus repetere à quo petitus fuerat, æquè indecorum sit in conuiciantem regerere conuicia. Laert. l. 6. c. 1.

*Idem.*

Quum accepisset, Platonem de ipso malè loqui, nihil commotus: Regium est, inquit, quum feceris bene, audire malè. Quanquam hoc idem aliis ascribitur. Excelsi animi est ingratitudine hominum non deterreri à studio bene merendi de omnib. Laert. lib. 6. cap. 1.

*Solon.*

Despuentem quendam ferebat. Quum autem alter quidam eum propterea accusaret: Atqui, inquit, piscatores vt gobium vnū capiant, patiuntur se aqua marina conspergi, ego idè ferre non sustineam, vt hominem capiam? Max. ser. 42. Idem dictum est ab Aristippo, quem Dionysius tyrannus conspuerat. Laert. l. 2.

*Idem.*

Quum à quodam conuiciis incesse- retur, tacitus abiit, verùm quum maledicus sequeretur abeuntem dicens, Cur aufugis? Ideo, ait, tibi siquidem potestas est loquendi ea quæ vis, mihi verò data est potestas ea non audienti, quæ audire nolo. Laert. l. 2.

*Anacharsis.*

Ab adolescente in conuiuio pulsatus: Adolescens, inquit, si nunc vinum non fers, aquam feres cùm senueris. Moderationis erat, & patientiæ, quòd adolescentis proteruiam vino inopu- tauit. Laert. l. 1. c. 9.

*Dion Alexandrinus.*

Multis conuitiis ac probris à quo-  
piam

pam laceffitus, non respondit. Cæterum ubi intra ædium suarum vestibulum venisset (nam eo vsque conuicator fuerat insectatus) nihil se turbatum ostendens, hoc tantum dixit: Ne gry quidem, maledictis tuis respondeo. Stob. ser. 19.

*Demofthenes.*

A quodam conuiciis laceffitus: Nolim, inquit, tecum in hoc genus certaminis descendere, in quo qui vincitur, ipso victore melior est. Stob. ser. 19.

*Aristides.*

Aristides quum iret exalarum, sublati in cælum manibus deos precatus est, sic prosperarent res Athenis, ut illis Aristides nunquam veniret in mentem. In rebus enim afflictis solet populus ad egregios viros confugere, id quod euenit Si quidem tertio post anno, quum Xerxes Atticam adoriri statuisset, Aristides ab exilio reuocatus est. Plutarchus in eius vita.

*Idem.*

Suprà de Magistratu & gubernatione Reipub.

*Herodes sophista.*

Suprà de Assuetudine.

*Phocion.*

Quum apud Athenienses verbum faceret pro concione, reprehendens in ipsis ingratitudinem, subirata voce dixisse fertur: Malle se damnum ab aliis accipere, quàm damnum etiam pro meritis inferre. Ælianus libr. 2. de Var. hist.

*Idem.*

Iniuria vxoris facta, tantum ab auctoris accusatione abfuit, ut cum ille sponte metu perculsus Phocionem accederet & veniam postularet inquit, ignorasse quòd eius vxor fuisset inquam iniurius fuerat, hoc sermone fit vsus: Mea quidem vxor nihil abs te affecta est, sed fortassis alia quæpiam:

proinde non est, cur excusationem apud me dicas. Musonius apud Stob. sermon. 17. Idem de Pisistrato refert Plutarchus.

*Idem.*

Phocioni cum poculum cicuta temperatum porrigeretur, percontatus est quispiam, si quid filio vellet dicere? nam is aderat. Ego, inquit, tibi fili precipio, atque etiam obsecro, ne quid ob huius rei memoriam Atheniensibus malè velis. Cæteris morientibus præcipuum solatium esse solet spes vindictæ: hinc illud curæ fuit, ne filius patris iniustam necem vlcisceretur. Plutarchus apophthegma Ælian. libr. 12. de Var. hist.

*Idem.*

Post Antipatri obitum, quum Atheniensium resp. ad gubernationem popularem redisset, Phocion in concione capitis damnatus est. Atque huius quidem amici cæteri, qui simul cum illo damnati fuerant, flentes ducebantur: Phocion autem tacitus ibat. Cui ex inimicis quispiam factus obuius, post conuicia in faciem expuit. Tum Phocion ad magistratus respiciens: Non hunc, inquit, compescet aliquis indecorè se gerentem? De tam atroci contumelia quæstus non est, nec flagitauit vindictam aduersus eum qui præter leges sæuere in hominem damnatum, tantum cohiberi iussit exemplum bonis moribus aduersum, & immane facinus non aliud quàm indecentes mores appellauit. Plut. in apoph.

*Idem.*

Phocionem, quum pro concione dicentem quidam petulantissimè maledicus interpellaret, multis conuiciis in illum debacchans, omisit quòd cœperat, locumque dedit maledico. Postquam ille vix dicendi fecisset finem, Phocion reuersus in suggestum,



placido vultu, perinde quasi nihil esset dictum, cœptam orationem persequutus est. De pedestribus, inquit, copiis audistis: superest vt de velitibus ac levis armaturæ milite dicam. Plut.

*Timotheus.*

Dicebatur dux fortunatus. Huic invidentes nonnulli, pinxerant ciuitates vltro se reti implicare, ipso dormiente. Hac contumelia nihil offensus Timotheus, ciuilitate respondit: Si tantas vrbes capio dormiens, quid faciam vigilans? Plutarchus in apophthegmar.

*Telecrus.*

Ad fratrem ciues criminantem, quod asperius secum quam cum illo se gereret: Tu, inquit, iniurias pati nescis? Plut. in apoph.

*Agésilæus.*

Audiens, quosdam clam sibi infensos esse, non tantum de vltione cogitauit, sed in militum duces elegit, & magistratus accusatos defendit, & hac arte ex hostibus sibi amicissimos reddidit. Qua prudentia quid vtilius, quam mederi maleuolis maluit, quam vlcisci. Plut. in Lacon. apoph.

*Idem.*

Ad Larissæos, qui non iuuerant res hostium, Xenoclem & Scythen legatos misit, vt amicitiam inirent. Verum hos quum Larissæi contumeliosè tractassent, alij hoc factum grauius tulerunt, & admonuerunt Agésilæum, vt hoc factum contra ius gentium admissum, admoto exercitu vlcisceretur. At ille negabat, se vel vniuersam Thessaliæ hac cōditione velle capere, vt ex his quos miserat, alterius faceret iacturam: amissurus verumque, si illos bello lacerasset. Ibidem.

*Agis vltimus.*

Cum captus ab Ephoris condemnaretur, ac iam duceretur ad mortis supplicium, vidit quendam rei indig-

nitatem ad fletum moueri. Cui ait: Desine meas vices flere. Morior enim præter ius & equum, sumq; multo melior his qui me occidunt. Ibid.

*Cleomenes.*

Suprà de Malitia.

*Lysander.*

Quum multis contumeliis à quodam assidue afficeretur: Dic, inquit, ô amiculè, dic dic, nihil omittas, si quæ tuum animum malis quibus videris plenus, valeas exonerare. Ingentis animi argumentum, ne ira quidem dignum arbitrari maledicum, quum in promptu esset vltio. Plut. in Lac. apoph.

*Lycurgus.*

Post reformatam Rempubl. cum à populo ferè dilapidatus esset, in eadem seditione Alcander pertinacius insequens, fuste respicienti Lycurgo intergum, extrudit oculum. Verum hunc Alcandrum cum noxæ deditum publico decreto accepisset puniendum, nec vllò affecit incommodo, nec incusauit: sed cum illum sui instituti socium haberet effecit, vt & ipsum Lycurgum, & vitæ rationem quam cum egerat, prædicaret: nec victum modò, sed vniuersam ciuium educationem amaret, quam Lycurgus induxerat. Porro mali quod acciderat monumentum locauit dicatum in templo Mineræ, cui ab æreo delubro nomen Chalciæco, deæq; cognomentum addidit, vt Optiletis diceretur: nam Diores Lacedæmonem incolentes, oculos optilos vocant, ab *ὀπίλος*, quod Græcis sonat video. Insignis tollerantiæ exemplum, quæ ex hoste capitali reddidit amicum ac propugnatorem: quem etiam si negasset, vt ipsi licuit, nihilo tamen minus ipse fuisset luscus, & vno legum suarum defensore minus habuisset. Plut. in Lac. Stob. serm. 17.

*Anonymus.*

Duo pueri inter se pugnabant, quorum

rūm vñus alteri lethale vulnus infixit. Puerorum autem sodales, cū fauci-  
us ille moriturus esset, polliciti sunt il-  
li vindictam, sicq; vulneris authorem  
interfecturos. At ille: Nequaquam,  
inquit, per deos. Non enim æquum  
est: quandoquidem & ipse hoc factu-  
ruseram, si anteuertissem, sique stre-  
nuus fuisset. Indolem verè Laconi-  
cam, qui victus ac moriens, iusto ta-  
men victori faucebat: quod virtute, non  
dolo superasset aduersarium. Quid ta-  
libus ingeniis felicius si à teneris ad  
veram virtutem fuissent instituta, po-  
tius quàm ad militarem duritiem? *Plut. in Lacon.*

*Alius.*

Quidam Laconi dixit, Mentiris: il-  
le contrà, Nimirum, inquit, liberi si-  
mus, alij verò nisi vera dixerint vapu-  
lant. Nihil commotus est Lacedæmo-  
nius, sed atrox conuicium elusit ioco,  
obiter taxans maledicum, quod ipse  
non esset Lacedæmonius, atque ob id  
nec liber. Porro seruis quid fallant  
mendacio, loris emendantur. *Ibid.*

*Lacones.*

Lacones cū Deos comprecantur,  
hoc votis addunt, Vt possint iniuriam  
pati: quod neminem iudicarent ad-  
gerendum imperium, aut alioqui ma-  
gnas res obeundas idoneum, qui qua-  
uis iniuria commoueretur. *Plut. in La-  
con. apoph.*

*Ephori.*

Suprà, de Clementia.

*Archelaus.*

Quum à quodam aqua conpersus  
esset, amicis illum aduersum eum qui  
hoc fecerat inflammantibus: Imò, in-  
quit, non me conpersit, sed eum quem  
esse putauit. Quid hac moderatione  
ciuilius? Hoc exemplo, facile decet iis  
ignoscere, qui licet in præpotentem,  
tamen imprudentes delinquant. *Plut.*  
*in apoph.*

*Démonax.*

Quum athletam reprehédisset, quod  
victor in Olympiis cultu molli vtcre-  
tur, lapidē illi iracundus incussit in ca-  
put, ita vt sanguis ex vulnere proflue-  
ret. Id factum indignè ferentes: qui a-  
derant, hortati sunt, vt adiret procon-  
sulem: Nequaquam, inquit, ò viri, ad  
proconsulem, sed ad medicum potius.  
Prius esse debet homini, vt malo ac-  
cepto medeatur, quàm vt regetur in  
alterum. *Eras. Rot. lib. 8. apoph.*

*Pausanias.*

Quum Atheniensium exules hor-  
tarentur Pausaniam, vt aduersus A-  
thenienses moueret exercitum; dice-  
rētque, quod quum in Olympiis præ-  
conis voce pronuntiaretur victor, soli  
Athenienses ipsum exhibilassent: Cum  
hoc, inquit, fecerint in bene meritum,  
quid facturos creditis, si illis malè fe-  
cero? Insigne moderationis exem-  
plum, nihil tam atroci commoueri  
contumelia. at idem ingenij mirè so-  
lertis argumentum, quod efferebatur,  
velut instigaturum Pausaniæ animum  
ad suscipiendum bellum, id in partem  
diuersam retorquere. *Plut. in Lacon.*  
Item supra tit. de Malitia attribuitur  
Philippo regi Maced.

*Thrasibulus.*

Quum populum Atheniensium à  
triginta tyrannis pulsum restituisset,  
plebiscitum tulit, ne præteritarum re-  
rum fieret mentio: legemque æquitas,  
id est obliuionis inuexit. *Plut.*

*Agathocles.*

Obsidens urbem quandam, nonnul-  
lis è muro conuicia in ipsum iaculan-  
tibus, dicentibusque: Figule, vnde mi-  
litibus tuis persolues stipendium? Ille  
placidus ac ridens respondit, Quum  
hanc cepero. At eū vrbe vi potitus es-  
set, vèderētq; captiuos: Si me, inquit,  
denuo cōuiciis affeceris, apud heros  
vestros querar de vobis. Ciuilitèr illis

Aaa 4

exprobrans

exprobrans & intempestiuam maledicentiam, & seruitutem maledicentiae primum. Plut. in apoph.

*Epaminondas.*

Ciuium suorum iniurias patientissime ferebat, dicens, esse nefas irasci patriae: quemadmodum parentum iniurias vlcisci pietas vetat. Eras. lib. 5. apoph.

*Philippus.*

Suprà, de Malitia.

*Alexander.*

Cum accepisset esse quendam qui conuiciis ipsum impeteret: Regium est, inquit, quum facias bene, audire malè. Nihil hoc dicto generosius, quam idem & aliis ascribitur. Plut.

*Iuba.*

Suprà de Iocose dictis.

*Antigonus.*

Nocte quadam milites imprecares regi audiens, nil dixit aliud postquam incognitus eos ex lutoſa via extricasset, quam: Nunc conuiciis aspergite Antigonum, cuius vitio nunc laborabatis: & benedicite eidem, qui ex his vos ærumnis liberauit. Eras. lib. 4. apoph.

*Idem.*

Cum in exiguo quodam castello Græci obsiderentur, & loci fiducia freti contemnerent regem, ob corporis deformitatem, ac nunc staturam humilem, nunc collisum nasum deridentes: Gaudeo, inquit, & boni quidpiam spero, quandoquidem & Silenū habeo in castris. Quasi diceret, sensuros eos esse suo tempore virum quem nunc immerito derident. Eras. lib. 4. apoph. Vide prouerb. Silenus Alcibiadi.

*Sylla.*

Suprà, de Patientia iniuriarum.

*M. Cato.*

A quodam in balneo percussus, oburgatus ab amico, cur hoc pateretur? ait: Non memini me percussum esse.

Sensit, eam iniuriam æquo animo ferendam esse, cuius dolorem non dissensit. Plut.

*Idem.*

Quum Catoni causam in foro agenti, Lentulus attracta pingui salua in mediam frontem quantum poterat expuisset, absterſit Cato faciem, ac dixit: Affirmabo omnibus Lentule, falli eos qui te negent os habere. Os habere negantur, quos nihil pudet: id quum eo facto maximè declarasset Lentulus, tamen Cato ludens profitebatur illi esse os: non quòd erubesceret, sed quod ore multam purulentiam eiacularetur. Eras. lib. 5. apoph. Idem suprà Diogeni tributum est à Brus.

*M. Bubulius.*

Suprà, de Clementia.

*Augustus Caesar.*

Suprà, de Clementia.

*Tiberius Cæs.*

In senatu dictis quorundam hominum parum honestis aspersus, admonitus ut maledicos puniret: Non tantum, inquit, habemus orij, ut implicare nos pluribus negotiis debeamus. Si hanc fenestram aperueritis, nihil aliud agi sinetis. Eras. lib. 6. apoph.

*Idem.*

Quum iocis, conuiciis, famosis carminibus ac rumoribus frequenter impeteretur, amicis ad ultionem hortantibus respondit: In ciuitate libera, linguam, mentemque liberam esse debere. Ibidem.

*Cassius Senerus.*

Suprà, de Patientia iniuriarum.

*Theodosius.*

Ab amicis interrogatus, cur neminem eorum à quibus afficeretur iniuria, capitis supplicio damanaret? Vtinam (inquit) mihi daretur, & mortuos ad vitam reuocare. Docuit hoc dicto sapientissimus princeps, ad priuatas iniurias hominem debere esse facilem

facilem ad ignoscendum. Erasmi, lib. 8.  
apoph. ex hist. Eccles.

*Otho Imper.*

Suprà, de Morientium monitis & doctrinis.

*Fridericus Imp.*

In Fridericum Cæsarem tertium, cum nonnulli dicta probrosa iactassent, referentibus aulicis: An nescitis, inquit Fridericus, principes quasi signum ad sagittam expositos esse? Turres quidem fulgura præaltas feriunt, humilia tecta prætereunt. At nobiscum bene agitur, si verbis tantum impetimur. Innuens cum qui conuitia, velut dicta quibus nihil leuius, formidat, vix toleraturum popularium impetum. Æneas Syluius lib. I. Commen. de rebus gestis Alphonfi.

*Alphonfus.*

Nonnullos de se bene meritos, sed ipsum probris clam solitos lacerare, cum audisset: Regum est, inquit, non solum benefacere, sed mala etiam patienter audire. Legerat nimirum rex prudentissimus, Lacones deos comprecatos, ut possent iniuriam pati: quod neminem iudicarent idoneum ad gerendum imperium, qui quavis iniuria commoueretur. Panorm. lib. I. de rebus gestis Alphonfi.

*Idem.*

Audiens à suis, quantum maledictis profcinderetur ab inimicis suis, respondit: In huiusmodi iniuriis non quid dicatur, sed à quo dicatur, in primis animaduertendum esse. Idem lib. 3. de rebus gestis Alphon.

*Idem.*

Intellexit se multis maledictis à quodam apud exteros traductum esse, qui tamen mox accessit imploraturus eius auxilium. Nec tamen indecore se gessit: immò parum hoc referre dixit, se enim benefactorum potius, quam vanè dictorum memorem esse. Pa-

normitanus libro I. de rebus gestis Alphonfi.

*Ludovicus XII. Gall. rex.*

\* Lugduni, viuentem Carolo octauo rege, deprehensus à quibusdam aulicis, multis verborum contumeliis vexatus est. Carolo mortuo, propter Ludouici ad regnum receptionem turbati aufugerunt: sed ille absentes sua sponte reuocauit, pristinaque restituit dignitati, dicens, Priuati personam exui: Rex constitutus hæc maledicta non curo neque, vlcisci decreui. Annal. Franc.

## De vnguentis.

*Socrates.*

**A**iebat, vnguenta relinquenda feminis, in iuuenibus nullum vnguentum melius olere, quam oleum, quo inter exercendum utebantur. Nam amaracino, aut foliato, protinus idem olent seruus & ingenuus. Rogatus quid senes olere deceat? Probitatem, inquit. Rogatus, vbi hoc vnguentum venderetur? recitauit Theognidis carmen,

ἰδιώτης ῥῆσθ' ἀπ' ἰδιώτῃ διδωλῆναι.

id est,

*Qui bonus est, ab eo bona discito.*

Huius generis quædam congerit Xenophon in conuiuio. Erasmus libr. 3. apophtheg.

*Idem.*

Cum taxaret vnguentis delibutos, Phædon interrogatus, quisnam adeò vnguentis delibutus esset? Cui respondit Aristippus: Ego, ait, infelix: sed me multo infelicior Persarum rex. At tu vide, inquit, ut quemadmodum hac parte nullo cæterorum animalium est superior, ita nec hominum vllò sit præstantior. Quo dicto sensit, vnguentis & odoribus hominem nihilo fieri meliorem: cum & equus balsamo oblitus, idem



idem oleret quod rex : & mendicus vnguento simili delibutus, non minus bene olet quàm summus pontifex. Laertius lib. 2.

*Anacharsis.*

Oleum dicebat esse venenum, insaniam gignens, eo quoddam athletas videret vnctos in se inuicem insanire. Nec olei vsum, vt arbitror, nouerant Scythæ : vt quod nec apud illos proueniret, nec aliunde importaretur. Athletæ non pugnant nisi vncti : putant enim corpus fieri robustius, at Scythia simulabat se credere illis oleum esse causam insaniz. Laert. lib. 1. cap. 9.

*Diogenes.*

Nactus vnguentum, eo pedes inunxit, præter morem publicum. Id demianubus, dixit : Quoniam vnguentum capiti infusum exhalatur in aerem, à pedibus autem ascendit ad nares. Similiter alius reprehendit publicam consuetudinem qua coronas capiti imponunt : cum magis conueniat infra nares ponere, quoddam fragrantiz vapor non tam descendat quàm ascendat. Laert. lib. 6.

*Idem.*

Cuidam habenti capillos vnguento delibutos : Caue, inquit, ne capitis suaveolentia, vitæ maleolentiam adducat. nam Græcarum vocum iucundam affinitatem vtrunque reddere studimus, *ῥωδίας & ῥωδίας*. Vnguentum enim in viro arguit vitæ mollietatem : Fama porro velut odor est hominis. Simile quiddam dixit Martialis : Ne uole, non bene olet, qui bene semper olet. Laert. lib. 6. & Stobæus.

*Idem.*

Aiebat, faciles esse deos ad donandam hominibus vitam : cæterum hanc ignorari ab his qui querunt vnguenta. Laert. lib. 6.

*Lycourus.*

Vnguenta reiecit e Republica, tan-

quam olei corruptelam ac perniciem. Nam oleum ( inquit ) odoribus vitiatum, nullum habet vsum, nec ad esum, nec ad membrorum vnctionem : atque dum rem necessariam ad delicias corrumpunt, sit vt minor sit copia. Plutar. in Lacon apoph.

*Fl. Vespasianus.*

Ei cum adolescens quidam gratias ageret pro impetrata præfectura, quoniam vnguento fragrabat, & nutu contemptus est, & grauiter increpitus : Mallem, inquit Vespasianus, alium oboluisse. Mox & literas concessas reuocauit. Sueton. in eius vita.

*Vide apoph. de Fuco, & mendacio.*

## De voce atque clamore.

*Zeno Cistiæus.*

Formam dicebat esse vocis florem : aut contrà, quemadmodum ab aliis refertur, vocem esse formæ florem. Nam oratio composita gratiam addit formæ, Laert. lib. 7.

*Idem.*

Dicebat, eos qui disserunt, similes esse oportere tragædiatum actoribus : quibus vox magna, bonaque latera debent esse, cum os immodicè non diducant, quod faciunt ij, qui plurima loquuntur, sed supra vires. Dum enim os diducunt, declarant se satagere vetius quàm agere. Ibid.

*Anonymus.*

Carneades fertur admodum fuisse vocalis. Itaque quodam tempore gymnasiarcha, id est, scholæ princeps, misit qui diceret, ne tantopere clamaret : cui respondit : Da mihi vocis modum. Ad quod rursus eleganter princeps : Modum habes, nempe auditores. Siquidem pro numero auditorum temperanda vox est. Laert. lib. 4. cap. 9.

*Demosthenes.*

Audiens oratorem quendam immodicè

modicè vociferantem, Non, inquit, quod magnum est, bene est: sed quod bene est, magnū est. Hoc & aliis ascribitur, Erasmi lib. 4. apoph.

*Idem.*

Quodam tempore vox Demosthenis inter concionandum defecit, ob multitudinis fremitum. Id obiiicientibus, ita respondit: Histrones è voce iudicare par est, oratorem è mente. Græca iucundius sonant *ἡ φωνὴ τοῦ ὁμήρου ἐν τῇ ποίει, τὰ δὲ ἱστορεῖ ἐν τῇ γρηγορίᾳ*. Histrio seruit populo, orator consulit: ille delectat, hic prodest. Ad bene consulendum non refert quàm sit vocalis, sed quàm opportuna suadeas. Actori voce opus est, quæ vincat multitudinis fragorem: orator talis esse debet, vt populus ipsum vltro ræcitatus & attentus auscultet. Erasmi lib. 8. apoph.

*Isocrates.*

Inter familiares dicere solitus est, se quidem docere decem minis, cæterum qui ipsum docuisset audaciam & vocalitatem, mercedis loco accepturum decem millia. Nam vocis exilitas & animi timiditas reddebant Isocratè ad dicendum inutilem. Hæc autem quoniam naturæ sunt, non artis, à præceptoribus dari non possunt. Ibid.

*M. Cato.*

Quando docebat iuvenes intrepidè pugnare, sæpenumero dicebat, verba plus quàm gladium, & voces plus quàm manum, hostes in fugam vertere, attonitosque reddere. Nolebat militem in prælio mutum esse: sed atrocibus dictis, clamore, vultusque truculentia terrere hostem. Plutar. in Rom. apoph.

*Cicero.*

Oratores, qui inter dicendum vociferarentur, dicebat claudis esse similes, qui sic ad clamorè, vt illi ad equos confugerent. Hoc genus homines &

hodie videre est, qui cum sentiunt se causa inferiores, ad furiosa iurgia confugiunt: vt quoniam rationibus persuadere non possunt, improbitate mentisque extorqueant. Ibid.

*Idem.*

Cum M. Cælius, qui credebatur à parentibus non liberis natus, epistolam apud senatum clara firmaque voce recitasset. Ne miremini, inquit Cicero, nam hic vnus ex his est qui proclamauerunt. significans, illum fuisse præconem, & hoc vsu contigisse vt esset vocalis. Solent autem serui venales voce præconis commendari. Erasmi lib. 4. apoph.

## De voracitate.

*Zeno Cissius.*

Um in quodam conuiuio vidisset hominem immoderatus obsonia vorantem, ipse piscem ingentem continuò è patina sustulit, quasi solus deuoraturus. Alter intuens Zenonem, eius admirabatur impudentiam. At quid, inquit, putas conuictoribus tuis accidere quotidie, si meam opsophagiam ferre non potes? Laerti. lib. 7.

*Diogenes.*

Vulgo canis dicebatur. Sunt autem canum multa genera, sunt enim venatorii, sunt aucupatorii, sunt custodes ouium & ædium, sunt qui habentur in deliciis. Ergo percontanti qualis ipse canis esset, lepidè respondit, Esuriens, Melitæus; satur, Molossius, quòd cibi appetens, blandiretur: saturatus, morderet. Laerti. lib. 6.

*Corydus.*

Cum Chærephon nudus in conuiuio ostenderetur. O Chærephon, inquit, nunc te veluti lecythos intueor, quousque plenus sis. In lecythis vitreis apparet, quousque plenæ sunt, si eximantur è thecis. Ita in cute illius apparebat

apparerebat expletio totius corporis.  
Eras.lib.6.

## Devotis.

*Diagoras.*

**C**Um in Samothraciam venisset, atque ei amicus quidam dixisset, Tu qui deos putas humana negligere, nonne animaduertis ex tot tabellis pictis, quàm multi votis vim tempestatis effugerint, in portumque salui peruenirent? Ita fit, inquit. Illi enim nusquam picti sunt, qui naufragium fecerunt, & in mari perierunt. Bruson. lib.7. cap.15. Risit ethnicam superstitionem: quid enim possunt idola & res ludicræ ac nihili?

*Diogenes.*

Eos summo pere reprehendebat, qui, si quid secus euenisset, fortunam incusarent: id quod vulgus hominum solet, dicens ipsos homines potius incusandos, qui postularent à fortuna, non quæ verè bona essent, sed quæ ipsis bonâ viderentur. Nam si permitterent diis, quæ ipsi iudicant optima dare, darent, nunc acceptis his quæ flagitarunt, impudèter incusant deos. Laert.lib.6.

*Anonymus.*

Lacon quum voto se obstrinxisset, quòd se de Leucate petra præcipitem daret, conscendit montem, & conspectu altitudine sese auertit. Id cum illi probri gratia obiceretur: Non putaram, inquit, illi voto maiore voto opus esse. Ioco elusit inconstantiam formidinisque crimen. Etenim qui facinus arduum concipit animo, prius è diis optare debet animum facinori parem. Plur.in Lacon.

*Augustus Caesar.*

Cum Caium ex filia nepotem in Armeniam mitteret, optabat à diis, ut

illum Pompeij beneuolentia, audacia Alexandri, ipsius autem fortuna comitaretur. Quod in singulis erat præcipuum, id optabat vni contingere, Illud autem singularis cuiusdam erat modestiæ, quod vir ingenio, doctrina, consilioque præstans, sua præclara gesta fortunæ adscribebat. Plutarchus in apoph.

## De vrbantate.

*L.Crassus.*

**M.** Brutus, cum in accusatione C. Planci duos lectores excitasset, & alteri de colonia Narbonensi L. Crassi, qui reo Bruti aderat: orationem legendam dedisset: alteri, de lege Seruilia, ex his demonstrans, illum sibi pugnancia scribere: Crassus vicissim tres Bruti patris de iure ciuili libros tribus legendos dedit, in quorum primo erat. Fortè euenit, ut in Priuernate essemus, hic Crassus: Audis Brute, pater testificatur se tibi fundum Priuernatem reliquisse. In secundo libro scriptum erat, In Albano eramus ego & Marcus filius. hic rursus Crassus: Notat hunc gurgitem, metuebat ne cum is nihil haberet, nihil effecti relictum putaretur. Tum ex tertio recitatum est, Cum in Triburzi assedi- mus ego & Marcus filius: tum Crassus, Vbi sunt hi fundi Brute, quos tibi pater publicis commentariis consignatos reliquit? Quod nisi puberem te iam haberet, quantum librum composuisset, & se etiam in balneis locum cum filio scriptum reliquisset. Ita Crassus duos lectores aduersum se à Bruto excitatos tribus aduersus ipsum produxis vltus est. Hoc vrbantatis exemplum refert M. Tullius, quod non astringitur paucis verbis, sed per orationem fufum est. Eras.lib.6. apoph.

De

## De urbium munitionibus.

*Lycurgus.*

**P**ercontantibus cur prohibuisset urbem cingi muris? Quoniam, inquit, non caret mœnibus ciuitas, quæ non lateribus, sed viris cincta est. Indicauit id genus munimenta magis arguere ciuium ignauiam quam fortitudinem. Plut.

*Agis Archidami F.*

Cum præteriret Corinthiorum mœnia, conspiceretque excelsas munitaque esse, & in longum porrecta spatium. Quæ sunt (inquit) mulieres, hunc locum inhabitantes? Innuens, fortibus viris non esse opus mœnibus. Plut. in Lac. apoph.

*Agésilas.*

Quum quidam interrogasset, cur Sparta mœnibus non cingeretur? Cuius armis instructos & vnanimes ostendit, & ait: Hi, hi sunt urbis mœnia. Significans, eam demum ciuitatem munitam esse, in qua infracti, & bene armati milites essent. Plut. in Lac.

*Idem.*

Suprà de Concordia.

*Analcidas.*

Suprà, de Patria fortiter propugnanda.

*Theopompus.*

Cuidam ostendenti ciuitatis suæ mœnia, ac percontanti: num valida & alta viderentur? Minimè, inquit, siquidè sunt mulierum. Sentiens, ciuitatem satis munitam esse, si viros habeat: sin minus, nihil prodesse quamlibet operosa munimenta. Plut. in Lac.

*Pamphoidas.*

Legatus missus in Asiam, ostendentibus ipsi murum probe munitum: Per deos (inquit) ô hospes, bellum cœclauit mulierum. Plut. in Lac.

*Isæus sophista.*

Cum olim Lacedæmonij inirent cœsilium de ciuitate mœnibus cingenda, Isæus sophista, aliis consultantibus Homeri hæc recitauit verba:

*Scutum hæsit sinuo, galea gleæ, asque viro vir.*

Et adiecit: Sic mihi stare Lacedæmonij, & muris cincti sumus. Phil. in Sophistis.

*Alexander.*

Quum audisset de rupe quadam apud Indos, quæ ob sublimitatem, velut auius inaccessa, *ἄσπος* dicebatur: quod ipse quidè locus expugnatus difficilis esset, sed qui eum teneret, formidolosus. Nunc inquit, locus captus facilis est. Significans, nihil prodesse munimenta, nisi vir fortis ea tueatur. Arx enim nō tam fossis ac muris tuta est, quàm viris. Plut. in apoph.

*Scipio iunior.*

Cuidam vallum gestanti, qui se dicebat onere vehementer premi: Nihil mirum, inquit, quando isti ligno magis quàm gladio fidis. Significans, ideo vallum plus habere ponderis, quia plus apud illum valeret. Quod si gladiis fiderent milites, nihil esse opus vallis. Plut. in apoph.

## De usura & scœnore.

*Thales.*

**A**sfiduè in ore habuisse fertur: Noli aditari nequiter. Quo admonuit, ut à turpi lucro vbique abstinemus, ne grauetur proximus. Laert. libro 1. capite 1.

*Anacharsis.*

Aiebat, forum esse locum mutuis hominum fraudibus ac rapinis destinatum. Notans mores vendentium scœnatorum, qui per fas nefasque plebem expilant, nummisque exhauriunt. Laert. l. 1. cap. 9.

*Ani-*



*Antiphanes.*

Dicere solebat: Vsuram, quæ stumq; illicitum, breues habere delicias, longam autem calamitatem. Stob.

*Agefilaus.*

Quum Agidi persuassissent, vt debitorum fœneratorumq; nomina, tabulæque vnâ comburentur, apportatæ sunt in forum Clarium, ac coaceruatæ, supposito igni, dum concremarentur: abeuntibus ergo fœnerantibus ac diuitibus cum tristitia, Agefilaus illorum calamitates irridens: Nunquam se ignem puriorem vidisse iactabat. Plut. in Lacon. apoph.

*Mufonius.*

Rutilius quum aliquando Romæ adisset Mufonium, rogauit: Dic mihi Mufoni, Iupiter Seruator, quæ tu imitaris, num fœneratur? Notans illius inopiam, qui cogere interdu accipere mutuum. Ad hoc arridens Mufonius: At ne fœnerant quidem Rutili. Turpius est ad fœnus dare quàm accipere. At Rutilius, cum ipse faceret quod grauius est, obiecit illi quod erat leuius. Eras. lib. 6. apoph.

*M. Cato.*

Ex Catone Censorio quum quispiam percontraretur, quid in re domestica maximè expediret? respondit: Bene pascere, bene vestire, & bene agrum colere. & illi qui quæsierat: Quid fœnerari? Cato, Quid, hominem (inquit) occidere? Non minus igitur fœneratorem peccare censuit quàm homicidam. Cic. lib. 2. Offic.

*Alphonfus.*

Fœneratores, vt pote labores mortaliū depascentes, harpyas vocare solitus erat. Quæmadmodum enim Vergilianæ illæ Harpyiæ raptu viuebant, sic hodie fœneratores ex pauperū laboribus magnas per nefas opes reponunt sibi & suis. Panormitanus libro quarto.

*Idem.*

Iustitiæ & æquitatis amator ardentissimus, audiens illicito lucro hominibus insidias à fœneratoribus strui: Fœnus nil aliud sibi quàm animæ funus videri dixit. Damnauit autem vniuersam fœnerandi rationem, quæ plane est contra naturæ regulam, cum ex nihilo nihil gignatur. Idem libro 3. de Alphonfi reb. gest.

*Bernard. Senensis.*

Fœnus ita demum sine peccato exerceri posse affirmavit, si pecunia iis crederetur, qui nec capitalem summam reddere possent. Æn. Syl. de dictis Sygismundi & Friderici imp. & lib. 3. de dictis Alphon.

## De vtilitate.

*Antisthines.*

Hostes semper obseruandos esse dicebat, ideo quod hi primi omnium sentiant, si quid delinquas. igitur plurimum vtilitatis ex his capere possumus, cum errores nostros castigari cognoscimus, vt cognita corrigamus deinceps. Laert. lib. 6. cap. 1.

*Anacharsis.*

Forum esse locum mutuis hominum fraudibus ac rapinis destinatum. notans mores vendentium, per fas nefasque lucra venantium. Laert. lib. 1. cap. 9.

*Xenophon.*

Suprà de Hostibus & inimicis.

*Lyfander.*

Cum egregius simulandi artifex euasisset, ac pleraque quæ crudeliter & auarè gerebat, callidis fucis ornaret, iustum non alia re quàm vtilitate, & honestum commodo metiens, fatebatur quidem veritatem mendacio præstantiorem esse, sed vtriusque dignitatem ac pretium vtilitate æstimandū. Inuertit vir improbus philosophorum dogma,

dogma, qui quod honestum est, idem volunt utile esse: hic quicquid esset utile, idem ducebat honestum. Plut.

*Antalcidas.*

Suprà, de Comitatu.

*Cato Vicensis.*

Cùm Romam venisset, reuocatus est ab exercitu: non quidem ut ipsi gratificarentur, sed quod per illum citò Carthaginem se capturos crederet. Plut. in Rom. apoph.

## De vulgi natura, moribus & iudicio.

*Stilpo.*

**C**Rateti percontanti, num dii orationibus & precibus delectarentur? Isti huc, inquit, ô stultè, ne percontaris in via, sed solùm interroga. Subindicans, aut nullos esse deos, aut eos sollicitari de rebus humanis. Sed non expedire tales voces apud multitudinem efferri, cui necessarium esset decorum metu contineri. Huic similitimum est quod tribuitur Dioni, qui eam questionem proponenti, versu Homérico, ni fallor, respondit:

οὐκ ἐπὶ ἱμῶν σκαδίσσεις ἔχλον ταλαεταίρου  
αἰρίβη

Non abiges miserande senex turbam  
procul à me. Laert. l. 2. c. 12.

*Anacharsis.*

Mirabatur, quì conueniret, ut artifices apud Græcos certarent, sed de his iudicaret artis expertes. Sentiens, de artifice neminem rectè iudicare, nisi artificem. In theatro certabant histriones, mimi, cantores & sophistæ, recitabant poetæ: quorum artes cùm populus nesciret, tamen aliis applaudebant, alios explodebant. Idem lib. 1. cap. 9.

*Antisthenes.*

Omnia mala pro peregrinis habent.

da esse putauit. Sed vulgus hominum ea tantùm probat, quibus assueuit: ab exoticis abhorret: non quidem hanc ob causam, quòd per se mala sint, sed quia peregrina. Erasmi lib. 7. apoph. ex Diogenis. Laert. lib. 6.

*Diogenes.*

Suprà, de Laude propter utilitatem.

*Idem.*

Quodam die theatrum ingressus, ipse aduersus populum nitens ingrediebatur. Interrogatus autem, quam ob rem id faceret? Hoc, inquit in omni vita facere studeo. Sentiens, hoc sapientis esse viri, in omnibus actionibus à multitudine dissidere: propterea quòd vulgus hominum cupiditatibus agitur, non ratione. Laert. l. 6.

*Chrysippus.*

Cuidam reprehendenti, quòd non apud Aristonem cum pluribus daret operam philosophiæ: Nunquam, inquit, philosophari, si cum pluribus auscultarè. Dictum lepidius est apud Græcos, quòd πολλοὶ interdum sonat multi, interdum vulgus hominum. Sensit, non statim esse optima, quæ placent compluribus. Laertius lib. 7. cap. 2.

*Demades.*

Cùm esset quæstor, populo Atheniensi persuaso ut iis qui ab Alexandro descuerant triremes auxiliares mitterent, iubentique ut illicò pecunias depromeret: Paratæ sunt, inquit, pecuniæ, ô viri Athenienses, quas in congios deposueram, ut singuli minz dimidiis acciperetis: Verùm si has mauultis in hunc vsum erogari, per me quidem, ut vobis quidem lubet, utamini, licet. Hoc sermone fregit impetum populi, nolentis illa distributione spoliari. Sic interdum, ut indomitę bellę, arte ad meliora concilia auocandus est populus. Erasmi lib. 6. apoph.

*Alci.*

*Alcibiades.*

Habebat canem quendam insigni pulchritudine, emptum drachmarum septem millibus, huic amputauit caudam, ac per urbem obambulare passus est. Demirantibus cur id faceret: Vt hoc, inquit, de me loquantur Athenienses, nec alterius rei sint curiosi. Notat ingenium populi, qui de claris viris libenter loquitur malè. Illi morbo suppeditauit materiam leuiorem. Plut. in Græc. apoph.

*Phocion.*

Populum Atheniensem in concione quum liberius reprehenderet, eique Demades diceret: Laniabit te Phocion plebs, si paululum insanierit: Quin, inquit ille, te potius, si paululum reuenerit. Brus. lib. 7. cap. 17. ex Plut.

*Idem.*

Quum Atheniensibus proditum esset oraculum, in ea ciuitate vnum esse virum qui cunctorum sententiis aduersaretur, ac populus vociferans iuberet illum inquiri, vt occideret: Phocion in medium processit: Ego, inquit, sum ille, quem designat oraculum. Mihi enim ea omnia displicent, quæ vulgus agit & dicit. Quo dicto ostendere voluit, inconditam multitudinem quoniam affectibus agitur, nihil sani nec agere nec loqui. Plut. in apoph.

*Idem.*

Orationem habens apud Atheniensem populum, placebat omnibus, cumque videret ab omnibus pariter sermonem approbari, conuersus ad amicum: Quid (inquit) num mali quippiam dixi imprudens? Adeo persuasum habebat, nihil placere vulgo, quod à recto iudicio proficisceretur. Plut. in apoph.

*Aristides.*

Supra de Probitate damnata.

*Themistocles.*

Themistoclem Cum Athenienses

contumelia afficerent, in quos multa contulerat beneficia, aiebat se simile esse platanis, sub quarum vmbra accurrunt homines afflicti tempestate & easdem simul vt abiit tempestas velunt. Sensit vir prudentissimus, vulgi mores esse, vt belli periculis implerent opem fortium virorum, in pace verò contemnant. Plutarch. in Græc. apoph.

*Hippomachus.*

Quum discipulus suus aberraret arte inter fistulandum, & nihilominus plausum auditorum assequeretur, percussit eum baculo, dicens: Perperam fistula cecinisti, nam alioquin hi tibi non applaudent. Ælian. lib. 4. de Var. histor.

*Polycletus.*

Eodem tempore duo simulachra fecit: alterum quidem ad vulgi arbitrium, alterum iuxta artis regulas. Gratificaturus autem plebi, ad singulorum accessum transposuit, & commutauit aliquid, morem gerens vniuscuiusque voluntati. Mox proposuit vtrumque: & alterum omnes admirationi, alterum ludibrio ac risui habuerunt. Respondens igitur Polycletus: At hoc, inquit, quod vituperatis & reprehenditis, à vestra arte profectum est: quod verò suspicitis, ego mea facultate sum fabricatus. Ælianus libro 16. de Var. histor.

*Dionysius.*

Supra de inuidia, quæ plerumque felicitatis & virtutis comes est.

*Appianus Claudius.*

Quum in censura haberet competitorum Scipionem, Pauli Æmiliij filium, populari auræ studentem, magna voce: O Paule, inquit, Æmyli, nonne etiam apud inferos indignaris, quod filium tuum Mallius tonfor & Licinius declamator ad censuram producant? Plut.

*M. Cato.*

Populum Romanum gregi pecudū conferre solebat: quæ singula nemini obtemperant, vniuersæ autem gregis ducem sequuntur. Sic & vos, inquit, quos nemo vestrum prius in consilium adhibere veller, ab his hie congregati, vos agi ductq; finitis. Notans populum, quod deterimis committeret magistratus. Eras.lib. 5. apoph.

*Polycarpus.*

Polycarpus cum fidei sugrationem Herodi proconsuli reddere paratus esset, diemq; postulare, quo cum proconsule agere posset: Proconsul voluit, ut coram populo se excusaret. Cui Polycarpus: Non faciām, inquit, cum principibus & potestatibus honos debeat, modò Deo non sit contrarius: populo autem furenti, satisfacere nemopoſſit. Euseb. libr. 4. Ecclesiast. hist. cap. 15.

## De vulnere & cicatrice.

*Crates.*

Nicodromus citharædus Crateris dictis lacessitus, impēgie illi pugnum in os, & suggillauit. At Crates fronti imposuit tabellam, in qua scriptum erat: Nicodromus faciebat. Itaq; cum liuore suo obambulans, traduxit citharædum: festiuiter alludens ad artificum morem, qui operibus suis inscribunt, Apelles aut Phidias faciebat. Simile quiddam narratur de Diogene pulſato. Laert. lib. 6. cap. 5.

*Alexander.*

Frequenter dicere solitus est: Vt maximè sanetur vulnus quod illatum est, manet tamen cicatrix. Sensit vir clarissimus, vulnus faciliè quidem sanari posse, ut dolor omnis auferatur: cicatricem tamen, hoc est iniuriæ factę memoriā, semper versari ob oculos. Eras. 8. apoph.

*Timotheus.*

Audiens quendā acceptum in bello vulnus prædicantem, ac corporis cicatrices ostentantem: Et me, inquit, producit, quod cum ego in Samo dux vester essem, catapultæ telum prope me ceciderat. Significans, hoc vulnus illi non factum in prælio cominus pugnanti, sed procul. Sic sunt hodie Thraſones, qui vulnera à bombardis corpori inflicta ostentant omnibus, fortitudinis gloriam aucupantes: cum vulnus eminus pugnando fortassis à puero, vel ignauissimo timidissimoq; homine acceperint. Eras. lib. 5. apoph.

## De vxoribus.

*Aristippus.*

**M**Vliorem paruam, sed pulchram conspicatus, Paruum, inquit, malum, sed magnum pulchrum. Vel si mauis inuertere sententiam: Paruum quidem pulchrum, magnum autem malum. Nam καλὸν & κακὸν apud Græcos faciliè permutari possunt. Ant. in Melissa, part. 2. ser. 33.

*Socrates.*

Socrates dicere solebat, viros oportere ciuitatis parere legibus, vxores verò maritorum quibus cum viuunt moribus. Norma enim coniugis vir est. Æquitas igitur docet, ut viris tanquam capiti vxores obtemperent. Eras. lib. 3. apoph.

*Antisthenes.*

Cum his mulieribus habendam consuetudinem dixit, quæ beneficium beneficio pensent, αὐτὰρ ἰσοσυναί, id est, quæ gratiam habituræ sint. Sentiens, abstinendum ac his quæ pretio vendunt inhonestā voluptatem, nec pariunt, nec amant mutuū: aut à uoluptuariis, deformibus ac malè moratis, quæ gignunt fœtus pœnitendos. Laert. lib. 6. cap. 1.

Bbb

*Thiano.*



*Theop.*

Rogata, quando mulier esset munda à viro? respondit: A suo semper, ab alieno nunquam. Laert. lib. 8.

*Phocionis vxor.*

In complurium foeminarum cœtu interrogata, cur sola ex omnibus aures non vteretur ornatu? Satis, inquit, vxori magnus ornatus viri sui virtus est. Anton. in Melis. par. 2. ser. 33.

*Vide apoph. de Mulierum natura & moribus.*

## De vxore eligenda.

*Pittacus.*

**I**nterrogabat quendam, quamobrem vxorem ducere nolleret? qui cum respondisset, Quoniam si formosam duxero, habiturus sum communem: si deformem, pœnam. Haudquaquã, dixit: sed si pulchram duxeris, non erit tibi pœna: si deformem, non habebis communem. Stob. ser. 65.

*Idem.*

Sciscitatus à quodam, qualem vxorem ducere deberet? respondit, Æqualem tibi ducito. Ipse enim cum domi haberet opulentiorē, habebat etiam morosam & imperiosam. Laertius libro 1.

*Chilon.*

Chilonis diciturum est, vxorem humilem modico apparatu ducendam, ne pro coniuge dominam accerfas domum. Sat enim dorata venit puella, quæ pudicitiam & honestos mores secum adfert. Proinde hoc erat vnum ex Laonicis institutis, vt virgines sine dote nuptum irent. Laert. lib. 1. cap. 4.

*Cleobulus.*

Æqualem vxorem ducendam esse suadebat. Si enim ex superiori familia duxeris, inquit, non affines tibi, sed dominos comparabis. Stobæus ser. de Temperantia.

*Idem.*

Præterea dixit, filias viris elocandas esse, atque virgines, sed prudentia matronas. Stob. ser. 68.

*Anisithenes.*

Adolescenti consulenti, Cuiusmodi vxorem ducere expediret? Si formosam duxeris, inquit, habebis communem: si deformem, habebis pœnam. Iucundius id effertur apud Græcos, quibus quoad voces attinet, minimi interest inter *καλὴν* & *καίαν*: quod ad rem attinet, plurimum. Suadebat itaque, media statq; (vt vocant) forma ducendam, quæ nec fastidium viro moueret ob deformitatem, nec ob infirmitatem formam peteretur ab adulteris. Aulus Gel. lib. 5. cap. 1. hoc dictum Bionti tribuit, Laert. autem lib. 4. Bionti Maximus verò serm. 39. Soloni. Ceterum Pittaco etiam attributum à Stobæo paulò iam supra recensimus.

*Democritus.*

Interrogatus, cur homo proceræ stature, tam paruam duxisset vxorem? Ego, inquit, in malo eligendo, quod minimum erat elegi. Anton. part. 2. sermone 34. Melisæ.

*Idem.*

Dicebat, eum qui bonum generum nactus sit, inuenisse filium: qui verò malum, simul & filiam perdidisse. Stobæus ser. 69.

*Aureolus philos.*

Rogatus, paupérne an diues vxor ducenda esset? Pauperem, ait, alere difficile est: diuitem verò ferre, tormentum. Bruson. lib. 7. cap. 22.

*Lycurgus.*

Cuidam percontanti, quam ob causam lege cauisset, vt sine dote virgines elocarentur? Vt, inquit, neque propter inopiam vllæ relinqueretur innuptæ, neque ob diuitias expererentur: sed vt iuuenum quisque ad puellæ mores respiciens, ex virtute faceret electionem.

nem. Eadem de causa fucos & ornamenta, quibus alix formam vel fingere vel commendare solent, ex vrbe submouit. Plur.

*Pericles.*

Duobus filiam eius ambientibus, quorum alter diues ac imperitus erat, alter verò pauper & studiosus, elocauit eam pauperi: inquiens, illum qui diues fieri possit, meliorem esse quam qui iam sit. Stob. ser. 68.

*Themistocles.*

Vnicæ filix pater consulebat, virum eam pauperi, sed ornato: an locupleti, sed parum probato collocaret? Malo, inquit Themistocles, virum pecunia, quam pecuniam viro indigentem. Valerius Maximus libro septimo capite secundo Stobæus serm. 83. Cicero autem libro. 2. Officiorum, de sua filia id dixisse refert, quemadmodum & Plutarch. in eius vita. & apophth. item Stob. ser. 83.

*Olympias.*

Quæ acceperat, adolescentem quandam aulicum duxisse vxorem elegantis quidem forma, sed fama parum secunda: ille, inquit, non sapit, qui vxorem oculis non etiam auribus duxerit. Forma cernitur oculis, fama auribus deprehenditur. Quidam autem nec auribus, nec oculis, sed digitis ducunt, solam spectantes dotem. Erasmus. 6. apoph.

*Aurelia.*

Aurelia Iouiani Pontani filia natu maior, amisso Paulo marito, cum à patre ad secundas nuptias horreretur: Quin tu, inquit, pater nuptias secundas non inis? (erat enim is etiam viduus.) Quia, respondit, nullam matrituz similem me reperturum confido. Eadem cura (respondit illa) me quoque versat parer, quod mihi placitum Paulo æquè similem sperem neminem. Adrianus Barland.

## De vxore ducenda.

*Menedemus.*

**C** Vidam sciscitanti, num sapienti ducenda esset vxor: Num ego, inquit, videor tibi sapiens? Quum annuisset, Ego, inquit, vxorem duxi. Superuacuum erat de eo dubitare, quod videret factum ab eo quem iudicabat sapientem. Laert. lib. 2.

*Antisthenes.*

Suprà, de coniugio & matrimonio.

*Theano.*

Suprà, de Oeconomia.

*Epaminondas.*

Cum in cœlibatu viueret, à Pelopida reprehensus est hunc in modum: Non curas tu quidem Remp. qui nullos post te filios relinquis quorum manu patriæ salus ritè defendi possit. Brus. lib. 7. cap. 23.

*Metellus.*

Dicere solebat: Si sine vxoribus possemus esse omnes ea molestia careremus: sed quoniam ita natura tradidit, ut nec eum iis satis commodè, ne è sine illis villo modo viui possit: salutis perpetuæ potius, quam breui voluptati consulendum est. Brus. lib. 7. cap. 22. ex Gell. lib. 1. cap. 6.

*M. Cato.*

Maiori laude dignum eum censebat, qui bonum se gereret maritum, quam qui in ordine senatorio magnus esset. Brus. lib. 7. cap. 22.

## De vxore non ducenda.

*Thales.*

**R** Oganti matri ut vxorem duceret, Nondum esse tempus, dixit: dein maior natu, Nō amplius esse tempus. Stob. ser. 66. Alex. ab. Alex. l. 4. c. 8.

Bbb 2 *Socrates.*

*Socrates.*

Rogatus ab adolescente quodam, utrū melius censeret vxorem ducere, annon ducere? Vtruncunq; (inquit) feceris, pœnitebit: indicans, & cœlibatū & coniugium habere suas molestias, ad quas perferendas esset præparandus animus. Cœlibatam comitatur solitudo, orbitas, generis interitus, heres alienus: matrimonium, perpetua sollicitudo, iuges querelę, dotis exprobratio, affinium graue supercilium, garrula socrus lingua, subessor alieni matrimonij, incertus liberorum euentus, aliąque innumera incommoda. Proinde non hic est electio, qualis est inter bonum & malum: sed qualis inter leuiora & grauiora incommoda. Laer. lib. 2. Val. Max. l. 7. cap. 2.

*Idem.*

Dicere solebat, tria se mala affectum: & grammaticam, paupertatem, & perniciosam vxorem, quorum duo iam effugisset, perniciosam vxorem effugere non potuisse. Ant. part. 2. Mel. ser. 34.

*Idem.*

Quibusdam eum consulentibus de ratione matrimonij cōtrahendi dixit, Quemadmodum pisces ô adolescentuli, qui nondum intra nassas sunt, volunt intrare: qui autem iam intus sunt, volunt exire: sic & vos, ne idem vobis accadat videte. Anton. in Melis. par. 2. ser. 34.

*Plato.*

Interroganti cuidam, an vxore ducta philosophari deberet? Cū nescias, respondit, te solum seruare, an vxorem quoq; super humeris te seruaturum speras. Stob. ser. 66.

*Diogenes.*

Suprà de consilio in melius mutato.

*Idem.*

Interroganti, quando ducenda es-

set vxor? Iuuenti inquit, nondum, seni nunquam. Græcè iuendius, *μὴν* & *μὴν* *πρὸς* *πρὸς*, subindicans, prorsus abstinendum à matrimonio. At percontator ille discere cupiebat, quo ætatis anno, aut qua anni parte expediret adisciscere coniugem, quemadmodum Aristoteles præscripsit puellę decimumoctauum, viro trigessimum quintum: & Romani Aprilem & Iunium existimabant auspiciatum nuptiis, Maium inauspicatum. Laer. libro. 6. & Brusi. l. 7. cap. 22.

*Aristippus.*

A quopiam interrogatus, An sibi ducere vxorem expediret? Negauit. Si enim duxeris, inquebat, formosam habebis cōmunem: si deformem, pœnam. Ant. in Melis. part. 2. ser. 34.

*Protagoras.*

Rogatus, ob quam causam dedisset filiam inimico nuptam? Quia, inquit, nihilei dare poteram deterius. Ant. ser. 34. part. 2. Melis.

*Philoxenus.*

Cū quidam eum percontaretur: cur Sophocles bonas introduceret fœminas, ipse autem malas? Quia, inquit, quales oporteat esse fœminas, Sophocles dicit: ego verò quales sint. Ant. ser. 34. par. 2. Melis.

*Solon.*

Quum ad Thaletem Milerum venisset, admiratus dicitur, quòd nuptias filiorumq; procreationē contempsisset, Thaletem verò tacuisse. Interiectis autem diebus aliquot peregrinum subornasse, qui decimo post discessum die Athenis venisse fateretur. Hic rogatus à Solone, nunquid noui Athenis esset? edoctus ille à Thalete: Nihil aliud, inquit, præterquā quòd adolescentis cuiusdam esse rebatur funus, ciuitate omni subsequēte, quòd eius pater virtute & admiratione inter ciues primas obtineret, quē

rum abesse dixissent. O illum miserum, Solon ait. Sciscitanti verò de nomine, respondit, excidisse memoria: sed ob iustitiam illius, in omnium ore versatum. His Solon in metum coniectus est. Postremò nomen peregrino subiecit, ab eoque contendit, Num illi Solon nomen esset? Annuente homine, Solon caput cadere cœpit, filium suum obiisse ratus. Tum Thales ridens ait: Hæc me (Solon) à nuptiis & procreandis liberis dehortantur quæ te hominem fortissimum infringunt, & tum rem fictam esse ostendit. Plut. in Solone.

*Phoroneus.*

Phoroneus legumlator moriens, fratri dixisse fertur: ad summam felicitatem nihil mihi defuisset, si vxor defuisset. Brufon. lib. 7. cap. 22.

*Epaminondas.*

Sciscitatus, quidnam utilitatis caperet vir innuptus? Respondit, pro patria mori non dubitare. Stob. ser. 66.

*Cicero.*

Rogatus ab Hirtio, ut post Terentie repudium sororem eius duceret, negavit, dicens, Non posse se vxori & philosophiæ simul dare operam. Brufonius li. 7. ca. 22. Hieronymus contra Iovinianum.

*Alphonsus.*

Suprà, de Coniugij molestiis, & infra de Zelotypia.

*Marianus Sozinus.*

Cum minus solito literis operam daret, ob id reprehensus à quodam, respondit: Ideo minus libros iam euoluo, quia vxorem duxi. rursus interpellatus, Cur Socrates vxoratus, non itidem philosophiæ studia neglexisset? Xantippe (ait) morosa fuit, & deformis: mea autem vxor proba est, & forma decenti. Æneas Sylv. de dictis Sigismundi & Friderici tertij imperat. & lib. 3. de reb. gest. Alphonsi.

## De vxore morosa, impetiosa, ac molesta.

*Socrates.*

Cum Euthydemum ad cœnam vocasset, in medio conuiuij Xantippe irata surrexit, & post multa in Socratem iacta conuicia mensam subuertit. Verum cum Euthydemus ob id valde turbaretur: Cur, inquit Socrates, ita te habes? Nonne nuper cum tecum cœnarem, gallina subuolans mensam, pocula & alia euerit? Irrisit ita morosæ vxoris indignum facinus, ut interim hospitem sibi placaret iratum, & tolerantiam exemplum de se præberet. Laert. lib. 2. cap. 5.

*Idem.*

Præterea percontanti, cur Xantippen moribus adeò incompositis fœminam haberet domi, dicebat, sic habendam consuetudinem cum morosis vxoribus, quemadmodum qui se ad studium equestre exercent, parant equos ingenij ferocioris: quos si subegerint, ac perpeti possint, cæteris vtilitur commodius. Ita qui morosæ coniugis mores ferre didicerit, multò facilius cum quibuscumque habebit consuetudinem. Laert. lib. 2. cap. 5.

*Idem.*

Cum Alcibiades magnam & pulcherrimè confectam placentam, magni amoris testimonium Socrati misisset: Xantippe suo amore irata, eam de canistro deiecit, impuris conculcavit pedibus. His Socrates cum arrisisset, inquit, Num quid tu simul carebis ea? Quod si quis putat hæc puerilia esse, & nullius pretij: is sanè non nouit, ex his etiam de fortibus & bonis viris probationem fieri, si morosis vxoribus ea ratione conuiueant. Ælianus lib. 11. de Var. histor.

Bbb 3

*Idem.*



*Idem.*

Alcibiadi demiranti, quòd Xantippen morosam adeò diligerit: Ego, inquit, iam pridem his affueui, ut non magis offendar, quàm si rotæ, quæ aquam educit è puteo, stridorẽ au- diam. Laert.

*Idem.*

Eidem simile quiddam dicenti: At tu, inquit Socrates, nõne domi tuæ gallinas toleras glocientes? Tolerò, inquit Alcibiades, sed oua mihi pariũt, & pullos. Et mihi, ait Socrates, mea Xantippe parit liberos. Laert.

*Idem.*

Xantippe, cùm Socrati marito in publico pallium detraxisset, ac familiares admonerent, ut tantam iniuriam manu vlcisceretur: Nolo, inquit, ut hoc certamine vobis acclamantibus derisui sim, & causa spectaculi. Maluit vir sapiens tolerantiaẽ exemplum de se præbere: quàm ridiculum exhibere spectaculum, viri cum vxore certantis. Ibid.

*Idem.*

Cùm vxorem Xantippen diu rixantem tulisset, ac tandem sessus sedisset ante fores, illa magis irritata, de fenestra perfudit eum lotio. Ridentibus autem illis qui præteribant, & Socrates demum in risum erupit dicens: Facile futurum putabam, ut post tantum tonitru pluuiam sentirem. Erasmi. lib. 3. apoph. ex Laert. lib. 2.

*Idem.*

Demiranti cuidam, in quem vsum duas aleret vxores tam rixosas: Hæ, inquit, me domi docent tolerantiam, qua mihi in publico vtẽdum est. Harũ enim moribus exercitatus, commodior ero ad aliorum consuetudinem. Gel. lib. 1. cap. 17.

*Diogenes.*

Quum aliquando vidisset mulieres ex oliua pendere: laqueo præfocatas:

Vtinam, inquit, & ceteræ arbores similem ferrent fructum. Erat enim Diogenes *μωρογυνὴς*, id est, mulierum osor, eoque cupiebat omnes videre pen- siles. Laert. lib. 6.

*Anonymus.*

Philosophus quidam, cùm vxorem haberet improbam & garrulam, & ebriosam, percontantibus cur talem ferret? Ut domi, inquit, habeam, philosophiaẽ gymnasium, & palastram. Ero enim erga ceteros lenior, hac quotidie institutus. Sunt etiam, qui ipsum ob hanc causam illam duxisse dicant, Anton. in Meliss. par. 2. ser. 84.

*M. Cato.*

Obiurgans aliquando summam vxorum impotentiam: Omnes, inquit, homines vxoribus dominantur, nos omnibus hominibus, nobis autem vxores, hoc modo colligens, mulieres esse rerum omnium dominas. Plut. in Rom. apoph. Ant. in Meliss. part. 2. ser. 34. Alexand. ab Alexand. libr. 6. cap. 8. Cæl. Rhod. lib. 14. cap. 14.

*Idem.*

Admodum senex, Salonini filiam malè morigeram amans, quum vxorem duxisset, rogatus in campo Martio à L. Portio Nascia, num ex sui animi sententia vxorem haberet? Non herculè, inquit Cato, ex mei animi sententia. Scommia autem Nascia in amorem Catonis fuit, Catonis autem responsum de moribus puellæ datum erat. Brus. lib. 7. cap. 22.

*Alphonfus.*

Eum maximè insanire dicebat, qui vxorem à se digressam fugitiuamque perquireret. Significans, magnæ felicitatis esse, ab improba & morosa vxore liberari. Panorm. lib. 4. de rebus gestis Alphonfi.

*Idem.*

Cùm aliquando Ludouicum Podium Putium, in veste lugubri, fronte subtristem

superstitem intactetur, & quid sibi vellet huius illi sceleratetur. ac Putius ob vxorem mortuam moestum se esse respondisset: ait Alphonsus, lætum potius atq; hilarē esse eum conuenire, ob illius mortem. Nam si cognita mortua esset, cum & fratrem à mortuis suscitatum esse. Erat autem vxor illa intractabilis, difficilis, & virò, dum vixit, admodum molestā & infesta ac marii propè mors quædam Panorm. lib.3. dereb. gest. Alphonsi.

*Greg. Hambergensis.*

Is, scientia iuris & facundia inter omnes Germanos facilè princeps, cū domum ex curia Cæsaris, in qua diu fuerat versatus, reuertisset atque non longè ab oppido Nurembergenſi amicum offendisset, qui vxorem suam viuere & bene valere diceret: Si viuunt vxor, inquit, ego sanè obij. Innuit autem, morosam vxorem mariti mortem esse. Æneas Syl. lib.3. commentar. dereb. gest. Alphonsi.

*Alphonsus.*

Trisponius iuriconsultus, & Alphonsi Aragonum regis consiliarius, cum trecentos aureos Alphonscos, quod supererat dotis, furto surreptos perdidisset, ac propterea animo angerebatur, & esset sibi vxor, & illa quidem admodum morosa, regem Alphonsum dixisse ferunt: Longè illi melius fore, si vxorem, quàm pecuniam, fures abstulissent. Panorm. libr.1. de reb. gestis Alphonsi.

*Anonymus.*

Quidam abunde comis, cum ho-

ipes vociferantem diutius vxorem eius, rixantēq; cum ancillis, parum æquè ferret, conuersus ipse ad hospitē: Et quæ, inquit, amice impatientia est tua? Duos, inquit, & triginta annos huius elamores dies, noctēsque æquisimè ipse perfero, tu verò ne diecule quidem sextantem ferre eam potes? Quo dicto & hospitem leniit, & vxorem ab ira ad risum conuertit. Adrianus Barland.



## DE ZELOTY-

P I A.

*C. Sulpicius.*



Vxorem suam repudiavit, quod aperto capite ædes egressa esset: Lex, inquit, tibi meos vnius oculos præfini, quibus formam tuam approbes: his ornamenta comparato, his esto speciosa, non aliorum oculis placens. Eras. lib.6. apoph.

*Alphonsus.*

Dicebat, ita demum matrimonium tranquillè exigi posse, si vxor cæca, maritus autem surdus fiat. Innuit autem, scæmineum genus esse zelotypiæ obnoxium, & hinc oriri rixas & querimonias: & rursus marito molestiam esse vxoris garrulitatem, qua molestia cariturus est, si fiat surdus. Eras. libr.8. apoph.

F I N I S.





# CATALOGVS AVTORVM, EX QVORVM LVCVBRATIONI.

BVS APOPHTHEGMATA A

CONRADO LYCOSTHENE

deprompta sunt.

\* \*

\*

G R A E C I.

Abdias.  
Ælianus Sophista.  
Antonius monachus.  
Appianus Alexandrinus.  
Ariston.  
Aristonymus.  
Aristoteles.  
Arrianus Nicome.  
Athenæus.  
Callistratus.  
Cedrenus.  
Clemens Alexandrinus.  
Demosthenes.  
Diodorus Siculus.  
Diogenes Babylonius.  
Diogenes Laertius.  
Diogenianus.  
Dion Cassius.  
Dion Nicæus.  
Dion Prusæus.  
Dionysius Halicarn.  
Epicætetus.  
Epiphanius.  
Euagrius.

Eusebius.  
Flavius Iosephus.  
Gr. Nazianzenus.  
Herodianus.  
Herodotus.  
Isocrates.  
Lucianus Samosatensis.  
Maximus monachus.  
Maximus Tyrius.  
Nicephorus Callistus.  
Nicephorus Gregoras.  
Nicetas Acominates.  
Pausanias.  
Phauorinus.  
Philo Iudæus.  
Philostratus.  
Plato.  
Plutarch. Chæronæus.  
Polybius.  
Polyænus.  
Procopius.  
Socrates Constantinop.  
Sozomenus.  
Stobæus.

Suidas.

Suidas.  
Theodoretus.  
Thucydides.  
Xenophon Athenien.  
Xiphilinus abbreviator Dionis Nicæi.  
Zezes de Varia historia.  
Zonaras.

L A T I N I.

Ælius Lampridius.  
Ælius Spartanus.  
Æmylius Probus.  
Ammianus Marcellinus.  
Antonius Florent.  
Apuleius.  
D. Augustinus.  
Aurelianus.  
Aurelius victor.  
Cæsar.  
Cicero.  
Columella.  
Corn. Celsus.  
Curtius.  
Eutropius.  
Fabius Quintilianus.  
Flavius Vopiscus.  
Florus.  
Frontinus.  
Gellius.  
D. Hieronymus.  
Iulius Capitolinus.  
Iustinus, Trogi Pompeij abbreviator.  
T. Liuius Patavinus.  
Lucius Annæus Seneca.

Macrobius Aurelius.  
Paulus Diaconus.  
Plinius iunior.  
Plinius senior.  
Salustius.  
Suetonius Tranquillus.  
Sulpitius Seuerus.  
C. Tacitus.  
Trebellius Pollio.  
Valerius Maximus.  
Sext. Victor.  
Vitruuius.  
Vulcatius Gallican.

R E C E N T I O R E S.

Æneas Syluius.  
Albertus Crantius.  
Alexander Neapoli.  
Angelus Politianus.  
Anglorum.  
Austriacorum.  
Bauarorum.  
Flandrensium.  
Florentinorum.  
Gallorum.  
Genuensium.  
Germanorum.  
Heluetiorum.  
Hispanorum.  
Lubecensium.  
Monasterij Hirsfeldensis.  
Monast. S. Galli in Heluetiis.  
Polonorum.  
Saxonum.  
Scotorum.

Annales &  
Historie



|                               |                             |
|-------------------------------|-----------------------------|
| [Scotorum.                    | Iacobus Spiegelius.         |
| [Venetorum.                   | Ioannes Auentinus.          |
| [Vltraiectionum.              | Ioannes Cuspinianus.        |
| [Vngarorum.                   | Ioannes Francisc. Picus.    |
| Antonius Bonfinius.           | Ioannes Magnus.             |
| Antonius Constantinus.        | Ioannes Stella.             |
| Antonius Panormitanus.        | Ioannes Stumpfius.          |
| Baleus de scriptoribus Angli- | Ioannes Trithemius.         |
| cis.                          | Iordanes.                   |
| Baptista Egnatius.            | Ioianus Pontanus.           |
| Bartholomæus Facius.          | Lambertus Schafnaburgensis. |
| Bocacius.                     | Laonicus Chalcon Dyles.     |
| Beroaldus.                    | Lilius Gyraldus.            |
| Blondus.                      | Marulus Spalatenfis.        |
| Brufonius Contursinus.        | Olaus Magnus.               |
| Cælius Rhodiginus.            | Ortho Frisingensis.         |
| Chytræus.                     | Paulus Æmylius.             |
| Coccius Sabellicus.           | Paulus Iouius.              |
| Conradus à Lychtenavv, seu    | Petrus de Natalibus.        |
| Abbatès Vrspergensis.         | Philippus Cominæus.         |
| Erasmus Roterodamus.          | Pius Pontifex.              |
| Egidius Corrazettus.          | Platina.                    |
| Franciscus Patricius Senen-   | Polydorus Virgilius.        |
| sis.                          | Pomponius Lætus.            |
| Franciscus Petrarcha.         | Raphael Volaterranus.       |
| Franciscus Tarapha.           | Rauisius Textor.            |
| Fulgofus Genuensis.           | Ritius Neapolitanus.        |
| Gaguinus Gallus.              | Rodolphus Agricola.         |
| Georgius Lilius Britannus.    | Saxo Grammaticus.           |
| Guido Bituricensis.           | Sebastianus Munsterus.      |
| Gulielmus Tyrius.             | Sigismundus ab Heberstein.  |
| Hadrianus Barlandus.          | Vincentius Bellouacensis.   |
| Hermolaus Barbarus.           | Vnfridus Anglus.            |

F I N I S.

# PARABOLARVM SIVE SIMILITVDINVM,

Quæ ex Aristotele, Plutarcho, Plinio ac Seneca,  
grauissimis authoribus, olim ab ERASMO  
ROTTERODAMO collectæ, postea per CON-  
RADVM LYCOSTHENEM ad suas classes  
iuxta alphabeti ordinem reuocatæ sunt,

LOCI COMMVNES.

*Postrema hac & omnium emendatissima editione, tum ex  
Cicerone, tum ex ipso Seneca aliquot Simili-  
tudinum, centuriis aucti.*

EDITIO ALTERA.



Excudebat Ioannes Iacksonus,  
M. D. XCVI.

PARABOLAE

ELLIPTICAE

HYPERBOLICAE

CONICAE

TRANSVERSALIA

PARABOLAE

ELLIPTICAE

HYPERBOLICAE

CONICAE

TRANSVERSALIA

PARABOLAE

ELLIPTICAE

HYPERBOLICAE

CONICAE

TRANSVERSALIA

PARABOLAE

ELLIPTICAE

HYPERBOLICAE

CONICAE

TRANSVERSALIA



# TYPOGRAPHVS LECTORI.



**S**IMILITVDINES olim Eras-  
mus collegit sæpius editas :  
Quibus titulus subiicitur ex  
Aristotele, Plinio : in his E-  
rasmi est collationis inuen-  
tio : quod collationis genus  
si quis velit exequi, & totam  
rerum naturam perlustrare,

ingentem equidem Similitudinum thesaurum, seu  
potius physiologiam vberriam, & creaturarum iu-  
cundam meditationem offeret. Quod opus tibi cu-  
dit vir quidam, bonarum literarum amans, & qui  
suam operam in hoc apophthegmatum & similitu-  
dinum volumine poliendo & augendo nobis com-  
modauit. Porrò quæ ex Plutarcho, Cicerone, Sē-  
necaque desumpta testatur inscriptio, in his nihil  
Erasmus & Anonymus ille sibi vindicant, præter  
colligendi explicandique seu disponendi laborem,  
& si quid laudis meretur commoda quibusdam in  
locis breuitas. Similium pelagus potest è rerum  
omni-



omnium naturis, & disciplinis, poetis, historiographis, oratoribus, profanis & sacris Scriptoribus aggregari. Sed Erasmus quod infinitum est noluit persequi: gustum duntaxat dare voluit, ut ingenia iuuenum ad his similia conquirenda excitaret. E Plutarcho plura recensuit, quod is autor in hoc genere sic excellit, ut cum eo nemo vel eloquentissimorum iure conferri queat. E Seneca non omnes decerpfit: nostra editio hanc iacturam nunc tibi farciat. Varias item Similitudines, quæ Erasmi nomen præ se ferunt, scias velim partim ex Plutarcho, Plinio & Seneca, partim ex ipsius ingenio depromptas esse. Huic autem, quamuis inter recentiores & nostri ævi scriptores, hac in parte locum inter veteres illos relinquendum esse censuimus: meritò quidem, quum nihil attulerit quod etiam antiquum non sapiat. Tu verò nostris laboribus faue, & vale.

DE





DE RATIONE AC VSV  
PARABOLARVM SEV  
SIMILITVDINVM.

EX LIBRO ERASMI ROT. DE  
Copia verborum & rerum 2.

**I**AM verò si quis supersticiosius parabolam ab exemplo separet, ut exemplum sit certa rei gestæ parabola, similitudo sumpta ab his quæ fiunt, aut quæ natura casive rebus adiuncta sunt: ut Atilius ad hostes reuersus, exemplum sit seruanda religionis ac fidei: at nauis pro ventorum ratione velum tollens aut contrahens, in hoc aut illud latus transferens, parabola, sit, quæ doceat sapientem tempori cedere oportere, ac rebus presentibus sese accommodare: tamen eadem est dilatanda parabola ratio, quam in exemplo demonstrauius. Nam aliquando verbo notatur, ut Non intelligis tibi vertenda vela. ut, Desine lauare laterem. ut iam vel allegoria sit, vel metaphora. Aliquando latius explicatur, & apertius accommodatur. Quod facit Cicero pro Murena: Quod si è portu soluentibus, qui iam in portum ex alto inuehuntur, prædicere summo studio solent tempestatum rationem, & prædonum, & locorum: quod natura fert, ut his faueamus, qui eadem pericula quibus nos perfuncti sumus ingrediantur: quo me tandem animo esse oportet, propè iam ex magna iactatione terram videntem in hunc cui video maximas tempestates esse subeundas? Rursum in eadem oratione: Ut aiunt Græcis artificibus eos aulædos esse, qui citharædi fieri non potuerint: sic nonnullos videmus, qui oratores

## DE RATIONE ET VSV

res euadere non potuerunt, eos ad iuris studium peruenire. *Superiorem Ciceronis parabolam sic imitatus diuus Hieronymus in epistola quadam ad Heliodorum: Et ego non integris rate vel mercibus, nec quasi ignarus fluctuum, & indoctus nauta præmoneo, sed quasi nuper naufragio eiectus in littus, timida nauigaturis voce denuntio, in illo æstu, Charybdis luxuriae salutem vorat. Ibi ore virgineo ad pudicitiae perpetranda naufragia Scyllæum renidens libido blanditur. Hic barbarum littus, hic diabolus pirata cum sociis portat vincula capiendis. Nolite credere, nolite esse securi: licet in modum stagni fustum æquor arrideat, licet vix summa iacentis elementi spiritu terga crispentur, magnos hic campus montes haber. Intus est periculum, intus est hostis. Expedite rudentes, vela suspendite. Crux antennæ figatur in frontibus. Tranquillitas illa tempestas est. Hic si quis singula pericula, quæ à vitis aut improbis, aut aliunde bonis moribus imminet, velit conferre cum singulis, quæ nautis vitæ discrimen adducere solent: deinde per comparisonem maius aut minus, item dissimile aut contrarium ostendere: postremo sententijs & epiphonematis, ut inciderint, exornare, nimirum copiosissime dilatabit orationem. Velut in hoc exemplo. Ut quoque preciosior est res, hoc & diligentius solet asseruari & impendi circumspectius: ita temporis, quo nihil est preciosius, summa habenda est ratio, ne quid effluat sine fructu. Etenim si curatores dari solent his qui gemmas & aurum temere profundunt: quæ tandem erit insania, tempus pulcherrimum immortalis Dei munus aut ocio aut inhonestis studiis turpiter consumere? Quid enim perdis, cum tempus perdis, nisi vitam? At vita quid esse potest charius? Et cum una gemmula perijt iacturam vocas. Cum totus perijt dies, hoc est, bona vita portio, iacturam non vocas? Præsertim cum illa perditæ, aliunde possint recuperari: temporis irreparabilis sit iactura. Præterea illa cum tibi pereunt, alijs plerumque lucrosunt: at temporis dispendium in nullius transit compendium. Nullum est damnum ex quo non aliquis emolumentum aliquod sentiat, præter damnum temporis. Adde his, quod illarum opum iactura sæpe saluti fuit. Nam diuitia plerumque vitiorum materiam ministrant, ita ut præstat temere profudisse, quàm attentè adseruasse. Quantum cuiusque rei vsus honestior, tantò turpior profusio. At nihil pulchrius,*

# PARABOLARVM.

ebrius, nihil praelarius, quàm bonas horas bene collocare. Illa ut quàm maximè serues, saepenumero tamen vel casus eripit, vel homo tollit, ut iactura te calamitosum duntaxat, non etiam turpem reddat. At temporis amissio, quoniam non nisi nostro vitio contingit, non miseros solus, verum & infames reddit. Pessimum infamiae genus, quoties culpa in nullum conferri potest, praterquam in eum qui patitur malum. Illis fundos aut ades mercari poteras, bonam mentem non poteras. Hoc, prater alia animi ornamenta, parare poteras immortalitatem. Nulla est tam brevis vitae portio, in qua non magnus aliquis ad felicitatem gradus fieri poterat. Postremò de illis male insumptis, patri fortassis rationem redditurus eras : de horis male transactis, Deo. Sed satis est indicasse, in quantam amplitudinem dilatarì possit collatio, si quis ad eum modum singulas circumstantias velit componere, atque ornare. De dissimili eadem est tractandi ratio, cuius hoc sit exemplum : Neque enim ut naus utilior noua, quàm vetus, sic & amicitia. Nec ut laudanda, quae pecuniam, pluribus largitur, ita & quae formam. Neque enim ut in cursu melior est qui lampadem accipit, quàm is qui tradit : ita in bello melior est imperator, qui exercitum accipit, quàm qui tradit.

## Ex epist. Erasmi Rot. ad Petr. Aegidium Antuerp.

Nihil aliud est <sup>παραβολή</sup> quam Cicero collationem vocat, quàm explicata metaphora. Ceterorum ornamentorum singula suam quandam ac peculiarem adferunt gratiam & commoditatem dictioni : metaphora sola cumulatiùs praestat vniuersa, quàm exornationes reliquae singula. Delectare vis ? nulla plus habet festiuitatis. Docere studes ? non alia probat vel efficacius, vel apertius. Flectere paras ? nulla plus addit acrimoniae. Studes copia ? nusquam suppellex locupletior. Placet Laconismus ? nulla plus cogitationi relinquit. Sublimitatem affectas ? hac quiduis quantumuis attollit. Est quod velis extenuare ? nulla magis deiecit. <sup>ἀντιθεσις</sup> Captas ac lucem ? nulla melius rem ob oculos ponit. Hac ferè condiuntur adagia, huic gratiam suam debent apologi, haec commendat apophthegmata, huius accessione conduplicatur sententia dos, adeò ut Salomon ille vir diuinus, oracula sua non alio magis quàm parabolarum titulo voluerit cõmendari. Tolle metaphora su-



## DE RATIONE AC VSV

*pellestilem ex oratoribus, ieiuna erunt omnia: Tolle parabolas à prophetis & Evangelicis literis, magnam gratie partem detraxeris. At fortasse dicet aliquis: Belle hic munus suum ornat verbis, quasi verò magni sit negotij, similitudines nusquam non obuias addiscere: verum nos non passim obuias sumpsimus, nec lapillos in litore sparsos collegimus: sed exquisitas aliquot gemmas ex abstrusis Musarum thesauris deprompsimus. Neque enim hac à tonstrinis aut sordidis fori conciliabulis petuntur, qua doctorum aures & oculos morentur. Ab intimis natura arcanis, è penitissimis disciplinarum adytis sunt eruenda, ab eloquentium Poetarum eruditissimis fabulis, à nobilium historicorum monumentis. Qua quidem in re, ut duplex est difficultas, ita gemina laus debetur. Primum illud ipsum nonnihil est peruestigasse quod sit egregium. Neque verò minus est, quod deprehenderis, id concinniter accommodare. Quemadmodum est aliquid, primum insignem reperisse gemmam: deinde nonnulla laus est, repertam apic sceptris aut annulis addidisse. Addam exemplum, quo res fiat dilucidior. Cicutæ venenum est homini, vinum cicutæ: quod si cicutæ vinum admisceas, iam venenum multò presentius, & prorsus immedicabile reddis: propterea quòd vis & impetus vini veneni noxam citius ad vitalia membra perferant. Iam hoc ipsum rem naturæ tam abstrusam tenere, nonne pars est eruditionis nec inelegans, nec iniucunda? Age iam, si quis ad hunc usum accommodet, ut dicat, adulationem amicitia præsentaneum esse venenum: verum eirursam venena venenum esse libertatem admonendi, quam Græci vocant παύνοια: quod si libertatem prius insicias, & ita commisceas cum adulatione: ut tum maximè aduleris amico, cum maximè videris obiurgare, iam immedicabile malum esse: nullane hic ingenij laus esse videbitur? Non mediocris opinor: neque velim tamen aucupari gratiam, ubi nihil promerear.*

### Idem lib. Ecclesiast. 3.

*Similitudo verò siue collatio explicata est metaphora: veluti, Demens sit, qui Rempubl. conetur subuertere, qua perdita, ipse incolumis esse non possit: simplex est sermo, quia propriis constat verbis. At si dicas, ut manifesta dementia sit, Rempubl. velle demergere, qua demersa, ipsi quoque sit naufragio perennandum, metaphora est: quia*

## PARABOLARVM.

quia propriis translatitia sunt admixta. Sin ita loquaris, patria perniciem molienti: Tu quid nauem in qua ueheris, studes pertundere, qua demersa, tibi quoque communi naufragio pereundum sit? allegoria est. Rursus si dicas: Quemadmodū demens haberetur, qui nauem pertunderet, in qua ueheretur ipse: ita extrema stultitia sit, Rempub. in qua uiuis, uelle perdere, qua perdita tu non possis esse incolumis: collatio est. Imago minimum differret à similitudine, cū sit similitudinis species. Nam similitudo adhibetur ad ornatum, ad voluptatem, ad persuadendum, ad euidētiā, ad grauitatem, & ab omni genere rerum asciscitur. Imago tantum ab animantis forma ducitur & ad rem uel amplificandam, uel oculis subiiciendam facit: ut si hominem rapacem ac virulentum depingas, similem iubeto draconi, qui oculis ardentibus, dentibus acutis, unguibus aduncis, hiantē riū per omnia uolitet, circumspiciens si quem reperiāt, cui possit aliquid mali faucibus afflare, quem ore attingere, dentibus dissecare, lingua aspergere unguibus dilacerare.

### Ibidem.

Porro quot modis adhibetur similitudo, & à quot rerum generibus petitur, quoniam abunde traditum est à Quintiliano rhetorum omnium diligentissimo, & à me quoque in commentariis de Copia, non hic uulgata protritāque repetam. Illud tantum admonebo, curandum ut similitudo quadret ad id cui adhibetur, ne sit sordida aut obscena, ne accersatur à rebus ignotis populo cui loquimur, nisi natura res sit tam insignis, ut hoc etiam ipsum discere sit opera precium: ne dura & affectata, ne talis ut statim in diuersum torqueri possit. Hoc schemate scatet undique scriptura diuina: præcipue sermones Euangelici, quæ tamen ferè non sumuntur nisi à rebus uulgo notissimis. Inter Ecclesie doctores nullus largius utitur hac figura quàm Ioannes Chrysostomus. Similitudo, siue, quod Cicero mauult, collatio, hac nota differt & ab imagine, & ab effictione, quod præter alias uirtutes frequenter non dilutam habet ratiocinandi vim: ueluti quoties, quod aduersarius adfert, ad aliquid simile transferimus, in quod demonstratur euidentis absurditas. Arrianus sic argumentatur: Pater utrum gignit uolens an nolens? Si nolens, non est Deus: si uolens utique uerbum est filius uoluntatis, non natura. Hoc si-

## DE RATIONE ET VSV

*mili retunditur : Tuus pater utrum volens an nolens genuit te ? Vis-  
que volens. Igitur non natura, sed voluntatis es filius. Atqui  
hoc manifestam habet absurditatem. Rursus quod adferunt. Quod  
gignit, prius oportet sit genito: Pater igitur est filio antiquior: ita con-  
futatur: Virum est antiquius sol, an radius a sole promanans? Quod  
ibi videri poterat probabile, hic apparet egregie stultum. Similiter  
cum ita ratiocinatur: Genitum & ingenitum inter se pugnant: sed  
pater solus dicitur ingenitus: Proinde non est eiusdem natura cum fi-  
lio, itaque nec Deus. Simili repelluntur: Primus homo non est ge-  
nitus, sed ex argilla factus: non est igitur eiusdem natura cum cate-  
ris hominibus qui nascuntur. Unde consequitur, aut ipsum falso  
dictum hominem, aut ceteros qui progignuntur è parentibus, non  
esse vocandos homines, quo nihil absurdius. Idem: cum filium ex-  
cludunt à consortio diuinæ naturæ verbis Euangelij: ut cognoscant  
te solum verum Deum & quem misisti IESUM CHRI-  
STUM: Si solus, inquit, pater verus Deus est, quo ore filius predi-  
catur Deus? Repellitur testimonio Baruch. 3. Hic est Deus no-  
ster, & non æstimabitur alius ad illum: id porro de filio dici, declarat  
id quod sequitur: Posthac in terris visus est, & cum hominibus  
conuersatus est. Similia sunt: Solus hic est Deus, & non est ali-  
us: quæ verba si negemus, solus filius erit DEVS, excluso patre  
& spiritu sancto, Hoc argumentationis genere saepe feliciter vitur  
Gregorius Theologus, & Hilarius. Exemplis congerendis supersedeo,  
praesertim quod hoc loco admonemus alieniore, quia prius non venie-  
bat in mentem. Pro qualitate similitudinis variabitur orationis cha-  
racter. Iucundus erit, si à rebus iucundis ducetur: grandis, si à rebus  
sublimibus: acris, si à rebus terribilibus: mediocris, si à rebus me-  
diocribus: humilis, si ab humilibus.*

*Iucundæ dictionis exemplum erit: Quemadmodum blan-  
dis flatibus aspirante Fauonio, squalor & iristitia hyemis depel-  
litur, omnisque natura facies veluti noua inuenta repubescit, arbo-  
res nouis ornantur frondibus, gramina blande virentia variis flo-  
rum luminibus distinguuntur, amnes labuntur amœnius, sol ipse,  
totæque cæli species mitiore aspectu delectat oculos: Ita simulatque  
hominis animum afflauerit diuini spiritus gratia, protinus abijt vita  
prioris deformitas, præque vitis omnis vita decoris virtutibus eni-  
tescit,*

## PARABOLARVM.

*tescit, dicas enim feliciter renatum.*

*Grandis, illud: Sicuti Deus, quum nullius egeat, tamen suapte natura gaudet omnibus benefacere: ita qui Deum patrem appellant, debent gratis de omnibus, quod in ipsis est, bene mereri.*

*Acris, hoc: Expallesceis ad afflatum aut morsum viperae, & ad medicum curris? Quanto magis horrenda turpitudine, quae venenum habet omnibus viperis praesentius, quantoque celerius querenda medicina?*

*Mediocris, hoc: Quemadmodum qui iuxta Hesiodi consilium crebro parua paruis addunt, tandem euadunt diuites: ita qui in virtutibus semper ad meliora proficit, tandem perfectus euadit.*

*Humilis, siue, submissa, illud: Quemadmodum mendici, si quid habent boni celant, sed pannos & ulcera ostendunt, quo spectantium benignitatem prouocent: sic nos non oportet iactare nostra beneficia apud Deum, sed mala nostra profiteri, si velimus illius in nos misericordiam prolicere.*

### Ex Rod. Agric. libri 1. de Inuent. dialect.

*Similia quae iunguntur non in tertio, quod sit eis commune, sed utrumque in singulis: quorum quemadmodum hoc in isto, sic illud sese habeat in illo, ut apud Quintilian. Ut vascula oris angustae superfusam humoris copiam respuunt, sensim autem influentibus vel etiam instillantibus complentur: sic animis puerorum quantum excipere possint, videndum. Nam maiora intellectu veluti parum aptos ad percipiendum animos non subibunt. Hic vascula oris arcti, & minorae puerorum ingenia conferuntur, non in uno aliquo, sed illa in eo quod est, non admittere ea quae impetu superfunduntur, hac in eo quod difficiliora subito nequeunt amplecti. Dissimilium non ita creber est usus. Quid sint autem facile est deprehendere ex similibus. Non enim aliud est dissimilitudo, quam contraria eius quod ostendere volumus, similitudo. Itaque & idem est eorum cum similitudine locum. Coniunxit utrumque Quintilianus: Non enim vox, inquit, illa praeceptoris, ut caena minus pluribus sufficit: sed ut soluiuersis idem lucis colorisque largitur. Tractatur varie hic locus, & uberius vel astrictius pro iudicio dicentis effertur: ut in Quintilianis illis*



## DE RATIONE ET VSV

*exemplis. Delectus autem adhibendus est, ut pro rei qualitate ipsam adaptemus. Vt si docere volumus, aperta sit similitudo: si laudare, splendida: si vituperare, pudenda: si rem attollere, magnifica. Liquidius namque oportebit rem quamque talem videri, qualem imagine sua volumus aliam esse monstrare. Ducuntur & hac ex antecedentibus & consequentibus & adiunctis. Antecedentia similia sunt, ut apud Ciceronem pro lege Manilia: Medea qua membra fratris discerpserat, quò colligendis illis persequentem moraretur patrem assimilatur. Luculli exercitus, opibus Mithridatis à persequendo ipso Mithridate differtus. Adiuncta sunt, ut pro Roscio: Anseres & canes qui in Capitolio alebantur, ut fures detegerent, quibus accusatores similes dixit orator ut nocentes in Republ. ad pœnas scelerum dandus in ius vocarent. Ex consequentibus Lucanus sumpsit, cum perturbationem ciuitatis explicaret, confusione ea qua sit in fine mundi, rerumque omnium futura.*

### Ex libro primo Ludouici Viuis, de ratione dicendi.

*Similitudines & dissimilitudines orationem plurimum illustrent. Nam ex notis & perspectis declaratur esse aliquid tale vel diuersum, quod minus cognoscebatur, non vi argumenti, sed ostensione rei notæ. Principes homines ad tutelam sui volunt se à subditis diligere: contra, Deus vult à se nobis amari, quo nos sumus tuti. Similitudinum & dissimilitudinum alia vulgaris & tabernaria: loquebatur celeriter ut pica quadam obscura, nempe de rebus ignotis: in illa oratione pugnabat, ut andabata. Est quadam vilis & sordida, iste versus salutat ut capra. Est alia urbana, & apta. sunt quadam ex iis desumpta, in quibus quisque versatur, ut à nauta de navi, ab agricola de agris, à milite de castris, ab aleatore de alea. Similitudinis explicatio redditio nominatur. Harum non una est forma. Sunt Similitudines quibus eadem apponitur redditio. Amantibus contingit quod agris, ut salubribus consiliis inimici sint. In aliis diuersa est redditio. Quales pecudes, tale est hominum vulgus. Nam ut illa sequuntur quo priores ierunt, ita homines receptos mores sequuntur sine iudicio. Est similitudo sine redditione. Vir bonus similis est oui, ex cuius parte omni utilitas percipitur, è lana, lacte, carne, corio.*  
*Additio*

## PARABOLARVM.

*Additio potest subiici hunc in modum : ita vir bonus consilio , opera, semper prodest, etiam absens, etiam mortuus, exemplo & memoria sui.*

### Georgii Maioris de parabolis Erasmi iudicium.

*Extant hoc tempore plerique neque inutiles, neque ineruditi libelli, ex quibus prima illa aetas, in qua iuuentus hodie versatur, cum ad eloquentiam, tum aliarum artium & virtutum cognitionem, non incommode informari possit. Quibus valde optarim in publicis scholis adiungi quoque Parabolarum Erasmi libellum, quod prater elegantiam & lucem, quam orationi afferunt similitudines, ferè insignem etiam aliquam naturæ & optimarum rerum cognitionem contineant. Quare existimari utilem ut à studiosis omnibus quàm diligenter euolueretur. Sicut. n. ea remedia medici omnium censent esse optima & saluberrima, quæ & morbum tollunt, & valetudinem quàm minimum ledunt : ita hoc doctrina genus omnium est præstantissimum, quod animum rudem tum ad eloquentiam & virtutes informat, tum honesta & liberali eruditione aliqua inficit.*

### Ex M. Crusii quæstionibus in Rhetoricen Melanchthonis.

**SIMILITUDO**, *quædam est proposita rei cum re extranea consimilis collatio : qua res ipsa qualis sit commonstratur. Eius species sunt imago & parabola. Imago est Metaphora, cum particula comparandi : duas res, quas illa coniungit habet, actu continens. Quando metaphora est uniuersalis, fit ea analogica per eixasia. & ita à λέξις ποιητική. ut, Verr. 3. Cicero. Quacunque iter fecit, eiusmodi fuit, non ut Legatus populi Romani, sed ut quadam calamitas peruadere videretur. Metaphora est, Verres fuit calamitas : Imago, Verres fuit quadam calamitas, aut similis calamitati, aut ut calamitas. Item, Æneid. 1. Resistit Æneas, claraque in luce refulsit, Os humerosque Deo similis. Aristoteles Rhetor. 3. Democrates nutricibus oratores comparauit, quæ pulte deuorata salina pueros illinunt. Parabola est longior similitudo quàm imago, aut explicata similitudo, distinctè & perspicuè. Ut ignis in aquam coniectus con-*

## DE RATIONE ET VSV

tinnò restringitur & refrigeratus : sic referuens falsum crimen in pa-  
rissimam vitam collatum, statim concidit & extinguitur. Cicero pro  
Roscio Comædo. Ἀπρηκτός. Nec omnis fructus in omni agro, nec om-  
ne vitium in omni loco nascitur. Ex Rosciana. Διοπορῶ χάρις vel  
ἀπομοίω. Neque enim si tibi tum, cum peteres consulatum, affui : idcir-  
co nunc cum Murenam ipsum petas, adiutor eodem pacto esse debeo.  
Εὐχαριστέω. Solent hoc boni Imperatores facere, cum prælum com-  
mittunt, ut in eo loco quo fugam hostiū arbitrentur, milites collocent,  
in quos si qui ex acie fugerint, de improniso incidant : Nimirum simi-  
liter (inquit Cicero, in Rosciana) arbitrantur isti bonorum emptores,  
vos hic tales viros sedere, qui excipiat is eos, qui de suis manibus effu-  
gerint. Ibi est *παραμοίωσις*, seu separatio partium similitudinis. Adpa-  
rabolam referendi sunt etiam apologi & mythologia. Sunt autem par-  
tes comparationis & similitudinis duæ, Propositio rei extraneæ, & red-  
ditio, seu accommodatio rei præsentis. Similitudo est qualitatis, Com-  
paratio quantitatis. Sæpe tamen comparatio pro similitudine à poetarum  
explicatoribus dicitur. Tractatio autem comparatorum, Simi-  
lium, & exemplorum est varia. Nam aut singula cum singulis con-  
feruntur, aut aliquid cum pluribus, idq; aut enumeratione, aut narra-  
tione. Cicero, libr. 2. de finib. ut ad cursum equus, ad arandum bos,  
ad indagandum canis : sic homo ad duas res, intelligendum & agen-  
dum natus est, quasi mortalis Deus. Ibi unum cum pluribus enume-  
ratur, &c.

Addamus & quædam ex sacris scriptoribus,  
argumento nostro seruientia.

**D.Cyprian.Commentar.in symbolum Apostolorum.**

*Cum proferuntur exempla, non per omnia similitudinem servare possunt rei illius cui præbere putantur exemplum, sed unius alicuius partis, pro qua videntur assumpta, similitudinem tenent. Verbi gratia, quum in Evangelio dicitur, simile est regnum calorum fermento, quod abscondit mulier in farina mensuris tribus: nunquid putamus regnum calorum sic per omnia simile esse fermento, ut & substantia illa palpabilis sit ac fragilis, ut acida fieri possit & corrupta? an ad hoc solum exemplum isud videtur assumptum, ut ostenderetur, ex parva predicatione verbi Dei humanas mentes fidei fermento posse coalescere?*

## PARABOLARVM.

re? similiter & cū dicitur, *Simile est regnum cælorum reti misso in mare, quod ex omni genere piscium attrahit: & in hoc nunquid putandum est, quod natura linquo rete aptatur, ac nodis quibus macula nectantur, regni cælorum substantia per omnia conferatur? An ad hoc solum videtur assumpta comparatio, ut ostenderet, quia sicut rete de profundo maris adducit ad lītus, ita de profundo huius seculi errore, humana anima regni cælorum predicatione liberantur? Ex quibus constat exempla non in omnibus his quorum exempla sunt, esse similia. Alioquin, si eadem essent omnia, iam non dicerentur, sed ipsa potius res, de quibus agitur, viderentur.*

### Origenes in Matthæum Cap. 3.

*Quemadmodum dum in imaginibus ac statuis similitudines non omni ex parte respondent iis ad quæ conferuntur, sed in plano quidem ligno, ut exempli causa loquamur, cera depicta, imago, superficies tantum cum colore similitudinem habet, verum non seruat depressiones atque eminentias, sed harum rerum significationes tantum. In fingendis verò statuis, similitudinem quæ est secundum eminentiam ac depressionem, seruare conatur ars, in colore verò nequaquam. Quòd si cerea fiat effigies, conatur quidem utramque seruare similitudinem, nimirum & iuxta colorem, & iuxta depressiones ac prominentias, caterum in profunditate non est imago. Similiter mihi cogita de similitudinibus quæ sunt in Euangelio: regnum cælorum dum simile dicitur rei cuiuspiam, simile dici non secundum omnia quæ adsunt illi ad quod confertur similitudo, sed ad quadam duntaxat quæ conducunt ad assumptam rationem.*

Et hæc quidem de parabolis & similitudinibus dicta sufficiant.



## Exemplum parabolæ à formicis desumptæ, per Brigem, ad Strotam.

**C**Y N C T A Cleoneo flagrabam fidere,  
méque

Urbe grauem curis sollicitabat amor,  
Haud procul egressus sole inclinante, sub  
vltimo

Longo formicas agmine conspicio.  
E foneis pars haurit humum, pars claudit  
aquarum

Offia, confectis firmiter aggeribus.  
Multæ oris maiora trahunt, se forcipe gra-  
na,

Aduersæ multæ posteriore pede.  
Pars humeris molitur opus, pars educat  
ægras,

Pars effert celebris corpora functa ro-  
go.  
Pars hyemis memor infantis ne rursus in  
herbam

Humida succrescant semina, dente pre-  
mit.

Quodque magis mirum est, inter tot milia  
nunquam

Impedis egrediens introcun:is iter.  
Quin potius, si quam videat sub pondere  
victam,

Erigit clapsam, sepéque fasce leuas.  
Cætera quid memorem? quæ concursatio?  
quanta

Sedulitas? studium quale? quis ordo  
fores?

Sic mecum: Méne è somno miserabilis vn-  
quam

Erueo? nunquam cura salutis erit?  
Tanti ille ut seruent animantes frigore vi-  
tam,

Vnanimes agitat quæ gravis ecce labor.  
At ego diuinæ munus acuminis mentis,  
Nesciero vitæ consuluisse meæ?

Et quod agunt plerique hominum, magis  
æquora & vrbes  
Circuero, ut grandes accumulentur opes:

Aut ego malvero scrutari pectore, quantum  
Distes ab hamenti stellifer axis humo?

Vndéq; sanguineo minisset crine cometes?  
Vnde pluant lapides, contremat unde  
solum?

Quid glomeres nubes, quæ vi soluantur in  
imbres?

Cur medio lateant astra minora die?  
Et quibus erumpant agitata sonitrua ven-  
tis?

Cur vaga transverso fulmina calle ruant?  
Inque canis voces quæ causa reciproci an-  
tris?

Quid sis fulguris, grædo, pruina, nives?  
Quæ virtute leues causas magnæ ferunt?  
Exinguat tactas quæ salamandra faces?

Cur fluas ac restuas, cur nunc sublime sera-  
ratur,

Nunc humile: & salsa cæteris æquor a-  
qua?

An queat Aæa consurgere mortuus aru?  
An queat in terras carmine luna trahi?  
Cur alio lignum mergatur in æmne, na-  
scentque

Aera alio, atque aliis calor sit intus a-  
quis?

Scilicet his opus est venturæ ad præmia  
vitæ,

Scilicet ad superas hinc datur ire plagas.  
Dinitiæ nec enim, nec multa perisæ rerum,  
Sed nos felices mens sine labe facit.

Ergo boni velus agricolæ mala germina  
carpunt,

Plus ferat ut culmo liberior e seges:  
Digna ita vindicibus ne nostra sit ignibus  
arbor,

Strota procuremus vellere quidquid ob-  
est:  
Vt cum vita breues toleraueris ista labo-  
res,

Æternæ requiæ detur utrique frui.  
PARABO.



# PARABOLAE, SIVE SIMILITVDINES A

DES. ERASMO ROTERO-

damo, primùm collectæ, deinde

iuxta alphabeti ordinem per

Conradum Lycosthe-  
nem redactæ.

## ABDICATIO.



T insanit, qui fratris imagi-  
nem veneratur, corpus pul-  
sat ac verberat: Ita stultum  
est amare in adoptiuus no-  
men, verum fratrem abdicare, aut o-  
disse. Plur.

## *Abstinentia.*

Vt qui sacrum exhibent, ipsi nihil  
inde gustant: Ita quidam alios accipi-  
unt, ipsi abstinentes. Plur.

## *Abusus verum perniciosus.*

Prometheus, Saryrum cum primum  
videns ignem vellet amplecti, admo-  
nuir eum exurere contingentem, ac  
oculis præbere lumen, Calfacit inqui-  
ens, & seruit artibus; Sic eadem res,  
vtrunque vteris, aut perniciosa est, aut  
utilis. Plur.

Si multi inebriantur vino, non ob  
id incidendæ vites, vt fecit Lycurgus,  
sed potius adinuendi fontes: & si  
multi abutantur poetica, non proti-

## A

nus abiicienda, sed adhibenda cautio,  
vt fiat salutaris. Plur.

In rerum natura quæ spectatissima  
florēt, celerrimè marcescunt, veluti  
rosæ, lilia, violæ, cum alia durent. Et  
in hominum vita quæ florentissima  
sunt, citissimè vertuntur in diuersum.  
Plin. lib. 9. cap. 15.

Polypus stupidum alioqui animal,  
in captandis cunctis incredibili vritur  
solertia. Ita quidam ad solum questum  
suum sapiunt, alibi pecudes meræ. Pli-  
nius lib. 9. cap. 29.

Vina vasis infusa è taxo factis mor-  
tifera sunt: Et salutaris alioquin eru-  
ditio, si inciderit in hominem pesti-  
lentem, moribus illius redditur noxia.  
Plin. lib. 16. cap. 11.

Aqua marina ad potum inutilis, me-  
lius sustinet nauem, quàm fluuiialis  
dulcis & potui aptior: Ita suum vna-  
quæque res vsum habet si quis vtratur  
ad id, quod oportet. Plur.

Vt philosophus missa lingua victi-  
mæ, rem simul & optimam, & pessimam

mam misit: Sic opes optimæ sunt si rectè vtaris, pessimæ si secus, Plutar. & Erasmus in prouerbio Lingua quò vadis. Vide *Vsus verum legimus*.

*Adhortatio.*

\* Imperatores instructa acie solent, quanquam paratissimos ad præliandum milites videant, eos tamen cohortari: ita iuvenes erecti ad laudem, ad literas sunt adhortandi. Cic. Philippic. 4.

Caprifici ficus nunquàm maturefcit, sed tamen gignit vermiculos, qui deuolantes ad veram ficum, profosso ficorum cortice maturitatem illis tribuant: ita sunt qui ipsi nihil queant egrogium facere, sed tamen aliquo pacto stimulant alios, vt id faciant. Plutarch.

*Admonitio.*

Vt equis non in ipso cursu frænum iniicimus, sed ante cursum: Sic qui propensi sunt ad iram aut libidinem, antè rationibus ac monitis refrænandi sunt, priùs quàm in periculum ventum sit. Plut.

Nutrices pueros lapsos non obiurgant aut puniunt, sed accurrentes erigunt, deinde obiurgant: Sic amicus cùm affligitur adiuuandus est & erigendus, postea monendus & obiurgandus, quòd suo vitio in eam calamitatem inciderit. Plut.

Qui dentibus laborant protinus medicum adeunt, malum exponunt: qui febre tenentur, accersunt: at phreneticus, nec accersit, nec admittit, ob morbi vehementiam. Ita qui vitia sua celant, nec admonentè patiuntur, de his nulla salutis spes. Plut.

Oculo lippienti non est admouendum lumen: Nec animus, affectu laborans admittit grauem admonitionem, sed admiscenda laus est, ac sic medendum. Plut.

Quemadmodum Telephus, quoniam carebat amico, coactus est ab hoste petere remedium ad medelam vulneris: Ita qui non habent liberos amicos, à quibus admoneantur, sapenumero ab inimicis audiunt sua vitia. Plutarch.

Remedia statim mordent vel offendunt, postea conferunt salutem & voluptatem: Ita salubria monita initio sunt nonnihil amara, postea correctà iucundissima. Plut.

Vt pituita paulatim collecta, tum maximè apparet ac vincit, cùm natura vincitur. Sic quidam amici potentes admonere non audent, nisi labantur, sed simulatque commutata fortunæ aura sunt humiles facti, tum obiurgant. Plut.

Sanus ferr, si exprobres intemperantiam, libidinem, luxum: eadem non ferret ægrotans: Sic admonendus amicus, cùm defierit irasci, aut amare. Plut.

Item quem præuideris, commodius excipis: Sic præcogitatum malum minus offendit. Senec.

Medici vetant admoueri remedia cùm morbus inaccessu est, ac sequit, sed cùm se remittit: Ita ad primos illos iræ aut doloris motus, non est adhibenda consolatio, vel admonitio, sed vbi tempore cøperint esse leuiore. Senec.

Elleborum, tamen si efficax, Medici vetant dari senibus, aut pueris, aut exilibus. Ita admonitio sic est temperanda, vt ferre is possit, quem velis emendare: nec solum spectandum est vitium, sed natura quoque eius, cuius vitio studeas mederi. Plinius libro 25. cap. 5.

Herbæ salutare consuetudine perdunt medendi vim. Ita admonitio si assidua sit, non emendat assuetum iani obiurgationibus. Plin.

In Narniensi agro terra imbre fit ficior, æstu humescit, vnde Cicero locatur illic ex imbre puluerem, ex siccitate fieri lutum: Ita quosdam admonitio reddit deteriores. Plin. libro 31. cap. 4.

Quædam gemmæ aceto maceratæ immittuntur, plærq; melle decoctæ: Ita quosdam meliores reddit acris ob- iurgatio, quosdam admonitio blandi- or. Plin.

*Adolescensia.*

Vinum quod in dolio placuit, non fert ætatem: quod recens durum est & asperum, postea placet: Sic adolescen- tia durior maturescit, & ad frugem peruenit. Senec.

*Adulatores & assentatores.*

Vt medico carnem secante, manus concinnitatem quandam & eleganti- am seruat, abest autem saltatoria ge- sticulatio: Ita libertas admittit urba- nitatem, seruata grauitate. Adulator risu inepto scurrilibusque iocis liber- tatem, veluti malis condimentis edul- cat. Plur.

Mala pictura, fractis vestibus, rugis & angulis rem repræsentat: & adula- tor sudoribus, clamoribus, amicum imitatur, nihil exhibens sincerum. Plur.

Simia cum nec domum possit ser- uare more canis, nec onera gerere quemadmodum equus, nec arare sic- uti boues, parasitur ac risum mouet: Sic adulator cum in seriis ac gra- uibus rebus nesciat esse vsui, volupta- tum minister est.

Quidam malè pinxerat gallos gal- linaceos, iussitque puero vt veros gal- linaceos procul abigeret à tabula ne collatione deprehenderetur: Sic adu- lator veros amicos pro viribus abigit, ne ex illorum comparatione depre- hendatur fictus amicus. Plur.

Puluinaria mulierum, quanquam vi- dentur reniti, ac resistere capitibus, cedunt magis & accommodant sese: sic libertas adulatoris tumer quidem, sed in se recipit inclinantem. Plur.

Vt difficile deprehenduntur bestię, quæ ad loci similitudinem mutant co- lorem: Sic eos assentatores haud fa- cile deprehendas, qui ad omne vitæ institutum omnesque affectus sese ac- commodant. Plur.

Adulterina splendorem ac nitorem tantum auri imitantur: Sic adulator gratiam, obsequium & hilaritatem a- mici. Plur.

Non vt polypus se quibusuis locis: Ita nos debemus nos quorumlibet moribus accommodare. Plur.

Tragediarum histrionibus choro opus est amicis concinentibus, thea- tróque applaudente: Sic qui gaudent adulatoribus, nihil agunt, nisi sint qui applaudant. Plur.

Quemadmodum iuxta mathematicos superficies & lineæ nec inflectun- tur, nec producuntur, neq; mouetur per se, cum res sint intelligibiles, sed infle- ctuntur, producuntur & migrant pari- ter cum ipsis corporibus: Ita adulator suo pre quidem affectu non mouetur sed cum irato amico irascitur, cum gaudente ridet. Plur.

Simia dum hominem imitari cona- tur, sepe capitur: ast adulator idem fa- ciens, alios capit & ellicit. Plur.

Infantia alendi equos, non consequi- tur lenticulam, sed arua frumentife- ra: Sic adulatio non infestat paupe- res, atque humiles, sed magnorum fa- miliarum ac fortunarum ruina mor- busque est. Plur.

Pediculi corpora ex anima deserunt, vtpote defecta sanguine, quo aleban- tur: Sic adultores rebus prosperis ac feracibus adsunt, aridas & steriles non attingunt. Plur.



Vt syluestria femina, quæ spatio ac magnitudine accedunt ad triticum, haud faciliè repurgantur, nam per angusta foramina non excidunt, per ampla simul excidunt: Sic adulatio, quæ amicitiam imitatur, non faciliè ab amicitia reiiçitur ac separatur. Plut.

Qui alunt beluam, primum accommodant se illius ingenio, & animaduertunt quibus rebus offendatur aut placetur, donec assuefacta fiat tractabilis: Sic adulator omnibus amici studiis & affectibus sese accommodat. Plut.

Obsoniorum egregij artifices condimentis non nihil austeri admiscunt, quò dulcedinis tollant satietatè: Sic adulatores fictam quandam libertatem ac seueritatè admiscunt, vt nunquam magis adulentur, quam cum videntur cobiurgare ac liberè loqui. Plut.

Aqua delabitur vbicunq; canum ac decliuem locum reperit: Sic adulator vehementer vrget, si quid lapsus est amicus. Plut.

Vt pictura est tacita poesis: ita silentio quoque laudat adulator, nempe vultuque & obsequiis. Plut.

Qui venantur, facilius fallunt feras, si aliud agentes, hoc est, iter facientes aut agricolantes, id faciunt: Ita maxime laudat adulator, cum non apparet eum laudare. Plut.

Vt præterfluens aqua nullo certo colore est, sed semper refert colorem subiecti soli: Ita adulator sui dissimilis est, pro re nata sese adaptans. Plut.

In Menandri Comædia inducitur falsus Hercules, clauam gestans, non robustam, sed inanem, ac leuem: Sic adulatoris libertas mollis est & blanda. Plut.

Vt rupturæ & spasmodica tum demum mouentur, cum corpus aliquo malo corripitur: Sic amici non inge-

nui felicibus adulantur, lapsos obiurgant, & illorum infortunio fruuntur. Plut.

Speculum quicquid obicitur, imitatur: Sic adulator. Plut.

Vmbra quicquid agas, respondet & adest: Sic adulator quoquo te veritas sequitur. Plut.

Chamæleon omnem imitatur colorem præterquam album: sic adulator in turpibus nihil non imitatur: solum quod honestum est, imitari non potest. Plin. l. 8. c. 33.

Imperiti pictores cum pulchra non queant assequi, rugis & verrucis exprimunt similitudines: Sic adulator refert intemperantiam, iracundiam amici. Plut.

Sunt cibaria, quæ neque sanguini conferunt, neq; spiritibus, neque nervis; neq; medullis: sed pudenda tantum mouent, ventrem inflant; corpus tumidum reddunt: Talis est adulatoris oratio, vitiosa tantum auget, & irritat, alioquin infrugifera. Plut.

Medicus si res postulat, aliquando crocum & nardum iniicit, & lauat saauiter, & pascit humaniter: Sic amicus aliquando blandus est. Plut.

Quidam tauris cestrum, canibus crotonem in aures immittunt: Sic adulator in aurem admissus, haud faciliè excutitur, sed transuersum agit quod lubet. Plut.

Pictores illustant lucida appositis vmbis & obscuris: Sic adulator laudans diuersa vitia in aliis, in amico nutrit, ac fouet, quæ adsunt. Plut.

Oratores aliquoties aliam personam loquentem faciunt, vel fidei causa, vel vt inuidiam fugiant: & adulator narrat, quæ ab aliis de amico audierit, etiam si non audit. Plut.

Si quis merum, alioqui conferent aduersus cicutam, admisceat illi, venenum reddit: immedicabile, quòd calore

calore vim veneni protinus deuehat ad cor: ita adulator, intelligens libertatem esse remedium aduersus adulationem, eam ipsam adulationi admiscet, quod magis sit noxia. Plur.

\* Ut monere, & moneri est veræ amicitia, & alterum liberè facere, non asperè: Sic habendum, nullā in amicitia pestem esse maiorem, quā adulationem, blanditias & assentationem. Cic. in Lælio.

\* Quemadmodum qui audierunt symphoniam, ferunt secum in auribus modulationem, quæ ad dulcedinem cantūq; cogitationes impedit, nec ad seria patitur intendi: Sic adulatorum & praua laudantium sermo diutius hæret quam auditur, nec facile est animo dulcem sonum excutere: prosequitur enim & durat, & ex interuallo recurrit. Sen. in epist.

Quemadmodum heliotropiū herba, semper in eam spectat partem qua Sol est, & eo cōdito florem contrahit: Sic nonnulli ad reges omnes nutus obsecundāt: & in quocūq; viderint illum esse propensum, in id feruntur & ipsi. Plin. l. 18. c. 27.

Vitrum mirè crystallum imitatur, res vilissima rem longè preciosissimā: Ita assentatio amicitiam imitatur, res pessima longè optimam. Plin. l. 9. c. 29. & l. 37. c. 2.

Pardus odoris gratia allectans feras inuadit, atq; occidit: Ita quidam blandiloquentia irretitos fallunt, ac perdunt: Sic principum aulæ habent nescio quid blandum, quod inuitet in perniciem. Plin. l. 8. c. 17.

Ut rana ultra solitum vocales tempestatem significant imminentem: Ita cum plurimum valet apud principes oratio malorum, bonis tacentibus, tum instat rerum perturbatio.

Qui fascino vruntur, laudando necant arbores, fata, pueros: Ita adula-

tor laudando perdit. Plinius.

Ut nihil insidiosius melle venenato (nam sunt quædam huiusmodi) ita nihil magis cauendum, quam blandus hostis. Plin. l. 21. c. 13.

Hyæna vocem humanam imitatur, & nomen alicuius ediscit, quem euocatum lacerat: Ita quidam obsequio blandiuntur, donec in perniciem trahant. Plin. l. 7. c. 2.

Ut canes Melitæi potissimū in deliciis sunt opulentis ac potentibus sceminis: Ita principes effeminati deliciis, plurimi faciunt adulatores & ad gratiam omnia tum loquentes, tum facientes. Plin. l. 3. c. vlt.

Non omnem escam omnes amant pisces, sed alius alia delectatur: vnde piscatores ignari quam quisq; maxime appetit, fallunt ea potissimum obiecta: Ita adulator deprehenso hominis ingenio, quibus rebus delinatur, a quibus abhorreat, quod illi gratissimū esse intellexerit, hoc potissimum cum caprat. Plin.

Chamæleon qui subinde mutat colorem, omnem imitatur, præter rubrum & candidum: Ita adulator nihil non imitatur in amico, præter ea quæ honesta sunt. Plin.

Quod oleum est muscis, formicis, feræque reliquis insectis, id est adulatio stultis principibus. Siquidē oleo peruncta moriuntur illa: hi assentatione, & obsequio palposum in exitum trahuntur, ipsi trahunt remp. Plin. c. 30. & l. 11. c. 19.

Cupresso non innascuntur cerasæ propter amaritudinem, nec buxo propter duritiem: Ita pestis adulationis fugit seuera ac tristitia ingenia, mollia captat & facilia. Plin. l. 7. c. 24.

Vultures triduo futura cadauera præsentunt, eoque aduolant: Ita quidam captatores, multis etiam annis morti diutem imminet. Plin.

Helio.

Heliotropium ac lupinum circumaguntur cum Sole, & quocumq; se mouerit ille, eodem deflectunt & hæc cacumen: Ita procures aulici quocumq; regis ingenium vertit, edperpendent omnes. Plin.

Vt suauius est antiphonum, quàm si vox omnino sit eadem: Sic iucundior amicus, ita concors, vt tamen non nihil dissideat, quàm adulator per omnia obseruans. Plin.

Hyæna sicut & ichneumon, nunc mas est, nunc foemina: Ita quidam sui dissimiles, nunc fortia loquuntur, nunc mollia, nunc philosophi sunt, nunc nepotes, nunc amici, nunc inimici. Plin. l. 7. c. 2.

*Adulatoris & amici comparatio.*

Vt patroclus in bellum proditurus reliqua quidem Achillis arma sibi sumpsit, solam hastam, vt grauem ac præualidam non attigit: Ita adulator omnia veri amici symbola imitatur, præter solam admonendi libertatem. Plur.

Medicus dat operam, quò sanitatem tueatur & augeat: Ita facit amicus: At adulator lacerosas titillat partes. Plur.

Item quasi præceptor puerum de stylo ac tabula obiurget: barbarissimum aut solæcissimum committentem dissimulet. Plur.

Item quasi malus orator, nihil ad argumenta respondens: vocem aut codicillos diligenter scriptos calumniatur. Plur.

Perinde ac si quis hominis tuberibus ac fistulis laborantis medici similio pilos & vngues fecerit: Ita adulator libertate utitur in iis in quibus non est opus. Plur.

Bene olet vnguentum, bene olet & pharmacum: verum illud ad nihil utile, nisi vt delectet: hoc præter odo-

rem maiorem habet vtilitatem: sic adulator tantum iucundus, amicus etiam vilis & necessarius. Plur.

Pictura colores habet iucundos: sunt & pharmaca grati coloris: sic amicus idem delectat, vt iuuat: adulator tantum delectat. Plur.

Vbi corpus vitiosis inflatum humoribus, ibi adsunt bubones: Sic vbi ira scitur, amat, odit amicus: id premit adulator. Plur.

Pharmacum non adhibitum in loco, dolet absque fructu: Sic obiurgatio non vt debet admota. Atque idem facit amicus cum molestia, quod adulator cum voluptate. Lædit enim vterque. Plur.

Pediculi corpora exanima deferunt, vt pote defecta sanguine quo alebantur: Sic adultores rebus prosperis ac feracibus adsunt, aridas & steriles non attingunt. Plur.

*Adulterium.*

\* Coccix oua subdit in nidis alienis: & quidam alienas vxores faciunt matres. Plin. l. 10. c. 9.

*Ægritudo animi.*

\* Vt onera contentis corporibus facilius feruntur, remissis opprimunt: simillem animus intentione sua pressum depellit omnium ponderum, remissione autem sic vrgetur, vt se nequeat extollere. Cic. lib. 2. Tuscul. quæst.

\* Fit in prælio, vt ignauus miles ac rimidus, simul ac viderit hostem, abiecto scuto fugiat, quantumq; possit, ob eamq; causam pereat nonnunquam, etiam integro corpore, cum ei qui steterit nihil tale euenerit: sic qui doloris speciem ferre non possunt, abiiciunt se, atque ita afflicti & exanimati iacent: qui autem resisterint, discedunt sæpius superiores. Cicer. cod. libro.

\* Vt in causis non semper vtimur eodem

eodem statu, sed ad tempus, ad con-  
trouersæ naturam, ad personam ac-  
commodamus: sic in ægitudine leni-  
enda, nam quam quisque curationem  
recipere possit, videndum est. Cicero  
lib. 3. Tusc. quæst.

*Æmulusio.*

Vt non est verus amor, qui caret ze-  
lotypia: Ita non amat vehementer vir-  
tutem, nisi qui ardet æmulatione recte  
factorum ab aliis. Plutarch.

*Ætas.*

Sicuti vina & poma subacerba ve-  
rustate mitescunt, dulcescuntque: sic  
ætatis insolentia longo rerum usu mi-  
tigatur. Plut.

Vt non qui multum cecinit, aut rhe-  
toricatus est, aut gubernauit, lauda-  
tur, sed qui scitè: sic non qui diu vixit,  
sed qui bene. Plut.

Quemadmodum nauigantibus ter-  
ræque vrbesque recedunt: sic rapidis-  
simi temporis cursu primùm pueri-  
tiam abscondimus, deinde adolescen-  
tiam, deinde senectutis optimos an-  
nos. Senec.

Apiana vina, & alia quædam initio  
dulcia, austeritatem accipiunt ab an-  
nis: Ita quidam ætate sunt inhum-  
niores. Plin.

Aminæ vina senio fiunt meliora:  
ita quidam in iuuenta solutiores aut  
asperiores, ætate & usu rerum fiunt  
mitiores. Plin.

\* Vt Ciconias nemo aduenire sentit,  
sed aduenisse: nemo discedere, sed dis-  
cessisse, quod noctu clanculum faciunt  
vtrumque: ita iuuentutem nemo in-  
telligit discedere, sed discessisse, & se-  
nectutem non sentimus aduenire, sed  
aduenisse. Plin. lib. 10. cap. 23.

\* Sicut amplæ & regie opes, ubi ad  
malum dominum peruenerunt, mo-  
mento dissipantur, at quamuis modi-  
cæ, si bono custodi traditæ sunt usu

crescunt: ita ætas nostra bene dispo-  
nenti multum patet. Senec. de breui-  
vitæ, cap. 1.

\* Quemadmodum ex amphora pri-  
mùm quod est sincerissimum effluit,  
grauissimum quodque turbidumque  
subdit: sic in ætate nostra, quod opti-  
mum, primùm est. Senec. in epist.

\* Illa herba quæ in segetem frugem-  
que ventura est, aliam constitutionem  
habet tenera & vix eminens sulco,  
aliam cum conualuit, & molli quidem  
culmo, sed qui ferat onus suum, consi-  
stir: aliam cum flauescit, cum ad are-  
am spectat, & spica eius induruit, in  
quam constitutionem cum venit, eam  
ruetur, in eam componitur: ita alia  
ætas est infantis, pueri, adolescentis,  
senis. Senec. in epist.

*Affectus.*

Vt periculosior est tempestas, quæ  
non sinit in portum appellere, quàm  
quæ vetat nauigare: Ita grauioribus ani-  
mi motus, qui non sinunt hominem  
cōsistere ratione perturbata, sed præci-  
pitum auferunt in tempestates. Plut.

Circes poculis homines subito  
transformabantur in feras: & affec-  
tus repenti alium reddunt hominem.  
Plutarch.

In magno fluctu non sistitur nauis,  
nisi pondus anchoræ retineat alto  
infixæ vado: sic in magnis rerum pro-  
cellis, summa ratio debet animum  
cohibere, ne ab affectibus auferatur.  
Plutarch.

Vt velis vtendum pro nauis magni-  
tudine: ita cupiditates pro facultate  
sunt moderandæ. Plut.

Calceus ad pedis formam torque-  
tur, non contrà: sic vitæ genus cuique  
est huiusmodi, cuiusmodi sunt animi  
affectus. Plut.

Frustra puro haurias vase è fonte  
turbido: Ita non potes aliis iucundus

D d d esse,



esse, aut rebus obeundis accommodus, nisi purgaueris animum malis affectibus. Plur.

Equi iam mansueti, etiam si auriga non utatur habenis, tamen suapte sponte rectam pergunt ire viam: sic affectus à ratione iam pridem domiti & assueti, nec in somnis, nec in morbis sopita ratione, quicquam tentant turpe. Plur.

Si corpus assuescit, ne conuiueant aut lachrymentur oculi, ne palpitet cor: Ita multò magis animus ne phantasis commoueatnr. Plur.

Locus supinus ac mollis nihil expellit quod inciderit, nec potest auertere: Sic animus vitiosa præditus verecundia nulli peruius est, nisi turpibus affectibus. Plur.

Qui lucernam non ferunt, multo minus ferrent Solem: sic qui mediocribus rebus perturbantur, multò magis obstupescunt in magnis. Plur.

Vrpueriles querimoniz facillè conuirescunt: Ita leues cupiditates subducta materia facillè sedantur. Plur.

\* Quemadmodum tempestatibus & pluuiis ante ipsas notæ veniunt: ita ira, amoris, omniumque istarum procellarum animos vexantium sunt quædam prænuncia. Senec. lib. 3. de ira.

Hominem vehemèter ægrotum, vel lunæ deliquium, vel ventus asperior, vel maris decessus, aut huiusmodi quepiam leuis rerum commutatio tollit è medio: ita animos imbecilles & affectibus corruptos quæuis offensa perturbat: cum qui firmis sunt animis, istiusmodi non sentiant. Plur.

\* Quemadmodum timidi, & qui nauisæ nauigando obnoxij sunt, existimantes se meliusculè habituros, si ex acatio in gaulum, rursumque si in triremem commigrarint: nihil tamen proficiunt, bilèrem timiditatemque secum circumferentes: Ita aliud vitæ

genus non eximit animo ea quibus grauatnr & perturbatur, hoc est, rerum inscitiam & rationis imperfecti onem, ac id vitium quod non potest neque callet rectè præsentibus vit. Plur. de tranquill. animi.

Vt nullum animal, nec mire, nec ferum parer rationi, quæ caret: sic nullus affectus. Senec.

Multa agrestia subnascètia in agro, mala quidem ipsa sunt, sed tamen signa felicitis atque vberis soli, si quis excolat: & animi affectus per se mali, arguunt ingenium non malum, si accedat recta institutio. Plur.

Canes feroces, ad omnem vocem irritantur, ad solam notam, ac familiarum mansuescunt: Sic animi morbi cum scruunt compesci non possunt, nisi dicta ad sint nota familiariaque, quæ commotos corripunt. Plur.

Vt corpus non est capax voluptatum, nisi bene temperatum: Ita animus non capit veram voluptatem, nisi liber metu, ac cæteris affectibus. Plutarchus.

\* Quemadmodum periculosior est tempestas quæ non finit in portum appellere, quàm quæ vetat nauigare: ita grauioribus animi motus, qui non sinunt hominem consistere, ratione perturbata, sed præcipitem auferunt in tempestates. Plur.

Vt initia morborum quamuis leuia serpunt: Ita si vitia & affectus vel leuissimos semel admittas, crescunt & auferunt. Senec.

\* Affectus sunt motus animi improbabiles, subiti & concitati, qui frequenter neglectique fecere morbum: sicut distillatio, nec adhuc in morem adducta, tussim facit assidua, & vetus phthisin. Senec. epist. 76.

Vt homini semper adest remedium aduersus serpentium virus, nempe salina, qua contracti cæu seruienti perfusi aqua

equa fugiunt, emoriuntur etiam si in  
furore perierint: si aduocis om-  
nes passivas cupiditates praesens re-  
medium semper nobiscum circumfe-  
rimus, si modo nouerimus. vii. Id ab a-  
nimo petatur oportet. Plin.

Absummaris, ad quos aus detrimen-  
ta lunae: magis sentiant imbecilliora  
corpora: et rebus contrariis vehe-  
mentius commouetur animus minus  
sibi confidens: & affectibus vitiatus.  
Plin. non tamquam etiam in his imbecilliora  
corpora: et rebus contrariis vehe-  
mentius commouetur animus minus  
sibi confidens: & affectibus vitiatus.

Qui dolent, quod non excellent in  
omnibus istam diuersissimis; perinde  
faciunt, ac si quis molestus ferat, quod  
vinea non ferat ficus, quodque olea  
non ferat botros. Plut.

Qui tudeat Plato esse doctrina: dor-  
mire cum beata vetula, ut Ephorion:  
cum Alexandro potare ut Medius: di-  
ues esse, ut Ismenias: virtute praece-  
lens, ut Epaminondas, doleatque; quod  
vni non sit haec omnia: perinde faciunt,  
ac si molestus ferat, quod non sit leo  
montanus, & idem Melitaea catella in  
suo videri diuitis. Plut.

Accius poeta cum esset ipse admo-  
dum brevis, tamen in de Camoenarum  
maxima forma statuem sibi po-  
suit: ita quidam re viles, & humiles,  
ambitione fucosque dilant se. Plin.  
l. 34. c. 5.

Chamaeleon quoniam aura pasci-  
tur, non cibo, semper hianti est ore:  
Ita qui gloriolis & auris aluntur po-  
pularibus, semper aliquid captant,  
quod famam augeat. Plin.

Ut quae mortuus est qui conditus est  
in odoribus & qui trahitur voco: ita  
ut quae sunt in saeculis, & qui voluptati-  
bus indulgent, & qui ambiciosi nego-  
tiis vacant. Senec.

Ut oia plena fidunt, inania fluitant:  
Ita qui veris virtutibus aut literis est

praeditus, minus ostendit se, quam qui  
locus. Senec.

Ut venti desituri vehementissimè  
spirare solent: ita mortales cum ma-  
ximè essent sese, tum proximi exitio  
solent esse. Senec.

Columbo in volatu pernicitas, sed  
dum plaudir in aere sibi placens im-  
plicatis strepitu pennis, capitur ab in-  
sidiente accipitre: Ita multi dum con-  
stant suas vires magis quàm vtuntur,  
obliti praeda sunt inimicis. Plin. l. 10.  
cap. 20.

Pauca non explicat pennas nisi lau-  
datus: Ita quidam putant se non ha-  
bere quod habent, nisi sint qui mi-  
rentur. Plin. l. 10. c. 21.

Gallus victor illico cantu superiore  
se se restatur: Ita quidem sua facinora  
iactant ipsi, & suarum laudum ridiculi  
sunt tibicines. Plin. lib. 8. cap. 33.

Ut Chamaeleon maximum habet  
pulmonem, & nihil aliud intus: Ita  
quidam praeter ostentationem & ven-  
tosam iactantiam nihil habent. Plin.  
lib. 11. cap. 32.

Taurus auis cum sit pusilla, tamen  
boum vocem imitatur: ita nonnulli  
cum re sint exigui, tamen loquuntur  
reges ac satrapas. Plin. l. 9. c. 42. & c. 31.  
eod. lib.

Minimi cancri, quos pinnoferas  
vocant, quo tutiores sint, inanium co-  
charum testis se condunt, & cum co-  
creuerint, migrant in capaciore: Ita  
quidam maiorum suorum titulis tu-  
entur sese, cum suis diffidant virtuti-  
bus. Plin.

Ut Chamaeleon non alio pasceatur  
alimento, quàm aeris, & idcirco ore est  
semper hians: ita quosdam aura po-  
pularis alit, neque quicquam capiat  
praeter inanes laudes & gloriam. Plin.

Ut vitis nisi amputes, latè sese spar-  
git, brachiis suis omnia complectens  
& implicans: ita princeps ambiciosus

semper aliquid è proximo: suadun-  
git imperio, nisi subinde vindicetur.  
Plin.

\* Quemadmodù Cecius ventus ad  
se trahit nubes: sic ambicio inuidiam,  
simulacrem, profusionem, atq; id genus  
alia incommoda ad se trahit. Plin.

#### *Amicitia.*

Quemadmodum lac coagulo con-  
crescit: sic homines compinguntur, &  
vnum sunt amicitia. Plut.

Vt ignis omnium condimentorum  
est suauissimum, velut inquit Ennius:  
Ita amicitia omnem vitam condulcat,  
si admisceatur. Plut.

Quemadmodù qui stomacho valët,  
& animantia sanissima, saxa, ferrum,  
serpentes & scorpiones concoquant, eä-  
que in nutrimentum vertunt, conträ  
valetudinarij etiam pane & vino of-  
fenduntur: sic stulti & amicitias per-  
dunt, sapientes etiam inimicitias rectè  
norunt vii. Plut.

Vt bruta si vi commisceantur diuerso  
generi, discedunt indignantiä, graui-  
ter ferentia: sic inter similes placidè  
coit & coheret amicitia. Plut.

Musica symphonia constar è diuer-  
sis, puta grauibz & acutis inter se ra-  
tione compositis: at amicitia constar  
similibz. Plut.

\* Quomodo solitudo in odio est:  
sic in dulcedine appetitio societatis.  
Quomodo hominem homini natura  
conciliat: sic inest huic quoque rei sti-  
mulus, qui nos amicitiarum appeten-  
tes faciat. Senec. epist. 9.

#### *Amicitia fucata.*

Vt Ixion lunonem persequens in  
nubem incidit: sic multi in fucatam &  
vulgarem amicitiam incurrunt. Plut.

Orobanche ciceri infesta est & eruo,  
vt æra tritico, hordeo festuca quæ vo-  
catur ægilops, lenti securidaca: atque

hæ quidem omnes compleri necant:  
Ita quorundem amicitia: postulens est  
magis quàm inimicitia. Plin. lib. 18. c. 47.

*Amicitia multorum.*

Vt mulier impudica, cum multis se  
commiscens nullum certum habet a-  
matorem: Ita qui multorum appetit  
amicitiam. Plut.

Vt puella in pratis alium post alium  
flosculum decerpens semper nouis ri-  
dentibus capitur, priores negligit: sic  
qui multas instituit amicitias, ac mox  
saturatus alias quærit. Plu.

Vt prima materia quibzlibet for-  
mis variatur, cum propriam non ha-  
beat: Ita animus multorum amicitia  
subiectus. Plut.

\* Quod ægris euenit, quos longa im-  
becillitas vsq; adeo affecit, vt nunquā  
sine offensâ proferantur, hoc accidit  
nobis quorum animi ex longo morbo  
infiuntur. Inimica est multorum co-  
uersatio. Epist. 7.

#### *Amicitia paucorum.*

Vt Briareus centum nianibus quin-  
quaginta pascens ventres, nihilo feli-  
cior erit nobis, qui duabus vnum ad-  
ministramus: sic tantundem commo-  
dicatis capies è paucorum amicitia,  
quantum è multorum: pensatur enim  
incommodum, si pauci inseruiunt, pauci  
est inseruiendum. Plut.

Perinde ac si mutilus ac cæcus me-  
tuant ne Briareus fiat centimanus aut  
Argus centoculus: Ita quidam metu-  
unt, ne plurimum sint amici, cum nec  
vnum adhuc verum habent amicum.  
Plut.

#### *Amicitia bonorum.*

\* Vt benefici liberalésque sumus,  
non vt exigamus gratiam (neque e-  
nim beneficium sceneramur, sed na-  
turâ propensi ad liberalitatē sumus)

sic

se amicitiam, nō sē mercedis adducti sed quod omnis eius fructus in ipso amore inest, expetendam putamus. Cicero in Lælio.

*Amicitia malorum*

Ut hirundines sub hominum rectis nidulantur, & tamen non assuescunt, nec fidunt homini, ita quidam amicos semper habent suspectos. Plin. lib. 10. cap. 14.

*Amicitia neglecta.*

Non potest quævis arbor miscere, neq; quælibet fera cecurari, proinde hæc quoq; quæ possunt in suum vertunt usum, sic qui ad amicitiam adduci non possunt, horum odio ad nostrum commodum abutemur. Plur.

Ciconia tamen demigrat, tamen reuera semper eosdem reperit nidos. Ita non oportet amicorum ob intermissionem vitæ consuetudinem obliuisci, sed memoriæ illorum semper nobiscum circumferre. Plin. lib. 10. cap. 23.

*Amicitia dirempta.*

Ut damas si frangi contingat male, in minutissimas dissilit crustas, ad eō re vix oculis cerui queant: Ita arctissima necessitudo, si quando contingat dirimi, in summam vertitur si multarem: & ex arctissimis fœderibus si semel rumpantur, maxima nascuntur dissidia. Aut supra modum incandescent semel victa lenitas. Plin. lib. 37. cap. 4.

Amici novi non sunt veteribus anteponendi, ut equis vetulis teneros anteponebat Sotemus. Non enim amicitiarum esse debent, sicut aliarum rerum satietates. Veterissima quæq; esse suavissima debent, sunt aliarum rerum satietates, novitates tamen non repudiandæ, vetustas autem suo loco conservetur. Cic. in Lælio.

In peregrinatione vitam agentibus

hoc euenit, ut multa habeant hospitia, nullas amicitias: Idem accidit necesse est iis qui nullius ingenio se applicant familiariter, sed omnia cursum & properanter admittunt. Non prodest eibus, nec corpori accedit qui statim sumptus emittitur. Nihil æquæ sanitatem impedit, quàm remedium crebra mutatio. Non venit vultus ad cicatricem, in quo crebra medicamenta tententur. Non consuescit plagues quæ sæpius transferuntur. Nihil tam vile est, quod in transitu proficit. Distrabit animum librorum multitudo. Senec. epist. 2.

*Amicitia reconciliata.*

Abies adeo coheret glutino, ut prius scindatur quàm solida est, quàm quæ glutino ferruminata: Ita post rediit in graviam firmior debet esse amicitia, & artius coherere, quos copulavit mutua benevolentia glutinum, quæ quos natura coniungit. Plin. lib. 16. cap. 2.

Cassiteria id est, stannum aut plumbum album, si ruptum ferruminat, utrunq; exstringens propter affinitatem, quæ habet cum viroque: Ita amicus amicitiam ac benevolentiam disruptam reconciliare debet utriq; seque accommodans ex æquo. Plur.

Ut Pyrites gemma, non aperit vim igneam nisi arteras, tum enim digitos adurit: Ita quorundam malitiam non sentias, nisi cum illis consuetudinem aut rem habueris, aut non sentias philosophiæ vim nisi exercueris. Ita Succina attrita vim attrahendi & odorem perdunt. Plur. & Plin. lib. 36. cap. 19. & lib. 37. cap. 17.

Ut CrySTALLI fragmenta farciri nullo modo possunt: Ita difficillimum est eos reconciliare, qui arctissima familiaritate in mutuū odium venerint. Plin. lib. 17. cap. 3. & lib. 37. cap. 2.



*Amicitia renouata.*

Vt quæ glutino commissa sunt, si solvantur, facillè reglutinantur: ita si corpus rumpatur, haud facillè coit: Sic inter alios amicitia dirupta facillè coit, in fratribus semel dirupta, aus non coit, aut citatricola coit. Plut. *de frat. b. p. d. s. e. p. o. n. u. o. t. a. d. r. e. p. u. s. o. p. e. r. a. s. u. a. t. u. m. e. x. i. n. t. e. r. u. a. l. l. o. r. e. c. t. i. u. s. i. u. d. i. c. a. t. u. r. i. t. u. r. n. a. m. a. s. i. d. e. i. t. a. s. i. n. t. a. u. s. f. a. c. i. t. q. u. o. m. i. s. u. s. b. e. n. e. i. u. d. i. c. a. t. : S. i. c. n. o. p. r. e. c. t. i. u. s. i. u. d. i. c. a. m. u. s. a. m. i. c. o. s. q. u. o. s. e. x. i. n. t. e. r. u. a. l. l. e. r. e. u. i. s. i. m. u. s. A. c. d. e. n. o. b. i. s. i. p. s. i. s. q. u. o. n. i. a. m. a. d. s. u. m. a. s. a. s. s. i. d. u. e. m. i. n. u. s. r. e. c. t. i. u. s. i. u. d. i. c. a. m. u. s. P. l. u. t.*

\* Ciconia tamen si demigrat, tamen reuersa semper eosdem petenidos: ita non oportet amicorum ob intermissa vitæ consuetudinem obliuisci, sed memoriam illorum semper nobiscum circumferre. Plin. lib. 10. cap. 13.

\* Si quis oculum casu excusserit, reliquæ illi suæ satisfaciunt, & erit in minuto corpore & amputato tam laetus, quā si in integro fuit. Sed quæ sibi desunt, nū desiderat? Non desisse inquit. Ita sapiens secum cōtēsus est, non ut vellet esse sine amico, sed ut possit, & hoc quod dico possit, tale est amicum a quo animo fert. sine amico quidem nunquam erit: in sua potestate habet, quā cito reparet. Quomodo si perdidit Phidias statuam, protinus alteram faciet. Sic hic faciē dārum amicitiarum artifex substituet & alium in locum amissi. Senec. epist. 9.

*Amicitia principum.*

Vt periculosum est, dæmones euocare, propterea quod si quid erratum fuerit, magno conantis discrimine fiat: nam aiunt Tullium Hostilium idem fulmine, quod ex Numæ libris Iouem deuocare conatus, quædam partem ritè fecisset? Ita periculosum est cum

principibus habere, & de amicis cum moribus potestibus, quod officium si re qualibet hui funditus subuertant hominem. Plinius libro 2. cap. 15. & lib. 28. cap. 2.

Vt arithmeticonum digiti aliquando varent multos milibus, aliquando nihil: sic regum amici aliquoties quidam possunt, rursus mutata in tantum gratia nihil possunt. Plut.

\* Quemadmodum luna quo propior est Soli, minus habet luminis: ita plus fructus ac dignitatis est iis qui procul absunt, a magnis Principibus. Plin. lib. 3. cap. 9.

Vt nummum exploras, num sit adulterius, priusquam eo sit opus, ne amicus probandus, antequam eo sit opus. Plut.

Qui reiectis cognatis, peregrinos adsciscit amicos, perinde facit, ac si quis amputato pede carneo, ligneum pedem addat. Plut.

Quemadmodum stultus est, qui equum expulsum non ipsum inspicit, sed statum eius ac frenos: sic stultus, qui amicum a sciturus, eum & estitu aut ripas æstimat. Senec. lib. 3. Veluti qui nummum, adulterinum: Ita qui amicum habet, non exploratum, ubi sentiat sit improbum esse, cum prius tunc gaudet: cum habet, opus effugit. Plut.

Vt rubo, spinisq; complectentibus nos discussis, ad vicem aut oleam vendimus: Ita non quemuis robur oportet in amicitiam admittere, sed ad idoneos, reiectis aliis cundum est. Plut.

Vt Zeupis dentē pingebat, quod diu duraret: Ita diu explorandus amicus, qui sit perpetuus futurus. Plin. lib. 3. cap. 9. & 10.

Vt diligenter compingitur navis quæ sit in tempestatibus præsidio futura,

tra, & agger variis casibus oppositus: Ita diligenter probandus amicus, quo futurus ad omnia. Plutarchus. In ionem amans, in nubem incidit sic quidam dum veram expetunt amicitiam, vulgarē ac falsam amplectuntur. Plut.

Ut qui pręgustando lethale venenum, in exitum coniciunt sese, sic qui amicum admittit, priusquam cognouerit, suo malo discit, qualis sit. Plutarchus.

Ut hirundines sub hominum tectis nidulantur, & tamen non assuescunt nec fidunt homini. Ita quidam amicos semper habent suspectos, præsertim insulares. Plin. lib. 10. cap. 24.

Diligentes agricolę terram prius notulis quibuldam deprehendunt, & explorant priusquam illi credant se mentem: Ita explorandus amicus antequam committas arcanum. Plin.

Ut vas experiamur, aquam, non vinum infundimus: Ita frivolum quiddam aliquando committendum amicis, quo silentij fidem experiamur, ut si effutiant nihil sit periculi. Plut.

*Amicus verus.*

Animal in intimis vires habet maximę proprias: Sic amicus nihil ostendit, sed cum celat, cum maximę iuvat. Plinius.

Ut medicus & non sentientem sanat: Sic amicus etiam si ignoraretur amicum iuvat. Plut.

Ut in diapason tantus est concentus, ut vox eadem esse videatur: Ita veri amici unus sunt animus. Aut si adulator per omnia subseruit ad orationem diuitis, ut vnum loquentem dicas non duos. Vide pręverb. disdiapason.

Ut aurum igne si benevolentia fidelis periculo aliquo perspicitur. Cic. lib. 9. epist. ad familiares.

Ut suavis est antiphonum, quā si vox omnino sit eadem: sic iucundior amicus, ita cōcors, ut tamen non nihil dissideat, quā adulator per omnia obseruiens. Plin.

Poma quędam suauiter acerbata sunt, & in vino nimium veteri delectat & ipsa amaritudo: Sic amicorum defunctorum memoria mordet animum, sed non sine voluptate. Senec.

Ut mel exulcerata mordet ac purgat, alioquin vtile & dulce: Sic amici libertas non mordet, nisi si quid est vitiosum & corrigendum. Plut.

Polypus superficiem & colorem duntaxat mutat: At amicus verē similis esse debet amicis, & moribus, & affectibus, & studiis. Plutarchus. Plinius lib. 9. cap. 26.

Lyneus per quercum videt, inimicus etiam per famulum, per amicum perspicit, quid agas. Plut.

*Amicus fuscatus.*

Ut rupturę & spasmodica tum demum mouentur, cum corpus aliquo malo corripitur: sic amici non ingenui felicitibus adulantur, lapsos obiuergunt, & illorum infortunio fruuntur. Plut.

Hirundo æstate aduolat, instante hieme auolat. Ita infidus amicus rebus lætis præsto est, commutata fortuna deserit amicum. Plinius libro 10. cap. 24.

Seleucides aues nunquam conspiciuntur, a Cassij montis incolis, nisi cum illarum præsidio est opus, aduersus loquutas vastantes fruges, nec vnde veniant, quove abeant cognitum: ita quidam nunquam apparent, nisi cum nostrō egent auxilio: nec visunt amicos, nisi cum urget necessitas aliqua. Plin. lib. 10. cap. 27.

Ut malum cibum nec retinere possit, sic iuxta noxam, nec reicere sine molestia. Ita malum amicum, si tenas,

lædit, nec tamen absque inimicitia ac tumultu veluti bilem potes abicere. Plur.

Vt Creon filiam nihil adiuvit, sed eam complexus vna cum illa perit incendio: sic quidam felicibus amicis non fruuntur, cum infelicibus pereunt. Plur.

Vt nandi imperiti dum volunt succurrere iis, qui præfocantur, ac merguntur, vna cum illis merguntur, & nocent magis, quam profunt: sic amici qui in rebus aduersis tantum collaerymant amico. Plur.

Quemadmodum muscæ in popinis non manent, si desit nidor: Ita vulgares diuturni amici non perseverant, si non adsit utilitas. Plur.

Atrodunt hominis cibum mures, viuunt sub eodem tecto, nec tamen assuescunt homini: Ita quidam amici parum synceri nec relinquunt cibi commodiq; causa, nec amant tamen aut fidunt. Plur.

*Amor.*  
Vt hedera vndeuis ex se inuenit, quo se alliget: Ita amor etiam iis capitur, quæ non amantem offendunt. Plur.

Vt radix, quam medici vulgò rhabbarum vocant, cum sit biliosa, tamen peculiari quadam vi bilem pellit: Ita fit nonnunquam, vt amor pellat amorem, seu clauus clauum, iram iram, & dolor dolorem.

Vt echeneis hæc exigua piscis naue velis citatam remoratur: Ita animus ad honesta properantem puella quæpiam nonnunquam reuocat, ac retardat affixa. Plin.

\* Quemadmodum frondium isctura facilis est, quia renascuntur: sic istorum quos amas, quosque oblectas: ita vitæ putas esse, damnum: quia reparantur, etiam si non renascuntur. Seneca, epist. 105.

*Amor sed.*

Nullum est animal quod impensius amet suos foetus, quam Asinus & similia: Ita indocti suas commentationum culas præter alios amplectuntur. Plinius.

Vt qui per inanem ingreditur quod magis innituntur, hoc magis pereunt: ita qui sui amantes, sibi fidunt. Eras.

Non vt medici bili medentur amaris: Ita oportet iracundiam medicari iracundia. Plur.

Vt minutæ literæ, si quis intendat, offendent oculos: Sic qui res minutulas iracundè curant, morosior redduntur ad maiores. Plur.

Vt equæ conspecta in aquis forma sua, aguntur in rabiem, auctore Columella, ita quidam nitium admirantes sua, ad insaniam usq; redduntur insolentes. Eras.

Industrium animal formica, non laborat nisi sibi: ita nonnulli mortales sibi duntaxat consulunt, & suum modò negotium agunt. Plin.

Vt suus cuiq; morbus videtur atrocissimus, ita suum cuique incommodum maximè dolet. Eras.

\* Si vnum quodque membrum hunc sensum haberet, vt posse putaret se valere, si proximi membri valetudinem ad se traduxisset, debilitari & interire corpus necesse esset: Sic si vnusquisque nostrum rapiat ad se commodum aliorum, detrahâtque quod cuique possit, emolumentum sui gratia, societas hominum communisq; euertatur necesse est. Cicero lib. 3. Offic.

*Amor proximi.*

Vt luna quod luminis accepit à sole, mundo refundit: Ita donum à Deo acceptum, incommodum aliorum est conferendum. Eras.

*Anima.*

*Animus.*

Vt corpus est instrumentum animæ: Sic anima est instrumentum Dei. Plutarchus.

Vt suis capta, si diutius alatur in carcere, etiam si dimittatur, studet eò redire: sic animus diu versatus in hoc corpore, non facillè reucllitur. At puerorum animus libentius euolat. Plut.

Quemadmodum igni si extinctam subito facem admoucas, statim reacenditur: sic animus si statim euolet à corpore, facillè redit in suam naturam. Plutarch.

Qui è seruitute manumissi sunt, quæ dominis solent facere, cum seruirent, ea faciunt sibiipsis, suoque arbitrio & præsidio: Sic nunc anima alit corpus multo labore, multis curis: postea facta libera, seipsam alit contemplatione veri, nec ab ea poterit auelli. Plutarchus.

Vt qui in alieno habitant, multis apuntur incommodis, semperque de aliqua domicilij parte queruntur: Ita animus nunc de capite, nunc de pedibus, nunc de stomacho, nunc aliud de alio queritur, significans se esse non in suo domicilio, sed vnde breui sit emigrandum. Senec.

Vt ex barba capillos detonsos negligimus: Ita ille diuinus animus egresus hominem, quo receptaculum sumum conferatur, ignis illud exurat, an feræ distrahan, an terra contegat, nō magis putat ad se pertinere, quàm secundas ad ædritum infantem. Senec. epist. 93.

*Animus.*

Vt in lance momentum in vtranque partem equè propensum est, & in neutram afflectitur: Ita dubius animus. Plutarchus.

Corpus oneris pondere premitur:

at animus ex sese se penumero pondus addit rebus. Plur.

Vt qui thus tundunt, etiam si purgentur, ramen odorem in mukū tempus referunt: ita animus diu diuersatus in honestis negotiis, diu seruabit iucundam memoriam, qua fretus contemnet eos, qui vitam vt miseram deplorant. Plur.

\* In corporibus magnæ sunt dissimilitudines: alios enim videmus velocitate ad cursum, alios viribus ad luctandum valere, itémque in formis, aliis dignitatem inesse, aliis venustatem: Sic in animis existunt etiam maiores varietates. Cicer. lib. 1. Offic.

\* Vt necesse est lancem in libra ponderibus impositis deprimi: sic animum perspicuis cedere. Cic. lib. 4. Academ. quæst.

\* Sicut membra nobis ita data sunt, vt ad quandam rationem viuendi data esse appareant: sic appetitio animi, non ad quoduis genus vitæ, sed ad quandam formam viuendi videtur data, itémque & ratio, & perfecta ratio. Cic. lib. 3. de finibus.

Lumenta quorum in aspero indurata est vngula, quamlibet patiuntur viam, in palustri pascuo saginata citò subteruntur: sic animus duris rebus assuetus, minus offenditur. Senec.

Flamma nec premi potest, nec quiescere: sic animus natiuo impetu fertur ad honesta. Senec.

Robora in rectum quamuis flexa reuocabis, curuatas trabes calor explicat, & aliter natæ in id finguntur, quod vsus noster exigit: quanto magis animus accipit formam, flexibilis & omni humore obsequentior. Senec.

Vt in corporibus morbus segnitie & lassitudine præsentitur: Sic infirmus animus, priusquam opprimatur malis, præsumptione quatitur. Seneca.

Vt



**Vt** primum est expurganda bilis unde nascitur infania, deinde monendus homo: alioqui qui furiosum admonet quomodo debet procedere, quomodo se gerere in publico, furiosior fit ipso furioso: sic primum animus est liberandus falsis opinionibus, postea tradenda praecepta philosophi. Senec.

**Vt** puerorum dum primum discunt scribere, digiti tenentur, & aliena manu per literarum simulachra ducuntur, post iubentur imitari propositum: Sic primum animus ad prescriptum adiuvetur oportet, donec incipiat per se philosophari. Senec.

**Quemadmodum** si ferrum inter adamantem ponas & magnetem, diverso nisu nunc huc, nunc illud fertur: Ita dubius animus nunc ad honesta rapitur, nunc ad diversa trahitur affectibus. Plin.

*Animi bona.*

**Radix** solis etsi contingunt terram, tamen ibi sunt unde mittuntur: sic sapientis animus tamen si versatur hic, tamen apud suam originem est. Senec.

**Ex** congiario epulo, aut visceratione, tanto minus redit ad singulos, quanto in plures distribuitur: Non idem accidit in bonis animi, quae tota ad singulos perveniunt, nec communicatione minuuntur. Senec.

**Vt** vulgus ineptum magno labore, magnoque impendio remedia ab extremis Indis, aut Aethiopibus petunt, cum in hortis nobis nascatur, quomorbis mederi possimus: Ita praesidia beatæ vitæ magno molimine foris quaerimus, in imperiis, in opibus, in voluptatibus, cum in animo sit, quod nos beatos efficiat. Senec.

**Quemadmodum** lumen lucernæ, luce solis obscuratur & offenditur: sic

rerum corporearum æstimatio splendore virtutis animique bonis obscuratur. Cic. lib. 1. Offic.

**Quemadmodum** cum morbus in corporis parteis non suas transfertur, signum est morbis parantis abire: Sic cum offendimur quibus consuevimus delectari, indicium est futuræ sanitatis. Plut.

*Animi morbi.*

**Vt** civitas in seditione non potest esse beata, nec in discordia dominorum domus: sic animus à seipso diffidens, secumque discordans, nullam gustare partem liquidæ voluptatis, ac liberè potest. Cic. lib. 1. de finibus.

**Quemadmodum** plus agit tortor, quo plura instrumenta doloris expoluit (specie enim vincuntur, qui patientia resistunt) ita ex his quæ animos nostros subigunt & domant, plus proficiunt, quæ habent quod ostendant. Senec. epist. 14. illis ut sup. 14.

**Sicut**, nihil differt virum ægrum in ligneo lecto aut in aureo collocari: quocunque illum transulesis morbus suum secum transfert: Sic nihil refert utrum animus æger in divitiis, quæ in paupertate ponatur: malum suum illum sequitur. Senec. epist. 7.

**Quemadmodum** si stercus morbo vitatus, & colligens bitum, quicunque accipit cibos mutari, & omne alimentum in causam doloris trahit: ita animus æger, quicquid illi commiseris, ad onus suum perniciemque & occasionem miseræ vitæ. Seneca lib. 5. de beneficiis, cap. 12.

**Vt** in corporibus morbus segnitie & lassitudine præsentitur: sic infirmus animus, priusquam opprimatur malis præsumptioe quætitur. Senec.

**Sicut** flamma surgit in rectum, iacere ac deprimi non potest, non magis quam quiescere: ita noster animus

inmensa est, eo mobilior ac astutior, quā vehementior fuerit. Seneca epist. 39.

Ut qui per febrem, aut ophiactem horrentatque afluant, grauius afficiuntur iis qui eadem foris patiuntur: Ale foris res, quod foris adueniant minus discruciant, quā ea quæ sunt animi. Plur.

Ut si fons ipse turbidus sit, quicquid inde fluxerit non potest esse purum: Sic animus, si sit infectus malis affectibus, omnia vitia quæ accedunt, contra si purus & tranquillius. Plur.

Quemadmodum admonet Xenophon, ut in rebus prosperis maxime meminimus honorare deos, quod si quando incidit necessitas, audacter eos possumus accersere, eum iam bene uolos & amicos: Sic dicta quæ morbis animi quærit mederi, multis ante comparata sunt, ut dum opus est, facile succurrant, iam familiaria. Plur.

Ut canes feroces ad omnem vocem iritantur, ad solam notam ac familiarē mansuecunt: Sic animi morbi cum lauiunt, compesci non possunt, nisi dicta adiunt nota familiariaque quæ commotos corripiant. Plur.

Ut corpus ægrotum, nec æstus ferre potest, nec frigus: Ita animus ægrotus prosperis atque aduersis rebus iuxta offenditur. Plur.

Qui nauscant inter nauigandum, existimant se melius habituros, si ex scapha in liburnicam, aut in tricremem demerant. At nihil agunt, cum se tunc circumferant timiditatem ac bilem. Ita frustra vertunt genus vitæ, qui morbos animi secum adferunt. Plurarch.

Qui laborant aduersa valetudine, iis omnia sunt molesta, fastidiunt cibos, inculant medicos, succensent amicis: Ut res iuxta se habitas omnia reddidit iocunda: Sic animo ægroti quæ

uis vita insauis, animo sano nullum vitæ genus non iucundum. Plur.

Qui corporis morbo laborat, quieti se tradant, medicum accersunt, abstinent: Sed qui ægrotant animo, quo grauius ægrotant, hoc magis abhorrent à quiete, & à medico. Plur.

Vna tussis non facit phthisin, sed in morem adducta: ita error non statim gignit animi morbum. Senec.

Ut quidam gemmas quasdam secum vbique circumferunt aduersus morbos, maleficia, ebrietatem, tonitrua, ruinas, cæteraque mala: Ita quædam philosophiæ decreta semper ad manum habenda aduersus incursum animi morbos, libidinem, iracundiam, ambitionem, auaritiam, & his consimiles. Senec.

*Animi tranquillitas.*

Ut sapiens gubernator in tranquillitate tempestatem expectat: Ita rebus tranquillis ad dolorem aliquem præparandus est animus. Plur.

\* Quemadmodum flamma non potest opprimi, nam circa id diffugit, quo vrgetur, quemadmodum ær verberare aut ictu non læditur, nec scinditur quidem, sed circa id cui cessit refunditur: Sic animus, qui ex tenuissimo constat, deprehendi non potest, nec intra corpus affligi, sed beneficio subtilitatis suæ per ipsa quibus præmitur erumpit. Senec. epist. 55.

*Animalia.*

\* Artifex instrumenta sua tractat ex facili: rector naui scit gubernaculum flectere: pictor colores quos ad reddendam similitudinem multos variis que ante se posuit, ce lerrimè denotat, & inter ceram opusque facili vultu ac mane com meat: Sic animal in omnem usum sui est mobile. Senec. epist. 122.

*Animaduersio.*

*Animaduersio.*

\* Ut fulmina paucorum periculo cadunt, omnium metus: sic animaduersiones magnarum potestatum terrent latius quam nocent, non sine causa. Senec. lib. 1. de Clement. cap. 8.

*Antiquitas.*

Sicut in vnguentis & vinis: ita & libris pretium addit antiquitas. Erasmi.

*Apostata.*

Qui ex balneo calenti, vehementius frigeant, & aqua frigidior esse solet, quæ prius caluit: ita vehementius sese oderunt, qui prius fuerunt amici, & sceleratiores sunt, qui à pia via ad impiam se transulerunt. Erasmi.

*Artes & disciplina.*

Ut frequentius conuenitur ad spectaculum ubi nonnihil theatricæ stipsis confertur: ita disciplinæ à pluribus coluntur, quæ præter voluptatem, ac dignitatem, emolumentum etiam, & commoditatem adferunt. Plut.

Arbor suapte natura non nisi vnicum fructum gignit, insitione eadem diuersi generis fructibus oneratur: ita qui naturam suam sequitur, semper idem est: qui arte ducitur, sui dissimilis est. Plin. lib. 17. cap. 14.

Rhombus, & squatina, & rhaia, & pastinaca, cum tardissimi sint pisces, tamen sæpe reperiuntur habentes in ventre mugilem omnium velocissimum, solertia & ingenio capientes: ita quidam arte superant longè potentiores opibus aut viribus. Plinius lib. 9. cap. 42.

Sicuti vina & poma subacerva, ventu mirescunt dulcescuntque: sic ætatis insolentia longo rerum usu mitigatur.

Plutarchus testatur se vidisse in Africa canes qui lapillos in aquam

aggesserint, donec aqua eò surgere, ut contingi posset. Idem narrat de cane coniciente lapillos in amphoram oleariam: ita nobis quod viribus diminutum erit, arte supplendum est. Erasmus.

\* Nihil proderit dare præcepta, nisi prius amoneris obstantia præceptis: non magis quam proderit arma in conspectu posuisse propiusque admo- uisse, nisi vsturæ manus expediantur, ut ad præcepta quæ damus possit animus ire. Senec. epist. 96.

\* Quemadmodum folia per se vitæ non possunt, tantum desiderant cui inhaerent, ex quo trahant succum: sic ista præcepta, si sola sunt, marcent: inungi volunt sectæ. Senec. epist. 96.

Ut ingentis pondera, quæ nullis hominum viribus tolli possunt, machinis facile tolluntur: ita quod vi nequa efficere, ratione & arte facile efficit. Erasmus.

*Affiduitas.*

Ut qui paulum addit paulo, idque frequenter facit, ingentem acerrum accumulatur: ita affiduitas ad bonam mentem parandam plurimum valet. Plutarch.

Ut stilla cauat affiduitate saxum, ut ferrum contrectatione attrahat: ita affiduitas etiam durissima vincit. Plutarch.

Gallus Phrygiæ fluuius, si modicè bibas, medetur corporis malis, si immodicè, limphatum animum agit: ita si philosophiæ literas modicè attingas, prosunt, si totum te illi addixeris studio, sanitatem mentis auferunt, & inanis gloriæ furore quodam præcipientem agunt. Erasmi, ex Plinio. *Vide diligentiæ, studium, ac labor.*

*Affigenda.*

Ut qui thus mundum, etiam si par- gentur, tamen odorem in mutuum tempus

tempus referunt: Ita animus diu di-  
nertatus in honestis negotiis, diu ser-  
uabit iucundam memoriam, qua fre-  
tus contemnet eos, qui vitam vt misce-  
ram deplorant. Plur.

Qui diu in vinculis fuerunt, cum sol-  
uantur, tamen claudicant adhuc, nec  
ingredi possunt: Ita diu vitiis assueti  
etiam cum ea deserunt, quædam reti-  
nept vestigia. Plur.

Vt mendum quod induruit, ac diuti-  
us in hæsit difficile tollitur: Ita vitia in-  
ueterata non facile corriguntur. Plur.

Vt liber post lituras iterum infectus  
non facile emaculatur, quod altius  
imbiberit atramentum: Ita animus  
sæpe in eadem relapsus vitia. Plur.

Iumenta quorum in aspero indura-  
ta est ungula, quamlibet patiuntur vi-  
am, in palustri pascuo saginata citò  
subteruntur: sic animus duris rebus  
assuetus, minus offenditur. Sen.

Vt caro quæ callo obduruit, non  
uertit vibices plagarum: Ita animus  
à consuetudine peccandi non cōmo-  
uetur correptione licet acris. Eras.

Gypsum etiam si induruit, tamen  
tundi rursus, & in farinam resolui  
potest: simulatque semel induruit in-  
genium adolescentis, ætate vitis que  
non potest refringi. Eras.

Vt Mithridati quotidie sumentive-  
nenum, consuetudine factum est in-  
noxium: Ita mala quibus assueueris  
non offendunt. Eras.

In nassam facilis illapsus est, sed  
exitus difficilis: sic decliue iter in vi-  
tia, redditus ad meliorem frugem non  
perinde facilis. Eras.

Vt in loco pestilenti quoquo qui as-  
suevere, durant. Ita incommoda parū  
lædunt assuetos. Plin. libro 18. capit. 6.  
*Vide consuetudo.*

*Avaritia.*

\* Quemadmodum Cæcias ventus  
contra aliorum Septentrionalium

ventorum naturam nubes non pellit,  
sed magis ad se trahit: ita avarus opes  
ac diuitias. Aristot.

Vt Chius ille vina optima vendebat  
aliis, ipse vappam potabat: sic qui om-  
nia sua deprauant, nec suis ipsorum  
bonis fruuntur. Huius seruus interro-  
gatus quid ageret dominus: cum ad-  
sint, inquit, bona, quærit mala. Plur.

Vt membrum scabiosum semper  
opus habet frictu: Ita cupiditas animi  
nunquam satiatur. Plur.

Vt ij quos dolentes sopor occupa-  
rit, tristitia somniant: Ita qui inuidia,  
superstitione, avaritia laborant. Plur.

Quemadmodum adulteri alienas  
vxores adamant, suas contemnunt:  
sic quidam aliorum bonis magis de-  
lectantur, sua eleuant, aut etiam ne-  
gligunt. Plur.

\* Vt quidam morbo aliquo & sen-  
sus stupore suauitatem sibi non sen-  
tiunt: sic auari & facinorosi veræ lau-  
dis gustum non sentiunt. Cicero Phi-  
lippica 2.

\* Si quis desiderat aureis fulgentem  
vasis suppellectilem, & antiquis no-  
minibus artificum argentum nobile,  
& paucorum infania preciosum, &  
seruorum turbam, quæ quamuis ma-  
gnam domum angustet, iumentorum  
corpora differta & coacta pinguesce-  
re, & nationum omnium lapides: ista  
congerantur licet, nunquam exple-  
bunt inexplebilem animum, non ma-  
gis quàm vllus sufficiet humor ad sa-  
nandum eum, cuius desiderium nō est  
ex inopia, sed ex æstu ardentium visce-  
rum oritur: non enim sitis illa sed  
morbus est. Non hoc in pecunia ran-  
tū aut alimentis euenit. Eadem na-  
tura est in omni desiderio, quod modò  
non ex inopia, sed ex vitio nascitur:  
quicquid enim illi congefferis, non fi-  
nit erit cupiditatis, sed gradus. Sen. lib.  
ad Helbiam, cap. 11.

Arun



Arundinis radix contrita & imposita, filicis stirpem corpore extrahit: ite arundinem filicis radix: Ita vicissim, & pecuniar studium eximit animis amorem sapientie, & sapientie studium pecuniar. Plin.

Quemadmodum apud Myconios non est indecorum caluitium, quod illic omnes calui nascantur: ita apud Italos (vt hos exempli causa nominē) non est turpe pecuniar studium, quo nemo non tenetur apud illos. Plin. lib. 11. cap. 37.

Ut adamas si iuxta magnetem ponatur, non patitur abstrahi ferrum, aut si ad motus magnes apprehenderit, adamas ē diuerso capite atque auferat: ita pecuniar studium dissidet cum christiana pietate, & modis omnibus auocat: nec finit adhærescere Christo. Eras.

In Chio Dianæ facies est in sublimi posita, cuius vultus intransitibus tristis, exeuntibus exhilarata videtur: Ita sordidi quidam ad euntem amicum tristes accipiunt, timentes ne quid petat, aut ne sumptum afferat conuiui, at alacres dimittunt abeuntem. Plin. 1.35. c. 5.

Vultures triduo futura cadauera præsentunt, eoque aduolant: Ita quidam captatores multis etiam annis morri diuitum imminent. Plin. lib. 10. cap. 6.

Industrium animal formica, sed non laborat, nisi sibi: Ita nonnulli mortales sibi duntaxat consulunt, & suum modum negotium agunt.

Vt Indiciæ formicæ aurum ē cauernis erutum seruant tantum, non fruntur: Ita diues auarus nec fruitur ipse suis opibus, & aliis inuidet illarum usum. Plin. libro 11. cap. 31. Herodot. lib. 3.

Hirudo est quoddam pediculi genus, cui non est exitus cibi, quod in-

satiable sit, sucto sanguine impu- scens rumpitur denique. Sic auarus copia sua præfocatur. Plin.

Sicuti terra, quæ auri, aut argenti venas habet, in ceteris ferè sterilis esse consuevit: Ita qui congregando student auro, cuiusq; metalla iam con- ceperunt in animo, nullam bonæ rei frugem producere consuevit. Plin.

Aquila auium rapacissima, non oppetit morbo neque senio, sed fame: ita auarus quod magis accedit ætas, hoc magis cruciatur habendi studio & minus potest uti partis. Plin. 1. 10. c. 31.

In argento viuo omnia natant, excepto auro: nam hoc vntum ad se tra- hit: Ita nil incidit animo auari, præter lucrum: Disciplinæ, litteræ, probi- tas, in summo fluitant, non descen- dunt in pectus. Plin. 1. 33. c. 6.

Cerui cum cogantur sua cornua abicere, tamen occultant ea, præti- pue dextrum, ne medicamenti visali- is sit vsui: Ita diuites nonnulli, cum ip- si diuitiis uti non queant, haud tamen sinunt alios frui. Plin. 1. 8. c. 32. Arist. lib. 9. de nat. cap. 5.

#### Auditus.

Frusta clauduntur portæ ciuitatis, si vna relinquatur aperta, per quā ho- stes irrumpant. Ita non satis est in cæ- teris temperatum esse, si auditus pareat perniciosi sermonibus. Plut.

Vt diligentius seruanda est ea porta, quā via sit ad regiam: Ita cautius ser- uandus auditus, quod maximè sit cum rationali animi parte coniunctus, & quod per eum admittitur, maximè po- test vel iuuare, vel lædere. Plut.

Vt venatores non sinunt canes quiduis olfacere, aut mordere, sed in- tegros eos seruant feræ: sic oportet aures, & oculos, non finire quouis vagari, sed rebus necessariis referuare. Plut.

*Iudex in causa nihil tribuens amori tantum rem perpendit, ac secundum eam pronuntiat: At in audiendis philosophis, multis lapsibus candide facendum est. Vnde veteres iuxta Mercurij statuam, Gratiarum item ponere soliti sunt. Plut.*

*Cervi cum arrexere aures, acerrimi sunt auditus, cum remisere, surdi: Ita principes si quid est quod placeat, id procul etiam percipiunt: si quid secus, quantumvis clames, non intelligunt. Plutarch.*

*Auditor & eius officium.*

*Bonus conuiuia non existimat hoc tantum suarum esse partium, ut suauiter accipiat, cura sumptuq; alieno: sed debet commodum vicissim exhibere conuiuia: sic auditor non tantum audit otiosus, dicente sollicito: sed vultu, oculis, applausu, fauore, iuuare oportet dicentem. Plut.*

*Non conuenit, ut in constra furens, ad speculum contempleris te ipsum, num recte sis curatus: ab oratione discedens, non expendas, num melior sis factus, aut deterior ex auditione. Plut.*

*Non oportet hoc animo ad audiendum accedere, quo ad spectaculum, puta ut tantum delectemur, sed ut meliores efficiamur. Plut.*

*Multa belli inania, iuxta prouerbum: Ita & auditionis, puta supercilium, acclamatio, strepitus, & id genus alia. Plut.*

*Ut æconomicis & amici profunt & inimici, quemadmodum dixit Xenophon: sic vigilans auditor & cordatus non solum bene dictis, verum etiam erratis aliorum sit eruditior. Plutarch.*

*Ut ad sacrum epulum, sic ad auditionem oportet placidum ac beneuolum accedere, ut benedicta probes*

*candide: aut si parum recte dicat, tacitus notes, quam ob rem errauerit, & animi tantum certe probes. Plut.*

*Ut tragædi in theatris: Ita philosophus in scholis est audiendus, nempe ad finem vsque. Plut.*

*Quemadmodum in iis, quæ ad tibiam canuntur, multa fallunt, ac suffugiunt auditorem errata: Ita in oratione phalerata, multa ineptè dicta fallunt auditorem ob phaleras, & succos orationis. Plut.*

*Ut non impletur vas, quod semper effundit, nihil accipit: ita non accipit sapientiam, qui semper loquitur, nunquam auscultat. Plut.*

*Ut qui ad conuiuium accessit, vitur appositis, nec aliud requirit: Ita discens tacite audire oportet, donec qui dicit, perorarit: tum si lubeat, vtilem aliquam quæstionem proponere. Plut.*

*Qui coronas necunt, bellissima quærent non vtilissima. At apes etiam amarissimo thymo insident, atq; inde mellificium colligunt sic oportet auditorem non flosculos orationis voluptatis causa sectari, sed vim sententiarum & vtilitatem. Plut.*

*Ut amantes candide interpretantur vitia quædam: Ita debent & auditores dicentium. Plut.*

*In obsoniis non solum sequimur voluptatem, sed etiam salubritatem, sic, in audiendis & legendis autoribus. Plut.*

*Ut pulli in uolucres semper hiantes pendent de ore alieno: sic quidam molesti sunt docenti, quod necessarium sit eis omnia mansa in os inserere, nihilque tradant ipsi sibi. Plut.*

*Ut in ludo sphaeræ alterius est commodè mittere, alterius scitè excipere: Sic in audiendo conuenit utrunq; suo fungi officio, tum eum qui disserat, tum eum qui auscultat. Plut.*

Non

Non sic ad audiendum est accedendum, vt velis inungi, & oblini fucis, quò nitidior fias, sed graciâ habeas si velut alueare acri fumo, sic ipse mordaci sermone purgeris animo, qui cæcipientiæ & lippitudinis est plenus. Plur.

Vt qui comædos audiunt, non ob hoc audiunt, vt ipsi comædi fiant, sed vt voluptatem capiant: Ita nunc permulsi concionantem audiunt, non vt imitatione meliores fiant, sed vti delectentur. Eras.

#### *Aulica villa.*

Quemadmodû Luna quo propior est Soli, hoc minus habet luminis: Ita plus fructus ac dignitatis est iis, qui procul absunt à magnis principibus. Plin.

Est apud Indos herba quædam præcipui odoris, referta minutis serpentibus, quarum ictu protinus moriendum sit: Iam habent principum quorundam aulæ, quod alleciet, sed occultat lethale venenum, ni caueas.

Apud eosdem est spina, cuius succus inspersus oculis, cæcitatem adfert omnibus animantibus: magis autem excæcat homines, si quid aspergas de puluere auri in oculos. Plin.

\* Sunt arbores aliquot, quæ post solstitium inuertunt sua folia, vt vlmus, tilia, olea, populus alba, salix: ita vulgus procerum, simulatq; princeps vitæ genus in diuersum commutatur, vertunt & ipsi vultum, cultum orationem & omnia.

Formicæ triticum arrodunt ea parte, qua germinare incipit ne sibi reddatur inutile: Sic potentes quò ministris perpetuò vtantur, premunt, ne si emerferint, et dio seruitutis relinquât aulam.

Vt halcyones videre rarissimum est sed quoties apparent tranquillitatem vel faciunt, vel denuntiant: Ita ab-

bates & episcopi raro deberent prodire in principum aulas, sed rerum motus, & bellorum tempestates autoritate sua composituri. Eras.

Gracca leguminis genus est aded gratum columbis, vt ea semel gustata, negent illos postea ab eo loco profugere: Ita qui semel aulæ mel & honorem degustarint, nunquam ab aula possunt auelli. Plinius libro 16. cap. 16.

Mulus ex equo & asina confectus, nec equus est, nec asinus: Ita quidam dum & aulici esse volunt, & ecclesiastici, neutrum sunt. Eras.

#### *Aulici.*

Indicæ resitutions, meridiano tempore blandiente, gaudent toto dorso per tranquilla stutare, donec oblitis sui solis vapore siccet cor tex vt mergi nequeant. iamque inuitæ natent oportune venantium prædæ. Ita quidam spe magnarum rerum alleciti, in principum aulas sese coniciunt: & aded deliniuntur aulæ deliciis, donec imprudentes ed redigantur vt non possint, etiam si velint, in suum ocium sese recipere. Plin. libr. 9. cap. 10.

Vt Helotropium ac lupinum circumaguntur cum sole, & quocunque se mouerit ille, eodem deflectunt & hæc cacumen: Ita proceres aulici quocunque regis ingenium vergit, ed propendent omnes. Plin. lib. 18. c. 24. & 27. cod. lib. 1.

Crocodilus anceps animal, nunc in terris agit, nunc in aquis: in terra ponit oua, in aqua prædatur & insidiatur: Ita quidam simul & aulici sunt & ecclesiastici, vtrobique pestilentes. Eras.

#### *Auxilium.*

In tempestate qui confugiunt sub arborem, serenitate facta, ramos illius vellunt

vellunt fugientes: Sic in rebus afflictis  
vimur præsidio quorundam, quos eod-  
em per invidiam affligimus in rebus  
prosperis. Plur.

B.

BARBARIÆ.

**C**amelus non gaudet potu, nisi pri-  
us obturbata cōculcatione aqua:  
Ita quibusdam nihil placet in literis  
nisi barbaria conspurcatum. Plin. lib. 8.  
cap. 17.

Vt ignavi canes omnibus ignotis al-  
lurant: ita barbari quicquid non in-  
telligunt, carpunt ac damnant. Plur.

*Beatisudo.*

Vt vulgus ineptum magno labore,  
magnoque impendio remedia ab ex-  
tremis Indis, aut Æthiopibus petunt:  
cū in hortis nobis nascatur quo  
morbis mederi possimus: Ita præsidia  
beatæ vitæ magno molimine foris  
quærimus in imperiis, in opibus, in  
voluptatibus, cū in animo sit quod  
nos beatos faciat. Senec.

*Bellum.*

Vt in admirandis operibus, sed in-  
utilibus maior est laus artificis cuius  
arte res confecta est, quam regis cuius  
impedio: Ita belli gloria maxima ex  
parte penes militem est cōductitium,  
quorum industria geritur res: minima  
pars ad reges redit, qui aliena etiam  
pecunia militem conducunt. Eras.

Vt Dianæ Ephesæ templum vigin-  
tiannis à tota Asia tot regum impen-  
dio, tot artificum ingeniis confectum,  
Herostratus obscurus homo rectè po-  
terat exurere: Ita facillimum est vr-  
bes egregias bello demoliri, at ædifi-  
care difficilimum. Eras.

Vt accisæ pennæ tempore renas-  
cuntur: ita nisi assidue premas, renas-  
citur potentia. Eras.

Dracones exugentes sanguinem  
elephantorum, occidunt eos, & ipsi  
vicissim inebriati opprimuntur ac  
commoriuntur: Ita sæpenumero in  
bello, pars vtraque, & perimit & pe-  
rit, damnum dat & accipit. Plin. lib. 8.  
cap. 12.

Arator nisi incuruus sit, prævarica-  
tur, vt dicebant antiqui: Ita miles nisi  
impius sit, parum est miles. Eras.

Cybindus aus bellum interneci-  
num gerit cum aquila, adeo vt cohæ-  
rentes sæpenumero prendantur: Ita  
fit aliquoties, vt dum mutuum in se  
odium pertinaciter exercent princi-  
pes, vtrique subvertantur, tertio copi-  
am inuadente. Aristot.

Vt grauius ægrotant ij, qui cū  
leuati morbo videntur, in eum de in-  
tegro inciderunt: Sic vehementius  
nos laboramus, qui profligato bello,  
ac penè sublato, renouatum bellum  
gerere conamur. Cic. lib. 12. epist.

*Beneficentia.*

Siphnius lapis oleo excalfactus du-  
rescit, alioqui mollissimus: ita quos-  
dam benefactis reddas deteriores.  
Plinius.

Fere non conuenit odori & sapor:  
vt ficis quibus nihil dulcius, nullus  
est odor, & coroneis plurimum odo-  
ris, sapor autem asperimus: Ita vix in  
eodem inuenias homine blandilo-  
quentiam, & beneficentiam, ac fidem.  
Plinius.

Vt magis humectat ventrem, ma-  
gisque sitim pellit humor, qui sensim  
infunditur, quàm qui vniuersum hau-  
ritur: Ita magis cohibent à petendo  
munera paulatim data, dispensatque,  
quàm si semel dones vniuersa. Eras.

Ficus non florer, cū fructus ha-

Ecc beat



beat dulcissimos : Ita quidam benefaciunt nihil pollicitantes. Plin.libro 1. cap.26.

\* Quemadmodum Dij immortales regnum inermes regunt, & illis rerum suarum ex ædito tranquillóque tutela est: Ita vir beneficentia vtens, officia sua quamuis latissimè pateant sine tumultu obit. Senec.lib.7.de benef.

\* Sicut magnus luctator est, non qui omnes numeros nexúsque perdidicerit, quorum vsus sub aduersario ratus est, sed qui in vno se aut altero bene & diligenter exercuit, & eorum occasiones intentus spectat, nec enim refert quàm multa sciat, si scit quantum victoriæ satis est: Sic in beneficentiæ studio multa delectant, pauca vincunt. Senec.lib.7.de benef.

#### *Beneficia.*

Vt post malam etiam segetem serendum, vt post naufragium tentantur maria, vt foeneratorum à foro non fugat coactor: Ita beneficium de nouo collocandum, etiam si semel incideris in hominem ingratum. Senec.

Garus ambusta & infusa medetur malis, sed interim Garum non nominat: Ita quædam beneficia non sint, si commemorare. Idem.

\* Acerbissima crudelitas est quæ trahit pœnam, & misericordiæ genus est citò occidere, quia tormentum vltimum finem sui secum affert, quod antecedit tempus maxima vèтури supplicij pars est: Ita maior est beneficij gratia, quo minus diu pependit. Est enim bonarum etiam rerum sollicita expectatio. Senec.l.2.de benef.c.5.

\* Sicut in telis eadem ferri vis est, sed in infinitum interest, vtrum excusso lacerto excutiantur, an remissa manu effluant. Gladius idem & stringit & transforat, quàm presso articulo venerit refert: Idem etiam est quod da-

tur, sed interest quomodo detur. Idem, eod.lib.cap.6.

\* Quemadmodum pulcherrimum opus est, etiam inuitos nolentésque seruare: Ita rogantibus pestifera largiri, blandum & affabile odium est. Idem, eod.lib.cap.14.

\* Quomodo mundi officium est, circumagere rerum ordinem, vt Solis loca mutare, ex quibus oriatur, in quæ cadat, & hæc salutaria nobis facere sine præmio: ita boni viri officium est inter alia, & beneficium dare. Idem, lib.4.de benef.cap.13.

\* Vt aliud est munus, aliud ipsa donatio: aliud qui nauigat, aliud ipsa nauigatio: & quamuis æger non sit sine morbo, non tamen idem est æger & morbus: ita aliud est beneficiū ipsum, aliud quod ad vnumquemque nostrū beneficio peruenit. Idem, lib.6.de benef.cap.1.

\* Quomodo multos fortuita sanant, & in flumen alicui cecidisse frigore magno, causa sanitatis fuit: quomodo quorundam flagellis quartana discussa est, & metus repentinus animum in aliam curam auertendo suspectas horas fefellit: nec ideo quicquam horum, etiam si saluti fuit, salutare est: Sic quidam nobis profunt, dum nolunt, imò quia nolunt: non tamen ideo illis beneficium debemus. Idem, eod.lib.cap.8.

\* Quemadmodum ei qui voluit mihi pecuniam credere & non credidit, nihil debeo: ita ei qui voluit mihi beneficium dare, sed non potuit, amicus quidem ero, sed non obligatus. Idem, eod.lib.cap.11.

\* More optimorum parentum, qui maledictis suorum infantium arriudent, non cessant dij beneficia congerere, de beneficiorum auctore dubitantibus, sed æquali tenore bona sua per gentes populósque distribuunt  
vnam

vnā potentiam sortiti, prodesse. Imitemur illos. Demus, etiam si multa in irritum data sint. Demus nihilominus aliis, demus ipsis, apud quos iactura facta est, idem, l. 7. de benefic. c. 31.

*Beneuolentia.*

Quemadmodum adamas aduersus omnia inuictus, hircino sanguine, eoq; callido, ac recenti maceratus, malleo frangitur. Ita quedam ingenia nulla vi peruincas, blanditiā emollienda sunt. Plin. lib. 37. cap. 4.

Quædam gemmæ aceto macerate nitescunt, pleræque melle decoctæ: ita quosdam meliores reddit acris oburgatio, quosdam admonitio blandior.

Quemadmodum quod in tesseriis cecidit, id arte & ratione quā potest optimè, disponendum: Ita quod in vita accidit, in optimam vertendum partem. Plinius lib. 37. cap. 12. & lib. 10. cap. 12.

Vt fluuius in multos diductus riuos, fluit tenuis ac languidus: Sic beneuolentia in multos distracta languescit, & euanescit. Plut.

Vt animantia quæ vnicum pariunt fœtum, vehementius amant: Sic erga vnum ardentior est beneuolentia. Plur.

*Blandiloquentia.*

Ferè non conuenit odori & sapor: vt ficis quibus nihil dulcius, nullus est odor, & cotoneis plurimum odoris, sapor autem asperrimus: Ita vix in eodem inuenias homine blandiloquentiam, & beneficentiam, ac fidem. Erasim.

*Vide adulatio.*

*Boni.*

\*Sicut nec in victimis quidem, licet optimæ sint, aurōq; præfulgeant, deorum est honos, sed pia ac recta volun-

tate venerantium: ita bonietiam farre ac fœtili religiosi sunt: mali rursus non effugiunt impietatem, quamuis aras multo sanguine cruentaerint, Senec. lib. 1. de benefic. cap. 6.

*Bonitas.*

Vt scarabei, ac vultures offenduntur vnguentis, & Scythæ iurauit se malle equum hinnientē audire, quā citharædum canentem: Ita non omnibus placent optima. Plut.

Vt phoenix non nisi quingentesimo anno nascitur: Ita insignium virorum rarus est prouentus. Senec.

*Breniloquentia.*

Celtiberi ira ferrum temperant ac durant: vt infosso in terram quod est terreum auferatur ac repurgetur: Sic Laconicus sermo sublacione superuacui sic penetrantior.

C.

CALVMNIA.

Primum homines inuasunt animalia noxia, post & oues, & boues, postremo à nullo genere temperatum est: & Athenis primum calumniator aliquis supplicio affectus est, & rectè post hunc vnus, & alter, postremo nec à bonis est temperatum: Ita cum aperitur ius in malos, cauendum ne postea in bonos recidat. Plut.

Vt morbus in corpore non admittente quod proprium est multarum noxiarum & absurdarum rerum gignit appetentiam: Ita calumnia suspiciōque aduersus cognatos & domesticos, malas & noxias aliorum necessitudines inducit. Plut.

*Calliditas.*

\*Quemadmodum quædam in oblectamentum ac iocum sic alligantur;  
Ecc 2 tur;

rur, vt eorum solutio imperito difficilis sit, quæ ille, qui implicuit, sine vlllo negotio separat, quia commissuras eorum & morav nouit: nihilominus illa habent aliquam voluptatem, tentant enim acumen animorum, & intentionem excitant: Ita hæc quæ videntur callida & inuidiosa, securitatem, torporem ac segnitiam ingeniis auferunt, quibus modò campus in quo vagentur sternendus est, modò recti aliquid & confragosi obiciendum, per quod erepant & sollicitè vestigium faciant. Sen. l. 5. de beneficiis.

*Castigatio.*

Vt qui demoliantur ædes templis vicinas, quæ contigua sunt, ea sinunt, ne quid sacri quoque demoliantur: Sic quædam vitia cautè sunt corrigenda, quæ cum virtute proximè cohererent. Plut.

Nutrices sæpius extergentes sor-des puerorum, aliquando carnem euellunt. Ita dum quædam vitia nimis anxie conamur emendare, lædimus. Plut.

Vt qui chirurgi manus horrent, dieta curantur: Ita qui asperiora non ferunt remedia, leuioribus remedijs sunt corrigendi.

Vt perfronibus & ambustis frigida pariter atque calida aqua medetur: Ita quædam errata diuersa ratione tolli possunt, seueritate & lenitate, subducta benignitate, & addita beneficentia.

Qui in leuibus nugis obiurgat amicum, in grauibz rebus tacet, idem facit quod aliptes, sinens athletam inebriari & libidinari, circa lecythum duntaxat difficilis ac morosus. Plut. in moralibus.

Vt æra Corinthia casus fecit, & pistor ille spumam equi, quam arte nequibat exprimere impacta in os equi

spongia variis imbuta coloribus, casu expressit: Sic quædam casus confecit, quæ prouidentia curæque nostra non possunt effici. Plut.

*Ceremonia.*

Vt magi verbis etiam non intellectis, prodigiosa quædam efficiunt: Ita sacerdotes nonnulli precibus non intellectis, bona ramen fide pronuntiant, Deum conciliant ac mouent.

Vt loci salubritas incolarum colore deprehenditur: Ita muneris sanctitas, eorum arguitur vita qui in eo versantur: veluti qui versantur in ceremoniis, cum sint nequissimæ vitæ declarant eas ad pietatem nihil conducere.

Quemadmodum Magi sibi consicij fucum esse quod promittunt, prodigiosis quibusdam, ac præscriptis ceremoniis dementant, ac terriant infirmiores: Ita quidam sacerdotes cum procul absint à vera pietate, ceremoniis inuoluunt indoctos, quo plebem sibi magis habeant obnoxiam.

*Charitas.*

Vt manus eadem in varios dissecta digitos: Sic multorum charitas, eos vnum reddit, discretos tamen. Plut.

Sicut ignis in omnibus officinis omnium artium & operum est instrumentum: Ita sine charitate nihil rectè geritur. Eras.

\* Vt luna quod luminis accepit à Sole, mundo refundit: ita donum à Deo acceptum, in commodum aliorum est conferendum. Eras.

*Christus.*

In Dodona Iouis fons cum sit gelidus, & immerfas faces extinguat, si admoueris extinctas accendit: Ita Christus si cupiditatibus flagrantem attigerit, sedat ac refrigerat: sin deiectum

cum & exanimatum, erigit & animosum reddit. Eras.

\* Quemadmodum panace herba, vna contra morbos omnes habet remedium: Ita Christi mors vna aduersus omnes cupiditates noxias efficax est. Eras.

*Clementia.*

\* Sicut medicinae apud ægros usus, etiam apud sanos horror est: ita clementiam quamvis pena digni inuocent, etiam innocentes colunt. Senec. lib. 1. de clementia, cap. 2.

\* Quemadmodum non est magni animi, qui de alieno liberalis est, sed ille, qui quod alteri donat, sibi detrahit: ita clementem vocabo, non in alieno dolore facilem, sed eum qui cum suis stimulis exagitetur non proficit: qui intelligit magni animi esse, iniurias in summa potentia pati, nec quicquam gloriosius principe impune læso. Idem, eod. lib. cap. 20.

\* Sapiens multa remittit, multos parum sani sed sanabilis ingenij seruabit. Agricolas bonos imitabitur, qui non tantum rectas bonasque arbores colunt, sed illas quoque quas aliqua deprauauit causa. Alias circuncidunt, ne proceritatem rami præmant: quasdam infirmas vitio loci nutriunt: quibusdam aliena umbra laborantibus cælum aperiunt. Secundum hæc videbit sapiens quod ingenium qua ratione tractandum sit, donec in rectum praua flectantur. Idem, li. 2. de clem. cap. 7.

*Calesium rerum consideratio.*

Vt vniones tamen si in marina nascuntur, tamen plus habent cognationis cum cælo, cuius faciem reddunt: Ita pius ac generosus animus magis à cælo pendet, vnde ducit originem, quam à terra in qua viuunt. Eras.

*Cogitatio.*

Porphyrius serpens venenum habet, sed quoniam edentulus, sibi habet: Ita quidam malè cogitant, sed quòd desit facultas, nemini nocent. Eras.

\* Quemadmodum quæ in usu sunt, & manum quotidie tactumque patiuntur, nunquam periculum situs aduunt: at illa quæ ad ad oculos non reuocantur, sed extra oculos ut superuacua iacuerunt, sordes ipsa colligunt vetustate: ita quicquid frequens cogitatio exercet ac renouat, memoriæ nunquam subducitur, quæ nihil perdit, nisi ad quod sæpe non respexit. Senec. lib. 3. de benef. cap. 2.

*Conatus.*

Qui boue venatur leporem, & aratro iaculatur, & sagena captat ceruos, si non assequitur, non potest accusare fortunam, sed suam ipsius stultitiam: sic qui conantur quod non queunt efficere, non debent incusare fortunam, sed suam dementiam. Plur.

*Concordia.*

Vt singula hastilia facillè frangas, coniuncta non possis: Ita dissidentes facillè superantur, concordēs haud facillè. Plur.

Duabus vocibus simul sonantibus, grauior fit concentus: Ita quicquid fit in familia, fit quidem vtriusque consensu, sed tamen arbitrio mariti. Plur.

Vt in corpore ex humidi, frigidi, calidi, sicci temperatura, optima fit constitutio: Sic ex fratrum concordia maximè floret humanum genus. Plurarchus.

Tyrrhenus lapis quamuis grandis innatat, comminutus sidit: Ita concordia sustinemur, discordia pessum imus. Plin. lib. 2. cap. 102. & Aristot. de natur. cap. 12.



Vt lapis è Styro fluctuat integer, fidit  
comminutus: sic res discordia pessum  
eunt, concordia sustententur. Plin. li. 36.  
cap. 17.

Salamandra non nisi magnis im-  
bribus prouenit, serenitate deficit:  
Ita quidam non apparent, nisi statu,  
ciuitatis bello aut seditione turbato,  
iidem rebus pace compositis emori-  
untur. Plur.

\* Vt omnia inter se membra con-  
sentiunt, quia singula seruari totius in-  
terest: ita homines singulis parcent;  
quia ad cœtum geniti sumus. Seneca  
lib. 2. de ira, cap. 51.

*Coniugium.*

Vt vincula ex commissura vires ac-  
cipiunt: Sic ex consensu viri & mulie-  
ris, familiæ status. Plur.

Vt corpus nihil potest absque ani-  
mo, nec animus rectè valet, nisi cor-  
pore incolam: Sic intervxořem, &  
maritum omnia sunt communia. Plur.

Qui venenis piscatur facilè inter-  
mit & tollit piscem, sed corruptum  
& malum: Sic quæ philtris captant  
maritos, stupidos habent & inutiles.  
Plur.

Vt Circe non fruebatur iis, quos  
verterat in lues, aut leones, sed Vlyf-  
sem sanum vltra omnes dilexit: Ita  
quæ beneficiis nactæ sunt maritos, in-  
suauem cum illis vitam agunt ob de-  
mentiam. Plur.

Quæ malunt dominari dementibus  
maritis, quàm sanis ac prudentibus  
parere: perinde faciunt, ac si quis in  
itinere malit ducere cæcum, quàm se-  
qui videntem, & viæ gnarum. Plur.

Vt Pasiphaë maluit tauri congres-  
sum, cum vxor esset Minois: Sic quæ-  
dam nuptæ moderatis ac seueris viris,  
ad intemperantium amorem deuer-  
gunt. Plur.

Vt qui in equum insilire non possunt,

ob imbecillitatem, docent ipsum in-  
flectere genua: sic quidam generosas  
ac potentes nacti vxores, non dant  
operam, vt ipsi meliores fiant, sed illas  
deprimunt. Plur.

Pro equi magnitudine temperamus  
fræna. Ita pro vxoris dignitate mode-  
randa gubernatio. Plur.

Vt humida miscentur omnibus par-  
tibus: Sic inter coniugatos omnia de-  
bent esse communia. Plur.

Vt vinum appellatur, etiam si ma-  
ior aquæ pars sit admixta: Ita domus  
mariti dicetur, etiam si mulier plus  
contulerit. Plur.

*Coniugij molestie.*

Qui prima virginum dissidia non  
ferunt ad tempus, idem faciunt quod  
ij, qui offensi labruscis, vuas maturas  
aliis relinquunt. Plur.

Vasa initio quauis occasione dissol-  
uuntur, ac tempore commissuris com-  
pactis, vix igni ferròq; dissecantur: Ita  
prima coniugatorum consuetudo leui  
momento dirumpitur: sin coaluerit,  
longè firmior est. Plur.

Quemadmodum febres ex occultis  
causis, ac sensim collectæ, magis me-  
tuuntur, quàm quæ ex manifestis &  
grauibus causis sunt ortæ: Ita occultæ  
ac pusillæ coridianæque offensæ ma-  
gis dirimunt beneuolentiam coniuga-  
torum. Plur.

Qui pronubæ Iunoni rem diuinam  
faciebant, exemplum fel abiciebant  
ab altare: significantes à matrimonio  
bilem omnem procul esse oportere.  
Plur.

Vt vinum sic est austerum, vt idem  
ramen sit vtile ac iucundum non ama-  
rum, velut aloë: sic erit & mater fami-  
lias. Plur.

*Conscientia.*

Vt nepentes herba, ab Homero præ-  
dicata, addita poculis, omnem conui-  
uij

uixit iustitiam discutit: Ita bona mens inſita, nobis omnem vitæ ſolitudinem abolet. Plin.

Vt loca grauiâ etiam firmiſſimam valetudinem tentant: ita bonæ quoque menti, nec dum adhuc perfectæ & cōualeſcenti, ſunt aliqua parum ſalubria. Senec. epiſt. 28.

\* Quemadmodum vlcus vel vulnus cicatricem relinquit in corpore, doloris indicium: ſic conſcientia malefacti, notas peccati in animo relinquit Plut. lib. de animi tranquillit.

Vt verus amor erga mulierem non deſiderat teſtem, ſed ſat habet, ſi clām ea potiatur: Ita vir ſapiens recti conſcientiam contentus: At qui fictē amant, oſtendant & iactant. Plut.

*Conſilium.*

Velut ſi qui laborat hepatis vitio, medico oſtendat vngues exulceratos, ineptē faciat: Ita qui grauib. laborans malis, de nugis conſulat amicum. Plur.

Sunt qui propius admota non cernunt, quæ longius abſunt vident: Ita nonnulli plus ſapiunt in rebus alienis, quām in his quæ ad ſe pertinent. Plutarchus.

Vt lamia domi cæcutientes, ſeris nihil non vident: Ita quidam in alienis negotiis plus ſaris oculati, in ſuis parum perſpiciunt. Plut.

Si fœmina inter aues ſaliat feminam, naſcūtur quidem oua, ſed ex quibus nihil naſcatur: Ita conſilium quod animo conceperis, non accedente ratione, friuolum eſt & inutile. Plinius.

Hypnemia, hoc eſt, ſubuentanea vocant: & Zephyria oua quæ vento concipiuntur: ſic euanidum eſt, quicquid imaginatione, non certo iudicio inſtituitur. Ariſtotel. lib. 6. cap. 2. de natur. animal. & Plin. lib. 10. cap. 58.

Ex omni genere curioſitas hominum ſigna collegit inſtantis tempeſtatis: ac multo magis conueniebat hac vti diligentia in conſultationibus, vt obſeruatis experimentis conſiciant quid malorum ex vnoquoque perperam inſtituto conſequatur. Eraſ.

Vt Apion Homerum ab inferis euocatum, nihil aliud interrogauit, quām quibus parentibus genitus eſſet: ſic quidam grauiſſimorum vitorum conſilio conuocato, de meris nugis conſulunt. Eraſ.

*Conſilium malum conſulſori peſſimum.*

Vt Perillus, qui Phalaridū taurum donauit æneum, ſuo periit inuento: ſic aliquoties malum conſilium in caput authoris redundat. Plinius libro. 34. cap. 8.

Vti ſæpenumero Polypus dum conchæ carnem captat, ipſe capitur ac tenetur: Ita ſæpius dum aliis nocere ſtudemus, nos ipſos in periculum adducimus. Plin. lib. 9. c. 29.

*Conſilium ſenile.*

Ibi aiunt, vbi conſenuit, iāmque quod erat turbidum expirauit, magis aromaticè olere: ſic gloria ſenium tranquillior, & conſilia ſedatiora. Plut.

*Conſilium præcipitatum.*

Sicuti aquilo initio vehemens deſinit lenior, contrā, Auſter initio lenior, deſinit vehementior: Ita qui præcipes magno impetu rem aggrediuntur, frigefcunt in progreſſu: contrā, qui conſilio ſuſcipit, magis ac magis accenditur operis progreſſu.

*Conſolatio.*

Vt medici in vehementi fluxu pituitæ, non ſtatim ſuccurrunt pharmacis, ſed ſoris admouent, quod tempore concoquat humorem, ac tum medetur: Ita in recenti dolore tacendum,

Ecc 4 donec

donec tempore mitior factus homo admittat consolationem. Plut.

Vt medici vetant admoueri remedia, cū morbus in accessu est, ac s̄ruit, sed cū se remittit: Ita ad primos illos iræ aut doloris morus, non est adhibenda consolatio, vel admonitio, sed vbi tempore cœperint esse leuiiores. Senec.

Vt vnguentum non solū delectat olfactum, verum etiā remedio est aduersus malè olentia: sic in malis bonorum memoria consolatur. Plut.

#### *Consuetudo.*

Vt quorundam hominum etiā aspectus fascinum habet: Ita sunt quorum omnis vitæ consuetudo mores inficit. Plin.

\* Vt in loco pestilenti qui assueuere duranti: ita incommoda parum lædunt assuetos. Plin. lib. 18. cap. 5.

\* Quemadmodum Mithridati quotidie venenum sumenti, consuetudine factum est innoxium: ita mala quibus assueueris non offendunt. Eras.

\* Vina non modò soli sui referunt saporem, verum etiā arborum aut fruticum vicinarum: ita non solum exprimimus eos à quibus geniti sumus, sed & eos quorum consuetudine sumus vbi. Eras.

Vt callus tempore factus adimit sensum: Ita diutina mala consuetudo facit, vt leuius feramus. Plin. lib. 25. c. 2. Vide assuesudo.

#### *Contemplatio.*

\* Quemadmodum artifices ex alio rei subtilioris intentione quæ oculos defatigat, si malignum & non præclarum lumen habent; in publicum prodeunt, & in aliqua regione ad populi ocium dedicata, oculos libera luce delectant: Sic animus in hoc tristi

& obscuro domicilio clausus, quoties potest apertum petit, & in rerum naturæ contemplatione requiescit. Seneca epistola 66.

Vt qui ex claro sole redierunt in vmbra, his caligant oculi: Ita qui à diuinorum contemplatione, ad humana recidunt. Senec.

Heraclitus dixit, vigilantibus vnum communem esse mundum, sopitos in suum quēque discedere: At superstiosus, ne vigilans quidem cum aliis mundo fruitur, semper somniantē cogitatione. Plut.

#### *Contemptus.*

Bucephalus Alexandri Magni equus, quum nudus esset, equitōnem in tergum admittebat: ornatus regis phaleris neminem ferebat nisi regem ipsum, in reliquos omnes ferociebat: Ita quidam tenues quemuis ferunt, diuites facti despiciunt vulgares. Plinius lib. 8. cap. 42.

#### *Contrarietas.*

Calx aquis accenditur: Ita quosdam contraria mouent. Eras. ex Plin.

#### *Consumelia.*

Sicuti nec Ægyptus ob calorem, nec Scythia ob rigorem sentit fulmina: Ita vel ingens potentia, vel extrema fortunæ humilitas, tutum reddit à contumeliis. Plin.

Adyanton herbam etiā si perfundas aqua, aut immergas, ramen sicca similis est: Ita in virum bonum non hæret contumelia, aut infamia etiā si quis infamare conetur. Plin. lib. 22. cap. 21.

#### *Conuersatio & conuiuius.*

Vt qui in solem venit, licet non in hoc venerit, coloratur: & qui in vnguentaria taberna resederunt, & paulò diutius commorati sunt, odorem loci

loci secum ferunt : Ita qui cum sapiente consuetudinem habent, etiam si non hoc agant, tamen redduntur meliores. Senec.

Vt minuta quædam animalia, cum mordent non sentiuntur: tumor indicat morsum, & in ipso tumore nullum vulnus apparet: Ita bonorum consuetudinem prodesse non deprehendis, sed profuisse. Senec.

Vt morbi ad vicinum serpit contagio, sanitas ad ægrotantem non item: Ita ex consuetudine malorum facile boni corrumpuntur, at non contrà. Erasmus.

Torpedo piscis, haud nocet, nisi contactu, sed virus suum etiam ab ære per linum, & arundinis internodia ad piscatoris manum mirè transmittit: Sic improbi ac pestilentes haud nocent, si nihil cum illis habeas commercij, rerum quacunque consuetudine contacti morum venena afflant. Plin. lib. 32. cap. 1.

Vt in re rustica non satis est te ipsum bonum esse colonum, sed magni refert cuiusmodi habeas & vicinum: Sic in vita non satis est, te ipsum integrum virum præstes, sed refert cum quibus habeas consuetudinem.

Aconitum etiam contactu necat: Ita quorundam conuietus prorsus inficit, aut si vel tantillum cum illis inceptes commercij. Plinius libro 29. cap. 2.

Vt Pyrites gemma non aperit vim igneam, nisi si atteras, tum enim digitos adurit: Ita quorundam malitiam non sentias nisi cum illis consuetudinem aut commercium habueris: aut non sentias philosophiæ vim, nisi exercueris: Ita succina attritu vim attrahendi & odorem produunt.

Vt non ipse solum magnes attrahit, verumetiam aliud ferrum ad se trahit ferrum magneti affricum: Ita

contagio vis virtutis, aut improbitatis pernicies ab alio in alium transir.

Vt qui ante venenum sumunt antidotorum, non læduntur veneno: Sic qui salubribus opinionibus ac decretis confirmarunt animum, non inficiuntur oratione malorum, si fortè in eos inciderint.

Vina non modò soli sui referunt saporem, verumetiam arborum aut fruticum vicinorum: Ita non solum exprimimus eos vnde progeniti sumus, sed & eos, quorum consuetudine sumus vfi.

Vt qui à cane rabido morfi sunt, non solum rabiunt ipsi, verumetiam alios contagio inficiunt: Ita qui pestilentem alicunde imbiberint opinionem, & alios suis inficiunt colloquiis.

#### *Conuiuium.*

Iaculum si in solidum aliquid inciderit, nonnunquam in mittentem retorquetur: Ita conuiuium in fortem & constantem virum totum recidit in conuiuium facientem. Plutarchus.

Vt qui luctantur, non abstergunt suum puluerem, sed se mutuo contaminant, vt mutuo cadunt: Sic quidam accepto conuiuium, non id purgant, sed obseruant quid vicissim in illos possit torqueri. Plut.

Vt si vel inimicus ostendat lutum adhærens vesti, non reiciis in illum, sed abstergis: Ita si quis ostendat maculam vitæ, non regerendum est conuiuium, sed abstergenda labes. Plut.

Absurdum existimant opprobare cuiuspiam corporis vitium, à quo non sis ipse immunis: At multo magis ridiculum animi vitium in alterum coniecere, quod in te recidat. Plut.

Vt Telephus non respexit hostem, cuius erat hasta, sed salutem, quam adferebat: Ita non oportet offendi inimici



inimici conuitio, sed si verum admoner, vertendum est ad vitæ correctio- nem. Plur.

Vt ille Theſſalum Prometheum volens occidere, gladio diſſecuit tuber, ac ſanauit: ita ſæpenumero conuitiū per iracundiam dictum ab inimico, vitium animi vel ignotum nobis, vel neglectum ſanat. Plur.

Sicut echo non ſonat, niſi cūm reddit acceptam vocē: ita nonnulli quicquid in ipſos dicitur, in alterum regerunt: aut non habent, quod dicant, niſi dicta referant aliena. Plur.

Vt Olympiæ porticus vocem acceptam arte ſeptics reddit, vnde hepraphonon oppidani vocant: ita quosdam ſi vno tangas conuitio, ſexcenta regerunt: aut ſi paucis ad loquendum pro- uoces, garrindi finem non faciunt. Plin. lib. 36. cap. 15.

Leo cunctis formidatum animal, tantum ac criſtam galli formidat: ita ſummi principes inſimorum conuitia nonnunquam timere coguntur. Plin. lib. 3. cap. 16.

Moræna fuſte non poteſt interimi, ferula protinus: ita quosdam leue incommodum exanimat, vt conuiuium, qui grauiffimas fortunæ procellas in- fracto tulerunt animo. Plin.

Vt laſciua ſimiarum febrim excutit leoni: ita inimici conuitium aut contumelia, nonnunquam excuſſa deſidia, veternoque ad honeſti ſtudium nos acuit. Plin. libro 8. capite 10. *Vide Maledicentia.*

#### *Conuiuium.*

Qui in eadem vehuntur naui, & in eiſdem militant tentoriis, ſeſe mutuo ferant oportet: Sic qui verſantur in Republica: At in conuiuiis non idem eſt neceſſe, nam illic periculum eſt commune, hic non item. Plutar- chus.

*In corporibus imbecillioribus interdum magna vis.*

Apis cūm minimum ſit inſectum, tamen admirabile facit opus, & miratione politiam moderatur: ita in pu- ſillis corporibus ſumma nonnunquam ingenij vis.

Quo maius eſt animal, hoc minus eſt ſecundum: minuta numeroſi ſortus ſunt, adeo vt acanthiſ minima auicula duodenos pariat pullos: ita quæ minus valent pondere, numero ſunt penſanda.

#### *Correctio.*

Vt difficillimè ſanantur, qui ſui ſenſu carent in morbo, velut lethargici, ac phrenetici: ita difficillimè reuocantur ad bonam mentem, qui non agnoſcunt ſua vitia. Plur.

Vt mendum quod induruit ac diutius in hæſit difficile tollitur: ita vitia inueterata non facilè corriguntur. Plutarch.

Remedia ſtatim mordent vel offen- dunt, poſtea conferunt ſalutem & voluptatem: ita ſalubria monita initio ſunt nonnihil amara, poſtea correctio iucundiſſima. Plur.

Vt eſt initium ſanitatis ſenſus morbi: ita correptionis initium agnoſcere culpam. Plur.

#### *Correptio.*

Vt caro quæ callo obduruit, non accipit vibices plagarum: ita animus aſ- ſuetudine peccandi non commouetur correptione, licet acri. Plur.

Qui correptus ſtatim fugit exoſus admonitorem, perinde facit, ac ſi ſectus à medico continuo offeſus au- fugiat, non expectans vt obligetur, & oblinatur vulnus ac mitigetur. Nam iſ quod dolet iam paſſus, quod confert non vult experiri. Plur.

Nutrices vagientibus pueris rur- ſum

sum apponunt papillam: sic discipulus  
offensus correptione, rursus est laude  
subleuandus, ne deficiat. Plut.

*Crux & tribulatio.*

Vt hyeme media alcyones summa  
fruantur tranquillitate, & hanc etiam  
aliis communicant: ita cum maximè  
seuic fortuna, tum maximè animi  
tranquillitate fruuntur pij, & hanc in  
alios quos possunt transfundunt. Eras.

*Cultus neglectus.*

Vt mulieres ob hoc ipsum bene  
olent, quia nihil olent, & in quibus-  
dam delectat cultus neglectus: Ita  
theologica oratio hoc ipso videtur  
ornator, quod ornamenta neglexit.  
Erasm.

*Cunctatio.*

Leonis catuli informes nascuntur,  
vix ingrediuntur semestres, non mo-  
uentur nisi bimestres: ita quæ egregia  
futura sunt, serò proueniunt & lentis  
ductibus absoluuntur.

*Cura superuacanea.*

In vitæ quicquid per amputationem  
adimitur materiæ, id fructibus addi-  
tur: ita qui reciderit curas superuaca-  
neas rerum sordidarum, plus valebit  
in rebus seriis & grauib: Aut quò  
minus est verborum, hoc grauior  
sententiæ. Eras.

*Curiositas.*

Vt quidam insana libidine neglectis  
formosissimis mulieribus, quæ pro-  
strant, ad inclusam & sumptuosam pene-  
trant, etiam deformem: Sic curiosus  
contemptis præclaris spectaculis ac  
editis libris tam multis, alienas scru-  
tatur epistolas, alienas domos, non  
absque periculo nonnunquam. Plut.

Vt Simonides gratiarum scrinium  
semper inane reperit, mercedis sem-  
per plenum: ita si curiosus post ali-

quantum tempus suam aperit penum,  
inutilibus & insuauibus rebus plenam  
inueniet. Plut.

Quidam è poëtis eligunt deterri-  
ma, vt ex Homericis versibus acepha-  
los, & quæstus, tragicos syllogismos, &  
ab Archilocho obscenè dicta in mu-  
lieres: Sic curiosus pessima & insua-  
uissima è cuiusque vita decerpit. Plu-  
tarchus,

Vt Philippus ex deterrimis homi-  
nibus conditam ciuitatem *πομπη*,  
appellauit: sic curiosus malis vndique  
congestis, thesaurum quendam in-  
amabilem & inamœnum sibi memoria  
construit. Plut.

Vt quidam neglectis pulchris pictu-  
ris prodigiosas ac monstrosas miran-  
tur imagines, vt trioculos, carentes  
suris, cynocephalos: sic curiosi malis  
alienis magis delectantur, quàm ho-  
nestis. Plut.

Quemadmodum aquilæ & leones  
cum ambulant, introrsum vertunt vn-  
gues, ne coterantur, ac seruant in præ-  
dam illorum aciem: sic animi vigorem  
non conuenit alienis rebus noscendis  
absumere, sed seruare ad vsum neces-  
sarium. Plut.

Vt turpe est ingredi domum alie-  
nam, aut introspicere: ita turpius est  
scrutari, quid alij domi faciant. Plu-  
tarchus.

Vt admonuit Socrates cauendum  
abiis eduliis, quæ illicerent ad eden-  
dum etiam non esurientes, & à potu  
qui ad bibendum inuitaret, etiam non  
sitientes: Sic fugienda sunt specu-  
la, sermonesque qui pelliciant sui desi-  
derio eos, ad quos nihil attinent. Plu-  
tarchus.

Vt vlcus cruentat seipsum, dum  
scalpitur: ita curiositas & sua mala  
studet cognoscere, & dolorem accer-  
sit cognoscendi libido siue pruritus.  
Plutarch.

Gallina

Gallina sæpenumero pabulo apposito, in angulo scalpans ac verrens scobem, è stercore ordeï granum vnum depromere mauult: sic curiosi prætermisiss aut interruptis sermonibus innoxii, si quid malum in cuiusquam familia occultum est, id prouerrunt in medium. Plur.

Vt taxatur in Comædiis Cleon, quod alibi manus haberet, alibi mentem: ita multis in locis est curiosi hominis animus, nec vna habitat in domo. Plur.

Vt Sicyæ, quod est in corpore pessimum, id attrahunt: Sic curiosorum aures, quod est in hominum vita viciosissimum, id libentissimè audiunt. Plur. Plin. lib. 32. cap. 1.

Ciuitates portas habent quasdam nefastas, per quas educuntur nocentes ad supplicium capitis, eiiciuntur purgamenta, nihil autem infertur sacrum aut purum: Sic in aures curiosorum non transeunt nisi homicidia, adulteria, &c. Plur.

Vt nemo ferret, si quis medicus, vel Æsculapius vltro accedens ad alienum morbum, percontaretur num haberet fistulam in ano, aut num mulier cancerum haberet in pudendis: multò magis eiiciendus curiosus, qui aliena mala non curat, sed reteggit tantum, idque non accersitus. Plur.

Portitoribus indignamur, quod aliena scrutantur vasa, cum id lex eis permittat, & ni faciant, damnum facturi sint: multò magis succensendum iis, qui suis omisiss negotiis aliena perscrutantur. Plur.

Vt coci optant pecorum prouentum, piscatores piscium: Sic curiosus malorum, nouarum rerum commotionem, vt habeat quod venerit. Plutarchus.

Vt in aperto posita & exposita negliguntur ac prætereuntur, abstrusa

petuntur insidii: Ita qui valdè later, & à vulgo semotus est, in huius vitam inquirunt homines. Senec.

Vt stultissimum est, cum huius mundi, in quo nati sumus, naturam cognoscere non possimus, alios innumera. biles mundos foris quærere: ita absurdum est neglectis rebus domesticis, de alienis esse sollicitum & curiosum. Erasmi.

## D.

## D A M N U M.

**V**Retica sine aculeis adurit, ac vulnerat sola lanugine, soloque contactu: Ita quidam non aperta vi sed clanculum nocent. Erasmi.

Vti pyralis vltro aduolans lucernis, adustis alis collabitur, ac perit: Sic quidam ipsi sibi accersunt perniciem. Idem.

Semel icti à scorpio, nunquam postea vespis, crabronibus, aut apibus feriuntur: Ita nullum est incommodum, quod non commoditatis aliquid habeat adiunctum. Idem.

Simia cum imitetur hominem, ramen animal est omnium deformissimum: Ita qui affectat, quod optimum est, nisi feliciter affectet, incidit in id quod est pessimum. Idem.

## Debitum.

Qui dicunt, carebo domo, carebo famulatio, ne debeam: perinde faciunt, ac si hydropicus dicat medico, ego gracilis fiam, & inanis: nam nihil refert quàm gracilis sit, modò sanus. Plutarchus.

Vt pedem & manum si computruerit, data mercede rescamus: Ita domus, aut famulitium abiiciendum, vt liberemur ære alieno, hoc est, vt liberi fiamus. Plur.

Vt

Vt equus semel accepto freno, seforem alium post alium fert: Sic qui semel inciderit in æs alienum, nunquam explicatur. Plur.

Cholerici qui purgari nolunt sub rēpus, collecta indies maiore bile, postea grauiter diserciantur: Sic qui sinunt fœnus accrescere, cum adest dies grauius è capite laborant. Plur.

Sicuti polypus quicquid brachiis atigerit, suctu tenet & attrahit: Ita difficillimum est euellere de manibus quorundam, si quid nacti fuerint. Plin. l. 9. c. 29.

*Decorum.*

Vt pulchritudo corporis apta compositione membrorum mouet oculos, & delectat, hoc ipso quod inter se omnes partes cum quodam lepore consentiunt: Sic hoc decorum quod elucet in vita, mouet approbationem eorum quibus cum uiuitur, ordine, constantia, & moderatione omnium dictorum atque factorum. Cicer. lib. 1. de offic.

Vt alia vestis magis sapientem decet quam alia, cum nullam oderit: sic magis congruit hoc aut hoc loco uiuere. Senec.

Chamaeleon herba mutat foliorum colores, cum terra in qua nascitur, hæc nigra, illic viridis, alibi cyanea, alibi crocea, & aliis aliisque coloribus: Ita conuenit hominem hoc loco, in quo agit, vitæ habitum commutare. Plin.

*Defensio.*

Amphisbena serpens vtrinque caput habet, & vtrilibet corporis parte pro cauda vitur: Ita quidam anticipes, nunc hac, nunc diuersa ratione se tœnentur, & cum est commodum, ad ecclesiasticam libertatem cōfugiunt, cum visum est, principum prætextu rem gerunt, canonum obliui. Plinius.

*Degeneratio.*

Non vt ex sapientissimis parentibus stultissimi plerumque nascuntur filii: Ita à doctis præceptoribus indocti discipuli, à probis educatoribus alumni improbi. Nam illic corporum est propagatio, hæc animorum, Eras.

Vt arbores quædam bellæ florent, verum nullum adferunt fructum: Ita quorundam puerorum indoles magnæ vitæ frugem pollicetur, qui simulatque adoleuerint, ad ineptissimas conuersi voluptates, fallunt expectatione omnium. Idem.

Vt si Venerem suam Apelles, aut si Protogene Hialysum illum suum cœno oblitum videret, magnum acciperet dolorem: Ita si quis conspiciat eum corruptum, quem ad bonos mores instituisset: aut ignominiis affectum quem ornasset honoribus, iniquo animo ferret. Plinius libro 35. cap. 10.

\* Est Indiæ gens dicta Pandora, quæ in pueritia cano sit capillitio, in senectâ nigrescunt lapilli: Ita nō nulli primis annis sobrij ac modesti, grandiores iam ad nugas & ineptissimas voluptates abiiciunt sese, & quasi repuerascunt. Plin. l. 7. c. 2.

*Delectus.*

Aqua maris inutilis potui, sed alit pisces, seruit nauigantibus: Sic in vnaquaque re quod inest commoditatis, excerpendum est. Plur.

*Delicia.*

\* Quemadmodum plantæ ac semina in regionibus montuosis ac asperis non ita lasciuunt, vt in campestri & molliore terra: Sic hominum quoque mores ad regionis habitum immutantur, & molli ac fertilis regio molles ignauosque reddit homines. Plur.

*Deside.*



*Desiderium.*

\* Sicuti bona valetudo iucundior est iis qui è graui morbo liberati sunt, quàm qui nunquam ægro corpore fuerunt : Sic omnia desiderata magis quàm assiduè percepta delectant. Cicer. in orat. post reditum ad Quirites.

*Deut.*

Cùm natura videt imminere tempestatem, primùm quidem Deos inuocat, vt incolumi liceat in portum appellere, mox contrahit vela, atque omnia nihilo serius parat quibus est opus: Ita nos debemus auxilio diuino fidere, sed sic, vt nostram quoq; industriam adhibeamus. Plur.

Vt quibusdam minus mali fuit, non omnino videre, quàm perperam videre, velut Herculi, qui filios videns pro hostibus occidit: Ita leuius malum est, deos omnino non credere, quàm credere noxios. Plur.

Vt peius sentiunt de homine, qui dicunt esse iracundum, perniciosum, quàm qui negant eum viuere: Ita minus malè sentiunt de Diis, qui negant, illos esse, quàm qui dicunt esse morosos, noxios, irritabiles, vt faciunt superstitiosi. Plur.

Quemadmodum à piscibus Hyrcanis, nec boni quippià expectatur, nec mali: Sic Epicurei, nec turbari nos volunt deorum metu, nec delectari beneuolentia. Plur.

Quemadmodum agricola non incidit spinam priusquam asparagum inde ceperit, & Lybies non ante incendunt sarmentum quàm thus collegerint: Ita Deus non excidit genus regum pestilens, priusquam hinc fructus aliquis bonus contigerit. Plur. de vindicta diuina.

*Difficilia quæ pulchra.*

Vt Asparagus spinosus dulcissimum

fert fructum : Ita ex duris initiis, magna volupràs nascitur. Plur.

Id quod maiori negotio chalybi aut marmorì insculperis, durat diutius : Ita quod maiori studio discimus nunquam obliuiscimur. Eras.

Vt rosa flos vnus omnium longe gratissimus de spinis nascitur, sic è tristibus & asperis laboribus fructus capitur dulcissimus. Idem.

Vt palma, quia cortice sit cultellato, difficilis est ascensu, sed fructum habet dulcissimum : Itidem eruditio & virtus aditum habent difficilem, sed fructum dulcissimum. Plinius lib. 13. capite 4.

Leonis catuli informes nascuntur, vix ingrediuntur semestres, non mouentur, nisi bimestres : Ita quæ egregia futura sunt serò proueniunt, & lentis ausibus absoluuntur. Plin. libro 8. cap. 16.

Vt Phœnix non nisi quingentesimo annò nascitur : Ita insignium virorù rarus est proventus. Plin. l. 10. c. 2.

Afinæ per omnem gignunt vitam, cùm homo tam maturè desinat ponere: Ita facilius & perpetuus proventus rerum vilium, egregia raro cõtینگunt. Plin. l. 8. c. 43. Senec.

Vt Herba Moly difficilè quidem effoditur, sed ad remedia præter cæteras efficax est : Ita quæ præclara sunt, contingunt nisi magno negotio. Plin. l. 25. c. 9.

Vt quæ præclara sunt vix multo cultu proueniunt: contrà cæpe, allium & quædam huiusmodi vilia, etiam reposita aut suspensa, proferunt sese : Ita quæ sunt egregia non nisi magno cõtینگunt labore, quæ mala passim obuia sunt. Eras.

*Dignitas.*

Agrippæ qui vocantur, quoniã præposterè nascuntur, hoc est, pedibus pri-

primum emergentibus, malis auspiciis in vitam ingredi creduntur, magnoque humani generis malo, ut Marcus Agrippa & Nero: Ita qui per nefas & simoniam irrumpunt in imperium, aut episcopatum (ut vocant) magnam pestem adducunt sibi suisque. Eras.

*Diligentia.*

Ut nihil minus expedit, quam agrum opprimere colere: Ita æpenumero inutilissimum est, nimis esse in negotio diligentem. Plin. l. 18. c. 6.

Ut qui serius exiuit, cursus celeritate penitet ac sarciat oportet: Ita qui serius ad bonam vitam aut literas accessit, diligentia reparare necesse est superioris cessationis iacturam. Senec.

*Vide assiduitas. Studium immodicum. Labor, &c.*

*Discendi ratio.*

Ut priusquam assueuimus, multa nos offendunt in homine, quæ postea assuetis sunt etiam iucunda: Sic in litteris, in philosophia, prima illa tædia toleranda sunt, donec usu fiant facilia iucundaque. Plur.

Vasa ad accipiendum, quod infunditur, accommodant & inclinant sese: Sic qui discit, debet accommodare sese, nequid effluat eorum quæ utiliter dicuntur. Plur.

Vasorum malorum & putrium aures quibuslibet implentur potius, quam necessariis: Ita quidam stultissima protinus discunt. Plur.

*Discipuli artium liberalium.*

Velut si quis ignem petat à vicino, deinde illic luculenter reperto foco desideat, maneatque: Ita quidam semper assident præceptoris, nec accendunt ingenium suum ut domi suo fruantur igni. Plur.

Ut avis quicquid pabuli nacta est,

in pullos transfert protinus, ipsi nihilo melius est: Ita quidam ideo discunt, ut statim doceant, ipsi nihilo meliores evadunt. Plur.

Quemadmodum ignavi, cibi; avidi canes, domi ferarum pelles mordent, ac villos vellunt, feras ipsas in venatu non attingunt: Sic quidam præpostere studiosi, de nugis agunt, caput disciplinæ non attingunt. Plur.

Non ut vasa, itidem ingenia desiderant repletionem: sed satis est accensio, velut incitamentum in materia, quo vis inveniendi, & cupiditas veritatis incitetur. Plur.

Non ut ex sapientissimis parentibus stultissimi plerumque nascuntur filij: Ita à doctis præceptoribus indocti discipuli, à probis educatoribus alumni improbi. Nam illic est corporum propagatio, hic animorum. Eras.

Ut nonnullæ mulieres ex viris quibusdam non concipiunt: aliis adiunctæ fecundæ fiunt: Ita sunt qui apud quosdam præceptores indociles aliis traditi doctoribus proficiunt, quod sint ut corporum, ita ut ingeniorum cognationes ac diffidia. Idem.

*Discordia.*

\* Tyrheus lapis, quamvis grandis innatat, comminutus sidit: ita concordia sustinemur, discordia pressumimus. Plin. libr. 2. cap. 106. & libro 36. cap. 17.

Ut macula statim est eluenda, ne in hæreseat & difficilior eximatur: Ita dissensio fratrum illico tollenda, ne gignat odium. Plur.

Ut si buboni accedat febris, nihil est periculi: verum si sublato illo tamen morbus perseveret, videtur altius egisse radices: Sic fratrum dissensio, quæ cessat lite finita causæ erat, non ipsorum: at si manet etiam dum negotio confecto, iam negotium præ-

textus

textus erat, non causa, sed exulceratus animus in causa fuit. Plut.

Vt aqua in locos hiantes ac diductos influit, ac magis eos diuellit: Ita quidam irritant fratrum dissidia. Plutarchus.

Vt conuenit amantibus diuersas amicas, in eadem depereuntibus malè conuenit: Sic dissident, qui eadem ex re gloriam affectant. Plur.

Vt singula hastilia facile frangas, coniuncta non possis: Ita dissidentes facile superantur, concordēs haud facile. Plur.

Vt periculum sit, si omnes in diem inclinent latus nauis: sed aliis aliò insectentibus nauis optimè libratur: Sic seditio & dissentio inter Rhetores tutiorem reddit statum ciuitatis: item dissentio poetarum inter se facit, vt minus inficiant opinionem lectoris. Plur.

Scorpius lethale venenum habet, aconitum lethalius, tamen hoc in potu datum aduersus scorpionum ictus remedium habet: Ita dum venenum cum veneno colluctatur, seruatur homo. Idem duorum pestilentium ciuium discordia nonnunquam reipublicæ salutis est. Eras.

*Vide Seditio, Dissidium, Odium.*

#### *Dissensiones.*

Vt apud Homerum Vlysses ridetur à prociis, quòd panis frustula peteret, non enses, neque lebetes: Ita magis ridendi sunt, qui disserendi minutulas ac friuolas quæstiunculas obiciunt. Plur.

#### *Dissidium.*

Galli sæpius in pugna commoriuntur: Ita quidam mutuis dissidiis conficiunt sese. Plin. l. 12. c. 21.

Vt cælo quamuis sereno, nubecula quam liber parua ventū procellosum dabit: Sic rebus admodum pacatis,

ex minimo dissidio granissimi rerum motus subito exoriuntur.

Vt vitis refugit brassicam, quercus abhorret ab olea, multò magis autem à nuce iuglande, nam vitis cum omnia complectatur, solam brassicam declinat, quercus si in scrobem oleæ depacta fuerit emoritur, eadem & iuxta nucem iuglandem inarescit: sic inter quasdam nationes naturale dissidium est, vt nullo pacto queant coalescere concordia. Plin. lib. 25. c. 1.

#### *Dissimulatio.*

Scorpius venenum in cauda gerit, & oblique ferit: Ita quidam in fine viri effundunt suum & dissimulanter lædunt. Eras. *Vide Simulatio.*

Vt vitrum quia pellucidum, nihil celat: ita quidam nihil tegere, nihil dissimulare norunt: quicquid in animo est, id protinus omnibus palam est. Plin. l. 10. c. 62.

#### *Distractio animi ad res diuersas.*

Vt qui propriam domum non habet, per multas domos vagatur: Ita qui certum vitæ institutum non sequitur, nunc in horum, nunc in illorum mores transit. Plur.

Qui multis negotiis distrahitur, veluti lacus est, ad quem à multis cōcurrit, qui eum & exhauriunt & turbant. Senec.

Stolonibus amputatis omnia celerius adolefcunt in arbore, nimirum alimentis in vnam collatis stirpem: Ita animus leuatus superuacuis negotiis, plus efficit in studiis honestis, tota vis mentis in idem intenta. Eras.

Mugiles si caput condiderint, putant se toros occultari: Ita quidam si sua vitia dissimularint ipsi, putant ab aliis non animaduerti: qui mos idem & pueris est. Idem.

#### *Dinitia & opes.*

Qui viro malo addit opes & gloriam,

riam, is febricitanti ministrat vinum bilioso mel, celiacis obsonia, quæ morbum animi, hoc est, stultitiam augeant. Plut.

Vt floridum auleum aliquando multa tegit sordida: Sic splendor & strepitus potentum, multas obtegit calamitates. Plut.

Vt vestes videntur addere colorem homini, cum per se fiat frigida, non addunt autem, sed eum, qui est in corpore, tuentur: Sic opes videntur dare iucundam vitam, cum ea proficiatur ab animo, non à rebus externis. Plut.

Vt qui febris laborant, è diuersis diuersa capiunt, hoc est, è calidis frigesunt, è frigidis calefcunt: Sic & diuitiæ molestiam adferunt stultis, & paupertas gaudium sapienti. Plut.

Vt longiore via potius vtendum est, si modò sic tutior, quàm breuiore, & periculosa: Sic ad opes ad gloriâ entendum, vt serius contingant turd potius, quàm statim cum periculo. Plut.

Animalia quædam circa cubilia cõfundunt vestigia, ne queant inueniri: Sic nobis celandum bonum nostrum, quo tutius sit. Senec.

Auis quæ pluma tantum tenetur, minimo dispendio potest aufugere: Sic opes non debent remorari à studio sapientiæ. Senec.

Non faciunt equum meliorem auri frenis nec hominem meliorem fortunæ ornamenta. Senec.

\* Otiosi diuitiis luditis, nec peruidetis illarum periculum. Sicut barbari plerumque inclusi & ignari machinarum, segnes laborem obsidentium spectant, nec sciunt quò illa pertingant, quæ ex longinquo instruuntur. Idem vobis euenit. Marcetis in vestris rebus, nec cogitatis quot casus vndique immineant, iam iamque preciosa spolia latari. Seneca libro de vita beata, cap. 26.

Non continuò melior gubernator, cui pulchrius aut maius sit nauigium: ita non est melior vir, cui fortuna splendidiôr. Senec.

Vt adamas si iuxta magnetem ponatur, non patitur abstrahi ferum, aut si ad morus magnes apprehenderit, adamas è diuerso rapit atque aufert: ita pecuniæ studiũ distidet cum Christiana pietate, & modis omnibus auocat, nec finit adhærescere Christo. Erasimus.

Quod tibiæ sunt ignarîs musices: hoc opus his, qui nesciunt vti. Eras.

Bucephalus Alexandri magni equus, quoties nudus esset, equis onem in tergum admittebat, ornatus regis phaleris neminem ferebat, nisi regem ipsum, in reliquos omnes ferociebat: ita quidam tenues quemuis ferunt, diuites facti despiciunt vulgares. Plinius lib. 8. cap. 42.

Quemadmodum vitica, si contenter attingas ac timide, adurit: si premas tota manu, non adurit: ita pecunia, si cautiũ circumspectimque tractes, inficiet: si contemptim ac neglectim, innoxia est. Plin.

Vt auibz pennas accidimus, ne longius auolent: Ita quibzdam opes & authoritatem, ne se tollant in altum. Eras.

Vt philosophus missa lingua victimæ, rem simul & optimam, & pessimam misit: Sic opes optimæ sunt si recte vtaris, pessimæ si secus. Idem ex Plut.

#### Diuites.

Quidam in foro felices videntur, domi moribus vxorum cruciantur: sic diuites foris felices apparent, intus malitia noctes dièsque discruciat. Plutarchus.

Vt quibusdam cum foris in foro, aut in curia conspicui sint aut splendidi, domi morosa vxor contristat

Fff omnem



omnem vitam; Sic regno ac diuitiis multa adfunt occulta mala. Plin.

Scombrina aquis sulphureum habent colorem, extra aquas similem cæteris: Ita diuites in suo regno diis pares, & cæteris longè præstantiores videntur, in morte nihil ab aliis differunt. Plin.

Cerui cum cogantur sua cornua abicere, tamen occultant ea præcipuè dextrum, ne medicamenti vis aliis sit vsui: Ita diuites nonnulli, cum ipsi diuitiis uti non queant, haud tamen sinunt alios frui. Plin. lib. 8. c. 21. Aristot. de Nat. lib. 9. cap. 5.

Cum alinus ipse sit *amuletus*, ex offibus tamen huius optimæ fiunt tibiae, ut ait Æsopus apud Plutarchum: Ita diuites quidam ipsi indocti, tamen pecunia sua suppeditant ingenium studiosis. Erasmi.

#### *Docendi ratio.*

Si quid in vres velis infundere boni, ventum atque aerem amoveas oportet: Sic fastum ac tumorem eximas oportet ab animo eius, quem velis docere. Plut.

Vti salicis semen ante maturitatem abiectum, non solum ipsum nihil gignit, verum etiam foeminis sterilitatis est medicamentum, hoc est, efficit, ne concipiant: Ita sermones istorum qui prius docent, quàm verè sapiunt, non solum ipsos non reddunt meliores, verum etiam auditores suos inficiunt & reddunt indociles. Plinius libr. 16. cap. 27.

#### *Doctrina & eruditio.*

\* Ut equos propter crebras contentiones præliorum ferocitate exultantes domitoribus tradere solent, ut iis facilioribus possint uti: Sic homines secundis rebus effrenatos sibi præfidentes, in gyrum rationis & doctrinae duci oportet, ut perspiciant rerum

humanarum imbecillitatem, varietatemque fortunæ. Cicero libr. 1. officiorum.

Ut diuersis vocibus cōstarchorum Ita variarum disciplinarum mixtura constat eruditio. Senec.

Cibus innatans stomacho, onus est non cibus: idem muratus in vires & sanguinem transit: Sic quæ legeris, si solida durant in memoria, aliena manent: si abeunt in ingenium, tum reddunt eruditorem. Senec.

Terra quæ gignit salem nihil aliud gignit: Sic ingenia fecunda in literis, in cæteris ferè rebus non perinde valent. Plin. lib. 31. cap. 7.

Vina vasis infusa è taxo factis, mortifera sunt: Ita salutaris alioquin eruditio, si inciderit in hominem pestilentem, moribus illius redditur noxia. Plinius.

Ut laurus tota viret perpetuo: Ita doctrinae fama non senescit, neque marcescit. Plin. lib. 15. cap. 30.

Ut qui hircosi sunt, grauius olent, cum se vnguentis obleuerint: Ita scordior est nequitie fama, si eam doctrinae celebritas reddat magis conspicuam, latiusque traducat in hominum fabulas. Erasmi.

Ut gemma minutula quædam res est, sed ingentibus tamen saxis antepositur: Sic homo pusillus, sed ingenio valens: Item philosophia seu virtus ostentatione minimum quiddam est, sed præcio maximum. Idem.

In ludo sphaeræ simul discunt & mittere & excipere commodè: at in doctrina prius est bene accipere, quàm mittere, quemadmodum concipere prius est, quàm parere. Idem.

#### *Dolor.*

Ut sapiens gubernator in tranquillitate tempestatem expectat: Ita rebus tranquillis ad dolorem aliquem præpa-

præparandus est animus. Plut.

Vt medica terra diu retinet semina propter asperitatem, vt sero emergât: Ita morborum, ac dolorum causæ in hominibus aliquoties diu latent, donec volupras in febrem erumpat. Plutarch.

Vt medici in vehementi fluxu pigritæ non statim succurrunt pharmacis, sed foris admouent, quod tempore concoquat humorem, ac tum mendentur: Ita in recenti dolore tacendum, donec tempore mitior admittat consolationem. Plut.

*Dotes hominum diuerse.*

Vt non quiuis pictor quauis in parte artis valet, sed hic in diis exprimendis præcipuus, alius in vultibus reddendis, alius in lineis excelluit, alius in colorum mixtura, alius in symmetria: Sic qui virtutem præsentantur, aliis dotibus enitent alij. Item in eloquentia seu literis. Eras.

*Dux belli.*

Vt elleborum concitatis intus omnibus, ipsum in primis exit: Ita dux fortis adhortatus suos inter primos prodit in hostem, velut inquit Herophilus autore Plinio.

E.

EBRIETAS.

**I**gnauī canes apud mensam audent, in venatu minimē: Sic ingenerosum est, cum sobrius liberē loqui non audeas, inter pocula id facere. Plut.

Vt dolium efferuescente vino rumpitur, & quod in imo est, eruitur in summo: Sic ebrietas abditissima peccatoris profert. Senec.

Quemadmodum onerati mero, non continent cibum: Ita nec arcanum redundante vino. Senec.

Vt oculi diutino morbo difficiles facti quouis solis radio offenduntur: Sic vitia multa & assidua contracta remulencia durant & sobriis. Senec.

Vt polypi non extendunt sua flagella nisi ad esculenta: Sic quidam omnem felicitatem cibo potūque metuntur. Plut. Plin. l. 9. c. 29.

Lyfimachus ob sitim coactus se dederē Scythis, deinde cum frigidam bibisset aquam, dii boni, inquit, quam brevis volupratis causa quantam deposui felicitatem: Ita nobis cogitandum, postquam ob potatiunculam intempestiuam aut Venerem, in longum morbum incurrimus. Plut.

Musæ & alia nonnulla insecta suctu viuunt, ideōq; eis pro lingua est fistula: Ita quosdam videas bibones, qui potu viuant, à cibo abhorreant. Eras. *Vide Vinum.*

*Educatio.*

Vt multa agrestia subnascētia in agro, mala quidem ipsa sunt, sed tamen signa felicitis atque vberis soli, si quis excolat, sic animi affectus per se mali arguunt ingenium non malum si accedat recta institutio. Plut.

Nulla ferē est arbor, quæ non sterilecat, ac tortuosa fiat, si cultura desit: Ita nullum tam felix ingenium, quod non degeneret, citra rectam educationem. Plut.

Qui equos rectē alunt, eos docent parere freno: pueros qui volent instituire, primum assuesfaciat vt discant audientes. Plut.

Nullus equus rectē cessori parer, nisi arte domitus: Ita nullum ingenium, non ferox nisi præceptis cicuretur & educatione. Plut.

Nulla tam fera bellua, quæ non mansuescat cura: ita nullum tam agreste ingenium, quod institutione non mitescat.

Vt molli materię facillè sigillum imprimitur: si dureſcat, non item: Ita puerorum ingenia facillè quamuis recipient diſciplinam: ſin ætate dureſcant, non item. Plut.

Vt agricolæ vallos apponunt arbuſculis, quò rectè creſcant: Ita qui inſtituit, addit monita, & præcepta ingeniiſ ſalubria, ne deuariſcent in vitia. Idem.

Vt plures vrbes præternauigaſſe pulchrum eſt, ſed expedit vnã incolere optimam: Ita quamplurima ſunt cognoscenda, ſequenda retinendãque optima. Idem.

Fruſtra ſuber appenditur retibus, vt natent, ſi plumbum annexum deorſum trahat, & in æquo teneat: Ita fruſtra præceptis bene viuendi inſtituimur, ſi malicia addita non ſinit è ſtultitia emergere. Idem.

Vt ager, ſi non colatur, non ſolùm infrugiferus manet, verum etiam multa ſylueſtria producit: Ita adoleſcens rationis capax, niſi præceptis honeſtis exerceatur, non ſolùm non euadet bonus, ſed ad multa vitia deſectetur. Plut.

Vt agri non omnes frugiferi ſunt qui coluntur: Sic animi non omnes culti fructum ferunt. Cic. libr. 2. Tuſc. quæſt.

\* Si agricolam arbor ad fructum producta delectat, ſi paſtor ex ſortu gregiſ ſui capit voluptatem, ſi alumnam ſuum nemo aliter intuetur, quam vt adoleſcentiam illius ſuam iudicet: quid euenire crediſ hiſ qui ingenia educauerunt, & quæ tenera forma euerunt, adulta ſubito videt. Sen. epiſt. 34.

Vrſus informes gignit catulos, eoſ lambèdo format: Ita rude ingeniij fœrum diutina cura expoliri conuenit. Plin. l. 8. c. 26.

Coccyſ pulluſ vbi adoleuerit, cùm ſit nothuſ, tamen legitimoſ deuorat,

vnãque matrem ipſam: Ita quidam magna indulgentia ſultoque amore quorundam educati ſubuertunt eoſ. Plin. l. 10. c. 9.

Arbor per ſe infrugifera tamen inſitione diſcit ferre fructuſ: Ita prauum ingenium inſtitutione ad bonam frugem poteſt demutari. Plin. libro 17. cap. 14.

Arbor ſuapte natura nõ niſi vnicum fœtum gignit, inſitione eadem diuerſi generiſ fructibuſ oneratur: Ita qui naturam ſuam ſequitur, ſemper idem eſt, qui arte ducitur, ſui diſſimiliſ eſt, Pliniuſ.

Vt ſunt quidam fonteſ, qui potu pecudum atq; etiam hominum cutem & piloſ tingunt albo nigròve: Ita relucet etiam in ipſo hominiſ vultu, & fronte, quod aiunt, quibuſ præceptiſ imbutuſ ſit, & quibuſ ex authoribuſ hauriat vitæ rationem. Plin.

Vt gypſum aut argilla dum eſt vda, in quamuiſ imaginem facillè ſequitur fingentiſ manum: Ita rudeſ animi ad omnem diſciplinam ſunt idonei. Plin. lib. 36. c. 24.

Fœnum Græcum quo tractatur peiuſ, hoc prouenit meliuſ: Ita liberi quidam, quanto habueriſ indulgentiſ, tanto minus valent: neglecti verd & vexati euadunt in viroſ. Plin. lib. 18. cap. 16.

Gypſo madido ſtatim vtendum, quòd celerrimè ſiccetur: Ita ſtatim fingenda literiſ ac moribuſ ætaſ rudis, priuſ quàm durior non admittat fingentiſ manum. Plin. l. 36. c. 24.

Gypſum etiam ſi iam induruit, tamen tundi ruſum & in farinam reſolui poteſt: Simulãtque ſemel induruit ingenium adoleſcentiſ, ætate vitiſſq; non poteſt reſingi. Eraſ.

\* Iniecto in oculoſ ſago, leo ſine vllo negotio capitur, alioquin inexpugnabiliſ: ita facillimuſ eſt, potentiſſimuſ

num etiam domare, modo cognitum  
fit illius ingenium. Plin. lib. 8. c. 16.

*Eloquentia.*

Vt non satis est clauus, neq; frænum,  
nisi adsit qui arte moderetur: Ita non  
sufficit eloquentia ad moderandum  
populum, nisi accefferit sermonis mo-  
deratrix ratio. Plur.

Philosophus etiam eloquens, perin-  
de est quasi si bonus gubernator etiam  
formosus sit. Senec.

Vt aque laus est, si nihil sapiat (nam  
vitiosæ signum est sapor aut succus): Ita  
à cæteris quidem requirimus elo-  
quentiam: Theologus hoc ipso lauda-  
tur, quod infans est, & à multis alienus.  
Erasm.

Vt non est optima imago, quæ ma-  
teria testatur opes locatoris aut artem  
pictoris, sed quæ rem proximè repræ-  
sentat: ita optima est eloquentia quæ  
non ostentat ingenium dicentis, sed  
rem aptissimè ostendit.

Damnatur bombicina vestis seu  
multitium, quod pellucens non tegat  
corpus, cum in hunc usum sit reperta  
vestis: Ita ridenda facundia quæ rem  
non explicat, sed inuoluit, cum in hoc  
reperitus sit homini sermo. Plin. lib. 11.  
cap. 22.

*Vana eloquentia.*

Tilia cum habeat calicem ac folia  
dulcia, tamen fructum eius nullum a-  
nimal attingit: Ita quorundam ora-  
tio blanda, gratâq; & composita, sen-  
tentiæ nullum fructus. Plin. lib. 16.  
cap. 25. Theophrast. l. 1. c. 10.

Vt iunxus semper quidem virescit, sed  
alioqui & odore noxia, & semen habet  
omnibus inuisum animantibus: Ita  
quidam præter orationis gratiam, ni-  
hil adferunt non fugiendum. Plin. l. 16.  
cap. 17.

*Emendatio scriptorum.*

Vt qui parant statuam facere, prius

rude quoddam simulachrum fingunt  
è trunco, postea dolant ac poliunt: Ita  
qui orationem aut librum instituit. E-  
rasm.

*Error & lapsus.*

Vna tussis non facit phthisin, sed in  
morem adducta: Ita error non statim  
gignit animi morbum. Senec.

Climenos herba ita morbo mede-  
tur, vt sterilitatem adferat etiam in vi-  
ris: Ita quidam malum aliquod ita  
profligant, vt aliud diuersum admit-  
tant. Eras.

Vt in magna strage alius alium tra-  
hit in ruinam: Ita in publico errore,  
alius alium secum trahit ad pernici-  
em. Senec.

Vt solis defectus magnam mortali-  
um perniciem trahit: ita regis error  
etiam levis, magnam tamen in rebus  
humanis gignit perturbationem. E-  
rasm.

*Euentus.*

Vt qui canem lapide petens, nouer-  
cam percussit, ne sic quidem, inquit,  
malè: ita quod præter expectationem  
euenit, in bonam partem vertendum  
est. Plur.

*Exempla vite.*

Vt qui se comunt, adhibent specu-  
lum: Sic gesturus negotium proponit  
sibi laudatorum virorum exempla. Plur.

Olim ediscebant nomina digitorum,  
iisque aduersus terrores veluti reme-  
dio utebantur, singulis lentè recitatis:  
Sic aduersus omnes animi perturba-  
tiones, exempla quædam optimorum  
virosum habenda sunt in promptu.  
Plur.

Eryngium herbam si vni capræ in  
os inferas, cum ipsa sistitur, tum om-  
neis consistunt, donec pastor herbam  
eximat: ita principis mores mira vi in  
populum transfunduntur. Plur.

In facie plus offendit nequus, aut ver-  
rucula.



rucula, quam in reliquo corpore grandes maculae aut cicatrices: sic exigua delicta, magna videntur in principe, cuius vita in conspicuo est. Plut.

Qui sibi comparatione deteriorum bonus videtur, perinde est ac si quis ad claudos respiciens suam miretur velocitatem, Senec.

Vt Zeuxis picturus Iunonem, Agrigentinis omnibus virginibus inspectis, quinque præcipuas elegit, ex quibus quod esset in vnaquaque præcipuum, imitaretur: Ita è plurimis optimi nobis ad exemplum vitæ, discendi aut proponendi sunt, nec in his tamen reddenda sunt omnia, sed optima. Eras.

Vt solis defectus magnam mortalium perniciem trahit: ita regis error etiam levis, magnam tamen in rebus humanis gignit perturbationem. Erasmus.

#### *Experientia.*

Ex omni genere curiositas hominum signa collegit instantis tempestatis: At multo magis conueniebat hac vti diligentia in consultationibus, vt obseruatis experimentis coniciant, quid malorum ex vnoquoque; perperam instituto consequatur. Eras.

#### *Exercitatio.*

Vt ferrum aut æs vsu splendet: sic exercendis negotiis enitescit animi vigor. Plut.

Vt ferrum si non vtaris, obducitur rubigine: sic animi vigor, nisi negotiis tractandis exerceas. Plut.

#### *Exilium.*

E corporis morbo quidam hoc excerpunt commodi, quod vacant negotiis, quibus distringebantur, & quosdam labores obiecti reddidere validos: sic quibusdam exilium, paupertas, naufragium, occasio fuit philosophandi. Plut.

#### *F.*

#### *FABULAE.*

**Q**uemadmodum araneæ, ex se telas texunt: Ita quidam ex se ipsis comminiscuntur fabulas ac mendacia, cum nihil sub sit veri. Plut.

Vt apes ex amarissimis floribus & asperissimis spinis mel suauissimum ac lenissimum colligit: sic ex turpibus ac sceleratis fabulis vtcunque decerpere potest aliquid vtilitatis. Plut.

Quemadmodum iris nihil aliud est, quam relucencia Solis refracti in nubibus: Ita fabula quædam est veri representationis. Plut.

Vt Democrates medicus Confidie mulieri, omnem curationem austeram recusanti, lac caprarum dedit, quas lentisco pascebat: sic iis qui prorsus à tetricis philosophiæ præceptis abhorrent, fabellæ quædam amceniores proponendæ, sed quæ philosophiam resiciant. Eras.

#### *Facta verbis dissimilia.*

\* Vt si Grammaticus se professus quispian barbarè loquatur, aut si absurdè canat is qui se velit haberi musicum, hoc turpius sit, quod in eo ipso peccat cuius profiteretur scientiam; sic Philosophus in ratione vitæ peccans, hoc turpius est, quod in officio, cuius magister esse vult, labitur, artemque vitæ professus delinquit in vita. Cic. lib. 2. Tuscul. quæst.

#### *Fama bona.*

Ignis semel accensus facillè seruatur, extinctus haud facillè reaccenditur: Ita famam tueri facillè est, extinctam non facillè est restituere. Plutarchus.

Deliacum nauigium, dum subinde sarcitur, & reconcinnatur, veluti perpetuum

petuum in multa secula redditur: sic famæ semper aliquid adiciendum, ne collabatur. Plut.

Vt umbra aliquando antecedit, aliquando sequitur: sic quibusdam statim contingit fama, quibusdam post mortem, deniq; ea quò longius sequitur, hoc maior esse solet. Senec.

Vt ingentes obelisci magno quidem negotio statuuntur & collocantur ob immensum molis pondus, sed collocati semel, infinitis durant seculis: Ita arduum est virtutis aut sapientiz parare famam, sed parata nunquam intermoritur. Eras.

Vt obeliscis prægrandibus tantum ferme subternitur inter terram, quantum extat, vt immoti consistant: Ita semper mansuræ famæ magna firmaque fundamenta sint oportet. Idem.

Vt aromata tum vehementius frangant, cum mouentur aut teruntur frangunturve: Ita virtutis fama latius spargitur, cum exercetur negotiis & rebus aduersis. Idem.

Medici verant vti haliaccabo, quamquam dentibus firmandis prodest si eius succo colluantur: propterea quod periculum est, ne si diutius id fiat, delirationem gignat, & plus afferat incommodi, quàm commodi: Ita non est vtendum his literis, quæ sic linguam expoliunt, vt mores inficiant, aut non conuenit sequi, quæ sic augent rem, vt famam lædant. Idem.

*Fama ex malefactis.*

Vt à vitiiis corporis quidam inuener cognomen: velut à distortis cruribus Vari, à tumidis labris Chilones, à naso prægrandi Nafones: sic nonnulli malefactis sibi famam pariunt, ac nobilitantur. Plin. lib. 7. cap. 8. lib. 11. cap. 53.

*Familiaritas.*

Vina non modo soli sui referunt sa-

porem, verum etiam arborum aut fructu vicinorum: Ita non solum exprimimus eos, vnde progeniti sumus, sed & eos quorum consuetudine sumus vñ. *Vide Conuersatio.*

*Fassus.*

Vt venti desituri vehementissime spirare solent: ira mortales cum maxime efferunt sese, veluti Iulius pontifex, tum proximi exitio solent esse. *Vide superbia.*

*Fanus.*

Quædam copora lumen solis exceptum fulgore vicissim augent, atq; illustant: Ita quidam aliorum fauore commendati, vicissim suis dotibus eos commendant. Plut.

Vt bilanx in eam vergit partem, vnde plus accipit: sic quidam nunc huic, nunc illi fauent, qui plurimum det, nò cuius causa sit optima. Eras.

*Felicitas.*

Vt histrio non est felcior, quòd in scenis adornatus, rex aut Deus videatur: Sic nec homo fortunæ muneribus, quandoquidem suis bonis æstimatus, nihil est. Senec.

Vt segetem nimia sternit vberitas, rami onere franguntur: sic animos immoderata rumpit felicitas. Senec.

Vt periculosa est, secundum Hippocratem summè bona corporis valetudo: ita rebus maxime prosperis, metuenda diuersa fortuna. Plut.

*Vide Fortuna.*

*Fides seruanda.*

\* Vt locus in mari sine portu nauibus non potest esse tutus: sic animus sine fide stabilis amicis non potest esse in iis rebus quæ sub eandem rationem cadunt. Cic. lib. 1. de Inuent.

*Fili.*

Vt ferrum aut chalybs cætera quidem duritie, rigoreque superat, ab

Fff 4 adamante

adamante, vincitur: Ita res quidem potens est amor in liberos, sed hunc quoque superat pietas in Deum. Eras.

*Fadera.*

Vt adamas si frangi contingat malis, in minutissimas dissilit crustas, adeo vt vix oculis cerni queat: ita arctissima necessitudo si quando contingat dirimi, in summam vertitur similitudinem, & ex arctissimis foederibus, si semel rumpantur, maxima nascuntur diffidia: aut supra modum incandescit semel victa lenitas. Plin. lib. 37. c. 4.

*Fanus & vsura.*

Lepus simul parit, & aliud alit, & rursum superfœtat: Ita foenerator æs alienum, priusquam conceperit, parit. Nam dantes statim petunt, & ponentes tollunt, & foenerant, quod pro foenore accipiant. Plut.

Vt ignis inualefcens, alia post corripit: sic vsura. Plut.

Vultures ipsi nihil occidunt, sed ab aliis occisa inuadunt: ita nonnulli alienis fruuntur sudoribus. Plut.

Qui in lutum inciderit, cum oportet aut fugere, aut manere: nam si se voluat, magis etiam inquinatur: Sic qui rem habet cum foeneratoribus. Plutarchus.

Cholerici qui purgari nolunt sub tempus, collecta in dies maiore bile postea grauiter discruciantur: sic qui sinunt foenus accrescere cum adest dies, grauiter è capite laborant. Plut.

Plato vetat aquam à vicinis petere, nisi prius domi foederis vsque ad terram, quam ceramitidem vocant, reperitque non spem esse venæ: ita prius excutiendum, vt parsimonia, aliave via tibi suppedites, priusquam à mensariis pecuniam mutua petas. Plut.

Alurarium piscem semper sequitur piscis nomine sargus qui illo cœnum

fodiente excitatum deuorat pabulum: ita sunt qui se misceant alienis negotiis, vt eis laborantibus fructum ipsi præripiant. *Vide amaritia.*

*Fortitudo.*

Vt ceruis frustra sunt ingentia cornua, cum desit animus: ita non satis est opibus pollere, nisi fortitudo accesserit. Plut.

Vt qui ambulantes attollunt sese ac dilatant, fastuosi vocantur: at laudantur qui itidem faciunt in pugillum certamine aut in pugna, & vocantur fortes & inuicti: Sic qui in rebus aduersis erigit animum, fortis habetur & insuperabilis. Plut.

Magnus gubernator & scisso nauigat velo, etsi exarmauit, tamen reliquis nauigij aptat ad cursum: Sic in corpore parum felici ac deficiente, tamen fortis animus sui similis est. Seneca.

Quemadmodum quod in tesseriis cecidit, id arte & ratione quam potest optimè disponendum: ita quod in vita accidit, in optimam vertendum partem. Plut.

Vt palmae arboris ramus, imposito onere, non desleccitur in terram ceterarum more, sed renititur, & vltro aduersus sarcinæ pondus erigit sese: ita viri fortis animus, quo plus negotiis præmitur, quòve magis sæuit fortuna, hoc est erectior. Plinius libr. 16. cap. 43.

Vt in arboribus robustiores sunt partes Aquiloni oppositæ quam quæ Austrum aut Zephyrum spectant: ita fortiores ac firmiores sumus in his, in quibus non duris casibus exercuit fortuna. Eras.

Vt pisces in mari nati, educati que, nihil: amen sapiunt salis marini: Ita quidem inter Barbaros geniti & educati, longè absunt ab omni barbarie. Idè.

*Quemad-*

Quemadmodum vitica si contan-  
ger attingas ac timide, adurit, sin pre-  
mas tota manu, non adurit: Ita pecu-  
nia: si cautum circumspectumque tra-  
ctes, inficiet: sin contemptum, ac neg-  
lectum, innoxia est. Idem.

*Fortitudo praepostera.*

Columbo in volatu pernicitas, sed  
dum plaudit in aëre sibi placens, im-  
plicatis strepitu pennis, capitur ob in-  
sidiantem alicubi accipitre: Ita multi  
dum ostentant suas vires magis quam  
vruntur, oblitui sui, præda sunt inimi-  
cis. Eras.

Crocodilus terribilis est in fugaces,  
fugax contra insequentes: Ita quidam  
si concedas ac metuas, tum ferociunt:  
si strenue contemnas & obstitas, sta-  
tim concedunt. Idem.

*Fortuna.*

In Olympiis non licet vincere, de-  
lecto aduersario: sic in vita quæcun-  
que obtingit fortuna, cum ea luctan-  
dum est. Plur.

Veluti si quis cæcus in quempiam  
incidat, illum cæcum appellat, qui  
non vitauerit: Sic nos fortunam faci-  
mus cæcam, in quam nostrapte incidi-  
mus cæcitate. Plur.

Vt aliis venti secundi sunt, aliis ad-  
uersi: Ita aliis fortuna fauet, aliis ad-  
uersatur. Plur.

Vtos non secatur trama, nisi prius  
cinere & aceto præmollium, nec ebur  
inscidi potest nisi zutho prius molle-  
fiat: Sic fortuna non potest reddere  
vulneratos animo, nisi accesserit ma-  
licia. Plur.

Vt pumilio, etiam si in monte confi-  
stat, pusillus est, Colossus etiam in pu-  
teæ magnus: Ita sapiens in quacunque  
fortuna suis bonis magnus est, stultus  
& in summa fortuna humilis. Senec.

Vt apparatus scenæ, quia commo-  
dato datus est, statim redditur, & sine

querela: Ita quicquid in vita contigit  
magnificum, siue serius, siue mox à  
fortuna repetatur, æquo animo redde-  
mus, si his tanquam commodatitiis  
vtemur. Senec.

Vt grandio illisa testis dissultat, ma-  
gno quidem fragore, verum nulla no-  
xia: Sic insultus fortunæ nihil potest  
in sapientem. Senec.

Vt conchylia crescente Luna auge-  
scunt, decresciente macrescunt: Ita  
stultus à fortuna pendens, nunc ma-  
gnus est, nunc pusillus, nunc elatus,  
nunc supplex, vtcunque Rhamnusia  
mutauerit sese. Idem.

Vt indomita vis adamanti, vnde &  
nomen additum gemmæ, adeo vt nec  
calefcat igni, nec ferro cedat, quin ma-  
gis ictum ira respuens vt ferrum simul  
& incudes defiliant: Sic sapientis ani-  
mus aduersus omnem fortunæ saui-  
entis impetum inuictus. Idem.

Vt bonus artifex è quauis materia  
simulachrum fingit: Ita sapiens quam-  
uis fortunam sapienter administrabit.  
Idem.

Nilus famem adfert Ægyptiis, si vel  
parum exundarit, hoc est, minus duo-  
decim cubitis, vel plus satis, hoc est,  
vltra octodecim: Ita pariter obstat ad  
bonam mentem fortuna nimium se-  
cunda, vel nimium maligna, hîc ege-  
state vexans, illic deliciis auocans ab  
honesto. Idem.

Echinus præsentiens tempestatem,  
aut affigit sese, aut arena saburrat: Ita  
cùm imminet fortunæ tumultus, ani-  
mus est philosophiæ præceptis con-  
firmendus. Idem.

*Fortuna sancta.*

Qui morbo comitali sunt obnoxij,  
frigore deprehenduntur, nam illico  
capitis vertigine laborant: at indoctos  
si paululum euexerit fortuna, protinus  
arguit cuiusmodi sint. Plur.

Quem-



Quemadmodum imperiti artifices, cum statuis exiguis magnas subdunt bases, magis conspicuas reddunt illorum exiguitatem: Ita fortuna si pusillo animo munus amplum addat, indicat & arguit magis animi humilitatem. Plut.

Vt qui morbo laborant, cibos purissimos & lautissimos fastidiunt, & recusant si quis edere compellat: idem restituti bonæ valetudini, caeso quoque aut cape lubenter vescuntur: Ita stultis magnifica fortuna iniucunda, sapientibus humilis ac tenuis fortuna suavis. Plut.

Vt honoratior est domus, si luceat ignis, quemadmodum inquit Homerus: Sic fortunæ commoda splendidiora, iucundioraque, si animi gaudio condecorentur. Plut.

Cabis quicquid exceperit, protinus deuorat: & semper ad spem futuri hiat: Ita quod expectantibus fortuna proiecit, id sine vlla voluprare demittimus, statim ad rapinam alterius erecti. Senec.

Quemadmodum non raro fit, vt celo maximè sereno sæuus imber subito cooriat: Ita rebus maximè prosperis ac lætis, sæpenumero grauissima rerum incidit perturbatio. Eras.

Solent arbores protinus emori, si quando præter solum fecundæ fuerint: Ita fortuna præter morem blanda ac fauens exitum imminere sæpenumero significat. Idem.

Sicuti quasdam arbores fecunditas & luxuries enecat: ita quosdam perdit immoderatus rerum successus. Idem.

Hedera complexu necat arbores: ita fortuna prospera, dum blanditur, strangulat & perdit. Plin. lib. 16. c. 35.

*Fortuna aduersa.*

Non quemadmodum in tragœdiis, ita nobis in calamitatibus opus est,

qui compleret, & collacrymet. Plut.

Vt aples ex amarissimo thymo suauissimum mel colligit: Ita sapiens ex tristissimis rebus aliquid excerpt vitilitatis. Plut.

Vt muscæ à læuibus locis veluti speculis dilabuntur, asperis & cauis insident: sic quidam honorum obliti ritium memoriam vrgent ac premunt. Plutarch.

Vt est locus in Olyntho Thraciæ, in quem si scarabeus inciderit, non possit exire, sed distorquens sese immoritur: Sic quidam malorum suorum memoriz immoriuntur. Plut.

Vt in pictura quæ splendida sunt, oculis sunt obicienda: celanda siquæ mala, quæ deleri non queant: sic in vita, bonorum contemplatione obscuranda malorum memoria. Plut.

Vt in musica graues acutis sic miscentur, vt concentum efficiant: ita bonis & malis vtendum in vita, vt ex vtrisque viuendi ratio temperetur. Plutarch.

Vt grammaticus non solum vocalibus vititur, sed & consonantibus, tenuibus, aspiratis, grauib, longis, vt modulata sit oratio: Sic in vita nihil purum. Plut.

Vt musci duriore harmonias aliis obscurant modulationibus: Sic in vita si quid accidit præter animi sententiam meliorum collatione est obscurandum. Plut.

\* Quemadmodum gubernatores optimi vim tempestatis: Sic sapientes fortunæ impetum superare possunt. Cic. ad Quint. fratrem.

\* Quemadmodum tot ananes, tantum superne deiectionis imbrium, tanta mediterraneorum fontium vis non mutat saporem maris, neque remittunt quidem: ita aduersarum impetus rerum viri fortis non vertit animum. Senec. lib. de diuina prouidentia.

\* Solidissima

\* Solidissima pars est corporis quam frequens usus agitauit. Præbendi fortunæ sumus, vt contra illam ab ipsa duremur. Paulatim nos sibi pares faciat. Contemptum periculorum assiduitas periclitandi dabit. Sic sunt nautica corpora ferendo mari dura: agricolis manus tritæ. Ad excutienda tela militares lacerti valent: agilia sunt membra cursoribus. Idem, eod. lib.

\* Non est arbor solida, nec fortis, nisi in quam frequens ictus incurfar, ipsa enim vexatione constringitur, & radices certius figit. fragiles sunt, quæ in aprica valle creuerunt. Pro ipsis ergo bonis viris est, vt esse interriti possint, multum inter formidolosa versari, & æquo animo ferre quæ non sunt mala, nisi malè sustinenti. Idem, eod. lib.

\* Quemadmodum tyrones leuiter Saucij non vociferantur, immò manus medicorum magis quàm ferrum horrent: & veterani quamuis confossi patienter ac sine gemitu velut aliena corpora excoriari patiuntur: ita tu nunc debes te fortiter præbere curationi. Senec. l. ad Elbiam matrem.

\* Cogita non esse magni animi se rebus prosperis fortem gerere, vbi secundo cursu vita procedit. Nec gubernatoris quidem artem tranquillum mare & obsequens ventus ostendit. Aduersi aliquid incurrat oportet, quod animum præbet. Senec.

\* Agricola euersis arboribus, quas aut ventus radicitus euulsit, aut contortus repentino impetu turbo perfrengit, sobolem ex illis residuam fouet, & amissarum semina statim plantasque disponit, & momento (nam vt in damna ita ad incrementa rapidum veloxque tempus est) adolescunt amissis letiora. Senec.

Demetrius vitam perpetuò tranquillam, & sine vllis fortunæ incurso-

nibus, mare mortuum vocauit. Senec.

Vt nihil adfert momenti nimbus in mare decidens: ita fortunæ incòmoda nihil mouent sapientem. Senec.

Rhododendri frondes iumentis, capris, & ouibus venenum sunt, eadem homini contra serpentium venena remedio: ita quod stultis perniciem adfert, vt res aduersæ, aut eruditio, id sapiens vertit in suum bonum. Plin. l. 16. cap. 20.

Vt aromata tum vehementius fragrât, cum mouentur aut teruntur franguntur: ita virtutis fama latius spargitur, cum exercetur negotiis & rebus aduersis. Eras.

Vt palmæ arboris ramus, imposito onere, non deflectitur in terram cætarum more, sed renititur, & vltro aduersus sarcinæ pondus erigit se: ita viri fortis animus, quò plus negotiis premitur, quòque magis sæuit fortuna, hoc est erectior. Idem.

Vti fulmen quodcumque animal protinus occidit excepto homine: ita fortunæ procellæ indoctos ac brutos protinus animo deiiciunt, sapientem non item. Idem.

Vt quercus & aliæ quædam arbores sub terra defossæ duriores redduntur ac durabiliores: ita qui diu premuntur aduersa fortuna diutius florent. Plin. lib. 16. cap. 41. & 43.

Semel icti à scorpio, nunquam postea à vespis, crabronibus aut apibus feriuntur: Ita nullum est incòmodum quod non commoditatis aliquid habeat adiunctum. Plin. libro 28. cap. 3.

Murena fuste non potest interimiri, ferula protinus: ita quosdam leue incommodum exanimat vt conuicium, qui grauissimas fortunæ procellas infractò tulerunt animo. Plin. lib. 23. c. 2.

Sicuti nec Ægyptus ob calorem, nec Scythia ob rigorem sentit fulmina: ita

ira vel ingens potentia vel extrema fortunæ humilitas tutum reddit à cōtumeliis. Erasmi.

Vt halcyones etiam media hyeme mare tranquillum præstant non sibi solum sed aliis quoque : Ita sapiens turbatissimis rebus non solum ipse, tuebitur animi tranquillitatem, sed alios concitatos componet ac sedabit. Idem.

*Fortuna mediocris.*

Vt autumnus aut vere maximè fulgurat, minus hyeme aut æstate : Ita mediocris fortunæ celsitudo iustis obnoxia est. Erasmi.

Quemadmodum ædificia in palustris solo posita, nec terræ motu quatuntur, nec hiatu absorbentur : Ita humilis fortuna non est maximis malis obnoxia. Idem.

Qui in altis sunt specubus, à fulmine non feriuntur : Ita infirma fortuna tutissima. Idem.

*Fortune inconstantia.*

Vt terræ fœtus aliquando copiosè proueniunt, aliquando malignè, & in animantibus aliquando fœtura felix, aliquando sterilitas est, & in mari aliquando tempestas, aliquando tranquillitas : Sic in vita varij fortunæ casus. Plur.

Vt deciduæ stellæ subito extinguuntur : Ita quos fortuna subitò in summa prouexit repentè solent corrui. Plutarchus.

Vt in rerum natura, quæ spectatissimè florent celerrimè marcescunt, veluti rosæ, lilia, violæ, cum alia durent : Ita in hominum vita, quæ florentissima sunt citissimè vertuntur in diuersum. Plin. lib. 9. cap. 15.

In Bæotia ad Trophonium antrum iuxta flumen Orehomenon, duo sunt fontes, quorum alter memoriam, alter obliuionem adfert : Ita ferè magno

alicui bono magis mali periculum est vicinum. Erasmi.

*Fratres.*

Vt in balance, altera surgente, altera cedit ac deprimitur : Ita frater euecto ad maiora fratri cedere debet, submitteus sese, non repugnans. Plur.

Vt in numeris minores additi maioribus eos multiplicant, & vicissim multiplicantur ipsi : Sic frater obseruiens fratri euecto ad honores, & auget illius dignitatem, & vicissim ornatur illius splendore. Plur.

Vt in digitis, etiam qui scribere, aut cythara ludere nesciunt, tamen vna cum illis mouentur, & obsequuntur : Sic fratres fratribus magistratum administrantibus adesse conuenit. Plur.

Armis perditis aut instrumentis, licet alia parare, corpus aliud parare non queas : Sic amicos alios inuenies, fratres non item. Plur.

Ex eadem materia prima, nata sunt elementa inter se diuersissima pugnantissima : Sic aliquoties ex iisdem parentibus nascuntur fratres ingenij dissimilissimi. Plur.

Vt ciuiles seditiones rectius in hostes transferimus : Sic rectius inuidemus alienis, quàm fratribus : etiam si sit optimum, omnino non inuidere. Plutarchus.

*Frugalitas.*

Templum Ephesæ Dianæ tutos reddebat obzatos à creditoribus : at multo magis Frugalitas & parsimonia præbet asylum. Plutarchus & Plinius lib. 16. cap. 14. Vide *Abstinemia & Temperantia*.

*Fuga.*

Quemadmodum perniciosior hostis fugientibus : Sic grauius est incommodum, si cedas, ac des terga. Seneca.

*Furtum.*

Quemadmodum fures alienis poculis

eulis anfas mutant ne possint agnoscere: Ita nonnulli de alienis inuentis paululum quiddam immutant, ac sibi vsurpant, & detractis aut additis pauculis verbis, existimant suum videri posse, quod est alienum. Senec.

\*Sicut fures earum rerum quas ceperunt signa commutant: Sic multi alienis sententiis pro suis vtuntur, nomina tanquam rerum notas mutant. Cic. l. 5. de finib.

Vt fuci cum ipsi non mellificent, ramentum illarum insidiantur laboribus: Ita sunt qui nihil ipsi excudant, sed aliorum vigiliis elaborata furto sibi vindicant. Plin. l. 12. c. 17. & l. 12. c. 11.

G.

GAUDIUM.

**V**T fonti non deest humor, semper ex eo scatens: Sic probo viro semper adest ad gaudium, etiam si res externae mutantur. Plut.

*Gloria.*

\*Quemadmodum umbra aliquando antecedit, aliquando sequitur vel à tergo est: Ita gloria aliquando ante nos est, visendamque se præbet, aliquando in averso est, maiorque quo serior, ubi inuidia secessit. Sen. epist. 80.

\*Vt quidam morbo aliquo infecti, à cibo suauissimo abhorrent: Sic facinorosi veræ gloriæ gustum omnino non sentientes: ab eius studio planè abhorrent. Cic. 2. Philippic.

Vt lumen magis prodest iis qui vident, quàm qui videntur: Sic gloria magis confert iis, qui eam sentiunt, quàm quibus contingit. Plut.

Vti sol, si imminet hominis vertici, aut prorsum tollit umbram, aut minimam reddit: sic ingens gloria extinguit inuidiam. Plut.

Fumus initio ingens, facilè euane-

scit: sic gloria falsò parra. Plut.

Vt ignis non reddit fumum, si statim emicet flamma: Sic nec gloria est obnoxia inuidiæ, si protinus elucescat: sed eos qui paulatim crescunt, sequitur inuidia Plut.

Vt umbra nos vel inuitos comitatur: Ita gloria virtutem sequitur etiam fugientem. Senec.

Qui viro malo addit opes, & gloriam, is febricanti ministrat, vinum, bilioso mel, cœliacis obsonia, quæ morbum animi, hoc est, stultitiam augent. Plut.

*Gloria cupiditas.*

\*Vt leuitas est inanem aucupari rumorem, & omnes umbras etiam falsæ gloriæ consecrari: Sic leuis est animi lucem splendorémque fugientis, iustam gloriam, quæ est fructus veræ gloriæ honestissimus, repudiare. Cic. in Pisonem.

Qui esuriunt magis irritantur, si conspexerint alios edentes: Sic magis inflammantur ad gloriam, qui gloriæ sunt auidi, cum alios audiunt laudari. Plut.

Vt conuenit amantibus diuersas amicas, in eandem depereuntibus male conuenit: sic dissident, qui eadem ex re gloriam affectant. Plut.

Vti chamæleon non alio pascitur alimento, quàm aëris, & idcirco ore est semper hians: Ita quosdam aura popularis alit, neque quicquam captant præter inanes laudes, & gloriam. Plin.

*Gradus.*

Quibus maiora sunt corda, timidissima sunt: maximèque bruta: nam a fino maximum est, & in Paphlagonia perdicibus bina sunt corda, cum animi sit conceptaculum & fons: ita quidam quò magis abundant insignibus, hoc minus habent rei: Veluti si doctor



doctor indoctus latissimo vtatur pileo  
aut epomide. Eras.

*Gratiundo.*

\* Iis qui imprudenter læserunt,  
ignosci conuenit: at iis qui necessariò  
profuerunt habenda non est gratia.  
Cic. lib. i. de Inuentione.

Sicut mensarij non grauatim red-  
dunt deposita pignora, vt quæ in hoc  
ipsum acceperint, vt restituant: Sic  
nos quod à diis accepimus. Plut.

Creditori præter sortem extra or-  
dinem numeramus, beneficiorum  
autem vsum esse gratuitum iudica-  
mus: & illa crescunt mora, tantòque  
plus soluendum est quanto tardius.  
Seneca.

\* Quomodo est disertus etiam qui  
racet, fortis etiam qui compressis ma-  
nibus vel etiam alligatis, gubernator  
etiam qui in sicco est, quia consummatæ  
scientiæ nihil deest, etiam si quid ob-  
stat quominus se vtatur: ita gratus est  
etiam qui vult tantum, nec habet hu-  
ius voluntatis suæ vllum alium quam  
se testem. Seneca libro 4. de benef.  
cap. 21.

\* Vt gloria fugientes magis ac ma-  
gis sequitur: Ita fructus beneficiorum  
gratius respondet illis, per quos etiam  
esse ingratus licet. Idem, l. 5. de benef.  
cap. 1.

Vti faba & lupinum non exhaurit,  
sed stercoret agrum in quo alitur: Ita  
gratus meliorem reddit fortunam eius  
à quo beneficio adiuuatur, & refert  
quod accepit. Plin. lib. 18. ca. 14. & cap.  
12. cod. lib.

H.

HAERESIS.

VT qui cane rabido morfi sunt, non  
solum rabiunt ipsi, verum etiam  
alios contagio inficiunt: Ita qui pesti-

lentem alicunde imbibierint opinio-  
nem, & alios suis inficiunt colloquiis.  
Eras.

*Historia.*

Sicuti sal modicè cibis aspersus con-  
dit, & gratiam saporis addit: Ita si pau-  
lum antiquitatis, aut ioci admiscueris,  
oratio fiet venustior: Si plus satis, ni-  
hil insuauius. Eras.

*Homo.*

Vt qui se meminerint inquilinos es-  
se, & in conducto habitare, & modesti-  
us se gerunt, & minus grauatim exe-  
unt: Ita qui intelligunt domicilium  
corporis ad breue tempus: à natura  
commodatum esse, & viuunt temperan-  
tius, & libentius moriuntur. Senec.

Luna semel extincta subinde re-  
nascitur, & vbi consenuit reiuuene-  
scit: At homo nec renascitur, mor-  
tuus, nec repubesceat senex. Plin. lib. 2.  
cap. 9.

Sol post occubitus redit nouus: ho-  
mo non item. Eras.

*Hominis nobilitas.*

\* Magnanimes nos natura produ-  
xit, vt & quibusdam animalibus ferum  
dedit, quibusdam subdolum, quibus-  
dam pauidum, ita nobis gloriosum &  
excelsum spiritum, quærentem vbi ho-  
nestissimum non vbi tutissimè viuat, si-  
millimum mundo, quem quantum  
mortalibus passibus licet, sequitur æ-  
mulaturque. Senec. epist. 105.

*Hominis in rebus suis ositantia.*

Sol, luna, stella, mare, terra, arbores,  
herbæ, brutæ, & in his apes, formicæ,  
conchæ, deniq; lucernæ, tempestatem  
præsentunt: solus homo sua mala non  
præsentit, neque prospicit. Plin. lib. 18.  
cap. vlt.

Cerui pastu dictamni excutiant  
corpore sagittas, à phalangio percul-  
si cancerorū esu sibi medentur: lacertæ

serpentibus istæ, herba quadam se-  
rescunt: hirundines vexatis pullorū  
oculis chelidonia succurrunt, testudo  
cunilæ pastu. rites aduersus serpentes  
rescit: mustella in murium venatu ru-  
ta se confirmat: ciconia origano: he-  
dera apri sibi medentur in morbis,  
item cancrorum esu: anguis fœnicu-  
li succo abiicit exuvium. I. draco ver-  
nam nauseam sylvestris lactucæ suc-  
to restinguit: pantheræ aduersus aco-  
nitum, hominis excrementis sibi me-  
dentur: elephas chamæleonte fronde  
(nam similis est animanti color) de-  
uorata: vrsi cum mandragoræ mala  
degustauere, formicas lambunt: cet-  
uus venenatis pabulis herba cinaræ  
resistit: palumbes, græuli, merulæ,  
perdices, lauri folio anuum fastidi-  
um purgant: Idem faciunt columbæ,  
turtures, gallinacæ, herba quæ voca-  
tur helxine: anates, anseres, care-  
ræque aquaticæ herba fiderite: grues  
& similes, iunco palustri: coruus oc-  
ciso chamæleonte qui etiam victo-  
ri nocet, lauro infectum virus extin-  
guir: breuiter nullum est animal,  
quod non intelligat sua remedia: so-  
lus homo nescit, vnde vel corporis vel  
animi remedia petere debeat. Plin. lib.  
8. cap. 27. Arist. lib. 9. de natura anim.  
cap. 6.

*Honestum.*

Sicut Mercurius, quàm minimo  
spatio discedit à sole, licet alioqui va-  
gus & errabundus: Ita non oportet  
longius ab honesto discedere sapien-  
tem. Eras.

Vt mare grauida, minus laborat &  
in gestatione, & in partu: Ita si rem ho-  
nestissimam animo cœperimus, mi-  
nore negotio consequemur quàm  
stulta quædam oblectamenta. Et qui  
mundi præmia sequuntur minore do-  
lore margaritarum illud Euangelicum  
sibi parare poterant. Idem.

*Honor.*

Vt non quauis corona quemuis de-  
cet victorem: Ita non quauis hono-  
rem quemcunque hominem. Plut.

Vt colossi seu statuarum maiest. libratæ,  
sæpius subuestantur: Ita nimius ho-  
nor per inuidiam euenit multos. Plu-  
tarch.

Qui viro malo addit opes & glori-  
am, is febricitanti ministrant vinum,  
bilioso mel, cœliaci obsonia, quæ  
morbum animi, hoc est stultitiam au-  
geant. Plut.

Apud Thessalos capitale est occi-  
dere ciconiam non ob aliud, nisi quod  
serpentes interficiat: parçitur & apud  
Britannos miluis, quod vitem raptis  
extis pecudum repurgent: Ita qui ul-  
dam honos habendus, non quod ipsi  
digni sint, sed quod illorum opera no-  
bis sit vsui. Eras.

Vt deciduæ stellæ subito extinguun-  
tur: Ita quos fortuna subito in sum-  
ma prouexit, repente solent corruere.  
Plut.

Vt stellæ subito nati, subito item  
evanescent, aut decidunt: Ita qui re-  
pente subuehantur ad summos hono-  
res, citò præcipitari solent.

*Vide Dignitas.*

*Hospitalitas.*

Angues in Syria erga indigenas ve-  
nenum non habent, nec eos petunt,  
exteros cum cruciatu examinant: Ita  
insulares in suos satis humani, in alie-  
nigenas immitissimi sunt. Eras.

*Hosia.*

Lepus piscis homini certissimum est  
venenum, & homo vicissim illi, aded ut  
vel digitulo contactus statim emori-  
atur: Ita hostes autuam vtriusque  
perniciem dant, & accipiunt. Eras-  
mus.

*Humanitas.*

Qui equos domant, primum blan-  
diuntur,

diuntur, ac molliſſimè tractant: vt aſueſcant fræno: Sic populus lenitate ſubeundus. Plut.

*Humilitas.*

Sol cùm eſt altiffimè proueſtus in Zodiaco, tum cardiffimi motus eſt: ita quo fortuna te ſubuerit altius, hoc oportet animo leniori minùſque ſero- ci eſſe. Eraſ.

*Hypocriſis & ſocus.*

Argentum cùm ſit candidum, nigra tamen ducit lineas, vt ſtannum: Ita quorundam alia ſpecies eſt, alia fa- &a. Eraſ.

Vt vinum dilutius magis prouocat vomitum, quàm vel aqua ſimplex vel etiam vinum merum: Ita intolerabili- or eſt nequitia pietatis ſimulatione condita, quàm ſimplex aut aperta malitia.

Vt pharmacopolæ bracteis aureis tegunt remedia quædam quo pluriſ vendant: Ita quidam lenocinio verbo- rum, nihil ad rem pertinentium, rem commendari putant. Idem.

Draconites nec poliri poteſt, nec ar- tem admittit, alioqui elegãs ac tranſ- lucens: Ita diuina ſcriptura ſuum ha- bet nitorem, nec artiſcium Philoſo- phiz aut rhetorices admittit. Plin. libr. 37. c. 10.

Carbunculi ignis nomen & ſpeciem habet, cùm ignem non ſentiant: vnde & Apyruſtæ. Ita quidam pietatis opi- nionem & imaginem obtinent, cùm d- re ſint alieniſſimi. Plinius libro 36. cap. 5.

Opalum gemmam indiſcreta ſi- militudine adulterant Indi, experi- mentum in ſole tantum. Ita virtutes quædam vitia ſic imitantur, vt difficil- limum ſit dignoſcere, niſi ad ſum- mam lucem proferuntur. Plin. libr. 37. cap. 6.

Vt camelopardalis ſue nabis, collo-

refert equum, pedibus & cruribus bo- uem, capite camelum, maculis tigrim aut pardum: Ita quidam inæquales ſi- bi varias hominum formas exprimunt: ſi cultum inſpicias, ſanctum aliquem eſſe exiſtmes: ſi orationem audias, ſa- trapam loquiri putes: Si vitam expen- das, nebulonem inuenies: Si ſcripta, bubulcum. Eraſ.

I.

IAC TANTIA.

Stoici qui ſe dicunt inuiſtos, impro- hibitos & cætera, cùm omnia ſecus patiantur, ſimiles ſunt navibus quibus inſcriptum eſt *ἡ πλῆρα ἔσται νεκρῶν*, hoc eſt ſplendidi, ac magni- fici tituli aut nihilo ſecius interim ia- ctantur fluctibus, comminuuntur, ac ſubuertuntur. Plut.

Gallus victor illico cantu ſuperio- rem ſeſe teſtatur: Ita quidam ſua fa- cinora iactant ipſi, & ſuarum laudum ridiculi ſunt tibicines. Eraſ.

*Imitatio.*

Qui omnia ſtudēt exprime re, multo praua imitantur imprudentes, quem- admodum Ariſtotelis balbutiem, & Platonis incuruos humeros familiares exprimebant. Plut.

Qui imitatur authores, dabit ope- ram, vt ſimilis illis ſit, quemadmodum filius ſimilis eſt patri, non quemad- modum imago picta. Senec.

Vt oſcitant permulti, quod oſcitan- tem conſpiciunt: & miſturiunt quod meientem viderint: Ita quidam nullo certo iudicio ad ſuſcipienda negotia permouentur, ſed quiduis aliis imitan- tur, ac referunt. Eraſ.

Tarandus omnium arborū & fruti- cum, locorūmq; in quibus latitat, co- lorem villis etiam imitatur: Ita tutior erit

rutior erit qui ad quamcunque gentem se contulerit: eius ritus ac mores imitetur. Idem.

*Imperium.*

\* Non quemadmodum in palæstra, qui tardas ardentes accipit celerior est in cursu continuo, quàm ille qui tradit: ita melior imperator novus qui accipit exercitum quàm ille qui decedit: propterea quòd defatigatus cursor integro facem, hic Imperator imperito exercitum tradit. Cic. lib. 4. ad Herennium.

Vt non debet sumere citharam, qui canendi sit imperitus: ita non debet imperium sumere, qui non sit prudentia præditus. Eras.

Vt ex igni & terra veluti necessariis, compositus est mundus iuxta Platonem, terra soliditatem conferente, igni calorem ac formam: ita magna imperia non parantur: nisi misceatur cum fortuna virtus, & altera alteri sit auxilio. Plut.

Qui venantur bestias induunt exuvium cerui: qui aucupantur aves plumatis viuntur tunicis, cauèntque ne tauris appareant in veste purpurea, rubra aut alba elephantis, quod hoc colore irritentur: Sic qui velit feram nationem cicurare domarèque moribus ac vestitu semet illi ad tempus accommodet necessum est. Plut.

Vt aëris circumfusi temperies elicit terræ fertilitatem: contrà cæli inclementia vitiumq; premit atque extinguit: ita fauor & benignitas principis, excitat honesta studia: rursus tenacitas, & odium extinguit arteis. Plutarch.

Vt mundus non erat mundus, minoribus corporibus adhuc sparsim volantibus, & elabentibus: solidioribus verò inter se depugnantibus, sed tempestatis, erroris, tumultus plena

erant omnia, donec terra ex his accepta magnitudine, seipsam fingeret, aliisque instabilem præberet sedem: Sic magna imperia, plena tumultus, donec aucta potentia, etiam finitimis regibus stabilitatem præstat, vt terra cæteris elementis circumferentibus sese. Plut.

Vt non quæas cognoscere vas integrum sit necne, nisi liquorem infuderis: Sic nec hominem nisi imperium commiseris. Plut.

Agrippæ qui vocantur, quoniam præposterè nascuntur, hoc est, pedibus primùm emergentibus, malis auspicis in vitam ingredi creduntur, magnòque humani generis malo, vt Marcus Agrippa, & Nero: ita qui per nefas, ac simoniam irrumpunt in imperium, aut episcopatum (vti vocant) magnam pestem adducunt sibi suisque. Eras.

Vt magnes ad se trahit omne ferrum, sed Æthiopicus magnetem quoque alium ad se rapit: Ita rex populum quòd lubet, cogit. At ingens aliquis rex etiam regibus cæteris vim facit. Idem.

Iniecto in oculos sago, leo, sine vllò negotio capitur, alioqui inexpugnabilis: ita facillimum est potentissimum etiam domare, modò cognitum sit illius ingenium. Plin. lib. 8. cap. 16.

Adamas vna re mollescit ad ictus ferri, aliàs indomitus: ita nullum est ingenium tam ferum, quod non aliqua ratione queat expugnari. Plinius lib. 37. cap. 4.

*Improbitas.*

\* Quemadmodum Cæcias ventus, contra aliorum ventorum septentrionalium naturam nubes non à se pellit, sed potius ad se attrahit: ita quoque improbitas probra ad se attrahit. Plutarchus.



\* Vt pulegium ipso brumæ die floret, cum marcent omnia : ita rebus pessimè vexatis regnant mali, quorum in pace nullus est respectus. Plin. l. 18. cap. 25.

*Impudicitia.*

Panthera sic auida est excrementorum hominis, ut si in vase suspendantur altius, quam possit attingere, enectet sese, defatigati porrectu corporis: ita nonnullis quod est foedissimum, id dulcissimum est. Erasim.

*Inconstantia.*

Vt amphoræ facillè circumaguntur auribus : ita quidam quouis sermone huc aut illuc impelluntur. Plut.

Vt conchylia crescente luna augeantur, decrecente marcescunt : ita stultus à fortuna pendens, nunc magnus est, nunc pusillus, nunc elatus, nunc supplex, utrunque Rhamnusia mutabit sese. Plin. lib. 2. cap. 102.

Vt æstus maris aut decrementa lunæ magis sentiunt imbecilliora corpora : ita rebus contrariis vehementius commouetur animus minus sibi constans, & affectibus vitriatus. Eras.

Hyæna sicut & ichneumon, nunc mas est, nunc foemina : ita quidam sui dissimiles, nunc fortia loquuntur, nunc mollia, nunc philosophi sunt, nunc nepotes, nunc amici, nunc inimici. Plin. lib. 3. cap. 3. & cap. 23.

Apud Troglodytas lacus est, qui ter in die fit amarus & salus, ac rursum dulcis, torisæque etiam nocte, unde & insanus dictus : sic quidam inæquales, nunc asperi, nunc sunt blandi, aliquando profusi, mox sordidi : iam vehementer aut iam supra modum oderunt. Plin. lib. 3. cap. 2. & lib. 2. cap. 6. Herodot. lib. 4.

Hypanis Scythicorū amnium princeps, per se purus & dulcis, circa Callipodas Exampeo fonte amaro infici-

tur, atque ita dissimilis sui, in mare conditur, de quo quidem est illud Solini elogium, qui in principiis eum norunt prædicant, qui in fine experti sunt non iniuria execrantur : ita quidam initio blandi & amici, postea longè dissimiles sibi reperiuntur. Plinius lib. 2. cap. 10. Solin. cap. 23. Strab. lib. 9. Pompon. Mel. lib. 2.

Vt Euripus in Eubæo, septies in die defluit ac toties refluit mira celeritate, at idem tribus diebus vno quoque mense stat immotus, septima, octava, nonaque, Luna: ita quidam inæquales sibi, aut nimium præcipientes sunt, aut nimium lenti, in vtranque partem plus satis vehementes. Eras.

Mulus ex equa & asina conflat, nec equus est nec asinus : Ita quidam dum & aulici esse volunt & Ecclesiastici neutrum sunt. Mela lib. 2. Plinius lib. 8. cap. 44.

Amphisbena serpens vtrinque caput habet, & vtralibet corporis parte & cauda utitur : ita quidam ancipites, nunc hac nunc diuersa ratione se tuentur, & cum est commodum, ad Ecclesiasticam libertatem confugiunt : cum visum est, principum prætextu rem gerunt canonum obliui. Eras.

*Vide nasura peruersa.*

*Indoles egregia.*

\* Vt dii immortales nullam didicere virtutem cum omni editi, & pars natura eorum est esse bonos : ita quidam ex hominibus egregiam sortiti indolem, in ea quæ tradi solent perueniunt sine longo magisterio, & honesta complectuntur cum primum audierunt. Senec. epist. 96.

*Indulgentia.*

Simia catulos ferè complexu necat : ita nonnulli parentes immodico erga liberos affectu & indulgentia corrumpunt illos. Plin. lib. 9. cap. 54.

Coccycis

Coccyis pullus ubi adoleuerit, cum sit norhus, tamen legitimos deuorat, vnaq; matrem ipsam: ita quidam magna indulgentia, stultoque amore quorundam educati, subuertunt eos. Plin. l. 10. c. 9.

Fœnum Græcum, quod tractatur pelius, hoc prouenit melius: Ita liberi quidam, quanto habueris indulgentius, tanto minus valent, neglecti verò & vexati euadunt in viros. Eras.

Auriga non semper adducit habenas, sed aliquando remittit: ita pueris non nihil indulgendum. Plut.

*Vide Educatio.*

*Industria.*

\* Versus informes gignit catulos, eos lambendo format: ita rudem ingenio fœtum diutina cura expoliri conuenit. Plin. l. 8. c. 36.

*Infamia.*

Adyanton herbam, etiam si perfundas aqua, aut immergas, tamen sicca similis est: ita in virum bonum non haberet contumelia, aut infamia, etiam si quis infamare conetur. Eras.

*Infidelitas.*

Herbam canariam canis ita mandit, ut homo non cernat nisi depastam: & percussus à serpente aliam quandam petit, sed eam non decerpit inspectate homine: ita quidam disciplinas à se repertas celant, ne prosint & aliis. Eras.

*Ingenium.*

Ut multa agrestia subnascentia in agro, mala quidem ipsa sunt, sed tamen signa felicitis atque vberis soli, si quis excolat: Sic animi affectus per se mali arguunt ingenium non malum, si accedat recta institutio. Plut.

Gypso madido statim vtendum, quod celerimè siccetur: ita statim fingenda literis ac moribus ætas rudis, priusquam durior non admittat fingentis manum. Plin. l. 36. c. 24.

\* Ut multò maiora sunt opera animi quam corporis: sic hæ res quas persequimur ingenio gratiores sunt, quam illæ quas visibus. Cic. lib. 2. Offic.

Minor vis inest in radicibus herbarum salubrium, cum semen maturescit: ita deterior fit ingenij nature que vis, quoties liberis gignendis datur opera. Eras.

Adamas vna remollescit ad ictus ferri, aliàs indomitus: ita nullum est ingenium tam ferum, quod non aliqua ratione queat expugnari. Idem.

*Ingenium præcox.*

Ut arbores quædam bellè florent, verum nullum adferunt fructum: Ita quorundam puerorum indoles magnam vitæ frugem pollicetur, qui simul atque adoleuerint, ad ineptissimas versi voluptates, fallunt expectationem omnium. Plin. libro 16. capite 26. & 27.

Tradunt in Albania nasci homines glauca oculorum acie, qui noctuæ ritu plus noctu quam interdiu cernant: ita quidam plus sapiunt in rebus facinorosis, quam in bonis ac præclaris, aut in sordidis potius quam in egregiis. Plin. l. 7. c. 2.

Sicuti scæminæ quæ maturius pariunt citius senescunt, velut in Calingis Indiæ gente, quinquennes pariunt, sed octauum non excedunt annum: Ita præcocia ingenia citò deficiunt. Plin. l. 7. c. 3.

\* Ignis quo clarius fulsit citius extinguitur. Viuacior est qui cum lenta difficilliq; materia commissus fumòq; demersus ex sordido lucet, eadē enim detinet causa quæ malignè alit: Sic ingenia quæ illustriora sunt breuiora sunt: nam ubi intremento locus non est, vicinus occasus est. Senec.

Ex arboribus quæ vehementer fecundæ sunt, ed celerius senescunt: ita

Ggg 2 raro

raro sunt viuacea egregio præditi ingenio, & optima quæque mortalium fugacissima sunt. Eras.

Salix ante maturitatem abicit semen, unde & Homerus frugiperdam vocat: Ita quædam ingenia præcocia citius profluunt ad docendum, aut scribendum, quam oportet. Idem.

Oliua serò prodenit, sed fructum habet egregium: Salix statim adolefcit, sed sterilis est: Ita præcox ingenium. Plin. l. 16. c. 26. in fine & l. eod. cap. 27.

Generosus equus melius gestabit sarcinam, quam ignauum iumentum: nemo tamen imponit: Ita magna ingenia sunt quidem & ipsa idonea functioni munium, sed indigna quæ tam sordidis occupationibus onerentur. Eras.

Terra quæ gignit salem: nihil aliud gignit: Sic ingenia fecunda in literis, in cæteris ferè rebus non perinde valent. Eras.

Trochus piscis ipse se init, & ex se se concipit: Ita quidam ingenij felicitate ipsi literarum semina infundunt sibi, quos *αὐτοδιδάκτους* vocant Græci. Plin. lib. 9. cap. 52.

Sicuri vjna languidiora vappescunt ætate: Ita despiscunt ingenia vulgaria, eximia etiam ad extremam durant ætatem. Eras.

Vt quædam terræ mergam (ea est candida medulla) in se continent, quæ stercorentur ac pinguescant: ita ingenium probum secum habet, unde fiat melius. Eras.

Vt ad naphrham (id est bituminis genus) etiam procul visam ignes transiliunt ob naturæ cognitionem: Ita ingenia literis nata, statim eas arripiunt. Plin. lib. 2. cap. 108.

*Ingenium infelix.*

Vt qui spinas habet in pedibus, ubique spinas calcet: Ita sterili ingenio materia sterilis est. Senec.

Vt horologii umbram progressam sentis, progredientem non sentis, & fruticem aut herbam creuisse apparet, non apparet crescere: ita & ingeniorum profectus, quoniam minutis constat auctibus, ex intervallo sentitur. Eras.

Vt histriones Herculem in scenis, aut Agamemnonem representant personati, auro amicti, toruum tuentes, & larè hiantes, tenuem & exilem edunt vocem: ita quidam in dialogis faciunt Platonem, aut magnos viros loquentes, quorum pondus non possint ingenio tueri. Idem.

*Ingenium vires superans.*

Rhombus, & Squatina, & rhaia, & pastinaca cum tardissimi sint piscium, tamen sæpe reperiuntur habentes in ventre mugilem omnium velocissimum, solertia & ingenio capientes: ita quidam arte superant longè potentiores opibus aut viribus. Plin. l. 9. cap. 42.

Vt ingentia pondera, quæ nullis hominum viribus tolli possunt, machinis facile tolluntur: ita quod vi nequis efficere, ratione & arte facile efficias. Eras.

Chamæleon quia pauidissimum animal, subinde colorem mutat: ita qui viribus non pollent, ad varias artes confugiant necesse est. Idem.

Plutarchus testatur se vidisse in Africa coruos, qui lapillos in aquam aggrefferint, donec aqua eò surgeret, ut contingi posset: Idem narrat de cane coniciente lapillos in amphoram oleariam: ita nobis quod viribus diminutum erit, ingenio supplendum est. Idem.

*Ingeniorum diuersitas.*

Vt culmus primum in altum surgit impetu, deinde crebris geniculis intersecatur, postremo in summo venti flatibus

flaribus laborat: sic quidam initio feruunt, deinde subinde subsistunt, & confenduntur, in extremo deficiunt defatigati. Plur.

Anthracitici carbuncolorum generi peculiare est, vt coniectus in ignem, velut intermortuus extingatur, contrà aquis perfusus, exardescat: Ita quosdam contraria mouent: si exhorteris, magis languescunt: si dehorteris, magis accenduntur: si bene merearis, redduntur inimici: si male, pluries faciunt. Eras.

Sicuti vinum alios hebetiores reddit, alios acutiores, alios elingues facit, alios loquaculos pro corporum habitu: Ita eadem stultitia & ignorantia veri, quosdam incitat ad studium pecuniae, quosdam ad voluptates. Idem.

Vt Solitum indurat, ceram liquefacit: Ita eadem oratio ab eodem dicta, hunc emolliet ad penitudinem erratorum, hunc irritabit ad contumaciam. Idem.

Ex maioribus cedris, quæ florent, non ferunt fructum: quæ frugiferæ sunt, non florent: Ita nonnunquam quibus adest dicendi lepos, non adest sapientia: quibus superbit rerum viliū cognitio, deest eloquii venustas. Idem.

Vt nonnullæ mulieres ex viris quibusdam non concipiunt, aliis adiunctæ, fecundæ sunt: Ita sunt qui apud quosdam præceptores indociles, aliis traditi doctoribus proficiunt: quod sint vt corporum, ita & ingeniorum cognationes, ac dissidia. Idem.

Quemadmodum adamas aduersus omnia inulcus, hircino sanguine, eoque calido ac recenti maceratus malleo frangitur: Ita quædam ingenia nulla vi perueniunt, blanditiâ emollienda sunt. Idem.

Vt inter tot hominum millia nullæ facies sunt per omnia similes, nec villæ

voces: ita suum cuique ingenium est, suus cuique mos. Idem.

*Ingeniis magnis magna etiam innata sunt vitia.*

Si quæ terra referta sit salubus, feris & herbis syluestribus, multoque limo, protinus displicet imperito colonis: at peritus agricola ex ipsis coniectat soli molliem ac feracitatem, tantoque impensius dat operam, vt eam repurget: sic magnis ingenius magna vitia solent innasci, quæ non conuenit statim tollere, sed potius mederi: expectanda ætas, donec ad frugem bonam reducat. Plur.

Vt terra quo melior est natura, hipec magis corrumpitur, si negligatur: ita ingenia, nisi rectè excolantur, quosunt felicitiora, hoc pluribus vitiis obducunt. Plur.

*Ignorantia & inscitia.*

Vt morbus non celandus est, sed in publicum efferendus, quo sanari possit, vt dixit Heraclitus: sic inscitia non est tegenda. Plur.

Sicuti vinum alios hebetiores reddit, alios acutiores, alios elingues facit, alios loquaculos pro corporum habitu: ita eadem stultitia & ignorantia veri, quosdam incitat ad studium pecuniae, quosdam ad voluptates. Ariston.

*Ingratitudo.*

\* Vt aues quæ laceratione corporum aluntur lapsa morbo corpora & casura è proximo speculantur: ita ingratus imminet morti, & circa cadauera volat. Senec. lib. 4. de benef.

\* Quomodo malè filix consulit, qui illam contumelioso & sæpe repudiatocollocauit: quomodo malus pater familias habebitur, qui negotiorum gestorū damnato patrimonij sui curam mandauit: quomodo dementissimè testabitur, qui tutorem filio reliquerit



querit pupillorum spoliatores: sic pessimè beneficia dare dicitur quicumque ingratos eligit, in quos peritura conferratur. Idem, eod. lib.

\*Quomodo fœnerator quosdam debitores non appellat, quos seipsum de cõxisse, & in quorum pudorem nihil superest, nisi quod pereat: sic ego quosdam ingratos palam ac pertinaciter præteribo, nec ab ullo beneficiū repetam, nisi a quo non oblaturus ero, sed recepturus. Idem, lib. 5. de benef.

Ut hædera adhaerens arborum ramis, ope aliena in altum erigitur: Sic obsecari consuetudine potentium crescent, deinde præterant eos, a quibus sunt euecti in altum. Plur.

Siphtinius lapis oleo excalfactus durescit, alioqui mollissimus: ita quosdam benefacti reddas deteriores. Plin.

#### Inhumanitas.

Ut impendio malignus sit, qui fontem scitientem obregat, aut Solem obadiacentem prohibeat, aut lumen recedens de suo lumine accendere, aut viam monstrare grauetur: ita vehementer sit inhumanus, qui prodesse nolit, et ita viliū suū in commodum. Eras.

Angues in Syria erga indigenas venenati non habent, nec eos perunt, externos constrictu exanimant: ita insulares in suis satis humani, in alienigenas immitissimi. Idem.

#### Inimicitia.

Ut priscis satis erat si a feris non læderentur, posteriores etiam in suum commodum vertere ceperunt, pelli bus vestiri, carnibus vesci, felle mederi: sic nobis agendum est, ut ab inimicis non solum non lædamur, verum etiam adiuemur. Plur.

Ut cupimus cloacas quàm longissimè ab ædibus nostris abesse: ita inimicos viriorum purgamenta reicere proferit. Plur.

Ut Onomademus noluit omneis tolli, qui diuersarum fuissent partium, ne sublati inimicis omnibus, cum amicis inquit, incipiamus digladiari: ita consumptis in hostes huiusmodi affectibus, magis comes sumus erga amicos. Plur.

Ut agricolæ iuxta alia & capas, ferunt rosas, quod quicquid est in illis molesti odoris, in hæc transeat: sic inimicus, si quid est in nobis mali animi, id totum in se recipiens, ac consumens reddit nos amicis iucundiores. Plur.

Ut vultures ad extincta corpora odoriferuntur, sana non sentiunt: sic inimicus, si quid deliqueris, statim olfacit, atque eo confestim accurrit, ad recte facta stupidus. Plin. lib. 10. cap. 6. & Plur.

Ut hostis semper imminens tauris, in causa est, ut vigilet, ac sobria sit ciuitas: sic inimicus obseruas quid agas, facit, ut nihil agas, dicat se temere. Plutarchus.

Dionysiaci sæpe negligenter inter seranuntia theatris, verum cum certatur, tum multò diligentius agunt omnia: sic accuratius gerit rem, qui scit vitam suam aduersario obseruari. Plutarchus.

Inter Agathallos & Acanthilides ager tantum est odium, ut si sanguis eorum immisceatur, continuò separent se rursus & dissiliant: sic inter patritios & plebem etiam si quando procerum vsu continguntur, dux tamen vsque odium naturale. Plur.

Ut lapis è Seyro fluctuat integer, si dicitur comminutus: sic res discordiā pessum eunt, & concordia sustentuntur. Plin. lib. 36. cap. 17.

Lynceus per quercum videt, inimicus etiam per famulum, per amicum perspicit quid agas. Plur.

Apes fucis ad opus & fœtum calore conseruandum vtuntur, ubi ceperint mella

mella maturefcere, tum expellunt ac trucidant: Ita ab inimicis quoque fumendum, si quo pacto per occasionem prodesse possint. Erasmi.

*Iniuria.*

\* Quemadmodum domini crudeles tota ciuitate commonstrantur, inuisique & detestabiles sunt: ita regum infamia & iniuria latius patet, atq; odium seculis traditur. Senec.

\* Vt tela à duro resiliunt, cum dolore cædenti solida feriuntur: ita nullum magnum animum iniuria ad sensum sui adducit, fragilior eo quod petit. Idem.

\* Vt intentam manum deiicere aliquis casus potest, & emissa tela declinare: ita iniurias qualescunque potest aliqua res depellere, & in medio interceptare. Idem.

Quædam remedia tristiora sunt ipso morbo, vt satius sit oppetere mortem, quàm his aucupari salutem, velut sugere sanguinem è vulnere recenti gladiatorum morientium: Ita quandoque satius est ferre iniuriam, quàm maiore incommodo vlcersci, ferre pacem etiam si parum commodam aut æquam, quàm bellum cum immensis malis suscipere. Eras.

*Innocentia.*

\* Vt ignis in aquam coniectus continuè restinguitur, & refrigeratur: Sic falsum crimen in purissimam & castissimam vitam collatum statim concidit & extinguitur. Cic. pro Roscio.

Vt nepenthes herba, ab Homero prædicata, addita poculis omnem conuiuij tristitiam discutit: ita bona mens insita nobis, omnem vitæ solitudinem abolet.

*Insistia.*

Vt Panthera bene olet, sed non nisi bestiis, quas ad se trahit, hominibus nõ item: ita iocus bonis ingenijs grauis

est, stupidis & bardis quouis aromate gravior. Plin. lib. 8. cap. 17.

Vt Tygrides, si quis tympanis circumsonet, in rabiem agi dicuntur, adeò vt seipsas denique discerpant: ita quosdam offendit quod alijs reddit animum, puta Musica, Eloquentia, &c. Plur.

Vt salicis semen ante maturitatem abiectum non solum ipsum nihil gignit, verum etiam foemini sterilitatis est medicamentum, hoc est, efficit vt non concipiant: ita sermones istorum qui prius docent quàm verè sapiant, non solum ipsos non reddunt non meliores, verum etiam auditores suos inficiunt & reddunt indociles Plin. l. 16. cap. 27.

Nullum est animal, quod impensius amet suos foetus, quàm asinus & simia: Ita indocti suas commentationucylas præter alios amplectuntur. Plin. lib. 18. cap. 43. & cap. 54 eod. lib.

Vt scarabei, ac vultures offenduntur vnguentis, & Scythia iurauit se malle equum hiniientem audire, quàm citharædum canentem: ita non omnibus placent omnia. Plin. lib. cap. 33.

Fraxinum campestem in tantum horrent serpentes, vt nec matutinas, nec vespertinas illius umbras quamuis longissimas, vnquam attingant: & si gyro frondibus huius arboris claudatur ignis, & serpens, citius in ignem fugiat serpens, quàm in fraxinum: Ita nihil conuenit vitiis & studio sapientiæ, sub cuius umbra quisquis se continuerit, tutus erit ab huius vitæ venenis. Plin. lib. 16. cap. 14.

Vt in magicis artibus vulgus hoc magis admiratur, quò minus percipit rationem, cur illa aut illa tam absurda præscribantur: It. quidam magis admirantur stylum, aut carmen, quod non intelligunt.

*Vide ignorantia.*

Ggg 4

*Insolentia.*

*Insolentia.*

Sicuti vina, & poma subacerba vultu, emitefcunt, dulcefcuntque: Sic ætatis insolentia longo rerum vfu mitigatur. Eras.

Vt quæ confpecta in aquis formata, aguntur in rabiem, authore Columella: Ita quidam nimium admirantes ſua, ad infaniam vſque redduntur insolentes. Idem.

*Inſtitutio.*

Vt terra quò melior eſt natura, hoc magis corrumpitur, ſi negligatur: Ita ingenia niſi rectè excolantur, quò ſunt felicitiora hoc pluribus vitiis obducuntur. Plut.

Eſt terra quædam aſperior, duriórque, quæ tamen culta protinus ſerax reddatur: ſic ingenia duriora natura, inſtitutione manſueſcunt. Plut.

Vt curruum rotæ vi inflexæ, nunquam ad priſtinam rectitudinem queunt reuocari, itidem hiſtrionum baculi: Ita quædam ingenia ſic conſuetudine & inſtitutione deprauantur, vt corrigi non queant. Plut.

*Vide educatio.**Intellectus.*

\* Vt in fidibus muſicorum aures vel minima ſentiunt: ſic nos magna ſæpe intelligimus ex paruis. Cic. l. i. Offic.

*Temperantia.*

\* Quemadmodum temperantia ſedat omnes appetitiones, & efficit vt hæ rationi rectæ pareant, conſeruâtque conſiderata iudicia mentis: Sic huic inimica intemperantia omnem animi ſtatim inflammat, conturbat, incitat. Cic. lib. 4. Tuſc. quæſt.

*Inuidia.*

Non quæuis arbor patitur completentem ſe vitem, ſed quædam præſocant eam, & extingunt: Ita ambitioſi quidam iuuenes ob inuidiam premunt ne, quando emergant. Plut.

Vt ij quos dolentès ſopor occupat, triſtia ſomniant: Ita quæ inuidia, ſuperſtitione, auaritia laborant. Plut.

Vt ſtultus qui aduerſis ventis & vndis nauigat, orta tranquillitate portum petit: Sic qui tam negotium relinquit cum diu iam cum inuidia luſtratus, deinceps citra inuidiam viuere poſſit. Plut.

Qui diuerſam ingrediuntur viam, nõ poſſunt ſibi mutuò prodeſſe: at qui diuerſa vitæ ratione vtuntur, adimunt inuidiam, ac magis ſibi inuicem ſunt auxilio. Plut.

Subduc materiam, extinguitur ignis: ſubduc occaſionem, conqueſcet odium, ſiue inuidia. Plut.

Quemadmodum in OEconomicis inquit Xenophon, ſuum habent locum vaſa ſacris parata, ſuum quæ cœnis, alibi quæ agriculturæ, ſeorſum quæ bello: Ita quiſq; inueniet in animo ſuo mala ab inuidia profecta, à zelotypia, ab ignauiâ, ab auaritia. Plut.

Vt ciuiles ſeditiones rectius in hoſtes transferimus: Sic rectius inuidemus alienis, quàm fratribus, etiam ſi ſit optimum omnino non inuidere. Plut.

Canis ignotos allatrat, erga notos mitior, ſecundum Heraclitum: Sic inuidia nouos homines, & nuper euectos potiſſimum infeſtat, in notos iam mitior. Plut.

Vt inueterata conſuetudo etiam ſi lædat, tamen haud facile propellitur: Ita ſimultas inuidiam, zelotypia mali memoriam in animo relinquit. Plut.

\* Vt ferrum ærugine conſumitur: Sic inuidi ſuo pre ingenio. Plut.

Vt eſt regio quæ careat venenis, veluti Creta: ita non eſt reſpublica aut aula, quæ careat inuidia. Eras.

Vt impendio malignus ſit, qui ſonorem ſcatentem obtegar, aut Solè obſcurantem prohibear, aut lumen recuſet

set de suo lumine accendere, aut viam monstrare grauetur: Ita vehementer sit inhumatus, qui prodesse nolit citra illum suum incommodum. Idem.

Vt feris bellum est cum iis, quæ iisdem aluntur, eam ceteris pacè agunt: sic inuidia & æmulatio inter eiusdem artis professores. Nam pugili cum cursore conuenit. Plut.

Vti Sol, si immincat hominis vertici, aut prorsum tollit umbram aut minimam reddit: Sic ingens gloria exstinguit inuidiam. Plut.

Creta nullum habet venenum, præter phalangium, id est, aranei genus: Ita non est monasteriũ tam sanctum, quod immune sit ab obreptatione & inuidentiæ malo. Eras.

*Inuidia felicitatis & virtutis comes.*

Vbi nullum lumen, ibi nulla umbra: Ita vbi nulla felicitas, ibi nulla inuidia. Plutarch.

Qui inuidet amicorum felicitati, nolunt eos prorsus subuerti, sed tamè grauantur illorum excellentia: vt qui vicini domum nolint omnino demoliri, sed satis habet, si detrahatur quod obscurat proximas. Plut.

Flammam primùm emicantẽ multus comitatur fumus, qui quidem euanesceat, iam inualecente & explicante se flamma: Sic res egregias aggredientem inirio multa premittit inuidia, donec aucta gloria inuidia fumum discutiat: nam fumus gloriæ est. Plut.

Vt qui cursu certant, non diserciantur, cum vident coronas athletarum, sed suis oblectantur: Ita te non oportet aliena felicitate disercuari, sed tua gaudere sorte. Plut.

Vt non est corydalis absque crista: ita non est ingenium absque inuidia innata. Plut.

Malus consiliarius omnia deprauat assidens: Sic inuidia nulla magis dam-

nat, quàm quæ sunt optimè dicta. Plutarch.

Licet inuenire regionem, vbi venena non sint, quemadmodum affirmant de Creta: At non licet inuenire Rempublicam, quæ non alat inuidiam, contemptumque. Plut.

Vt quidam alienas picturas, statuas, poemata diligenter aspiciunt ac singula excutiunt: per otium, sua neglectui habent: Sic multi alienas fortunas magis admirantur, suas oderunt. Plutarch.

Vt vineti beatos iudicant solutos, soluti liberos, liberi ciues, hi rursus diuites, hi satrapas, satrapæ reges, reges deos, tñare propemodum ac fulgurare cupientes: Sic qui semper expendit, quanto sit aliis inferior, nunquam sua contentus est sorte. Plut.

Vt non inuidetur his qui domum aut agrum magno emerunt, sed quibus gratis contigit: Ita nemo his inuidet, qui gloriam magno sibi parauerunt, sed quibus fortunæ fauore contigit. Plutarch.

\* Quemadmodum iter facientes per Solem necessariò comitatur umbra: Sic quoque incedentibus per gloriam comes est inuidia. Plut.

Vt cantharides maximè læto tritico innascuntur, & rosis florentibus: Sic inuidia maximè comitatur eos, qui virtute florent. Plut. & Plin. l. 11. c. 35.

Sunt qui aspectu effascinant hominem: Ita inuidus oculus perniciem adfert rebus lætis. Nec satis tutus regum oculus, si quid habeas egregiè pulchrũ. Plin. lib. 7. cap. 2.

Herbam Canariam canis ita mandit, vt homo nõ cernat nisi depastam, & percussus, à serpente, aliam quandam petit, sed eam non decerpit inspectante homine: Ita quidam discipulas à se repertas celant, ne profint & aliis. Plin. lib. 25. cap. 8.

Qui



Qui effascinant, in oculis geminam habere pupillam dicuntur: ita qui videntur inuidia alienæ felicitatis, non eam intuentur oculo simplici, sed quicquid vident sinistrè interpretantur.

*Ioci & sales.*

Rhinoceros cornu gerit in naribus: ita quorundam sales dentati sunt & aculeati. Plin. lib. 8. cap. 20. & 25.

Sicuti sal modicè cibis aspersus condit, & gratiam saporis addit: ita si paulum antiquitatis, aut ioci admiscueris, oratio fiet venustior, si plus satis, nihil insuauius. Eras.

Histrix non iaculatur spinas suas, nisi cum prouocatur aut vrgetur: at scurra in quemuis sua dicta coniecit. Plin. lib. 8. cap. 20. & lib. eod. cap. 35.

*Ira vel iracundia.*

\* Vt fumus mordicans oculos non videre permittit quæ pedibus adiacent: sic iracundia oboriens rationem obscurat, & quod bonum habitura mens fuerat à ratione, eo non finit ipsam iracundia sine labore potiri, ac molestia. Aristot.

Ignis faciliè accenditur in paleis & pilis leporinis, sed idem mox extinguitur, si nihil addas: Sic iræ amantium aut nuper coniugatorum, si nemo se admiscuerit. Plut.

Quemadmodum qui expectant obfidionem, colligunt ac deponunt pecuniam, atque omnia parant sub hostium aduentum: ita aduersus assultum iracundiæ præceptis philosophiæ muniendus & instruendus est animus. Plut.

Vt in tumultu non audimus quid nobis dicatur: ita irati non admittimus alienum consilium, nisi ratio loquatur intus, quæ tumultum animi compescat. Plut.

Vt munita tyrannis ab alienis tolli non potest, à familiaribus potest: ita concitatus animus ex se præbet, quo soluatur ira. Plut.

Vt ferrum tenue & infirmum si de nouo fodiat, faciliè frangitur: sic animus sæpe commotus ira qualibet de causa commouetur. Plut.

Vt non magno negotio flamma extinguitur, in pilis leporinis, aut scyris, aut stipulis accendi cœpta, at non item si solida corripuerit: Sic ira primum gliscens faciliè vel ioco, vel risu compescitur, cum videmus fumantem adhuc: quodd si processerit, vix villo negotio possit extingui. Idem.

Vt nautæ præsentientes tempestatem, anchoris firmant naues: ita priusquam ingruat tempestas iracundiæ, ratione firmandus est animus, & in diuersum nitendum. Idem.

\* Non ideo vitia in vsum recipienda sunt, quia aliquando aliquid boni effecerunt: nam & febres quædam genera valetudinis leuant, nec ideo non ex toto illis caruisse melius est. Abominandum remediij genus est, sanitatem debere morbo. Simili modo ira etiam si aliquando vt venenum, & præcipitatio, & naufragium ex inopinato profuit, non ideo salutaris iudicanda est: sæpe enim saluti fuere pestifera. Senec. lib. 1. de ira.

\* Vt exulcerata & ægra corpora, quæ ad tactus leuissimos gemunt: ita ira muliebri maximè & puerile vitium est. Idem, eod. lib.

\* Vt furentium certa indicia sunt, audax & minax vultus, tristis frons, torua facies, citatus gradus, inquietæ manus, color versus, crebra & vehementius acta suspiria: ita irascentium eadem signa sunt. Flagrant & micant oculi, multus ore toto rubor, exstuant ante ab imis præcordiis sanguine, labia quatuntur, dentes comprimuntur, horrent ac subrigantur capilli, spiritus coactus, ac stridens, articulorum seiplos torquentium sonus, gemitus, mugitusque, & parum explanatis vocibus sermo

sermo praeputus, & complosæ sæpius manus, & pulsata humus pedibus, & totum concitum corpus, magnasque ire minas agens fœda visu & horrenda facies, deprauantium se atque intumescantium. Idem, eod. lib.

\* Vt in corporum cura, alia de tuenda valetudine, alia de restituenda, præcepta sunt: ita aliter iram debemus repellere, aliter compescere vt vincamus. Idem, lib. de ira.

\* Quemadmodum aduersus pestilentiam nihil potest firmitas corporis & diligens valetudinis cura, promiscue enim imbecilla robustaque inuadit: ita ab ira tam inquietis moribus periculum est, quam compositis & remissis: quibus eo turpior, ac periculosior est, quo plus in illis mutat. Idem, lib. 3. de ira.

Amor leuatur cantu, corollis, osculis: at ira, si indulgeas, exasperatur.

Plutarchus de tyrannide & regibus  
Vt prima tyrannidis solutio est, si reclametur, si non pareatur: Sic ira statim est reclamandum. Plur.

Vt iuxta sententiam Hippocratis morbus est periculosissimus, in quo ægrotus subinde mutat oris habitum, ac sui dissimillimus redditur: ita nullus est animi morbus ira periculosior: quæ vultum, vocem, incessum sic immutat, vt idem alius esse videatur. Plutarchus.

Lotis adducunt speculum: id multo magis adhibendum irato. Plur.

Mare commotum cum algam & spumam eiecit, purgari dicitur, etiam si litus contaminat: at qui commotus ira, verba effundit amara, contumeliosa, primum inquinant ipsum à quo dicuntur, & famæ labem aspergunt. Plutarch.

Vt in febre, sic & in ira linguam habere leuem ac teneram, bonæ spei signum est. Idem.

In febris linguæ scabrities, ac sordes, signum est mali, non causa, in ira linguæ durities, malorum maximorum est causa. Idem.

Vt tumor potissimum accidit ex plaga carnis: Sic molles & imbecilles animi maximè intumescunt ira, vt mulierum ac senum. Plur.

Barbari quidam ferrum inficiunt veneno, vt bis noxium sit: Sic quidam dictis instigant commotos. Plur.

Vt nutrices pueris dicunt, ne plora & accipies: ita dicendum animo commoto, ne clama, ne festina, ac melius quæ vis consequeris. Idem.

Nauis deserta recipit gubernatorem, si quis velit in portum reducere: at animus ira percitus non admittit gubernatricem rationem aliunde, nisi intus ratio clauum arripiat. Idem.

Vt canes, si iram effuderint in lapidem, aut saxum, mitiores sunt erga homines: Sic quibilem in alienos euouerit, placidior est erga suos. Plur.

Pigri remiges sereno cœlo desident in portu, deinde coguntur flantibus ventis nauigare cum periculo: Sic qui non punit, cum est animo sedato, cogitur aliquando vel iratus punire. Idem.

Vt adamas si frangi contingat malleis, in minutissimas dissiluit cruſtas, adeo vt vix oculis cerni queant: ita arctissima necessitudo, si quando cōtingat dirimi, in summam vertitur similitudinem, & ex arctissimis fœderibus, si semel rumpantur, maxima nascuntur dissidia. Aut supra modum incandescit semel victa lenitas. Idem.

Vt primis nunciis non statim creditur, quemadmodum Phocion Atheniensis, nunciata Alexandri morte: si hodie, inquit, mortuus est & cras & perendie mortuus erit: ita non statim iræ fidendum dicenti, ille mihi fecit iniuriam, sed proferenda fides in dies aliquot. Idem.

Vt

Vt per nebulam corpora: sic per iracundiam res maiores videntur. Idem.

Non vtimur aqua turbata, nisi constiterit: multò minus vtendum est animo commoto, priusquam ad se redierit: ira Socrates. Idem.

\* Quales sunt hostium vel ferarum eadē madentium aut ad eadē euntium aspectus, qualia poëta inferna monstra finxere, succincta serpentibus & igneo flatu, quales ad bella excitanda discordiamque in populos diuidendam pacemque lacerandam deterrimæ inferni exeunt furia: talem nobis iram figuremus: igne lumina ardentia, sibilo mugituque & gemitu & stridore, & si qua his inuisior vox est, perstreptentem, tela manu utraque quatientem, neque illi tegere se cura est: toruam, cruentamque & cicatricosam, & verberibus suis liuidam, incessu vefano effusam, multa caligine incurstantem, vastantem, fugantemque, & ocium odio laborantem, sui maximè: si aliter nocere non possit, terras, maria, cælum ruerē cupientem, infestam pariter inuisamque. Senec. lib. 2. de ira.

\* Cætera vitia impellunt animos, ira præcipitat. Cæteris etiam si resistere contra affectus suos non licet, at certè affectibus ipsis licet stare: hæc non secus quàm fulmina procellæque, & si qua alia irrationabilia sunt, quia non eunt, sed cadunt, vim suam magis ac magis tendit. Idem libro 3. de ira.

\* Pars superior mundi & ordinatio, & propinqua sideribus, nec in nubem cogitur, nec in tempestatem impellitur, nec versatur in turbinem, omni tumultu caret: inferiora fulminantur. Eodem modo sublimis animus, quietus semper & in tranquilla statione collocatus, intra se prement quibus ira contrahitur, modestus & venera-

bilis est, & dispositus: quorum nihil inuenies in irato. Idem, eod. lib.

Si pueris vnum lusum auferas, reliquis omnibus obiectis plorant: sic quidam si quid obtigerit dispendij protinus irati, reliqua omnia commoda, sibi reddunt iniucunda. Plut.

Vt medicus curans eos qui dentibus cruciantur, non tam contristatur aliorum malis quàm sua bona valetudine gaudet, sed placidus eis apparet: Sic qui cupit alienæ mederi iracundia, non debet ipse simul commoueri, sed placidè tractare animum ægrotum. Idem.

Vt assidua tussi concutitur & quasi satur corpus, atque exulceratur: ita trebra ira animum exulcerat. Idem.

Velux deprehenditur è cantu tibicinæ, è coronis proiectis, ac similibus iudiciis: ita iracundiam intelliges è seruorum vultibus inuitis. Idem.

Vt puer se vulnerat ob imperitiam, dum alium ferro querit lædere: ita iracundia sibi noceat sæpenumero, cum aliis nocere studet. Idem.

Qui se vna cum ipsis ædibus incendunt, omnia intus tumultu complent, vt nec videre possint, nec dispicere quid sit vtile: Sic ira commotus animus. Plut.

Vt equis non in ipso cursu frænum iniicimus, sed ante eursum: Sic qui propensi sunt ad iram aut libidinem, ante rationibus ac monitis refrenandi sunt, priusquam in periculum ventum sit. Idem.

\* Immodica ira gignit insaniam. Hoc quàm verum sit, necesse est scias, eum habueris seruum & inimicum. In omnes personas hic exardescit affectus: tam ex amore nascitur quàm ex odio, non minus inter seria quàm inter lusus & iocos. Nec interest ex quàm magna causa nascatur, sed in qualem perueniat animum. Sic ignis nō refert quàm

quàm magnus, sed in quo incidat. Nā etiam maximum solida non receperunt, rursus arida & corripī facilia scintillam quoque fouent vsque in incendium. Sen. epist. 76.

*Iteratio.*

Ter nouenis crabronum ictibus interfici hominem existimant: Ita offensa tametsi per se non capitalis, tamen sæpius iterata capitalem parit inimicitiam. Eras. m.

*Iudex.*

Vt diameter siue dimetiens sic ab angulo ad angulum mediam figuram diuidit, vt vtrinque spatium relinquat æquale: Ita iudex in neutram partem debet esse propensior. Eras. m.

Vt qui acrius cupiunt perspicere, alterum occludunt oculum: ita iudex rectius intelligit iustum, si nullius personæ respectu deuocetur. Idem.

Vt sol non alius est pauperi, alius diuiti, sed omnibus communis: Ita iudex personam spectare non debet, sed rem. Idem.

*Iudicium.*

\* Vt pictores & ij qui signa fabricant, veri etiam poetæ, suum quisque opus à vulgo considerari vult, vt si quid reprehensum sit à pluribus, id corrigatur: hique secum & cum alijs, quid in eo peccatum sit, exquirunt: Sic aliorum iudicio multa nobis & facienda, & mutanda & corrigenda sunt. Cic. lib. 1. offic.

Vt Hierophantæ, quatenus licet aperiunt mysteria: Sic de rebus arduis cauti, & circumspecti iudicandum. Plur.

In aquam demissa quedam, cum sint rectissima, speciem curui præfactique visentibus reddunt: Ita si de rebus perpetam iudicamus, nostrum est vitium, non rerum. Senec.

Vt Timanthes qui Iphigeniam pin-

xit, cæterorum affectibus expressit. Agamemnonis autem vulum velo obtexit: Ita quedam melius relinquuntur suo cuique iudicio æstimanda, quàm verbis explicantur. Eras. m.

*Iudicium peruersum.*

Vt pueri quidam admirantur ac felices iudicant nebulones miseros, cum in scena saltant, aureis induti: Sic stulti felices existimant diuitiis onustos. Plut.

Scarabæi fugiunt vnguenta, delectantur fœtoribus, sic nonnullis pessima pro optimis placent. Plur.

Quemadmodum de Carthaginensibus dictum est, quod ad testa pice, ad vina calce vtrentur: Ita quidam præposterè rebus vtuntur, amicis asperi, supplices inimicis. Carthaginenses pice linebant parietes, cum vasa picari soleant. & musta calce condiebant. author. Eras. m.

Sicuti pyramis, quam Rhodope metreticula Æsopi conseruâ construxit pecunia corporis quæstu collecta, maiori miraculo famâque fuit, quàm cæteræ regum pyramides: ita vehementius miramur, si quid rectè faciunt, à quibus tale nihil expectabatur: veluti si quis Hollandum videat peritum equitem, aut frugalem Anglum, aut theologum eloquentem. Idem.

In pantheris, quod speciosissimum esse oportuit, id celandum est, vt placeat, reliquo corpore maculis picturato: ita in quibuldam omnia placent, præter vitam, quod est totius negotij caput. Idem.

*Iuuentus & iuuenta.*

Post hyemem denuò recurrit ver: At post senectam nulla recurrit iuuenta. Eras. m.

Nouella vitis copiosius gignit vinum, sed vetustior melius: ita plura loquuntur iuuenes, sed utiliora senes. Idem.

Perfica



Perſica ob id ipſum pluris veniebāt, quodd non durarent, niſi in triduum: Ita auidius rapiendum quod cito præteruolat, vt iuuenta. Idem.

Vt gypſum aut argilla dum eſt vna in quamuis imaginem facile ſequitur fingentis manum: Ita rudes animi ad omnem diſciplinam ſunt idonei. Idem.

## L.

## LABOR.

**V**T plures ſunt qui lauare velint, quàm qui velint inūgi: Ita ad magis ardua, magiſque præclara pauciores confluunt. Plut.

Cùm nauta videt imminere tempeſtatem, primùm quidem deos inuocat: vt incolumi liceat in portum appellere, mox contrahit vela, atq; omnia nihilo ſecus parat, quibus eſt opus: Ita nos debemus auxilio diuino fide- re, ſed ſic, vt noſtram quoque induſtri- am adhibeamus. Plut.

Arator ab Heſiodo iubetur diis ſacrificare, deinde aggredi: & miles pri- mùm inuocat opem diuinam, deinde armatur. Plut.

Nautæ à nauigandi labore turpiter conferunt ſe ad voluptates, rurfum à voluptatibus ad nauigationem rede- unt: Ita quidam à deliciis ad labores, à laboribus ad deliciis ſumma vitæ in- conſtantia ſeſe vertunt. Plut.

Vt Echinus ſemper in ſpinis ingre- ditur, quod ſpinas ſecum circumferat: Ita quibuſdam in omni negotio acer- bitas eſt, propterea quod animo ſecū adferant aſperitatem, etiam ſi res ipſa nihil habeat incommodi. Plin. l. 9. c. 31. & lib. 8. c. 37.

Athletæ abſtinent à laboribus ne- ceſſariis, vt in non neceſſariis valeant: nobis contrà faciendum. Plut.

Vt ferrum crebris immerſionibus conſumitur, Ita corpus crebris permu- tationibus vitatur, hoc eſt, ſi nunc im- modicis laboribus intendatur, nunc voluptatibus liqueſcat, ac molliatur. Plut.

Vt roſa, ſos vnus omnium longè gratiſſimus, de ſpinis naſcitur: Sic & triſtibus, & aſperis laboribus fructus capitur iucundiſſimus. Plut.

Vt quoddam vxor magno ambitu ducta torquet: Ita quidam magis la- boribus accerſunt magno futura ma- lo. Senec.

Vt herba moly difficile quidem ef- foditur, ſed ad remedia præter cæte- ras efficax eſt: ita quæ præclara ſunt non contingunt niſi magno negotio. Plin.

Vt natura gemmas altiffimè recon- didit, vilis paſſim obuia ſunt: ita quæ ſunt optima, pauciſſimis nota ſunt, nec niſi ſummo ſtudio eruuntur. Plin.

Vt quæ præclara ſunt vix multo cul- tu proueniunt, contrà cæpe, allium, & quædam huiusmodi, vilia etiam repo- ſita, aut ſuſpenſa proferunt ſeſe: ita quæ ſunt egregia, non niſi multo con- tingunt labore: quæ mala, paſſim ob- uia ſunt. Eraſ.

*Labor immodicus.*

Plantæ mediocri aqua aluntur, im- modica ſuffocantur: Sic animus mo- deratis laboribus adiuuatur, immo- deratis obruitur. Plut.

Lufciani tantum eſt canendi ſtu- dium, vt certantes emoriantur, ſpi- ritu citius deficiente quàm cantu: ita nonnulli literarum immodico amo- re valerudinem extingunt, & dum à nonnullo vinci volunt eruditione, pereunt in ipſo conatu. Plin. libro. 10. cap. 29.

*Laboris fructus.*

Vt aſparagus ſpinofus dulciſſimum fert

fert fructum: ita ex duris initiis magna voluptas nascitur. Plur.

Stultè reges Ægyptiorum operam populi ac pecunias in subſtruendis pyramidibus confumebant, quæ nihil habebant præter ſtultam & otioſam oſtentationem, cùm idem in rebus vtilibus fieri poruerit: ita quidam elaborant in difficillimis, cæterum inſrugiferis, hoc ipſum præclarū exiſtımantes, quòd in laborioſo negotio verſantur. Eraſ.

*Largitio.*

Qui plebem lautis epulis & largitionibus regunt, ſimiles ſunt iis qui bruta animalia paſcunt aut venantur. Plur.

*Laus.*

Vt qui malignè dant aliis, videntur ipſi parum habere: Ita qui parcè & malignè laudant alios, vidètur adhuc ſuas elurire ac ſtire laudes. Plur.

Qui pecuniam dat, quantum impertit alij, tantum ſibi detrahit: at non idem fit in laude, & tamen hoc imaginantur maligni quidam, parcius impartientes laudem quàm pecuniam. Plur.

Qui caſtam ac philoſophicam orationem meretriciis ac ſophiſticis laudibus proſequentur: perinde faciunt atq; ij, qui athletæ liliis aut roſis coronent, non lauro aut oleaſtro. Plur.

Nutrices vagientibus pueris ruſum apponunt papillam: Sic diſcipulus offenſus correptione, ruſum eſt laude ſubleuandus, ne deficiat. Plur.

Si ager laudando redderetur fertilior, non minus laudandus eſſet, quam arandus, aut ſtercorandus: ſic amicus ſi redditur laude melior, expedit aliquando laudare: ſin minus, quoruſum pertinet inutilis palpatio? Plur.

Vt qui venantur, facilius fallunt ſeras, ſi aliud agentes, hoc eſt iter fa-

cientes, aut agricolantes, id faciunt: ita maximè laudat adulator, cùm non apparet eum laudare. Plur.

Non oportet titillare, qui natura proclives ſunt ad riſum: Ita non oportet laudare, qui gloriæ ſuapte ſponte ſunt appetentiores. Plur.

Ferrum prius calore ſolutum ac molliſum, poſtea frigida dureſcit ac ſolidatur aqua: ſic amicus prius laude delinitus, mox bibere admonèbitur. Plur.

Vt bonus medicus mauult morbo mederi ſomno cibòque, quàm ſcammonio, aut caſtorio: Sic amicus, pater, præceptor magis ſtudet laude corrigere, quàm obiurgatione ſi liceat. Plur.

Qui vincit in certaminibus præconem adhibet, quo victor pronuntietur: Multo magis vera virtus alieno debet ore laudari, non ſuo. Plur.

Vt non quæuis corona quemuis decet victorem: ita non quæuis laus aut quiuis honos quemcunque hominem. Plur.

Pauo non explicat pennas niſi laudatus: ita quidam purant ſe non habere quod habent, niſi ſint qui merètur. Plur. l. 10. c. 20.

Sicuti vehementius titillat tactus, & iucundius mouet fructus alienus quàm noſter: ita iucundius eſt laudari ab his qui nobis nulla cognatione, aut familiaritate coniuncti ſunt. Eraſ.

*Laus à ſemetipſo proteſta.*

Qui obſeruant, ne moleſti ſint lipipientibus, vmbram aliquam admifcent lumini: Sic quidam laudibus ſuis aliquid erratorum aut vituperationis aſpergunt, vt inuidiam eſſugiant. Plur.

Quidam fame coacti, cùm deeſt, quod edant, ſuis ipſorum artibus turpiter veſcuntur: ſic quidam ſui gloriæ, cùm

cum deest qui laudet, ipsi laudant se-  
iplos non sine dedecore, Plur.

Quemadmodum iubemur aut omni-  
no cauere locum pestilentem, aut si in  
eo sis, circumspicere agere. Sic aut om-  
nino vitandum ne laudes teipsum, aut  
id cautim & circumspicere agendum.  
Plur.

Gallus victor illico cantu superiore  
se se testatur: ita quidam sua facinora  
jactant ipsi, & suarum laudum ridiculi  
sunt tibicines. Plin. l. 8. cap. 33.

*Leslio.*

Vt in obsoniis non solum sequimur,  
voluptatem, sed etiam salubritatem:  
sic in audiendis & legendis auctori-  
bus. Plur.

Vt in alienis oculis nosmetipsos  
conspicimus: Sic in aliena dictione  
quid nos deceat aut dedecet, con-  
templandum est. Plur.

Ager nimium stercoreatus aduritur,  
non stercoreatus alget: ita moderata  
lectione vegetandum erit ingenium.  
nam lectione saginatur animus non  
aliter quam aruum stercore. Plin. lib.  
18. cap. 23.

Sicuti utilius est crebro stercoreari  
agrum quam multum: ita plus habet  
fructus assidua lectio quam auida. Plin.  
ibid. in fine.

Vt aromatum, florum, similium-  
que odor gratior sentitur è longinquo  
quam ex proximis (offendunt enim  
nonnunquam naribus admodum quæ  
procul delectabant:) ita sunt quæ si  
leniter attingas, placeant: sin excutias  
accuratius, & propius inspicias, gra-  
tiam amittunt: quod genus sunt poe-  
tarum fabulæ, aut gentiliū historiarum.  
Erasmus.

Serius eduntur, quæ diutius victu-  
ra sunt: ita diu premendum opus quod  
semper legi velis. Idem.

*Lesionis delectus.*

Quemadmodum Ulysses auribus

cera obruratis Sirenum periculum præ-  
ternauigauit: ita nos si quid incidit  
blandè secundum in auctoribus præter-  
uehi oportebit. Plur.

Vt bonas cornua oneri sunt tantum,  
nulli autè vsui, adeo sunt in se reflexa:  
ita sophistarum dialecticæ habent, sed  
qua neminem retinere possint, adeo  
est infecta. Plin. l. 8. c. 15.

Vt apes non quiduis ex omnibus col-  
ligunt, sed aliunde Metyn, aliunde Pis-  
syceron, aliunde Propolin, aliunde  
Rhithacen, aliunde sobolem, aliunde  
mel: ita non omnia petenda ex eodè  
auctore, sed ex vno quoque sumendum,  
quod habet utilissimum. Ex poetis &  
oratoribus verborum spendor. E dia-  
lecticis argutia differendi. E philoso-  
phis cognitio naturæ. E theologis,  
præcepta viuendi. Plin. lib. 11. cap. 7.

Vt apes ex amarissimis floribus &  
asperrimis spinis, mel suauissimum ac  
lenissimum colligunt: sic ex turpibus  
ac sceleratis fabulis, utcumque decerni  
potest aliquid utilitatis. Plur.

Quidam Amethystum adhibent in  
comportationibus aduersus ebrieta-  
tem: multo magis in audiendis poe-  
tis præcepta sunt adhibenda, ne quid  
infaciat animus. Plin. 37. c. 9.

Vt apicula per omnia circumuoli-  
tans, id quod est utile, domum addu-  
cit: ita studiosus ex vnoquoque, quod  
ad mores confert, excerpit. Plin. l. 21.  
cap. 21.

Nemo tam insanus, ut vel è Nero-  
nis capedine, quam Plinius trecentis  
sestertiis æstimat, venenum bibere  
malit, quam è Samio vasculo vinum  
innoxium: ita qui sapit, malit salu-  
bria præcepta viuendi qualicunque  
sermone proposita, quam pestiferas  
opinionem ab eloquentissimo scripto-  
re haurire. Eras.

Vt his gemmis summum est pre-  
tium, quæ non modò varietate colo-  
rum

rum delectant oculos, & nares odore, verum etiam ad remedia sunt efficaces: Sic his libris summū est pretium, qui non solum habent orationis illecebras, verum & salubribus præceptis nos liberant animi vitiis. Idem.

Medici vetant uti haliacocabo, quāquam dentibus firmandis prodest si eius succo colluantur: propterea quod periculum est, ne si diutius id fiat delirationem gignat, & plus afferat incommodi, quam commodi: ita non est utendum his literis, quæ sic linguam expoliunt, ut mores inficiant, aut conuenit sequi, quæ sic augent rem, ut famam lædant. Idem.

A floribus marcidis apes abstinere: ita non attingendus liber, qui putidas habet sententias. Aut nihil attingendum, quod non sit elegans & succulentum. Idem.

Ut qui vino cæcutiunt, aut alioqui laborant oculis, plures se videre res credunt, cum vnam videant: ita qui ob impericiam verum non perspiciunt in authoribus, multas ac varias inducunt sententias: unde illud apud iuris male consultos, vel dic, toties repetitum. Idem.

Ut tutissimum est, in trifolio cubare, quod in hac herba negent serpentem aspici: ita in his versandum libris, in quibus nulla venena timeantur. Idem.

*Lectionis multifarie usus.*

Quemadmodum Medici pharmacum ad vnicum morbum repertum ad omnes similes ac finitimos accommodant: ita conuenit authorum dicta ad varios usus accommodare. Plur.

Non quemadmodum omnia religiose metuimus, ac reueremur in sacris: ita oportet in authoribus omnia venerari, sed audacter adhibito iudicio probare quædam, quædam improbare. Plur.

\* Ut cum in sole ambulamus etiam si aliam ob causam ambulemus, sit natura tamen ut coloremur: Sic cum doctorum libros studiosus legimus, sentimus orationem nostram illorum cantu quasi colorari. Cicer. libr. 2. de Oratore.

Apes è variis varios colligunt succos, sed eos suo spiritu mutant ac digerunt, alioqui non facturæ mel: Sic euoluendi sunt authores omnes, sed quod legeris in tuos usus transformandum. Senec.

Non est admirationi vna arbor, ubi sylua tota in altum surrexit: Sic non animaduertitur vna sententia, cum passim omnia referta sunt sententiis, sed si raro incidat. Senec.

Ut è diuersis numeris constet vnus, summam illorum in se complectens: Sic è diuersis conflatur eruditio, iam tua, non aliorum. Senec.

Ut inter salutare herbas nascuntur & venena: ita ex authoribus, quæ rectè dixerim, sunt excerpenda. Eras.

Ut iis qui cæcutientibus sunt oculis, quicquid locus obscurus est, propterea quod caliginem secum in oculis, circumferunt: ita parum eruditis omnis liber, ac stylus difficilis est & obscurus. Idem.

*Lenitas.*

Quemadmodum adamas aduersus omnia inuictus, hircino sanguine eoque calido ac recenti maceratus, malleo frangitur: Ita quædam ingenia nulla vi peruincas, blanditiis emollienda sunt. Eras.

Ut Euripus in Eubœa septies in die defluit, ac toties refluit mira celeritate: At idem tribus diebus vnoquoque mense stat immortus, septima, octaua, nonaque Luna: ita quidam inæquales sibi aut nimium præcipientes sunt, aut nimium lenti, in vtranque partem plus satis vehementes. Idem.



*Lex.*

Regula primum recta sit oportet, deinde quæ applicentur, corrigat: ita princeps, primum ipse virtutis careat necesse est, deinde alii leges præscribat. Plutarch.

\* Vt ex medicina nihil oportet putare proficisci, nisi quod ad corporis utilitatem spectat, quoniam eius causa est instituta: Sic à legibus nihil conuenit arbitrari, nisi quod Reipub. conducit, proficisci, quoniam eius causa sunt comparata. Cic. lib. 1. de Inuent.

\* Vt corpora nostra sine mente: Sic ciuitas sine lege, suis partibus & nervis, ac sanguine & membris, uti non potest. Cic. pro Cluent.

\* Vt in morbis non sunt tentanda remedia noua si veteribus malo succurri possit: Sic non sunt condendæ nouæ leges, si veteres. ministrent aliquid, quo malis Reipublicæ medearis. Erasmi.

Vt efficacissima remedia nata sunt ex morbis pessimis: ita bonæ leges ex malis prognatae sunt moribus. Eras.

*Liberalitas.*

Vt vasa paria, quorum alterum plenum sit, alterum inane, pulsata cœcentum faciunt *ὁρὰ πικρὴ*: ita bene conuenit inter diuitem benignum, & pauperem indignum. Eras.

*Libertas.*

Ignauī canes apud mensam audent, in venatu minimè: Sic ingenerosum est, cum sobrius liberè loqui non audeas, inter pocula id facere. Plutarch.

*Libido facta.*

\* Vt quidam morbo aliquo & sensus stupore suauitatem cibi non sentiunt: Sic libidinosi veræ voluptatis & laudis gustum non sentiunt. Cicer.

\* Vt turpes sunt qui se efferunt lætitia tunc cum fruuntur Veneris volu-

pratibus: Sic flagitiosi qui eas inflammato animo concupiscunt. Cic. lib. 4. quæst. Tuscul.

Panthera sic auda est excrementorum hominis: ut si in vase suspendatur altius, quam ut possit attingere, enecet se defatigati porrectu corporis: ita nonnullis quod est foedissimum id dulcissimum est. Plut. lib. 8. cap. 27. & cap. 17. eod. lib.

Minor vis inest in radicibus herbarum salubrium, cum semen maturefcit: ita deterior sit ingenij naturæ quæ vis quoties liberis gignendis datur opera. Eras.

*Licentia.*

Qui dimissi à pædagogis, suo relinquuntur arbitrio, non abiiciunt imperium, sed mutant principem: nam pro pædago iam rationi parent. Plutarchus.

Vt qui è vinculis emittuntur, licentius vagantur, quam ij qui nunquam fuerunt in vinculis: Sic pueritia cum à præceptoris gubernatione soluitur. Plinius.

*Libri.*

Sicut in vnguentis & vinis: ita & libris pretium addit antiquitas. Eras.

Vt qui decretum inferunt ad populum, adscribunt, *bona fortuna*, ne nihil de suo videantur addidisse: ita quidam alienis libris nugas adscribunt, quæ nihil ad rem pertinent. Plut.

*Librorum delictus.*

Vt qui sapiunt non statim è quouis bibunt fonte, propterea quod alij salutem adferunt, alij perniciem, nonnulli fauorem: ita non est tutum quemuis librum euoluere, quod ex aliis haurias affectum animi bonum, ex aliis libidinem, aut ambitionis insaniam trahas. Eras.

Vt illud opus est laudatissimum, in quo simul & ars commendat materiam,

riam, & materia vicissim artem: ita liber est optimus, in quo & argumenti utilitas commendat eloquentiam, & authoris facundia commendat argumentum. Idem.

*Lingua.*

Vt rupes obiiicitur flumini, ne se effundat: ita ratio linguæ obiiicienda ne temere diffuset. Eras.

Vt nocturæ aues inauspicatæ noctu gementes (nam hæc illis vox est) mortalium inuident quieti: Ita virulenta lingua semper aliquid spargit quo concordiam hominum disturbet. Plin. lib. II. c. 25.

*Vide loquacitas.*

*Literæ humaniores.*

Cum ad omnia adolent apes, tamen nullis nocent floribus: ita virtus & literæ sic ab aliis sumuntur, ut nihilo deterior sit is: qui communicauit. Eras.

Crocodilus inuictum aliòqui & perniciosum animal, tamen Tentyritas adeò meruit, ut ad vocem etiam expauescat: ita tyranni cum omnes contemnant, tamen eruditorum literas timent. Plut. l. 8. c. 25.

*Lis.*

Vt non solum stultum est, verum etiam periculosum euocare fulmina: ita dementia est reges ad se accersere, qui non nisi magno nostro malo prouocantur. Eras.

*Literarum amor.*

Vt elephanti cum nare non possint, tamen amibus impensè delectantur, circâq; illos vagari gaudent: ita quidam cum literas nesciant, tamen inter eruditos versari gaudent. Plut. l. 8. c. 5.

*Literarum odium.*

Quemadmodum gemma Chalcidias, etiam si in ignem coniciatur, tamen natium frigus suum retinet: ita quidam sic friget ad literas ac vir-

tutem, ut nullis exemplis aut hortatibus inflammarî possint. Eras.

*Loquacitas & garrulitas.*

Qui aliis interrogatis, ipsi præcipiunt responsum: perinde faciunt ac si quem ab alio volentem osculari, priores occupent. Plut.

Vt ubi doler, ibi manum habemus: ita si quid delectat, ibi linguam habemus: id est, libenter eius reifacimus mentionem. Plut.

Vascula inania maximè tinniunt: ita quibus minimum inest mentis, hi sunt loquacissimi. Plut.

Autem semen, quod statim effunditur, inutile esse ad genituram: ita sermo garrulorum ad nihil conducit. Plut.

Non ut nauem arreptam fluctibus, anchora liget sistere: Ita verbum è portu velut in altum emissum. Plut.

Erat porticus in Olympia, quam septuocam vocant, quod pro vna voce multas redderet: ita locutuleij quidam, vel vno prouocati verbo sermonem immensum referunt. Plut. Plin. l. 36. c. 15.

Vt triticum inclusum in vase, mensura auctum inuenitur, sed vitiatum: Sic garrulus accepto sermoni semper addit: & maiorem cum reddit, sed fide iam carentem. Plut.

Vt pars corporis vitiatâ, attrahit etiam à vicinis vitiosos humores: Sic garruli lingua semper ardens, & inflammata secretorum aliquid vndiq; colligit ad sese. Plut.

Vt puer glaciem nec retinere potest, nec vult amittere: ita garrulus nec tacere potest, quod accepit, nec potest obliuisci. Plut.

Iaculos & viperas proprii rumpunt fetus: Sic garrulus vel cum sua perniciæ promiscuatur. Plut.

Vt procliue non est auem è manu amissam recipere aut cohibere: ita nec dictum semel ab ore profectum,

propterea quod ab aliis volat ad alios.  
Plur.

In Asphaltite Iudææ lacu, item in Arethusa Armeniæ maioris nihil mer-  
gi potest: Ita quidam quicquid com-  
miseris, in propatulo gerunt, neque  
quicquam celare possunt. Plin. lib. 2.  
cap. 103.

Vt qui per spinosa ingrediuntur lo-  
ca suspensis pedibus eant necesse est:  
Ita de rebus friuolis aut molestis lo-  
quenti breuiter est transiliendum ad  
vberiora gratioraque. Senec.

Muta cicada pro miraculo est,  
quod ipsum genus sit garrulum: sunt  
autem huiusmodi in agro Rhegino:  
Sic magis admiramur constantiam &  
silentium in femina, quod ipsum ge-  
nus mutabile sit & loquax. Plin. lib. 11.  
cap. 27.

Infantes qui celerius loquuntur,  
tardius ingredi incipiunt: ita qui ad  
dicendum promptior est: ad rem ge-  
rendam minus est paratus. Eras.

Vt vitrum, quia pellucidum, nihil  
celat: ita quidem nihil tegere, nihil  
dissimulare norunt: quicquid in ani-  
mo est, id omnibus protinus est pa-  
lam. Idem.

#### *Lucrum.*

Qui tigridis catulos rapuit, bene  
secum agi putat, si vel vnum insequen-  
ti matri auferat impune. Ita qui alien-  
am inuasit possessionem, etiam si co-  
gatur reddere, lucrum tamen facit, si  
vel portionem aliquam retineat. Eras-  
mus.

In Labyrintho properantes ipsa  
implicat velocitas: sic qui vitæ com-  
modis student, magis inuoluuntur in-  
commodis. Senec.

Alutarium piscem semper sequitur  
piscis nomine fargus, qui illo cœnum  
fodiente excitatum deuorat pabulum:  
ita sunt qui se misceant aliorum nego-

ciis, vt eis laborantibus, fructum ipsi  
præripiant. Eras.

#### *Luctus.*

Auari cum multa congerant, non  
fruuntur præsentibus, sublata deplo-  
rant: sic qui lugent extinctos, viuis nõ  
fruuntur. Plur.

Vt suus cuique arbori fructus: ita lu-  
ctus non est alius fructus, quàm lacry-  
mæ. Plur.

Vt semel admissum intrò hospitem,  
non facile expellas: Ita luctum recep-  
tum tua sponte non possis, cum velis  
depellere. Plur.

Qui lippiunt aut alioqui laborant  
oculis, non sinunt alios admolari ma-  
num: at qui lugent, quibusuis sese trac-  
randos exhibent, vt malum, quo labo-  
rant, exacerbetur. Plur.

Vt mœstis conducit, si se ad lucem  
conferant à tenebris: Ita lugentibus si  
à tristibus cogitationem ad læta trans-  
ferant. Plur.

#### *Luxus & luxuria.*

Qui cibi duntaxat causa ad conui-  
uium accedunt, quasi vas adducunt  
implendum. Plur.

Vt polypi non extendunt sua fla-  
gella, nisi ad esculenta: sic quidam  
omnem felicitatem cibo, potuq; meti-  
untur. Plur.

Vt scelestæ mulieres abortum pro-  
uocant vt rursus impleantur ac vo-  
luptuentur: Ita quidam in hoc ipsum  
corpus euacuant pharmacis & clyste-  
ribus, vt denuò liceat ingurgitare. Plu-  
tarchus.

Quid præscripta vitæ ratione ne-  
tantulum quidem audent discedere,  
ij ostrei, vel stipitis potius vitam vi-  
uunt. Plur.

Vt ferrum crebris immersionibus  
consumitur: Ita corpus crebris per-  
mutationibus vitiatur, hoc est, si nunc  
immodicis laboribus intendatur, nunc  
voluptatibus

voluptatibus liquefiat ac molliatur.  
Plur.

Nautæ à nauigandi labore turpiter conferunt se ad voluptates, rursùm à voluptatibus ad nauigationem redeunt: Ita quidam à deliciis ad labores, à laboribus ad delicias summa viæ inconstantia sese vertunt. Plutar- chus.

Ve mathematici centro ac spatio: Ita quidam omnem voluptatem ven- tre circumscribunt. Plut.

Ve nautæ nimium onerantes nau- uē, deinde in exhaurienda sentina la- borant: Ita qui corpus onerant cibis, ac deinde clysteribus inaniant. Plu- tarchus.

Ve qui sacram pecuniam vertunt in vsus belli, voluptatem transferunt ad necessitatem: ita qui ad vsum edunt ac bibunt. Plut.

Quidam fastiditis propriis vxoribus, & formosis, & amantibus, cum scor- to mercede coeunt, gloriæ causa ma- gis, quàm voluptatis: Ita quosdam tibi delectant vel ob idipsum, quod rari sint, ac magno empti. Plutar- chus.

Ve axillarum titillatio risum gignit, sed insuauem, & spasmo similem: Ita voluptates iniucundæ, quas corpus ab animo extimulatum non sponte ca- pit. Plut.

Abominamur scæminas vtentes ve- neficiis in nos: & amplectimur ciborū artifices. Plut.

Olim in Capitolio vbi certabant quadrigæ Latinis feriis, victor absin- thium bibebat: Ita salubria magis quæ- renda sunt, quàm iucunda. Eras.

Ve ager ferax, sed quem oporteat multo impendio colere, non multum iuuat colonum: sic homo quæstuosus, sed idem sumptuosus, haud multum reponit hæredi profuturum. Idem.

M

MAGISTRATVS.

**V**T qui præternaugatis Syrtibus iuxta portum frangit nauem, ni- hil magni fecit: Ita qui vno, atque al- tero magistratu rectè gesto, in summo naufragium facit. Plut.

Medici morbos quos non possunt prorsus tollere ad summa corporis in apertum euocant: sic magistratus, si clām ciuitatis vitis mederi nō potest, vt quàm minimè medicis ac pharma- cis, hoc est, suppliciis egeat. Plut.

Histrion sic affectus ac mores addit fabulæ de suo, vt præscriptum tamen & numeros non prætereat: Ita qui magistratum gerit, sic administrat, vt præscriptum regis non exeat. Plut.

Ve non queas cognoscere vas inte- grum sit, necne, nisi liquorem infude- ris: Sic nec hominem, nisi imperium commiseris. Plut.

Arbores inuidæ, vetulæque subna- scentes arbusculas vmbra sua premūt, nec sinunt efflorescere: Non sic faci- endum senioribus magistratibus: sed inuitandi potiùs, & adiuuandi iuue- nes. Plut.

Qui in eadem vehuntur nauì, & in iisdem militant tentoriis, sese mutuò ferant oportet: sic qui versantur in re- publica. Plut.

Alexander Bucephalo iam scne non viebatur, nisi dum ad hostem ventum esset, vt integer ad pugnam veniret: I- ta senum magistratum vtendum o- pera, vt eis adimatur quantum potest laboris, ac ad necessitatem vsus illo- rum reseruetur. Plut.

Ve qui primò muscend discunt, ci- tharas aliquot perdunt & obterunt: Ita magno Reipub. malo administrat magistratum, qui rudis accedit & im- peritus. Eras.



Vt magis est probanda medicina quæ vitiosas corporis partes sanat, quàm quæ exurit: Ita melior est magistratus, qui ciues improbos corrigit, quàm qui tollit e medio. Idem.

Vt pulegium ipso brumæ die florere, cum marcent omnia: Ita rebus pessimè vexatis, regnant mali: quorum in pace nullus est respectus. Plin. lib. 18. cap. 25. & lib. 2. cap. 24.

Vt cibi, potus, cœlique nouitas offendit, etiam si mutet in paria, aut in aliquanto meliora: Ita præstat ferre principem, aut magistratus pristinos, quàm nouos adfiscere, quod omnis rerum nouatio non carcat perturbatione. Eras.

*Magistratus electio.*

Vt mulieres laborantes citra, aut stomacho nauseantes, malos quosdam cibos ingerunt, ac paulò post reuomunt: sic populus per stultitiam, aut inopiam meliorem, quosuis etiam crearet magistratus, ac eisdem paulò post abiecit. Plur.

*Maledicentia.*

Vt amici detestantur saxum aut canem incurrentem, qui eos dirimat: sic execrari deberent homines caninos, qui maledicentia sua dirimunt necessitudinem, mutuamq; beneuolentiam. Plur.

Sicuti capree & coturnices venenis saginantur: Ita quidam aluntur maledictis & obtreccionibus. Eras.

Scorpius venenum in cauda gerit, & oblique ferit: Ita quidam in fine virus effundunt suum, & dissimulanter lædunt. Plin. lib. 10. cap. 70.

Febricitantibus amara videntur omnia, at ubi conspexerimus alios eadem non fastidientes, iam non cibum, sed nos ipsos incipimus accusare: sic definemus incusare negotia, si viderimus alios eadem hilariter ac lubenter obeuntes. Plur.

Vt arandi cutis ferro impenetrabilis: ita quosdam nihil queas dictis lædere. Eras.

Histrix non iaculatur spinas suas, nisi cum prouocatur, aut vrgeatur: At scurra in quemuis sua dicta torquet. Idem.

Vt noctuæ aues inauspicatæ noctu gementes (nam hæc illis vox est) mortalium inuidenter quærit: ita virulenta lingua semper aliquid spargit, quo concordiam hominum disturbet. Plinius lib. 11. cap. 25.

Vt muti quidam canes plus mordent, quàm latrant, sunt enim & huiusmodi, quos aliquot ipse vidi: Ita quidam prius lædunt, quàm expostulent. Eras.

Bona fusa animal, quoniam cornibus inutiliter implexis non potest lædere, fugiens sinum reddit, cuius contactus insequentes ut ignis aliquis comburit: Ita nonnulli quoniam coram non audent congregari, à tergo sparsis probis contaminant hominem. Plinius lib. 8. cap. 15.

Vt culices ad dulcia non aduolant, sed acria petunt: Ita quædam maledicis, & infestis sermonibus vehementius delectantur. Plin. lib. 10. cap. 72. Aristot. libr. 9. cap. 35. de natura animal. Vide conuictum & obtreccio.

*Malitia & improbitas.*

Vt optimum vinum, si in vas sordidum & impurum infusum sit, perdit gratiam: ita bona sententia, si a malo viro proficiatur, aut si doctrina in malum virum inciderit. Plur.

Vt vxor mala foris ob pudorem est modestior, domi sui similis est: Sic malitia apud alios premit sese, in somnis aperit. Nam tum incestat matrem, aut sororem, aut veneno tollit amicum. Plur.

Quemadmodum à feris exorfi, didicimus

dicimus & homines iugulare: Sic affueti inimicis malefacere (quod iustum existimatur) nisi caueamus, dicimus paulatim & erga quosuis eadem facere. Plut.

Diogenes videns adolescentulum quendam in popina, ei pudore intrò fugienti, quò interius, inquit, fugeris, hoc magis eris in popina: Ita vitiosi quò magis abdunt sese intra seipfos, hoc magis sunt id quod sunt. Foras prodeant oportet, si cupiunt effugere seipfos. Plut.

Vt qui egent, hoc magis ac molestius egent, quò magis dissimulant egestatem: Sic qui vitiosi sunt, ac dissimulant ob fastum & arrogantiam, peiores sunt. Plut.

Vt qui laborant non affectant haberi vlcerosi, sed magis fugiunt esse quàm videri: ita non est affectandum, vt videaris malus, sed magis abominandum, ne sis talis, quam ne videaris. Plut.

Vt femina bona, si in solum bonum inciderint, similia origini proueniunt: eadem humus sterilis ac palustris necat: Sic philosophiæ præcepta, si in bonum aut prauum animum inciderint. Senec.

Tempestas minatur antequam surgat, crepant ædificia antequam corruant: prænuntiat fumus incendiū: at subita est ex homine perniciēs & eò diligentius regitur, quò propius accedit. Senec.

Illud venenum quod serpentes sine sua perniciē continent, in alienam effundunt: at malitia maximam sui veneni partem bibit ipsa. Senec.

Serpens etiam pestifera dum frigore torpet, tuè tractatur, non quòd desit venenū, sed quòd non possit explicare: sic quibusdam ad eximiam malitiam vires desunt, non animus. Senec.

Tradunt in Albania nasci homines

glauca oculorum acie, qui nocturnum ritu, plus noctu quàm interdiu cernant: Ita quidam plus sapiunt in rebus facinorosis, quàm in bonis ac præclaris: aut in sordidis potiùs, quàm in egregiis. Plin. lib. 7. cap. 2.

Vt apes amisso aculeo, ià nec nocere potest exarmata, nec prodesse ad mellificium: Ita mortales qui nocere norunt, iidem norunt prodesse. Eras.

Vt vinum dilutius magis prouocat vomitum, quàm vel aqua simplex, vel vinum merum: Ita intolerabilior est nequitia pietatis simulatione condita, quàm simplex & aperta malitia. Idem.

Vultures vnguentorum odore fugantur, ad cadauera aduolant: Ita quidam à rebus honestis ahhorrent, ad fœda rapiuntur. Idem.

Vt Pyrites gemma non aperit vim igneam, nisi atteras: tum enim digitos adurit: Ita quorundam malitiam non sentias nisi cum illis consuetudinem aut commercium habueris: aut non sentias philosophiæ vim, nisi exercueris: Ita summa asperitu vim attrahendi & odorem produunt. Idem.

Delphini tranquillo mari lasciuientes, statum qua veniunt parte denuntiant: ita cum exultant improbi tolluntque sese, rerum humanarum tempestatem instare significant. Plin. lib. 18. cap. 35.

Ineuitabile malum esset aspis, nisi natura hebetes addidisset oculos: Ita quidam essent pestilentissimi, si prauæ cupiditati accederet & ingenij vis, vt rationem quoque nocendi possint excogitare. Plin. l. 8. c. 23.

Vt basiliscus sibilo fugat omnes serpentes: Ita quidam adeo sunt pestilentes, vt alij ad illos collati, boni videantur, atque ultro cedant. Plin. lib. 2. cap. 21.

Vt qui hircosi sunt, grauius olent cum

cum se vnguentis oblectauerint : Ita fec-  
dior est nequitiae fama, si eam doctri-  
nae celebritas reddit magis conspicu-  
am, latiusq; traducat in hominum fa-  
bulas. Eras.

Vt Mithridati quotidie fumentum ve-  
nenum, consuetudine factum est in-  
noxium : Ita mala, quibus assueueris,  
non offendunt. Idem.

Spongiis adeo tenues sunt sensuum  
notae, ut multi dubitent animalia sint,  
necne : Ita quorundam is cultus est, is  
sermo, ea vita, ut dubites Christiani  
sint, an ethnici. Idem.

Salamandra tantum est rigor, ut ig-  
nem contactum non aliter quam gla-  
cies extinguat : Ita quidam citius ho-  
minem ad torporem adduxerint, quam  
ipsi ad honesta inflammentur. Plin. li-  
bro 10. cap. 67.

Porphyrus serpens venenum ha-  
bet, sed quoniam edentulus est, sibi  
habet : Ita quidam male cogitant, sed  
quod desit facultas, nemini nocent.  
*Vide Improbitas, & Visum.*

*Mariti officium.*

Imperium viri in uxorem non erit,  
cuiusmodi est domini in rem posses-  
sam : sed cuiusmodi est animi in cor-  
pus. Plut.

Vt qui non ferunt uxores secum  
edere, aut bibere, docent eas ingurgi-  
tare, maritis absentibus : Ita qui non  
communicant lusus, & iocos cum uxore,  
faciunt ut alibi quærant, insciis vi-  
ris. Plut.

Vt rex musicae studiosus complures  
reddit musicos, literarum studiosus  
doctos, aleator aleatores, rapax rapa-  
ces : Ita vir comptus similem efficit  
uxorem, voluptarius incontinentem,  
castus & sobrius castam & sobriam. Plut.

Vt sinistrarum partium ictus redun-  
dant in dexteris : Ita virum oportet  
uxoris incommodis commodisque  
commoueri, & contrahi. Plut.

*Mediocritas.*

Nauis in fluuio magna, in mari par-  
ua est : sic mediocres alibi, alibi viden-  
tur insignes. Senec.

Sicuti quasdam arbores fecunditas  
& luxuries enecat : Ita quosdam per-  
dit immodicus rerum successus. Eras.

Nilus fatem adfert Aegyptiis, si vel  
parum exundat, hoc est minus 12. cu-  
bitis, vel plus satis, hoc est ultra 18. Ita  
obstat ad bonam mentem fortuna vel  
nimium secunda, vel nimium maligna,  
hic egestate vexans, illic deliciis auo-  
cans ab honesto. Plin. l. 18. c. 18.

Vt nihil minus expedit, quam agrum  
optimè colere : Ita saepenumero inu-  
tilissimum est minus esse in negotio  
diligentem. Plin. lib. 18. cap. 6.

Apodes auiculæ, aut pendent vola-  
tu, aut iacent, propterea quod pedibus  
careant : ita quidam in utramque partem  
minus vehemens, aut nimium tumultu-  
antur negotiis, aut toti torpent ocio,  
nil medium est. Plin. lib. 10. cap. 39.

Lusciniis tantum est canendi studi-  
um, ut certantes emorianantur, spiritu  
citius deficiente quam cantu : Ita non-  
nulli literarum immodico amore va-  
letudinem extinguunt, & dum à nullo  
vinci volunt eruditione, pereunt in ip-  
so conatu. Plin. l. 10. c. 29.

Vino modico nervi & oculi iuuan-  
tur, eodem copiosiore laeduntur : Sic  
literis modicè gustatis adiuvatur vita,  
eodem laeditur, si quis immodicè in-  
cumbat. Eras.

Herba pota nervis nocet eadem fo-  
ris adhibita prodest : Sic Philosophia  
si penitus imbibas, nocet ad pietatem :  
si leuiter & veluti foris admoneas, pro-  
dest ad eruditionem. Plin. l. 24. c. 10.

Sicuti sal modicè cibis aspersus con-  
dit & gratiam saporis addit : Ita si pau-  
lulum antiquitatis aut ioci admiscue-  
ris, oratio fiet venustior : sic plus satis,  
nihil insuauius. Eras.

Gallus Phrygiæ flu. si modicè bibas medetur corporis malis, si immodicè, lymphatum animum agit : ita si Philosophiæ literas modicè attingas, profunt, sin totū te illius addixeris studio, sanitatem mentis auferunt, & inanis gloriæ furore quodam præcipitem agunt. Plin. lib. 31. cap. 2.

Notatus Protogenes, alioqui summus in pictura artifex, quodd nesciret manum tollere de tabula: ita quidam scriptores immodica diligentia peccant, quibus nihil vnquam satis emendatum videtur. Plin. lib. 35. cap. 10.

Vitis nisi subinde amputetur ipsa sua fecunditate & gracilescit & perit: ita cohibendum est immoderatū studium foelicibus ingeniis, ne parum moderato labore consumantur. Eras.

*Memoria.*

Vt libri, quos non euoluas, situ cohaerescunt: ita memoria euanescit, nisi subinde renoues. Senec.

Memoria similis reti, quod maiora continet: minuta transmittit. Eras.

Sicuti picis mirum est studium imitandi verba hominis, adeo vt in conatu nonnunquam emoriantur: ita nonnullis dulce ediscere preculas & psalmos, eosque subinde sonare, cum non intelligant. Eras.

Lupis quos ceruarios vocant, etiam in fame surrepit obliuio cibi, si modò respexerint, ac protinus alium querunt: ita nonnullis mox excidit, quod modò instituerant narrare, si interiectis verbis aliquot animū illorum aliò deuocaris. Idem.

*Mendacium.*

Quemadmodum araneæ ex se telas texunt: ita quidam ex seipsis comminiscuntur fabulas ac mendacia, cum nihil subsit veri. Plut.

*Mens.*

Vt Deus quo nihil est melius, minimè apparet: ita quod est in homine

optimum, nempe mens bona, maximè later. Eras.

*Meretrix.*

Quemadmodum echeneis siue remora piscis perpusillus (est autem magnæ limaci similis) quamuis magnam nauim velis ac remis incitatam subito sistit: ita scortulum aliquoties adamatum ingentes animi ad honesta impetus retinet alligatque. Eras.

*Metus.*

\* Vt innocens non is dicitur qui non nocet leuiter, sed qui nihil nocet: Sic sine metu is habendus est, nō qui praua metuit, sed qui omnino metu vacat. Cic. lib. 5. Tusc. quæst.

\* Omnium animos mala aliena ac repentina sollicitant, quemadmodum etiam inanis fundæ sonus territat: ita nos nō ad idū tantū exagitatur, sed ad crepitum. Senec. epist. 75.

Vt corpus non est capax voluptatū, nisi bene temperatum: ita animus non capit veram voluptatem, nisi liber metu, ac cæteris affectibus. Plur.

Vt flamma excitata vento, maior est ac vehementior, sed parum durabilis ac constans: Sic vehemens cupiditas ob metum adiunctum, incertam habet voluptatem. Plur.

*Mina.*

Sicut aliquando tonat sine fulgetris, idque tonitru terrorem habet: periculo vacat: ita quorundam minæ terrent, non nocent. Eras.

*Monachus.*

Si fuco alas ademeris, & in alueum reicias, is cæteris item fucis alas admittit: ita qui in monachorum tractu nassam, semel amiserint vitæ libertatem, alios quoque quos possunt, pertrahunt, ne melior sit aliorum conditio. Eras.

*Monarchia.*

Vt vnus Deus administrat vniuersa, sed quis sit optimus ac sapientissimus: ita



ita monarcha. res fit saluberrima, si detur Deo similis. Eras.

Vt plures apparere soles prodigium est: ita plures esse monarchas, aut imperatores. Idem.

*Morbi.*

\* Vt maior est vis animi quam corporis: Sic sunt grauiora ea quæ concipiuntur animo, quam illa quæ corpore. Cic. 2. Philipp.

\* Quem admodum oculus turbatus non est probè affectus ad suum munus fungendū, & reliquæ partes, reliquūque corpus cum à statu motum, officio suo ac muneri deest: Sic conturbatus animus, non est aptus ad exequendum munus suum. Munus enim animi est, ratione uti. Cic. lib. 3. Tusc. quæst.

\* Vt medici causa morbi inuenta curationem inuentam esse putant: sic non egritudinis causa reperta medēdi facultatem reperiemus. Idem, eod. lib.

\* Vt natura alius ad aliquem morbum procliuior: Sic animus alius ad alia vitia propensior. Idem, lib. 4.

Vt medica terra diu retinet semina propter asperitatem, vt serò emergūt. Ita morborum, ac dolorū causæ in hominibus aliquoties diu latent, donec voluptas in febrem erumpat. Plut.

Flosculorum odores per se parum efficaces, admixti oleo maiorem vim habent: ita morborum causæ si in corpus incidant, iam humoribus collectis abundant. Plut.

Qui malè affecto corpore, vitæ ratione morbum accersunt, ij quasi cœnum commouent. Plut.

Vt nautæ nimium onerātes nauem, deinde in exhaurienda sentina laborant: ita qui corpus onerat cibus, ac deinde clysteribus inaniunt. Plut.

Qui corpus ægrè affectū ad balnea ac voluptates trahit: quasi putrem ac laceram nauem deducit in mare. Plut.

Si ebrij comestatores irrumpant in

domum luctu funestam, non solum nihil adferent hilaritatis, sed ciuiatū potius excitabunt: ita voluptates in corpore ægro offendunt quoque. Plut.

Vt nautæ sereno cælo nonnihil laxant vela: cum est suspicio tempestatis, contrahunt: ita corpori rectè affecto nonnihil permittendum: contrā si quid timebitur morbi, cautiùs agendum. Plut.

Homines tantum pingues ac robusti durique similes sunt gymnasiorum columnis, vt dixit Arist. Plut.

Vt nauibus sentinæ plenis onus detrahendum: ita corporibus aggrauatis subducendus cibus ac potus. Plut.

Qui ita corpus exinaniunt pharmacis, vt peregrinis rebus expleant, ac magis noxiis: perinde faciunt, ac si quis expulsus è ciuitate Græcis, inducat Persas aut Scythas. Plut.

Magnus gubernator & scisso nauigat velo etsi exarmauit, tamen reliquias nauigij aprat ad cursum: Sic in corpore parum felici ac deficiente, tamē fortis animus sui similis est. Senec.

\* Confusus oculis profunt virentia, & quibusdam coloribus infirma acies acquiescit, quorundam splendore perstringitur: sic mentes ægras studia laxta permulcent. Senec.

\* Vt vlcera ad leuem tactum, deinde etiam ad suspicionem tactus condescent: Ita animus affectus minimis offenditur, aded vt quosdam salutatio, epistola, oratio & interrogatio ad litem euocent. Senec.

In nauē quæ sentinam trahit, vni aut alteri rimæ obstititur: sed vbi pluribus locis laxari cœperit, succurri non potest nauigio dehiscenti: ita in senili corpore aliquatenus fulciri potest imbecillitas: verum vbi totū collabi cœperit, nihil agitur remediis. Senec.

Vt putri & ruinam minanti ædificio non adhibentur fulturæ, sed circumspiciendum

spiciendum vt ex eas: ita defecto corpore demigrandum è vita. Senec.

Morbi corporis pulsu & coloreprehenduntur: corumque aduentum calor & lassitudo prænuntiat: animi morbos plerique non intelligunt esse morbos. *Vide suprà de Animo.*

*Mores.*

Vt qui variis tempestatibus huc & illuc iactatus est, nec tamen peruenit, non multum nauigauit, sed multum iactatus est: Sic qui diu vixit, nec proficit ad bonos mores, non diu vixit, sed diu fuit. Senec.

Vt apicula per omnia circumuolans, id quod est vile, domum adducit: ita studiosus ex vno quoque quod ad mores confert, excerpt. Plut.

*Morum similitudo.*

Vt succina paleas ad se trahunt, magnes ferrum, chrysocola aurum: ita quisque asciscit sibi suis aptum moribus. Eras.

*Morum diuersitas & dissimilitudo.*

Vt tigrides circumstrepentibus tympanis aguntur in rabiem: ita quæ bonas mœurs compescunt, feras & agrestes irritant & efferant. Plin.

Bion inquit, quemadmodum quicquid paxillo appenderis, id accipit sustinetque: ita quibusdam quicquid suaseris, admittunt, quicquid imposueris, ferunt. Plin.

Vt inter tot hominum milia nullæ facies sunt per omnia similes, nec vllæ voces: ita suum cuique ingenium est, suus cuique mos. Eras.

Ferula solis asinis gratissimum est pabulum, cæteris animantibus præsentaneum venenum: ita sæpe quod alios offendit, aliis voluptati est. Plin. lib. 24. cap. 1.

Vt rem eandem diuersa specula variè reddunt, pro forma speculorum diuersa: Sic idem factum, diuersi variè

interpretantur pro animorum varietate: quod huic magnum est, illi paruum: quod huic pulchrum, illi fœdum erit. Eras.

Sicui lusciosi non cernunt nisi proximè admota, contrà senes non nisi longiusculè dissita: ita quidam diuer, so laborant morbo. Nam hic negligie amicorum res, neque curat, nisi quod propriè ad suum pertinet negotium, contrà alij suarum rerum negligentes in alienis tantum sapiunt. Idem.

Aiunt igne Chimææ montis semper ardentis, aqua accendi, sæno restingui: ita quosdam quò magis ores, minus commoueas: si dehorteris, vltro volunt. Plin. lib. 2. cap. 106.

Vt gagates aqua infusa incenditur, oleo restinguitur: ita quidam quò magis roges, magis frigescunt: si negligis, vltro capiunt: Aut sunt quos officiis alienes, neglectu prouoces ad amorem. Plut. lib. 36. cap. 19.

Apud Troglodytas lacus est, qui rex in die sit amarus aut salus, ac rursum dulcis, totiesque etiam nocte, vnde & infans dictus: Sic quidam inæquales, nunc asperi, nunc sunt blandi, aliquando profusi, mox sordidi, iam vehementer amant, iam supra modum oderunt.

*Morum in melius mutatio.*

Non vt Cæneus subito è muliere factus est vir optando tantum: Sic repente ex improbo viro: probus euadit quispiam, vt qui cubitum abiit stultus, surgat sapiens. Plut.

Vt aquæ salinæ, pluuia incidente, dulciores sunt cæteris aquis: ita meliores solent esse, quos è diuersa vita mutauerit diuinæ gratiæ influxus, veluti Paulus. Eras.

Sicut Aminea vina senio sunt meliora: ita quidam in iuuenta solutiores aut asperiores, etate & vsu rerum sunt mitiores. Idem.

*Morum mutatio in pueris.*

Est Indiæ gens dicta Pandorum, quæ in pueritia cano sit capillitio, in senectâ nigrescunt capilli: ita nonnulli primis annis sobrii ac modesti, grandiores iam ad nugas & ineptissimas voluprates abiiciunt sese, & quasi puerascunt. Plut. lib. 7. cap. 2.

Hypanis fluuius, Scythicorum amnium princeps, per se purus & dulcis circa Callipodas Exampeo fôrte amaro inficitur, atque ita dissimilis sui in mare conditur, de quo quidem est illud Solini elogium: Qui in principiis eum norunt prædicant: qui in fine experti sunt, non iniuria execrantur: ita quidam initio blandi & amici, postea longè dissimiles sui reperiuntur.

*Mors.*

Vt nemo miratur liquefactum, quod potuit liquecere, sectum quod erat sectile, exustum quod exustibile: ita mirandum non est mortuum esse, qui erat mortalis. Plut.

Quemadmodum mutuata pecunia æquo animo reddenda est: Sic vitæ munus quod mutuo accipiemus à diis, citra querimoniam est reponendum. Plutarch.

Accensam lucernam nemo molestè fert, extinctam dolent omnes: ita nasci iucundum, mori inamabile. Plutarchus.

\* Quemadmodum clepsydra non extremum stillicidium exhaurit, sed quicquid ante effluxit: sic vltima hora qua esse desinimus, non sola mortem facit, sed sola consummat. Senec.

Vt qui se meminerunt inquilinos esse, & in conducto habitare, & modestius se gerunt, & minus grauiter exeunt: ita qui intelligunt domicilium corporis ad breue tempus à natura commodatum esse, & viuunt temperantiùs, & libentiùs moriuntur. Sen.

Supra modum deditus vino, faciem

quoque exorbet: Sic admodum vitæ audus, qui ne extrema quidem senectâ vult mori. Senec.

Vt felicior est, quem ventus acrior citò in portum pertulit, quàm quem venti segnes, & longa tranquillitas lentissimo tædio delassarunt: ita fortunatior, quem festina mors statim his vitæ malis eximit. Senec.

Ignis qui valentem materiam occupauit, aqua, & interdum ruina extinguendus est: ille qui alimentis deficitur, sua sponte subsidit: Sic facilis est mors senum. Senec.

Gladiator tota pugna timidissimus, cum moriendum est, fortiter aduersario iugulum præstat, & errantem gladium sibi attemperat: Sic mors admota etiam imperitis animum dedit, vt præsentem fortiter ferant, qui cum procul abesset, formidabant. Senec.

*Mulier.*

Vt nemo sentit, qua parte stringat calceus, nisi qui indutus est: ita nemo nouit ingenium mulieris, nisi qui duxit vxorem. Plut.

Muta cicada & miraculo est, quod ipsum genus sit garrulum: sunt autem huiusmodi in agro Rhegino: Sic magis admiramur constantiam & silentium in foemina, quod ipsum genus mutabile sit & loquax. Plut. lib. 11. c. 27.

*Mundi contempsus.*

Vt mare grauida, minus laborat & in gestatione, & in partu: ita si rem honestissimam animo conceperimus, minore negotio consequemur quàm stulta quædam oblectamenta. Et qui mundi præmia non sequuntur, minore dolore margaritum illud Euangelicum sibi parare poterunt. Eras.

*Munus.*

Vt bilanx in eam vergit partem, unde plus accipit: Sic quidam nunc huic nunc illi fauent qui plurimum det, non cuius causa sit optima. Eras.

*Musica.*

*Musica.*

Vt quidam magnetes ferrum attrahunt, at theamedes qui in Æthiopia nascitur, ferrum abigit, respuitque: ita est musices genus, quod sedet affectus: est, quod incitet. Eras.

## N.

## NATURA.

**Q**uemadmodum ex eodem luto licet fingere animantia, ac rursum confundere, atque continenter aliud ex alio facere: Sic natura ex eadem materia genuit maiores nostros: his extinctis, nos deinde alios atque alios. Plut.

Qui de natura queritur, quod quædam genuerit homini noxia dissimulatis tot bonis, perinde facit ac si quis Nilum calumniatur alioqui frugiferum Ægypto, quod crocodilum habeat, aut aspidem: nec postea velit frui prognatis frugibus, sed tantum queratur de venenis, quæ nutrit. Aut si quis in copiosa oratoris oratione, quæ multis exuberet virtutibus, de pauculis vocalis temerè illapsis cauilletur. Plut.

Bos ad aratrum adhibendus, equus ad currus, ad venatum canis, inquit Pindarus: Sic quisque debet eam vitæ rationem capescere, ad quam natura sit appositus. Plut.

Vt talpæ quod parum aut nihil cernant, liquidius audiunt: ita natura paria facit, dum quibus corporis formam negauit, his animi vigorem confert. Plut. lib. 10. cap. 69.

\* Vt naueum & ædificium idem destruit facillimè qui construxit: Sic hominem eadem optimè, quæ conglutinauit natura dissoluit. Cic. in Catone maiore.

\* Vt in ædificiis architecti auertunt ab oculis naribusque dominorum ea quæ profluentia necessario tetri essent

aliquid habitura: Sic natura res similes procul amandauit à sensibus. Cic. lib. 2. de nat. deor.

*Natura peruersa & inconstans.*

Vt Camelopardalis siue Nabis collo refert equum, pedibus & cruribus bouem, capite camelum, maculis tigrim aut pardum: ita quidam inæquales sibi varias hominum formas expra-munt, si cultum inspicias, sanctum aliquem existimes, si orationem audias, satrapam loqui putes, si vitam expendas nebulonem inuenies, si scripta bubulcum. Plin. lib. 8. cap. 18.

*Negotium.*

Vt citius fatigatur, qui quàm longum sit iter nescit: ita minore tædio rem gignit, cui negotij ratio, modusque præcognitus sit. Eras.

Vt labyrinthos non oportet ingredi sine filo, quo securus possis redire: ita non est suscipiendum negotium, nisi prius perspecta ratione qua te possis inde rursus explicare. Idem.

Sicuti laboriosius est inanem iactare manum, quàm saxo aut plumbolibratam: ita molestius est, in nihili rebus operam sumere, quàm in arduis versari negotiis. Idem.

Vt qui locis æqualibus ambulant, magis defatigantur, quàm qui inæqualibus: ita laboriosius est semper eadem aut similia repetere, quàm in variis versari negotiis. Idem.

In Campania vites populos amplexx, ipsa æquabant cacumina, adèd vt vindemiator togum ac tumulum exciperet: ita qui in arduis versantur negotiis, periculi meminisse debent. Idem.

Vt oscitant permulti, quod oscitantem conspiciant, & micsturiunt, quod meientem viderint: ita quidam nullo certo iudicio ad suscipienda negotia permouentur, sed quiduis in aliis imitantur ac referunt. Idem. Vide Labor.

*Nobilitas.*



*Nobilitas.*

Vt fugitiuis ab altaribus ac templis reuulsis, nihil superest præter mortuorum sepulchra: Sic qui vera suâq; gloria destituti, maiorum imaginibus conferunt sese. Plur.

Vt lampyrides non sunt conspicuæ, nisi noctu aut in obscuro: ita quidam non sunt illustres, nisi inter humiles & idiotas, obscurantur autem inter egregios. Eras.

Minimi cancri, quos pinnoteras vocant, quò tutiores sint inanum concharum testis se conduunt, & cum accreuerint, migrant in capaciores: ita quidam maioriu suoru titulis tumentur sese, cum suis dissideant virtutibus. Pli.

*Nouitas seu curiositas.*

Vt coci optant pecorum prouentû, piscatores piscium: Sic curiosus malorum, nouarum rerum commotionem, ut habeat quod venetur. Plur.

Vt sele prætercurrente, tollunt è medio obsonia: ita apparente curioso vertunt institutum sermonem, donec abierit, ut minus iam norit reru quam ceteri. Plur.

*Nouitas vitanda.*

Vt cibi, potus, cœlique nouitas offendit, etiam si mures in paria, aut in aliquanto meliora: ita præstat ferre principem, aut magistratus pristinos, quam novos asciscere, quia omnis rerum nouatio non careat perturbatione. Eras.

Vt plus est periculi corporibus nostris vere & autumno, ob mutatione: ita nouitas omnis offendit, ac lædit Rempublicam. Idem.

*Nominum mutatio.*

Vt sunt flumina quædam, quæ cum eadem sint, diuersis locis diuersa fortuntur nomina: ita quædam res in alio homine, variis nominibus mutantur: velut fastus in principe splendor appellatur, in priuato superbia. Eras.

*Nota gratissima.*

Vt maiore cum voluptate cantione audimus notam, quam ignotam, etiâ si melior sit: Ita iis literis impensius vulgus delectatur quas didicit. Eras.

*Nuge.*

Vt Apion Homerum ab inferis euocatum, nihil aliud interrogauit, quam quibus parentibus genitus esset: Sic quidam grauissimorum virorum consilio conuocato, de meris nugis consalunt. Plur. l. 30. c. 2.

*Numerus.*

Quo maius est animal, hoc minus est fecundû, minuta numerosi fetus sunt adeo ut acanthis minima auicula duodenos pariat pullos: ita quæ minus valent pondere, numero sunt pensanda. Eras.

*O.**OBIURGATIO.*

**V**T Telephi vulnus eadem hasta sciatum est, quæ vulnus infllexerat: ita vulnus obiurgationis ab eodem sanabitur, qui fecit. Plur.

Vt qui sacris initiatur, perferunt primos illas insultus spe securæ dulcedinis, ac lucis: idem faciendum iis, qui à philosopho obiurgantur. Plutarchus.

Vt bonus medicus mauult morbo mederi somno ciboque, quam scammonio aut castorio: sic amicus, pater, præceptor magis studet laude corrigere, quam obiurgatione, si liceat. Plur.

Pharmacum non adhibitum in loco, dolet absque fructu: Sic obiurgatio nō ut debet admota. Atque idem facit amicus cum molestia, quod adulator cum voluptate. Lædit enim vterque. Plur.

Vt austeri remedia, sed necessaria, leuant quidem ægrotantes, sed offendunt & inficiunt sanos: Sic acris ob-

obiurgatio vitio medetur, probos offendit. Plur.

Quemadmodum medicus, ubi secuit carnem, non statim deserit factum, sed rigat ac lenit: sic qui acrius obiurgauit, debet reliqua vitæ consuetudine lenire eam molestiam. Plur.

Vt statuarij primùm ictibus incidunt lapidem, postea poliunt atque æquant: Sic amicus obiurgationem lenitate mitigabit. Plur.

Medici pharmacis amaris dulce non nihil admiscet, vt alliciant: Ita parentes obiurgationis asperitatem lenitate debent mitigare. Plur.

Qui in rebus leuiculis acriter obiurgat amicum, perinde facit, ac si medicus amarum & acre pharmacum ac sumptuosum in leuissimis morbis passim admoveat. Plur.

Quædam gemmæ aceto macerata nitescunt, pleræque melle decoctæ: ita quosdam meliores reddit acris obiurgatio, quosdam admonitio blandior. Eras.

Vt elleborum si parcius sumas, magis offendit, nam inhæret visceribus, inficitq; corpus: sin copiosius, erumpit celerius: ita non est obiurgandus amicus, nisi ea vehementia, quæ vitio liberet illius animum. Nam leuior ex postulatio, contristat amicitiam nullo fructu. Plin. l. 25. c. 5. in fin.

\* Vt elleborum, tametsi efficax, tamen medici verant dari senibus, aut pueris, aut exulibus: ita admonitio sic est temperanda, vt ferre possit quem velis emendare: nec solum spectandū est vitium, sed natura quoq; eius, cuius vitio studeas mederi. Plin.

Herbæ salutare consuetudine perdunt medendi vim: ita admonitio, si assidua sit, non emendat assuetum iam obiurgationibus.

Vt prærniones & facit & tollit frigus: ite ignis ambusta sanat: ita amici

obiurgantis oratio, dolori quem fecit eadem medetur. Eras.

Vt qui coguntur secare, malunt ære secare, quàm ferro, quòd hoc pacto vulnus sit sanabilius: ita qui cogitur obiurgare quempiam, ita moderabitur orationem, vt ipsa in se non nihil admisceat occultæ medelæ. Idem.

*Obliuio.*

\* Obliuisci quidem suorum, ac memoriam cum corporibus efferre, & effusissimè flere, meminisse parcissimè, inhumani est animi: Sic aues, sic feræ suos diligunt, quarum concitatus est amor, & penè rapidus, sed cum amicis totus extinguitur.

\* Lupis quos gregarios vocant, etiam in fame surrepit obliuio cibi, si modo respexerint, ac protinus alium quarunt: ita nonnullis mox excidit, quod modo instituerant narrare, si interiectis verbis aliquot animum illorum aliò deuocaris. Plin.

Lynceæ clarissimè omnium animalium cernunt, sed mira illis obliuio rei ab oculis semotæ: ita quidam acri ingenio, sed obliuiosi. Eras.

\* Vt quod in maiore negotio chalybi aut marmori insculperis durat diutius: ita quod maiore studio discimus nunquam obliuiscimur. Idem.

*Obscenitas.*

Vt celerius inebriantur qui dilutrum bibunt, quàm qui merum: Ita citius inficiunt animum quæ sobrietatis aliquid habent admixtum, quàm quæ simpliciter obscena sunt. Nam à vehementer obscenis refugit animus, contrà illa blandiuntur aliqua virtutis specie.

*Ocasio.*

Morus nouissima omnium germinat, & tamè parit inter primas: ita qui tempus idoneum opperiantur rei cõficiendæ, etiam si serius cæperint, tamen maturius cõficiunt. Plin. l. 15. c. 24.

Apes

Apes peragunt opus suum non statis diebus, sed quoties cœli commoditas inuitat: ita suo quæq; tempore rapienda est occasio. Plin. l. 11. c. 7. & 10.

Persica ob id ipsum pluris veniunt quod non durarent, nisi in triduum: Ita auidius rapiendum quod citò præteruolat, ut iuuenta. Eras.

*Ocinus.*

Vt Herculem parum decebat, exuto leonis exuuiio, vestis Mileſia, cum seruiret Omphalæ: sic parum decorum civili viro deposita quam gessit persona ad otiosam, ac voluptariam vitam se conferre. Plur.

Apodes auiculæ, aut pendent volatu, aut iacēt, propterea quod pedibus careant: Ita quidam in veranq; partem nimis vehementes, aut nimium tumultuantur negotiis, aut toti torpent otio: nihil medium est. Plin. l. 10. c. 39.

*Odiū.*

Ex festuca incensa, aut lucerna neglecta domi nonnunquam conflagrat vrbs tota: sic ex priuatis odiis, ac dissidiis publica perniciēs oritur. Plur.

Subduc materiam, extinguetur ignis: subduc occasionem, conquiescet, odium, siue inuidia. Plur.

Vt vitis refugit brassicam, quercus abhorret ab olea, multo magis autem à nuce iuglande (Nam vitis cum omnia complectatur, solam brassicam declinat: quercus si in scrobem oleæ depacta fuerit, emoritur eadem: & iuxta nucem iuglandem inarescit.) Sic inter quasdam nationes naturale dissidium est, ut nullo pacto queant coalescere concordia: ut inter hos ferè, quos mare, aut Alpes diremerunt. Eras.

Qui ex balneo calent, vehementius frigescunt, & aqua frigidior esse solet, quæ prius caluit: ita vehementius sese oderunt, qui prius fuerunt amici: & sceleratiores sunt, qui à pia vita ad impiam se transtulerunt. Idem.

\* Iuglans crepitu prænunciat se frangi, ut fugere liceat, priusquam fiat ruina: ira quidam non lædunt, nisi prius ostendant se infensos: alij prius læserunt quàm expostulerent. Idem.

Vt inter animantium genera occulta quædam sunt dissidia, cum nulla appareat dissidij ratio, velut aranæ & serpenti, formicis ac foricibus, trochilo & aquilæ, aliisque compluribus: ita sunt qui illam aut illam oderint gentem, cum nesciant, quamobrem oderint. Quidam odere rhetoricem, aut Græcas literas, cum hoc ipsum ignorent quod oderunt. Plin. lib. 10. c. 74. & Aristot. lib. 9. cap. de natur. anim.

Vt carboni semel exusto suffocatur, quæ, si denudò flagret, maior est vis: ita semel sepositum odium, si rursus excandescat, acrius est. Eras.

*Oeconomia.*

Duabus vocibus simul sonantibus, grator sit concentus: ita quicquid sit in familia, sit quidem vtriusque cōsensu, sed tamen arbitrio mariti. Plur.

Qui venenis piscatur, faciliè interimit, & tollit piscem, sed corruptum & malum: sic quæ philtris captant maritos, stupidos habent & inutiles. Plur.

Vt vinum appellatur, etiam si maior aquæ pars sit admixta: ita domus mariti dicetur, etiam si mulier plus contulerit. Plur.

*Offense.*

\* Vt medici eas febres, quæ ab incertis causis paulatim collectis eueniunt, magis suspectas habent & timeant, quàm quæ manifestas magnasque causas habent: sic latentes plerumque paræque & frequentes ac quotidianæ viri atque vxoris offensæ magis eos disungunt, & vitæ consortium labefaciunt. Plur.

Ter nouenis crabronum ictibus interfici hominem existimant: ita offensa tametsi per se non capitalis, tamen

men sapius iterata capitalem parit inimicitiam. Plin. lib. 11. cap. 21.

*Officium.*

\* Vt nec medici nec Imperatores, nec oratores, quamvis artis præcepta perceperint, quicquam magna laude dignum sine usu & exercitatione consequi possunt: Sic officij conseruandi præcepta traduntur, illa quidem, vt faciamus ipsi. Cic. lib. 1. Offic.

\* Quemadmodum leges omnium salutem singulorum salutem anteponunt: Sic vir bonus & civilis, officij non ignarus, vtilitatem publicam magis quam priuam curat. Idem, lib. 3. de finib.

\* Quemadmodum qui iaculari discit, destinatum locum captat, & manum format ad dirigenda quæ mittit cum hanc vim ex disciplina & exercitatione percipit, quocumque vult illa vitur: didicit enim non hoc aut illud ferire, sed quodcumque voluerit. Ita qui se ad totam vitam instruxit: non desiderat particulatim admoneri, doctus in totum, non quomodo cum vxore & liberis viuat. Si quid oculis oppositum moratur aciem, remouendum est, illo quidem non abiecto. O. peram perdidit qui præcepit, sic ambulabis, illud manum porrigens. Eodem modo vbi aliqua res obsecat animum, & ad officiorum ordinem inspicendum impedit, nihil agit qui præcipit, sic viues cum patre, sic cum vxore. Seneca epist. 95.

*Officium.*

Vt momus tauri opificem Deum carpsit, quod non proposuisset oculos cornibus, vbi maxime erat opus: ita perperam faciunt, qui coronas in vertice ponunt, cum sub naribus magis apponi conveniat: vt plurimum voluptatibus ex odore possint haurire. Erasmi.

*Oratio.*

Vt balnei non purgantis: ita nec

sermonis vlla est vtilitas.

Vt freno circumagitur equus, vt clauo naui: ita oratione ducuntur homines. Plur.

Vt lumen, ita nec oratio vlli prodest, nisi volentibus accipere. Idem.

Qui coronas necant, bellissima quærun, non vtilissima: At Apes etiam amarissimo thymo insidunt atque inde mellificium colligunt: Sic oportet auditorem non flosculos orationis voluptatis causa sectari, sed vim sententiarum & vtilitatem. Idem.

Vt athletis amphorides adduntur contra plagas: ita pueris focalibus magis est opus aduersus pestilentem orationem. Idem.

Non conuenit, vt in tonsina surgens, ad speculum contempleris te ipsum, num recte sis curatus: Ab oratione discedens, non expendas, num melior sis factus, aut deterior ex auditio. Idem.

Facile est demoliri, quod alius extruit: at difficillimum, idem aut melius aliquid extruere: ita aliorum orationem reprehendere in proclui est, at eodem modo melius dicere, non est perinde facile. Idem.

Non sic ad audiendum est accedendum, vt velis inungi & oblini fucis, quo nitidior fias, sed gratiam habeas, si velut aluere, acri fumo, sic ipse mordaci sermone purgeris animo, qui cæcipientis & lippitudinis est plenus. Erasmi.

Vt ægrotus non querit medicum disertum, sed sanandi peritum: Sic & philosopho non requirimus orationem phaleratam. Seneca.

\* Vt Leonum animaliumque impetus caueis coercetur: Sic hominum, quorum maxime in seductu orationes sunt, ita tamen delituerint vt vbiunque homo otium suum absconderit, prodesse velit singulis & vniuersis, in-



genio, voce, consilio. Senec.

Vt in vita, sic in oratione, nihil est difficilius quàm quid deceat videre. Cic.

\* E voce agnoscimus hominem, facie non conspecta, nam sua cuiq; vox: ita ex oratione licet hominis vitam coniectare. Erasmi.

Vt idem sol ceram liquefacit, & lumen indurat: ita eadem oratio alios reddit meliores, alios deteriores pro ingeniorum varietate. Erasmi.

Vti magnes non quidvis ad se trahit, sed ferrum duntaxat, cum sint alia multò leuiora: ita quorundam oratio non mouet omnes, sed iam propensos, ad id quod illi suadent. Idem.

*Orationis virtutes.*

\* Vt mulieres ideo bene olere, quia nihil olent, videntur: ita hoc ipso est ornatus oratio, quod ornamenta negligat. Cic.

Qui statim orationis ornatum requirit, perinde facit, ac si quis nolit antidorum bibere, nisi vas sit adductum ex Atticæ Veneris figulina: nec in hyme vestem induere, nisi quæ lanam habeat ouium Atticarum. Plut.

Qui bibunt, ubi iam desierint sitire, tum poculi sculpturâ contemplantur: Sic in oratione, primùm animaduertendum, quàm salutare sit quod dicitur: deinde si vacat, quid sit elegans aut nitidum, considerare licet. Plut.

Vt ridiculus sit cantor, qui rem grauem Lydiis efferat modis: ita ridiculus qui de iis, aut rectè viuendo verba faciens, rhetoricis lasciuiat flosculis. Plutarch.

Vt iuxta vias asperas ac salebrosas violæ flosculiq; nonnunquam occurrunt: ita in oratione infacunda nonnunquam & sententiæ & figuræ incidunt dignæ quæ laudentur. Plut.

Non idem finis sermonis, qui cursus, iuxta Sophoclem: nam illic vincit qui præuenit, hic qui magis ad rem

dixit, non qui celerius: imò vincit sæpe, qui posterior dicit. Plut.

Sicuti sal modicè cibis aspersus condit, & gratiam saporis addit: ita si paulum antiquitatis, aut ioci admiscueris, oratio fiet venustior: si plus satis, nihil insuauius. Erasmi.

Musici leui chordarum tactu demulcent, non graui pulsu: Sic oratio placidè, citius quàm aspera mouet populum. Plut.

In vite quicquid per amputationem adimitur materiæ, id fructibus additur: ita qui reciderit curas superuacaneas rerum sordidarum, plus valebit in rebus seriis & grauibus: Aut quo minus est verborum, hoc grauiore sententiæ. Erasmi.

Vt laudatur in hoc Timanthes, quod in omnibus eius operibus plus semper intelligitur, quàm pingitur: ita optimum orationis genus, in qua plurima cogitationi relinquuntur, pauca narrantur, & plus inest sensuum quàm verborum. Plin. lib. 35. cap. 10.

*Orationis vitia.*

\* Quomodo conuiuiorum luxuria, quomodo vestium, ægræ ciuitatis indicia sunt: Sic orationis licentia (si modò frequens est) ostendit animos quoque, à quibus verba exeunt, procidisse. Senec. epist. 115.

Quemadmodum in iis, quæ ad tibiam canuntur, multa fallunt ac suffugiunt auditorem errata: ita in oratione phalerata, multa inepta dicta fallunt auditorem, ob phaleras & fucos orationis. Erasmi.

Qui abigit homines cesto veneris, à Venere videtur alienus: Sic qui oratione molestus est, & reddit inimicos, à musis est alienus, & viuendi ignarus. Quandoquidem oratio ad conciliandos homines est reperta. Plut.

Qui castam ac philosophicam orationem meretriciis ac sophisticis laudibus

ribus prosequuntur, perinde faciunt atque ij, qui athletam liliis aut rosis coronent, non lauro aut oleastro. Plur.

Vt aues subuentaneos concipiunt foetus: sic inutilis oratio accepta, nec inhærens, sed protinus in auras dissipatur. Plur.

Quemadmodum medici quod doctiores videantur, diuersas rerum species ex diuersis mundi partibus petitas, inter se commiscunt: ita quidam ostentatores orationem parum eruditam videri credunt, nisi ius Cæsareum ac Pontificium, poetas, oratores, philosophos, sophistas simul commiscuerint, & pluribus authoribus, ac literis confarcinauerint, quàm Mithridaticū ferunt fuisse concinnatum. Id constat quinquagintaquatuor diuersis rerum generibus. Eras.

Vt quod nulla vi efficias, id aliquoties sit herbæ succo, si modò quem oportet, adhibeas: ita quosdam magis promoueris apta, quàm violenta oratione. Idem.

Vt pharmacopolæ bracteis aureis tegunt remedia quædam, quò pluris vendant: Ita qui lenocinio verborum nihil ad rem pertinentium, rem commendari putant. Idem.

Tilia cum habeat corticem ac folia dulcia, tamen fructum eius nullum animal attigit: ita quorundam oratio blanda, gratæque & composita, sententiarum nullus fructus. Plin. lib. 16. cap. 15.

Vt buxus semper quidam viret, sed alioqui & odore noxia, & semen habet omnibus inuisum animantibus: ita quidam præter orationis gratiam nihil adferunt non fugiendum. Plin.

*Orator.*

\* Vt qui pila ludunt etiam si non videntur in ipsa lusione artificio proprio palæstræ, sed indicat ipse motus didicerintne palæstram, an nesciant,

& qui aliquid fingunt, & si rum pictura nihil videntur, tamen utrum sciant pingere, an nesciant non obscurum est. Sic in dicendo facillè declaratur, utrum is qui ad dicendum prodit omnibus ingenuis artibus instructus sit, nec ne. Cic. l. 1. de Orat.

\* Sicut medico diligenti priusquam conetur ægro adhibere medicinam non solum morbi eius cui mederi vult, sed consuetudo valentis & natura corporis cognoscenda est: Sic equidè cum aggredimur ancipitè causam & grauem, ad animos iudicum pertractandos, omni mente in ea cogitatione curæque versari debemus, ut odorari quàm sagacissimè possumus, quid sentiant, quid existiment, quid expectent, quid velint, quò duci oratione facillimè posse videantur. Idem. lib. 2.

\* Vt nulla materies tam facilis ad exardescendum est quæ nisi admoto igne ignem concipere possit: Sic nulla mens est tam ad comprehendendum vim oratoris parata, quæ possit incendi, nisi inflammatus ipse & ardens ad eam accesserit. Idem, eod. lib.

\* Vt in Græcis artificibus aiunt eos aulædos esse qui citharædi fieri non potuerunt: Sic nonnullos videmus qui oratores euadere non potuerunt, ad iuris studium deuenire. Idem pro Murena.

Vt signa quædam argillacea summo in pretio fuerunt, ob admirationem artis: ita nonnunquam res humilis ac nihili ingenium oratoris commendat. Eras.

Facilius insculpes gemmis, quæ volles, si terebra ferueat: Ita magis mouebit orator, si non solum acriter dicat, sed ferueat, & amet id quod laudat, oderit quod vituperat. Idem.

*Offensatio.*

Vt oua plena fidunt, inania fluitant: Ita qui veris virtutibus aut literis est

præditus, minus ostentat se, quam qui secus. Eras.

Animantia quibus longa sunt crura, iisdem longum sit collum oportet: ita qui magno strepitu student vivere, longius rapiant necesse est, vnde superat sumptus. Idem.

Chamæleon maximum habet pulmonem, & nihil aliud intus: ita quidam præter ostentationem, & ventosam iactantiam, nihil habent. Plin. libr. 11. cap. 32.

Quemadmodum medici quo doctiores videantur, diuersas rerum species ex diuersis mundi partibus petitas inter se commiscunt: ita quidem ostentatores orationem parum eruditam videri credunt, nisi ius Cæsareum ac Pontificium, poetas, oratores, philosophos, sophistas simul commiscuerint, & pluribus authoribus, ac literis confarcinauerint, quàm Mithridaticum ferunt fuisse concinnatum: id constabat quinquagintaquatuor diuersis rerum generibus. Eras.

Vt non est optima imago, quæ materia testatur opes locatoris aut artem pictoris, sed quæ rem proximè representat: ita optima est eloquentia, quæ non ostentat ingenium dicentis, sed rem aptissimè ostendit. Idem.

Sicuti terra quæ venas aquarum occultat, nebulam quandam exhalat ante solis ortum, longius intuentibus: ita qui verè boni sunt, & eruditi, etiam si non ostentent, tamè semper aliquid ex se produunt, vnde qui obseruer, deprehendere possit subesse vim boni. Idem.

Vt sol quo magis in alto est, hoc minores iacit umbras, quo terræ propinquior, hoc maiores, puta mane ac vesperi: Ita virtus quò maior est, & excelsior, hoc minus videri cupit minùsque sese ostentat, contrà qui minus ipsa se valent magis sese dila-

tant ostentatione. Idem. *Vide Fastus & Superbia.*

## P.

## PARENTES.

VT scorpium non tantummodo putandus est habere aculeum, cum ferit, sed semper est obseruandus: ita malis prognati, etiam si non peccent, tamen venenum habent. Plur.

Vt pisces in mari nati, educatque, nihil tamen sapiunt salis marini: ita quidam inter barbaros geniti, & educti, longè absunt ab omni barbarie. Eras.

*Parfimonia.*

Templum Ephesæ Dianæ tutos reddebat obzatos à creditoribus: at multò magis frugalitas, & parfimonia præbet asylum. Plur.

Vt in conuiujs temperamus ab appositis cibis, quo locus sit lauitiis, quas expectamus: ita quotidianà parfimonià præmuniendi sumus. Plur.

Plato vetat aquam à vicinis petere, nisi prius domi foderis vsque ad terram, quam Ceramitidem vocant, repereris: quod non esse spem venæ: ita prius excutiendum, vt parfimonia, aliàve via tibi suppedites, priusquam à mensariis pecuniam mutuam petas. Plur.

*Patientia.*

\* Ille magnus & nobilis est, qui more magnæ feræ latratus minorum canum securus obaudit. Sen.

\* Pusilli hominis est, & miseri, repetere mordentem, vt mures & formicæ, ad quas si manum admoueris ora convertunt. Imbecilla se lædi putant, si tanguntur. Idem.

*Pauia.*

\* Vt tauris naturâ datum est, vt pro vitulis contra leones summa vi impetûq; contendat: sic ij qui valent opibus, atq; id facere possunt, ad seruandum genus humanum naturâ incitantur. Cic. l. 3. de finib.

\* Quem-

\* Quemadmodum aliqua vestis sapientiae ac probi viro magis conuenit quam alia, nec vllum colorem ille odit, sed aliquem purat parum aptum esse frugalitatem professio, sic regio quoque est quam sapiens vir declinet, tanquam alienam bonis moribus. Seneca epistol. 52.

Vt pisces in mari nati educatq; , nihil tamen sapiunt salis marini: ita quidam inter barbaros geniti & educti longè absunt ab omni barbarie. Eras.

*Paupertas.*

Vt qui vestes flagellant, corpus non attingunt: sic qui generis vitium aut paupertatem exprobrant, non propriè tangunt ipsum hominem, sed externa calumniantur. Plur.

E corporis morbo quidam hoc excerpunt commodi, quod vacant negotiis quibus distringebantur, & quosdā labores obiecti reddidere validos: sic quibusdam exilium, paupertas, naufragium, occasio fuit philosophandi. Plur.

\* Quemadmodum qui pedibus suis poterit iter conficere, ascendere tamen vehiculum mallet: sic pauper si poterit esse diues, volet, & habebit utrique opes, sed tanquam leues & auolaturas: nec vlli alij nec sibi graues esse patitur. Senec.

Vt vasa paria, quorum alterum plenum sit, alterum inane, pullata concētum faciunt *diā pūm*: ita bene conuenit inter diuitem benignum & pauperem indignum. Eras.

Qui in altis sunt specubus, à fulmina non feriuntur: ita infima fortuna tutissima est. Eras.

Dracones exugentes sanguinem elephantorum occidunt eos: & ipsi vicissim inebriati opprimuntur ac commoriuntur: ita saepenumero in bello, pars vtraq; & perimit & perit, damnū dat & accipit. Plin. l. 8. c. 12.

*Pax.*

Quædam remedia tristiora sunt ipso morbo, ut satis sit oppetere mortem quam his aucupari salutem: velut sugere sanguinem è vulnere recenti gladiatorum morientium: ita quandoq; satius est ferre iniuriam quam maiore incommodo vlscisci: ferre pacem, etiam si parum commodam aut æquam, quam bellum cum immensis malis suscipere. Eras.

*Peregrinatio.*

Qui eos felices ducunt, qui per omnia vagantur maria terráq; , perinde faciunt, ac si quis stellas erroneas iudicet fortunatiores fixis, quanquam illis quoq; suus orbis est, in quo voluantur, nec soli licet suos egredi fines. Plur.

Quemadmodum formicæ si semel antro, & apes si semel aluearibus eiici contingat, peregrinantur: ita quidam si semel patriam exeant, exules se putant. Plur.

Vt cochleæ semper domum suam secum circumferunt: ita quidam horrent peregrinas regiones. Plur.

Vt aspalacus non nisi apud Boëtios viuit ubi nascitur, aliò translatus perit: ita quidam peregrè viuere non possunt, nulla instructi arte. Eras.

Tarandus omnium arborum, & fruticum, locorūque in quibus latirat, colorem villis etiam imitatur: ita tutor erit, qui ad quamcunque gentem se contulerit, eius ritus ac mores imitetur. Idem.

Quidam fluuij per medios lactes erumpunt, ut illis non misceantur, sed iisdem eadem aquarum magnitudine post multa passuum millia exeunt, qua fuerant inuerti: ita si in vitiosam incideris ciuitatem, ita ad tempus vitendum hospitio, ut idem ex eas, qui veneris. Idem.

Vt Aphricæ Auster serenus est, Aquilo nubilus, præter aliarum regio-



num naturam: ita quidam cum regione mutant ingenium ac mores. Idem.

Sorba quæ magis blandiuntur specie, venenum habent: ita blandiores amici magis cauendi, quam tristes, atque asperi. Idem.

Empetron herba, Latine calcifraga, quò propius abest à mari hoc minus est salsa: quò longius, hoc amarior est: ita quidam apud Gallos Germaniam spirant, apud Germanos Galliam, & quò longius absunt, hoc magis referunt eam gentem. Idem.

*Periculum.*

Vt pueris cum terrentur personis, damus eas in manus & versatas ostendimus inanes, vt discant non timere: ita conueniet adhibita ratione, res specie terrificas excutere, vt cum viderimus non esse, quod apparent, contemnamus. Plur.

Medici vetant vt Halicaccabo, quam dentibus firmandis prodest, si eius succi colluantur, propterea quod periculum est, ne si diutius id fiat delirationem gignat, & plus adferat incommodi quam commodi: ita non est vtendum his litteris, quæ sic linguam expoliunt, vt mores inficiant, aut non conuenit sequi, quæ sic augent rem vt famam lædant. Plin. l. 21. c. 13.

Periculosiores sunt fontes, qui lymphidis aquis blandientes oculis tamen perniciem adferunt, minus formidandi, qui ipsa specie testantur aquas esse fugiendas: ita difficilius vitantur mala quæ boni prætextu fallunt. Plinius lib. 3. l. c. 2.

In Bœotia ad Trophonium antrum iuxta flumen Orchomenon, duo sunt fontes, quorum alter memoriam, alter obliuionem adfert. Ita ferè magno alicui bono, magni mali periculum est vicinum. Plin. l. 3. l. c. 2.

In Campania vites 'populos amplexæ, ipsa æquabant cacumina: adeo vt

vindemiator rogum ac tutulum exciperet: ita qui in arduis versantur negotiis, periculi meminisse debet. Eras.

Muræna, non in capite, sed in cauda animam habet: ita quod charissimum est, non ibi recondendum, vbi statim periculis sit obnoxium. Plin. lib. 3. l. c. 2.

Vti sæpenumero polypus dum conchæ carnem captat, ipse capitur ac tenetur: ita sæpius dum aliis nocere studemus, nos ipsos in periculum adducimus. Eras.

*Persuasio inanis.*

Sicuti quò directius nos ferit Sol radiis suis, hoc minor est umbra nostri: quò obliquius, hoc magis increscit umbra corporis: ita quanto plus quisque assequutus est veræ sapientiæ, hoc minus magnificè de se sentit: quò longius abest ab ea, hoc se magis dilatat stultissima persuasione sapientiæ. Eras.

Vt camelopardalis siue nabis collo refert equum, pedibus & cruribus bouem: capite camelum: maculis tigrim aut pardum: ita quidam inæquales sibi varias hominum formas exprimunt sicutum insipicias, sanctum aliquem existimes: si orationem audias, satrapam loqui putes: si vitam expendas, nebulonem inuenies: si scripta, bubulcum. Idem.

*Philosophia.*

Qui adhortantur, & excitant ad philosophiam, nec docent, nec tradunt eam: perinde faciunt, vt ij qui præmunt lucernam, nec infundunt oleum. Plur.

Quemadmodum graue est navim ingressis cum terra discedit quam agnoscunt, & nondum apparet ad quam nauigant: sic philosophantibus initio molestum à consuetis discedere commodis, cum nondum videant ad quā felicitatem philosophia sit perductura. Plur.

In

In Philosophiæ studio ceu per metamorphosin quandam, quidam velut aues facti conferunt se ad contemplationem naturæ, quidam ceu catellæ ad rixas & morsus sophismatum & quæstiuncularum. Plut.

Quemadmodum Anacharsis dixit Athenienses ad nihil aliud uti nummis, nisi ad numerandum: Ita quidam utuntur philosophiæ præceptis, tantum ut ostentent. Plut.

Ut apicula ex flosculis succum mellis colligit cum alij non delectentur, nisi colore & odore: sic philosophiæ studiosus & ex poetis inuenit, quod ad bene viuendum conducatur, cum alij tantum voluptate deliniantur. Plut.

Aër qui est in auribus, nisi tranquillus sit, & carens propria voce, sed tintitu fuerit ac tumultu plenus, non exactè recepit ea, quæ dicuntur: sic ea pars, quæ philosophia dicta, iudicat, si quid intus obstrepat, & obtinniat, non rectè iudicabit, quæ foris accipiuntur. Plut.

Non fodit puteos, qui fontes habet, aut nouit: Sic non petit aliunde qualicumque consilium, qui ipse dicit philosophiam. Plut.

Iudex in causa nihil tribuens amori, tantum rem perpendit, ac secundum eam pronunciat: At in audiendis philosophis, multis lapsibus candidè fauèdum est. Vnde veteres iuxta Mercurij statuam Gratiarum item ponere soliti sunt. Plut.

Quemadmodum proci, cum Penelope potiri non possent, stuprarunt illius ancillas: ira qui philosophiam non possunt assequi, aliis literis contaminant. Plut.

Qui in ciuitatem adscripti sunt, & hospites, multa damnant, ac molestè ferunt: at qui in ea à pueris sunt educati, quique assueuerunt, probant: Sic qui philosophiam à pueris imbibe-

runt. Plutarchus.

Quemadmodum agricola syluestribus securim aut ignem admouet, ac funditus extirpat: vineas verò, atque oleas amputat cautim ac circumspectè, ne fortè superuacua refecans, lædat & id quod sanum est: Sic philosophus ex animo iuuenum libidinem, auaritiam, inuidiam, penitus reueller. Cæterum pudorem immodicum cautim emendabit, ne simul omnem euellat verecundiam. Plut.

Quemadmodum iuxta Philoxenum, suauissimæ sunt carnes, quæ non sunt carnes, & iucundissimi pisces, qui non sunt pisces: ita maximè delectat admixta philosophiæ poësis, & poësi admixta philosophia. Plut.

Ut è vasis, cum explentur liquore, aër expellitur: Sic qui profecerunt in philosophia: veris implentur bonis, ac minus iam gloriantur barba & pallio, minùsque seueri sunt in alios, in se ipsos duriores. Plut.

Ut initiantur homines clamore ac tumultu, deinde cum sacra fiunt, taciti ac venerandi auscultant: ita incipia philosophiæ tumultuosa sunt tranquilla mysteria. Plut.

Ut in tempestate apparentibus Geminis, nautæ in spem eriguntur: ita post primam illam in philosophia desperationem, lux veritatis oborta discutit eam diffidentiam. Plin.

Menedemus aiebat multos navigare Athenas, qui primùm essent sapientes, deinde fieri philosophos, id est sapientiæ studiosos, deinde rhetores, postremò idiotas: Sic in philosophia quò magis profeceris, hoc minus turgabis fastu. Plut.

Qui nauem fregit tamen spe vehitur: nam fieri potest, ut corpus natans in terram deferatur: At qui excidit à philosophia, totus perit. Plin.

Qui subinde subsistit in via, minus

proficit: at in philosophia etiam relabimur in malitiam, intermisso ad honesta cursu, ceu naui retroacta æstu. Plut.

Planetæ iuxta Mathematicos, cum desinunt procedere, figuntur: at in philosophia subsistere non licet, assidue est progrediendum. Plut.

Vt statera non potest consistere, sed aut in hanc aut illam vergit partem: sic in philosophia, qui non proficit ad bonam mentem, is reuoluitur ad malam mentem. Plut.

Quemadmodum qui expectant obfidionem, colligunt ac deponunt pecuniam, atque omnia parant sub hostium aduentum: Ita aduersus assultum iracundiæ præceptis philosophiæ muniendus, & instituendus est animus. Plut.

Vt ad lineam applicandus est lapis, non ad lapidē linea: sic vita ad philosophorum decreta corrigēda est, non ea sunt ad mores nostros trahēda. Plut.

Vt non medentur, qui vendunt pharmacā: ita non sunt philosophi, qui quicquid è philosophia sumpserint, id transferunt ad ostentationem. Plin.

Non quemadmodum vnguentis, cum adsunt, delectamur, cum non adsunt non discrutiamur: ita oportet erga philosophiam esse affectum. Plut.

Vt qui in immenso nauigant mari, ex ipsa ventorum vi cursusq; tempore coniiciunt se promouisse, etiam si nondum appareat portus: nusquam tamen consistunt, donec portum attingerint: Ita non conquesendum in philosophia, donec ad perfectum illum sapientis habitum peruentum sit. Plut.

Vt in curatione non sentitur morbi leuamen, nisi syncerus habitus inducatur: sic in philosophia non proficitur, nisi paulatim aliquid decedat de stultitia, donec in alium mentis habitum proficiat. Plut.

Vt puerorum dum primū discunt scribere, digiti tenentur, & aliena manu per literarum simulachra ducuntur, post iubentur imitari propositum: Sic primū animus ad præscriptum adiuctur oportet donec incipiat per se philosophari. Senec.

Vt primū est expurganda bilis unde nascitur infania, deinde monendus homo: alioqui qui furiosum admonet at quomodo debet procedere, quomodo se gerere in publico, furiosior fit ipse furioso: Sic primū animus est liberandus falsis opinionibus, postea tradenda præcepta philosophiæ. Seneca.

Lana quosdam colores statim imbibit, quosdam non nisi sæpius macerata & recocta: Sic alias disciplinas ingenia cum acceperere, protinus præstant philosophia nisi altè descendit, & diu sedet, non colorabit animū. Senec.

Alia remedia cum administrantur tristia, post sanitatem denique delectant: Philosophia pariter salutaris est & dulcis. Senec.

Philosophus etiam eloquens, perinde est quasi si bonus gubernator etiam formosus sit. Senec.

Vt in corpore latet animus, vnde vim & impetum sumant omnia: & mysteria, quæ est sacrorum pars optima non patent, nisi initiatis: ita philosophiæ præcepta nota sunt omnibus, id verò quod in ea est optimum, latet. Seneca.

Vt semina bona, si in solum bonum inciderint, similia origini proueniunt eadem humus sterilis ac palustris necat: sic philosophiæ præcepta, si in bonum aut prauum animum inciderint. Senec.

\* Quomodo multum inter avaritiam & pecuniam interest, cum illa cupiat, hæc concupiscatur: sic inter philosophiam & sapientiam. Senec.

\* Vt

\* Vt ignotarum urbium monstratus hospiti gratus est: ita sciscitanti cælestium causas domesticus interpret: & in profunda terrarum præmittere aciem iuuat. Senec.

Vt medici toto corpore curando, minimè etiam parti si condoluit, mendentur: sic philosophia cū vniuersam ægritudinē sustulerit, si quid error aliunde extitit, si paupertas momordit, si signominia pupugit, si quid tenebrarum offundit exilium, semper ad eundem fontem reuertendum est. Cic.

Fons in quo nitrum nascitur, nec aliud quicquam gignit, nec alit: Ita sapientix studium, torum hominis animum sibi vendicat. Eras.

Vt aqua maris in imo dulcior est, quàm in summo: Ita quò alius penetres in philosophiam, hoc minus habet amaritudinis.

Vt gemma minutula quædam res est, sed ingentibus tamen saxis anteponitur: sic homo pusillus, sed ingenio valens: aut si philosophia seu virtus ostentatione minimum quiddam est, sed pretio maximum. Idem.

Lauri baccæ amaræ quidem sunt, sed saluti conferunt: Ita philosophiæ præcepta salutaria magis quàm blanda sunt aut iucunda. Plin. l. 16. c. 30.

Vt vino non est aliud corporis viribus utilius, si rectè utaris: nec eodem est quicquam perniciosus, si modus absit: ita philosophia salutaris res est, si modicè adhibeas: pestilentissima, si eius studio remulentus, à communis vitæ muniis reddaris alienus. Eras.

Echinus præsentiens tempestatem, aut affigit sese, aut arena saburrat: ita cum imminet fortunæ tumultus, animus est philosophiæ præceptis confirmandus. Idem.

Vt Democrates medicus Confidæ mulieri, omnem curationem austeram recusanti, lac caprarum dedit, quas

lentisco pascebat: sic iis qui prorsus à tetricis philosophiæ præceptis abhorrent, fabellæ quædam amœniores proponendæ, sed quæ philosophiam resipiant. Idem.

Fraxinum campestre in tantum horrent serpentes, vt nec matutinas, nec vespertinas illius umbras quauis longissimas, vnquam attingant: & si gyro frondibus huius arboris claudatur ignis & serpens, citius in ignem fugiet, serpens quàm in fraxinum. Ita nihil conuenit vitii & studio sapientix, sub cuius umbra quisquis se continuerit, tutus erit ab huius vitæ venenis. Idem.

Sicuti nasturtium ad Venerem, quidem reddit segnior, sed animi vim acuit: ita philosophiæ studium corporis curam ac vigorem, ad animi vigorem traducit, vt hoc plus sapiat homo in rebus æternis, quo magis stupet ad ista corporea, cassaque. Plin. l. 2. c. 13.

Vt quidam gemmas quasdam secum vbique circumferunt aduersus morbos, maleficia, ebrietatem, tonitrua, ruinas, cæteraque mala: Ita quædam philosophiæ decreta semper ad manum habenda aduersus incursum animi morbos, libidinem, iracundiam, ambitionem, auaritiā & his consimiles. Idem.

Sicuti qui morbo laborant regio, iis mel cæteris dulcissimum amarum est: Sic sapientix præcepta piis iucunda, tristia sunt iis, qui prauis affectibus corrupti sunt. Idem.

Vt acetum acre quidem gustu, sed aduersus serpentium ictus mirè valet: Ita præcepta philosophiæ austera quidem illa, minimè que blanda, sed contra pestiferas animi cupiditates remedium adferunt præsentaneum. Plutarchus lib. 23. cap. 1.

Hedera pota neruis nocet, eadem foris adhibita prodest: sic philosophi-



am si penitus imbibas, nocet ad pietatem: si leuiter & veluti foris ad moueas prodest ad eruditionem. Eras.

Gallus Phrygiæ fluiuius, si modicè bibas, medetur corporis malis, si immodicè, lymphatum animum agit: ita si philosophiæ literas modicè attingas, profunt, sin totum te illi addideris studio, sanitatem mentis auferunt, & inanis gloriæ furore quodam præcipientem agunt. Plin.

Distamnum herba sagittas educit è corpore: hanc cerui monstraure: ita philosophiæ ratio, fortunæ iacula eximit animis. Plin. lib. 25. c. 8. Theophrast. lib. 9. cap. 16.

Vt oleum infusum tranquillat mare & lucem addit: ita philosophia componit animi motus, & ignorantie caliginem discutit. Plin. lib. 2. cap. 106.

Vt pyrites gemma non aperit vim igneam, nisi si atteras: tum enim digitis adurit: ita quorundam malitiam non senties nisi cum illis consuetudinem, aut commercium habueris: aut non sentias philosophiæ vim nisi exercueris: ita succina attritu vim attrahendi & odorem produnt. Eras.

#### *Philosophus.*

Vt psylli in Africa, Marfi in Italia non solum ipsi non læduntur à serpentibus, verum etiam contrectatu ac salua medentur aliis periclitantibus: ita Philosophis non satis esse debet, si ipsi non corrumpantur vitiosis affectibus, verum oportet oratione aliis quoque cupiditates noxias eximere. Plur.

Aiunt Asiæ & Græciæ balneatores cum velint turbam pellere, carbonibus iniicere semen ære, quod id faciat vertigines: ita Philosophi quoties volunt à suis libris submouere vulgus indoctum, Mathematicos quosdam numeros & figuras admisceant, vt ex iis oborta vertigine capitis librum abiciant. Plin. lib. 18. cap. 17.

Vt montium proceritas minus apparet procul inuentibus, vbi accesseris, tum apparet quàm sint in arduo: ita nemo prospicit, quàm excelsus sit animus philosophi, quantùmque supra res omneis humanas emineat, nisi propius contempleris, & imitatione ad illum accesseris. Senec.

Vt tragœdia in theatris: ita philosophus in scholis est audiendus, nempe ad finem vsque. Plur.

Vt auguria & auspicia non valent, nisi iis, qui querunt, & obseruant: ita præcepta philosophiæ nõ mutant nisi hos qui meliores fieri student, & hoc animo ad legendum accesserint. Eras.

Vt medicus libentiùs sanat oculum, qui pro multis vider, multòsque custodit: Sic philosophus libentiùs principis animum instruet, qui pro multis sollicitus est. Plur.

Non quemadmodum parasitus cõuitia tactus ab iis, à quibus alitur, ridet, ac nihil commouetur: ita à philosopho reprehensus, debet esse affectus, sed nec offendi oportet, nec impudenter negligere. Plur.

#### *Physionomia.*

Vt sunt quidam fontes, qui potu peducum, atque etiam hominum cutem, & pilos pingunt albo, nigroque: ita relucet in ipso hominis vultu & fronte, quod aiunt, quibus præceptis imbutus sit, & quibus ex authoribus hauriat vitæ rationem. Eras.

#### *Pisces.*

Cedrus & iuniperus si oleo perungas, nec tineas sentiunt, nec cariem: ita semel imbutus diuini spiritus succo animus, nullam huius mundi sentit corruptelam. Plin. lib. 16. cap. 40.

Vt vniones tamen si in mari nascantur, tamen plus habent cognationis cum cælo, cuius faciem reddunt: ita pius ac generosus animus magis à cælo pendet vnde ducit originem, quàm à

in terra, in qua viuit. Plin. lib. 9. cap. 35.

Vt Apelles pictor queri solitus est, perisse diem in quo non duxisset lineam: ita Christianus dolebit, si quo die non euasit seipso melior in pietate. Erasmi.

Vt ferrum aut chalybs cetera quidem duritie, rigorēque superat, ab adamante vincitur: ita res quidem potens est amor in liberos, sed hunc quoque superat pietas in Deum. Idem.

*Pœna, supplicium, multa.*

Vt qui diutina tabe conficiuntur, non effugiunt mortem, sed lentè moriuntur: Sic qui non statim puniuntur, non effugiunt pœnam, sed longa ducuntur pœna. Plut.

Pigri remiges sereno cœlo desident in portu, deinde coguntur flantibus ventis nauigare cum periculo: Sic qui non puniunt, cum est animo sedato, cogitur aliquando vel iratus punire. Plutarchus.

Qui nos docuit sagittare, non vetuit iaculari, sed vetuit ne aberraremus à scopo: ita non est interdicta punitio, sed in tempore & aprè facienda. Plut.

Cantharides & scorpij in se circumferunt sui veneni remedium: at ipsi peccato inest sua pœna suppliciumque. Plut.

Vt hienæ fel & phocæ coagulum, atque aliæ pessimarum ferarum partes aduersus magnos morbos efficax habent remedium: Sic Deus pessimis tyrannis vititur nonnunquam ad correctionem vitiorum. Plut.

\* Vt nec domus nec Respublica ratione quadam & disciplina quadam designata videatur, si in ea nec rectè factis præmia extent vlla, nec supplicia peccatis: Sic mundi diuina in homines moderatio profecta nulla est, si in ea discrimen nullum est bonorum ac malorum. Cicer. libro 5. de natura deorum.

Sicut ex vipera, crocodilo, cæterisque nocentissimis bestiis medici remedia quædam aduersus venenorum noxam ad morbos efficacia quærunt: ita animaduersio in nocentes multos vel arcet, vel reuocat à facinoribus. Erasmi.

In aspidis ictu nullum est remedium, nisi vt partes contactæ amputentur: ita quædam vitia sola morte sanari possunt. Idem.

Vt arbor excisa repullulat, euulsa non refruticatur: ita malum si penitus tollitur, non renascitur. Plin. lib. 22. c. 3.

Ciconiæ quoties conuolant in campum, quem Pythonis comen vocant (is est locus in Asia) quæ vltima omnium aduenerit, eam lacerant, atque ita discedunt in vna omnium cessatione castigata: ita multitudinis vitia, vnius indigni supplicio sunt vel sananda, vel arcenda. Erasmi.

Vt magis est probanda medicina quæ vitiosas corporis partes sanat, quàm quæ exurit: ita melior magistratus, qui ciues improbos corrigit, quàm qui tollit à medio. Idem.

*Pœsis, poetica, & poetæ.*

Quidam amethystum adhibent in comotationibus aduersus ebrietatē. Multo magis in audiendis poetis præcepta sunt adhibenda, ne quid inficiant animum. Plut. Plin. lib. 37. c. 9.

Vt in his locis vbi multæ nascuntur herbæ ad remedium efficaces, in iisdem multæ nascuntur lethales: Sic in poetis multa præclara, multa pestifera. Plut.

Vt Simonides dixit, stupidiore esse Thessalos, quàm vt à se decipi possent: ita qui feliciore sunt ingenio citius à poetis corrumpuntur. Plut.

Non sic est parendum poetis aut philosophis, quemadmodum pueri obtemperant paedagogis, sed quemadmodum Cato puer parebat quidem paedagogo

prædago inbenti, sed rogabat quam ob causam id iuberet. Ita fides habenda auditoribus, si causam idoneam reddiderunt. Plur.

Quemadmodum in vite luxuriantibus foliis ac palmitibus sæpe fructus occultantur: ita in poematibus figuris ac fabulis luxuriantibus, multa cognita vtilia fallunt adolescentem. Plutar.

Quemadmodum in iisdem pascuis apis florem sequitur, capra fruticem, suis radicem, quadrupedia fructum: sic in poetis alius aliud querit, hic historiam, ille sermonis ornamenta, ille probationes, ille præcepta viuendi. Plur.

Quemadmodum, iuxta Philoxenum, suauissimæ sunt carnes, quæ non sunt carnes: & iucundissimi pisces, qui non sunt pisces: ita maximè delectat admixta philosophiæ poesis, & poesi admixta philosophia. Plur.

Vt apis ex amarissimis floribus & asperissimis spinis mel suauissimum ac lenissimum colligit: sic ex turpibus ac sceleratis fabulis utunque decerpi potest aliquid vtilitatis. Plur.

Vt qui subito è summis tenebris in lucem educitur, magnopere perturbatur, nisi paulatim lumini assueuerit: sic in poetis prælegendis, philosophorum opiniones inspergendæ in animos puerorum, ne postea ad tam diuersas doctrinæ rationes perturbentur. Plutarchus.

Si multi inebriantur vino, non ob id incidendæ vites vt fecit Lycurgus, sed propius admouendi fontes: ita si multi abutentur poetica, non protinus abiicienda, sed adhibenda cautio, vt fiat salutaris. Plin.

Vt mandragora iuxta vites nascens, vinum reddit lenius: ita philosophiæ ratio admota poeticiæ, moderatiorem efficit eius cognitionem. Plur.

Quemadmodum in pictura plus mouet color, quàm lineæ, propterea quod propius hominis formam repræsentet ille, magisque fallat: ita mendacium admixta veri similitudine, magis allicit, mouetque, quàm simplex oratio, quæ nihil habeat fuci. Plur.

Non vt inuenire licet sacra finetibus & choro: ita poësim absque mendacio licet inuenire. Plur.

Venenum admixtum cibis pestilens: sententia admixta rebus vtilibus ac iucundis. Plur.

Vt scædis animantibus scitè efficitur delectamur: ita in poësi, quia est rerum adumbratio, etiam mala rectè efficta delectant. Plur.

Vt in parricidio, aut incestu depicto, artem modò laudamus eius qui pinxit, rem ipsam detestamur: itidem in poetis elocutionem imitabimur, rem execrabimur. Plur.

Quædam per se non pulchra, quibusdam ob id bona sunt, quod apta: ita laudantur in poetis quædam quod congruunt personæ, tametsi alioqui scæda. Demonides claudus precabatur, vt crepidæ quas furto amiserat, quadrarent ad pedes eius, qui sustulisset. Plur.

Vt periculum fit, si omnes in idem inclinent latus navis: sed aliis aliò inflectentibus, navis optimè libratur: sic seditio & dissentio inter rhetores tutiorem reddit statum ciuitatis: item dissentio poetarum inter se facit, vt minus inficiant opinionem lectoris. Plur.

Quemadmodum Medici cantharidis, quæ lethale venenum est, pedibus tamen & aliis ad remedium vtuntur: ita licet ex eadè poësi decerpere quò medearis illius venena. Nam semper aliquid admiscer, quo significant se damnare, quod narrant. Plur.

Vt apicula ex flosculis succum mellis colligit, cum alij non delectentur, nisi colore & odore: sic philosophiæ studiosus

diſus & ex poetis inuenit, quod ad benè viuendum conducatur, cùm alij tantùm voluptate deliniantur.

Quemadmodum ſpiritus noſter clariorem ſonum reddit, cùm illum tuba per longi canalis anguſtias tractum, patientiore nouiſſimè effudit: ſic ſenſus noſtros clariores arcta carminis neceſſitas efficit, eadem negligentius audiuntur, minùſq; percutiunt, quàm diu ſoluta oratione dicuntur. Poceſt trahi & huc, vt ſi quis dicat famam virtutis clariorem exiſtere, ſi diu rebus aduerſis oppreſſa, tandem emerſerit. Seneca.

\* Quemadmodum nomenclatori memorię loco audacia eſt, & cuiunq; nomen non poceſt reddere imponit: ita poetę non putant ad rem pertinere, verum dicere, ſed aut neceſſitate coacti, aut decore correpti, id quenq; vocari iubent, quod bellè facit ad verſum. Senec.

Qui biberint ex Clitorio lacu, iis vini tædium oboritur: ita qui ſemel guſtarint poetice, abhorrent à philoſophię præceptis, aut contrà: ſiue qui ſe mundanis voluptatibus ingurgitâr, abhorrent ab honeſtis illis, ac veris oblectamentis. Plin.

Vt ſcarabeum, aut viperam, aut araneam in gemma redditam & imitam à natura (nam id videmus eſſe factum in nonnullis) non horremus, ſed amplectimur, effigie delectati: ſic vitorum erudita pictura delectamur in hitoricis ac poetis. Eraſ.

Sicut imitatio vini, quę ſrugibus conſciuntur apud quosdam, hætenus aſſequuntur vini vim, quod inebriant, non tamen perinde reſciunt cordis vigorem: ita quidam quod in poetis eſt vitij, id aſſequuntur, nempe obſcenitatem: cæterum eloquentiam, venuſtatem, eruditionem non poſſunt exprimere. Eraſ.

*Poteſtas, Potentia.*

Vt qui obtuſo fræno conatur equum domare, excutitur, equo contemnente frænum: ſic qui populum vincere conatur, non ſatis inſiſtus potentia, ab imperio deturbatur. Plur.

Sol cùm maximè tollitur in altum, arduus ad polum ſeptentrionalem, tum minimum mouetur: ita quò maior eſt poteſtas, hoc magis coercenda eſt animi temeritas. Plur.

Vt in malis ſomniis nonnulla turbat animum ægritudo, ſed præterea nihil efficiunt: ſic mali, ſed imponentes non admodum lædunt. Plur.

Vt acciſę pennę tempore renaſcuntur: ita niſi aſſiduè premas renaſcitur potentia. Eraſ.

Vt Caſtoris & Pollucis faces, ſi ſolitarię appareant, dictum eſt oſtentum: ſi geminę, ſalutare: ita non oportet potentiam eſſe ſeiunctam à ſapientia, alioqui peſtilentem. Plin.

Vt quędam fulmina æs ac ferrum liquefaciunt, ne cera quidem conſuſa: ita diuina vis, aut regia poteſtas in obſiſtentes ſcruit, mollibus parcit & cedentibus. Plin.

Vt bruta fulmina montes feriunt, irriti iſtu: ita ſtulta potetia ſuas vires, in quod nihil opus eſt conſumit. Plin.

Sicuti nec Ægyptus ob calorem, nec Scythia ob rigorem ſentit fulmina: ita vel ingens potentia, vel extrema fortunę humilitas, tutum reddit à contumeliis. Plin.

*Præceptores artium.*

Vt quidam crebris diuerticulis viam breuem reddunt longam: ſic nonnulli ducentem crebris quæſtiunculis nihil ad rem pertinentibus interpellantes, perpetuam interrumpunt doctrinam. Plur.

Vt pulli inuolucres ſemper hiantes pendent de ore alieno: ſic quidam moleſti ſunt docenti, quodd neceſſarium ſit



sic eis omnia mansa in os inferere, nihilque tradant ipsi sibi. Plur.

Vt non satis est soli bonitas, nisi accedat & cultor idoneus, & semina: ita non sufficit ingenij felicitas, nisi accedat doctor, & institutor egregius & præcepta idonea. Plur.

Vt sacrificis honorem habet ciuitas, quod commune omnium bonum à diis perant: ita multo magis honorandus principis præceptor bonus qui talem fingit, vt omnibus sit utilis futurus. Plur.

Vt agricolæ vallos apponunt arbutulis: quò rectè crescunt: ita qui instituit addit monita & præcepta ingenij salubria, ne diuaricent in vitia. Plur.

Vt maximi medici, minores quoque morbos optimè sanant. Ita doctissimi præceptores, & minima optimè docent. Eras.

Vt boni agricolæ est nosse terram quam colit: ita præceptor diligens in primis studeat cuiusque indolem & ingenium cognoscere: neque enim eadem omnibus adhibenda. Idem.

*Præcipitatio.*

Sicuti aquilo initio vehemens, desinit lenior: contra Auster initio lenior, desinit vehementior: ita qui præcipientes magno impetu rem aggrediuntur, frigescunt in progressum, contra qui consilio suscipit, magis accenditur operis progressu.

Vt Saturnus qui ex septem erronibus summum tenet locum tardissimè circumagitur: ita qui in summa constituti sunt potestate, quàm minimè præcipientes oportet esse. Plin. l. 2. c. 16.

Vt canis, properans in emittendo cæcos parit catulos: ita præcipitata opera non possunt esse absoluta. Plin. lib. 8. cap. 40. *Vide potestas.*

*Premium.*

\* Eleganter Xenophon Oeconomis prodidit, cætera quæque animan-

tia duabus rebus potissimum adduci ad obtemperandum: cibo, si quod fuerit abiectius: aut delinimento, si generosius, velut equus: & plagis, si contumacius, velut asinus. At homo, cum sit animal omnium generosissimum, non tam minis ac suppliciis cogi, quàm præmiis oportebit ad officium inuitari legibus. Erasim.

*Vide Pana.*

*Præsumptio.*

Vt in corporibus morbus segnitie & lassitudine præsentitur: sic infirmus animus, priusquam opprimatur malis, præsumptione quatitur. Senec.

*Prætextus.*

Periculosiores sunt fontes, qui lymphidis aquis blandientes oculis, tamen perniciè adferunt: minus formidandi qui ipsa specie testantur aquas esse fugiendas: ita difficilius vitantur mala, quæ boni prætextu fallunt. Plin. lib. 31. cap. 2.

*Princeps.*

Vt qui non consueuerunt neque cænare, neque lauare, nisi ex præscripto medici, ij, nec sanitate fruuntur: Sic qui omnia ad principis iudiciū refert, reddit eos dominos plus quàm vellet ciuitas, vt nihil iam nec rectè fieri possit: nisi principis arbitrio. Plur.

Vt rex mundi magna curat, parua relinquens fortunæ, quemadmodum dicit Euripides. Ita princeps non nisi in grauibz & arduis negotiis exercebitur. Plur.

Regula primum recta sit oportet, deinde quæ applicentur corrigat: ita princeps, primum ipse vitij careat necesse est, deinde aliis leges præscribat. Plur.

Eryngium herbam, si vni capræ in os inferas cum ipsa sistitur, tum omnes consistunt, donec pastor herbam eximat: ita principis mores, mira vi in populum transfunduntur. Plur.

Cybindus

Cybindus avis bellum internecinū gerit cum aquila, adeò vt coherentes sæpenumero prestantur : ita fit aliquoties, vt dum mutuum inter se odium pertinaciter exercent principes, vtrique subuertantur, tertio quopiam inuadente. Eras.

Galli sæpius in pugna commoriuntur : ita quidam mutuis dissidiis conficiunt sese. Idem.

Vt plures apparere soles prodigium est : ita plures esse Monarchas aut principes vel imperatores. Plin. lib. 2. cap. 31.

Vt sol non alius est pauperi, alius diuiti, sed omnibus communis : ita princeps personam spectare non debet, sed rem. Eras.

Sicuti Deus cum nihil non videat, nihil tamè videnti similis est : ita princeps nihil ignorare debet, multa dissimulare. Idem.

Vt magi prodigiosa quædam promittunt iisq; promissis vulgus credulum alliciunt : ita principes maximarum rerum spes ostentant, vt sibi reddant addictos. Idem.

Quemadmodum vitis tametsi arbor omnium nobilissima, tamen arundinum, aut vallorum, aut arborum infrugiferarum eget sustentaculis : ita potentes & eruditi inferiorum egent opera. Idem.

Vt vallis aliquoties frondibus suis vitem amplexam strangulat : ita nonnunquam adminiculi gratia obiter asciti, subuertunt & opprimunt potentiores. Idem.

Leo cunctis formidatū animal tantum ac cristam galli formidat : ita summi principes infimorum conuicia nonnunquam timere coguntur. Idem.

\* Cum cæteri mortales artem quam profiteri parant prius adhibito studio discant : Quanto maiori cura principem oportet administrandi rationem

perdiscere ? Ac cæteræ quidem artes quatuor rebus potissimum constat : natura, præceptis, exemplis, vsu : in principe lene ac mansuetum ingenium requirit Plato. Eras.

\* Non licet dormitabundum esse qui clauo assidet : & in tantis rerum periculis stertit princeps ? Nullum mare tam graues habet tempestates vnquā, quā omne regnum assidue. Semper itaque principi vigilandum est ne quid errer, qui non nisi plurimorum perniciē delinquit. Idem.

Magnitudo nauis, aut mercium pretia, aut vectorum numerus haud facit elatiorem bonum nauclerum, sed attentiores : ita bonus rex quo pluribus imperat, hoc vigilantior esse debet non insolentior.

\* Seruus seruo præstantior, vt habet prouerbium vt dominus domino potior : quod alia sit ars, alia præclior, alia functio alia melior. At principem in optimo sapientiæ genere oportet præcellere. Ea est ratio rectè administrandi Rempub. Idem.

\* Nullus ad Olympicum certamen accedit, nisi prius secum expenderit, quid eius certaminis lex postulet : neque queritur si molestum esse solem, aut puluerem, aut sudorem, aut si quid est aliud huius generis : quandoquidem hæc omnia cum ipsa ludi ratione coniuncta sunt : Ita qui suscipit imperium prius suo cum animo debet expendere, quas res principis officium exigat. Consulendum alienis commodis, propria negligenda : vigilandum, vt aliis dormire liceat : laborandum, vt aliis liceat otari. Idem.

\* Cum Christianorum vnus sit dominus : cur qui huius gerunt vices, abs quouis malunt administrandi formam petere, quā ab hoc qui solus est totus imitandus ? Ab aliis decerpere licet si quid fortè virtutis admixtum habent.

At

At in hoc absolutum est omnis virtutis ac sapientiae exemplar. Ea quidem stultitia videtur, sed infidelibus: nobis si verè fideles sumus, Dei virtus est & Dei sapientia. Idem.

\* Rem ita tecum expendas licebit: si quis omnes homines, quos tuos vocas, Circes arte vertat, in sues, aut asinos, nōne dices deterius factum tuum imperium? Dices opinor. Atqui plus iuris est in sues aut asinos, quā in homines: licet quod lubet agere, licet distrahere, licet interimere: Proinde deterius fecerit imperium, qui liberos ciues verterit in mancipia. Quo praestantius est, in quod geris imperium, hoc magnificentius, ac splendidius regnas. Consuluit igitur tuae maiestati, qui ciuium libertatem ac dignitatem tue-  
tur. Idem.

\* Deus ipse ne coactis imperaret, & angelis & hominibus liberum dedit arbitrium, quo splendidius & augustius redderet imperium suū. Et quisquam hoc nomine sibi magnus videtur, quod metu adactis ciuibz seu pecudibus imperet? Idem.

*Princeps bonus.*

Vt Deus in caelo pulcherrimum ac iucundissimum sui simulachrum constituit solem: sic in republica, principem, qui prudentia, iustitia, benignitate se erga omnes repraesentet. Plur.

Medicus multo educto sanguine corrupto, paulum innoxij cibi ministrat: sic princeps sublati multis malis ac nocentibus leni gratia & humanitate molestiam eam mitigabit. Plur.

Vt canes ouium custodes excubias agunt, non sibi timentes, sed ouibus: ita rex non tam sibi debet timere, quā populo. Plur.

Musicae chordas dissonantes non statim abiicit, atque incidit, sed sensim intendens aut remittens ad concentum adducit: ita princeps leniter

debet emendare peccantes, non protinus tollere. Plur.

Vt in magna tempestate validissimo clauo, optimo gubernatore, plurimis fulturis opus est: ita magnas & turbulentas res administrandi summa opus est sapientia. Plur.

Vt plus debet Neptuno, qui merces preciosissimas deportauit: sic plus debet principi, qui tranquillitatem, & pacem publicam non in voluptatibus, sed honestissimis studiis consumit. Seneca.

Vt sydera mundi, vel si paulum subsistant, an aberrant, summo id omnium malo fiat: ita principi cessare non licet: quod sic facit, magna rerum humanarum pernicie fit. Sen.

Rex apud solus aculeum non habet, aut certè non vitur, ad hanc grandior est corpore, & specie decentior: sed aliis, quā ceteris minoribus: ita principem oportet esse clementissimum, & à sua ciuitate nusquam auolare longius. Plin. l. 21. c. 17.

Rex ipse quidem non operatur, sed obambulans, ac circumuolans alios velut exhortatur: Ita princeps non opera sed consilio & iussu prodesse debet suis. Idem.

Sol iucundissimus est iis, qui ipsum possunt intueri: ita princeps iis, qui amant iustitiam. Eras.

Sicuti Leo citius saeuit in virum quā in foeminam, pueros non nisi summa fame coactus attingit, supplicibus ac prostratis parcit: Ita potentes infirmioribus debent ignoscere, vires in alios experiri, quo vincere pulchrum sit. Plin. l. 8. c. 16.

Vt cometes nouus apparens, aut magnum bonum, aut ingens malum portendit mortalibus: ita nouus princeps salutem adfert rebus humanis si bonus est, maximam pestem si malus. Plin. l. 2. c. 26.

*Princeps*

*Princeps malus.*

Vt in scena *deputatus* tantum ostenditur, nec loquens quicquam, nec agens: Sic princeps qui vestitu, & titulo tantum principem agit, nihil autem curat eorum, quæ verè sint principum officia. Plut.

Quemadmodum fulgur prius emicat, quàm audiat tonitru, quàm sonitus auribus excipiat, lumini visus occurrat, & sanguis prius apparet quàm vulnus: Sic princeps aliquando prius condemnat, quàm redarguatur delatus. Plut.

Vt lapsus non potest erigere lapsus: ita malus & stultus princeps non potest emendare populum. Plut.

Vt canicula pestilens est omnibus sydus: ita principis mali potestas omnibus nocet. Eras.

Cervi cum arrexxere aures, acerrimi auditus sunt, cum remisere, surdi: ita principes si quid est, quod placeat, id procul etiam percipiunt: si quid secus, quantumvis clames, non intelligunt. Eras.

Vt rana ultra solitum vocales tempestatem significant imminentem: ita cum plurimum valeat apud principes oratio malorum, bonis tacentibus, tum instat rerum perturbatio: Idem.

Vt solis defectus, magnam mortaliū perniciem trahit: ita regis error, etiam levis, magnam tamen in rebus humanis gignit perturbationem. Plin. lib. 2. cap. 10.

Vt quædam fulmina æs ac ferrum liquefaciunt, ne cera quidem confusa: ita diuina vis, aut regia potestas, in obistentes sæuit, mollibus parcat & cedentibus. Plin. lib. 2. cap. 53.

Vt vitis nisi amputes, latè sese spargit, brachiis suis omnia complectens & implicans: ita princeps ambitiosus semper aliquid è proximis suo adiungit imperio, nisi subinde vindicetur.

*Vide Tyrannus.*

*Principum educatio.*

Vt grauius puniendus, qui letiferum venenum non in vnum calicem sed in fontem, vnde bibunt omnes, iniicit: Sic magis peccant, qui principis corrumpunt ingenium, quàm qui priuati hominis. Plut.

Vt sacrificis honorem habet ciuitas, quod commune omnium bonum à diis petant: ita multo magis honorandus principis præceptor bonus, qui talem fingit, vt omnibus sit utilis futurus. Plut.

Vt artifex lubentius faciat lyram, qua sciat Amphionis arte Thebanorum urbem condendam, quàm eam qua Thales Lacedæmoniorum seditione composuit: ita philosophus lubentius formabit ingenium principis orbi futurum. Plut.

*Principum fastus.*

Vt imperiti statua rii pulchram existimant statuam, quæ sit vastissima mole: Sic reges nonnulli fastu & asperitate se egregios principes videri putant. Plut.

Vt colossi lorici insignes Deum aliquem representant, intus pleni luto, clauis, sordibus: ita rex gnauus purpure, equis, auro, satellitio magnificus, in animo nihil habet præter sordidos affectus & inscitiam. Plut.

Statuæ magnitudine molèque sua libratur, & consistunt: at reges stulti subuertunt. Plut.

*Principum inter se odia.*

Cum maxime feruent apum inter se prælia, tum iactu pulueris, aut fumo tota res componitur: ita grauissimi rerum morus inter principes, affinitate aut simili re quapiam nugacissima finiuntur. Plin. lib. 11. cap. 18.

*Vide Bellum.*

*Principum fauor.*

Vt periculosum est, dæmones euocare,

Kkk

carc,



care, propterea quod si quid erratum fuerit, magno conantis discrimine fistam aiunt Tullum Hostilium istum fulmine, quod ex Numæ libris Iouem deuocare conatus, quædam parum ritè fecisset: ita periculosum est, cum principibus habere commercium, aut cum morosis potentibus, quod offensa qualibet leui, funditus subuertant hominem. Eras.

*Prodigalitas.*

Vt ager ferax, sed quem oporteat multo impendio colere, non multum iuuat colonum: sic homo quæstuosus, sed idem sumptuosus, haud multum reponit hæredi profuturum. Plin. l. 18. cap. 5.

Sorbo folia vniuersa decidunt, cum cæteris arboribus paulatim id accidat: ita quidam subito nudantur, aut profundunt, aut genus vitæ commutant, cum sensim id fieri oporteat. Plin. libr. 16. cap. 25.

*Pronunciatio.*

Sicuti picis mirum est studium imitandi verba hominis, adeo ut in conatu nonnunquam emoriantur: ita nonnullis dulce edificere preculas & psalmos, eosque subinde sonare, cum non intelligant. Eras.

Taurus auis cum sit pusilla, tamen bouum vocè imitatur: ita nonnulli cum re sint exigui, tamen loquuntur reges ac satrapas. Idem.

Bona fabula aliquando exhibilatur, vitio histrionis malè agentis: ita bona oratio displicet si quis parum aptam referat. Idem.

Vt eodem halitu, sed aliter emissio calfacimus, ac refrigeramus: ita eadem oratione aliter pronuntiata mouebitur affectus, aut frigebit. Idem.

Qui nimium incitatus fertur, non ubi vult sistit sese, sed longius effertur, quam velit: Sic nimia in dicendo celesitas temerè rapitur. Senec.

*Prudentia.*

Vt non debet sumere citharam, qui canendi sit imperitus: ita non debet imperium sumere, qui non sit prudentia præditus. Plur.

Vt cicatrix admonet cauendum esse vulnus: ita memoria præteritorum malorum reddit cautiore. Plur.

Vt Cyclops exocularus, manus quod versum porrigat, nullo nititur certo scopo: ita magnus rex, cui desit prudentia, quiduis aggreditur ingenti rerum tumultu, sed nullo iudicio. Plur.

Fibri Pontici genitalia sibi ipsis amputant mēbra in venatu, quod ob hoc se peti intelligant: ita prudentis est aliquando abiicere rem ob quam periclitatur. Plin.

*Pueritia.*

Vt qui è vinculis emittuntur, licentius vagantur, quam ij qui nunquam fuerunt in vinculis: Sic pueritia cum à præceptoris gubernatione soluitur. Plin.

*Q.*

*QUERIMONIA.*

Quidā Homerū versus acephalos, id est, capite truncatos, & *metopos*, id est, cauda diminutos excerpt; tam multa integra pulcherrimāq; præmittentes: idem faciunt, qui de paucis vitæ malis queruntur, dissimulatis tot commoditatibus. Plur.

*Questus sine lucro.*

Polypus stupidum alioquin animal in caprandis conchis incredibili vtitur solertia: ita quidam ad solum quæstū suum sapiunt, alibi pecudes meræ. Plin. lib. 9. cap. 29.

*Questus inutilis.*

Vt qui clauē velit secare ligna, securi aperire ostium, vtriusque vſu sese priuat: sic qui dicentem alienis ac friuolis quæstuiunculis perturbant, non solum

solum nullum capiunt fructum ex his quæ dicuntur, verum etiam mali viri opinionem, atque odium lucrifaciunt. Plur.

Vt apud Homërum Vlysses ridetur à procis, quod panis frustula peteret nõ enses, neq; lebetes: ita magis ridendi sunt, qui differenti minutulas ac friuolas quæstiunculas obliiciunt.

R.

RAEVLAE FORENSES.

**E**Rat porticus in Olympia, quam Septiuocam vocat, quod pro vna voce multas redderet: Ita locutuleij quidam vel vno prouocati verbo, sermonem immensum referunt. Plur.

Rapina.

Canis quicquid exceperit protinus deuorat, & semper ad spem futuri hiæ: ita quod expectantibus fortuna proiecit, id sine vlla voluptate dimittimus, statim ad rapinam alterius eredi. Senec.

Vt feræ mutuo laniatu viuunt: ita quisquis potentior malo inferioris detestatur, ac crescit. Senec.

Vt fuci cum ipsi non mellificent tamen apum insidiantur laboribus: ita sunt qui nihil ipsi excidunt, sed aliorum vigiliis elaborata furto sibi vendicant. Plin. lib. 11. cap. 11. & cap. 7. eodem lib.

Sicuti Polypus quicquid brachii attingit, sustu tenet & attrahit: ita difficillimum est euellere de manibus quorundam, si quid nacti fuerint. Plin. l. 9. cap. 29.

Qui Tigridis catulos rapit, bene secum agi putant, si vel vnum infanti matri auferat impune. Ita qui alienam inuasit possessionem, etiam si cogatur reddere, lucrum tamen facit, si vel portionem aliquam retineat. Plin. l. 8. c. 18.

Lutarium piscem semper sequitur piscis nomine Sargus, qui illo cœnum todiente, excitatum deuorat pabulum: ita sunt qui se miscant alienis negotiis, vt eis laborantibus fructum percipiant. Plin. l. 9. cap. 17.

Ratio.

Vt naus cui firma est anchora, in quouis portu potest conuiescere: ita animus si accedat recta ratio, quouis in loco tranquillè viuet. Plur.

Vt non æquè cernunt cicadæ, & accipitres, neq; similiter volant aquila & perdix: ita non omnia, quæ rationis participia sunt, æquè valent ratiocinandi acumine. Plur.

Vt custos assidens puero, cauere & admonere, nec quid peccet: sic ratio semper animo præsens non finit vsquam labi aut peccare. Plur.

Non satis est habere corpus sanum, verum & bonæ habitudinis, ac robustum sit, oportet: sic ratio non solum pura debet esse & à vitis immunis, nisi sit & robusta. Plur.

Qui dimissi à pædagogis, suo relinquuntur arbitrio, non abiciunt imperium, sed mutant principem: nam pro pædago iam rationi parent. Plur.

Naus deferta recipit gubernatorem, si quis velit in portum reducere: at animus ira percitus non admittit gubernatricem rationem aliunde, nisi intus ratio clauum arripiat. Plur.

Vt non satis est clauus, neque frænum, nisi adsit qui arte moderetur: ita non sufficit eloquentia ad moderandum populum, nisi accesserit sermonis moderatrix ratio. Plur.

Gubernator etiam si multum conducit, tamen non potest sedare ventos & vndas: at ratio ac mentis habitus non solum animi motus componit, verum & corporis morbos sæpe leuat. Plur.

Vt quemadmodum si sol non sit, per reliqua astra noctem ageremus: ita quantum ad reliquos attinet sensus, nihil differemus à brutis, nisi ratio adsit. Plut.

In magno fluctu non sistitur navis nisi pondus anchoræ retineat alto infixæ vado: sic in magnis rerû procellis, summa debet ratio animum cohibere ne ab affectibus auferatur. Plut.

Cupressi semina adeò minuta sunt, vt quædam oculis cerni non possint, & tamen in eo tanta est arbor, tam procera: ita ratio minimum quiddam est & occultum, sed eadem maxima est, si prodeat, & vim suam explicet. Plin. lib. 17. c. 10.

Vt ingentia pondera, quæ nullis hominum viribus tolli possunt, machinis facile tolluntur: ita quod vi nequeas efficere, ratione & arte facile efficias. Eras.

#### *Reconciliatio.*

Castiteris, id est, stannum aut plumbum album, æs, ruptum ferrum inat, vt cunq; contingens propter affinitatem quam habet cum vtroque: ita amicus amicitiam ac benevolentiam disruptam reconciliare debet, vtrique se accommodans ex æquo. Plut.

Ignis facile accenditur in paleis, & pilis leporinis, sed idem mox extinguitur, si nihil addas: Sic iræ amantium, aut nuper coniugatorum, si nemo se admiscuerit. Plut.

Vt crystalli fragmenta sarciri nullo modo possunt: ita difficillimum eos reconciliare, qui ex arctissima familiaritate in mutuum odium venerint.

#### *Recreatio, Relaxatio.*

Vt sunt vices somni & vigiliæ, noctis & diei, tempestatis & serenitatis, belli & pacis: ita labores leuandi ocio & lusu. Plut.

Lyræ & arcum, sensitivimus, quod melius possint tendi: ita recreandus

ocio animus, vt ad labores reddatur vegetior. Plut.

Auriga non semper adducit habenas, sed aliquando remittit: ita pueris nonnihil indulgendum. Plut.

Vt arcus tensus rumpitur: Sic animus remissus frangitur. Plut.

Vt iuvenes licet alternis interquiescant annis, tamen eam cessationem vbertate compensant: ita relaxatio ingeniorum mediocris facit vt ad studia reuersi plus efficiamus vigore animi, licet breuiore temporis spatio. Plin. lib. 8. c. 16.

#### *Regnandi libido.*

Vt vitis nisi amputes, latè sese spargit, brachiis suis omnia complectens & implicans: ita princeps ambitiosus semper aliquid è proximis suo adiungit imperio, nisi proxinde vindicetur. Vide *Ambitio, Avaritia*.

#### *Religio.*

Qui diuos colunt metu alicuius mali, perinde faciunt, vt ij qui tyrannos venerantur, ne noceant, quos oderunt animo. Plut. Vide *Pietas*.

#### *Regnum & reges.*

Vt quibusdam cum foris, in foro, aut in curia conspicui sint ac splendidi, domi morosa vxor contristat omnem vitam: Sic regno ac diuitiis multa adsunt occulta mala. Plut.

Vt quædam fulmina æs ac ferrum liquefaciunt, ne cera quidem confusa: ita diuina vis, aut regia potestas in obistentes sæuit, mollibus parcat & cedentibus. Vide *Principes*.

#### *Res publica.*

Sicut ex contrariis elementis mira harmonia temperatus est mundus: ita diuersis hominum studiis constat respublica. Eras.

Vt navis multis iustibus compingitur, clavis, paxillis: deinde ad tempus aliquantum relinquitur, donec cohzescant clavi commissuræque: deinde

deinde tutò sulcat maria: sic ciuitas multis sudoribus conditur, donec aucta tempore, tutam ac tranquillam vitam præbeat ciuibus. Plut.

Ex alucarium strepitu ac tumultu colligunt apes rectè valere: contra ex quiete Rempub. Plut.

*Reipublicæ administratio.*

Gubernator quædā suis manib. facit, quædam per alios: & aliquando aliis ad clauum admissis, ipse in proram demigrat: Sic in Republ. non debet vnus occupare omnia munia, sed aliis vicissim dare locum. Rectius enim sit, quæ multorum manibus peraguntur. Plutarchus.

Qui simul & Rempub. tractat, & artem exercet sedentariam: perinde facit, atque ille, qui mulierem ingenuam ac probam, detracta stola, datòq; præcinctorio, in officina detinet. Plutarchus.

Qui nauem gubernant, aliena voce iussuq; vtuntur: sed qui Remp. gubernant, in seipsis sapientiam habeant oportet, vt nò sit opus aliena voce. Plut.

Vestalibus tempus erat præstitutum: primum, in quo discerent: alterum, in quo exercerent: tertium, in quo docerent: Idem fiebat in sacerdotibus Ephesæ Dianæ: Itidem faciendum iis, qui Remp. gerunt. Plut.

Vt difficillimum ac periculosum est annosas arbores, quæ iam latè sparsere radices, reuellere loco, & alio transplantare: ita Rempub. longo tempore suis inueteratam institutis, ad aliam vitæ rationem traducere non licet citra maximos rerum motus. Plut.

Gubernator optimos quærit nautas: architectus doctissimos quærit ministros: Ita princeps eos asciscet amicos, qui ad remp. administrandam maximè sint idonei. Plut.

Qui sensim ac volentes descendunt in puteum, nihil læduntur: qui casu in-

cidunt, valde turbantur: sic qui certo consilio accedunt ad Remp. moderatè ferunt: qui sese temerè iniiciunt, eos pœnitet. Plut.

Vt vinum primum seruit, ac parer bibenti: at paulatim admixtum venis, rapit hominem, ac traducit in suos mores: ita qui rempublic. administrat, initio se populi moribus accommodat, post sensim eum ad sua trahit instituta. Plin.

Non est infirmior manus, quòd in digitos sit dissecta, sed ad operandum agilior: Ita negotia multis communicata, in Rempub. plenius conficiuntur. Plut.

Vt qui personatus in theatrum procedit histrio, sic qui ad remp. administrandam accedit, non vt ciuibus pro sit, sed sibi gloriam comparet. Plut.

Vt qui animi causa nauim ingreditur, vt spectet aut in ea inambulet: deinde repentè soluta, atque in altum reuulsa nauseans ac vomens frustra foras prospectat: sic qui leuiter, & quasi lusus gratia attingunt Remp. sed à semel suscepta non possunt sese explicare, negotiorum vndis secum hominem & inuitum trahentibus. Plin.

Vt quibus domi nihil est boni, in foro plerunq; versantur, & obambulant: sic quidam, quia nihil habeant, quod priuatim agant, ad publica administranda conferunt sese. Plut.

Vt equus strigosus imputatur non equi culpæ, sed equisonibus: Ita populus male moratus episcopis aut principibus. Eras.

Cum bruta solitum naturæ momontum relinquunt, tempestatis indicium est: hoc est, cum mergi fugiunt maria aut stagna, cum absconduntur formicæ, aut oua progerunt: lumbrici è terra fugiunt, tempestatis præsagium est: Ita cum audent facinorosi, tacent integri, sapit vulgus, desipiunt principes,



sacerdotes pro terrenis digladiantur, id perniciem humanæ vitæ significat. Erasmi.

\* In corpore si quid est quod reliquo corpori noceat, vti ac secari quod nocet patimur, vt membrorum aliquod potius quàm totum corpus intèreat: Sic in Reipub. corpore, vt totum saluum sit, quicquid est pestiferum amputetur. Cic. Philipp. 8.

\* Vt contemnendus est qui in nauigando se mauult esse incolumem quàm nauim: ita vituperandus est qui in reipubl. discriminè, suæ plus quàm communi salutis consulit. Idem lib. 4. ad Hænnium.

\* Vt leges omnium salutem singulorum salutis anteponunt: sic vir bonus & sapiens, & legibus parens, & ciuilibus officiis non ignarus, vtilitati omnium plus quàm vnius alicuius salutis consulit. Idem lib. 3. de finib.

\* Vt medici membrum sæpe putrefactum incidunt atque in totum eradiciant, ne aliam corporis partem labefactare aut corrumpere possit: sic necesse est, si reipubl. salutem esse volumus, vt perditissimos homines ex vrbe penitus extirpemus, ne corruptus integro, violatus casto labem infringat. Idem, act. in Verrem.

\* Vt tutela, sic procuratio Reipub. ad vtilitatem eorum qui commissi sunt, non ad eorum quibus commissæ, gerenda est. Idem lib. de Offic.

\* Vt in nauigando tempestatibus obsequi artis est, etiam si cursum tenere nequeas: cum verò portum possis mutata velificatione assequi, stultum est eum tenere cum periculo cursum quæ cœperis, potius quàm eo commutato quo velis tandem peruenire: sic omnibus in administranda Reipubl. propositum idem esse debet cum dignitate otium: non idem semper dicere, sed idem semper spectare debent. Idem

libro primo epistol.

\* Quodmodum chorus est res elegans, si quidem ordine constet & harmonia: contra ridiculum spectaculum, si gestulationes vna cum vocibus confundantur: ita præclara quedam res est ciuitas, aut regnum, si suis cuique datur locus, si suo quisque fungitur officio: hoc est, si Princeps quod se dignum esse agit, si magistratus suas obeunt partes, si plebs item bonis legibus & integris magistratibus obtemperat. Erasmi.

*Mutationes & nouationes in Reipub. perniciosissimæ.*

Vt plus eo periculi corporibus nostris vere & autumnus ob mutationem: Ita nouitas omnis offendit ac lædit Rempub. Erasmi.

Vt cibi potus cælique nouitas offendit, etiam si mures in paria, aut in aliquanto meliora: Ita præstat ferre principem, aut magistratus pristinos, quàm nouos asciscere, quod omnis rerum nouatio non careat perturbatione. Idem.

*Reprehensio.*

Qui de natura queritur, quod quædam genuerit homini noxia dissimulatis tot bonis: perinde facit ac si quis Nilum calumniatur alioqui frugiferum Ægypto, quod crocodilum habeat, aut aspidem: nec postea velit frui prognatis frugibus, sed tantum queratur de venenis, quæ nutrit. Aut si quis in copiosa oratoris oratione, quæ multis exuberet virtutibus, de pauculis voculis temerè elapsis cauilletur. Plutarchus.

Vt lamias fabulæ narrant foris ocularas esse, domi oculis in vase reconditis, nihil videre: ita quidam in alienis perspicaces sunt, ad sua cæcutiunt. Plur.

Vt quibus domi multum est malorum, gaudent apud alios versari: Ita animus

animus sibi malè conscius, sua horrens de alienis agit, & malitiam suam apud alios pascit. Plutarchus.

Facile est demoliri, quod alius extruit: at difficillimum, idem aut melius aliquid extruere: Ita aliorum orationem reprehendere in procliui est, at eodem modo meliusve dicere, non est perinde facile. Plut.

Non quemadmodum parasirus conuitio tactus ab iis, à quibus alitur ridet ac nihil commouetur: ita à philosopho reprehensus, debet esse affectus, sed nec offendi oportet, nec impudenter negligere. Plut.

\* Vt oculus, sic animus se non vidēs, aliena cernit. Cic. l. i. Tusc. quæst.

Cùm ætate vehementiùs tonuerit, quàm fulserit, ut inquit Plinius, ventos denuntiat: ita vbi quis vehementer inclamat in aliorum vitia, ipse non perinde lucens morum integritate: indicium est animi magis ambitionis vento tumescens, quàm solidè pij. Erasmi. *Vide Castigatio.*

*Responsio.*

Vt pauperiores aliquando donant munuscula ditioribus, quò plus recipiant: sic indoctiores prouocant, nonnullos, ut eruditiora vicissim illi respondant. Plut. *Vide Sermo.*

*Reuerentia.*

Apud Thessalos capitale est occidere ciconiam, non ob aliud nisi quòd serpentes interficit: parcutur apud Britannos miluis, quòd urbem raptis extis pecudum repurgent: ita quibusdam honos habendus, non quòd ipsi digni sint, sed quòd illorum opera nobis sit vsui. Eras.

*Rhetorica.*

Vt periculum sit, si omnes in diem inclinent latus naui, sed aliis aliò inflectentibus naui optimè libratur: sic seditio, & dissensio inter Rhetores tutiorem reddit statum ciuitatis. Plut.

Vt ridiculus sit cantor, qui rem grauem Lydiis efferat modis: ita ridiculus qui de pietate & iustitia verba faciens, Rhetoricis lasciuat stoculis. Plut.

*Robur.*

Arbores infœcundæ firmiores sunt fœcundis: Ita robustius est corpus his qui nihil pariunt in literis, quàm qui sese laboribus exhauriant. Eras.

S.

SACERDOS.

Vitrum copià viluit, alioqui nec auro nec argento cessurum: Ita sacerdotes ob turbam minoris sunt, magno in pretio futuri, si singulæ ciuitates singulos haberent sacerdotes, ut olim. Eras.

*Sacramenta.*

Vt optima remedia maximè perniciem adferunt, nisi aptè sumantur: Ita Christi sacramenta salutaria sunt rectè sumentibus, lethalia indignè accipientibus. Eras.

*Sanitas.*

Olim in capitolio vbi certabant quadrigæ Latinis feriis, victor absinthium bibebat: Ita salubria magis quærenda sunt quàm iucunda. *Vide Valesudo.*

*Sapientia.*

Vt paulatim umbra remissa sentimus non magis esse in lumine: ita sensim imminuta stultitia, in sapientia proficimus. Plut.

Vt qui vehementer esurit aut sitit, nulla re potest auelli, donec sedauerit appetentiam: Sic omnia posthabenda sitienti sapientiam. Plut.

Semen licet exiguum, tamen locum natum idoneum, vices suas explicat, & ex minimo in maximos actus diffundit: Sic ratio sapientiæ paucis consistat verbis, in opère crescit. Senec.

Kkk 4

Sunt

Sunt qui propius admora non cernunt quæ longius absunt vident : Ita nonnulli plus sapiunt in rebus alienis, quàm in his quæ ad se pertinent. Eras- mus.

Vt ingentes obelisci magno quidem negotio statuantur & collocantur, ob immensum molis pondus, sed collocati semel, infinitis durant seculis : Ita arduum est virtutis aut sapientiæ parare famam, sed parata nunquam intermoritur. Idem.

Sicuti maroneum vinum, cuius memin- tit Homerus, vicies tanto aquæ mixtum, tamen vigorem suum seruat : Ita sapiens nullis soluitur voluptati- bus. Plin. 14. cap. 4.

Vt Castoris & Pollucis faces si soli- tariæ appareant, dirum est ostentum : sin geminæ salutare : ita non oportet potentiam esse seiunctam à sapientia alioqui pestilentem. Plin.

Vti magnes occulta quadam & inco- gnita vi ferrum ad se trahit : ita sapien- tia secreta quadam ratione trahit ad se animos hominum. Plin. 1. 35. c. 16.

Sicuti aquilo initio vehemens, de- finit lenior, contrà Auster initio leni- or, definit vehemior : Ita qui præ- cipites magno impetu aggrediuntur, frigescent in processu. Contrà qui cõ- filio suscipit, magis ac magis accendi- tur operis progressu. Eras.

Sicuti quo directius nos ferit Sol ra- diis suis, hoc minor est vmbra nostri : quo obliquius, hoc magis increfcit vmbra corporis : ita quâto plus quisq; assequutus est veræ sapientiæ, hoc mi- nus magnificè de se sentit, quo longius abest ab ea, hoc se magis dilatat stul- tissima persuasione sapientiæ. Idem.

Arundinis radix contrita & impo- sita filicis stirpem corpore extrahit, item arundinem filicis radix : ita vi- cissim, & pecuniæ studium eximit ani-

mis amorem sapientiæ, & sapientiæ studium pecuniæ. Idem.

*Sapiens.*

Vt verus amor erga mulierem non desiderat testem, sed sat habet, si etiam ea potiat : Ita vir sapiens recti con- scientia contentus. At qui fictè amant ostentant & iactant. Plur.

\* Vt cœlestia humanas manus effu- giunt & ab his qui templa diruunt, aut simulachra constant nihil diuinis nocetur : ita quicquid fit in sapientem proteruè, petulanter, superbè, frustra tentatur. Senec. lib. quod in sapient. non cadit iniuria, cap. 3.

\* Quemadmodum erga ægrotos suos medicus, sic erga alios homines vir sapiens affectus est : eorum phre- nesin, maledicta, scurrilia dicta, petu- lantiam patiente fert animo. Senec.

\* Quomodo quorundam lapidum inexpugnabilis est durities : alij nec igni nec aquis cedunt : ita sapientis animus solidus est, & id roboris colle- git, vt tam tutus sit ab iniuria quam firmissimi lapides. Senec.

Vt sydera contrarium mundo iter in- tendunt : ita sapiens aduersus opinio- nem omnium vadit. Senec.

Cùm potentes imperio editi, & con- sensu seruientium validi nocere intren- tent : tam citra sapientem omnes eor- um impetus deficient, quam quæ ner- uo, tormentisve in altum exprimun- tur, cùm extra visum exierunt, ci- tra cœlum tamen sectantur. Seneca. Vt nec mundus crescit, nec Sol, nec Luna, nec mare : Ita pares sunt om- nes sapientes. Senec.

Vt grando illisa tectis dissultat, mag- no quidem fragore, verùm nulla no- xia : sic insultus fortunæ nihil potest in sapientem. Senec.

Vt egregius artifex, non in vna ma- teria artifex est : Sic sapiens in quauis fortuna se bene gerit. Senec.

Ut pumilio, etiam si in monte consistat, pusillus est, colossus etiam in puteo magnus: ita sapiens in quacunque fortuna suis bonis magnus est, stultus & in summa fortuna humilis. Senec.

Ut bonus artifex è quavis materia simulachrum fingit: ita sapiens quamvis fortunam sapientior administrabit. Senec.

Ut imperiti tempestatem non sentiunt, nisi serò suoque malo, contra prudentes agricolæ prospiciunt, cauēntque: ita vulgus hominum improvidū suo malo discit, cū interim vir sapiens procul præuisum malum vitet: ut Democritus, metente fratre ardentissimo æstu monuit, ut reliquæ segeti parceret, raperēque defecta sub tectum, paucis mox horis sæuo imbre raticinatione approbata. Senec.

Sicuti mundus vndique teres, ac rotundus sibi constat: ita sapiens nihil extra se querit, seipso contentus. Plin. lib. 2. cap. 2.

Sicut Mercurius quàm minimo spatio discedit à Sole, licet alioqui vagus & errabundus: ita non oportet longius ab honesto discedere sapientem. Plin. lib. 2. cap. 17.

Ut cochleæ lentè ingrediuntur, nec quicquam attingunt, aut vsquam sese movent, nisi cornibus prætentariat: ita sapientem oportet esse cunctabundum, minimèque præcipitem, & pedetentim aggredi gustu quodam prius sumpto. Plin. lib. 9. cap. 32.

Tradunt Physici veteres, Solem marinis aquis pasci, Luna dulcibus: ita sapientes amara querunt, modo vili: stulti quæ delectant modò, sectantur. Eras.

Ut in culice non minus admiranda naturæ vis est, quàm in elephante: ita sapiens in maximis pariter ac minimis negotiis, magnum virum ostendit. Ar

ingenij vis etià in iudicio atque humili argumento elucet. Plin. lib. 11. cap. 2.

Ut fulmen quodcunque animal proterius occidit excepto homine: ita fortuna procelle indoctos, ac brutos proterius animo deiiciunt, sapientem non item. Eras.

Sicut animantia quædam etià corporis partes amputant, ob quæ periclitari sese sciunt, veluti fiber: ita sapientis est aliquando facultatem iactura vitæ consulere. Plin. lib. 8. cap. 30. & lib. 36. cap. 16.

Ut indomita vis adamanti, vnde & nomen additum gemmæ, adè vt nec calefcit igni, nec ferro cedat: quin magis ictum ita respuens, vti ferrum simul & incudes dissiliant: sic sapientis animus aduersus omnem fortunæ seuientis impetum inuictus. Plin. lib. 37. cap. 4.

Ut Deus, plurimū sapiens & intelligens, minimum loquitur: ita sapiens non nisi necessaria loquetur. Eras.

Ut halcyones etiam media hyeme mare tranquillum præstant, non sibi solum, sed aliis quoque: ita sapiens turbatissimis rebus nō solum ipse tuebitur animi tranquillitatem, sed alios concitatos componet ac sedabit. Plin. lib. 10. cap. 23.

Rhododendri frondes, iumentis, capris, & ouibus venenum est, idem homini contra serpentium venens remedio: ita quod stultis perniciem adfert, vt res aduersæ, aut eruditio, id sapiens vertit in suum bonum. Plin. l. 16. c. 21.

*Scientia.*

Ut agricolæ libentius vident spicas inclinatæ, quæ erectas in altum, nam illas onustas fructu intelligunt, has inanes: Sic adolescentes, priusquam profecerunt in philosophia tument: vbi doctrinæ fructum perceperint, submittunt sese. Plut.

Querimus nonnunquam eos, quibuscum



buscum stamus. Ita quidam quod sciunt, se scire nesciunt. Senec. *Vide titulos de Artibus, Eruditione & Doctrina.*

*Seditio.*

\* Vt mare quod natura sua tranquilum est, ventorum vi agitari videmus ac turbari: Sic populus sua sponte pacatus, hominum seditiosorum vocibus & violentissimis tempestatibus concitari solet. Cic. pro Cluentio.

\* Vt tempestates sæpe certo aliquo cæli signo commouentur, sæpe improviso, nulla ex certa ratione, obscura aliqua ex causa concitantur: sic in comitiorum tempestate populari, sæpe intelligas quo signo commota sit, sæpe ita obscura est, vt casu excitata videatur. Cic. pro Muræna.

Salamandra non nisi magnis imbris provenit, serenitate deficit: ita quidam non apparent, nisi statu ciuitatis bello aut seditione turbato, iudem rebus pace compositis emoriuntur. Plinius lib. 10. cap. 67.

Sicuti vulgò dicunt Aquilonē noctu exortum nunquam ad tertium durare diem: ita rerum motus qui non ex altis initiis, sed facili causa subitæque profiscuntur, facile sedantur, & conquiescunt in repub. *Vide Discordia.*

*Senectus.*

\* Vt non omne vinum: Sic non omnis ætas vetustate coalescit. Cic.

\* Vt adolescentem in quo senile est aliquid: Sic senem in quo adolescentis probi est aliquid, laudamus. Idem.

\* Vt petulantia & libido magis est adolescentum, quàm senum, nec tamen omnium adolescentum, sed non proborum: sic ista senilis stultitia, quæ deliratio appellari solet, senum est leuium, non omnium. Idem.

\* Vt adolescentibus bona indole præditis sapientes senes delectantur, leuiorque fit eorum senectus, qui à iuuentute coluntur & diliguntur: Sic adole-

scentes senum præceptis gaudent, quibus ad virtutum studia ducuntur. Idem.

Vt gaudent, qui à furiosis dominis aufugerunt sic gaudere debent senes, qui ætatis beneficio libidine non infestantur. Plur.

Ibin aiunt, vbi cõsenuit, iamq; quod erat turbidum expirauit, magis aromaticè olere: Sic gloria senum tranquillior, & consilia sedatiora. Plur.

Vt aqua vino admixta reddit illud moderatius, & sobriæ nymphæ Bacchum temulentum compefcunt: sic in Repub. senes admixti, iuuenum temeritatem & ambitionem reuerentiâ sui reddunt moderatiorem. Plur.

Vt cantor senex nō admittit artem, nec abiicit lyram, sed leuiores sequitur harmonias, & vocis regit contentionem, iuuenibus aptiorem: Sic in senectute non oportet à Repub. profusus desistere, sed eligere negoria remissiora, quæ conueniant ætati. Plur.

\* Quemadmodum in naue quæ seninam trahit, vni rimæ aut alteri obfistitur, vbi plurimis locis laxari cœpit & cedere, succurri non potest nauigio dehiscendi: ita in senili corpore aliquatenus imbecillitas sustineri & succiri potest, vbi tanquam in putri ædificio omnis iunctura dilabitur: & dum alia excipitur, alia descinditur, circumspiciendum est quomodo excas. Senec.

\* Quemadmodum nouem mensib. nos tenet maternus uterus, & præparat non sibi, sed illi loco, in quem videmur emitti, iam idonei spiritum trahere, & in aperto durare: Sic per hoc spacium quod ab infantia patet in senectutem, in alium naturæ sumimur partum. Senec.

Adiice illos, qui non aliter, quàm quibus difficilis somnus, versant se, & hoc atque illo modo componunt, donec quietem lassitudine inueniant, statum

vitz

vitæ suæ formando, subinde in cono-  
uissimè manent : in quo illos non mu-  
randi odium, sed senectus ad nouandū  
pigra apprehendit. Senec.

Vt orbium diuersus in contraria ni-  
sus, motum omnium temperat : ita se-  
num contatio, iuuenum in repub. fer-  
uorem ac præcipitantiam moderatur.  
Erasm.

Vt ciconias nemo aduenire sentit,  
sed aduenisse, nemo discedere, sed dis-  
cessisse, quod noctu clanculūmq; faci-  
ant vtrunque : ita iuuentutem nemo  
intelligit discedere, sed discessisse : &  
senectutem non sentimus aduenire,  
sed aduenisse. Plin. lib. 10. cap. 25.

Nouella vitis copiosius gignit vi-  
num, sed vetustior melius : ita plura  
loquuntur iuuenes, sed vtiliora senes.  
Erasm.

Vt à corrente flumine tantum ha-  
bes, quantum hauris : ita ex annis sem-  
per euntibus nihil accipis, nisi quod in  
res duraturas collocaris. Eras.

*Sermo.*

Vt in calamitatibus firmissimi, atq;  
optimi amici adsunt vtiliter : Sic & ser-  
mones optimi. Plut.

Vt ædium ostio carentium, & crume-  
narum absque vinculis nulla est utili-  
tas : ita multo magis oris claustro ca-  
rentis nullus est vsus. Plut.

Qui in Platone & Demosthene ni-  
hil quaerunt, nisi puritatem attici ser-  
monis, quid aliud agunt, quàm ij, qui in  
pharmacis nihil amant, nisi fragran-  
tiam & nitorem, vim purgandi seruā-  
dique negligunt. Plut.

Quemadmodum Protogenes pi-  
ctor Apellem ex vnica linea cognouit  
nunquam alioqui visum : ita ex vnico  
responso ingenium, & prudentiam  
viriprehenderet, qui sit ipse sapiens.  
Plinius.

E voce agnoscimus hominem, facie  
non conspecta, nam sua cuique vox :

ita ex oratione licet hominis vitam  
coniectare. Eras.

Taurus auis cum sit pusilla, tamen  
boum vocem imitatur : ita nonnulli  
cum re sint exigui, tamen loquuntur  
reges ac satrapas. Vide Oratio.

*Seruitus.*

Si miserum est seruire, multò miser-  
rimum est seruire iis, quos non possis  
effugere. Plut.

Vt attagen aliàs vocalis, captus ob-  
tumesceat : ita quibusdam seruitus adi-  
mit vocem, qui liberè loquebatur. Aut  
sponte loquuntur, aut canunt nonnulli,  
si cogas, reticescunt. Eras.

Formicæ triticum arrodunt ea par-  
te, qua germinare incipit, ne sibi red-  
datur inutile : Sic potentes quo mini-  
stris perpetuò vtantur premunt, ne si  
emerferint, tædio seruitutis relinquūt  
aulam. Eras.

*Senectas.*

Vt echinus semper in spinis ingre-  
ditur, quod spinas secum circumferat :  
ita quibusdam in omni negotio acer-  
bitas est, propterea quod animo secū  
adferant asperitatem, etiam si res ipsa  
nihil habeat incommodi.

Vt Euripus in Eubœa septies in die  
defluit, ac toties refluit mira celerita-  
te : at idem tribus diebus vnoquoque  
mense stat immotus, septima, octaua,  
nonaque luna : ita quidam inæquales  
sibi, aut nimium præcipites sunt, aut  
nimium lenti, in vtranque partem plus  
satis vehementes. Eras.

*Silentium & taciturnitas.*

Grues cum ex Cilicia deuolant la-  
pillis in os sumunt, atque ita Taurum  
montem aquilis plenum tutò transuo-  
lant, idque noctu, ne vox prodet : Ita  
tutissimum vbiq; silentium. Plutarch.  
Plin. lib. 10. cap. 23. Aristot. de natur.  
lib. 9. cap. 10.

Vt egregius artifex iaculandi sta-  
tim scopum perit : ita sapit, qui pauca  
loquitur,

loquitur, sed ad rem. Plutarch.

Vt mysteria cum silentio spectantur: ita quædam melius laudantur silentio, quàm oratione. Plut.

Vt vas experiamur aquam non vinum infundimus: ita friuolum quiddā aliquando committendū amicis, quo silentij fidem experiamur, vt si effusiant, nihil sit periculi. Plut.

Fucata facies nec diu nec multis imponit: ita simulatio, non nisi ad tempus, & paucos decipit. Senec.

Quemadmodum onerati mero, non continent cibum: ita nec arcanum redundante vino. Senec.

Muta cicada pro miraculo est, quod ipsum genus sit garrulum: sunt autem huiusmodi in agro Rhegino: sic magis admiramur constantiam & silentium in femina, quod ipsum genus mutabile sit & loquax. Plin. lib. 11. c. 27.

*Simulatio & dissimulatio.*

Vt vitrum quia pellucidum, nihil celat: ita quidam nihil tegere, nihil dissimulare nōrunt: quicquid in animo est, id protinus omnibus palam est.

*Vide Hypocritæ.*

*Simulas.*

Vt inueterata consuetudo etiam si lædat: tamen haud faciliè propellitur: ita simulas inuidiam, Zelotypia mali memoriam in animo relinquit. Plut.

*Vide Odium.*

*Solitudo.*

Vt in aperto posita & exposita negliguntur ac prætereuntur, abstrusa petuntur insidiis: ita qui valde latet, & à vulgo semotus est, in huius vitam inquirunt homines. Senec.

\* Vbi complures vnā faciunt iter, si quis fuerit lentior, ab alijs pergentibus utcumque protrahitur: si quis æquo properantior, à cæteris retardatur. Contrā, qui solus facit iter, aut studio perueniendi nimium festinat, aut tæ-

dio itineris residet & obdormiscit alcubi. Rursum qui solus ambulat, nonnunquam aberrat. Inter multos si quis aberrat, non deest qui commonstret viam. Idem accidit in vita solitaria & gregaria. Eras.

*Somnus.*

Comicus venustè dixit de iis, qui lectos inaurant ac deargentant, cum dij nihil nobis gratis dederint, nisi somnum, cur id sibi magno volunt constare? At cum dij somnum nobis dederint, curarum & laborum delinimentum, superstitiosus sibi illum reddit carnificinam. Plut.

Heraclitus dixit, vigilantibus vnum commune esse mundum, sopitos in suum quenque discedere: at superstitiosus, ne vigilans quidem communi cum alijs mundo fruitur, semper somniantie cogitatione. Plut.

*Sophistæ.*

Vt præstigiatorum fraudes fallunt & cum voluptate: Sic sophisticis argutijs capi ridiculum est, non periculosum. Senec.

Vt cibi malè olentes, non videntur malè olere his qui ederint: ita spurcæ scotistarum & sophistarū literæ, cum alios melioribus imbutos literis vehementer offendant, ac nauseam moueant, eos qui nugas istiusmodi imbiberunt, nihil offendunt, imò bellæ videntur & elegantes. Eras.

Vt panthera bene olet, sed non nisi bestiis, quas ad se trahit, hominibus item nihil olet ita Scotus bonis ingenijs grauis est, stupidis istis & bardis quouis aromate grauior. Idem.

Vt bona so cornua oneri sunt tantum, nulli autem vsui, adeo sunt in se reflexa: ita sophisticæ dialecticæ habent, sed qua neminem reuincere possint, adeo est intorta. Plin. l. 8. c. 15.

*Sors.*

Vt in democratia, cui sorte contingit

gi imperium, eum oportet imperare: cui non contigit, cum oportet æquo animo ferre: Sic in vita hominū quod fors dederit, boni consulendum est. Plut.

Vt suus cuiq; morbus videtur atrocissimus: ita suum cuique incommodum maximè dolet. Eras.

*Spectacula & ludi.*

Vt admonuit Socrates cauendum ab iis edulciis, quæ illicerent ad edendū etiam non esurientes, & à potu qui ad bibendum inuicaret etiam non sitientes: Sic fugienda sunt spectacula, sermonesque qui pelliciant sui desiderio eos, ad quos nihil attinent. Plut.

*Spes.*

Quemadmodum Ægyptij lege iudebantur expectare donec peperisset, si qua grauida morbo fuisset correpta: ita non facilè abiicienda spes in hominum erratis. Plut.

*Splendor.*

\* Vt citharædus cum prodierit optimè vestitus, palla inaurata indutus, clamyde purpurea variis coloribus intexta, & cum corona aurea, magnis fulgentibus gemmis illuminata, citharam tenens exornatissimam, auro & ebore distinctam: ipse præterea forma sit & specie, staturæque apposita ad dignitatem: si tum magnam populi commoueat his rebus expectationē, & repente silentio facto vocem emittat acerbissimam, cum turpissimo corporis motu, quod melius ornatus est & magis fuit expectatus, eod magis derisus & contemptus eiicietur. Ita si quis in excelsa loco & in magnis æculis copias collocatus fortunæ muneribus & naturæ commodis omnibus abundabit, si virtutis & artium quæ virtutis magistræ sunt, egebit, quo magis cæteris rebus erat copiosus & illustis, & expectatus, eod vehementius derisus & contemptus ex om-

ni conuentu bonorum eiicietur. Cic. lib. 4. ad Herenn.

*Studium.*

Vt quod maiore negotio chalybi, aut marmoris insculperis, durat diutius: ita quod maiore studio discimus, nunquam obliuiscimur. Eras.

Vt qui leniter amant, gaudent quidem amico præsentem, absentis facilè obliuiscuntur: at qui penitus amant, non sinunt abesse quod amant: sic quidam facilè auocantur à studio philosophiæ negotiis: at qui verè amant, omnium præ illa obliuiscuntur, nihilque illis sine illa dulce esse potest. Plutarchus.

*Vide diligentia, labor.*

*Studiorum diuersitas.*

Vt feris aliis aliunde victus: sic hominibus aliis aliunde viuendi ratio: alius philosophatur, alius militat. Plut.

Vt Androgyni sic utrosque imitantur, vneutrum sint, nec mares, nec femina: ita quidam dum & theologi volūt esse & rhetores, à neutris agnoscuntur. Idem.

Vt à Seribus mollissima vellera, & ab iisdem durissimum ferrum mittitur: Sic à quibusdam diuersa proficiuntur. Idem.

Crocodilus anceps animal nunc in terris agit nunc in aquis: in terra ponit oua, in aqua prædatur, & insidiatur: ita quidam simul & aulici sunt & ecclesiastici, & utrobique pestilentes.

*Vide ingeniorum diuersitas.*

*Studium immodicum.*

Vino modico netui, & oculi iuuantur, eodem copiosiore læduntur: Sic literis modicè gustatis adiunatur vita, eadem læditur, si quis immodicè incumbat. Eras.

Vitis nisi subinde amputetur, ipsa sua fecunditate gracilescit & perit: ita cohibendum est immoderatum studi-



studium felicibus ingeniis, ne parum moderato labore consumantur. Idem.

Notatus Protegenes, alioqui summus in pictura artifex, quoddam nesciret manum tollere de tabula: ita quidam scriptores immodica diligentia peccant, quibus nihil vnquam satis emendatum videtur. Idem.

Lusciniis tantum est canendi studium, ut certantes emoriantur, spiritu citius deficiente quam cantu: ita nonnulli literarum immodico amore valetudinem extinguunt, & dum à nullis vinci volunt cruditione, percunt in ipso conatu. Plin. l. 10. c. 29.

*Vide Diligentia, Assiduitas, ac Labor. Stultitia.*

Vt Apion Homerum ab inferis euocatum nihil aliud interrogauit, quam quibus parentibus genitus esset: Sic quidam, grauissimorum virorum concilio conuocato, de meris nugis consulant. Plin. l. 30. c. 2.

Vt Cyclops excoquilatus, manus quoquoersum porrigebar, nullo certo scopo: ita magnus rex cui desit prudentia, quiduis aggreditur ingenti rerum tumultu sed nullo iudicio. Eras.

Sol, Luna, Stella, Mare, Terra, arbores, herbar, bruta, & in his apes, formicæ, conchæ, denique lucernæ tempestatem præsentunt: solus homo sua mala non præsentit neque prospicit. Plin. l. 18. c. vlt.

Vt conchylia crescente luna augescunt, decrescere marcescunt: ita stultus à fortuna pendens, nunc magnus est, nunc pusillus, nunc elatus, nunc supplex, vtrunque Rhamnusia mutauerit sese. Plin. l. 11. c. 102.

Mugiles si caput condiderint, putant se rotos occulari: ita quidam si sua vitia dissimularint ipsi, putant ab aliis non animaduerti, qui mos idem & pueris est. Plin. l. 9. c. 71.

Struthiocamelus, auium maxima,

sed stolidissima, nam ubi collum oculi cultauerit frutice, latere sese existimat: ita quidam ingenti mole corporis onusti, minimum habent ingenij. Plin. l. 10. c. 1.

Si femina inter aues saliat fræminam, nascuntur quidem oua, sed ex quibus nihil nascatur: ita consilium quod animo conceperis, non accedente oratione friuolum est & inutile. Oua sic nata Hyponemica, hoc est, subuentanea vocant, dicuntur & Zephyria, quæ vento concipiuntur. Sic euahidum est, quicquid imaginatione, non certo iudicio instituitur. Aristot. hb. 6. c. 2. de nat. anim. Plin. l. 10. c. 58.

*Stupiditas.*

Quemadmodum gemma Chalazias, etiam si in ignem coniciatur, tamè natium frigus suum retinet: ita quidam sic frigent ad literas ac virtutem, ut nullis exemplis, aut horratibus inflammare possis. Plin. l. 37. c. 11.

Vt tarandi curis ferro impenetrabilis: ita quosdam nihil queas distinxere. Plin. l. 8. c. 34.

*Stylus.*

Quemadmodum in superioris Lybyæ populis, quoniam mulieres communes sunt, ut in Politicis testatur Aristoteles, filios iuxta similitudinem formatum partiuntur: ita confusis operum titulis, styli similitudinem, & orationis phrasim oportet spectare. Eras.

*Successus rerum.*

Vt si quis varia spargat, necesse est vt aliqua proueniant: Sic omnia tentanti quædam succedunt. Senec.

*Superbia.*

Vt Deus irascitur, qui fulmen ac tonitru imitantur, eosque in tartara præcipitat, ut Salmoneum: sic superbis & clatis indignatur, qui magnitudinem æmulantur, non expriment bonitatem. Plut.

Si quid in vtres velis infundere boni, ventum atque aërem remoueas oportet: Sic fastum ac tumorem eximas oportet ab animo eius, quem velis docere. Plut.

\* Vt membrum turgidum ac tumidum vitiosè se habet: ita inflatus animus & tumens in vitio est. Cic.

*Superstitio.*

Si fieri potest, lippitudinem auferimus ab oculis: sin id non licet, non tamen eruiamus oculum: ita si superstitio tolli prorsus non potest, non tamen protinus credendum, nullos esse deos. Plut.

Licet seruis, quibus spes non est libertatis, ad principis statuam confugere, venditionem postulare, mutare dominum, si durius habiti sunt quàm ferre possint: superstitiosis nec hoc licet. Plut.

Polycrates tyrannus non erat formidabilis, nisi Sami, Periander Corinthi. Desinebat metuerè, qui illinc in liberam ciuitatem emigrasset: at superstitiosus non habet quò confugiat, vt metu liberetur. Plut.

Gubernator videt insurgere tempestatem; deorum auxilium implorat, nihilo segnius interim clauum moderans, & antemnam detrahens: at superstitiosus desponder animum. Plut.

Quidam dum stultè fugiunt latrones aut feras, in auia incidunt, & in barathra, aut præcipitia: Sic quidam superstitionem ita fugiunt, vt incidunt in impietatem, cum in medio sit pieras. Plut.

Sunt aræ seruis, sunt statuæ, sunt asyla latronibus, ad quæ confugiunt, & vbi tuti sint: at hic maximè timet superstitiosus. Plut.

Licet seruis postulare distractionem, & mutare dominum: idem non datur superstitiosis, cum omnes deos metuant. Plut.

Non timet mare qui non nauigat,

non bellum, qui non bellat, non latrones dominans, non calumniator è pauper, non inuidiam priuatus: non terræ motum, qui est in Galatia: non fulmè, qui est in Æthiopia: at superstitiosus omnia timet, terrâ, mare, aërè, coelum, tenebras, lumen, strepitum, silentium, somnium. Plut.

Serui cum dormiunt, non timent heros, vincti obliuiscuntur compedum in somno: vlcera, carcinomata, & grauissimi etiam cruciatus conquiescunt: Sola superstitio etiam dormientem infestat. Plut.

Latrones aut fugitiui, si aram, aut statuam apprehenderint, in toto sunt: at hic maximè trepidat superstitiosus. Plut.

Vt tremunt, qui vrsorum aut draconum lustra adeunt: sic superstitiosi cum tractant diuina, existimantes deos semper paratos ad nocendum. Plut.

Carbunculi ignis & nomen & speciem habent, cum ignem non sentiant, vnde & apyrustæ dicti: ita quidam pietatis opinionem & imaginem obtinent, cum à re sint alienissimi. Erasmo. *Vide Somnus.*

*Suspicio.*

Vt morbus in corpore non admittente quod proprium est, multarum noxiarum & absurdarum rerum gignit appetentiam: ita calumnia suspiciòque aduersus cognatos & domesticos malas & noxias aliorum necessitudines inducit. Plut.

T.

TACITVRNITAS.

VT monas non exit suum finem, sed semper in vno manet, vnde & nomen habet: dyas autem initium differentiz in finitum, protinus enim per se duplicatur ad multitudinem: Ita sermo donec apud vnum manet, verè

verò arcanus est & secretus, quòd si ad alteram transierit, iam spargitur in famam. Plut.

*Vide silensium.*

*Tarditas.*

Vt in inferendo calamus alius depressus, tardius fert, sed durat fortius: ira præstat sic rem aggredi, vt firmior sit ac durabilior, potius, quàm vt præsens spectos lucellum. Eras.

*Temeritas.*

Sol cum maximè tollitur in altum arduus ad polum septentrionalè, tum minimum mouetur: ita quo maior est potestas, hoc magis coercenda est animi temeritas. Plut.

Columbo in volatu pernicitas, sed dum plaudit in aere sibi placens inaplicatis strepitui pennis capitur ab insidiante alicubi accipitre: ita multi dum ostentant suas vires magis quàm vtuntur, obliui sui, præda fiunt inimicis. Eras.

*Temperantia.*

Vt Athenienses nunquam de pace consultabant nisi pullati, quemadmodum dicebat Demades: ita nobis non venit in mentem moderatior victus, nisi iam febri æstuantibus & ad motis pharmacis. Plut.

Vt nauis sereno celo non nihil laxant vela, cum est suspicio tempestaris, contrahunt: ita corpori rectè affecto non nihil permittendum: contra si quid timebitur morbi, cautius agendum. Plut.

Vt in tranquillitate corpus expeditum redditur aduersus imminentem tempestatem: ita tenui victu, parcaque, vt medici loquuntur, diæta vtendum, vt si incidas in opiparum conuiuium possis enatare. Plut.

Homines tantùm pingues ac robusti durique similes sunt gymnasiolorum columnis, vt dixit Ariston. Plut.

Vt nauibus sentinæ plenæ onus de-

trahendum: ita corporibus aggrauatis subducendus cibus ac potus. Plutarch.

*Vide frugalitas.*

*Tempus.*

Sicut vnda vndam perpetuò propellit: ita dies diem trudit. Eras.

Vt à corrente flumine tantum habet quantum hauris: ita ex annis semper cunctibus nihil accipis, nisi quod in res duraturas collocaris. Idem.

Vt ciconias nemo aduenire sentit, sed aduenisse: nemo discedere, sed discessisse, quòd noctu clanculùmque faciant vtrunque: ita iuuentutem nemo intelligit discedere, sed discessisse, & senectutem non sentimus aduenire, sed aduenisse. Idem.

*Tempori inferniendum.*

Non vt polypus se quibusvis locis: ita nos debemus quorumlibet moribus accommodare. Plut.

Non vt Proteus præstigiis sese in omnes vertebat formas, nec vllam habebat certam ac propriam: Sic oportet nullo certo vitæ instituto, cum studioso legere, cum palestra colluctari, cum venandi studiosis venari, cum bibosis simul inebriari, cum ambitioso ambire magistratum. Plut.

Vt cancri in metu utroque vorsum pari celeritate ingrediuntur: ita cum res exigit, vertendi sunt in diuersum mores. Plin. l. 9. c. 37.

Vt natura non est eadem omnibus locis, neque flatuum, nec maris nec pluuiarum, nec arborum, nec animantium: ita non oportet hominem vbiuis eundem esse, sed cum loco ac tempore variari. Eras.

Vt arborum alie gaudent montibus alie vallibus, alie siccis locis, alie riguis & aquosis: ita non omne vitæ genus omni homini conuenit. Sunt quæ quouis proueniunt loco. Ita sunt horarum homines, accommodati ad mores omnium. Idem.

*Tenacitas.*

*Tenacitas.*

In Chio Dianæ facies est in sublimi posita, cuius vultus ingratis tristis, exeuntibus exhilarata videtur: ita sordidi quidam aduentem amicū tristes accipiunt, timentes ne quid petat, aut ne sumptum adferat conuiua: ac alacres dimittunt abeuntem. Eras.

*Testamentum.*

\* Quisquis graui morbo correptus tabulas testamenti conscribit, similis est iis qui marinis fluctibus vehementer agitati tum primum incipiunt nautica instrumenta debito ordine tractare. Aristor.

*Timor.*

Crocodylus terribilis est in fugaces, fugax contra insequentes: ita quidam si concedas ac metuas, tum ferociunt: si strenuè contemnas & obstitas, statim concedunt. Plin. lib. 8. cap. 25.

Vt Chamæleon, quia pauidissimum animal subinde colorem mutat: ita qui viribus non pollent, ad varias artes confugiant necesse est. Plin. lib. 8. cap. 33. & lib. 28. cap. 8.

\* Vt qui mortem in malis ponit, non potest eam non timere: Sic nemo vlla in re potest id quod malum decernit non curare idque timere. Cicero.

*Tristitia.*

Quæ natura sunt amara, his admixtis quibusdam dulcibus gratiam addimus: ita res per se tristes ratione sunt alleuandæ. Plut.

Vt muscæ à leuibus locis veluti speculis dilabuntur, asperis & cauis insident: Sic quidam bonorum obliui, trifolium memoriam vrgent ac premunt. Plutarch.

Vt rosa, flos vnus omnium longè gratissimus, de spinis nascitur: Sic è tristibus & asperis laboribus fructus capitur iucundissimus. Eras.

*Turpitudine.*

Vt apud Iureconsultos etiam qui

frigidam suffundunt, simili notantur infamia: ita culpandus, qui ad turpia hortatur, non is solùm qui turpia facit; Eras.

*Tyrannus.*

\* Vt si gladium paruo puero, aut si impbelli seni aut debili dederis, ipse imperu suo nemini noceat: si ad modum vel fortissimi viri corpus accesserit, possit acie ipsa vel ferri viribus vulnerare: ita cum hominibus enervatis atque exanguibus magistratus tanquam gladius est datus, qui per se pun gere hominem nunquam potuissent, hi magistratus nomine armati, Rempub. trucidauerunt. Cicero pro Sext.

Quemadmodum agricola non incidit spinam priusquam asparagum inde ceperit, & Libyes non antè incendunt sarmentum quàm thus collegerint: ita Deus non excidit genus regum pestilens, priusquam hinc fructus aliquis bonus contigerit. Plut. Plinius lib. 28. cap. 8.

Vt hyenæ fel, & phocæ coagulum, atque aliæ pessimarum ferarum partes aduersus magnos morbos efficax habent remedium: Sic Deus pessimis tyrannis vititur nonnunquam ad correctionem vitiorum. Plut.

Catoblepas & basiliscus solo aspectu necant, maximè si oculos intucare: ita tyranni nonnulli solo oculorum coniecto nonnullos ad laqueum adiungunt Plin. lib. 8. cap. 21.

Aspis pestilentissimum malum non vagatur, nisi cum compare, ea interfectorem pertinacissimè persequitur: ita tyranni filium, aut alium tyrannidis successorem adiungunt, ne desit vltor, si quid acciderit. Plin. lib. 8. c. 23.

Crocodylus patitur trochilum auculam carpere escam è faucibus suis, non illius amore, sed sui ipsius causa: repurgat enim rostro suo os illius: ita tyranni



tyranni etiam si quid alicui cōcedunt, semper ad suum referunt commodum. Plin. l. 8. c. 35.

Aquilarum pennarū quoque aliarum auium pennis admixtæ, eas deuorant: Ita tyrannis penitus infra vis est spoliandæ plebis, vt mortui quoque aliquid auferant. Plin. l. 10. c. 3.

Crocodilus, inuidum alioqui & perniciosum animal, tamen Tentyritas adeo metuit, vt ad vocem etiam expauescat: Ita tyranni cum omnes contemnant, tamen eruditorum literas timent. Plin. l. 8. c. 15.

Cervi cum arrexere aures, ac erimi auditus sunt, cum remiserunt surdi: Ita principes si quid est quod placeat, id procul etiam percipiunt: si quid secus, quantumuis clames non intelligunt. Plin. l. 8. c. 33.

Formicæ triticum arrodunt ea parte, qua germinare incipit, ne sibi reddatur inutile. Sic potentes quo ministris perpetuo viuunt premis, ne si emerferint, et diu seruitutis relinquunt aulam. Plin. l. 11. c. 30.

\* Si tyranni queris imaginem, leonem, ursum, lupum aut aquilam cogita, quæ laniatu viuunt ac præda: vt quoniam intelligunt sese omnium odiis obnoxia, omnium insidiis peti, præruptis locis se continent, aut solitudinibus & specubus abdunt sese. Nisi quod horum quoque scruitiā superat tyrannus. Dracones, pardi, leones, cætera quoque immanitatis damnata crimine animantia, suo genere, temperant, & tuta est inter feras similitudo morum. At tyrannus homo in homines, cuius in ciues potissimum feritatem suam exercet. Eras.

## V.

## VARIETAS.

**V**T qui locis æqualibus ambulant, magis defatigantur, quàm qui in-

æqualibus: ita laboriosus est semper eadem aut similia repetere quàm in variis versari negotiis. Eras.

*Verbum Dei.*

Draconites, nec poliri potest, nec artem admittit, alioqui elegans ac transluens: ita diuina scriptura suum habet nitorem, nec artificium philosophiæ aut rhetorices admittit. Eras.

Cedrus & iuniperus si oleo perungas, nec tineas sentiunt, nec cariem: ita semel imbutus diuini spiritus succo animus, nullam huius mundi sentit corruptelam. Idem.

Rhododaphnes arboris folia quadrupedibus venena sunt, hominibus præsidia aduersus serpentes: ita diuinæ literæ sobriis ac prudentibus salutarem præbent alimoniam, stultis autem & impiis hereseos, & maioris impietatis ministrant occasionem. Idem.

Vt homini semper adest remedium aduersus serpentium virus, nempe salua, qua contacti ceu feruenti perfusæ aqua, fugiunt, ac emoriuntur si in fauces penetrauerit: Sic aduersus omnes pestiferas cupiditates præsens remedium semper nobiscum circumferimus, si modo nouerimus uti, id ab animo petatur oportet.

Sicut Alexander Magnus vetuit, ne quis se pingeret præter vnum Appellæ, aut ne quis se fingeret ære præter Lysippum, aut gemma sculperet præter Pyrgotelem, summos videlicet artifices: ita non conuenit Christum à quouis prædicari, aut virtutem à quouis laudari. Idem.

Vt stultum sit relictis fontibus consecrari riuiolos: ita ineptum est, relictis Euangelis, Lyræ, & similibus somnia sequi. Idem.

*Velut.*

Vt speculum non reddit imaginem, nisi subternas vitro stannum, aut æs, aut aurum, aut simile quippiam solidum,

dum, quod imaginem non sinat perfluere: ita non nisi in animis solidis, & vera virtute nixis, relucet imago veri. Eras.

*Vestitus.*

Quemadmodum stultus est, qui equum empturus non ipsum inspicit, sed stratum eius ac frenas: sic stultissimus est, qui hominem aut ex veste, aut ex conditione quæ vestis modò nobis circumdata est, æstimat. Senec.

*Victoria.*

Iniecto in oculos fago leo sine ullo negotio capitur, atque in expugnabilis: ita facillimum est potentissimum etiam domare modo cognitum sit illius ingenium. Eras.

Sicuti Leo citius læuit in virum quàm in feminam, pueros non nisi summa fame coactus attingit, simplicibus ac prostratis parci: ita potètes infirmioribus debent ignoscere, vires in alios experiri, quos vincere pulchrum sit. Idem.

*Vicinitas.*

Luna præcipuè mouet inferiora, non quòd efficacior, sed quia propior: ita multum habet momenti ad res consiliendas vicinitas. Eras.

Vt in re rustica non satis est, reipsum bonum esse colonum, sed magni refert, cuiusmodi habeas & vicinum: sic in vita nò satis est, si reipsum integrum virum præstes, sed refert cum quibus habeas consuetudinem. Plin. l. 10. c. 5.

*Vicissitudo rerum.*

Vt in rerum natura, quæ spectatissimè florent celestribus mareciscunt, veluti, rosæ, lilia, violæ, cum alia durent: ita in hominum vita, quæ florentissima sunt citissimè vertuntur in diuersum. Eras. Vide Fortune inconstantiam.

*Vindicta.*

Vt pater videns puerum volentem incedere quippiam, ipse arrepto ferro

id facit: ita ratio vindictam eripiens iræ, vtiliter castigat. Plur.

Qui nos docuit sagittare, non vetuit aciculari, sed vetuit, ne aberraremus à scopo: ita non est interdicta punitio, sed in tempore & aptè facienda. Plutarchus.

Cibo iuxta naturam vritur is, qui esurit: At vindicta debet vti, qui nec sitit eam, nec esurit. Plur.

Quemadmodum reus paribus sententiis absoluitur: Sic sapiens ubi paria maleficiis merita sunt, magis meminit benefactorum, quàm iniuriarum. Senec.

Aspis pestilentissimum malum non vagatur, nisi cum compare, ea interfectorem pertinacissimè persequitur: ita Tyrannus filium, aut alium tyrannidis successorem adiungit, ne desit ultro si quid acciderit. Plin. l. 8. c. 23.

Quædam remedia tristiora sunt ipso morbo, vt satius sit oppetere mortem, quàm his aucupari salutem: velut sugere sanguinem è vulnere recenti gladiatorum morientium: ita quare doque satius est ferre iniuriam, quàm maiore incommodo vlcisci: ferre pacem, etiamsi parum commodam, aut æquam, quàm bellum cum immensis malis suscipere. Eras.

*Vindicta diuina.*

Vt amnes quidam repentè se cōdunt sub terram, nihilominus eò perferuntur quò tendunt: ita numinis ira licet occulta, tamen in extremas calamitates aufert aliquando nocentes. Plur.

Vt Medici quibusdam morbis occurrunt priusquam appareant: Ita Deus quædam punit, ne fiant. Plur.

Quemadmodum ischiacis medici pollicem inurunt, & cum alibi doleat, alibi admovent remedium: Sic Deus nonnunquam vt patres sanet,

szunt in filios. Plur.

Tyrannum mutato solo licet effugere: qui Deum timet non est quod fugiat, quandoquidem nusquam non est Deus. Plur.

Vt principem simul & metuimus, & amamus, vt insectum malis, bonis placidum: sic & Deum. Plur.

Vt Deus irascitur eis qui fulmen ac tonitru imitantur, eosque in tartara precipitat, vt Salomoneum: sic superbis & elatis indignatur qui magnitudinem æmulantur, non exprimunt bonitatem. Plur.

*Vinum.*

Muli calcitratus vino crebro inhibetur: mulieris petulantia vino provocatur. *Vide ebrietas.*

*Virtus.*

\* Vt equus indomitus, quamvis natura bene compositus sit, idoneus non potest esse ad eas utilitates, & aptus ad ea quæ desiderantur ab equo: sic homo indoctus quamvis ingeniosus, ad virtutem non potest peruenire. Cicero lib. 4. ad Herennium.

\* Vt obscuratur & offunditur luce solis lumen lucernæ: sic rerum corporum æstimatio splendore virtutis & magnitudine obscuretur & obruatur atque intereat necesse est. Idem, l. 2. de Orat.

\* Vt gemmæ quamvis abiiciantur in lutum, fulgorem tamen & proprietatem non amittunt: sic multi qui quamvis in tenebris inuoluti fuerint, non tamen optimam naturam, quam non ab homine, sed ab ipso Deo generam putamus, amiserunt. Idem, act. in Verrem.

\* Sicut quædam in contactos à corpore vitia transiliunt: ita animus mala sua proximis tradit. Ebrius conuictores in amorem vini traxit. Impudicorum cæcus fortem virum emollit.

Auaritia in proximos virtus suam transfudit. Eadem ex diuerso ratio virtutum est, vt omne quod secum habent mitigent. Seneca libro 3. de ira, capit. 1.

\* Vt salutaria cæta gustum tactumque odore proficiunt: ita virtus utilitatem etiam ex longinquo & latens fundit, siue potitur & fruitur suo iure, siue precarios habet accessus, cogiturque vela contrahere, siue ocliola mutataque est & angulo circumscripta, siue ad aperta, in quocunque habitu sit prodest. Idem, lib. 1. de tranquill. vitæ, capit. 3.

\* Leuium metallorum fructus in summo est: illa opulentissima sunt, quorum in alto latet vena asidue plenius responsura fodienti. Hæc quibus delectatur vulgus tenuem habent ac perfunctoriam voluptatem, & quodcunque inuentum gaudium est, fundamento caret. Virtus aliquid solidum est, & quod plus pateat introrsus. Idem epist. 23.

\* Non ex ebone tantum Phidias sciebat facere simulachra, faciebat ex ære: si marmor illi, si adhuc viliores materiam obrulisses fecisset quale ex illa optimum fieri posset: Sic sapiens virtutem si licebit in diuitiis explicabis, sin minus, in paupertate: si poterit, in patria, sin minus in exilio: si poterit, imperator, sin minus, miles: si poterit, æger, sin minus debilis: quacunque fortunam acceperit, aliquid ex illa memorabile efficiet. Idem, epistol. 86.

\* Vt solis lux integra est, etiam si aliquid interiaceat: eodem modo virtuti opposita nihil detrahunt. Non est minor, sed minus fulget: nobis forsitan non æquè apparet ac niteri sibi eadem est, & more Solis obscuri in occulto vim suam exercet. Idem, epist. 93.

\* Quemadmodum primum militiæ vinculum

vinculum est religio; & signorum amor, & deserendi nefas: nunc deinde facile cætera exiguntur, mandanturq; ad iusiurandum adactis: ita in his quos velis ad beatam vitam perducere, prima fundamenta iacienda sunt, & insinuanda virtus. Idem, epistol. 96.

\* Quemadmodum visus oculorum quibuldam medicamentis acui solet & repurgari: sic & nos, si aciem animi liberare impedimentis voluerimus, poterimus perspicere virtutem, etiam obrutam corpore, etiam paupertate opposita, & humilitate, & infamia obiacentibus. Idem epistol. 116.

Vt aromata pannos, ac laceras vestes, odoratas reddunt: contra byssus sudore infecta malè olet: sic quævis vita iucunda, si virtus accesserit: contra, malitia etiam quæ splendida videntur, molesta reddit & intolleranda. Plur.

Vt acer equus suapte sponte facilè currit: Ita qui ardet amore virtutis, non eget admonitore. Plur.

Vt amanti omnia placent in amato: sic in eo, in quo virtutem amamus, etiam gestum, incessum, & aspectum imitari gaudemus. Plur.

Vt qui verè amant, etiam balbutiem ac pallorem adamant in amatis: Sic admirator virtutis, non horret Aristidis exilium, nec Socratis paupertatem, nec Phocionis condemnationem. Plur.

Vt non est verus amor qui caret zelotypia: ita non amat vehementer virtutem nisi qui ardet æmulatione rectè factorum ab aliis. Plur.

Vt ex igni & terra, veluti necessariis, compositus est mundus, iuxta Platonē, terra soliditatem conferente, igni calorem ac formam: ita magna imperia non parantur, nisi misceatur cum fortuna virtus, & altera alteri sit auxilio. Plur.

Alibi diligenter expenditur, non quid habeat quisque, sed quid habeat suum: itidem hominem suis propriis bonis oportet æstimare. Senec.

Qui sepem aut aggerem construunt, quævis congerunt, lignum, saxum, aut columnam à sepulchro delapsam: at qui regiam ædificat, nihil temerè componit: sic vir bonus nullam vitæ partem negligit incompositam. Plutarch.

Vt ingentes obelisci magno quidem negotio statuuntur & collocantur ob immensum molis pondus, sed collocati semel, infinitis durant seculis: Ita arduum est virtutis aut sapientiæ iter. Plin.

Vti Sol quò magis in alto est, hoc minores iacit umbras, quò terræ propinquior, hoc maiores, puta mane ac vespere: Ita virtus quò maior est, & excelssior, hoc minus videri cupit, minusque sese ostētat, contra qui minus ipsa re valent, magis sese dilatant ostentatione. Eras.

Cùm ad omnia aduolent apes, tamen nullis nocent floribus: Ita virtus, & literæ sic ab aliis sumuntur, vt nihilo deterior sit is, qui communicauit. Idem.

Afinz per omnem gignunt vitam, cùm homo tam maturè desinat parere: Ita facilior ac perpetuus proventus rerum vilium, egregia rarò contingunt. Idem.

Lotos, quam Latini fabam Græci vocant, ramenta ligni habet amarissima, fructum dulcissimum: Ita conatus ad summam virtutem durus est, fructu nihil suauius. Plin. li. 24. cap. 2. & lib. 13. cap. 37.

Sicut primùm pictura cœpit ab umbris & lineis, deinde monochromata, mox accessit lumen & umbræ una cum colorum varietate donec ad summam artificij peruenit admiratio-



nem: Ita virtus in nobis non statim absoluta nascitur, sed paulatim quotidianis ausibus ad summum perducit. Eras.

Rarò auri & argenti vena reperitur, nisi alia non procul sit, vnde & Græci nomen indidere: Ita nulla virtus solitaria est, sed alia aliam adiungit. Idem.

Iris gemma non nisi in opaco reddit colores arcus cœlestis, nec ita ut ipsa habeat in se, sed parietibus illidat, in Sole coloribus caret: ita quidam varia virtutum simulachra præ se ferunt, sed in obscuro, & quod in se non habent, tamen in aliorum animis veluti repræsentant ac gignunt. Idem.

Quemadmodum in opalo gemma multarum gemmarum dores eminet, nempe carbunculi tenuior ignis, amethysti fulgens purpura, smaragdi virens mare, cunctaque hæc pariter incredibili mixtura lucentia: Ita multorum virtutes in vno hoc eminent, aut in sacris literis simul inuenitur, quicquid apud vltos ethnicos scriptores placere potest. Idem.

Crocus gaudet calcari, premendoque melius prouenit: vnde iuxta semitas & fontes lætissimus est: Ita virtus aduersis exercita rebus, lætius emicat. Plin. lib. 21. cap. 6. Theoph. lib. 6. cap. 6.

Vt palma quia cortice sit cultellato, difficilis quidem est ascensu, sed fructum habet dulcissimum: Itidem eruditio & virtus aditum habent difficilem, sed fructum dulcissimum. Plin.

Sicuti mundus vndique reses ac rotundus sibi constat: Ita sapiens nihil extra se querit, se ipso contentus. Idem.

Vt speculum non reddit imaginem nisi subternas vitro stannum, aut æs,

aur aurum, aut simile quippiam solidum, quod imaginem non sinat perfluere: ita non nisi in animis solidis, & vera virtute nixis, relucet imago veri. Eras.

#### Vitium.

Viator qui semel in saxum impegerit, aut gubernator in rupem, non solum horret eadem, verum etiam similia: sic qui vitium agnoscit suum, etiam à confinibus cauebit. Plut.

Si miseri sunt, qui duos nacti sunt dominos, quanto infeliciores qui dominis feruiunt vitiis, à quibus non possunt aufugere. Plut.

In bello nunquam remittendæ sunt excubiæ: Ita semper aduersum vitia nobis dimicandum. Plut.

Vt qui desperat se fore diuitem, largius impendit: at qui iam spe vicinus est opulento, is nec pusillum contemnit lucellum, & minimis parcat: ita qui confidit se fore bonum virum, & minima vitia studet corrigere, & nihil negligit, quod aliquo modo conducatur ad bonam mentem. Plut.

Qui lignum ob imperitiam rectum facere nesciunt, distorquent in diuersam partem: sic quidam fuga vitij in aliud vitium incidunt grauius. Plutarchus.

A praua vxore facile diuortium feceris: malitia visceribus insidet, nec potes illi repudium scribere. Plut.

Vt corporis vitia grauiora sunt quæ faciunt vlcus, ita quædam animi vitia ob id sunt grauiora, quod vehementius perturbant: minus enim cruciat, si quis non credat esse deos, quam si quis superstitiosè timeat deos. Plutarch.

Vt mendum quod induruit ac diutius in hæsit difficile tollitur: ita vitia inueterata non facile corriguntur. Plut.

Vt oculi diutino morbo difficiles fieri,

At, quouis Solis radio offenduntur: sic vitia, multa & assidua contracta temulentia, durant & sobriis. Senec.

Vt quædam feræ etiam domitæ, tamen subito ad feritatem nativam recurrunt: ita nunquam bona fide vitia mansuescunt. Senec.

Vt Sol minora obscurat lumina: ita ad virtutem reliqua commoda nihil habent momenti. Senec.

Vt scarabeum, aut viperam, aut araneum in gemma redditas à natura (nam id videmus esse factum in nonnullis) nō horremus, sed amplectimur, effigie delectari: Sic vitiorum erudita pictura delectamur in historicis ac poetis. Eras.

Lyncæstis aqua, quæ vocatur Acidula, non secus ac vipum temulentos reddit: ita quosdam etiam sua paupertas & inficitia reddit feroces & improbos. Eadem enim vitia à diuersis nascuntur causis, vt ex scientia arrogantia, eadem ex ignorantia. Plin. lib. 31. cap. 2. cap. 106.

In nassam facilis illapsus est, sed exitus difficilis: Sic decliue iter in vitia, reditus ad meliorem frugem, non perinde facilis. Eras.

Vt est quædam venenorum contraria natura, sic vt sæpenumero venenum veneno pellatur: Sic virium vitio pellitur, & malus malo obicitur. Idem.

Cum ætate vehementius tonuerit, quàm fulserit, vt inquit Plinius, ventos denunciat: Ita vbi quis vehementer inclamat in aliorum vitia, ipse non perinde lucens morum integritate, indicium est animi magis ambitionis vento tumescantis, quàm solidè pij. Eras.

In aspidis ictu nullū est remedium, nisi vt partes contactæ amputentur: Ita quædam vitia sola morte sanari possunt. Plin. lib. 8. c. 23. Vide Malisiam.

*Virtutum & vitiorum cognatio.*

Opalum gemmam in discreta similitudine adulterant Indi, experimentum in sole tantum: ita virtutes quædam vitia sic imitantur, vt difficillimum sit dignoscere, nisi ad summam lucem proferantur. Plinius libro 37. cap. 6.

Carbunculi ignis & nomen & speciem habent, cum ignem non sentiant, vnde & apyrustæ dicti: ita quidam pietatis opinionem & imaginem obtinent, cum à re sint alienissimi. Plinius lib. 37. cap. 5.

Vt celerius inebriantur, qui dilurum bibunt, quàm qui merum: ita citius inficiunt animum, quæ sobrietatis aliquid habent admixtum, quàm quæ simpliciter obscæna sunt. Nam à vehementer obscænis refugit animus: contrà, illa blandiuntur aliqua virtutis specie. Eras.

Vt Sol hominem tingit nigrore cum linum candefaciat: Ita factum idem huic infamiam conciliabit, illi gloriam & laudem pariet.

*Visus.*

Vt venatores non sinunt canes quiduis olfacere, aut mordere, sed integros eos seruant feræ: Sic oportet aures & oculos non sinere quouis vagari, sed rebus necessariis referuare. Plut.

*Vita hominu.*

Plato confert hominis vitam lodo tesserarum: quid ictu cadat, nō est in nobis situm: at quod cecidit, rectè disponere in nobis est: Sic euentus in nobis non est: quod obuenerit, id in bonum vertere nostri muneris est. Plutarchus.

\* Vt in fidibus ac tibiis, quanuis paululum discrepent, tamen id à sciente animaduerti solet: Sic etiam viuendum est in vita, ne fortè quid discrepet, vel multò etiam magis quò

maior & melior actionum quàm sonorum accentus est. Cic. l. 1. Offic.

\* Histrio si paulò se mouit extra numerum, aut si versus pronuntiatus est syllaba vna breuior, aut longior, exhibetur & exploditur: vita autem omni gestu moderatior, animique versu aptior esse debet. Idem, Parad. 3.

\* Vt ad cursum equus, ad arandum bos, ad indagandum canis: sic homo ad duas res, intelligendum scilicet & agendum natus est, quasi mortalis Deus. Idem, lib. 2. de finib.

\* Vt histrioni actio, saltatori motus, non quiuisset certus quidam est datus: sic vita agenda, certo genere quodam, non quolibet. Idem, l. 3. de finib.

\* Quemadmodum serenitas cœli nō recipit maiorem, adhuc claritatem in sincerissimū nitorem repurgata: sic hominis corpus animūq; curantis, & bonum suum ex utroq; necētes, perfectus est status, & summum voti sui inuenit, si nec æstus animo est, nec dolor corpori. Senec. epist. 67.

\* Quemadmodum per frequentia vrbis loca properanti in multos incurricandum est, & alicubi labi necesse est, alicubi retineri, alicubi respergi: ita in hoc vitæ actu dissipato & vago multa impedimenta, multæ querelæ incidunt. Idem, l. 3. de ira.

\* Non eadem hic quæ in cæteris peregrinationibus conditio est. In illis comprehensus aliquis limes, & interrogati incolæ non patiuntur errare. At hic tristissima quæque via & celeberrima decipit. Idem, l. de vita beata. cap. 1.

Vt qui variis tempestatibus huc & illuc iactatus est, nec tamen petuenit, non multum nauigauit, sed multum iactatus est: sic qui diu vixit, nec profecit ad bonos mores, non diu vixit, sed diu fuit. Senec.

Quomodo fabula, sic vita: non quàm diu, sed quàm bene acta sit, refert. Senec.

Vt in eundem amnem nemo bis descendit: sic ob rapidum cursum vitæ homo ad singula momenta alius est. Senec.

Supra modum deditus vino sæcem quoque exorbet: sic admodum vitæ audius, qui ne extrema quidem senectæ vult mori. Senec.

*Vide Senectus.*

*Vita æterna.*

Vt athletæ non ferunt coronam, nisi vicerint: Sic bonis viris præmia felicitatis non antè contingunt, quàm peractio huius vitæ certamine. Erasmus.

*Vituperatio.*

Palestritæ corpus humilient, vt alios deiciant: Ita quidam seipsos vituperant, vt videantur admirari familiares.

*Vitio.*

\* Cibo vititur iuxta naturam is qui esurit: ac vindicta debet vti, qui nec sitit eam, nec esurit. Plut.

\* Vt pater videns puerum volentem incidere quidpiam, arrepto ferro id facit: ita ratio vindictam eripiens iræ, vtiliter castigat. Idem.

\* Quædam remedia tristiora sunt ipso morbo, vt satius sit oppetere mortem, quàm his aucupari salutem: velut sugere sanguinem è vulnere recenti gladiatorum morientium: ita quandoque satius est ferre iniuriam, quàm maiore incommodo vlcisci: ferre pacem, etiam si parum commodam aut æquam, quàm bellum cum immensis malis suscipere. Eras.

*Voluptas.*

\* Non est necesse tanquam meretricem in matronarum cœtum, sic voluptatem in virtutum concilium adducere. Cic. l. 2. de finib.

\* Sicut

\* Sicut in aruo, quod segeti proscissum est, aliqui flores internascuntur, non tamen huic herbæ quamuis delectet oculos tantum operis insumptum est, aliud fuit serenti propositum, hoc superuenit. Sic voluptas non est merces, nec causa virtutis, sed accessio. Nec quia delectat placet: sed quia placet, delectat. Senec. l. de beata vita.

\* Sicut nauigatio in mari Syrtico periculosa est, & captarum ferarum sollicita possessio, sæpe enim laniant dominos: ita habentis magnæ voluptates in magnum malum euasere, captræque cœperunt. Quæ quod plures maiorésque, eò ille minor, ac plurium seruus est, quem felicem vulgus appellat. Idem, eod. lib.

\* Vt vlcera quædam nocitura manus appetunt, & tactu gaudent, & scædam corporum scabiem delectat quicquid exasperat: non aliter dixerim his mentibus, in quas voluptates velut mala vlcera erumpunt, voluptati esse laborem vexationémque. Idem, lib. 1. de tranquill. vitæ, cap. 2.

\* Quemadmodum scelera, etiam si non sint deprehensa cum fierent, solitudo non cum ipsis abiit: ita improbarum voluptatum etiam post ipsas pœnitentia est. Idem, epist. 27.

\* Quemadmodum qui bestiarum cubicula indagat, & laqueo captare feras magno æstimat, & magnis canibus circumdare saltus ut illarum vestigia præmar, potiora deserit multisque officiis renunciat: ita qui sectatur voluptatem omnia postponit, & primam libertatem negligit, ac pro ventre pendit: nec voluptates sibi emit, sed se voluptatibus vendit. Idem ibidem.

Vt maior dolor obscurat minorem: Sic animi voluptas corporis delectationem. Plut.

Vt qui in carcere detinentur vnde non sit effugium, tamen aliquando ludunt tesseriis: Sic qui in vita voluptatibus vtuntur cum sint scelerati. Plutarch.

Qui rogant quid simus facturi, si non edamus, bibamus, & huiusmodi rebus vtamur, perinde faciunt, quasi Danaides essent sollicitæ, quid facturæ sint si dolium impleatur. Plut.

Si ebrij comessatores irrumpant in domum luctu funestam, non solum nihil adferent hilaritatis, sed eiulatum potius excitabunt: ita voluptates in corpore ægro offendunt quoque. Plutarchus.

Lyfimachus ob sitim coactus est se dedere Scythiis: deinde cum frigidam bibisset aquam, dii boni, inquit, quam brevis voluptatis causa quantam deposui felicitatem: ita nobis cogitandum postquam ob potatiunculam in tempestiuam aut Venerem, in longum morbum incurrimus. Plut.

Qui corpus ægrè affectum ad balneas, ac voluptates trahit: quasi putrem, ac laceram nauem deducit in mare. Plut.

Vt latronum genus, quod Ægyptij Philistas vocant, in hoc amplectuntur, ut stragulent: Sic voluptates dum blandiuntur, necant. Senec.

Vt æquè mortuus est, qui conditus est in odoribus: & qui trahitur vnco: ita æquè sunt infelices, & qui voluptatibus indulgent, & qui ambitiosis negotiis vacant. Senec.

Qui biberint ex Clitorio lacu, iis vini tædium oboritur: ita qui semel gustarint poetice, abhorrent à philosophiæ præceptis, aut contrà: siue qui se mûdanis voluptatibus ingurgitant, abhorrent ab honestis illis ac veris oblectamentis. Eras.

Sicuti Maroneum vinum, cuius meminuit Homerus, viciis tanto aquæ mixtum,



mixturam, tamen vigorem suum seruat: ita sapiens nullis soluitur voluptatibus. Plin. lib. 14. cap. 4.

Tradunt phisici veteres, solem marinis aquis pasci, lunam dulcibus: ita sapientes amara quærent, modò vtilia: stulti quæ delectant modò, sectantur.

*Vide Insuperantia & Luxuria.*

*Vsura.*

*Vide Fœnus.*

*Vox.*

Taurus auis cum sit pusilla, tamen boum vocem imitatur: ita nonnulli cum re sint exigui, tamen loquuntur reges ac satrapas. Plinius libro 10. capite 42. libr. 9. cap. 42. & cap. 31. eodem libro.

*Vsus verum legisimus.*

Nihil proiectius excrementis animalium, & tamen stercoreandis agris præcipuum habent vsum: Ita nulla res est tam nihili, quæ non aliqua proffit, si noris vti.

Sicuti scorpius si post ictum admo-ueatur vulnere, venenum ad se retrahit: Ita nihil est tam noxium, quin secum adferat remedium sui mali, si quis modò vti nouerit.

*Vide Abusus.*

*Vulgus.*

Qui caprat aues, earum voces imitatur, vt alliceat in laqueos, sic, vt multitudinem in tuam adducas sententiam, illius ingenio obsecundes & obsequias oportet. Plut.

Inter agathallos & acanthylides tantum est odium, vt si sanguis eorum vi misceatur, continuò separent se rursus, ac diffiliant: Sic inter patricos & plebem, etiam si quando pro rerum vsu coniunguntur, durat tamen vsque odium naturale. Plut.

Nihil magis præstandum est, quàm ne pecorum ritu sequamur anteceditum gregem, pergentes, non quò cundum est, quò itur. Senec.

Vt qui in ludo versantur gladiatorio, cum iisdem viuunt ac pugnant: ita vulgus hominum inter sese dimicat, & alius alium spoliatur vel amicissimum. Senec.

Vt maiore cum voluptate cantionem audimus notam, quàm ignoram, etiam si melior sit: Ita iis literis impensus vulgus delectatur, quas didicit. Eras.

Vt imperiti tempestatem non sentiunt, nisi serò, suòque malo: contra prudentes agricolæ prospiciunt, cauèntque: ita vulgus hominum improvidum suo malo discit, cum interim vir sapiens procul præuisum malum vitet. Vt Democritus metente fratre ardentissimo æstu monuit, vt reliquæ segeti parceret, raperetque defecta sub tectum: paucis mox horis sæuo imbre vaticinatione approbata. Eras.

Sunt arbores aliquor, quæ post solstitium inuertunt sua folia, vt vlmus, tilia, olea, populus alba, salix: Ita vulgus procerum, simulatq; princeps viri genus diuersum commutatit, vertunt & ipsi vultum, cultum, orationem, & omnia. Idem.

*Vxor bona.*

Luna, cum Soli coniungitur, tum obscuratur & occultatur: cum abest, lucet: Contra, proba vxor præsentem marito maximè conspici debet, eodem absente maximè condici ac latere. Plutarch.

Vt orator neglectis fucis ac theatricis cultibus, rebus ipsi magis mouet auditorem: Sic vxor non meretricio corporis cultu, sed moribus commendatur viro. Plut.

Vt tibicen per alienam vocem sonat: Ita mulier quædam non grauabitur per virum loqui. Plut.

Vt philosophi loquentes principem, se reddunt nobiliores, non illum:

Sic

Sic vxores, subdentes se viro laudem consequuntur: conantes autem imperare, deterius audiunt, quàm quæ subiciuntur. Plut.

Cùm spirat Boreas, conatur vestem reuellere, at homo magis astringit pallium: quodd si sol tepido vento demulserit, iam sponte & tunicam abijcit: Sic vxor quæ conatur conuiuiis maritum à luxu reuocare, magis irritat: si placidè ferat & roget, magis efficit. Plutarch.

Vt geometræ negant moueri lineas & superficies sine corpore, sed vnà cum corporibus moueri: Sic vxori & in seriis & ludicris, fletu & risu, lætis & tristibus accommodabit se marito. Plutarch.

Qui ministrant elephantis non sumunt lucidam vestem: qui tauris, purpuream non induunt: nam his coloribus effertur: rigides tympanorum strepitum non ferunt: Ita vxor ab iis debet abstinere, quibus senserit maritum vehementer offendi. Plut.

Quæ videtur ridere apud virum, ne videatur lasciuia: nec agere quicquam, ne audax: perinde facit, quasi nec vngeretur, ne videatur vnguentis vti: nec lauaret faciem, ne fucis vti putetur. Plutarch.

*Vxor mala.*

Vt ælurus vnguentis efferatur, & iracundiam agitur: ita quædam vxores insaniunt, si senserint in viris vnguenta. Plutarch.


Sponsæ quæ statim offensæ moribus virorum, eos deserunt, perinde faciunt, ac si quis ictus ab apibus, mel relinquat. Plut.

Vt inutile speculum est, auro gemisq; adornatum, nisi repræsentet similem imaginem: ita inutilis vxor, quantumuis opulenta, si viro mœsto sit hilari, hilari mœsta. Plut.

Vt nemo sentit, qua parte stringat calcus: nisi qui indutus est: ita nemo nouit ingenium mulieris, nisi qui duxit vxorem. Plut.

F I N I S.

IN-



# INDEX LOCORVM COM- MUNIVM IN QVOS SIMI- LITVDINES SIVE PA- RABOLÆ SVNT digestæ.

## A



### ADICATIO

|  |       |
|--|-------|
| <i>Abſtinentia</i>                       | ibid. |
| <i>Abuſus rerum pernicioſus</i>          | ib.   |
| <i>Adhortatio</i>                        | 2     |
| <i>Admonitio</i>                         | ibid. |
| <i>Adoleſcentia</i>                      | 3     |
| <i>Adulatores &amp; aſſentatores</i>     | ibid. |
| <i>Adulatoris &amp; amici comparatio</i> | 6     |
| <i>Adulterium</i>                        | ibid. |
| <i>Ægritudo animi</i>                    | ibid. |
| <i>Æmulatio</i>                          | 7     |
| <i>Ætas</i>                              | ibid. |
| <i>Aſpectus</i>                          | ibid. |
| <i>Ambitio</i>                           | 9     |
| <i>Amicitia</i>                          | 10    |
| <i>Amicitia fucata</i>                   | ibid. |
| <i>Amicitia multorum</i>                 | ibid. |
| <i>Amicitia paucorum</i>                 | ibid. |
| <i>Amicitia bonorum</i>                  | ibid. |
| <i>Amicitia malorum</i>                  | 11    |
| <i>Amicitia neglecta</i>                 | ibid. |
| <i>Amicitia dirempta</i>                 | ibid. |
| <i>Amicitia reconciliata</i>             | ibid. |
| <i>Amicitia renouata</i>                 | 12    |
| <i>Amicitia principum</i>                | ibid. |
| <i>Amicorum electio proba</i>            | ibid. |
| <i>Amicus verus</i>                      | 13    |
| <i>Amicus ſucatus</i>                    | ibid. |
| <i>Amor</i>                              | 14    |
| <i>Amor ſui</i>                          | ibid. |
| <i>Amor proximi</i>                      | ibid. |
| <i>Anima</i>                             | 15    |
| <i>Animus</i>                            | ibid. |
| <i>Animi bona</i>                        | 16    |
| <i>Animi morbi</i>                       | ibid. |
| <i>Animi tranquillitas</i>               | 17    |
| <i>Animalia</i>                          | ibid. |

|                                     |       |
|-------------------------------------|-------|
| <i>Animaduerſio</i>                 | 18    |
| <i>Antiquitas</i>                   | ibid. |
| <i>Apopta</i>                       | ibid. |
| <i>Artes &amp; diſciplina</i>       | ibid. |
| <i>Aſſiduus</i>                     | ibid. |
| <i>Aſſuetudo</i>                    | ibid. |
| <i>Anaritia</i>                     | 19    |
| <i>Auditus</i>                      | 20    |
| <i>Auditor, &amp; eius officium</i> | 21    |
| <i>Aulica viſa</i>                  | 22    |
| <i>Aulici</i>                       | ibid. |
| <i>Auxilium</i>                     | ibid. |

## B

|                        |       |
|------------------------|-------|
| <i>Arbaries</i>        | 23    |
| <i>Beatiſtudo</i>      | ibid. |
| <i>Bellum</i>          | ibid. |
| <i>Beneficentia</i>    | ibid. |
| <i>Beneficia</i>       | 24    |
| <i>Beneuolentia</i>    | 25    |
| <i>Blandiloquentia</i> | ibid. |
| <i>Boni</i>            | ibid. |
| <i>Bonitas</i>         | ibid. |
| <i>Breniloquentia</i>  | ibid. |

## C

|                                     |       |
|-------------------------------------|-------|
| <i>Alumnia</i>                      | 25    |
| <i>Calliditas</i>                   | ibid. |
| <i>Caffigatio</i>                   | 26    |
| <i>Cafus</i>                        | ibid. |
| <i>Ceremonia</i>                    | ibid. |
| <i>Charitas</i>                     | ibid. |
| <i>Chriſtus</i>                     | ibid. |
| <i>Clementia</i>                    | 27    |
| <i>Cæleſtium rerum conſideratio</i> | ibid. |
| <i>Cogitatio</i>                    | ibid. |
| <i>Conatus</i>                      | ibid. |
| <i>Concordia</i>                    | ibid. |
| <i>Coniugium</i>                    | 28    |
| <i>Coniugij moleſtie</i>            | ibid. |

*Conſcientia*

# I N D E X

|  |       |                             |        |
|--|-------|-----------------------------|--------|
| Conscientia                            | 18    | Doctrina peritudo           | 40     |
| Consilium                              | 29    | Dolor                       | ibid.  |
| Consilium malum, consulsori pessimum   | ibid. | Dotes hominum diuersae      | 41     |
| Consilium senile                       | ibid. | Dux belli                   | ibid.  |
| Consilium precipitatum                 | ibid. | E                           |        |
| Consolatio                             | ibid. | Ebrietas                    | 41     |
| Consuetudo                             | 30    | Educio                      | ibid.  |
| Contemplatio                           | ibid. | Eloquens                    | 43     |
| Contemptus                             | ibid. | Eloquens vana               | ibid.  |
| Contrarietas                           | ibid. | Emendatio scriptorum        | ibid.  |
| Consumetia                             | ibid. | Error & apus                | ibid.  |
| Conuersatio & conuictus                | ibid. | Eruditio, vide, doctrina    |        |
| Conuictum                              | 31    | Euensui                     | ibid.  |
| Conuiuium                              | 32    | Exempti viae                | ibid.  |
| in Corporibus imbecillioribus interdum |       | Experientia                 | 44     |
| magna via                              | ibid. | Exercitio                   | ibid.  |
| Correctio                              | ibid. | Exilium                     | ibid.  |
| Corruptio                              | ibid. | F                           |        |
| Crux & tribulatio                      | 33    | Fama                        | 44     |
| Culus neglectus                        | ibid. | Falsa verbis dissimilia     | ibid.  |
| Cunctatio                              | ibid. | Fama bona                   | ibid.  |
| Cura supernuacanea                     | ibid. | Fama ex malefactis          | 45     |
| Curiositas                             | ibid. | Familiaritas                | ibid.  |
| D                                      |       | Fajus                       | ibid.  |
| Dammum                                 | 34    | Faor                        | ibid.  |
| Debitum                                | ibid. | Fiditas                     | ibid.  |
| Decorum                                | 35    | Fides seruanda              | ibid.  |
| Defensio                               | ibid. | Fly                         | ibid.  |
| Degeneratio                            | ibid. | Federa                      | ibid.  |
| Delectus                               | ibid. | Ianus & vsura               | ibid.  |
| Delicie                                | ibid. | Fortitudo                   | ibid.  |
| Desiderium                             | 36    | Fortitudo preposita         | 47     |
| Deus                                   | ibid. | Fortuna                     | ibid.  |
| Difficilia que pulchra                 | ibid. | Fortuna fausta              | ibid.  |
| Dignitas                               | ibid. | Fortuna aduersa             | 48     |
| Diligentia                             | 37    | Fortuna mediocri            | 50     |
| Dilectio ratio                         | ibid. | Fortuna inconstans          | ibid.  |
| Discipuli artium liberalium            | ibid. | Frases                      | ibid.  |
| Discordia                              | ibid. | Frugalitas                  | ibid.  |
| Disputationes                          | 38    | Fucus, vide hypocrisis      |        |
| Diffidium                              | ibid. | Fuga                        | ibid.  |
| Diffimulatio                           | ibid. | Fursum                      | ibid.  |
| Distractio animi ad res diuersas       | ibid. | G                           |        |
| Diuitie & opes                         | ibid. | Arrullitas, vide Loquacitas |        |
| Diuites                                | 39    | Gaudium                     | 51     |
| Docendi ratio                          | 40    | Gloria                      | ibid.  |
|  |       | Gloria                      | Gloria |



# I N D E X.

*Gloria cupiditas*

*Gratus*

*Gratitudo*

H

**H** *Aeres*  
*Historia*

*Homo*

*Hominis nobilitas*

*Hominis in rebus suis osciansia*

*Honestum*

*Honos*

*Hospitalitas*

*Hospis*

*Humanitas*

*Humilis*

*Hypocritis*

I

**I** *Atania*

*Imitatio*

*Imperium*

*Improbis*

*Impudicitia*

*Inconstancia*

*Indoles egregia*

*Indulgentia*

*Industria*

*Infamia*

*Infidelitas*

*Ingenium*

*Ingenium praecox*

*Ingenium infelix*

*Ingenium vires superas*

*Ingeniorum diversitas*

*Ingenium magni, magna etiam innata sunt*

*visia*

*Ignorantia & inscitia*

*Ingratitudo*

*Inhumanitas*

*Inimicitia*

*Iniuria*

*Innocentia*

*Insititia*

*Insolentia*

*Institutio*

*Intellectus*

*Intemperantia*

51

*Invidia*

*ibid.*

*Invidia felicitatis & virtutis comes*

52

*loci & sales*

*Ira vel iracundia*

52

*Iteratio*

*ibid.*

*Iudex*

*ibid.*

*Iudicium*

*ibid.*

*Iudicium peruersum*

*ibid.*

*Iuuentus & iuuentia*

53

L

*ibid.*

**L** *Abor*

*ibid.*

*Labor immodicus*

*ibid.*

*Laboris fructus*

*ibid.*

*Largitio*

54

*Laus*

*ibid.*

*Laus a semetipso profecta*

*Leclio*

54

*Leclionis delectus*

*ibid.*

*Leclionis multisaria usus*

55

*Lenitas*

*ibid.*

*Lex*

56

*Liberalitas*

*ibid.*

*Libertas*

*ibid.*

*Libido fada*

*ibid.*

*Licentia*

57

*Libri*

*ibid.*

*Librorum delectus*

*ibid.*

*Lingua*

*ibid.*

*Littere humaniores*

*ibid.*

*Lis*

58

*Litterarum amor*

*ibid.*

*Litterarum odium*

*ibid.*

*Loquacitas & Garrulitas*

*Lorum*

59

*Lusus*

*ibid.*

*Ludi, vide Spectacula*

*ibid.*

*Luxus & luxuria*

60

M

*ibid.*

**M** *Agistratus*

61

*Magistratus electio*

*ibid.*

*Maledicentia*

*ibid.*

*Malitia & improbitas*

62

*Mariti officium*

*ibid.*

*Matrimonium, vide Coniugium*

*ibid.*

*Mediocritas*

*ibid.*

*Memoria*

63

63

64

*ibid.*

67

*ibid.*

*ibid.*

*ibid.*

*ibid.*

*ibid.*

68

*ibid.*

*ibid.*

69

*ibid.*

*ibid.*

70

*ibid.*

71

*ibid.*

72

*ibid.*

*ibid.*

*ibid.*

*ibid.*

*ibid.*

*ibid.*

73

*ibid.*

*ibid.*

*ibid.*

*ibid.*

*ibid.*

74

*ibid.*

*ibid.*

*ibid.*

*ibid.*

75

76

*ibid.*

*ibid.*

78

*ibid.*

*ibid.*

79

*Men-*

# I N D E X.

|   |       |                                   |        |
|---|-------|-----------------------------------|--------|
| <b>Mendacius</b>                            | 79    |                                   |        |
| <b>Mens</b>                                 | ibid. | <b>P</b>                          |        |
| <b>Meretrix</b>                             | ibid. | <b>Pantes</b>                     | 90     |
| <b>Metus</b>                                | ibid. | <b>Peſſimonia</b>                 | ibid.  |
| <b>Mine</b>                                 | ibid. | <b>Pasſetia</b>                   | ibid.  |
| <b>Monachus</b>                             | ibid. | <b>Patri</b>                      | ibid.  |
| <b>Monarchia</b>                            | ibid. | <b>Paupertas</b>                  | 91     |
| <b>Morbi</b>                                | 80    | <b>Pax</b>                        | ibid.  |
| <b>Mores</b>                                | 81    | <b>Peregrinatio</b>               | ibid.  |
| <b>Morum ſimilitudo</b>                     | ibid. | <b>Periculum</b>                  | 92     |
| <b>Morum diuerſitas &amp; diſſimilitudo</b> | ibid. | <b>Perſaſio inania</b>            | ibid.  |
| <b>Morum in melius mutatio</b>              | ibid. | <b>Philophia</b>                  | ibid.  |
| <b>Morum mutatio in peius</b>               | 82    | <b>Philophus</b>                  | 96     |
| <b>Mors</b>                                 | ibid. | <b>Phyſionomia</b>                | ibid.  |
| <b>Mulier</b>                               | ibid. | <b>Pietas</b>                     | ibid.  |
| <b>Mundi contemptus</b>                     | ibid. | <b>Pena ſupplicium, multa</b>     | 97     |
| <b>Munus</b>                                | ibid. | <b>Poſis, poetica &amp; poetæ</b> | ibid.  |
| <b>Muſica</b>                               | 83    | <b>Poſſas, potentia</b>           | 99     |
|   |       | <b>Præceptores artium</b>         | ibid.  |
|   |       | <b>Præcipitatio</b>               | 100    |
|   |       | <b>Præmium</b>                    | ibid.  |
|   |       | <b>Præſumpſio</b>                 | ibid.  |
|   |       | <b>Præſtus</b>                    | ibid.  |
|   |       | <b>Princeps</b>                   | ibid.  |
|   |       | <b>Princeps bonus</b>             | 102    |
|   |       | <b>Princeps malus</b>             | 103    |
|   |       | <b>Principum educatio</b>         | ibid.  |
|   |       | <b>Principum factus</b>           | ibid.  |
|   |       | <b>Principum inter ſe odio</b>    | ibid.  |
|   |       | <b>Principum fauor</b>            | ibid.  |
|   |       | <b>Prodigalitas</b>               | 104    |
|   |       | <b>Pronuntiatio</b>               | ibid.  |
|   |       | <b>Prudentia</b>                  | ibid.  |
|   |       | <b>Pueritia</b>                   | ibid.  |
|   |       |                                   |        |
|   |       | <b>Q</b>                          |        |
|   |       | <b>Verimonia</b>                  | 104    |
|   |       | <b>Queſtus, ſine lucro</b>        | ibid.  |
|   |       | <b>Queſtio inutilis</b>           | ibid.  |
|   |       |                                   |        |
|   |       | <b>R</b>                          |        |
|   |       | <b>Abule forenſea</b>             | 104    |
|   |       | <b>Rapina</b>                     | ibid.  |
|   |       | <b>Ratio</b>                      | ibid.  |
|   |       | <b>Reconciliatio</b>              | 106    |
|   |       | <b>Recreatio, relaxatio</b>       | ibid.  |
|   |       | <b>Regnandi libido</b>            | ibid.  |
|   |       | <b>Religio</b>                    | ibid.  |
|   |       | <b>Regnum &amp; reges</b>         | ibid.  |
|   |       |                                   | Reſub. |

N

**N** **Asura**  
**Natura peruerſa & inconſans**  
**Negotium**  
**Nobilitas**  
**Novitas**  
**Novitas uiſanda**  
**Nominum mutatio**  
**Nola gratiſſima**  
**Nuge**  
**Numerus**

O

**O** **Bimurgatio**  
**Oblitus**  
**Obſcanitas**  
**Occaſio**  
**Ocium**  
**Odium**  
**Oeconomia**  
**Offenſa**  
**Officium**  
**Offectus**  
**Oratio**  
**Orationis virtutes**  
**Orationis vitia**  
**Orator**  
**Oſtentatio**

Q

R

# I N D E X

|   |       |   |       |
|---|-------|---|-------|
| <i>Respublica</i>                                 | 107   | <i>Superstitio</i>                        | 117   |
| <i>Respublica administratio</i>                   | ibid. | <i>Suspicio</i>                           | ibid. |
| <i>Mutationes &amp; nominationes in republica</i> |       |   |       |
| <i>perniciosissima</i>                            | 108   | <b>T</b>                                  |       |
| <i>Reprehensio</i>                                | ibid. | <i>Acidurnitas</i>                        | 117   |
| <i>Responsio</i>                                  | 109   | <i>Tarditas</i>                           | 118   |
| <i>Reuerentia</i>                                 | ibid. | <i>Temeritas</i>                          | ibid. |
| <i>Rhetorica</i>                                  | ibid. | <i>Temperantia</i>                        | ibid. |
| <i>Robur</i>                                      | ibid. | <i>Tempus</i>                             | ibid. |
|   |       | <i>Tempori inserviendum</i>               | ibid. |
|   |       | <i>Tenacitas</i>                          | 119   |
| <b>S</b>  |       | <i>Testamentum</i>                        | ibid. |
| <i>Aceros</i>                                     | 109   | <i>Timor</i>                              | ibid. |
| <i>Sacramenta</i>                                 | ibid. | <i>Tristitia</i>                          | ibid. |
| <i>Sanitas</i>                                    | ibid. | <i>Turpitudine</i>                        | ibid. |
| <i>Sapientia</i>                                  | ibid. | <i>Tyrannus</i>                           | ibid. |
| <i>Sapiens</i>                                    | 110   |   |       |
| <i>Scientia</i>                                   | 11    | <b>V</b>                                  |       |
| <i>Scorum, vide Meretrix</i>                      |       | <i>Arietes</i>                            | 120   |
| <i>Seditio</i>                                    | 12    | <i>Verbum Dei</i>                         | ibid. |
| <i>Senectus</i>                                   | ibid. | <i>Veritas</i>                            | ibid. |
| <i>Sermo</i>                                      | 13    | <i>Vestitus</i>                           | 121   |
| <i>Servitus</i>                                   | ibid. | <i>Victoria</i>                           | ibid. |
| <i>Seueritas</i>                                  | ibid. | <i>Vicinitas</i>                          | ibid. |
| <i>Silentium &amp; taciturnitas</i>               | ibid. | <i>Vicissitudo rerum</i>                  | ibid. |
| <i>Simulatio &amp; dissimulatio</i>               | 14    | <i>Vindicta</i>                           | ibid. |
| <i>Simultas</i>                                   | ibid. | <i>Vindicta diuina</i>                    | ibid. |
| <i>Solitudo</i>                                   | ibid. | <i>Vinum</i>                              | 122   |
| <i>Sonitus</i>                                    | ibid. | <i>Virtus</i>                             | ibid. |
| <i>Sophista</i>                                   | ibid. | <i>Virtutum</i>                           | 124   |
| <i>Sors</i>                                       | ibid. | <i>Virginitas &amp; vitiorum cognatio</i> | 125   |
| <i>Spectacula &amp; ludi</i>                      | 115   | <i>Visus</i>                              | ibid. |
| <i>Spes</i>                                       | ibid. | <i>Vita hominis</i>                       | ibid. |
| <i>Splendor</i>                                   | ibid. | <i>Vita aeterna</i>                       | 126   |
| <i>Studium</i>                                    | ibid. | <i>Vituperatio</i>                        | ibid. |
| <i>Studiorum diuersitas</i>                       | ibid. | <i>Vltio</i>                              | ibid. |
| <i>Studium immodicatum</i>                        | ibid. | <i>Voluptas</i>                           | ibid. |
| <i>Suauitas</i>                                   | 116   | <i>Vox</i>                                | 128   |
| <i>Suauitas</i>                                   | ibid. | <i>Vsura, vide Fenus.</i>                 |       |
| <i>Stylus</i>                                     | ibid. | <i>Vsus rerum legitimus</i>               | ibid. |
| <i>Successus rerum</i>                            | ibid. | <i>Vulgus</i>                             | ibid. |
| <i>Superbia</i>                                   | ibid. | <i>Vxor bona</i>                          | ibid. |
|   |       | <i>Vxor mala</i>                          | 139   |

F I N I S.

